

Chippie



h

XXXVI D 7

~~10-15-B-30~~





9226-9




# LEXICON MATHEMATICVM




MEXICON

MATHEMATICA





HIERON. VITALIS.C.R.  
 QVADRIVM SCIENTIARVM  
 LE XICON *sive* MATHEMATICVM



RECEIVED  
JANUARY 1881  
OFFICE OF THE  
POSTMASTER  
WASHINGTON

*Ex Libris Regis. <sup>my</sup> Missionis S. Romane*

# LEXICON MATHEMATICVM.

H O C E S T

Rerum omnium ad vniuersam planè Matthesim  
quoquo modo, directè, vel indirectè  
spectantium,

COLLECTIO, ET EXPLICATIO.

*Continens Terminorum, præsertim exoticorum, dilucidationem,  
Nominis rationem, atque Etymologiam, Principia, Præcepta  
communia, Axiomata, &c. ac breuem, & exactam*

*Doftrina traditionem; adiectis, ubi opus est,  
Schematibus, ad pleniorẽ Tyronum  
intelligentiam.*

Vt non immeritò

QVADRIVIUM SCIENTIARVM,

Ac totius MATHESIS PROMPTVARIUM dici possit.

AUTHORE

HIERONYMO VITALI  
CLERICO REGVLARI.



ROMAE, TYPIS ET IMPENSIS IOSEPHI VANNACCII.  
ANNO MDCXC.

---

SVPERIORVM PERMISSV.

# LEXICON

OF THE

AMERICAN

DICTIONARY

OF THE

AMERICAN

DICTIONARY

OF THE

AMERICAN

DICTIONARY

OF THE

AMERICAN

DICTIONARY

OF THE

AMERICAN

DICTIONARY





MO MO  
ILLVSTRISS. AC REVER. DOMINO  
**D. FRANCISCO**  
**PIGNATELLO.**  
TARENTINORVM ARCHIEPISCOPO,  
REGIO CONSILIARIO, &c.  
Ex Clericis Regularibus Assumpto.

*Hieronimus Vitalis Clericus item Regularis F.*



**A**VD equidem extra  
Domum, Præsul Am-  
plissime, mihi quæren-  
dus Heros, cui conue-  
nientiùs, & auspicatiùs  
Opus hoc dubiæ cæte-  
róqui fortis, nuncuparem; quando in-

trâ Domesticos Lares, atque in Homini-  
bus nostri Ordinis & Instituti, Tu mihi  
occurris, qui cuncta magnarum virtu-  
tum, & gloriosi nominis decora, quæ  
de foris per partes in alijs dispiciuntur,  
& emicant; in Te vno bellè complecte-  
ris, & exæquas. Nominis claritas, Na-  
taliū splendor, Insulæ Dignitas, Ani-  
mi magnitudo, Munificentia, Comi-  
tas, Varia eruditio, Litterarum amor, &  
in earum Cultores impensissimum stu-  
dium; quæ singula per se satis essent ad  
Scriptores alliciendos, vt vni eorum  
suas lucubrationes altè locatas dicarent;  
omnia, inquam, in Te vno, mirabili ne-  
xu coadunata, comperiuntur. Quid,  
quòd Religionis vinculum, & com-  
munis olim viuendi ratio, id sibi arctiùs  
vendicat, atque in ius vocat quod hæ-  
reditario iure, cū Naturæ vectigal, in  
quoddam municipale ius venit? Ete-  
nim nostra longè fortiùs stringunt,  
quam extera; & feliciùs exsurgunt ger-  
mina,

mina, quæ ex vno, eodemque caudice  
pullulant, quàm insititij furculi, in  
alienam, quamuis generosissimam arbo-  
rem, implantati. Accedit singularis in  
me Tuus, in meaque omnia, iamdiù ex-  
pertus amor: vt non nisi turpissimæ in-  
gratitudinis notam subirem, si quæ, Te  
suasore ac promotore, magna ex parte  
parauì, non Tui nominis honorificen-  
tià insignirem, & publicæ luci da-  
rem: vt profectò priuatæ necessitudi-  
nis iusta repensio, æternùm extet publi-  
cæ confessionis stabile Monumentum.  
Accipe ergò, illà eàdem, qua me sem-  
per prosequutus es, benignitate, hoc  
qualecumque sit, meæ veteris obser-  
uantia pignus; nomenque Tuum in  
fronte, veluti quamdam immuni-  
tatis tesseram ambitiosè portare,  
æquo animo sustine. Namque, cùm  
eius conditionis sit, vt vniuersum  
Orbem Litterarum, incognitum &  
solitarium, atque in peregrino ha-  
bi-

bitu , ( vt materies postulat , ) de-  
beat peragrarè; cultus, & visus aspe-  
ritatem Tua insignia leniant, æstima-  
tionem , & curiositatem concilient ;  
sicque apud ingenuos saltem eruditos-  
que Lectores, hospitio recipiatur, suas  
peregrinas merces gratis, ( haud tamen  
ingratis & auersantibus) elargiturum :  
scientibus , in nudis alpestribus , &  
inaccessis montibus, sæpè aurum ab-  
scondi ; sub aspero, & durissimo cor-  
tice suauem nucleum contineri; atque  
in Sacratissimæ Tibi barbaræ Philosophiæ  
Antris, latitare posse Silenos.



# P R A E F A T I O

*Ad Beneuolum, ac benè affectum*

In Mathematicas Facultates, Lectorem .



N tibi tandem, humanissime Lector, Lexicon Mathematicum latius extensum, omnesque Mathematicas facultates complectens, quale iam diu promiseram, quale tu ardenti studio expetieras, figuris appositis, plurimisque numeris auctum, confidentius sisto. Sed quantum mutatum ab illo quod pridem typis Parisiensibus dederam! Ut, praeter titulum, & prima delineamenta, nihil penè in isto inuenias, quod sit illi commune; ac proinde non idem secundis curis elaboratum, ut in conceptis erat, sed planè aliud iure dixeris. At enim ut Operis dignitati, votisque doctiorum hominum responderem, aliam mihi eius instituendi ineundam viam, seriùs ac sanius intellexi: ut qua in illo, ex nimia festinatione & iuuenilis ardore, peccaram; hic senili cunctatione, & supercilio castigare, indigesta recoquere, lacunas implere, sentes, innatasque in serendo, inutiles herbulas rescicare, eaque tantum reponere, qua Lectorum profectum in Mathematicis, materiei amplitudo, & suscepta scriptionis grauitas postulabat. Id ergo magnis ausibus animo voluens, atque argumento tumidus, manum operi admoni, nec quantum mihi superesset in prosecutione, laboris, nec in illè vires meas emensus, nec quam tandem itineris metam apprehensurus essem attendens, imprudens  
inccr-

incerto, vastissimoque me pelago, rectore, velo, ac remige destitutus, exposui. Cum ecce ad inhospitas, horridas, & intemtatas hactenus oras, expansi; fluctibus penè mersus, pedem retrahere, & littus tenere, si quàm possem, seriò cogitavi.

- 2 Sed cunctantem redarguit pudor, & fidei oppignoratio desperationem iniecit, desperatioque animos addidit, ut non in regressu minùs, quam in capiti persecutione, periculorum, ac certi naufragij aleam persentirem. Namque ( ut prudenter aduertit Seneca, ) Crescit animus, quoties cæpti magnitudinem attendit, & cogitat quantum propositi, non quantum sibi superfit. Eapropter nullam emergendi facultatem despiciens, mihiq; ipsi irascens, quod intentatam ab alijs doctissimis viris provinciam, incautè mihi assumpserim perscrutandam; atque iniquam nobilissimarum disciplinarum sortem simul condolens; quod, cum aliàs reliquæ inferiores facultates suas explicationes, suos Canones, sua Lexica absolutissima habeant; ipsa contrà, inculta, abiecta, desolata, atque ignota, sub barbaris & exoticis vocabulis iaceant, nullo ordine, nullo ornatu; ( quandoquidem, ut inquit Hortensius apud Hugonem Grotium, Sacra ista sine vlla pompa tractari amant; & Mathematicis ipsa per se ornari negat, contenta doceri; Satis sibi complacens de ingenita maiestate, solis cum vera sapientia amatoribus conuersari; ) enimuerò id magnum Reip. detrimentum reputans, si sola sibi saperent, atque in desertis, horrifonis, præruptisque cautibus, ac dumetis obstitis penetrabilibus, degerent inhospita, inaccessa; earum præstantiam, utilitatem, diuitias persequi aggressus sum, & quàm potui facilitate, ordine ac methodo, amplissimam viam sternere, & eradicatis spinis ac sentibus, complanare.

- 3 Quare, improbo suscepto labore, non iam Quadriniũ præcipuarum Mathematicæ facultatum, ut olim; sed unicam, Regalem ac maximam viam, quæ ad omnes vel minimas, ac subiectas artes aditum aperiret, latè contravi, eamque nedum permeabilem, sed & iucundam amœnamque studiosè feci, Vniuersale Lexicon adornando; in quo, nedum voces omnes exoticas, bar-

In Præfat.  
ad Lib. 4.  
Q. Q. Naturali,

De Studijs  
instructio-

Vide infra, in V.  
Quadriniũ.

barbaras, peregrinas, improprias, & ineptas, ceterum asperissimas  
 cautes perpolini, atque ex clymo, desensa scabritie, dedolavi;  
 sed & penitissimum doctrina nucleum atque medullam deprom-  
 psi, communiora axiomata tradidi, Canonesque breuiter dilu-  
 cidavi: ut iam nil Mathesis Candidato desit, quod non felici-  
 ter, (ausim dicere, suauiter & iucundè) innitet, ac manu-  
 ducat ad hac studia alacriter capeffenda, fructumque ex ijs  
 vberimum, citrà laborem fastidiumque, legendum, ac degu-  
 standum. Ad hac figuras ex are incisas ad oculorum illece-  
 bram, & animi leuamentum apposui; instrumenta, machinas-  
 que descripsi; Architectura tum Ciuilis tum Militaris precepta  
 collegi, Opera insignia recitauit. Denique, etsi pedem extrà Or-  
 bitam figere, nefas duxi; sistere tamen tantisper in limite equum  
 habui, manum foras extendere ad circumsepitos flosculos decerpen-  
 dos, aspectumque ad circumstantes aliarum scientiarum amantia-  
 tes conuertere, atque ab seuerioribus studijs oppressum recreare, non  
 indignum putauit. Etenim verè dixit Plinius. Magna pars, stu-  
 diorum amoenitates quærimus: Quæ verò ab alijs tractata  
 dicuntur, immensæ subtilitatis, obscuris rerum tenebris  
 premuntur. Stet sua laus, & grauitas primis Mathesis Pro-  
 fessoribus; nostris Tyronibus, vipote delicatulis atque in tanta  
 studiorum varietate nauseantibus, oportet non rugosam, non  
 asperam, non seueram Mathesis frontem exhibere; sed libera-  
 lem, facilem, promptam, diuitem, ut eius amore atque ille-  
 cebris capti generosi Iuuenes, sublimiora studia, quibus Reipubli-  
 ca profint, seipfos ditent, ceteris praluceant, prosequantur:  
 ut iure mihi per iocum illud Apellis dictum obiectare possis.  
 Non valuisti facere pulchram, fecisti diuitem. Ita planè:  
 cum proprijs lineamentis iuxta verum, & ut rei dignitas po-  
 stulabat, eam ad vinum figurare, impotem me agnoscerem, varijs  
 monilibus exornaui, ut natura defectum suppleres vberitas, &  
 quæ in proprio solo sata vix germinarent, in alieno in magnam  
 segetem adolescerent, ac sub mitiore calo, consitarum circa  
 domesticarum stirpium, pulchritudinem, ac dulcedinem parti-  
 ciparent.

In Præfat.  
 ad Vespas.  
 Calarem.



4 Ad hunc finem omnium Mathematicarum Disciplinarum semina, quin & Artium ipsis subalternarum surculos & genuinas voces, in hoc Lexicon, cœd in spatiosum & variantem horum, nullo delectu, nullo ordine, nulla textura, (nisi quantum Alphabeti processio postulat) confertim coadunavi, & in totidem veluti areolas ab inuicem seiunctas dispersui, ut animus per eum liberè expatiari queat, & ubi libuerit immorari, vel aliò diuerſi; aut defatigatus pedem sistere, nec ultra progredi sit coactus ex connexione materiei aut verborum; propterea & paragrapha ipsa disperiui, ut lector intelligat, se solis, singula capita stare, nec ullam cum precedentibus, aut subsequētibz habere connexionem. Itaque habebunt studiosi quique in hoc opere locum, & spatiosum campum varia literaturà, (nec necessariò continuanda,) animum imbendi pro suo cuiusque genio, captu, ac libertate. Neque enim Mathematicis tantùm scribo: habebunt ipsi solidam, copiosam ac placidam doctrinæ traditionem, ut nil planè desit, quod non eos ad vniuersam Mathesim erudiat ac manuducat; nec deerit alijs aliarum scientiarum cultoribus, varia in omni genere eruditionum messis, quibus sua desideria expleant, & simul, velint nolint, Mathematici fiant, ut saltem sine horrore Mathematica dogmata voluant, in ijs aliquid, quod suo genio arrideat conspiciantur; ac tandem ità hisce studijs afficiantur, ut gratum habeant inter Mathematicos conuersari; inde in Mathematicis congressibus aliquid de suo expromere delectari, adeo ut sapè quis de repente Mathematicus inter philosophos se factum stupeat.

Mireturque nouas frondes, & non sua poma.

5 Enimuerò in curiosa Operis excursionē plus fortè offenderet Lector, quam simplex titulus præfert, & ex insitiis hoc trunco suauissimos quandoque fructus educi. Videbit quippe, me non purum compilatorem Mathematicorum terminorum agere; sed, ubi res postulat, & nexus quem cum Mathesi habet Philosophia, suprà quam veluti basim fundatur illa, plurimas, easque iucundas & curiosas quæstiones exsuscitare, discutere, ac definire; quæ etsi non in eo cœritudinis, & euidentiæ

gra-



gradu posita sunt, quo solum scientia Mathematica gloriantur; attamen ipsi stabiliendis magno adiumento esse possunt, atque ab ipsis vicissim robur & fortitudinem nanciscuntur: ut iam multe veritates olim in Natura maiestate latentes, circa quas Philosophia discurrens decepta est, postea ex principijs Mathematicis è tenebris eruta, novos Philosophos, antiquos, & magnos errores deducere; proindeque nunquam has nobilissimas facultates se solis incedere tutò posse, sed alteram alterius auxiliari manu egere. Eiusmodi sunt varia Mundi excogitata Systemata ad saluandos Celestes motus, & apparentias; Media Zona præ nimio ardore inhabitabilis; & passim multa, quæ iam falsitatis redarguuntur, & antiquos philosophos, Chronologos, Geographos, & Astrologos, uno tantum pede gradientes, lapsos ostenderunt, afferentes non causam pro causa: atque adeo nil mirum, si à verò longissimè aberrarunt. Sed in his Geographia tutior ac felicior porro est, quæ post compersam rerum veritatem incedit; & nihil admittit, quod non manu, & sensibus antè tenuerit. Propterea nil mihi, vel valde parum de ea hic differendum fuit, & solum ad operis complementum summa capita ac terminos generales exponere, ratum habui; tantumque ut innotesceret, & ipsam venire in cæterarum Mathematicarum facultatum consortium, nec infimum sibi locum deberi. Cæterum si Locorum omnium, Regionum, Prouinciarum, Climatum, Marium, descriptiones assumpsissem, profectò in immensum scriptio excreuisset, Lectoremque grandi mole territum à lectione abalienasset. Eo maxime, quod cupienti non deerunt in hoc genere sua Lexica Geographica, Theatra, Thesauri, Atlantes, atque Tabula vniuersales, à Ptolemaeo, Mercatore, Ortelio, Magino, Ferrario, alijsque confectas; ac nouissime Antonino Bandrando, qui duobus magnis Tomis, Ferrarij Lexicon Geographicum ampliavit, (quod utinam in alijs sublimioribus utique Mathematicis facultatibus, alijs præstitissent!) ut propterea acta agere, & doctissimorum hominum labores sibi assumere, operosum valdè, superfluum; & criminofum foret. In alijs verò disciplinis suis vocabularijs destituitis, largior.

gior fui, & fortè profusior, atque audentior; quippe non intra earum tantummodò terminos me continui, sed aliquantulum prætergressus, at consinia pedem extendi, & florida quadam, ac incunda libando, ut Lectorum diuersis genijs morem gererem, seueriora studia blandis euagationibus delinui.

6 In his, data opera, Astronomiam, eiusque vocabula expositurus; Astrologiam eius filiam, sed plerumque ab malis Philosophis vanis observationibus, ac iudicijs temeratam, intexo: idque, ut bonam frugem à vitiatâ secernerem, puteque acnuda Astrologia nanos, & mendicitatem ostenderem: quandoquidem ea inter Mathematicas disciplinas, quin & inter naturales scientias computanda non est, sed inter enatos, ut ita dicam, è putri ob nimiam pinguadinem, gleba fungos, qui vix plurimum noxij & venenati noscuntur, quamquam deprauato gustui sapsidissimi. Propterea eius effusa suspecta sunt: & nedum quâ diuinatariam respicit, & futurorum liberorum, aut fortuitorum præscientiam, quæ vulgò Iudiciaria audit, & Sacrorum Canonum pariter, & secularium Principum decretis damnata est; sed etiam quæ in naturalibus tantum causis, & necessariò operantibus sistit, quæ sæpè fallax, incerta, atque evanida inuenitur. Non quòd ea in se falsa sit, & causa

superiores suo effectu priuentur; sed quòd non plenè ab hominibus teneatur, cum nequeant tot infinita propemodum cause ad eundem effectum concurrentes, in indiuiduo definiri, aut saltem in specie determinari, eoquod illæ æquiuocæ sint, sibi ipsi obstantes, ac repugnantes, monstruosæque sæpè partus ex conflictu parturientes; quòd sit, ut inter tot disparatas, varias, & non semper recurrentes easdem siderum configurationes, discernere haud valeas humanum ingenium, neque ex ingi experimento colligere, quæ verè insinuant in effectum, quæue ex contrariorum obstinentia, frustranea, vel impotentes inueniantur. Ni fortè talis sit Calorum constitutio, tam manifesta, concors, & præpotens siderum combinatio, subiecti passibilis dispositio, nullo obice interueniente, ut notâ iam eorum natura, respondentibus semper effectibus, & nunquam fallante

*experientiâ ; prudens ac rectum argumentum induci possit ,  
 talem effectum à tali causarum concursu ortum habere &  
 recurrentibus causis ; necessariò expectandum . Tales sunt  
 Maxima , & prepotentiſſima Superiorum Coniunctiones , que  
 naturam ſublunarem concutunt , & magnis alterationibus  
 reddunt obnoxiam , ut ſemper experimur . In eodem genere  
 ſunt Luminarium Eclipses , maximè ſi à Maleficiſ ſint abſeſ-  
 ſa , & Beneficarum auxilijſ deſtituta : que non modò in ſcipiſ  
 ſis quando accidunt , prauideri poſſunt , ſed in ipſarum effe-  
 ctibus , quibus nunquam vacuas præterire videmus . Simili-  
 ter exortus aliquorum ſiderum cum luminariſ , & planetis :  
 Ingreſſus Solis in puncta Cardinalia , ubi ſit noua combina-  
 tio , & immutatio primarum qualitatum in hiſce inferioribus ,  
 & experimur ſummum calorem , aut frigus in Solſitijs , &  
 magnam temperiem in Aequinoctijs , & magis aut minus , pro-  
 ut Sol plus minusue ad noſtrum verticem accedit , &c. Qui-  
 bus maniſeſtis , ſemperque in idem recidentibus conſtitutioni-  
 bus exceptis , reliquæ ſunt in ancipiti , obſcuræ nec ſatis com-  
 pertæ , facilè effectû carentes , & ab contrarijs cauſis praua-  
 lentibus interturbanda ; ut non niſi à purgato & expertiſſimo  
 intellectu rectum iudiciû iniri poſſit , qualis effectus ex tan-  
 tarum , ac diſſitarum naturâ cauſarum concursu , ſit proditu-  
 rns , quanam praualeant , quanam obſiſtant & earum vires  
 infringere apta ſint .*

*Quodideo , eſſi de purè naturalibus effectibus , necessariò à ſuis  
 cauſis proximè ad operandum diſpoſitiſ ſit coniectatio , nullo  
 iure prohibita ; non tamen ſemper ad ſcopum collimat , immò  
 verò multoties fallit , quia fallitur intellectus in cauſarum  
 examine , ſcrutinio , & delectu ; ut in longè magis perſpecta  
 natura elementari euenire paſſim videmus , ubi plures , ſibi-  
 que obſiſtentes cauſa in eandem effectum concurrunt ; prodire  
 nimirum monſtra , & varias abortiones , quas nunquam ſu-  
 ſpicareriſ . Eſt tamen innocens , nec planè inutilis talium per-  
 quiſitio , maximè poſt effectum ſequutum ; quia per frequen-  
 tatos actus comparatur habitus , & ſcientia experimentalis , at-*

que ex eodem effectu pluries repetitio, denenitur in agnitionem genuina causa, unde naturaliter prodeat. Et ideo communiter admittuntur, & permittuntur ab Ecclesia Astrologica pradi-  
 ctiones, quæ concernunt Agriculturam, Nauigationiam, & Artem medicam; quia, etsi sæpè non congruant, & fallaces in-  
 neniantur; plurima tamen, quæ in occulto erant, manifesta fiunt, & errando cautiore, & sapientiores efficitur. Id quod non obscure insinuant Angelicus Doct̃or, & expressis in sua Con-  
 stitutione Sixtus V. aduersus Astrologos iudiciarios edita, ubi hæc de Astrologicis pradictionibus pronuntiat. Neque verò ad futuros, & fortuitos casus (futuris euentibus ex cau-  
 sis naturalibus necessariò, vel frequenter prouenientibus, quæ ad diuinationem non pertinent, dumtaxat exceptis) ullæ sunt veræ artes aut disciplinæ. Et mox infra, circà purè naturalia, clariùs mentem suam exponit in hæc verba: Permissis tamen iudicijs, & naturalibus obseruationibus, quæ Nauigationis, Agriculturæ, siuè Medicæ artis iuuan-  
 di gratia, conscripta fuissent. Etenim, quanquam in huiusmò-  
 di iudicijs aliquando interuenit error, & inscitia professò-  
 rum, nihilominùs lapsibus via sternitur, & ipsi errores de-  
 tecti ad latentem veritatem conferunt, si postmodum celestes causa intimùs perscrutentur, & ad quantum earum actiuitas se extendat, agnoscatur. Id quod in omnibus facultatibus, & scientijs præsertim coniecturalibus, locum habet, & valet oppi-  
 dò ad firmandam stabiliendamque earum vniuersalem Theo-  
 riam.

- 8 Sic passim practitari conspiciamus in Medicina, circà morbos extraordinarios grauissimos & occultos, ubi ars desipit, & sapientissimi etiam Medici hallucinantur, & confunduntur in eorum principijs eruendis; unde, est quod agri miserè pereunt ex defectu scientiæ, vel præpostera applicatione medicamen-  
 torum. Quare laudabiliter introductum est, diffecari corpora; ut ex partibus læsis, origo morbi, qualitas, & processus com-  
 periat: qua notitia ex repetitis actibus comparata, ipsi in posterum experientiores fiant in eiusmodi morbis adjudicandis

atque ad contraria remedia salubriter applicanda. Est ergo  
omnis Astrologica coniectatio purè coniecturalis: eaque aut  
rationabilis, aut præsumptuosa, & fallax: adeoque, aut vero  
accedens, aut errores inuoluens, atque perniciofa. Verosimilis,  
& rationabilis est, qua veras causas attingit, atque ex ra-  
tionabili discursu procedit, colligens ex naturalibus causis effe-  
ctus, aut ex effectibus genuinas causas. Temeraria autem, fal-  
fa, & Reip. perniciofa, qua ultro se extendit ad diiudican-  
dos effectus, qui neutiquam ex tali causa prodire possunt, ut  
est de actibus liberis, ac fortuitis: pro quibus necessario falsum  
assumitur, & superstitio in animarum perniciem propagatur.  
Quæ inuult hic luculentiùs explicasse, ad larnam nobilissimis  
atque innocentissimis aliqui disciplinis, tollendam, & puræ Ma-  
thefis professorum cautionem.

Ceterum hæc lacinia sunt nostri Operis, & Mathefis rei-  
clementa, quæ intrà sinum suum excipere dignatur. Solidio-  
ra ipsa exquirat: firmissima & certa, quæ ex demonstratis prin-  
cipijs feliciter eruuntur; quibus nos insistimus, ac toti sumus.  
At enim de illis etiam aliquid dicere coacti sumus ex colli-  
gantia, & necessariâ dependentia, quam habent à vera Astro-  
nomia, & demonstrationibus Mathematicis, neque enim iam  
subsistere queunt quæ falsis aut malè acceptis è Mathesi prin-  
cipijs innituntur. Cuiusmodi sunt de Antiscijs, atque Lunari  
Horoscopo (quem Partem Fortune nominant) Antiqui tradide-  
runt, constituentes ea in locis, quæ Astronomica demonstra-  
tio repugnat admittere. Similiter quæ de signorum natura,  
ac proprijs fixarum influxibus, tum ex seipsis tum ex congres-  
su cum Planetis, dixerunt. Quæ modò ex recessu Octauæ sphaera  
à Primo Mobili, veritati minùs congruunt, ut in loco osten-  
dimus. Quæ verò de earum significatis in Horoscopo aut in  
Occasu ex Manilio, Arato, Firmico, & Pontano, audentiùs  
dicta adduxi, ea vel philosophicis rationibus, ac reperiitis ex-  
perimentis comprobo; vel, ut non satis concocta, rejicio; vel  
sanè, ut Poetarum lusus, ad ornatum, & lectoris oblectamen-  
tum appono; cum cateroqui non tanti sint, quæ valeant Le-  
gen-

*gentem in errores abducere, & vicinversa ob styli elegantiam  
& poeticam festiuitatem in astimatione sunt.*

IO Igitur Mathematica serietati nettimus incundiores è philo-  
sophia petitis Quæstiones, atque ex arido, & salebroso solo  
dulces aquas elicimus; ut defatigatus ex longo itinere animus  
sedeat, & quæ circa sunt, tantisper inspectando, recreetur. Neque  
verò Regia Dignitati detrahit cultus exterior, & auro gemmisque  
intexta clumys, augeat obsequium & maiestatem. Quocirca Qua-  
stionum curiosarum, & extrà vagantium Indicem, in Lecto-  
rum gratiam, præfixi Operi, ut vel Matheseos grauitatis fa-  
stidiosus osor, in ipso non nihil suæ frugis inuenias; & subli-  
mioribus illis disciplinis addicti, habeant quò animum exple-  
ant sine multà defatigatione, imò cum ingenti gaudio, & vo-  
luptate. Quæ verò in omni genere eruditionis speciali obser-  
uatione digna cognoui, hoc signo **B** ad marginem annotaui.  
Rom. I. Quid facias? Sapientibus, & insipientibus debitor sum;  
Inquit Apostolus, Doctis, & indoctis morem gerere, & pro-  
desse satègi; tantùm ut bono affectu Volumen euoluant, non  
ut maligni, quidquid ipsis non arriserit, carpant, sed quod  
ipso in re litteraria iuuare queat, eligant, quæ infrà eorum  
capium, aut summam perspicacitatem sunt, prætermittant.  
Neque enim ambiciosus sum, nec multum aueo, hæc quæ de  
rebus Mathematicis, nouâ methodo scripsi, omnium manibus  
indifferenter seri: iuuat enim in presenti id usurpare, quod  
de suis scriptis dicere solebat Romana eloquentia ac pruden-  
tia princeps Tullius, referente Lucullo, lib. 2. de Orat. Quæ  
scriberet, neque à doctissimis legi velle, neque ab in-  
doctissimis: quod hi nihil intelligerent; illi plus fortas-  
se, quam ipse de se. Ita planè, prorsus indocti nihil inue-  
nient in hisce elucubrationibus, quod ipsos erndire valeat,  
aut innatam inscitiam defricare: quinimò ad titulum perhor-  
rescent; & si opus euolues sciolus quis, geometricas figuras  
magicos characteres dicet; ac barbara verba, Damonum nomina  
reputabit. At nimium docti, & in omni scientia, ac litte-  
rarum varietate probè exerciti, nil offendent, quod ipsis sit



nonum: & forè nauos notabant & doctrinæ pauperiem, & scriptoris infelicitatem.

At mihi porrò, ex varia & sapius repetita omnis generis lectione librorum; tum in dubijs, ex doctissimorum virorum eruditis conferentijs, plurimum lucri accessisse, pretiosissimasque gazas in hoc Lexicon adportasse, inuidus sim, si diffinear. Equidem benignum est (ut inquit antiquus ille) & plenum ingenui pudoris, fateri per quos profeceris. Propterea ad eius, aliorumque Recentiorum Scriptorum imitationem, alium indicem Operi præfixi, Authorum ex quibus licuit aliquid excerpte ad eius conformationem: In quibus qui de Mathematicis disciplinis luculenter, & ex professo scripserunt, diuerso & grandiori charactere notati sunt; ut ex ijs possit studiosus Tyro, si velit, iustam, & satis conferiam sibi Bibliothecam comparare. Tum honoris, & grati animi repensu, eos hic nominare placet, quos viua voce consulere, fors, & eorum comitas dedit, quique propositis argumentis, ac suppeditatis, quos non habebam libris, magnam partem, & meritum locupletati Operis sibi vendicant. In his præcipui fuerunt duo Illustrissimi atque eruditissimi Aule Romana Proceres, Franciscus Maria Victorius, & Ioannes Ciampinus, ambo utriusque, ut vocant, Signatura Referendarij: duo item è Soc. Iesu, in Collegio Romano Mathesis Professores, Franciscus Eschinardus, & Antonius Baldigianus: ex nostris, Guarinus Guarinus, mens olim Connouitius, & cum primis amicus: atque ex exteris, Vitalis Iordanus, in Romano Sapiientiæ Archigymnasio Mathematicarum publicus Explanator. Nec sua laude fraudandus est optima spei Iuuenis, Carolus Boersfuler, in Geometricis, & Mechanicis, non leuiter versatus; qui mihi sedulam operam præstitit, & magna adiumento fuit, ad figuras designandas atque in laminis incidendas.

Hæc sunt, humanissime Lector, quæ te præmonuisse in vestibulo Operis duxi: nec dubito, quin ea animi promptitudine atque alacritate, secundas has curas excepturus sit, quæ informe Lexicon Mathematicum, festinatum, & imperfectum opus,

Plin. in—  
Prof. ad  
Histor.  
natur.

opus, & adhuc, ob mei absentiam, infinitis propemodum mendis scatens, Lutetianis typis eusum, Viginis tribus ab hinc annis, cum gaudio suscepisti. Cuius rei luculentum testimonium habeo, & citam librorum distractionem, & tuas benignissimas litteras, quibus me harentem & cunctabundum, ad profequendum opus, adactis stimulis, animasti: ac subministrata ampliore novorum vocabulorum supellectile, ultro caput submittere coëgisti. En tibi obsequens fidem soluo; quaeque de tuo penu magnam partem, accepta sunt; in omnium studiosorum commodum, grandi fiducia reddo. Si qua verò minùs accuratè, minùs aptè tradidi, prudens excusa, & amice mone, ut corrigam: siquidem ad scribendum me induxi, non tam, ut alios doceam; quàm, ut ipse res meas alijs ultro communicando, sapientumque castigationibus expositas, si quid malè dixi, dedecet, & sapientior fiam. Quocircà quaecumque scripsi, nedum S. R. E. quà decet reuerentia, & humili affectu; sed & tua, amice Lector, correctioni lubens subijcio.

12 Tandem ad Operis faustum ingressum, & grande utique authoramentum, placuit nobile Anagramma eidem praefigere, quo olim, non tam genere quàm eruditione excellentissima, in nomen meum & librum, lusit ingenuosa puella, vix tertium lustrum egressa, cum Messanà iter agentem, ibique per dies aliquot subsistentem, parensu suorum nusu, me accersit, gratulata est aduentum; & sui ingenij partibus nil tale ambientem, gratiosè voluit honorare. Porro, ut grati animi hoc quaecumque rependerem monumentum, aquum duxi id publici iuris facere; non ut plausum operi, & gloriam meam captem; sed ut noscat Litteratorum Respublica, quam uberem ingeniorum segetem educat fecunda in omnibus semper Trinacria tellus, quæ in molli sexu, & in Virgine, intrà domesticos lares in delicijs innutrita; tam sapidos, succosos, & sententiae pondere graves fructus, edere nata sit. Quandoquidem in hoc Annagrammate, subiectoque ad maiorem eius elucidationem Oëtastico, mirari non satis est elegantiam, puritatem, verborum proprietatem, quò sermo se explicat, alias



tot duris legibus coarctatus, nihil puerile, nil flaccidum, nil  
 contortum aut humi repens, in hoc scribendi genere ultro per-  
 missum, admitteus; sed pari seueritate & ac venustate proce-  
 dens, ne unâ quidem litterula præterita, aut commutata,  
 habita etiam exactissima metri & syllabarum ratione: ut non  
 tam liberiùs securus & ornatiùs ambularet vaga, solutaque  
 oratio: adeò perspicua, grauis & mascula est Verborum ex-  
 pressio. Vt meritiò dixeris Apollinem, & Mineruam suas di-  
 uitias omnes & munera, in hac nobili Alumna reposuisse; quan-  
 do aliàs seuerioribus studijs, quibus sedulo incumbit, intento  
 animo applicata, Poeticam, & Musicam miscet, &  
 per otium internectis: iure inter Pierias virgi-  
 nes decima, sed Principe loco adnumeran-  
 da. Sed iam Lectorum admira-  
 tioni, & plausui hoc felicitis  
 ingenij specimen est  
 exponendum.



Admodum Reuerendus Pater

**DON HIERONYMVS**  
**V I T A L I**  
**INSIGNIS MATEMATICVS.**

Anagramma Litterale, Purissimum:

*Ab Illustrissima, & Ornatissima Virgine*

**D. ANNA ARDVINO,**  
**ET FORNARI.**

Excellentissimi Palizzi in Sicilia Principis Filia  
Disticho comprehensum.



Hoc enodantur Mundi nitidissima gesta;  
Empyreum vadis lumine terra suo!

**EPIGRAMMA**

**O** Mnia, quæ cunctis fuerant abscondita mundi,  
Hoc enodantur, sat manifesta viris.  
Quàm benè describens nitidissima gesta Tonantis,  
Omnibus ostendit, quæ petit astra, viam!  
Fortunata micans tanto Virtutis alumno,  
Nobilis, ò Tellus gaudia vera capis!  
Aurea Terra, suo virtutum lumine vadis,  
Empyreum, qualis sæcla beata ferens,

IN-

# INDICVLVS

## LOCORVM ET VERBORVM,

*Qua in hoc opere examinantur.*

<b>A</b> Littera.	Aliquòta pars.	Anisòcycla.
Abacus.	Alpes.	Anser Americanus.
Abaton.	Alterna ratio.	Antecèdend.
Abscissa.	Ambo.	Antèrides.
Accessus obfidio-	Ambulacrum.	Anteparistatis.
nales.	Ambulacrum valli.	Antepilàni.
Acidoides.	Amphipròstylos.	Antibòreum.
Acies.	Amphithàlamus.	Antiquum opus.
Acrobàtica ma-	Amphitheàtrum.	Antlia.
Acrotèria.	Amùssum.	Antòche.
Actus.	Amusseàtum opus.	Aoristæ.
Actuàrij.	Amygdalàtum.	Apodixis.
Adiàmeter.	Anaglyphicum.	Apophyges.
Aeolipylæ.	Anàbathra.	Apothelèsma.
Aequatio.	Analèmma.	Apothèsis.
Aequipòndium.	Analogia.	Apòtome.
Aera.	Anapòrica.	Applicatio.
Aërostatica.	Ancònes.	Applicatæ.
Agger.	Andrònes.	Aplis, & Abfida.
Agmen.	Anemographia.	Aquæductus.
Albàrium.	Anemoscòpium.	Aquilègia.
Alæ.	Angiportus.	Arachnæ.
Algebra.	Angon.	Arca.
Alhabor.	Anguli.	Arce.

Area.	Basilica.	Caput porcinum .
Areòstylos .	Basiliscus .	Carcamùsa .
Arenàtum opus .	Bellum .	Carchèsum .
Arganum .	Benàcus .	Càrtibus, seu Carti- bulum .
Argumentum .	Bes .	Caryàtides .
Aries .	Biblia petraria .	Calamatta .
Artèmo .	Biclinium .	Cassìs .
Arx .	Biffæ .	Càssides .
As .	Bìforum .	Castella .
Asaròtum .	Bilanx .	Castrum .
Ascendes machina.	Binòmium .	Castra .
Ascij .	Blindes .	Castramentatio .
Ascriptæ .	Bòlides .	Casus .
Astràgalus .	Bolis .	Catapulta .
Asymptòti .	Bombæ .	Cataracta .
Atrium .	Bombàrda .	Catenæ .
Atticùrges .	Boristhenes .	Cathetus .
Aula ,	Bòsphorus .	Catogeum .
Auricula .	Botontini .	Catòptrica .
Auxilia .	Breuiarium .	Catti .
Axis .	Breuissima .	Cauædium .
	Briccolæ .	Cauliculi .
Ballista .	Bùccina .	Caurus .
Balneæ .	Bùcula .	Càusæ .
Baltheus .		Cella .
Balùstria .	Calathòides .	Centrobàryca .
Banchus .	Càlarhus .	Centrum .
Baptistèrium .	Cancer .	Centrù grauitatis .
Barbacànum .	Candelabrum .	Centuria .
Barcodæsia .	Canon .	Ceròstrota .
Barocolimbica .	Cantèrij .	Cerui .
Bàrycæ &	Capitòlium .	Chalcidicum opus .
Barycèphalæ .	Capitellum .	Character .
Basamèntum ,	Capitulum .	Chamæleon .
Basis .	Caprèoli .	Char-

Charnelli.	Còmmata.	Crates vimineæ.
Chelo.	Compàctiles tra-	Craticij parietes.
Chelònia.	bes.	Crepido.
Chòdaces.	Complementa.	Cryptæ.
Choràgium.	Compluuium.	Ctesibia machina.
Chorèa.	Compositio geo-	Cubus.
Coròbates.	metrica.	Culmen.
Chorographia.	Compositus ordo.	Cutcelli lignei.
Chors.	Còmputus.	Ad cultrum.
Chroma.	Concameratio.	CùnCUS.
Ciclica linea.	Concentus.	Cunetta.
Ciligònia.	Conchòis linea.	Cuniculus.
Cìmbia.	Conclauc.	Cymàtium.
Circuitòres.	Conclufiones.	Cymbalum.
Circumvallatio.	Conferta ædes.	
Circus.	Cònsequens.	Data.
Cifsòides.	Consonàtia locorù.	Decani.
Classis.	Constructio.	Decuriones.
Clatri, &c.	Contignatio.	Decretorij dies.
Clatràta opera.	Còntinens.	Decubitus.
Claues.	Contràfortia.	Deductio mathe-
Climacis.	Contubèrnium.	matica.
Cnòdaces.	Conuèrgere ac di-	Deformatio.
Coaffatio.	uèrgere.	Degradatio.
Còchlea.	Conus.	Delphinos.
Cœmeterium.	Corax.	Demonstratio ma-
Cohòrs.	Coriceum.	thematica.
Collicia.	Corinthus ordo.	Denticulus.
Colloròbi.	Còrium.	Depalationes.
Collyria.	Corona.	Designatio.
Columbària.	Corpora regularia.	Detractiones.
Còlumen.	Corfa.	Diàbathra.
Columna.	Cortina.	Diabète.
Columnaria.	Corus.	Diachisma.
Comma.	Coruus.	Diàcopi.

Diz.

Diæta .	Ecclesiastèrium .	Erisma .
Diaglyphicum .	Echèa .	Erogatòrium .
opus -	Echinus .	Eunoplia .
Diagonalis linea .	Echinatum tectum .	Euripi .
Diagramma .	Echinomètræ .	Eurythmia .
Diapason .	Ecphoræ .	Eùstylos .
Diàstylos .	Effigiare .	Euthygrammus .
Diathesis .	Eleothèfium .	Euthymetria .
Diàthyra .	Ellypsis .	Exàmilon .
Diàtonus .	Elix .	Exaèdron .
Diaulos .	Embater .	Excùbiæ .
Diazòmata .	Emboli .	Exedra .
Diayorhècon .	Emissarium .	Exercitus .
Diesis .	Emplecton .	Exòstra .
Dieta .	Encarpus .	Expeditiò militaris .
Diezèugmenon .	Engibata .	Exploratores .
Digitus .	Engyscòpium :	
Diplècton .	Enoplia .	Fabrica .
Diptèros .	Entatis .	Facies .
Directionis motus .	Epàgon .	Falx .
Disdiapason .	Ephebæum .	Falx .
Dispanfa ædes .	Epibathra .	Falera .
Displuviata tecta .	Episcènium .	Farctura .
Dispositio .	Epistylum .	Fàscia .
Distegia .	Epistòmium .	Fastigium .
Distributio .	Epitagma .	Fauces .
Diuèrgere .	Epitècticum .	Fauis .
Dodrans .	Epithides .	Fèmora .
Dòlicus .	Epitòxis .	Festones .
Dolon .	Epizygis .	Fibula .
Doma .	Epocha .	Fistula .
Dorica ratio .	Equi frisi .	Flexæ .
Dracònes .	Equitatus .	Flos .
Drungi .	Ergata .	Focus .
Duellum .	Ericius .	Forfex .

For-

Forfices .	Grus fidus .	Hyalòst rotum .
Forcìpula .	Gula .	Hybernacula .
Fornix .	Guttæ, & Guttulæ .	Hydra .
Fortalitiùm .	Gymnasium .	Hydrographia .
Forum .	Gynæcèum .	Hydrothologia .
Fossa .		Hiftiodromica .
Foffula .	Halorromètrum .	Hydraulæ .
Fretum .	Halon, feu halò-	Hydrus .
Frons .	Hàlyfis . (nes .	Hygrometrum .
Frontònes .	Hædi .	Hylegialia loca .
Fultura .	Hamàtæ tegulæ .	Hypate .
Fundamentum .	Harmonia .	Hypaugus .
Funda .	Harpaginetuli .	Hyperbola .
Fùndulæ .	Harpagones .	Hyperthyrum .
Fustibalus .	Hastati milites .	Hypetræ .
	Hectamoria .	Hypocaustum .
Galàxia .	Hegira .	Hypomochlium .
Gàlea .	Heleiaria ars .	Hypothenùsa .
Garittæ .	Helepolis .	Hypothyrum .
Geodæxia .	Helix .	Hypotrachelium .
Gestatoriæ scalæ .	Helices .	
Glofsòcomum .	Hemicylindrus .	Iactatoria .
Glottologia .	Hercius .	Ianua .
Gnoma .	Hexamilon .	Iapix .
Gnomon .	Hiftriodromica .	Icnographia .
Gnomònica .	Holometrum .	Icosaèdrum .
Gonàrche .	Homogenea .	Imbolus .
Gradatio .	Homæmomeria .	Imbricatum opus .
Gràphice .	Homologum .	Immissarium .
Groma .	Horizon .	Impàges .
Gromàtica .	Horologia .	Imperantia signa .
Gruma .	Horoscopa .	Implèola .
Grumus .	Horoscopus .	Impluviium .
Grundæ .	Horoscopus Luna-	Incile .
Grus .	Hostorium . (ris .	Inconiuncta signa .
		Incum-

Incumbæ.	Lacôtomus.	Longitudo Geo-
Individua corpora.	Lacunar.	graph:
Indivisibilia.	Lacus.	Lorica.
Indus.	Lambæuras.	Loxodrômica.
Infarcinatio.	Latæ. (nom:	Lumen.
Ingenia.	Latitudo Astro-	Lumina.
Insula.	Latitudo Geo-	Lunatio.
Interlunium.	graph:	Lupus sidus.
Intermissiones.	Latitudo ortiva.	Lupus machina.
Interpensiua.	Latus.	Lux.
Intersectio.	Latus rectum.	Lyfis.
Intertignia.	Lemma.	
Interuallum.	Lepus.	Machina.
Intestinum opus.	Lefæ.	Maleficæ.
Intuëntia signa.	Lèsbia regula.	Mallèoli.
Inuersuræ.	Libella.	Mànacus.
Ionicus ordo.	Libra.	Mànganum.
Irruptiones.	Lilium.	Manipulus.
Isodomum. (rx.	Limen.	Mantellum.
Ifoperimètræ figu-	Liminaire.	Manùcla.
Iforropostatica.	Limenëuritica.	Manucodiata.
Isthmus.	Limes, & limites.	Manus ferrea.
Iùgerum.	Limitarij.	Mappæ.
Iugum.	Limbus.	Marcha.
	Linda.	Marchab.
Kàbala.	Linea.	Marchèb.
Kalendæ.	Lineamenta.	Margo.
Kalendarium.	Lingua.	Maritimæ.
Kosmon.	Lingula.	Marmoratū opus.
Krage.	Linum.	Mathematica.
Kus.	Lithobatos.	Mechanica.
	Lithòstotros.	Mediana. (nalis
Làbarum.	Lituus.	Media proportio-
Labdarèi.	Loci Geometrici.	Medium cœli.
Lacònicum.	Longitudo Astron:	Medusæ caput.

Me-



Megalographia.	Monotriglyphus.	Notæ.
Meniæna.	Monoxila.	Nōtius piscis.
Meniscus.	Monūbile.	Nouenaria.
Mensa.	Motus.	Nouilunium.
Mēnsula.	Primum Mobile.	Nūcleus.
Mensula.	Mūrices.	Numerus.
Mentum.	Mus, & musculus.	Nux.
Meridianus.	Musæum.	Nymphæa.
Mesaquilo.	Mūsca.	Nymphæum.
Mesaula.	Muscarij.	
Mese, & meson.	Musuaria.	Obedientia signa.
Mesolabium.	Muta Musica.	Obeliscus.
Meta.	Muta signa.	Obliqua signa.
Metatores.	Mutilata signa.	Obliquatio.
Metoche.	Mūtuli.	Obscuræ stellæ.
Metopæ.	Myōparo.	Obsessio militaris.
Microcōsmus.		Obsessio planetarum.
Micromēga.	Nadir.	Occidens. (mus.
Microscōpium.	Nahar Alcharnèr.	Occidentales do.
Militaris ars.	Nares.	Occidentalis pla.
Miles.	Naris ceti.	Occurrentes. (neta.
Milliarium.	Nauis in Architec.	Octaèdrum.
Mina.	Nauis fidus.	Octastylus.
Minutiaria.	Nauale.	Octaua sphaera.
Missilia.	Nebulosæ stellæ.	Oculus.
Mobilia signa.	Nete.	Odèum.
Moderatores.	Nèuma.	Oeci.
Modulus.	Nili.	Olympiades.
Moduli Aquarij.	Nocturnum signum.	Onager.
Moduli Musici.	Nodus in Acie.	Opæ.
Moenia.	Nodi in Astronom.	Ophiucus.
Momentum.	Nodi in Architec.	Ophthalmia.
Monangon.	Nodi Constellatio.	Oppositio.
Monochòrdum.	Nona sphaera.	Optica.
Monoptèros.	Norma.	Orbis in Astron.

Orbis in Acie.	Paradisus Terre-	Pénula.
Orbita.	stris.	Penumbra.
Ordinatio in Ar-	Paradisus in Ar-	Peregrinus.
chite.	chite.	Pèrgula.
Ordinatio in re mi-	Paradròmides.	Periacti.
Organum.	(litari.) Paràllage.	Peribolus.
Oriens.	Parallaxis.	Peridromus.
Orion.	Paralleli circuli.	Perigèum.
Orthodròmica.	Parallelogrammū.	Perimètros.
Orthogònius.	Parallelopèdum.	Periodus.
Orthogònale.	Parallelopipèdum.	Perioeci.
Orthographia.	Paramèter.	Periphèria.
Orthostota.	nète.	Periphrasis.
Osculana pugna.	Paràmeter.	Peripteros.
Ostensor.	Parapègmata.	Periscij.
Ostium.	Pararythmus.	Peristylum.
Ostia in Geograph.	Paràstata.	Peritòmidæ.
Ouàlis figura.	Parauogèl.	Peritritos.
Ouium.	& ouicu.) Parhypate.	Peritrochium.
Ouum allan.	(lūm.) Paries.	Perpendiculū.
Oxygòonium.	Parigiunt.	Perseus.
	Parmā, & parmula.	Persona.
Pagmentum.	Partilis radius.	Perspectiua.
Palæstra.	Partitiones.	Pes.
Palatio.	Passer.	Phalæ.
Palatium.	Pauimentum.	Phalarica.
Palilitium.	Pauo sidus.	Phalanx.
Paliosfa.	Pauonacea tecta.	Pharetra.
Pallandræ.	Pedatūra.	Phaselus.
Palma.	Pèdites.	Phases.
Palmam Mensura.	Pegàsus.	Phellos.
Pansèlene.	Pegma.	Phoenix.
Pantòmetrum.	Pelècios.	Phœnicopterus.
Paràbola.	Peltæ.	Phœnomena.
Parabolismus.	Peninsula.	Phonocampica.

Pho-

Photonomia.	Ponderosi planetæ.	Propugnaculum.
Pica Brasiliiana.	Pons.	Propus.
Pictura.	Porisma.	Proplasma.
Pilæ in Architect.	Poristmon.	Propylæum.
Pilæ.	Porta.	Prozogatores.
Pilum.	Porticus.	Proscenium.
Pinacotheca.	Postus.	Proslambamenos.
Pinnæ.	Postularæ.	Prostactellum.
Planetæ.	Potest.	Prosthaphæresis.
Planum.	Potestas.	Prostmos.
Planiforme propu-	Præcinctiones.	Prostylos.
gnac.	Præcept.	Protygeter.
Planisphærium.	Præsidium.	Prôthyra.
Plantæ.	Prætentura.	Prothyrides.
Plastice.	Prætorium.	Protypon.
Platea.	Prætoriana cohors.	Pseudo-castellum.
Platea armorum.	Præuentionale.	Pseudo-sæmum.
Plâticus.	Primum mobile.	Pseudo-dipteros.
Platonîa.	Principia ; & Prin-	Pseudo-stella.
Plèiades.	Principatus. (ceps.	Pseudotyrum.
Plenilunium.	Prisma.	Ptera, pteros.
Pleura.	Problema.	Pulpitum.
Pleura, & Pleuritis.	Processio.	Pulsatio.
Plinthus.	Procoction.	Puluinus.
Plinthium.	Procyon.	Puncta terra.
Plumbatæ.	Profectiones.	Punctum.
Pluteus.	Progressus.	Puteus.
Pneumatica orga-	Prohibitio luminis.	Pycnostylos.
Podismus.	Proiectura.	Pyloclastum.
Podium.	Promissiores.	Pyrobola.
Poëtica.	Promontorium.	
Polemica.	Promuralia.	Quadrata.
Poliôrçetica.	Pronaum.	Quadrantal.
Polii.	Propnigendum.	Quadrangulus.
Polichronium.	Proportionalitas.	Quadrans.

Quadrans instrum.	Refractiones.	Sagitta telum.
Quadratus.	Refrenatio.	Sagitta Geom.
Quadrataria ars.	Regiæ stellæ.	Sagitta fidus.
Quadratrix linea.	Regio.	Sagittarius.
Quadrigæ falcata.	Regimentum.	Sagma.
Quadrinium.	Regula.	Saltatio.
Quantitas.	Regulæ in Archi.	Saltator.
Quarnellus.	Regula Lesbica.	Sambuca.
Quarteria.	Regula aurea.	Sappa.
Quintana.	Regula falsæ.	Satellitium.
Quintilis radius.	Regulare.	Saturnus.
Quotiens.	Regulus Stella.	Scabellum.
Quotus.	Remuneratio.	Scala.
	Replum.	Scala altimetra.
Rabdologia. (met.	Rescissiones.	Scala geometrica.
Radius apud Geo.	Resolutio.	Scala musica.
Radius apud Astr.	Rete.	Scalenum.
Radius Geometr.	Reticulatum opus;	Scamilli. (chi
Radius Latinus.	Retinacula.	Scamna, & ban-
Radix.	Retractiones.	Scamnum.
Radix quadrata.	Retrogradus.	Scandula.
Ras.	Reuolutio.	Scapus.
Ratio.	Rhombus.	Scena.
Rationalis.	Rhomboides.	Scenographia.
Rationalia signa.	Rhumbus.	Scheat.
Rauclinus.	Rigor.	Scheder.
Receptio. (taris)	Rosa nautica.	Schedir.
Receptus in mili	Ruderatio.	Schisma.
Rèchamus.	Rugæ.	Sciather.
Recinctum.	Ruminantia signa.	Scintillatio.
Rectum.	Rythmus.	Sciomachia.
Rectangulum.		Scola.
Rectilineum.	Sabùrra.	Scorpio machina.
Reductus.	Sàcoma.	Scorpio signum.
Reflexio.	Sacrarium.	Scorpiones.

Sco-

Scotia.	Silens Luna.	Spòrades.
Scotomènia.	Sima.	Spranga.
Sculptura.	Similitudo.	Springalla.
Scùtula.	Sinus.	Squadra.
Scutum.	Siparum.	Stadium.
Secans.	Sirius.	Statèra.
Secretarium.	Sistroides.	Stàtica.
Sectio.	Smaltum.	Statio.
Sectio equi.	Sol.	Stationarij.
Sector circuli.	Solidum.	Statuaria.
Secundi mobiles.	Solidus numerus.	Statumen.
Sedes armorum.	Solstitium.	Stega.
Semiquadratus.	Spaltum.	Stelæ.
Sesquiquadratus.	Spaliones.	Stella.
Semitonium.	Sparæ.	Stella iunior.
Separatio.	Spari.	StenterophònicaTuba.
Septentriones.	Specula.	Stereobata.
Septentrionale.	Speculum.	Stercometria.
Septizonium.	Specula vistoria.	Stratagèma.
Serpens sidus.	Specus.	Stratagèum.
Serpentarius.	Sphænisus.	Striæ.
Serra.	Sphæra.	Strigæ, vel striges.
Serratile corpus.	Sphæræ.	Stròbilus.
Sesquiquadratus.	Sphæristerium.	Structura.
Sexagenaria. (mic.	Sphæròides.	Stuccum.
Sextans Astrono-	Sphæroma.	Stylòbata.
Sexteràda.	Sphæropèia.	Subconferta.
Sextilis radius.	Spinòides.	Subdispanfa.
Sidus.	Spica Virginis.	Subcuneati postes.
Sidera discurrentia.	Spicarum manipul.	Subgrundæ.
Signa.	Spicatum opus.	Sublicæ.
Signifer in Zodiac.	Spiculum.	Sublunaria.
Signifer in re milit.	Spingarda.	Subscudes.
Signifex.	Spira.	Subsecium.
Silenographia.	Splendor.	Subsidia.

Sub-

Substructio.	Tèrebra.	Tonus.
Subtenfa.	Termini.	Topiaria.
Sùbula.	Terra.	Topographia.
Subulo.	Terrea signa.	Tormenta.
Succedens.	Tertiarium.	Torneamenta.
Sùcula.	Tessera.	Torquètum.
Suculæ.	Testudo machina.	Torus.
Sudationes.	Testudo fidus.	Trabs,& Trabeatio.
Suggrundæ.	Tetrachordum.	Trabucus.
Supercilium.	Tetradòron.	Trabucètum.
Superficies.	Tetraèdrum.	Tractoriæ machi-
Superiores.	Tetrans.	næ.
Superliminare.	Tèxtrina.	Transitus.
Suppetiæ.	Thalamus.	Translatio luminis.
Symmetria.	Theatrum.	Transstra.
Symptòma.	Amphitheatrum.	Transuerfa.
Synodus.	Theorèma.	Transuerfaria.
Systèma.	Thermæ.	Trapanum.
Systemata musici.	Thermomètum.	Trapèzia.
Systylos.	Thermòpilæ.	Trapezoides.
Syzigia.	Theismophoria.	Trauacha.
	Tholus.	Triangulus.
Tablinum.	Thoracium.	Triarij.
Tabula.	Thoracòmachus.	Tribucèta.
Tàctica.	Thorax.	Tribuli.
Tania.	Thronum.	Tribuna.
Talcæ.	Thyròmata.	Tribuni.
Tangens.	Tibia.	Triches.
Tectum.	Tibialia.	Trichoris.
Telamones.	Tibicen.	Tricinctum.
Telescopium.	Tichòdrifus.	Triclinium.
Telum.	Tigillus.	Triforium.
Templum.	Tiranni.	Triglyphus.
Tentorium.	Tòlleno.	Trigonum.
Tepidarium.	Tonfillæ.	Trigonocràtor.

Tri-

Trigonometria.	Valuarum aperitio.	Vmbo.
Trinus radius.	Vapor.	Vmbra.
Tripantum.	Vaporarium.	Vmbrago.
Triporticus.	Veetus.	Vnda.
Triquetrum.	Vela.	Vngula.
Trispastum.	Velamen.	Voluta.
Tròchlea.	Vèlites.	Vraniscos.
Tròchilus.	Velitatio.	Vraniscus.
Troia.	Velox.	Vultur cadens.
Tropæophori.	Venter.	Vulpes machinæ.
Tropici.	Ventus.	Vultur volans.
Trullus.	Venus.	Vvactæ.
Truncus.	Vergiliæ.	Vvega.
Trutina.	Versura.	
Tuba.	Vertex.	Xiphias.
Tubus opticus.	Vespertinus.	Xystus.
Turina.	Vestibulum.	
Tutcanum opus.	Velligium.	Ypolypsis.
Tysem.	Vexillum.	Ypsometria.
Tympanum.	Via combusta.	
Tympana.	Via lactea.	Zenith.
Tyrsis.	Vigiles.	Zeta.
	Vindemiator.	Zerema.
Vacuum.	Vincæ.	Zodiacus.
Vacuus cursu. (le.	Violenta signa.	Zona.
Vallum obsidiona-	Vmbilicus.	Zòphorus.
Valux.	VmbilicusAndrom.	





## ELENCHVS AVTHORVM

E' quorum Monumentis nostra hæc  
illustrauimus.

*Vbi, Qui de Mathematicis ex professo scripsere ;  
grandiori charactere notantur .*



- |  |  |
|--|--|
| Bdixæ Babylonij Hi-<br>storia Ecclesiast.                            | Militari.                              |
| <i>Abalphati Persæ ,</i>   | <i>Achilles Statius. In Arati Phæ-</i> |
| <i>Asphahanensis Pa-</i>   | <i>non.</i>                            |
| raphrasis , & Notæ in po-<br>steriores lib. Conicor. A-<br>pollonij. | <i>Adami. Eritach . Architecturæ</i>   |
| <i>Abraham Auenarre . Iudæi</i>                                      | <i>Militaris.</i>                      |
| <i>Director. Astronom.</i>   | <i>Adami. Reifneri . Descriptio</i>    |
| <i>Abraham Auenexra . De Iu-</i>                                     | <i>Yrbis Hierosolymitanæ .</i>         |
| <i>dicij Signot.</i>   | <i>Adam Vrsinus. De noua Stel-</i>     |
| <i>Abraham Brouij Annales Ec-</i>                                    | <i>la Cassiopeæ .</i>                  |
| <i>clesiastici.</i>  | <i>Adrian. Meisus . De vsu Glo-</i>    |
| <i>Abraham Echellens. Maronita</i>                                   | <i>bi &amp;c.</i>                      |
| <i>in Apollon. Conic.</i>  | <i>Adrian. Rømeus . De Trian-</i>      |
| <i>Abraham Zacusi Iudæi , Al-</i>                                    | <i>gulis Sphæricis.</i>                |
| <i>manach.</i>   | <i>Adriani Vlacq . Tabulæ Si-</i>      |
| <i>Abraham Orsellij . Thesaur.</i>                                   | <i>num , cum Logarithm.</i>            |
| <i>Geograph.</i>   | <i>Item &amp; Quæstiones Astro-</i>    |
| <i>Achilles Marozius . De Arte</i>                                   | <i>nomicæ .</i>                        |
|  | <i>Adriani Turnebi, Aduersaria.</i>    |
|  | <i>Aegidius Columna, de Regim.</i>     |
|  | <i>Principum.</i>                      |

*Aegid.*

- Aegid. de Costinges*. Logistica, &c.  
*Aegid. Tscudi*. Prisca Rhetia.  
**AELIANVS**. De Instruend. Aciebus.  
*Aelius Lampridius*.  
*Aelius Spartianus*.  
*Aemilius Probus*.  
*Aenea Gazei Sophista*, *Ta-rica*.  
*Aeneas Silvius*.  
*Agathias*.  
*Allain Manesson Mallet Galli*, *le Trauaux de Mars*, hoc est *Architect. Milit.*  
*Albategnius*.  
*Alberici de Rosate*, *Dictionar. Iuris*.  
*Alberti Curtij*. *Magnum Cæ. li Systema*.  
*Alberti Abb. Fuldens. Chroni-con.*  
*Alberti Dureri*. *Geometria*.  
*Alberti Lincmanni*. *Observat. Astronom.*  
*Alberti Pighej*. *Varia Astro-nomica*.  
*Albertus de Saxonia*. *De Cæ-lo, & Mundo*.  
*Albobazel Arabs*. *de Stellar. motu*.  
**ALBVMASAR**. *De magnis Coniunctionibus*.  
*Alberti Stadenf. Abb. Chroni-con.*
- Alexander Achillinus*. *De Orbib. Cælest.*  
*Alexand. de Ales*, *in lib. senten-tiar.*  
*Alexand. de Alexandro*, *dies Ge-niales.*  
*Alexand. Aphrodisæus*, *in Arist. lib. Meteor.*  
*Alexand. Piccolomineus*. *De Orbib. Cælestib. & de Cer-titud. scientiar. Mathem.*  
**ALFARABIVS**.  
*Albaazel*. *de Optica, & Cre-pusculis.*  
*Alkabitij*. *Elementa Astrolo-gica*.  
*Aoyfius Lillius*. *De Corre&io-ne Kalendar.*  
*Alpetragius*.  
**ALPHRAGANVS**. *De Ortu, & Occasu Siderum*.  
**ALPHONSI Castellæ Regis**. *Tabulæ Alphonsinæ*.  
*Alphonf. Toftatus Ep. Abulenf. in Genes.*  
*Aluarus Thomas*, *de Triplic. Motu.*  
*Alphonf. Zobili*. *Prosthema, ad Tabul. Geographi.*  
*D. Ambrosius.*  
*Ambrosius Calepinus.*  
*Ammianus Marcellinus*.  
*Anastasius Bibliothecarius.*  
**ANAXAGORAS**.  
*Anaximander.*

- Andreas Alciatus . De verbor.  
 significatione .  
 Andrea Argoli . Ephemerid.  
 & alia .  
 Andrea Arzet . Clavis Ma-  
 thematica .  
 Andreas Baccius de Thermis .  
 Andreas Palladius . De Archi-  
 tectura .  
 Andreas Scottus . De Geome-  
 triâ, &c .  
 Andrea Stiborij . Epitome Al-  
 bategnij .  
 Andreas Tiraquellus .  
 Angeli Abb. de Nuce , Notæ in  
 Leon. Ostiensem .  
 Annales Francici .  
 Annales Laudenses .  
 Anonimi . Rudimenta Geo-  
 graphiæ .  
 Anonimi . Tactica .  
 Antolysii . Liber de Sphæra .  
 S. Antonini Chronicon .  
 Antonij Bonfinij, Histor. Vnga-  
 rica .  
 Anton. Caraccioli C. R. Monum.  
 Eccles. Neapol .  
 Anton. Gallonius de Cruciat.  
 SS. Martyr .  
 Anton. Le Grand . Historia Na-  
 turæ .  
 Anton. Mizaldi Centuriæ, &c .  
 Anton. Possseuini, Moscouia, & Bi-  
 bliotheca .  
 Anton. Maria Rejta Capucci-  
 ni, Opera Optica, & Me-  
 chan .  
 Apollodori . Poliorcetica .  
 APOLLONII . Pergei Coni-  
 cor. lib. VII .  
 APPIANVS .  
 Apuleius .  
 ARATI . Phænomena .  
 Archilochi . Liber de Tem-  
 poribus .  
 ARCHIMEDES .  
 Ariel Richardi . Quæstiones  
 in Sphæram .  
 ARISTARCHVS .  
 ARISTOTELIS. QQ. Mecha-  
 nicæ, & alia .  
 Arnobius .  
 Arrianus .  
 Arthemidorus .  
 Ascanij Centorij . Discursus  
 Bellici .  
 Ascan. Martinengus .  
 Asconius .  
 Athanas. Kircheri Opera  
 omnia .  
 Athenæus .  
 Auerroes .  
 S. Augustinus .  
 Augustinus Nyphus .  
 Augustinus Riccius .  
 Aulus Gellius .  
 Aurel. Cassiodorus .  
 Aurelius Symmachus .  
 Aurelij Cicuta . Disciplina Mi-  
 litaris .  
 Balisbassar Capræ . Tyrocinium  
 Astronom .  
 Balisbassar Conradi . Nouæ  
 Ta-

**Tabulæ Cosmograph.**

Baptista Mantuanus.  
Baptista Codroncus, de annis  
Climæericis.  
Bartholomæi Cassanei, Catal.  
Glor. Mundi.  
Bartholom. à Cluulo, de Bal-  
near. Natural. viribus.  
Bartholomæi Crescentij. Nau-  
tica.  
Bartholomæi Sybillæ, Specul.  
QQ. Peregrin.  
Bartholom. Pisisci. Varia Pro-  
blem. Mathem.  
Bartholom. Reischacheni.) Obser.  
Bartholom. Sculteti. )  
Astronom. apud Tycho-  
nem.  
Bartholus de Saxoferrato. De  
Allunionibus.  
S. Basilii Magnus.  
Basil. Valentinus.  
Beda Presbyter.  
Benedict. Pererius, de Magia, &  
in Genes.  
Benedicti Herbesti. Arithm.  
Linearis & Figurata.  
Benedictus Teletius.  
Benedicti Varchij Lectiones.  
Benedictus Castellus, De li-  
brandaquis.  
S. Bernardi Abb. Opera.  
Bernardi Sacci, Histor.  
Bernardi Valtheri. Obserua-  
tiones apud Tychonem.

Bernardini Baldi. Lexicon.  
Vitruvian.

Bernardini de Mendoza. Mo-  
nita Militaria ad Philipp.  
Hispaniæ Principem.

Bernardin. Salini, Problem.  
Astronomica M.S.

Bernardin. Teletius, de Rerum  
Natura.

Bernardini Longi. De Co-  
metis.

Blondi Foroliuensis. Italia Illu-  
strata.

BEROSVS Chaldeus.

Bodini Theatrum.

S. Bonaventura.

Bonaventura Canalerij. Trigo-  
nometia, &c.

Brocardi. Descriptio Terræ  
Sanctæ.

Buridanus.

Caij Iul. Cæsaris, Commentar.  
Cæsar Baronius.

Cæsar Dominicus. De alluui-  
onibus Tiberis, & de litte-  
ris Roman. maiusculis.

Cæsaris Ripæ, Iconologia.

Cæsarianus, In Vitruvium.

CALLIPPVS.

Campanus.

Capiculus in lib. Sententiarum.

Caroli Anton. Manzini. Ta-  
bulæ Direction.

Caroli Bouilli. Opuscula Ma-  
themat.

- Caroli du-Fresne, Dñ. du-Cange.  
 Glossarium.  
 Caroli Malapertij. Arithmetica, & alia.  
 Carol. Maria Carafa. De Horologijs.  
 Carolus Sigonius de Regno Italiae, &c.  
 Carolus Testi. Architectura Militaris.  
 Cassiodorus.  
 Catullus.  
 Censorinus. De die Natali.  
 Christiani Adricomij. Theatri Terræ Sanctæ.  
 Christiani Molisoris. Opusculi Astrologica.  
 Christian. Seuerini Longomontani, Tabulæ.  
 Christian. Vulfrifus, in Theor. Planetar.  
 Christophori Clauij. Opera omnia.  
 Christophori Griembengeri. Catalogus figurarum.  
 Christoph. Rosmanni. Observat. apud Tychonem.  
 Christophori Scheineri. Opera. Chronicon Leodicense.  
 Claudius Midorgius, in Conic. Apollon.  
 Claudij Richardi. Nouus Ordo Tabular. Sin. Tangent. & Secant.  
 Claudij Salmasij, Pliniana Exercitationes.  
 Claudij PTOLEMAEI. Vide Ptolemæi.  
 Claudianus.  
 Clementis Alexandrini, Stromata.  
 Codex Iustinianus.  
 Codex Theodosij.  
 Cælius Rhodiginus.  
 Columella.  
 Constantinus Casar. De Agricultura.  
 Cornelius Celsus.  
 Cornelius Gemma, de Diuinis Naturæ Characterismis.  
 Cornelius à Lapide.  
 Cornelius Nepos.  
 Cornelius Tacitus.  
 Cosmi Bartoli. Varia Geometrica.  
 Curionis dann. memor. Chronicon.  
 S. Cyprianus.  
 Cypriani Leonitij. Observat. Astronomicæ, cum Iudicijs.  
 S. Cyrillus Alexandrinus.  
 S. Cyrill. Hierosolymitanus.  
 Dalechampius, in Plin. observat.  
 Danielis Barbari. Comment. in Vitruu.  
 Danielis Sancti. Problem. Astronom. & Geometr.  
 David Fabricij. Astronomia vetus instaurata.  
 Dida-

*Didaci Pererij. Geometr. Practic. & Aors navigatoria.*

Democritus.

Diodorus Siculus.

Dio Cassius.

Dio Chrysostomus.

Dionis. Nicæi Epit. Rer. Romanar.

S. Dionysius Areopagita.

*Dionys. Alexandrin. de Situ Orbis.*

*Dionysij Cognom. Exigui, Epocha.*

Dionysius Halicarnassæus.

*Dionysij Petanij. Rationale Temporis. &c.*

*Dionysij Poeta. Descriptio Orbis.*

Dionysij Sophistæ Epistolæ.

Dioscorides.

Dithmari Episc. Chronicon.

*Dominici Maria Novara. Observationes, apud Copern.*

Dominici Macri Hiero-Lexicon.

Domitius Calderinus.

Durandus.

Eberhardi Ratispontens. Chronicon.

Egesippus.

*Egnatij Dantes. Varia Mathematica.*

Elizæ Leuitæ, Lexicon Hebraicum.

*Elizæ Santonis Veneti. Scholia in Sphæram.*

*Emanuel Diaz. Tract. de Cometis.*

*Emmanuel Maignan. Philosophia Mathematica.*

*Erasmi Reinoldi. Mathematica.*

Erasmi Reterotodami, Adagia.

Erotiani, Lexicon Medicum.

Etymologicum Græcum.

Euagrus.

*EVCLIDIS Megarens. Elem.*

*EVDOXI Phænomena.*

Eudoxiæ Augustæ, Homero-Centones.

Euripides.

Eusebij Cæsariens. Chronicon.

D. Eusebius Emisenus.

*Eustachij de Dininis. Notæ in Systema Saturnium.*

Eustathius.

*Eutoxius Ascalonita. In Apollon. Conic.*

Eutropius.

Fabij Quintilianî Institut. Oratoria.

Falconiæ Probe, Cérone ex Virgilio.

Famianus Nardinus, de Antiqua Roma.

Famianus Strada, de Bello Belgico.

Federicus Bonauentura, de Oâimestri Partu.

*Federici Commandini. Comment. in Euclid. & alia.*

*Federicus Pendasius. De Natura Corporum Cælest.*

Felici Felici, Onomasticum Roman.

Fc

Fenestella.

Festus Pompeius, de Verborum  
significat.

Flauij Iosephi Hebrzi, Antiquit.  
Iudaicz.

**FLAVIUS VEGETIVS. De**  
re Militari.

Flavius Vopiscus.

**Fortunius Licetus . De Co-**  
metis, & alia.

**Francisci Anguilloni . Opti-**  
ca .

**Francisci Barocij . Scholia in**  
Heronem .

**Francisci Eschinardi . Centur.**  
Optica , & alia.

**Franc. Feliciani . Arithmet.**  
& Geometr.

**Francisci Georgij . Harmonia**  
Mundi .

**Francisci Iunclini . Specul.**  
Astrologicum.

**Francisc. Iunius . De Pictura**  
veterum .

**Francisci Maurolysi . Opera**  
Mathemat.

**Franc. Milliet de Chales. Curs.**  
Mathemat.

**Francisci Modij, Notæ in Ve-**  
get. & Frontin.

**Francisci Montebruni . Ephe-**  
merides.

**Franc. Marij Gropaldi . De**  
partib. Aedium.

**Franc. Paulin. De reformat.**  
Kalendar.

**Franc. Sirigatus . De Ortu, &**  
Occasu signor.

**Franc. Vieta . Harmoni cum**  
Cæleste.

Franc. Valesius, de Sacra Philo-  
soph.

Fulcherius Carnotensis, Histor.  
Hierosolymic.

Gabriel Naudæus, de Studio Mi-  
litari .

Galenus .

**Galilaus Galilai . Nuncius fi-**  
dereus , & alia.

**Gasparis Scotti . Cursus Ma-**  
themat. & alia.

**Gasparis Varesij . Censura**  
in Pseudo-Berosum .

**GBER Arabs . Varia Astro-**  
nomica, quæ latinè vertit  
Gerardus Cremonensis.

**Gemma Frisius .**

**Georg. Agricola . De Ponde-**  
ribus, & Mensuris.

Georgij Cedreni, Historia.

**Georgij Furnerij . Hydrogra-**  
phia .

**Georgius Henischius, in Sphæ-**  
ram Procli .

**Georg. Lapazaia . Arithm. &**  
Geometria .

**Georg. Peurbachij . Theoricæ**  
Planetar.

**Georgij Polanchi . Anticoper-**  
nicus.

Georg. Vallæ Opuscula.

Georg.



*Georg. Schembergeri*. Poble-  
mata optica.

*Georg. Trapezantius* in Pto-  
lom. Quadrip.

*Gerard. Io. Vossius*.

*Gerardi Cremonens.* Theoricę  
Planetarum.

*Germanici Cęs. Phęnom.*

*Geruatij Dorobernens.* Descript.  
Eccl. Cantuariens.

*Glareani* Chronologia.

*Glossarium Vetus.*

*Godefridi Franckerij*. Optica  
Paoblematica.

*Gondesalvi Steunenbȳ* Notę  
in Vegetium.

*Gottsefridi Vendelini*. Geogra-  
phia.

*S. Gregorius Magnus*.

*S. Gregor. Nyssenus*.

*Gregorius Carafa C. R. de*  
Duello.

*Gregorius Turonensis*.

*Gregorius à S. Vincentio*. De  
Statica.

*Gnarini Guarini C. R.* Euclid.  
Adauctus, &c.

*Guido Aretinus*. Monachus  
de Musica.

*Guido Bentiuolus Card.* de Bel-  
lo Belgico.

*Guidobald. de Marchion. Mon-  
ris*, opera Geometr.

*Guido Bonatus* Astrologus.

*Guidon. Panzirolis*, notitię vtriuf-  
que Imperij.

*Gulielm. Bellet.* Disciplina  
Militaris.

*Gulielm. Blean*. Athlas maior  
Geograph.

*Gulielm. Koul.* Disciplina Mi-  
litar.

*Gulielmi Ianfonij.* Orbis Mari-  
timis.

*Gulielmus Budęus*, in Pande-  
ctas.

*Gulielmus Tyrius*.

*Hal's Aben Ragel*.

*Hal's Aben Rodoan.* Comment.  
in Quadripart.

*Harpocratonis*, Lexicon decem  
Orator. Gręcorom M. S.

*Haymonis Albestratens.* Historia.

*Hegefippus*, de Bello Iudaico.

*Helisei Kelin*, Theor. Planetar.

*Helisei Roeslin*. Cęlest. Phę-  
nom. Theorica.

*Henrici Blaten*. Errores Ta-  
bular. Alphonsin.

*Henrici Brigij*. Notę in Cal-  
cul. Nepectianum.

*Henrici Canisij*, Antiquę Lectio-  
nes.

*Henrici Glareani*. Geogra-  
phia.

*Henrici à Lindhout*, Speculum  
Astrolog.

*HERMETIS Astrologi*, Cen-  
tiloquium.

*Hermes Trismegistus*.

*Hermolaus Barbarus*.

*HERO Mechanicus*. De Me-  
chanic. Bellicis.

*Hero*

**Hero Alexandrinus.** De Spiritalibus.

**Herodianus.**

**Herodotus.**

**S. Hieronymus.**

**Hieronymus Cardanus.** De Subtilit. Exercitationes, &c.

**Hieronym. Castriota.** De Fortificationibus.

**Hieronym. Dandinus.**

**Hieron. Francafortij.** Homocentrica, &c.

**Hieron. Girana.** Geographia noui Orbis.

**Hieronymi Magij.** Miscellanea.

**Hieron. Mercurialis.** Ars Gymnast. &c.

**Hieron. Cattaneus.** De Fortificationibus.

**Hieronym. Vitalis.** Absolut. Tabul. Primi Mob.

**S. Hilarius.**

**Hilarij Altobelli.** Tabulæ Ptolemaicæ.

**HIPPARCHVS.**

**Hippocrates.**

**Hippolyti de Marsilijs.**

**Hippolyti Thebani Chronicon.**

**Historia Hierosolymitana.**

**Homerus.**

**Horatius Flaccus.**

**Horatij Crassi.** Libra Astronomica.

**Huberti de Lintz.** Canon Sinuum, Tangentium, & Secantium.

**Hugonis Grotij.** de Stud. Instit.

tuendis.

**Hugonis Simplij.** siue Simplej, Summa Discipularum Mathematicarum. Edidisse quoque tradunt Dictionarium Mathematicum. Quod tamen hactenus videre mihi non licuit.

**Hygenus.** Liber de Agrimensura.

**HYGINVS Astronomus.** De Mundo, & Sphæra.

**Iabolenus I. C.**

**Iacobi Barozij de Vignola.** Architectura.

**Iacobus Barschius.**

**Iacobus Faber Stapulens.** in Sphæram.

**Iacobi Honorati Durandi.** Trigonometria.

**Iacobi Kristmanni.** Elementa Astronom.

**Iacobus Purlilianus.** De re Militari.

**Iacobus de Saà.** De Navigatione ex Mathesi.

**Iacobus Sirmondus.** in Sidon. &c.

**Iacobus Vfanus.** de Tormentis bellicis.

**Iacobi de Vitriaco Histor.** Hierosolymit.

**Iacobi Ziegleri.** De Sphæra solidæ construct.

**Iani Lascari.** De re Militari.

**Iani Laurembergij.** Antiquarius.

**Joachim Fortius.** de Mathematic.

*Io: Aloysij Confalonery . Arithmetica-speciosa.*

*Io: Antonij Magini Astronomica, & Geograph.*

*Io: Atenstaig, Lexicon Theologicum.*

*Io: Blanchini . Tabulæ Astronomicae .*

*Io: Alphonsi Borrelli . Notæ in Apollonij tres posteriores Conicor. libros.*

*Io: Bapt. Armenini . Vera præcepta Picturæ .*

*Io: Bapt. Capuanns in Sphæram.*

*Io: Bapt. Caporalis . In sex priores libros Vitruu.*

*Io: Bapt. Carelli Ephemerides.*

*Io: Bapt. Cyfati Mathematica Cosmograph. & Astronomica.*

*Ioann. Bapt. Hodierna . Varia Astronomica.*

*Io: Bapt. Lauri, Rom. Orchestra .*

*Io: Bapt. Longus . De Cometis.*

*Io: Bapt. Morini . Astrologia Gallica.*

*Io: Bapt. Portæ, Magia Naturalis.*

*Io: Bapt. Riccioli . Almagestum nouum.*

*Io: Bapt. Ferrarius, de Cultura Florum.*

*Io: Bapt. Trotta . Praxis Horologior.*

*Io: Bapt. Villalpandus in Ezechielem.*

*Io: Bapt. Venetius . De Cometis. Ioan. Barclai Argensis.*

*Io: Bernardi Fidasi Isagoge ad Architect. Militarem.*

*Ioan. Ep. Cantuarienf. Perspectiua.*

*Io: Camilli Gloriosi . Varia Mathematica.*

*Io: Carolus de la Faille, Centrobatica.*

*8. Io: Chrysostomus.*

*Io: Ciampinus, de Azimo &c.*

*Io: Ciermas, Positiones Mathematicæ.*

*Io: Dominici Cassini Obseruationes- Cælestes.*

*Io: Driens . Doctrina Luminarium.*

*Io: de Egmonda . Tabulæ motuū Planetarum, & Eclips.*

*Io: Esler . Speculum Astrolog. Io: Euseb. Nierembergens. Histor. Naturæ, & alia.*

*Io: Fernely: Cosmotheoria, & de Abditis rerum causis.*

*Io: Garcei, Tract. de Globo, & alia. Io: Ganiueti, Medica.*

*Io: Garedi Mathematica.*

*Io: Heuclij Selenographia.*

*Io: Hieronym. Kinich. Modus construendi Horologia per numeros.*

*Io: Iouiniani Pontani . Vrania.*

*Io: Kepleri . Opera omnia.*

*Io: Laucheromius . Selectæ Propositiones ex tota Mathem.*

*Ioan. Lucius Samosatenus*. De  
Emend. Temporum.

*Io: Maria Cattaneus* in Plin. II.

*Io: Mariana*. De ponderibus,  
& mensur. & Histor. Hispanica.  
(metis.

*Io: Maria Fiornonellus*. De Co-  
Io: Meursij Glossarium.

*Io: Muntz* Prognostica ex  
Stellis.

*Io: Paduani* Viridarium.

*Io: Royas* Astrolabium.

*Io: Turpini*, Vita Caroli Magni.

*Io: Passeratij* Au&ar. Calepini.

*Io: Pauli Galluej*. Varia Ma-  
themata.

*Io: Pauli Lomazj*, Triumphus  
Picturæ.

*Io: Petri Maffei*, Historia Indica.

*Io: Rioche*. Compend. Tempor.

*Io: Schoneri*. Tabulæ resolutæ.

*Io: Picus Mirandulanus* in Astro-  
logos, &c.

*Io: Franc. Nepos*.

*Io: Phocyllides*. Examen Astro-  
nomiæ Reformata.

*Io: Neperi*. Logarithm.

*Io: Stofserini*. Astrolabium.

*Io: Stephani Durant*, de Sac. Ritib.

*Io: de Sacro boscho* in Sphæram.

*Io: Stadij*, Ephemer.

*Io: Stobæij*, Sententiæ.

*Io: Vernerus*. De motu octauæ  
Sphæræ, & Geographia.

*Io: Regiomontani* Tabulæ.

*Io: Bayeri* Vranometria.

*Io: Ant. Valtrinnus*. De Re Mi-  
litari Roman.

*Io: Zonara*, Historia.

*Io: dani Episcopi Rauenn.* Pla-  
nispheerium.

*Io: seph Blancanus* in Sphæram.

*Io: sephi Laurentij*, Analthica,  
Onomastica.

*Io: seph Langj*, Elem. Geometr.  
Astronom. & Cosmograph.

*Io: sephi Moleti*. Ephemerides.

*Io: seph. Zanini Viola*, Archite-  
ctura.

*Io: sephi Zarlini*. Institutiones  
Harmonicæ.

*Io: sephi Scaligeri* Cyclometria,  
& alia.

*S. Isidori Hispalens.* Opera.

*Ismaelis Bulliardi*. Astrono-  
mia Philolaica.

*Iulius Africanus*.

*Iulius Capitolinus*.

*Iul. Cæsar Bulengerus*.

*Iul. Cæsar la Galla*. De nouis  
Phænom.

*Iul. Cæsar. Scaligeri*, Exercitat. ad  
Cardan. & in Manilium.

*Iul. Firmicus Maternus*.

*Iulj Frontini*, Stratagemata.

*Iul. Pollucis* Onomasticon.

*Iul. Schilleri*, Cælum Chri-  
stianum.

*Iul. Solinus*. De Situ Orbis.

*Iustinus Martyr*.

*Iustus Lipsius*.

*Ius Canonicum*.

*Ius Ciuile*.

Iuuenalis.  
Iuuenicus Presbyter.

Lactantius Firmianus.

*Lamberti Danaei*. Aphorismi  
Militares.

Latini Latini Bibliotheca, &c.

*Laurentij Bonincontrij*. De  
creta Planetarum metro  
descripta.

*Lazarus Bayssus*. De re Nau-  
tica.

*Leandri Alberti*. Descriptio  
Italix.

S. Leo Magnus.

*Leonis Allasij*. Mensura Tem-  
porum antiquorum, atque  
in Eustathium Notæ.

*Leo Bapt. Albertus*. De re ædi-  
ficatoria.

Lilij Greg. Giraldi, de Dijs Gen-  
tium.

Liuij Sannuti Geographia.

Leonis Ostiensis Chronicon.

Leonis Sanctij Florida.

*Leopoldus de Austria cum Io:  
de Saxonia*, Præcepta  
Astrologica.

Lexicon Philologicum Michrælij.

*Lucas Gauricus*. De Laud-  
ibus Astrologix, &c.

*Lucas Patus*. De Ponderibus,  
& Mensuris.

Lucas de Penna I. C. in rit. de  
Spectaculis.

Lucianus.

Lucanus.

Luc. Annæus Seneca.

*Lucius Bellancius*, Contra  
Astrologos.

Lucius Florus.

Lucretius de Rerum Natura.

*Ludouici Bæza*, Numerandi  
Doctrina.

Ludouicus Viues in lib. August.  
de Ciuit. Dei.

Macrobij Saturnalia.

Manuel Chrsifoloras de Veteri, &  
Noua Roma.

Manuelis Palæologi Præcepta E-  
ducat. Regiz.

Marcellini Comitis Chronicon.

Marci Anton. Bonciarij Epistolæ.

*Marc. Anton. Sabellici*. Car-  
men Genthliac. & Histor.  
Veneta.

Marci Ant. Zimaræ, Theoremata.

Marcus Beneuétan. de motu octa-  
uæ Sphæræ.

Marcus Cato, de re Rustica.

*Marci Manilij*, Astronomicon.

Marci Verri Flacci, de Verborum  
significat.

*Marij Bettini*. Apiaria &c.

Marij Nizolij, Thesaurus Cicero-  
nianus.

*Martini Mersenij*. Perspectiua.

Martilij Ficini Opera.

Martialis.

*Martianus Capella*. De Musica,  
Geometria, & Astronomia.

Martini Bellaij Histor. Francor.

Martini Cromeri Histor. Polon.

Martini Poloni Chronicon.

Martin. del Rio in Senec. Tragic.

- Matthia Dogen*. Architectura  
 Militaris.  
*Matheus de Oddis*. Aphorism.  
 Militares.  
 Mathei Raderi Comment. in Q.  
 Curtium.  
*Mathei Ricci*. Astrologica, &  
 Geograph. Præceptiones.  
 Matthiolus in Dioscoridem.  
 Mauritius Imperator.  
 Maximus Tyrius.  
*Messabala Arabs*. De Ratio-  
 ne Circuli.  
*Metrodorus*. De Ratione Zo-  
 narum.  
*Michael Angel. Blondus*. De  
 Anticipatione Fixarum, ac  
 de diebus Criticis.  
*Michaelis Florentij Langreni*,  
 Selenographia Langraui-  
 na, seu de Luminar. Phasib.  
*Michaelis Mæstlini*. Damn.  
 mem. Ephemerides.  
 Michaelis Monachi Sanctuar. Ca-  
 puanum.  
*Michaelis Neandri*. Elementa  
 Doctrin. Sphæric. & Com-  
 puti Ecclesiast.  
*Michaelis Scoti*. Quæstiones  
 de Sphæra.  
*Motius de Oddis*, de Horolog.  
 Næuius, de verbor. signific.  
 Natalis Comitiss. Mythologia.  
*Nicanor Samius*. de Fluminib.  
 Nicetas Siracusanus.  
 Nicephoras.  
*Nicolaus Cabaus*, de Meteoris.  
*Nicolaus Cabasila* in Magn.  
 Ptolem. Syntaxim.  
*Nicolai Causini*. Domus Dei,  
 & Ephemerides Astrolo-  
 gica, & Histor.  
*Nicolaus Copernicus*. Mundi  
 Systema, & alia.  
 Nicolaus de Cusa Card. de Fi-  
 xar. Canone, & Mathematic.  
 complementis.  
*Nicolai Dorbelli*. Mathemat.  
 Nicolai Erythraei Schol. in Vir-  
 giliū. (ra.  
*Nicolai Golmandi*. Architectu-  
*Nicolai Muleri*. Tabulæ Frisic.  
 Nicolai Peroti Cornucopia.  
*Nicolaus Tersalca* in Euclid.  
*Nicolaus Vvincklerus*. De  
 Cometa 1577.  
*Nicolai Zucchi*. Optica Philo-  
 sophica.  
*Nicomachi Gerasini*. Arithme-  
 tica, Græcè.  
 Nonnius Marcellus, de proprie-  
 tate verborum.  
*Nonnius Marcell. Saia*. Discurs.  
 in Sphæram Ital.  
 Notitia vtriusque Imperij.  
*Odonis Malcotij*. Tractat. de  
 Astrolabij vsu.  
*Olaus Magnus*.  
*Omar Arabs*. De Natiuitatib.  
 Onuphrius Panuinus, de Ludis  
 Circens. &c.  
 Oribasius.  
 Orderici Vitalis, Historica, &c.  
 Ori-

Origenes.  
Orinithus de verbis Atticis.  
Ordo Romanus.  
*Orontij Epistat*, Geographia.  
*Osnwaldi Kruger*. Parrallela  
Horoscopa.  
Othonis Frisingens. Chronicon.  
*Otho. Brunfelsius*, de Termini  
Astrologicis.  
Ovidius.

*Palladius*. De re Rustica.  
Papiz, Dictionar.  
Papinij Statiij Sylux, &c.  
*Pappi Alexandrini*. Collect.  
Mathematicæ.  
*Paris de Puteo*. De re Militari.

*Paschasij Hämelij* Perspectiva.  
Paulus Aegineta.

*Pauli Alexandrini*. Isagoge  
Philosoph. Astronom.

Paulus Arefius C.R. de Generat.  
& Corrupt.

Pauli Iouij Histor.

*Paulus Guldin*. De Centro  
Grauitatis.

Pauli Manutij, Adagia.

Paulus Orosius.

Pausanias.

Perfius.

*Petrus Aaron*. De Musica.

Petri de Alia. Card. Opera.

*Petri Apiani*. Cosmographia.

*Petrus Catena*. De Sphæra.

Petrus Ciacconius, de Triclinio.

*Petri Crivelli*. Defensio san-  
næ Astrologiæ.

*Petri Crescentij*, Agricultura.

*Petri Crugeri*. Astronomia.

Dantisana.

B. Petrus Damiani.

*Petri Gassendi*. Opera Astro-  
nomica.

*Petri Herigonij*. Cursus Ma-  
thematicus.

Petri Io: Fabri, Anatome Vni-  
uersi.

Petri Iustiniani Historia Veneta.

*Petri Montanrei*. Comm. in  
Euclidem.

*Petri Nonnij*. Problemata  
Astronomica, ac de re na-  
uigatoria.

*Petri Pitati*, Isagoge in Ephe-  
merid.

*Petri Pomponatij*, Meteorolog.

*Petrus Ramus*, de Geome-  
tria, & Arithmetica.

*Petri Sardi*, Architectura Mi-  
litaris.

Petri Victorij Varia.

Philippi Beroaldi, Opuscula.

Philippi Brietij, Annales Mundi.

Philippi Camerarij Meditatio-  
nes Historicae.

*Philippij Cluuerij*. Introdu-  
ctio ad Geographiam, &  
Sicilia vetus.

*PHILIPPI FERRARII*. Le-  
xicon Geographicum.

*Philippij Lansbergij*. Tabulae  
Astronomicae.

Philo Iudæus.

Phi-



Philolaus Astronom.  
Philostratus Iunior.  
Photij Bibliotheca.  
*Placidi de Titijs. De Diebus  
Decretorijs.*

PLATO.  
Plautus.  
Plinius Senior.  
Plinius Iunior.  
Plutarchus. (norum.  
Polybius, de Castramet. Roma-  
Polydor. Virgilius, de rerum in-  
uentoribus.

*POMPONIVS MELA. De  
situ Orbis.*

Pomponij Latij Compend. Hist.  
Roman.

Possidonius.  
Prinneus de Libertat. Ecclef.  
Gallicanz.

*Proclus in Euclidem.*

Procopius.

Propertius.

*Prosdocimi de Beldomando. Cō-  
ment. in Sphæram.*

*Prosper Aquitan. de Cyclo Pa-  
schali.*

*CL. PTOLOMAEI, Almage-  
stum, & Geographia.*

Publius Victor.

Pythagoras.

*Pytheas Massiliens. de Ambitu  
Terræ, apud Strabonem.*

Fab. Quintilianus Instit. Orator.

Quintus Bonarius, de Naturæ,  
Principijs.

Quintus Curtius, de Reb. Alexād.

Quintus Fab. Victor, de Orig. Vr-  
bis Romæ.

*Quinti Iul. Hilarionis, Chro-  
nologia.*

*Quintus Rhem. Fannius, de,  
Ponderibus, & Mensuris.*

*Quintini Hedui, Melitæ de-  
scriptio.*

*Rabi Abraham Iudæus, de Sphæ-  
ra.*

*Rabi Moses, de dupl. motu  
octauæ Orbis.*

Rabi Tisbi Dictionar. Hebraicū.

Raphaelis Auerfæ, Philosophia.

Raphael Volaterranus. Com-  
mentar. Urban.

*Redemptij Baranzani, Vrano-  
scopia.*

*Roberti Dudlai, Arcana Maris.*

*Roberti Linconiens. Compend.  
Sphære.*

*Robertus Vulturius, de re Mi-  
litari.*

*Rodulphi Gotlenij, Vrania.*

Rogerij Baconis, de Potest. Ar-  
tis, & Naturæ.

Rolandini Chronicon.

Rutilij Numatiani, Itinerarium.

Sacræ Paginæ passim.

Saluanus Massiliensis.

Sallustius.

Sannutus, de Nauigatoria.

Saxo Grammaticus.

*Scipio Claramontius.*

Scotus Io: Duns Theologus, in  
lib. Sentent.

*Sebastiani Munsteri, Notæ in  
Geograph. Ptolom.*

*Seba-*

*Sebastiani Serly*, Architectura.  
*Sebastiani Verronij*, Chron. Ec-  
cles. & Monarchiar. ab Orbe  
condito.

*Seneca* vterque.

*Seruius* in Virgilium.

*Sextus Auienus Ruffus*, in Ara-  
ti Phænom.

*Sextus Empyricus* in Astrologos.

*Sexti Iul. Frontini*, Stratage-  
mata.

*Siculus Flaccus*, de Re agraria.  
*Sidonius Apollinaris*.

*Sigeberti Gemblacensis*, Chro-  
nographia.

*Simonis Berent*. Opuscula mu-  
sicalia.

*Simonis Maioli*, Dies Canicular.

*Simon Marius*, de Iouis Co-  
mitibus.

*Simon Portius*, de Fato.

*Simonis Steuini*, Tabulæ Cæ-  
lest. motuum.

*Simon Strauolscius*, de Bello.  
*Simplicius Philosophus*.

*Sixtus ab Heminga*, contrâ va-  
nitatem Astrologiæ Iudi-  
ciariæ.

*Sixti Pythagorici* Sententiæ.

*Sixti Senensis*, Bibliotheca.

*Solinus*, de Situ Orbis.

*Sophocles*.

*Statius*.

*Stephanus Aqueus* in Plinium.

*Stephani Rosini*, Tabulæ de-  
clin. Fixarum cum progno-  
sticis.

*Strabonis* Geographia.

*Suetonij Cæsares*.

*Suidas*.

*Symmachi* Epistolæ.

*Tabularium* Abbat. Bellilorenfis.

*Tabula Alphonsina*.

**TABULÆ PERSICAE.**

*Taciti* Annales.

*Terentius*.

*Tertullianus*.

**THALES MILESIUS**, pri-  
mus Eclipsium obseruator  
apud Apollodorum.

**THEBIT Ben-Cora**, de mo-  
tu Trepidation. & alia.

*Theodati* Osij, Nouar. Senten-  
tiar. Sylua.

*Theodori Morati*, Proposit.  
Mathem. de Celeri, & Tar-  
do, &c.

*Theodoretus*.

*Theodor. Gaza*, de Mensibus,  
& anno, Astronomicè.

*Theodorus Græminæus*, de Stel-  
la noua Cassiopeæ.

*Theodorus Balsamon*.

*Theodorici Baeck*, Tubus Op-  
tico-Geometric. Item de  
Archite& Militari.

**THEODOSII Sphærica.**

**THEON Alexandrinus**, in  
*Ptolem. Almagest*.

*Theophrastus*.

*Theophrastus Paracelsus*.

*Theodori Zuingeri* Theatr. Vitæ  
Humanæ, necnon Laurentij  
Beyerlink. D. THO-

D. THOMAS Doctor Angelicus,  
Thomæ de Vio Caietani in illum  
Commentar.

Thomas Campanella, de Ma-  
gia, & sensu rerum, & alia.

Thoma Finkij, Epist. apud  
Maginum.

Thoma Diggesci, Alæ Mathe-  
maticæ, apud Tychon.

Titus à Popma Frisius, Elem.  
Astronomiæ.

Tibullus.

Timotheus Astronomus, primus  
Fixarum observator, apud  
Ptolem.

Thucydides.

M. Tullius Cicero.

TYCHO BRAHE DANVS,  
Astronomiæ Restaurator e-  
gregius. Epistolæ, & Pro-  
gymnasmata.

Valensini Naiboda, Astrono-  
micæ Institutiones.

Valerius Maximus.

Valfrid. Strabo, de Ritib. Eccle-  
siast.

Vannocci Biringucci, Pyro-  
technica.

Varro, de lingua Latina.

Vespasianus Amphiarus, de

Litteris formand.  
Vgutionis Pisani, Glossarium.

Vincentius Danter, de Propor-  
tione Linearum in Pictura.

Vincentius Leutaudus Geometr.

Vincentius Mutus, de Sole Al-  
-phonino.

Vincentij Scamozij, Archite-  
ctura.

Vitalis Iordani, Euclides Re-  
stitutus, & alia.

VITELLIONIS Optica.

VITRVVII Pollionis, Archi-  
-tectura.

Vlpianus I. C.

Vvenceslai Pantaleonis, Obser-  
uat. Cælestes.

Vvillielmi Brito Philippica.

Vvillielmi Schickardi, Astro-  
scopium.

Vvillibrordus Snellius, de do-  
ctrin. Triangulor. &c.

Vvolfangi Schonckedri, Musi-  
ca Architectonica Vniuer-  
salis.

Vvolfgangi Schuleri de Stella  
noua Cassiopeæ, apud Tycho-  
nem.

Xenophon.

Zaël Arabs, de Electionibus.

# SELECTVS INDEX

*Curiosarum amœniorumque Quaestionum*

Quæ in Opere, extrâ Mathematicam Aleam, ;  
Carptim & perfunctoriè agitantur.



**A**TATON, execrationis olim atque horroris nomen, quomodò in Religionem, successu temporis abierit. pag. 10. num. 8.

Acies, qua potissimùm forma & ordine disponenda, ad certam ex hoste victoriam reportandam. pag. 7. & 14.

Agger in Architectura militari quot partes comprehendat. 21.

Antipathia, & Sympathia prima semina, unde originem trahant. 370. num. 13.

Architectura rudimenta, quomodo à Natura petita. 52. 281. 169. 848. & sæpè alibi.

Arma, qua via fabricari debeant, vt euadant durissima, & ferè impenetrabilia. 939.

Armorum praelio quantum valeat ad virtutem, & fortitudinem bellicam comparandam. 800. & 952. num. 71.

Ars, an Natura molimina prauertere, promouere, perficere, aut in totum impedire queat. 214. & 956. & 997.

Artis & Naturæ concursus & æmulatio in Topiarijs, Speculis, Tormentis fulminaribus, & scutulis. Vide sub his V. V.

Artes Mechanicæ, & liberales, quomodò ab vno principio prodeant, & profecta sint. 808.

Quomodò inuicem connexæ, & sibi mutuo opitulentur. 631. 639. & 808.

Inter Artes liberales, quam potior, ac diuinior. 630. & 807. nu. 57.

Aspectus cõsmici in Astronomia, an & quando efficaciores sint ijs qui

- contrahuntur in Zodiaco. 593.  
*In Aspectu partili, an & quomodo habenda est ratio latitudinis siderum.* 592.  
*Vtrum in Aspectu platico validior sit Applicatio, an Defluxus.* 591.  
*Opportuni Aspectus electio, quanti intersit in adificijs ponendis.* 275.  
*Astrologica pradiitiones etiam de rebus naturalibus, & necessariò aliàs secuturis, quam ob causam sæpenumerò fallaces comperiantur. in* Praef. num. 6. & 9.  
*Atrium quid in adificijs, & in quo differat à vestibulo* 86. & 1018.  
*Atria, & Cameteria in Sacris adibus, quare Paradisi nomine olim insignita fuere.* 572.  
*Atticus Ordo in Architectura, qualis apud Græcos olim fuerit.* 87.  
*An à quinque Ordinibus communiter admissi, diuersus.* ibid.  
*Aulici, qua ratione nominati, qui Principum obsequijs alligantur.* 88.  
*Anxilia in Re militari, in quo differant à suppetijs, & subsidijs.* 90. & 881.  
*Baptisteria cur olim extrà Ecclesiam constituerentur.* 99. num. 10.  
*Qua ratione postea intrà Ecclesiam, & in primo aditu ad sinistram sint collocata.* 100.  
*Basilica nomen, an propriè, & quibus Sacris adibus competat.* 104.  
*Bellum, Vtrum Natura inoleuerit, an vitio hominum fuerit introductum.* 105. & seq.  
*Bellica virtus, & fortitudo, an ex accessu fulminarium tormentorum perfectionem vel ignauiam comparauerit.* 952.  
*Bombardarum inuentio & vsus, nùm laude digna, an execratione, & vituperio.* 115. & 562. num. 8. & sequ.  
*Breuissima, nomine, cur signatè ab Geometris appellata sit linea recta.*  
*Breuià & syrtes, an aquè in Terra ac in Mari, bisque longè periculosiores.* 793.  
*Canicule nomen, vtri ex sidereis Canibus competat.* 67. & 671.  
*Canones cur audiant Scita, Constitutionesque Apostolica, ac Summorum Pontificum.* 126.  
*Caryatidum, Telamonum, & similium ornamentorum adiectio in opere architectonico, vnde originem sumpserit.* 130. & 901.  
*Cataeumba & Catogea, quæ partes adificiorum sint.* 142.  
*Concilia Martyrum & receptacula Christianorum cur aliquando extiterint.* ibid. num. 32.  
*Eorum multitudo, amplitudo, & celebritas quanta.* 143.  
*Centrum Mundi, qua ratione sub diuersis considerationibus sit Sol simul, & Tellus.* 910.  
*Centrum grauitatis in rebus, quid & vnde proueniat.* 149. & 479.  
Cero.

- Cerostrota* quid propriè sint in Opere architectonico . 151.  
*Calorum motus* quotuplex p. 493. à num. 84. & sequ.  
*An Cæli per motum vocalem sonum edant* . 177.  
*Calorum influxus an à Sapiente Philosopho prauerti quandoque possint* ,  
declinari, corroborari, aut etiam penitus dissipari . 997. & in Pra-  
fat. num. 6.  
*An eorum substantia sit eiusdem rationis cum sublunaribus* . 839.  
*An in ijs locum habeat alteratio , generatio , & corruptio* . 624. &  
sequ.  
*Chorographia in quo differat à Topographia* . 949.  
*Collyria in Opere architectonico quid* . 166. & sequ.  
*Concentus , & Harmoniæ ratio, quomodo ex vocibus consonis simul , &*  
*dissonis coalescat* . 176.  
*An ad rationem caelestium radiorum ac distantiarum respondeat* . ibid.  
num. 94. Vide etiam in V. Monochordum .  
*Consonantia , & resonantia locorum in Architectura , unde procedat* .  
181. num. 102.  
*Corpora regularia , an plura quàm quinque effingi , aut excogitari que-*  
*ant* . 193.  
*Criticorum dierum ratio , & recursus in morbis , in quo fundetur* . 209.  
& sequ.  
*An vnquam in Deceptione, fraude , & mandacio sit laus, virtus, & esti-*  
*matio* . 630. & 871.  
*Decubitus agrorum, utrum computari debeat à die & puncto incipientis*  
*leuiter morbi , an à quo vires deficiunt , & ab actuali decubitu* .  
213. à num. 8. & sequ.  
*Nulla maior huius veritatis ostensio , quàm ab obseruatione recursus*  
*dierum Indicantium, & Criticorum* . 214. num. 10. & 12.  
*Denticulus in Architectura, quod genus ornamenti sit, & nùm stare possit*  
*cum Mutulis* . 223.  
*Detractiones, & adiectiones arbitrariae in Opere architectonico, quam ne-*  
*cessariae* . 225.  
*Directionis motus in Astronomicis , utrum realis sit an fœctitijs* . 236.  
*Quo modo intelligatur post longum tempus Promissor realiter ad Signi-*  
*ficatorem deuolutus* . 237. num. 47.  
*Doriphoria Luminarium, seu Satellitium plenum, qualis prerogativa sit ,*  
*& quid requiratur, ut sit omnibus numeris absoluta* . 781.  
*Draconum Ordo in acie militari, quis olim apud Romanos, & quod genus*  
*militum comprehendat in presenti militia* . 244.  
*Duellum an & quando licitum , & honestum* . 245.  
*Echea loca, & pluries resonantia, qua arte in edificijs constitui possint* . 248.

*In Eclipsi Lunari, unde est, ut Luna in tenebris videatur luce aliqua superfusa. Cur item in Nonilunio, quâ parte à Sole est aversa.* 911. n. 19.  
*Emissarium in Aquaductis quâ pars sit, & in quo differat ab Erogorio, & Immissario.* 256. & 365.

*Exercitus robur & nervus, utrum in Peditatu repositus sit, an in Equitatu.* 600.

*Falsa positio, qua modo unice faciat, & infallibiliter ducat ad verum & tenebris eruendum.* 749. & 992.

*Fenestrarum, aliarumque aperitionum ratio in edificijs, quanta sedulitate disponenda est, ut opus æternum maneat firmum.* 275.

*Fixæ stellæ, an verè fixæ in Firmamento, itaut nullam prorsus motionem habeant.* 1023.

*Vnde est, ut earum aliqua magis, aliqua minùs scintillent.* 799. n. 47.

*An à Sole habeant influendi vim, vel potiùs ab infinita cuiusque natura, & virtute.* 30. & 1023.

*Fori nomen, cur est quod aliquibus Oppidis datum est.* 293.

*Fortuna Pars, seu Horoscopus Lunaris, an quicquam ætternitatis habeat; & Vtrum in Astronomicis constituenda sit in Zodiaco, an præcisè in situ cosmico, immobilis.* 339. & sequ.

*Fossa in Regalibus Munitionibus, ad maiorem tuitionem loci, Vtrum præstet relinqui sicca, an aquis oppleri.* 294.

*Quomodo superari, & transnehi ab aggressoribus faciliè possit.* 780. n. 14.  
*Fundamentum, quomodo ad rationem exurgentis edificij altius excavandum.* 298. num. 42.

*In quo discriminetur à Pedamento.* ibid. num. 43.

*Galeas imponendi consuetudo, in Equitum & nobiliorum hominum stemmatibus, unde ortum duxerit.* 304.

*Geodæsia, quâ pars Geometria sit, & an ad metienda corpora se extendat.* 305.

*Glottologia, quâ pars est Anatomes, qua ratione ad Mathematicam considerationem pertineat.* 309.

*Gula quid denotet in Architectura civili, quid in militari.* 314.

*Guttarum effictio, Turbinum, campanularum, & similium, in Opere architectonico, & constitutio sub triglyphis, unde emanaverit.* 314. num. 27.

*Gymnasium in quo olim distiterit à Palastris.* 315. num. 29.

*Harmonia, & Eurythmia, qua ratione in uniuerso Orbe, & in singulis eius partibus reperiatur.* 324.

*Harpaginetuli, quid rei apud Vitruuium, indecens in Opere architectonico.* 326.

*Hegira Turcarum quando incaperit, & qua ratione respondeat ad nostras Epochas.* 328. n. 21.

Ho-



*Horizon qualis in Astronomicis, qualis in Opticis. 335. & seq. n. 35.*  
*Horizontis tam Orientalis, quam Occidui, quanta vis ad qualificandos*  
*astrorum influxus in hac inferiora. 339.*

*Horoscopus Solaris, seu Ascendens, qua ratione habeatur ut naturalis*  
*vite, & productionis rerum significator. ibid. num. 39.*

*Horoscopus Lunaris quid sit, & ubi astronomicè constituendus. 340.*  
*& sequ.*

*An necessariò & ad amissum, eundem positum seruare ad Lunam de-*  
*beat, quem habet Ascendens ad Solem 348. num. 49.*

*Hylegialium locorum prerogatiua, an aliquando competat subterraneis*  
*domibus ad horoscopum configuratis. 356.*

*Kabala nomine quid propriè & legitimè veniat. 390.*

*Quomodo vniuersaliter ad artificiosam arcanorum intelligentiam im-*  
*piè traducta. ibid.*

*An genuina à Deo reuelata, vllum manserit apud Hæbraos vesti-*  
*gium. 396.*

*An ad eiusdem normam effingi possit, quæ ex numeris, litterarum, &*  
*nominum transmutatione, naturalem habeat vim ad occulta aperienda. 393. num. 7. & seq.*

*Ex his, quanam artificiosa & captiosa sit, quæ verò extrahibilis, &*  
*superstitiosa. 396. num. 11.*

*Ianua in Opere architectonico, quid propriè indicet. 363.*

*Immissarium in Aqueductis, an idem cum Emissario. 365. num. 6.*

*Impluuium quid in Opere architectonico, & in quo discrepet à Complu-*  
*uio. 367.*

*Indiuisibilia an dentur in continuo physico. 374.*

*Qua ratione ut inextensa admittantur à Mathematicis. ibid. num. 21.*

*Italia, num in ratione Geographica, dicenda sit Continens, vel Peninsu-*  
*la. 183.*

*Iuglandis umbra, cur sub eà cubantibus euadat noxia; Platani verò, alia-*  
*rumque arborum, salutaris. 1032.*

*Labari vsus pro vexillo in re militari, an ante Constantinum extite-*  
*rit. 403.*

*Qua ratione deflexerit ad sacros ritus, in Ecclesiasticis processioni-*  
*bus. 404.*

*Lacus, qualiter Insularum vicem in terra suppleant, & compensent. 406.*

*Cur in magno aestu (uti stagna flumina, & paludes) non minuantur,*  
*& econtrà in tanta imbrium copia, & amnium in eos influentium,*  
*non redundant. 407. num. 8.*

*Vnde est, ut ubique terrarum aëris rigidi, vel nimium aestuantis, iucle-*  
*mentiam temperent. 408. num. 10.*

*An*

*An Larix lignum, perinde ac lapis Ansbestinus, in igne non comburatur.* 886.

*Lateralium sexdecim figura, quam super agrotos inspiciendam præcipit Auctor Centiloquij, & secundum eam de agritudine diiudicandum, qua esse intelligatur.* 213.

*Lesbia Regula, celebre adagium de legum contorsione, unde originem traxerit.* 416.

*Liber iste, qualiter iuxta Cabalistarum sensa, libros omnes de quacunque materia, in qualibet fabultate scribi possunt, in se actu contineat.* 395.

*Ligna ad nauigia compingenda, & ad domos adificandas, quo tempore cadi debeant.* 379.

*Lilia in opere architectonico aut in Mechanico, in quo genere ornamenti apud Veteres haberentur.* 419.

*Linea meridiana, qua via ubique locorum, absque ullo instrumento venari queat & internosci.* 36.

*Linea recta, cur à Geometris agnominetur Breuissima.* 120.

*Lingua in Geographicis quem propriè terra tractum in mare proiectum signet.* 425.

*Longitudo Geographica, unde primum auspicari debeat.* 430.

*Quid intersit inter Lumen, & Lucem.* 439.

*Lumina in adificijs ubi aperienda, ut salubris, & commoda euadat inhabitatio.* 435.

*Lumina in Pictura quæ sint.* 436. num. 57.

*Luna inter Planetas, num dicenda sit cursu velox vel tarda.* 494.

*Quid sit lumen illud suboscillum, quod in eius Eclipsi, aut in congressu cum Sole, apparet in eius disco.* 911. num. 19.

*Nova Lunatio à quo mense denominetur.* 437.

*Lux in mundi creatione primo die genita, & quarto in Solem adunata; an substantiale quid fuerit, vel qualitas accidentalis.* 439.

*Maris profunditas, an tanta sit, quanta summa montium altitudo.* 909. num. 17.

*An ex sui natura iugiter affeclat terram supergredi.* 910.

*Eius fluxum, & refluxum, quoto die, quonam pacto commensurare, ac dignoscere valeamus.* 319.

*Mars, an suos stipitatores habeat, quemadmodum Saturnus, & Iupiter.* 782.

*Mathesis nomen, unde est, ut ex æquiuocatione malè audiat apud quosdam scriptores.* 452.

*Mathematica Disciplina, in quo supra reliquas scientias principatum teneant.* 450. & alibi sæpè.

*Medium Cæli, an iure ab Astronomis statuatur Principatus, Magisterij,*

- atque Actionum significator . 355.
- Medusa Caput, stella fixa perniciosissima, quid portendat congregiens cum Luminaribus, & Maleficis . Quid eadem alicui Prouincia verticalis . 356.
- Menianorum adiectio in aedificijs, unde occasionem sumpserit, & initium . 457-
- Media proportionalis quàm difficilis olim, quàm facilis hodie apud Geometras inuentio . 454. & 462.
- Mendacium ac deceptio, an aliquando innocens, & commendabilis . 630. & sequ.
- Meridiana linea ubique locorum quàm facilis indagatio . 36.
- Militaris ars, an sine peritia Mathematicarum facultatum exerceri impune possit . 469.
- Nûm deterior facta sit an solertior, ex usu fulminarium tormentorum . 952.
- Miracula, & vera prodigia suprà Naturam, an aliquando in Ethnicismo extiterint . 386.
- Rerum Moderatores in Astrologicis coniectationibus, an assumi possint cum fructu reliqui Planctæ, & Cardines, præter quinque à Ptolemao assignatos . 475.
- Monubile corpus, quid signatè appellet in opere architectonico . 489.
- Motus, quotuplex in Cælestibus Orbibus . 493. à n. 85. & 516. n. 19.
- Quotuplex item in Planetis, & Fixis . 495.
- Motus perpetuus in artefactis, vn ullo ingenio parari possit . 56.
- Musica an in Cælestibus . 177.
- Quomodo ad Musicam consonantiam faciant etiam dissonantiæ . 185. num. 34.
- Duo semitonia in Musicis, an sint duæ æquales eiusdem toni partitiones . 817. num. 71.
- Comma Musicum an intret in rationem toni . 819. num. 72.
- Muta Musica quid . 502. n. 96.
- Nares quid, & ad quid, in Opere architectonico, præsertim in Aquaductis . 507.
- Nauigatio, quando & à quibus inuenta . 509. & 1004.
- Quantum commodi præstet humanis commercijs, atque omnium terrarum communicationi . ibid. & 1004. 21.
- Nauis in terrestribus aedificijs quæ pars intelligatur . 510. n. 8.
- Nebulosa stella cum Luminaribus, an semper, & qua ratione vitium inducant in oculis . 512.
- Neumarum usus in Cantu Gregoriano, ad quid, & quando introduciis . 513.

Nodi Planetarum, an ab ijs sui similem qualitatem participant. 345. n. 32.  
Notarius nomen & officium, unde defluerit. 518. num. 21.  
An in Notis arithmetis, & verborum initialibus litteris, ullum myste-  
rium lateat. 193. à num. 7.

An ex ijs, aliqua fausta sint, alia infausta, & ominosa. 397.  
Nouilunij momentum observari, quàm faciliè ex lixiuio possit. 521.  
Numeralis scientia quàm Reip. necessaria. 522.

An in numeris pronicis, ulla virtus naturalis absconsa sit. 393. & 521.  
Obsidio Urbium quotupliciter iniri consueverit. 529.

Quis tutior & sine sanguine. 530. n. 9.  
Verum Occidens à Modernis Geographis ubi constitutur. 531.  
Octimestris partus cur non superuiuat. 371. n. 15.

Oculi mira fabricatio à Natura sedulo instituta. 288.

Quomodo per eam edocti simus speculorum efformationem. 845.  
num 117.

Quot tunicæ ad visuam potentiam constituendam concurrant. 288.  
Oculus quid in Opere architectonico. 1039. & sequ.

Olympiadum ratio unde habita, & quo tempore caperit. 537.

Oppositio in Astronomicis, quare absolute hostilis radius sit, & infe-  
stus. 974.

An aliquando in fortunis numerari debeat. 541.  
In Oppidorum fundatione quænam cautiones potissimum observanda. 137.  
Oracula Demonum an semper falsa extiterint ex Idolis, delusoria, &  
captiosa. 387.

Ouum in Architectura quid & quoduplex sit. 555.

Unde emerfit fabula, quod ab ono è celo delapso, Elena sit exclusa. 556.

Palatia, cur agnominata sint Principum Mansiones. 560.

Palationes in ædificijs maritimis, & locis stagnantibus ac paludosis, quo-  
modo incunda sint, ut diù consistent atque in æternum durent. 559.

Paradisus ubi terrarum sit, an ex scripturis, & Geographica peragratione  
colligi possit. 571.

Paradisi nomine cur olim appellata fuerint Cameteria; & Atria Basili-  
carum. 572. n. 19.

Paralleli cosmici & ascensionales in Astronomicis qui sine, & an parem  
cum Antiscijs habeant efficaciam. 578. à n. 25.

Parameter in sectionibus Conicis, quo modo facile inueniatur. 584.

Parigium in Hydrographia quid, & ubi dicatur esse. 588.

Partilis radius in Astronomicis, ut efficax sit, quid requirat. 590. n. 40.

Pes in Nauigij, quam præcisè partem appellet. 617. n. 81.

Nonæ Phenomena in Cælo apparentia, nùm ex materia elementari, an  
ex æthereæ coalescant. 624.

*Pictura, quomodo ad Mathematicas facultates pertineat.* 629. n. 101.

*An supra Sculpturam aliasque liberales artes praeemineat.* 630.

*Platonis quid sit in opere architectonico.* 640.

*Pleiadum sidus quot stellis constet.* 626. & 642.

*Vnde est, ut aliquando sex, aliquando septem, clara luce dispiciantur.*  
303. n. 2. & 625. n. 91.

*Plenitidum nomen, quamobrem ad regulas seu registra musicarum organorum à Mechanicis applicetur.* 644.

*Poetica, qua ratione Mathesis partus sit & discipula.* 650.

*Pontium quanta utilitas & necessitas in operibus pacis simul & belli.*  
657. & sequ.

*Eorum subiecti arcus, quare impares semper constituentur.* *ibid.* n. 139.

*Porticus ample, cur magnis Basilicis, Gymnasijs, & publicis adibus adijciantur.* 658. n. 146.

*Processionum ritus in Ecclesia in publicis supplicationibus, unde processerit.* 570.

*Promuralia (vulgo Falsae brachae) ad quid manibus apponatur.* 677. Item  
*Propugnacula plana (vulgo Piataforma) in Regalibus Munimentis ad quid deserviant.* 675. n. 120.

*Vtraque adificio, an portanti plus habeant, quam muniminis.* 636.  
& 678.

*Puteorum effossio, quam necessaria in pacis orio, & in bello.* 697.

*Quantum faciant in Architectura, ad adificia firmiter statuenda.* *ibid.*  
num. 207.

*Quibus cautionibus aperiendi.* *ibid.*

*Quadratus aspectus cur hostilis, Trinus autem & Sextilis benignus.* 974.

*Quadratrix linea qua apud Geometras audiatur.* 708.

*Quantum luminis conferat ad Circuli Quadraturam inveniendam,* *ibid.*

*Quadrinium Scientiarum, cur dicta quatuor primariae Mathesis Discipline.* 712.

*Quomodo in Astronomicis, planetae in locis, ubi in radice constituentur, intelligantur imprimere sui participem qualitatem.* 345.

*Qualitas aeris, an sit salubris vel tabidus, qua arte dignosci possit in Oppidis & Castris ponendis.* 137.

*Quintana nomen & decursio, unde ortum sumpsit.* 726.

*Quomodo ad ornatos sacellorum cancellos in Ecclesijs, vox derivaverit.*  
*ibid.* n. 23.

*Quintilis & Biquintilis radius in Astronomicis, an admittendus.* 717.

*Radius, in quo differat à splendore & lumine.* 724. num. 7. & 857.  
num. 138.

*An diffundatur per modum Coni, aut per lineam rectam.* *ibid.* & n. 9.

*Radix Quadrata & Cuda in Arithmetice qua. 727. n. 13.  
Ad utramque certò & facile extrahendam, qua methodus ab Algebricis tradatur. 728. n. 15.*

*Rationalia Signa, an inire, & quâ ratione denominata sint in Caelestibus quadam Constellationes, uti & ferina, ruminantia, muta, &c. 733. à num. 21.*

*In Reflexione radij & repercussione, qua virtute augeatur, & conducatur immissa vis & effectus emanans; cum alias à passio impediri videatur atque refringi. 742. n. 35.*

*Quot bona & miri effectus ex reflexione promanent. 7. ibid.*

*Regionis nomine quid veniat in Geographia, quid in Topographia. 745.*

*Regulus, stella fixa in corde Leonis, quam ob rem tanta efficacia praeter ceteris fixis sit, cum magnitudine, & vividate luminis à plerisque superetur. 753.*

*Retrogradatio ab Astronomis in planetis asserta, an verè in ipsis reperitur. 762.*

*Quid in ipsis hac passio operetur. 761. n. 70.*

*An Malefici per eam insensiores fiant. n. 69.*

*Revolutio annua ab Astrologis asserta, & observata, an quidquam soliditatis habeat in natura. 763.*

*Quomodo ad naturam, & vera philosophia principia corrigi, & renovari cum lucro possit. 764. n. 73.*

*In Rore, quomodo fructus omnes Caeli simul, & terra epilogentur, ac benedictio Dei sita sit. 998. n. 12. & 13.*

*Ruga quid in Opere architectonico. 769. n. 85. & sequ.*

*Sagma nomine, quid intelligant Architecti, & Perspectivi. 775. & sequ.*

*Saltatio ad numeros, an natura inducta sit, proindeque laudabilis in se & virtuosa. 776. n. 8.*

*In quot species diuidatur. 777. à n. 9.*

*In Sacris potissimum adhibita, tam apud Ethnicos, quam in Populo Israelitico. ibid.*

*Qua ratione spiritus aded reletur, & exhilaret, ut quandoque proxima dispositio extiterit ad prophetandum. ibid.*

*Satellitium quid in Luminaribus. 780. n. 15. & 16.*

*An & quomodo suos satellites habeant tres planeta superiores. 782. num. 17.*

*Saturnus, cur perhibeatur ab Astrologis vita hominum inimicus. 783.*

*An Insectis saltem, & aliquibus plantis vitam tribuat, & conferret. 785. n. 21.*

*An propterea dicendus sit pollere qualitatibus calidis, & humidis. ibid.*

*Scalarum in opere architectonico quanta necessitas, sed quàm difficilis positus.* 786. n. 23.

*Quanta earum diuersitas, & usus, cùm in pacis otio, tùm in bello.* 788. à n. 25.

*Scala nautica ad ascensum, quo iure Diabatra dicta sint.* 226. n. 36.

*Scintillatio in fixis, quàm diuersa; & unde in ipsis proueniat.* 798.

*Scola, & Schola, quàm diuersa sint, & valde disparata indicent in opere architectonico.* p. 302.

*Scorpio fidus, quàm fallax, malignum, & insidum.* 805.

*Quantam connexionem, & præpollentiam habeat cum scorpionibus terrestribus.* ibid.

*Scorpionis vocabuli varia acceptio in re militari, atque Agricultura.* 803. n. 52. & 54.

*Sculptura, an Pictura ingeniosior ac mirabilior.* 807. n. 57.

*Quomodo nullis adminiculis egeat, sed in egestate, & priuatione sit ditior.* ibid.

*Sectio quid in Conicis, & in opere architectonico.* 187. & 813.

*Sectio cadauerum an laudabilis, & quid prosit in Medicina.* In Præfat. num. 8.

*Secretarium quid loci olim in Tribunalibus, quid postea in Sacris adibus.* 812. & sequ.

*Semiquadratus, & sesquiquadratus aspectus in Astronomicis, an admitendi.* 816.

*Semionium in Musicis, cur non appelletur esse queat dimidium toni.* 817.

*Signorum aqua distinctio in Zodiaco in XII. partes, quàm appositè inita.* 829.

*Sol, an & quomodo Mundi Centrum.* 910. & 839. n. 105.

*Qua ratione Vas admirabile, & Natura Administer dicatur.* 838. num. 103.

*Solstitium nùm duplex, an vnum tantummodò admittendum.* 842. & sequ.

*Specula in adificijs, quomodo commodum præsent, & venustatem adijciant.* 844.

*Speculorum inuentio, an arte habita, vel potius à Natura operibus comparata.* 845. n. 117.

*Specula vltoria, qua arte formentur.* 846. n. 119.

*Specus, & Antra, quomodo prima Architectura lineamenta à Natura nobis exhibita.* 848. n. 120.

*Quàm opportuna ad pietatem concipiendam atque firmandam.* ibid. n. 121. & sequ.

*Sublunaria, quare dicta sint inferiora hæc, celestibus influentijs obnoxia.* 878. n. 177.



*Subsidia in re militari, in quo differant à suppetijs, & auxilijs.* 880. n. 180. & 888. n. 194.

*Tecti quanta necessitas in structuris, ut sine eo etiam fundamenta satiscant.* 900. & 323. n. 9.

*Telescopij inuentio, quo tempore, & cui potissimum, eius conuincendi laus steterit.* 982. n. 115.

*In quo consistat eius artificium.* 984. à n. 117.

*An & quomodo, fabricari queat amplius, & binoculum.* 985.

*Templum originariè quid propriè signet in opere architectonico.* 902. n. 9.

*Vnde postea ad denotandum totum adificium, & Sacras potissimum ades, est dilatatum.* n. 11.

*Termini Planetarum qua ratione ab Astronomis asserti, & quinque Erraticis distributi.* 908.

*Quare ab eorum presidentia Luminaria excludantur.* ibid. n. 16.

*Quæ distributio ipsorum sit magis, rationi consona, Ptolemaica, an Aegyptiorum.* ibid.

*Terra, in quo sensu sit Mundi Centrum.* 910. n. 18.

*An illuminetur à Sole, ac suas phases obeat, perinde ac Luna.* 911. num. 19.

*An affectet aquabilitatem, & ire sub aquis.* 909. n. 17.

*Textrina, quem locum teneat inter liberales artes.* 921. à n. 34.

*Quantam cum omnibus mechanicis, quin & sublimioribus Mathematicis disciplinis, necessitudinem habeat.* ibid.

*Quam varia & locuples sit, & ad quantum ambiciosè se extendat.* 922. & sequ.

*Cur à viris inuentoribus derelicta, & ad feminas amandata.* 923. & sequ.

*Tberma quid propriè indicent.* 930.

*Quomodo ex necessitate natura, ad luxum, & vitiorum incitamentum transferint.* 931. à n. 43. Vide etiam in *V. Balnea.*

*Tolleno, an idem ac Manus ferrea Antiquorum.*

*Tormenta fulminalia, an truculentiora, ac terribiora Caeli fulminibus.* 951.

*An in perniciem Naturæ magis, quam in leuamen & subsidium, sint inuenta.* ibid. n. 69. Vide etiam in *VV. Bombarda, Pallandra,*

*Pyroclastrum, &c.*

*Transitus Planetarum per loca bylegialia, apud Astronomos, quanta sint efficacia.* 956.

*Triangulum cur dictum basis & cardo totius Geometria.* 961.

*Quomodo in illud omnes figura geometrica resoluantur.* ibid. & p. 48. n. 69.

- Quomodo omne parallelogrammum in Triangulum conuerti possit, & econtrà.* 739. n. 31.
- Trichora loca in Opere architectonico, quæ apud antiquos scriptores.* 968.
- Triclinia, cur dicta loca Cænationibus destinata.* 970.
- Tuba vocalis, qua arte parari queat ad multam distantiam exaudienda.* 866. à n. 158. & sequ.
- An eiusmodi fuerit Cornu Alexandri Magni, è diffitis valdè locis exercitum conuocantis.* 869. n. 161.
- Eiusdem cum Tubo optico conuenientia, & affinitas.* 868.
- Tubus Opticus, Vide Telescopium.*
- Vacuum, an ad eò Naturæ inimicum, ut Philosophi depradicant.* p. 992. & p. 53. n. 77.
- An Naturæ ab eo auersio & contranitentia euincatur ex motu rerum contrà suam naturalem inclinationem ad omnem vacuitatem implendam.* ibid.
- Quomodo à Mathematicis vtrò admittatur, & in eo fundent suas demonstrationes.* 993. n. 2.
- Vapor, qua ratione fructus siderum vocitetur, & basis omnium meteoron.* 998. 1. 12.
- Vestis potentia quàm mirabilis.* p. 1000. n. 15.
- Vnde eius tanta vis.* ibid. n. 16. & 17.
- In eo fundantur omnes operationes mechanica, & instrumenta statica, & traictoria.* p. 1001. n. 17.
- Ventorum qua natura, diuersitas & generatio.* p. 1011. n. 33. & sequ.
- Cur, cum è terra prosiliant, non sursum, sed per latera disperguntur, & persilant.* n. 33.
- Vmbilicus quid in Geographicis, quid in Architectura, quid in Sectionibus Conicis.* 1028. Vide etiam in V. Focus.
- Qualis fuerit Vmbilici forma, ad cuius rationem efformata perhibentur aliquorum Deorum Idola.* ibid. n. 54.
- Vmbra, quid in recto dicat, lucem, an tenebras.* 131. n. 59.
- Vnde aliquarum arborum umbra salutaris sunt, aliarum venefica ac morbofa.* 1032.
- Quid intersu in opere architectonico, Xystos inter, & Xysta.*
- Zodiacus quoruplex.* 1056.
- An sapienter, & cum fundamento in Natura, eum Astronomi in duodecim signa dissipuerint.* 1057. n. 9.
- Zona, an omnes commodè habitabiles.* p. 1065. à n. 27.
- Zophorus, quem locum sibi vendicat in opere architectonico.* 1066. n. 28.
- Eius laudes, ac dignitas.* n. 29.
- Quam variè pro ratione operis exornetur.* n. 30.

**Grauiora, quæ sensum turbare possunt,  
Errata sic Corrige.**

Pag. 59. v. 15.	Aitruuius.	Vitruuius.
66. v. 33.	tumultum.	tumulum.
99. v. 19.	sec.	sed.
111. v. 6.	erat.	erant.
122. v. 14.	quæ	qua.
188. v. 10.	reliqua.	reliquæ.
192. v. 34.	remanfio.	remanfit.
205. v. 8.	non figuram.	dele non.
226. v. 28.	rideretur.	viderentur.
242. v. 25.	albi.	alibi.
249. v. 2.	filium.	filum.
ibid. v. 25.	alius.	altius.
257. v. 33.	concerto.	concreto.
261. v. 22.	exprobratis.	ex probatis.
370. v. 4.	Pluto.	Plato.
470. v. 18.	Mathematicani.	Mathematicarum.
490. v. 21.	roti.	toti.
509. v. 11.	Suburra.	Saburra.
745. v. 34. & 38.	Virgilium.	Vigilum.
794. v. 3.	minas.	ruinas.
893. v. penult.	longum.	longas.
901. v. 27.	pra.	pro.
904. v. 11.	manificentiz.	magnificentiz.
910. v. 32.	computat.	competat.
916. v. 39.	fertis.	fertis.
921. v. 32.	quia.	quin.
939. v. 31.	offensiuæ.	defensiuæ.
964. v. 28.	deletæ.	deletæ.
977. v. 36.	inferiorem torum.	inferiorem torum.
981. v. 18.	ratione.	rationem.
986. v. 11.	quem.	quàm.
987. v. 25.	debant.	debeant.
990. v. 21.	<i>γίγαντες.</i>	<i>γίγαντες.</i>
993. v. 17.	vel umilia.	vel dissimilia.

Reliqua minutiora per se patent: eaque Lectoris  
prudentia excusabit.

## Censura Deputatorum Ordinis.

**I** Vssu Adm. Reu. Patris D. Caietani Pagani, nostræ Congregationis Præpositi Generalis, legimus, & accuratè examinavimus Librum inscriptum *Lexicon Mathematicum*, &c. à P. D. Hieronymo Vitali eiusdem nostræ Congregationis Theologo: ac non modò nihil offendimus Catholicæ Fidei, aut bonis moribus contrarium; sed potius reperimus plurima eruditione refertum, optimo ordine, & summa claritate dispositum, ut proinde non tam rerum Mathematicarum studiosis, quàm variæ, & amcenæ litteraturæ cupidis, maximopere gratum atque proficuum fore confidimus. Quapropter publica luce dignum existimamus. Romæ in Aedibus S. Silvestri Montis Quirinalis decimo Kal. Ianuar. Ann. 1685.

*D. Caietanus de Andrea, Consultor Clericorum  
Regularium, S. Theologia Professor.*

*D. Ioseph Maria Arrigonius, Consultor Clericorum  
Regularium, Sac. Theologia Professor.*

---

### A P P R O B A T I O

*D. Caietanus Paganus Congregationis Clericorum  
Regularium Præpositus Generalis.*

**H** Oc opus inscriptum *Lexicon Mathematicum* &c. à Patre D. Hieronymo Vitali nostræ Congregationis Theologo scriptum, atque omnium reliquarum Scientiarum, quæ Mathematicæ substernuntur, terminis, illustrationibusque ad complementum Operis locupletatum: quum duobus è nostris P. P. Consultoribus, eruditis viris, atque in materia versatis, specialiter dedimus examinandum: ijque acuratè revisum, in lucem edi posse probauerint: Quod ad nos spectat, ut typis mandari possit, facultatem facimus. In quorum fidem præsentem litteras manu nostra subscriptas, & nostri muneris sigillo munitas damus. Romæ in Aedibus nostris Quirinalibus S. Silvestri die 14. Februarij. 1685.

*D. Caietanus Præpositus Generalis.*

loco †. Sigilli.

*D. Michael Barbi Secretarius Clericorum Regularium.*

*Im-*

*Imprimatur,*

Si videbitur Reuerendiss. Patri Mag. Sac. Pal.  
Apost.

*Stephanus Ioseph Menastus Episc.  
Cyrenen. Vicesg.*



31. Octobris Anno 1689.

**E** Go Franciscus Eschinardus Societatis Iesu, legi Lexicon  
Mathematicum admodum Reuerendi Patris D. Hieronymi  
Vitalis Clerici Regularis; & nihil inueni in ipso vel contra  
Fidem, vel contra Bullas, vel contra bonos mores: Ma-  
nu propria.

*Franciscus Eschinardus  
qui supra.*



*Imprimatur,*

Fr. Thomas Maria Ferrari, Ord. Prædicat. Sac.  
Apost. Pal. Magist.



HIERONYMI VITALIS  
CLERICI REGVLARIS  
LEXICON  
MATHEMATICVM

Alphabetico ordine digestum,  
& concinnatum.



A.




, FIGVRAE, quæ est initialis Lite-  
ra, primumque literalium chara-  
cterum, secundum ordinem Alpha-  
beticum, (quem in nostro LEXICO  
sequimur,) Elementum, explicandis  
nobilissimarum scientiarum Mathe-  
maticarum vocibus, principiisque  
tradendis, fortuito, opportunoq;  
occurfu, aditum aperimus: siquidem  
vel ipsa eius inspectio, & nuda  
formæ consideratio animum proxi-  
tat, ingeniumque acuit ad inte-  
riora, quæ latent mysteria curiosius inuestiganda: proindeque pla-  
nam, facilem, iucundam, ac spatiosam viam sternit ad vniuersam,  
quâ latè patet, Mathesim comparandam. In ea enim basis est, ac di-  
cendorum exemplar & summa: quodque Euclides Geometrarum,

A

Prin:

Princeps, totis sex primis Elementorum libris, longo circuitu, appositisque figuris, per varias Definitiones, Pronunciata, Theorematum, demonstrare nititur, hoc vna A figura, icu oculi exhibet, exhibendo docet, docendo allecat simul, & instruit: atque alliciendo, & instruendo, Tyronem propè Magistrum insensibiliter facit. Itaque eius formam, & partes curiosè examinemus.

- 2 Constat, A, ex tribus lineis se inuicem contingentibus, atque in angulos terminantibus: ex quibus duæ adhuc vterius progrediuntur; ut intelligas, & oculis simul usurpes Lineæ rationem, & angulorum naturam, & puncti terminantis, omnisque dimensionis expertis, conditionem. Etenim summus apex punctum refert: quod si singas præterfluere, lineæ suceffionem concipies, longitudinis quidem compotis, sed non latitudinis. At verò spatium, quod intra lineas continetur, tibi Superficiem exhibebit, quæ longa & lata est; & intelligitur esse fluxus lineæ lateraliter incedentis: quæ, si vndique lineis concludatur, appellatur etiam in figuris, Area, longitudine, & latitudine prædita; sed non profunditate, quarum collectiue habetur omnis, & trina dimensio: quæ conuenit corporibus solidis. Cæterum quæ hucusq; diximus, in subiecto schemate demonstrantur.




Vbi A. punctum denotat: A.B., B.D. progressionem lineæ ab A. in D. Anguli sunt D. D. D. ex quibus duo inferiores alios duos habent conterminos, & externos. Area autem seu superficies, spatio per C. notato præfiguratur.

- 3 Porro ex diuersa linearum adinuicem habitudine, & coitionis modo, diuersæ angulorum, indeque geometricarum figurarum species, uti triangularium, simul & trilaterum; quadrangularium, pentagonarum, &c. exhibentur. Si enim tribus lineis superficies aliqua terminatur, ea figura trilatera, ac triangularis est: si quatuor, quadrilatera: si quinque, pentagona, &c. Item omnis figura, quot latera,




latera habet, totidem similiter angulos cōplecti necesse est: & ubi latera cōiunctia æqualia sunt, æquales, hoc est eiusdem prorsus rationis angulos, efformabunt. Namque omnis angulorum ratio ad tres species reuocatur: Aut enim erunt Acuti, aut Obtusi, aut Recti. Rectus est qui rectā cadit, hoc est qui à perpendiculari in planum & rectam lineam incidēte formatur: Acutus minor est recto, seu minus spatium occupat: Obtusus est maior, quia maius spatium comprehendit. Inde ex varia angulorum affectione, numero, & qualitate, variaz triangularium, (& si figuræ pluribus, quam tribus angulis content) quadrangulorum, & quarumuis figurarum Isoperimetrarum, vel Trapeziorum species innascuntur, de quibus singillatim infrā, suis in locis. Nunc autem de solis Triangulis, & Quadrangulis, quæ tantummodò suscepta figura exhibet contemplanda, aliquid stricim dicamus. Ergo Triangulum A.B.B. quod aream superiorem concludit, tribus angulis acutis, ijsque inter se æqualibus necessariò constare debet, totidemque lateribus item æqualibus: quod ideò absolutè Triangulum Aequilaterum audit. Si verò duo tantum latera sint æqualia, tertium, autem vtrouis, aut maius, aut minus. Triangulum prodibit, quod vocatur *Isoceles*, habens necessariò duos angulos acutos, & reliquum aut obtusum, aut acutiorem, aut sanè rectum, iuxta maiorem aut minorem eiusdem lateris longitudinem. At si latera discordabunt, & omnia inæqualia erunt; tunc Triangulum illud vocabitur *Scalenum*. Et in his omnibus, si vel vnus angulus erit rectus, totum triangulum denominabit rectum, atq; Rectangulum. Hæc omnia ex Euclide primo Elementor. Horum varietatem ac singulorum nomenclaturam in subiectis figuris exhibemus.



Ex his Prima Figura in punctis a. a. a. dabit videre triangulum æquilaterum æqualium angulorum, eorundemque acutorum. Infrā; quadratum ex quatuor lateribus æqualibus, ac totidem angulis.

lis rectis constans. In secunda triangulum Ambligonium exhibetur, quod habet vnum angulum obtusum, reliquos duos acutos. In Tertia, triangulum rectangulum: & hæc omnia conueniunt in vna ratione Iſosceles, quia habent duo saltem latera æqualia. Reliqui trianguli sunt Scaleni, quod omnia latera sunt inæqualia, & consequenter inæquales anguli, quorum vnus necessariò erit rectus, aut obtusus, reliqui duo acuti. Porro vnumquodque latius protrahitur, vbi cum altero latere coit, dat intelligi duos angulos inde exortos, quorum alter dicitur internus, pertinet ad ipsum triangulum, alter ab extrâ, dictus propterea externus: qui simul iuncti, aut sunt, aut æquivalent duobus angulis rectis, ita ut si alter acutus sit, alterum consequenter obtusum esse necesse est: quantumque in vno à recto detrahitur, tantundem ad alterum accessionis fieri, vt sit magis, aut minus obtusus. Et quod de rectilineis diximus, de Curuilineis, etiam, ac Mixtis intelligendum est. Sunt autem Figuræ Curuilineæ quæ omnia latera habent curua, seu arcuata, vt sunt triangula sphærica: Mixtæ verò quæ lateribus partim rectis, partim arcuatis constant: vt infra videre est.



4

Sed enim quod diuersis, & infinitis propemodum figuris, siue sub oculos positis, siue mente conceptis exprimitur; id totum in se vno continet & repræsentat vulgare illud Instrumentum ad A, litteræ similitudinem efformatum, quod nos Normam, Libellam & Squadræ communiter appellamus. Hoc enim uerò se solo, totius Geometriæ Summa, & singulare Geometrarum subsidium, atque ad complendas omnes geometricas operationes confugium, iure vocari poterit. Cuius speciem hic exhibere, operæ pretium erit.

In hoc igitur instrumento tota triangulorū ratio Theoricæ, & Practicæ fundatur: omnis dimensionum habitudo conspicitur, & perpendiculi ope in eius supremo apice appensi, declinationes à recto, & quantæ sint interceptæ partes indagantur: diuersi generis triangula expen-


expeduntur: Rhombi, Rhomboides, Quadrata, Parallelogramma, Trapezia, exhibentur; locorum distantiz, longitudo, latitudo, montium altitudo, vallium profunditas dignoscitur: & quidquid Astronomi, Geometrz, Architecti, Gromatici, Statuarij, Pictores, tormentorum Libratores, Czelo, terræ, siue in bello, siue in pace, meditantur, ac moliuntur, hoc veluti directore, ac duce peragunt, atque perficiunt. Sed quorsum amplificandi miræ huius figuræ magnalia, me nimius ardor abduxit? Longiùs quàm par est, in primo ingressu huius vastissimi maris, à littore soluimus; & plusquam simplex adumbratio exigebat, progressi sumus. Colligamus hic vela: sat est Nouitij ad hæc studia animandis, id summis labijs tetigisse. Cæterùm suis in locis amplior erit diuagandi materia, & sermo profusior. Schema prædicti Instrumenti exhibemus.



Verùm in A, literæ commendationem prætereundum non erit, quod, præcisè etiam Mathematicis observationibus, vel in eo quod pura, putaque litera est, adhuc ut ritè delineetur, mathematicis regulis, & commensurationibus opus habet, quemadmodum & reliqui literarij characteres. Siquidem apud accuratiores Architecturæ Scriptores, non minus exactas inuenies leges, ac præcepta probè literas efformandi, quàm de ædificio magnificè erigendo. In cuius rei gratiam, placet hic circa literam A, tantummodò (quando de ea sermo est) duplicem describendi rationem; ex duobus auctoribus excerpere; quorum alter insignis in scribendo magister est, alter nobilis Architectus, vterque ex Ordine Minorum, hicque oculis exhibere.

Prima est Fr. Vespasiani Amphiarei Ferrariensis, qui in libello; quem de varijs characterum formis, ac ritè scribendi modulis, in lucem edidit, hanc præ alijs maiuscularum, ut vocant, seu Romanarum

rum scribendi methodum tradit. Igitur intra septa perfecti Quadrati in area descripti, literas omnes concludit, ea lege, ut primum area ipsa in octo æquales partes tribuatur: tum octona pars assumitur pro regula maioris amplitudinis, quam in suo corpore habere debet quævis litera describenda: tertia verò istius particula est mensura, & proportio, quam seruare conueniens est minor literæ terminus, & amplitudo. Et in A, quidem sinistra pars, seu crus, amplitudine sua, octonam, ut dixi, partem debet implere: sinistrum verò, eiusdem tertiam solummodò partem. Hinc à basi ad verticem, ex vtriusque angulis duæ transuersæ in rectum lineæ ducendæ sunt, quæ quidem non in puncto se contingant, sed tantundem spatij post se relinquunt, quantum latioris cruris est amplitudo; cæterum ab angulis respondentibus æquè altera disset. Et ut tandem coeant extrà aream, angulum non rectilineum, sed mixtum ex recta sinistrorsum protensa, & semicirculo vtramque partem necente, elegantissimè efforment. Quod similiter in pedum basi compleri debet, ut tantundem extrà aream prodeant, quantum desuper cuspis. Tum introrsum duæ item his parallelæ, ad distantiam à sinistris per octonam quadrati partem, à dextris per eiusdem partis trientem, ut suprà dictum est, ducuntur, quæ in medio ad extremum quadrati angulum terminent. Tandem in media distantia duabus lineis itidem parallelis in amplitudinem dextri cruris, hastam, quam, & transuersam vocant, locabis: ex quo in area, hinc à superiori parte triangulum æquilaterum, inde ex inferiori genus quoddam trapezij, seu parallelopeuræ ritè efformatum videbis, ut in subiecta prima figura.



Secunda delineatio paulò operosior, est iuxtà methodum, quam tradit Lucas Burgenſis in ſuo *Divina Proportionis* libro, atque elegan-

gantissimis characteribus expressit A. Paganinus ibidem. Inscribe enim in area quadrata circulum: tùm ad angulos oppositos ducit duas diagonales sese in centro intersecantes, & alias duas in rectum sese itidem decussantes. Quibus positis, super eas, literas delineari mandat, hoc videlicet ritu, vt sinistrum crus nona parte amplitudinem areæ præhendat, dextrum verò, eiusdem partis medietatem. Denique transversum tertiâ eiusdem parte sit minus: itaut tota amplitudo characteris, circa centrum, & intersecationem diametrorum versetur: ac tandem intrâ quinque idoneos circulos anguli tùm bascos, tùm verticis includantur. Quod longè clariùs oculus observabit, quàm calamus exarare possit.

Quid superest? Etiam in militari Architectura, A literæ figura 6  
auspicata est, ac perutilis, in proba videlicet, ac tuta aciei explicacione, in ordine ad prælium feliciter ineundum. Author est mihi Vegetius lib. 3. cap. 20. vbi proponens, quonam pacto is qui inferior & numero & viribus est exercitus, valeat in conflictu victoriam reportare; postquam de instructa in, quadratum acie multa diffinit, difficultatesque, & pericula censuit, quæ in eâ sic disposita sepius inveniuntur, vti & in alijs milites ordinandi formis, quas successiue refert, cum earum commodis, & incommodis; tandem hanc quam secundo loco examinat, cæteris, vt tutissimam antepone: ait enim. *Secunda depugnatio est obliqua, quæ plurimis melior. In qua (nota) si paucos strenuos loco idoneo ordinaveris, etiamsi multitudine hostium, & virtute turberis, tamen poteris reportare victoriam.* Ecqualis est ista tam felix, & auspicata militum ordinatio? Sequitur. *Cùm instructa acies ad congressum veniunt, tunc tu sinistram alam tuam, à dextera aduersarii longius separabis, ne vel missilia ad eam, vel sagittæ perueniant: dextram autem alam tuam sinistra alæ illius iunge, & ibi primùm inchoa prælium; itaut cum equitibus optimis, & probatissimis peditibus sinistram partem illius, ad quam te iunxeris, aggrediaris, atque circum-eas: & detrudendo, atque supercurrendo, ad hostium terga peruenias. Quod si semel aduersarios exinde pellere cæperis, accedentibus tuis, indubitatam victoriam consequeris, & pars exercitus tui, quam ab hoste submoveris, secura durabit. Ad similitudinem autem A, literæ, vel libellæ fabrilis, acies in hoc dimicandi genere constituitur.* Hæc Vegetius. Adeò non minùs in armorum, quàm in literarum exercitio valet, & primas tenet A. felicissima litera, quæ non in pacis artibus modò, & ciuili Reip. institutione, in disciplinis promouendis aptissima est; verùm etiam in ipso belli discriminine, & periculoso conflictu valde opportuna, perutilis, ac propè dixerim, necessaria est ad victoriam reportandam. Quæ omnia bellè cadunt in commendatio-


tionem pulcherrimæ huius literæ, atque ad ornatum primi aditus nostri Lexici Mathematici. Quod ideo huius alphabeticam coordinationem strenuè prosequamur.

## A B

- 7 ABACVS ad varias significandas res communiter vsurpatur. Nos ijs neglectis quæ ad rem nostram non faciunt, in quo sensu ab Mathematicis accipiat solummodò explicabimus. Ergò vox ista in opere architectonico denotat partem illam, quæ in Columnatis Ordinis Ionici, & Corinthij summum Columnæ Capitulum conplet, & veluti operculum ad instar quadratæ tabulæ, refimatis tamen ad maiorem venustatem lateribus, illud contegit, & exornat. De eo hæc præcepta tradit Vitruuius lib. 4. cap. 1. *Abaci latitudo ita habeat rationem, ut quanta fuerit altitudo, bis tanta sit diagonis ab angulo ad angulum.* Et mox infra. *Abaci crassitudo (subdit,) septima capituli altitudinis.* Quare malè nonnulli Columnæ basim intelligunt, æquiocatione facta ab Italica appellatione *Dado*, ex forma videlicet cuba, seu quadrangulari, qua Nostrates ob maximam, similitudinem, quæ inter utranque partem intercedit, promiscuè nominant: sed ea proprio nomine *Plinthus*, hæc *Abacus* latinè dicitur. Cæterum silentio prætereundum non est, quod quamquam hoc loco Vitruu. signatè de Columnæ Corinthiæ Capitulo tantum loquitur, & abaci ritè deformandi præcepta docet, non tamen, propterea in alijs aliorum ordinum Capitulis non admittit, quin potius probat, & de omnibus vniuersaliter procedit; cum reuerà hoc membrum in omnibus requiratur, & sit totius operis complementum: Vnde iure ab Leone Baptista Alberto in lib. de Re Aedificatoria, hæc pars non alio nomine, quàm operculi præsignatur. In alia etiam significatione sumitur à Vitruu. hoc vocabulū lib. 7. cap. 3. ubi ait: *Itaque veteribus parietibus nonnulli crustas excidentes, pro abacis utuntur; ipsaque tectoria abacorum, & speculorum diuisionibus circa se prominentes habent expressiones.* Et cap. 4. idipsum ferè habet. *Supra podia, inquit, abaci ex atramento sunt subigendi, & poliendi, cuneis silaceis, seu miniaceis interpositis.* Hic autem manifestum est, ipsum loqui de opere tectorio: quod ideo inepta est, ac præpostera Philandri, & Barbari (magnorum cæteroqui virorum) huius loci interpretatio, asserentium, in eodem sensu loquutum fuisse utrobique Vitruuium, & nomine abaci, hic accepisse mensas, seu tabulas, quas vocant, rationum, eoquod quadratæ erant, & in nihilo à columnarum operculis discrepabant. Quam loquendi formam sequutus est etiam Sidonius Apollinaris in Ep. 2. dicens. *Stibadio enim, siue abaco fulti conuiua discumbebant.* Sed enim in Vitruuio loc.



loc. cit. nulla sessionis mentio fit, aut mentionandi datur occasio, sed tantum ratio traditur parietes incrustandi, vel picturandi. Magis ad rem, & vero propius discutrit Abbas Gualtallensis Bernardinus Baldus in Lexico Vitruuiano, (quod de obscuris & controuersis Vitruuii vocabulis doctissime compilauit) docens locum intelligendum esse de Quadratis pictis, quibus Nostri Architecti varijs interpositis intercisuris, vel coloribus, parietes exornant, quosque *Compartimentos*, & *Repartimentos* appellant. Concordat Martianus Capella lib. de Geometria (immemor à Philandro irrisus, ac reiectus,) dùm dicit: *Abacus res est depingendis, designandisque opportuna formis. hoc est, (vt ipse Philander explicat) Mensula hyalini pulueris, (is est ex contulo, & viridi vitro confectus) respersione colorata, ubi vel lineares ductus, vel circulares flexus, vel triangulares anfractus radio describuntur.* Ad quæ confirmanda optimè faciunt quæ modò ex cap. 4. textus Vitruuiani subieciimus. *Abaci ex atramento sunt subigendi, & poliendi, cuneis silaceis, seu miniaceis interpositis.* Ceterùm, vt ad Columnarum Abacum reuertamur, de cuius dimensione, & symmetria ad reliquas partes, agit Vitruu. primo loco citatus, vtique felicius & plausibilius rem explicat Philander ipse, adiecta etiam figura. Si imam, inquit, *crassitudinem columnæ quadrato clausam circulo cinxeris, eumque ipsam alio quadrato includas; quæ ad angulos ducuntur lineæ, duplò maiores erunt imi scapi diametro; eaque erit iusta abaci latitudo.* Tùm diuersas eiusdem deformandi, sinuandique, ab alijs traditas rationes examinans, suam tandem, vt aptiorem obtrudit, concludens, nil aliud in eo attendendum esse, præter sinuationem, & quod cornua in angulum terminent: prout videre est in subiecta figura.





- 8 ABATON, Græcè, teste Vitruuio lib. 2. cap. 8. locus erat olim in ædibus ab alijs segregatus, & faustior, ad quem nullis, aut sanè insignibus dignitate hominibus, vtpote Regibus, & Sacerdotibus fas erat accedere. Originem habuit ab Rhodijs, qui (referente ipso Vitruuio) captà ab Regina Aegypti Artemisia eorum Vrbe, locum, vbi hæc, veluti trophæum suæ victoriæ constituerat duas videlicet Statuas ex ære, alteram sui, alteram Ciuitatis subactæ speciem referentem, cui illa stigmata inurebat, *Abaton*, seu infaustum, & execrabilem nominarunt. *Postea autem* (subdit Vitruu.) *Rhodij religione impediti, quod nefas est trophæa dedicata remouere; circa eum locum adificium struxerunt, & id erecta Graia statione texerunt, ne quis posset aspicere: & id Abaton vocitari iusserunt.* Forte id ad Anathéma obliuionis factum, vt locus esset occultior, ad iniuriam, ac dedecus minuendum. Sed quod tùm fuit in opprobrium, & horrorem abominationis factum, postea in religionem, & sacrum horrorem transijt, vt locus aliquantò remotior ac sacratior in Aedibus Sacris constitueretur, cui aditus non pateret, nisi summis viris, & Sacerdotibus. Hinc Hierosolymis, in Templo, vbi verus Deus colebatur, locus erat sacratior *Sancta Sanctorum* appellatus, quem soli Summo Sacerdoti licitum erat ingredi, quique ad maiorem venerationem magno velo contegebatur, ne quod intus erat, aut fiebat, à prophanis oculis tenerè inspiceretur. Quod postea velum, consummata per Dei filium, hominum redemptione, & abscedentibus umbris, in duas partes scissum est à summo vsque deorsum: idque in Mysterij aperitionem inquit S. Leo Papa, *ut figura in veritatem, prophetia in manifestationem, & lex in Euangelium verteretur.*

- 9 ABSCISSA ab Geometris, proprio nomine appellatur in Sectionibus Conicis, lineæ portio, in quam cadunt perpendiculares ductæ ab extremo Sectionis ac radijs, qui ab vno aliquo puncto axis circumcircuitur. Portio igitur axis intercepta inter verticem Sectionis, ac terminos prædictarum perpendicularium ad axem, (quæ potentes vocantur) dicitur abscissa, eoquod abscinditur à tota longitudine ipsius axis. Sed hæc melius intelligentur in explicatione aliorum terminorum, quibus reliquæ partes Sectionis Conicæ designantur, quod porissimum fit in delineatione ipsius sectionis Coni.

## A C

- 10 ACCESSVS OBSIDIONALES apud bellicos architectos sunt cæci quidam anfractus, atque occultæ viæ in campi planitie oblique  
aper-

apertæ circa obsessam urbem, aut arcem, subducta inde humo, atque erecta pro vallo, aggere, & lorica, ad eam partem, quæ loco obsessio aduersa est, vt per hos meatus occultè, ac tuti possint fossiores ad muros appropinquare, eosque aut scalis conscendere, aut machinamentis subruere. *Approcci* à Nostratibus audiunt, quasi sensatæ approximationes: vt & *Contrapprocci*, haud absimiles molitiones, ac tentamenta, quæ contrà obsessi faciunt ad hæc aliaque obsidentium opera intercipienda, ac perturbanda. Quorum ritè ineundorum ratio sic se habet, vt in subiecta figura expressum est.

Decreta obsidione, hostis in A. mille circiter passus distante ab loco obsessio, designat, & effodi imperat ductum A. B. terrâ effossâ versùs illum aggestâ: idque non rectâ, sed obliquè fit, vt fossiores obsessorum ictus declinent: qui ductus, cùm eò peruenierit, vt obseruari possit, in eoque tegi, & occultari iam amplius nequeant operarij; in aliam aduersam partem inflectitur, nouo effosso canali, qui magis ad locum obsessum appropiet, in quem primus aditus habeat, qui sit B. C. ac successiuè alij, atque alij aperiantur, semper obiectâ in hostes terrâ effossâ, quoad vsque perueniatur ad locum;



huiusmodi meatus ad loricaam horizontalem continuando. Vbi autem accessus terminant, longioribus ductis E. G. & H. I. Arx premitur, & media hinc inde constituitur, & stipatur, constitutis in eorum extremitate Castellis D. Id autem semper cautè obseruandum est, vt isti meatus ità ordinentur, vt nulla ratione intercipi possint,

possint: ac propterea ab loco obsessio linea recta duci debet, quæ eorum longitudinini stringat, tormentorumque ictibus frangat. Meatusum latitudo, seu fossa inferior dilatetur ad pedes sex; superioris autem marginis, sit duodecim: cui scabellum vnum, duo, vel tres, prout opus requirit, addendi sunt; ad hoc, ut fossiores inibi campi aream, & hostium molimina possint inspicere. Eiusdem fossæ profunditas ab Militaris Architecturæ pericis statuitur varia, prout soli conditio, tempus, & necessitas patitur: Concordant omnes, ut ad minimum tanta sit, quæ cum terra reiecta, erectum hominem tegat, & occultet. Latitudo etiam augenda est, quando materia ad erigendam firmandamque loricam necessaria, cutribus aduehenda est per ipsam fossam. Quò propius ad arcem itur, eò lorica sit altior, & fossa profundior: quæ proinde lorica propè aream, vnde impetiri potest, corbis impositis custoditur, atque firmatur. Singulis verò linearum terminis, ut iam suprâ tactum est, Reductus, ut vocant, (Castella nimirum campestria quadrati operis) excitandi sunt, ducentorum circiter bellatorum capaces, in quos, crumpentibus subito in ipsos hostibus, sese identidem recipere possint, ac fossoribus opitulari, donec auxiliores cum manu validiori adueniant, & illos rejiciant. Optimus horum Reductuum situs videtur esse, si utrunque Accessuum latus stringant, ut in A.B., E.F. Cùm iam propter nimiam vicinitatem ad locum obsessum huiusmodi meatus abque fossorum periculo ulterius duci non possunt; vnica linea recta I.H. (quam *Sappam* dicunt) ita est desuper operienda, ut qui inferius ambulant occultentur affatim, & vallum hostile non ijs appareat. Interim ad loricam ipsam Suggestus M. constituitur, ut liberior sit *Sappæ* constructio. Porro vltimus Accessus nunquam ad cortinam Arcis dirigi debet, quæ supponitur reliquorum operum tutior, & fortissima, utpote quæ à duobus propugnaculis hinc inde positis, probe stringitur ac defenditur. Sed neque ad angulum propugnaculi, qui etiam, tùm ab alijs propugnaculis, tùm à paruius intermedijs contutatur. Vtilius ergò dirigitur ad faciem propugnaculi, quæ cæteris est infirmior, quòd vnâ tantum & simplicem habeat defensionem: quæ erecto ad M. tormentario suggestu, faciliè impeditur, aut sanè multum debilitari potest. Cætera vide in V.V. *Parma*, ac *Reductus*.

II

ACCESSVS etiam antonomastice dicitur à Vitruvio Ascensoria quædam Machina, quâ mediante, feliciter obsessores accedunt ad muros obsessæ Arcis. Hæc olim apud Græcos maximè in vsu erat, & *Epibathra* dicebatur. Tali enim arte confecta erat, ut sensim in subli-

sublime excreveret, atque ubi sat erat ad explorandum, seu etiam interturbandum hostium, quæ intus fiebant, molitiones, mox cedebat, & retinaculis ad certam mensuram agebatur, & firmabatur. Oculatissimus Lipsius putat mendum irrepsisse in Codicem, ubi Vitruv. lib. 10. cap. 19. ait, *De Accessu, qui Epibatra græcè dicitur, &c.* Atque vnius literulæ inmutatione scriptum esse *Accessu* pro *Ascensu*: Sed Bernardinus Baldus locum defendens, sic explicat. *Erat proculdubio Epibathra obsidionalis machina scansoria, per quam ad murum, pede plano erat transitus. Quare & optimè Accessus stare, & nominari potest: siquidem tanta fiebat per eam ad murum accessio, ut commodè in eo miles pedem figere posset.* Sed enim utrumque bene cadit in rem: nam verè ad accedendum, & ascendendum, ubi opus foret, erat eiusmodi machina instituta; vnde & nomen hausit à munere.

ACIDOIDES figura in Geometricis appellatur Triangulus constans quatuor lateribus, quæ coeunt in tres nihilominus angulos, eosdemque necessariò acutos. Verum tamen est, quod admittit etiam alium angulum, sed externum, in quem terminant duo inclusæ latera: qui proinde sine lege incedit, & potest esse tum rectus, tum acutus, & obtusus, ut videre est in subiecta figura.

Quæ, quoniam sua cavitare ad inferiorem partem refert cuspidem iaculi, seu sagittæ in extremo hastæ impositam, iure ab ea apud Græcos nomen obtinuit. Est in genere Figurarum Ciligoniarum (de quibus infra) quarum ea uniuersim natura est, ut præter angulos internos, quibus constituuntur, admittant etiam vnum, duos, vel plures angulos cauos externos. Quod idè non veniunt sub generalibus præceptis, quæ tradit Euclides de proportionem laterum ad se, & ad angulos, in Triangulis, alijsque figuris Ioperimetris planis, quæ in his sæpè fallunt, sicut etiam in curuis; ut acutè obseruat Marius Bettinus in Apiarijs.



ACIES, in re militari, dicitur Exercitus probè instructus, & proxime ad ineundum prælium comparatus; itaut singulæ eius partes, & agmina, suo loco contineantur, ac terminis; æquè, & gradatim incedant, ac debita interualla seruent, certamque in formam explicentur, modò in latum, modò in longum, modo in orbem, aut

cuneum, prout res postulat; sicque aduentantem hostem excipiat, seu stantem, vel retrocedentem aggrediatur. Ex qua sanè dispositione exercitus, ritè, ex peritia rerum mathematicarum ab Ductore, imperata, magna ex parte pendet felix pugnae exitus, ac sperata de hoste victoria. Siquidem, ut aduertit Vegetius de aciei instructione loquens lib. 3. cap. 14. *Hac, si sapienter disponitur, plurimum iuuat: si imperitè, quamuis optimi bellatores sint, mala ordinatione franguntur.* Porro ordo iste seruandus in acie, diuersimodè olim pro diuersa loci, temporis, nationis, & instantis praelij conditione à Ducibus præcipiebatur. Nos obuijs, & communibus prætermis- sis, quæ videri possunt apud Cæsarem, Polybium, aliosque Histo- ricos, aut artis militaris Scriptores, præcipuè Aelianum, qui inte- grum opus *de instruendis aciebus* compilauit; ea trademus, quæ nunc temporis in vsu sunt, atque à Romanis (qui præ omnibus nationi- bus, optimi semper ac felicissimi belli moderatores fuere) protec- ta, adhuc in nostra ætate vigent, atque à Modernis Scriptoribus hausimus.

- 14 Igitur apud Romanos totus Exercitus in tres partes tribuebatur. *Cornua* duo, quæ ex solis Equitibus hinc inde, ad totum robur dedica- tus astantibus, formabantur; erant veluti Alæ regentes, & protec- tentes: Ipsum corpus, seu potior vis bellatorum in medio consistebat, & peculiari appellatione *Acies* verius dicebatur: dehinc numeraban- tur *Subsidia*, inde dicta, quod subsidebant, ac seruabantur ad opem periclitantibus, aut in praelio succumbentibus, opportunè ferendam: quorum locus posterior erat, & ultimi omnium incedebant. Hinc *Pedites*, (quos, ut dicebamus, media acies, ac totum robur exer- citus componebat) & ipsi in tres itidem ordines distincti erant. Pri- mus ordo, (vel inde dictus *Frons*, apud Nos *la Vanguardia*) con- stabat ex militibus, qui ut plurimum ex flore pubescentium, & be- nè complexorum iuuenum deligebatur, & *Hastati* audiebant, eo quod hastis solum, pro armis utebantur. Post succedebant *Principes*, ita dicti, quod ex Optimatibus, ac nobilibus erant, implebantque se- cundas partes, probè armis instructi, ac scutis tecti; qui idcirco apud quosdam Scriptores, veniunt nomine *Scutatorum*, ab alijs com- munitè vocantur *Antepilani*, eo quod Pilanos, de quibus mox infra, antecederant. Postremam aciem complebant *Triarii*, veterani nem- pè milites multum exerciti, probatæque vsu virtutis, qui pilis ar- mati, & in vnum constipati, in loco firmi, pro muro stabant; atque, vbi socios periclitari cernerent, illico accurrentes, se illis iungebant, ac praelium redintegrabant. Ex quo ortum Adagium, *Rem ad Tri-*

rios abiisse, pro eo quod summum instaret periculum, proindeque, ventum esset ad extrema auxilia imploranda, ut malis ingruentibus occurrere possit, ac res in integro reponatur. His ergo ita dispositis ineundi mox prælii rationem, his describit Liuius lib. 8. *Hastati*, inquit, *omnium primi pugnam inibant. Si hastati profligare hostem non possent, pede presso, eos recedentes in internalla Ordinum, Principes recipiebant. Tùm principum pugna erat: hastati sequebantur. Triarii sub vexillis consistebant, sinistro cyure porrecto, scuta innixa humeris, hastas sub erecta cuspide in terra fixas, haud secus, quam vallo septa inhorreret acies, tenentes. Si apud Principes quoque haud satis prosperè pugnatum esset; à prima acie ad Triarios sensim referebatur: inde ad Triarios rediisse cùm laboratur, proverbio increbuit. Triarii consurgentes, ubi in intervallo Ordinum suorum Principes, & Hastatos receperunt; exemplò compressis Ordinibus, velut clauderant vias, unoque continenti agmine, iam nulla spe post relicta, in hostem incedebant. Id erat formidolosissimum hosti, cum velut victos insequuti, novam repente aciem exurgentem, auctam numero cernebant. Hæc Liuius.*

Verum id aliter explicat Vegetius lib. 2. cap. 15. quippe qui primo loco Principes collocat, secundo Hastatos. Et lib. 1. cap. 20. de ritu bellandi Romanorum, ait: *In prima acie pugnantes Principes: in secunda Hastati: in tertia Triarii vocabantur.* Et quidem id ratio suadet, & necessitas postulat, ut fortiores milites, & armis benè instructi primò hostibus occurrant, dehinc infirmiores, ac nullis, vel sane leuioribus armis tecti. Id quod notauit etiam Xenophon, docens. *In bello, illos primò, & ultimò ordinare oportet, qui fortitudine excellunt: in medio verò peiores, ut à primis ducantur, ab ultimis verò impellantur.* Hanc ordinandæ aciei contrarietatem expendens eruditissimus Lipsius lib. 4. de Militia Rom. censet, aut corrigendum Linij locum ab celsipiani improuida pericia deprauatum, aut alio sensu, & sine alicubi scriptum, & vsurpatum: præsertim, cum non vnus Liuius, sed & Polybius, & Appianus primum locum hastatoribus dederint; secundum Principibus, postremum Triarijs. Equidem, si quid iudicii, in re à mea professione aliena, valeo; existimo Auctores istos in facto non dissidere, neque vnquam pro varietate, temporum & bellatorum fuisse vllam variationem locorum in Ordinibus. Nam constat, & apud omnes in confesso est, quod ingruente prælio, Principes, & grauis armaturæ milites, cæteros præcedebant: post sequebantur Hastati: inde aciem complebant Triarii. Ast antequam manus confererentur, ante aciem erat locus pro leui armaturæ militibus, & hastatis, qui leuibus excursionibus hostem prouo-



prouocabant, & sic bellum inibant. Quod si pugnandi ardor hisce initijs incalcesceret; à toto exercitu tunc ad prælium descendebatur, & sic istis initiatoribus post Principes sese recipientibus, pugna ab illis primum, mox ab alijs in suo ordine stantibus, committebatur: ubi quisque pro rerum summa pugnabat, & ordinatim pugnando suas partes implebat. Id quod & ipse Vegetius non abnuic, & vltro probat lib. eod. cap. 17. Ait enim. *Ferentarij autem, & levis armatura scutatores, sagitarij, funditores, aduersarios prouocabant ante aciem procedentes: si hostem fugare poterant, sequebantur: Si eorum virtute, & multitudine premebantur, reuertebantur ad suos, & post eos stabant.* Excipiebat autem prælium grauis armatura (Principes) quæ tanquam murus (ut ita dicam) ferreus stabat; & non solum missilibus, sed etiam gladijs cominus dimicabat. Et si hostes fugasset, non sequebatur grauis armatura, ne aciem suam, ordinemque turbaret; Et ad dispositos reuertentes hostes, in compositos opprimeret; sed levis armatura cum funditoribus, sagitarijs, & equitibus, fugientes sequebantur inimicos. Quod ideo isti, qui leuib. velitationibus hostem lacescebant, & prælij veluti præcursores erant, Rorarij appellabantur: eo quod, inquit Festus, ut ante imbrem, rorare solet, sic illi ante prælium rorati incipiebant. Et hæc quidem vulgaris, & vsitata erat tunc apud Romanos, & nunc temporis est apud omnes ferè Nationes, rata aciei ad prælium dispositio: quam sequebantur Subsidia, fouebant à lateribus hinc inde Equitum turmæ, seu alæ, quæ Cornua dicebantur: ac tandem sepositus quidam electorum militum numerus rem obseruabat, & ubi opus erat, confestim in globum, cuneum, ferram, prout magis expediebat, se colligebat; atque opportunè accurrebat ad opem laborantibus socijs ferendam. De quibus omnibus variè conglobandorum agminum, sicque ordinandæ aciei formis, distinctiùs suo loco. Cæterùm præstare hic ad ornatum, diuersimodè instructæ aciei Iconisum exponere: sed is passim prostat apud omnes ferè rei militaris Scriptores: in quibus absolutissimus est Lipsius in libro, quem scripsit de *Militia Romanorum*.

- 16 ACROBATICAE Machinæ, teste Vitruuio lib. 10. cap. 1. græcè audiunt vniuersaliter quæuis scausforiorum genera per vim acta, siue bello, siue in pace adhibeantur, prout à pneumaticis ac tractorijs contradistinguntur: Et quidem iure optimo, nam græcum vocabulum nil aliud sonat, quam summa loca vi & arte conscendere. Turnebus autem lib. 9. cap. 20. vult eas solas à Vitruuio designari, quæ in bello ad hostium consilia exploranda, attolli momentò solent, ac deprimi. *Quæ, inquit, altissimis signis in terra defixis, aut ad eam altitu-*



altitudinem, quæ urbis muros superet, erectis, speculatorem, aut exploratorem ita attollunt in fastigium scandentem, ut velut in specula collocatus, ex edito spectet in obsidione quid Oppidani aduersus obsessores parent. Nec sanè aliud à Vitruuij contextu colligitur. Cùm enim ad eorum vsum, descriptionemque descendit, ad bellicas tantùm se contraxisse videtur. Etenim sic prosequitur. Scansoria ratio non arte, sed audacia gloriatur; & catenationibus, & transuersarijs, & plexis colligationibus, & Erismatum fulturis continetur. Quæ verba, non satis intelligo, quomodò Baldus ad eas lignorum substructiones, & pegmata accomodat, quæ appositis ad pedes rotis, circumaguntur ad facilem vsum pictorum, tectorumque in pingendis, tergendis, dealbandisque Templorum editis, ac fornicibus, & Castella portatilia apud nos vocitantur. Do, quidem, ex etymo græcicæ notionis benè illis aptari; at non in eo sensu accepit Vitruuius, cùm dixit in his, non artem, sed audaciam gloriari. Quæ enim audacia in ciuilibus, atque operibus pacis, vbi nulla fortitudo, nulla contentio, nullum ab hoste periculum imminet? Cæterum, quæcunque hæc sint, siue in bello, siue in pace adhibeantur, æquè benè *Acrobaticæ*, generali, & satis expressiuo vocabulo nominari possunt, quia semper, & vtroque id præcisè habent, quod sonant; nempe ad editiora loca conscendere. Barbarus pro Tollenone accipit, & in hac explanatione quiescit. Sed de hoc fusè suo loco.

ACROTERIA sunt in Architectura ciuili, Arulæ quædam, minoresque, ut ita dicam, stylobatæ, qui in summis Templorum fastigijs collocati, Statuas, Vrnas, aliaue id genus ornamenta sustineant, & attollunt. Barbarus *Quadricellos* vocat, Nostri communiter *Zoccolos*. De his Vitruuius præcipit lib. 3. cap. 3. *acroteria angularia tam alta, quantum est tympanum medium; mediana altiora octaua parte, quam angularia*. Loquitur de his quæ in fronte ædis constituuntur ad rationem altitudinis prospectus. Hæc itaque sicut & alia membra, quæ suprà columnarum capita imponuntur, monet inclinari debere in frontis suæ cuiusque altitudine duodecima parte; quia in tali positione cadunt sub oculum ad normam, & perpendicularum. Et rationem reddens, subdit: quia cum steterimus contra frontes, ab oculo lineæ duæ si extensæ fuerint, & una tetigerit imam operis partem, altera summam; quæ summam tetigerit longior fiet: ita quò longior visus lineæ in superiorem partem procedit, resupinatam facit eius speciem. Hanc visus varietatem optimè expressit Baldus in schemate quod apposuit ad V. Scamillus. Cæterùm in alio diuerso sensu vtitur hoc vocabulo Vitruu. lib. 5. cap. 12. vbi cum de portibus

agit, hæc habet. *Hi autem naturaliter si sint positi, habeantque acroteria, siue promontoria procurrentia, ex quibus introrsus curvatura, siue versura ex locis naturæ fuerint conformata, maximas utilitates videntur habere.* Sunt ergo Acroteria in portibus, brachia, seu sinus quidam terræ ingenti, quibus littus maris clauditur, & à fluctuatione siue à ventis, siue ab continua fluctuum reciprocatione exsuscitata defenditur: ex quo Naues ibi in statione positæ tutò consistere possunt, neutiquam agitationi obnoxie. Quales sunt Portus Lunensis in Liguria, & Messauiensis in Sicilia, toto Orbe celeberrimi.

- 18 ACTVS in Gromaticis est quoddam mensuræ genus, qua olim agri definiabantur, ac sic diuisis, unusquisque citrà lites, & iurgia, pacificè domino suo stabat, appositis etiam limitarijs signis ad cognoscendum. Aliquando pro ipsis limitibus sumitur; ac sæpè pro toto spatio fundi, quod limitibus clauditur. Vnde Quadratus actus, & simplex; Simplex 120. pedes extendebatur in longum, in latum, quatuor tantum pedes comprehendebat. At Quadratus, seu duplex in quadrum positus erat, & vndique 120. pedibus concludebatur; itaut duo quadrati actus Iugerum constituerent, quod est tantum terræ spatium, quantum vna die arare possunt duo iugati boves, vnde & nomen emerfit, atque ideò ab Gallis, & Baticis, Isidoro teste, Aripennis, siue Arpennum vocatur. De quo suo loco. Porro ab *Actu*

- 19 ACTVARIi nomen deriuauit; quo veniunt non tantum Agrimensores ipsi, qui actus huiusmodi metiuntur, limitibusque definiunt; sed potissimè agrorum limites alicubi constituti. Vnde Hyginus in libro, quem scripsit de Limit. Constituend. hæc docet. *Primus actus est ab eo quintus quisque, quem si numeres cum primo, erit sextus, quoniam quinque Centurias seu limites cludunt. Actuarij autem extrè maritimos D. & K. latitudinem habent pedum XII. Per hos iter populo per viam publicam debetur. Ita enim est Lege Sempronia, & LL. Cornelia, & Iulia. Quidam ex his latiores sunt pedibus XII. & bi qui sunt per viam publicam militarem acti: habent enim latitudines via publica. Hæc Hyginus. Verum de terminis hisce Viarum, itinerum, & Aqueductuum, ne desinas videre Alexan. ab Alexandro lib. 1. cap. 20. Dier. genial. ubi ex legum præscripto rem omnem exequitur, & enarrat.*

## A D

- 20 ADIAMETER apud Geometras appellatur linea recta circulo inscripta ab extremo ad extremum, quæ sit diametro parallela, adeoque

que ipsa necessariò minor, & circulum ipsi in duas areas, seu partes inæquales secans, quarum quæ ipsam diametrum comprehendit maior est, quæ in aliam partem vergit ab hac lineâ separatam, minor: vnde & nomen lineæ sumpsit. Ex hac multæ vtilitares, & commoda eruuntur in perficiendis demonstrationibus geometricis, vt videre est apud Euclidem, toto fere tertio Elementor. libro.

ADIECTA, seu *Adiectiones* passim dicuntur in opere architectonico illa membra, & prominentiæ, quæ addi solent ab Architectis in structuris vltra regulas artis, ad visum complendum. Eiusmodi sunt exuberantiæ, quæ fiunt in medio columnarum, abruptæ bases, quæ stylobatis supponuntur, resimationes in acroterijs, &c. A nostris Materiarijs, *Aggesti*, & *Sporti* appellantur. De quibus aptè, & ex optima ratione locandis, ne simul aut opus deturpent, aut linearum prospectum impediunt, varia præcepta tradit Vitruu. lib. 3. toto cap. 2. In his, illud præcipuum & generale est, vt, *Si propter altitudinis internallum scandentis oculi speciem fallunt, adiciantur crassitudinibus temperatura.* Et dicti rationem reddens, subdit: *Venustatem enim persequitur visus: Cuius, si non blandimur voluptati, proportionem, & modulorum adiectionibus, uti id in quo fallitur, temperatione adaugeatur, vastus, & inuenustus conspicientibus remittetur aspectus.* Et in hoc consistit laus artificis, & pulchra species ædificij, quæ in praxi, non nisi ingenio, & ritè actis commensurationibus perfici potest. Promiserat ille quidem in extremo libro, quem conscripserat, methodum tradere, ac deformationibus explicare rationem & commodum huiusmodi adiectionum. Verum rei postea difficultate pressus, atque exanimatus, non fecit: vel si fecit, id certè magnæ cum architectonicæ artis iactura, aut obrectatorum inuidia, aut temporum iniuria periit. Sed in hoc vicem vtrumque suppleuit Scamozius, atque Serlius.

A E

AEOLIPYLAE, seu *Aeolipila*, ex Græco dicta, quasi *Venti Porte*, sunt Organa quædam Pneumatica, quæ aërem in se inclusum continent, & seruata, illum cum impetu eijcientia, speciem; quandam venti exsuffantis efformant. Horum descriptionem, & mirum usum incidenter tradit Vitruu. vbi de Ventorum natura agit, lib. 1. cap. 6. *Quum enim quid sit ventus, & vnde ortum habeat, ante præmiserit, id ex horum effectuum comparatione confirmat, subdens. Nescitur enim feruor offendit humorem, & impetus feruoris exprimit vim spiritus flantis. Id autem verum esse ex Aeolipilis areis licet aspicere, & de latentibus calidioribus artificiosis rerum inuentionibus, Diuinitatis*

*exprimere veritatem*. Tùm descendens ad artificium harum Aeolipilarum, sic inquit: *Fiunt enim Aeolipila aerea caue: ha habent punctum angustissimumquo aqua infunditur, collocanturque ad ignem; & antequam calefiant, non habent ulli spiritum: simul ac autem feruere ceperint, efficiunt ad ignem vehementem flatum. Ita scire & iudicare licet è paruulo, breuissimoque spectaculo, de magnis, & immanibus Cali, Ventorumque natura rationibus*. His accenseri possunt similem operationem habentia Thermoscopia, hoc est vitrea quædam phialæ, & ampullæ, non ita pridem inuentæ ad explorandam aëris temperiem, calorifque in æstate intensiorem, aut remissionem. Fiunt enim corpore paruo, & collo oblongo, sed angustissimo, ad quod exterius per minima, & paria intervalla signantur gradus ascensus, ac descensus aquæ intus consistentis, cuius orificium diligentissimè obturari debet, ne vi exuberantis aquæ, reliquus relictus aër extrusus euaporet. Vbi aqua per calorem rarefit, & ascendit ad collum, ad numerum graduum in quibus sistit, agnoscitur maior ac maior intensio caloris: cùm decrescit, indicat maiorem ac maiorem remissionem. Sed de hac re fusiùs & philosophicè agemus suo loco, in *V. Thermometrum*.

23 **AEQVATIO** ab Astronomis appellari consuevit artificiosa correctio ad propè verum motum Planetarum, atque Stellati Orbis, quando videlicet in eorum motus inquisitione, medio motui (qui effingitur inter duo extrema, quæ exploratum non transiunt), aliquid additur, vel detrahitur, vt verus motus eliciatur: græcè *Prostapheresis*. Quam dictionem, rationemque huius veri motus venandi, passim reperies apud Maginum, aliosque Calculatores Secundorum Mobilium.

24 **AEQVIPONDIVM** latinè dici potest certum mensuræ pondus vtrò citròque ductile in Statera, ad onera quævis examinanda: vbi enim circumductum, sistit in æquilibrio; signat quântam ohus illud pendat. Græcis *Spharoma*: Nostri *Romanum* dicunt. De quo fusiùs in *Statera*.

25 **AERA** apud Chronologos est initium temporis, ex quo supputationes annorum, ab memorabili quodam facto, quod in eo contigit, fieri incipiunt; vnde Bodinus in *Method. Radicem temporum* nominat. De crymo, nihil certum: dictum tamen aliqui autumant ab ære, seu pecunia numeratâ, quæ ijs temporibus solui militibus solebat. Vsurpatur etiam sæpiùs à Scriptoribus, præsertim Ecclesiasticis,

sticis, pro integro certorum annorum curriculo, & quandoque pro  
 ipsis Epochis. Sed reipsa, Aera, vt obseruat Perauius, longè ante-  
 rior fuit. Et prima cadit in annum septimum conditæ Urbis, hoc est,  
 circa annos Mundi, 3307. ante Christum natum, 746. & consequen-  
 ter longè ante Nabonassarem, à quo Epochæ inuectæ sunt. Vide ip-  
 sum Perauium in Doctrina Temporum, & in Rational. par. 2. lib. 3.  
 cap. 3.

AEROSTATICA pars est, & subdiuisio Staticæ facultatis ad  
 Mechanicam pertinentis: quæ singulariter agit de libratione corpo-  
 rum grauium in aëre libero, nullo impedimēto interueniente. Quem-  
 admodum *Hydrostatica* est de libratione grauium, in aqua exi-  
 stentium, vel de demersis in Mari, quæ aut pertingunt ad fundum,  
 & in eo sistant immota, aut niox resiliunt, & in supremâ aquæ su-  
 perficie quiescunt, ac fluitant. De quibus, alijsque differentiis li-  
 brandi corpora grauias, siue plana, siue solida, in ambiente fluido, vide  
 quæ dicemus in V. *Statica*.


AG

AGGER indefinitè, & in ampliore sensu acceptus, significat Mili-  
 tare sepimentum, & Collectionem integram operum, quæ sunt siue  
 in Castris ad propriam defensionem, ac tutamentum, siue circa  
 Urbem obsessam, ad offensionem, atque accessum, aut recessum,  
 ab illa impediendum: & communiter vocatur *Vallum*, & *Linea*  
*Circumvallationis*: aliquandò autem pressius accipitur pro muro ag-  
 gestitio ex effossa humo, ac stirpibus in terra defixis: & utroque  
 modo acceptus *Trinchea* à viris militaribus appellatur. Sed nudo  
 Aggeris nomine, communiter venit simplex septum ad intercluden-  
 dum factum, siue è terra, aut lapidibus coaceruatis, siue ex arbori-  
 bus, ac stirpibus intertextis, vt maceriz in vincis; siue in vallis in  
 terra defixis, vt in hostili aggressione; siue tandem in fluminibus,  
 eorum alueum restringendo palationibus, & alijs interiectis obici-  
 bus: quæ omnia comuni Aggeris nomine appellantur. Sed in re  
 militari, quæcumque terræ, & fascium aggestiones, quæ in operibus  
 sunt ad altitudinem hominis, ad milites & operarios regendos, quæ  
 alio nomine Loricæ appellari solent, à nostris *Parapetti*, in genere  
 Aggerum sunt. At Septum Castrorum, quod etiam Agger à Cæsare,  
 Polybio, & alijs Scriptoribus vocatur, comprehendit, & alia mino-  
 ra munimenta, quæ statis in locis eriguntur ad commune turamen-  
 tum, & ad insultus hostium sustinendos, vri Castella campestris, Redu-  
 ctus, Propugnacula, seu integra, seu dimidiata, Fossa, & cætera,  
 quæ aliàs obfessi ad urbis maiorem securitatem addere solent exte-  
 rius, & Prætenturæ audiunt.

28

Porro antiquitas quàm militia rudis erat, & bellandi vsus simplicior, tanta custodiendorum Castrorum, diuerso operum apparatus cura non erat: quando virtus bellica in sola manuum conseruatio-  
ne, & fortitudine consistebat: vnde Aggeres in Castris ex folis Vi-  
neis & cratibus vimineis palo terræ infixis, & firmatis fiebant, vel  
etiā ex terrā, saxis, & arboribus comportatis: & vtrumque simul  
erectis, quò subitarij hostis irruptio sustineretur. Id quod factum in  
obsidione vrbs Hierosolymitana, refert Iosephus de Bello Iudaico.  
Ingenti, inquit, copia lignorum, saxorumque collecta; cratibus etiam  
oppansis contrā uenientia tela, aggerem struebant, quibus alij colles di-  
ruentes terram sine intermissione suggerebant. & Cæsar de se ipso lib. 2.  
Belli ciuili. Vimina, materiamque comportari iubet: quibus compor-  
tatis rebus aggerem extruxit. Nunc autem mutata est belli gerendi  
facies, & arte plus, ac Scientiarum Mathematicarum peritiā, quàm  
viribus corporis dimicatur. Nam pro telis, & sagittis, ignei globi;  
pro Ballistis, & Catapultis, Bombardæ; pro gladijs cominus ferien-  
tibus, fistulæ, & sclopi cladem eminūs importantes inuicti sunt,  
& loto aggeris ex viminibus & aggesta terrā, Prætenturæ: in qui-  
bus & suggestus, & tumuli additi sunt ad tormenta locanda, ac  
liberaliter explodenda. Sed iam noui huius Aggeris specimen exhibeamus.

*Dimidiati Aggeris cum suis operibus  
adumbratio*





Ut iam Veterum Munimenta, nisi sublimioris Architecturæ directionibus stabiliantur, inutilia sint, & despecta. Atque insuper in Castris vniuersa Circumuallationis Linea, oblique per angulos ducatur, ac stans in locis Munitioneulis firmetur, quæ se inuicem respiciant & contendantur; valeantque subitis hostium inuasionibus obistere, & eos crebris explosionibus tormentorum de longè tenere.

AGMEN in re militari denotat Exercitum, seu partem eius ad expeditionem instructam, atque ad ineundum prælium proficiscentem: ab agendo (vt placet Isidoro) hoc est, eundo, dictum. In quo quidem sensu, latius patet, quam Acies: siquidem illa militum distributionem, & ordinem seruandum in præliando significat; hoc autem ipsam expeditionem, cum toto apparatu militari probe instructam. Vnde Seruius duplicis Agminis mentionem facit: Confusi, quod Quadratum appellat, à quadrata, quâ incedebat forma, concludens in medio impedimenta, & sarcinas cum victualibus; vt vbi milites ex itinere laxarentur, tutò possent consistere, atque à superuenientibus hostibus se tutari. Et Distinctum, quod vocat Pilatum à pilis, quibus armati proficiscebantur, relictis post terga impedimentis, quò expeditiores, per aspera, auia, & iniqua loca transirent. Sed longè diuersus ordo, & facies erat Agminis incedentis ad pugnam, quam eiusdem iam ad pugnandum accincti, & in aciem explicati. Quandoquidem, vt ait Vegetius lib. 3. cap. 6. *In confictu armati sunt, & hostem cominus vident, & ad pugnandum, animo veniunt preparatos: In itinere minus armatus, minusque attentus est miles, & superueniente impetu, vel fraude repente turbatur.* Etenim benè obseruat Nauæus de Studio Militari lib. 1. §. 23. num. 4. *Quia multi coire inter se propter viarum angustiam, & impedimenta, sæpius non possunt, & unicuique tantum ferendum est, quantum ab hoste imminet periculi; multaque insuper sunt, quæ seiunctos ab alijs, facilius in discrimen adducunt, vt via iniua, vada fluminum ignota, loca ardua, & montosa; sylvarum ambages: & in his aut alibi, hostium insidia, prædonum latibula, rusticorum furentium turbæ, cohortesque armatæ ad vindictam, &c.* At Pugna, & confictus in aperto Marte fit, atque in spatiosa vt plurimum planitie, vbi sola virtus, robur & fortitudo dimicat, & in manuum conseruatione dignoscitur: atque adeò tota in iniitijs sistit, & in optima totius agminis explicatione, locorum pugne idoneorum electione, ac proba aciei in ipsa pugna instructione, quæ multum confert ad victoriam reportandam. Hunc porro totius Exercitus in varios ordines, & agmina distributionem, diuersimodè fieri, pro diuersa belli alic, ac moderatorum iudicio subeunda consuetum est,



atque omnium Nationum experientia introductum . Quod ideo Agminis nomen generaliter habet delecto cuidam , ac seiuncto bel-latorum numero , qui in certam formam coeant , & ad aliquid sin-gulariter , vnanimenterque agendum , sint destinati . Phalangem Ma-cedones appellauere , auctore Q. Curtio , de gestis Alexandri . *Pha-langem* , inquit , *vocant peditum stabile agmen* . Idem lib. 3. Cornu dixit à dextris , & à sinistris collocata agmina . *Dextrum Cornu Ni-canor Parmenionis filius tuebatur : huic proximi stabant Cenas , & Per-diccas , & Meleager , & Ptolemaus , & Amyntas* , sui quisque agminis Du-ces. Nostri *Milium Squadram* vulgariter nominant . Hinc pro diuersa forma quam incunt , diuersa nomina huiusmodi agmina iunt sortita : Frons , Cuneus , Globus , Serra , Forceps , Cornua , Ala , Turres , &c. *Vocabula sunt* ( inquit Gellius ) *militaria , quibus instructa certo modo Acies appellari solet* . Et facta eorum numeratione , subdit . *Trans-lata sunt autem ab ipsis rebus , quæ ita nominantur ; earumque rerum in acie instruenda , sui cuiusque vocabuli imagines ostenduntur* . De quibus omnibus , cum locus occurreret , redibit sermo .

## A L

- 30 ALBARIVM Opus antonomasticè ab albedine dicitur , in re-  
ædificatoria , quod pura & sola calce tegitur , & incrustatur : quod  
ideo *Tectorium* item absolutè audit apud Vitruuium , lib. 5. cap. 10.  
*Primum* , inquit , *testa cum calce trullissetur : deinde opere albario ,*  
*sive tectorio poliatur* . Aduertit autem acutè Salmatius in solinum ,  
latius patere tectorium , quam albarium : nam id , de quouis integu-  
mento & crusta , siue gypso , siue calce , siue marmore , siue versico-  
lore lapide perficiatur , dici promiscuè solet : hoc autem , quod ex so-  
la calce , immixto non nihil de contuso marmore , fit : ex quo verè de-  
nominatur Albarium : à Nostreis autem vulgò *Succum* vocatur .

- 31 ALAE simpliciter , in Architectura , nuncupantur partes illæ ædi-  
ficii , quæ hinc inde , à dextris & à sinistris eius , reliquo corpori ap-  
ponuntur , atque adiunguntur , ad maiorem firmitudinem , captandæ  
lucis commodo , vel etiam ad venustatem . Hinc in militaribus Mu-  
nimentis , ac propugnaculis , quæ membra introrsum respiciunt ,  
versus cortinam , eiq; in angulum vniuntur , *Ala* audiunt . Similiter in  
acie explicata , atque ad pugnandum accincta , duo agmina , quæ late-  
ra interioris aciei ambiunt , & custodiunt , *Ala* dicuntur , quasi vola-  
tile alis suis expansis incedat , ac totum corpus protegat , & defen-  
dat . Quia de re , atque earum vsu , vide quæ doctè scripsit Valtri-  
nus *De Militia Romana* .

ALGEBRA, quæ & *Analytica* græcè audit, Regula est certa & infallibilis, quæ per viam resolutiuam, ex datis duabus quantitatibus, quantumvis dissitis, & extremis, beneficio æquationis, peruenitur ad agnitionem alicuius quantitatis ignotæ: & inde ad progressum in infinitum cuiuscumque determinationis quantitativæ. Quod, etsi per notas & characteres numerales fiat, æquæ tamen Arithmeticæ ac Geometricæ inseruit, & omnibus quantitatibus, siue continuis, siue discretis accommodatur. *Logisticam*, nomine Latinis expressiore, aliqui nominarunt: quia est Scientia Logico more discurrens, non per syllogismos, & enthymemata, sed per Theoremata, & Problemata procedendo, ea legitimè construendo, quibus demonstrationes mathematicæ perficiuntur. Adeo ut nullum sit problema sine in Arithmetica, siue in Geometria, quod eâ non solui possit, si quidem solubile sit: sin secus, eorum impossibilitatem demonstrat, adeoque per oppositum peruenitur ad agnitionem veritatis.

Porro duplex est Algebra: Numerosa, quam dicunt, una; Speciosa altera. Numerosa est, in qua solum numeri ignoti exprimentur speciali nota, & characterè signati: quibus mediantibus soluit omnia problemata, quæ de numerorum progressibus, & collationibus ad inuicem excogitari possunt. Speciosa verò est, quæ utriusque quantitatis tam continuæ, quàm discretæ, seu notæ, siue ignotæ, passiones per numeros exprimit signatos alphabeticis litteris; soluit omnia problemata arithmetica, & geometrica; præbet medium terminum, & modum demonstrandi Problema solum, via compositiua, & ostendit Theorematum veritatem. Numeri denominati sunt, quorum posse in processu solutionis cum aliis sit nobis ignotum, idcirco signamus illos certis characteribus, & signis: ut x. y. z. &c. & si characteres isti habent significationem rei, dicuntur numeri Cossici,

*Scala Potestatum* est series quantitatum incedentium progressionē geometrica, semper ascendendo per multiplicationem primi termini. Ea autem est.

$X^1 \quad X^2 \quad X^3 \quad X^4 \quad X^5 \quad X^6 \quad X^7 \quad X^8 \quad X^9 \quad X^{10} \quad \&c.$

Sic in exposita scala, ex multiplicatione primi termini in seipsum; producitur terminus  $X^2$  ex multiplicatione eiusdem primi termini in secundum; producitur tertius: ex ductu primi termini in tertium, producitur quartus, & sic in infinitum, accepto quocumque alio termino, pro subsequentium progressionē. Et ex his accepto primo termino, qui assumitur ad progressum, diciturque ideò Ra-

dix, & Latus, reliqui termini nuncupatur *Potestates*. Numeri appofiri fuprà dictas potestates, qui funt in naturali progreflione numerorum, dicuntur *Exponentes*, & *Pronici*, quique in Algebrae exercitio habent mirabiles vfus.

*Aequatio* eft comparatio æqualitatis, feu æquipotentiz, quæ fit inter notam, & ignotam quantitatem. hinc.

*Antithesis* eft reductio, & translatio terminorum alicuius quantitatis ex vna parte æquationis ad partem oppofitam, fed fub contrario figno; itaut termini, in quibus inuolutæ funt quantitates ignotæ, reducantur omnes ad vnâ partem æquationis; & ad aliam partem omnes quantitates iam cognitæ.

*Hypolibafmus* græca vox, quæ nil aliud fonat, quam æqualem degradationem dignitatum in terminos æquationis, quod fic explicō. Quando in omnibus terminis æquationis inuenitur inuoluta ignota quantitas; tunc diuiduntur omnes termini per characterem denotantem quantitatem ignotam, idest per illum, qui habet minorem exponentem, ac talis diuifio, quæ repræfentat æquè procedentem degradationem potestatis, dicitur græcè Hypolibafmus. At contrâ.

*Parabolifmus* nil aliud fonat, quàm applicatio, feu diuifio termini producti in omnes terminos æquationis, per numerum, aut aliam quantitatem cognitam, quæ inuenitur inuoluta in pura Potestate maioris Exponentis.

Præterea *Aequatio*, alia dicitur Simplex, quæ verfatur inter duos numeros fimplices, hoc eft quod finguli constant vnicō membro. Alia Composita, quæ intercedit inter duos numeros compositos, quorum videlicet finguli constant pluribus, faltem duobus membris. Facile autem reduci poteft æquatio composita, ad fimplicem, vel fimpliciore, vt in exemplis patebit. Refoluere autem æquationem, nihil aliud eft, quam ex cognito valore vnus ex duobus numeris, inter quos confiftit æquatio, inuenire valorem cuiuslibet alterius numeri, qui fit ei fimilis, vel eiuſdem claffis, aut ordinis cum aliquo numero, qui inuenitur in altera æquationis parte. Porro æquatio legitima illa eft, quæ determinat valorem numeri ex fe indeterminati. Quæ verò non determinat valorem numeri ex fe indeterminati, fruſtratoria eft & vana, atque adeò dicitur Illegitima.

34 Sunt etiam alij termini, notæ & characteres, quibus Algebra vtitur in ſuis operationibus breuiter expendendis, quos item breuiter hic explicare operæ pretium erit. Itaque *Dignitas* frequens eft in ore Algebraicorum, quæ aſſumitur, ac determinatur per aliquam Alpha-

Alphabeti literam repræsentantem aliquam determinatam quantitatem : è quarum censu excluditur Littera R. assumpta , & reseruata ad repræsentandam Radicem .

*Radix* autem dicitur quantitas , quæ in se ducta producit numerum , cuius ipsa est radix : vt , ex . gr . numeri 9 . radix est num . 3 . qui in se ter ductus constat num . 9 . Num . 16 . radix est 4 . num . 25 . radix est 5 . & sic de reliquis . de qua re alibi . Nunc autem ex his , *Numeratores* appellantur ij numeri , ac notæ , quæ vnitates continent & numerant , quique in serie numerorum apponuntur ad læuam numeri appositi alicui dignitati , & vocantur Numeratores dignitatum : si verò apponatur Radici , appellatur Numerator Radicis . eodem prorsus modo , ac fit numeratio in vulgari serie numerorum , in vulgari Arithmetica . Hique per voces exprimuntur . Vnum , duo , tres , &c . hoc est , ille numerus continet , & numerat tot vnitates post se sequentes , quantum ipse valet .

Numerus Denominator est qui denominat quantitatem , quæ in dignitatibus , & radicibus est , apponiturque ponè illam dextrorsum .

Numerus Denominatus est Complexum ex Numeratore , Dignitate , & Denominatore . Vbi aduertendum , quod Dignitati non semper explicite apponitur Numerator , vel Denominator , sed superintelligitur : vnde quotiescumque aliqua dignitas inuenitur expresse numeratorem , vel denominatorem non habere , intelligitur pro illis assumere vnitatem .

Numerus radicalis est complexus ex Numeratore , Radice , Denominatore , & alio numero post asterisum scripto .

Numerus vulgaris est is , qui sine nota speciali Dignitatis , aut Radicis exprimitur , sed per simplices figuras 1 . 2 . 3 . &c . in ordinaria Arithmetica communiter vsitatus . In Algebra autem , numerus aut determinatus est , aut indeterminatus : Determinatus est , cuius valor est cognitus , cuiusmodi sunt omnes numeri vulgares per se sumpti . Econtra numerus indeterminatus dicitur absolute , cuius valor non est per se cognitus , sed determinari petit ab alio . Tales sunt omnes numeri denominati , & radicales , quorum valor , quandiu nescitur numerus vulgaris cui æquantur , restat indefinitus , & indeterminatus .

Item numerus Simplex est , qui nullum inuoluit characterem compositionis , vt infra : numerus autem Compositus est qui inuoluit aliquem characterem signantem aliquam compositionem ex his , quæ mox exponentur , si modo hoc vnum præmonuero : scilicet quod quod dantur signa & characteres exprimentia numerum posituum ,

& numerum negatiuum, qui scilicet ab alio subducitur, & separatur. Itaque cum Algebrae munus sit, generaliter procedere ad inquisitionem cuiuscunque quantitatis per generales operationes, quæ transcendunt per omnes quantitates regulares, & irregulares, determinatas & indeterminatas, quæ quidem eadem practicè sunt, ac quibus procedit communis Arithmetica; necessum fuit, ut aliqua speciali nota signarentur eius operationes ab illa, quæ ad determinatas tantum & certas restringitur: idque semel, & fixè atque brevissimis terminis, coarctatum, ne sæpius, ut opus erat, verborum circuitu explicatæ, operationis cursum remorentur, ac memoriam operantis confunderent, mentemque turbarent. Quocirca in comparatione duarum quantitatum ad inuicem, quando in ascensu naturalis progressionis, & Scalæ potestatum, exprimi debet valor in genere, & excessus vnus super alteram; id fit per hanc interiectam notam †. ut  $3 \dagger 2$ . intelligendum est, Tria plus duo; seu plus duobus, itaut †. nota sit semper excessus.

37 Vbi inter duos numeros apponitur Nota —, signat semper minus, ut  $3 - 2$ . dicit, tria minus duo, hoc est detractis è tribus duo.

Nota = superaddita, signat æquationem. Ut  $3 \dagger 2 = 5$ . indicare vult, quod tria plus duo, æquatur quinque. Econtrà, si positum sit  $3 - 2 = 1$ . denotat quod tria minus duo, hoc est, si à tribus minuantur duo, tunc æquatur vni.

Nota  $\triangle$  significat repetitam æquationem, ac perinde est, ac si dicas insuper, ut  $10 = 6. \dagger 4 \triangle 8 \dagger 2$ . indicat, decem æquari sex plus quatuor: & insuper quod decem, aut sex plus quatuor, æquatur 8, plus duo. Hic autem modus scribendi adhibetur, quando successiue ponuntur plusquam duæ quantitates, de quibus constat, primam, secundæ, & insuper secundam esse æqualem tertiæ, ut inde inferri possit, etiam primam æquari tertiæ.

38 Parentesis ( ) apposita includens aliquem numerum, ipsum numerum inclusum denotat; ac perinde est, ac si dicas, inclusus. Ut 1 R. 2. \* ( 64. a 3 ), lege, Vna radix secunda sexaginta quatuor tertiorum, atque inclusorum. Similiter 1. R. 2. ( 64 a 3. ) lege, Vna radix sexaginta quatuor A. tertiorum habentium numeratorem inclusum, ac denique 1 R. 2 \* 64. a ( 3 ), lege, vna radix secunda sexaginta quatuor A. tertiorum habentium denominatorem inclusum. Etenim, ut intelligatur, quid significant duæ illæ scriptiones, atque ut habeatur valor numeri radicalis, duo debent fieri. Primò, ex numero post Asterisum scripto; extrahenda est radix indicata à denominatore, qui asterisum præcedit; Secundò, inuenta radix multiplicari debet per numeratorem numeri radicalis. Exempli gratiâ. Sit numerus radi-

radicalis 3. R 2. \* 8. vt huius numeri valor habeatur, primò extrahenda est secunda radix ex num. 8. quæ radix & 2. deinde 2. debet duci in numeratorem, qui est 3. ex quo ductu produciuntur 6. qui est valor numeri radicalis propositi; &c. Quandoquidem ex duobus quæ faciendæ erant ad reperiendum valorem numeri radicalis, iam primum factum esse, indicat parenthesi, nempe pars inclusa exhibet id quod habetur ex prædicta prima operatione: pars non inclusa exhibet id, circa quod prior ex prædictis operationibus adhuc remanet faciendæ.

Cæterum in operationibus. Algebricis, eadem notæ vulgares adhibentur, quæ in communi Arithmetica, ac Geometria, ad significandas numerorum, & quantitatum singulares passionēs, & proprietates: itaut Littera R. vbi apponitur denotet Radicem. Aliæ litteræ Alphabeti, siue maiusculæ A. B. C. D. &c. siue minusculæ, denotent numeros, aut lineas, aut angulos, pro quibus, ex facta suppositione, seu hypothese, substituuntur. Vt facta hypothese, quod A. supponat pro num. 10. aut quantitate continua decem vlnarum, & B. pro 9. vel nouem vlnarum longitudine: proponatur duplex inscriptio, quarum prima sit  $A \div B = 19$ . secunda sit,  $10 \div 9 = 19$ . perinde est, ac si dicas: Quantitas A. plus B. seu vna ad alteram accedens quantitas, & num. 10. plus 9. æquatur num. 19. & quantitati nouemdecim vlnarum.

Similiter, vbi inter duos numeros vel quantitates, inuenies particulam (in) intellige in productione arithmetica, vnam ductam in aliam, itaut si postea addatur notæ æquationis =, notæ illa, in, interposita inter multiplicatorem, & numerum multiplicandum, indicet, facta multiplicatione, resultare in numerum æqualem adscripto ad = notam æquationis, vt 3. in 5. =. 15. sensus est, tria ducta in quinque, æquiparantur quindecim.

Item lineola — interposita inter duas quantitates vel numeros alterum infra vt  $\frac{A}{B}$  vel  $\frac{3}{4}$  est indicatiua diuisionis, denotans A. diuisam per B. vel tria plus 4. diuisum per quinque; itant superior quantitas vel numerus supponat pro quantitate vel numero diuidendo; inferior pro quotiente. Quæ etiam in communi arithmetica, exprimi solet per particulam per. Aliquando etiam quando numerus superior est minor inferiore sub lineola posito, significat illum in totidem partes sectum, quot inferior numerus exhibet, qui est fractionum, vt  $\frac{4}{5}$  dicitur quatuor diuisum per octo: vel etiam vice versa, quatuor partes octauæ. De quibus fusè Arithmetici præfici.

Et hi sunt Canones vniuersales, & vsus Algebræ, complectens om-



nes propositiones, & discursus tam Arithmeticos, quam Geometricos, prout ab utraque facultate præscindit; seu æquè per ambas transcendit: itaut propositio vniuersalis æquè aptari possit ad quantitatem continuam, ac discretam: & operationes perficiuntur per Theoremata, & Problemata. Illis quidem, in quibus proponitur aliqua veritas speculatiua; his, quibus aliquid faciendum proponitur. Hæc strictim pro modulo nostro, de Algebra, quæ sparsim ex Logistica Aegydi de Gottignies depronipta sunt: qui in laudem huius nobilissimæ facultatis, hoc elogio eam decorat in Epistola ad Lectorem; nempe per ipsius Regulam, *Mathematicum nullum Problema insolubile, nullum Theorema indemonstrabile inueniri*. Sed quoad pleniorē intelligentiam, & praxim, vide quæ habent Vieta, Scotus, & De-Chales, de Algebra ex professo tractantes.

42

ALHABOR lingua Arabica apud Astronomos appellatur Sidus in Cælo maximæ actiuitatis, aliàs Canis maior Sirius, ad Australem plagam locatum, constans stellis duodeuiginti, vitra informes, quæ circa ipsum sunt, quarum præcipua est, (cuique propriè nomen aptatum est) fulgentissima in ore posita, de natura Iouis, & Martis quam in colore idem idem variante, & modò subrubro, modò subalbido coruscante, manifestissimè refert, & in effectibus complect. Hanc aliqui Soli in potentia adæquant; quinimò, ratione à parallaxi desumpta, ipso duplò maiorem faciunt. De eius effectibus in hæc sublunaria mira refert Plinius lib. 2. cap. 4. & quotidiana experientia probat, & paritur. Quare nimis absonum, & singulare est dictum Antonij Le Grand. in *Histor. Natura*, parte 3. art. 12. nu. 5. asserentis, neq; hanc, neq; vllam stellam in Cælo habere vim ad calorem in terris augendum, motusque diuersos in inferioribus hisce ciendos; sed (quod mireris) frigida nimis, & insulsa argumentatione id euicisse se credit. Ait enim. *Intensum illum calorem, non à Canicula proficisci, quasi vis quadam illi insit calidissimis spiritibus excitandis, quibus corpora illa inflammantur, aut temerentur. Sed quod hac stella eo tempore oriatur, quo Sol terra vicinus maximè illam exsiccat, exhalationesque educit, quæ vitiatò primùm aëre labem corporibus inferunt, & contagio corrumpunt. Hinc Calum Romanum circà id tempus insalubre, maximèque hominis sanitati noxium est, quòd in Romano agro plurimè crypta, specusque existant, è quibus eduçti calore Solis halitus, corporum harmoniam deprauant, morbosque generant. Hos autem effectus frustra quis Canicula assignauerit, cum illa, dum astus potissimùm viget, non tam ad nostrum, quàm ad Antipodum verticem vergat; ac proinde illos potiùs quàm nos acriùs ferire deberet; omnibus enim sideribus commune*



nune est, ut illa plus afficiant, in qua directius lumen suum remittunt, & in qua radios acrius iaculantur. Quod cum in Canicula non contingat, imò potius Antipodes frigore premantur, dum Calum nostrum ardet; credendum est, calores non à Canicula prouenire, & aliud esse astus nostri principium. Hæc prædictus Author: quibus (sibi complacens) rem confecisse visus, tamquam de victoriâ partâ, tumidus infert. Concludendum est igitur, euanidos esse siderum influxus, & Sole excepto, qui per lumen, caloremque suum operatur, nullam in Astris inesse in inferiora potestatem. At bonus homo in multis, cancos, ut aiunt, præhendit, & nimis fidenter, contrâ omnium philosophorum assurgit auctoritatem: in eo inprimis quod vult, calores in æstate valde intendi, quia Sol terræ vicinus maximè illam exsiccât. Quid intelligis, quæso, per illam Solis ad terram vicinitatem? An quòd reuerà sit terræ proximior, & in minori distantia? At id falsum est, imò totum oppositum: cum Sol in æstate sit in suo Apogæo, vbi; ut alibi diximus, valdè à terra elongatur: sicut econtrâ, cum est in brumali Solstitio, hiemis tempore in Perigæo existens, sit terræ, quâ maximè potest, vicinior. An quia in æstate ad verticem nostri magis accedens, inde directis radijs terram potentiùs verberat, ut subinde ipse mox de alijs Sideribus autumat, & nos non imus inficias? Verum id maximè præstare deberet in primis partibus Cancrî, vbi Apogzum obtinet, & propiùs quam vnam, ad nostrum verticem accedit, suosque radios directius eiaculari, & vibrat. Sed tunc temporis, augefcit quidem calor, at non ita, ut non ardentius æstuet in Leone sensim vb Apogæo recedens, & subinde obliquiores radios emittens. Id quod à congressu cum Canicula (quæcum exoriens, vrendi vim vnit, & duplicat), ortum habet. Fatendum est igitur, verè huiusmodi siderum congressum, & mixtionem virtutis, magnos virosque effectus in hisce inferioribus gignere, maximè si cætera adstipulentur. Stat ergò tam propudiosè agere, & labi eum qui nimis, quàm qui nihil, acceptum fert reliquorum siderum ætîuitati: & aliàs Sol, quippe solus, absque aliorum luminum concursu, & commixtione non est potis tam varios, sibi que sæpè contrarios effectus educere. At quid dixeris, si ipsemet *Le Grand* sibi non coustans, & suæ huius sententiæ immemor, alibi hanc vltro veritatem fateatur? Nam in libro, quem inscribit *Curiosus Natura Arcanorum Perscrutator* pag. 188. de hac feruentissima Sirij stella, hæc habet. Oriente Sirio tantum aëris concipitur incendium, ut humana corpora pra ardore languescant, canes in rabiem trahuntur, furunt vipera, & serpentes, astuant maria, aër occultam nocendi qualitatem recipit, semina iacta sub tali sidere, minimè nascuntur. Et indubitanter ac rectè concludit: TALIS PROPECTO

EST

EST SIRII NATVRA. Ecce quomodo idem ipse hic admittit, & approbat, quod alibi vniuersè reiectat; nempe hanc Stellani, vti & reliquas, pro sua quæque natura, siue se sola, siue cum Solis, aliarumque erraticarum participatione, miros effectus, gignere in illhæc infetiora. Sed de hoc argumento, alio in loco fusiùs.

- 43 ALIQVOTA PARS alicuius magnitudinis, aut numeri; dicitur apud Arithmeticos, & Geometras, ea quæ respondet æqualiter, & metitur suum totum præcisè, absque vllò segmento, aut fractione: vt in figuris Isoperimetris, quodlibet latus; in corporibus Regularibus, quælibet area; & Radix quadrata, & cuba in numeris: namque in se ducta producit numerum quadratum, & cubum. Sic aliquota pars summæ 9. est 3. numeri 16. est 4. & sic de reliquis. Qua de re, vide quæ eruditè habet Clavius in Euclidem.

- 44 ALPES communi, & generali vocabulo, appellantur Montes altissimi & lapidei, ex cauitibus, siue ex candore niuium, quibus perpetuò in summitatibus candicant, sumpta denominatione: vnde Silius Italicus lib. 3. de Bello Pun.

*Nos Clausa niuib. rupes, suppositaque Cælo. Saxa manent.*

Et expressiùs Bapt. Mantuan. lib. 1.

*Hic alba ducta à niuium candoribus Alpes.*

Apud Geographos verò audiunt continuata eorum iuga per longum porrecta, quibus aliqua regio, aut Provincia ab alia determinatur: quales sunt Pyrenæi, qui Galliam ab Hispania separant; Alpes Cotticæ inter Italiam, & Germaniam; Celticæ, quæ interponuntur inter Galliam, & Italiam; Apenninus, qui mediam Italiam per longum secatur, ac dirimit, &c. Absolutè autem, & siue adiuncto, eorum nomine veniunt Montes Gallicæ, quos Allobroges incolunt, quosque Annibal Pænus, aceto, igne, & ferro aperuit, vt in Italiam cum exercitu commearet. Vnde Festus, & Isidorus lib. 4. cap. 8. *Alpes*, inquit, *proprie montes Galliarum sunt, de quibus Virgilius ait, Aëreas Alpes, & dicendo Aëreas Alpes, verbum expressit à verbo; nam Galliarum lingua Alpes alti montes vocantur. Aëreas autem poëtice nominauit Virgilius, ab altitudine: quasi contra aërem insurgentes.*

- 45 Porro per vniuersum penè Orbem eiusmodi Montes continuo tramite excurrunt; qui ab locorum confinijis, siue à populis, à quibus inhabitantur, siue ab insigni aliquo facinore in ijs patrato, nomen trahunt. Sic Alpes Rhæthicæ, quæ Rhætos populos ab Insubribus separant: Iulicæ (quæ & Carniæ à Protenio dicuntur) ab Iu-

lio Cæsare, siue à Carnibus, quos à Noricis diuidunt: & aliæ, quæ à Ferrario in Lexico Geographico enumerantur. Sed & Alpium nomine quandoque veniunt ipsæ valles illis subiectæ, in quibus paucula frequentantur, vt aduertit Auctor *Glossarij Media, & Infima Latinitatis*. Nec desunt qui ijs magis, quam montibus conuenire hoc nomen contendant, quando ex græca notione collium angustias designari, author est Procopius lib. 1. de bello Gothico. Consonat & vocis vsurpatio apud Scriptores superioris æui, indifferenter, tam pro montibus quàm pro conuallibus; quorum longam seriem texit idem Author *Glossarij*, sub hoc Verbo.

ALTERNA RATIO apud Mathematicos, est peculiaris modus in demonstrationibus, colligendi vnum ex alio ipsi prorsus consimili: vt cum assumitur vnum Antecedens, pro demonstrando aliud Antecedens in eadem materia, & vnum Consequens pro alio Consequente. Sicut econtrà, *Inuersa ratio* dicitur quando sumitur Consequens ad Antecedens probandū; & Problema constituitur eo ordine, ac si foret Antecedens ad Consequens. Sic, exempli gratia; sint quatuor quantitates A. 8. B. 4. C. 6. ac D. 3. ex quibus facta iam fuerit comparatio Antecedentis A. ad Consequens B; & Antecedentis C. ad Consequens D. Demus nunc casum, quod fieret comparatio Consequentis B. ad Antecedens A, & similiter Consequentis D. ad Antecedens C: hæc utique construendi problematis ratio appellatur *Inuersa*, quia nimirum assumitur, vnum ad demonstrandum aliud, ordine præposito, & inuerso. Non sic Altera, quæ proceditur ad demonstrandam proportionem, quam habet C. ad D. per eam, quæ est inter A. & B. Verum de his clariùs suo loco, cum de proportionalitatibus disseremus.

AM

AMBO locus est in Sacris Aedibus ad concionandum destinatus: quod ideo cunctis eminentior, & populo conspicuus esse debet, vt Dei Verbum commodè audire possit, & concionantem aspicere, *Ab ambiendo*, vt placet Valfrido, dictus, quia *intransem ambit*. Sed alij ab scalis deriuatum volunt, quæ duplices olim apponebantur, (vt videre est in pletisque antiquis Basilicis,) alteræ ad ascendendum, alteræ ad descendendum, vnde Ambo dicebatur, qui in medio stabat, quasi ambas respiciens, & amplectens. *Pulpitum* nos vocamus, & Italicè *Pergamo*. In eo etiam Ecclesiasticæ Sanctiones indicebantur, ac Diaconus Euangelium legere, & Paschale Præconium decantare solitus erat, vt refert Steph. Durant. De Sacr. Rit. Quare inter præclara Architecturæ opera, non leuis est Ambonis

apta constructio, & prudens situs electio; ubi & maiestas resplendet, toti Ecclesie symmetrie respondens, & in omnium prospectu sit, atque ita dispositus, ut vox inde procedens minimè intercipiatur. Ad quam rem, eadem fere praecepta sunt, quae alias tradit Vitruv. lib. 5. cap. 8. de constitutione Theatri: ubi inter alia, haec habet: *Diligentiùs est animaduertendum, uti sit electus locus, in quo leniter applicet se vox, neque repulsa resiliens incertas auribus referat significationes.*

- 48 AMBVLA CRVM communiter audit in Ciuitibus, via plana, spatiosa, libera, & amœna in ædibus, siue ponè, siue intrà, siue in pomerijs, loco apto, ad deambulandum facta. Ambulationes vocat huiusmodi vias Vitruuius pluribus in locis, praesertim lib. 5. cap. 9. ubi earum commoda, & vtilitates enarrat, ac modum tradit, quo loco, & situ sint constituendae, atque hypethras maximè commendat, hoc est, sub dio apertas, & sine tegmine. *Quae erunt sub diuo (inquit) inter porticus (spatia) adornanda viridibus videntur, quod hypethra ambulationes habent magnam salubritatem: & sub finem Capititis, concludit. Ità duas egregias res hypethra ambulationes praestant, unam in pace salubritatis, alteram in bello, salutis.* Namque dantur etiam ambulationes, quas vocant hypogaeas, hoc est tectas, subterraneas, vndique videlicet parietibus, & tecto conclusas, quarum meminit Egelippus, in quibus pluuio tempore, ac vdo so spatiabantur, ad exercitium corporis, atque ad animum subleuandum. Hypethras nos Itali *Viales* dicimus. Sed & in bello, ac militaribus munimentis dantur, etiam suae ambulationes, quae appellantur

- 49 AMBVLA CRVM VALLI, hoc est via operata, & strata ab obsidium sustinentibus, trans fossae marginem, ea parte, qua hostes prospectat, vallo, & loriculis ad staturam hominis, tecta, per quam tutò, & liberè possint Circitores discurrere, hostium molimina persequi, socios milites, cum opus est, protinùs aduocare, atque intrà vallum admittere, quò illa disturbent, & progressum vterius intercludant, erectis, si res postulet, tumultuarijs parmulis, & suggestis, ut ex his aggressores, missilibus impetant, ac tormentis infestent, sicq; de longè detineant. *Chemin de Ronde* appellatur à Gallis: A nostris verò *Contrafcarpa*. Vide eius situm, & delinationem in V. *Arx*.

- 50 AMPHIPROSTYLOS graecè significat in Opere architectonico, Aedem duplici columnarum ordine insurgentem; vno in fronte, altero ad posticum constituto. Sicut Prostylus sine adiecto, eam denotat,

rat, quæ frontem tantummodò, & primum aditana habet, iusta columnarum serie condecoratam. De his ritè constituendis, multa præcepta tradit Vitruv. lib. 2. quæ nos passim in loco, ubi recurret sermo, referemus atque examinabimus. Similiter.

AMPITHALAMVS, &

AMPHITHEATRVM. De quibus require in V. V. *Thalamus*, & *Theatrum*.

51

AMVSIVM Geographis, & Nauigantibus valde familiare instrumentum est, ad plagas Orbis noscendas, discernendisq; Ventis idoneum: cuius partes, & vsum explicat fusè Vitruuius lib. 1. cap. 6. vbi, postquam recensuit plagas mundi, vnde venti exsufflant, sic viam docet ad eas medio hoc instrumento explorandas. Collocatur, ait, ad libellam marmoream Amusium medijs manibus, aut locus ita expoliatur ad regulam, & libellam, vt Amusium non desideretur: supraque eius loci centrum collocetur aneus gnomon indagator umbra. Huius autè meridianam circiter horam quintam, sumenda est extrema gnomonis umbra, & puncto signanda. Deinde circino diducto ad punctum, quod est gnomonis umbra longitudinis signum; ex eoque à centro circumagenda linea rotationis: itemque obseruanda postmeridiana istius gnomonis crescens umbra; & cum tetigerit circinationis lineam, & fecerit parem antemeridianæ umbrae postmeridianam, signanda puncto. Ex his duobus signis circino decussatim describendum: & per decussationem, & medium centrum lineæ perducenda ad extremum, vt habeatur Mediana, & Septentrionalis Regio. Sequitur postea explicare, quonam pacto indagari possit aspectus reliquarum regionum, & consequenter ventorum, qui illinc spirant. Sed inanis, & planè supernacaneus est hic labor, quando semel compertà lineà meridianā (quæ, vt aduertit etiam Plinius lib. 18. cap. 34. semper eadē, & constans est in omni loco, tam de æstate quàm hyemis tempore) coipso habentur reliquæ diuisiones ad horizontis ratam distributionem. Nam, linea hæc meridianæ per longum in plano descripta, secetur ad angulos rectos, alià lineà consimili, quæ transeat per idem centrum, ac feratur ad circumferentiam, & ubi terminat, ibi erunt puncta Orientis, & Occidentis, atque insimul plagæ, vnde spirant Subsolanus, & Zephirus. Tum in media vtrinq; distantia ducantur aliz duæ lineæ rectæ sese decussantes in centro ad angulos rectos; & innouescent plagæ ventorum intermediorum, Magistralis, & Syrochi; Græci, & Lybici, seu Garbini, ex oppositis locis in æquā distantia spiran-

tium : & sic de reliquis collateralibus vsque ad minimas quartas . Porro ad inueniendam lineam meridianam , quæ vnica omnium directrix est , benè aduertit Philander , non multum referre , vtrum quarta , quinta , aut alia quauis hora , ante , & post mediem obseruetur ; sed satis est , si accipiat in punctis , vbi terminant vmbrae , par vtrinque distantia ; præstat tamen eam sumere propius quam fieri potest , ad tempus meridiei . Vitruuius autem idèò quintam potius ante-meridianam , & primam post meridiem elegit , quia tunc Sol propius ad nostrum verticem tendens , altior est , ac proinde breuiores vmbrae projicit ex gnomone ; quarum extrema puncta facilius , & citrà errorem notari possunt in circumferentia circuli , quam aliàs , si eligeretur secunda ante , & quinta ab meridie , & sic de alijs proportionalibus ; eoquod inde iacitur vnbra prolixior , cuius extremitas possit commodè in circulum contrahi . Hæc in gratiam tyronum , vt nullo prope labore ac studio venari possint lineam meridianam , ex eaque mundi plagas , vnde singuli venti spirant , noscere ; atque adeo , & Anemoscopium , & horologia Horizontalia suo Marte conficere .

52 AMVSSEATVM OPVS in Architectura , est pauimentorum stratum , & summum corium inductum ex tesserais , ac sectilibus lapillis versicoloribus , & auratis , certo ordine dispositis , vt in figuram aliquam geometricam , aut quamuis spectabilem imaginem cõstant . Qualia olim fiebant , & etiam nũm visuntur in Sacris Aedibus , & antiquis Deorum Templis , vt in Pantheo , Fortunæ fano , atque in Basilicis Romanis S. Pauli Via Ostiensi , à Constantino Magno ædificata ; S. Crucis ad Hierusalem ; S. Laurentij extrà muros , & alibi passim : vbi variz huiusmodi figutz tam geometricæ , quàm naturales , & historicæ , per vitreas tesseras , & lapillos aptè dispositos , & connexos , ad stuporem effigiatæ sunt , & *Graphicotos* ( vt Philander aduertit ) exquisitissimè imitantur . At non in solis pauimentis stetit hoc opus , sed inde ad parietes , & fornices exornandos superbis assurrexit : nisi quod hic exactius , ac delicatius sit ex vitro , aut nobilioribus lapillis minutissime sectis ; in pauimentis verò crassius ex solo marmore aut duriore lapide , vt possit calcantium pressuræ obistere , diutiùsq; durare . Cæterum nostra ætate antiquata , & penè abolita est nobilis ars : sed in extrema agone adèò ingenio , & viribus valuit , vt picturam facessere cøegerit rubore suffusam , adèò illi præstat & soliditate , & viuacitate colorum , & operis maiestate , nulla temporum iniuria deperdendis . Sed proh dolor ! periit cum suo auctore peritia ; stat tamen opus , atque æternũ stabit Sacrarum Aedium laus , & decore , ac sui Artificis stabile monumentum : ex qui-



quibus, duo post se reliquit, Alterum Romæ in Basilica Vaticana ad Sacellum, quod ex imagine vocant Sancti Michaelis Archangeli, & regione Aræ maxime, sub qua iacent sacratissima corpora Principum Apostolorum, à sinistris: alterum Neapoli in Nolitatium Templo SS. Apostolorum à dextris, vbi magnificientissimum Sacellum posuit Cardinalis Afcenius Philamarinus, Urbis eiusdem Archiepiscopus. Ibi inter alia architecturæ miracula videre est, ac mirari quinque omnino è prædicto Opere tabulas, tam solidè, tam concinnè elaboratas, vt vnum planum integrumque vitrum, aut Chystillinum amplissimum speculum videatur: ac proinde tam viuïdum, molle, varium, expressuum, vt nulla ei comparari possit pictura.

Porrò Amussicato operi valdè affine est, sed longe rudius

AMYGDALATVM, quod *Reticulatum* nominat Vitruuius, in 53  
parietibus erigendis, atque interioribus structuris conformandis, in re ædificatoria vsurpatur: per illud enim, quoniam laterculi in amygdalarum speciem abeuntes in ordinem disponuntur, atque etiam opus assurgens per eosdem, non supinè aut directè sed obliquè, & in latas cadentes, extruitur, (quo fit vt veluti rete expansum oculis representet) Amygdalatum, & reticulatum opus dictum est. Et quidem duo sunt genera componendi lapides in structuris apud Architecturæ peritos: alterum, quo temerè lapides, & cæmenta, prout cadunt, in structuram iniiciuntur, quod propterea vocatur *Incertum*: Alterum, quo lapides certa connexionione, & ordine disponuntur, & est hoc, de quo loquimur, *Reticulatum*, aut simile.

De isto perhibet Vitruu. lib. 2. cap. 8. quod suo tempore frequentatissimum erat, & libentissimè ab Architectis eligebatur, vt pote rarius, & venustius; sed illi in soliditate præfert *Incertum*, eo quod per ipsum tenaciùs sibi saxa cohærent: illud autem, etsi pulchrum, ad rimas contrahendas sit valde procliuè, & ideò non multum durabile. 54  
Quid autem hac in re statuendum sit, dicemus in V. *Reticulatum*. Certè de operis consistentia, ac diuturnitate hæc habet Philander ad hunc locum Vitruuij. *Eiusmodi, Roma, & extra Urbem videntur in multis ruinis ex topbo, parte tantum qua extaret, siue tectorio proxima esset, speciosa, & quadrata: que autem in interiorem structuram inderetur, temerè, & vulgariter ducta, aut cæsa.* Non igitur operis exterior dispositio in retis figuram, illud rimis, & aperturis faciebat obnoxium, sed interior materia temere, & sine lege coagmentata, cum aliàs reticulata laterum dispositio, præsertim in in angulis, ad æternitatem perennet. Sed de hoc argumento enucleatius, citato loco:




- 55 ANAGLYPHICVM OPVS econtrà, Sculptorum, ac Statuarius proprium est, quo vtuntur in exterioribus ædificij ornamentis: quando ex eadem materia, siue fusili, vt ex ære, aurichalco, argento &c. siue lapide solido, formantur tabulæ: aliquid representantes, quæ medium quid sunt inter scalptas, & pictas imagines; adeoque picturæ simul, & sculpturæ leges obseruant. Quippe nec omninò planæ sunt, neque omni ex parte protuberantes, & expositæ; sed aliquas habent foràs exeuntes, aliquas introrsum contractas, ac scalpro, perinde ac si pennicillo fieret, leniter excavatas, vt iure dubites, an Sculptura magis in hoc opere adlaboret, quàm Pictura. Nos vulgò, vocabulo satis expressiuo, nominamus *Basso Rilieno*: Estque nostris temporibus celebratissimum, & magna in æstimatione, ac pretio, cum representandæ sunt in marmore, aut ære, integræ historiæ, plures personas ac facta comprehendentes, vti in vtraque materia vidimus celeberrimas in hoc genere tabulas, Patavij in mirabilis structuræ Templo D. Antonij tutelaris vrbs; vbi in marmore cernuntur ad viuum expressa huius Sancti gesta, in sex tabulis peramplis quæ circum exornant sacrum eius sarcophagum. Nec minoris æstimationis, ac laudis sunt, quæ extant Romæ in magnificentissimis Sacellis Sixti V. ac Pauli V. Pontificum; ad S. Mariam Maiorem: in Basilica Vaticana ad Aram D. Leonis Magno dicatam; ad D. Agnetis in Agone, sub quatuor angulis supremum Tholum sustinentibus, & alibi passim. Sed hæc omnia opera quantumuis egregia, cedant necesse est antiquorum inuentis, quæ adhuc integra manent, & vt artis miracula conspiciuntur in famosis illis Columnis cochlidibus Traiana, & Antoniana; atque in ruderibus ac fragmentis, quæ tanquam gemmæ asseruantur, & exposita sunt ad spectandum in aliquibus Villis, præsertim Medicea in Monte Pincio, ac Farnesiana in Foro Boario; è quibus, si quid boni nostri temporis tabulæ Anaplyphicæ habent, ideam, ac normam sumpsere. Porro huic è directo oppositum est Opus *Diaglyphicum*, quod incauitate consistit, & formas ac modulos effingit introrsum recedentes: in quas postea æra fusilia immittuntur, vt in Statuas, & Simulacra momentò abeant, non dedolata, sed sua sponte surgentia.

ANABATHRA audiunt Penfiles Scalæ, Pulpita, & Subsellia in Theatris, de qua re, vide in V. *Diabathra*.

- 56 ANALEMMA sic definit Vitruu. lib. 9. cap. 4. *Est ratio conquisita Solis cursu, & umbra crescentis, à Bruma observatione inuenta; è qua*

qua, per rationes Architectonicas circinique descriptiones est inuentus effectus in mundo. Sumit effectum pro causa, & vice instrumenti, id quod operatur, ostendit. Verum alterutrum est satis obscura descriptio; ex qua malè intellectà, aliqui ansam sumpserunt dicendi, ipsum aliud planè non esse, quam horologium solare in plano delineatum. Sed, vt rectè notat Salmasius, longè ante horologiorum inuentionem Analemmata extitere, multumque ab illis discrepant. Siquidem, Veteres Astronomi, qui olim Solstitiorum, Aequinoctiorumque momenta, ope gnomonum, aliorumque similium instrumentorum, obseruare studebant; ad hoc facilius obtinendum, Analemma adinuenerunt, quò vmbrarum deprehenderent proiecturas, dicimusque, dum Sol à tropico ad tropicum excurrit, succedens variatio annotaretur. Inde ab extremis linearum punctis, atque interuallis, quotidiano vsu iisdem semper compertis, facta est occasio vterius procedendi, & acuentes ingenium, vsi sunt lineis ipsis per diem in horas æqualiter dispersitis ad Sciotheria, etiam medio analemmate, designanda. Verum hoc id ex se præcisè non habet, vt videre est in subiecto schemate: vbi vides illud non esse aliud, quam figuram circularem in plano meridiani, seu alius circuli maximi transeuntis per polos mundi descriptam, continentem communes sectiones, quas plana aliorum circulorum sphaeræ, in hoc vel alio quouis assumpto circulo faciunt, quæ satis hic elucescunt. Porro huius instrumenti vsum in horologijs delineandis tum ad alia in Astronomicis auspicanda, longe abstrusiora, atque vtiliora, habes apud Clauium in Gnomonica, & in explicatione Astrolabij lib. 1. lemm. 19. Nobis tetigisse sat est.



**57** ANALOGIA in Geometricis, idem est, ac regularis proportio inter duas quantitates similes, & sibi mutuò respondentes: Quæ quidem in duplici genere est. Altera, quæ dicitur Ordinata: & hæc interuenit inter plures quantitates assumptas, ex vna parte (non minus tamen tribus), & alias numero pares, aut certè extensione, certo ordine dispositas, & inuicem comparatas: itaut quam proportionem in vnis seruant, prima v.g. ad secundam, secunda ad tertiam, tertia ad quartam, &c. ità eandem proportionem sit reperire in alteris, nempe quod eodem modo se habeat prima ad secundam, secunda ad tertiam, &c. Vt, si fuerint ex vna parte A.B.C.D. quatuor quantitates, valentes A. 12. B. 9. C. 6. D. 3. inde ex altera parte sint aliæ quatuor E. F. G. H. valentes itidem E. 4. F. 3. G. 2. & H. 1. tunc, quia eandem proportionem, quam habet A. ad B. inuenitur habere E. ad F. & quam proportionem habet B. ad C. eam etiam habet F. ad G. & sic de reliquis; ideò hæc proportio, & Analogia dicitur *Ordinata*, quia ordinatè procedit, & eundem ordinem seruat. At si contrà tres quantitates sint ex vna parte, totidenique ex altera, quæ tamen non isto, sed alio diuerso ordine procederent, sicque eam proportionem quam habet hic prima ad secundam, non seruaret illic prima ad secundam, sed benè prima ad tertiam, secunda ad quartam, vel aliter: ità tamen, vt omnes simul sumptæ, comparatiuè tandem conuenirent, & proportionem regularem haberent vtcumque; tunc hæc proportio, & Analogia diceretur perturbata, quia inordinatè procedit. De his omnibus clariùs in Proportionalitatibus, & fasè agit Euclides lib. 9. atque inter eius Commentatores, exquisitissimè Clavius, & Iordanus.

**58** ANAPORICA, teste Vitruuio, sunt quædam Sciotheria, quæ ipse vocat hyberna, repræsentantia cursum Solis in Signifero: quorum descriptionem, & vsum latè prosequitur lib. 9. cap. 9. Aduertit tamen Baldus in Lexico Vitruuiano, *Anaphorica* potiùs scribi debere ex Ptolemæo lib. 2. Almagesti. Quæ de controuersia, eorumque vfu, vide quæ eruditè habet Salmasius in lib. de Annis Climactericis, & Astronomia Veterum.

**59** ANCONES in duplici significatione ab Architectis vsurpantur. Nam primò, conflexus illos, & coitiones denotant, qui vtcumque in angulos rectos abeunt, vt vidimus in Normâ: tùm sumpti in ampliore sensu, stant pro ipsis normæ lateribus, seu regulis, quatenus tamen illas easdem partes respiciunt, quæ ipsum angulum formant. Et in hac acceptione vsitur hoc vocabulo Vitruu. lib. 3. cap. 3. vbi

Vbi modum tradit, qua ratione, adhibita normali regula, dirigenda sint striz in Columna Ionica. Secundò pressius in ipso Opere architectonico, binos illos conflexus significant, qui hinc inde ad ostiorum supercilia pendent ab imà corona secundum antepagmenta, in S. figuram inuersam ad libramentum imi supercilij; & communione vocabulo mensulæ audiunt. Ita etiam Vitruu. lib. 4. cap. 6. Quorum emendatam ex veterum monumentis affigurationem, exhibet Philander in schemate Ostij, ad hunc locum. Nostri vulgariter ex forma, quam referunt, *Cartellonos* appellant.

ANDRONES in ædificijs vocantur atria illa; seu media itinera 60  
interposita inter duas aulas: vnde & *Mesaulæ* etiam communiter audiunt apud Vitruu. qui post eorum mentionem, hæc habet lib. 6. cap. 10. *Nostri autem eas Andronas appellant.* Cuius appellationis originem, & etymon non plenè intelligens, subdit mox. *Sed hoc est valde mirandum, nec enim Græcè nec Latine potest id conuenire.* Ac Philander ad hæc benè aduertit ex Sexto Pompeio, quod *Andron Græcis locus est domicilij longitudine angustior, in quo viri plurimi morabantur.* Vt ut sit, certè hodie vsus communis apud vulgum obtinuit, ut hæc, & similia loca *Andita* vocitentur: quin & in plerisque Italiz prouincijs, viam vtcunque arctam, & breuem, qua ad proximum conclaue in iisdem ædibus, itur; *Andronem* nominant. Aliàs Andron nostra tempestate apud Latinos audit locus sub dio vndique parietibus conclusus, & in plana area ædificij situs, vulgò *Cortile.*

ANEMOGRAPHIA idem græcè sonat, ac *Doftrina Ventorum.* 61  
Tradit enim naturam, ortum, causas ventorum, ac subinde qualitates quas induunt, ac successiue commutant pro ratione plagarum, vnde exsufflant, & locorum per quæ pertranseunt. Agit quoque, consequenter de ipsis plagis Mundi, ex natura Cæli cui subiectæ sunt. Quare non tam ad Physicam spectat, quam ad Astronomiam, estque vtilis, imò & absolutè necessaria Naucleris, Geographis, & Architectis: illis quidem ad nauigationem feliciter ineundam; his ut in ædificiorum collocatione, & constructione, eligant situs, & aspectus idoneos, ad hoc ut inhabitatio euadat innoxia & salubris. Etenim, ut acutè aduertit Vitruu. lib. 1. cap. 6. *Dirigentur hæc re-  
tæ, si exclusi erunt ex angiporis venti prudenter: qui si frigidi sunt, le-  
dunt: si calidi, vitiant: si humidi nocent.* Quare vitandum videtur hoc vitium, & aduertendum, ne fiat quod in multis Ciuitatibus usu solet euenire. Et ponit in exemplum urbem Mitilenem in Insula Lesbo;

ceteroqui eleganter, & splendide ædificatam, sed quia ventis quibusque expositum, eorumque immodicis, ac pestilentibus flatibus, ideo non prudenter. Oportet igitur prouidum Architectum, antequam ad eligendum situm ædificandæ domus descendat, probè Anemographiam callere, seduloque examinare aspectuum varietatem, & conditiones, quisnam sit, & pro quo tempore cuique ad commodè ibi manendum, opportunus, vt laudem ex opere consequatur, atque ædificium diu maneat in fama salubritatis, & commodi. Ad quam rem iuuat sibi comparare

- 62 ANEMOSCOPIVM, instrumentum ad ventorum indagationem factum, quasi diceret *Ventorum inspector*. Quod iam pridem ab Antiquis, magno Reip. commodo excogitatum, nescio, qua nostræ ætatis segnitie, in desuetudinem iuit. Illud summopere commendat, & accuratè describit Vitruu. loco proximè citato, eius inuentorem faciens Andronicum quendam Cyrrhesten: *Qui etiam, inquit, exemplum collocauit Athenis, Turrim marmoream octogonon, & in singulis lateribus octogoni, singulorum ventorum imagines exsculptas, contra suos cuiusque status designauit: supræque eam turrim, metam marmoream perfecit, & insuper Tritonem areum collocauit dexterâ manu virgam porrigentem. Et ità est machinatus, uti vento circumageretur, & semper contra flatum consisteret, supraque imaginem flantis venti indicem virgam teneret.*

Hec itaque est constructio, & commodus vsus Anemoscopij admirabilis instrumenti, quod nulla ferè opera, & leui impensa potest vbique locorum ad publicam populi vtilitatem parari. Et ideo è re fore duxi, si illud hic eleganter delineatum oculis exhiberem, doceremque subinde eius erigendi artem, vt vsus: qui iam quident in plerisque Italiæ, Germaniæ, & Galliæ, vt audio, Urbibus viget, sed in eo deficiens, quod ibi plebs ignara non habet exactam ventorum seriem, & nomenclaturam expositam.

- 63 Igitur in excelsa quadam turri, aut, vt fieri assolet, in Templorum tholis, vbi collocatam videmus Crucem, atque ad eius inferiorem hastam affixum versorium, seu pinnacidium ad flantem ventum versatile, collocetur, non tam pro ornamento, quàm pro necessitate, supra marmoream tabulam, quæ sit vndique spectabilis, & ad perpendicularum complanata, constitutaque supra columellam, cuius abacus in capitello sit adminus octangulus, aut, si vis, sexdecim etiam latera habeat, ad rationem totidem omninò ventorum, qui in eius margine sint descripti. Deinde, expiscata lineà meridianâ, hæc latera constituantur ad plagas, vnde singuli venti originem habent.



habent. Tandem mediæ columellæ canaliculo perforatæ indatur ferreus, teres, & facile volubilis axis, qui tabulæ prædictæ marmoreæ insistet & innitatur, transeatque profundius per mediam scrobiculam in centro effossam, usque ab basim: desuper autem, & in apice ferrei styli infixa sit ærea statua Tritonis, seu mauis ad Christianum usum, & pietatem seruandam, Angeli magnis alis ad volandum extensis, quæ pro flabello deseruiant, ac pennuncellis: in cuius profectò sinistra regione alarum porrecta (ne forte impetum venti flantis disturbet) emineat crux adorabilis: atque ad dexteram habeat virgam pendentem, & inclinatam, quæ versatione statutz ad partem obuersam plagæ, vnde ventus exufflat, indicet qualis ille sit, ex nomine singulorum, ibi in margine iam ante esculpto, vt videre est in præsentī figura.

Aliud Anemoscopium magneticum ad ventos auspicandos, rude satis exposuit P. Milliet De-Cales è Soc. Iesu, in suo Mundo Mathematico Tom. 1. tract. 9. lib. 3. sed oppidò operosum, incertum, & non ita facile practicabile. Continet enim duos erectos versatiles axes, quorum vnus giratur à vento perflante medijs pinnacidijs: alter in aduersum agitur perpetuo fune per trochleas inditas,



tas, & infixas in imo duorum ad continuam vertiginem expositorum axium; quorum posterior habet in apice infixum magnetem, & desuper imminentem mensam cum Rosa nautica, phiala, & ventorum indiculo. Sed audiamus illum sic discurrentem. *Potest, inquit, exhiberi intra phialam, statua ventum indicans, artificium facile. In summitate turris aptetur pinnacidium ad ventum mobile, quod axem habeat, seu virgam cum illo volubilem, cui inseratur trochlea. Sit sub mensa alia aequalis trochlea, & funis infinitus ab una ad aliam, magnetem ferens; & supra mensam phiala, in cuius superficie sint descripta ventorum nomina cum statua mobili in medio phialæ. Dùm ventus pinnacidium movebit, simul cum illo voluetur trochlea, (utraque videlicet, altera ipsi infixa, altera axi sustinenti magnetem) & impositus magnes, cuius motum sequetur statua. Vides quàm operosum sit, quam ægrè ad praxim reducibile machinamentum? Sed nec satis dilucida, & exacta descriptio, cum deficiat in eo quod maximè desideratur, & alias mancum, & inutile linqueret opus, nempe basis, aut id quo pendulum sustentetur, & cui adhuc axes versatiles innitantur, ut consistere vnà possint, sibi mutuò respondere, & liberè excurrere. Tùm mensæ fulcrum inueniendum est, quod magnetis versationi non sit impedimento, & viceversa, ità librata teneat mensam, ut phialam in medio magneti imminentem, tali libratione contineat, & hic suam virtutem in illam absque impedimento possit transfundere. Quare ab antiqua, & ex parte recepta communi methodo indagandi, ac pernoscenti ventum spirantem, haud recedendum censeo; cum ea facilis sit, plana, inuariabilis, & expedita; & aliàs non magna in ea requiratur impensa. Alia etiam Anemoscopia habet Kircher. in Arte Magnetica. Sed non minus dubia, & fallacia; ut cuique experimentum ex ijs sumere cupienti, in praxi constare poterit.*

65

ANGIPORTVS nominantur communiter ab Architectis, spatia, seu aræ, ante ædificij ostium strætæ, nullum alium exitum habentes, quasi angustæ ante portam viz. Siue, ut placet Vlprano I. C. ab angendo dicti, addito portus nomine, ad specificationem: Nam eo vniuersaliter venit locus vndique conclusus, ac terminatus. In ijs quippe appendi, & collocari olim solebant Maiorum Imagines, & simulacra ad familiæ decus, & ædium ostentandam in primo aditu, magnificentiam. Id quod in Verre, vtpote nimio, & supra æquitatem ambizioso, detestatur & sugillat Cicero, in Verrina 4. *Vt omnibus, inquit, angiportis prædonis improbissimi statuae ponuntur.* Porro non Imaginibus solùm, sed & præclaris gestis clarorum viro-



vitorum, atque Inſcriptionibus eorum facta narrantibus, ſolitos eſſe ornari Angiportus, author eſt Philander in Notis ad Vitruuium, id quod, prolatis multis veterum monumentis confirmat: Sed hæc obiter. Interim quoad angiportuum conſtitutionem, & aſpectum poſitum, monet prouidè Vitruu. lib. 1. cap. 6. ità eos diſponi debere, vt moleſtis ventorum flatibus haud ſint obnoxij: ac datis præceptis, tandem concludit. *His enim rationibus, & ea diuiſione excluſa erit ex habitationibus, ac vicis, ventorum vis moleſta. Cùm enim platea contrà directos ventos erunt conformata, ex aperto Cali ſpatio impetus, ac ſtans fræquens concluſus in faucibus angiportorum vehementibus viribus peruagabitur. Quas ob res conuertenda ſunt ab regionibus vicorum, vt aduenientes ad angulos inſularum frangantur, repulſique diſſipentur. Hæc Vitruuius. Quid autem intelligat hic per angulos Inſularum, dicemus in V. Inſula.*

ANGON, & Monangon apud Heronem de Machinis bellicis, obſcura ſunt, & hæcenus incomperta quorundam miſſilium organorum nomina, quæ non ità facile apud alios Scriptores, ante ipſum reperies. Sed neq; Hero, quid in re ſint, explicat: namque ea tantum tangit, nimisque perfunctoriè, & obſcurè: quippe aliud agens, quaſi de obliquo, cum de ſcalis nauticis loquitur, eorum mentionem facit, ſupponens id ſatis Lectoribus notum. Ait enim cap. 17. *Conſtituendum eſſe in earum medio, è robuſtioribus chordis pendens lignum longum interpoſitum, in figuram reflexi Angonis. Econtrario retrorſus conuerſum, & iuncturam retinens, quales ſunt ij qui lapides iaciunt, Monangones, quos nonnulli fundas appellant. Et ſequenti capite de Monangone ſermonem inſtituens, hæc addit: Ipſa Monangonis conſtructio ad Catapulticam etiam contemplationem volentes inſtituet.* En quantum de his instrumentis perhibet præſatus Author. E cuius verbis, & contextu, id ſolum colligi poteſt, quod Catapultis, & Balliſtis ſint quodammodo affinia. Caterum Baroccus eius Interpreter rem explicare aggreſſus in Scholijs, lectoris curioſitatem proritat magis, quam exſatiet. Sic quippe diſſerit. *Angon eſt ſpecies quadam arcus reflexi, qui, cùm chordam non habeat, è contrario retrorſum conuertitur, cuiusmodi arcus ij ſunt, quibus nunc Græci, Turcæque Sagitarij vtuntur. Atqui hi arcus diuerſam formam, & uſum habent, tantum ad eiaculandas ſagittas: Et inſuper fundæ, (ve vult ab alijs nomine appellari) ne vmbrailem quidem ſimilitudinem habere queunt. In Monangone autem idem auctor longe parrior eſt. Monangon, ait, eſt quoddam iaculatorium inſtrumentum balliſtæ ſimile, cuius exquiſitam conſtructionem Athenæus tradit.* Ieiunus ipſe

ipse, ad ieiunum fame pressum amandat, ut alios spe explende impro-  
 bae auditaris detineat, fatigetque. Saltem locum indicasset ad leuan-  
 dum laborem. Ast ego, ostenso eminis cibo, & retracta postea  
 manu, incitator factus, totum Athenæum à capite ad calcem, Sa-  
 turninà equidem cunctatione, & patientià excurri, ac nusquam in  
 toto codice eiusmodi Machinæ ullam mentionem, aut adumbratio-  
 nem reperij. Sed neque librorum helluo Lipsius, curiosissimus re-  
 rum peregrinarum indagator: qui tandem cum suo Furio, quem  
 sibi colloquentem lepidè introducit, protinùs infert, quando aliud  
 non habeatur, nisi quod Angones cum Catapultis conueniant, pro-  
 fectò ab ijs non nisi nomine tenùs discrepare. Et alibi obseruat re-  
 periri in alijs Scriptoribus *Margas, Mangana, Mangas, Mangonalia,*  
*& Mangonella*; ac per eas voces, ballistam & Catapultam indubi-  
 tantly significari, quæ proinde, pro varia temporum, & idiomatum  
 differentia diuersimodè nuncupantur, & sæpe iisdem nominibus,  
 sed (ut ab infcia plebe plerumque fit) decurtatis, incompactis, ant  
 etiam enormiter deprauatis. Ad quam rem affert testimonium  
 Othonis Frisingensis, qui in Actis Friderici Imper. lib. 2. cap. 16.  
 hæc habet: *Ferunt quodam die, lapidem, vi tormenti ex ballista,*  
*quam modò Margam vulgò dicere solent, propulsum, ad superiora loca*  
*conscendisse.* Ecce quomodo quæ ballista olim audiebat, postmo-  
 dum productiore æuo, ab Germanis *Marga* appellata est. Idipsum  
 de similibus barbaris, & peregrinis vocabulis coniectari licet; quo-  
 rum origo, & etymon ignoratur, quæque in Scriptoribus haud sanè  
 vulgaribus passim inueniuntur. Eiusmodi sunt *Biblia petraria,*  
*Troia, Margatelli,* apud Turpinum in Vita Caroli Magni: vti &  
*Manganalia, & Fustibula, & Tribuceta, & Catti versatiles:* item *Sues,*  
*& Springalla,* in Chronicis Leodiensibus. Quæ omnia propria cuius-  
 que gentis nomina, & idiotismi fuisse credenda sunt, atque à ple-  
 bis communi vsu loquendi, Scriptores accepisse. Quid ideo quæ non  
 satis comperta sunt, lubens prætereo, ac in sua obscuritate re-  
 linquo, vtrò asserens me nescire, ut de se fatetur eruditissimus  
 Lipsius.


67

Post hæc scripta, Angonum memoriam inueni apud Suidam,  
 Meursium, & Pachimerem, qui se referunt ad Agathiam, eos sic  
 describentem lib. 1. *Breuiata tela sunt quæ ipsi, Franci nempe, apud*  
*quos esse in usum perhibet) Angones vocant: cuius pars maior ferro*  
*obducta est, itant ex ligno aliquid præter membrum vix extet: in supe-*  
*riori ferro, tanquam hami utrinque sunt, & deorsum vergunt.* Si sic  
 est; non multum in re distant à nobis bipennibus, vulgò Alabarde,  
 nisi quod hæc, successu temporis, longioribus hastis infixæ sunt.

Cæte-

Cæterum forma valdè assimilantur, præsertim ijs, quæ tribus, cuspidibus constant ad modum Lilij, vnâ erecta, reliquis duabus hinc inde contortis, atque arcuatis. Verùm hæ Helueticorum potius, quam Gallorum arma sunt, quibus communiter vtuntur milites Prætoriani Principem præcedentes, & constipantes; quasque in manibus gestant non ad offensam, sed ad muneris decus, atque insigne.

ANGVLI definitionem, naturam, & proprietates alibi ex Euclide, & hic in vestibulo operis, obiter & ex occasione tradidimus. 68  
Nunc autem Angulorum in vnâ figurâ proportio, & habitudo quam ad se habent, & ad latera, explicanda est. Quorum conditio prima hæc est, vt cum plures figuræ conueniunt, & contigæ sunt, quilibet angulus internus figuram claudens, habeat alterum externum sibi correspondentem: vt ex 32. Primi Euclidis. Quæ omnia in subiectis figuris manifesta sunt.




Nam si latus quodlibet figuræ producatur extrâ illam, hoc productum cum alio latere angulum efformante, producet alium angulum, qui respectu illius vocatur externus, quique æqualis est duobus oppositis, & internis: simulque omnes tres interni æquantur duobus rectis. Secundò cum duo anguli, internus, & externus se mutuo contingunt, suntque eiusdem rationis, (vt fit per decussationem duarum linearum ad inuicem) illi duo anguli dicuntur ad verticem, eoquod ad verticem opponuntur. Qui autem eiusdem rationis sunt, & ex aduerso consistunt, appellantur alterni; quia alternatim sibi respondent. Denique cuiuscunque figuræ triangulæ duo latera alteri insistentia, basim efformant; & basis est quoduis ele-

electum è tribus: communiter autem erit quod maius: & tunc angulus, qui basi opponitur, seu subtenditur, dicitur Verticalis.

Sic in prima, & secunda figura, Angulus A. obtusus, si modò alterutrum latus illum efformans ulterius producat, habebit alium angulum D. vel C. sibi conterminum, ac necessario acutum: sique hic erit internus, ille profectò dicetur externus, & econtrà. Qui proinde collectiue, internus, & externus, æquales sunt duobus angulis rectis. Denique in tertia figura, in triangulo A. B. C. angulus A. dicitur verticalis, quia subtenditur maiori lateri B. C. quod supponit pro basi. Angulus verò E. C. D. dicitur externus ad angulum A. C. B. producta basi B. C. in D. qui æquiparatur duobus internis A. & B. sibi oppositis. Omnes autem anguli interni trianguli A. B. C. simul sumpti, æquales sunt duobus angulis rectis, qui formantur à perpendiculari cadente in C. atque in rectam B. D.

- 69 Hinc deducitur (vt notat Proclus) quod non solum angulus cuiusvis trianguli exterioris, maior est singulis internis, & oppositis; sed etiam quantò maior est singulis (eoquod æquiparatur ambobus) tantò maior erit conflato ex alterutro ipsorum, & reliquo: & exinde etiam tantò maior, quantò singuli ipsorum seorsim minores sunt recto. Sed id ex hac demonstratione resultat potissimum, quod in omni figura, triangulari, quadrangula, pentagona, exagona, &c. colligi clarè potest, quot rectis omnes anguli eam complentes simul sumpti, æquiparentur, quod multum, valet ad figuras rationales ab irrationalibus discernendas. Quippe omnis figura rectilinea resolvitur in Triangula, eoquod Trianguli singularis prærogatiua est, quod sit cardo, & fundamentum omnis constructionis. Nunc autem in tot triangula quævis figura resolui potest, quot latera in se continet, si modo duo latera angulo propiora reijcias: equidem ab angulo ad angulum proximum non potest efformari figura. Vt si, exempli gratia, figura sit Quadrilatera, ea non nisi in duo tantum triangula resolui potest: Si Pentagona, soluitur in tria: Si Exagona, in quatuor: Si Epitagona, in quinque, & sic de reliquis. Quod ideò cum tres anguli interiores cuiusvis trianguli æquiparentur duobus rectis; consequens est, vt in quot triangula dispertitur vnacunque figura, si ea duplicentur, ostendant numerum rectorum in eam conuenientium. Vnde, cum figura tetragona componatur ex duobus triangularis, clarè euincitur, quod habeat quatuor angulos rectos. Sic pentagona, quæ in tria triangula resolvitur, anguli quibus concluditur,

tur, æquales sunt sex angulis rectis. Eodem modo discurrendum de alijs figuris rationalibus, vtputa Exagona, Eptagona, &c. vt videre est in subiectis figuris.



**ANISOCYCLA** sunt organa quædam mechanica, non tam bellicis, quam ciuilibus pacis artibus inferuentia: quæ, vt ex Budæo refert Turnebus, pluribus orbibus, seu circulis sibi succedentibus constant, quibusdam minoribus, quibusdam maioribus, vt facili nisu maioribus agitatæ, minores vicissim quodam impetu impellantur; sicque eorum ordinato motu, alicuius rei molitio fiat, aut expulsio. Ex græca notione deriuatum nomen, qua plures circuli sibi ordine respondentes significantur. Horum meminit Vitruu. lib. 10. cap. 1. ea inter organa computans, quatenus à Machinarum ratione discriminantur. *Organa*, inquit, *vnus operâ, prudenti tactu perficiunt quod propositum est, vt Scorpionis, seu Anisocyclorum versationes.* Vbi videtur ea ab Scorpionibus non distinguere. Sed Baldus adhuc sic coniectatur. *Quid si de instrumento dixerit, cuius versatione scorpiones intentantur, quod nostri Molinellum dicunt? Daniel Barbarus ad Helicam, Cochleamque refert, quam nos Vitam, seu Vidam nuncupamus.* At non in ea circuli minores à maioribus impetu agitantur, vel extruduntur, qui ibi æquales omnino sunt, & sine impetu incedunt ad opus, licet in confluxu aliquatenus, ac suauiter inlectant ad spiram. Melius est, quod postea adijcit, nempe. *Anisocycla faciunt mulieres, cum crines contorquent:* nam bene intelligitur, quonam pacto ea pluribus circulationibus componantur, atque impetu maiores minores impellere, & vi aliquid attrahere, aut detrudere; id quod in laminis chalybeis videre est, quæ in gyrum actæ & contractæ, ad explicationem, seu sui dilationem semper anouuntur, atque adspirant: quibus potissimum vtitur in

G

70  
horo-

horologijs manualibus ad lentum, & regulatum motum rotis impertinendum, & *Mollas* vernaculè appellamus.

ANSER AMERICANVS. Vide *Toucan*.

71 ANTECEDES in Mathematicis dicitur primus terminus assumptus in aliquo Theoremate ad demonstrationes construendas circa aliquem notum numerum, aut magnitudinem, ad cuius rationem initur proportio, & procedit constructio suprà aliam consimilem, sed hætenus ignotam quantitatem. Vt si consideranda sit proportio, quam habent v. g. quatuor ad duo; primus terminus assumptus ad construendum, nempe quatuor, dicitur *Antecedens* proportionis. Is autem ad quem alia quantitas refertur, vt sunt duo, dicitur *Consequens*. Et quidem, quando ambo termini sunt æquales; habitudo, quæ inter ipsos intercedit, vocatur Proportio æqualitatis: si verò fuerint diffformes, & inæquales, appellatur Proportio inæqualitatis. Insuper quando proportio ista potest exprimi numeris, dicitur Rationalis; sin secus, erit irrationalis.

72 ANTERIDES in opere architectonico sunt fulturæ, & sustentacula, vt ita dicam, in frontibus ædificiorum, præsertim verò in angulis apposita, vt structura subsistat, neue parietes onere grauati inclinentur, & ruant. *Erisma* etiam appellantur à Vitruu. lib. 6. cap. 11. monetque quod ea inter se distent tanto spatio, quanta altitudo substruccionis est futura; crassitudine eadem, qua substruccio. Ex quibus apertè liquet, eas diuersas esse ab *Antis*, idest pilis, quæ ostiorum latera firmant, aliquantulum exporrectæ, & supremum supercelium sustinent. Vnde hallucinatur Barbarus, *Antas* cum *Anteribus* confundens ac dicens, illas *Contrafortia* & *Pilastros* à *Nostris* vocari, & in angulis partium collocari certum esse. Nam *Anta* vnice, & semper ad Ostium pertinent, & binæ sunt, ac lapideæ: *Anterides* verò, quæ & *Antes*, contracto nomine, à plerisque, præsertim à *Salmasio* vocitantur, generaliter pro omni fultura, siue ex structura lapideâ in declinè protracta, accipiuntur. Sunt enim, ait *Salmasius*, cuiusque rei ordines anteriores, & qui frontem spectant, atque inde distant. Quibus profectò benè conuenit nomen *Contrafortium* ab *Gallis* & *Nostris* inditum ab officio, quasi contranitantur ad fortitudinem, seu firmitudinem muris stabiliendam. Multò magis fallitur *Philander*, qui *Antas*, & *Antepagmenta*, eandem rem esse dicit: quandoquidem *Antepagmenta* ad valuas pertinent, *Antæ* ad ostium: & hæ quidem, vt suprà dixi, semper lapideæ sunt, illa verò semper lignæ, sunt.



*suntque* (inquit Festus) *Valuarum ornamenta, qua Antis adpanguntur*. Ergo diuersa omnino sunt Antæ, Antes; siue Anterides, & Antepagmenta. Benè verò *Antes* in masculino genere dicuntur columnæ quadratæ, siue ex integro lapide, siue materiata, quibus arcus ædificij inniuntur, ac tota moles, veluti pendula sustinetur: quas *Parastatas* Græci nominant, vnde fortassis, corrupto vocabulo, *Pilastrorum* ad nos nomen effluxit. Id quod aduertere æquum fuit: nam nominum similitudo, & diuersitas officiorum, quam sæpe in Vitruuio, alijsque Scriptoribus inter legendum offendimus, posset mentem Lectoris confundere, & pro re, quam nullo pacto designant, imponere; quemadmodum videmus, & magnos alioqui viros fuisse hallucinatos.

ANTEPARISTASIS græcè, circumfessionem, luctam & mutuam obstitentiam, latine significare potest: cum videlicet duæ res contrariæ qualitatis simul coeunt, & vna ab alia obsidetur. In quo conflictu, qualitas, quæ ab altera circumuenitur, sese intendit, & totas vires suas in vnum colligit, & exerit, vt fortius aduersus alteram insurgat, atque obsistat: vnde enatum Axioma *Virtus vnita fortior*. Sic videmus, cum calor vndique frigidos humores ambit, frigus illud sic constipatur, intenditur, & supra vires suas, audentiùs nititur illatam vim, vi propulsare. Huic Arcano, & mirifico Naturæ motui tribuunt Philosophi, & Astronomi (ex quo discunt Mechanici, & Architecti suis operibus vires refundere) plures effectus meteorologicos in aëre, & subter terram, vi frigoris, aut caloris ambientis productos, vt grandines, niues, coruscationes, fulmina, & tonitrua: de quibus fusè Philosophus in *Meteoris*.

ANTEPILANI antiquitus dicebantur in acie militari, qui in primo ordine hastati, Pilanos, seu Triarios antecebant, & à Velitibus primam pugnam incuntibus, ad iusti prælij primam aleam fubeundam, excitabantur. Vnde Liuius lib. 8. *Rorarij*, inquit, *percurrerant inter Antepilanos, addebantque vires hastatis atque Principibus*. De qua re vide quæ diximus in V. Acies.

ANTIBOREVM appellatur à Vitruuio lib. 9. cap. 9. genus quoddam horologij solaris, siue sciotherij, de quo nihil explicat: Sed Daniel Barbarus coniectatur, ita fuisse dispositum, atque delineatum, vt obuersam ad aliquod sidus vmbra faciens, contrà boream etiam de nocte horas signaret, vel eius declinationem, motum, & summam altitudinem deprehenderet. Baldus autem vero.



fimiliùs credit, id fuisse simplex horoscopium in plano Aequatoris descriptum, ex aduerso Poli Borei; vt ex nominis coniugatione colligi potest. Accedat Lector cui mauult.

- 76 ANTIQVVM OPVS, quod & TVSCANVM dicitur à Tuscis, à quibus creditur iuuentum, & certè apud eos fuit multum in vsu, in re ædificatoria est Constructio, seu ratio constructionis simplex quidem & rusticana, sed cæteris, quibus vtitur Architectura, solidior ac robustior. Assimilatur enim, inquit Vitruuius, viro ætate prouecto, benè formato, artibus firmis, ac robustis, val certè vili amictu, & grossè induto, qui durabilitatem in vestimentis quærere non elegantiam. Et idèò Antiquum opus attendit in ædificijs firmitatem, & commodum potius, quam speciem exteriorem: & si aliquod ornamentum admittit, vt in columnis, ostijs, ac trabeatione, id est simplex, & planum, quod maiorem firmitatem addat, atque ad æternandum opus adspiret, non oculis blandiatur. Tale potissimum eligitur ab Architectis in ædificijs ruralibus, vel quæ soliditatem, consistentiam, & benè obfirmatas partes requirunt; cuiusmodi sunt Carceres, Aerarium, Portæ Ciuitatis, Pontes, Arces, Arcus triumphales, Theatralia, & vniuersim publica Aedificia. In his ratio symmetriæ petit, vt omnia ex æquo ad durabilitatem respondeant, atque adeò in columnis, vt monet Vitruu. initio lib. 3. longitudo non excedant sex diametros crassitici scapi inferioris, quæ est omnium proportionum mensura, & maxime ad naturam accedit. Nam in formatione hominis, inquit, videmus, quod pes sit sexta pars longitudinis totius corporis in ordinaria dimensione; & homo ipse secundum Protagoram, est quasi prototypus omnis symmetriæ: igitur (concludit Vitruu. *Si ita Natura composuit corpus hominis, uti proportionibus membra ad summamfigurationem eius respondeant; eum causa constituisse videntur antiqui, ut etiam in operum perfectionibus, singulorum membrorum ad vniuersam figuræ speciem habeant commensus exactionem.* Similiter Intercolumnium (quo nomine appellant spatium inter vnâ columnam, & aliam) non plus dilatari debet, quàm ad quatuor circiter diametros ipsarum columnarum. Etenim cum super eas constitui debeat Epistylum, & ipsæ vtplurimum fiant ex materia latericia, non ex integro lapide; spissiores vtique esse debeant, vt impositum opus sustineant, nec faciliè vtrumque, aut alterutrum dehiscat. Capitulum quoque simplex, habens tantummodò plinthum cum medio Echino, & subtrās hypotrachelium, & regulam. In Epistylis, seu Coronis non admittit, nisi duplex cymatium; alterum suprâ Coronam, Zophorum, & vnâ

ceniam pro Architrabe; eaque omnia plana, & simplicia absque, vlla sculptura. Cæterum hunc ordinem lib. 6. cap. 6. non distinguit à Dorico Leo Albertus, qui tres tantum enumerat, Doricum, Ionium, & Corinthium; aitque *hunc ipsum* (nempe Doricum) *apud vetustissimos Etruscos fuisse*, se ex multis antiquissimis monumentis illum ipsum cum Tuscano esse, pro comperto habuisse: ideoque præ cæteris eum laudat, suadetque, cæteris paribus, semper in ædificijs æternum mansuris, eligendum; vt pote firmiorem, ac stabilem. In eandem sententiam venit etiam Serlius, & confirmat communis vsus omnium Nationum.

ANTLIA, ex græca notione, iam ad nos deducto vocabulo, Instrumentum hydraulicum est, quo aqua in profundis cauitatibus, 77  
& puteis manens, sursum attrahitur, nullo vase recepta, sed sua sponte saliens, vi emboli è medio instrumenti in aquæ superficiem inclinati, indeque mox impetu attracti, & sursum elati: quem motum sequitur aqua supra superficiem surgens, quoad emboli motus sistit. In Italia, & Germania, in locis, vbi fontes superni non sunt, neque aquæ ductus extructi ad deportandam, deriuandamque aquam è superiori scaturigine, fræquens eius vsus est, & apud nos vulgò appellatur: *Tromba dà canar acqua*. Vnde autem arcanum hoc proueniat, vt aqua, suâ naturâ in imis locis quiescens, & motu semper deorsum ferri affectans, tunc, nullo vase excepta, nulloque adminiculo sustentata, aut sursum detrusa, protinùs exiliat, supraque se attollatur; magna est hodie inter philosophos disceptatio, & adhuc vera causa est incomperta. Communis ratio, quæ adducitur, fundatur in illo celebri axiomate, *Ne detur vacuum in Natura*, quod hæc adeò horret, & fugit. Cum enim Vniuersum hoc Summus Artifex ita constituerit, vt partes inuicem cohærent, & perpetuam continuitatem seruarent; tum, vt fortius connecterentur, & sibi inuicem laborantibus auxilio esse possint, tum ad Cælorum influxus vsquequaque diffusos excipiendos, qui continuatim per rectam lineam de vna in aliam transeunt; necesse fuit excludi vacuum, vt pote huius communicationis impeditiuum, ac propterea vnaquæque pro suo modulo, etiam contrâ suam naturalem inclinationem, conniteretur ad illud expellendum, seruaretque sedulò hanc partium continuitatem, totiusque repletionem. Id quod, non in Antlia solum, de qua nunc sermo est, sed in alijs rebus quotidie, infinitis propemodum experimentis, obseruatur. Nam primò. Si caux fistulæ vtrinq; peruiæ alterum extremum os in aquam liberam immergatur, alterumque ori tuo applicaueris, inde aërem at-

trahens ; statim ac aër vi attractus recedit è partibus fistulæ inferioribus, subsilit aqua ad locum replendum, vnde aër inuitus retrahitur. Et hoc ipsi perficit Antlia : nam, si eius cavitatis embolo recurrente, hinc inde impediatur ; atque interim altera eius extremitas aquæ superficiem tangat, ex altera embolus retrahatur : mox aqua eundem motum sequens sursum ascendit in fistulæ cavitatem, quæ prius inclusum aërem detinebat.

Secundò folles contracti, si obstructo canali, per quem aër ingreditur, ac simul ostiolo laterali, per quod refundi possit ; nunquam, quantavis adhibita vi, inflati explicabuntur, sed potius eos dirumpi videbis, quam distendi.

78

Tertiò si scyphus vitreus, aut ex quacunque solidâ materiâ, aqua plenus, in aliud aquæ receptaculum magis amplum immerferis ; inuersoque situ extraxeris directè ex parte supra superficiem aquæ in vase liberè diuagantis ; sit, vt aqua intrâ ipsius cavitatem existens, hæreat maneatque suspensa, & eleuata supra superficiem aquæ in vase existentis, quâ-cum communicat, atque continuatur ; vtiq, quia non habet, vnde aërem ad implendum locum recipiat, qui aquam sinat è fistula ad suum alueum cadere vniq, cum reliquâ. Quod si è superiori parte spiraculum habeat, per quod aër intrare possit, eo detecto, statim aqua in imum alueum decidit, mox clauso, sistit, & manet intrâ scyphum suspensa. Id quod videre est passim in hortis, in irrigatorio, seu vase illo, subtrus ad modum cribri pertuso, quod superius conicè desinit, atque ibi habet os, vnde infundatur aqua ; quo vti solent agricolæ ad irrigandos flores, & herbulas primò nascentes : nimirum, si aperto spiraculo in aquam immergatur, eam exhaurit vsque ad summum : impacto obturaculo, & extracto vase aqua pleno ex alueo, vnde hæc exhauritur, etiam si mille foramina subtrus aperta habeat, per quæ aqua dilabi possit, ne gutta quidem exinde cadit, sed tota manet suspensa intrâ vasis alium : & remoto impedimento subintrandi desuper aëris, confestim tota quanta est, è vase dilabitur, & in inbrem artificiosum conuertitur. Et alia sexcenta eiusmodi experimenta possent adduci in huius rei comprobationem : quorum omnium vna & sola ratio est, impedimentum aut appositum, aut remotum ad implendam, alio corpore vacuitatem ab vno relictam, per recessum, aut condensationem ipsius : idque totum ad vitandum vacuum Naturæ inimicum, & eius operum destructorem : quod item accidit in aqua per Antliam sursum attractâ.

79

His ita constitutis, & apud omnes hucusque pro indubitato receptis, insurrexit nostra ætate P. Emmanuel Maignan Gallus, è sacra

erā Minimorum familia, vir in perscrutandis Naturæ arcanis sagacissimus, atque experientissimus, qui nouam philosophiam in veram causam mirabilis huius aquæ ascensus per anliam inuehens, negat id fieri per nîsum naturæ reformidantis vacuum, sed simplici pressione aëris incumbentis aquæ, quæ anliam circumambit.

Id autem probat vniuersali principio, quod graua omnia pro sua quæque conditione, naturali impetu in commune centrum trahuntur, & in eo tandem quiescunt: arque ad id assequendum, adeo cæco, vt ita dicam, ductu ferantur, vt nisi impediuntur, ad certam distantiam maiorem, aut minorem, prout vniuscuiusque natura, exigit, ad illud, certo quodam libramento se sistant. Hoc equidem ostendit ingeniosus vir, & explicat apertius euenire in fluidis. Si duo, inquit, graua fluida non commiscibilia, & inæqualem habentia grauitatem in specie, vt sunt aqua, & Mercurius: mittas vnum hinc, & aliud inde, in duo crura syphonis erecti, ac liberè utrinque aperti; illa quidem initio, dum certatim nituntur ad grauium commune centrum accedere, pellent se, & repellent, alternis vibrationibus paulatim minuentis, donec tandem conquiescant. Sed nimirum ita quiescent, vt suprema superficies grauioris, minùs à grauium centro distet, quam suprema alterius, pro ratione inæqualitatis inter grauitates. Ad hoc ponit exemplum in figura, à qua, ne morosus sim in alieno, superfedeo. Id etiam manifestat in solidis: Nam si plurimum, addit, ruderis in fundamentis ingeras, aut in fossam; ruunt illa quidem temerè iniecta nutu suo, moxque alia alijs insident: & si forte quod inferius cadit, inde submoueris, statim alterum irrui, & locum præripit: Omnia enim toto se grauitatis molimine premunt; vrgentque deorsum. Attamen, si propter angulosam, aut aliàs minusabilem formam, siue ob situm tumultuario casu arreptum, non ita sibi proximè cohærent, vt fossæ totum totaliter spatium compleant, sed spaciola relinquunt inter se multa; si glaream & arenam superinicias, insinuabunt se illa vsque ad solum, quantum poterunt, inter saxa, ac testas, omnesque replebunt cavitates. Tandem quia fieri non potest, quin & ipsa relinquunt etiam aliquod vacuum, quod non sit oppletum; præstabit id quidem aqua, si super hanc congeriem infundas; quæ ratione suæ subtilitatis, & floris, insinuabit se, & penetrabit ad cuiusque spatij relictam capedinem, & formam. Ex quo clara luce pater, grauitatis beneficium esse, quod locus omnis in ea fossa compleatur. Si enim id non agit grauitas, quâ vi pellitur inde, & ab his omnibus, aër leuior, qui nihilominus per se priùs omne æquè locum complebat? Eodem modo cum proportione fit à grauibz omnibus intrâ totam grauium sphaeram, ac præ-

sertim in Antlia, aëre vi extruso aquam premente, ac propellente.

81 Hæc Maignanus, subtili quidem discursu, & experimentis oppidò conuincentibus; sed non admittitur à Gaspare Scoto in *sua Magia Aërotechnica* cap. 2. Nam exinde, ait, tantum inferri potest, grauia tunc sibi cohærere, & implere locum in Vniuerso, quando reipsa feruntur ad centrum, non quando ex ipso vi aliqua feruntur fursum, & ab ipso recedunt, vt succedit in Antlia, etiamsi minus grauia sint quæ illa repellunt, vt est. aër respectu aquæ.

82 Nolo ipse hanc nobilissimam litem calculo meo dirimere, sed alijs lubens relinquo dijudicandum, quinam propius ad veritatem collineet. Solum hoc obiter addo ex eodem Scoto in *Magia Hydrotechnica*, curiosissimam quæstionem, An videlicet per agitationem Antliæ, produci possit motus perpetuus, quemadmodum vnâ similem machinam perpetui motus initiatricem compegit, & ordinauit P. Athanasius Kircherus Romæ in Collegio Romano, quam probè descriptam atque delineatam postea exhibuit in *Arte Magnetica* secundæ editionis, in Appendice post cap. 3. lib. 3. par. 2. Aliam consimilem Machinam, ipso Scoto teste, ac referente, insignis Mathematicus, Valentinus Stransel conspicatus est; cuius Ideam proposuit Prægaz, ac doctissimorum virorum examini, censuræq; subiecit, qui erant publici Professores in eâ Vniuersitate. Quâ nimirum se putat inuenisse artificium perpetui motus, atque obtineri posse per Antliam, si vis impressi motus pensetur, & omnis discursus à materia abstrahatur. Si nimirum excogitetur, vt tantum aquæ ascendat per Antliam, quantum exinde fingatur defluere in rotam, quæ Antliam agit (id quod exemplo comonstrat, ac delineauit Scottus in lamina) Hoc autem pendere ait, à proportionem vectis primi generis, siue radio-rum vectis ad pondera. Nam si id tandem obtineatur, non dubitæ quin excitari, & continuari per longum tempus queat motus perpetuus. Hanc machinam mente solum ab autore conceptam, ad opus redegit, & conpingere nisus est Iacobus Dobrzensis de Nigro Ponte, Medicus Pragensis cuius schema exhibuit in Opere quod *De Admirando fontium genio* inscripsit, ex quo exemplar desumpsit Scottus, ac retulit loco cit. Addit demùm Author, artificum sagacitate, & Mathematicorum directione, facilitari adeò posse motum rotæ, & Antliæ, vt exigua aquæ quantitas sufficiat ad motum illi imprimendum. Vnde, si temporis tarditas compensaretur eleuatione aquæ, vel per plures tubos, vel per vnum tubum capaciorem, posse utique tantum aquæ continnè elenari, quantum interim eodem tempore decidit. Id quod fieri posse autumat vniuersali principio, ex Aristotele, Archi-medæ,

mede, Stevino, Guidobaldo, ab alijs Mathematicis conuincuntur admissio, atque irrefragabili experientia comprobato; quod, Si potentia velti applicata; eandem ad applicatum pondus proportionem habeat, quam distantia ponderis ab hypomochlio, ad distantiam potentia ab eodem; sic æquilibrium, seu quies; & potentia sustinet pondus. Si vero in velle distantia potentia à fulcramento ad distantiam ponderis ab eodem, habuerit maiorem proportionem, quam pondus ad potentiam, tunc potentia mouet pondus. Hæc præfatus Author. Quæ vera sunt, & infallibilia, si diuisim; & per partes hi motus perficiantur; collectiue autem, & in pluribus contrarietibus motibus, harmoniam, hanc leuare, & assequi, est impossibile: quoniam quod vnus incipit, alter abruptit, & potentia vis semper lentescit, atque attenuatur contrariorum nisu, & ponderum grauitate: quod fieri nequit, vt veniant ad æquilibrium, & multò minùs, vt ex maiori distantia à pondere, obtineatur maior proportio veltis ad pondus, in ordine ad illud trahendum. Quare meritò, qualiscunque sit effectus qui ex tali artificio prodire potest, eum vti frustratorium, & vanum, reijcit idem Scottus loc. cit. quia nunquam viam parare potest ad motum perpetuum.

ANTOCHE, græcè idem sonat ac coherencia, siue mutus nexus duorum, qui sibi inuicem opitulentur. Assumitur sæpius hoc vocabulum ab Aedificatoris artis Scriptoribus, ad significandas in ædificijs appositæ ad angulos ferreas clauas & fascias, quæ duos conuenientes parietes mutuo neccant, ac firment: vt sunt etiam longi stipites, qui subtus fornices, vt plurimum apponi solent ab angulo in angulum excurrentes; caputibus hinc inde parietibus infixi, & benè veltibus obfirmati, vt structura consistat, ac tremoribus, alijsque violentis concussionibus, nè facillè cedat. Hos nos Catenas vocamus.

AORISTAE, græco vocabulo, nominantur à Mathematicis Scriptoribus, quantitates, quæ magnitudine, aut numero, in infinitum excresecunt. Non quòd actu dari supponant; sed quòd potentia sint, & mente concipiantur: quas potius indefinitas dixeris. Vt cum dicitur in Postulatis: *Datam lineam in infinitum protrahere*. Euclid. lib. 1. Aut de linea Conchoide, vel Asymptotis, quòd, etiamsi in infinitum producantur, atque ad hyperbolicam sectionem hæ semper magis ac magis accedant; numquam tamen fiet, vt conuenire possint, & in angulum vñiantur. Hæ, inquam lineæ, aut magnitudines, aut numeri in infinitum procurrere, saltè mente conce-



pta, *Aorista* apud Græcos Scriptores audiunt.

AP

- 85 APODIXIS græcè idem valet ac Demonstratio : vnde *Syllogismus Apodicticus*, *Propositio Apodictica*, atque etiam *Principia Apodictica* communiter apud Philosophos, & Mathematicos audiunt : quæ nimirum ex terminis per se notis, aut ex præmissis concessis, & euidenter probatis, necessariò consequuntur. Sed specialiter Mathematici, qui per certas, & euidentes demonstrationes in suis Problematis, & Theorematis procedunt, hunc sibi proprium concludendi modum, *Apodixim* dixere. Hæc autem sex partibus integratur : namque primò in eam conuenit simplex propositio rei demonstrandæ, quæ *Protesis* dicitur, hoc est, *Praambulum* : fitque aut per Theorema assumptum ad construendum, aut per per Problema ; quæ ambo habent suum subiectum, & prædicatum ; seù, vt ipsi loquuntur, *Datum*, & *Quæsitum* : vt exempli gratia. *Datam lineam in duas aequales partes secare*, quod est id, quod ad demonstrandum proponitur. Secundò constat Expositione subiecti ; vt disponantur, & præparentur necessaria ad constructionem peragendam. Tertiò, determinatione, & applicatione prædicati ad subiectum, seù affectionis quæsitæ. Quartò, Præparatione subiecti ad inuestigandam rationem quæsitæ, per certa assumpta principia per se nota, & ab omnibus admissa. Quintò id fit per veritatis, & assertionis comprobationem. Sextò tandem clauditur Demonstratio *Conclusione*, in qua repetitur propositionis affirmatio, tanquam iam ostensa, & comprobata : vt si dicas. *Hoc præstito, iam Recta linea in duas partes aequales est secta*. Et in fine semper additur : *Quod demonstrandum, vel faciendum erat*. De quibus omnibus membris, distinctè agit Clavius in Euclidem, datis exemplis ad praxim, & nouissime Vitalis Iordanus, in suo *Euclide Restituto*, in Prologomenis.

- 86 APOPHYGES in Architectura, ex Vitruuij directione, pars est extrema Columnæ, quæ aut immediate subest capitulo desuper imposito, aut adiacet basi, seù spiræ, quæ illam sustentat. Sed qualis ea propriè, & signanter sit, Interpretes non conueniunt. Siquidem Vitruuius ipse, cum de ea parte, præcepta tradit ; modò confundit, & miscet cum Toro ; modo cum Hypotrachelio ; sic enim loquitur lib. 4. cap. 7. agens de basi. *Torum insuper cum Apophygi crassum quantum plinthus*. At de superiore, quæ infra capitellum est, ità habet : *Capituli crassitudo dinidatur in tres partes ; è quibus una plinthis, quæ est pro abaco, detur ; altera Echino, tertia hypotrachelio cum astragalo, & Apophyge*. Ecce quomodo non distinguit, sed par-

tem



tem hanc cum alijs miscet. Philander in hunc locum, *Apophyges*, inquit, cum quadra referi scotia partem dimidiam inferiorem, siquidem, in imo scapo nominantur, aut basi, ut in hoc loco. Cum vero in superiore scapo dicitur, refert Scotia cum sua quadra partem superiorem, ut paulò post: vocaturque *Apothēsis*. Aliunde in Notis ad cap. i. eiusdem libri, *Aphophygem* solummodò pro ipso complexu partium interpretatus fuit. Nam ex conflexibus, ait, tantum columnarum crassitudinem intelligendam arbitramur, non ex calce, aut summo astragalo. Baldus econtra negat *Apothēsim*, *Apophygem*que denotare conflexum, contracturæ scapi, sed vult ad eam tantummodò partem denotandam referri, quæ ad modum annuli, imam summamque partem, columnarum reuincit. Et idèd, ait, *Annulus à Nostreis vel Cimbria pro cingia appellatur*. Et paulò post ad noniini etymon recurrens, subdit: *Vtrumque vocabulum à Græcia oriundum Apophyges, & Apothēsis: quanquam declinatione mutatâ Vitruuius Apophygym dixerit. Primum, Effugium valet, Remedium, Euitatio: Secundum, Remotio. Sed quorsum hæc & inquit: ipsemet sibi obiecit; & respondet addens pulchram, reique ex intimo explicandæ accommodam eruditionem. Veteres Architekti, ait, Phylandro teste, ex roboribus perpetuis, & non dolatis columnas fecere: quarum capitibus, ne ad pondus sinderentur, ferreos annulos addidère. Postèd marmorearum in calce, latum annulum sinxerunt, quem Vitruuius, ut ipse inquit, Apophygem nominavit. Quæ cum ita sint (concludit) putamus, fieri posse, idèd annulum, illud nomen sortitum, quòd contrà dictas scissiones fissionesque esset remedium, & effugium, hoc est Apophygi. Hucusque Baldus: qui certè, meo iudicio, rem intrâ cutem tetigit, aut saltem propius ad Scopum collineauit. Sed vide quæ mox dicemus in V. Apothēsis.*

APOTHELESMA, celebre, atque vñtatissimum Ptolemæo, eiusque sectatoribus, vocabulum: significat autem ex græca origine, simpliciter sententiam aliquam indubitatam, quæ ex certis principijs euidenter concluditur: vnde inter Aphorismos, & admissa ab omnibus Axiomata computatur. Abusiue tamen & pressius ab Astrologis accipitur pro effectu horoscopi, seu iudicio, quod resultat ex constitutione Cælesti, & habitu siderum ad se, & ad horoscopum, in alicuius Natiuitate. Ex quo Astrologia Iudiciaria in multis temeraria, mendax, & damnata, honestiore vocabulo *Astronomia Apothelesmatica* à plerisque nuncupari solita est. Reipsâ tamen Apothelesmatis notio aliud non indicat, quam perfectiones, & consummationes effectuum naturalium, necessariò procedentium ex naturali cursu, atque idèd cum suis causis cælestibus, colligato-

rum, & aliquando earum significatis, suo tempore respondentium.

88

APOTHESES apud Græcos, idem valet, ac si diceret, *Repositio*. Arcitur tamen vocabulum à Vitruvio ad significandum in Opere architectonico, eam Columnæ partem, quæ immediatè subest Capitulo, vt modo in *Apophyge* diximus. Quam; quia aliquando confundit cum Apothési idem Vitruuius; bene Philander rem enucleat, ac distinguit; demonstrans ex Vitruvio, Apophygem vocari promiscuè vtramque scapi terminationem, summam, & imam: Apothésim verò singulariter denotare eam partem, quæ iungitur Capitulo. Sed dictum probare aggressus, contrà mentem Vitruuij, ad aliud sermonem infleuit, & vult, Apothésim significare supremam partem Scotiæ, vt clarè apparet ex eius verbis, quæ in Apophygi paulò antè retulimus: & concludit: *Vocaturque Apothesis*. Placet quidem discursus, sed non placet assertum; quia non ad partes columnæ refert, ad quas alligat huiusmodi voces Vitruuius, sed ad Scotiam, quæ ab eà distincta, & seiuncta res est. Quod est directè contra mentem Vitruuij, qui absolute in imo, ac summo scapo columnæ, Apophygem, Apothésimque constituit: quod ideo ad ipsam corpus Columnæ, non ad partem ab eà diuulsam & disparatam, referri debent. Id quod ipsemet Philander alibi annotauit, & eam partem vocauit annulum; quia antiquitus, cum adhuc columnæ non essent marmoreæ, sed lignæ, ex vno continuato trunco; ad earum extremitates, ne pondere sinderentur, apponebantur annuli ferrei, qui necessariò prominere aliquantulum requirebant: quo firmamento, Columna lignea aduersus scissuras remanebat optimè munita. In cuius postea locum succedente marmoreà, visum est, hoc, non tam munimen, quam ornamētum in eà relinquere, vt ex quo, & ad quid primitiis institutum fuerit, indicaret; vti, & triglyphi, & metopæ, & ceterij, & alia id genus, in Coronis, & Supercilijs ædificij prominentia, ex simili ratione originem traxere. Ergò, vt ad caput redeam, Apophygis promiscuè pro vtraque Columnæ parte, in quam terminat, quæque annulum refert, accipienda est; Apothesis rigorosiùs pro parte superiore, quæ immediatè à Capitulo premitur. Et hanc vocabulorum distinctionem circà vnam eandemque rem, quæ per ea significetur, non oscitanter à Vitruvio factam crediderim: quandoquidem eiusdem membri, quod in basi consideratur, facta postmodum in Capitulo, seu verius in summo Columnæ scapo, replicatio; & distinguit officia, & verè ad effectum respondet; græcicæque

que notionis expressionem; quā hæc replicata Columnæ pars, signatè dicitur *Apothefis*, hoc est *Repositio*.

89.

APOTOME, Græcè idem sonat, ac Latinis *Abscissum*. Ab Euclide, & cæteris Geometris pressius accipitur, atque adaptatur ad significandam figuram aliquam, aut lineam irrationalem, quæ resultet, & reliqua sit, ex abscissione vnius partis rationalis, ab tota quadam rationali, quæ, ut & abscissa, sit potentiâ tantum commensurabilis. Hæc, inquam, quæ ex facta rescissione remanet, erit semper absolutè irrationalis, nè potentiâ quidem commensurabilis, vocaturque *Apotome*. Sicut econtrâ, quæ ex duabus potentiâ solùm commensurabilibus, coalescit in vnam, erit similiter irrationalis, & appellatur *Binomium*, hoc est compositum ex binis nominibus, (quæ, singulæ seorsim sumptæ, secundum propriam cuiusque conditionem obineant) coalescit. At de hac, suo loco. Nunc autem, quia sex modis concipi potest hæc abscissio lineæ, vel figuræ commensurabilis ab integra aliqua, item potentiâ commensurabili, ita ut quæ ex abscissione superest, maneat prorsus cum vtrâvis incommensurabilis; sex species Apotomarum assignantur, ut & Binomiorum, in compositione duarum potentiâ tantum commensurabilium. Aut enim maior ex his potentiâ tantum commensurabilibus, plus potest, quàm minor; adeoque differentia potentialis, est Quadratum, cuius latus lateri maioris est mensurable: & hoc genus parit tres species Apotoniarum, prout cum alia quadam rationali, ut nunc dicemus: Aut sanè vna potest magis, quam alia; & differentia potentialis est Quadratum, cuius latus est incommensurable lateri maioris: & hoc item diuiditur in tres species Apotomas, eodem ordine, ac primæ. Nam, si maior sit rationali commensurabilis, & illa tantum plus possit suprâ adiunctam, quantum est Quadratum rectæ alicuius eidem commensurabilis etiâ longitudine; ac tota etiâ sit commensurabilis longitudine, propositæ rationali; quod residuum est, vocatur *Apotome prima*. Si autem adiuncta sit commensurabilis longitudine propositæ rationali, ac tota simul, plus possit suprâ adiunctam, quantum est Quadratum lineæ rectæ eidem longitudine commensurabilis; dicitur *Apotome secunda*. Si verò neutra sit longitudine commensurabilis propositæ rationali: ac tota plus possit, quam adiecta, quantum est Quadratum eidem rectæ longitudine commensurabile; quod residuum erit, appellabitur *Apotome tertia*. Quod si tota tantum plus possit, quam adiecta, quantum est Quadratum lineæ rectæ ipsi incommensurabilis longitudine; ac tota simul commensurabilis longitudine propositæ

fitz rationali; exinde *Quarta* exurget *Apotome*. Præterea, si adiuncta commensurabilis est longitudine rationali propositæ; quod residuum est, dicetur *Apotome quinta*. Tandem si neutra ex his fuerit commensurabilis longitudine rationali propositæ; sequentium illud ex scissione vnus partis ab tota, dicetur *Apotome sexta*. Et hæc quidem est tota doctrina, & expensio quantitatum Apotomarum. Quæ fortè Tyronibus, & alijs ad alia studia applicatis, videbitur discursus de Umbra Asini, aut de Lana Caprina, ex qua nil tandem utilitatis capietur, vt Diogenes Cynicus æstimauit, ac derisit geometricas quasdam operationes à non nemine sibi ad informationem, ostensas. At non profectò his, qui rem inedullitus penetrant, qui- que his ad praxim vtuntur in Geometria, in quantitatum proportionalitatibus discernendis, in Arithmetica, in additionibus, ac subtractionibus faciendis: in Architectura, in dispositione ac distributione partium in ordine ad totum ædificium ritè constituendum, &c. vt etiam in Musica, quæ dulcisonè auribus insonat,

- 90 *Apotome* appellatur *Semitonium* cum commate in superpartiente proportionem obseruatum. Quæ de re, vt & de consonantia, ac dissonantia ex integritate, aut relictione tonorum simul concurrentium resultantibus, perindè ac practicatur in lineis rationalibus, & irrationalibus, commensurabilibus, & incommensurabilibus à Geometris, vide quæ elegantur habet Barbarus in Vitruu. lib. 5. cap. 4.

- 91 **APPLICATIO** apud Geometras audit adaptatio vnus quantitatis ad alteram, quæ sit eiusdem ambitus, aut magnitudinis, licet non æqualis figuræ: Vt, cum proponitur ab Euclide lib. 6. probl. 8. *Ad datam rectam lineam, dato rectilineo æquale parallelogrammum applicare*. Et propos. 29. *Ad similiter datam rectam lineam applicare parallelogrammum æquale rectilineo, quod tamen in figura parallelogramma, simile alteri dato parallelogrammo*. Hæc inquam, artificiosa transmissio vnus figuræ in aliam diuersi generis, (itâ tamen vt vnus area alterius aream, aut magnitudinem non excedat, sed omninò æquales inueniantur) in geometricis operationibus, *Applicatio* appellatur.

- 92 **APPLICATAE** eodem modo nominatæ sunt in Sectionibus Conicis ab Apollonio, lineæ parallelæ perpendiculariter, seu orthogonaliter cadentes ad axem Sectionis, quæcunque ea sit, siue Parabola, siue Hyperbola, siue Ellypsis; itaut axis æqualiter eas per medium dirimat, atque earum extrema incidant in eandem Sectionem,

nem, & terminentur in punctis sibi inuicem oppositis. Est autem, Axis sectionis conicæ, linea recta à vertice ipsius Sectionis in centrum basis immissa, qui, si dictas applicatas bifariam secet ad angulos rectos, dicitur etiam *Diameter sectionis*; ipsæ verò parallelæ ab extremo ad extremum sectionis transversaliter ductæ, dicuntur *Ordinate*, siue *ordinatim ad Diametrum applicatæ*; vti etiam earum sensissis, quæ intercipitur inter axem & sectionem. Partes autem axis, quæ intercipiuntur inter applicatas, & verticem sectionis, dicuntur segmenta axis, seu partes interceptæ. Sed de his clariùs, cum de Sectionibus Conicis.

APSIDIS, & ABSIDA in Architectura, est species quædam seu potius pars ædificij arcuata, cum fornice desuper item in conchæ formam extructo, quæ in Templis ac Sacris potissimum Aedibus apponi solet, & est ea signatè, quam nos *Tribunam* vocitamus, in digniore loco ad Aram maximam, quæ in medio sita est, circumplectendam, atque ad finem presbyterij terminatur, & claudì vt plurimum solet cancellis, ad maiorem venerationem, vetandumque prophanis ingressum. Nomen hausit ex græca notione (inquit Isidor. lib. 5. cap. 8.) quæ *latine interpretatur Luciada*. Benè verò ei aptatur hoc epitheton, quod lumen simul & arcum sonat, *eoquod*, (vt obseruat Valfridus Strabo de Reb. Ecclesiast. lib. cap. 6.) *lumine accepto per arcum resplendeat*. Solet enim desuper plurimis fenestris illustrari, vt lumen non solum ipsi apside, sed & toti corpori Ecclesiæ inde reflexum impertiant. Hic sisti alicubi solet psallentium Chorus, vbi Horæ Canonicæ decantantur, ac Missæ Conuentuali, quæ in Ara maxima celebratur, ab vniuerso Clero assistitur, & ideo in circuitum, stallis, & subsellij ornatur ad assistentium seruandum ordinem, ac maiestatem. Cuiusmodi ornatissimam, si vlla est, vidi Patauij in celebri Templo S. Iustinæ, vbi, distinctis in loculis, tota vita Saluatoris nostri in nuce, anaglyphico opere exsculpta est.

A Q

AQVAEDVCTVS, vt nominis complexio præsert, in Architectura dicitur artificiosa constructio, per quam aqua ex sua scaturigine, de longè deducitur in urbem, aut locum, vbi eà opus est, ad operariorum, ac ciuium commoditatem: idque siue per subterraneos cuniculos in canalibus ritè dispositis, & inter se coaxatis; siue per superstructam longo, & sæpè flexuoso itinere, viam, opere arcuato. In quo quidem negotio summa Archirecti peritia, & diligentia requiritur, non minùs, quam in magnis ædificijs construendis, pro libranda benè aqua, vt liberum cursum habeat, & nullum offen-

offendat impedimentum, puta, loci supereminentiam, quæ forte remoretur. De hac re, ac vario ducendi modo, luculenter agit Vitruv. lib. 8. cap. 7. & ante ipsum, Frontinus, integro tractatu de *Aqueductibus*. Vbi tria distinguit deducendarum aquarum genera, pro locorum qualitate, per quæ aquam traducere necesse est: aut per *Canales struiles*, hoc est arcuatum opus, supra quod canalium ductus constituatur, ut explicat Philander: aut *fistulis plumbeis* sub terram dispositis: aut *tabulis fistilibus*. Palladius addit quartum, nempe per canales ligneos; vbi de singulis præcepta tradit. Quod si montes interiecti, aut alix quævis prominentiæ cursum aquæ præpediunt; tunc præcipit, effodi specus sub terra, librarique ad fastigium: & *strophus*, addit, erit, aut *saxum*, in suo sibi canalibus excidatur. Sin autem terrenum, aut arenosum erit solum, parietes cum camera in specu struantur, & ita producat; puteique ita sint facti, ut inter duos sint altus. Puteos autem hic vocat æstuaria, siue spiramenta, interposita, quò aër inclusus ab aqua propulsus spirare queat, & foras exire; sicque aqua eo impedimento soluta, liberè currat. Palladius verò lib. 9. cap. 2. ad id aliter, & melius fortè prouidit. Si quis mons, ait, interiectus occurrerit; aut per latera eius aquam ducemus obliquam, aut ad aquæ caput speluncas librabimus, per quarum strucluram perueniat. Sed in libranda aqua tota res est, quæ in eo consistit, ut conferatur altitudo loci, unde illa primum emergit, cum eo ad quem deducenda est, siue id fiat lineis rectis, siue obliquis: Aqua enim ex insitâ natura, tantum ascendit, quantum est eius descensus; ita ut respondere debeat ad parem altitudinem terminus cursus, ad initium motus, ac referantur pedes ad caput. Quod pluribus modis perfici potest, quos videre licet apud eosdem auctores, Vitruuium, & Palladium. Hinc

AQVILEGIA vulgò dicitur Ars, seu doctrina colligendi, librandaque aquam in canalibus, quæ alio nomine dicitur *Hydrotholia*.

A R

96 ARACHNE apud Vitruv. lib. 9. cap. 9. dicitur species quædam horologii solaris, quod, quibusdam lineis interstinctis, quæ circulos verticales, seu altitudinum Solis signant, spatia horarum habet distincta, & suis terminis coarctata. Quod, quoniam araneæ opus ad captandas muscas, imitatur; *Araneæ* nomen accepit. Eius speciem affabrè delineatum habes in Kircheri Arte Magnetica, & apud Scotum in Cursu Mathematico.

97 ARCA, propria notione (quoniam inquit Varro ab arcendo dista)

in



in genere Architectonico, apud Vitruuium, est quoddam Aquarium septum, quod nos *Cataclam* vocamus. Fit enim statis in locis, ad retinendum aquæ fluentis impetum, vel etiam inundantium fluminum dilatacionem, ne aliàs, aut campos obruant, aut ne præterluens suprà modum aqua, locum vadofum relinquat, ac propterea nauigiorum permeationem impediat. Quamquam Vitruuius de his sepimentis, & repagulis agit, quæ portibus maris superstruuntur ad continendas aquas: ait enim. *Sin autem propter fluctus aut impetum aperti pelagi, destinata arcæ non potuerint contineri; tunc ab ipsa terra, siue crepidine, puluinus quam firmissimè struatur.* Cæterùm de utrisque eadem est ratio, & idem struendi modus: quem latè explicat Philander in hunc locum. *Figuntur, inquit, excavata, & sulcata a summo ad imum, tigna pari inter se spatio: ubi obfirmata sunt tam longa, quam magnum est intervallum, & aliquantè plùs, sed pro ratione cavit, crassè comparata tabula induntur in summis canalibus, adiungunturque, ut ad infimas usque partes descendant, induntur aliæ suprà alias, ut benè cohereant dùm ad eam altitudinem septum erectum sit, quæ est necessaria.* In alio sensu aliquantum dinerso, Arcæ nomen usurpauit idem Vitruu. lib. 6. cap. 3. ubi de Causis ædium agens, dicit: *Disfluuiata autem sunt, in quibus deliquia arcam sustinentes stillicidia reijciunt.* Videtur enim hìc pro Arca intelligere vas quoddam, aut canalè, in quem disfluens è stillicidio aqua, recipiatur: licet Philander suspicetur mendum irrepisse, eoquod in aliquibus exemplaribus, aquam pro arca scriptum inuenerit.

ARCA etiam apud Agrimensores, & Gromaticos accipitur pro 98  
limitibus, ac terminis agrorum, quibus vnus ab alio separetur, atque ab ijs confinijs, vnusquisque suam possessionem discernat, ac publico iure possideat. Sic Frontinus de Colonijs: *Limitum*, inquit, *delineatio est per rationem arcarum.* Et alibi, in definiendo agro Adriano; *Finitur*, ait, *per rationem arcarum, riparum, &c.* & Papias impositi iure nominis, rationem reddens, inquit. *Fines enim agri custodit, eosque adiri prohibet.* Ex quo benè aduertit Carolus dū Fresne, in suo Glossario, quod *Arca* est nomen genericum, quo termini omnes significantur. Vnde latiùs patet *Arca*, quam *Actus*, (de quo suprà) nam hic certum ac definitum spatium in longum, & latum definit, *Arca* verò transcendit per omnia genera limitum: Quod si intrà breues limites agrum claudit, *Arcella* nomine sæpè indigitatur, vt videre est apud eundem Du-Fresne. Cassiodorus autem ex Theodorici Regis mandato, circà agrorum diuisionem, in iudicio contradictorio sententiam proferens, *Arcaturam* nominat, lib. 3.



Variar. cap. 52. *Miramur, ait, tantâ animositate fuisse litigatum, quod, aut terminis testibus, aut fluminum ripis, aut arcaturis constructis, alijsque signis evidentibus constat esse definitum.* Atque ideo Hyginus, ubi agit de limit. constituend. Arcam diuissoriam repræsentat formâ quadratâ, atque intus cauâ, ad modum arcæ penuariæ, in qua vestes, opes, & alia reponuntur, & occluduntur ad custodiam; & inde vult esse deriuatum nomen ad has limitares, & aruales Arcas, seu Arcellas. Sed vide Salmasium in exercitationibus Plinianis ad Solinum, ubi doctè, vt in alijs solet, rem istam examinat, & profecquitur.

- 99 ARCAE similiter in re militari appellantur certæ rescissiones, seu valla humiliora, quæ fiunt ponè muros vrbis obsessæ, quibus tegitur miles præsidarius, & tutò consistit, vt possit ibi latitans, fossam defendere, & transmeantem hostem armis impetere, longiusque tenere. *Caponerias* nostri vocant. Et sanè, ubi locus non admittit promutalia, quas *Falsas-Bracas* vulgò nominant, vtilis oppidò sunt huiusmodi Arcæ: quinimò in Urbibus, & Regalibus munitis, quæ muros habent lapideos, ubi incommoda sunt promutalia, opportuna admodum sunt huiusmodi Arcæ, quæ momentò excitantur, & sine periculo fiunt: At ubi locus est aggestitius, plùs damni ex his vallis depressioribus obuenit, quam emolumenti: idque ob cadentem materiam ad hostium ictus, quæ subiectum militem, nequicquam euadere valentem, impunè opprimeret. Nihilominus, si necessitas urgeat, & hostis instat, poterit statio fixa in ijs poni, & contegi crassioribus tabulis, quæ cadentem materiam recipiant, & sustentent; quæ proinde ad vnum, aut alterum pedem terræ operiri debet, quæ molliter, cadentem ruinam excipiat, sicque tutò possit præsidarius in ijs stare.

- 100 Locus autem, ubi huiusmodi Arcæ debeant collocari, est præcipuè ante alam Cortinæ, seu propugnaculi, quod hostis imperit. Modus verò easdem excauandi, hic est. Fiat fossa lata septem, aut octo pedes, profunda quatuor, aut quinque; ex qua terra effossa cumuletur in tumultum ad eam partem quæ hostes spectat, itaut sit ad modum aggeris, duos pedes supra planum soli eleuatum. Hæc demum fossa, ubi opus est, tabulis, vt suprâ, crassioribus tegitur, fiuntque fenestellæ in erecta lorica, ad prospectandum quid ab hostibus moliat: sicque, & aggressores, si quid attentent, faciliè opprimi possint, aut saltem repelli; & defensores sine offensa suam stationem seruare. Hæc omnia ex Milliet De-Cales tom. 2. lib. 6.

AREA, teste Valla, dicitur Campus, seu planities, nullo ædium, aut arborum altitudine impedita, quæ oculis circumquaque spectari possit, & liberè peruagari. Simpliciter autem accipitur in Geometricis, pro spatio quod concluditur intra latera alicuius figure planæ, quibus terminatur, & circumscribitur. Quæ, si fuerit angularis, plura habebit latera ad numerum Angulorum respondentia, ut alias dictum est; utpote triangularis, quadrilatera, pentagona, &c. Si verò hæc fuerit vnica lineà comprehensa, quæ ad caput redeat, nullum admittens angulum, tunc erit circularis, aut ovalis, atque ideo Area ipsius, erit spatium illud, quod à tali lineà comprehenditur. De quarum omnium dimensione, ad rationem latrum, & angulorum, vel peripheriæ, quæ illam includit; diligentissimè agit Proclus in Commentar. ad primum librum Elementorum. Pari ratione

101

AREAM vocant Architecti locum in ædificijs, in ima planitie, stratum sub dio, vndique parietibus clausum: ceterà, spatiosum & czlo apertum, per quem homines discurrere possint, & liberè deambulare. Id quod in Architectura militari maximè observatur in constitutione Munimentorum, vbi Area in medio arcis, in propugnaculis, & alibi, probo loco disponitur, ut eò se colligere miles possit, & ad opus, ad quod aduocatur, accurrere. De Arcarum forma, amplitudine aut breuitate, ordine, dispositione, ac symmetrijs, tam in ciuilibus ædificijs, quàm in bellicis munimentis, agemus in loco, vbi recurret sermo. Interim vide quæ generaliter habet Leo Bapt. Albertus, de re ædificatoria, lib. 9. cap. 6.

102

AREOSTYLOS nominantur à Vitruuio magnifica ædes, cuius facies, & prospectus, nimia, quam par est, aperturà, & intercolumnio exinanitur, raræque ac diductas valdè admittit columnas; quod vitio Architecturæ vertit. Ut autem rectam rationem eas optimè, & secundum Eurythmiæ leges architectandi traderet, ex Antiquorum vario eas ponendi vsu, quinque species ædium memorat, quas & suis nominibus ex Græca notione desumptis, ad maiorem expressionem, & grandiloquentiam insigniuit: sic enim habet lib. 3. cap. 2. Species ædium sunt quinque, quarum ea sunt vocabula: Pycnostylos, idest crebris columnis; Systylos, paulò remissioribus; Diastylos, amplius patentibus; Areostylos, rariùs quam oportet, inter se diductis, & Eustylos, intervallorum iustà distributione. Post quæ, doctè discurrens, tradit singularum à spatio intercolumnij rationem; siquidem ab intercolumnio singulæ nactæ sunt proprias notio-

103

- 101 nes, id quod explicat eruditè Philander. Nam, cuius intercolumnium (inquit) non amplius quam unius, & dimidiata columna erit, ab earum frequentia, *Pychnostylos* vocatur. Cùm dua crassitudines dabuntur, *Sylylos* erit. Si tres, *Diastylos*. Si superabit intervallum tres crassitudines, *Arcostylos* vocatur ades. Qua maximè probatur in adibus species, nominatur *Eustylos*: quasi diceret, *Decenter*, & probè Columnata: quæ ita se habet, ut intercolumnium aquet spatium duarum Columnarum, & quarta partis unius crassitudinis. Hæc Philander. Ac nè nomen græcorum, & exoticorum novitas, Lectoris confundat mentem, Leo Albertus opportunè in Latinum: sermonem vertit: *Confertam*, *Subconfertam*, *Subdispersam*, *Dispersam*, & *Elegantem*. *Confertam* vocat, quæ crebris; *Subconfertam*, quæ crebris quidem, sed remissioribus; *Subdispersam*, latè dispositis: *Dispersam*, quæ rarissimis; *Elegantem*, quæ, iustà proportionem, distantibus columnis, constabit. Quod ideo omnium incompactior, ac deterior, quæque ruinam minatur, est *Dispersa*, seu *Arcostylos*, (de qua locus in præsentem) utpote, quæ immoderatè intercapedine columnarum, facit ut *Epistylia* diù consistere nequeant, ac tandem fatiscant. E contra *Conferta*, seu *Pychnostylos* id habet incommodi, quod brevibus intervallis, itiones, & liber prospectus impediuntur. Reliquæ tres ad venustatem, & consistentiam factæ; sed omnibus præstantior est, dicta *Elegans*, siue *Eustylos*.

- 105 **ARENATVM OPVS** in Architectura, dicitur prima inductio, seu, ut vocant, *Incrustatura*, quæ parietibus, & fornicibus supra eandem structuram inditur, dehinc albario, aut leuigato marmore, terminata: De hoc ita loquitur Vitruv. lib. 7. cap. 3. *Cameris dispositis, & intextis, imum Cælum earum trullissetur; deinde arenâ dirigatur: postea aut creta, aut marmore poliatur.* Ad quem locum Philander: *Tectoria*, inquit, quæ illinimenta sunt quædam parietum, & quasi pavimenta, atque incrustatio; aut calce pura sunt, & *Albarium* opus vocatur: aut gypso; & fortasse non sine ratione, *Gypsaum* appellari possit: aut calce, & arena, & dicitur *Arenatum*: aut demum marmore, & calce, & *Marmoratum* nominatur. Ad maiorem intelligentiam, vide quæ diximus in V. *Albarium*, & alibi.

- 106 **ARGANVM**, proprio Italoꝝ nomine, dicitur Machina quædam tractoria, quæ & *Ergata* communiter nuncupatur: & constat axe erecto, seu simplice, seu qui tympano, in medio, ad faciliorem vertiginem, constituto, sit compactum, hinc inde probè sulturis innixo, versatili; cuius ad caput duo vectes decussatim ad crucis modum

dum traiciuntur; quorum ductu per gyrum circumagitur ipse axis cum tympano, si illud habet; & funis eidem applicitus, & conuolutus eius agitatione trahitur, & simul ipse trahit secum pondera illigata, & annexa: itaut facillimè, & leui operà comportentur, aut in altum extollantur. De cuius agendi vi, philosophicè inquit Aristoteles in Mechanicis quæst. 13. nosque fusè dicemus in V. Ergata.

ARGVMENTVM variè audit. Nos, quæ ad Mathesim faciunt, 107 explicabimus. Primò igitur signat initium, seu radicem, vnde aliquid demonstrandum assumitur; quæ sunt semper principia per se nota, aut aliàs conprobata. Secundò, id ex quo, seu analogiam, proportionalitatis; vti cum in Trigonometria, lateris alicuius, aut arcus quantitatem quærimus ex notitia angulorum, aut ex comparatione maioris ad minus, inter quæ illud mediat. Terriò, in Astronomicis, eadem ratione, cum colligitur verus motus & medius planetarum per respectum ad augem eorum, & æquationem apparentis motus, qui terminat ad lineam medijs motus; tunc igitur, quod intercipitur intrà duos hos terminos, dicitur Argumentum. Sed de hac re, vide quæ fusè habet Clavius in Sphæram, & Maginus in Tabulis Secundorum Mobilium.

ARIES, olim in re bellica, celebre erat ac præcipuum in Castris 108 tormentum, ad quatrandos muros vibis obsessæ, cuius in locum hodie feliciore ne dicam, an luctuosiore effectu, ænea tormenta, & bombardæ substitutæ sunt, ab orco potius prodeuntes, quam ab ingenio humano, Mathematicis rationibus adinuentæ. Quæ quidem ferreis globis, & pulvere pyrio grauida; admotoque igne, plius damni, explosæ eminùs inferunt mœnibus, atque hostium cuneis, quàm centum Arietes, similesque machinæ cominùs applicatæ: quod ideò, nostris temporibus in desuetudinem abiit. Erat igitur Aries tignum, seu trabs firmissima, & oblonga, similis Nauali malo, in cuius extremitate ferreum caput extabat, inflexis cornibus horridum, & rictu ad formam Arietis pecudis, solido & præacuto; quo impetuosè ad murum impacto, mirum in modum, huius compages dissiliebat, & soluebatur in rudera: vnde Lucanus appositè cecinit,

... Nunc Aries, suspensio fortior ista  
Incussus, densi compagem soluere muri  
Tentat, & impossitis vnum subducere saxis.

Et quia, vt dixi, capite acuminato procedebat, aduncisque hinc inde

inde muctonibus ad reuellendos lapides, ceu intortis cornibus, arietis speciem referebat; siue quod ad opus applicitus, modò impellebatur, modò (vt validiorem impressionem faceret) identidem retraheretur, eo ritu, quo se pugnantes arietes impetunt, hoc ei nomen adhæsit. Porro à prima eius inuentione (quam Troianis tribuit Plinius, Tyrijs verò, suisque Carthagenensibus, Tertullianus, alijque emunctæ naris Scriptores) rudis admodum, erat, & nuda trabs, ferrea cuspide in capite munita, quæ militum manibus agebatur, ac lacertis sustentabatur: at quoniam tali modo adhibitus sæpe effectui carebat, & simplex, & intectus, non tam hostium despectui, quam furori in comportantes insilientium se exponebat; excogitata sunt postea, & adiecta alia adiumenta, quibus & tegetetur, & armaretur, atque eleuatus in altum suspensusque ductarijs funibus, & agilius tractaretur, & validius ad impressionem faciendam adigeretur. Ad hunc modum illum describit Iosephus de Bello Iudaico lib. 3. Est, inquit, *Aries trabs prægrandis, quæ malum naui assimilat. Is solidatur in capite graui ferro in arietis formam, vnde & nomen assumpsit. Dependet medius funibus suspensus ex alia trabe, velut trutina, quæ trabs tignis utrinque firmis munita est, & fulcra. Repulsus verò magna virorum manu retrorsum, insilemque extrorsum statim, & cum impetu reflectentibus, quatit muros prominulo ferro; neque est vlla turris tam valida, aut mania tam lata, quæ, vt primas maximè plagas tulerit, sustinere, & subsistere assiduas res possint.* Et hunc, Compositum nominat Lipsius in Polioreticis; cuius, & alterius imaginem eleganter delineatam exponit pag. mihi 117. & 209.

109

Verum ego Compositum potius dixerim illum, qui habet testudinem, seu ligneam turrim adnexam, in quam milites reciperentur, atque vndique recti, tuti possent illum agere, retrahere, & ad opus in tempore admouere. Quæ idcirco Turris & Testudo Arietaria dicta est; ad differentiam aliarum testudinum, & machinarum, quæ ad alios vsus in bellico apparatu comportabantur. Hoc nobile, præsigneque Cetræ cuiusdam Chalcedonensis inuentum, bellè describit, oculisque spectandum exhibet Hero libi de Machinis bellicis. *Helicas, inquit, ferreas quatuor, quæ sese in longitudinem vsque ad decem cubitos extendant, in anteriori parte clauis affigentes, totumque Arietem tribus funibus, octo iuxta crassitudinem circumquaque digitorum existentibus succingentes, ac loris eum circulariter ligantes iuxta medium, tribus quidem internallis, quatuor vero sustentaculis constringebant. Funes verò, qui ab alijs cannabinis funibus ab Arietaria machina pendentibus, Arietem ipsum sustinent, atque inferunt, à ferreis contextis catenis initia sumebant.* Pergit postea explicare rationem ipsius

ma-

machinæ Testudinalis Arietem sustentantis, quod nos ad V. Testudo, consultius referuamus. Interim iuuat hic partes enumerare, quæ Arietem componebant, ne singulatim suis locis remissæ, tanquam in frustra sectæ, deperiant, interruptoque, ubi magis calet, sermone, Lectoris mens plenâ earum intelligentiâ defraudetur.

Igitur partes, quæ Arietem integrant, quasque non incongruè membra appellat Hero, sunt imprimis duo ligna, quæ dicuntur *Iuga*, eoquod instar bouini iugi coniuncta sunt, eaque vnâ cum alijs duobus ad calcem appositis, & pari modo coniunctis Basim constituunt. Secundò veniunt *Peritomida*, quæ sunt duo item ligna transversa, à quibus retinentur iuga, ne diuaricent, aut dissiliant. Quæ proinde duo ligna, docet Heron, esse mediùm dissecanda (instar quorundam pugillorum iuga ipsa veluti apprehendentium,) in anterioribus nempe, & extremis partibus; in lateribus verò, instar cheloniorum, ijs similitum, quibus valuarum cardines innituntur. Sunt etiam quas vocat *Syngiptas*, ac si diceres, simul incuruantia: ligna videlicet quædam incurua, ac dedolata, in eorum morem, quibus nauium carina compingitur: quæ profectò deseruiunt ad sustinendam contignationem dorsi testudinis arietariæ, & cum depressior fuerit, excipiat, & resistat iaculatorum ictibus. Tandem concludunt Machinam *Monoxyla*, hoc est sustentacula, quæ ad superius niemorata secunda iuga apponuntur, ad arietem sustentandum, & cum opus fuerit attollendum, deprimendum, agendum, aut retrahendum. Cætera, quæ machinam testudinalem componunt, quæque longiore explicatione indigent, nè lectori hic tædio simus, ad sua loca remittimus.

ARPAGINETVLI. Vide *Harpaginetuli*.

ARTEMO, siue *Artemon* quid propriè denotet in Architecturæ operibus, non satis constat inter eruditos Scriptores. Quod ad rem atinet, Vitruuius lib. 10. cap. 5. ubi *Polispaston*, tractoriam quandam Machinam enucleatè describens, de Artemone mentionem facit; ait, eum esse tertiam trochleam (tribus enim instruitur *Polispaston*, totidemque armatur orbiculis, ut suo loco dicemus) quæ in imo Machinæ sita est, habens tres item orbiculos, per quos traieciunt funes, ab hominibus ad agendam machinam arripiuntur: quò fit, ut tali artificio multiplicatæ potentix, sibi que inuicem quasi manum dantes, facillimè, & quàm celerrimè onus ad superna perducant. Ita Vitruuius, addens, eam à Græcis *Epagonta* dici, à Nostris autem *Artemonem*. Qua verò ratione hoc ei nomen sit inditum, hoc



hoc equidem ignoratur. Scio, quod in Actis Apostolorum cap. 7. de Artemone fit mentio, sed longe in alio significato. Est enim Sacro Scriptori (ut ex contextu euincitur) quoddam veli genus factum, ad captandum opportunè ventum, quo naus recto tramite propel- latur ad litus. Sed, quod mireris, neque hic conueniunt Sacri Ex- positores. Nam alij antennam, sed citrà verum, interpretantur: alij velum magnum intelligunt, aliàs dictum *Acacium*: Alij v. rosimilius, paruum arcumque velum; cui congruit græca notio *Ἀστὴρ*, quod est, suspendo: in quibus Iulius Pollux, & Isidorus: quæ profectò dirigendæ potiùs naui, quam colligendo vento, præsertim cum vio- lenter exufflat, vt esset in casu nostro, idoneum inuenitur. Hoc nos *Trinchettum* vocamus. Et sanè idipsum absque dubio fuisse, quod Scriptura, Artemionis nomine memorat, vel ex eo colligit eru- ditissimus Cornelius à Lapide, *Quod Nautis* (verba ipsius sunt) *properabat ad litus, & quia Nauta in tempestate magnum velum acpo- nunt, paruumque exponunt, ne vi ventorum abripaniur, & agantur in exitum.*

**I I 2** ARX, iam nunc generaliter dicitur de quocumque fixo, & stabili Munimento, quod, siue ad Regionis continia ab externorum hostili aggressione, atque inualione contutanda; siue ad Ciuitatis, cui adiacet tutelam & fidam custodiam, cum ab externis hostibus, cum ab internis, hoc est ciuibus rebellantibus, perpetuò habendam, eri- gitur, & iuxtà Architecturæ militaris præcepta, necessarijs operi- bus probè instruitur, & munitur. *Castello, Fortezza, Cittadella*, apud nos audit. Olim pro Arce, in propria, & strictà significatio- ne, intelligebatur locus fortis in edito positus, vel in montis cacu- mine, vel in prærupta rupe, quæ immineat Ciuitati; ad cuius tuta- men & confugium, in tempore repentinæ inualionis, construitur; itaut ad illum difficilis sit hosti accessus, ac multò difficilior oppu- gnatio, paucique præfidiarij ad illum custodiendum, & contutan- dum sint satis, ideoque ab arcendo nomen acceperit. Hæc propriè, & in sensu rigoroso, Arx dicitur, & ab Nostratibus, *Rocca*. Ve- rumtamen nos in ampliori significatione accipimus pro quacumque forti, firma, ac perpetuò stabili Munitione, secundum regulas ar- tis extructa, siue regulari, siue irregulari; dicitur autem Irregularis, quæ ratione situs, in quo collocari opus fuit, à communibus Archi- tecturæ præceptis discedere necesse habeat, neque ita disposita, & ordinata, vt omnes defensiones, & cautiones sibi ex assè respon- dentes admittat: at nihilominus talis sit, vt sua fortitudine, ac contententurjs adiectis, diù duram obsidionem sustinere queat, & repe- tiros



ritos hostium affultus, & conatus frangere, irritosque reddere. Huius nos constructionem, membrorumque diuersitates, formam, conditiones, atque officia, pro virili, saltem quantum Lectori ad comparandam superficiei quendam notitiam sufficit, explicabimus; plenior, atque exacta, ad Auctores, qui de Architectura militari ex professo scripsere, libentius remittentes. In qua quidem re, longè felicior est nostra ætas Antiquorum temporibus; quando post tot clades, errores, calamitatesque in bello perpessus, ac præcipue, post nouum belligerandi modum, per muralia tormenta, fistulasque pyro puluere grauidas, eminens mortes, murorumque ruinas inferentes, cautiore facta est, proindeque solertior: Vnde multa excogitauit, experientiaque edocta est ad ritè oppugnandum, propugnandumque quodlibet vel debile, vel fortissimum Munimentum, quæ priscis ignota: quorum quamquam verior, ac secundum virtutem inita, bellandi ratio, si nunc teneretur, profectò inutilis euaderet, & exitiosa.

Ergò, ut Munimentum aliquod sit probè instructum, omnibusque 113  
numeris absolutum, non tam ad sui tutelam, ac securitatem, quam ad hostium, si fortè illud aggredi audeant, repressionem; oportet primum, ut situm occupet idoneum, & ad rem natum: non illum quidem adeò amplum (nam alias multos expelleret præsidarios, immensasque oēs, & opera ad illud custodiendum, hosque alendos, aliosque, ubi deficiant isti, protinus submittendos, & subrogandos) neque adeò arctum, ut milites intra eum consisterent, nec valeant singuli in sua statione consistere, opera custodire, & in promptu esse, illuc accurrere, ubi eos loci defensio vocat: sed satis capacem, quantum operum qualitas, ac iusta tutela requirit, nec sit in eo pars, quæ incommodet, aut reddatur inutilis. Ad quam rem maximè probatur Circularis forma; non quòd sit omnino rotundum (nam hoc habet sua incommoda, & disponendis ad hæc tempora suis necessarijs defensionibus, & receptibus foret inopportunum) sed tale, ut ad circula rem formam magis accedat, & alioquin Circulo contineatur. Eapropter & Trigonæ, & purè Quadrata minimè probantur; non tam quod ab ea forma, quæ vires in vnum colligere nata est, recedat, adeoque paucas defensiones admittere queat; quam ob ineptitudinem angulorum, qui necessarii acuti forent, & sustinendis tormentorum ictibus impotentes: E contra laudantur Poligona, quæ pluribus, quam quatuor propugnaculis consistant, ut Pentagona, Exagona, Eptagona, quinque, sex, aut septem propugnaculis defensa, ac roborata. Quæ plura habent, ut Octagona, Decangula, &c. immensarum expensarum, sunt,

sunt, & incommoda in praxi euadunt, tùm propter illorum frustra-  
neam multiplicationem, tum ob Cortinæ consequentem ideò bre-  
uitatem, quæ necessarijs, iustis, ac ritè distantibus defensionibus  
careret.

114 Deinde, ita designata, ac disposita Arces; opus, est vt vallo, & am-  
pla fossa cingatur, quò hosti inaccessa fiat, & multum sanguinis  
perdat in ijs superandis. Atque interim, si locus, & tempus permi-  
serit, adijciantur prouidè prætenturæ, seu opera exteriora, quæ prin-  
cipalem munitionem protegant, ac hostes insultantes distineant; qui  
in ijs, quæ primum occurrunt occupandis, plurimum temporis, ac  
virium infumant, ac tandem desperatâ operâ, finem pro lucro, stra-  
gem reportent, & recedant inglorij cum impensarum damno, &  
suorum propudiosa amissione. Sed præstat ipsius Arcis ad nouæ ra-  
tionis formam extructæ, delineationem, primò Orthographicam, mox  
Ichnographicam, cum suorum Operum sectione, oculis exhibere, vt  
ipsius ordinatio, & rata partium distributio meliùs intelligatur.

### *Arcis Regularis Orthographia.*



C.D.B. Sculp.

Hæc igitur est deformatio vniùs Poligoni, sex propugnaculis pro-  
minentibus communiti: cuius quidem media pars spectabilis exhi-  
betur, cum reliqua faciliè ad eandem rationem concipi possit. Sunt  
itaque litteræ A. prænotata, sex propugnacula in pentagoni formam,  
extrâ murorum ambitum angulariter in hostilem campum abscen-  
dencia: singulis apertus aditus inter duos interiores angulos, vbi  
*Gula*, vel *Collum* propugnaculi dicitur, & propriè signatur A. Op-  
positus hisce angulus exterior ad hostes obuersus, vocatur *Apex*, seu  
*Rostrum*. Latere C. C. appellantur *Ala*, Francis *Espanle*. D. D.  
Frons, seu *Facies*. B. D. muri altitudo: & B. quidem eius decli-  
uitatem denotat, D. verò eius erectionem, cuius latitudo signas  
Lori.

cam. E. Media fascia circumcurrrens aliquantulum exportecta, dicitur *Torulus*, Nostris *Cordone*, & sic de cæteris membris, prout in sequenti eiusdem Arcis Ichnographia vberius explicabitur.



*Explicatio terminorum, & partium  
præfati Polygoni.*

1. Angulus exterior & prominens, a, dictus *Rostum*, vulgò *Punta del Baluardo*.
2. Front, seu Facies propugnaculi a b. hostibus aduersa.
3. Alæ, seu latera primaria b d., vulgò *Pianco primiero*.
4. Eadem Alæ prolongata, b. h. Nostris *Trauersa*.
5. Alæ secundariæ, e. f. quæ proinde de Cortina participant.
6. Linea Colli, e. d. vel e. e. vulgò *Recinto*.
7. Angulus interior, qui est centrum cuiusque propugnaculi, c.
8. Linea Capitalis, a. e. sic dicta, quia à capite protenditur vsque ad centrum Polygoni.

9. Linea, *ec.* latus poligoni internum, in quo  
 10. Cortina, *d.e.* hoc est muros pars protensa, & media inter duo propugnacula.  
 11. Linea defensionis, & *figens* dicta, *a.d.* vel *a.e.*, ab extremo apice propugnaculi, ad vsque alterius initium ducta, vbi Cortina terminat, & duæ Alæ iunguntur.  
 12. Linea defensionis minor, ac *frigens* dicta, *a.f.* vel *b.f.* ex qua propugnaculi frons deformatur.  
 13. Foreeps, vulgò *Tenaglia*, *g.* hoc est angulus defensionum decussatarum, dictus *Defendens*, eoquod efformatur à duabus figentibus, ac sese inuicem defendendo interfecantibus.  
 14. Angulus faciei dictus, seu humeri propugnaculi, *b.* inter *c.* & *a.*  
 15. Angulus dictus determinationis, *c.* qui semper est rectus, inter *a.* & *b.*  
 16. Angulus interior formatus ab ala primaria, & secundaria, *e.* qui similiter in Munimentis Hollandicis semper est rectus.  
 17. Latus exterior Poligoni, *a.* estque linea ab extremo apice vnus propugnaculi porrecta ad alterum alterius sibi propinquis, & succedentis.  
 18. Angulus dictus imminutus *a.a.e.* qui formatur à linea Capitali, & prædicto latere exteriore poligoni.  
 19. Complementum Anguli defensionis *c.* inter *a.* & *f.* qui efformatur à linea Capitali, & latere interiore poligoni, estque semper æqualis angulo dimiuto.  
 20. O, Centrum vniuersale Poligoni, & omnium Propugnaculorum.

¶ 15 Præterea in Propugnaculis alicubi addi solent *Auricula*, Vulgò *Orechio*; Sic dictæ, quod ad auris formam accedunt. Suntque alarum incuruationes, ac subinde dilatationes, quæ ea multum, roborant, protegent, ac defendunt; quæque in locandis apto loco tormentis, libratoribusque obtegendis, apertissimæ inueniuntur. Formantur autem sic: Alæ primariæ, quæ aliàs foret simplex, & recta, dentur duæ partes, e tribus, in quas totam diuidi conuenit, ac tertia relinquatur pro tormentis constituendis. Ducatur itaque perpendicularis A. O. ad Alam, (vt infra) quæ sit lata, quantum tertia pars ipsius Alæ: tùm à puncto O. producat alia, quæ sit parallela Alæ, vsque ad N. quod obtinebitur, prolongando frontem propugnaculi ad punctum N. vbi ambæ angulum obtusum efformant. Quo præstito, ducatur item linea occulta A. N. quæ transeat per aliam lineam perpendicularem, atque in æquidistantia duarum partium Alæ, iam Auriculæ tributarum: vbi etiam lineæ istæ se intersectant, Centrum Auriculæ est; in quo, fixo altero circini pede, describatur arcus O. N. qui est terminus, & complementum Auriculæ, prout in subiecta figura.



Item ad maiorem loci tutelam, & hostilium operum perturbacionem, erigi solent intrâ mœnia, statim in locis, potissimè verò è regione Cortinæ, Suggestus, & Tumuli ex aggestitia terra, quos vulgò *Caualerios* nominant, quia, quasi equites, niuris tanquam equis insident: qui ad id facti sunt, vt supersedeant ac dominantur planitie Campi subiecti; ad finem obseruandi aduersariorum molimina, & ea validiore tormentorum explosione destruendi, & conquassandi; præsertim, si suprâ Planiforme propugnaculum extollatur. Est autem hoc ex aggesta item terra factum, forma plana, seu maius dicam, obtusius: ad rectam lineam inter arcus propugnacula constitutum, quod ideo expressiore vocabulo ab Nostreis *Piattaforma* vocitatur. Cuius plurima commoda afferuntur; præcipuè cum Cortinæ in Munimentis irregularibus, aut aliàs æquo longiores sunt: firmant enim eas, & roborant, iustamque distantiam defensionibus tribuunt, quamquam in breuibus Cortinis locum inutiliter occupant, & potius propugnaculorum officium interrumpunt, ac turbant, & insuper ipsa ruinis, vel occupationi hostium subiecta sunt. Sed in his adijciendis, aut omittendis, loco, & tempori standum est, ac multum præualeat periti Architectoris iudicium, sumptaque experientia.

116

Additur etiam ad murorum firmitudinem, & consistentiam *Valum* ex aggestitia terra: quod ideo ab Nostreis dicitur *Terrapicno*, à Francis verò *Rampar*: in eoque occultæ caneræ subextrui solent, quas iure dixeris *cacas cryptas*. Nostreis *Casemate*, vt inibi latentes milites tutò possint per murorū hiatus ad hanc rem factos, ex impro-

117


niso

uiso foras exire, & aggressores iam fossæ incumbentes, sclopis impetere, detrudere, ac transitu prohibere.

- 118 Denique *Fossa* circum ipsum Munimentum excavanda est, ad distinendos hostes, accessumque ad muri confinia recludendum: quò profundior, eò utilior: cuius latitudo nec præstat, ut sit minima, neque æquo maior; ne aliàs nimium lata, vltra defensionem, & ictus tormentorum abscedat; sicque animos faciat aggressoribus eam impune intrandi. An verò aquis oppleta sit, vel in sicco relinquenda, magna est inter Architecturæ militaris professores controuersia. Nam, etsi eam plurimum securitatis obsessis addere, nulli dubium est, si aquis oppleatur; tamen id incommodi prædialiis affert, ut non tam prompti, expediti, & faciles sint ad excursiones adornandas, vel ad suppetias, & auxilia accipienda, vel etiam, ad aufugiendum, si res in arcto posita est, ut nulla iam sustinendi obsidij spes relicta sit. Concordant tamen in hoc omnes, quòd ubi miles prædialius multus est, iuuat relinquere fossam siccam, & permeabilem, ut possit expeditè excursiones in tempore facere, & identidem se intra muros recipere: At quando vix sufficit ad arcem custodiendam, melius est sese in tuto ponere, & fossam aquis opplere. Præterquam quòd ad excursiones, & ad alia molimina intendenda, facile potest aquæ impedimento occurrì, per ligneos pontes sub ea paululum latitantes, qui hostibus ignoti sint, & imperuij. Cæterum potissimè commendatur ea Arcis constitutio, & instructio, quæ ad omnem rerum mutationem, apta sit repentinis malis occurrere, & impenduntia præcauere.

- 119 Atque hæc sunt membra, & partes principales, quibus Arx bene instructa munitur, atque ita stabilitur, ut queniuis hostium impetum, & conatum sustinere, & infringere possit. Attamen ad maiorem custodiam, & securitatem, ubi tempus, & locus permittunt, adijci solent opera exteriora, quæ interius munimentum tegant, ac in ijs superandis, multum temporis hostis terat, multum sudoris, & sanguinis fundat. Sunt autem hæc, *Antemuralia* ante muros digesta è terra aggestitia, alta plus minùs, quantum iusta statura hominis attollitur; vulgò *Falsa Brachia*. Agger vltra fossam erectus. Via operta, seu Ambulacrum valli, Gallis *Chemin de Ronde*, per quam Circitores liberè, ac tutè discurrere possint. Decliuitas duplex in fossæ margine, vulgò *Scarpa*, & *Contraescarpa*. Opera Transuersa, Cornuta, & Coronata; seu corum loco Forcipulz, vulgò *Tenaglie*: ac tandem, statis in locis, Loriculæ, vulgò *Parapetti*, & alia minutiora, de quibus singulis peculiaris erit mentio, suis locis. Interim huiusmodi Arcis secundum Militaris Archi-

chitecturę præcepta, cum omnibus præfatis adminiculis probè in-  
struēt, specimē damus.



Ex-  
-22

Ex-



*Explicatio Partium Superioris Poligoni.*

4. Tumulus ex aggestitia terra, & fascibus, pro *Plataforma*, vel *Caualerio*;  
 A. *Parmulæ*, seu *Rauelins*, è regione *Cortinæ*, illam tegentes.  
 B. *Cassides*, seu *Semiluna*, frontem propugnaculorum munientes.  
 C. *Fossa maior*, Arcis mœnia circum-ambiens.  
 D. *Vltima Decliuiras* post *Ambulaerum Valli*, in *Campi planitiem* terminans.  
 E. *Opus Cornutum* cum *Semipropugnaculis*. [ *Nostris Spaldo*.  
 F. *Forcipula simplex*. *Tenaglia*.  
 G. *Forcipula Duplicata*.  
 H. *Opus Coronatum* adiectum.  
 I. *Aqua Opera exteriora* circumluens.  
 K. *Plarea Armorum*, seu *Circitorum Sratio*.

¶ Earumdem partium Sectionem vide suprà, ad *Calcem*, figuræ *Iconographicæ Munimenti*, num. 114. expositæ.

A S

120

AS, communi antiquorum vocabulo, apud Mathematicos vltimo, dicebatur olim *Libra*; non quâ *Mechanicum instrumentum*, quo pondera æstinantur, sed qua prima radix mensuræ, & cardo, non secus ac vnitas in numeris, ex quo omnes aliæ mensuræ pendent, & denominationem accipiunt. Græcis *Mna*. Siquidem Romani Legislatores omnis mensuræ rationem in *Assē* constituerunt. *Assēm* verò in XII. æquas, & vltimas partes dissecuere, quarum singulæ, quasi vna, *Vncia* dicebantur. Et hanc diuisionem religiosè sequuti sunt omnes, præsertim Iuris Consulti: qui proinde, *Hæredem ex assē* pronunciant, qui totam hæreditatem, ne assē quidem præterito, ex Testatoris vltima voluntate, præhendit. Hinc singularum diuisionum simul sumptarum, quæ tamen *Assēm* non compleant, in vnum collectio, aut ab se seiunctio, suas particulares denominationes obtinuit. Et quidem vltima, & minima portio, vt diximus, *Vncia* est: Duæ simul collectæ, *Sextans*, quia sexta pars *Assis*: Tres, *Quadrans* appellatur, quia quarta pars. Quatuor, *Triens*, quia tertia. Quinque, ex vnciarum numero, *Quincunx*. Sex, quia dimidium *assis*, *Semis*. Septem, *Septunx*. Octo, *Bes*, quasi bis triens. Nouem, *Dodrans*, eoquia ad integrum *assēm*, deficit *quadrans*. Decem, *Decuns*, à numero vnciarum; aut *Dextans*, vtpote à quo deficit *Sextans*. Vndecim, *Dennx*, quoniam ab assē vna vncia minuitur, aliæ

La-

*Labus*. Tandem *As*, & *Libra* dicta est collectio omnium duodecim portionum, quam iustam mensuram constituerebat. *Mathematici* vero (obseruatio est Vitruuij lib. 3. cap. 1.) contrā disputantes, eā re perfectum esse dixerunt numerum, qui *Sex* dicitur; quod is numerus haberet partitiones eorum rationibus sex numero convenientes. Sic *Sextantem*, vnum: *Trientem*, duo: *Semisse*, tria: *Besse*, quatuor: *Quintarium* dicunt quinque: *Perfectum*, sex. Ceterum hac diuisione non contenti Posterī, ipsam duodecimam partem, seu vnciam, in alias minutias dissecuere, & *Mathematici* in suis computationibus, senarium numerum, utpote sibi commodum, semper etiam in minutijs retinere: itaut quælibet pars diuisionis, aut subdivisionis, in sexagenas etiam particulas, idque in infinitum, tribueretur. Similiter *Asles* plures in vnum collecti, diuersas sortiuntur appellationes; quas, ne longius ab instituto diuagemur, omittimus; & curiosum Lectorem ad *Lexicon Philologicum Michælij*, amandamus; qui in ijs referendis diligentissimus fuit.

**ASAROTVM** in re Architectonica, est quoddam Pauimenti genus, quod olim, Plinio teste, apud Græcos maxime in vsu erat, & vtique celebratissimum vel suo ipso nomine, quod prohibet verri: conflatur enim ex *A*, græcis priuatiua, & *σαρος*, quod est Verro. Opus autem componebatur ex varijs lapillis, ac testulis versicoloribus, quæ ciborum reliquias, quæ à mensa cadebant, repræsentabant. Quoniam (inquit Plin. de primo eius inuentore apud Pergamum, lib. 36. cap. 25.) *purgamenta cæna in pauimento, quæque euerri solent, relictæ, paruis è testulis, tintisq; in varios colores conficitur*. Ideoque ne scopis diuellerentur, aut deturparentur, *Asarota* nominauit. Sed, & si quæ erant purganda, manibus colligebant, vel spongijs emundabant. Porro non video hic, in quo antiqua Græcorum *Asarota* ab nostris *Lithostrotis* differant, ut de ijs dixerit Plinius, tandiū perdurasse, donec & *Lithostrota expulere*. Quandoquidem vtraque ex scætili lapide, colorum varietate distincto, & in varias figuras composito sternebantur: vnde venustè Papin. lib. 1. *Siluar*.

*Monstrauere solum, varias ubi picta per arteis*

*Gaudet humus, suberantque nouis, Asarota figuris.*

Visuntur etiamnum Venetijs in cubiculis, ac domibus cultioribus pauimenta, quæ *Asarota* iure dixeris, quoniam verri nefas est, sed tantum spongijs detergantur, adhibito postea oleo ad illustrandum. Quæ licet in varias figuras non abeant, (fiunt enim è simplici crusta bene pauita, & in rubrum tendente) tamen fulgore suo,

tanquam in speculo, omnes expositas figuras excipiunt, & identidem variant, ac reflectunt, magna cum exterorum admiratione, & astantium voluptate. De Lithostrotis erit mentio suo loco.

**122** ASCENDENS MACHINA. Vide in V. *Accessus*, & in Græco verbo *Epibathra*. Hanc, ut id obiter dicam, suspicatur Philander, fuisse ita dispositam, quæ expeditis rotis, occulto quodam artificio in sublime cresceret, ac subinde deprimeretur. Alij opinantur fuisse Tollenonem à nostris etiam vſitatum. Lipsius ad Scalas nauticas refert. Nos in prædictis locis.


**123** ASCII in Geographia dicuntur Populi, & Regiones, in quibus corporum umbræ nullæ sunt, sole ad meridiem constituto, quoniam ibi est illis verticalis, atque adeo perpendiculariter eos ferit, & umbra sub pedibus latet. Tales sunt ferè omnes, qui zonam torridam inhabitant, quæ concluditur intra tropicos; quippe in ijs regionibus sol ab vno in alterum excurrens, aliquando medium cali tenens, sit necessariò verticalis; cum hac differentia, quod qui immediatè sub tropicis manent, sunt etiam heteroscij, quia citrà momentum meridiæ, atque in alijs diebus, in quibus sol recedit ab eorum vertice, umbra semper ad vnum polum deflectit, ad alterum nunquam. At qui intrà Tropicos habitant, sunt simul aliquando Ascij, & semper Amphiscij: Ascij quidem, cum sol est in meridie verticalis; Amphiscij, quoniam extrà tempus meridiæ, eorum umbra amphiscia est, nam manè inclinat ad polum Australem, Vespere ad Borealem, prout experimentum sumere, & colligere licet in Mappis Mundi. De Amphiscijs, & Heteroscijs abundè diximus suo loco.

**124** ASCRIPTAE dicuntur absolutè ab Geometris, illæ figuræ, aut magnitudines, quæ sibi inuicem cohærent, & quarum termini alterius terminis concluduntur. Harum duz sunt species, è quibus vnæ alias intrà se continent, & circumſcribunt, & ideo audiunt *Circumſcriptæ*: Alteræ, quæ ab alijs intrà se concluduntur, & vocantur *Inſcriptæ*. Id quod in vtrisque ità intelligendum est, ut per omnes angulos, & latera quæ obtineant, sese alicubi tangent, firmiterque cohæreant. Alioquin circulus alio maiore comprehensus nullo modo dicitur ascriptus, aut circumſcriptus. Et Polygonus qui non omnibus angulis circuli peripheriam tangit, nunquam dicitur inſcriptus. Lineæ verò simplices, quæ intrà circulum sunt, ex quidem dicuntur inſcriptæ seu potius applicatæ, & adaptatæ, quæ vtroque

que extremo circuli peripheriam tangunt: at quæ alterutro tantum, extremo, aut neutiquam illam contingunt, ab hac ratione excluduntur, nec sunt in consideratione in Geometria.

Ita Euclid. in Definitionibus. Sic in subiecta prima figura Triangulum. A. B. C. circulo inclusum, bene vocatur inscriptum, & Circulus circumscriptus: vti, & Quadratum C. D. E. F. contentum, in eodem Triangulo dicitur inscriptum: Ipsum autem Triangulum dicitur circumscriptum, & vtriusvis indiscriminatim alteri ascriptum.

At in secunda figura, in Sexagono A. B. C. D. E. F. circulus maior omnia illius latera contingens, dicitur inscriptus, & ipsum Hexagonum circumscriptum: minor autem G. & Triangulum H. nequequam, & si ex parte tangant & ipsum circulum, & aliquod latus trianguli. Similiter duæ lineæ I. & K. neque dicuntur inscriptæ, atque adaptatæ, bene vero tertia L. M. quia hæc vtrisque suis extremis tangit circulum, illæ, tantum vno, vel nullo: & ideo extrâ legem sunt, nec cadunt in considerationem Geometriæ. Hæc autem nosse plurimum valet ad omnem dimensionem in figuris habendam, internoscendumque cuiusque arcum, quem comprehendit, necnon & angulos, & latera, si quæ habeant: nam id obtineri non potest nisi in Ascriptis; siue Inscriptæ sint, siue Circumscriptæ, vt vides.




ASTRAGALVS in Architeſtura indicat partem illam circularem in ſpiris columnarum, quam nos idè *Tondinum* vulgò dicimus. Sed iam ab Architeſtis promiſcue non tam in ſpiris, ſeu baſibus columnarum, quam in earum capitulis atque in Epithylijs admittitur, & eodem vocabulo inſignitur. Verumtamen in Baſi duo interno-

scuntur Astragali; alter, qui inferioris Trochili, seu Scotiæ supercilium premit; alter qui superiorem plinthum, & quadram sustinet. Hunc Veteres teretem, & simplicem scalpere consueuerant, ac *veluti torquem*, ut loquitur Philander, *annulo addiderunt*; quod satis illis erat referre columnarum primitiis lignearum, per annulos fereos in capite positos, firmitudinem: At posteriores Architecti, & Sculptores eundem in summis scapis columnarum, præsertim Ionici, & Corinthij ordinis constituerunt, atque ad fascias epistyliorum deriuarunt, eosque non simplices modo, sed & scalptos, referentes baccas & frondes arborum, & verticillos filo insutos, aut his similia. Quæ inuentio, quia à Lesbo Insula prodijt, *Astragalum Lesbium* appellarunt, ut norat Vitruu. lib. 4. cap. 6. collocandum videlicet in Supercilio hyperthyri sculptum *Cymatium Doricum*, & *Astragalum Lesbium sima sculptura*. Quod ideo apud nos noua, & satis accommoda notione, *Fusciolo* dicitur, ab insutis verticillis, nentium seminarum, qui fufis appingi solent ad faciliorem vertiginem.

Atque hinc arbitror nomen ab Græcia deriuasse, non à talo, ut aliqui volunt, hoc est, officulo, qui in pede animantis imam partem, quæ solum premit, collo tibiæ iungit; sed à vertebis, & officulis, qui ad spinam dorsi concurrunt, & seriatim nectuntur, quosque etiam Græci nominant Astragalos, & Spondylos. Etenim baccæ illæ & verticilli Astragalo additi, huiusmodi vertebrae, & spondylos quodammodo imitantur. Sed de his redibit sermo, cum de Epistyllo, ac de partibus columnarum agemus.

**126** ASYMPTOTI, & ASYMPTOTAE appellantur singulari vocabulo à Græcis assumpto, linearum duarum, vel plures simul concurrentes, siue sint omnes rectæ, siue curuæ, siue vna curua, & altera recta, quæ, cum non sint inter se parallelæ, adeoque necessario altera ad alteram inclinata, & semper quò longius protrahentur, eò ad se propius semper accedunt, & nihilominus, etiam si in infinitum vtrò procedant, nunquam tamen eueniet, ut se contingant, & in angulum coeant. Hoc enim uero paradoxo simili, nihil est in tota Geometria euentius, nihil admirabilius. Id quod in Parabolis, & Hyperbolis congruentibus in eodem plano sub eodem dimetiente, cum rectis ibidem ascriptis, atque in Conchoide celeberrima Nicomedis, passim videre est, ut suo loco ostendemus. Præstat autem hic, ne Lector ostenso eminus cibo, famelicus ac ieiunus abscedat, vnam tantum demonstrationem asserre, desumptam ex Bettino in Apia-rijs, & quidem omnium mirabiliorem, nempe rectarum cum rectis.

In præſentî ſchemate, datis duabus rectis A. G. & A. H., in angulum rectum A. coëuntibus, circa diametrum A. G. deſcribâtur tres circuli, ſeu arcus, A. B. C., A. D. E., A. F. G. qui ad angulum contactus A. conueniant, & ſemutro cum recta A. H. contingant: Tum ex communis diametri A. G. quouis puncto ad libitum electo, intrâ arcum minimum, à puncto v. g. I. producatuſ recta I. F. quæ ſecet verſus H. duos alios arcus maiores, & conſequenter in I. faciat angulum acutum, vt citrà dubium videatur ſemper magis, ac magis conuergere, & appropinquare ad lineam A. H. Similiter ab eodem angulo contactus A. concipiantur exire maiores, ac maiores ſemper arcus, & circuli, ad quorum circumferentiam intelligatur extendi in rectum prædictæ lineæ I. F. Nunc quia ſpatium anguli maximi contactus, B. A. H. ſemper coarctatur, & imminuitur, quò maio-



res, ac maiores Circuli ſuperadduntur; erit conſequenter angulus F. A. H. minor, & pars reſpectu anguli D. A. H. & angulus F. A. H. adhuc minor, & pars reſpectu eiſdem anguli B. A. H. & alterius, D. A. H. & ſic in reliquis, quò maiores & maiores arcus concipiantur à puncto contactus A. initium ſumere, per quos tranſuerſim incedat lin. I. F. Quare lineæ I. F. in D. accedit verſus A. H. magis quam in D. Ex alia parte oſtenditur Lineam I. F. nunquam poſſe eouſque extendi, vt tandem perueniat, & contingat lineam A. H. Si enim aliquando contingeret; oporteret, vt arcus ille extremus, ad quem producta eſſet ipſa lineæ A. F., futurus eſſet propinquior, & ipſe prius veniret ad contactum lineæ A. H. quam lineæ illa I. F. identidem ſimul accedens, ſed retrò ad ipſum circulum, ſeu arcum. Contingeret, inquam, circulus prædictus lineam A. H. in aliquo alio puncto, præter ipſum punctum contactus A, quod eſt contrâ euidentiâ, & propoſit. 16. lib. III. Euclidis, & eiſ Corollarium. Sic aliæ, rectæ in quibuſuis punctis diametri A. C. verſus



A. H. possunt educi, secantes, & tangentes diuerfos circulos minores, quæ omnes forent ad præfatam lineam A. H. Asymptotæ.

- 127 Aliunde verò, si infra lineam A. H. ducas aliam rectam K. L. secantes diuerfos circulos, & quotlibet alias, siue ex sint cum illa parallelæ, siue non (quod parum refert) tunc ad eas vergens linea I. F. vtrique cum illis aliquando occurret, & in angulos coibit, quia nihil ad concursum obstat. Et quamquam ad ultimam A. H. atque ad alias supra illam conceptas, nunquam adeò approximat, vt ad contactum perueniat, sitque Asymptota respectu illarum, tamen alijs infra A. H. descriptis, semper magis approximabit, itaut cum illis aliquando concurrat; eo quia, cum linea I. F. non procedat versus A. H. nisi per circulorum sectiones; ad puncta verò sectionum earum (quoniam duci non possunt secantes infra A. H. consequens est, vt sic ductis occurrat ad punctum commune, vbi illæ, circulum secabunt. Alias non minus claras, & conuincentes demonstrationes in lineis curuis, & rectis adinuicem, habebis in Conchoide, & in Sectionibus Conicis, vbi de illis agemus.

## A T

- 128 ATRIUM in ædificijs ritè ordinatis, est prima pars Domus, quæ mox illam intrantibus occurrit, continens arcem subdiualem, in quam Collecta, (inquit Festus) ex omni tecto aqua pluuialis, descendit. Ab Atrij Hetruriæ populis, qui eo primum vsi sunt (si vlla fides Varro-  
ni) nomen accepit. Ab nostris vernaculè Corte, & Cortile dicitur. In eo Veteres aperto domicilij ostio, ad ventum vtrinque flantem excipiendum stabant, & sæpè conuiuabantur, ministrantibus honoratioribus famulis, qui proinde Cortegiani à nobis ex illo dicti sunt. Refert Gellius lib. 16. cap. 6. nonnullos æstimasse, primorem ædificij partem, quam modò Atrium nuncupari diximus, nil aliud esse quam Vestibulum. Verùm hoc erat locus forinsecus ante ostium, domus apertus, ac stratus, vt suo loco dicemus; Atrium verò appellat quid intrà, quod in partitione domus in partibus computetur. Vnde Vitruu. lib. 6. cap. 8. distinguit apertè Atrium à Vestibulo; atque in priuatorum domibus, neque magnifica Vestibula nec Tablina, neque Atria esse dicit. Sed ad Nobiliorum habitationes descendens, subdit: Nobilibus verò, qui honores, magistratusque gerendo præstare debent officia ciuibus, facienda sunt vestibula regalia, alta Atria, & peristylia amplissima. Tandem de suburbanis villis loquens, ait. Earum autem rerum, non solum erunt in vrbe ædificiorum rationes, sed etiam ruri: præterquam quod in vrbe Atria proxima ianuis solent esse, ruri verò pseudo-urbanis, statim peristylia; deinde tunc Atria habentia circum porticus pauiment atas, &c. Igitur ex mente Vitruuij satis



fatis liquet, quòd Atria diuersa omnino sint à Vestibulis: Siquidem hæc aperta, & indefinita, illa porticibus circumsepta: hæc plana, illa eleuata & alta, ac multoties operata, vt supponit cap. 3. vbi dicit, quod Trabes in Atrij altitudine traiectæ habeant inreimpestiua, & colliquias. Denique sequenti cap. 4. docet, quæ ratione longitudo, & latitudo Atriorum sumenda sit, vt habeant respondentiam, & symmetriam ad totum ædificium: quod de Vestibulo verificari non potest, vt videbimus, cùm de eo verba faciemus.

ATTICVRGES in Architectura, genus est elaborandi, ac dedolandi columnas, ab Attica, vbi primum prodijt, mutuatum: quod in quatuor latera illas distendit, æqualibus inter se spatijs mensuratas. Huius meminit Vitruu. lib. 3. cap. 3. ad quem locum Philander; *Existimo, ait, esse columnarum earum altitudinem*, (de qua Vitruu. præcepta tradit) *quas Plinius lib. 36. cap. 23. Atticas appellat, quaternis angulis, pari laterum intervallo*. Alioquin Atticurges eas habet partes, quas, *que hodie Dorica vocatur*. Barbarus distinctum ordinem putat, & cæteris antiquiori: proindeque diuersum à Ionico, Dorico, Tuscano, & Corinthio. Baldus econtrà negat Atticum ordinem vllum fuisse proprium in Architectura, quin potius, ex contextu Vitruuiano iudicat, illum confundi cum Corinthio. Et quidem, si basim contempleris, eam habet Attica columna pulcherrimam, & cæteris omnibus venustior, qualem spectamus hodie in Amphitheatro Romano, quod vulgò nunc Colosseum appellant, vbi columnæ erectæ sunt Attico more, quamuis non sint parium laterum, vt volebat Plinius, sed tantum adpactæ, & quota solummodo parte foras extantes: in reliquis omnes omnino partes habet, quas Dorica. Verumtamen, quia Antiquiorum autoritas magis præualet, in his maximè, quæ nobis obscura sunt, & plura exempla non suppetunt; deferendum magis est Plinio, qui absolutè Atticum ordinem ab alijs distinguit, ac diuersæ rationis facit. Cùm enim, prius quatuor genera columnarum enumerasset, Doricas, Ionicas, Tuscanicas, & Corinthias; in finem addit: *Præter has, sunt quæ vocantur Attica columna, quaternis angulis, pari laterum intervallo*. Quanquam Vitruuius ætate posterior, & qui Plinium vidisse censendus est, tria tantum genera memorat lib. 4. cap. 1. 2. & 3. Ionicum, Doricum, & Corinthium. Vt vt sit, prudens lector ei opinioni adhæreat, quæ sibi magis videtur ad verum accedere.

A V

AVLA multifariam accipitur in Architectura, in denotandis partibus ædificij. Aliquando pro ampliore, & quæ primò aduentantibus

bus occurrit, & magis obuia; vnde postea ad secretiora fit aditus; vulgò *Sala*: aliquando solitariè, pro amplo quopiam fornice ad ciuium receptum, sub quo & publica negocia pertractantur, & rationcinia exercentur: cuiusmodi est amplissimus locus Neapoli ad hoc deputatus, qui vulgò dicitur *La Vicaria*: vel qualis est magnificentissimè extructus Venetijs, dictus *Le Sale del gran Consiglio*, ac *Parauij*, & *Vincenzæ*, ponè aliam *Rationum Domum*, qui vulgò audit: *Il Gran Salone*. Sed originariè ac propriè venit eo nomine locus apertus in primo aditu domus, qui sit vento perflabilis, & amœnus; in quem conuenter se recipiant, ac Domini audientiam opperiantur. Hac notione vsus est Homerus, vt notauit Athenæus, ad denotanda loca subdiualia, & ampla, quæ aliàs appellantur Hypethra, vt paulò antè cum Vitruuio vidimus. Et quia Principum, & Magnatum potissimùm ædificia, habere solent amplissimas porticus, & subdiualia isthæc Hypethra inibi superstructa, quæ libero aëri & ventorum flatibus patent; inde factum est, vt Regiæ, & magnorum Principum Palatia, Aulæ vocitarentur. Quod postea ad idealem Regiam Domum, & eos qui Principum obsequijs astant, varijsque muneribus appliciti, significandum, hoc vocabulum deriuauit, & illa absolute *Aula*, isti *Aulici* sunt appellati. Vnde est illud Lucani: *Exeat Aula, qui vult esse pius*. Et Seneca lib. 2. de Ira, introducit quendam aulicum, qui interrogatus aliquando, quonam pacto rarissimam rem nactus esset in Aula, Senectutem: argutè respondit: *Iniurias accipiendo, & gratias semper agendo*. Cæterum, (vt ad Aulam struibilem reuertamur) quas condiciones habere debeat, vt ex Architecturæ præceptis ritè ponatur, ac cæteris ædificij partibus aptè respondeat, fusè tradit Vitruu. lib. 1. cap. 6. & lib. 3. cap. 2. Ad quem proinde lectorem remitto.

- 132** AVRICVLA in Militari Architectura, appellari non ità pridem cepit in propugnaculis Arcium, & regularium munimentorum, pars quædam in Alis contracta, rursusque foras paululum exprorecta; quæ, eoquod, aliquo modo auris humanæ formam præferre videtur, festiuo ac populari vocabulo, Magnæ auris nomen adepta est, Gallis *Orillon*, nostris *Orecchione*, quamquam Latinis placuit vel diminutione vocis, rem eleuare. Id autem comodi atque utilitatis habet huiusmodi additamentum in propugnaculis, vt suggestus tormentorum tegantur, & libratores amplius spatium, & probè lectum à latere inuerso habeant ad consistendum; vltra varia alia emolumenta, & fructus operis, quos in dies experientia colligit, & subiude ingeniosus Architectus in factis experiri poterit, de quibus fusè,

sè, & ex professo agunt Recentiores, qui de Architectura Militari scripsere: quos inter, primas tulerunt Petrus Sardus Italus, & Antonius de Ville Gallus: qui etiam docent rationem commodè illam ponendi, atque vtiliter ad vsum adducendi: quam proinde hic afferre, eiusque imaginem exhibere, non erit lectoribus iniucundum.

Solent igitur huiusmodi exporrectiones, & auriculæ ad propugnaculorum latera fieri, aut quadrata forma, aut arcuali; & utroque modo eadem est ratio designandi. Itaque tota latitudo lateris, seu alæ primariæ C. E, vel D. F, diuidatur in tres partes æquales, nempe C. H, H. L, L. E; vel D. G, G. I, I. F: quarum duæ dentur fitui, & superstructioni Auriculæ; tertia versus Cortinam reseruetur pro suggestu tormentorum, & cryptis cæcis subrûs struendis: & hoc dicitur Latus opertum; eoquod, ea parte, quæ hostilem campum respicit, opertum est, & ab exporrecta auricula tegitur. His ita constitutis, Facies Propugnaculorum lineis occultis extendantur vsque ad cortinam vt E. R, & F. S, atque ab apice ipsorum duæ aliæ lineæ occultæ, quæ se intersecant in X, ac terminent in punctis H. & G. Hæ porro lineæ secabunt se in punctis T. & B. Igitur in lineis E. R, & H. X, sumantur partes E. M, & H. N, æquales vni ex tribus partibus sectionis alæ, & ducatur parallela M. N. & habebis Auriculam quadratam. Si autem anpliolem, & rotundam velis (quæ hac in re magis probatur, ad euitanda incommoda angulorum;) puncto P. constituto altero circini pede, duc arcum à G. in F; cuius chorda sit G. F; in cuius medio in puncto O; facto centro, ducatur alius arcus minor versus P. & habebis auriculam rotundam. En, demonstratio.

133



Alij non rotundam; sed Ellipticam ducunt: Alij, quia minoris impensæ est, diuidunt bifariam totam latitudinem alæ, dantes vnam

134

M

par-

partem lateri cooperto, alteram dilatant in arcum trianguli scaleni rectanguli; cuius alterum crus sit parallelum cortinæ, & æquale parti reliquæ alæ, conueniensque cum ea ad angulum rectum in M. Basis autem, seu hypothenusa ducatur ab altero angulo propugnaculi N. in O. extremum eiusdem cruris O. M. prout apparet in altera fronte eiusdem propugnaculi. In altero propugnaculo L. Auricula K. est efformata ad normam quam dedimus in V. *Arx*. Vnius autem Propugnaculi orthographiam omnibus numeris absoluti, cum suis auriculis, suggestibus, ac sub eo apertis cryptis cæcis, vide in V. *Propugnaculum* pag. 686.

- 135 **AUXILIA** in re militari, antonomasticè dici solent auxiliares Copiæ, quæ, vel ab alienigenis conducuntur, vel à fœderatis populis, & amicis submittuntur ad augendum hostem, vnde vocabulum prodixisse opinatur Varro lib. 4. de Lingua lat. *Auxilium*, inquit, appellatur ab *auctû*, cum accesserint qui adiumento essent, alienigenæ. Ea cum Suppetijs confundit Valla: Re tamen ipsa, in multis discrepant; nam Suppetiæ adueniunt immixtæ ab ipso Duce exercitus, aut alio quouis bellum inferente, vel sustinente, qui suos videt ab acceptis cladibus fractos, & imminutos; vnde è suis stipendiarijs illico comparantur nouæ copiæ, quæ in cætorum locum subintrent, bellumque restaurent: ac propterea vocantur *Suppetiæ*, quasi ad superendum factæ; à nostris autem *Soccorso*: At Auxilia ab exteris aduocantur priusquam prælium iniatur, ad iustum bellatorum numerum comparandum, qui par sit bello inferendo, vel sustinendo, cum aliàs diuersa omnino sit incedendi ratio, diuersus ordo, diuersus finis. Id quod scitè notauit Vegetius lib. 2. cap. 2. *Auxiliares Copiæ*, inquit, *conducuntur ad prælium ex diuersis locis, ex diuersis muneribus venientes; nec disciplina inter se, nec notitia, nec affectione consentiunt: alia instituta, alius inter eos est usus armorum*. Et Polybius apud Lipsium lib. de Romana Militia, de his loquens, ait: *Sub hoc ipsum tempus, Consules denunciant Magistratibus sociarum in Italia Ciuitatum, è quibus auxilia, & commilitum habere volunt; significanteque ijs & numerum, & diem, & locum, in quem conuenire debeant quos legent. At verò Ciuitates similem facientes iam dicto delectum, itemque iuramentum adigentes, mittunt eos, Præfectum constituentes, & Quæstorem, &c.*

- 136 Itaque duplex erat delectus, & Ciuium, & Sociorum: & illi quidem, vt aduertit idem Lipsius, intelligebantur subditi, Romanorum mercede conducti; vnde & Stipendiarij dicebantur; Socij autem gratis militabant, hoc est, sine impendio Romani Aerarij; nisi quod

quod ab his, ad quorum auxilium accurrebant, frumentum in quandam speciem subuentionis, & honorarij, non in pretium recipiebant; Hoc autem solum cum socijs, ac fœderatis Ciuitatibus praticabatur; nam de his, qui nullo fœdere iuncti inuitabantur ad auxiliaries manus ferendas, aliter vsitatum innenio apud Zonaram, vbi de primo bello Punico agit, quod Carthagenenses Siculis intentarunt. *Deficientes*, ait, à Carthagenensibus Gallos, & alios quosdam Sociorum, Romani stipendio conduxerunt; non antè peregrinum militem soliti alere. Cæterum Auxiliarium Copiarum, maior habebatur ratio, quam de alijs: Locus honoratior inter leuis armaturæ ordines, exiguus labor, ampliora præmia: & quando Ciues exacto bello argenteis solum torquibus donabantur; Auxiliaries, aureos accipiebant: Plinium habeo testem lib. 33. cap. 2. hoc tamen aduertit, quod armillas insuper habebant Ciues, quæ negabantur externis. Sed quid mirum, si ex his, non pauci propudiosè militiam deseriebant, quò tiebat, vt passim legiones attenuarentur, & illorum vitio, summa rerum in discrimine poneretur? Causa autem abscedendi erat, vt refert Veget. cap. 3. *Magnus labor militandi; grauiora arma, fera munera, seuerior disciplina: quod vitantes plerique in auxilijs festinant militia sacramenta percipere, vbi & minor sudor, & maturiora sunt præmia.* Quod sanè primitus ex Romanorum instituto non erat, de quibus auxiliaries copię optimè merebant, & idèò fideliter, ac fortiter suas partes implebant; sed successu temporis auaritia, simulates, & odia inter socios præualere, quibus alienigenæ ciuibz posthaberentur, despicerentur, (quod semper in omni diuersarum nationum communione accidit) vt propterea non prorsus ingrati fœdus soluerent, militiamque desererent. Hæc obitet ad ornatum, & plenam notitiam militarium Auxiliorum.

137

AX

AXIOMATA in Mathematicis disciplinis tradendis (vti in omnibus plane scientijs sublimioribus) sunt indubitata quædam sententia, & prima principia ab omnibus admissa, quæ non indigent probatione: sunt enim ita per se nota, vt eo ipso quod proferuntur, & perpenduntur, intellectus assensum ijs negare non possit. Vt cum dicitur: *Omne totum maius est sua parte.* Vel *Omnes anguli recti sunt inter se æquales*, aut illud: *Quæ seorsim æquantur uni tertio, æquantur & inter se, &c.* De his multa habet sparsim Euclides in Elementis, Apollonius in Conicis, Archimedes, & alij.

138

AXIS vniuersaliter audit, quod inter duo extrema in longum immobiliter sistit, & per quod aliquid continuè volutatur: vnde &

139

Axis mundi dicitur ab Astronomis, linea à polo ad polum porrecta; circa quam intelligitur Primum Mobile ferri. Vnde festiue Lucanus dixit.

*Aetheris immensi partem, si prefferis unam,  
Sentiet axis onus.*

Et Axis appellatur in Mechanicis lignum in medio Ergatz, cui funis obuoluitur; & in Curribus, id circa quod conuoluitur rota, &c. quò factum est, vt omne id quod, siue in artefactis, siue in naturalibus, est cardo, & reductorium, vt ita dictam, alicuius motus aut operis, aut actionis, Axis vniuersaliter diceretur, *ab agendo*, inquit Festus. Hinc axis in Sectionibus conicis dicitur diameter, quæ sectionem mediat, & æqualiter illam in duo diuidit, à vertice ad basim, de qua re fuse in Sectionibus. Sic etiam.

**140** **AXIS IN PERITROCHIO**, peculiari nomine nuncupatur Instrumentum Mechanicum, vnum ex quinque tractorijs, quòd principaliter in axe fundatur. Est enim ad modum tympani, aut magnæ rotæ, quæ axi imponitur, & coaptatur, ita ut eius volutatione per radios, & vestes in rotæ peripheria prominentes, & funem tympano circumpositum, magna pondera leui negotio attrahantur, vel in altum subleuentur. Et quidem Axis in medio Peritrochio (qua appellatione tympanum ipsum venit) figitur ita congruens, vt eodem tempore, simul & semel, tum axis tum peritrochium moueatur: quod ideo totum Organum, non Peritrochium simpliciter, sed Axis in Peritrochio dictum est. Cuius constructionem, & varium usum, adiecto schemate, docet inter alios, Pappus lib. 8. Collect.

Mathemat. Porro vestes ipsos, qui motum Machinæ tribuunt, *Callopes* vocat Aristoteles in

Mechanicis. Alij *Scytalas*. Quod iuuat

monuisse, ne frustrà, & cum

lectoris tædio ea repeta-

mus in loco.

\*\*\*







# BA



ALISTA, seu, ( vt alij rectius scribunt, ) *Ballista*; I  
 tormenti genus est, seu Organum iaciendis in-  
 hostes telis ac saxis ) factum; atque in priscorum  
 bellis frequentissimè practicum: quod postea,  
 duobus circiter abhinc sæculis, inuentis bombar-  
 dis, apud nos viluit, & in desuetudinem abiit:  
 non tamen, vt eius nomen, & aliquis vsus non  
 manserit, & à nostris aucupatoribus vsurpetur ad altitia impe-  
 tenda, ac præsertim Anates in lacubus innatantes. Cæterum ad ejus  
 rationem, eiusdemque effectum in bello, aduersus hostes fortius  
 obtinendum, Bombardæ ac Tormenta ænea confecta sunt, quæ,  
 concepto igne, lapides & ferreas pilas iaciunt: quodque, illa contor-  
 tis, laxatisque neruis agit, hoc ista validius, sola vi conclusi aëris,  
 per incensum nitratum puluerem dilatati, adeoque foras cum impe-  
 tu exire nitentis, saxa & quicquid ad excundum obstat, detrudunt,  
 & in hostes immittunt. Sed iam ad Ballistam conuertamus sermo-  
 nem: de cuius compositione & vsu, hæc habet Vitruu. lib. 10.  
 cap. 16. *Nulla balista perficitur, nisi ad propositam magnitudinam  
 ponderis saxi, quod in organum mittere debet. Igitur de ratione earum  
 non est omnibus expeditum, nisi qui arithmeticis rationibus, numeros, &  
 multiplicationes habet notas. Namque sunt in capitibus foramina, per  
 quorum spatia contenduntur capillo maximè muliebri, vel neruo funes,  
 qui magnitudine ponderis lapidis, quem debet ea balista mittere, ex ra-  
 tione gravitatis proportionem sumuntur; quemadmodum Catapultis de lon-  
 gitudine sagittarum. Id quod & in Tormentis æneis locum habet,  
 simili ratione librandis, attemperandisque ad proportionem ponde-  
 ris pilarum inde eiaculandarum, vt suo loco dicemus: quod ideo  
 pergit postea Vitruu. cap. 17. tradere proportionem, quam habere  
 debent lapides emittendi, ad ballistam eiaculantem, uti modo fit  
 in ipsis bombardis: ac propterea, quemadmodum Catapultæ erat  
 pro-*



proprium, sagittas emittere; quæ attemperabatur ad rationem longitudinis sagittæ, quam admittebat, modò fortius, modò remissius; sic in præparatione ballistæ, arcus, & nerui tendi debent ad rationem lapidis iaciendi: Namque, ut notat Vegetius lib. 4. cap. 22. *Ballista, quando prolixiora brachiola habuerit; hoc est, quando maior fuerit, tantò spicula longius emittit: quæ, si iuxta artem Mechanicam temperetur, & ab exercitatus hominibus, qui mensuram eius antè collegerint, dirigatur; penetrat quodcumque percusserit. Sed longè diuersam esse in Catapultis rationem ostendit Vitruv. lib. cit. cap. 15. nempè, in istis, breuitatem & arcitudinem brachiorum efficere, ut longiores, validioresque faciant emissiones: sicut econtrà longitudinem, causam potius esse segnitiei, ictusque remissioris: ait enim: *Brachij breuitas plagam facit uehementiorem; brachia longiora facilius ducuntur. Nam, quemadmodum uestis, cum est longitudine pedum quatuor, quod onus quinque hominibus extollitur; is, si est pedum octo, à duobus eleuatur; eodem modo brachia, quæ longiora sunt molliùs, quò breuiora, duriùs ducuntur. Cæterùm, etiam Ballistæ olim, à Catapultis, & quoad effectum mittendorum solummodò lapidum discernebatur; postea tamen successu temporis, ut notat acutissimus Lipsius, quoad utrumque proniusuè accepta sunt, ac de Ballistæ non modò lapides, sed & sagittas, & iacula emitti consueuisse, Scriptores, qui post Cæsarem de his mentionem faciunt, litteris testantur: ut non mirum sit, si Vegetius supra, è Ballistæ, quò maior fuerit, eò longius spicula mitti dixerit: uti viceuersa de Catapulta, nullibi signatè meminisse videbis, eoquod cum Ballistæ confuderit. Sed hic iuuat exactissimam Ballistæ descriptionem, eiusque artem parandæ modum, ex Ammiano referre, qui in hoc scribendi genere nulli secundus fuit. Sic igitur loquitur lib. 23. *Ferrum inter axiculos duos firmum compaginatur, & vastum, in modum regulæ maioris extensum: cuius ex volumine tereti, quod in medio ars polita componit, quadratus eminet stylus extensus erecto canalis angustissimi meatu cauatus: & hæc multiplici chorda neruorum torilium illigatus, eique cochleæ duæ ligneæ coniunguntur aptissimè: quarum propè vnā assistit artifex contemplabilis, & subtiliter apponit in temonis cauamine sagittam lineam spiculo maiore conglutinatam: Hocque factò, hinc inde validi iuuenes versant agiler rotabilem flexum: cum ad extremitatem neruorum acumen venerit summum, percita interno pulsu, à Ballistæ ex oculis auolat, interdum nimio ardore scintillans: & ouenit sapius, ut antequam telum cernatur, dolor lethale vulnus agnoscat. Quæ descriptione nihil expressius, nihil venustius. Ad cuius ideam licet aspicere, Ballistæ imaginem elegantissimè delineatam apud Lipsium in Posterior-***

liorcer. lib. 3. vii & antiquiorum ballistarum lapides enittentium, plures formas, è vetustis monumentis depromptas, infrà; dialogo 3. ad quem proinde Lectorem curiosum remitto.

BALNEAE, vel *Balnea*, publica sunt opera architectonicè facta, 3  
viris, feminisque ad lauandum aperta, omnibusque tum ad luxum, tum ad sanitatem conseruandam, splendidissimè exornata. Quà in re, inquit Varro, *Balnea* erant bina *Aedificia coniuncta*; alterum ubi viri, alterum ubi mulieres publicè lauabantur. Namque mulieres ad pudicitiae custodiam, habebant lauationes suas viris imperuias, ac seiunctas. Quæ ratio fuit, vt *Balnea* in plurali dicerentur. Habebant enim ad lauandum plura diuerticula, distinctis cellis, pro ratione lauantiû per ordinem procedentia; propèque hypocaustum, vt ex eo omnes calorem participare possent, communi foco. Etenim qui domi priuatim lauabantur locum, vtcunque ad meridiem versum habebant ad hoc reservatum, isque *Balneum* in singulari audiebat. Ex quo colligere poteris, quid sibi velint Scriptores inter se varij, modo *Balneum*, modò *Balnea*, modò *Balneas* exprimentes, pro diuersa nimirum lauationum, & lauantium conditione. Sunt igitur *Balnea*, patentiora, & publica ædificia, non tam ad lauandum, quàm ad sudandum, aliasque corporis exercitationes habendas destinata: vbi & comestabatur, & compotabatur hilariter, & ad omnes honestas animi remissiones, omnibus promiscuè aditus erat. *Balnea* solum ad lauandum facta. *Balneum* verò priuatum, & cuique proprium domi extructum. Et illa quidem magnificentiora, a Principibus & Magnatibus posita, ad pompam & famam munificentiae comparandam, Thermaeque antonomasticè, ab eorum nomine appellata. Quamquam re ipsa, Thermae, ex originaria notione græca, naturales aquarum scaruriges denotant, vt plurimum calidas, ad varias morborum affectiones curandas; quales sunt quas propè Neapolim, Puteolis, & in Insula Aenaria experimur, & vbiuis locorum extantes, singulari Naturæ prouidentia apertas, & ad commune beneficium datas. Nihilominus ab effectuum similitudine, & factitiæ, *Thermæ* item denominatæ sunt, mansitque ijs nomen in suorum Auctorum laudem, operisque celebritatem. Hinc in Vrbe fuere *Thermæ* Neronis, in suo Palatio ædificatæ, dictæ propterea *Palatinae*; *Thermæ* Agrippinae, ab Agrippina eius matre, in Colle Viminali extructæ: Pauli Aemilij, in clivo Quirinali, quæ denominationem loco, *Bagnanapoli* reliquere: Diocletiani, ad viam Nomentanani, magnanunc ex parte superstites, atque à Carthusiensibus Patribus, ab temporum iniuria vindicatæ, sacrationique vsui, ad diuinum cultum in-

magnificum Templum conuersæ, sunt destinatæ, ac magnificen-  
 tius instauratæ: & aliæ plures, quas per longum recenset Philander  
 in Vitruu. lib. 5. cap. 10. Qui proinde quod ad Architeturam atti-  
 net, ex eiusdem Vitruuij mente copiosè de ijs agit, docens qualiter  
 locus eligendus sit salubris, & commodus ad ea extruenda, mem-  
 braque ædificij sint partienda. *Primùm* inquit, eligendus locus est  
 quàm calidissimus, idest auersus à Septentrione, & Aquilone; ipsa autem  
 Caldaria, Tepidariaque lumen habeant ab Occidente hiberno. Sin au-  
 tem natura loci impederit; utique à meridie: quod tempus lauandi à  
 meridiano ad Vesperum est constitutum. Et item est animaduertendum,  
 vti Caldaria muliebria, viriliaque coniuncta, & in iisdem regionibus  
 sint vsus eorum vtriusque. Et infra: Magnitudines autem Balnearum vi-  
 dentur fieri pro copia hominum. Hæc Vitruuius. Sed longè meliùs &  
 elegantius id prosequitur Plinius Iun. in Epistola quam dedit ad  
 Apollinatem, lib. 5. In cornu, ait, Porticus, amplissimum cubiculum  
 à triclinio occurrit, alijs fenestris, Xystum; alijs dispicit pratum: sed ante  
 Piscina, quæ fenestris seruit, ac subintrat, strepitu, visuque incunda.  
 Nam ex edito desiliens aqua, suscepta marmore albescit. Idem cubi-  
 culum lumine tepidissimum, quia plurimo sole perfunditur. Cohæret  
 Hypocaustum, & si dies nubilus, immisso vapore, Solis vicem supplet.  
 Inde Apoditerium balinei laxum, & bilare excipit cella frigidaria, in  
 qua baptisterium amplum, atque opacum. Si natare latius ac tepidiùs  
 velis, in area piscina est: in proximo puteus, ex quo possis rursus astrin-  
 gi si peniteat teporis. Frigidaria cella connectitur media, cui Sol beni-  
 gnisimè præstò est, Caldaria magis: prominent enim in hac tres descensio-  
 nes, due in sole, tertia à sole longius, in luce non longius. Apoditerio  
 superpositum est Spharisterium, quod plura genera exercitationis, plu-  
 resque circulos capit. En tibi ad oculos totius balneationis imago,  
 omniumque locorum ad singulas exercitationes faciendas, situs, or-  
 do, & circumscriptio. Interim ex Galeno lib. 10. *Methodi meden-*  
 placet adnotare, quatuor esse præcipuas Balnei partes, quæ corpo-  
 rum purgationibus datæ sunt. Primam, in qua primò ingredien-  
 tes subisterent, atque aëre recrearentur calido: quem locum ipse  
 alibi *Promalasterion* appellat, quòd in eo corpora præmoliri soleant.  
 Secundam, quòd ex prima in calentem aquam descenditur: hanc ap-  
 propriato vocabulo, *Lutron* nominat. Ab hac digressi, mox respira-  
 tui in Tertiam ibant, quæ frigida. Tandem in Quarta sudorem  
 abstergebant. Vides, quantà curà, ordine, & locorum distributio-  
 ne, singulorum necessitatibus prospicebatur in Balneis? vt taceam  
 de ijs, quæ ad animi remissiones, ac luxus delicias, peculiariter de-  
 putata erant. Vt profectò Balnearum vsus, & rata extructio, inter  
 pu-

publica ædificia in Repub. plurimi haberetur; eaque non tam Civium incolumitatis, atque honestæ recreationis esset confugium, quàm publicæ magnificentiæ, ac splendoris nobile Monumentum.

**BALTHEVS**, seu *Balteus*, propriè, & originariè, Cingulum militare significat, eratque virtutis honestamentum, quo generosi belatores munerabantur, tum ad commodum usumque appendendi in eo arma, ut vult Isidorus; tum ad decus, & præferendum probatæ strenuitatis insigne. Quod ideo eo priuari, valde ignominiosum erat apud Romanos, pœna commissi criminis, & missionis præambula significatio. Et quoniam è corio erat, variisque bullis aureis, vel argenteis, ac gemmis etiam cohonestatum, pro conditione, & gradu eius à quo gestabatur, ideo *Baltheus* (inquit Varro) dictus, eoquod hæc vox, Tuscorum lingua, zonam coriaceam sonat. Eius loco gestari nunc solet à nostris militibus Zona item Coriacea à dextro humero ad sinistrum femur, transversaliter pendula, quæ gladium suspensum ad manus promptum sustinet, & *Tracollam* vulgò dicimus. Pro Balteo autem Antiquorum, quod pro honestamento dabatur, substituta est nunc latior, & longior fascia, seu velamen, ex serico fimbrijs auro intextis, quod gestare solent Duces, & Centuriones ad gradus militaris insigne. Nostris *Banda*.

Sed & *Baltei* nomen in Architectura, per quamdam analogiam, usurpari solet ad significandum cingulum, seu corrigiam illam, quæ fingitur esse in summo Capituli columnarum ordinis Ionici, & eas concluduntur, ac terminantur Volutæ in angulis positæ. De quibus Vitruv. lib. 3. cap. 3. *Pulvinorum baltei*, inquit, *ab abaco hanc habent proiectionem, ut circini centrum unum, cum sit positum in Capituli tetrante, & alterum diducatur ad extremum Cymacium, circumactum, balteorum extremas partes tangat.* Simili ratione Manilius, Zodiaci latam fasciam stellis ornatam, quod Aequatorem per transversum, fecaret, Balteum dixit: ex quo occasione arripuisse sculptores, in balteis columnarum stellas inserendi ad maiorem ornatum, refert Cælius Rhodiginus lib. 22. cap. 19.

**BALVSTRIA** seu *BALAVSTRI* appellari solent in Opere Architectonico columellæ in seriem per longum dispositæ, atque ut plurimum resupinatæ, quæ in Xystis, Ambulacris, Menianis, & Intercolumnijs ponuntur, atque infixæ hincinde basi, & coronici, ut communiter hæreant, & simul cum illis concurrant ad formandum nobile quoddam Septum, quod & decori sit operis, & conimodo inambulantium inferuire possit, ignotosque aditu prohibere, Hæc singula-

gillatim totidem veluti columnarum, suo modo, gerunt officium, suum habent paruum stylobatam, cui videntur insistere, desuperque capitellum, & abacum, ac denique nudum, & purum epistylum, quod opus claudit & terminat: ipsæ autem columnulæ non teretes sunt, in longum abeuntes, & simplices, sed varix; & modò referunt speciem phialæ, cum suo operculo; modò duos vrceos ad se inuersos, ac sese quodammodò exosculantes; modò helicam, modò candelabrum, modò flosculorum, aut spicarum fertum, molliter prominentium, & quidquid rari, quidquid venusti ex Architectonis idea potest exire, vt videre est in plerisque Italix ædificijs. Vbi obseruabis, non in plano tantum hæc balaustria collocari, sed in editis, summoque fastigio, circumcirca deambulationes claudentia: idque valde appositè, nedum ad visum complendum, sed ad securitatem inambulantium, nequi ad crepidines accedunt animi gratia, ad spectandam subiectam aream, lapsibus exponantur, aut aliàs caput periculi imaginatione nutet, ideoque pedes vacillent. Locari etiam solent exurgentia vsque ad medietatem apertionum, quæ necessariò fiant ad lumen recipiendum, ad corrigendam earum nimiam longitudinem, aut laxitatem. Alij ea interponunt ad implendam inanitatem intercolumniorum, præsertim si vasta, & abrupta sint, sibi-que minimè respondentia. Alij demùm ijs potissimum vtuntur in Ecclesijs in occludendis aditis sacellorum, ad loci venerationem, & ad arcendos laicos altaribus non ministrantes; tum etiam ad horum commodum, vt foris morantes aditare sacris possint, ac genuflectentes habeant fulcrum cui innitantur, ad diutinam consistentiam, & ad promptam debiliū erectionem. Quare semper ad proportionem geometricam erigi debent, vt tantum assurgant quantum Parastadum aut Columnarum hinc inde dispositarum stylobata, & lato claudantur desuper Epistylis. Cæterum hæc, & id genus adiecta, in Architecturam inuecta sunt, ad ornamentum potius, quam ad operis necessitatem.

BANCHVS, Vide *Scammum*.

8

BAPTISTERIVM locus erat olim in Balneis, lauationibus vnice destinatus, vti & Apoditerium, & Sphæristerium, & Laconicum, pro alijs vsibus, vt suo loco dicemus. Hoc autem lapide constrabatur in piscinæ formam cauum, & descensuris accommodum, nec cuique è plebe dabatur accessus, sed solum nobilioribus, & honestioribus: quod ideo constituebatur in abdito, ac dispersitis cellulis ob modestiam, & verecundiam nuditatis. E quibus alix Frigidariæ

dariz dictæ, quòd frigidis lauacionibus inferuiebant; aliæ Calda-  
riz, vbi aqua calida infundebatur: aliæ Tepidariæ, pro ablutioni-  
bus tepidis, prout cuique opus erat, & commodum. Hæc ex Vi-  
truuio lib. 5. cap. 10. De hoc loco Plin. Iunior in Epist. ad Apolli-  
narem lib. 5. vbi de suæ Villæ apta dispositione mentionem facit,  
hæc habet. *Cohæret hypocauston; & si dies nubilus, immisso vapore,  
solis vicem supplet. Inde Apoditerium balinei laxum, & hilare exci-  
pit cella frigidaria, in qua Baptisterium amplum, atque opacum. Si  
natare latius, aut tepidiùs velis, in area piscina est; in proximo puteus  
ex quo possis rursùs astringi, si paniteat teporis.*

Hodie Baptisterij nomen, & vsus cessit in Sacris, & Lauacrum, 9  
regenerationis audit inter Christi fideles, vbi omnes à sordibus pec-  
cati originalis, & alijs ante acceptum baptismum contractis, ablu-  
mur, & fit, *ut filij Dei nominemur, & simus*, pristinam innocen-  
tiam adepti, factique Cælestis gloriæ Candidati. Quod ideò in sin-  
gulis Parochialibus Baptisterium constitutum est ad baptizandos  
recens natos infantes, necnon Cathecumenos ex Infidelibus in Ec-  
clesiæ gremium venire cupientes. Olim tamen non intrâ Ecclesiam  
vbi sacra fiebant, erectum erat, sed forâs ponè ipsam Ecclesiam in-  
facello ad hoc specialiter extructo: quemadmodum etiamnum vi-  
dere est, & prædicatur Florentiæ, vbi non longe à Cathedrali asur-  
git nobile ædificium Præcurfori Domini dedicatum, valuis ex ære,  
anaplyphico opere elaboratis, semperque clausis, nec nisi cum ali-  
cui baptismum conferendum sit, aperiendis: ad quod omnes è Ciui-  
tate baptizandi confluunt ad illud recipiendum, quod est Ianua Sa-  
cramentorum. Aliud etiam visitur Romæ propè Basilicam Latera-  
nensem, magnificum Baptisterium, à Constantino dictum, eo quod  
inibi pijssimus Imperator à S. Siluestro Papa baptismum recepisse  
fertur: vbi & vrna, in qua ablutio facta est, visitur è porphyrite la-  
pide, in medio, sub tholo collocata, cum æreis statuis supra opercu-  
lum fixis, quæ factum repræsentant: quod nuper Vrbanus VIII. ad  
ingerendam venetationem, ac maiestatem, magnificentissimè exor-  
nauit, adiectis circà magnis prophyticis columnis tholum susti-  
nentibus, & ad latera elegantes picturas fieri curauit, quæ idem  
factum luculentiùs exprimant. Ad quem fontem mos est quotan-  
nis ex Infidelibus ad catholicam fidem conuersos solemniter bap-  
tizare.

Nec vacat mysterio, quod huiusmodi Baptisteria, non intra Ec- 10  
clesias, sed extrâ collocarentur; vt innueretur (inquit Durant. lib. 1.  
cap. 19.) homines aliàs extrâ Ecclesiæ gremium degentes, per  
baptismum in eam recipi, ac Deo reconciliari. Sed post, tempo-  
re



re Clodouei Francorum Regis, qui solemniter à S. Remigio, honoris causa, in Ecclesia baptizatus est, & Rex inunctus, oleo miraculosè cælitùs in ampulla delapso; factum est, vt Baptisteria in Ecclesias inferrentur, sed in prinio aditu ad sinistram partem, vt habet Gregor. Turonen. in Vita S. Martini. Refert autem idem Turonenensis in lib. de gloria Martyrum, cap. 24. quod in Lusitania locus est, vbi quotannis fons miraculosus egurgitat ad replendum baptis male vas, quod in Ecclesia ad hunc effectum collocatum est, à quo, peracto baptis mate, *populus pro deuotione haurit* (verba prædicti auctoris sunt) & *vas plenum domi pro saluatione reportat*, agros, vineasque aspersione saluberrima tutaturus. Et cum exinde multitudo amphorarum sine collecto numero hauriatur; nunquam tamen vel cumulum minuit, licet ubi infans primus intinctus fuerit, mox aqua reducit, & baptizatis omnibus, lymphis in se reuersis, vt initio produntur nescio, ita & sine clauduntur ignaro. Hucusque Gregorius. Quæ à nobis etsi extra institutum, non tamen extra orbitam, in gloriam nostri Baptismatis, Sacrarumque Ecclesiæ Catholicæ Balnearum, dicta esse volo, ex occasione nominis & vsus varij Baptisterij, longè celebrioris facti, ex quo ex prophanis Gentilium purgationibus ad Sacramentum transijt internæ, ac spiritualis Animæ ablutionis.

- II** BARBACANVM barbarè dicitur à nostris Militaribus Architectis (nescimus quâ ratione) genus quoddam aggeris, in speciem Anteridis, ad promuralia exsuscitati ad ea sustinenda, ne faciliè ruant: cum enim è terra aggestitia facta sint, opus habent aliquo fulcimento, vtistant, vti & in muris sit anteridibus, seu aliqua decliuitate abscedentibus ne incuruentur. Eandem rationem habet, quam ipsa Anteris, nisi quod studiosius poni debet, ne opus incommodet, & sit potius proficuum hosti, superata iam fossa, ad muri ascensum, properanti. De qua re alibi, præcipuè, cum de *promuralibus*.

- 12** BAREODAESIA apud Scotti in Synopsi adiecta suo Cursui Mathematico, est facultas, quæ agit de his, quæ merguntur in aquis, & sub eis mouentur. Vbi specialiter tractat de Vrinatoribus, deque illorum agilitate, & arte, qua se præcauere debent ad respirandum: multaque curiosa exquirat, rimaturque aquæ naturam, & qualitatem, ex se habentis vim reiectandi corpora in altum: ideoque quater diu ac tutò homines consistere possint in imo, ad legends margaritas, corallios &c. Id quod philosophicè probat, Mathematicè discutit, & conquisitis vndique exemplis confirmat. Sicut econtrà.



BAREOCOLIMBICA pertractat de his quæ supernatant, & ve- 13  
hantur supra superficiem aquæ: vnde eueniat, quod quandoque,  
mergantur: qui fieri possit, vt periculum euitent, &c. quod maxi-  
mè ad Nauigatoriam iuuat. Vtraque autem pertinet ad *Staticam*,  
de qua suo loco.

BARYCAE, & BARYCEPHALAE, obscura, barbara, & iam 14  
obsoleta vocabula: quibus tamen fidenter vtitur Vitruuius ad signi-  
ficandas, & prænotandas species quasdam ædium Aræostylarum,  
quæ inconcinno columnarum ordine sunt dispositæ, ac latiore, quàm  
par est, intercolumnio diuariatæ. Sic enim placuit eiusmodi ædes  
emphatico Scriptori, & nimium græcanici sermonis affectatori, de-  
nominare: siue à Barris, hoc est Elephantis, accepta similitudine,  
quod grossiores, & minimè eleuatas columnas habeant, vt conie-  
ctatur Barbarus; siue à græca notione Βάρυς, quæ grauosum quid  
indicat, atque Κεφαλή, quicum componitur, quod significat caput,  
quasi mole prægrauæ, & onerosum caput habentes, vt placet Bal-  
do in huius vocabuli explanatione; id quod ita explicat. *Dicuntur  
autem graui capite, non quidem simpliciter, sed respectu infimarum par-  
tium.* Vt vt sit, certè, vti turpes, incommodas, & inordinatas vult  
taxare Vitruuius. Cui malo vt occurratur, præcipit apponi lignea  
ex trabibus epistylia, supplerique defectum laxitatis, adiectis, &  
ornamentorum varietate. Sic enim loquitur lib. 3: cap. 2. *Ipsarum  
ædium species sunt Barycæ, & Barycephalæ, humiles, lata: Postea  
quid, post factum, ad remedium fecisse antiquos perhibet: ornantque,  
subdit, signis fœtilibus aut areis auratis earum fastigia Tuscanico more:  
vbi est ad Circum maximum, Cæveris, & Herculis, Pompeiani item  
Capitolij. Debiles vtique, nimis laxæ, turpes, & inconcinne com-  
pertæ fuerunt postmodum huiusmodi ædes ob rariores columnas,  
quibus ægrè superimposita moles sustineretur: quapropter consul-  
tum fuit, vt, nè nimio pondere grauarentur, ruinæque essent obno-  
xiæ, ex leui materia epistylia formarentur, ac laxitas, & turpitu-  
do, ornamentorum adiectione corrigeretur.*

BASAMENTVM, grosso quidem vocabulo, sed oppidò expres- 15  
suo, appellant nostri Architectones, & Materiarij stabilimentum,  
structuræ, & firmam constitutionem baseos, in erectione alicuius  
ædificij; ipsum namque substructionis opus, quod ex iactis funda-  
mentis exurgit, & solo æquatur, *Basamentum* signatè dicitur; quasi  
firma, & solida constitutio Basis. Vnde Vitruu. de eo ritè consti-  
tuen-

tuendo præcepta tradens, quamvis hoc nomine non utatur, ita tamen rem ob oculos ponit, ut Interpretibus locum dederit, ad expressionem muneris ad quod factum est, hoc vocabulum, quale, quale sit, obtrudendi. Hæc sunt verba Vitruv. lib. 1. cap. 5. *Fundamenta sic sunt faciendæ, uti fodiantur, si queant inueniri ad solidum, & in solido, quantum ex amplitudine operis pro ratione videatur, crassitudine ampliore quam parietum, qui supra terram sunt futuri, & ea impleantur quam solidissima structura.* Et lib. 3. cap. 3. ita incipit: *Substructionis foundationes eorum operum fodiantur, si queant inueniri ab solido, & in solidum, quantum ex amplitudine operis pro ratione videbitur, extruantur: quæ structura per totum solum quam solidissima fiat.* Ad quæ acutè aduertit Barbarus, aliam esse rationem adoriendi hanc substructionem, cum solum est molle, fluxum, & aliàs iam emotum, ac quando de sui natura est solidum, in sui primigeniæ qualitate consistens, & adhuc immotum: quod ideo substructio hæc faciendæ est procuiusque soli conditione, ac tantò amplior, & profundior, quanta futura est altitudo fabricæ erigendæ: quod ideo addit, peritiores Architectos sui temporis, basamentum hoc latius extendere consueuisse quàm superimponendæ molis parietes futuri erant: idque non ad perpendicularum, nec in accliuæ ductis foundationibus, sed per adiectos gradulos maiores, & maiores, quò magis ad imum descenderent. At quando niollis est humus, aut congestitia, aut palustris, ut in Hollandia, & Venetijs; tunc, ex directione ipsius Vitruuij, res fistucatione est peragenda. Sequitur enim: *Sin autem solidum non inuenietur, sed locus erit congestitijs ad imum, aut paluster: tunc is locus fodiatur, exiniaturque, & palis alneis aut oleagenis ustulatis configatur, subliceque machinis adigantur quamcruenterrimæ, carbonibusque expleantur internalla palorum.* Porro in Basamento isthoc etiam Stereobata, quod Latini Podium nominant, comprehenditur, estque pars illa structuræ, quæ mox exurgit, & supra terram se extollit iam visibilis, à fundamentis: quippe hæc veriùs, quàm quæ latet, basis nomen, & officium sustinet: quod nonnotat etiam Philander, in hunc Vitruuij locum, ubi dicit: *Non negauerim Stereobatam posse vocari adificij basim, quod Basamentum vulgus dicit, sicut stylobatam propriè columna fulcimentum.* Sed tamen

16

BASIS, nomen est communale, & obuium, vsurpaturque indifferenter ab omnibus ferè, cum Græcis, tum Latinis Scriptoribus, præsertim Mathematicis. Verum aliud audit in Architectura, aliud in Arithmetica, aliud in Geometria. Et quidem ex sua primaria no-

tio-

tionem & etymo, simpliciter idem sonat Græcis ac Latinis, nempe profundum, hoc est imam partem rei, cui alia membra insident; & inniuntur. Hinc pro suo quisque genio, & ad rationem obiecti, circa quod sua facultas versatur, hoc nomen applicat, ad significandum id quod in suo genere imum est, & reliquis partibus subternitur. Sic in Architectura, ut modò dictum est, denotat basamentum, & fulcrum, cui parietes, columnæ, vel stylobatæ insunt. In Arithmetica, numerus planus, quem communiter vocant *Radicem Quadratam* vel *Cubam*, Basis dicitur. In Geometria quævis linea, vel superficies, quæ in imo figuræ iacet, cuique reliquæ partes & latera inniti concipiuntur, basis etiam appellatur. Quæ omnia per se satis patent, & manifesta sunt. Cæterum in Triangulis quæ pars est latior, absolutè vocatur basis, reliquæ latera, aut crura. In triangulo verò rectangulo, latus subtendens angulum rectum, specialiter appellatur *Hypothenuisa*; & si in imo iaceat, etiam, & niagis propriè Basis. Sed de his clariùs suo loco.

BASILICA ex græca notione *Regia domus* audit, hoc est magnificè extructa, & quæ Regem habitatorem decet, omni magnificentia, amplitudinis, singularitatis, cura, & studio architectata. Etenim quum Regibus, & Magistratibus incumbat ius populis dicere, proindeque multus, & continuus sit ad eos accessus, æquum est, ut eam habitationem firmiter habeant, quæ simul, & maiestatem redoleat, & sit tantæ multitudinis capax. Propterea olim Basilicæ nomen non tam Principum sedem notabat, quam Publicum Auditorium, ad quod Magistratus, & populus ad contestandas, ac dirimendas lites vnicè convenirent: postea tributis officiis factum est, ut Regia, quæ staret Regibus, diceretur; quæ Magistratibus & ius dicentibus, Tribunal; quæ verò publicis conventibus, negotiis, & civium contractibus, Basilica. Ad quam rem appositè Vitruvius lib. 5. cap. 1. ait. *Basilicarum loca adiuncta Foris, quam calidissimis partibus oportet constitui, ut per hyemem, sine molestia tempestatum se conferre in eas negotiatores possint, & infra cum de Tribunalibus agit, in hemicycli formam ea præcipit poni: uti eos (subdit) qui apud Magistratum starent, negotiatores in Basilicâ ne impedirent. Igitur alia est architectandarum Basilicarum, seu publicarum ædium ratio; alia Tribunalium; alia Regiæ domus. Sed de hac alibi. De Tribunalibus verò, ijs nempe, quas Curias vocant, nam eo nomine veniunt quandoque etiam Sacella, & Apfides templorum, ut in loco diximus) hæc habet Leo Albertus lib. 5. cap. 9. Media in urbe Curiam Senatoriam locauere; eique iudiciariam, & templum proximè adiun-*

adiungendum putarunt: non ea tantum re, ut ambulationibus detenti, & canis forensibus occupati, commodius, non intermisso aut studio, aut officio, utrisque satisfacere; verum etiam, ut Patres ipsi, salutatis Dijs, non intermissa opera, à templo ad negotium se possint transferre opportunè. At in Basilicis, quoniam, ut inquit Varro, Romani duorum generum Curias habuerunt, alteram ubi Sacerdotes rem curarent Diuinam; alteram, ubi Senatus humanas moderaretur; capropter, subiungit Albertus; quid cuique proprium sit, nihil habeo certi, sed sic possumus interpretari, hanc Templo, illam Basilicam similiorem futuram, esse. Quò factum esse reor, ut successu temporis Basilicæ in Tempora Diuorum, & sacras aedes abierint, ut iam modo Basilicæ, ac Templi nomina conuertantur. Sed adhuc aliquid pressius, & singulariùs signat Basilica, ut non quodlibet Templum utcumque, sed quod dignitate, splendore, ac magnificentia cæteris communibus anteiret. Atque adeò, ut Basilicæ nomen promeretur, & ei benè stet, oportet, ut amplissima sit, magnificentius aurgens, deforis porticibus, columnationibus, atrijs, & conducentibus areis; intrinsecus, aris ad maiestatem positis, circumque columnis, elegantibus epistylis, statujs, picturisque ad pietatem simul, & admirationem excitantibus exornata; & super omnia, (concludit Albertus) ut sit per totum testudinata, tum ad decorem, & symmetriam operis, tum ad perpetuitatem. Quales profectò plurimas, & magnificentissimas habet nostra ætas, præsertim Romæ, Principem Vaticanam D. Petro Apostolo sacram, quæ omnem captum superat, plurium Summorum Pontificum cura, & totius Orbis impensis ædificata: alias item minores, sed non minùs in suo ordine splendidas ac magnificas, à priuatis viris, pietate, ac munificentia Regibus æquiparandis, excitas, & ad vltimam perfectionem perductas, uti Vallicellanam dictam; Farnesianam, Ludouisianam, & Quirinalem S. Andree à Patribus Iesuitis cultas, & summo splendore detentas; nostram S. item Andree, dictam de Valle; D. Agnetis in Agone, Pamphiliæ muniticentiæ Augustissimum Monumentum; & alias, quas breuitatis gratia missas facio. Porro, ut ad Basilicæ nomen redeam, eoque sermonem concludam, id nominis non in Ecclesià nouum, ut signanter sacris ædibus decet; quamquam noua, & recens Basilicarum ad omnes Architecturæ leges ædificatio, & constructionis perfectio, ut iam nil sit ampliùs ac magnificentius desiderandum. Tamen in Antiquis, quæ aliquo modo cæteris eminebant, Basilicas dictas inuenio apud Augustinum, Ambrosium, Paulinum, Hieronymum, atque alios SS. Patres, & alioqui in Ecclesiæ primordijs, eius loco antiquissimum *Dominici Titulum* usurpatum, quod in idem recidit.

BASI-

BASILISCVS tormenti genus Videt, Bombarda.

BE

BELLVM, quasi *Non Bellum* per antithesin dictum, ( vt nominis 19  
 etymon explicant Priscianus, Augustinus, & alij, ad eleuandam, 20  
 forte pulchrâ, blandâque expressione, rei significatâ atrocitatem: )  
 siue à Belo originem traxerit, primo nimirum ferrei gladij inuen-  
 tore, & bellici furoris excitatore, vt placet Cassiodoro. Horribile,  
 enimuero, ac nefandum monstrum est, ab humana feritate concep-  
 tum, violentia obstetricante natum, & rapinis ac sanguine enutri-  
 tum, ad Naturæ exterminium. *Quid enim discrepat à peccante* ( rem  
 abominans, & zelo iusto flagrans, pronunciat Theodoricus Rex  
 apud Cassiodorum lib. 1. ep. 30. ) *qui se per excessum nititur vindica-*  
*re? Impenitenda est ultio, quæ de legibus venit: & excellenter de pul-*  
*sato triumphasse, qui victor pronunciat a Iudice. Inter ipsos quoque*  
*aduersarios, ut scitis, non erant prius armata certamina, sed pugnis se*  
*quamlibet feruida lacestebat intentio: unde & pugna nomen acce-*  
*pit. Postea Belus ferrum gladium primus produxit, à quo Bellum*  
*placuit nominare. Consilium atrox: crudele presidium: serena cer-*  
*ratio. Verum enimuero, & si contentiones, rixæ, & bellum,*  
 hominum perniciaciâ, & Naturâ vtrique repugnante succrebuit, de-  
 hinc necessitate seruandæ æquitatis aduersus eos qui publicæ pacis  
 forent osores, ac refractarij legum, iure gentium bellum inualuit,  
 & tanquam postremum remedium, ac perfugium, omnium consen-  
 sione receptum est. Nam neque Iudicium, aut Lex ipsa foret, nî  
 vindicandi peccati necessitas poposcisset. *Bella gerimus vt in pace*  
*vinamus,* inquit Philosophus 10. Ethicor. Et Apostolus Paulus ad  
 Romanos scribens, appositam rationem reddit in hæc verba. *Cum* cap. 2.  
*enim, ait, gentes, quæ legem non habent, naturaliter ea, quæ legis sunt*  
*faciunt, eiusmodi legem non habentes, ipsi sibi sunt lex, qui ostendunt*  
*opus legis scriptum in cordibus suis, testimonium reddente illis conscien-*  
*tia ipsorum, & inter se inuicem cogitationum accusantium. Et* cap. 7.  
*addit. Peccatum non noui, nisi per legem: nam concupiscentiam nescie-*  
*bam, nisi lex diceret, Non concupisces. Occasione autem accepta, pecca-*  
*tum per mandatum operatum est in me omnem concupiscentiam: sine lege*  
*enim peccatum mortuum erat. Tolle peccatum, tolle rixas, tolle dis-*  
*cordias, lex oriatur, triumphat æquitas, bellum quid sit, ignora-*  
 tur. Atqui dato peccato, iniuria succrescente, ad eorum vindi-  
 ctam, & castigationem lex posita est, & præualete legibus pec-  
 cantium perniciaciâ, ea vi & armis obtundenda erat ad sanctarum,  
 legum iusticiam asserendam, in suoque iure, ac maiestate seruandam:  
 quod ideo, & ipsæ leges ad sui, & publicæ pacis conseruationem,

neni, bello locum dedere, & arma militibus subministrarunt. Ergò, deducit inde Vegetius in præcæm. lib. 3. *Qui desiderat pacem, præparet bellum; qui victoriam cupit, milites imbuat diligenter; qui secundos optat euentus, dimicet arte, non casu. Nemo audet offendere, quem intelliget superiorem esse pugnaturum. Quamobrem Legum consensione, & Natura ipsa distante, Bellum introductum est, quod vnice pacis, & æquitatis est custos, & bellica fortitudo, quæ in armorum tractatione consistit, in virtutum numero computatur. Quippe Bellum est iustum (obseruat Liuius lib. 9. quod necessarium est; & arma sunt pia, quibus nulla, nisi in armis relinquitur spes. Quinimò (subinfert Cicero Orat. pro Murena) Rei militaris virtus præstat cæteris virtutibus: omnia nostra studia; & hæc forensis laus latet in tutela ac præsidio bellicæ virtutis: & simul ac increpuit tumultus, artes illic nostræ conticescunt. Quod ideo bellicam hanc virtutem vnice exquirat Plato in sua Republica: hæc pueros præcipit imbui ab infanzia. Hanc Lacedæmones primùm, mox Athenienses, & Romani, vti necessariam, præ cæteris coluere, eiusque peritiam vsu, & arte, apprimè ediscere curauerunt; ad quod constituerunt Magistratos, qui Tacticam, hoc est bellandi artem, ex Arithmeticæ, & Geometriæ principijs, milites edocerent. Hanc sæpius in Sacris Paginis Deus ipse commendat, & præcipit, nec dedignatur exemplo præire, se Regum bellantium doctorem constituere, atque Exercituum Dominum, sæpius id attestante in Psalms Dauide, nominare. Facebat igitur & in ortum vadat impius ille belli hostis, & scientiarum omnium osor C. Agrippa, qui in detestando libro *De Scientiarum vanitate*, has deridet, & bello bellum indicit, acriter in illud inuehens, ac militarem artem ex orco prodijisse obgannit. Nimirum stare non poterant artes Magicæ cum salutaribus, & innoxijs disciplinis, quas ipse damnauerat, vt illis totam operam daret, de quibus perniciosissimum volumen edidit *Trinum Magicum* prænotatum, meritò ab Ecclesia, vti & antè præfatum librum, vtrumque æquè noxium interdictum. Sed hæc obiter.*

- 21** Est igitur Ars militaris Theatrum omnium Scientiarum, & Palæstra, in quam omnes confluunt, & suppetias dare contendunt, præcipuè verò Mathematicæ: namque vt bellum, iustè, & feliciter iniatur, non ferino more gerendum, sed arte, ac prolusione virtutis. Quippe in omni pralio (scitè monet Veget. lib. 1. cap.) non tam multitudo, & virtus indocta, quam ars, & exercitium solent prestare victoriam. Et infra: *Nemo facere metuit, qui se bene didicisse confidit. Cui adstipulatur Senator Cassiodorus lib. 1. Epist. 40. ita in pace differens: Ars bellandi, si non praluditur, cum necessaria fuerit, non*



*non habetur. Fida Reip. salus est defensor armatus: discat miles in otio quod proficere possit in bello: animos subito ad arma non erigunt, nisi qui se ad ipsa idoneos, præmissa exercitatione confidunt.*

Itaque bellator ab Geometria discit ordinare acies, metare Castra, ponere Munimenta. A Geographia, locorum distantias venari, notare situs, tranare amnes, angustias deuitare. Ab Arithmetica, agmina distribuere, numerare capita, in ordinem dirigere, atque expensarum computum, & rationem habere. Ex Optica directionum lineas trahere, Munimentorum Orthographiam delineare, tormenta ad scopum explodere, atque ad amussim librare. Ab Astronomia congruum tempus eligere ad bellum inferendum, tempestates præuidere, climata noscere, & cæli faciem in qua versatur, & ad quam tendit Exercitus, obseruare. Sed in Architectura tota consistit laus militaris peritiæ, in excitandis nempe bene instructis arcibus, in propugnaculis ritè distribuendis, in Valli efformatione, in prætenturarum loco, & tempore congruentium adiectione: cui subfamulatur Mechanica in Machinarum compositione. Stat igitur Artem militarem esse Disciplinarum omnium Mathematicarum compendium; & bellum, earum praxim, & scholam, cui Mars præsidet, & fortitudinis lauream merentibus præbet, gloriæ, virtutis, & præmij incitamentum.

Et hanc profectò scholam omnibus artibus instructissimam aperuisse videtur in Belgio, vniuerso Orbi ad eam frequentandam aduolanti, superiori sæculo, vt acutissimè obseruat Favianus Strada initio suæ disertissimæ Historiæ de Bello Belgico. *Quippè, ait, tot gentium aut armis aut pecunia, certè animis & consilijs, etiam nùm geri videmus, quasi in vno Belgio de Europa imperio dimicetur. Et iussu Planè, vt in alias terras peregrinari Mars, ac circumferre bellum; hic armorum sedem fixisse videatur.*

Quæcirca manifestè euincitur, Bellum virtutis incitamentum esse, Iustitiæ propugnatorem, atque assertorem, discor diarum direptorem, fidamque Pacis custodiam, atque adeò iustum, sanctum, Deo acceptum, si pro eius honore, aut zelo iustitiæ, aut tandem ad propulsandam illatam iniuriam suscipiatur: econtrà iniquum, barbarum, ferinum, quod adornat ambitio, furor excitat, aut priuatum odium, & consummat rapacitas, truculentia, atque alienæ pacis inuidia. Cæterùm ad vtrumque requiri artem, & studium: in Milite quidem gregario robur, audaciam, hilaritatem, sustinentiam, & promptitudinem: in Duce verò solertiam, peritiā, experientiam, in aduersis constantiam, virtutis æstimationem, ac nominis celebritatem.



24

BENACVS *Lacus* ( sit mihi concessum è tot celebratissimis, quos in toto terrarum Orbe Geographia enumerat, vnum in Italiæ nostræ confinijs positum, speciali nota dignum commemorare ) Vrbis Veronæ Venetæ Ditionis laus est, decus, & opulentiâ, ad tredecim milliaria ab ea distans, singulari cæli clementia gaudens, riparum amœnitate, & vberissima lectissimaque piscatione clarus, quo Ciuitas alioqui illustissima, illustrior redditur, ac suprâ cæteras Italiæ vrbes extollitur, vnde Distichon illud emerfit:

*Vrbibus Italicis præstat Verona superbis,*

*Aedibus, Ingenijs, Flumine, Monte, Lacu.*

Nec immeritò: nam si ædes, seu publicas, seu priuatas, consideres, nullibi tam frequentes, ornatas, magnificas, posuit Architectura. Sat pro cunctis decantatissimum Amphitheatrum vulgò *Arena*, adhuc integrum manens, è secto, & variegato lapide quem *Mandulatum* vocant, ex ipsius agri Veronensis fodinis eruto, quo tota ingens hæc moles exsurgit, atque ad æternitatem tendit, quæque antiquum splendorem seruat, & etiam nûm in ludis, & spectaculis, & lucro, & oblectamento Vrbi est, ac Romanorum Amphitheatro penè exciso, & ad omnia inualido, superbè illudit. Si ingenia; nullibi in omnibus disciplinis, & fræquentiora, & clariora inuenies. In Architectura, sat vnum pro mille, Vitruuium memorare. Si Flumen Athesim, non aliorum amnium accessione, sed suis limpidiſſimis aquis tumidum, longè lateque æquali incessu permeans, stratisque suprâ, quatuor amplissimis è marmore pontibus, superbiens, singulare. Si Montem Baldum, eò Natura fecundiores, & ornatiores non habet; fodinis, pascuis, lectissimis floribus, medicinalium herbarum varietate, copia & præstantia, vt vnus tot in Europa Pharmacæorum officinas oppleat, cunctaque abundanter suppeditet. Sed redeamus ad Lacum à quo paululum digressi sumus. Est quidem ille non vastus, sed moderatæ amplitudinis, in longum se extendens ad triginta circiter quinque millia passuum, vsque ad Riuam, Tridentini Principatus Oppidum, vbilimes, qui Italiam disternit à Germania. In latum varius est; alicubi sex, alibi duodecim; & vbi maior amplitudo inter Sirmionem & Gardam, vnde agnomen lacui stetit, ad decem & octo milliaria se extendit.

25

Huic ad Ortum imminet laudatus Mons Baldus, & veluti circumciugit, nisi quod ad Austrum amœna sinit frui planitie eius ripas, quæ tantâ soli fecunditate congaudet, tantâ lectissimorum fructuum vbertate, præsertim limonum, atque aurantium, vt sub rigidissimo cæteroqui Cælo, aër lacui incubans circumquaque repescat, ripas.

pasque permittat impune huiusmodi plantis frigoris intolerantibus conuestiri : quæ tam sæcundæ sunt, fructuumque feraces, vt de ijs latè finitimis vrbibus provideat, ac Germanis ad delicias subministret. Sed & piscibus scatet longe lectissimis, & gustui suauissimis, vticum comederis, obstupescas, & dixeris hos, ab alijs aliorum lacuum, specie esse diuersos, & longè sapidiore. Habet insuper Carpiones sibi tantum à Natura concessos, omnibus absque hyperbole piscibus Maris, amnium, & lacuum, sanitate, & præstantia antefereandos; quos ferunt auro vesci; eoquod in visceribus exenteratis non inueniunt curiosi indagatores, nisi arenulam flauam, & fulgidam. Vt vt sit, certè non vana est Veronensium gloriatio, quæ abiit in prouerbum. Si tantum telluris haberent, quantum lacus hic latè patet, quæ auro seminata, fructum alijs frugibus parem proferret, non vtique tantum emolumenti inde caperent, quantum ex piscium copia, & præstantia Benacus suppeditat, vel ipsis Comaculentibus vallibus inuidendus. Verum enimuero non adeò mitis, amœnus, placidus, diues ac liberalis est, vt non aliquando fluctibus ferus exaltuet, irascatur, procellas vltro commoueat, & integrananes absorbeat. Vt discas in ipsis vltroneis Naturæ donis, non fidere, non superbire, non insolenter extolli, sed parcè, sed cautè vt, atque ad ea capeffenda, cum timore ac moderamine intrà modestiæ fines te continere.

BES apud Geometras est ratio quædam mensuræ, quæ continet duas è tribus partibus Assis: quod ideò Festus exinde dictum putat, quod bis triens sit. Sed contrà Varro ab Assè nomen deriuatum existimat, quia vt integrum assen compleat, tricente minus est. At quod ad rem attinet, Antiqui Pedem pro assè sumebant, quem pro radice, & fundamento, siue prima mensura constituerunt, ideoque illum, vt & omne quid totum in duodecim partes dissecnere: quarum vnâ partem Vnciam dixerunt; duas, sextantem: tres Quadrantem: quatuor Trientem; quinque Quincuncem: sex semissem, quasi semiassem: Septem, Septuncem: Octo, Bessem nominarunt: quocircà benè stat octo partibus bessis nomen, quod ad integrum assen è totis duodecim tertia parte deficeret: vnde apud Columellam habes lib. 5. cap. 1. quod *Bes, octo partes ingeri sunt, in duodecim partes diuisi*. Verum posterioris xui computatores, & Mathematici, quia ad perfectam, ordinatamque diuisionem suarum quantitarum, Senarium numerum inuenerunt suis operationibus valdè accommodum & opportunum; ex quo statuerunt, integrum assen non ex duodenario numero, sed ex senario coalescentem concipiendum esse.

esse. Sicque in posterum Bessis haberi cepit, ac signari pro quatuor Vncijs, seu duabus, è tribus partibus Assis; atque ad eundem modum, Bes alterum vocabatur alius bes ad totum assen adiunctus. Quæ appellatione veniebant totæ decem vnciæ, hoc est aliæ quatuor ad integrum assen adiectæ. Hæc omnia enucleatè Vitruv. lib. 3. cap. 1. dictorum, ac factæ mutationis rationem reddens, his verbis. *Mathematici verò contrà disputantes, ea re perfectum asse dixerunt numerum, qui sex dicitur, quod is numerus habet partitiones eorum rationibus sex numero convenientes.* Et postquam singulas partitiones suis nominibus græcè & latinè vsque ad fastidium compellavit, de Bessè altero, siue decem partibus in vnum collectis ita concludit: *Duabus partibus additis, & decussis factis Bes alterum, quod Epidimoron vocant.* Sed de his relege quæ diximus in V. As.

## B I

- 27 BIBLIA PETRARIA, vt notat eruditissimus Lipsius in Poliorcet. erat olim Germanis species quædam machinæ seu tormenti iaculatorij, Catapultæ haud multum absimilis. Nam in Chronico quodam, ait, Leodiensi, ad ann. 1313. (antequam nempe tormenta ænea, seu bombardæ inuenirentur) Episcopus quidam illius teniporis, nescio quo bello implicitus, misit Leodium; inter alias machinas iaculatorias, *Biblias Petrarias, seu Catos versatiles, nescio quæ ex his ingenijs, in signum quod intendebat castra solo aquare.* Et in alio Chronico, quod idem Lipsius citat, habetur: *Bibliam petariam, & cætera bellica instrumenta.* Sed quæ ea fuerint, & cuius vsus, modò subtilius inquirere, otiosum, & superuacaneum foret; quando habemus ipsis Germanis inuentoribus, alia tormenta longè validiora, ac terribiliora, quorum vsum probè nouimus, & quæ istiusmodi, & si quæ alia sunt, vsu, & memoriam aboleuerunt, vt vix nudum nomen apud paucos Scriptores residuum sit.

- 28 BICLINIVM, vti & *Triclinium* locus erat antiquitus vnicè comessationibus destinatus in accommoda satis ædium parte: atque ideo inter præcipuas Architecturæ curas veniebat, vt foret amplum, hilare, luminosum, seniotum, atque accumbentium conuiuatarum conditioni, & numero accommodatum: Et quoniam lectisternijs locus distinctus, & completus erat, eoquod veteres inclinati ad mensam cænarant, atque adeo accumbentes in lectis; idcirco ab eorum numero, Biclinium, Triclinium, *Quadrichinium*, &c. Conclauæ, vbi tandem lectisternia parabantur, denominabant. Verùm quia communis vsus (siue commodum, siue religio introduxerit) erat, vt tribus tantummodò lectis sterneretur, qui essent capaces plurium

conuiuatarum, omnibus promiscuè Triclinij nomen mansit, etiamsi vnus tantum ad mensam accumberet, aut vnus, vel plures, vltra tres lecti in Cœnaculis adhiberentur, vt notat Seruius in Aeneid. lib. 1. Cæterum Biclinij mentio frequens est apud Plautum. Sed vide quæ dicemus in V. *Triclinium*.

**BIFFAE** Machinæ erat Lichobotæ trecentis ab hinc annis maxime vsitatæ; quarum descriptionem satis exactam inuenio apud Aegidium Roman. in lib. de Regim. Princip. 3. parte, lib. 3. cap. 18. in hæc verba: *Aliud genus Machinarum habet contrapondus mobiliter adharens circa flagellum, vel circa virgam ipsius Machina, vertens se circa huiusmodi virgam. Et hoc genus Machina Romani pugnatores appellauerunt Biffam. Fortè eadem, quæ alias Briccola, de qua infra.*

**BIFORVM**, in arte Architectonica dicitur Ostium, quod binis foribus clauditur. Sicut **Quadriforum**, quod quatuor fores habet ad elegantiam, & maiorem commoditatem. Nostrates vniuersaliter appellant *Porte spezzate*: siue etiam *Le Partite delle Porte*. De vtrique mentionem facit Vitruu. de quibus ritè aptandis, vtilia præcepta tradit lib. 4. cap. 6. Vbi Barbarus notat Bifores, & quadrifores portas intelligi non omnino seiunctas, & singulas suis cardinibus inherentes, sed eas, quæ vnâ, aut duas flexuras haberent; hoc est totidem partibus ab se distinctis, sed tamen inter se connexis constarent; itaut leui negotio explicari, & contrahi pro libito possent: ne aliâs, si integræ, & exportectæ relinquerentur, operis symmetriam, & internæ domus liberio rem prospectum turbaret. Ad quod facit illud Ouid. 2. de Ponto.

*Bifores intrabat Luna fenestras.*

**BILANX** notum, ac triuium, quod manibus omnium teritur, instrumentum, ad æstimanda pondera factum; à bina lance, quæ hinc inde pender à trutina, denominatum. De eius ratione fusè agit Philosophus in Mechan. quæst. 20. Cuius virtutem positam esse, inquit, in æquilibrio, quod signat lingula, seu examen in medio scapi constitutum, quod Græcè dicitur *Canon*, quoniam ratio est sistendi ponderis ad æquilibrium: & si quidem æqua sint pondera, lingula in medio ansæ persistit inmotâ; atque indifferens, neque ad dexteram neque ad sinistram declinans; sin autem ad vnâ partem vergit, indicio est, illud pondus aduerso ponderosius esse, tantòque plus excedere, quantò profundius inclinatur. Huic affinis est *Statera*, quæ ex vna parte scapi, quæ per ansam separatur ab alia,

ha-

habet lancem, seu pro lance vncum, cui appenditur pondus, cui in proximo est axiculus diuidens ac suscipiens in extremitatibus ansam, quæ scapum eleuat ad librandum: reliquum verò scapi, quod est protensus lineolis, seu denticulis interdistinguitur, numeris librarum, & partium, quot vnaquæque res ponderanda pendet, correspondentibus, & ibidem signatis, per quod proinde liberum *Sacoma*, seu æquipondium (*Romanum* nostri nominant) excurret, & vbi tandem sistit in æquilibrio, signum est tanti pendere pondus appositum, quantum numerus denticulorum prætercursorum demonstrat. Sed de hac fusiùs suo loco,

**32** BINOMIVM appellant Geometræ quantitatem illam siue lineam irrationalem, quæ resultat ex binis nominibus, hoc est ex duabus quantitatibus simul acceptis, quæ seorsim sunt in seipsis rationales, ideoque saltem potentia, seu in suis Quadratis commensurabiles. Quæ de re fusè Euclid. lib. 10. Algebrici tanien ad maiorem distinctionem, absolutè omnes numeros irracionales constantes duabus particulis, & signo  $\pm$ . indicante nexum inter eas, vocant Binomia: sicut econtrà omnes irracionales abscissas, seu quæ ex rationali in plures partes dissecta, supersunt nulli rationali commensurabiles, appellant Apotomas. Porro sex Binomiorum, atque Apotomiarum species distinguit Euclides. Tres, quas vocat priores, quando videlicet Quadratum maioris nominis (sic nominat maiorem portionem quantitatis, quæ utique sit cum alia, saltem potentia, commensurabilis) ad excessum minoris supra quadratum, est ut numerus quadratus ad alium numerum quadratum. Tres verò species posteriores sunt, quando quadratum maioris nominis ad dictum excessum, non est ut numerus quadratus ad alium numerum quadratum; id quod in singulis speciebus tripliciter etiam euenire potest, ut exemplis probat Euclides & commonstrant adhuc luculentius eius Commentatores, Commandinus, Clavius, & nouissimè Vitalis Iordanus à proposit. 48. vsque ad finem.

Extractio autem Radicum ex Binomijs atque Apotomis, hoc modo fit. Primò accipe differentiam quadratorum vtriusque nominis, & ex vtraque extrahe radicem quadratam. Secundò radicem inuentam adde maiori nomini, ac deinde ab illo conflato similiter subtrahere. Tertiò, radicem quadratam semissis illius summæ iunge radici quadratæ semissis illius relictæ per signum coniunctionis  $\pm$ . si propositum sit Binomium, vel abscinde per signum  $-$ , & habebis residuum, seu quæsitam Apotomen. Sed de hac re enucleatius in V. *Apotome*.

**BLINDES** in re militati vocantur opera quædam in genere Vinearum, quæ sunt ex lignis, ramalibus, & cannis palustribus simul dispositis & contextis. Quæ potissimum apponuntur ad suggestus tormentorum, tum ad hæc hostibus occultanda, tum ad milites, libratoresque simul tegendos. Sæpè etiam adhibentur ad opplendos hiatus in vallo ab hostibus apertos, atque ad reparandas loricarum ruinas: & in summa semper in manu sunt, ac præsto oportet esse ad reparandas scissuras, & ruinas, quæ ubique & quomodo libet sunt, quotiescumque alia via non suppetit, ac non permittit tempus, loca infracta & conquassata, firmitus communire, ut sæpe evenit in subitis aggressionibus, quæ arripiuntur ab hostibus hinc inde, siue in Arcibus, siue in Castris. Nouum, ac salutare sanè inuentum à Gallis excogitatum, & primò inuectum, ad occurrendum subitis casibus, qui cunctationem, & firmiorem operam non admittunt. Quod ideo, ut dixi, ab inferentibus æquè, ac sustinentibus bellum, semper parata, & continuò ad manus haberi conuenit.

B O

**BOLIDES** olim dici consueuerunt certa missilia ad modum hastæ, telum & ignem circumferentia, quæ apud Veteres maxime in usu erant, (nec tamen hodie usquequaque in consuetudinibus, præsertim à Gallis intermissa,) uti mihi in quibusdam Armentariis videre licuit. Hæc habent in medio speciem quandam coli muliebris ad recipiendam nitrata stupam, & alia ignis conceptacula, in apice verò peracutum spiculum. Igitur ei aculatæ igneque admoto, eoque per motum accenso, rapidiore cursu ferebantur ad naues, ligneas turres, vineas, & alia id genus, ad quæ directæ erant, iisque adeò tenaciter adhærebant, ut tandem conflagentes flammam in adiecta transmitterent, & magnum incendium excitarent. Sed de his clariùs suo loco in V. *Phalarica*.

**BOLIS** etiam, in re nauigatoria dicitur plumbum, seu perpendiculum, quo Nautæ in incerto positi, maris altitudinem explorant, ut Sirtes, voragines, & alia incommoda euitent. De qua re fusè alibi.

**BOMBÆ**, grosso quidem vocabulo, sed satis ad rem explicandam idoneo, vocantur ab Machinatoribus bellicis, ænei quidam globi non ita pridem inuenti, qui intus, & nitrato puluere, plumbeis globulis, lapillis, clauis & catenarum fragmentis oppleri, è mortarijs, (Carcaffas vocant,) vi similiter accensi pulueris, &



libramento facto, in altum attolluntur, vbi, admoto priùs ad funiculum igne, ad latentem intùs materiam sensim, & dato tempore processuro, in obsessam urbem, vel hostium munimenta cadunt, ac mox igne angustiarum impatiente, magno impetu, & fragore (ex quo nomen accepere) disrupti, latentem pestem, & ipsa eorum frustra, hàc illàc furiosè circumferunt, & quò isthàc peruenerint, magnam cladem & irreparabile excidium important. Sed militaris solertia, & acumen id etiam adinuenit, vt hisce machinamentis, non tam in ruinam, & inferendam hostibus perniciem vterentur, quam ad proprium commodum, & ad importandam socijs annonam, nitratum puluerem, & alia minutiora, quibus ad sustinendam obsidionem, maximè opus habent: & quando non aliud, salubriora consilia in litteris consignata, quibus certiores fiant, in quo statu res sit, & qua ratione, aut fortiter resistendum, aut cum hoste ad deditionem æquis conditionibus paciscendum. Id quod semper cum prospero euentu accidit, absque eo quod ab aduersarijs impediri, aut intercipi possit. Adeò ad summum perfectionis apicem euecta est, mathematicarum scientiarum subsidio militaris ars, vt quæ aliàs in damnum & exterminium inimicorum facta sunt, etiam in proprium commodum, & sociorum leuamen vertantur. Pari etiam ratione

36. BOMBARDA exterminatorium verè tormentum, nomen accepit à bombo, à strepitu, & fragore, quem in explosione sua edit, adeò vehementi, vt & turres tremere faciat & aues exanimatas, vel stupidas in terram decidere. Tartareum sanè inuentum ex orco potius, quàm ex humano, Germani cuiusdam ingenio proditum, ad naturæ humanique generis exterminium. Eo nomine veniunt omnes huiusmodi machinæ fulminatorix, tam maiores quæ ad quatienda mœnia adhibentur, & pro sui magnitudine, & ponderositate curribus aduehuntur, & vocantur Cannones, Colubrinæ, Artillarix, Basiliscæ, Mortaria, quæ applicantur ad portas, Falconetti breuiores, &c. quàm minores, quæ manibus gestantur ad feras hominesque, eminus iaculandos, & occidendos; quarum alix habent tubum, oblongum, vt Sclopi, Mosqueti, Arcobusij, alix breues, quas vocamus Terzettas Pistolas &c. & hæ omnes præparantur ad opus pulvere nitrato, ad certam portionem, & pilâ ferrea, vel plumbea quæ fortiter detrusa penetrat vbi impingit, vulnus infert, & plagam sæpè mortalem & irreparabilem facit, quod ideò vt ad scopum collineet, debet proportionari tormento à quo eiâculatur (quemadmodum de Catapulta diximus, ac Ballista) itaut tantum pondo sit, quantum tormenti qualitas patitur, orique eius respondeat. Vbi  
benè



benè stipata adiecta stupa, vel macerata charta, mox vt leuiter ignis admoveatur paruo foramini, quod ad internam tubi cauitatem responderet, incendit puluerem ibi clausum, qui conuersus in flammam, tanta vi se dilatare connititur, atque impactam pilam detrudit, tanto impetu & fragore compulsum, vt vix violentius agant fulmina, & tonitrua, quæ è dilaceratis nubibus erumpunt, ac turres, & montium cacumina impetunt, & collidunt. Sed audiamus pulchram huius machinamenti descriptionem apud Philippum Camerarium in Meditationibus Historicis, Centur. 4. cap. 18. à Stephano Forcatulo eius auctore depromptam. *Germanis, inquit, trihuitur inuentum machina expugnatricis, globos igneos eiaculantis impulsu incensi pulueris, tonitru quoddam terrestre simulantis: nisi quod non tantum terret, vt tonitru, sed etiam perimit, conuellit, destruit: Aded nil pestilentius Urbibus est obsessis, vel salutaris, dum obsidentes arcentur, & missilis ignis regeritur. Quid enim boni Natura dedit hominibus sine aliquo malo? Duo præcipue elementa, ignis & aqua, hoc patefaciunt, quibus vita maxime sonetur, & maxime perditur, absorptis vrbibus, nedum hominibus; quibus etiam constat exitialis ille puluis, concinnato nitro, sulphure, aqua vitali, & quod caput est, saligno carbone. Et paucis interiectis: Verisimile est, subdit, Deum singulari quodam iudicio fuisse tam perniciosum tormentum recenter reperi; idque à Christiano homine; vt mutuo terrore affecti mortales, nec viribus confidentes, facilius alerent concordiam, & bella detestarentur, incerti, & mortiferi ictus timentes aleam. Sedet de eius prima inuentione, hæc habet Polydor. Virgilius lib. 2. cap. 6. Fertur homo ad exitium humanum natus seruasse aliquando domi in Mortario puluerem sulphureum, cuiusdam medicina facienda causa, illudque texisse lapide; ac inde contigisse, vt dum ignem è silice propè excuteret, scintilla intrò inciderit, subitoque flamma eruperit, atque lapidem in altum tulerit. Et illum eius rei casu edoctum, postea facta ferrea fistula, & puluere confecto, machinam reperiisse. Et hoc quidem fuit primum pyrij pulueris rudimentum, & machinarum postea ænearum adumbratio, quam contigisse, memorant anno Domini M.CCCXXX. Quarum artificium, vsumque edocti Veneti, in memorabili illo cum Genuensibus bello, ad Fossas Clodias facile hostes, alioqui victorijs insolentes, rei nouitate territos, & circumuentos vicerunt: indeque rescita ratione conficiendi, & probè vtendi huiusmodi machinamenti; reiectis, & contemptis antiquioribus, promiscuè adhiberi cæperunt. Licet nonnulli ad anteriora tempora referant, vt videre est in Theatro Vitæ Humanæ V. Bombarda. Et alioqui Crantzius in Histor. Vvandal. apertè scribit Christophorum Danorum Regem, sub anno Domini M.CCLXXX. idu Bom-*

37

bardæ sublatum . Item qui de Rebus Sinicis Commentaria edidere , testantur apud illas gentes Bombardarum usum ; earumque multiplicem formam , & magnitudinem ; longo antequam in Europa noscerentur , inclaruisse . Vt ut sit ; illud cum eruditissimo Nau-  
dæo existimauerim , quod quum in Artis æquæ ac Naturæ operibus ab exiguis , & rudibus principijs , ad maiora , & perfectiora sensim , deueniatur ; ita & in his machinis euenisse , ut primò rudes , & informes , mox perfectiores , & perfectiores , ex humani ingenij acumine , & Mathematicarum artium penù identidem prodijssè , ut iam ad istam & ultimam perfectionem peruenierint .

- 38 . Nam ex Optica , easdem ad scopum collimandi peritia ; ab Geometria , congruas locorum distantias mensurandi , & colligendi ; Ex Statica , potentiæ obtrudentis vim , cum globorum pondete conferendi ratio comperitur ; ex Arithmetica , ad longitudinem tubi quantum pulueris admittere queat vnumquodque tormentum , ut iustum ictum faciat , quantumque pondo pilam patiatur , calculatione digoscitur . Ab Architectura demum desumitur ratio ijs prouidè occurrendi , ad frustrandos , aut leniendos ictus , excitatis aggeribus propugnaculis , vallis , antemuralibus , prætenturis &c. Atque ex eo in tantam claritudinem Ars militaris euecta est , ut antiquorum munimenta , cèu pueriles ludos derideat , hastas , fundas , arietes ; scorpiones , & alia id genus contempserit , & missa faceret ; nouamque inierit bellandi rationem , in qua minus quidem elucet roboris , & fortitudinis , sed longè plus ingenij , dexteritatis , & artis : ita ut omnem humanum captum transcendere videatur , quàm appositè omnia in finem cedant , quam peritè machinarum istarum libratores eas dirigant , & attemperent , ad duo ; vel tria etiam milliaria , ut in caput hominis directus globus ad vnguem cadat , & quod magis mirere , in ipsas hostiles machinas ; ac tormenta tam directè , tam exquisitè globi ciaculentur , ut in eorum orificia , rarò fallente ictu , sese immittant , internaue cavitati se potenter obtrudant , tam valideque adhæreant , ut penè agglutinentur , acproinde , nulla vi , nulla arte , inde diuelli possint , absque fracturæ discrimine : quò fit , ut inutilis postea eiusmodi machinæ inimicis reddantur , impedimento potius , & nulli vsui accommodatæ . Cuius arcani rationem ex intimis Philosophiæ , & Mathematicæ , sibi mutuò manus dantium , penetrabilibus erutam , uti & circà modum onerandi , librandi , explodendique tormenta , huiusmodi subtilitates adhuc inuentas , & in dies magis , ac magis inueniendas , lege in Thaumaturgo Mathematico à problem. 91 . & ex professo , in lib. cui titulus *Les Travaux de Mars* . à Mallet nobili Gallo , Lusitanix Regis Armorum Præfecto , non ità pridem in lucem edito .


**BOMISCOS** græcè appellat Pappus Alexandrinus; genus quoddam Porismatis ab se demonstrati lib. 7. Collect. Mathem. propos. 34. in quo positus ex vna parte duabus parallelis iacentibus, & transuersis; & ex altera; duabus itidem eiusmodi parallelis, ad prædictarum singulas inclinatis; ostendit, necessariò sequi, ex aduerso ductas alias similiter inclinatas, fore similiter parallelas. Quod ideò peculiari nomine, Bomiscos placuit præsignare, quia (vt ait Comandinus interpres, in dictum locum) *Parui alteras imaginem referat*. Sunt qui hanc figuram appellant Cuncolum, vel Sphæniscum; de qua suo loco. Videbis figuram, & desuper factam demonstrationem, loco citato.

39

**BORISTHENES**, seu, vt habet Ptolemæus in Geographia; *Borasthenes* aut *Borysthenes* fluuius olim Scythiæ, nunc Sarmatiæ Europæ, celeberrimus secundum Istrum, omnium planè quotquot Orbis terrarum enumerat, maximus, & longissimus, ad sexcenta stadia nauigabilis, ac totas fere Septentrionales regiones circumiens, latè permeans, & complexens, ideoque speciali nota dignus, vt non eum cæteris, iniurioso silentio obuoluatur. Is inter alia mirabilia, id habet (vt refert Strabo) quod in ostio vnde emergit, ingens vis salis enascitur; & tamen aquas habet dulcissimas, & pisces producit singulares, & varios, gustuique sapidissimos, in quibus nulla intus occurrat spina. Ab Incolis Neper dictus. Ortum habet à montibus Venedicis in Russia, non longe à Moskoa Metropoli, iuxta pagum ab eo Dnepersko, denominatum, sub longitud. grad. 52. latit. 53. ac longo tractu incedens, diuidit Russiam à Lithuania, atque adeò plures Ciuitates & Oppida alluit, sua nauigatione communicabilem reddit, & circumductis mercimonijs ditat. Tandem ad Pontum Euxinum se exonerat, tam vasto aluco, vt procul aspicientibus, freti formam exhibeat. Labitur autem flexuoso cursu; primò quidem vergens ad Meridiem; tùm flectitur ad Ortum, Smoleskum, & alia non ignobilia Oppida stringens. Inde rursus ad meridiem se conuertit, Kiouiam Russiæ olim Metropolim, Circassorumque oras lambens, ac simul sæcundans: ac tandem per campestria deserta fluens Oczacouiam Tartarorum Percopensium Oppidum, XL. Milliarijs à Circassis distans, attingit, & vt dixi, in Mare Ponticum finit, medius inter Affianum, & Hypanem fluuios Sarmatiæ celebres, sub cleuat. poli gr. 49. ac longitud. gr. 58. Eius nauigatio plurimum commodi affert, non modò regionibus quas abluit, sed & finitimis, aliàs desertis, & nimio frigoris rigore squalentibus ac sterilibus.

40

BOS.

- 41 BOSPHORVS, seu vt alij rectius scribunt, *Bosporus*, iam modò apud Geographos indifferenter audiunt quæcumque maris angustia inter duas continentes positæ. Originariè tamen, primariò & absolute eo nomine intelligitur Hellesponticum Fretum, quod Os Bizanthiacum vocant, eo quod Bizantio proximum sit, & per quod Pontus Euxinus, dictus Mare Nigrum, cum Aegæo Mari albo communicat, indeque in Mediterraneum illabitur. Nos vulgo vocamus *Lo Stretto di Costantinopoli*. Cæterum Bosporus dictus est græcè quasi *Bovis transitus*. Perhibent enim Fabulæ, Iolem Virginem in bouem à Iunone mutatam è Thraciæ sinibus in oppositum Asiæ litus, per hanc maris angustiam transiisse; ideoque ex hoc transitu, Fretum tale nomen sortitum esse. Porro Bosphori nomen æquè alteri celeberrimo Fretò inditum mansit; idque non tam ob similitudinem, quam ad æmulationem, qui ad distinctionem, Bosphorus Cimmerius dictus est, ille vero Thracius. Et Cimmerius quidem appellat strictum illum sinum, per quem Mæotica Palus ex altera parte, Euxino se iungit: atque duobus hisce celeberrimis Bosphoris Europa per longum ab Asia separatur; itaut ipsi simul, & Tanais amnis sint eius diuisionis limites distantes ab inuicem milliarijs quingentis. Ex his duobus, Cimmerius latior est, nam vbi se magis coarctat, excedit milliare Germanicum, hoc est quinque ad minus è nostris. Thracius autem ad Gallipolim adeò angustus est, vt canum latratus, & gallorum cantus, ab vna in altera ripa exaudiatur. Ad fauces verò, vbi Sestum, & Abydum Oppida, hinc inde Veteres in limite constituerunt; nunc sunt duæ municissimæ Arces à Turcis excitæ ac sedula vigilantia custoditæ in vnus milliarij distantia, quas *Dardanellos* nuncupant. Sed & Ostium istud ponte clausisse Xersem Persarum, ac Medorum Regem, ferunt Historici: qui tamen pons ob maris æstum non diu fuit durabilis. Porro hi duo Bosphori magno sunt
- 42  Turcis commodo, atque vtilitati, suntque Constantinopolitanæ vbi duo veluti vbera, salus & incrementum. Namque duo opposita, & seiuncta maria vniunt, ac breui tramite adinuicem sibi permeabilia faciunt: ex quo hinc cum tota Asia, inde cum Africa, ac reliquo tractu Europæ commune commercium perquam facile, & lucrosissimum aperitur. Ob id immensæ opes Turcarum Tyranno, & Regiæ vrbi quotidie accrescunt, mercibus, tributis, copijs, vndique è tam vasti corporis membris, ceu ad cor, assidue confluentibus, & iterum tanquam circulator sanguis, è corde ad membra iugiter remeantibus. Sed si conferuntur simul commoda, & incommoda, non minor sollicitudo, & cura Turcas vrit in ijs custodiendis, & eorum liberum

berum commeatum ab insidiantibus hostibus asserendum, & contutandum. Quandoquidem eadem felicitate Arces occupari possunt, ac transitus intercludi, quàm manet apertus: idque haud magna parata Classe quæ ad fauces stataria sit, quæ accessum prohibent atque vltro citroque remeantes naues, aut intercipere, aut in fundum demergere: vti non semel audiuius factitatum proximis annis à Venetorum Classe, dum fureret Creticum bellum: adeò vt, si auxiliares copiarum opem ferentes in tempore accessissent, quò Venetis aliunde benè protectis, stationem inibi diuturniorem figere datum fuisset, proculdubio ex his angustiis in vltimas angustias reductum foret Othomanum Imperium. Et, o vtinam hoc intelligerent Christiani Principes, vt federati simul, in rabidissimum hostem, Occidentis etiam Imperio inhiantem, insurgerent; profectò leui opera, hinc à mari vndique circumfesso, nauigationis vsu prohibito, illinc terrestri itinere ex Hungaria, & Polonia numerosus exercitus Urbem improuisus inuaderet, non fossa, non vallo, non arcibus communicam; vtique truculentissimæ, & insatiabilis bellum facili negotio, cornua infringere possent, ac fame hinc premente, commeatu præcluso, illinc ad portas hoste viso, Turcicum robur sanguine haud per venas meante, languesceret, inque vltimum exitum properaret. Nec res vacat exemplo: nam quandiu alter Bosphorus, nempe Cimmerius, in Christianorum Genuensium potestate fuit, haud ita viguit Turcarum potentia, nec vllos vnquam memorabiles progressus fecit: namque erat illis frænum ad os Theodosia Ciuitas in eius ostio ad Tauricæ Chersonesi limitem, portu & commercio nulli secunda, vbi & hosti transitus, & accessus omnino intercludatur, & amicis accurrentibus cum copijs, & commeatu, liber erat: At postquam Græcorum inuidia, & Principum Christianorum discordia, suppetias in tempore non ferentium, in manus Turcarum venit, Christianorum vires elanguere: mox dominium, & existimatio periit, amissa Græcia, portubusque omnibus, & arcibus quas in Oriente habebant, subito occupatis; & econtrà Turcarum Tartarorumque potentia ad summum euecta est. Hæc obiter, at sane non absone nec inutiliter dicta sint, ex occasione Bosphori Thracij, qui considerandus occurrit.

43

BOTONTINI, limitarij agrorum termini. Vide *Scorpiones*.

BR

BREVIARIVM, & BREVE, ab rei militaris Scriptoribus frequentissimè vsurpatur, accipiturque pro Albo, in quo stipendiarij milites inscribuntur, ad eorum computum in promptu habendum,

44

at-

atque ad præsidia, complendasque acies destinandos. Vnde Sueton. in Octauio dicit, quod *Fecit Breuiarium totius Imperij, quantum militum sub signis ubique esset.* Et Lampridius in Alexandro, *Milites, inquit, suos sic ubique sciuit, ut in cubiculo haberet Breues, & numerum, & tempora militantium.* Hinc Vegetius lib. 2. cap. 19. notat, quod ijs, qui militiæ nomen darent, in quibusdam, notarum peritia, calculandi, computandique usus exigitur. Et rationem reddens, subdit: *Totius enim Legionis ratio, siue obsequiorum, siue militarium numerorum; siue pecunia, quotidie ascribitur actis, maiore propè diligentia, quam res annonaria vel ciuilis polipticis annotatur: ut ne quis contrà institum prægrauetur, aut alicui præstetur immunitas, nomina eorum, quæ vices suas fecerunt, breuibus inseruntur: quando quis comæatum acceperit, vel quot dierum, annotatur in breuibus.* Hinc Breuiaria, Breues, & Breuia, in eadem significatione passim reperies in Iure Ciuili, & Iuris Consultis.

45

BREVISSIMA ab Geometris antonomasticè, atque, ut vno verbo exprimatur eius conditio, agnominatur linea recta, quantumuis alioqui longissima, & in infinitum protensa. Quia nimirum in comparatione aliarum quomodolibet flexarum, utputa Circularium, Conicarum, Conchilidum, Ciclicarum, &c. Semper breuior inuenitur, & absolute breuissima: hoc est, si ambæ diuidantur in partes, utique semper pauciores habere linea recta comperietur, quam quælibet linea curua, adeoque nulli illarum æquabilis. Quod ideo vel ex hoc capite, nonnulli, tum ex Philosophis, tum ex Mathematicis concludunt, practicam Circuli Quadraturam impossibilem esse, quoniam recta in nullo vnquam casu potest cum linea curua congruere, & conuenire. Nam si rectum vnquam foret commensurabile curuo, iam non esset rectum, sed indueret naturam, & conditionem curui: ut notauit etiam Aristoteles, 7. Physicor. textu 23. Porro hoc vocabulo sæpissime utitur Apollonius in Sectionibus Conicis.

46

BRICCOLAE machinæ sunt militares, quæ tempore Philippi Pulchri Francorum Regis, maxime in usu erant in oppugnationibus Urbium, antequam Bombardæ inuenirentur. Sed adhuc post illas inuentas, non subito has desuisse inuenio apud posteriores Historicos. Nam eas adhibuisse habemus Mahumethem II. Turcarum Principem in expugnatione Eubœæ, quibus prægrandia saxa & equorum cadauera in urbem immittere solitus erat, ut domos subuerteret, & simul, putrescentibus cadaveribus aërem inficeret, ac ciues tantis angustijs oppressos, ad deditionem angariaret: cum tamen tormentis  
ancis



zueis non parceret, sed illorum iugi explosione, mœnia impotenter subrueret, vt ei ex sententia cessit; nam per eorum ruinas apertoaditu, vrbeni furiosus inuadens, nullo negotio in duram seruitutem redegit. Sunt autem Briccolæ haud Ballistis dissimiles; quamquam Aegydius Columna tempore Philippi viuens, & Parisijs degens, sacrarum Litterarum Interpretes constitutus, atque idéo (vt coniectari licet,) eius rei ocularis testis, eas in diuerso genere fuisse autumat. Sic enim scribit in lib. De Regim. Princip. cap. 18. tertix partis, ab ouo rem exordiens. *Machina autem lapidaria, quasi ad quatuor genera reducuntur. Nam in omni tali Machina est dare aliquid trahens, & eleuans virgam machina, ad quam coniuncta est funda qua lapides iaciuntur. Huiusmodi autem eleuatio virgæ aliquando fit per contrapondus; aliquando autem non sufficit contrapondus, sed vltieris cum funibus eleuatur Virga machina, que eleuata iaciuntur lapides. Si autem per solum contrapondus fit huiusmodi proiectio; contrapondus illud, vel est fixum, vel est mobile, vel est compositum ex utroque. Quibus positis, si Machina contrapondus fixum habeat, eam Trabutum dicit fuisse à veteribus nominatam. Si verò mobile, Briccolam, quam alio nomine Bissam vocat ex Romanorum appellatione; & hanc dicit habere contrapondium mobiliter adharens circâ flagellum, vel circâ virgam ipsius machina: in quo consistere ait differentiam à Trabutio. Verum Hieronymus Magius accuratissimus harum rerum inuestigator, in Micellan. lib. 1. cap. 1. eas omninò cum Trabuchis confundit, testaturque aliquot eiusmodi machinamenta adhuc extantia, vidisse clarissimum virum Thomam Contarenum Venetarum Copiarum ductorem, dum Alexandriæ Aegypti sisteret, hyemandi gratia, atque ex eius ore accepisse. Vt vt sit, certum est huiusmodi Machinas, quales, quales ille extiterint, non subito cessasse ad bombardarum aduentum, eoquod, & certior erat effectus, minor impensa, expeditiorque vsus, & adportatio in bellico apparatu. Vnde addit: *Briccolas ex editioribus locis, turribus, que ipsis saxa ciaculari consueuissent. Cum tamen tormenta muralia, ex nimia ponderositate difficilia sint ad comportandum, & non nisi ex imo, aut è suggestibus explodantur. Ad quam rem allegat prædictus Author Ius municipale Florentinorum, quo cauetur, ne ciues priuati Briccolas in suis turribus habeant. Manifestissimum argumentum, eas leuioris negotij esse, & domestici vsus.**

B V

BUCCINA militare Instrumentum ad arma milites prouocans, & suo grato clangore, bellantibus animos quodammodo addens. Est enim canorum instrumentum ex ære retorto, vnde & Buccinatores;

Q

&

& Aeneatores sunt dicti Classicum canunt, & milites ad conferendas manus accendunt, id quod expressit Poëta Aeneid. 6.

*Aere ciere viros, Martemque accendere cantu.*

Differt à Tuba, quod hæc, inquit Veget. lib. 3. cap. 5. *directa est; Buccina, qua in semetipsam aere circulo flectitur. Quamquam alij, inter quos Lucanus tubam ex ære recuruo compactam dicunt. Sic ille lib. 1.*

*Quos ære recuruo, Stridentes acuere Tuba.*

Attamen vniuersalior tubæ nomen, & vsus est, ac non tam in bello, quàm in pacis operibus, festis nempe acclamationibus, triumphis, ac ludis equestribus continuè adhibetur. Atque in præliis tum ad arma vocat, tum receptui sonat, tum milites docet, quomodo fugientem hostem insequi debeant, aut finire inultum abire. Buccina verò solum pugnam adornat, ac bellatores ad fortiter agendum inflammat. Sed id officij, militaris artis magister Vegetius, æque Buccinatoribus, Cornicinis, ac Tubicinis tribuit lib. 2. cap. 7. *Qui vel tuba, inquit, vel ære curuo, vel buccina committere prælium solent.* Ni fortè in Tubicinis nomine fiat æquiuocatio, immutata literula in Tibicine, quod nomen, aliud diuersum sonat, ac tibiæ inflatorem, quæ vtiq; longe distat à tuba. Siquidem illa rusticale instrumentum est, oblongum, ac teres variisque foraminibus perforatum, quod digitis in oculis modo pressum, modo patens relictum, atque ore inflatum, gratam, & variam efficit symphoniam: & quoniam olim ex tibijs aridis gruum confectum erat, tibiæ nomen obtinuit. At Tuba æreum instrumentum est, subtilius, & incuruum, grane sonans, atque adeo ad bellum magis accommodum, quo equi pariter, ac milites animantur ad pugnam. Vnde Cicero ad Herennium, *In concione, inquit, de virtute loqueris, in prælio per ignauiam tubæ sonitum perferre non potes.* Est & Lituus, auctor, Festo, Buccinæ species, gracilem formam, & sonum habens, quod etiam ad bellum erat, & est etiam nūm incitamentum, vnde Ouid. Fastor. 3.

*Iam lituus Pugna signa daturus erat.*

Forte idem est, ac quod ab Gallis vocatur *Cleron* à nostris autem *Fischietto*.

- 48 BVCVLA apud viros militares supponit pro illa parte Cassidis quæ circa os est, per quam respirat armatus: quamuis ego non irrationabiliter ipsam Cassidem signatè Buculan dixi, non quidem, quæ denotat totum capitis integumentum, (hoc enim propriè Galea dicitur), sed ea pars, quæ nunc inducitur ad os, nunc su-

suprà frontem erigitur, ad liberaliter respirandum aperto penitus ore. Consonat Cassidis nomen à Cassa profectum, quod retē interpretatur: etenim ipsa pars galeæ, quæ ori adiouetur alias mobilis, verè cassā est, & reticulata, vt per eam respirare queat bellator ori superinductam, dum actū pugnat, & cum cessauerit concertatio, eam protinùs eleuat ad aurā excipiendam, ac libere prospectandum. Vnde aliqui apud Stevech. Supremam galeæ partem esse volunt, quæ galeæ obducta superimponitur, in eaque cristæ & plumæ figuntur, quæ bellatores indicant, & sunt militaris virtutis insigne, & ornamentum. Accedit, & Nostratium nomenclatura, qua partem hanc *Elmetrum* vocant quasi paruum elmu, maiori impositum, quod Elmu dicunt. *Bucula* autem non incongrue nominatur, quasi parua bucca, quæ buccam tegit, eique, apertis rimis respondet. Hæc pro meo modulo; nam nolim nouum quid, & hæc inauditum in medium ferre.

Cæterum *Bucculæ* nomine vititur Vitruu. lib. 10. cap. 15. ad significandum orificium Canalis, in quem immittitur telum in Catapulta: ita tamen, vt eo veniant tantum regulæ, seu ferreæ laminæ, quæ arcum tendunt, ac dextrā, sinistraque ad canalos infiguntur. Ita enim loquitur. *Regularum, quas nonnulli bucculas appellant quæ dextrā ac sinistrā canalem figuntur, foraminum XIX. &c.* Et infra: *affiguntur regulae duæ, in quas inditur fucula, habens longitud. foraminum trium, latitudinem dimidium foraminis: crassitudo buccula quæ affigitur vocatur Camillus.* Verum quid sibi velit hic author in tam subtili, & nihilominus obscurissima Catapultæ descriptione, non satis constat, cum nec exemplum, vt solet, adducat, nec dictum coherat cum præceptis, & schematibus ab Herone, Lipsio, & Stevechio, ex antiquis monumentis depromptis, & ad spectandum exhibitis. Vnde nil mirum est, si Interpretes in hunc locum impingentes, silent. Quin & Barbarus ingenuè fatetur, sibi adhuc explicandum, opus esse dextrice Dei manu: ac tandem desperans dicit se, quouis conatu adhibito, semper magis implicitum, & nunquam potuisse collimare ad verum.

\*\*\*



## CA

CABALA. Vide KABALA.

I



ALATHOIDES figura apud Opticos appellatur umbra, quæ proijcitur à corpore opaco ex interuentu alterius corporis luminosi, quod sit illo minus, atque in illud rectâ radios mittat: tunc quippè ipsum corpus opacum in aduersum maiorem umbram spargit; quæ, quò magis ab eo defleuit, & elongatur, eò maior euadit, sed rarior; quoadusque sensim attenuata ab aëre ambiente, qui aliqua luce aliunde participata præditus est, dissipetur, ac penitus euanescat: longè diuersa habitudine, quâ procedit umbra, transmissa à corpore item opaco, sed quod minus sit corpore luminoso eidem obuerso, quæ semper minuitur, quoadusque terminetur in conum, seu pyramidem; semper tamen magis, ac magis intensa, & hæc dicitur *Conoides*. Hanc autem, de qua in præsentî loquimur, idèò Calathoidem appellauere, quia in formam calathi cuiusdam abit; cuius basis ipsi corpori adhareat, à quo proijcitur. Id autem, qua ratione fiat, vide in *Vmbra*. Vbi etiam eius figuram exhibebimus.

2

CALATHVS, in Architectura dicitur interior pars, seu, vt nos communiter vocitamus, *Anima Capituli Columnæ Corinthiæ*, circum quam, ornamenti gratia, tanquam spontè surgentia insculpuntur Achanti folia, & clauiculi mollior curui, & sese demittentes ad pressuram abaci. Hæc autem pars à forma calathi nomen hausit, seu potius traxit originem, quoniam eius inuectio in Capitulum à Calathio sumpsit exordium. Rem narrat Vitruu. lib. 4. cap. 1. in hæc verba. *Virgo cuius Corinthia, iam matura nuptijs implicita morbo, decessit. Post sepulturam eius, quibus vina poculis delectabatur, nutrix collecta, & composita in calathio pertinuit ad monumentum, & in summo*

col-

collocavit. & ut ea permanerent diutius sub diuo, tegula textit. Is calathus fortuito supra acanthi radicem fuerat collocatus: Interim pondere pressa radix Achanti, media folia cauliculos circa vernum tempus profudit; cuius cauliculi secundum calathi latera crescentes, & ab angulis tegula ponderis necessitate expressi, flexuras in extremas partes volutarum facere sunt coacti. Tunc Callimachus, qui propter elegantiam, & subtilitatem artis marmorea, ab Atheniensibus Cathecnos, fuerat nominatus; prateriens hoc monumentum, animaduertit eum calathum, & circa foliorum nascentem tenuitatem; delectatusque genere, & forma nouitate, ad id exemplar Columnas apud Corinthios fecit; symmetriasque constituit; ex eoque in operum perfectionibus Corinthij generis distribuit rationes. Itaque Calathus iuit in corpus, seu substratum Capituli; Tegula, seu operculum, in Abachum: Achanti folia in ornamentum, & cauliculorum flexio in Volutas, Atque ex his exsurrexit æternum mansura forma, decus, & maiestas Capituli Corinthij, quam postea retinuit, & adauxit Ordo Compositus, & ex parte mutuati sunt alij etiam Ordines, vt suo loco dicemus.

**CANCER** in re bellica, dictus est aliquando, (teste Lipsio) 3  
Aries, siue alia, non multum absimilis, Machina oppugnatoria, quæ monia quatiebantur, ob quandam forte analogiam cum Cancro finiati, eoquod post impactam vim, identidem retrocederet. Eo præsertim agnoscine vitur Procopius lib. 1. & posteriore xuo, Chronicon Colmariense: nec nisi de Ariete potest intelligi quod ibi dicitur. Post hæc Cancerum ad Ciuitatem perduxerunt. Fuit autem Cancer instrumentum magnum, forte pariter, & ponderosum, in eo erat trabs magna pariter longa, in vna parte grossa, & in altera parte parua. In grossiore parte, siue in capite, fuit ferro forti circumdata, & in fronte ipsius Cancrī fortissimè colligata. De quâ, & similibus machinis, vide quæ abundè diximus in V. Aries.

**CANDELABRVM**, Militaribus Architectis est quoddam genus 4  
velaminis, seu munimenti tectorij, ex lignorum strue, vel ramalium fascibus, & intertextura factum, quod obici, & impedimento futurum esset hosti, ne obseruaret quæ intrò fierent, & machinarentur ad eius daunum. Alio nomine dici solet *Velamen*, sed à forma & modo, quo erectum per se manet; magis ei Candelabri cognomen congruit. In modernis obsidionibus maximè est in vsu; sed diuersimodè, prout diuersarum Nationum praxis fert, & loci opportunitas postulat. De eius vtilitate, compositione, forma, & erigendi modo, consule librum Gallicè scriptum, cui titulus *Le*

*Tranaux de Mars.* Vbi eiusmodi machinamenta bellica, eorumque  
vsum perbellè descripta, ac delineata videbis.

5 CANON græcè idem quod Regula, Norma, Libella: estque  
Instrumentum, quo Geometrar, Architecti, & Mechanici sua opera  
dirigunt, quantitatesque inuicem comparant, componunt, adz-  
quant, ac metiuntur. De qua re alibi. Sed adhuc aliquid amplius,  
ac nobilius sonat Canon: nam transcendit etiam ad res non quan-  
tas, & insensibiles, easque ad rectam vtrunque, siue morum disci-  
plinam, siue Scientiarum comparisonem ordinat, ac perfectè in-  
format. Vnde in Mathematicis præsertim præceptis tradendis, qui-  
bus docemur Theoremata, & Problemata ritè construere, conclusio-  
nes deducere, principia applicare, &c. Canonum nomine insi-  
gniuntur: Et in Moralibus, Leges, & Instituta, quibus rectè vi-  
uendi forma Fidelibus traditur. toto Orbe Christiano seruanda,  
cùm à Sacrosanctis Concilijs Oecumenicis, tùm à Summis Pontifi-  
cibus, & scripto lata, vt perpetua sint, ideoque inserta in Corpore  
Iuris, *Canones* appellantur. Hinc *Canones Apostolorum* olim, & an-  
tonomasticè postmodùm *Sacri Canones* dicti sunt, vt præ alijs notat  
Isidor. lib. 6. cap. 16. Ad quam rem comprobandam, appositè ca-  
dit quod rescribit S. Leo Papa IV in Epist. ad Britanniar Episco-  
pos, cap. 6. *Quam ob causam, inquit, luculentius, & magna voce  
pronunciare non timeo, quia illa, que diximus, Sanctorum Patrum Sta-  
tuta, que apud nos Canones pratitulantur, siue sit Episcopus, siue Cleri-  
cus, siue Laicus, non indifferenter receperit; ipse se conuincit, nec Ca-  
tholicam, & Apostolicam fidem, nec Sancta vera Christi Evangelia qua-  
tuor, vtiliter & efficaciter, & ad effectum suum retinere, vel credere.  
Que omnes, & similes loquendi formulæ, per quandam analogiam,  
ad Canonem, & Normam Geometricam, vsurpantur.*

6 CANTERII in Architectura, apud Vitruuium dicuntur Ligna,  
quædam oblonga, à culmine ædificij ad extremam subgrundationem  
protensa. Nostrates Materiarij, inquit Baldus, *Caballos* appellant,  
nec ab re; pondera enim Templorum, & vniuersæ contignationis  
opus, quasi Caballi onus, supra se recipiunt, & fortiter sustinent,  
Quid, si & ipsi Caballi onerarij (ij præsertim quibus testes exacti sunt.)  
à Portio Catone, apud Philandrum in Notis ad cap. 2. lib. 4. Vitruu.  
Canterij singulariter appellantur? Sed & Plinius & Columella, in  
Agricultura, Canterios accipiunt pro simplici iugo Vineæ, vnde  
Canteriatas vocant vites; ad differentiam (subdit idem Philander,) *earum, quæ in longitudinem, & latitudinem iugata sunt, quæ compluuiar-*



ita dicuntur . Cæterum illæ trabecationes , quæ transtro , archarioque , & duobus Canterijs sustinentur , rectè ab Urbinatibus , eodem Baldo teste , ad distinctionem , *Biscanteriata* nominantur .

CAPITOLIVM , Prima , quæ visa est Romæ Arx , scè , vt alij <sup>7</sup> malunt , Primum Dijs positum Fatum , celebre semper toto Orbe fuit , cui documento esset , alia similia in suis Prouincijs erigendi , quæ , & ijs forent tutelare præsidium , & accolis ad pietatem incitamentum . Sed id nominis Romano singulariter , & antonomastice stetit , duratque in nobilissimo Aedificio , tametsi sæpius bellorum furore euerso , & subinde augustius restituto , auita Maiestas & nomen ; at non eadem forma , & vsus , qui pridem fuit . Et nunc quidem venerationi maxime est , quod in eo sedes Imperij , saltem ad specimen sita est , & Curia Senatus , Populique Romani dicta , vbi statim temporibus conueniunt ad ius dicendum , & sua ratiocinia ineunda . Quod vetustate iam pridem fatiscens , & magna ex parte dirutum , exacto sæculo , sedente Gregorio XIII. ad pristinae gloriæ retinendam memoriam , atque ad Urbis ornatum , restauratum veterumque fuit , nouis ædibus adiectis , ac statuis , alijsque veteris Architecturæ monumentis inter rudera repertis , cohonestatum , nouaque ac magnifica Campaniarum Turri , ad conuocandum populum , in medio ædificij superbius assurgente , condecoratum : Cui profectò hoc Elogium posuit

S. P. Q. R.

Capitolium præcipuè Ioui olim commendatum ;

Nunc Deo vero cunctorum bonorum Auctori ,

cum salute communi supplex tuendum tradit .

Anno post Salutis initium

M. D. LXVIII.

Huic ad complementum operis , & Maiestatem adaugendam , temporibus nostris , Innocentius X. alteram à sinistris addidit ædium alam ei , quæ à dextris pridem erat , aduersam , respondentem , & prorsus consimilem , relicta in medio amplissima area , ad Circularem , siue Ellipticam formam : cuius in centro eminet super excelsum Basim M. Aurelij Imp. Equestris Statua ex ære , quæ prius deaurata erat ,

erat, nobile artis opus, & antiquæ perfectionis insigne, quod tanti à Venetis, æquis rerum æstimatoribus (sic fama est,) habitum fuit, ut ad illud obtinendum, atque in suo magnificentissimo Senatus Foro locandum, tantumdem pondo auri obtulerint. Circà verò, & in ascensu, plurimæ è vario marmore antiquorum Heroum Statuæ prostant, ut ex eius introitu, & ascensu, ac per totam latissimam viam, quæ eidem subiecta est, iucundissimum latè spectaculum exhibeatur. Sed de his, alijsque loci prærogatiuis, videsis quæ non ita pridem collegit, vulgauitque Cl. vir Iustus Ricquius, in *Commentario de Romano Capitolio*: vbi quicquid memoria dignum, quicquid à Scriptoribus tam veteribus, quam recentioribus recensitum, aut præteritum fuit, amplexus est.

- 8 Nunc verò ad antiqui Capitolij considerationem, atque inditi nominis rationem, stylus est reuocandus. Quod ad rem attinet, humile illud quidem ab incunabulis fuit, ac ferè pastoritia casa, quam sibi Romulus à Pastore exceptus, & educatus, rudi opere architectauit, & ex cespite ac lignis struxit; quæ postea futura esset conceptæ vrbis prototypum, & firmissimum Propugnaculum. Ad quem finem & in excelso colle posuit, ad prospectum, ut incitamentum spectantibus esset ad sedem ibi figendam, urbemque exædificandam. Quod ut promptius faciliusque obtineret; in eo loco Asylum statuit, & confugium facinorosorum, qui alias in vicinis pagis, ob patrata crimina, tuti non essent. Ergò effossa terra pro fundamentis, inuentum est caput hominis, cui nomen *Olli*, inquit Arnobius; ex quo omen accepit, quod & Aruspicum responsis confirmatum est, electum locum, proindeque ipsam Romam, cui dedit exordium, Caput Urbium futurum esse, ac propterea ab inuento capite, *Capitolium* nuncupauit. Tum insurgentibus in ipsum Cæciensibus, partaque mox de illis victoria, spolijs occisi Ducis onustus, ea in Capitolium ouans detulit, designatoque inibi, ac Sacrato Ioui Fano, cui à ferendo spolia, *Feretrij* agnomen adiunxit, locum à Religione, ac spolijs feliciter comparatis, celebrem fecit, totique vicinæ timendum, ac venerandum. Verum quæ nimis prosperè cedunt, & gloriose assurgunt, in omnium semper oculis sunt, & inuidiæ exponuntur; inde insurrexere aduersus locum, Romulum & Romanos, omnium ferè gentium odia, contentiones, & bella, quibus sæpe Capitolium incensum, euersum, dirutumque; semper tamen è ruinis, & incendijs, gloriose emerfit, & pridem deiecto augustius est restitutum. Et primò quidem Tarquinius dictus superbus, qui fuit Regum postremus, id ipsum, quod ante ipsum Tarquinius Priscus ædificare iam cæperat, finiuit, & iactis amplissimo circuitu fundamen-
- tis

tis ædificium longè magnificentius excitauit, factis ex quadrato lapide substructionibus ad maiorem firmitudinem, & operis æternitatem. Porro in solis hisce substructionibus, quas *insanas ex senum iudicio* appellatas, perhibet Plinius lib. 36. cap. 15. tota auri pondo, quadraginta millia profusa fuisse, testis est Plutarcus in Publicola. Quid in superstructione, & corpore ipsius ædificij? Quid in ornatu, tecto, columnis, peristylis, statuisque, quæ solæ, Deorum omnium, vt ait Publius Victor, numerum exæquabant? Et in Tecto quidem, vt de alijs taceam, quod auratis xreis tegulis opertum erat, & infrà laquearia continebat auro gemmisque fulgentia, in solam inaurationem (inquit Plutarchus) priuatum omnem modum excedentes opes impensas, supra duodecim millia talentorum: hoc est, vt in moneta nostra computat Lipsius, supra septem milliones Coronatorum. Sed de reliquo ornatu, & amplitudine molis, audiamus Dionysium Halicarnasensem apud eundem Lipsium, sic discurrentem. *Situm est, inquit, in alta crepidine, habetque in ambitu octo iugera (hoc est octingentos pedes) sic, vt latera singula ducentorum ferè pedum sint, exigua latitudinis, & longitudinis differentia, nisi quod ista illam vincit vix pedibus quindecim. Qua parte frons eius meridiem spectat, triplici columnarum ordine circumcingitur; ab alijs lateribus, duplici.* Sed hæc dicta crediderim, non de Capitolio, quod Tarquinius ampliauit, post captam ab Gallis Vrbeni, neque de eo, quod postea Vespasianus ex integro restituit, & mox incendio absumptum, Titus filius ad eandem formam reposuit, & sacrauit; sed quod Domitianus huius successor ad hanc magnificentiam redegit anno à Christo nato 88. atque ab Vrbe condita, 839. quodque à Barbaris omni extrinsecus ornamento spoliatum, truncum, & inane spectaculum relicum fuit, pretiosis quibusque in suas prouincias asportatis; ex quibus miri operis columnas è marmore Panteliaco, se vidisse Athenis, testatur Plutarchus, oppidò deformatas, quas Architecturæ miracula nominat, eiusdemque deperditæ lachrimabilia Monumenta. Adèd semper non tam fortitudine, & nominis claritate, Roma, supra omnes Orbis Ciuitates, superbum extulit caput, & in suo Capitolio se ipsam vicit, ac de cæteris omni tempore triumphauit! vt non immeritò Orbis Miraculum apud Scriptores audierit Romanum hoc Capitolium, & reliquis septem, quæ censentur, admirabilius; quemadmodum affirmare non dubitat Ammianus quem testem proferi omni exceptione maiorem, Rhodiginus lib. 23. cap. 6. in hæc verba: *Inueni, inquit, qui Urbis Roma Capitolium hisce inseruerint miraculis: cuius excellentiam mirè effert Ammianus lib. 22. ubi ait, (commendans alias Serapidis Fannum) Serapium Alexandria, atrijs, & columnis amplissimis,*

ac spirantibus signorum figmentis, & reliqua operum multitudine; ut post Capitolium, quo se venerabilis Roma in aeternum extollit, nihil Orbis terrarum ambiciosius cerneret. Id quod non adulandi astu, neque imponendi posteris ambizioso affectu, dictum vult castigatissimus. Cassiodorus, qui rem expendens, & iura vtrinque discutiens, verissimè, ac iustissimè hæc pronunciat lib. 7. Variar. ep. 15. *Sed quis illa (Orbis Septem Miracula) ulterius precipua putabit, cum in una Roma tot stupenda conspexerit? Habuerunt honores, quia precesserunt tempore; & in rudi seculo quidquid emerisset novum, per ora hominum iure ferebatur eximium: Nunc autem potest esse veridicum, si uniuersa ROMA dicatur esse MIRACVLVM.*

**10** CAPITELLVM vulgò dicitur, quod à cultioris linguæ Architectis *Capitulum* nominatur, supremum videlicet Columnæ operimentum, quod eam complet, & veluti corona exornat, ac protegit: debet enim in summo habere quandam proportionem, & firmitudinem, cui Epistylum, ac tota moles ædificij inde exurgens, innitatur, & ad decorem respondeat. Porro quot sunt ordines Columnarum, tot sunt genera Capitellorum, quorum singula suas peculiare directiones habent, de quibus fusè in V. Columna.

**11** CAPITVLVM item nuncupatur in Belopæicis transuersarius ve-  
tis, seu trabs, quæ in Ballistis, & Catapultis, est cardo, & fir-  
mentum Organi; in qua duo, vel plura foramina extant, per quæ  
traijciuntur nerui intendentes, & laxantes brachia instrumenti ad  
recipiendos, & iaciendos lapides, ac sagittas. De hoc ritè aptando,  
agit Hero de Machinis bellicis, *Peritritam* appellans, hoc est Perfo-  
ratam, ab ipsis foraminibus deriuato vocabulo. Meminit eius etiam  
Vitruu. lib. 1. cap. 1. & lib. 10. cap. 17.

**12** CAPREOLI vocantur in Architectura, proclinata hincinde tigna  
in summitate ædificij, quæ Canterios sustinent: de quibus Vitruu.  
lib. 4. cap. 2. Sextus autem Pompeius vult esse trabes, quæ rectà à  
pariete, in parietem porriguntur, quas nos potiùs Catenas nomina-  
mus: de quibus alibi. Cæterum Vitruuius in alia longè diuersa si-  
gnificatione sumit Capreolos lib. 10. cap. 15. ubi loquens de basi,  
fulcroque Catapultæ, dicit, quod tres sunt in ea Capreoli, quorum  
longitudo foraminum nouem, latitudo dimidij foraminis sit. Quem  
locum expendens Turnebus, hæc habet. *Capreoli tigilla sunt fastigia-  
ta, & in columella suis capitibus nitentia, atque hinc inde firmantia, ne  
nutent, aut vacillent.*

CAPVT PORCINVM, militari licentia, ac festiuitate, ( accepto 13  
ex similitudine, & Castrensi immoratione vocabulo, ) appellata est  
pars illa exercitus in aciem explicati, quæ in cunei formam abit, &  
quodammodò Porci furentis speciem repræsentat. Hæc utique est,  
quæ prima hostem laceffit, prima animosè aggreditur, eiusque in-  
uertit, ac dissipat ordines. Cuius habitudinis, atque adeò adiecti  
nominis testimonium reddit Ammianus lib. 17. suæ Historiæ, hæc  
scribens, de nescio cuius temeritate, atque ignauia. *Cuius amentiam  
Exercitus ità ferre non potuit, eosque Imperatori acriter imminentes,  
desinente in angustum fronte (quem habitum Caput Porcinum simplici-  
tas militaris appellat, impetu dissecit ardenti. Qualis autem fuerit hu-  
ius agminis forma, & ordinatio, vide in V. Cuneus.*

CARCAMVSA, barbaro sanè, ridiculo, & satis grosso vocabu- 14  
lo, appellatum est, sequiori sæculo, ( nescimus qua ratione ) Belli-  
cum instrumentum, quod postea eruditissimus Lipsius opinatur  
Arietis, politiori, quidem, sed non aptiori nomine fuisse insignitum.  
Fortè, ut hic à forma, & modo impetendi mœnia, Aries; ita olim,  
ab sono horribili & obtuso, quem idem instrumentum ad opus ad-  
motum edebat, Carcamusa dictum est. In quem sensum videtur  
trahere eius nominis notionem Abbo Viennensis, in descriptione  
obsidionis Parisiorum; iungit enim nomenclaturas, & addit epi-  
thetum *Resonantes. Arietes*, inquit, *Carcamusas*, vulgò *resonatas*.  
Aptius, & grauius idipsum vocat Paulus Diaconus *Exterminato-  
rium instrumentum. Exterminatorio* ( ait lib. 17. *instrumento facto,  
quod Arietem vocant, Ciuitatem adeptus est. De eo abunde dictum  
in V. Ariet.*

CARCHESIVM in re Nautica audit trabs illa in medio Navigij 15  
erecta, vndique reuincta ferreis annulis; cætera à Malo non multum  
discrepans, sed in cuius superiori parte alia trabs ferreæ item sibilæ  
inserta in transuersum, agitur, itaut hinc inde in alterutram partem  
possit quàm facillimè inclinari. Eius imaginem expressam habemus  
in litteris græcis T. vel Ψ. Qua in re id aduertendum venit, quod  
Carchesium propriè non appellatur ipsum tignum erectum, seu ma-  
uis dicam, Malum; neque eidem impendens transuersa trabs, qua  
sursum onera eleuantur; sed quod Malo adiungitur, tanquam vestis,  
ut eo mediante superior trabs circumagi possit, aptarique ad onera  
accipienda, vel deponenda; quod. ideò versatiles Carchesios vocat  
Vitruuius, ubi de Machinis tractorijs agit, lib. 10. cap. 5. de quibus

inter alia, hæc dicit: *Alia erecta, alia plana in Carchesijs versatilibus collocata sint.* Et idipsum repetit cap. ultimo. Alij pro Carchesio ipsam summam Mali partem intelligi volunt; in qua speculatores consistunt, & Caueam communiter dicunt; nos autem Itali *Gabbiam*. Galenus autem in Comment. 5. de artic. vult verius funes summo malo applicitos, qui circumaguntur ad directionem navis, Carchesios nominari. De qua Controuersia, Vide Philandrum in notis ad cap. 5. & 8. Vitruu.

- 16 **CARTIBVS**, siue **CARTIBVLVM**, Latinum vocabulum est, inquit Cæsarianus, & eo sæpè utitur Vitruu. præsertim lib. 10. cap. 15. sed in aliquibus codicibus variat, nam alicubi habetur. *Trachelis Sicularum*, alibi *Carchebi*, & *Cartibi*. Vt ut sit de ratione, & varietate nominis; certè eo loco denotat mensam lapideam quadratam altera parte longiorem, uti vocem explicat Varro lib. 4. de Lingua Lat. At in Vitruu. aliud esse non possunt Carcheli, & Tracheli, quam ad eius similitudinem conformati asseres, mensulæ quæ in Catapulta (quam ibi ex professo describit) prouidè apponuntur ad continendum minores succulas, quæ deferuiunt ad attemperandam Machinam, modò eleuando, modò deprimendo: Cum enim ea ingens sit, & opus habeat magna vi ad extrudendos lapides, & longas hastas; haud facile manibus tractari posset, sine earum adminiculo; & ideo Trachelis, & fuculis armatur, ut agilius, & fortius exerat suam vim. Vide quæ habet in hac re Baldus in Lexico Vitruuiano, V. *Trachelos*.

- 17 **CARYATIDES**, celebre in Architectura nomen, & operis adiectio in elegantioribus ædificijs, quæ maiestatem ac decorem apporet, & memorandæ historiæ expressam habeat veritatem. Sunt enim Simulacra Mulierum, Columnarum & Parastatum loco, epistylijs, ac supercilijs ostiorum supposita, quæ ea fortiter sustentando, Caryatidum Matronarum speciem referant, & earum miseram seruitutem memoriæ quodammodo ingerere videantur. Factum perbellè describit Vitruuius in aditu sui operis de Architectura, ut eius profectorem moneat, debere esse in omnibus scientijs benè instructum, ac nedùm in Geometria, Optica, Arithmetica &c. sed & potissimum in Historia. Ait enim: *Historias autem plures nouisse oportet, quod multa ornamenta sæpè in operibus Architecti designent, de quibus argumentis, rationem, cur fecerint, quærentibus reddere debent. Quemadmodum, si quis Statuas marmoreas, mulieres stollatas, & quæ Caryatides dicuntur, pro columnis in opere statuerit, & insuper mutulos, & coronas*



nas collocauerit; percontantibus ita reddet rationem. Tum factum referens, subdit. *Carya* Ciuitas Peloponnesi, cum Persis hostibus contra Graciam consensit: postea Graci per victoriam gloriosè bello liberati, communi consilio *Caryatibus* bellum indixerunt. Itaque Oppido capto, viris interfectis, Ciuitate deleta, Matronas eorum in seruitutem abduxerunt; nec sunt passi stolas, neque ornatus matronales deponere, vti non vno triumpho ducerentur, sed aeterno seruitutis exemplo, graui contumelia pressæ, pœnas pendere viderentur pro Ciuitate. Ided, qui tunc Architecti fuerunt, adificijs publicis designauerunt earum imagines oneri seruando collocatas, vt etiam posteris nota pena peccati, *Caryatium* memoria traderetur. Hæc ille, Qui postea pergit referre, quomodo eadem, prorsus ratione, ex victoria ab Laconibus, Pausania duce, de Persis reportata; factum sit, vt exinde ad posterorum memoriani, Porticus Persica, ex manubijs ac spolijs captiuorum, in trophæum, & indicem victoriæ erigeretur, vbi Captiuorum simulacra barbarico ritu ornata, (superbia meritis contumelijs punita,) sustinentia tectum collocarentur.


Itaque eiusmodi inuenta, & statux, virorum quidem barbarico 18  
ornatu præsignium, fœminarum verò in Matronarum speciem demisso habitu, ac stolis circumamictarum, in præfatis historijs fundata sunt, à quibus originem traxere, & has *Caryatides*, illos *Telamones* Architecti nominauere. Cæterum ad hæc notat acutè Philander, ad horum imitationem Romanos, (nam facile est inuentis addere,) vt superbiùs ædificium surgeret, & rerum varietas opus redderet elegantius, Sphinges, & Saryros, & varia monstra, & quicquid noui ac peregrini, mens suggereret, effinxisse, ad inanitates implendas, vel onera sustentanda; prout in antiquis monumentis videre est, quæque apud Barbarum inuenies ad viuum delineata.

CASAMATTA, genus subterranei ædificij in Munitionibus. Vide in V. *Arx*, & in V. *Crypta caua*.

CASSIS, militare capitis integumentum est: quæ, quid propriè denotet, vide in V. *Buccula*.

CASSIDES etiam in Architectura militari, sunt quædam munimenta parua, & accessoria, in genere prætenturarum, quæ ad regimen propugnaculorum vt plurimum vsurpantur, ducta in speciem, Lunæ dimidiatæ, quod ided vulgariter *Gemilunas* appellant. Cassidum verò nomen apud Latinos Scriptores sortita sunt, quia eundem effectum in munitionibus habent, quem Cassis in milite; tegunt enim

enim propugnaculorum frontem, & insuper vltra fossam in hostes obiecta, excitatis inibi suggestibus tormentorum, eos iugi explosione impetere possunt, & nil mali, vel sanè valde leue, & contemnendum ex eorum incursionibus reportare: quippe è terra aggestitia fiunt, in quam impacti hostiles globi, ceu in molli franguntur.

 Aliqui has Semilunas confundunt cum Parmulis, seu Raelinis; reuerà tamen aliud sunt, & diuersum officium sortiuntur: Etenim, isti ad Cortinam protegendam sunt facti, ideoque è regione illius constituuntur; Cassides verò seu Semilunæ ad propugnaculi defensionem, vnde & arcuatæ ad eam partem sunt, quæ propugnaculi rostrum foras porrigitur, ad illud excipiendum, & cuneatæ ex parte hostium, ac ab illis, nisi tantum oblique, & consequenter incassum, damnum recipiant: præterquamquod illi vallo, & lorica cinguntur, quæ Cassides non admittunt, ne fortè in potestatem hostium deuenientes, ijs in firmamentum, ac tutelam vertantur, quando latera haberent, quibus illi contegerentur. Earum delineationem dedimus sub V. Arx: vbi, & reliquorum operum exteriorum formas, & situs, in quibus locari debeant, designauimus. Rata semilunaris munimenti constructio hæc est. Fiat eius amplitudo ex ductu duarum linearum ex puncto mediæ alæ duorum propugnaculorum, quæ tandem abeant in Conum, vbi definit Semiluna, & intrà eas facies eius, seu alæ constituentur: tum ex lineâ capitali producta, sit centrum in apice propugnaculi; & interuallo marginum fossæ, describatur arcus claudens vtrinque latera semilunæ, & erit illa perfecta. Alij facies semilunæ ex collis Raelinorum determinant, & inde lineas rectas ducunt, quæ vbi sese intersecant, ibi angulum formant, & statuunt longitudinem, & latitudinem Semilunæ. Quæ de re multi eruditè scripserunt, in primis Dogen, Fritach, & Herigonius.

20

CASTELLA in Aqueductis sunt quædam Receptacula communis aquæ, in quæ primò collecta ex ipso fonte, & scaturigine vnde profluit, postea deriuatur in priuatos cuiusque fundos. Nostri *Conservas* appellant. Olim apud Romanos legè cautum erat, ne quisquam priuatus, aquam publicam, seu ad publicum vsum conductam, in suam priuatam domum, & commodum verteret: idque, ne iugi deriuatione deficeret publico, neuè riui, aut fistulæ publicæ dilacerarentur. De qua re extat Senatus-Consultum apud Vlpianum in Pandectis lib. 43. cuius meminit etiam Frontinus de Aquæd. lib. 2. quod postea moderatum fuit, & concessum, vt, vbi locis publicis sufficienter esset prouisum, & aliàs aqua superabundans fuerit, possent etiam priuati de

de ea participare, & in domos suas deriuare; verum non nisi de loco publico sumendam: quod ideo introducta sunt Castella, in quibus reciperetur, & contineretur hæc aqua superabundans, diuertenda postmodum, & partienda ex Principis indultu ciuibus, prout quisque opus haberet, atque ad hoc fistulam haustoriam traducere, quâ possent absque vllius incommodo, è castellis eam in suas domos, & prædia deriuare, vt habetur ex eodem Vlpiano. Hæc igitur publica aquæ receptacula, & Castella, quo loco, & quo artificio extrui debeant, docet Vitruuius lib. 8. cap. 7. de aqua publica loquens: *Cum venerit, inquit ad mania, efficiatur Castellum, & Castello coniunctum, ad recipiendam aquam, triplex immisarium; collocenturque in Castello tres fistulae aqualiter diuise intra receptacula coniuncta; uti cum abundauerit, ab extremis in medium receptaculum redundet. Ita in medio ponantur fistulae in omnes lacus, & salientes; ex altero in balneas, vt vestigal quotannis populo præsent: ex quibus tertio in domos priuatas: ita ne desit in publico, non enim poterunt auertere, habuerint à capitibus proprias ductiones.* Hæc Vitruuius de Castellis in vsum ciuilem acceptis. Sed

CASTELLA etiam, & potissimum in re militari, dicta sunt, statim in locis erecta, opera & munitiones ad Confinium, & viarum securitatem, in quibus milites stationes habeant, & locum custodiant, ac turentur. Nam, vt benè ait Veget. lib. 3. cap. 8. *Inter præcipua, conuenit Ducem providere, siue in Castris, siue in Ciuitate consistat, vt animalium pascua, subueltio frumenti, cæterarumque specierum, aquatio, lignatio, pabulatio, secuta ab hostium incursu reddatur: quod aliter non potest euenire, nisi per loca idonea, quâ nostrorum ambulat commeatibus, præsidia disponatur; siue illa Ciuitates sint, siue Castella murata. Quodsi non reperitur antiqua munitione opportunis locis, circumdata maioribus fossis, tumultuaria Castella firmanur: nam in Castris, diminuto vocabulo, sunt nuncupata Castella, intra quæ in angarijs aliquanti pedites, equitesque degentes tutum iter commeatibus præstant. Sunt autem hæc vtplurimum è terra aggestitia confecta, suis etiam fossis & vallo circumdata, & propugnaculis aut integris, aut dimidiatis communita: quorum plures species & formas exhibent Fritach, & auctor libri Galli, qui inscribitur *le Trauaux de Mars*, scè Agones Martis. Apud Nostrates vulgò appellantur *Forti*, & *Fortini*. Porro quis modus fuerit eiusmodi Castellorum, quantum inter se interualli habere debeant, & quibus in locis potissimum, siue in limitibus Ditionis siue in Castris, expediat collocari; adest prudens præceptum incerti Auctoris in libello de reb. bellic. apud Stevechium, in hæc Verba.*

Est

*Est, inquit, præterea inter commoda Reip. utilis limitum cura, ambientium ubique latus Imperij, quorum tutela assidua melius castella prospiciunt; itaut millenis interiecta passibus, hostili muro, & firmissimis turribus erigantur; quas quidem munitiones possessorum distributa sollicitudo, sine publico sumptu constituat: vigilijs in his, & agrarijs exercendis; ut provinciarum quies circumdata quodam præsidij cingulo, illasa requiescat. Hinc*

**22** CASTRUM in singulari, appellatur grandior quædam, & perpetuò stabilis Munitio, probè propugnaculis, alijsque operibus ad defensionem, necnon ad offensionem, instructa; quæ possit diù resistere quibuscumque inuasionibus hostis, & ubi opus sit, longam, acremque obsidionem fortiter sustinere. De qua re vide iam dicta in Verbo *Arx*.

**23** CASTRA in plurali, dictæ etiam sunt firmæ Stationes Militum, ad bellandum accinctorum, ubi tentoria figunt, & mansiones habent, perinde ac domi; prompti, & expediti ad pugnam ineundam, ac procedendum quò Dux imperauerit: à Castro nomine deriuato, quasi quoddam subitarium, ac mobile Castrum, cuius similitudinem retinent in eo quod aggere, & fossa vallata sint, alijsque operibus intrinsecus, & extrinsecus, communita. Aliter eorum nomen ab etymo colligit Isidorus lib. 9. Etymolog. *Castra sunt*, ait, *ubi miles steterit: dicta autem Castra quasi casta, quod ibi castraretur libido.* Nimis dura, & extorta per vim deductio. Sed vel inde documentum pro militibus sumi licet, quanta disciplina, & continentia ab ijs in Castris seruanda sit. In quo quidem Romani prudentes, & felicissimi bellatores, cæteris Nationibus palmam proripuerunt, ac summis laudibus extolluntur à Polybio, & eisdem, aliàs in Iosepho Historico, lib. de bello Iudaico. Adeò, ut Philippus Macedo, referente Liuiο lib. 31. qui cæteros aspernatus, virtutem bellicam, exactamque disciplinam apud solos Macedonas esse falsò arbitrabatur; obseruans postea Romana Castra, eorum partitionem, ordinem, ac disciplinam, demiratus, ac tumido animo cedens, exclamasse dicitur, *Non eam Barbarorum Castrorum dispositionem videri posse.* Eodem modo

**24** CASTRAMETATIO appellatur ipsa Castrorum prudens positio, & rata partium distributio. Quæ in eo consistit, ut primò eligatur locus idoneus ad figenda tentoria: is nimirum, qui totum Exercitum capere commodè valeat, cum suis impedimentis; itaut & locus mul-

titi-

titudini, ac multitudo loco respondeat, & par sit: ne amplior ducatur recinſus, quàm multitudo pugnancium petir, & intrâ iuſtos limites contutari poſſit; neuè adeò conſtipatus, & arctus, vt non expeditus ac liber remaneat militibus acceſſus, & commodum hùc illucque accurendi, vbi opus fuerit, ſicque ſuas partes implendi. Tùm loci ſalubritas expendatur; ne iuxtà Paludes, quas Morboſas merità appellat Vitruu. lib. 3. cap. 2, nequè vbi aër grauis, & peſtilens, Statiua præſertim conſtituantur; ex quo miles tabem, aut vllam noxam contrahat: multum enim nobis aëris qualitatem, aut prodeſſe, aut officere, in manifeſto eſt; quando experimur illum noſtrum præcipuum alimentum eſſe, illum perpetuò reſpirare, atque intrâ nos agere, reciprocari, perinde, ac ſi nobiſcum eſſet innatus. Id quod in tanta erat Veterum Ducum cura, & ſollicitudine, vt antequam caſtra ponerent, ad explorandam loci temperiem, foret ne ſalubris, an noxiuſ; hac vterentur arte, quam latè exponit Vitruuius lib. 1. cap. 4. in hæc verba. *Maiores, inquit, è pecoribus immolatis, quæ paſcebantur in iſis locis, quibus aut Oppida, aut Caſtra ſtatiua conſtituebantur, inſpiciebant iecinora; & ſi erant liuida, & vitioſa prima. alia immolabant, dubitantes, vtrum morbo, aut pabuli vitio leſa eſſent. Cùm pluribus experti erant, & probauerant integram, & ſolidam naturam iecinerum ex aqua, & pabulo, ibi conſtituebant Munitiões: ſin autem vitioſa inueniebant, indicio transferebant. Item in humanis corporibus peſtilentem futuram naſcentem in iſis locis aqua, cibi que copiam; & ita tranſmigrabant, ac mutabant regiones, quærentes omnibus rebus ſalubritatem.* Quid ſanè de Statiuis ſolummodò intelligendum eſt: non de temporarijs Caſtris, & quæ ſubitò ob imminentem hoſtem, figi, aut alio tranſponi neceſſitas vrgeat, ratio habenda non eſt ſoli, ſed vnicè ſtationem aſſecurandi: & ideò pro vltima, & præſtantiffima cautione, attendenda maximè eſt forma, & diſpoſitio Caſtrorum, itaut facile penetrari aut impeti ab hoſtibus haud queant, ſed ad eorum aduentum fortiter obſiſtant, ac malè mulſatos retrocedere cogant. In quo genere quadratam formam Caſtrorum commendant Polybius, & Ioſephus. Vegetius adhuc triplitem Caſtrorum locationem proponit lib. 1. cap. 23. *Quadratam, Trigonam, & quam Semirotundam appellat; eaque eſt, ad quam vltrà latitudinis ſumptæ ſpatium, tertia pars longitudinis additur. Ex iſis que, eam pro tempore eligendam ſuadet, quæ ſit rebus accommoda, hoſtique, Copiarum magnam oſtentionem exhibere ſit apta. Nam ſi exiguas Copias tuas (addit prudenter Stevvechius in hunc locum) videri velis, Circulari forma opus eſt Caſtra diſponere; Quadrata, ſi magna; Triangulari, ſi Maiores.* Quartam adiicit lib. 3.

cap. 3. quæ videlicet sit perfectè rotunda: nam ex eo quod est cunctis capacior, cæteris paribus, iure perfectior censenda est. Et hæc tandem est omnis ratio, scitè Castra metandi: quæ, vt obseruat Naudæus de Studio Milit. lib. 1. num. 7. non minore diligentia in itinere, quam in Acie, aut Statione, seruanda est; Quia, inquit, non satis est illa tuto, & opportuno situ locari, fossis, aggeribusque muniri, & apta dimensione, ac Podismo designata, ex Gromaticæ disciplina regulis; vias suas, portas, & fora obtinere, esseque velint ad formam munitæ Urbis composita, vt sint Victori receptaculum, victo autem persugium: nisi in illis pro gradu, & conditione singulorum, Legionibus, Auxilijs, Equitibus, Peditibusque loca propria deperantur. Quocirca ab hac potissimum arte, & peritia figendorum Castrorum, quæ cæteris anteibat Messala, eum meritò laudat, & ad cælos euehit Tiberius cum cecinit.

*Nam te non alius belli tenet aptius artis,  
Quæ deceat tutam Castris præducere fossam,  
Qualiter aduersos hosti defigere Cernos:  
Quenue locum ducto melius sit claudere vallo,  
Fontibus vt dulces erumpat terra liquores,  
Vt facilisque suis aditus sit, & arduus Hosti.*

Plura de hac re, apud ipsum Naudæum, & Valtrinum, lib. 3. cap. 5.

- 25 CASVS in Geometricis Theorematum solutionibus, est quædam transpositio Constructionis, in Demonstrationibus peragendis; eo quod euenire potest, vt multoties aliqua propositio bifariam accipiat: atque adeò, iuxta vnum modum sit demonstratio, & consequenter Constructio quæ exquiritur; & iterum iuxta alium modum sit diuersa Constructio, & demonstratio. Sicque accidit, vt multifariam demonstratio peragatur eius, quod vnicè propositum fuit, secundum diuersos Casus, quos contingit occurrere. Hi igitur varij modi construendi Theoremata, & Problemata, Casus simpliciter à Mathematicis nominantur. Vide exemplum in Clauio, & Virale Iordano in Commentar. ad Euclidem.


- 26 CATAPVLTA, Bellicum olim Organum, & Instrumentum à Veteribus, in oppugnandis Urbibus, atque in ipsis prælijs sæpissimè vsurpatum, non longè distans à Ballista; nisi quod hæc lapides, illa hastas, & iacula emitteret, quemadmodum græca notione significatur. Atque ideò vsus erat in apparatu bellico, tam Ballistas, quam Catapultas, in magno numero congestas inuochere, vt pro qualita-



hæc loci , & occasione conferendi manus , quæ se offerebat , præ-  
 stò essent ad opus , prò cuiusque diuerso effectu ad rem apposito ,  
 quam inferentes , aut sustinentes bellum moliebantur : vt clarè vide-  
 re est apud Liuium , lib. 26. qui captæ ab Hoste Carthaginis spolia ,  
 & bellica impedimenta describens , hæc habet : *Captus & apparatus*  
*ingens Belli , Catapulta maxima forma , Centum viginti ; Minores du-*  
*centa octoginta nam : Ballista maiores triginta tres ; Minores , quinquaginta*  
*duæ .* Idipsum habet Iosephus lib. 5. de bello Iudaico , loquens de ex-  
 cidio Hierosolymitano : vbi de Romanis ait . *Habebant Catapultas*  
*trecentas , Ballistas verò quadraginta .* Ex quorum testimonijs colligit  
 sensatè Lipsius , maioris vtique molis & operis , fuisse Ballistas , quam  
 Catapultas , quippe hæc leuiore erant , adeoque crebriores , ac magis in  
 vsu . Cæterùm non me latet , à plerisque Scriptoribus sæpè hæc duo  
 machinamenta confundi , & promiscue nominari . Vnde & Cæsar lib.  
 1. de Bello Ciuili , è Catapulta saxa eijci scribit ; & Vegetius , vt in lo-  
 co diximus , è Ballistis immitti tela commemorat , nullam de Catapul-  
 tis notitiam habuisse , aut diuersitatè muneris , ac nominis ignorasse ,  
 suspicionem faciens . Similiter Ammianus lib. 23. de Scorpionibus sa-  
 xa , de Ballistis verò tela maiora iactata fuisse testatur . Vt vt res se ha-  
 beat , crediderim , successu temporis , vtraque ad idem officium emit-  
 tendi modo saxa , modo sagittas , prout necessitas cogebat , fuisse  
 adhibita ; ac tandem Catapultæ vsum , & iaculorum emissionem ,  
 sensim desueuisse ; Ballistæ verò aliquam speciem , & vsum , non ad  
 bellicum opus , sed ad aucupium apud nos vsque hodie remansisse .  
 Porro in vtriusque organi temperatura , vt benè cedat effectus , mis-  
 silium proportionem ad ipsa , iuxtà Architectonicæ , ac Geometriæ  
 leges maximè attendendam esse , docet Vitruuius , & luculenter ex-  
 plicat lib. 10. cap. 17. & 18. vbi ait : *De Ballistis & Catapultis sym-*  
*metrias quàm maximè expeditas putauimus , exposui .* Et cap. 16. ratio-  
 nem suscepti non frustrà ab se laboris reddens , iam dixerat : *Itaque*  
*vt etiam , qui Geometria Arithmeticaque rationes non nouerint , habeant*  
*expeditum , ne in periculo bellico cogitationibus detineantur ; quæ ipse*  
*faciendo certa cognoui , quæque ex parte accepi à præceptoribus finita ex-*  
*ponam , &c. Qui eius rei cupidus fuerit , adeat ipsum , fusè , ac ex*  
*regulis proportionum omnia explicantem , integris tribus capitibus :*  
*quique formam spectare cupit , voti compos erit in Notis Stevvechij*  
*ad cap. 22. lib. 4. Vegetij , vbi elegantem Catapultæ delineatio-*  
*nem habet expressam ex antiquo quodam marmore , à quo accepit*  
 & Lypsius , atque in ære incisam exposuit lib. 3. Poliorcet .

• CATARACTA apud Architectos præsertim militares , dicitur  
 S 2 mu-

munimenti tectorij quoddam genus, quod ad portam Urbis applicatum, habet in subitis casibus, apertis etiam foribus, eam obserare & hostibus aditum impedire, quippe tenet desuper suspensam clathram pensilem, è firmis pilis ad extremitates acuminatis, contextam; quæ catenis, & funibus continetur, ne cadat; at, cum periculum adest, mox laxatis retinaculis, magno impetu sese inde demittit, ac solo scrobiculis præptato firmiter insistit. Eiusmodi passim videmus in omnium fere Arcium, aut Oppidorum limitarium aditu, ad tutelam, & ad reddendas vanas hostium fraudes, & clancularias irruptiones. Nos vulgo *Saracinescam* vocamus. Eius usum, & omnimodam appositionem in portis, maxime laudat, & probat Vegetius lib. 4. cap. 4. non tam ad hostes intercipientos aut propulsandos, quam ad immittendum facile ignem, vel ad extinguendum, si forte ab illis immissus foret. Cum enim ad hoc, usum coriorum, & clatras ferreas ante proposuisset, subdit mox quod pro aggressis, aduersus hostes iam porta poritos, facit. *Sed amplius prodest quod inuenit Antiquitas, ut ante portam addatur propugnaculum, in cuius ingressu ponitur Cataracla, quæ annulis ferreis, & funibus pendet: ut si hostes intrauerint, demissa eadem extinguantur inclusi: ita tamen supra portam murus est ordinandus, ut accipiat foramina, per quæ de superiori parte effusa aqua, subiectum restinguat incendium.* Itaque duplici negotio inseruit hæc moles supra portam extructa, & ut hostibus aditum intercludat, & ut officium quodanimodo aquarij septi identidem subeat; atque adeo & ipsum septum, exinde commune *Cataracla* nomen accepit: ut etiam ad continendos amnes, ne nimis interfluant, huiusmodi repagula, statis in locis in alueo interponuntur, quæ cursum aquæ impedian, ac postea suspensis per certos rotarum tractus, aqua, quò continentior ante, tantò post incitatio fluat. Id quod, ipsa Natura magistra, didicit Architectus, id demonstrante in famosis Angustijs Nili, quas itidem *Cataraclas* dixere, ab græca notione sumpto vniuersali vocabulo, quod idem sonat ac cum magno impetu cadere. Cæterum, ut ad militares *Cataraclas* reuertamur, earum opportunitatem in portarum aditu, ad intercipientes præcipue hostes iam ingressos, etiam Romani suo utique malo didicerunt: cum enim eorum aliqui, alias per fugæ Salapinos hostes fraude interposita, supplantare & intercipere niterentur, ipsi econtrâ decepti, & interclusi, immissa *Cataracla*, fuere. Rem narrat Livius lib. 16. ab Urbe condita, sic: *Porta, Cataracla deiecta, clausa erat: Eam partim vestibus leuant, partim funibus subducunt in tantam altitudinis, ut subire recti possent. Vix dum satis patebat iter, cum perfuga certatim ruxit per portam; & cum sexcenti ferme intrassent,*

remisso fure, quo suspensa erat cataracla magno impetu decidit. At 28  
 contra accidit Gallis anteaſto ſæculo, in eorum Ciuitate Ambia-  
 nenſi caſſide ab Hiſpanis occupata; nam Cataracla demiffio male  
 illis ceſſit. Factum refert Philippus Briet, & ipſe Gallus, in Annali-  
 bus Mundi, ad annum Chriſti. 1597. Hoc anno, inquit, Ferdinan-  
 dus Tellius Portocarrerus Dulendi Præſectus, admonitus à quodam Du-  
 molino exule, interditi ſeruari negligentius Ambianum, id magna auda-  
 cia, ac penè temeritate, occupauit. Vſus eſt Carris, quos pomis, & nuci-  
 bus onerauit; & hos fortiffimi milites aurigarum loco deducebant: Eo-  
 rum vnum ſupponunt penſili clathro, loris equorum reſciſſis, alterius eſ-  
 fundunt nuces, & poma, quæ dum colligunt præſidarij ciues, trucidati  
 ab aurigis probe armatis, portam patentem reliquerunt ſequentibus copijs.  
 Sic vrbs nobilis capta eſt, &c. Adeo nil tam tutum, tam ingenioſè  
 ad cuſtodiam factum, quod non, perperam, & ſupinè admotum,   
 in perniciem propriam conuertatur.

CATENAE in Opere architectonico, communiter audiunt tigna 29  
 quædam oblonga, quibus tota contignatio continetur, ac duo ad-  
 uerſi parietes eam deſuper ſuſtinentes, ne nimio ponderi cedant, &  
 hiſcant, ſimul colligantur, ac ſibi inuicem fulcimento ſunt. Tiran-  
 tes noſtri Cæmentarij nominant, quaſi trahentes, ab effectu quem  
 habent. De hiſ præcipit Vitruu. lib. 7. cap. 3. quod ex ea materia  
 comparari conuenit, cui nec caries, nec vetuſtas, nec humor poſſit no-  
 cere. Sed ad hoc optimè prouidit noſtra ætas, quæ ferreis trabi-  
 bus minùs craſſis, ſed fortioribus vitur, quas præcipuè ſub fornici-  
 bus, & arcubus, in perillyijs, & ſuſtinentibus pilis apponit, nulli  
 vnquam, cariei, vetuſtatis, aut contracti humoris vitio obnoxias, &  
 æternùm duraturas.

CATHETVS, inquit Baldus in Lexico Vitruuiano, vox eſt Geo- 30  
 metris familiaris, & frequens, per quam denotant, ac intelligi vo-  
 lunt lineam perpendicularẽ à ſummo vertice, reſtã in inum dedu-  
 ctã, ex græco, quaſi dimiſſã diceres. Hinc Euclides lib. 1. pro-  
 poſ. 7. docet, quomodo Cathetus, linea videlicet perpendicularis  
 præſata, ad rectã lineam in plano extenſã ſit deducenda. Et Vi-  
 truuſ lib. 3. cap. 3. de efformatione Volutarum in Capitulis, lo-  
 quens, ait: In quatuor partibus volutarum, ſecundum extremi abaci  
 quadram, lineã demittenda, quã Catheti dicuntur. Apud Aſtronomos,  
 & Opticos ſunt frequenter in ore, Cathetus incidentiæ, & Cathetus  
 reflexionis, qui indicant lineas rectas à quouis puncto radij inciden-  
 tis, aut reflexi, procedentes ad planum, ſive incidentiæ, ſive refle-  
 xio-

tionis in speculo. De qua re fusè Ricciolus in *Almagesto* nouo, lib. 10. sect. 6. cap. 2. Vide etiam quæ mox infra dicemus in *V. Catoptrica*.

- 31 CATOGAEVM græcè audit subterranea Domus, quam nos cum Plinio II. *Cryptoporticum* diceremus. Hæc Antiquis maximè in vsu erat, & nullum ferè extruebatur nobile ædificium, quod non suas cameras, & porticus circùm & infra planum solum haberet, tum ad motandum inibi in ætate, ardente maximè sole, captandi frigoris gratia, vti erat de qua Plinius loquitur in descriptione iucundissimæ suæ villæ in Epist. ad Gallum, lib. 2. tum ad seruanda frumenta, fructus, vinum, & alia comestibilia, quæ calore nimio corrumpuntur: id quod significare forte intendit Vitruu. lib. 6. cap. 8. cum ait. *Qui autem fructibus rusticis seruiunt, in eorum Vestibulis tabula, taberna, in adibus cryptæ, horrea, apotheca, cateraque qua ad fructus seruandos, magis quam ad elegantia decorem possunt esse. Quam reuerà non nihil differunt, & altius assurgunt huiusmodi Cryptoporticus à Catogeis simpliciter sumptis: nam hæc propriè signant rudem aliquem specum sub terra, siue à natura factum, siue manu excauatum, ad feras magis quam homines recipiendos; illæ autem spatiosæ, illustres, amplæ, concameratæ, ad delicias potius factæ, quam ad delitescendum: qualis erat laudata Plinij, de qua scribit: Hinc Cryptoporticus, propè publici operis instar, extenditur. Et infra. Ipsa verò Cryptoporticus tunc maximè caret sole, cùm ardentissimus culmini eius insistit: ad hoc patensibus fenestris fauonius accipit, transmittitque, nec unquam aëre pigro, & manente ingrauescit. Vtrisque abundat præ cæteris Roma, quæ tum in Palatijs huiusmodi cryptoporticus amplissimas habet ad inhabitandum in ætate; vel si sub terram sint, ad vina, præcipuè continenda: tum extrà Urbem in interiecta planitie, excauata sub terram plurima Catogea, famosæ olim Christianorum, persecutionis tempore, habitationes, & diuerticula, quæ quantò tum obscuriora, & fama, & luce solis destituta erant, tantò post clariora, & venerabiliora facta sunt, sanguine Martyrum respersa, eorumque sacris corporibus, quæ ibi deposita iacent, omnibus quibusque superbissimis ædificijs illustriora: quæ proinde nomine *Catacumba* sunt appellata. Hæc nimirum *Concilia Martyrum* audiebant, quoniam in ijs & consultationes habebant, & sacramysteria celebrabant, aliasque Ecclesiasticas functiones peragebant: nunc ab eorum sepultura *Cameteria* communiter nominantur: & aliud quidem Callisti, ab S. Callisto Papa adornatum, aut restitutum; aliud Calepodij, aliud Priscillæ, aliud Prætextati, & alia*
- 32

alia sub alijs agnominibus, eorum nempe sub quorum prædijs erant cauata: de quibus omnibus mentionem facit Turigius in *Cryptis Vaticanis*, & eorum longum censum facit Antonius Bosius in *sua Roma subterranea*, adiiciens etiam singulorum plantas in ære incisfas: vbi iucundari potest oculus, & animus ad pietatem excitari in tanta recessuum varietate, ordine, architectura & partium respondentia, ac symmetria, vt *subterranea* potius *Ciuitates* præ amplitudine, & apta dispositione, dici possint, quam Mortuorum Martyrum *Cameteria*. Sed de his hæcenus, ex occasione nominis *Catogeï*.

CATOPTRICA, vna est ex facultatibus Mathematicis, Geometrix subalterna, quæ specialiter agit de lineis incidentiæ, ac directis radijs luminis, in aliquo corpore opaco receptis, atque ab eo in aduersum reflexis: quò fit, vt lumen sui aliàs diffusuum, & extensum per medium, quod fit ipsius receptiuum, (qualis est ær, & omne aliud corpus tenue, vel diaphanum) si obicem aliquem inueniat, qui ipsius vltiorem diffusionem impediat, aut vltro quanta est sphaera suæ diffusionis, propagari non sinat, seu omnino, seu partialiter; mox reflit à corpore opaco in quod impingit, atque in oppositam partem conuertitur. Cuius etiam rationem, visio, quæ radijs visualibus directis fit, æquè participat, & in oculo miros effectus producit, qui non tantum à directo radio, sed & reflexo, ac refracto, vt videre est in speculo, & subtus aquam, eodem modo proficiscuntur. Hinc *Optica* exurgit, cuius est consideratio radiorum directorum; *Catoptrica*, quæ agit de iisdem reflexis; *Dioptrica*, quæ de refractis: qui nimirum per aliquod corpus diaphanum transeunt, sicque franguntur, & aliquo modo præpediuntur, & alterantur: idque magis, ac minus, pro diuersa eorum situatione, distantia, & crassitudine. Hinc Ocularia, & specilla, quæ pro diuersa conformatione, luminis qualitate, occursum & concurrentia plurimorum in vnum, diuersimode obiecta repræsentant. Hæc autem, communiter nominantur *Lentes*, eoquod ad modum lenticulæ, orbiculares sunt, & siue planæ, siue concauæ, siue conuexæ, siue etiam mixtæ, lucem diuersimodè recipiunt; sicque alteratis speciebus, aut vltro adhuc transmittunt, aut reieciunt. Et quidem, quando de Lentibus sermo incidit, operæ pretium est earum species, ac diuersitates hic in vnum colligere, persequi, & explicare.

Igitur alia Lens dicitur *Simplex*, & hæc ea esse intelligitur, quæ ex altera tantum, facie conuexa est, ex altera, purè plana. Alia *Duplex*, seu *Composita*, quæ est ex vtraque parte conuexa. Alia *Mix-*

*Mixta*, quæ ex vna parte conuexa est, ex altera concava: hæc proprio nomine signatur, dicta ex græca notione *Meniscus*, hoc est Lunatus, ob similitudinem, quam habet cum Luna falcata. Item *Concavum* dicitur vitrum, seu lens vtrinque concava: sicut econtrâ *Convexo-Convexum*, vtrinque convexum. At quod est ex vna parte planum, ex altera concavum dicitur *Plano-Concavum*; & *Plano-Convexum*, quod ex vna parte sit planum, ex altera convexum. Atque hæc omnia ex sua quæque forma, & ratione excipiendo immisso radios, vel species obiectorum, mirè alterant, & immutant eorundem cursum, aut istorum representationem. Nam, quamquam omnis radius ex obiecto luminoso procedens, quantum est ex se, concipiatur incidere per lineam rectam, adeoque sine ulla dilatatione, ac latitudine; attamen, quia species obiectorum, & lumen à corpore lucido exiens, diffunditur orbiculariter, ad modum coni, cuius basis sit in ipso obiecto lumen transfundente, aut alias visioni exposito, apex verò terminetur ad oculum, seu punctum reflexionis; hinc est, ut ocularia ista orbiculariter construuntur; nempe, ut lux per orbem diffusa in sua amplitudine excipiat, & in punctum incidentiæ adunetur. Punctum igitur Incidentiæ, quod item est punctum Reflexionis, intelligitur esse pars illa speculi, seu ocularis, in quam incidit radius, & à qua item remittitur, & repercutitur. *Angulus autem Incidentiæ*, est quem efformat radius linealiter immitteus lacem in speculum, concurrens simul cum lincis in plano ductis: *Angulus verò Reflexionis*, est ille, ad quem linea per quam lumen transfunditur, cuncurrit, & inclinatur ad planum, seu superficiem speculi. *Cathetus item incidentiæ*, est linea ab corpore luminoso perpendiculariter proiecta in superficiem planam, itaut cum illa faciat angulum rectum. *Cathetus Reflexionis* est similiter linea perpendicularis cadens à puncto reflexionis in idem planum, faciens angulum item rectum æquè distantem ab eo quem efformat in eodem plano cathetus incidentiæ: itaut inclinatio vtriusque radij, tam incidentis, quam reflexi, cadat in punctum intermedium, ubi ambo concurrunt ad efformandum angulum rectum: & linea perpendicularis in illud descendens fortietur, ut æquè distet à Catheto incidentiæ, & Catheto reflexionis.

- 35 CATTI in re militari, apud Scriptores, præsertim rerum Germanicarum, sunt organa quædam, seu instrumenta bellica ad modum testudinis compacta, quibus milites procedentes ad opus, teguntur, ne à missilibus hostium impetantur, aut quovis modo infestentur. Hoc nomine specialiter notata sunt, quia sub ijs milites quasi Cati,



& feles in insidijs sunt, & mox exiliunt ad capiendum. Hos *Cattos* diuerfos omnino esse ab ijs, qui suo tempore ad eundem effectum, in modum tumuli è terra aggestitia erigi solebant, testatur eruditissimus Lipsius, *Cattos* similiter appellatos. Siquidem isti in edito, & super mœnia collocabantur; illi in imo consistebant, & mobiles erant; vt conuincitur ex Chronico Colonienſi, vbi hæc, & similia machinamenta, eorumque vsus, propè ad oculum, licet grossè nimis, & barbarè describuntur. Ibi igitur scriptum est: *Expugnauit Rex Ciuitatem per duo vasa concava*, (huiuscemodi machinas intellige) *qua faciebant artifices sapientes: Vnum vas Cattus vocabatur, aliud Cancer. Erant hæc vasa longa, quadrata, ex omni parte laterum clausa: versùs terram nullum munimen habebant, sed versùs calum de tabulis fortibus, ac spissis tectum: machinarum lapides minimè timebat. Cattus leue vas erat, & faciliter trahebatur. Cum hoc vas fuisset ad Ciuitatem perductum, ligna quadam pro pedibus sibi fecerunt, vt ad murum, per fossatum faciliùs possent peruenire. Cùm ad murum peruenissent, iuuenes de Ciuitate egressi succiderunt Catto pedes, & in fossatum cadere coëgerunt. Cæterum hos ipsos Cattos memorat Vegetius lib. 4. cap. 15. & *Causias*, barbaro item vocabulo, testatur à militibus dici, esseque in genere Vinearum; quorum descriptio non multum ab allata Catti adumbratione discordat. Ait enim: *E lignis lenioribus machina colligatur, alta pedibus octo, lata pedibus septem, longa pedibus sex. Huius tectum munitione duplici, tabulatis, cratibusque contextitur: latera quoque vimine sepiuntur, ne saxorum telorumque impetu penetrentur. Hæc Vegetius. Sed vide quæ mox dicemus in V. Causia.**

CAVAEDIVM, per contractionem, sub vno vocabulo, appellatur ab Architectis, & Materiarijs, *Cauium adium*: hoc est pars illa, quæ inter duos, aut plures parietes, vel porticus, relinquatur patula, & sub dio; cæterâ vndique interclusa. Hanc perbellè describit Leo Albertus lib. 5. cap. 17. de Re ædificatoria, in hunc modum. *Cauium adium*, inquit, *pars est primaria; in quam, tanquam in forum commune alia minora adium membra concurrunt: & quemadmodum in vrbe Forum, porticus foro coniunctæ priores sunt, quæ ad aspectum quarantur; ita in ade, (qua tanquam parua Ciuitas est) primò ad Cohortem, & Cavedium respicimus. Similiter ante ipsum Vitruuius lib. 6. cap. 3. qui ea, exhibitis schematicis in quinque ordines tribuit, Tuscanicum, Corinthium, Tetraſtylon, Displuiatum, ac Testudinatum: & omnia in medio constituit totius ædificij. At contrâ Plinius Iunior, eius locum statuit à tergo domus. (Atergo (inquit Ep. 4.) Ca-*

*medium, Porticus, & Area*. Nostri certè Architecti, in ipso aditu; & sanè, quantum fieri potest, peramplum. Et si quidem compluuiatum fuerit, hoc est in aperto aëre, & sub dio, *Area* simpliciter vocitatur, vulgò *Cortile*. Sin verò Testudinatum sit opus; *Atrium*, aut *Porticus*. Quamquam alij, quos inter præfatus Plinius, diuersum faciunt Atrium, à Cauædio: & ipse Vitruuius, vt vidimus, vel inde distincta, ac diuersæ rationis supponit, quod Cauædijs quinque ordines tribuit, Atrijs verò tres, vt videre est lib. eod. cap. 4. Attamen Barbarus benè obseruat, ea inter se esse connexa; & de ipsius Vitruuij mente, ostendit, non diuersificari, nisi penes genus, & speciem, seu quateniis includens, & inclusum. Quandoquidem Canedia, re ipsa vniuersaliora sunt, & comprehendunt tam apertas sub dio areas, quàm testas, ac testudinas. Atria verò, & Porticus partes sunt ab ipsa area subduali seiunctæ, & sub tecto latentes: quemadmodum Pinacotheca, & Tablinum, partes Atrij sunt; nihilominus sub eius generali appellatione comprehenduntur. De quibus singulis, suo loco.

- 36 CAVLICVLI communiter audiunt teneriores illi caules, & ramusculi in herbis, & fruticibus consistentes, qui ex fuste, seu stipite pullulant, & ratione teneritudinis ad omnem flexuram aptantur. Hinc in Architectura deriuatum est nomen ad significandas illas complicationes, & flexuras, quæ in capitulis columnarum, præsertim ordinis Ionici, & Corinthij, in superiori parte, veluti ad sustentandum impositum desuper abacum, conspiciuntur, & quasi premi videntur, adeoque circumuolui, & recedere. De quibus Vitruuius lib. 4. cap. 1. *Cauliculi*, inquit, eandem habeant altitudinem, & quibus folia nascuntur proiecta, vel abacum excipiunt. Sed de his fusiùs cum de *Voluta*.

- 37 CAVRVS, qui & *Corus*, Ventus est Occidentalis, collateralis Faonio, spirans ab Occasu æstiuæ, medius inter Borrolybicum, seu Magistralem, & ipsum Fauonium, directè aduersus Eurum. Nomen hausit à siccitate, quæ ab initio multus est; licet postea sensim degeneret in frigidum, & humidum. Flare vtpurimum solet in Acquinoctio autumnali, cum magno fragore & impetu, adducens procellas, & grandines, quandoque etiam fulgura, & tonitrua: Et si spirauerit sereno Cælo, nubila plerumque spectantur in Oriente. Hoc vento potissimum infestatur Apulia. A Græcis nominantur *Argestes*, à procellis quas excitat, & *Sciron* à rupe vnde exit, necnon *Olympius* ab Olympo monte, per quem transit: in-

Italia, eadem ratione, *Iapyx* à *Iapygia* regione, quæ, vt modo diximus, illi est valde obnoxia; nihilominus est illi commodissimus ad nauigandum in Græciam: vnde Horatius illum apprecatur suo Virgilio in Græciam tendenti. lib. 1. Ode 3.

. . . . *Ventorumque regat Pater,  
Obstrictis alijs, præter Iapyga.*

CAVSIAE, teste Vegetio lib. 4. cap. 15. vocabantur olim militari vocabulo, Machinæ quædam tectoriæ in genere Vinearum, sub quibus fossiores, & milites latentes, ad suffodienda hostium mœnia procedebant. Sic enim ait: *Vineas dixerunt Veteres, quas nunc militari, barbaroque vsu, Causias vocant.* Verum Stevvechius in hunc locum, existimat, libroriorum incuria *Causias* scriptum, eo maxime, quod exemplaria Manuscripta, quæ ipse euoluit, variant, & aliam habent *Cautias*, alia *Caucias*, alia demùm *Cattos*. Et auge suspitionem Lipsius in Poliorceticis: *Qua enim, ait, similitudo Causia cum Vineæ?* Ex alia parte, subdit, *Causia* græcè, bonum vocabulum est, & significat Macedonicum quoddam capitis integumentum, quo nihil minùs ad rem. Quapropter concludit, *Cattos* fore legendum. Hoc quippe nomine frequenter vtuntur Historici, quod non ineptè machinamenti huius partes, & officium representat. Nam sicut *Catti*, & seles domestici, intenti ad capturam, in insidijs latent, & absconduntur, vt mox repente insilientes, incautos mures adorianur, ità profectò bellatores aggredientes, & mœnia vrbs obsesæ subuertere cogitantes, sub vineis incedunt, & hoste improvido, nil tale metuente, muris approximant, eosque tutò, & impunè suffodiunt. Has *Cautibulas*, & *Chartos* appellat in Speculo Historiali, Vincentius Beluacensis.

CE

CELLA, generali notione, secretum quoddam receptaculum sonat, à celando dicta: Vnde, vt notat Calep. ferè semper cum adiectiuis vsurpari solet, & pro eorum ratione, ad varia repositoria, quæ ad aliquid specialiter asseruandum deputata sunt, significanda, vocabulum assumitur, & coarctatur. Sic dicitur *Cella Vinaria*, in qua Vinum: *Frumentaria*, in qua frumentum: *Lignaria*, in qua ligna; &c. ac de ijs sæpè agit Vitruu. sparsim in suis locis, identidem docens, quæ arte singulæ construendæ sint, quibus adminiculis adornandæ. Quando verò *Cellæ* nomen solitariè vsurpatur, præsertim à Scriptoribus Architectis; ea denotat sacratiorem Templi partem, in quam ingredi, olim cuius hominum nefas erat, sed solum seruabatur Sacerdotibus, quibus liber patebat accessus, vt habemus in

Sacris Paginis, quæ etiam per antonomasiam, *Sancta Sanctorum* nuncupabatur. Hodie, quoniam apud Christianos, vsus hic ex parte exoleuit, Cellæ nomen, abditam quandam, & interstinctam ædificij partem significat. In Aedibus autem Sacris peramplam, magnificam, cunctis conspicuam, & permeabilem partem denotat, quam vulgò Templi Corpus nominant, & Medianam Nauem. Quo sensu accipit eam Vitruuius de Fanis Deorum loquens, lib. 3. cap. 1. ubi ait: *In antis erit ades, cum habeat à fronte antas parietum, qui Cellam circumcludunt: & inter antas, in medio columnas duas, supràque fastigium symmetria eà collocatum, quæ in hoc libro fuerit præscripta.* Capite autem quarto Libri 4. agit de interiori Cellæ prædictæ, & Pronai distributione. Quod idè aduertit Salmasius in Solinum, apud Græcos in Aedibus Sacris, has esse partes præcipuas, quas modò videmus, nostros Architectos in Basilicis extruendis, in primis respicere, ac summo studio ordinare: *Pronaum*, qui erat exterior ædis prospectus, & facies, ad omnes Archit. æturæ leges dispositum & ornatum, (hodie apud nos vulgò dicitur: *La Facciata.*) cui introsum correspondebat æquam amplitudinem, ac iustam longitudinem; Cella; quam nos Medianam Nauem dicimus. Post hanc erat *Posticum*, Græcis *Epistodomos*, ad eandem fere rationem, licet non, adèò ornatum, *Prodemos*, seu *Pronaum*. Sequebantur inde ad latera, *Propylæa*, quibus aliæ cellæ minores ex eodem conspecto adnectebantur, præsertim, si pluribus Dijs, vna eademque ædes parata erat. Hoc similiter in nostris Templis habetur, in quibus variæ Aræ diuersis Sanctis excitatæ, ubi Sacerdotes rem diuinam faciunt, & cõmuniter Sacella, seu Cappellæ nuncupantur. Tandem circa latera ædis extrorsum erant spatiosæ deambulationes, quas *Peridromos* appellabant, varijs columnarum ordinibus interstinctas: & has item in plerisque nostris Templis aspicimus: vt proinde de istis, eadè fere sit architectandi ratio, quam Vitruuius tradit de Gentilium Templis. Sed iam multum à Cellæ consideratione, quæ nobis ex ordine contigit, ad alia digressi sumus. Hic sistamus: cætera suo loco ex professo, & luculentius examinanda.

40 CENTROBARYCA in Mathematicis disciplinis, est Facultas Staticæ subalterna: quæ agit de Centro gravitatis, tum linearum, superficialium, & corporum solidorum. Item de Centro gravitatis segmentorum alicuius magnitudinis, necnon de variatione ipsius Centri ad mutationem figuræ, cuius est consideratio. De hac re fuse Gaspar Scottus in Cursu Mathem. lib. 28. cap. 4.

CENTRVVM communiter, & apud Mathematicos præsertim, est 41  
id quod in medio vniuscuiusque rei, magnitudinis, aut figuræ quæ  
consideranda venit, intelligitur collocatum; vt punctum in circulo,  
Inferus in Orbe terrarum, Terraqueus Globus respectu Calorum,  
&c. De qua re fusè alibi dictum.

CENTRVVM GRAVITATIS in corporibus, inquit Pappus lib. 8. 42  
collect. Mathem. est punctum intra corpus conceptum; à quo, si gra-  
ue appensum mente concipiatur; circumactum postea seruat omni-  
no eam, quam prius habebat positionem; nec proinde in ipsa corpo-  
ris latione mouetur. Ad quæ addit Comandinus, quod vndique  
æqualium momentorum partes circa illud consistunt. Si enim, in-  
quit, per tale centrum ducantur planum, figuram quodammodo secans,  
semper in partes equiponderantes ipsum diuidet. Ex quo sequitur pri-  
mò quod vnius corporis, vnum tantummodò est grauitatis Cen-  
trum. Secundò; Quod idem Centrum semper in eodem situ est sui  
corporis. Tertiò, quod secundum Centrum hoc grauitatis, omnia  
corpora ponderosa deorsum feruntur: & alia, quæ melius intelli-  
gentur, cum de Momentis erit sermo.

CENTVRIA, ex primigenia etymy notione, verbum Gromaticum 43  
est: significat enim centum iugerum dimensionem, quæ postea, vt  
mox dicemus, ad tota ducenta iugera est extensa: vnde Isi-  
dorus lib. 15. cap. 15. *Ager*, inquit, *est ducentorum iugerum, qui*  
*apud antiquos à centum iugeribus vocabatur: sed postea duplicata est,*  
*nomenque pristinum retinuit.* Causa autem duplandi fuit, eoquod,  
vt habet Hyginus de limit. constit. *Agri ex hoste capti diuisi sunt per*  
*Centurias, vt assignarentur militibus.* Singulis autem militibus duo  
iugera assignabantur. Hinc ad ipsos milites quatenus centenarium  
numerus sub vno Ductore constituunt, nomen est accommodatiùs  
deriuatum; itaut vna collectio centum militum, quibus vna iuge-  
rum Centuria deputata erat, absolutè Centuria diceretur. Porro  
in plures Centurias totus exercitus, distribuendorum numerum, ac  
distinguendorum agminum gratia, dispescebatur, & etiam nùm ta-  
lem distributionem retinet: Quod idcò tota vna Legio sexaginta  
quinque Centurias continet, sub vno Tribuno merentes: singulæ au-  
tem Centuriæ, quas vulgò Societates, & Compagnias vocitamus,  
singulis Centuriò nibus subsunt, ac dictis parent: quibus profectò  
eoquod Capita essent suarum Centuriarum, *Capitaneis* nomen accef-  
sit. Nam cum Veteres (author mihi est Plinius) in ipso prælij ar-  
dore

17 dore acies confusas, & alias confundi posse, atque hostibus commiseri; ut huic malo prouideretur, Cohortes dehinc in Centurias diuisere, singulisque Centurionibus suas proprias Centurias assignare. Ex quibus, qui primæ Cohortis ductor erat, *Primipilus* appellabatur, quod eius Centuria inter Pilanos sub signis grauis armaturæ, quæ cæteras Centurias anteibant, constituta erat. Hinc *Centuriare*, ac *succenturiare*, apud rei militaris Scriptores, nil aliud est, nisi Milites in Centurias ordinare, aut alios in defectum occisorum, vulneratorum, aut quouis modo exauthoratorum, vel fugitiuorum sufficere, ad complendas utique, & integrandas diminutas Centurias. Qua de re, vide quæ eruditè satus congerit Aulus Gellius lib. 16. cap. 4. Noctium Acticarum.

44 CEROSTRATA, seu CEROSTROTA, in re ædificatoria, dicuntur opera artificiosè contexta. In quo autem consistat huiusmodi artificium, non satis clarè explicat Vitruuius. Vbi de ijs agit, lib. 4. cap. 6. Sed tantum improbat ea adhiberi in forum ornamentis: ait enim: *Ipsaque forum ornamenta non fiant Cerostrota, neque bifora, sed valuata*. Obscurissima in omnibus propositio in qua enodanda multum defudant Interpretes. Philander ex Plinij verbis, & contextu, suspicatur, Vitruuium intelligi voluisse de opere tessellato, quod nos *Tarsiam*, seu *Opus Interstium* vocamus; esseque compactum ex plurimis particulis cornuum, ligno, & tabulis infertorum, eo modo, quo Lithostrota appellantur pauimenta scætilibus lapillis verticoloribus variegata. Barbarus, ex quodam veteri Codice Vitruuiano pro *Cerostrota* legit *Clatrata*. Sunt autem clatrata opera composita ex regulis ferreis, vel ligneis, inuicem contextis, ac decussatis, quæ modicis internallis, instar retis, in transuersum relictis, id præstant commodi, ut sub ijs latentes, & non visi, ea quæ in prospectu sunt, liberè conspiciamus: qualia sunt, quæ passim ad fenestras seminarum, & claustralium virosum apponi solent, & vulgò *Gelosias* vocamus. Igitur vult Vitruuius, ut ornamenta foribus apponenda non sint clatrata, neque bifora, sed valuata: hoc est integra, plana, & liberè excurrentia: id enim ad perennitatem, & firmitudinem iuuat, ac decorem, grauitatemque ostijs confert: bene autem valuata, quoniam quod pluribus valuis compingitur, eo commodiorem aditum præbet, & ipsas fores reddit venustiores.

46 CERVI in re militari appellari solent ramalia, & arborum bifidi trunci, quibus valla, hinc inde dispersis atque vnà intextis, construuntur, & firmanantur: ita tamen ut ramalia, quæ interferuntur ad  
con-



continendam aggestam terram, cespites constringendos, dicantur *Cernoli*; ipsi tamen stipites interiecti, vtpote grandiores, *Cerni*; & similitudine cornuum *Cerni* (inquit Varro de lingua lat. lib. 4.) Hi autem in vallo Castrensi per spacia figebantur, quæ proinde ab distantia, quæ erat ab vno ad alium Cernuum, Interualla vniuersaliter nominari cæpere. Porro vtrorumque frequens mentio est apud Historicos, & Poëtas, vt videre est apud Lipsium in Poliorceticis. Et quidem de Cernis, maioribus sudibus, qui aggeribus, & vallis constitutendis adhibebantur, hæc habet Cæsar, describens vallum quod circa obsessam ab se Aleriam obduxerat ad eam arctius stringendam. *Post eas* (fossas indicat duas, quindecim pedes latas, & altas, quas interposuit ad intercludendum hosti aditum, quasque aqua à flumine deriuata oppleuit) *aggerem & vallum* (sequitur) *duodecim pedum extruxit: huic loricam pinnasque adiecit, grandibus cernis eminentibus ad commissuras pluteorum, atque aggeris, qui ascensum hostium tardarent.* Liuius quoque lib. 44. *Romanus*, ait, ad Clitas, quas vocant, munimenta, cernis etiam obiectis, vt viam intercluderent, à Macedonico ad Toreniacum mare perducit. Sic etiam Tibullus lib. 4. in Panægyrico Messalæ, laudat eum, quod nemo artem benè collocandi cernuos, eo melius calluit.

*Nam te non alius belli tenet aptius artes,  
Quà deceat tutam castris perducere fossam,  
Qualiter aduersos hosti defigere Cernos.*

De Cernolis autem Frontinus lib. 1. de Castramet. cap. 5. ait: *Pelopidas vallum cernolis, & alio materia genere constructum incendit.* Et hi quidem, vt tetigi, graciliores erant è summis arborum ramis decerpti, atque ad continendam terram identidem interiecti: illi autem grandiores stipites, ad firmandum in terra aggerem: Id quod acutè aduertit Lipsius loc. cit. hæc addens: *Cerni sunt ramosi trunci arborum, in faciem, & similitudinem cornuum cerni: atque ij firmiores aliàs, aliàs infirmi. Isti teneriores, & infirmi, Cernoli dicebantur, verbo diminutive.* Deinde ad vsum bellicum descendens, qui adhuc apud nos viget, subdit: *Vtebatur his in vallo struendo ad terram coërsendam astringendamque identidem interiectis; Nos hodieque facimus: quod tamen ubi legitimus densusque cespes, vix opus. Et minorum hic vsus, maiorum diuersus, & ferè duplex. Receptissimus iste, vt truncos illos firmiores in terram depangerent, & variè sererent, itinèri impediendo, aut obstruendo. Amburi solebant ad robur, & simul acumen, vt in sudibus prauis atque is prior vsus, & creber. Alter qui hoc loco apud Casarem, rarior: nempe vt eminerent in exteriori vallo inserti inter loricam ligneam, & aggerem ipsum, simplicis corona in modum,*  
sic-

sicque ascensum hostium tardarent. Agrestes nostri spineas eiusmodi proiecituras in loricis terreis eidem fini usurpant. Hæc Lipsius, innuens etiam in Architectura Ciuili Veterum locum habuisse Ceuos ad constituendos, firmandosque, rudi utcumque Minerua, parietes. Ad quam rem facit quod habet Virgilius Ecloga 2. de primis casarum lruætoribus,

*Atque humiles habitare casas, & figere Ceuos.*

Vnde ex his, Architecturæ rudimenta paulatim insurrexisse, & increuisse, affirmat Vitruu. lib. 2. cap. 1. addens, ad huiusmodi morem nidos compaginantium, habitationes suas extruere, primos homines addidicisse. Tunc obseruantes, ait, aliena testæ, & adijcien-tes suis cogitationibus res nouas, efficiebant in dies meliora genera casarum. Et post pauca, subdit: Primumque furcis erectis, & virgultis interpositis luto, parietes texerunt. Alij luteas glebas arefacientes, struebant parietes, materia eos ingementantes; vitandoque imbres, & æstus, tegebant arundinibus, & fronde. Postea, quoniam per hybernas tempestates, testæ non poterant imbre sustinere, fastigia facientes, luto inducto, proclinatis testis, stillicidia deducebant. Hæc autem ex ijs, quæ supra scripta sunt, originibus instituta esse, possumus sic aduertere, quod ad hunc diem nationibus exteris, ex his rebus ædificia constituuntur: ut in Gallia, Hispania, Lusitania, Aquitania, scandulis robustis, aut stramentis. Hucusque Vitruuius de Architecturæ cunabulis. Quæ omnia ex Ceruis primùm in terram defixis, qui nerui, ut ita dicam, & sustentacula forent erigendorum parietum, atque impositorum dehinc tectorum, profecta sunt. An autem à Casis ad Castra, vel potius à Castris ad Casas, transferint Cerui, iure dubitare quis posset: etenim non defuere qui casarum originem ad militiam referrent; ut notat Ludouic. de la Cerda in allatum Virgilij locum. Ipse tamen ad partem oppositam inclinat, quod verosimilius est: nam prius cogitasse rudes, & imbelles utique homines, Cæli Elementorumque inclementiæ expositos, de casis ad se regendum formandis, quam de Castris ad bellum & hostilia in finitimos inferenda. Quare concludit. Non errarent, meo iudicio, qui contrà sentiret, & militares ceruos referret ad pastoris. Fauet Seneca Epist. 90. ad Lucilium, simpliciores curas hominum prisce ætatis enarrans, subindeque posterorum ædificiorum luxum carpens. Quas inter, inquit, furca suspensa fulciebant casam, spissatis ramalibus, ac fronde congesta, & in decliue disposita, decursus imbribus, quamuis magnis, erat.

CH

47

CHALCIDICVM OPVS, inquit Festus, genus est ædificij, à Chalcide denominatum; quod in locis amplioribus, & spaciosis maximè

mē vsurpari solet: de quo ita Vitruuius lib. 5. cap. 1. *Sin autem locus erit amplior in longitudine Chalcidica, in extremis constituentur, vti sunt in Iulia Aquilina. Ex quo satis liquet, (addit Barbarus) Vitruuium loquentum fuisse de ea Basilica, quæ erat in Foro Iulio, ab Aquilio Iudice cognominata. Hinc coniectari licet, Chalcidica fuisse adiecta, quædam ambulacra ad liberum prospectum; è Basilicis, & Palatijs facta; quæ nimirum in Chalcide, ad ea loca erant frequentia. Porro Chalcidicum pro Cænaculo vsurpasse Veteres, ex Aufonio colligit acutè Turnebus. Ad quod facit id quod Gentilibus exprobrat, & abominatur Arnobius lib. 4. contra Gentes, vbi ait. *Scribuntur Dij vestri in Triclinijs Cælestibus, atque in Chalcidibus aureis canitare, potare, & ad vltimum fidibus, & vocum modulatione mulceri. Eadem lib. 3. Chalciacon appellauit, & in eundem sensum sumpit. Aues, inquit, animus, atque ardet in Calciacis illis magnis, atque in Palatijs Cali Deos, Deasque conspiciere intellectis corporibus, atque nudos. Aliunde Liuius lib. 5. Decad. 4. Calciacon appellat æreum quoddam, Mineræ Templum, quod apud Lacedæmones celebre erat.**

CHARACTER græcè idem valet quod Signum, Nota, vel Figura 48  
aliquid repræsentans, per quod in suo esse cognoscitur, & ab alijs contradistinctum venit. Hinc Mathematicis frequens in ore est; & pro quo quisque instituto, ad aliquid specialiter denotandum, eo nomine vtitur. Vt in Arithmetica, numeri speciales nota digni, specificantur per characteres, aut litteras græcas apud Græcos Scriptores, vel Hebraicas, in Hebraica lingua. Similiter fit in Algebræ per certa signa, vt in loco diximus. In Astronomia quoque Planetarum, Signorum, aspectuum notæ, per certos characteres ea singulariter denotantes, exprimuntur. Atque in Geometria, Lineæ, Circuli, Rhombi, Parallelogramma &c. & sic de alijs.

CHAMAELEON in Astronomicis quid sit, alibi diximus: nempe 49  
sidus in Cælo ad Australem plagam non ita pridem detectum, intra Circulum Antarcticum; cuius naturam Veteres Astronomi illud ignorantes, tradere non valuerunt: neque Recentiores iugi observatione noscere potuerunt. Nihilominus Petrus Ioannes Faber Scriptor Gallus, qui eas oras nusquam inuisit, è suo capite ausus est eius naturam ac nominis rationem (quemadmodum & de alijs vndecim) aggredi, & scriptis mandare. Præstat hic eius ratiocinationem, qualis qualis illa sit, eruditorum iudicio exponere, ac dictum examinare. Sic enim ait in sua Anarome Vniuersi lib. 2. cap. 18. *Est autem Constellatio hæc dicta Chamæleon, quod naturam, & essentiam imitetur*

*Chamaeleontis*, qui est species Draconis, & serpentis capite leonino: Unde dicitur Chamaeleon parvus leo, quod similis sit leoni, capite saltem. Dicimus autem Saturni esse virtutis, & proprietatis; quod serpentes omnes, & dracones Saturni naturam, & essentiam sequantur, & imitentur. At nimis insulse, variè, & ventose de Chamaeonte fidere discurret ex solo nomine, quod gratis ei ac tumultuariè ab Naucleris Astronomiam ignorantibus, & eius naturam, tam paruo tempore, probè noscere non valentibus, ad pactum est. Ipse potiùs chamaeleontis genium imitatur, qui aere pascitur, vel sanè muscas caprat, & in pusillo nominis tumorem, ceterà reptans, ac lacertæ omninò similis, grandiloquentia imitatur.

CHARNELLI. V. *Quarnelli*.

CHELO. Vide *Manucla*.

50 CHELONIA in Architectura, inquit Philander in notis ad Vitruv. lib. 10. cap. 2. Sunt veluti umbilici, aut mensæ, quæ appinguntur arrellarijs, in quibus ceteri in armillis coniecti, fucularum cardines versantur, atque ad ipsa tota. Porro Chelonia isthac seu Ansa apud nos vulgò Auriculæ appellatur: quas ait Barbarus, solitas fieri ex ferreis laminis apprimè firmis. Sed in alio planè sensu accepisse videtur Vitruvius, tum loco pridem citato, tum cap. 5. ubi ait: Sub retinaculis chelonica duo figuntur, trochlea funibus supra chelonia religatur: sub trochlea regula longa circiter pedes duos, lata digitos sex, crassa quatuor supponitur. Quæ loquendi formula, satis indicavit, Chelonia esse potiùs ligneas quasdam regulas summo capiti machinæ impositas, & affixas, ne trochlea in summo religata defluat, tum ut à trabe aliquantulum in anteriorem partem promineat, Tassellos, Nostrates appellant. Porro Chelonia sine aspiratione vocat Aristot. in Mechanicis Quest. 28. machinas illas iuxta puteos apponi solitas, ad hauriendam facili negotio aquam, per trabem alteri libraliter innixam, & transuersam, inclinata vna extremitate, cui vas affixum est ad inum putei, ut accipiat aquam, altera manibus pressa, & prægrauante pondere; fortè idem cum Tollenone, de quo alibi. Est etiam Vitruvius Chelonium, pars basis, seu puluinum in Catapulta, quod supra minorem columellam statuitur.

CHODACES. Vide *Cnodaces*.

51 CHORAGIUM apud antiquos Architectos, erat Theatri pars, cui  
no-

nomen ab vſu. De hac Vitruu. lib. 5. cap. 9. ita loquitur. *Choragia laxamentum habeant ad Chorum parandum, vti ſunt Porticus Pompeiana, itemque Athenis Porticus Eumenici, Patriſque Liberi Fanum.* Erat igitur Choragium, locus in Theatro, in quo Choragi, hoc eſt in Choro primas tenentes, veſtes ſcenicas, & cætera huiusmodi aſſeruabant ad promptum vſum, pro ſcenæ apparatu, & recitantium habitu actutum, & ſæpius immutandum.

CHOREA hilare tripudium, & concinna ſaltatio ad numeros, reſpondens canticis & ſonorum modulis. De qua vide in V. Saltatio.

CHOROBATES Organum mechanicum eſt ad libranda, 52  
aquant, multo melius, quam per Dioptram, aut Libellam: cuius deſcriptionem habes apud Vitruu. lib. 8. cap. 6. in hæc verba: *Chorobates autem eſt regula longa circiter pedum XX. & habet ancones in capitibus extremis aquali modo perfectos, inque regule capitibus ad normam coagmentatos; & inter regulam, & ancones, à cardinibus compaſta tranſuerſaria, quæ habent lineas ad perpendicularum rectè deſcriptas; pendentiæque ex regula perpendiculara in ſingulis partibus ſingula: quæ cum regula fuerit collocata, eaque tangent aquè ac pariter lineas deſcriptionis, indicabunt libratam collocationem.* Promiſerat ille quidem exemplar, & delineationem huius instrumenti in extremo volumine, ſed temporis iniuria hæc Chorobatis deformatio, cum alijs periit. At enim ex hac ipſa verborum deſcriptione eam reſtituit Barbarus, & oculis ſubiecit adeo expreſſiuam, & elegantem, vt facillimè eius vſus intelligatur: cui duplex vtilitas, ex aqua videlicet, ac perpendicularo.

CHOROGRAPHIA à plerisque confunditur cum Geographia, 53  
& eſt verè illius pars & adminiculum: ſed ex Ptolemæo colligit bene Philander, quod non parum diſſerunt, & habent diuerſos reſpectus. Nam Chorographia Locorum partes, & minutiffima quæque membra conſiderat, vt portus, vicos, valles, montes, lacus &c. Geographiæ verò proprium munus eſt, vnum, & continuatum terræ tractum oſtendere. Deindè Chorographia, quæ locis vtcumque accidunt, reſpicit potiùs, quam diligentem diſtantiarum rationem, & menſuram tradere geſtit, quod proprium Geographiæ officium eſt. Poſtremò Chorographia ad locorum faciendam deſcriptionem, pictura, vel picturæ affigurationibus eget: à quo libera eſt Geographia, quæ tantum habet per tenues lineas, Locorum diſtantias, longitudines, latitudinesque oſtendere.

54

**CHORS** (inquit Nonnius Marcellus) est *Villarum intrâ maceriam spatium*. Vocabulum rusticis, atque Agricolis familiare. De hac ritè, & commodo situ constituenda, non minùs quàm de ædificijs, sollicita est Architectura. Vnde Vitruu. lib. 6. cap. 9. cum de Villâ, ac rusticorum habitationibus agit, magnam partem impendit in eius consideratione, atque vtilibus præceptis circâ eam tradendis. *Chortes*, inquit, *magnitudinesque earum ad pecorum numerum, atque quot iuga bœum opus fuerit ibi versari, itâ finiantur*. In Chorte culina quàm calidissimo loco designetur: coniuncta autem habeat bubilia, quorum præsepia ad focum, & orientis Cali regionem spectent; ideoque boves, lumen & ignem spectando, horridi non sunt. Item agricolæ regionum imperiti (periti, legit Philander ex codicibus emendationibus, & magis ad sensum) non putant oportere aliam regionem Cali boues spectare, nisi ortum solis. Porro duplicem Chorstem monet Varro de Re Rustica, constitui debere in magno fundo; vnâ intrâ Compluium, quæ habeat, lacum, vbi saliant aquæ; alteram exterius pecoribus, & stramentis aptam.

58

**CHROMA** in Musicis, est certus modulandi modus, qui, vt habet Vitruu. lib. 5. cap. 4. *subtili solertia, & crebritate modularum, suauiorem habet delectationem*, medius inter Enarmonicum, ac Diatonium. Vnde Chromaticus (inquit Rhodiginus lib. 9. cap. 3. *ob infirmam mollitiem, infamia notâ non caruisse apud Veteres testatum est*. Sed de varijs Musicæ modulis, eorumque sumptis ex græco nominibus (nam Latini in hoc segnes fuerunt, & libenter ab Græcia, vbi Musica sumpsit exordium, in rebus non benè intellectis, nomina mutuauerunt) agit fusè Vitruu: & nos cum earum latinis interpretationibus, collectim dabimus in V. *Monochordum*. Interim non ab reerit monere, quod nostrates Musici, notulas illas nigras, è quibus octo implent integrum tempus, seu manus eleuationem, & depressionem (battutam vocant) singulas seorsim tributas, *Chromas* nominant, vti & earum medietas, *Semicroma* dicitur.

CI


55

**CICLICA LINEA** apud Astronomos intelligitur esse, quam in Cælo designant Planetæ, dum in suis Orbibus, & Epicyclis perpetuò circumferuntur: non absimilis planè ei, quam rotæ clauus, suo extremo describit, cum currus agit; nisi quod Ciclica Planetarum suos anfractus in gyrum torquet, rotæ verò in directum continuat. Quæ quidem linea describitur à motu puncti circa circulum, dum ipse circulus circâ centrum motu recto mouetur. Id quod melius in-



telligitur in vtriusque gyrationis schemate, quod contemplandum exponit noster Guarinus in suo Euclide adaucto, tract. 18. expens. 7.

**CILIGONIA** figura apud Geometras dicitur, quæ vnum, aut plures admittit angulos externos, vtrâ internos, qui tamen cum illis & numero, & ordine, & respondentia non conueniunt, vt in hoc trapezio videre est. In quo sunt quatuor anguli acuti interni, & duo externi, quorum alter acutus est, alter obtusus. Similiter in Triangulo Acidoide (quod supra descriptum est) vbi sunt quatuor latera, & tres anguli acuti, à quibus denominatur; necessum est, vt omnino admittatur alius angulus externus, qui tamen potest esse, & acutus, & re-  
ctus, & obtusus, vt in loco diximus. Harum igitur, & similium figurarum anguli vagi sunt, vt & latera, quæ sibi vt plurimum non respondent, nec in vno ex altero addiscendo, valet regula, quam de triangulis planis generaliter tradit Euclides lib. 1. propos. 4. 5. & 6. nec non propos. 16. 26. 29. & 32. Cuius discrepantiæ rationem, & quomodo possint in concordiam venire, vt totius figuræ dimetiatur area, vide apud Bettinum in Apiarijs.



**CIMBIA** in Architectura, peculiari nomine appellatur inia columnæ pars, quæ modicè insæctitur, quæque immediatè torulo insistit. Hanc communiter Architecturæ Scriptores, ex græca notione nominant Apophygem, hoc est annulum: eoquod repræsentet ferreum, illum annulum, qui antiquitus columnarum extremis, (quippe quæ è truncis arborum erant,) ne funderentur, apponi solitus erat. Et quidem duo annuli in columna obseruantur: alter in summo, quem premit Capitulum desuper impositum; alter in imo, qui innicitur basi: sed ille, proprio nomine vocatur Apothesis; hic autem, Cimbria, vt contradiſtinguantur: vterque autem promiscuè *Apophygis*: vt suo loco diximus.

**CIRCITORES** vide in V. *Vigiles*.

**CIRCVMVALLATIO** propriè militare vocabulum est, & signat illam operum collectionem, quæ in obsidione Vrbiū fit ad illas stringendas, & obsidentes simul in sua statione firmandos, atque

ab hostium repentinis excursionibus contutandos : à vallis, quibus, bonam partem constat, nomine apud nos deriuato. De qua re fufius egimus in V. Agger.

60

CIRCVS, generali nomine audit omnis quicumque in gyrum actus in plano ambitus, quasi circuitus : vnde & cum Circulo, quod eius diminutiuum est, conuenit, & confunditur. Antonomalticè autem, & in opere architectonico, denotat peramplum, & nobile Aedificium ad modum Theatri, sed in gyrum extructum, atque dispositum ; vt populus, qui ad illud olim adunabatur ad publica spectacula contuenda, locum haberet, qui multos exciperet, & æquè omnes commodum, & liberam prospectum haberent : quod non præstaret, si foret aliqua ex parte angularis. Porro tres Roma, præ cæteris, habuit Circoꝝ celeberrimos, in quibus, nescias, an plùs contulerit Romanorum Principum munificentia in sumptibus, quam Architecturæ magnificentia in opere, quæ inibi totas suas curas posuit, ac penè effeta est, vt nil magnificentius dari possit. In his principem locum habuit *Circus* (re, & nomine) *Maximus* inter Auentinum, & Palatinum Colles ædificatus, in quo nobilissimæ Porticus, circà ; & ampla è marmore sedilia ; & in centro Obeliscus erat Soli sacratus. Et quia in eo Ludi toto orbe celeberrimi exercebantur, ab eo *Ludi Circenses*, omnes promiscuè denominati sunt : Quamquam Græci Scriptores à Circe Solis filia, quæ eorum inuentrix fuisse perhibetur, nomen traxisse volunt. Porro Circi, & similia Aedificiorum, ratam extruendi rationem, latè prosequitur Vitruuius lib. 5. cap. 3. Quem locum, datis schematibus, & eruditissimis commentationibus, illustriorem facit Philander, omninò à curiosis videndus.



61

CISSOIDES Figura singulari consideratione digna habetur à Geometris ; & ab Architectis, in sternendis è secto lapide pavimentis, plurimi fit, quæ in angulos definit, sed arcuatos introrsum ad modum folij hederacæ ; vnde & nomen sumpsit ex græco deriuatum, quasi *Hederæformis*. Formatur enim tribus vel pluribus duplicatis arcubus, vtrique extrà conuexis, & in angulum coeuntibus ; contrà quàm fit in *Sistroide* : in qua, duo quidem arcus in angulum abeunt, sed semper acutum, in quacumque figura ; quippe formatur ex duobus arcubus concauis ; vt videre est in subiectis vtriusque figuris. Quarum profectò commensuratio, vt & angulorum, & laterum, fit per reductionem ad rectum ; itaut quantum alteri demas, tantumdem alteri tribuas ; seu ex aggregato Areæ duorum

rum curuilinearum in vnum rectilineum. Vide Bettinum in  
Apianijs.

*Cissoïdes*

*Sistroïdes*



CL

CLASSIS propriè dicitur Collectio Nauigiorum cum bellicis munimentis, ac milite ad Nauale bellum instructa: vnde perinde est, ac Acies Militaris, non in Campo, sed in Aequore explicata. Quamquam non desunt qui Classẽ promiscuè pro Maritimo, ac Terrestri, ad præliandam accincto Exercitu sumant. Quod ideo Festus: *Classis*, inquit, *procincta, est Exercitus instructus*. Et Isidorus: *Classes dicta, propter diuisionem Exercitus, qui postea Manipuli dicti sunt*. Hinc etiam Virgil. Aeneid. 2. dicit,

*Classibus hic locus, hic Acies certare solebant.*

Sed non multum fidendum Poëtæ authoritati, qui, vt moris est Poëtarum, figuratè loquitur, & quadam sermonis elegantia, quæ Nauium propria sunt, ad terrestrem Aciem transfert, & quæ terrestrium sunt, promiscuè tribuit nauibus, vt alibi, lib. 3.

*Dat clarum è puppi signum; nos Castra mouemus.*

Hoc est Nauigiorum Classẽ. Et alioqui, vt obseruat Seruius, *Classis à calonibus dicta*; quæ vox græcè ligna significat, proindeque Maritimum exercitum, qui in Nauigijs è ligno compactis portatur, appellat. Cæterà semper Classis, in re militari, quomodoiibet accipias, architectonicè disponenda est; & siue Terrestris sit, siue Maritima, in ea plus valet optimæ ordinatio, quam nauigiorum, ac militum multitudo. Sed in Nauali illud inprimis aduertendum est, vt expedita, leuis, & agi facilis; melior sit, quam milite, com meatu, armis, propugnaculisque instructa; quibus tamen sit onerosa, & ad omne prælium, (prout ventus, aut sors dederit,) ineundum

dum inepta: Quod pluribus exemplis tam veterum, quam recensiorum temporum, ostendit Stevvechius ad lib. 4. cap. 37. Vegetij. Ad hæc, Portus requiritur promptus, ac tutus, ad quem in tempestatibus se recipiat: & alia, de quibus Vitruu. lib. 5. cap. 12.

- 63 CLATRI, & CLATRATA OPERA in Architectura sunt, quæ aliàs à Nostreis appellantur *Cancellæ*, & *Ferratæ*: tenues videlicet è ligno asseres, vel ferreæ laminæ inuicem connexæ, decussatæque, ac parvis spatiolis æquè distantibus, interstinctæ. Idque siue arceſtarijs ac transuersarijs fiat, siue reticulatè, intervalis in rhombi formam abeuntibus: quibus locus aliquis, (vt potissimum ostia, & fenestraz,) ita clauditur, vt tamen exterior prospectus liber sit, & minime impediatur. Hæc, vt ita dicam, repagula, & obices, maximè utilitatis, & commodi sunt, tum in pacis otio, tum in bello: quando & valuarum, & parietum vices obtinent, & necessariæ aperturæ locum dant: vt profectò id equè præstent, nè hostibus, & extraneis, inde pateat aditus in interna; nec eurtoris oculis res nostræ obſciantur, & pateſcant; ac simul nobis clausi omnino ostij, aut obiecti parietis impedimenta submoueant, vt quæ exterius sunt probè spectare possimus, & hostium insidijs, ac machinamentis, si contra nos quid moliantur, huiusmodi integumentis occurrere valeamus. Quare dubitat iure Philander, An parietis appellatione venire possint, vel potius aperitionum, cum & vtrumque habeant, & parietum comoda, & aperitionum conditiones.

- 64 CLAVES in structuris dicuntur vulgò Architectonum, quas *Taleas* vocat Vitruu. lib. 1. cap. 5. Ligneas videlicet, aut ferreas fibulas, quibus trabium in opus adhibitarum capita exterius firmantur, ad parietum consistentiam, & colligationem. *Vti utraque (ait) muri frontes inter se, quemadmodum fibulis, his taleis colligata, æternam habeant firmitatem.* Sed hæc potissimum è ligno, & vstulatas requirit, ne cariei, humiditati, ac temporis iniuriæ obnoxie sint. Namque ei materia, subdit, nec tempestas, nec caries, nec vetustas potest nocere, sed ea & in terra obruta, & in aqua collocata, permanet sine vitijs utilis sempiternò. Ad quæ Philander: *Per muri crassitudinem graciliores trabes, quantum satis erat, exugendo humori vsta (ita enim siccescendo permanent ad diuturnitatem) inter se, reuinciantur pestinatim; serratimue, aut cancellatim, eam colligationem connexionemque fibulatam quidam putarunt esse.* Et post pauca, subdit: *Nostri, ferreis subscudibus armillata trabium capita reuincunt, atque ita retinent.* At enim nescio, an firmiora, ac diuturniora euadant ædificia, quæ fer-

ferreis clauibus connectuntur, quam quæ vltulatis è forti ligno, puta roboreo, aut oleagino, vel similibus, obfirmantur; quas vti- que in specie, & non illas è ferro factas laudat Vitruu. Siquidem illæ rubigini, humiditati, incuruaturis, alijsque temporis iniurijs subiacent; at non ità certarum arborum taleæ vltulatæ, ac tempore confirmatæ, quæ longè constantiores, ac diuturniores sunt, quippe ignis beneficio, à corrosione, & corruptione immunes euasæ, sunt propè æternæ; ac tempore, vetustatem non sentiunt, quinimò magis magisque obdurantur: vt patet in publicis, quæ in fundamentis ædium, in vadis aquarum à Venetis affigi solent, quas proinde vide- mus, in limo, & sub aquis duriores fieri, inflexibiles, saxeas, ac penè adamantinas.

CLIMACIS in Belopzicis, ea pars signatè intelligitur esse in Ca- 65  
tapulta, quæ in alijs id genus machinamentis bellicis, appellari solet Syringa. Estque Canalis, per quem gradatim transit sagitta vel sa- xum inde immissum, vt maiorem per eam impulsus accipiat. Quomodo autem id præstet, perbellè explanat Ammianus in descri- ptione Ballistæ, lib. 23. *Ferrum, ait, inter axiculos duos firmum com- paginatur, & vastum, in modum regulæ maioris extensum: cuius è volu- mine tereti, quod in medio arspolita componit, quadratus eminet stylus extensus, erecto canalis angustimeatui cauatus, & hac multiplici chorda neruorum tortilium illigatus: eique cochleæ duæ lignæ coniunguntur ap- tissimè, quarum propè vnā assistit artifex contemplabilis, & subtiliter adponit in sermonis cauamine sagittam ligneam, spiculo maiore congluti- natam. Hocque facto, hinc inde validi iuuenes versant agiler rotabi- lem flexum: Cùm ad extremitatem neruorum acumen venerit summum, percita interno pulsu à ballista, ex oculis auolat, interdum nimio ardore scintillans, & euenit sapius, vt antequam telum cernatur, dolor lethale vulnus agnoscat. Porro Climacem ideò dictam, hanc Catapultæ partem astruit Heron, quasi paruam scalam, vel gradulum: Climax enim græcè, Scalam latinè significat; & Climacion Scalulam. Quæ de re, curiosa satis, & admodum erudita congerit Turnebus lib. 2. Aduersarior. cap. 5.*

C N

CNODACES obscurè satis, & transitoriè, Vitruuius memorat 66  
lib. 10. cap. 6. Cresiphontis machinam describens, quos etiam Chodaces vocat. Sunt autem, Salmasio iudice, Ferreæ quædam fibulæ in capitibus assium, vel scaporum affixæ, ibique ad maiorem consistentiam adplumbatæ, vt per eas scapi vel axes in armillis faci- lius volutentur. Reuerà tamen Vitruu. aliud sentire videtur, nam

vbi de modo , quo Ctesiphon machinam suam aptauit ad importandas è lapidinis, inueniendi oneris columnas vsque Ephesum, vt deferuissent ad celeberrimum Dianæ Templum erigendum, discurret, hæc habet; scilicet, quod Ctesiphon *De materia trienali scapos quatuor, duos transversarios interpositos duobus longis, quâta longitudo scapi fuerat, complectit, compegit: & ferreos chodaces, uti subscudes in capitibus scaporum implumbauit, & armillis in materia ad chodaces circumdandos infixit.* Et, ne mendum irrepsisse inter scribendum credas, secundo, ac tertio Chodaces replicat, mox subiungens: *Chodaces autem in armillis inclusi liberam habuerunt versationem tantam, uti cum boues ducerent subiuncti, scapi versando in chodicibus, & armillis sine fine voluerentur.* Nihilominus criticus verborum scrutator Salmasius, vult legi Cnodaces, & meo iudicio, rectè. Nam, quid sibi velit hoc vocabulum *Chodaces*, nusquam apud vllum alium Scriptorem, præter Vitruuium, reperitur. Sed neque in Glossarijs neque in Lexicis, seu Græcis, siue Latinis, minima eius mentio, aut nominis deriuatio. *Cnodaces* autem optimum, & vsitatissimum verbum est, ex notione græca: &, teste Turnebo, significat propriè duos ferreos stylos in torno, quibus hinc inde materia tornabilis sustinetur. Vnde benè aptatur ad significandas non absimiles ferreis fibulas, uti subscudes in capitibus scaporum, vel axium, vt per eas scapi vel axes in armillis simili modo versentur. Consonat Philander, qui etiam testatur, in alijs Codicibus se inuenisse scriptum *Cnodaces*, & mea, inquit, sententia melius.

## CO

- 67 COASSATIO, & COASSARE, modus loquendi architectonicus est, ac sæpissimè à Vitruuio vsurpatus. Significat enim probam in, pauimentis assumi ad inuicem compaginationem, quam nos fortè expressiùs vocamus *Contabulationem*. Siquidem asseres reuerà tabulæ sunt, quibus canacula ad pauimenta sustinenda sternuntur. Alibi, & frequentius, coaxationem vocat: sed, quantum sapio, valde impropriè, & præter rem.

- 68 COCHLEA in Mechanicis, vna est ex quinque celeberrimis facultatibus, quas Heron, & Aristoteles enumerant, & examinant, ad leuanda agiliter pondera conducentes, ad rationem cuiuscumque motricis potentie, suntque, Axis in Peritrochio, Vestis, Cuneus, Polispalton, & Cochlea, quam Pappus agnominat infinitam. Est autem Cochlea lignum rotundum, & longum crectum in torculari, strijsque conformatum paulatim ad summum ascendentibus, per quas alia item cochlea contrario opere, sed æquali prorsus ratione, inter-



interius excavata, quam vocant feminam, atque immiffa, ducitur, aut fanè ipfe tortilis fcapus intrâ ipfam agitur, & volutatur: quæ volutatione fit, vt prelum appositum, prout opus, est modò attollatur, modo deprimatur, & comprinat quæ subtus sunt, ad rationem datæ potentiz. Quæ machina à Cochleæ reptilis fimilitudine, cuius testa fimiles fpiras habet, nomen aufpicata eft. Vidam nos Itali appellamus; eam verò partem quam modò feminam diximus, *Madruiddam*. Porro varius, & frequentiffimus eft in operibus mechanicis Cochlearum iftarum vfus; & alias Quadratas, alias lenticulares, appellat Oribafius apud Philandrum: Quadratas quidem in quibus ftrix, feu protuberantes partes abeunt in fpiram, quadratæ sunt, vti & cauum: Lenticulares, in quibus cauum imum verfus anguftum eft, in fummo latum. Similiter alias fimples, quæ vno dumtaxat capreolo, id eft tortuoso canaliculo, excavatæ sunt; duplices alias, quæ binos habent excifos canaliculos. Quinimò, addit Philander, eadem ratione dari poffunt, triplices, quadruplices, &c. pro canaliculorum numero. Et de his agit Vitruu. lib. 6. cap. 9.

Eft præterea *Cochlea* hauftorum organum, feu machina, quam latè describit idem Vitruu. lib. 10. cap. 11. eamque dicit eife, ad tollendam fursùm magnam aquæ vim valdè idoneâ, fed non adeò altè quàm facit rota. Cæterùm hæc noftris temporibus in defuetudinē iuit, & eius loco fufficit Antlia longè facilior, & felicior ad attrahendâ aquam in quamcunque altitudinem; idque per impulſum aeris contracti, & retracti, qui proinde dat locum aquæ iuxta exigentiam naturæ, falendi indefinitè ad quamlibet altitudinem, ad replendum vacuum, à quo tantùm Natura abhorret; de qua fuſè diximus ſuo loco.

Sed quod maximè Architecturam commendat in Cochleæ vſu, eft Sclarum Cochlidarum inuentio, & artificium, iam receptum, & communiter adhibitum in ædificijs. Etenim ex non tam firmitatem ſtructuris magnis conferunt, quàm decorem, & commodum, in ſitus paritate, quæ locum cedit totius operis amplitudini, ac maieltati. Eiuſmodi duæ ſunt Romæ celeberrimæ, altera à Traiano dicta, in cuius honorem erecta eft; altera Antonini Pij. Vtraque à Sixto V. Pont. max. anteacto ſæculo, ab iniurijs temporum vindicata, & in priſtinum reſtituta; ſacræque ambæ Principibus Apoſtolorum, eorum ſimulacris ex ære deſuper collocatis: verè nedom Architectonicæ artis miraculum, ſed & omnium ſere Mathematicarum facultatum idea, & compendium, necnon Romanæ magnificentiz, rerumque à Principibus illis geſtarum nobile monumentum. De quibus plura apud Scriptores extant Encomia. Sed illud

imprimis admirabile est; quod, (vt aduertit Philander) earum crassitudo uno, perpetuoque lapide constat, in quo incisi gradus; & cum ad summum gyrum calata sint variarum rerum, & personarum simulara, necesseque sit aliquando particulam in secundum lapidem seruari; ita commissi sunt tamen, & ad unguem coniunguntur, & conueniunt, vt ne oculatissimus quidem, nisi meditatio & consulto in rem presentem venerit, animaduertere possit. Sed vt ad Cochleæ rationem reuertamur, quæ in Cochlidibus scalis dignoscitur, harum quædam, scapum in medio habent, cui singuli gradus innituntur, ibique terminant; quod ideo à nostris, Anima, Stylus, & Antenna nominatur: aliæ per se subsistunt, nullo scapo aut fulcimento innixæ; sed gradus ipsi sibi mutuo sustentaculo sunt, & certo ordine ad totam machinam sustentandam conspirant; quales sunt quæ Urbini in verè Regio Ducum Palatio extant, & Romæ in ædibus Farnesianis, atque Alterianis. Sed de hoc argumento satis.

COEMETERIVM Vide in V. Catogenm.

**71** COHORS in Acie militari, vt etiam in toto Exercitu statario, nuncupatur certa peditum collectio sub vno Centurione metentium, à cohortando dicta, quod eam Tribunus, vel Centurio frequenter hortari soleat ad se sequendum, ac fortiter dimicandum. Siue à Chorte, vt placet Varroni; *Quod vt in villa*, inquit, *ex pluribus tellis illa coniungitur, & quiddam sit vnum*; sic hæc ex manipulis copulatur cohors. Sed, quidquid sit de nomine, certe Cohors signatè & propriè de peditibus est, vt & Centuria, & manipulus; nam aliàs Equitum collectio, Turma dicitur, vt habet Veget. lib. 2. cap. 14. Etsi aliàs non sui memor, in describendis Cohortibus, quas decem omnino, in vnaquaque Legione comprehendi vult, equites quoque adnumerauit. lib. eod. cap. 6. Sed *Prima quidem Cohors*, ait, *reliquis & numero militum & dignitate præcedit*. Tum subdit: *Hæc habet pedites mille centum quinque; Equites loricos centum triginta duos; & appellatur Cohors Miliaria. Hæc caput est Legionis; ab hac, cum pugnandum est, prima acies incipit ordinari, &c.* Quare, quamquam maiori ex parte, peditibus constabat Cohors, attamen ad pugnam accincta, Equitibus annectebatur, vt mutuo sibi essent adiumento, atque præsidio. Vt vt sit, certum est, auctore eodem Vegetio, in tota Legione, pedites centum supra sex mille numerari; equites septingentos sex; vnde facta per cohortes distributione, si Primæ Cohortis peditibus, quos diximus esse mille centum, & quinque (vt dictum est) nouies 555. addideris, atque eiusdem primæ Cohortis Equitibus, qui

qui sunt 132. adieceris noues 66. pro reliquis nouem cohortibus ;  
 proculdubiò tota hæc collectio , numerum , ac distinctionem Legio-  
 nis æquabit, peditum nempe sex millium suprâ centum , & Equitum  
 septingentorum viginti sex . Sed quamobrem , quæres , Prima Co-  
 hors Millenaria dicitur , quando vltrâ mille pedites, admittit adhuc  
 alios centum , & quinque ? Aio cum Stevvechio , hos addi supranu-  
 merarios gregarijs mille, à quibus Cohors denominabatur, qui pro-  
 fectò in gradibus erant ; nam quinque erant ordinarij moderatores ,  
 à quibus in vniuersum regebantur , & centum erant Decani , & ca-  
 pita contuberniorum ; singulis enim contubernijs, hoc est, decem mi-  
 litibus gregarijs, singuli Decani præficiebantur , vt colligitur ex eo-  
 dem Veget. cap. 13. & cap. 25. & nos in loco dicemus . Cæterum no-  
 tat bene Valtrin. lib. 3. cap. 2. apud Romanos in vnaquaque Cohorte ,  
 non eundem semper militum numerum omnibus futuris temporibus  
 extitisse ; sed passim augebantur , aut diminuebantur, pro copia , &  
 numero sponte aduentantium ad merendum , vt clarè constat ex Sal-  
 lustio in Catilinaria . Hoc tamen semper ratum , & firmum fuit , vt  
 cum Cohortes restituendæ forent , ex tribus manipulis , vno Hæsta-  
 torum , altero Principum , tercio Triariorum , adiunctis Velitibus  
 complerentur . Manipuli autem duas Centurias , hoc est ducentos  
 milites numerabant : itaut vnaquæque Legio Centurias sexaginta ,  
 manipulos triginta , cohortes decem numeraret . Ad quæ vide Gel-  
 lium lib. 16. cap. 4. Noctium Atticar.

COLLICIAE, Festo auctore, sunt regulæ in edificiis sub-  
 grundijs positæ, per quas aqua in vas ad hoc appositum, colligeretur,  
 inde defluens. *Canales* nos diceremus. Nomen à colligendo  
 desumptum, & vsus comparatus ab Agricultura ; nam sulci illi ma-  
 iores , qui passim in agris, statim in locis excauantur, vt per eos aqua  
 pluuialis in fossas defluat, colliciaæ appellantur . Vnde Plin. lib. 18.  
 cap. 19. ait apud diligentes agricolas in vsu esse, in aruis *Collicias*  
*interponere, si ita locus poscat ampliore sulco, quæ in fossas aquam deducant.*  
 Ab aruis ad tecta transire : suntque, vt dixi, receptacula , seu  
 potius transitus , & aperta via ad aquam defluentem à summis cul-  
 minibus tectorum in Cauædia , in quæ colligitur , & in alueis conti-  
 netur, non tam ad parietum , & cauediorum immunitatem, ne aliàs  
 guttatim defluens, temerèque, eorum ordinem, & venustatem com-  
 maculet ; quàm ad vsu, ad replendas potissimum cisternas, vbi eius  
 inopia est , & alia . Has *Colliquias*, non absimili ratione , nempe à  
 colliquando, vocat Vitruu. lib. 6. cap. 3. vbi, de Cauædijs rusticanis  
 ac Tuscanis præcepta tradens, vult eas in summitate constitui, in

qui-

quibus, ait, trabes in atrij latitudine traiecta habent intempensina, & colliquias ab angulis parietum ad angulos tignorum intercurrentes. His affines sunt Delicia, & Deliciares tegula, quas item Deliquias nominat Vitruu. paulò infra, quæ opponi solent, in Displuiatis Canadijs. Verùm de his, in quibus cunueniant, in quibus discrepent, trademus suo loco.

73 **COLLOROBI**, teste Inlio Polluce in Onomastico, dicuntur apud Geometras anguli, in quibus obliqua latera committuntur, quorum profectò infinitæ esse possunt coitiones, ac propterea de ijs non potest tradi certa ratio mensuræ ex lateribus ipsis notis, & conditione reliquorum angulorum petenda, ut alias fieri solet: de quare, alibi discruimus.

74 **COLLYRIA** in opere Architectonico, quid sibi velint, haud satis constat: Etenim, neque ex etymo nominis, neque ab frequenti Scriptorum vsu, quid expiscari potest, quod ad rem cadat. Sed enim vocabulum hoc hucusque solum ab cultissimi sermonis professore Sidonio Apollinari Sanctissimo Aruernorum Antistite, usurpatum inuenio. Is enim lib. 2. Epist. 2. describens villæ suæ commoda, & ordinatam partitionem, inter alia Architecturæ exstantia inibi monumenta, hæc enumerat. *Ab ortu, inquit, Lacum porticus intuetur, magis rotundatis fulta collyrijs, quam columnis inuidiosa monubilibus.* Certè, quantum capio, pilas intelligit, quæ arcus, & fornicem sustinent, vice columnarum, quas imitentur rotundatione, & firmitate, non operis elegantia. Aliqui Interpretes mendum irrepsisse putant, & legendum, volunt *Cylindris*. Alijanimosius reponunt *Caryathidis*: quos inter, Gulielmus Philander in Notis ad Vitruuium. Quem tamen meritò reprehendit Sauarus, expendens hunc Sidonij locum; idque euincit, tum ex eo, quod non pauci veteres M. S. habent Collyrijs; tum quia nihil est rotunditatis in feminarum Statuis: addo ego, Caryathides ad maiorem venustatem apponuntur in ædificijs, columnarum loco, non ad maiorem firmitudinem, ut hic innuere videtur Sidonius, porticum laudans non ab magnificentia, sed à stabili firmitate. Sed nec tam facile reponendum *Cylindris*, ad quod Sauarus ipse inclinat, eo quod vices columnarum sunt, zamerli detruncata, & ut ita dicam Semicolumnia, quæ sensui Apollinaris optime quadrant: nam præterquam quod Cylindri verè inter columnas censentur, & sunt etiam monubilia, ut suo loco dicemus; id ipsum nomen, & in eodem sensu reperitur usurpatum in actis SS. Quatuor Coronatorum, ubi habetur, *Et ca-*  
pe-

perunt Artifices quadratarij incidere lapidem ad collyrium Columna. Non ergo Columnæ sunt, neque Cylindri. Existimo igitur ad mentem Sidonij, ea esse pilas cæmentarias, seu latericias, aut ex pluribus fragmentis lapidis solidioris compositas, quæ tamen sint ad morem columnarum, vel cylindrorum, optimè rotundata, quæque nec verè pilæ sunt, siue, vt nos dicimus, *pilastri*, (istæ enim quadratæ sunt, vt suo loco dicemus) neque cylindri, quia hi non materiati sunt, sed ex integro lapide, licet trunco ac dimidiato, quod idè appellantur quoque semicolumnia. Quod si vltius ex etymo nominis aliquid ad verisimilitudinem, & quandam analogiam operis trahere volumus; *Κολύριον* græcè, scissam animantis caudam, significat: & aliàs Collyria communiter audiunt medicamenta ad oculorum lippitudinem, ex pluribus rebus exsiccantibus conflata: id quod in structuris translatum, ad significandas eiusmodi pilas rotundas, è rudibus, diuersisque fragmentis petrarum factas, à veritate equidem non abhorret.

COLUMBARIA in Architectura, communi professorum vsu, 76 appellantur caui quidam hiatus, seu foramina, in summis ædium relicta, ad tignorum, asserumque locationem; à columbarum forte cubilibus, ac latibulis, in quæ ad nidificandum se recipere solent, quæque Columbaria à Varrone, & Columella, idcirco dicta sunt, nomine deriuato. Ità inter alios Vittuu. lib. 4. cap. 2. asserens ea opas à Græcis vocitari: *Opas enim Græci*, inquit, *tignorum cubilia*, & *asserum appellant*, *vti nostri ea caua*, *Columbaria*. Aliàs lib. 10. cap. 9. Columbaria vocat spiramenta quædam in aquæductis, & hauustorijs machinis, statis, in locis relicta, per quæ aëre expirante, aqua liberum cursum per fistulas habere possit, ne interceptus in ijs aër, nec foris exire valens, aquæ excursionem moretur. Sic enim habet, de hydraulico organo loquens. *Secundum axem columbaria sunt excavata in singulis spatijs ex vna parte*. Et infra: *Hauriendo aquam per aperturas, quæ sunt in frontibus tympani, reddit eam per columbaria secundum axem*. Sed tamen in hoc sensu, (notat acutè Philander) aptius, propriissimè Columbaria ab effectu nonien haberent, à *τὸ Κολυμβᾶν* quod est latinè, *vrinare*: vnde & Colymbiæ Græci vocant Vrinatores, & Colynibades dicuntur aues in aquis innantes, & sese identidem sub aquis immergentes, quales sunt anates cygni, &c. idque ex eo, quod aqua, simili modo in ijs loculis intercepta, more vrinatorum, modò in præceps eat, modò resiliat. Sed eadem spiramenta in aquæductis facta, leui literalæ commutatione, *Columnaria* nominat idem Vittuu. lib. 8. cap. vlt.

ut. ut mox videbimus, & vocem examinabimus?

**77** COLVMEN in re ædificatoria, audit supremum illud, & primum tignum, quod summum tecti totius fastigium occupat, cuique reliquæ trabes, & asseres innituntur: quod idè illud Nostrates *Trabem magistram* appellant, eoquod est totius contignationis cardo, & sustentaculum, à quo nimirum, velut à capite, totius tecti structura sumit exordium, & obtinet ligamentum. Alij *culmen* appellant.

**78** COLVMNA, præclarum, non modò Architecturæ opus, atque inuentum, sed omnium ferè Mathematicarum facultatum, quæ ad eam rite conformandam, calculos suos ponunt, laus, & attributionis obiectum. A Columine pridem explicato, nomen sortita est, eoquod sit totius superimpositæ molis Columen, & fulcimentum. Si eam ex asse definire volueris, nil aliud dicerès, nisi muri sectam, partem discretam, ad perpendicularum in planum proiectam, quæ & parietum vicem subeat in sustentando ædis fastigio, & obstruendi, impediendique aditus lucis in interiora domus, inuidiam non patiatur: cum sui forma, altitudine, exilitate, ferè locum non occupet, atque intercolumnia linquat aperta, veluti amplissimas portas, atque fenestras, quibus, & liber prospectus, & luminum abundantia, & quod cæteris præstat, vndique transitus, & comœatio, vnde & homines & iumenta, & plaustra, rebus omnibus ad vitam necessarijs onusta, conferim, liberè, absque impedimento, imò cum magno comodo & iucunditate, intrare possint, & alioqui seruant operis maiestatem. Quod idè mirum non est, si tota architectandi, ars, si omnis erigendi magnifici alicuius ædificij ratio, venustas, & Symmetria, in vna rite deformandarum columnarum peritia, earumque apto loco, & ordine, collocandarum, contemplatione versetur, atque consistat. Hinc non ab re, diuersarum ædium species, & qualitates, ab columnarum coordinatione, ac numero, quibus constant, denominat, ac distinguit Vitruuius. De quibus ex professo agit lib. 3. cap. 2. easque in quinque ordines tribuit. *Pycnostylos*, inquit, idest crebris columnis refertam: *Systilos*, paulò remissioribus: *Diastylos* ampliùs patentibus: *Rariùs* quam oportet, inter se diductis, *Arcostylos*: *Eustylos* denique internallorum iusta distributione. Sed de earum singulis rationibus, late, suis quibusque locis, prout ordo descriptionis postulat, disceremus. Nunc autem ad solius, & puræ putæ columnæ consideratione, iustum est, ut sistamus.

**79** Ergò Columna (stylos à Græcis dicta) in se tria principalia  
nem-



membra complectitur: Scapus, seu sūstem, Capitellum, & Basim. Scapus est ipsum corpus Columnæ ex integro saxo, seu marmore, ad circūnū dedolato in formam Cylindricam. Hæc enim propriè nuncupatur Columna; nam quæ quadratæ, aut latæficiæ sunt, improprie, & potius pilæ, aut Stylobatæ appellantur, apud nos vulgò *Pilastri*: Nihilominus de ijs, vtpote assinibus, & substitutis, eadem ratio est. Huius igitur Scapi altitudo, crassities, & circūnatio debet esse ad rationem diametri baseos ad quadratum rectæ, vt suo loco dicemus. Secundum membrum est Basis, aliàs dicta Spīta, cui scapus immediate innititur; quæ etiam diuersimodè conformata, suas partes, membrula, vt ita dicam, habet, omnia suis proprijs nominibus insignita. Tertium est Capitulum seu Capitellum summo scapo columnæ, cū corona, & complementum, impositum: quoad etiam variè conformatur, iuxta varias species columnationum, quas trinas agnoscit Vitruuius, vel quinas, vt passim recentiores.

Igitur Vitruu. tres species, seu ordines Columnarum admittit, lib. 4. cap. 1. *Doricum Ionicum, & Corinthium*, ab locis, & populis, vnde singuli manarunt, & ad opus adhibiti fuerit, denominatos. Alij antiquum addunt, seu *Tuscanicum*, & alterum ex singulorum, electis ad libitum, partibus resultantem, ideoque dictum *Compositum*. De singulis speciatim suis in locis. Horum specimen, vt & diuersi ordinis columnarum delineationem cum suis basibus, & capitulis, hic non inuitus exponerem, ni superfluum videretur; cum ea passim obuia sint, nedum penes omnes fere Architectonicæ artis Scriptores, præsertim Barbarum, Serlium, & Philandrum, sed & reapse in quouis penè haud vulgari, & simplici ædificio in propatulo sint, & nemo sit, quamuis architecturæ rudis, qui ea non internoscat, & suis nominibus distinguere, & cōpellare sciat. Quare ad alia properemus.

COLVMNAS etiam in aliò sensu sumpsit Vitruu. lib. 4. cap. 2. cum dicie: *In contignationibus, tigna, & axes sub velis, si maiora spatia sunt, columnen in summo fastigio culminis, vnde & columnæ dicuntur, & transtra, & Capreoli*. Vbi notat acutè Baldus, non eūdem loquē de columnis, quas nunc memorauimus, sed de illis trabibus arrectarijs, quæ à transtris erectæ, supremo capite columnen sustinent. Concor dat Philander, qui ex primigenia nomenclaturæ origine id deducit. Nam propriè, ait, acceptæ columna sunt arrectariæ, quæ columnen, id est summum fastigij percurrē tignum sustinent: inniuntur però transtris, id est, transversalibus; habent, & capreolos, hoc est proclinata hinc, atque hinc ligna quæ canterios sustinent. Apud nos, adijcit Baldus, hæc arrectaria ex græco *Monachi* appellantur.

- 82 **COLVMNARIA** (vt paulò ante dicebam) sunt Vitruuio æstuar-  
ia, & spiramenta quædam in Aquæductis appositè facta, ad inter-  
cepti aëris exitum. Sic enim ait lib. 8. cap. 7. de fistulis aquam de-  
ducentibus loquens. *Etiã in ventre columnaria sunt faciendâ, per  
quæ vis impetus relaxetur.* Sic fortè dicta, quod huiusmodi æstuar-  
ia statis in locis ad modum pyramidum, & columnarum, è solo attol-  
luntur. Verum nihilò feciùs, cum aliquibus suspicor *Colymbaria*  
in Vitruuio in prima scriptione fuisse, & postea in exscribendo, facili  
flexu, mendum itrepisse.
- 83 **COMMA** græcè incisionem sonat, atque adèò minutissimæ diui-  
sionis signum indicatiuum est in periodis eloquutionum. Ex quo  
factum est, vt in Musicis, Commata denotent partitiones toni maio-  
ris, in quibus inuenitur proportio sesquioctuagecima. De qua re fu-  
sè Ioseph Zarlino in Demonstrationibus Harmonicis. Sunt etiani
- 84 **COMMATA**, seu potius *Chomata* in Aquæductis, vt habet Bu-  
dæus in Pandectis, aggeres è terra, aggelitiâ facti, ad detinendam  
aquam; olim in Aegypto iuxta Nilum erecti, & postea pro iudicium  
arbitratu, statis in locis aperti, ad eam deriuandam in aruales cani-  
pos ad accolarum commodum, & indigentiam. De quibus est lex  
apud Vlpian. tit. de extraord. Crim. l. Saccularij. Hæc, vbi scissuræ  
sunt, *Diatopi* appellantur. Vide quæ infrà dicemus in hoc Verbo.
- 85 **COMPACTILES TRABES** vocat Vitruu. lib. 4. cap. 7. quas alibi  
nominauit *Energaneas*. Sunt autem tigna oblonga in Tuscanico  
Ordine, columnis superposita resupinata, quæ Epistylj vicem sube-  
unt, vel potius, Epistylia, quæ postea è re materiata sunt introducta,  
repræsentant. Propterea benè compactas, & subscudibus arcè re-  
uinctas oportere esse docet, vt pondus impositum firmiter, & validè  
sustinere queant. Ait enim: *Eaque trabes compactiles ponantur vs  
tantam habeant crassitudinem, quanta summa columna erit hypotrache-  
lium: & ita sint compacte subscudibus, & securiculis, vt compactura  
duorum digitorum habeat laxationem.* Quæ verò ratione etiam Euer-  
ganæ dicantur, dicani suo loco.
- 86 **COMPLEMENTA** Geometrica apud Mathematicos, audiunt  
duo æqualia spatia, similesque figuræ, totidem, & omnino æqualium  
tàm laterum, quàm angulorum, in Parallelogrammo, hinc inde ad  
diagonalem relicta; cuius circà diagonalem seu Diametrum, duo  
item minora parallelogramma sint descripta: eo quod illa comple-  
ant

ant quod in dictis duobus minoribus parallelogrammis, quæ circa diametrum sunt, deficit ad constituendum, & integrandum quod ea omnia complectitur, maius parallelogrammum. Pro cuius rei intelligentia, recolendum est quod tradit Euclides de natura parallelogrammi, lib. 1. propof. 43. Vbi statuit, in omni parallelogrammo, complementa eorum quæ circa diametrum sunt, parallelogrammorum, inter se esse æqualia.

Ponamus casum in adiectis figuris, Parallelogrammum ABCD. fecari medium à Diagonali, seu diametro AC. in duo æqualia triangula. Rursus, circa hanc Diametrum describi, & inscribi duo adhuc minora parallelogramma, siue inter se æqualia sint, siue inæqualia: aio, quod duo illa spatia alba hinc inde relicta, à præfatis duobus parallelogrammis minoribus descriptis circa diametrum, æqualia omnino sunt, hoc est æquale vnumquodque spatium occupat, & complementa sunt maioris parallelogrammi, suppletia quod illis deficit ad integrandum maius parallelogrammum: idque siue illa se mutuo tangant in puncto E. diametri, circa quam sunt, siue alterum ab altero sit semorum, vt in postrema figura, siue etiam mutuo se intersecant, vt in secunda. Semper enim quæ reliqua sunt spatia, siue quadrata sint. siue rhombi, siue rectangula, siue rhomboides, siue etiam trapezia, semper inquam æqualia erunt, pariterque similia quoad quantitatem, & numerum angulorum, & laterum; licet fortè in figura non concordent, vt in prima videre est. Id quod Euclides eo Theoremate astruit, & demonstrat.



87

COMPLVVIVM, vt etiam *Impluuium* (sunt enim vocabula affinia, à pluuiâ, quando in vnum locum simul conpluit, deriuata) sunt propriæ partes ædis ad hoc destinatæ, vt in eas aqua pluuialis ingruens, colligatur, & sine aliarum partium discrimine, aliò comportetur. Vnde Columella lib. 4. cap. 24. *Compluuium est, inquit, in adibus, quod de diuersis tellis aqua pluuialis desinit.* Et de Impluuiio similiter

88

Sextus Pompeius ait quod sit id, quod aqua impluit collecta de tecto: Nihilominus Architecti intelligunt de tectis ipsis, è quibus aqua defluit, certa ab inuicem ratione dispositis, ac distinctis. Quod ideo Vitruuius lib. 6. cap. 4. desuper agnoscit Impluuium, dum dicit: *Impluij lumen latum latitudinis Atrij, nec minùs quarta, nec plùs tertia parte, relinquitur.* Et quidem, ex Varrone norat Philander, quod *Impluuium* dicitur, quod deorsum aqua impluit; *compluuium* verò, quod sursum compluit. Aleonius tamen ab eodem citatus, scribit: *Impluuium esse locum relictum in adibus sine tecto, quo imber impluere in domum possit.* E contrà, Compluuium à pluuià quidem dictum esse, sed non ad eam colligendam per se factum, sed ad lumen simpliciter desuper acceptum recipiendum, vt ex modo allata Vitruuij auctoritate constat: vnde sit, quod ad hunc effectum, in medio domus, vbi lumine maxime opus est, desuper deriuando, à peritis Architectis constituatur. Igitur Impluuium est subdiuale, & sine tecto; Compluuium autem denotat tectum, sed ità dispositum, vt aqua hinc inde cadens in vnum confluat, quà videlicet duo tecta inclinata neceuntur. Atque ea est ratio, per quam Columella hanc denominationem non incongruè trahit ad vites, quas alicubi conpluuiatas, & canteriatas appellat: eo quia in longitudinem, & latitudinem iugatae sunt. Quemadmodum viceuersà Displuuiata dicuntur tecta, quae hinc inde è duplici latere cadentem imbrem emittunt; Testudinata, quae quadrilatera. Verum de his redibit sermo, suo loco,

89 COMPOSITIO GEOMETRICA apud Mathematicos est, cum in constructione, & solutione alicuius Theorematis, ponitur tamquam iam factum, id quod postremum in resolutione assumitur; atque hinc ordinantes secundum naturam, vt antecedentia, quae illic consequentia erant, ac proinde facta illorum compositione, ad quaesiti solutionem deueniunt. Hic itaque procedendi modus in demonstrando, ab eis *Compositio* dicitur,

90 COMPOSITVS ORDO in Architectura, qui & Romanus, sive Italicus dicitur, est modus architectandi aedes, praecipue verò Epistylia & Columnas, varius, & volubilis ab alijs quatuor, Tuscanico, Dorico, Ionio, & Corinthio, vetè diuersus, sed tamen ex omnibus coalescens: quidquid enim illis, firmitatis, decoris, & venustatis, per partes est inuenire, totum in se ipsum assumit, componit, temperat, & commiscet, ac velut Aesopica auis, furto ex aliarum volucrum variantibus pennis superbit, in nouamque speciem gloriabundus insurgit: Nihilominus, vt aliquid sibi videatur habere,

fin-

angularis, & proprij, altitudine cæteris præstat, & in Columnis præferrim, in quibus totum suum studium ponit, omnes venustatis illecebras congerit: vult altitudinem, decem omnino ventris diametros comprehendere. Basis petitur à Corinthijs, eadem forma, iisdem partibus, eodemque commensu. *Capitulum*, inquit Philander, non uno modo fit: quod maxime probatur, habet abacum, flores, & folia, uti Corinthium; sed pro belicibus angularum, sunt ei volute non admodum abhorrentes à Ionicis: inter abacum, & oniculum Echinum, aut turgentem fasciculum frondentium ramusculorum fasciculò obuolutum emergentes. Ethinus altus est quantum abacus: *Astragalus* sub Echino, ipsius tertia parte crassus, sculptus insutis hæccis cum verticillis. Aliquoties pro volutis scalptra habet Amalthææ Cornua: non raro earum vice, equi partem anteriorem alaram, cuiusmodi solet pingi Pegasus. Sæpè pro cauliculis, signa habet, & flores, & filiquas. Verbo: quicquid Sculptoris aut Architecti luxurianti phantasiæ occurrit, quantumvis nouum, exoticum, peregrinum, modò ad augendam elegantiam, ornatumque conducatur, id omne lubens admittit Compositus Ordo; qui, vel ex eo laudem sibi comparare nititur, quod nil nisi turpe, & incompositum, tametsi alioqui insolens, abnuat, & excludit. De Epistylijs erit sermo suo loco.

COMPVTVS, & *Computatio*, si purum nominis etymon spectes, 91  
nil aliud sonat, quam simplicem ramorum inutilium in planis, & luxuriantium in vite palmitum, detruncationem, atque rescissionem: namque ut ait D. Augustinus in Io tract. 81. *Etsi parum attulerit palmes, eum purgat agricola, ut fructum plus afferat.* Translatitiè ramen vsurpatur ad significandam quamcumque numerorum subductionem, & calculandi rationem. Tandem significario pressius accepta est, atque antonomastice hæsit annorum ratiocinio, & temporum distributioni, quod proprie ad Chronologos, & Astronomos spectat. Sed enim, quàm id curiosum, vile & necessarium, est rescisse, præsertim in texendis Historijs, & Ritibus Ecclesiasticis ordinandis; tam difficile, laboriosum, ac dubium in facto est, verum assequi, & ad scopum collimare; ut videlicet certa haberi possit ex computo, de tempore ad tempus excursio, ac de Aera, in Aeram transitus; adeoque ex onini computo, Mundi ætas, temporis, & annorum exordium, & successus ad hæc vsque tempora excurrentium. Equidem in hoc impensè defatigati sunt, & exsudarunt omnes ferè Chronologi, Hebræi, Arabes, Aegyptij, Græci, Romani; sed incassum; omnes varij, omnes ancipites: idque ex diuersitate computandi, ac definiendi magnitudinem anni, quam alij à duodecima Luna-

Lunationibus integris, quibus Luna permeat per duodecim Zodiaci Signa; alij a reditu Solis ad idem punctum, auspicabantur. Sed neque Astronomi, postquam à Iulio Cæsare Dictatore restitutus est annus ad motum Solis, quo integrum Zodiacum lustrat, quem ipse crassiusculè definierat in diebus 365. & sex integris horis; errore, tandem detecto, ex æquinoctiorum præcessione: (quoniam temerè addebantur ad annum decem ferè minuta, quæ in longum protracta constituiebant dies, & variabant annos) non inquam Astronomi, quamquam multò oculatiores, feliciores extitere. Nam Ptolemæus omnium Princeps, qui floruit circà annum Christi, 132. hoc est, annis 177. post institutionem Kalendarij factam à Iulio Cæsare, comperit, annum tropicum esse dier. 365. hor. 5. min. 55. atque adeò minorem anno Iuliano, minutis ferè quinque. Alphonsus verò Castellæ Rex, qui Aeram suam fixit in anno Domini 1251. Anni quantitatem ad amussim expendens, ex Solis reditu ad idem punctum, inuenit, proindeque statuit, integrum annum compleri in dieb. 365. hor. 5. min. 49. secund. 16. In quo differentia à sex horis ab Iulio Cæsare additis, est in minutis 10. secund. 44. Sed neque per hoc Acquinoctia æquata sunt, vt benè ostendit Io: Stæfleserus in suo Kalendario: quod ideo, nec Alphonsus veram anni tropici quantitatem assequutus est. Albategnius, qui fuit post Ptolemæum, ann. 743. mensus est quantitatem anni solaris dier. 365. hor. 5. min. 46. secund. 24. itaut differentia sit in min. 13. & sec. 36. id quod neque amplexi sunt Astronomi nostri temporis, qui vtplurimum anni tropici magnitudinem constituunt in dieb. 365. hor. 5. min. 48. & ferè secund. 55. Quocircà incerta admodum res est, & hæcenus indefinita, quia, quot capta, tot sententiæ. Vnde nil mirum, si in Mundi ætate, & temporum ratione, Calculatores, & Computistæ tam enormiter discrepent: Et diuersitas reperitur etiam in Sacris Paginis: Nam Hebræa Traditio, cui consonat vulgata Editio Bibliorum, ab exordio Mundi, vsque ad Captiuitatem Babylonicam computat ann. 3443. & à Captiuitate Babylon. ad Christum ann. 517. (in quo nemo discordat) qui simul iuncti faciunt summam annor. 3960. Septuaginta autem Interpretes, quoniam Græci erant, ad morem Græcorum, computant annos Mundi vsque ad Captiuitatem Babylonicam, 4622. quibus additi anni decursi ab dicto tempore ad Christum ann. 517. efficiunt ann. 5199. Quem ritum sequitur Romana Ecclesia in Martyrologio Rom. quod mirum esse non debet: nam, vtræque Versio continet verum, sed diuersitas est in diuersa annor. Solarium, & Lunarium computatione, quam quæque Nationes iuxta suum ritum faciebant. Et his non obstantibus, adhuc alij Scri-



prores variant : & alij, annos Mundi ad Christum faciunt 4053. vt Sallianus in Annalibus Vct. Testamenti; alij 3950. vt Cornel. à Lapide in Pentateuchum; alij, 3949. vt Astronomi nostri temporis, ex diuersa annorum Solarium ratione, quæ non semper eadem est. Quod ideo hanc rem hodie definire, nimis arduum, & temerarium foret. De Concordantia ex Antiquis, videatur Philo Iudæus, in libello, quem *Breniarium temporum* nuncupauit, D. Augustin. De Ciuit. Dei lib. 15. cap. 11. & 13. Beda in lib. de ratione temporum; Et ex recentioribus Io: Lucidus Samosatenus, & Dionysius Petauius lib. 4. de Doctrina temp. cap. 36.

CONCAMERATIO proprium est Architectorum Vocabulum; 92  
significatur enim per illud, camerarum in ædificando, pro diuersa earum ratione, connexio, aptaque dispositio. Vnde Vitruu. lib. 5. cap. 10. vbi de Balnearijs agit, postquam de loco idoneo, in quo construì debeant, loquutus est, vbi ad tectum venit, hæc ponit. *Concamerationes verò, si ex structura factæ fuerint, erunt vtiliores; sin autem contignationes, siglinum opus subiiciatur.* Et lib. 6. cap. 11. de ædificiorum firmitate verba faciens, ait: *Sin autem hypogæa, concamerationesque instituantur, foundationes eorum fieri debeant crassiores, quam quæ in superioribus ædificijs structura futura sunt.* Idque optimo quidem iure; nam cum Cameræ, ædificia sint arcuato opere extructa, exque in diuerso genere curuaturæ (aliæ enim testudinatæ sunt, aliæ oblongæ, & fornicatæ, aliæ lunulatæ, aliæ in hemisphærium actæ, proindeque delumbatæ, vt benè norat Philander) vtique maiorem firmitudinem in fundamentis expostulant, eoque maiorem, quò minus per se subsistere aptæ sunt; ideoque in fulcris hebetiùs castigatiùsque in angulis firmari, & custodiri. Quod ideo rectè isthæc camerarum ad angulos inclinatio, satis expressiuo vocabulo *Concameratio* appellatur.

CONCENTVS in Musica, est apta diuersarum vocum, sonorumque unà conuenientium respondentia, ordo, & symmetria; vnde, 93  
modulatio profluit, & harmonicus concentus, non tam auribus gratus, quam animis blandiens, diuersorumque affectuum excitator. Porro tria Concentuum, siue modulationum genera ex Aristoxeno notat Vitruu. & luculenter explicat lib. 5. cap. 4. *Primum*, inquit, *quod Græci nominant Harmoniam; Secundum Chroma; Tertium Diatemon.* Et sequitur tradendo vniuscuiusque generis rationes. *Est autem Harmoniæ modulatio (subdit) ab arte concepta, & ea re, cantio eius maximè grauem, & egregiam habet auctoritatem. Chroma, subtili*  
soler-


*Solertia* ; & *crebritate* modulorum *suauiores* habet *delectationem* .  
*Diatonon* *verò* ; quòd *naturalis* est ; *facilior* in *intervallo*rum *distancia* .  
 Quandoquidem , vt *benè* aduertit *Martianus Capella* , lib. de *Musica* ,  
 triplex est *ratio* *moderandæ* *vocis* . *Primæ* , quam vocat *Continuam* ,  
 & est , veluti *colloquium* , quo *simpliciter* inter nos *fabulamur* ; nullo  
 artis *interposito* *studio* . *Secundam* , *Diatematicam* appellat , seu *Di-*  
*uisam* ; & est , quam in *modulatione* seruamus : & *Mixtam* ; quæ ex  
 utraque *conspicitur* , ac *vocis* *prosecutionem* per *temporis* *intervals*la  
 metitur : quòd tunc fit , quando *oratio* *versibus* *metrice* recitatur .  
 Cæterum , vt *idem* *Vitruuius* aduertit , *Concentus* , quos *natura* *ho-*  
*minis* *modulari* potest , græcèque *Symphoniæ* dicuntur , sunt sex .  
 Diatessaron , Diapente , Diaplon , Diapason cum Diatesseron , Dia-  
 pason cum Diapente , & Disdiapason . Ideoque , subdit , & *nume-*  
*ro* *nomen* *acceperunt* , quòd quum *vox* *confluerit* in *una* *sonorum* *finiti-*  
*one* , ab eaque se *flexus* *mutauerit* , & *peruenierit* in *quartam* *termina-*  
*tionem* , appellatur *Diatessaron* : in *quintam* , *Diapente* : in *octauam* ,  
*Diapason* : in *octauam* , & *dimidiam* , *Diapason* *Diatessaron* : in *nonam* ,  
 & *dimidiam* , *Diapason* , & *Diapente* : in *quintam-decimam* , *Disdia-*  
*pason* . Non enim inter *duo* *intervals*la cum *chordarum* *sonitus* , aut *vocis*  
*cantus* *factus* fuerit , nec in *tertia* , aut *sexta* , aut *septima* , possunt *conso-*  
*nantia* fieri . Hæc *Vitruu* . De quibus suo loco *enucleatis* *discretemus* .

94

Cæterum , quoniam hic de *Concentibus* in *genete* locus est , non  
 erit *incongruum* , de eorum *fonte* , & *prima* *origine* , vnde *ortum* ,  
 traxere , & ad cuius *normam* postea *artificiose* *inuecti* sunt , aliquid  
 per *transennam* *attexere* ; nempe ex *Cælorum* *motibus* , *harmonicos*  
 inter se *ordine* , & *aspectibus* : quos omnes , seu *benignos* seu *hosti-*  
*les* , adeoque *consonos* , aut *dissonos* , hæc *omnino* esse , in loco *ostendi-*  
*dimus* ; quod *miro* modo *respondet* , vt in *omnibus* *naturæ* *inferio-*  
*ris* *motibus* , ita in *consonantijs* *musicis* , vt *acutè* *ratio*cinatus est  
*Keplerus* . Nam *omnis* *dimidiatio* *chordæ* in *Monochordo* , con-  
 stituit *Diapason* , quæ *eadem* *vox* est , sed in *superiori* *ordine* *acuto-*  
*rum* *constituta* . Item in *diuisione* *Chordæ* in *tres* *æquas* *pâtes* ,  
 emergit *Diapente* . *Diuisa* in *quatuor* , fit *Tertia* *minor* . In *quinque*  
 fit *Tertia* *maior* , & *Sexta* *maior* . Tandem in *octo* *pâtes* , fit *Sexta*  
*minor* . Quæ utique *diuisiones* , perbellè , *harmonice*que *respondent*  
*differentijs* *cælestium* *radiatorum* , qui habent ad se *consonantias* : vt  
*Sexta* *minor* *Semiquadrato* : *Tertia* , & *Sexta* *maior* *Quintili* ; & *Bi-*  
*quintili* ; *Tertia* *minor* *Sextili* ; *Diatessaron* *Quadrato* ; *Diapente* ,  
*Trino* ; *Diapason* *Diatesseron* *Sesquiquadrato* , ac tandem *Disdiapason*  
*Oppositioni* . Ecce quomodo *omnis* *ratio* *Concentus* *Musici* ab *Cœ-*  
*lis* *desluxit* .

An autem ipsi Orbes Cælestes sua perpetua motione, verè vocallem sonum edant, alibi ex SS. PP. sensu, & recensionis Philosophiæ principijs, fusè disseruimus. Nunc autem affirmantem sententiam iuuat confirmare ex acuta ratiocinatione Gasparis Scotti è Soc. Iesu in Magia Naturæ, & Artis, par. 2. lib. 1. propos. 5. fundata in paritate aëris nostri violenter percussæ ab aliquo corpore solidiore per eum concitatissimè transeunte. Namque aër, inquit, per se vocalis est, seu sonus, & collisionis subiectum: vnde si per eum, violenter, & concitanter agatur corpus solidum, vtique apertè sonum, pro ratione collisionis audimus, quod in Aethere non minus fluido, & subtili, in motu cælestium corporum similiter euenire est. Si enim, (sic discursit illa) *per aethera capiuntur in orbem, vtique sonum exciunt, præsertim, si aspera sunt, & inæqualia, quod de Luna indubitatum iam est, non secus ac aues volantes per aërem, licet sonus ille propter nimiam distantiam à nobis, non audiatur. Aues autem aërem siue immotum, siue resstantem, & pisces aquam siue stagnantem, siue contrà fluentem, ocissimè terebrantes sonum excitare etiam audibilem, experientia docet.* Sed hanc experientiam negat Fromondus in lib. 3. de Anima, cap. 4. art. 3. & idè negat etiam sonum in cælestibus: cui ad stipulatur Tycho in Epist. ad Rothmannum, eo quod in subtere non sit fonabilis qualitas; id quod gratis assumitur, cum in substantia, & fluxibilitate, aëre sit perfectius, & consequenter earundem motionum, & effectuum, quæ in aëre sunt, æquè, & agilius capax. Sed quoad hæc, vidè quæ habet Cardanus lib. 15. de Variet. cap. 85.


CONCHOIS LINEA, (dicta etiam communiter, *Linea Nicomedis*, ab eius inuentore sumpto cognomine) vna est ex Asymptoticis flexis, quæ ad rectam lineam, ad cuius rationem ex æquali intervallo describitur, semper approximans, ad eam tamen nunquam conuenit, nec in angulum coit, etiamsi in infinitum protendatur. Optimum, & valde proficuum habet in Mathematicis vsum, præsertim in Geometria, ad inueniendum inter duos extremos terminos, duas medias proportionales; atque in Architectura ad tumores columnarum rite delineandos; vt videre est apud Iacobum Barozzium dictum à Vignola, in sua Architectura. Porro in quouis fere motu progressiuo circa tellurem in planum factò, describitur præsens linea, ac nos ipsi vltro incedentes, verticis extremitate formamus. Cuius conditio, & mirabiles effectus, vt probè intelligantur, præstat hic eius specimen exhibere, & modum tradere, quo describitur.



Sic igitur Linea A.B. ducta in plano ad quamcunque extensionem: cui ex vna parte, imminet perpendicularis C.D. transiens per punctum A. atque vltro descendens, ac terminans ad quodvis punctum, pro libito assumptum, v. g. D. Tùm ex puncto D. ducantur oblique in lineam A. B. quamplurimæ, quas volueris, lineæ rectæ, æqualibus intervallis, quæ eam transilient, sistantque vbi placitum fuerit. Tandem in perpendiculari C. D. ab A. versus C. definiatur quævis arbitraria longitudo, atque distantia, quæ transferatur per rectum, ad reliquas lineas vltro protensas, & inclinantes ad punctum B. & vbi terminat commensuratio, fiat nota vel punctum indicans locum, vbi singulæ terminant. Quo præstito, in promptu est Linea Conchilis: nam à puncto C. æquabili manu trahatur linea flexa versus B. quæ extremas hæc linearum notas attingat; & hæc est Linea Conchois, de qua loquimur. Porro, quod hæc Asymptota sit, adeoque etiamsi in infinitum protendatur (vti & recta subiaccens AB.) nusquam ad illius contactum perueniet, tametsi semper ad illam, vt manifestum est, magis, ac magis accedat. Nam ex vna parte, cum anguli ab lineis illis producti semper minuantur; & ex B. A. C. recto procedendo versus B. fiant semper acutiores, & acutiores; profectò liquet, quod ipsa flexa C.M. progrediendo per notatos dictarum, linearum obliquarum terminos, ad vnionem cum AB. semper quidem magis ac magis approximat, & nunquam eius contactum obtinebit. Quod patet etiam ex perpendicularibus ab extremis obliquarum terminis ad eandem A.B. rectam ductis; quæ semper minores, ac minores in infinitum experientur. Ex alia parte, quod nunquam faciet cum illa concursum, patet etiam; quia ex constructione facta, quodlibet punctum, per quod transit Conchois, distat à quolibet puncto & angulo à lineis obliquis cum recta AB. concurrentibus factò, quantum distat in angulo recto C. ab A. Ergò ex qua-

quacumque approximatione; nunquam fieri poterit, vt se contingant. Id quod experiri non est in quacumque alia linea, quæ sit parallela prædictæ lineæ AB. quantumuis illa sit vicinissima: nam quoad illam, Chonchois ad ipsam tendens atque inclinans, semper procedendo, distantiam minuet, quò fieret, vt eò tandem euadat, vt nulla, distantia tandem intercedente, ad finem se contingant.

Aliud euidentius, & facilius diagramma ad hoc demonstrandum exponit Albertus Durerus in sua practica Geometria. Ponantur, inquit duæ, lineæ parallelæ A. B. & C. D. quarum extremitates B. & D. prolongentur, aut saltem concipiantur prolongatæ in infinitum: & lineæ AB. secetur continuè in partes qualescumque, atque ad puncta sectionum, adiiciantur numeri ordine suo naturali, 1. 2. 3. 4. &c. tunc, si ducantur à puncto C. quod est initium lineæ C. D. lineæ obliquæ, vna ad notam 1. altera ad 2. tertia ad 3. Quarta ad 4. &c. duæ lineæ C. 1. & C. D. facient angulum acutum, 1. C. D. & adhuc C. 2. & C. D. acutiorem, & sic de reliquis; itaut quælibet lineæ à puncto C. versus lineam AB. ducta, semper sit proximior ad lin. C. D. quàm quæ ipsam præcedit, & consequenter facit cum ipsa angulum acutiorem, & acutiorem, & vltimò si fieri posset, acutissimum: at nunquam ita, vt angulum nullum efformet, & in eandem totaliter inclinabitur, vt se contingant: vt hic manifestè spectare licet.



Et hæc de Linea Conchoide, cuius demonstratio faciet etiam ad naturam aliarum linearum flexarum, & Asymptotarum, intelligendam.

CONCLAVE in re ædificatoria, dicitur pars in ædibus per se, vt ita dicam, subsistens, & ab alijs separata, quæ nihil cum alijs in ea, re ad quam destinatur, commune habeat, ac participet; sed perinde ac parua domus, satis sit ad inhabitandum seorsim, ac recipiendum

intrā, se totam quandam familiam: sic dictum, quasi, *sub una clauē*: siue vnum continuum in se sit, siue pluribus cubiculis & officiis distinctum, modò ad illud, inuitis cohabitantibus, non pateat extraneis liber accessus. *Quartum* ædificij, Nostrates dicerent, alioqui *Appartementum*, quasi partem ab alijs separatam. Hodie hoc Vocabulum ferè in deluetudinem iuit, & vsurpatur tantummodò de de Loco congestitio tumultuariè factò, sibi que solum cohærente, & clauso, in Vaticanis Aedibus, toties nouiter excitato, quoties Apostolica Sedes vacat, ad recipiendos, & vnà simul continendos, sub clausura S. R. E. Cardinales, inibi ad eligendum nouum Pontificem congregatos: vnde & ipsi Congregationi nomen Conclauis adhasit, quod à demortuo Pontifice denominatur: sicque dicitur Conclauē Vrbanū VIII. Conclauē Alex. VII. Clementis, &c. atque in ijs gesta, & in seriem historicam collecta, Conclauium nomine præsignantur: vti & Conclauistæ audiunt familiares domestici, qui Cardinalium seruitijs, in eo loco addicti sunt, & simul cum illis, veluti in custodia detinentur.

- 99 CONCLUSIONES diuersimodè audiunt in Mathematicis disciplinis, ac perinde eundem significatum habent, ac Illatæ iuxrà Logicorum methodum in argumentando, ex præmissis deductiones. Sed in Architectura, quod nostri appellant *Recinctum*, & in militari obsidione, vallum, quo vrbs obsessa cingitur, & reliquorum operum adiectiones. Sic enim habet Vitruu. lib. 5. cap. 9. *In Conclusionibus reliqui omnes faciliores sunt apparatus, quam lignorum*. Obscurè nimis ac torto equidem vocabulo, apud alios Scriptores, (quos hætenus viderim) inusitato. Sed id nouum in Vitruuio non est, vt aduertit Philander, qui sæpissimè in rebus explicandis, vocibus omne aliud significantibus, ad mentem suam abutitur, & vult intelligi.

- 100 CONFERTA AEDES apud Leonem Albertū in sua Architectura lib. 7. cap. 5. benè dicitur, quam græco vocabulo, Vitruuius græcizans, Pycnostylos nominat, hoc est crebris columnis sultam, & constipatam: ingeniosè nimis, atque ad explicandum inter Latinos vnica voce, quid per exoticum verbum intelligatur, valdè accommodè. Eius ædis conditiones, commoda, & incommoda, quæ habet, vide in V. Areostylos.

CONSEQUENS in Mathematicis resolutionibus quid sit, vide in V. Antecedens.

CON-



CONSONANTIA Locorum etiam attenditur in Architectura. Non illa quidem, quæ consistit in Symmetrijs, & optima dispositione partium ædificij, quæ benè sibi congruant, & cum quadam venustate, & harmonia, ( de qua re passim alibi ex instituto ) sed propriissimè accepto nomine Consonantia, quæ consonantia est, nempe quæ vocis, & sonorum directionem concernit; plurimum enim interest ad ædificij laudem, & finem ad quem erigitur, non tam commoda habitatio, verum etiam ad opera quæ in eo peragenda sunt, talis dispositio, quæ vocem non impediatur, sed magis adaugeat, vel modifcet, itaut ex collisione aeris, vnde insurgit sonus, prodeat auribus gratus, & ad rem, quæ exprimitur valdè accommodus, modò grauis, modò acutus, modò asper, modò mollis; modò rectus, modò reflexus, &c. Hinc in Theatris maxime, vbi solus auditus ferè attenditur, & vocis directio, & claritas commendatur, opportunè monet Vitruu. ne ab non rectè pensata ædificij forma, vox suffocetur, & prolata resonet quid ingratum, & turbidum. *Diligentius* ( inquit lib. 5. cap. 3. ) *est animaduertendum, ne sit locus surdus, sed ut in eo vox quàm clarissimè vagari possit; Hoc verò fieri ita parum, si locus electus fuerit, ubi non impediatur resonantia. Tum descendens ad vocis explicandam naturam, & diffusionem, quæ concitè, fit per circulos maiores, & maiores in infinitum, perinde ac in superficie stagnantis aquæ, per iniectum saxum, ni interiectum quid impedimentum obstat, aut aluei angustia abruptat, concludit tandem. Ergo Veteres Architecti natura vestigia prosequuti, indagationibus vocis, scandentes Theatrorum perfecerunt gradationes, & quasiuerunt per canonicam Mathematicorum, & Musicam rationem, ut quacumque vox esset in scena clarior, & suauior ad spectatorum perueniret aures. Cum igitur Loci, ex varia eorum dispositione, alij sint consonantes, alij resonantes, alij, ex aliquo impedimento dissonantes, alij circumsonantes; in Theatris, ( & eadem ratio est locis ubi conciones fiunt ) expeditus & consonans eligendus est, per cuius intercapedinem liberè possit vox diuagari. Econtrà in aulis Principum, expedit, ut constitutur locus resonans, aut circumsonans, & angustus, in quo collecta vox, sursum ad eorum aures perueniat, & clanculùm captent, quid inter se hospites, & serui in imo degentes musitent, & obloquantur; ut de Dionysio Tyranno legitur, quod fecerit Syracusis. Alij in Villis Echo maxime delectantur: & ideo concinnant inibi loca resonantia, & vocem flectentia, quemadmodum refert Plin. lib. 36. cap. 15. de Porticu illa Olympiæ famosissima, quod septies vocem redderet, vnde & Heptaphonos dicta est: De qua fortè, aut simili loquutus est Lucretius lib. 4.*

*Sex etiam, aut septem loca vidi reddere voces,  
Vnam cum iaceres; ita colles collibus ipsis  
Verba repulantes iterabant dicta referre.*

Hoc autem potissimè euenit in conuallibus & locis concameratis, vbi in partes scinditur repercussus aër, & acceptæ voces multiplici reflexu redduntur.

**103** CONSTRUCTIO Mathematica (in quo Mathematicæ Disciplinæ cæteras scientificas facultates, euidentiâ, certitudine, felicitate, concludendi, longe antecellunt) est modus, & apta dispositio terminorum, quâ aut ex principijs per se notis, aut ex prædictis, aliâs demonstratis, aliorum Theorematum vel Problematum fundamentis, processus demonstrationis ita construitur, & ordipatur, vt clarè inde resultet conclusio, & probatio rei, quæ soluenda proponitur; quæ nimirum sequi haud posset, vel saltem nimis confusè, ni hæc Constructio præcederet, & apta partium ordinatio. Vti Constructio in Architectura, consurgit ex apta partium dispositione, quâ ex humilibus ad altiora conscenditur.

**104** CONTIGNATIO architectonicum verbum est, & frequentissimè à Professoribus vsurpatur; præsertim Antesignano Vitruuio. Significat autem probam tignorum, & assertum ad recipiendum, & sustinendum desuper impositum tectum, coherentiâ, & commissuram. Differt porro Contignatio à Trabeatione, vt nimirum tignum à trabe; & illud quidem vniuersalius est, & omne lignorum genus ad structuram accommodum comprehendit: trabs verò non quoduis lignum appellat, sed, vt notat Festus, *lignum duplex ex duobus compactum tignis, adificij gratia*. Quare Trabeatio ad tectum spectat, Contignatio ad ea, quæ sunt sub tecto: quamquam, vt benè monee Philander, *reuerà contignatio speciem tecti habet, vt dici possit non absurdè, Tectum esse fastigiatam Contignationem; rursus Contignationem esse subiectum Tectum*. Cæterum hac voce sæpè vtuntur Latini ad denotandam illam domus partem, quam nos *Solarium* dicimus: vnde Valla; *Contignatio, inquit, dicitur Solarium domus*. Idque siue stratum sit in plano, ex laterculis, & cæmentis, siue in decliue, mollior designentibus tabulis, & asseribus, quemadmodum constituta vidimus in Apulia, in summis ædium eiusmodi solaria, & ambulacra, ad captandum sub dio frigus de nocte, in æstate, & prospectandum liberè quæ circa & subtus sunt.

**105** CONTINENS apud Geographos audit ea telluris pars, quæ mari adia-


adiacet, sed non ita, vt tota vndique, velut Insula, alluatur; verum ea directione procurrat, ac terminetur ad litus, vt tamen ad reliquam terræ extensionem sese contineat, & cum ea continuetur. Differt ab Istmo, & Peninsula, quod latius pateat, & angustius non coarctetur. Nam Peninsula est quæ, tota fere, mari alluitur, & modico solum tractu terræ se iungit; inde dicta, quasi penè insula. Isthmus autem est quoddam, veluti collum, quod Peninsulam, caput quodammodo referentem, reliquo telluris corpori necit, & iungit. Hinc facile dirimitur ea lis, quæ diu viguit inter Historicos, & Geographos; nàm Italia nostra dicenda sit Continens, vel Peninsula; At explicatis terminis, euidens est, eam in Continente sumi. Siquidem eius forma, quæ brachium potius refert, aut pedem in mare, extensum, quæque in Germaniæ finibus, in magna amplitudine se dilatat, & inde longo tractu, sed diminuta semper crassitie, ad vsque Siciliæ oras profequitur; ilique, breui freto relicto, iuxta Messanæ portam exinanitur, ac terminat: clare euincit, eam in Peninsula, aut Istmi censu, nullatenus posse venire. Qua de re, vide eius accuratam delineationem, apud Maginum, & alios recensiores Geographos.

CONTRAFORTIA, expressiuo satis vocabulo, appellantur à nostris, ac Gallis, in vtraque tam civili, quam militari Architectura, quas Græci vocant Anterides, siuè Erisinas: pilas videlicet, & accliuēs muris adiectos, ac certo intervallo ab se distantes, ad eorum continentiam, & fulcimentum. Quod ideo *Contrafortia* benè dicuntur, eo quod fortiter obsistunt, & contrà obiecta, mirabiliter firmannt structuram, ne alias fatiscat, & corruat. *Sperones* etiam, nos vocitamus, ceterū calcaria quædam muris applicita, aduersus eorum debilitatem, atque segnitiam.

CONTVBERNIVM. Vide quæ dicemus in V. *Decani*.

CONVERGERE, ac DIVERGERE, proprij sunt termini Opticorum, quibus explicare conantur radiorum visualium extensionem, secundum rationem incidentiæ, ex variatione medij, per quod transeunt. Vnde fit, vt modò contrahantur, & constipentur, procedentes à basi coni ab ipsis efformati, ad illius apicem, in quem, tandem terminant; modò sensim dilatentur, & separentur ab inuicem, abeuntes in latum, in basim ipsius Coni. Igitur *Convergere* non est aliud, quàm simul iutrorsum vergere, & constipari, & successiue ità restringi, vt tandem conueniant omnes in angulum, & punctum api-

apicis, ubi terminat conus ab eorum diffusione creatus. *Diuergere* autem est ab se recedere, & sensim in alterutras partes dilatari; ita ut, quò maior fuerit à puncto, unde exeunt elongatio, eò maior sit contrauergentia, & ab inuicem digressio, amplioremq; conum efficiant, atque in basi latiore. Id quod in lentibus concauis, & conuexis, quibus Telescopia construuntur, potissimum accidit, unde emissæ ad oculum species visualium obiectorum, aut conuergunt, aut diuergant; sicque obiectum repræsentent, aut contractum, aut dilatatum. In Telescopijs verò pluribus vitris constantibus, utrumque euenire potest, ut videlicet radij visuales aut conuergantur, aut diuergantur, prout apparet in subiecta figura.



Ubi radij, vel species obiectorum, sunt H.C.E.F.D.P. tendentes recta in medium A. B. quæ supponitur Lens interiecta: ac proinde H.A. & P.B. sunt conuergentes; E. A. & F.B., sunt diuergentes: ac C.A. & D.B. procedunt paralleli: inde refracti ad A.B. conuergunt magis ac minus in A.I. & B.I., A.O. & B.O., A.G. & B.G. Plura ad hanc rem, habes apud De-Chales tom. 2. Cours. Mathem. lib. 1. & 2. De Optica, & Catoptrica. Ex quibus eliciuntur aliquæ regulæ, & communia Axiomata, quæ plurimum faciunt ad doctrinam hanc intimius assequendam; & ideo ea hic exponere, operæ pretium duxi.

Prima Regula est, quod, ad hoc ut immissi radij vniantur ultra lentem ad focum, necesse est, ut ad eam veniant paralleli, ut C.A., & D.B. qui refracti conuergant, & vniantur in O.

Secunda. Ut radij vniantur ultra lentem, per quam transeunt in locum, & aliquod punctum, quod sit à foco remotius, oportet, ut in lentem cadant diuergentes, ut E.A. & D.B. qui transeuntes per lentem, conuergunt, & vniuntur in I.

Tertia. Quò magis diuergantur radij ( id quod accidit cum è loco

co magis propinquo lenti proficiuntur) eò refracti, longius à foco in aliquod punctum conueniunt.

Quantum. Adhuc, vt vniuntur radij vltra lentem in punctum, quod sit illi valde proximum, ac etiam vicinius foco, vt G. debent in eam incidere conuergentes: & quò magis conuergunt, eò vicinius ad lentem vniuntur.

E contrà, conuertendo prædictas Regulas, fit

Primò, vt radij ab lente exeant paralleli, oportet, vt procedant diuergentes à foco ipsius lentis.

II. Vt transmittantur radij ab lente conuergentes, emitti debent à puncto longè ab ipsius foco remoto; & quò à loco remotiore, transmittuntur, eò per ipsam transeunt, magis conuergunt, & ad ipsam propius vniuntur. Ac viceversa.


III. Vt radij à lente prodeant diuergentes, proficisci debent à puncto viciniori ipsius foco. Et quò. è loco viciniori procedunt, eò per ipsam transeunt, magis, ac magis diuergant, adeò vt tandem accidat dissipari.

Constatigitur, per eandem lentem, seu medium vtcunque diaphanum, radios, qui veniunt paralleli, vniri in centro ipsius lentis; Diuergentes vniri vltra, vel circa lentem ad punctum, quod est remotius ipso centro. Conuergentes verò vniri propius ipso centro.

CONVS propriè dicitur Nux pinea; inde omnis figura pyramidalis, quæ ex acuto sensim excreseat per orbem in latum, quoadusque in basim, quæ necessariò circularis erit; desinat: contrà quàm Turbo, qui ex lato terminat in acumen. Hinc apud Geometras generaliter assumitur pro quauis figura circulari, quæ vtcunque incipiat ab aliquo puncto, & vltra procedens amplificetur in latum, quoadusque terminet in basim, cui insistant, quæ consequenter erit circulus: cuius centrum respondeat apici, eique concipiatur vniri per lineam rectam transeuntem per medium Conum; siue is sit corpus solidum, siue simplex superficies circumducta æqualiter circà dictam lineam intermediam, quæ proinde dicitur Axis Coni. Ad quod probè intelligendum præcipit Euclides, vt quis concipiat Triangulum, cuius, vno latere manente firmo, alterum circumuoluetur, ac moueri desinat vnde cæperat volutari. Id autem totum contemplari licet in subiecta figura.

Vbi si demus latum illud, seu lineam superficièi Conicæ efformatricem, produci vltra verticem, itaut intelligatur circumuolui circà eundem axem vltra verticem prolongatum; simul & semel prodibit alius conus eidem oppositus, eiusdem prorsus rationis, ac primus,

qui ubi terminat, circulum etiam efformabit, dicenturque ambo coni oppositi ad verticem. ipsa vero superficies conum describens, *Conois*.



109

Porro ipse *Conus* potest intelligi in partes sectus, per aliquod planum transiens, ac diuidens eius corpus, siue superficiem, tam per latum, attingens utrunque trianguli crus, quam per longum, ipsum conum in duo diuidens, siue æqualiter à puncto verticis per axem, terminando ad basim; siue inæqualiter frustum abscindens, ab alterutro latere procedens, atque ad basim similiter terminans. Hinc Conicæ Sectiones emanarunt, quarum consideratio celeberrima, semper fuit apud Geometras; quippe quæ miras atque innumeras proprietates habent, ut proinde multos, & magnos viros ad eas indagandas allegerint, totosque in sui contemplatione defixos, nec satis voti compotes detinuerint. Quandoquidem earum sublimis Doctrina valde utilis est, ac non modò Philosophis, Geometris, Astronomis, Opticis, alijsque aliarum Disciplinarum professoribus necessaria; sed & Mechanicis ac practicis Architectis, ad suas operationes peragendas, oppidò opportuna, utpote ad domos exædificandas, ad congruos aspectus sumendos, ad lumina ijs participanda; ad Machinas fabricandas, ad horologia solaria describenda, &c. prout in decursu Operis identidem memorandum erit. Quare summa diligentia, distinctione, ac perspicuitate de omnibus hæc in genere, ac de singulis suo loco, per partes nobis est differendum, quò nihil in hac re, studioso Lectori, ad probam intelligentiam supersit desiderandum.

110

Itaque, aut *Conus* intelligetur medium secari in æquas partes, per planum transiens per verticem, ac directè cadens in basim, procedendo, & insistendo semper axi; & tunc dicitur  *Sectio per axem*; quæ in superficie semper efformat triangulum. Aut ab alterutro Latere




tere scindetur in partes inæquales, terminante sectione ad basim Coni; & tunc, vel planum secans procedit obliquè, itaut Sectio sit parallela alteri Lateri Coni seu trianguli; & talis Sectio vocatur *Parabola*: vel sectio erit recta cadens, itaut diameter Sectionis sit parallela axi ipsius Coni, siue diametro Sectionis per axem; atque eadem prolongata vltra verticem sectionis supra illā feratur quoad usque occurrat, & angulum faciat cum altero latere Coni, seu trianguli, itidem vltra verticem coni prolongato; & tunc Sectio illa dicetur *Hyperbola*: pars autem illa axis, seu diametri prolongatæ Sectionis, quæ intercipitur inter eius verticem, & occursum cum altero latere Sectionis per axem, ad distinctionem appellatur Transuersa Diameter, quæ potissimum inferuit ad dictæ sectionis partes commensurandas, passionisque examinandas. Quas omnes Sectiones, & quidem vnica, & simplices in singulis Conis, expressas damus in subiectis figuris, ne in primo aditu plures in vno cono, simulque concurrentes exhibitz, tyronis confundant nientem.



Rursus alias duas Sectiones in Cono agnouit Antiquitas; quæ videlicet per transuersum agerentur, ac scinderent vtrumque latus Sectionis per axem, transeundo per eundem axem: quarum vna sit parallela basi, & secundum omnes sui partes, æqualiter distet à vertice, & à basi, & hæc erit Circulus, maioris aut minoris amplitudinis, prout magis aut minus ab vtrisque distabit. Altera obliquè procedit, secans vtrumque coni latus, seu Sectionis per axem; ita tamen, vt Sectio non sit parallela basi, sed ab vno latere ad verticem accedat, ab altero declinet ad basim; & tunc sectio

ista vocabitur *Ellypsis*, quæ non circularis est, sed oblonga. Hæc autem duas diametros habet ad angulos rectos, & in concursu axis conï sese interfecantes; quarum maior denominatur *Transuersa*, estque illa, quæ assumitur ad partes dictæ sectionis commensurandas, & dignoscendas. Igitur quinque sunt species sectionum, quas in Cono Antiqui considerarunt. Sectio explicata per axem, quæ in superficie efformet triangulum: Sectio parallela basi: Parabola; Hyperbola, & Ellypsis. Sed hæ tres postremæ potissimum in considerationem veniant, quæ nimirum singulares, & proprias habent passionēs inter se, & ab alijs distinctas; cum reliqua duæ nil peculiare habeant, sed perinde considerentur ac Triangulus, aut Circulus, easdemque conditiones obtineant. Ideo autem tres tantum sectionum species consideratu dignas Veteres assumpserunt, quia tres tantum sunt differentiæ angulorum, qui sunt ad verticem, adeoque in Cono; aut Rectangulo, aut Acutangulo; aut Obtusangulo: propterea in ijs tantum sistentes, in Cono rectangulo constituerunt Parabolam; in Obtusangulo Hyperbolam; in Acutangulo, Ellypsim. Harum speciem exhibemus, primò singulas seorsim, Ellypsim, & circularem, concurrentes cum Sectione per axem: tum collectas omnes quinque, in vno eodemque Cono, ut earum affectiones adinuicem, & se solis, probè percipiantur.



Et hæc quidem procedunt in Cono, seu Triangulis Iſoſcelijs: Sed quia in Scalenis etiam conſiderari poterit quævis Sectio, quæ proinde eandem proprietates, & paſſiones quæ in Iſoſcelijs reperiuntur, non ſemper admittunt; ideo Apollonius Pergæus inſignis, & acutiſſimus Geometra, quique poſt ipſum venire, alias rationes Sectionum, Conicarum adinuenerunt, ac doctrinam hanc funditus erutam, maximè illuſtrarunt. Nobis hic rem in genere, & cute tenis tangere, ſatis ſit, cum ſingularum naturam atque affectiones explicatiùs tradere, ſuis in locis, conſultò reſeruemus.

112

CORAX græcè, Machinam quandam bellicam ex arteſtarijs indicat, quam plerique confundunt cum Coruo demolitore. Reuerà tamen quid aliud fuiſſe leuioris operæ, exigui uſus, & nullius ferè momenti, colligitur clarè ex Vitruu. lib. 10. cap. 19. qui deſcribens ibi omnes penè machinas, quæ ad rem bellicam faciunt, ab earum Auctoriſus traditas, aut ab alijs litteris demandatas, Coruum, videlicet, Arietem, Terebram, Turres ambulatorias, & cæteras à Diade inuentas, aut memoratas, De Corace, (ait, de Diade loquens) nihil putauit ſcribendum, quòd animaduertetet, eam machinam nullam habere virtutem. Verùm eam, quæcumque illa ſit, accurratè deſcribit Polybius lib. 1. uſumque explicat talibus verbis. *Lignea columna proris inerat, longitudinis quatuor uulnarum, latitudinis palmarum trium; in cuius apiæ rotam conſtituerant, huic præterea tabula inhaerentes ſcalas conſciebant, quarum latitudo erat pedes quatuor, longitudo ſex uulna. Foramen autem tabulati erat oblongum, & circumambibat columnam poſt primas ſtatim ſcala duas uulnas. Habebat autem veluti ſepem ad utrumque oblongum latus genua cònis altam. In ligni extremo ferrum erat inſtar mallei peracutum: præterea annulus ſine alligatus, itaut hæc machina machinis frumentarijs ſimillima uideretur. Igitur ſimulac nauis hoſtium aduentabat, laxato ſine, ſcala demittebantur; ferrum pondere, ac vi ligni ſuper hoſtium nauim lapſu figebatur. Si aduerſa prora erat, boni milites per ſcalas deſcendebant, duo primi præſeſcentes ſcuta, reliqui latera ſcutis proteſti. Sin verò obliqua erat hoſtium nauis, in eam ex tota pariter naui deſiliebat. Hæc Polybius de Corace. Ex quibus proſectò liquet, non utique eam Machinam, illam ipſam eſſe, aut non abſimilem Coruo, quando Machinis frumentarijs ſimillima erat; neque ex alia parte nullius virtutis, dùm tanto impetu, & apparatu in hoſtium nauigià deſiliebat.*

113

CORICEVM apud Græcos optimos ædificiorum (tametiſi, ait Vitruuius, non ſint Italica conſuetudinis) iuxta diuerſos eorum uſus,

114

115 *vsus, dispositores, locus erat in Palæstris, ubi athletæ exercebatur, ad denudationem factus, vel sanè in publicis balneis, ubi quis lauari volebat: quemadmodum Conisterium dicebatur alius item locus ibidem sepositus, in quo pulvis asseruabatur, quo luctaturi se aspergere solebant post vñctionem, ut præhensiones fierent firmiores, & neutiquam lubricæ. Sed Coricea non in publicis modò Gymnasijs, sed in priuatis quoque domibus, secus balnearia, extitisse testatur Baldus in Vitruuium. Cæterùm iste *Corticeum* scribit lib. 5. cap. 11. (sed mendum irrepsisse opinatur Philander, pro Coriceo, aut Couriceo,) quod aliàs dicit fuisse locum, ubi puellæ exercebantur. Certe norat Philander, non defuisse qui legerent Coryceum, ubi pilæ ludus fiebat, nam *Corycon* apud Græcos, pilam vento inflatam sonat. Se hæc discutere, Grammaticorum potius cura est, quam Matheseos studioforum.*

115 **CORINTHIUS ORDO** in Architectura est studiorum species præ alijs elegantior & venustior, qui potissimum attenditur in Trabeationibus, & Columnis: etenim graciliores has facit, & comptiores, itaque repræsentent puellam, vel meretriculam lasciuæ amictam. Et idè Corinthia dicta est ejusmodi columna, non tam quod Corinthi inuenta est, quàm ob diffamatam eius urbis mollietatem: cuius originis historiam texit Vitruv. lib. 4. cap. 1. Cæterùm huius symmetria ex eiusdem præceptis, ea est, ut altitudo Scapi æquare debeat novem sui diametros. Basis, alta media parte crassitudinis ipsius: in reliquis non absimilis Basi Ionicæ. Sed in Capitulo præsertim sistit, & gloriatur, quod vult esse omnibus modulis, & rerum varietate ornatum; altum, quanta est latitudo imi scapi columnæ: repræsentat enim vas resupinatum ab angusto in latum molliter se laxans, effigie calatbi (inquit Philander) cui abacus sit pro operculo. Hoc itaque vas circumuestiunt, & ornant erecta ab Apophyge, hinc inde ad caput se incurvantia acanthi folia; tum ex ijs, & inter ea profiliunt cauliculi, flosculi, & volutæ, quæ ad extremos angulos procurentes, sibi que inuicem obuersantes, abacum desuper accipiunt, & sustentant. Verbo: uti in Tuscanico ordine proprius character est grauitas, & simplicitas; ita in Corinthio est gracilitas, ornatus, ac mollicies.

116 **CORIVM** Architectis, & Materiarijs est crusta e calce, arena, & marmoreo puluere, parietibus, & pavimentis superinducta, ad ijs læuitatem, firmitudinem, & splendorem conciliandum, sumpta à corijs animalium analogia. Nostrates *Intonicaturam*, vel *Smaltaturam*

auram appellant. De hoc inestimationis genere, quod in tectorio opere usurpatur, hæc habet Vitruvius, lib. 7. cap. 3. *Grano inducto, & inarescente, alterum Corium dirigatur.* Et paulo post: *Ita cum tribus corijs arena, & item marmoris, solidati parietes fuerint, neque rimas, neque aliud vitium in se recipere poterunt.* In alio sensu; architecturæ præceptis magis accommodato, Corij notionem accipit idem Vitruvius, lib. 2. cap. 8. quando nostrum struendi modum, cum Græcorum ratione conferens, hunc ut magis stabilem laudat, & anteponit. *Itaque non est contemnenda, inquit, Græcorum structura: Non enim videntur de molli cemento polita; sed cum discesserunt a quadrato, ponunt de silice, seu de lapide duro, ordinariam, & ita (uti latericia struentes, & alligant eorum, alternis corijs. coagmentata; & sic maxime ad æternitatem firmas. perficiunt virtutes.* De nostrum: verò, quam in instruendo servant; ratione, hæc ait. *Sed nostri celeritati studentes, erecta coria locantes, frontibus serviunt, & in medio faciunt, fractis separatim cum materia cementis.* Ita tres suscitantur in ea structura crusta, dua frontium, & una in medio, fasciura. At de Græcorum ratione hæc mox subiungit: *Græci verò non ita: sed plana collocantes, & longitudines coriorum alternis. coagmentis in crassitudinem instruunt, non media faciunt, sed de suis frontatis perpetuum, & in unam crassitudinem parietem consolidant; & præter cætera, interponunt singulos perpetua crassitudine utraque parte frontatos, quos Diatonos appellant, qui maxime religando confirmant parietum soliditatem.* Vbi satis liquet, ipsum non iam loqui de crusta, seu obductione tectoria, sed de laterum ordinibus, in ipsa parietum erectione servanda. Cæterum, quinam ex his duobus sit aptior, & firmior struendi modus, vide apud Serlium, & Leonem Baptistam Albertum in lib. de re ædificatoria.

CORONA, apud Mathematicos, & frequentissime, & non in una tantum notione usurpatur: Etenim pro suo quisque genio, ac disciplina, quam proficitur, id nomen assumit ad res suas denotandas, & exprimendas: quando alias hoc vocabulum ex sua prima institutione, ad sertum, ac diadema honorarium, capitis nimirum ornamentum significandum, est assignatum. Imprimis. Architecti Coronæ nomine, aliquando intelligunt partem illam in Epistylis, seu Trabeatione, quæ excurret plana, & exposita, excipiendis & stillicidio guttis inseruiens, & foras à fronte immittit, ne in illam incidentes, eius ordinem, & venustatem deturpent, atque commaculent: quod ideo. Tenia ab aliquibus, à nostris, expressiore vocabulo, Gocciolatoio appellatur. Quandoque accipitur pro integra

crabeatione, seu, vt ad distinctionem vocant, *Coronice*, hanc partem, & alia membra à quibus integratur, comprehendente: constat enim, vt in loco explicabimus, *Sima*, *Cymatio*, *Corona*, *Denticulo*, altero *Cymatio*, *Zophoro*, *Peristyllo*, vt passim conspicitur in magnificis ædibus, & in Basilicis, supra arcus; decoris, & ornamenti non contemnendo loco: quam nos vulgo *Cornicionem* vocamus. Et in hoc sensu frequenter sumitur à Vitruuio, præsertim lib.

3. cap. 3. & lib. 5. cap. 2.

118

Secundò in re militari, atque in Vrbium obsidione, militum ordines, qui olim apud veteres suis corporibus circumquaque locum vallabant, & quasi ferto stringebant, *Corona* itidem dicebantur: qua videlicet, vt aduertit Lipsius, pro muro erant, non pugnantes, non vim inferentes, non tela iactantes, sed firmi in statione, exitum obsessis, & aditum suppetijs, & commentibus intercludebant: qua demum constantri, & lenta quadam, innocuaque expugnatione, hostis in arcto positus, rerum omnium penuria laborans, & non minùs otio, quam viribus fractus, deditionem facere compellebatur. Hinc, *Corona* urbem cingere, capere, expugnare, vti frequens est apud Historicos, ita nil aliud exprimit, quam dispositis in orbem copijs, urbem cingere, atque obsidere. Vnde Ammianus, nescio cuius oppidi Expugnationem dicturus, ait. *Armatorum triplici corona muris circumdatis*. Et in Iosepho, lib. 3. de bello Iudaico cap. 7. de obsidione Iotapatæ Oppidi, à Vespasiano per hanc viam intentata, hæc habes. *At Romanos tota die ambulando fatigatos Ciuitatem statim aggredi piguit: ob eam causam duplici acie circumdato Oppido, tertium extrinsecus agmen equitum posuere, omnes Iudeis exitus obstruentes*. Quam ordinum dispositionem probè excogitatam, & summa prudentia iutam, notat Lipsius in Poliorcet., nempe positis introrsum peditibus, quorum erat inuadere, extrorsum verò equitibus, quibus incumberebat agmen tueri, aduentantibus ad obsessos auxiliarijs copijs, obniti, vultum & arma conuertere, vbi opus erat, accurrere, & omnia inspicere. Porro triplicatæ, huiusmodi bellatorum *Coronæ*, elegantissimum diagramma ex ære incisum exhibet idem Lipsius, ad finem dial. 4. Et quamquam id genus obsidionis ætate nostra iu desuetudinem abiit, remansio tamen aliquod specimen: & est quando positis delongè ad transitus viarum armatis copijs cum munimentis, suppetiæ, & comineatus hostibus interdicatur: quem modum Ciuitatem redigendi in summas angustias, *Bloccare* dicimus.

119


CORPORA REGVLARIA, aliàs *Platonica*, à Platone, cuius præ-



præclarum inuentum fuisse traditur, agnominata: apud Geometras semper in ore, quinq; sunt, nec plura esse possunt, aut fingi. Ea autem intelligantur esse, quæ pluribus figuris similibus planis, & æqualiter ordinatis componuntur: hoc est, ut æqualem, ac similem formam, magnitudinem, & superficiem seruent, æqualibusq; lateribus, & angulis, qui in vnum solidum coeant, atq; eiusdem prorsus conditionis efforment. A numero verò laterum seu planorum, ex quibus resulant, singula denominationem accipiunt. *Tetraëdrum* ex quatuor triangulis æquilateris, adeoque acutangulis, conflatum. *Octoëdrum*, octo similibus utangulis constans: & *Icosaëdrum*, viginti: in quo quinq; anguli plani conueniunt in vnum solidum: ita ut omnes anguli plani, qui in Icosaëdru conueniunt, dispersantur, & abeant in duodecim solidos. Atque hæc tria tantū corpora regularia, ut modò explicata, prodire possunt ex triangulis acutangulis, cum nec pauciores quàm tres, nec plures quàm quinque, abire possint in vnum angulum solidum: quandoquidem hic necessariò debet esse semper minor quatuor angulis rectis, alioquin abirent in planitiem, non in angulum, vt ex Euclide propos. 32. Primi, & 21. Vndecimi, manifestum est. Atqui sex anguli triangulorum æquilaterum, maiores sunt quatuor rectis; & sic de alijs discurrendo, supra quinque, qui in vnum conuenire concipiantur. Deinde, si plura plana æquilatera, & æquiangula, vt in suppositis est (quo nomine non veniunt, nisi quadrata rectangula) velis in vnū corpus coadunare, non inuenies, nisi *Hexaëdru*, quod cōmuniter dicitur *Cubus*, constans sex planis quadratis, & octo angulis solidis; ad quorum singulos efformandos conueniant tres anguli recti: nam quatuor, vt dictū est, conuenire non possunt. Denique ex obtusangulis, solum *Dodecaëdru* prodire potest, constans duodecim pentagonis planis; quorum anguli sunt quinta parte maiores singulis rectis, ac proinde tres tantum ex ijs in vnum conuenientes, possunt constituere angulum solidum, qui adhuc minor esset quatuor rectis. Non sic, si quatuor in vnum conuenire conciperentur, vt in Hexagonis, Eptagonis &c. quia semper anguli concurrentes in vnum, maiores forent quatuor rectis. Vt propterea manifestū sit, hæc quinq; tantū Corpora Regularia concipi posse; nec plura, nec pauciora. Quandoquidem (vt rem paucis conficiam) ad anguli solidi constitutionem tres ad minus anguli plani requiruntur; hique omnes simul sumpti, quatuor rectis necessariò minores esse debent. Nunc omnes anguli, aut recti sunt, aut acuti, aut obtusi: Ex acutis, sex in triangulis æquilateris; ex rectis, quadrati quatuor; & ex obtusis, tres, quatuor rectos exæquant; in pluribus superant, & excedunt: quod ideo ex tribus, quatuor, & quinque triangulis æquila-

teris in vnum collectis prodire poterunt eiusdem rationis anguli solidi. In quadratis, ex tribus tantum angulis rectis, prodire poterit solidus, vti pariter in Pentagonis. Vnde tandem euincitur, quinque tantum esse, & concipi posse Corpora Regularia.

**120** Hic autem ad ornatum, placet exponere figuras dictorum Corporum Regularium, tum in seipsis, prout plana in vnum conuenientia efformant corpora quadam solida; tum explicata in totidem plana, quos singula comprehendunt: ita tamen disposita, vt si è crassiori charta, vellamina, coaptentur, facile in ipsorum quæque formam abibunt.



**121** Ex his, tria solum sunt (quod mirum prima facie est) quæ habeant, & habere possint latera rationalia, seu maius dicam, commensura-

furabilia: reliqua verò duo, lateribus constant irrationabilibus. Sunt autem illa, Cubus, Terraëdru, & Octoëdru. Icosaëdru, namque, & Dodecaëdru habent latera irrationabilia. Id quod vel ex eo patet, quia si sphaeræ inscribantur, trianguli latus, est potentia triplum semidiametri: sicut viceversa, tota sphaeræ diameter, est sesquialtera lateris ipsius Tetraëdri. Rursus in Octaëdro diameter est dupla lateris illius: & in Cubo est potentia triplex lateris ipsius Cubi: Sunt igitur incommensurabilia ad invicem, & consequenter Rationalia. At in Dodecaëdro, & Icosaëdro, latera sunt adinvicem prorsus incommensurabilia, quia neque longitudine, neque potentia, hoc est per eorum quadrata, commensurari possunt: adeoque in Pentagono, seu Dodecaëdro, latera terminant a linea, quæ vocatur Apotome: in Icosaëdro autem, à linea, quæ dicitur Minor. Ad cuius rei intelligentiam, recolenda sunt quæ habet Euclides toto lib. 10. de magnitudinum commensurabilitate, vel longitudine, vel potentia: tum de ijs quæ sunt omninò incommensurabiles.

Cæterum, si latus Cubi secetur extrema & media ratione, maius segmentum erit latus Dodecaëdri: vel totum latus Cubi, licet alioqui sit incommensurabile lateri ipsius Dodecaëdri, est tamen commensurabile, imò æquale lineæ subtendenti angulum ipsius Dodecaëdri, seu maius dicam, Pentagoni in Dodecaëdro. Quod totum in subiecta figura manifestum sit: ex qua licebit dignoscere quinque figurarum latera, atque inter se comparare.



Itaque in hac figura Linea A.F. vel B.F. est latus Octoëdri; A.G. est latus Tetraëdri: B.G. latus Cubi: B.I. latus Icosaëdri, & B.K. latus Dodecaëdri in eadem sphaera inscriptorum. Quorum adinvicem proportionem clarissimè ostensam, vide apud Clavium, & Vitalem Iordanum in explic. prop. 18. Undecimi.

Porrò, si ipsius Cubi, aliorumque corporum regularium harmonicam rationem, è qua fidium, & sonorum dissimilium consonan-

tiā in Symphonijs, intīmē, & cum iucunditate contemplari velis, vīde diuisiones chordæ in Monochordo, vbi de eo sermo habebitur: proindeque in eo omnes tonorum sibi mutuò respondentium proportionalitates, distinctiones, nomenclaturas, & alia ad id spectantia, ad icū oculi videre licebit.

123

**CORSA**, apud Vitruuium est quoddam genus ornamenti ad modum fasciæ excurrentis, & aliquantulum prominentis, quod in Structuris, apponi solet Epistylijs Ionici Ordinis, Corinthij, atque Compositi: nisi quod in Structuris, simpliciter fasciam nominat; in Ostiorum verò Antepagmentis, signatē, & distinctiūs *Corfam*. Sic enim habet lib. 4. cap. 6. *Crassitudo Antepagmentorum: altitudine luminis in fronte, decimaquarta parte, Cymatium huius crassitudinis sexta: reliqua pars præter cymatium, diuidatur in partes duodecim: harum trium, prima Corfa fiat cum astragalo, secunda quatuor, tertia quinque: eæque Corfæ cum astragalis circumcurrant*. Philander in Notis, pro Corfa simpliciter, primam fasciam intelligit antepagmentorum, eam nimirum, quæ est versus hypothyrū, quod est illa portarum vacuitas, quā lumen excipitur. At manifestē opponitur textui, vbi clarē tres omninō Corfæ enumerantur, quibus reliquam partem sumptæ crassitudinis antepagmentorum, ab his quæ dantur cymatio, & astragalo, totam, & integram tribui vult, & solum inæqualiter diuidendam esse, & singulis partiendam, ad maiorem elegantiam ex varietate addendam: itaut minor sit quæ proxima lumini erit, quæque ab eo dicitur prima, constans partibus tribus ē duodecim, in quas reliquum illud spatium partiendum esse dicit. Secundæ Corfæ, quæ immediatē succedit, dari præcipit quatuor: Tertiæ demum depresso-ri, adeoque ampliori, partes quinque, eæque postea, eodem modo cum suis astragalis totam antepagmentorum longitudinem ac latitudinem exæquent, & circumcurrant: vt videre licet elegantissime, delineatum in Barbari Commentarijs, pag. 119. Cæterum, si nominis huius etymon expiscari, ex coniecturis dabitur, haud incongruē dixerim, sumptum ab illa circumcursatione, quam sui extensione facit, ratione cuius, meritō *Corfa* denominata est.

124

**CORTINA** in Architectura militari, communi appellatione vocatur pars illa murorum expansa, & vt ita dicam, clausa, atque interposita media inter duo propugnacula. Vt propterea, cum omnia ferre munimenta nostri temporis, præsertim regularia, conueniat esse foris exporrecta in aliquibus partibus, & angularia; siue sint quadrata, siue pentagona, hexagona &c, necesse fuit, vt totus circuitus

murorum, non æquo modo excurrat continuus, sed statis in locis abruptus, & propugnaculis foras procurentibus, communitus; quæ possent, & reliquum murorum ambitum defendere, & sese inuicem contutari. Hinc est, ut pars murorum in rectum extensa, & inter duo propugnacula constituta, Cortina dicatur, cuius sit & tegere simul & tegi, & hostium accessum ad mœnia arceri: quod ideo, nec nimis arcta, nec nimis lata esse debet, sed tantum extensa, quantum linea defensionis exquirat. Sed de hac re abundè dictum est in *V. Arx*.

CORVS ventus Vide *Caurus*.

CORVVS in re militari, audiebat olim Machina bellica arrectaria, cui ex granditate effectus, & vastitatis quam circumferebat vbique, *Demolitoris* epitheton adiecit Vitruvius, non multum fortè discrepans ab ea, quam suprà, ex eodem Vitruv. Coracem nominauimus, cuius descriptionem dedimus ex Polybio, etsi eam Vitruv. non magni faciat, tanquam nullius penè virtutis. At conuenire multum, cum Coruo, colligitur apertè ex vtriusquæ ad inuicem collatione, Nam Coruum sit describit Q. Curtius de gestis Alexandri lib. 4. *Ad implicanda Nauigia, qui muros subibant, validis asseribus, Coruos; & ferreas manus cum vncis, ac falcibus illigant, ut cum tormento asseres promouissent, subito laxatis funibus inijceretur.* Hanc Machinam, & Ciconiam, & Gruem ab alijs nominari, alibi denotauimus.

CR

CRATES VIMINEAE, uti & Corbes, in re militari, sunt tectoria quædam munimenta, in Castris circumferri solita, quibus oppugnatores Arcium tegantur in tempore, ab tormentorum ictibus, siue ad sese occultandum, cum propius accedunt ad muros suffodiendos; Sunt autem (ut nomine præferunt) ex vimine contextæ, sicut & Corbes: sed hi simpliciores sunt, formâ concaui, & aggestitia terra repleti, Nostri *Gabbiones* appellant: illæ autem altiores, & planæ sunt, quarum duplex est vsus. Alteræ ad solum, & purum tegimen, sic ante latæ, & hostium impetitionibus obiectæ. Alteræ spissiores, & veluti in fasces redactæ, ad fossas opplendas reseruatur, ut per eas mixto aggere, quasi per pontem transirent. Quas quidem longe diuersas, ac leuioris operæ, ab his, quæ in obsidione pro tegmine, & quasi stabili aggere, designantur in terra, notat fuisse Lipsius in *Polyorcticis*, nam istæ & tecto, & lateribus hincinde confirmantur; ad hoc ut tormentorum ictus impunè recipiant, & frangant, nec de facili deijci, aut in totum dissipari queant: illæ verò ex simplici vimine

mine texuntur, & caux, vt excipere, & continere possint aggestiam terram, & cum opus fuerit, plures, & plures in fossam deicere, ad illam opplendam. Vtrarumque formam habes apud Lipsium, & elegantius exaratam ab Fritach, alijsque recentioribus Architecturae militaris Scriptoribus. Sed

- 127 CRATICII PARIETES in Architectura civili, dicuntur illi, qui in Craticis modum eriguntur, transuersisque asserulis, & cannis cum calce, & tumultuario iniectis cæmentis struuntur: quos profectò impensè improbat, ac detestatur Vitruu. lib. 2. cap. 8. inquit: *Velim non inuenti essent: & dicti rationem reddens, subdit: Quantum enim celeritati, & loci laxamento profunt, tantò maiori, & communi sunt calamitati, quod ad incendia, uti faces, sunt parati. Et meritò quidem, nam parietes facti sunt, vt perpetuò totam desuper impositam molem in se recipiant, ac sustentent; adeoque & crassitudine, & soliditate firmissimi, & perpetui esse debent, proindeque nulli calamitati obnoxij.*

- 128 CREPIDO aliter accipitur à Geographis, aliter ab Architectis. Illi enim pro crepidine, intelligunt aliquam terræ continentis oram, quæ mari alluitur, inde forte denominatam, quod vndæ illuc alisæ crepitant, & attollunt cum sonitu fluctus. Ex quo habes, quod non omnis vtrumque terræ pars, quæ mari alluitur, Crepido dicenda est, sed solùm quæ in mare prolabitur, & super illud insurgit; qualia sunt promontoria, & rupes abruptæ, à quibus hic fluctuum collisorum crepitus provenit, vnde est illud Poëtæ 10. Aeneid.

*Fortè ratis celsi coniuncta crepidine saxi*

*Expositis stabat scalis.*

Ad quem locum, Cerda: *Crepido, inquit, nil aliud est, quam abrupti scopuli, & depexæ rupes.* Architecti autem, sumpta similitudine, Crepidines in plurali, nominant nexus angulares, & proiecturas Coronæ in ædificijs, quæ in angulum cōeunt, eoquod, aliquo modo præruptis rupibus assimilantur. Sicque in utroque sensu verbum, accepit Vitruu. Primò, cum de portibus agit, atque structuris ponendis in aqua, lib. 5. cap. 12. ubi, ad obfistendum impetuosa fluctuum reciprocationi, hoc remedium ponit. *Sin autem, inquit, propter fluctus, aut impetus aperti pelagi destinata arca non potuerint contineri, tunc ab ipsa terra, seu crepidine pulvinus quàm firmissimè statuatur.* De ilis verò quæ in loco mentionem fecimus, loquitur lib. 3. cap. 8. agens de proiecturis spirarum in intercolumnijs, (quarum nomine intelligit margines omnes omnium partium, quæ ad inte-



integrandam columnæ basim concurrent ) ac propterea Crepidines in plurali, appellauit, quod omnes eodem modo, & vno ductu procurrunt, ac terminantur in angulum. Item lib. 4. cap. 6. loquens de Antepagmentorum conformatione: *Dextrâ, ac sinistra, ait, proiectura sic sunt faciendæ, uti crepidines excurrant, & in vngue ipsa cymatia coniungantur.* Contendunt autem Barbarus, & Baldus in ipsa earum partium, quas crepidines dixit Vitruuius, explicatione. Nam ille vult, esse ornamenta quædam, quæ circum ostia apponuntur, scilicet parua membra transuersa, quæ per directum in antepagmentis currentia dispiciuntur. Baldus, autem adaucter dicit, non hunc vtiq; fuisse Vitruuij sensum, nam reuerâ non sunt Crepidines in Architectura simpliciter parua membra, sed absolutè, & collectim quidquid in Corona, antepagmentisque aliquatenus prominet, & in angulum venit, promiscuè, & indifferenter Vitruuius Crepido est; & quia multæ res sunt, quæ ad hoc confluunt, ideo in plurali Crepidines appellauit, & addidit speciatim, quod in *vngue ipsa cymatia debent coniungi.* Pro vngue autem, punctum communis concursus intelligit, hoc est angulum, quod nostrates Materiarij *spigulum* vocant. Hæc Baldus. Sed, etsi ambo in explicando discrepant, in retamen conueniunt, & idem dicunt: ut in facto videre, est in huiusmodi proiecturis, quas vterque in suis Commentis delineatas exponit, & vulgari nostrum appellatione *Currentes* nominant.

• CRYPTAE, in Architectura, subterraneæ cauitates sunt, siue à 129  
Natura factæ, uti Cauernæ, & specus, in montium radicibus extantes; siue arte, in ædificijs subrus positz, & seriatim concameratæ. De his Vitruuius monet lib. 6. cap. 8. ut in apto loco, & ad rem cui inseruire debent, idoneo, constituantur; commoditatis gratia magis, quam ad necessitatem, & complementum operis: in ijs enim, seorsim ab aliorum conspectu, asseruantur victualia, vtputa vînæ, frumenta, fruges & fructus, quæ inibi, ob soli frigiditatem felicius durant; de quibus satis dicitur in *V. Catogenm.* Nos vulgò, paulò detorto vocabulo, *Gryttas* vocamus. Sed & altiores, ac spendidiores ab Antiquis ad delicias, & maiestatem operis erigebantur, in quibus, æstate, moras trahebant, ad nimium æstum vitandum; & proprio nomine vtrumque significante, *Crypto-porticus* audiebant, de quibus sæpè Plinius Iunior, & Sidorius Appollinaris in suis Epistolis, & nos ex occasione citato loco disseruimus. At aliæ sunt

CRYPTAE, quas vocant *cacas* in Architectura militari, (nos vulgò *Casemate*) quia occultæ, & fornicatæ sunt atque ad latera propugnatorum sub terreo aggere muris adiecto substruuntur, ad

milites & equites clanculum detinendos, vt in promptu sint ad repentinos incurfus, & adornandas in hostilem campum subitas irruptiones. De quibus vide iam dicta in V. *Arx*. Earum situm & formam damus in adiecto schemate erecti propugnaculi.



## CT

- 130** CTESIBIA MACHINA, per excellentiam ab eius inventore, Ctesibio denominata, quæ ad attollendam in omnem altitudinem aquam apprime inferuit. Eam eleganter describit Vitruuius lib. 10. integro cap. 12. Sed ad hunc effectum præcisè, non multum commendat, præferens ei Rotam, quæ in maiorem altitudinem, & in maiori copia, attollere nata est aquam: laudat potius, & exponit subinde varios vsus ad quos posterior ætas, paucis adiectis, adhibuit, nempe ad motum icuncularum, ad sonos edendos, ad auicularum cantus imitandos, &c. quæ non sunt ad necessitatem, sed ad deliciarum voluptatem, inquit Vitruu. Cuiusmodi videre est passim, non sine magno aduentantium exterorum stupore ac iucunditate, in Romanis, Tusculanis, ac Tiburtinis Villis: in quibus assatim omnia hæc aurium, & oculorum blandimenta conspiciuntur.

## CV

131

CVBVS generaliter audit corpus omni ex parte quadrum, proindeque octo angulos rectos admittens, & constans sex planis equiangularis, & æquilateris; Consideraturque in Geometria vt vnum, è quinque corporibus regularibus celeberrimis à Platone detectis. De quo abunde diximus in V. *Corpora Regularia*, sed &

CVBVS in Arithmeticis attenditur in numeris paribus quaquauerum assumptis, & in se ductis, ad similitudinem Cubi Geometrici. Hinc est, vt etiam in Architectura, ad dimetiendas latitudines superfi-

superficierum , ex Pythagoricis Vitruuius constituerit Cubum CCXVI. partium, in præfat. ad Lib. 5. Namque Cubus, ait, est corpus sex lateribus aequali latitudine planities per quadratum. Is cum est iactus, quam in partem incubuit, dum est intactus, immotam habet stabilitatem; uti sunt etiam tesserae, quas in alneolo ludentes iaciunt. Atqui numerus senarius in se multiplicatus efficit superficiem quadratam cubi part. XXVI. Rursus, si eam per senarium multiplicaueris, exurgit Cubus CCXVI. Quod ideo addit idem Vitruu. quod Pythagoræ placuit Cubicis rationibus præcepta in voluminibus scribere. Plura in hanc rem, vide quæ dicenda sunt in Numeris Pronicis.

CVLMEIN in Architectura generaliter sonat summam ædificij 133 partem, siue tectum, à culmis seu paleis ex messe collectis, deriuato vocabulo: eoquod Veteres (ut obseruat Seruius in Virgilij Elogam. 1.) ex his sibi tectum formabant. Sed pressius adhuc ab structoribus accipitur pro columine, hoc est, pro primaria illa trabe, quæ totani contignationem in se recipit, & cui reliquæ traves, & asseres incumbunt: uti diximus in V. *Columen*.

CVLTELLI LIGNEI ab Architectis in re ædificatoria nuncupantur spatulæ, seu, ut nominare placet Philandro, Verucula è ligno facta, ad similitudinem cultelli ferrei, quibus in extruendis cameris vtuntur ad tomicas configendos ad opus, quo solidetur, & perenniùs duret. *Spatellas* vulgariter appellamus. 134

AD CVLTRVM, seu in *Culdro* aliquid collocare, eisdem Architectis perinde est, ac illud ad perpendicularum constituere. Qui modus loquendi, etiam apud nos passim, & indifferenter vsurpatur cum aliquid dicimus positum à *taglio di Cortello*. Inde in structuris ad cultrum poni præcipiuntur laterculi, qui in craticijs parietibus gypso, & glutino calci admixto, simul in seriem coaprantur: sumpta similitudine à cultrorum applicatione ad opus aliquod scindendum in plano collocatum; acies quippe ad planum insiluit, costa sursum elata, itaut lamina sit horizonti perpendicularis. Porro quod ait Vitruu. lib. 10. cap. 10. ubi de rotis agit ad molendinum idoneis, quod tympanum videlicet ad perpendicularum collocatum in cultrum, versatur cum rota pariter: & Cap. 14. Ad capsum rheda loculamentum figatur habens tympanum versatile in culdro collocatum, intellige de rotis illis, ac tympanis, quæ asseres habent in orbem dispositos, quod omnes ad cultrum, & perpendiculares ad centrum sunt. Cæterum Nostrates ea conuenientiùs *Scutæ* appellant; eoquo ipsa sui dispositi-

positione, scuta militaria imitantur, quibus contexti milites ad pugnandum accedunt.

**136** CVNEVS in Geometria, est figura triangularis in angulum subtensum basi, quæ (contrà reliquarum figurarum naturam in vertice, est, subtenditur) acutissimum desinit, aliter dicta *conus*, de quo, suo loco. Hinc ob formæ similitudinem,

**137** CVNEVS in Mechanicis est satis vulgare, & simplex instrumentum ad findenda, facili inre, ligna & lapides, excogitatum, quod sui vilitate vix memoratu digni, & inter mechanica organa computandum videretur. Attramen ab Aristotele, Archimede, Pappo, & alijs primæ notæ scriptoribus, inter primarias & fundamentales motrices potentias, cum dignitate, & laude adnumeratur; coquod incredibiles vires in corporibus solidis diuellendis, obtinet: ut quæ plurium hominum conatus, adhibitis etiam alijs instrumentis, discindere, aut loco dimouere haud queunt, simplici cunei applicatione, sola validi ictus impressione, ad leuem rimam in scindendo corpore factam, hoc diffiliat in duas partes, aut loco detrusum, ad opus perquam facile adhibeatur. Id autem quâ ratione fiat, non est nostrum hic discutere, ne nimis ab scriptionis ordine digrediamur. Videatur Aristot. in *Mechan.* qu. 17. Pappus lib. 8. *Collect. Mathem.* & qui clauum nodo fixit, Guidobaldus è Marchionibus Montis.

**138** CVNEVS insuper in militari acie audit bellatorum agmen in cunei formam dispositum, atque ita confertim in hostes irruens. Unde Veget. lib. 3. cap. 19. *Cuneus*, inquit, dicitur multitudo peditem, quæ iuncta acie, primò angustior deinde latior procedit, & aduersariorum ordines rumpit, quia à pluribus in unum locum tela mittuntur. Aliam nominis rationem comminiscitur Isidorus lib. 9. cap. 3. Propter quod, ait, in unum coit; & ipsa coitio unum, Cuneus nominatus est, quasi COVNVS coquod in unum omnes coguntur. Sed militari, & satis vulgari nomine, Agmem eiusmodi ordinatum, Caput Porcinum dicitur, ut suo loco adnotauimus.

**139** CVNETTA in Architectura militari dicitur fossula adhuc profundior intra fossam maiorem, quæ munimenta ambit, sinuoso ductu in medio excauata, quæ semper aquis plena esse debet, siue maior, & ipsa aqua oppleta sit, siue sicca. Hæc nouiter excogitata est à Galilis ingeniarijs, & suis munitionibus addita ad præpediendum hosti accessum ad mœnia, ut si forte Operum exteriorum potitus, ad fossam properet, eamque transmeare intenet, in hanc impingat, & aut mergatur, si nescius, & improuidus ad illam accedat, aut saltem disti-

distineatur, quoadusque occurrentes præfidiarij, cum aquis implici-  
tum, & confusum loco deturbent. Verum hoc ipso capite, non tam  
aggressoribus, quam obsessis incommoda esse potest, vt notat acu-  
tissimè Dogen, & exemplis confirmat. Sed enim huic malo pluri-  
bus modis ab obsessis, quibus notus est fossilæ situs, excursus, &  
altitudo occurri potest, quos suppeditat ipse Dogen, & in dies sub-  
ministrat experientia rerum magistra.

CVNICVLVS, inquit Festus, est Foramen sub terra occultum, aut  
ab animali quod Lepori simile est, appellatum, quod subterfossa terra  
latere est solitum; aut à cuneorum similitudine, qui omnem materiam  
intran, findentes. A militaribus Architectis ad vsu bellicum as-  
sumptus, frequentissimus est, & maximè commodus; quippe in-  
oppugnandis, & expugnandis arcibus nulla melior ac tutior via,  
siue ad aggressores per occultos meatus, absque periculo vsque ad  
muros ducendos, siue ad hos subruendos, iniussio subitus puluere,  
tormentario ad tempus incendiando; quo angustiarum impatiente,  
& foràs exire cum impetu connitente, terra concutitur, & quod de-  
super extructum est, desilit & comminuitur, lacrimabili semper  
euentu. Narrat Curtius lib. 5. Alexandrum Gazam obsidentem,  
nulla vnquam ratione ea potiri potuisse, donec effossio cuniculo mu-  
rum deiecit, & per eius ruinas ascendens, vrbeni victor intrauit.  
Sed ad hæc, aliaque id genus opera intercipienda, aut frustranda,  
varix artes, & via, tum à veteribus, tum maximè à nostris Ingenia-  
rijs sunt excogitatæ. Præ cæteris magni momenti est, si obsessi tra-  
mitem, per quem hostis cuniculos effodit, stratagemmatis noscatur,  
& irritos faciant, cum aliàs, neque tempus, neque locus indicare,  
sit aptus, quò ille per cuniculum tendat, ac tandem sit emerfurus.  
Ad quam rem perpulchrum affert exemplum Vitruuii lib. 10. cap.  
vlt. de Apollonia nobili Macedoniæ Vrbe acriter ab hoste obsessa,  
& hoc ingenio ab tali peste liberata. Quod, etsi longiusculè referatur,  
quia tamen memoratu dignum, & in documentum æternum venire  
potest, ipsissimis Vitruuij verbis, hic exponere non grauabor. Ait igi-  
tur: Apollonia quoque, cum circumfideretur, & specus hostes fodiendo,  
cogitarent sine suspitione intrà mœnia penetrare: id autem cum à specula-  
toribus esset Apolloniatis renunciatum; perturbati nuncio propter timo-  
rem, consilijs indigentes animis, deficiebant, quod neque tempus, neque cer-  
tum locum scire poterant, quò emersum facturi fuissent hostes. Tum verò  
Trypho Alexandrinus, qui ibi fuerat Architectus, intrà murū plures specus  
designauit, & fodiendo terram, progrediebatur extrà murum dumtaxat citrà  
sagitta emissionem, & in omnibus vasa aenea suspendit. Ex his in vna

140

141

*fossura*, qua contrā hostium specus fuerat, vasa pendentia ad plagas fer-  
ramentorum sonare ceperunt. Itā ex eo intellectum est, qua regione ad-  
uersarii specus agentes, intrā penetrare cogitabant. Hucusque Vitruu.  
de antiquorum arte ad cauos hostium cuniculos deprāhendendos.  
Sed longe turior, ac felicior, quam tenuere Germani, superiori sæculo,  
in obsidione Viennæ in Austria à Solimano Turcarum Impera-  
tore, totis conatibus nequicquē ad finem deditōnis adducta. Rem  
narrat Iouius in Histor. lib. 28. quam paucis expediam. Ergō cum  
Tyrannus inspiceret, incassum abire tot machinas exteriores adhibi-  
tas, cogitauit cuniculis vti ad murorum deiectionem. Quod vt in-  
tellexere Imperiales, pelues aquis plenas, ac tympana militaria,  
pisis impositis, statis in locis, ac sparsim collocauerunt in campo,  
solerti sanē consilio. Nam, vbi fossores sub terra latentes opus stre-  
nuē prosequēbantur, factum est, vt ad terræ concussæ tremitem,  
aqua crisparetur in peluibus, & pisa subsilirent, in tympanis; quod  
indicio fuit, inibi aduersarios cuniculos agere: ex quo, apertis hinc  
inde euaporarijs, flammæ locus daretur ad exhalationem. Sed quid  
præsidij, quid effugij ad euitandos, vel frustrandos cuniculos, aut  
in mari actos, aut in nauibus importatos? Sanē experta est nostra  
ætas, in celebri illa Antuerpiensium obsidione, ab Alexandro Farne-  
sio fortiter intentata, ac feliciter absoluta, quid possit in extremis  
casibus suggerere desperatio, quid inuicta constantia superare.  
Namque hinc ad destruendum pontem cuniculi de longe nauigijs  
adducti, illinc prodito non sinē clade effectū, ijs ingenio, solertia,  
dissimulantiā, & infracto animo ita occursum, vt tandem frustratus,  
aut delusus hostis, ad deditōnem properauerit. Rem memoria  
æterna dignam describit elegantissimē Favianus, Strada, Decade 2.  
de bello belg. lib. 6. Ad quem, ne longus sim, Lectorem curiosum  
remitto.

## CY

142

CYMATIVM græcum vocabulum, latine verti potest *Vndula*; par-  
uum quoddam membrum, & ornamentum in Epistylijs, aut in  
Capitulis columnarum conspicuum, ad vndæ similitudinem. Id  
perantiquum est, & apprimē faciens ad operis maiestatem, de quo  
sæpe Vitruuius, nunc, *vndam*, nunc *simam*, nunc *Cymacium* appel-  
lans, præsertim lib. 4. cap. 6. est enim summum complementum  
operis, quod Coronæ super imponitur modicē prominens, & Coro-  
næ se iungens leni flexu ad S. siuē directæ, siuē inuersæ, figuram pro-  
cedens. Et quidem duplex Cymatium agnoscit Vitruuius, *Dori-  
cum*, & *Lesbiū*; primum quod adhibetur in Operibus Doricis, &  
& est simplex & planum, liberē excurrē, & grauitatem Doricam  
ser-



seruans : at secundum à Lesbo dictum , quia ibi primò inuentum ; non explicat , sed tantum dicit , quod in summa crepidine *scalpendum est Cymatium Doricum* , infra coronam , *Lesbium* . Philander explicat , quod hoc sit variè sculptum , & figuris ornatum , illud verò simplex ac teres . Sed Barbarus id non probat , eoquod non sculptura , quæ accidentaliter aduenit , sed forma est , quæ vnum ab altero contrasignat . Putat igitur , Cymatium Doricum esse , quod nos *gulam rectam* dicimus ad S, erectæ non figuram terminans ; *Lesbium* autem , quod iacet supinum ad eiusdem litteræ formam , sed inuersam , ideoque à nobis *gulam versam* dictum . Vtrumque in Operibus Doricis , Ionicis , & Corinthijs locum habet , at solum Doricum , hoc est simplex , admittitur in Tuscanico . Palladius expressiore vocabulo apud vulgus , Cymatium *Intauiolaturam* , nominat , eoquod in opere speciem quandam tabulati foras aliquantulum prominentis refert .

CYMBALVM vocale instrumentum est , vulgò notum , quodque 143 iugiter puellarum , & Saltantium manibus teritur . Formam habet tympani dimidiati ex asserula in orbem actà , & membranam in inferiori parte fortiter tensa ; atque ad sonitus obtusitatem temperandam , circum bracteis æreis , & paruis tintinabulis resonantibus constitutis . Hoc in choreis , & cantionibus , leniter ad numeros , digitorum extremitatibus tunditur , & mirum est , quam bellè ad saltationem , & cantum accommodetur . Hæc ad instrumentum sonorum . Sed qua ratione Vitruuius Cymbalorum nomen transferat ad retinacula quædam extantia in vna ex Hydraulicis , quas describit lib. 10. cap. 13. quæ conceptum spiritum in modiolis continent , obstruendo eorum foramina , planè ignoro . Ait enim : *Delphini , qui sunt in verticulis inclusi chalantes in os , Cymbala replent spatia modiorum , atque ancones extollentes fundos intra modiolos vehementi pulsus crebritate , & obstruantes foramina Cymbalis superiora , aëra qui est ibi clausus , pressionibus coactus in fistulas cogunt* . Sed nec , quid sibi velit in tam subtili ( quod nusquam aliàs fecit ) machinæ huius descriptione , intellexit perspicacissimus eius Commentator Daniel Barbarus , ut fatetur ingenuè , adeò obscurus est : & obscuritatem ipsemet Vitruuius agnoscens , excusare nititur , asserens , quod *Hæc non est facilis ratio , neque omnibus expedita ad intelligendum* . At profectò melius egisset silendo , quando eiusmodi organa , aut nusquam , nisi in mente artificis extitere ; aut , si quando visa sunt , ad posteros non emanarunt . Cæterum Strabo lib: 15. clarius indicat , Instrumentum hoc aliàs ludicrum , atque ad pacis otia factum , apud Indos classi- 144 cum

cum canere , & ad prælia incitare ; cui concordat *Atrianus* , qui tradit *Nizos* *Indiæ* populos , *vsque ad aduentum Alexandri* ad ea loca , cum *Cymbalis* , *tympanisque* in pugnam ire solitos . Sed barbaris , & imbellibus gentibus id dari potest , qui pecudum more ad bellum ibant , non armis instructi , non tubis , sed incondito clamore ac sonitu sese incitabant ad manus cum hoste conferendas . Ut ve fit , certè *Cymbalum* , siue in bellis , siue in pacis oblectamentis tangere , non est omnium , sed eorum tantum , qui probe sciant ad numeros , vocis flexibilitatem , saltandique alternantes modulòs digitorum motus accommodare : hoc est qui *Arithmetiæ* , *Musices* , *Geometriæ* , aliarumque idgenus *Matheseon* facultatum aliquam habeant cognitionem .

\* \*



## DA

**D**ATA, apud Geometras, (vsurpato iam sibi solem. I  
ni; atque ad suum intentum explicandum, electo  
vnice hoc vocabulo) denotant, ac peculiariter si-  
gnant indubitata quædam axiomata, & assumpta,  
quæ aliàs per se nota, non indigent vltiori proba-  
tione, vt communiter admittantur. Ex quibus po-  
stea vltro admissis, deuenitur ad probationem aliorum terminorum,  
quibus construuntur Theoremata, & Problemata, per quæ procedit  
rerum demonstratio, quæ proponuntur: proindeque hæc principia,  
quibus innititur demonstratio faciendâ, *Data* antonomastice appel-  
lantur. Extat de his elenchus, & integer libellus Euclidis sub no-  
mine Datorum, inscriptus, atque ad calcem elementorum in Londi-  
nensi editione nuper adiectus; vbi XCV. Propositiones eiusmodi  
censet, atque ad earum intelligentiam, XII. definitiones, velut pri-  
mæ fundamenta præstat, quibus admissis, demonstrationes faci-  
le conficiuntur. Has ego hic exscribere non grauabor, præsertim,  
cum libellus non ita obuius sit. Sunt autem.

*Prima Definitio.* Datâ magnitudine, dicantur spatia, lineæ, an-  
guli, quibus æqualia possumus inuenire.

II. Ratio dari dicitur, cui possumus eandem inuenire.

III. Rectilinéæ figuræ specie dari dicuntur, quarum & singuli an-  
guli dati sunt; & laterum rationes adinuicem datæ sunt.

¶ Hinc datæ sunt specie figuræ, quibus similes inueniri possunt.

IV. Positione dari dicuntur puncta, lineæ, angulique, quæ eun-  
dem situm semper obtinent.

V. Circulus magnitudine dari dicitur, cuius ea, quæ ex centro  
datur, magnitudine.

VI. Positione, & magnitudine dari dicitur circulus, cuius datur  
centrum positione, & ea quæ ex centro, est magnitudine.

VII. Circuli segmenta magnitudine dari dicuntur, in quibus  
dati

dati sunt magnitudine anguli, & segmentorum bases.

VIII. Positione, & magnitudine dari dicuntur circuli, segmenta, quibus anguli magnitudine dati sunt, & segmentorum bases positione, & magnitudine.

IX. Magnitudo magnitudine maior est data, quando ablata data, reliqua eidem æqualis est.

X. Magnitudo magnitudine minor est data, quando adiuncta data, tota eidem æqualis est.

XI. Magnitudo magnitudine maior est data, quam in ratione, quando ablata data, reliqua ad eandem habet rationem datam.

XII. Magnitudo magnitudine minor est data, quam in ratione, quando adiuncta data, tota ad eandem rationem habet datam.

Harum autem veritatum demonstrationem, quam 95. ut dixi, Theorematibus complectitur Euclides, ac Datorum totam doctrinam, breuiter tradit Pappus in Collect. Mathem. lib. 7.

- 2 Nam primò, inquit, Euclides ea considerat in magnitudinibus uniuersè, quod facit per diagrammata XXIII. Inde procedit ad rectilinea proportionalia sine positione: id quod facit diagramm. XXIV. Quæ hoc sequuntur, versantur circa rectilinea, positione data. Post transit ad triangula data sine positione: & rem absoluit diagrammatis decem. In sex sequentibus agit de parallelogrammis, & applicationibus spaciolorum specie datorum. Eorum item quæ deinceps sequuntur, quinque; Primum est in lineis, reliqua verò quatuor in spatijs triangulorum; eoquod differentia quadratorum laterum ad ipsa triangulorum spatia, proportionem datam habent. Quæ sequuntur usque ad LXXIII. versantur in duobus parallelogrammis; quòd ob positiones in angulis, proportionem inter se habent datam. In sequentibus verò, sex usque ad LXXIX. duo quidem sunt in triangulis, quatuor in pluribus, rectis lineis proportionalibus. Rursus alia tria sequentia, sunt super rectis lineis proportionalibus, quæ datum spatium continent. Tandem in reliquis quæ supersunt, usque ad XCV. Ostenduntur quæ sunt in Circulis, vel magnitudine tantum datis, vel etiam positione: idque medijs lineis per datum punctum ductis. Et hæc est Summa, & ordo Datorum Euclidis, quam in Epilogum redegit, & explicuit Pappus loco citato.

#### DE

- 3 DECANI olim in militia dicebantur, qui singulis Contubernijs disciplina, & autoritate præessent, & in Cohortibus primi incederent: itaut vnaquæque cohors ex quindecim Centurijs constaretur; singulæ autem Centuriæ decem contubernia numerarent, complectentia decem militum capita; & sicut Centurijs præfecti, Centuriones appellabantur, quòd centum militibus imperarent; ita Contu-

ber-

bernijs, quorum singula decem milites admittebant, Decuriones dicti sunt, quibus eorum regimen committebatur: vt habet Vegetius lib. 2. cap. 8. Ex quo liquet, quod Centuriæ ex decem contubernijs, seu decurijs coalescebant, & singulæ Decuriæ decem militibus: & insuper in Centurijs, vltra suum Centurionem, alij decem milites computabantur supranumerarij ad centum, qui suas Decurias regerent, ob idque Decani appellati. Porro sicut inter Pedites, Decuriarum capita, Decani simpliciter audiebant, ita inter Equites, ad distinctionem, qui vni Turmæ præerat, peculiari nomine dicebatur Decurio. *Vt enim centum pedites* (notat Veget. lib. eod. cap. 14.) *ab vno Centurione sub vno vexillo gubernantur, similiter trigintaduo Equites* (tot enim turmam constituebant) *ab vno Decurione sub vno vexillo reguntur.* Quod ideo, inde exortum nomen Decurionis putat Varro lib. 4. de Lingua lat. eo quod ternis decurijs Equitum præsideret. *Decuriones, inquit, dicti, qui ab eo in singulis numeris sunt etiam terni, quos hi primò administratos ipsi sibi adoptabant.* Hinc pariratione


DECVRIONES etiam ab Astronomis dicti sunt Planetæ singulis decem partibus signorum præidentes: quos alij Decanos simpliciter appellant, vt alibi adnotauimus.

DECRETORII DIES, vocabulo apud vulgus magis expressiuo (quos aliàs *Criticos* appellant Medici:) qui nimirum in morborum decursu indicant, aut dijudicant [de qualitate, ac diuturnitate eorum, incremento, vel decremento, & fine. Videmus enim in his diebus, qui sunt septimus, quartus-decimus, vigesimus-primus, & vigesimus-octauus à primo, in quo initium habuit ægritudo; magnas, & manifestas alterationes fieri in ægro, siue in bonum, & ad salutem, siue in malum, & ad exitium: Item in alijs diebus intermedijs fieri aliquam mutationem, sed non adeò validam, & apparentem: ex quibus manifestè liquet, esse aliquem rithmum in cursu morbi, quo accidentia sibi respondent, & vnum habet connexionem, & notionem ab alio. Quod ideo ea obseruans prudens medicus, & causam expendens, elicit prognosticum, & sæpè non fallax, de futura conditione morbi, & qualem finem habiturus sit, & ad ea se præparat, & medicamentis coadiuuat, vel occurrat. Huius periodi semper eodem recursu procedentis ratio, vt experientia constat & apud omnes in confesso est, ita origo satis obscura est, & adhuc latet in Maiestate Naturæ. Galenus, qui hoc negotium primus exorsus est, & insignæ volumen edidit de *Diebus Decretorijs* inseri-

D d

ptum,

ptum, lib. 3. Cælo acceptum refert. Sic enim loquitur. Porro *Causas horum nobis indagantibus, duo primò omnium quæ sunt primordia, esse statuenda videntur: inordinatum videlicet, quod ex hac mundi materie proficiscitur; ordine verò ornatuque procedens, quod caelestibus originem fert acceptam.* Et cum recursus septimo quoque die fiat; tum ipse, tum ante ipsum, Medicorum Princeps Hippocrates, quos sequitur vniuersa Medicorum Schola, concludunt, id ex Lunæ potissimum motu, ad suos hostiles radios impingentis, deriuare. Sed obseruandum, vt suprà tetigi, quod alij intermedij dies sunt, in quibus non quidem fit mutatio, sed aliqua futuræ mutationis elucet præordinatio; quos ideo Indicatiuos nominat Hippocrates; ac de ijs accuratam obseruationem haberi vult; indeque deduci futuræ crisis iudicium. Sunt autem hi, Quartus ab initio morbi; Vndecimus, Decimus octauus, & Viceſimus quintus; quos, malè non dixeris, respondere ad Lunæ peragratiōem ad suos benignos aspectus, nempe Sextiles, & Trinos, vtique duplicatos; vti primi ad hostiles respondent, Quadratos, Oppositionem, & recursum ad idem punctum, in quo fuit initio morbi. Præterea Ptolemæus ex Astronomis, (vel quicumque tandem fuerit author Centiloquij, quod Ptolemæi nomine circumfertur) qui exactius cælestium motuum rationes obseruauit, & qualitates aspectuum; alios item dies non vacuos significatione, adeoque non prætermittendos esse pronunciat, in iudicij formatione, in quibus Luna permeat ad minores suos aspectus, in quibus necesse est aliquid simile, licet leuius, operari. Ait enim, propof. 60. *Super agrotis, Criticos dies inspicere, ac Lunæ peragratiōem in angulis figura sexdecim laterum. Vbi enim eos angulos benè affectos inueneris, benè erit languenti; contrà, malè, si afflictos inueneris.*

 Quid autem intelligat per hanc *Figuram sexdecim laterum*, diu Medicorum, Astrologorumque torſit ingenia, & nemo, me iudice, huc vsque, rem assequeutus est. Nos alibi (reſectis Pontani, aliorumque explicationibus) diximus Lunæ peragratiōem in Figura sexdecim laterum, aliud non esse, quam eius processum per omnes partes Zodiaci, in integra circulatione, quâ totum peragrat, & credit ad locum, vbi antea fuit, initio morbi: ad eas inquam partes, ad quas locus radicalis aliquem aspectum habet. Et cum sexdecim omninò sint differentiz, & variationes aspectuum, respondentes ad consonantias, & dissonantias rerum, vt ex Musica ratione, colligit acutè Keplerus, & probauere alij recentiores; ideo iure hos omnes angulos, in quibus hos aspectus fieri contingit, considerandos esse in morbi cursu, præcipit Centiloquij author, vt rectum prognosticum efformetur. Id quod in aliquibus manifestioribus, & communiter ad-

miss-



missis, faciunt Medici, sed non in omnibus, utpote adhuc contro-  
uerfis, & sibi ignotis. Præstat igitur ad praxim, figuram hanc ex-  
ponere, ut ex eâ quivis eliciat, quinam *ij* sint, & ad quam distan-  
tiam projiciantur. Itaque electo ad libitum puncto Zodiaci, in quo **6**  
esse concipiatur Luna cum primùm quis ægrotare cæpit, idque sit  
v. g. gradus 21. Piscium, sic procedamus, ad indagandos huiusmò-  
di angulos, & constituenda spatia laterum totius peragratiōis.

Primus occurrit Semiquadratus, qui participat de quadrato, & sit  
in distantia ab loco radicali grad. 45. proindeque incidens in,  
grad. 6. Tauri.

II. Est Sextilis omnibus notus, in distantia graduum 60. atque,  
adeò angulariter incidens in gr. 21. eiusdem signi Tauri.

III. Quintilis per quintam partem distans, hoc est, in spatio grad.  
72. faciens angulum in grad. 3. Geminorum.

IV. Quadratus aspectus hostilis, inducens primam crism, quando  
Luna pervenit ad grad. 21. Geminorum in distantia grad. 90.

V. Trinus radius benignus omnibus notus, & manifestus, qui  
facit manifestam indicationem, inciditque in grad. 21. Cancrī, in  
distant. grad. 120.

VI. Sessiquadratus complectens quadratum cum dimidio, vnde  
est hostilis, & participat de quadrato & oppositione, qui incidit in  
gr. 6. Leonis in distat. gr. 135.

VII. Biquintilis hoc est duplicatus Quintilis, natura sua benignus,  
incidens in gr. 15. Leonis, in distantia grad. 144.

VIII. Oppositio hostilis, adducens evidentem Crism incidens in  
gr. 21. Virginis, in distantia semicirculi, & grad. 180. Inde ad re-  
gressum ad locum radicalem, primò occurrit.

IX. Alter Biquintilis à dextris in grad. 26. Libræ, in distantia  
gr. 36. ab loco opposito, & itidem 144. in altero semicirculo, ab  
loco radicali.

X. Alter Sessiquadratus ac dexter, in grad. 6. Scorpionis, se-  
miquadrato distans ab oppositione, & grad. 135. à loco coniu-  
ctionis.

XI. Alter Trinus à dextris proiectus, in grad. 21. Scorpij, in distan-  
tia similiter grad. 120. à radice.

XII. Secundus Quadratus, in gr. 21. Sagitarij cadens in distantia  
grad. 90. à radice.

XIII. Quintilis dexter in grad. 9. Capricorni, in distantia perin-  
de ac Sinister grad. 72. à Radice.

XIV. Sextilis dexter in grad. 21. Capricorni, in distantia gr. 60.  
à loco radicali.


XV. Alter Semiquadratus à dextris proiectus à gr. 6. Aquarij in, distant. gr. 45. à radice.

XVI. Tandem, & postremum latus, est quod intermediat inter angulum sesquiquadrati, & punctum radices, ad quod Luna redit post integram peragratiōem Zodiaci, nempe grad. 21. Piscium, spatio circiter 27. dierum.

Atque hæc est Figura Sexdecim laterum peragratiōis Lunæ, quam memorat Centiloquij author, & monet inspicere angulos incidentiæ, qui sunt prænotati, ut ex ijs eliciatur, num male, vel bene cessurus sit morbus, ex concurrentia in eisdem angulos radiorum, aliorum Planetarum inficientium, vel confortantium dicta loca, pro eorum natura, & qualitate benefica, vel hostili. Cuius schema, ad maiorem intelligentiam hic damus expressum.

Figura XVI

Laterum



CDB Scul.

7 Caterum observat hic Titus in lib. De Dieb. Decretor. cap. 12. in morbis Chronicis, Crises sequi ordinem motus Solis in Zodiaco, qui

qui fit per decursum integri anni; In acutis motum Lunæ, qui fit in mense: In præacutis, subitarijs, & violentis, vtriusque simul collatorum, motum diurnum circæ tellurem. Idque confirmat ex Gale-  
no 2. de Dieb. Decretor. vbi hæc habet. *Morbi tamen ipsi, partim quidem diebus, partim mensibus, partim annis sortiuntur suas indicationes. Ita quod (subijcit idem Titus) in morbis Chronicis, Crises contingant singulis tribus mensibus, in quibus Sol ponitur in quadrato ad suum locum initio morbi. In morbis autem acutis, Crises fiant singulis septem diebus ferè, in quibus ipsa Luna ponitur in locis quadratis (subintellige etiam consequenter Oppositionem) ad suum locum initio morbi. In peracutis tandem Crises fiunt singulis sex horis, & quotidie, in quibus Luminaria ponuntur in radijs quadratis in mundo ad sua loca initio morbi. Quoniam verò id omne iudicium, (vti & quodlibet in quocunque genere) vt maturè, prudenter, fundatè, & non temerè eliciatur, oportet è suo vero principio, & genuino fonte deducere, quod est initium morbi, & momentum superuenientis insultus, & inde cætera auspicari; operæ pretium est, decernere ac definire, quodnam illud sit, quidue intelligi debeat pro initio morbi: vt postea ex consequentibus momentis, veræ crises, & indicationes colligantur, & obseruentur sedulo, ad diiudicandum de ijs, ac totius morbi decursu, proindeque, quem tandem finem sit habiturus. Quare à figura decubitus id auspicandum est, nempe à figura cælesti erecta ad momentum morbi aduenientis, è qua morbi author, qualitas, cursus, circumstantiæ, tanquam effectus in sua Causa præordinati, saltem in genere cognoscantur. Est autem communi appellatione (vt scriptiois ordinem minimè perturbemus)*

DECUBITVS apud Medicæ artis peritos, morbi aduenientis exordium, quo quis, velut lapide ictus prosterinitur, & in lecto decumbere necessitatur: vnde & decubitus figura, dicitur Cæleste Thema exhibens Cæli faciem, & constitutionem Luminarium inter se, in Zodiaco, & ad Cardines mundi, cum reliquis Planetis, & fixis concurrentibus ad momentum superuenientis ægritudinis. Sed quodnam illud sit, quodue accipiendum, magnum nobis facessit negotium, quod, si non dirimamus, proculdubio in tenebris ambulamus, & rectum iudicium efformare non possumus. Nam, cum vtplurimum morbi non toti simul & manifeste insultantes adueniant, sed sensim & successiue, itaut aliquandò morbi initia vix æger ipse percipiat, at postea magis, ac magis ingrauescens, sese prodit, & facit ægrum impotentem ei amplius resistere, & oblectari, cedere tandem, prosteri, ac viribus destitutum decumbere; inquiri potest, & contro-  
uer-

uersa magna est, Morbi initium Vtrum dicendum sit illud, in quo clanculum, & insidiosè subintrat; an in quo furiosè agit, & palam se manifestat. Vulgus Medicorum id curiosius non inquirunt, sed tantum interrogant ægrum de die in quo se malè habuerit, & ab eo die computant per septenarium crises venturas, & inde auspicantur curationem.

- 9 Verùm hoc negotium non oscitanter tractandum est, nam cum morbus, vt dictum est, serè sensim adueniat, & eius initium æger ipse, præsertim, cum sibi benè fideat, ignoret; non potest ab eo certum quid accipi, neque in re, quæ in successione manet, in aliquo momento sili, in quo erigatur figura constitutionis Cælestis, atque adeo in ancipiti semper hæremus, & in iudicio falli possumus. Quare iure in loco diximus, initium morbi, & momentum Decubitus illud dicendum, ac statuendum, in quo æger verè decumbit, hoc est non in quo male habere cæpit, sed in morbi vi iactatus prostrernitur, stare non potest, ac aut decumbit, aut decumbere petit. Quippe si res benè attendantur, ad eundem diem ac punctum respondent, & recurrunt Crises, & non ad primam, & obscuram subintrationem morbi. Id quod Hippocratis, Galeni, celebriorumque tum Medicorum, tum Astrologorum experientia, & autoritate comprobatur. Etenim Hippocrates pluribus in locis, præsertim primo Epidem. cap. 3. asseueranter, & apertè docet. *Indicationes euenientes à primo die, quo febricitauit homo, non ab eo, quo capite doluit, vel huiusmodi quippiam passus est, auspicandas esse, atque accuratè inspicandas.* Et in lib. de ratione victus in morbis acutis, sect. 4. sic habet. *Observare itaque primum diem oportet, quo æger malè habere, & unde, & quando initium morbi manifestè capit: quod sanè præcipuum cognitum æstimatur.* Galenus quoque ubi suprà, postquam Sophistarum argumenta congestit, ac dissoluit, in hunc modum concludit. *Morbis itaque alijs, in quibus obscura initia sunt, omisiss; contemplabimur quæ clarè apparent, decretorios dies in manifestissimis experiemur; initium morbi tempus illud in vniuersum existimantes, quum ægri manifestè incipientes febrire, decubuerint: id quod canatis, & exercitatis, & lotis facillimè subitoque plerisque contingit. In quem sanè modum Hippocrates indicationes ipsas à primo die, quo febricitauit homo, non ab illo quo capite doluit, vel eiusmodi aliud quippiam est passus, accuratè explorauit; quod in principijs huiusmodi experientia dierum decretorios sit medicis sita.*

- 10 Ergò vt cardinem hunc sistamus, Dierum criticorum experientia à posteriori nos manuducit, & citrà errorem illuminat ad cognoscendum morbi initium, in quod præcisè momentum inciderit; atque

ab eo demum momento exordiri successiorem crifum, & aufpicari morbi profequutionem, & qualitatem. Quippe cum ij manifefti fiant ex fuperuenientibus fymptomatibus, nouisque acceffionibus, neceffario ad diem, illudque præcisè momentum, quo fuperiore caufæ morbum inducentes erant difpofitæ, & proximè applicatæ ad agendum, referuntur. *Quandoquidem* (inquit Galenus lib. 1. cap. 2.) *In duodecimo, & in fextodecimo, nullum unquam indicatum vidi.* Vtique ex eo quod nulla tunc, Lunæ (quæ in morbis præfertim acutis, præcipua caufa, & iudicatrix eft) familiaritas, feu afpectus ad locum fuum incipientis morbi, motu fuo proprio in Zodiaco, quem peragit, intercedit. E contrâ (fubdit mox Galenus.) *Sed tertius, quartus, quintus, fextus, feptimus, omnes decernunt, ac omnes bi dies poft morbi principium in præacutis, propter acceffionum vehementiam decernere videntur.* Et cap. 3. *Quis enim (addit) vel feptimum, vel undecimum, vel quartum-decimum, vel alios quofdam fimiles non dixerit effe indicatiarios? Nemo opinor; apparent enim omnes (nota benè) tamquam uno ore de ipsis pronuntiare.* Et in fine concludit: *Huiusmodi cognitio ad curationes morborum, & folutiones, non leue momentum affert: ne videlicet ijs timeamus, qui fidis diebus iudicati funt, aut tenuem viſum præbeamus; neque perfidis diebus iudicatos parum diligenter obferuemus.*

Constat igitur, quod quando morbi initium obscurum est, & in ancipiti constituti sumus, alia via non suppetit, quàm id auspicari ab effectu, ex obseruatione inquam succedentium dierum criticorum, & indicantium, in quibus manifestæ, aut non obscuræ mutationes sunt, qui proinde connexionem, & respondentiam habent ad suum principium; Prima igitur mutatio fit in quarto, cum Luna est in suo Sextilij; sed manifestior est in septimo, in quo vera Crisis, & Luna peruenit ad suum quadratum, qui semper, (vt videmus in quadraturis cum Sole) affert aliquam alterationem, ac mutationem; sic etiam in oppositione, & reliquis aspectibus, Atque ita ab vna & patentiore, quæ sit in his diebus, morbi incrementa, aut reuoluantia, colligere possumus, illum diem, & momentum in quo accidit, esse Decretorium, aut indicantium; ac factio computo, peruenire ad certam notitiam veri decubitus, & momenti, in quo sumpsit initium morbus. Quod vel ex eo amplius, philosophico discursu firmari potest; quia omnis motus in sublunaribus, ac signatè morbus in animantibus, naturali cursu obueniens, Cælo, & superioribus lationibus, vt loquitur Philosophus, suam causam acceptam, habet, à quibus viuentium vita potissimum disponitur, & ordinatur: vnde leuis concussio, naturæque modica alteratio leuiter,

etiam causæ virtutem, aut applicationem ad agendum arguit; grauis autem, grauem robustamque extitisse causam indicat. Atqui in casu nostro, de leuibus dubijsque accessionum initijs, quæ penè imperceptibilia sunt, eoquod faciliè natura illis obuiet, & resistat, difficile admodum est sumere rectum iudicium, ideoque de ijs parùm curamus: benè verò sedulò attendimus mutationes magnas in crisisbus, earumque momenta, & circumstantias, quæ comitantur, magno studio & accuratè pensamus.



Igitur verus decubitus, & ignoratum morbi initium colligendum est ex subsequenter accessionibus, quæ crism indicant, & consequenter connexionem, & respondentiam quam habent ad suam primam originem. Quo semel cognito ac statuto, ex constitutione Cælesti illius momenti, videri possunt authores mali, an & quomodo sint benè vel male affecti, quomodo se habeant ad Luminaria, &c. & inde ex subsequentibus peragracionibus Lunæ ad suos radios, qui sint liberi aut obsessi à maleficis, destituti, aut roborati à beneficis, probabiliter coniectari de futuro statu morbi, & sine, quem habere debeat.

- 12 Ad hæc iuuat (vt in alijs rebus, quæ obscuram originem habent faciunt Astronomi omnes) ad præcedentem lunationem respicere, eiusque Planetam dispositorem considerare. Siquidem, cum is educendarum, durante eâ lunatione, rerum moderationem sibi arroget, detque proinde illis impulsus, vt in actum exeant, profectò ex certa eiusdem positione ad cardines mundi, maximeque ad Horoscopum, ex quo rerum initia auspicantur, nec non ad Luminaria, quæ primæ, æquiocæ, potentiores, & vniuersaliores sunt causæ mutationum, in Natura insurgentium; colligi non inaniter potest, qualis, & quàm durabilis morbus futurus sit. Similiter præstat in hoc negotio rectè computare periodos deuolutionis Lunæ ad suos radios, vt supra dixi, qui faciunt dies Criticos, vel indicantes; nam, cum id à tarditate, vel velocitate motus Lunæ in Zodiaco pendeat, indicationes, & crises non rarò anticipant, aut postponunt communes dies, in quibus accidere solent, pro ratione velocitatis, aut tarditatis Lunæ ad contingendos illos angulos, in quibus hæc causat.

Id quod adnertere in lucro fuit. Nam medicorum vulgus in morborum periodis, crasse nimis obseruat dies tantum criticos, pro quibus assumunt septimum, quartum-decimum, vigesimum-primum, & vigesimum-octauum in omni sua latitudine, in quibus fieri crises supponunt, & multoties errant. Alij aliquantò periciores obseruant etiam vndecimum, decimum-septimum, vigesimum-quartum, & alios, ex quibus indicationes desumunt, & rectè quidem: ac segnius

com-



computati multocius fallunt, vt notauit ipse Galenus eorum primipilus, sub initium lib. 1. de Dieb. Decretorijs, asserens, quod *Ipsa Crises singulis diebus accidunt, sed neque pares numero, neque equali fide*, eo quod non rectè supputantur ad rationem accessus Lunæ ad suos radios, in quibus fiunt indicationes, & Crises, quæ ob inæqualem motum Lunæ, aliquando accelerant, aliquando postponunt, nec ex asse respondent ad æstimatum tempus, & certum diem, vt in manifesto est apud omnes Astronomos, & contemplari cuique liberum erit in Ephemeridibus: vbi Quadraturæ Lunæ ad Solem, nunc die septima, nunc sexta, nunc octaua contingunt, ab vtriusque coitione, prout illa velox aut tarda est motu. Quod ideo vnicè ad tempus veræ incidentiæ in huiusmodi radios, respiciendum est, non crasse standum ad dierum recurrentium numerum.

Interim pro coronide huius grauissimæ, & vtilissimæ quæstionis, **14** non ab re erit, ex Libro de Dieb. Decretor. Titi aliqua mutuari, quæ ad rectum iudicium efformandum, suprà figuram Decubitus, apprimè faciunt. Ea enim maturius obseruare solerti Medico, magno aduinculo esse possunt ad curationē feliciter ineundā. Sunt autem.

Primò, In febribus Chronicis incumbendum esse ad subleuandum calorem vitalem, quoniam sequuntur motum Solis. In acutis verò, ad humidum radicale, quia sequuntur motum Lunæ. In peracutis, ad vtrumque; quia sequuntur motum vtriusque Luminaris suprà terram.

Secundò, Si in decubitu appareat, malè affici Solem; id arguit malè affici calorem naturalem: Si Lunam, humidum radicale: Si vtrumque; signum est, quod ambo malè se habeant. De cætero consultum vult, in hac figura eligi Vitæ moderatorem seu Aphetam, vt sit in Natalitia: Tum inspicere authorem morbi, ex coque vbi qualitatem, & speciem, cui proinde humori præsideat, cui labefaciendo aduersetur, dignoscere. Ad quam rem vtilissimos, ac probatos in genere affert aphorismos, quorum aliquot hic exscribere non ingratum erit.

### *Aphorismi circa Aegrorum Decubitum.*

Author morbi maleficus simpliciter manens, videlicet cæteris inconiunctus, simplicitatem morbi significat, iuxta suam naturam.

Quiuis Planeta, siue solus, siue concurrens ad morbum, si maneat Orientalis, ostendit augmentum, vel effusionem, vel aliud vitium sui humoris: Occidentalis verò putredinem, & morbum, siue alterationem.

Planeta cadens ab angulis significat debilitatem sui humoris, &

partis corporis: Angularis e contra, vire: si verò infelix, corruptionem.


Infelicitas Planetæ oritur à casu ex dignitatibus; à regressu, ab intuitu hostili, Coniunctione, vel parallelo Maleficæ, Cauda Draconis; tunc demùm fixa malefica.

Plures malefici morbi Authores; qui robustior, præualeat ad qualitates morbi, licet mixti.

Quadrantes Zodiaci, & mundi, quos lustrant Luminaria, maxime quod læditur, vel quod Conditionarium est, plurimum pollent ad qualitates morbi.

Inter omnes Planetas ad morbum concurrentes, qui magis omnibus læditur, grauat morbum apud suum humorem, & corporis partes.

De quacumque familiaritate agatur, penduntur quæ in applicatione sunt; quæ enim separantur, semper minus valent, maxime post duos vel tres gradus. Oppositio robustissima est, si contingat cum aduersa valitudine; Coniunctio cum eadem applicando, licet non nihil minus.

 Iupiter infelix, aiunt Professores, quod Medici imperitiam arguit: sed quamuis id contingere possit, reuera abscondit morbum, vel efficit insolitum, & peregrinum, vel in partibus à cognitione remotissimis.

Luminaria in inconiunctis locis ad Horoscopum, significant debilitatem naturæ, & virium: sed configurata, si maleficio afficiantur, significant vires morbi, & exacerbationes; quæ cognita plurimum iuuare possunt Medicinæ artem.

Si Luna sit Soli coniuncta, graue est: Item in Oppositione, & Quadraturis, sed minus.

Lunæ crescenti ad plenitudinem, magis obest Mars; decrescenti verò Saturnus.

Æstiuo tempore Soli Mars obest: Hiberno verò, & Autumno, Saturnus.

Luminaria, & Maleficæ in Signis communibus multiplicant varios naturæ morbos: In fixis aggrauant vnum tantum morbum: In mobilibus afferunt varietatem symptomatum, & sæpè sapius permutant morbum in alium alterius naturæ; maxime si ambæ maleficæ fiant morbi authores, quarum vna sit Occidentalis, altera Orientalis: initium autem morbi erit magis secundum naturam Orientalis.

Authores morbi retrocedentes reciduiam minantur grauiorem, & ab ipsis semper timendum: etenim licet moram gerant, grauiorem tandem afferunt morbum.

Si Moderatores recipiant radios beneficarum, & maleficarum, aspiciendum, ex qua parte fluant robustiores vires, & victoria; tum etiam, ut Moderatores magis iunctæ appareant.

Si Moderator iungitur alicui, & ponderosior utrolibet eorum interiaciat radios similes suæ naturæ, irritam efficit conjunctionem illam; maxime si moderator sit Sol, qui circa se vniuersos comburit, & tegit.

Planetæ in Sexta Domino aliquando prouocant Crisim sexta die: Qui, si sint benefici, & liberi, Crisis ad salutem sperari poterit. Si malefici, ad mortem. Si benefici à maleficis angularibus suppositi, recidet æger, & morietur.

Quiuus radius maleficorum ad vitæ Moderatores, etiam benignus, si confirmatur Parallelo, lethalis est.

Venus angularis feliciter se gerens, & Lunæ applicata, intemperantiam arguit, in specie iuxta suum situm, quæ morbi fuerit causa.

A quacunque detineantur hostilitate Moderatores; si cui debetur vitæ Moderatio liber est, & beneficiis vallatus, salus speranda. E contra, si vitæ Moderatores, (maximè si sit Lumen temporis) grauem patiatur à maleficis lationem; nihil, vel admodum parum proderunt benefici ergà reliquum Luminare.

Si vna Malefica lædat vnum Luminare, altera alterum; sint verò Maleficæ atque Luminaria ab inuicem disjuncta; duas morbi species inter se diuersas significant. Quodsi familiaritate aliqua communicent, mixtum morbum.

Mars lædens Solem existentem in Quartis æstiuus Zodiaci, & mundi, & in signo igneo, atque iuxta fixas Martias; significat morbum vehementem, ex æstu, & flauabile. At verò Saturnus lædens Lunam apud Quartas tam Zodiaci, quam Mundi autumnales, & in Signis aqueis vel terreis; idem ex frigiditate, & atra bile.

Maleficæ, si lædant Luminaria, & eleuentur super beneficas, & beneficæ vel nullo, vel hostili radio intueantur Luminaria; morbum lethalem significant, mixtum, & incognitum. E contra si beneficæ respiciant Luminaria, & eleuentur super maleficas; salus speranda.

Mercurius regressu, induit maleficorum naturam, nisi communicet cum beneficiis.

Beneficæ regressu, degenerant à bonitate, & labefaciunt humorem, & partes corporis, quibus præsent.

Quiuus Planeta angularis affluentiam sui humoris addit; minuit in cadentibus.

Mercurius, si sit causa morbi manens in Tauro, Cancro, Scorpione, Capricorno, vel Piscibus; statim priuat voce, & sermone;

maximè, si Saturni qualitates hauriat. In Geminis; Aquario, Libra, & Virgine; sensu, mente, & intelligentia. In Ariete, Leone, & Sagittario, affert phrenitidem, vel delirium, iuxta naturam maleficæ, cui communicat.

Cauda Draconis cum Vitæ Moderatore in Signis venenosis, infert qualitates virulentas: In Mobilibus, corruptionem humorum: In mutilatis, contorsiones partium, & contractiones; Cum nebulosis, & in via lactea, cæcitatem.

Maleficæ in Prima domo, vel Septima, existente Luminari conditionario in Sexta, vel Duodecima absque beneficorum ope; morbi diuturnitatem, vel mortem significat. Item malefica in Decima, vel Quarta, & Luminare in Tertia, vel Nona.

Quæ ab Octaua, & Sextadomo profiscuntur decreta, Professores affirmant: Si Dominus Ascendentis in ipsis ponatur, maximè cum habitu infelici, siue illarum dominus, maleficio circumueniat Dominum Ascendentis, siue ponatur in Horoscopo, vel idem planeta sit Dominus Ascendentis, & alterius illarum Domorum; quæ ab Octaua proueniunt, significata, mortem innuere: quæ verò à Sexta domo, grauitatem morbi. At sanè non semper hæc vera, nisi quando pragrauis est à Maleficis Decubitus. Quodsi ab illis domibus Maleficæ obsideant Luminaria, præsertim Conditionarium, vel econtrâ, Luminaria, potissimè Conditionarium, in illis domibus collocata, maleficio Infortunarum afficiantur; & vera sunt, & morbus grauissimus est. Quodsi Horoscopus sit vitæ moderator, & malefica in medio Octauæ domus, vnde habet sesquiquadratum ad Horoscopum; si grauis est decubitus, mortem innuit.

Moderatores à Maleficis obsessi iuxta Galaxiam, vel nebulosas fixas, inferunt morbum in oculos.

Constitutio Cælestis momenti, cuiusuis grauioris symptomatis, si consulatur, patefaciet causas, qualitates, naturam, & partem corporis læsam. Hoc autem secretum est ad artem medicam pretiosissimum, & verum.

**15** Atque hæc sunt vniuersaliora, & selectiora Axiomata; & præcepta, quæ Medici obseruare sedulò debent in Aegrorum decubitu, quò prudens, & rarò fallens prognosticum de eo queant, & cum laude, iucro, & salute infirmi, per idoneas cautiones, & medicamentorum ad rem respondentium subministrationem, curationem inire.

Sed longiùs digressi sumus ab instituto; verùm non sine sænore, in re quæ ab Astronomia pendet, curiosa, peregrina, perquam vtili, & Medicis oppidò necessaria, dignaque vt paulò fufius, & enucleatius petraçtetur.

**DEDUCTIO MATHEMATICA** est modus proprius, & singularis procedendi in suis demonstrationibus, seruatus à Matheſeos profefſoribus, in ordine ad aliquid concludendum, quod propoſitum fuit, per aſſumpta Theoremata, vel Problemata, aliàs demonſtrata; non, ſecus ac Logici faciunt in ſuis argumentationibus: niſi quod iſti procedunt per ſyllogiſmos, & enthimemata; quæ fundentur ſuper præmiſſis conceſſis, aut per ſe notis; illi autem breuius, per demonſtrationes iam factas, & communiter admiſſas, ita ut fiat ſtatim, contrario, & magis concludente ritu, tranſitus à Problemate propoſito ad aliud ſimile iam probatum, quod ſit veluti medius terminus ad conſtructionem illius. Vide exempla in Commandino ex Euclide, Clanio, & Vitale Iordano.

**DEFORMATIO** in duplici ratione accipitur à præctis Mathematicarum facultatum profefſoribus; vno modo, qui à Græcis dicitur *Γεωμυχι*, quod ſonat Lineationem, & ſpectat vniuerſaliter ad Opticos, Architectos, Pictores, &c. altero, qui eſt proprius Pictorum, ſculptorum, & figulorum, & græcè dicitur *Γεωφιδ*, ſeu designatio; Et Lineatio quidem ſolas lineas extimas, ſeu rectas; ſeu curuas, quæ rem circumambiunt, denotat; quæ ab Architectis nuncupatur *Ignographia*, à Pictoribus contornationes, vulgò *Contorni*; Designatio autem appellat integram rei adumbrationem, & primum ſpecimen; quæ etiam apud nos, retenta eadem voce, dicitur *Disegno*, ſeu *Abozzatura*. Quamquam Philander vult, vno graphidos nomine, vtrumque exprimi, quod colligit ex Aegyptiorum uſu, quibus in ſiſis hieroglyphicis exprimendis, idem erat figuras ſcalpere, pingere, ac delineare. Verum Vitruuius diſtinguit, & primam vocem adhibet ad denotandum primum illum linearum ductum, quem, tùm in proplaſmatis, tùm in Sciotherijs fieri neceſſum eſt; Secundam verò coarctat ad exemplaria picta, quibus, quam velit quis operis ſpeciem, deformare queat. Ita initio Operis, & alibi sæpè.

**DEGRADATIO** in Perſpectiua denotat proportionalem illam, obiecti, ſeu ſpecierum viſibilium diminutionem, quæ ſenſim fit, & varia, pro ratione diſtantix, ſitus, & luminis, in traiectione earum ad oculum, quò obiectum in ſuo vero eſſe percipiat. Frequens eſt huius vocis uſurpatio apud Architectos, & Pictores: & eius ratio docetur in *Silenographia*. Vide etiam quæ dicemus in V. *Reſtractiones*.

**19** DELPHINOS in opere architectonico, seu in Mechanica, Vitruuius nuncupat æquipondia, quæ rotatis horologijs apponuntur, vt motum librent, suæque cadendi morositate, temporis momenta pendant, atque rotarum dentibus, vt ita dicam in minutissimas partes comminuant. Sic enim habet lib. 10. cap. 13. loquens de organo hydraulico horas monstrante, & eius constructione. *In summa planitie foramina circiter digitorum ternum, quibus foraminibus proximè in verticulis collocati arei delphini pendentia (pendentia, corrigi Philander) habentes catenis cymbala ex ore infra foramina modiolorum chalata intra arcam quo loci aqua sustinetur.* Nomen putat Bernardinus Baldus à forma Piscis deriuasse; hic enim turgens, & ponderosum obrinet caput, quo sinuosè se mergit, & inde iterum eleuat caput, cum in mari exiit, ac tempestates exiliendo denunciat. Porro hæc contrapondia nostri appellitant vulgò, *Contrapefi*.

**20** DEMONSTRATIO MATHEMATICA, est modus singularis, & proprius Mathesis Professoribus, suas res comprobandi, Quippè cum Mathematicæ Disciplinæ suprâ alias scientias naturales, certitudine, & euidentiâ suarum propositionum extollantur, non ratione, sed demonstratione incedant, easque ita clarificat, vt facta constructione, neuiquam negari, aut in dubium reuocari queant. Quæ proinde demonstratio duplex est, seu duplici methodo construitur. Alia, quæ dicitur *Problematica*, alia *Theorematica*. Hæc omninò simplex est, & per Theoremata, nempe firmas probationes, ex data quadam hypothesi, ostendit proprietates, & passionés vnius vel plurium quantitatum inter se collatarum; ex quibus postea certum quid resultat ad Theoricam, vel etiam ad praxim proficuum; quod quidem aliter fieri nequit. Problematica verò ordinatur tantummodò ad praxim, & ita certos nos facit, posse aliquid construere, quod fuerit propositum ad solutionem, vt alios etiam construendi modos admitat, aut sanè non rejiciat. Quæ de re fusius in V.V. *Problema*, & *Theorema*.

**21** DENTICVLVS in Architectura (qua ratione vsurpetur diminutiuè, haud satis capio) est illa pars, seu membrum in Epistyllo, quod in modum fasciæ per longum explicatur; quodque non in planû procedit, sed identidem in plures, & æquas particulas dissecta, quasi totidem dentium ordinatam seriem repræsentat. Quod ideo fit, vt fingant (prout antiquitus modus struendi erat ex lignis) asserum capita opus finientia, & foras aliquantulum exprorecta, ea ratione, quæ multi etiam repræsentant Canterios. Dentellos nostri Sculpro-

res,



res, & Architecti nominant. Hos autem, uti improprios & indecoros, exsculpi vetat Vitruuius in Epistylis Doricis, ut videre est lib. 1. cap. 2. ac lib. 4. cap. 2. id probat exemplo, & autoritate Græcorum, quos utique, uti primos authores & magistros in architectonica arte veneratur, & summopere laudat. Ait enim. *Nemo Græcorum Doricis in operibus sub mutulo denticulos constituit.* Id quod vniuersim in fastigijs reprehendit paulò infra, cum dicit. *Etiámque Antiqui non probauerunt, neque instituerunt in fastigijs mutulos, aut denticulos fieri, sed puras coronas: ideòque nec canterij, nec asseres contrá fastigiorum frontes distribuuntur, nec possunt prominere, sed ad stillicidia proclinati collocantur.* Verum notat Philander hoc meritò neglexisse posterioris xui expertissimos Architectos, ut notum, & practicum est Romæ, in Porticu celebrati Templi Concordiæ, in Arcubus Triumphalibus Constantini, ac Titi, in Thermis Diocleriani, & alibi passim; vbi sub mutulis denticuli insculpti sunt. Quin & in Theatro Marcelli, quod ipso Vitruuio Architectone constructum esse fama est; denticuli in Corona Dorica conspiciuntur insculpti; ut propterea iure coniectetur Philander, id neutiquam esse opus Vitruuij. Ut ut res sit, Certè, ut inquit ille, Sculptoribus, atque Poetis, *Quodlibet audendi semper fuit aqua potestas.* Non enim hi in suis operibus naturæ imitationem in omnibus sibi præfigunt, sed querunt semper adijcere venustatem, & visus æquationem. Et sanè visum haud offendit, sed maxime complet hæc membrorum ex vno in alium ordinem transpositio; habet enim, vltra decorem, & maiestatem, nescio quid peregrini, & incognitæ venustatis, quæ consurgit ex multis apta coitione dispositis. Quod ideò valde commendatur, & communiter acceptus est Ordo Compositus, qui ex omnibus alijs consurgit, & mixtum quid est. Sed de hoc iudicium sit penes Artis peritos.

DEPALATIONES (nouo, nec vsipiam ab Latinis Scriptoribus usurpato antè vocabulo) vocat Vitruuius inconstantias, & variationes vmbrarum, quæ, medio Analemmate, obseruantur in horologijs Solaribus, ob varietatem dierum, & altitudinem Solis, præsertim in meridie. In æquinotijis quippe incipiunt variari vmbræ gnomonis; & cum Sol ad Tropicum Cancræ vergit, semper incipiunt minui: cum autem ad Tropicum Capricorni tendit, sensim crescunt, & longiores proijciuntur. Quod ideò harum definiendarum in singulis mensibus rationem, docere se velle promittit Vitruu. lib. 9. cap. 8. antequam ad horologiorum descriptionem deueniat: ait enim. *Nobis autem ab his separanda sunt horologiorum rationes.* 22

*explicanda menstrua dierum breuitates, itemque depalationes*. Has clariùs *Elongationes menstruas* vocat Daniel Barbarus in Vitruuiani huius textus explicatione, qui cæteroqui rem egregiè prosequitur. Sed non prætereundus est Clavius, optimam, & facillimam tradens ad has figendas, ex umbrarum varietate, Analemmatis constructionem.

- 23** **DESIGNATIO**, *Deformatio*, *Delineatio*, ferè Synonima sunt, & in omnium ore, qui Architectonicam, Picturam, Platticem, & Sculpturam profitentur. Denotant enim primum, rei quam molimur, specimen, & exemplaris effictionem, iuxtà ideam, quam mente concepimus, ac retinemus; quod sit in Cera, Gypso, aut argilla, vel etiam in tabula, iuxtà cuiusque artis institutum, vt postea sit pro exemplari, & rudimento operis, quod perficere intendimus. *Designare* vulgò dicimus: & *Disegno*, aut *Modello* vocatur exemplar ad quod respicimus. Quamquam Designatio, vel delineatio propriè est circà rem in plano descriptam, & lineis terminatam: Deformatio autem, vt in loco dictum est, vniuersaliùs patet, & supponit pro omni forma, quam iuxtà præordinatum in mente ideam, lineis, coloribus, sculpturis, in materia exprimimus, & præctice coaptamus. Id quod pro fundamento statuit Vitruu. initio sui operis in Architecturæ professore, cum dicit, & vult, vt sit peritus *Graphidos*, *eruditus Geometria*, & *Optices non ignarus*. Ad hoc, vt probè calleat lineas, umbras, & excursions operis, in effictis exemplaribus rite exprimere, ac deformare.

- 24** **DETRACTIONES**, & **ADIECTIONES** in Opere architectonico, vocat Virruuius, temperaturas, & castigationes, quæ in commensuratione partium ædificij fiunt, tum ad Symmetriam interiorem reipsa seruandam, tum ad externum prospectum, & gratam oculis structuræ speciem exhibendam. Ait quippe lib. 6. cap. 2. *Alia enim ad manum species esse videtur, alia in excelsis: non eadem in concluso, dissimilis in aperto, in quibus magni iudicij est opera, quid tandem faciendum sit*. Et infra: *Cum ergò* (subdit) *quæ sunt vera, falsa videantur, & nonnulla aliter quàm sint oculis, probentur; non puto oportere esse dubitum, quin ad locorum naturas, aut necessitates Detractiones, aut adiectiones fieri debeant, sed ità, vt nihil in his operibus desideretur*. Sicuti in Columnarum præsertim contornatione, pro earum qualitate, longitudine, crassitie densitate, aut rariate, vt oculis gratam exhibeant speciem, & operis grauitatem, adiectionibus in medio scapi, (quod venter columnæ dicitur,) vult adiuuari; &
- econ-

econtra detractiōibus, & contracturis in summo scapo minui, vt aspectus commodus habeatur. Venustatem enim persequitur visus (ait alibi lib. 3. cap. 3.) cuius, si non blandimur voluptati, proportionē, & modulorum adiectiōibus, vt id in quo fallimur, temperatione adaugeatur, vastus, & inuenustus conspicientibus remittetur aspectus. Atque eam ob causam, contracturas econtra pręcipit fieri in summo scapi hypotrachelio, iuxta columnarum altitudinem, & densitatem: Quippe, addit Philander, quō altiores sunt, minus contrahi; nam quę plus ab oculo absunt, graciliora apparent: & quemadmodum crescunt altitudines, proportionē adaugendę scaporum crassitudines: quodque in ade densiores sunt posita columna, eō crassiores videntur, vt plūs minuendę veniant pręscripta ratione. Ratio autem huius necessariz immutationis in opere, cuius species non perturbata y sed vti in se reuera est, pertingat ad oculum, in praxi est ipsa oculi imbecillitas, & specierum per medium alteratio. Namque, vt notat acutē Seneca in Quęst. natural. lib. 3. cap. 3. Nihil est acie nostra fallacius, non tantum in his, & quibus subtiliter peruidendis illa colorum diuersitas submouet: sed & in his quoque, quę ad manum cernit: remus integer in tenui aqua, fracti speciem reddit: poma per vitrum aspicientibus multō maiora sunt: columnarum intervalla (quod tem nostram respicit) porticus longiores iungunt, &c. & paulō ante dixerat: Vbi verō hebes, & infirma est acies, quolibet aëris ictu deficit. Speculatinē autem id probatur à Ioanne Episcopo Cantuariensi in 3. par. Perspect. cap. 3. ex ratione refractionis radiorum; cuius duę sunt causę. Vna est inquit, à parte radij, scilicet ex declinatione consequens eius debilitas, vnde quō maior est declinatio, maior est debilitatio: Alia ex parte mediij, nempe diuersitas eius diaphaneitatis, quia quantō illud est densius tantō magis resistit, & obtundit immisionem radiorum; ex quo sequitur, vt non fiat proportionalis transitus per medium densius, nisi cum maiori fractione: vnde est, quod ex diuersitate mediij, diuersitas est apparentię. Sic remus existens in aqua apparet fractus, quia non continuantur eodem modo eius species ad oculum; nam pars quę est in aqua, apparet propior, quā reuerā sit; pars autem, quę extra aquam, apparet vt est; ex quo prouenit hæc diuersitas visus, ratione mediij crassioris. Quod autem medium crassius faciat apparere obiectum propinquius oculo, patet; nam si ponatur nummus v. g. in fundo vasis mediocris altitudinis, certē non videbitur ab oculo existente à latere vasis, eius labro transmissiōnem radiorum impediēte; at si superinfundatur aqua; iam probē videbitur, quia medium crassius eleuat, & facit ad oculum dirigi. Id quod videmus etiam in Eclipsi Lunari circā horizontem occurrente:

utrumque enim Luminare in nostro hemisphærio conspicuum est; cum tamen necessario, si vnum supra, alterum infra existere ex Sphæræ principijs colligatur: utrumque vero aspectabile est, quia Atmosphæræ crassitudo, vnius species supra terram eleuat, & facit illud visibile. Stat igitur, vt in Optica, ad complendam visum, adiectionibus, & detractionibus opus sit, ad hoc vt obiectum in suo naturali esse perspiciatur.

## D I

- 26 DIABATHRA propriè genus est solearum græcarum (inquit Festus) quas ad muliebria calceamenta restringit Turnebus, in Notis, ad Varronem, & lib. 23. cap. 17. colligitque ex Næuio, vbi hominem præstringit, quod more muliebri diabathra haberet in pedibus, & incedebat amictus epicroco. At nescio, qua ratione frequentissimè à scriptoribus vsurpetur pro scalis nauticis, siue gradibus pensilibus, quibus sursum ascenditur, siue in naues, siue in Theatrum. Cerrè *Bathron* græcè ascensum sonat: vnde & *Epibathra* dicitur Pons ductilis, quo in muros ascenditur, in hostili aggressione, & *Anabathram* vocat Satyricus lib. 3. pulpitum, seu scalæ superiores gradus, ac subsellia in Theatris.

*Et quæ conducto pendet Anabathra tigillo.*

Sicut *Anabathmi*, interpretatur Scaliger, imos gradus, vnde prodibant furæ. Quorsum igitur à soleis ad scalas, vel à pensilibus gradibus ad calceamenta feminea sit translatio? Sed dicendum, esse inter ea quandam analogiam, & operis similitudinem; vel quia huiusmodi gradus scararum nauticarum conformati sunt ad modum soleæ, vt videre est in scalis bellicis apud Heronem; vel quod calceamenta muliebria cothurnata erant, & subere subleuata, quò proceriores videretur (vt vsque ad nostra tempora factitatum est) atque adeo, in ea quasi per gradus scansiles insiliebant.

- 27 DIABETE *περὶ κέντρον καὶ ἀγρίων*, ad examen & perpendiculum (inquit Scapula:) instrumentum est, quo circulus ducitur, A figuram præseferens, quando duobus cruribus quibus insiluit, diuaticatur: ab effectu nos Circinum appellamus. Quamquam alij *Διαβήτω* scribunt, cum Iota, ac diuersificent officia, & instrumenta. Nam primum quidem est, inquit, quo circumquaque ductum globi consciuntur, ad perfectam rotunditatem; Tormum à nostris dicitur: alterum verò, quo circulus in plano describitur. Vt vt sit, certè Diabetes communiter accipitur pro instrumento hydraulico, seu syphone, per quem aqua compressa traiecitur, ac vi asportatur sursum, aut aliò, quò ipsa non naturaliter tendit, for-

forte à τὸ διασπᾶζω, quod est transmitto, transueho, traduco. Et in hunc sensum, Diabetis nomen accipit Hero Alexandrinus in lib. de Spiritualibus, cum modum tradit efformandi vas, è quo aqua fursùm per Diabetem saliat, per spiritum attracta, ad moliendum, mechanicon aliquod opus. De qua re fusè ipse Heron, & Vitruv. lib. 10. cap. 12. & 13. Ad cuius similitudinem, hac voce utitur Columella lib. 3. de Agricult. cap. 10. ad exprimendum succum humoris, quem plantæ à radice faciunt, & transmittunt per truncum, ad ramos, vnde totæ virescunt, & animantur. *Naturali enim spiritali* (inquit) *omne alimentum viuentis, quasi quadam anima per medullam trunci, veluti per syphonem, quem Dabètem vocant mechanici, trahitur ad summum.*

DIACHISMA, seu DIASCHISMA. Vide in V. *Semitonium*.

DIACOPI sunt in aggeribus annuum Chommata, seu intermisiones aquarum, per quas, facta incisione, ad arua, & campos irrigandos deriuantur. Originem traxere ab Aegyptijs, & in Aegypto primùm clausi, & aperti fuerunt; vbi ex Nili annua inundatione omnes latæ circum agri stagnabant, quò & isti nimio pressi humore, & limo aggesto corrumpebantur, & aqua inibi sidens viam, non habebat ad prætersuendum, & disiectos alios campos alluendos. Quare Iudicum decreto, erecti sunt statim in locis, aggeres in longum protensi, vt aqua in suo alueo contineretur, & pro eorum arbitratu, & accolarum indigentia, apertis diacopis, in vniuersumque aruales campos deriuaretur. Nomen traxere ex græca notione *Διακωπῆς*, quæ angustiam, & retinentiam sonat: in quo sensu loquutus est Vlpianus in l. 10. C. de extraordin. crim. & procedit etiam Cod. Theodos. in l. ult. de Patrocin. vicor. vbi Budæus interpretatur *Chommata*, & *Diacopi*, qui in aggeribus sunt. 28

DIAETA locus erat antiquitus seorsim in ædibus, ponè triclinium, specialiter ad sumendam breuem refectiunculam deputatus, vbi sine lectulis, sine seruitijs, sine vlllo alio apparatu, secessus erat ad modicum cibum solitariè, & cursim sumendum. Cœnatiunculam latinè vertit Sidonius Apollinaris, paucis verbis rem totam explicans lib. 2. Epistola ad Domitium. *Ex Triclinio*, inquit, *fit in Diatam, siue in Canatiunculam transitus*. Quo factum reor, vt ipsa breuis refectio, & parcus cibus, seu certa victusratio à medicis male habentibus præscripta, *Diata* postmodum diceretur: vnde est illud Ciceronis ad Atticum, *Diata curari incipio*. Sunt qui volunt, hanc 29

ipsam fuisse Plinij Iunioris *Zetam*, quam facit vnus lecti, & duarum tantummodò sedium capacem, lib. 2. Epist. 7. confundentes vocabula, ob similitudinem quam habent; & quoniam Veteres sæpissimè Z, pro Di, supponebant, vt Zabulum pro Diabolo, Zarthyrum pro Diathryo, &c. quos inter fuit aliquando meus, (hèu quondam) morum, & adolescentiæ moderator, Michaël Monachus, (quem piz memoriz, & grati animi causa hic memoro) qui cùm aliàs scripisset in *Sanctuario Capuano*, Zetam fuisse ligneum cubiculum, huc illucque portatile, ex testimonio Baronij ad ann. 286. postea, mutata sententia, in *Recognitionibus*, pag. 77. concludit cun Panzirolo in *Thesaurò* lib. 1. cap. 56. *Zeta ergò est ipsa Diata, mansio scilicet in adibus ad vnus usum: nec est lignea, seu portatilis, sed firmi adificij, ad hybernũ frigus præcipuè propulsandum.* Sed (bona tantorum viroꝝ venia) non notarunt, quod sola litterarum transmutatio nempe Z. in Di, faceret, Dietam, non Diatam cum diptongo; qualem inuenimus hic vsurpatam à Plinio, & Sidonio, emunctæ naris Scriptoribus, pro simplici loco Cœnatiunculæ. Dieta autem communiter apud omnes; est mensura itineris vnus diei, quantum videlicet pedester peragrarè potest spatio vnus diei, quam faciunt secundum leget 20. Milliariorum. Vnde Eieta, lib. 4. cap. 28. *Omnis rationabilis Dieta*, inquit, *constat ex viginti milliariis*, & Iô: de Ianua, *Dietæ* explicat, *dici itineratio*, qua cum nil commune, cum Zeta, vel Diætæ, vsu, & significatione longè diuersa. Constat igitur, apud Scriptores antiquos, Dietam semper accipi pro recessu & mansione ad paruam refectiunculam destinata, & aliud esse à Diætæ, aliud etiam à Zeta, vt in huius verbi dilucidatione clarius explicabimus.

**30** **DIAGLYPHICVM** Opus in genere incisorio, seu scalptorio est quod cælaturis, & cauis introrsum efformationibus perficitur, vt i figilla, & matrices formulæ, in quas fusile æs, cera, creta, aut simile quid liquatum inditur, ad statuas, & alia signa conficienda, vt Anaglyphicum viceuersa, vt in loco diximus, est quod ex eadem materia inducitur, & habet figuras extantes, & prominenter. Author est mihi de hac distinctione Philander in cap. 3. libri 7. Vitruuij.

**31** **DIAGONALIS LINEA** specialiter audit apud Geometras, quæ in Parallelogrammo, quadrato, aut quauis rectilinea figura ducitur ab extremo ad alterum extremum oppositum, sive quæ se extendit ab angulo ad angulum oppositum eiusdem speciei, itaut figuram



ram illam medium fecet, & duas æquales areas hinc inde relinquat. Hac autem communiore & generali vocabulo, etiam Diameter appellatur. Quamquam Geometrarum vsus obtinuit, vt Diameter absolute dicatur de linea, quæ circulo inscribitur, à peripheria in partem oppositam, per centrum transiens, quæque pariter illum in duas partes æquales dissecat, sitque omnium inscriptarum, quæ per centrum non transeunt, maxima; & segmentum tantum abscindant à circulo, utique reliqua parte minus. Diagonalis verò non in circulo, sed in figuris angularibus consideratur, quæ, vt dixi, ab angulo in angulum oppositum ducitur, & quidem ab his, qui sunt ab se magis distantes, vt in rectangulis, rhombis, rhomboidibus, & reliquis figuris Isoperimetris.

DIAGRAMMA in ampliori significatione accipiunt artifices, puta Architecti, Plastæ, Pictores, Statuarij, &c. ac Geometræ, qui in pura contemplatione rei, præcisè à materia, se continent. Illi enim ipsam materiam quam moliuntur, & in exemplar operis faciendi sibi præordinant, siue in Argilla, siue in cera, siue in charta expressam, vtunque *Diagramma* nominant, *Stizzo* nos vulgò dicimus: aliquando etiam, præsertim si non in plano delineatur, *Modello*. Adeo ut vel in Musicis, vtatur hoc vocabulo Vitruuius, & extendat ad significandas vocum consonantias, quomodo exprimi debeant, excusans, quod his & similibus græcis vocibus, vti necesse habeat, eoquod apud Latinos non inueniret proprias modulorum, significationes, vt mox infrà, in Diapason, Diapente, &c. Ait enim lib. 5. cap. 4. *Itaque, vt potero, quàm apertissimè, ex Aristoxeni scripturis interpretabor, & eius Diagramma subscribam, finitionesque sonituum designabo; uti qui diligentius attenderint faciliùs percipere possit.* Itaque ad earum vocum explicationem descendamus.

DIAPASON, *Diapente*, *Diateffaron*, *Ditonon*, &c, si quæ aliz sint, quæ ex his exurgant, aut componantur, Græcanicæ voces, ab genericæ, & primaria notione; termini sunt, & vocabula, quibus diuersæ tonorum consonantiæ significantur, ad rationem chordarum sibi respondentium ad certam vnius partitionem proportionalem in numeris determinatam, pro diuersa earum distantia: Scimus enim longiorem chordam, & laxiorem, grauiorem edere sonum, si pulsetur; & acutiorem, quæ breuior sit, ac magis, & magis tensa. Nunc autem septem consonantiarum differentias agnouerunt Antiqui, quibus ad relationem vnius chordæ ad alteram, vniuersa symphoniarum ratio continetur, & vocum concentus: quidquid enim ultra effect

puta-

putauerunt Pythagoræj primi Musicæ Inuentores, stridorem verius esse, ac dissonantiam aurium offensiuam, quam gratam vocum, coordinationem. Hæ sunt DIATESSARON, habens ratione interualli proportionem sesquitertiam, quæ corda maior continet minorem quantum ipsa distenditur, & adhuc tertia parte plùs. DIAPENTE, habens proportionem sesquialteram; hoc est, quod chorda maior contineat minorem, quantum hæc longa est, & adhuc eam superet medietate. DIAPASON, quæ est dupla, hoc est Octaua. Huic accedit DIAPASON-DIATESSARON, idest dupla sesquitertia. DIAPASON-DIAPENTE, dupla sesquialtera, DISDIAPASON, quam aliàs vocant Quintamdecimam, & est in proportionem quadrupla. Tandem compler omnia TONVS qui exsurgit ex sesquioctaua, & in omnibus locum habet.

Itaque *Diateffaron* recipit sonos quatuor (& ideo Quartam vocant) spatia tria, tonos duos, & semissem. *Diapason* sonos octo (ideo Octaua dicitur) spatia septem, tonos omnino sex. *Diapason* cum *Diateffaron*, sonos vndecim, spatia decem, tonos octo, & semis. *Diapason* cum *Diapente*, sonos duodecim, spatia vndecim, tonos nouem, & semis. *Disdiapason* denique, sonos quindecim spatia quatuordecim, tonos decem: & singula, vt suprà tetigi, apud nos, à numero sonorum quos comprehendunt, denominationem accipiunt. Quarta, Quinta, Octaua, Vndecima, & Quintadecima. Cæterùm ipsa interualla, & vocis spatia, quibus acuta, & grauis concluduntur, græcè *Diastemata* appellantur. Atque hæc sunt omnes symphonix, & consonantiarum species, quæ fingi possunt. Non enim, (vt ait Vitruuius,) inter duo interualla, cum chordarum sonitus, aut vocis cantus falsus fuerit, nec in tertia, aut sexta, aut septima, possunt Consonantiæ fieri.

34 Porro hic sonorum rythmus, & respondentia ad rationem diuerforum Diastematum, ex quibus exsurgit melos, & Harmonia, non in Musica solum locum habet; sed & in Cælestibus, ac Terrestribus quantitatibus, pro certis locorum, ac temporum interuallis agnoscitur, atque ab Astronomis, Geometris, & Architectis applicatur ad definiendas familiaritates, seu aspectus Cælestium corporum, ad dimetiendas, & ordinandas areas, & harmonicam partium ædificij dispositionem. Quin & ipso Naturæ vniuersali ordine, & in omnibus, detectus est à Keplero, Froschio, Tito, & ante ipsos à Boethio, & Ficino, in libris de Musica, quos videre non erit instructuosum Lectori: Vt verum sit, quod de Mundi huius architectonico, & harmonico artificio ait Sapiens, Deum videlicet omnia fecisse in numero, pondere, & mensura.

Sed me hic temperare non possum, quin de Astronomia saltem, pulchrum exemplum asseram, & hanc vocum consonantiam in fidem familiaritatibus ad certas ab inuicem distantias reperiri commonstrem: idque confirmem, non Astronomiæ professorum authoritatibus, sed vel vnus; & simplicis Architecti, leuiter his rebus imbuti. Is est Gullelmus Philander; qui in Notis ad Vitruu. cap. 1. libri 1. hæc habet. Cum figuris tribus utantur Astrologi, Trigono, Tetragono, & Hexagono; sintque apud Musicos Diastemata, idest interval-  
la simplicia symphoniarum, maximè Diatessaron proportionis sesquiter-  
tia, Diapente sesquialtera, Diapason dupla; has proportiones in figura-  
rum illarum angulis, signis & gradibus reperiri author est antiquus Gra-  
cus, idemque innominatus Ptolemai interpres. Trigonus itaque constat  
angulo vno recto, & triente: Tetragonus vno recto solum. Hexagonus  
bessali angulo, idest duorum trientum; Angulus Trigoni ad angulum  
Tetragonum (hoc est rectum) sesquitertia est proportionis, cum eum su-  
peret triente, & fit Diatessaron. Angulus Tetragoni ad bessalem Hexa-  
goni, sesquialtera; continet enim ipsum, & semissem; & fit Diapen-  
pente. Trigoni angulus ad Hexagoni angulum dupla est proportionis, ha-  
bet enim vnum, & trientem; idest trientes quatuor, siue besses duos:  
hic verò bessalis est, idest duorum trientum; fit igitur Diapason. In  
Signis eadem ratio. Trigonus quatuor habet Signa: Tetragonus tria,  
Hexagonus duo. Quatuor ad tria, proportio est sesquitertia: Tria ad  
duo, sesquialtera. Quatuor ad duo, dupla. Hæc Philander, qui se-  
quitur postea, eandem proportionem in gradibus signorum esse adin-  
uicem, comprobare. Vt mirum non sit, tantum valere in hæc infe-  
riora, harmonicam istam radiorum, & configurationum celestium  
corporum constitutionem, & ordinem, vt tam diuersos effectus pa-  
riant, sibi que respondeant, in aëris mutationibus, in rerum produ-  
ctionibus, & in satis, atque in temporum crisi-  
bus, vt alias ostensum est. Sed longius, quam par erat, in hac terminorum Musico-  
rum explanatione in ordine ad diuersas consonantias, immorari su-  
mus, Transeamus ad alia.

DIASTYLON ades, in Architectura græcè dicitur, in qua interco-  
lunnia habent spatium seu interuallum crassitudinis trium colum-  
narum. Nos cum Alberto latine subdispanfam appellaremus. Sed  
vide iam dicta in V. Areostylos. 35

DIATHESIS græcè idem quod Dispositio Mathematica. Qua-  
de re vide paulò infra, sub hoc Verbo.

- 36 DIATHYRA græcè item dicuntur in re architectonica, *Quæ sunt ante in ianuis vestibula*, ait Vitruu. lib. 6. cap. 10. hoc est, reponit Philander, *Repagula lignea, quibus arcantur equi, & currus ab edium vestibulis. Antiportas nos diceremus. Verùm Alciatus lib. de verbor. signif. latius extendit vocabulum ad omne leue, & faciliè amouibile repagulum, quod ianuis, alioqui apertis opponitur; siue ea ex tabulis sint, siue, earum vice, pendentia vela, quibus ostiorum aditus obnubuntur ad prospectum, & ingressum iniussis impediendum; queniadmodum passim videntur in nobiliorum hominum ædibus, vbi ad singulas partes interiorum cubiculorum, huiusmodi aulæ affixa sunt ad actum manus, momentò amouibilia. Hæc nos vela, ab officio Portieras vocamus.*

DIATONVS. Vide *Tonus*.

- 37 DIAVLOS apud antiquos Agrimensores dicebatur duplicis stadij cursus, non quidem simpliciter, sed cum recurso, à Carceribus videlicet ad metam, & rursus à meta ad Carceres. Hoc spatium præcipit Vitruu. sterni debere in Palæstris, inter peristylia, ad Athletarum exercitationem: sic enim habet lib. 5. cap. 11. *In Palæstris peristylia quadrata, siue oblonga ita sunt facienda, uti duorum stadiorum habeant ambulationis circuitum; quod Græci vocant diaulos: ex quibus tres porticus simplices disponantur, quartaque qua ad meridianas regiones est conuersa, duplex: uti cum tempestates ventorum sunt, non possit aspergo in interiorē partem peruenire. Erat enim, teste Budæo, fere idem Græcis Diaulos, ac Romanis Circus. Et in hoc differt à Dolico, quod erat duorum item studiorum cursus, sed per directum, sine recurso. Vide quæ ad hanc rem, satis eruditè scribit Hieronymus Mercurialis, de Arte Gymnast. lib. 2. cap. 11.*

- 38 DIAZOMATA in Theatris sunt additamenta quædam, seu, ut loquitur Philander, *Præcinctiones, & veluti transversa cingula, id est interiecta gradibus areolæ, quas præcipit Vitruuius in Theatris constitui, ad vsum, & necessitatem operis magis quam ad symmetriam, & proportionem partium debitam loco. Sunt enim, inquit, lib. 5. cap. 7. res, quas in pusi!lo, & in magno Theatro necesse est eadem magnitudine fieri propter vsum: uti gradus, diazomata, pluteos, itinera, ascensus, pulpita, tribunalia, & si qua alia intercurrunt; ex quibus necessitas cogit discedere à symmetria, ne impediatur vsus. Etenim, ista omnia quæ necessariò ad vsum sunt, & præteriri non possunt, petunt extensiones suas habere, siue visui grata sint, siue non: nam*

magis ad rem, ad quam factum est quid, attendere debet prudens Architectus, quàm ad extrinsecam speciem, & venustatem. Aliàs Præcinctiones in sensu ampliore accipiunt Architecti, & eo nomine intelligunt omnia vniuersim additamenta, quæ operi adijciuntur siue necessitatis, siue venustatis gratia, vti Coronices, quibus conignationes abinuicem discernuntur, & ea ornamenta, quæ frontibus addi solent, ad puram speciem, & maiestatem, vt in loco dicemus.

DICTYOTHECON græcè dicitur in Architectura. Opus Reticulatum, vt habet Plinius, lib. 36. cap. 22. De quo ita loquitur Vitruu. lib. 2. cap. 8. *Strukturarum genera sunt hæc: Reticulatum, quo nunc omnes vtuntur, & Antiquum, quod Incertum dicitur. Et his venustius est Reticulatum, sed ad ruinas faciendas idè paratum, quod in omnes partes dissoluta habet cubicula, & coagmenta. Incertum verò camenta alia super alia sedentia, inter seque imbricata, non speciosam, sed firmiorem, quàm reticulata præstant Structuram. Ad quæ Philander: Reticulatum opus dicitur, cum cæmента non iacentia, sed inlatus stantia ponuntur: ea enim Structura Rete videtur referre. Quamuis multò melius, si cæsis fiat lapidibus, ac non potius rudibus, & vulgaribus, aut coælis laterculis quadratis, sed in angulum stantibus. Cuiusmodi (notat Philander) Roma & extra urbem videntur in multis ruinis ex topbo, parte tantum qua extaret, siue restorio, proxima esset, speciosa & quadrata; qua autem in interiorem structuram induntur, temerè, & vulgariter ducta, aut casa. Vide quæ dicuntur in V. Reticulatum Opus.* 39

DIESIS in Musicis cantionibus, inquit Boethius lib. 5. cap. 4. *Est spatium, quo duobus tonis maior est sesquialtera proportio. Quandoquidem modulari quæ dicitur Diapason, estque vniuersalis constitutio totius differentiarum vocum musicarum, licet in octo diuersas vocum rationes distincta, tamen seipsa constatur ex duobus solummodo consonantijs, ijsque inæqualibus, quæ sunt Diatessaron, & Diapente; illà quidem continente quatuor voces, istà quinque, (vt notione nominum indicatur) itaut ostendat medietatem harmonicā in nota, quæ inæqualiter reperiatur inter duas extremas in acuto & graui. Quapropter neutra componi potest ex integris tonis, ijsque æqualiter respondentibus: Diatessaron ex duobus tonis, & Diesi seu semitonio minore, itaut consurgat ex sesquitercia proportionem Diapente ex duobus tonis, semitonio, & altero tono; habens proportionem sesquialteram: vnde necessariò admittere debent inæqua-* 40

litem in tonis, vt habeant medietatem harmonicam, quæ de vtraque participet: idè inuecta sunt semitonia, maius, & minus, quæ sibi nunquam cohærent, commata, schismata, & diaschismata, vt suo loco: namque duæ sesquioctauæ habitudines, quæ à tonis resultant, si auferantur, relinquitur inæquabile spatium, quod à Græcis dicitur *Diesis*, quasi diceret percolatio; à nostris autem expressius, semitonium minus, quod complectitur tria commata, & ferè dimidium commatis, quod dicitur Schisma, habeatque proportionem sesquioctagesimam: tonus enim maior (vt inquit Zarlino de proportion. harmonis.) est proportio sesquioctaua, minor, proportio sesquiquintadecima: Semitonium autem maius, quod vocatur Apotome, est dimidium toni cum commate, in superpatiente proportione. Quare Diesis in proportione harmonica minor est Semitonia maiore, duobus schismatibus: sed ex duabus Diatessaron impleantur quatuor toni, & duo semitonia minora; igitur ad complendum spatium quinque tonorum, deficit tantummodò vnum comma, ex ijs quæ concurrunt in Dièsim; quæ propterea est minima pars consonantiæ, & veluti Monas in Arithmetis, quæ vix sensu percipi potest, nec reipsa variat sonum, sed aliquantisper eleuat intrâ fines eiusdem toni, vt in ipso cantu obseruare licet; & à Musicis præsignatur hac nota,  $\text{X}$ . Plura in hanc rem habes apud Bocchium, Vitruu. & Zarlino, & nos per partes, fusius explicabimus in V. *Tonus*, & *Semitonium*.

41 DIETA absque diphthongo, longè aliter sonat quam Dixta, de qua paulò ante dictum; in quo plures errore labuntur, vt ibi notauimus. Significat enim iter vnus diei, quantum videlicet spatij, vna die, homo pedester pedibus suis conficere potest, quod communiter computantur in milliar. circiter 20. à die sumpta denominatione, quæ nil commune habet cum Dixta, vt ex ibi dictis manifestum est.

42 DIEZEVGMENON ex græco, vnde traxit originem ac denominationem, (namque vt obseruat Vitruu. lib. 5. cap. 4. vini vocis hæc genus Latini non penetrarunt) dictum est in Musica Tetrachordum, quod proximè antecedit vltimum chordarum acutarum, seu excellentium. Hoc profectò nominare nos possumus Disiunctarum, seu separatarum, quia est veluti adiectitium, & quintum superadditum ad Quatuor, in quæ olim Monochordum tribuebatur: interponitur enim inter Synemmenon, & Hyperbolcon, comprehendens Tritæ, Paranece, & Nete, vt clariùs explicabimus in *Monochordo*.



**DIGITVS** apud Geometras accipitur in varia, & minima ratione mensuræ, quæ pes, vel palmus in æquas partes diuiditur. Etenim Palmus qui proximè maior est, communiiter constituitur ex digitis quatuor; is inquam quem Græci *Talestin* nuncupant, qui apud nos intelligitur palmus minor, in extensione manus ab extremo pollicis ad extremum indicis; nam qui dicitur maior, est digitorum duodecim, pede quarta parte minor, qui comprehendit palmos minores quatuor, digitos sexdecim. Porro uncia continet digitum vnum, & tertiam eius partem, sextans digitos duos tertias, quadrans quatuor, & conflat palmum minorem, vt dictum est: triens quinque & vnam tertiam; quincunx, sex digitos, & duas tertias: semis siue semipes, octo: septunx, nouem, & vnam tertiam: bes deceni, & duas tertias: Dodrans, quæ à Græcis vocatur *Spithamis*, duodecim digitos: dextans tredecim, & vnā tertiam: deunx, quatuordecim, & duas tertias: Pes tandem, qui & As, totos sexdecim digitos complectitur. Sed de hac re vsque ad nauseam dictum est in V. As. At hic æquum erat in digito explicare. Alias digiti vsurpationes in ratione mensuræ, vide apud Boeth. & Alexandr. ab Alexandro lib. 2. cap. 20. Verum hic præterire non debeo, quod Digitus in Aquæductis est ratio quædam mensuræ, & certus modulus, quo aqua olim è castello in vicos, & priuatorum ædes tribuebatur, in certa singulis quantitate, vt habet Frontinus in Aquæduct. quem tenorem nostri etiam hodieque seruant, & aquæ singulis concessæ portionem per uncias denotant, atque distinguunt.

**DIPLECTON** item mensuræ agrariæ genus apud Strabonem lib. 7. quæ continet tertiam partem Stadij, ac tam in longum quàm in latum spatium pedum 240. duplicat enim Pletrum, quod est spatium ped. 120. Quod si ita est, non differt ab Actu nostro quadrato, de quo fusè diximus suo loco.

**DIPTEROS, MONOPTEROS, PERIPTEROS, PSEUDODIPTEROS**, & si quæ aliz eiusmodi voces sunt ex græcanica notatione depromptæ, quibus vititur Vitruuius ad significandas ac distinguendas species ædium à diuersitate columnationis & laterum, quibus exterius exornantur. *Πτερόν* enim græcè, latinè Alam significat. Et quidem *Dipteros* denotat ædificium quod duplici hincinde porticu, & columnarum alamento vallatur. *Monopteros*, quod vna eademque continuata circum ala concluditur. *Peripteros* generice dicitur, & præscindit ab vno vel pluribus alarum ordinibus, modo eandem ædem attineant. *Pseudodipteros* autem vocaturea,


quæ speciem quidem Dipteri exhibeat intuentibus, verùm internè deficit, medio ordine prætermissio, vt maior amplitudo, & capacitas porticibus relinquatur. Scio Volaterranum aliter sentire, & facta leui litterulæ immutatione, vertere in Diptyros, Monoptyros, Periptyros, & Pseudodiptyros, proindeque astruere hanc nominum varietatem à diuerso ostiorum numero, ac positu deriuatam; sed fallitur, & volens cæcutit, contrà mentem Vitruuij. Is enim easdem, ex alia considerationem vocat Prostylos, & Amphistylos lib. 3. vti-que ex positu columnarum. Inde subiungit: *Peripteros autem, quæ habebit in fronte & postico senas columnas, in lateribus cum angularibus undenas, itaut sint hæc columnæ collocata, vt intercolumnij latitudinis intervallum sit à parietibus circum ad extremos ordines, habeatque ambulationem circa cellam adis.* Et clarius lib. 4. cap. 7. Monopteram dicit ædem rotundam carentem cella, & solum columnis pro muro circumsepsam. Non igitur à portarum numero, ac diuersa positione ædes specificantur, ac denominationem assument, sed simpliciter ab Alarum numero, varioque positu ad earum latera.

46. **DIRECTIONIS motus**, quo aliquis Planeta, seu stella fixa, aut alia quævis pars Primi Mobilis, quæ cum illis in natura, positione, situ, vel habitudine quauis conueniat, (comprehendunturque omnes sub generali nomine Promissorum, vt aliàs dictum est.) consideratur in Astronomicis realiter ferri motu primi mobilis ad aliquem situm mundi, seu Cardinem, seu alium quem, in quo Planeta Significator consistat immobilis, itaut eo ad certum temporis spatium illuc præsentialiter perducto, aliquis nouus effectus de vtriusque natura sequatur: Hic igitur motus, vti ratione comprehenditur, & constanter experientia confirmatur; ita quomodo regulariter fiat, & ad certum tantum tempus compleatur, quoniam sensibus haud patet, difficile est per lineas, & circulationes in schemate exhibere, ob spirarum recurrentium multitudinem, quas absoluerè necesse est Promissorem, quoad verè ac realiter constituatur in loco, quem realiter occupabat Significator in radice, & initio motus. Idque eo maxime, quod hic motus non perficitur in Zodiaco, cuiusmodi sunt omnes alij, sed in parallelis ad Aequatorem, & in Sphæra recta, nullo habito respectu ad eius variam obliquitatem, ob variam poli elevationem ab horizonte, aut vllum aliud accidens. Quapropter tota ratio huius motus in Aequatore est, ac semper constans, auspicanda à successiuo motu Solis in ascensionibus rectis, quas singulis naturalibus diebus acquirit motu suo diurno, respondente ad integram anni reuolutionem. Id quod, vt dixi, perdifficile est ob oculos ponere, & reipsa,

firmare. Nihilominus in gratiam tyronum, & vt conspecto schemate, facile sibi in mente formare queant integram, & adequatam rei ideam; ad plenam intelligentiam, damus utcumque huiusce motus specimen in subiecta figura.

Schema motus directi

tionis in Aequatore



Sit igitur in ea Circulus maximus ad limbum gradibus 360. inter-  
 stinctus, Aequator: atque in punctis cardinalibus  $\Upsilon$ .  $\Delta$ .  $\sigma$ .  $\rho$ .  
 per Coluros sese ad polos interfecantes, dissectus atque determinatus.  
 Sit etiam circulus minor internus A. B. C. D. qui referat situm mun-  
 di immobilem, ac principaliter Cardines; atque adeo linea A. C.  
 Finitorem, & ex vna parte horoscopum, & Ascendens ex altera  
 domum septimam, & occasum. Linea vero B. D. signet meridia-  
 num, ac representet Medium cali, & Imum, seu Decimam domum,  
 & Quartam. Quos inter concipi possunt innumeri circuli positio-  
 num, in quibus praesentialiter reperti fuerint in radice Significator,  
 &

& Promissores. Hic autem pro exemplo, placet assumere vnum Significatorem Solem, in Cardine Orientis positum, existentem tunc (sic fingo) in primo gradu Arietis. Saturnum verò pro Promissore, qui deuoluendus ad illum est, constitutum infra in grad. 15. eiusdem signi. Igitur inter vtrumque totidem ferè gradus æquatoris intercipiuntur (qui computantur inter vtriusque ascensionem rectam, quæ illos intercipit: quod ideo eos Promissor Saturnus debet percurrere, & superare, ad hoc vt assequatur, ac re ipsa perueniat ad verum locum, & circulum positionis Solis; quod neutiquam assequi potest, nisi spatio quindecim circiter annorum, respondentium, totidem gradibus æquatoris, quibus Sol motu suo, singulis diebus elongatur à loco radicali, & præcedit in Sphæra recta. Quò fit, vt dum singulis annis facit motu raptus, 365. fere circulationes circ. à tellurem, Promissor, qui cum æquatore, & in æquatore subinde mouetur, singulis annis facere debeat 366. circulationes, vnà videlicet plùs, quæ respondeat præcessionì Solis, atque adeo gradum vnum remiorantis, vt compleat ad æquatam circulationum seriem, & realiter poneatur in circulo positionis Solis. Sed, ne tanta circulationum enumeratione caput Lectoris giretur, nienisque vacillet, & offundatur; rem totam repilogemus in vno distantia gradu, ac ponamus Saturnum obtinere vltra Solem, vnum gradum Ascensionis rectæ; sitque in Signifero, in secundo gradu Arietis. Ergò, vt ad Solem perueniat, dum ille interim annuam reuolutionem perficit 365. dierum; ipse eodem tempore motu spirali se mouens cum æquatore, 366. spiras complere debet, vt ad locum Solis se sistat, & cum eo præsentialiter congregiatur in eodem circulo positionis. Fingamus eapropter in hac figura, vt sicut ob angustiam loci, & ne spissitudo mentem confundat, ab vno extremo minoris circuli ad aliud extremum maioris, descripsimus viginti tantum spiras, ex tamen reuera sint totæ 366. quæ singulis gradibus motus æquatoris respondent, quæque verè interfune inter locum Saturni, & locum Solis; vtique ad Solem peruenire non poterit, nisi exantlato toto cursu spirali 366. gyrationum: atque adeò manifestum fit, quod vnus gradus directionis importet spatium vnus anni, quoad verè ac realiter promissor ad significatorem deuoluatur; ac duo gradus appellent duos annos; tres totidem, & sic de reliquis; sicque vires suas exerat, & effectum producat. Atque hic est motus Directionis, quem in his, in quibus stylus, & calamus mancus est, satis percipiendum reor ab ingenioso, & non planè omnis Astronomiæ, attisque directioniæ rudi Mathematici Candidato.

DISDIAPASON, quasi duplex Diapason, vna est ex sex sympho-  
niarum differentijs, quibus Pythagoræi Musicæ inuentores, veluti 48  
septis, omnem consonantiarum rationem, & vocum diuersitatem  
clauserunt; quidquid enim vltra esset, putauerunt, stridorem potius esse,  
quam concinnam vocem. Itaque statuerunt Diatessaron, in pro-  
portione sesquitertia; habentem sonos quatuor, spatia tria, tonos  
duos, & semissem: Diapente, in proportionem sesquialtera, recipien-  
tem sonos quinque, spatia quatuor, tonos tres, & semissem. Diapa-  
son in proportionem dupla, continentem sonos octo, spatia septem,  
tonos sex. Tum procedentes vniuerunt Diapason cum Diatessaron,  
in proportionem dupla & sesquitertia, habentem sonos vndecim, spa-  
tia decem, tonos octo, & semissem: Inde Diapason, & Diapente,  
in proportionem dupla, & sesquialtera, continentem sonos duode-  
cim, spatia vndecim, tonosque nouem, & semissem. Ac tandem,  
Disdiapason, in proportionem quadrupla, integratam ex sonis quin-  
decim, spatijs quatuordecim, ac tonis omnino decem. Quibus sin-  
gulis, ex sonorum numero, quos comprehendunt, sua nomina indi-  
derunt. Nihilominus Neoterici in Symphonijs ad Disdiapason,  
alias etiam consonantias addiderunt, quia, etsi experientia com-  
pertum est, voces hominum haud vnquam vltra Disdiapason inten-  
di posse; tamen fidibus adiectis comprobatum est, vsque ad decimam  
nonam, quin & ad vigesimam secundam, vocis altitudinem extendi  
posse, sensu nequicquam reluctante; quare & ad Disdiapason cum,  
Diapente, & ad Trisdiapason progressi sunt. Qua de re acutè discur-  
runt Froschius, & Zarlinus. Secundum hanc rationem docet Vitruu.  
lib. 5. cap. 5. indagationibus mathematicis constituenda esse vasa  
ærea in Theatris, ex ordine ad Disdiapason, vt pro ratione magnitu-  
dinis Theatri, cum tanguntur, sonitum edant ad omnes consonantia-  
rum differentias respondentem; ijsque recitantium voces, quò grata,  
sonoræque adstantium auribus cedant, attemperentur.

DISPANSA AEDES quæ dicatur, Vide in V. *Aræostylos*.

DISPLVVIATA TECTA vocat Vitruu. lib. 6. cap. 3. vt à Testu- 49  
dinatis fecernat, in quibus, inquit, deliquit arcem sustinentes sillici-  
dia reijciunt. Hoc est (explicat Philander,) *Quæ sunt innictis trabium*  
*capitibus mutuo innixu, paribusque contrà se ponderibus, imis partibus*  
*dinaricatis.* Huic explicationi fauet Turneb. rem clariùs dilucidans  
in hæc verba: *Cauadium habere displuviatum tectum, hoc est in utram-*  
*que partem deuexum: & inde nomen adeptum, quod tanquam diuortia*  
*quedam diuersa pluuiam huc atque illuc diuidat.* Vnico verbo dice-  
rem

rem, quæ duplici tantum contignationis ordine assurgunt, ac terminantur ad culmen; atque adeo duplici decliuitate reijciant pluri-  
 rem; qualia sunt ferè omnia quæ in longum ordinantur, atque  
 hinc & hinc, acceptam aquam remittant. Sed non placet Baldo hæc  
 interpretatio: *Siquidem*, inquit (nam de Cauædijs signatè agitur) *omnium cauædiorum testæ displuuiata sunt, immò & quæ non sunt cauæ-*  
*diorum, dummodò utrinque pluunt. Cur igitur non omnia cauædia dis-*  
*pluuiata sint?* Aliam igitur distinctionis & nomenclaturæ rationem  
 comminiscitur; *Quia*, subdit, *dantur cauædia, quæ nullam admittunt*  
*aquam, uti testudinata, quæ nihilominus testæ sunt.* Etenim quædam  
 excipiunt quidem aquam, sed minori spatio: quædam autem cauædia  
 amplissima sunt, totaque cælo in aperto exposita, quæ, quod valde  
 omni ex parte compluuiata sunt, compluuiata potius dicenda forent,  
 uti diximus in *V. Compluuium*. Sed stat cuique sua laus; cum Testudi-  
 nata testæ, per hoc à cæteris discescantur, quod ad Metæ formâ, è qua-  
 tuor angulis in apicè conuenientibus, totidem latera in quæ disper-  
 tiatur aqua cadens, intra se cõplectantur, vnde displuuiata; remittun-  
 tur in diuersa; qualia sunt, quæ quadratis turribus imponuntur. Cæte-  
 rum quæ displuuiata appellat Vitruuius, pectinata vocat Sextus Pom-  
 peius; eo quod, pectinis more, à medio culmine in quo annectuntur,  
 demissas habeant alas ad pluuiam colligendam, & subinde reijcien-  
 dam. Quemadmodum testudinata dicit, quæ in quatuor partes à sum-  
 mo diuexa sunt. Ad quod faciunt quæ aliàs dixerat Vitruu. lib. 2. de  
 veteribus Domorum structoribus, quod *ex quatuor partibus ad alti-*  
*tudinem educunt medio metas, quas & fronde, & luto regentes, efficiunt*  
*barbarico more, testudinata turrium testæ.*

50

DISPOSITIO in Architectura, inquit Vitruu. lib. 1. cap. 2. *Est*  
*rerum apta collocatio, elegansque in compositionibus effectus operis cum*  
*qualitate.* Pertinet ergo ad modum, & qualitatē, sicut Ordina-  
 tio respicit materiam, & quantitatem, ut in loco videbimus. Itaut  
 ambæ sint veluti poli & cardines, quibus innititur, & voluitur omne  
 opus architectonicum, quibus sibi mutuò non manum dantibus,  
 aut alterutrâ deficiente, monstrosum porro, ac defectuosum prodi-  
 ret. Hinc, pro exemplo, aduertit Baldus, si Capitellum Doricum,  
 quod aliàs eandem cum basi altitudinem obtinet, sub columnæ sca-  
 po collocatum fuerit, vel inuersa basis supra columnam, monstrum  
 erit, & peccabitur non in ordinatione, sed in dispositione. Hæc  
 autem dispositio architectonica, ut adamussim seruetur, vide quæ  
 habet Barbarus, egregiè de re discurrens.



**DISTEGIA**, ex vi græcanicæ notionis, significat locum aliquem habentem simpliciter duplicam contignationem, siue id sit domicilium, siue nauigium, siue aliud quid bipartitum: vnde & Distega, & Tristega habemus in Sacris litteris, quæ bicamerata, & tricamerata interpretatur D. Hieronymus aduersus Iouinian. sed rectius duplicem, & triplicem contignationem dixeris, cum nulla extiterit in Arca concameratio, quæ tota erat de lignis leuigatis, bene autem duplex contignatio. Nunc autem Distegia duas stegas indicat, alteram alteri superimpositam, seu duo tabulata aperta, & patentia, ad modum constrati Nauis. Hinc de Theatris potissimum dicebatur, quæ aperta erat, & sublimè erecta, vt multos caperet, vt notat Iul. Pollux lib. 4. cap. 19. & distegiam quidem signatè dicit, fuisse locum, è quo lenones fabulam audirent, ac scenam prospicerent. Vide quæ dicemus in V. Stega.

**DISTRIBVTIO** in Architectura, est rara partium, ac membrorum totius ædificij, suis locis aptatio, vt symmetriam seruent, & alterum alteri tam quoad speciem, quam quoad vsum, probè cohereat, ac respondeat. In qua quidem re, duo præcipuè, ad quæ respicere debeat prudens Architector, memorat iure Vitruu. lib. 1. cap. 2. Alterum, vt rationem habeat expensarum quæ suppetant sufficiantque perficiendo operi quod ideauerit, id quod à Sacris Paganis accipit auctoritatem Luc. 14. *Ne postea quàm posuerit fundamentum, & non potuerit perficere, omnes qui vident, incipiant illudere ei dicentes, quia hic homo capit edificare, & non potuit consummare.* In quo sapius & multum peccauit nobilis alioqui, & magnorum spirituum Architectus, qui in Patria plurima excitauit sumptuosi operis ædificia, atque ad ædificandum ciues suos illexit, non pensata prius virum ratione: quæ proinde deficientibus nummis, prosequi haud potis fuit, magno cum sui nominis dedecore, dominorumque iactura, quibus inutilia, & imperfecta ad hæc vsque tempora permansere. *Alter gradus erit distributionis* (qui à prudente Architectore considerandus venit, subdit Vitruu.) *cum ad vsum patrum-familiarum, & ad pecuniæ copiam, aut ad elegantie dignitatem, adificia altè disponuntur. Namque aliter urbanas domos oportere constitui videtur, aliter quibus ex possessionibus rusticis influunt fructus, non idem feneratoribus; aliter beatis, & delicatis; potentibus verd, quorū cogitationibus Resp. gubernatur, ad vsum collocabuntur: & omnino faciendæ sunt aptæ omnibus personis adificiorum distributiones.* Itaque in distributione partium ædificij, primùm habenda est ratio vsus, ad quem erigitur. Namque aliter distribuenda est domus urbana ad inhabitandum tantum electa; aliter rustica

ad asseruandos collectos ex possessione fructus; idonea; alia constituenda est magnatibus, & ciuibus; alia negotiatoribus, qui merces venales habere debent, easque promptas, & suis locis dispositas. Qua de re alibi fusè & singulatim pertractat Vitruuius.

DIVERGERE. Vide in V. *Conuergere*.

DO

53 DODRANS mensuræ genus est, ad assem relationem habens in ultimas partes dessectum, quas vncias vocauere singulatim sumptas, & collectim à numero partium, quæ siue accrescunt, siue ab integro asse deficiunt, denominauere: vt in Asse diximus. Hinc Dodrans appellat, & includit tres è quatuor partibus assis, hoc est nouem vncias, quasi ab integro asse, vno quadrante deficiat. Porro Dodrans non tam de ponderibus, & vnciarum certo numero dicitur, quam generaliter de quacunque ratione mensuræ, quæ tres quartas è toto quopiam numero comprehendat. Vnde Agrimensores dodrantem vocant iugeri partes tres, è quatuor in quas dispescitur: Architecni tres ædificij partes &c. In quo sensu loquutus est Linius lib. 8, & Cicero de hæreditate Argiletani, in Epist. 9. ad Atticum l. 1. Quin & Plin. de Luna dichotoma assumit, lucente post plenum orbem, intra quatuordecim partes Solis, semper occultam, lib. 2. cap. 14.

54 DOLICVS item mensura est duodecim stadiorum: quo potissimum nomine veniebat cursus gymnicus, circa metam: quamquam Iul. Pollux in Onomast. vult, sit dictum curriculum maximum, quo talis decursus fieret, & qui in eo decertabant Dolichodromi dicebantur. De qua re albi fusè.

55 DOLON occulti armamenti genus, quod intra virgam, aut scipionem, latentem continet pugionem, seu præacutum veru, quod mox exertum, dolosè infligit vulnus, & mortem; ex quo nomen accepit. Sicam Latronum iure appellat Plutarchus in Tiberio; Et Suetonius in Claudio refert, quod duo equestris ordinis inuenti sunt, qui per prodicionem in publicum prodire armati dolone, & venatorio cultro, parati erant, principem sacris instantem confodere. Hinc *sauos dolones* dicit Virgilius, Aeneid. 7. atque ad vsus etiam bellicos adhibitos à comitibus Auentini aduersus Aeneam, sic eos describens. *Et tereti pugnans mucrone, veruque Sabello*. Cæterum in re nautica Dolon est species veli parui, quod ad celeriores cursum adiungitur proræ, quodque cum Siparo confundit Isidorus: sed vide quæ dicemus sub hoc verbo.

DO.

DOMA tectum Græci vniuersaliter nominant; hoc est, eam ædificij partem, quæ cæteris superimponitur, & veluti coronat & complet. At pressius Architecti Domata dicunt, quæ supra totam domum, adeoque ipsam tectum assurgunt, eminentiores speculæ, tum ad liberum circumiacentis aræ prospectum, tum ad ornatum, quæ solent apponi Palatii Principi, necnon in Sacris ædibus, supra aram maximam, ut sint veluti umbella & corona, simul tegens & ornans, maiestatemque ac venerationem loco, vel à longe concilians. De qua re, vide quæ dicemus in V. Tholus. De eorum architectatione, & varijs speciebus, fusè agit De-Cales in tract. de Arte Tignaria.

DORICA RATIO in Opere architectonico, est quæ gravitatem maiestatemque cum decore, in extructionibus servat, ac mirificè iungit; ita tamen, ut ad soliditatem magis, quam ad venustatem respiciat. Hæc à Dorijs primùm inuenta est, vnde nomen desumpsit. Nam cum Deorum (inquit Philander) triplex ratio habita esset, fortium, delicatorum, & mediorum; Fortibus, ut Marti, Herculi, Minerva; Dorica seuerioris structura constituta sunt: Delicatoribus, ut Veneri, Proserpine, Flora; Chorinthio genere propter teneritatem operis factæ sunt: Medijs, ut Iunoni, Diana, Baccho; constructæ sunt Ionice, quod id genus ades temperata sunt, id est, nec usquequaque gracili floridaque sint structura, nec rursus seuera. Atque ita ab conditione Numinum; quibus Magnificæ ædes erigebantur, ab his qui ea præcipuè colerent, structuræ ratio, ac diuersitas sumpta est, ab ijsq; nomina auspicata; Nam Tuscanicæ, quæ omnino rudis, & simplex est, vel in operibus ruralibus, & prophanis utebantur, vel sane pro dijs sylvestribus, & inferis. Nunc autem quod ad Doricam rationem attinet, ea tota consistit, ut naturæ opera imitetur, & firmitatem gravitatemque redoleat. Propterea, ut alibi adnotauimus, in opere Dorico nec volutæ, nec flosculos, nec folia admittit Vitruv. in Capitulis ac basibus; sed solidam prominentiam, quæ addat operi firmitatem. Similiter in Epistylis Dorico ablegat denticulos, bene verò laudat triglyphos, & mutulos; quod summa signorum capita referant, & opus sustentent. Itaque, ut paucis tem complectar, Dorica ratio parum à Tuscanicâ differt, nisi quod hæc omnem prorsus ornatum respuit, & sola simplicitate, & firmitudine gaudet; illa verò in firmitudine attendit decorem, & maiestatem. De qua re alibi fusè, ac distinctius dictum est.

DR

DRACONES olim in re militari, erant militaria signa, sex vexilla, sub quibus cohortes colligebantur, & ad prælium ex ordine

H h 2

pro-

proceedebant. Et quoniam inter militaria signa, antiquissimum erat Draconis insigne, quod habebat in velo depictum Draconem, in memoriam Pythonis Serpentis ab Apolline interfecti; inde ad animandum milites ad fortiter depugnandum, Vexillum, sub quo numerabantur & proceedebant, Draconis nomine præferebatur; & Draconarij, qui sub eo merebant milites, sunt appellati; vt aduertit Alexand. ab Alexandro lib. 4. cap. 2. quamquam Vegetius lib. 2. cap. 7. Draconarios vocat ipsos signiferos, qui Draconis signum ferebant; & cap. 13. docet, apud Romanos introductum postea fuisse, vt totius Legionis generale Signum, Aquila foret; singularum autem cohortium, Dracones; itaut in vnaquaque legione Decem Draconarij singulos Dracones singularum cohortium vexilla, elatos portarent, vt turbatis aciebus ex prælio, singuli sua signa recognoscerent, & ad illa colligerentur. *Vt ex qua, inquit, cohorte, vel quota esset Centuria in illo vexillo, litteris esset adscriptum; quod intuentes, vel legentes milites, in quantonis tumultu, a contubernalibus suis aberrare non possent. Quale autem fuerit Romanis hoc Draconis signum, perpulchrè describit Ammianus lib. 16. vbi refert ingressum Constantij, militari pompa factum, in Urbem Romam. Alios, inquit, purpureis subtegminibus textis circumdedere Dracones, hastarum aureis, gemmatisque summatibus illigati; hiatu vasto perflabiles; & ideo velut ira perciti*

59 *59* *sibilantes, candurumque volumina relinquentes in ventum. Cæterum, etsi nostris temporibus, Draconum insigne abolicum est, & signa in vnaquaque Centuria, pro ductorum libitu, in alia commutata, singulaque ab alijs, certà notà, quæ & Legionem vniuersam, & ipsam Centuriam peculiarem indicaret, contradistincta sunt; nihilominus Draconum nomen stetit, & viget, non in Signis, sed in militibus ipsis, qui certum ordinem bellatorum constituunt præferuidum, medium inter equites, & pedites, vtrumque belli necessitas coegerit, pugnaturi. Hi enim equis insidentes incedunt, solo maiore sclopo armati, non cataphracti, non galeà caput, non lorica pectus munitum; sed rudiori sagulo, ad instar antiquorum penulæ, caput, totumque corpus opertum: cùmque magis ardet pugna, ad terram defiliunt, positoque altero genu, sese sub suis equis, quos sibi pro aggerè anteponunt, occultant; indeque sclopis hostes inipetunt, ac sæpè disperdunt, & fundunt; vt propterea maximi momenti sit, in Exercitu eiusmodi bellatores habere, quibus potissimum instructæ sunt, & plurimum valent Gallorum acies, & Germanorum, quos peculiari vocabulo *Dracones* nominant, nescimus qua ratione: an forte à terribilitate aspectus, quam præseferunt; ampla, villosa, & cucullata gausापina, qua teguntur, nunc in caput elata in Coni formam,*

nunc

nunc in humeros reicta, clatrisque in alarum morem, rugatis oblo-  
gisq; manicis; vel à fulminabilibus ictibus, draconzos alitus, aspectus,  
insultusque spirantibus; dijudicent qui sic præliantes aspexerint.

DRVNGI, *Drungisti, & Drungarij, Vocabula sunt militaria* (in-  
quit Steuuechius in Notis ad cap. 16. lib. 3. Veget.) & apud Scri- 60  
ptores bellicæ artis olim frequentia. Grumos appellat Veget. hoc est (vt  
explicat) globos hostium. In hoc sensu vocem vsurpauit Flau. Vopi-  
scus in Probo, de quo scripsit: *Omnes gentium Drungos, usque ad quin-*  
*quagenos homines, in triumphum duxit.* Sed audiamus quid in specie,  
Drungorum nomine, intellexerit Leo Imperator, De Bellico appa-  
ratu cap. 3. num. 42. *Qui drungis præfetti erant* (inquit) *appellati*  
*Tribuni, seu Drungarij.* Ipsos autem Drungos cap. 9. esse dixerat,  
tertiā partem Turmæ, quæ ex tribus *Móirays*, idest particulis, siue  
drungis conficitur: *Móira* autem, idest particula, siue drungus est ex Co-  
hortibus, siue ex ijs hominibus, qui comites esse dicuntur, conflata multi-  
tudine. Aliter id explicat Aemilius Probus, sed non ad rem. De  
qua controuersia videndus est Lambinus, & Adrianus Turnebus lib.  
24. aduersarior. cap. 25.

D V

DVELLVM, quasi duorum bellum, dicitur singulare certamen. 61  
à duobus ex condicō in initum, ad litem aliquam, non ratione, sed  
armis, & ostentatione fortitudinis, dirimendam: Græcis *Monoma-*  
*chia.* Quamquam non itā appellat duos simul pugnantes, vt exclu-  
dat pluralitatem, paribus armis, & æquali numero, ex vna altera-  
que parte pugnentium, ac de victoria contendentium. Est igitur  
Duellum præliare certamen, iusti prælij formam referens, & veluti  
compendium, vnico actu rem definiens, ac bellum terminans, partē  
vnius super alium armis prostatum, victoria; cæterā iisdem legibus,  
artibus ac præceptis incedens, perinde ac si magnum prælium foret;  
proindeque eisdem institutis eget, ac bellandi peritia, qua Vegetius,  
alijsque rei militaris Scriptores, suos milites præditos volunt, ad  
campum eligendum, situm præocupandum, arma ritē, & in tempo-  
re expedienda, ictus aduersarij declinādos, insultationem, reces-  
sum, accursum, ac denique omnia, quæ ad sui tutelam, hostisque  
deiectionem faciunt, obseruanda. Et quidem, si iusta causa adsit,  
& publico gentium iure suscipiatur, nulli dubium, quin honestum,  
ac sæpenumerò necessarium ad Reipub. quietem, turbulentosque  
homines in officio continendos, Duellum inueniatur. Testantur id  
Sacra Pagina, exemplo Davidis, Monomachiam cum Goliath Philis-  
tiorum Duce, totius Israelitici populi nomine, diuinoque acce-  
den-

dente afflatu, acceptantis & feliciter ineuntis: testatur antiqua, immemorabilis, & publico iure recepta piorum virorum praxis, cum Dei causa agitur, salus Patriæ, sui suorumque defensio, aut certe, (cum aliunde non suppetit) armis innocentia ab iniuriâ vindicanda: in quo omnes Theologi conveniunt, & Iuristæ; nam tunc ad id iustificandum omnia concurrunt, quæ ad iustum bellum, publico iure initum. At, si ex priuato odio offeratur, & acceptetur, vel ex vanâ gloriâ, ad virium ostentationem, obiecti criminis purgationem, aliâue minus æquâ ac rationabili causâ; impium sanè, temerarium, Deo iniurium, Reip. perniciosum, omnia iura conclamant, nec satis adhuc à Christiano orbe, Sactorum Conciliorum, ac Summorum Pontificum Sanctionibus, grauissimis inflictiis pœnis in perpetrantes, exterminatum: cum diabolus eius inuentor, altè in fortitudinis laudem, & mundani honoris manutentionem, mortalium cordibus illud infixerie. Cum demùm, nequiquam proficientibus Ecclesiasticis pœnis, nequiquam grauioribus temporalibus, etiam perpetuæ infamix, à potestate laica in duellantes inflictiis; non ita pridem è Francia, vbi potissimum grassabatur hæc pestis, & cæco ductu furebat, post Sanctiss. Ludouici Regis statuta, à Ludouico eiusdè nominis XIV. seriò applicata manu & mente, larua detracta est, pœnæ non tam comminata, quàm irremissibiliter exsoluta, infamixque in refractarios perpetuò duratura successit. Vt proinde fortissimus religiosissimus, ac felicissimus Princeps, Magni nomen iure adeptus sit, non tam bellica, fortitudine ac victorijs comparatum; quàm zelo Diuini honoris, ac iustitiæ inter homines; quâ duplicem hydram, vtram nescio truculentiorem, & Hæresim, & Monomachiam, haud vsquam resectis capitibus, repullulantem, in suis felicissimis Regnis extinxit, iniusta perpetuæ infamix notâ, districtoque gladio, iugulauit. Scripsit de Duello absolutissimum Opus, ex nostris, Gregorius Carafa supremus quondam Ordinis Moderator, vbi quâ iuridicè, quâ Theologicè, quâ historicè, quâ demùm militariter, rem ita pertrahat, vt nil in quouis genere, curioso Lectori desiderandum relinquat.



## EC



**E**CLESIASTERIVM olim, teste Vitruvius, appellabatur minuscule quoddam Theatrum quod postea in proverbium iuit, apud Alabandeos, in quo, nescio quis Apaturius Architectus, scenam pinxerat, aspectui quidem iucundam, sed impropiam, & contra Naturæ ordinem excitatam. Supposuerat enim, seu veriùs pinxerat (nam aliàs moles consistere non potuissent) pro columnis, & parastadibus signa, belluas, Centaurosque sustinentes arcus, & epistylia: in fastigijs collocarat prominentes versuras, coronasque, leoninis capitibus sparsim ornatas, quæ omnia stillicidiorum rationibus, ac tra-beationis totius ordini repugnabant. Id quod improbat, & vehementer reprehendit Vitruvius ex Licinij mathematici autoritate, lib. 7. cap. 5. *Neque enim, inquit, pictura probari debent, quæ non sunt similes veritati: nec, si factæ sunt elegantes ab arte, idè de his statim debent repente iudicari, nisi argumentationis certas habuerint rationes sine offensionibus explicatas.* Verùm hæc in picturis excusari possunt, quæ id habent proprium, ut sicæ sint, & aberrant à verò, modò oculis imponentes, aspectui abblandiantur, animisque illudant, exotica mentientes. Quod communis hodie plausus probat, & æstimatio operis, quæ tantò id pretiosius habet, quantò magis ridicula, & impropria repræsentat.

**ECHEA** Græcis Musicæ professoribus sunt sonituum, ac troporum discrimina, quæ inuicem collata, iucundam auribus consonantiam faciunt: ab Echo forte sumpta denominatione, quæ voces replicat, & modulatis simul tonis respondet. Hac voce vititur Vitruvius, ad explicandam aptam Theatrorum dispositionem, quæ vox resulcet, colligatur in vnum, & clarior, ac iucundior astantium auribus

ribus insonet. Ad quæ præcipit, vltra Theatrorum ratam architecturam, disponi in ijs, & collocari in summo, vasa ærea inuersa, ferræis cuneis sustentata, quibus vox applicita repercutiatur, & resonantior ad auditorum aures pertingat. Sic enim habet. lib. 1. cap. 1. *In Theatris vasa ærea, quæ in cellis, sub gradibus, mathematica ratione collocantur, & sonituum discrimina, quæ Græci  $\text{Ηχη}$  vocant, ad symmetrias musicas, siue concentus componuntur, diuisa in circinatione Diatessaron, & Diapente, & Diapason; uti vox scenici sonitus conueniens dispositionibus, tactu cum offenderit aucta, cum incremento clarior, & suauior ad spectatorem perueniat aures.* Et lib. 5. cap. 5. postquam ratam hanc vasorum dispositionem in tredecim cellulis æquè distantibus partitam, rationibus confirmauit, ita concludit. *Hæc ratione vox ab scena, uti ab centro profusa se circumagens, tactuque feriens singulorum vasorum caua, excitauerit auctam claritatem, & concentu conuenientem sibi consonantiam.* Quomodo autem disponi debeant hæc vasa, vt habeant proportionalem distantiam, & interualla musica ad optimam consonantiam, id confusè nimis tradit Vitruu. & supponit, se loqui ad Musicæ artis peritos. At feliciter rem exequitur Barbarus, petita ab Geometriæ principijs ratione; adiecta etiam ad euidentiam, triplici deformatione dispositionis huiusmodi cellularum ad Circinum, pro triplici ratione concentus, Harmonica, Chromatica, & Diatonica. Quæ igitur, inquit, est proportio corporis ad aliud corpus, quod sit eius duplum, sesquitercium, aut sesquialterum; quæque inter spatium, & spatium; eadem est inter sonum, & sonum: quod ea corpora, & spatia apta sunt aliquem sonum edere: id quod pendet ab inuentione duarum mediarum proportionalium linearum inter duas extremas. Si igitur vasorum dispositio ad consonantiam respondere debent, vt gratum sonum remittant, necesse est etiam, eorum magnitudinem, & inter se distantiam definire. Quocirca, si diuidatur Theatri amplitudo secundum medianam altitudinem in duodecim æqualia interualla, in ijsque tredecim cellulis constituentur; certum est, duas ex his, occupaturas duo extrema cornua; vnam in medio sisti in æquidistantia, reliquis verò decem hincinde dispositas, quinque ab vno cornu ad medium, totidem à medio ad aliud cornu: itaut extrema vasa, quæ in cornibus sunt, cæterisque minora, acutum resonent, reliqua vnisonè sibi respondeant, iuxta phthororum dispositionem. Hæc Barbarus, quæ in expositio schemate palam facit. Sed ex praxi magis intelliguntur.

3

ECHINVS in Architectura est membrum quoddam Capituli Ionici sub abaco constitutum, in conuexum vergens; quod quia Echinis,

nis, seu castanearum tegminibus apertis, itaut illæ satis conspicuæ forent, simile erat, ex iisque velut in filium insutis, in seriem scalpebatur, Echini nomen accepit. Nos alia ratione *Ouum*, siue *Ouiculum* (vt moris est architectorum nomina extenuare, vt fixius menti hæreant) nuncupamus; eoquod, inquit Philander *Sculptus est Ouiculis aliquando integris, aliquando supernè decuminatis, cum intersertis vtrinque hamatis spiculis*. Transfertur etiam, venustatis gratia, in Epistylia tùm Ionica, tùm Coriuthia; nisi quod in illis simplex est, ducto lineamento ad similitudinem rotundæ lancis, & cauæ; in his sculpturis semper ornatus, quæ modò ouiculos, modò echinos apertos, modò turgentem fasciculum frondentium ramusculorum fasciola obuolutum, repræsentent. Eius specimen habes in deformatione Epistyliorum Ionici, & Corinthij, ad V. *Epistylum*. Hinc.:

ECHINATVM TECTVM dictum est quod spissis tegulis, scabris, ac spinosis, veluti tot echinis componitur: siue potius, vt aliqui volunt, ab echinata coronice, ad quam terminat. Similiter

ECHINOMETRAE à Plasticæ artificibus appellantur matricēs illæ formulæ è cera, gypso, argilla, aut alia simili materia in cauum actæ in varias formas: quibus postea Echinos in operibus, vel è fuso ære, vel ex calce contuso marmori mixtâ, expeditè, & eleganter efformant.

ECPHORAE, græco nomine, à Vitruuio appellantur in ædificijs projectiones illæ, seu veræ, siue fictæ, quæ in eorum frontibus apponuntur, tùm ad venustatem Operi conciliandam, tùm ad aspectus seruandam æquabilitatem. *Quo enim aliàs (ait, lib. 3. cap. 2.) oculi acies, non facilè persecat æbris crebritatem. & lib. 6. cap. item 2. Alia enim, inquit. ad manum species esse videtur, alia in excelsis. Non enim veros videtur habere visus effectus, sed fallitur sæpè ab eius iudicio mens. Quemadmodum etiam in scenis pictis videntur columnarum proiectura, mutulorum Ecphoræ, signorum signa prominentes, cum sit tabula sine dubio ad regulam plana. Eapropter concludit, quod omnes Ecphoræ venustiores habent in aspectibus speciem, quæ proinde, quantum altitudinis, tantumdem habere debeant proiecturæ. Huiusmodi proiecturas Nostrates, vniuersim Sportos appellant. Galli, Sailles.*

E F

EFFIGIARE ab effigie dimanauit, quod perinde est, ac alicuius rei effigiem seu repræsentatiuam quandam imaginem deformare.

I i

Id

Id quod commune est figulis, plastis, sculporibus, atque pictoribus. Vnde est illud Apulei epiphonema in Apolog. *Quid sibi statua, & Imagines, varijs artibus effigiatae volunt? Quamquam* verius omnis, & solius animae discursiva est, in mente imagines omnium rerum sibi effingere, & simulacra componere; & quemadmodum acutè observat Tertullianus, id quod mirabile est, ac propè Divinum, ipsa ineffigiata, effigians opera effigiata, quò in his, & ex his, ineffigiatas adeoque insensibiles rerum essentias persequatur. Verumtamen hoc non artis, sed solius Naturae in nobis mirabiliter operantis opus, quod non manuum labore, non studio, non praeceptis, assequimur, & quotidie practicamus, & Speculationes audiunt. Quae verò materialiter, & extra nos, in subiecta quadam materia exprimimus, artificia dicimus, quae mente simul, & manu perficiuntur, & ad Mechanicam pertinent; directione autem ad Mathematicas disciplinas quibus illa obtemperat, ac subseruit. Itaque Effigiare vniuersim est artificium quorumcumque, qui secundum conceptam prius ideam ob-

8 latæ sibi rei imaginem lingunt, & in materia exprimunt. At si verbum ex etymo consideremus, effigiare propriè non omnium vtcumque artificum est, sed Pictorum, eorumque qui calamo, aut stylo rem in plano delineant, atque exprimunt. Quare verbum minus latè patet, quàm deformare, aut effingere. Et hoc quidem videtur ad omnes expressorias artes se extendere, vtpote Fusoriam, Plasticen, Statuatiam; quin etiam quodammodò ad Architectonicam, quae omnes, sua opera promiscuè, deformationes, & effinxiones appellant: effigiare autem strictiori iure, solas figuras, præcipuè personas, & vultus humanos denotat, quae adumbrationibus, lineamentis, & pictis coloribus exprimuntur. Author est mihi huius distinctionis & coniecturae, optinuis rerum, & verborum æstimator, tersissimique eloquij cultor, Sidonius Apollinaris, qui lib. 6. epist. 12. referens honores quos Triptolemo suo sacrauit Græcia parens, ob spicarum usum repertum; distinguit singularum artium munera, quibus se illa iactat illustrem. *Sacrauit, inquit, Templis, formauit Statuas, effigauit Imaginibus.* Ecce quomodo Architectonibus tribuit erigere, seu sacrare Tempia; Significibus, formare Statuas; Pictoribus, Imagines in tela, vel plana superficie effigiare. Consonat antiquissimus Solinus in Polyhistore. *Ante omnia, inquit, effigiant modum capitis, & insuper lex vlt. Cod. Theodos. tit. de excusar. Artif.*

9 vbi habetur. *Ad effigiandos sacros vultus, &c.* Est igitur Effigiare Pictorum, & Incisorum, qui sacros vultus, Diuorumque figuras, in imagines ad viuum repræsentantes prototypa, lineamentis, aut pictis coloribus exprimunt: Formare Statuariorum, atque Sculptorum; qui

vel


vel ex ære statuas conſtant, vel è matmore, ligno, aliæue materia, Simulacra, perſonas & vultus humanos imitantia, dedolando perficiunt. Quemadmodum, & Plinius lib. 36. cap. 3. eadem ratione Statuariam, à Picturandi, necnon & Sculpendi arte ſecernit, aſſerens, hanc vetuſtiorẽ eſſe, quam illas. Quandoquidem pro Statuaria intelligit artem fuſoriam, qua ſtatuz (& has diſpeſcit) è metallo fuſo formantur: Sculpturam, qua Simulacra ponuntur: & Picturam, qua rerum imagines lineamentis, & pictis coloribus figurantur. Sed de hac controuerſia alibi enucleatus.

E L

ELEOTHEſIVM in arte architectonica, Vitruvio auctore, locus IO eſt in Palæſtra ab alijs diuiſus, ac ſemotus; in quem Athletæ; antequam luctam inirent, ſe conferebant, ad inungendum corpus: quod ideo aptè apud Latinos *Vnctuarium* vocari poſſe, notat Philander, confirmatque ex Epistoſis Plinij Iunioris. Quandoquidem ita Palæſtræ ſtructura diſtinguebatur, vt ſingulis actibus ſui ſecefus forent ad hoc ſpecialiter deſtinata; vti in porticibus varia membra, & diſtinctiones ſuis locis aptè diſpoſita; vti & Ephebæum pro adoleſcentulorum exercitationibus; & Sphæriſterium, & Coniſterium, & alia, ad diuerſas alias excitationes, prout ſuis locis dicemus.

ELLYPSIS vna eſt ex Sectionibus Conicis, quas Veteres Geometræ obſeruauerunt magnis proprietatibus inſignitas. Et hanc quidem agnoſcebant in Cono Iſoſceles æquicrurio, cuius vertex abiret in Acutum angulum; quemadmodum Parabolam, in cono rectangulo, & Hyperbolam in obtuſangulo. Quamquam poſtea Apollonius Pergæus mirabilis huius doctrinæ celebris promotor, & ampliator in omni genere Coni tum Iſoſcelio, tum ſcaleno, omnes ſectionum differentias introſpexit, ac ſubtiliter earum naturam, & paſſiones expendit, & explanauit, vt ſuo loco innuimus. Nunc autem Ellypsis, prout Sectio Conica eſt, tunc formatur, quando planum quippiam tranſuerſaliter, & oblique ſecat conum, ſcèlè utrumque crus ſectionis factæ per axem, itaut vtrinque faciat angulos inæquales in ſeipſis, & baſi ſectionis per axem; vt in ſubiecta prima figura videre eſt: vbi in Cono a. b. c. ſectio per axem facta eſt a. d. e. ac Sectio Elliptica f. g. h. i. Cuius axis primarius, f. g. ſecundarius, h. i. & anguli alterni, a. f. g. vel, a. g. f. non æquantur angulis, a. b. c. & d. c. b. baſis, vti æquantur in ſectione, k. l. m. n. circulari, quæ idcirco dicitur Parallela. Porro ipſa figura Ellyptica, ſiue in Cono, ſiue extrà Conum conſiderata, in eam formam abit, quæ exhibetur in ſecunda figura, vbi a. b. c. d. eſt Ellypsis, in qua linea, a. d. eſt axis,

qui dicitur diameter primaria, & tranſuerſa, quę diuidit ellypſim, nec non & omnes alias perpendiculariter ad axem ductas (quę vocantur Applicatę) in duas partes æquales, & quę in centro axem ſecat, appellatur Diameter ſecundaria: Cęterę verò lineę, (quę infinitę concipi poſſunt) hincinde ad Diametrum ſecundariam ductę, ſiue ad angulos reſtos, ſiue obliquos primariam interſecantes, dicuntur Coniugatę, & inſuper ordinatę ad axem, qui inter duo crura triangu-  
 12. Eſt igitur Ellypſis præciſe à Cono conſiderata, figura quędam oblonga, quaſi Oualis, in plano deſcripta per lineam flexam perpetuam, quę redeat ad caput, vnde exordium ſumpſit (pari ratione concipi poſteſt Corpus Ellipticum conſimili ſuperficie terminatum,) quęque ordinatim procedat, perinde ac Circulus, quicum magnam habet affinitatem, eaſdemque ferè proprietates: itaut quadrata applicatarum ad axem, tam in Circulo, quam in Ellypſi eandem naturam, & paſſiones participant, comparata ad reſtångula ſub ſegmentis axis contenta: niſi quod in Circulo, prædictis quadratis applicatarum, reſtångula ſegmentorum ſunt omninò, & ſemper æqualia; in Ellypſi verò nequaquam conueniunt, ſed quadrata cum quadam proportionẽ deficiunt. Id quod manifeſtum apparet in figuris expoſitis ſub V. Parameter, & in alijs locis. Nunc autem damus puras ſi-  
 13. Ceterum figura Elliptica nedum in Sectione Coni, ſed & Cylindri, ſi in eo ſimilis ſectio fiat, quę vtrumque latuſ contingat, & non






non sit parallela basi: cuius profectò eadem passiones sunt, & insi-  
gnes proprietates. Quarum illa est admirabilis, reducio omnium  
radiorum ad focos in axe primario consistentes, vbi cadat eorum  
reflexio, quæ stupendos effectus gignit tam in Causticis, quam in  
Acusticis. In ijs enim mirum in modum intenduntur radij solares,  
atque sonorum species, ex vno in alterum redeunt, seseque re-  
flectentes: adeout etiam in magna distantia sonus exaudiatur, &  
admoto igne, aut Solis radijs expositum corpus ellypticum  
ignem concipiat; ex quo *focns*, & his punctis *focorum* nomen ad-  
hæsit.

Quoniam autem huc euasimus, præstat hic ex varijs præceptis,  
quæ ab authoribus traduntur circa modum ritè formandi Ellypsim,  
vnum seligere perquam patens, & facile, quo super datum Circu-  
lum, parem, seu æqualem, minorem, aut maiorem, prout lubet,  
formare valeamus ellypsim, eamque, vt opus est, acutiorem, aut ob-  
tusiores: inque eius axe postmodum prædictos focos determi-  
nare. En demonstratio.

Formetur itaque Circulus aut se-  
micirculus (qui satis est,) eius  
amplitudinis, ad cuius rationem  
efformanda veniat data quæcumque  
Ellypsis. Facta diametro in circu-  
lo, eadem statuatur pro diametro  
secundaria futuræ ellypsis, quam  
secet in centro ad angulos rectos  
alia linea maior, quæ sit pro prima  
diametro, seu axe transuerso El-  
lypsis: eamque, prout opus requirit,  
ad libitum vtrinque protensa iuxta  
quam formam formare velis Elly-  
psim aut crassiores, aut exiles.  
Quo facto, diameter semicirculi  
diuidatur in partes æquales, quot  
libuerit, & à peripheria ad diametrum, ducantur perpendiculares ad  
singula diuisionum puncta. Tum in constituta diametro, seu axe,  
primario futuræ Ellipsis, totidem fiant æquales partitiones, quæ factæ  
suerunt in diametro circuli; ad eamque applicentur, ac transferan-  
tur illæ ipsæ parallelæ, quas in circulo signauimus, eiusdem profus  
altitudinis, ac in eo: quarum ita simul dispositarum termini, sunt  
etiam termini, ac limites describendæ ellypsis; itaut linea flexa  
æquali manu ducta, quæ per omnes hosce terminos transeat, &  
præ-



præfatas perpendiculares, seu applicatas complectatur, ritè illam delineet.

- 14 Focos etiam in Ellypsi ità determinabis. Accipe circino quantitatem semiaxis primarij Ellypsis, eamque transfer in ipsum axem hoc modo: Inuariatà circini aperturà, alterum pedem constitue in puncto B. minoris axis, & alterum dirige ad maiorem axem; nam ubi illum interfecat in E. v.g. vel F. ibi incidunt foci, in quibus congregantur, & concurrunt solares radij, ac sonorum species, per quæ tot mirabilia exantlantur, vt in multis commostrat Scottus in *Magia Naturæ*, & *Artis*.

Et hæc pro nunc de Ellypsi. De eius Parametro, & alijs ad eam pertinentibus, distinctius suo loco.

- 15 ELIX vide Spira, *Voluta*.

## E M

EMBATEN, seu EMBATER, græcè, latinè ingressorem sonat. Loculum vertit Turnebus. In Architectura sæpè supponit pro Modulo, certa nimirum apud Architectos mensuræ ratione, quam sibi assument ad partes omnes suscepti operis dimetiendas, quò-debitam illi symmetriam, & partium ratam distributionem assignent. In hoc sensu, semel & iterum assumitur à Vitruuio in definiendis proportionalitatibus Operis. Primò lib. 4. cap. 3. ubi docet, accipiendas esse symmetrias ædificij construendi, à fronte in æquas partes diuisa, hoc est in Tetrastylis, 28. in Exastylis, 44. postea subdit. *Ex his, pars vna erit Modulius, qui Græcè Embatis dicitur, cuius moduli constitutione, rationibus efficiuntur omnis operis distributiones.* Secundò applicat ad ballistam lib. 1. cap. 2. & cum colligit ex foramine. Quem locum expendens Baldus, ait. *Dupliciter accipi modulum, in adibus, à crassitudine columnarum, vel triglyphi magnitudine: In ballistis verò symmetriarum rationes embate inueniri.* Embate, scilicet, qui modulus est in ballistæ foramine. Vide quæ explicatiis dicentur in V. Modulus.

- 16 EMBOLI communiter audiunt columnarum frustra, & Cylindri ad torum facti, & ad capita resinati. Hinc est, vt Emboli nomen in Mechanicis vsurpetur ad significandam illam operis partem, seu membrum, quod in modum cylindri ex spartho ac tomice confectum, deseruit pro obturaculo, seu axe in fistulis, & canalibus intruso, & vtrò citroque adducibili ad premendum, laxandumue aërem illic inculsum, vt quotidie experimur in antlijs ad sugendam tollendamque in altum è puteis aquam. Hos cum adiecto *Masculos* vocat

cat Vitruv. cum de Cresibij machina ad attollendam aquam, verba facit. Ità de supernis ( ait ) in modiolis, masculi emboli torno politi, & oleo subacti, conclusique regulis, & veltibus conuoluntur; qui ultro citroque frequenti motu prementes aërem, qui ibi erit, cum aqua, obturantibus axibus foramina, cogunt & extrudunt inflando pressioribus, per fistularum nares, aquam. Masculos dixit; non quòd Embolos feminas sit inueniri; sed quod in his, & similibus organis, masculi vicem gerunt, & suppleant intrà canales: vnde & hæc pars absolute à nobis *Maschio* vocitari solet. Quemadmodum viceversa, in Cochlea masculam simul, & femineam conditionem agnoscimus: & Masculum quidem dicimus tignum oblongum, & rotundum strijs obductum, spiritaliter incedentibus: Feminam verò, quæ hanc cohlidem suo sinu excipit, & complectitur, simili modo strigibus excauata: quam vulgò *Madreunitam* dicimus.

Sunt etiam *Emboli*, teste Isidoro, in Opere architectonico, præamplæ porticus ad latera platearum hinc inde dispositæ, nomine, & vsu ( abusu potiùs ) memorabiles, & famosæ; in quibus ut plurimum, prostrare solebant mulieres inuerecundæ, & scorta, ad promptam sui corporis copiam prætercuntibus exhibendam: vnde & *Embolariæ* postmodum dictæ sunt: queniadmodum à Fornice *Fornicariæ*.

EM

EMISSARIVM, *Aquilegium*, *Erogatorium*, *Immissarium*, & si quæ sunt nomina his affinia, quæ passim habebis in Vlpiano I. C. Frontino, Vitruuio, & alijs Structoræ artis Scriptoribus; loca sunt in Aquæductis, ad aquæ detentionem, & deriuationem spectantia, & innicem colligata; quæ, aquæ in ijs collectæ educationem; continentiam, transitum, & partitionem denotant; omnesque partes, & membra in Aquæductis constituenda præsignant. Atque Erogatorium quidem intelligere videtur Frontinus, primum aquæ Conceptabulum, seu alueum quòd hæc immediatè erumpit, & cadit ex Incili; vndeque postmodum per Emissarium in Castella deducitur. Ait enim: *Meminerimus, omnem aquam, quoties ex Erogatorio venit, intrà breue spatium in Castella cadere*. Emissarium quoque dicitur locus, per quem aqua è suo fonte vel alueo, in quo alias detinebatur, emittitur: Vlpianus in l. prima ff. de *riuis*; ità structilis Aquæducti partes disponit, atque describit. Primò *Incile* quod est primum aquæ caput, seu locus incisus, atque humi depressus ad latus fontis, aut fluminis, è quo primum aqua educitur, Deinde, *Ad Incile*, inquit, obijcitur septum, quod aquam delinet, ne labatur: & sunt ostia, quæ ad statum tempus aperiuntur ad aquæ exitum, & clauduntur ad detinendum, ut passim in molendinis, & fluminibus nauigabilibus videmus.

Postea sequitur Emissarium; ac denique Immissaria, per quæ aqua in castella traducitur. Frontinus quoque per Erogatorium, Emissarium intelligit, & addit: *Deinceps per interductum interseruntur castella: ubi verò prominentius solum offenderint, specus effoditur extremo loco.* (ubi vides *Interductum* nominare quod nos dicimus *Immissarium*.) tandem ad *immissarium* (subdit) adiungitur *Calix*. Porro *Calix* est extrema pars tum *Emissarij*, tum *Immissarij*, quæ aquam colligit, & facit de vno in alium locum transire, quæ calici, quodammodo similis est. Et hic est ordo, ac dispositio partium *Aquæductus*, per quem aqua è sua origine in Urbem, atque in publicas vel priuatas ædes, sua sponte deriuat, & confluit. *Igitur* (subsumit *Baldus*) *Emissaria plura, Erogatorium unum*. At bonus vir hallucinatur, & æquiuocum sumit, vt videbimus in V. *Immissarium*.

- 19 **EMPLECTON** vocat Vitruuius Structuræ genus tumultuariò factum ex lapidibus, ac cæmentis temerè iactis in maceratam calcem, inter duos corios hinc inde in altum dispositos, atque in muri formam erectos: quod quidem vilissimum opus est, & expensarum vitandarum gratià introductum. *Altera*, (inquit, lib. 2. cap. 8.) *est, quam Emplecton appellant, qua etiam nostri rustici vtuntur: quorum frontes poliuntur, reliqua, ita vt sunt nata, cum materia colligata alternis alligant coagmentis. Sed nostri celeritati studentes, erecta coria locantes frontibus seruiunt, & in medio faciunt fractis separatim cum materia cæmentis. Ita tres suscitantur in ea structura crustæ; duæ frontium, & vna media fasturæ. Eiusdem operis meminit Plinius lib. 36. cap. 22. quod accepisse notat Salmastius, ab ipso Vitruuio, si tamen post Vitruuium scripsit. Sic enim ait. Tertium* (mentionem prius fecerat de Græcorum construendi more, qui è duro lapide, aut silice coæquato, veluti latericios parietes erigebant, & eius, quam vocat ordinariam, inæquali ordinum crassitudine, quæ tamen in maiorem firmitudinem conspirabat, seruata.) *Ergò Plinius: Tertium, inquit, Emplecton, tanquammodò frontibus politis, reliqua fortuitò collocant. Nomen à re petiit Baldus: idem enim græcè valet Emplecton, quod latinè affatim plenum, atque infarcinatum.*

## E N

- 20 **ENCARPVS** ornamenti genus in Architectura, Epistylis appositum, Capitulis columnarum, in Antepagmentis, atque alijs conspicuis partibus ædificij: repræsentans florum, frondium, variorumque fructuum sertum artificiosè contextum: ex græco vocabulo derivatum, quod perinde sonat, ac fructuosum. Huiusmodi ornamenta, quæ iam modò acceptissima sunt, ac frequentatissima, non tam in

In ædibus fixa, & in marmore sculpta, quam veris floribus, & frondibus texta, vel pictis coloribus ficta, ad festorum pompam, atque lætitiā, inque aditis templorum potissimum, ubi festus dies agitur, quotidie visuntur, & indicium solemnitatis sunt. Nostri non ab re *Festones* appellant. Eorum originem Ionicis acceptam refert Vitruv. lib. 4. cap. 1. eoquod condignam Dianæ ædem ponere volentes, novam Columnarum speciem conspiciati sunt ad muliebrem gracilitatem, ac venustatem conformatam. Sicque *basim*, (verba Vitruvii sunt) *supposuerunt pro calceo*; *Capitulo volutas*, uti *capillamento con-*  
*crispatis cincinnos, præpendentes dextrâ ac sinistra collocaverunt*; & *Cymatijs*, & *Encarpis pro crinibus dispositis frontes ornauerunt*. Ad quæ proinde (ut res utique postulabat) colludens Philander, hæc addit. *Encarpus* græcè *fructuosum* significat. Hoc loco ornamentum est, hoc est florum frondiumque, & pomorum inflexus, atque contextus, coronario luxu, folijs flores, & fructus intercurrentibus, & loro, sine fascia circumcinctis, & aduolutis; cuiusmodi sunt quæ *serta*, & *corollas triumphales* nostri vocant: Itali *Ghirlandas*, & *Festones à festiuitate* appellant. Notat verò Durerus, huiusmodi ornamenta perperam, & vitiosè addi operibus Doricis, & Tuscanicis, uti valdè absurda, & repugnantia grauitati, & simplicitati, quam illa præferunt; perinde ac si viro Consulari, seni, aut militati, cincinnos, fucos, & muliebria ornamenta appingeres.



ENGIBATA, quid sint in operibus Mechanicis, Vide in V. *Ctesibia Machina*.

ENGYSOPIVM. Vide in V. *Microscopium*.

ENOPLIA, scû, ut alij scribunt, *Eunoplia*, græcè dicitur Gymnastica militum concertatio ad tyrocinium facta, rudimentum, atque exercitium belli. Id quod olim, teste Vegetio, fiebat ad palum, ad dexteritatem, & agilitatem arma tractandi, ex repetito vsu comparandam, de qua pluries occurret sermo in V. V. *Sciomachia*, *Troia*, *Saltatio*, &c. 21

ENTASIS græcè, latinè *Intensio*, *Tumor*, *Inflatio*. In Architectura pressius accipitur, & in concerto, pro medio Columnæ scapo, scû ventre, qua parte leniter intumescit, ac turget. Vnde Vitruv. lib. 3. cap. 2. *De adiectione*, inquit, *qua adijcitur in medijs columnis, quæ apud Græcos Entasis appellatur*; in extremo libro erit formata eius 22

*ratio, quemadmodum mollis, & conueniens efficiatur. Hanc ex Authoris mente (nam promissa ab eo deformatio periit) breuiter, ac dilucidè tradit Philander. Descriptis namque prius ex statuta columnæ altitudine, quatuor diametris; duabus in summa altitudine, & duabus in ima parte ipsius columnæ; Signa, inquit, in media deformata columnæ altitudine, diametrum parem calci, siue plantæ imi scapi; ducque lineas rectas à capitibus diametrorum Apophygyum ad capita media columnæ, diametro videbis factam adiectionem, qui & ventor dicitur, quod ibi columna videatur turgescere. Id quod Naturæ opera imitatur, & rationi videtur innixum. Nam quæcunque onera magna sustinent, vt ijs ferendis satis sint, & quodammodo coaptari; ita pedem in solo figunt, vt facta vtrunque pressione, in medio aliquantulum dilatentur, & turgcant. Aduertit item hoc loco Philander eiusmodi columnam in medio crassiorem, nullam sibi vsquam visam, & haud scire, num, si taliter fiat, sit oculo responsura, cuius rationem attendendam semper vtiq; esse. Idque confirmat ex eo quod arbores, quarum formam imitantur columnæ, & à quibus originem traxere, haudquaquam turgent in medio, sed sensim fastigantur ab imo ad summum, vt ipse Vitruuius tradit lib. 5. cap. 1. quod ideo, contrà Naturæ ordinem, & exemplum, in columnis fastigatum existimar. At, bona tanti viri pace, Arborum exemplum à natura petitum, hic non facit: quandoquidem illæ nulli ferè ponderi subiacent, quod ita premat, vt ab obstitendum ipsas uecessitet, atque adeo ad aliquam in medio excrecentiam promendam adigat. Verum, si earum integros truncos dissectos, & in aliquo opere, vice, columnarum suppositos, collocabis, videbis profectò, nulla arte, sed ipsa natura dictante, in medio turgescere, & crassiores fieri. Itaque non ab humano tantum corpore id deriuasse credendum est, (vt opinatur Philander) quod in ventre crescit, sed à quouis, maxime oblongo, quod ponderi ferendo suppositum sit: vt patet in parietibus impositæ moli haud paribus, sese in medio protuberantibus, quod vulgò dicimus *far panza*: semper enim oneri cedens, inflectitur quodcumque fulcrum, & veluti obnitens, natura duce, vires colligit, ac turgescit.*

23



## E P

23

EPAGON græcè dicitur apud Vitruuium, trochleæ genus, quam Nostri *Artemonem* appellant. *Pasticam* Veneti. Quæ de re, vide iam dicta in V. *Artemon*.

24

EPHEBAEVM locus est in Palæstra semotus, ac specialiter ad Ephe-



Epheborum siue Adolescentium exercitationes habendas deputatus .  
De eo satis diximus in V. Conisterium , & adhuc fufius dicemus in  
V. Palastra .

EPIBATHRA . Vide Diabathra .

EPISCENIVM in Theatrorum dispositione, Vitruvio audit super- 24  
structa, seu potius efficta supra Scenam columnatio, ambulacra,  
Tholi, omnisque varius, & multiplex tecti ornatus, quem Scenis ad-  
didit, nescio quis Apaturius Alabandeus, ac Trallensibus publicè  
exposuit, oculis quidem adblandientem, Scenæque ipsius asperita-  
tem, rerum varietate emollientem, sed naturæ operibus absonum,  
veritatique repugnantem. *Neque enim, inquit, picturæ probari de-* lib. 7. c. 5.  
*bent, quæ non sunt similes veritati, nec si factæ sint elegantes ab arte,*  
*idè de his statim debent repente indicari, nisi argumentationis certas*  
*habuerint rationes sine offensionibus explicatas.* Vnde impensè laudat  
Licinium Mathematicum, cui huiusmodi opera, quamuis efficta ad  
oculum, nullisque vitijs ac detrimentis obnoxia, haud probata fuere,  
tamen si Trallensibus omnibus maximè accepta, & summo opere com-  
mendata, quos illum in Ciuilibus quidem, & forensibus causis acu-  
tos; in agilibus autem, vt insipientes, & ineptos, sic reuicisse  
commemorat, & introducit. *Quis vestrum, inquit, domos suprà te-*  
*gularum tecta potest habere, aut columnas, seu fastigiorum explicationes?*  
*Hæc enim suprà contignationes ponuntur, non suprà tegularum tecta.* Si  
ergò, quæ non possunt in veritate rationem habere facti, in picturis proba-  
uerimus; accedemus, & nos his Ciuitatibus quæ propter hæc vitia insi-  
pientes sunt indicata. At enim inuidiosa, & nimis rigida obiurga-  
tio. Nam (vt alibi in simili adnotauimus) Pictura, quæ Pictura  
est, tota in mendacijs, & illusionibus mentis versatur, & non in ope-  
re faciendò ex architecturæ legibus intenta est, sed ad rerum imagi-  
nes exprimendas, vt vt congruant, aut longè dissent à vero, itaue  
quò mendacior, eò celebrior; & fallere hic, & falli, æquè acceptum  
sit, & computetur in lucro. Quocirca Pictoribus hæc monstra,  
quæ in re, contrà naturam sunt, at non offendunt, repræsentare; non  
modò licitum, sed & singulare artis encomium est, vastarumque in  
mente Artificis idearum; quibus nostra ætas applaudit, & mirificè  
delectatur.

EPISTYLIUM in Architectura propriè signat præcipuam illam, 25  
Trabem, seu partem illam, quæ trabis formam, & vsum habet in  
Kk 2 ope-

opere, præfertim Tuscanico, & Ionico, & suprà columnas in directum excurrit, eas quodammodo reuincens ac necens; vnàque simul totam desuper iniectam molem, veluti humeris suscipiunt, ac sustentant. Quod ideo non immeritò à nostris *Architrabs* nuncupatur. Sed nec minus expressiuium est græcum Vocabulum *Epistylon*, quod columnarum superimpositionem significat. Generaliter autem, & sæpissimè accipitur pro integra Trabeatione, seu coronice, quæ vnà cum alijs membris, ipsam, quam modò dixi, trabem complectitur, adeoque supremum Cymatium Tenias, Zophorum, Coronam, Regulas, Triglyphos, Metopas, Denticulum, Simam inuersam, Tympanum, Acroteria &c. prout quique architecturæ ordo deposcit. Hoc in Opere Tuscanico non admittit nisi duplex Cymatium, alterum suprà, alterum infrà Coronam, Coronam ipsam, quam *Guttulatorium* nos vulgò vocamus, Zophorum, Teniam, & propriè dictum Epistylum. Dorica Trabeatio vtrà hæc, habet sub Corona, & Cymatio, fasciam oblongam & latam, loco Zophori; vbi triglyphi insculpti super capitulum columnarum perpendiculariter cadentes, referunt tignorum capita exportecta; & inter vnum, & alterum, Metopas, quæ sint veluti intertignia quadrata: sic dictas, quod sint medix inter duas Opas, hoc est tignorum cubilia, vbi conqueiscunt, & insident. Metopæ autem istæ, aut sunt planæ, & simplices; aut scalpuntur Lancibus, ac Taurorum capitibus prominentibus, vittis cornibus illigatis, quæ deorsum pendent, habentes in extremis florum ferta, & fructuum frondibus interstincta. Suprà triglyphos est Tenia; quæ, quamuis procurrat; vbi tamen ad eorum perpendicularium peruenit, aliquantulum exiliens, & exportecta, capitulorum erga ipsos vicem præstat. Tandem inter triglyphos, & Epistylum propriè dictum, est altera Tenia, à qua sub triglyphis pendent sex quasi guttæ, singulis triglyphis respondentibus turbinis inuersi figura, quæ totidem stillicidiorum guttulas referant, quæ per triglyphos cadant. Et hæc complent rationem Coronice Doricæ.

- 27 Ionica verò triglyphos non admittit in Zophoro, sed illum habet conuexum, & turgidum instar puluini; altum, si simplex fuerit, quarta parte minùs ipso epistyllo; si sculptus, quarta parte maior. Suprà ipsum, Cymatium collocantur, ac suprà Cymatium exportectus Denticulus; quem, vti proprium, sibi vendicat Coronix Ionica: infràque Zophorum, tres fasciæ excurrunt, alia alijs prominentior; quarum prima depressior, tres partes habet crassitudinis Epistylj; media quatuor; suprema, tam crassa, quantum crassus est inus scapus Columnæ.

Corinthia Coronix ea omnia amplectitur quæ Ionica, eadem commensuratione, & partitione; nisi quod inter Coronam, & Denticulum, admittit Echinum sculptum ouiculis, aliquando integris, aliquando supernè decacuminatis, cum interiectis hinc inde hamatis spiculis: qui quidem Echinus tam altus sit, quantum prima Epistilij fascia. 28

Tandem Compositus Ordo, in Coronice conflatur ex Ionico, & Corinthio, vsurpatis vtriusque adiectis, & ornamentis: ita disposita trabecatione, vt summa pars, idest Corona cum regula, & cymatio, non superet crassitudinem supremi scapi columnæ. Ea altitudo, cum diuisa fuerit in partes sex; duæ dantur Coronæ, vna cymatio inferiori, quod supra Zophorum extenditur. Suprà Coronam verò, non Sima collocatur, vt in alijs ordinibus, sed Cymatiū, altum partes illas tres reliquas quæ aliàs Simæ tribuerentur. Zophorus etiam, in quo mutuli scalpuntur, omnis generis ornamenta admittit, imagines, encarpas, cauliculos molliter excurrentes, atque alternatim inflexos, & in flexuris, baccas, poma, frondesque sparsim profilientes &c. Qui tamen quando excurrit ornamentis onustus, aliquantò altior permittitur, sed non vt multum superet connexum echini, & mutulorum. Hæc omnia partim ex Pilandro sumpta sunt, qui satis ampla digressione confecit quod in Vitruuio desiderabatur; partim ex probatis authoribus, Serlio Scamozio, & Vignola. Sed præstat hic singulorum ordinum specimen oculis exhibere, vt res facilius intelligatur. 29

De Zophoro erit particularis consideratio, suo loco.


Epistilium Ionicum



Epistilium Doricum



Epistilium Tuscanum



Epistilium Compositum



Epistilium Ionicum cum pulvino



Epistilium Corinthium



Ed. Sc.

- 30** **EPISTOMIVM** græcè, reddi posset Latine, *Oris obturaculum*. Hac voce communiter vtuntur Mechanici, & cum ipsis Vitruuius, ad significandum æreum instrumentum, quo fontium struſtilium siphones clauduntur, & adiecto obice obturantur. Sic enim habet Vitruu. lib. 10. cap. 13. de Machina hydraulica sonos edente. Singulis autem canalibus singula Epistomia sunt inclusa, manubrijs ferreis colligata; quæ manubria cum torquentur, ex arca patefaciunt nares in canales. Quæ ita exponit, & illustrat Philander in Notis, Quemadmodum salientium, siue siphunculorum ora Epistomio coercentur, manubriolorum, cum lubet, versatione aqua effluit; ita in Musico Organo epistomij continentur, aut laxatur spiritus ex arca in canales. Consonat Budæus, qui Epistomium (ait) aramentum est, quo ora salientium obturantur, & laxantur cum opus est, dùm manuducitur verticillum illud pertusum, quod admittit, vel arcet aquam, prout hoc, aut illo modo versatur. Res alioqui lippis, & conscribis nota,

- 31** **EPITAGMA** in re militari græcè audit Subsidiaria Cohors, aut Equi-

Equitum Turnia ab toto exercitu separata, ac seorsim ad obseruandam prælii alcam, quomodo cedat, relicta; ad hoc vt laboratibus forte socijs præsto sit, & opem ferat, tum vocibus ad animandum, tum manibus, ad fortiter hostibus resistendum. Id quod sæpè cum magno lucro, & victoriæ præludio fit. Qua de re, vide in V. *Subsidium*.

EPITECTICVM Gromaticorum, & Agrimenforū vocabulum est, 32  
apud Du-Cange in Glossario: significans terminū alicuius stationis, & loci, vltra quem quis, iurisdictionis aut vsus fruitionē non habeat. Affert præ alijs Vitalis, & Arcadij auctoritatē, in Iure Ciu. vbi dicitur: *Terminus Epitecticalis, siue in finitione agri, siue in Præfectura, extenditur ad pedes 400. & pedes 800. In quadrifinio verò, si plus quatuor lapidibus fuerint inuenti, Epitecticales vocantur; nam terminus iste vocatur maximus.* Vocis etymon educit Rigaltius *ἔπο τὸ ἐπιδῆκτικόν* eoquod resturam aliorum terminorum commonstret.

EPITHIDES græcè superimpositionem sonat. Accipitur autem, 33  
in concreto, in opere architectonico, pro parte illa, & supremo membro Coronici, quod illam supernè terminat, ab nostris *Sima*, & *Gula recta*, nuncupata; vt cymarium inferius *Gula inuersa*. Qua de re, vide quæ fufius dicentur in V. *Sima*.

EPITOXIS in Mechanicis dicitur canalis Catapultæ, qui sagittam recipit: vnde Heron, *Susceptiuum teli Canum Epitoxada vocant.* Alij accipiunt pro ballistæ nuce, sed errant. Est enim cauum per rotam longitudinem regulæ ductum: siquidem Vitruuius lib. 10. cap. 15. de Catapulta loquens, ait: *Epitoxidos longitudine foraminum semis, &c.* Cæterum res obscura nimis in instrumento bellico, quod iam vix nomine tenens agnoscitur; quæque, in explicando singulariter, Dei opem exposcit, vt fatetur Barbarus, ne in auia abeamus.

EPIZYGIS, inquit Turnebus, græcè appellatur axiculus ille, 35  
qui neruos in Instrumento musico versat, ac tendit. Cuneolum vocat Vitruu. lib. 10. cap. 18. quem tamen cap. præcedenti, *Epizygim*, dixerat. Est igitur adicūm illud, (quocumque nomine verius insigniatur) tam in ballista, quam in Organo musico, clauicula illa, quæ transversa, & foramini, quod in extremo apice Instrumenti est, firmiter intrusa, neruum, seu chordam tensam tenet, & modo laxat, modo arcuus intendit: cuius frequentissimus vsus est in Tetrachordo,

do, aliisque instrumentis musicis, quæ fidibus constant, & manu pulsantur: unde & à nostris *Clavicula* nuncupatur. Nomen græcum, inquit Iul. Pollux, traxit ex pessulo, quo ostium obseramus, qui Græcis dicitur *Επιθύρην*.

**36** EPOCHÆ, vt aliàs diximus, communiter audit Radix, & initium temporum, ex quo anni præterlabentes, iuxta diuersarum Nationum instituta numerari cæpere: ab Ascensionibus Planetarum, in Zodiaco, vt vult Rhodiginus, nomine deriuato. Est hæc, fundamentum potius dirigendarum, ac firmandarum certo tempore Epocharum, quam Epochæ, in suo proprio significato, dicendæ sunt. Quippe Epochæ, ex græcanica notione inhibitionem significat, quæ recte figendis ineluctabilibus temporum inicijs, ac radicibus data est; coquod, facta temporum excursorum collatione, obseruatisque insignibus Planetarum sigizijs, & Eclipsibus, quæ rarò accidunt, ac rari simè simul coincidunt, illorum momenta, & fixa prunordia ita omnium populorum consensione firmantur, vt nefas sit de ijs dubitari, & vltèrius scrutinari.

Sunt igitur Epochæ certa temporum initia, à quibus Chronologerum seriem quam texunt, suis quibusque temporibus respondentium auspicantur. Præcipuè autem Epochæ numerantur ante Christum natum, Decem, Post Christum Græcæ 24. Romanæ, 14. vniuersim Christianæ ad hæc vsque tempora, deceni & septem.

**37** Sed adhuc res in obscuro iacet, quia Aeræ singularum Nationum non conueniunt, ex annorum diuersa accepta à singulis quantitate, & respondentia ad Aquinoctia, vt aliàs diximus in *V. Computus*. Quamquam in Tabulis Persicis nuper vulgatis, nempe anno MDLXXVI. ex Bibliotheca Cl. viri Georgij Velschij, quas ipse, vti exactissimas summè commendat, creditur inuenta methodus, facillimè, & absque errore, venandi punctum præcisam Aquinoctij Verni: ex quo quæcunque temporum initia, & radices auspicari poterunt. Atque ad huius rationem, testatur idem Velschius, exinde sua tempora ordinasse, Persas simul & Turcas. Prò cuius rei intelligentia,

**38** Sciendum est, Persas priùs vti consueuisse Epochæ Iczdaierdicæ, quæ cæpit ab initio occupationis illius Regni, factæ per Iezdagerdem filium Sarienensium eorum Monarchæ: & tunc computabant annum communem constantem dieb. 365. præcisè, absque vlla fractione, & consequenter instabilem. Postea acceperunt reformationem factam ad annum, qui respondet apud nos, anno MLIX. à Christi exacta Natiuitate: Quo tempore Sultanus Gelaledi Princeps Meso-

potæ-



potamiz, in Astronomicis versatissimus, suam adornauit Epocham, adhibita opera Chami Astronomi Regij, (qui author fuisse creditur præfatum, quas supra laudauimus, Tabularum Aequinoctialium) & consultatione septem aliorum *Minarzim* (sic suos appellant Astronomos) qui in id concordēs, & vnanimes consensere. Quo facto ipse Sultanus Gelaledi, decreuit, vt in posterum semper annus alligatus sit ad Aequinoctium Vernum: hoc est, comprehendat, (vt integretur) spatium illud excursionis Solis à primo puncto Arietis, quoad usque ad illud ipsum adamussim redeat. Ita tamen, vt singulis quadriennijs, & aliquoties interpolato quinquennio, rescinderetur dies vnus vltra quinque Epagomenas, seu quinque dies, aliàs communiter additos ad aliquos è duodecim mensibus anni, constantibus cæteroque singulis, diebus tantum 30. tamen si postea istæ Epagomenes tributæ fuerint, veluti appendices, certis quibusdam mensibus, vt fixæ & stabiles permanerent, atque omnibus essent notæ: quemadmodum, & apud nos est in vsu in anno Iuliano.

Itaque ab hoc tempore abrogata est Aera Iezdagirdica, necnon Hegira Turcica; & introducta hæc noua Epocha, quam communiter amplexati sunt omnes Mahumetani, & vocauerunt *Sultaneam Melicam*; seu, vt potissimum Persæ, *Gelaleam*, ab suo Principe Sultano Gelaledi eius auctore. Et vt perpetuò apud eos staret ista Anni correctio & innouatio, prædictas Tabulas condiderunt, quas adeò extollit Velschius, vt Commentarijs illustrare, qua parte spectant ad inuentionem præcisam Aequinoctij verni, non fastidierit: quòd dignum operæ pretium duxit Epocharum omnium stabilimentum. Cuius initium, quod lingua eorum Persæ vocauerunt *Nauruz*, hoc est Annus Nouus, anniuersaria solemnitate celebrant, & per sex dies continuos prosequuntur Conuiujs, Canticis, saltationibus & alijs lætitiæ signis.

EQ

EQVI FRISII, sic dicti, vel ab forma equina, quam præferunt, vel certe ab eorum inuentore Equite quodam Frisio, inter bellica machinamenta hostium potissimum equis infensa adnumerantur. Etenim trabes sunt extrinsecus ad figuram exagonam dedolatæ, intrinsecus autem in centro, seu axe concepto pertusæ, in quas induuntur in longum teretes ferrei Scipiones in extremitatibus acuminati, ipsæ verò in capitibus, & circa, statim in locis ad consistentiam sunt obductæ, longæ quinque circiter pedes; tranuersisq; in dorso clauis acuminatis, ac prominentibus incedentes, & cum actæ fuerint circa axem, seu scipionem ferreum sese rotantes, ac terræ identidem, his, quasi pedibus insistentes forma, & vsu non multum à tribulis abhor-

centes, nisi quod hi minores sunt, & in totum ferrei; illæ autem longiores, & adactis ferreis vectibus, altiores. Hæ nimirum trabes sic adornatæ, seu, vt diximus Equi Frisij, ante hostes iniecti, eorum incessum præpediunt, equos infestant, ungulas findunt ac lacerant, aut certè in ijs ita insiguntur & hærent, vt vltra progredi haud valent. Ex quo, turbatis ordinibus, confusionem aduersarijs important, & intentandi cuiusvis facinoris desperationem. Horum formam, & usum vide apud Malletin *Agonibus Martis*.

- 41 **EQVITATVS** in Exercitu, appellat partem illam, quæ turmis Equitum bellatorum componitur, prout à Peditatu distinguitur. Eius in Legionibus primus inductor fuisse creditur Romulus, Legionum, & ipse institutor: Qui primò, vt essent expeditiores, & ad insiliendum, descendendumque agiler ex equis, inermes incedebant, & solum perizomata circa lumbos accincti, vt habet Polybius, vnde & Celeres à celeritate dicti sunt. Postea, cum in congressibus, & prælijs, vulneribus impunè appetirentur, eoquod ferè nudi pugnant, arma eis data sunt, ex quo Cataphractarum nomen accepit. Quoad locum in Acie, non semper idem, sed. varius pro rerum occurrentium, & locorum opportunitate. Certè Romani, teste Liui lib. 22. in dextro cornu suos equites locabant, dein pedites; ad læuum cornu extremos Equites Sociorum intrà pedites, in medio iaculatores. Hinc Equitum Alæ dictæ, vt scribit Gellius, quod dextrà læuaque circà pedites, instar alarum circumfunderentur. Plura de hac re, & ordine quo procedebant, quo dimicabant; vide apud Veget. lib. 3. cap. 6. & 14.

## E R

- 42 **ERGATA** apud Mechanicos vulgatissimum instrumentum est in genere tractorio, eiusdem planè usus, & formæ ac Succula; quinimò illa ipsa est, sed non resupina, verum erecta, & perpendiculariter plano insitens. Quò fit, vt Succulæ applicari possint quævis potentia, etiam inanimes, quæ solum suo pondere eam circumrotari faciant; Ergata verò agitari non possit nisi ab animatis, vtputa hominibus, & iumentis. Hanc nos vulgò, *Arganum* appellamus. Cæterum vtraque habet axem, & tympanum rotundum in medio, circa quod voluitur funis ductarius, cui inditur oñus vel trahendum, vel extollendum, & in capitibus vectes, in crucem transuersos habet, ad agitandum. Et Ergata quidem, cum sit perpendicularis, & erecta, vnum habet cardinem, cui innititur veluti ad terram defixo intra scrobem, & foramen in tigno sustentante factum, facili ad volutandum; Succula autem duos, quibus axis innititur, æquè à terra distan-

stantibus, eique parallelis: At Ergata caput, seu altera extremitas libera manet, & solum fulcris circa, vt seruet perpendicularum, sustentata: quod ideo habet ibi duas transfuersas callophas, seu vestes infixos quibus brachiorum nisu agitari, & circumuolui possit. Res notissima, & passim obtutibus obuia. Cuius tamen specimen delineatum habes apud Heronem, Pappum, & Commentatores Vitruuij.

ERICIVS in re militari, in apparatu bellico est Machina ex se 43  
quidem testoria ac defensiuæ, sed exterius quoque ad offensionem, vndique telis infectis horrida, ad eaque prout, & agiler iaculanda certo nexu, & ordine apparata: Sic dicta ex similitudine Ericij, seu Erinacij siluestris feræ (quam nos Histricem appellamus) quæque cum inuaditur à Venatoribus, arrigens se, magno impetu spicula, quibus in tergore conuestitur, emittit, atque in hunc modum ab eorum manibus se proripit, & fugit. Hac Machinà contrà hostium impressiones se contutari solebant Antiqui, ex ea telis alijsque missilibus iactis, quibus eos aut perderent, aut certè arcentes remorerentur. Instruebatur enim nedum telis, & phalaricis, sed & ingentibus saxis probè ad immisionem dispositis, quæ ordinatim, & ad tempus iaciebantur, nunquam fallente ictu: vt colligi potest ex Sallustio, qui sic habet apud Nonnium: *Saxaque ingentia, & axe victi orbes per pronum incitabantur, axibusque eminebant in modum Ericij militaris veruta binus pedum.* Cæsar quoque lib. 3. *Erat, inquit, obiectus portis Ericius. Hic paulisper est pugnatum, cum erumpere nostri conarentur.* Huic affinia erant alia Machinamenta simili modo, nomenclaturà ab animantibus petita: vti *Talpa*, terram, effodientes, *Vulpecula* insidiantes, *Catti* insilientes, & id genus artefacta, quibus onustus Exercitus, in apparatu bellico procedebat ad oppugnationem aliquam intentandam. Quoniam autem hæc impedimento potiùs, quam adiumento esse coniecta sunt, ideo successu temporis, iam communi facto vocabulo hæc, & omnis apparatus bellicus, Impedimenta appellari cæpere. Id omne constat ex lib. de rebus gestis Friderici Imp. apud Othonem Frisingensem, vbi in appendice ad cap. 23. notat Author. *Omnem apparatus, quem ad oppugnationem fecerunt; Talpas, Vulpeculas, Ericios, Cattos (talibus enim censentur nominibus,) iussit Imperator comburi.* Credibile est hæc omnia fuisse in genere Pluteorum, quibus milites tecum simul, & armis instructi, oppugnationem aliquam adornabant, ac strenuè prosequerantur. Quæ de re, Vide Lipsium in Poliorceticis.

ERISMAE, alio nomine Anterides, in Opere architectonico pilæ 44  
sunt,

sunt, siue etiam arcus muris oppositi pro fulcimento, ne inclinentur, & ruant. *Sperones* nos Itali vocamus: at verò in militaribus operibus adiectas, peculiari nomine ad distinctionem, *Sæctoni* vulgò dicuntur; de quibus alibi. Verùm *Erismatum* nomine vtitur aliàs *Vitruuius* in describendis scalis nauticis, & ascensorijs, quæ vt subsistant, similia fulcimenta habent: Sic enim loquitur lib. 10. cap. 1. de omnibus vniuersim. *Scanforia* ratio, non arte sed audacia gloriatur. Ea concatenationibus, & transversarijs, & plexis colligationibus, & *Erismatum* fulturis continetur. Vbi *Philander*: *Erismatum* fulturas, inquit, facillè intelliget, cui non sit incognitum *scalarum* id genus, quo nostri vtuntur legendis ab arbore frustibus, putandis etiam iugatis, & compluuiatis vitibus, cum non est cui alterius generis scala applicetur, bareantur. Etenim, similem effectum faciunt in scalis huiusmodi hæ concatenationes, & transversaria, ac in muris. inclinatis adactæ *Anterides* seu *Erisma*. At de scalis illis, quæ *erismatum* fulturas habent, erit suo loco specialis consideratio.

**EROGATORIVM** in *Aquæductis*, vide in *V. Emissarium*.

E V.

**EVNOPLIA**. Vide *Enoplia*.

45

**EVRIPi** in Geographicis communiter audiunt *Maris angustia*, vbi restricta aqua, fluctuat, reciprocatur, & astat; quale est *Fretum Messanense* à nobis, non sine pauore, & periculo traductum. Per *antonomasiam* verò, & sine addito, tali appellatione venit *Fretum*, quod est inter *Aulidem* *Bæotia* portum, & *Eubæam* Insulam, quod teste *Mela*, *Vnius diei* & noctis spatio septies recurrit; & eo impetu, vt nauigia repugnantibus ventis plena, secum rapiat. Hæc in ordine ad Geographiam. Verùm *Euripi* notio transfertur generaliter ad significandos quoslibet aquarum patentium ductus, quos etiam *Nilos* appellat *Tullius* primo de Legibus. *Ita tamen* (aduertit *Philander*,) vt existimem *Nilos* esse, si maiores sint: sin autem, simpliciter *Euripi*; ad quam rem comprobendam asserit *authoritates* *Plinij*, *Suetonij*, *Senecæ*, *Galenij*, & aliorum. *Vitruuius* etiam lib. 7. cap. 5. *Euripos* pro *Riuis* accipit. Sed de hac re fusius in *V. Nili*.

46

**EVRYTHMIA** in generali notione accepta, significat in vnaquaque re, optimam partium distributionem, ordinem, nexum, convenientiam, & symmetriam, à *rythmo*, quod græcè consonantiam, numerorumque proportionem sonat, sumpta denominatione. Ad quam rem *Paulus Aegineta*, eam in corporis humani conformatione consi-

considerans; ab ovo, vt dicitur, exordiens, Rythmi quidditatem rimatur, & in suas differentias dispescit. Rythmus, inquam, aut Eurhythmus est, & bonum ordinem, & consonantiam indicat: aut Arrhythmus, & tunc inconcinnum, & perturbatum. Consistit ergo Eurhythmia in similibus, ac dissimilibus colligantia sibi bene coherens, in ordine ad totum, itaut in toto composito resulter, & consistentia, & venustas. Idque, non in operibus tantum naturæ attenditur, sed maxime in Artefactis, & crectis ex Architecturæ legibus, ædificijs, quam vnicè Architectis commendat Vitruuius initio sui Operis, inferens quod Eurhythmia est venusta species commodusque in compositionibus membrorum aspectus. Et infra, docens quomodo in praxi se gerere debeat Architectus, vt eam in suis operibus assequatur, subdit. *Hæc autem ita fieri debent, vt habeatur ratio firmitatis, utilitatis, venustatis.* Et lib. 6. cap. 2. ad particularia descendens, ait: *Explicetur operis futuri, & locorum inum spatium longitudinis, & latitudinis; cuius, cum semel fuerit constituta magnitudo, sequitur eam proportionis ad decorem apparatus, uti non sit considerantibus, aspectus Eurhythmia dubius.* Sed tandem Eurhythmia conditiones, & requisita, Architecturæ præceptis, ac regulis claudi non possunt, bene tamen ea obtinetur in opere, si operator ijs insistent, de reliquo totum dirigat suæ mentis acumine, vt fatetur ipse Vitru. Consistit enim Eurhythmia laus penè in indiuisibili. Primus ergo effectus, Eurhythmia, & gratus aspectus, qui primò se ingerit in ædificio, est, quòd à Græcis vocatur

ΕΥΣΤΥΛΟΣ à proba columnarum dispositione, ac symmetria dictum, seruans simul decorem, firmitudinem, & venustatem. De quo, vt de alijs speciebus ædificiorum ex rata, vel difformi columnarum colloca-  
47

tionem, EVTHYGRAMMVS græcè idem sonat, ac si rectam lineam diceres perpendiculariter incidentem in planum. Quamquam Architecti communiter accipiunt pro Regula, vtrumque rectæ lineæ directricæ. Sic Vitru. lib. 1. cap. 1. ad explicandum, quomodo Architectura Geometriæ adminiculis opus habeat ad sua opera dirigenda, Circini, & Regulæ vsum, & proprietatum rationes ex illa petitas, nosse Architectori necessarium duxit: ait enim. *Ex Geometria plurimum præsidij dari Architectura, & primùm Euthygrammi, & Circini tradit vsum, à quo maxime facilius ædificiorum in arcibus expeditur descriptiones, normarumque, & librationum, & linearum directrices.* Ecce quomodo, & librationum incidentiam singulariter Euthy-  
48

thygrammo tribuit, & vniuersim omnium linearum rectarum directionem; vti & circini versatini flexarum. Nanique (vt aduertit Philander) *ad Regulam expenduntur lineæ, rectæ ne sint, an oblique; vt ad Circinum Circulus, quæq; aliquam eius partem referunt, quales sunt omnes flexæ, & arcuales, vt Conoides, Cyclicæ, Conchoides, Linea Quadratrix, &c.* facile enim est eas ad Circulum, aut ad Euthygrammum transferre. Sunt autem qui volunt, Vitruuium eo loco, pro Euthygrammis, non regulam, sed ipsas lineas, & figuras rectilineas regulatam probatas intellexisse, nec sanè irrationabiliter. Quorsum enim Euthygrammis in plurali, & non Euthygrammi in singulari dixisset vsum, vti de circino dixit, quando vnica regulâ omnes quæcumque rectilinearæ figuræ naturæ sunt dirigi? Sed non concordat textus, vt expendenti patebit. Quare in hac re existimauerim Vitruuium, non de vna tantum regula intellexisse, sed de pluribus, ad minus duabus, quæ coire queant in angulos, quibus figuræ rectilinearæ æquæ ac lateribus constant; easque nosse, ac designare non minus necessarium sit Architecto ad structuræ positionem, quam linearum, ac laterum eos efformantium, seu linearum naturam: vna enim linea ex Euclide, neque angulum, neque figuram concludere apta est. Et idcirco in his designandis vnum circinum nominat, quia vno omnes figuræ circulares signari possunt, duos ad minus euthygrammos, quia vnus non satis est ad expediendas omnes ædificiorum in areis descriptiones, vt intendit Vitruuius demonstrare. Consonat Martianus Capella in Geometricis, & alij Recentiores. Hinc

- 49 EVTHYMETRIA dicitur Scientia, seu facultas, qua traditur ratio dimetiendi longitudes, & latitudes locorum, eorumque distantias venandi, medio Euthygrammo, aut alio instrumento rectilineo. Fit autem per dimensionem lineæ alicuius rectæ, saltem imaginariæ ductæ de loco ad locum, quæ constituta sit in eodem plano horizontali, aut eidem parallela, quod vniuersim facit, estque proprium munus Geographiæ.

EX  
EXAMILON, Vide *Hexamilum*.

- 50 EXAEDRVM Vnum est ex quinque Corporibus regularibus in Geometria celebribus, ac notissimis: quod alio nomine apud nos dicitur Cubus, constans sex quadratis (à quibus denominationem sumpsit) & octo angulis solidis, formatis ex quatuor rectis in vnum conuenientibus. De quo fusiùs suo loco, & generaliter in V. Corpora regularia.

EX-



EXCVBIAE, Vide in V. Vigiles.

EXCVRSIONES *Militares* sunt, quæ vulgò appellantur *Sortite*: temporaneæ videlicet militum prædiorum eruptiones è latebris mœnium obfessorum in campum, & hostium castra, quâ parte minus timentur; vt ea incuriosis illis, & quieti deditos occupent, infringant, ac dissipent, ijsque illos deturbent. Vnus quippe eorum finis est, hostes loco abigere, potentiam tundere, machinas dissipare, tormenta clauis infixis inutilia reddere, ac verbo, manus cum illis fortiter conferendo, stragem ex eis, prædam, & aliqualem victoriam reportare: quod, quâ arte, & in tempore intentandum sit, vt tutò, & cum fructu executioni mandetur; vide apud Dogen, & alios rei militaris Scriptores.

51

EXEDRA locus erat olim in Palæstris, siue in Publicis ædibus ad confidendum deputatus, vbi & iucundæ confabulationes, & conferentiæ de scientiarum studijs fiebant, & ad solem in hyeme, vel vmbra, & auram leuam in æstate captandam, Athletæ pariter, & Philosophi conueniebant: vnde & tribus altis porticibus erat instructus, & sedes circumquaque dispositæ ad illos recipiendos, à quarum frequentia, Exedræ nomen est illi datum; De hoc loco Vitruu. *Constituantur*, inquit, *in tribus porticibus exedra spatiosa, habentes sedes, in quibus Philosophi, Rhetoresque, & qui studijs delectantur, sedentes disputare possint*, lib. 5. cap. 11. de Palæstris sermonem habens. Et lib. 6. cap. 5. de earum dispositione vniuersim præcepta tradens, addit. *Sin autem Exedra, aut Oeci quadrati fuerint, latitudinis dimidia addita* (ad ea, quæ paulo ante de oblongis dixerat) *altitudines educantur*. Ceterum; etsi suprà in principio adnotauerat, huiusmodi loca non esse Italicæ consuetudinis; nihilominus, nomine tantummodò immutato, res mansit, & frequentissimus vsus in Scholis publicis, in Conuentibus Magistratum, & in Capitulis Religiosorum, vbi similia loca exedris circumquaque disposita, ad consultationes, disputationes, & conciones habendas, vt notant Budæus, Albertus, & alij.

52

EXERCITVS in re militari est tota bellatorum collectio proximè ad dimicandum disposita, & in suos ordines distributa: ab exercendo dictus, vt placet Varroni, quia miles in eo, exercendo fit melior: siue ab exercitatione, vt tradit Vlpian. in L. prima ff. de testam. milit. Vnde Veget. lib. 2. cap. 1. *Exercitus*, inquit, *ex re ipsa, atque opere exercitij, nomen accepit, & nunquam ei liceret obliuisci, quod vocabatur*

53

cabatur. Diuiditur in Equitatum, Peditatum, & Classarios. Et hi quidem in mari prælia incunt: illi in aperto campo in terrestribus, & habent suas partes, atque distinctiones, in agmina, turmas, centurias, &c. singulas sub suis ducibus, ac moderatoribus, ut suo loco dicemus.

54. EXOSTRA græcè propriè sonat proiectionem, & signatè accipitur in architectura, pro illa parte ædificij, quæ in fastigijs exporrigitur, non tam ad ornatum, quàm ad tutelam, ac tegmen partium subiectarum, ne alias cadentes è tecti decliuitate imbres, & stillicidia, parietes lædant, & frontis venustatem deturpent. *Suggrunda* communiter appellamus. Hinc translatum nomen ad significandam ligneam machinam ad instar gestatoris sellæ, quæ in altum funibus, ac trochleis elata, dabat speculari posse quid intus in aliorum ædibus agebatur. *Orchestram* vocat Tullius, quamquam in alio usu. Attamen in re non diuersam ab hac, quam modò diximus, contendit Turnebus lib. 20. cap. 9. Sed in re militari Vegetius accipit pro Ponte sublicio, qui in obfessionibus vrbiû, Turribus ambulatorijs applicabatur, è quarum medio subito præstiebat in nescia, armatorumque validam manum strenuè concertantium in urbem importabat. Erat quippe compactus ex duabus trabibus (inquit lib. 4. cap. 17. *sepiusque de vimine, quem subito prolatus, inter turrim murumque constituit; & per eum egredientes de machina bellatores, in Ciuitatem transeunt, & occupant muros.* Huius sublicij pontis speciem habes apud Heronem lib. de Machinis bellicis, & adhuc elegantius delineatum in Stevvechio in notis ad dictum locum Vegetij.

55. EXPEDITIO MILITARIS est ipsa Exercitus deliberatio, & motus ad bellum hostibus inferendum: vnde suscipere expeditionem apud Q. Curtium, perinde est, ac accingi ad bellum, impedimenta disponere, & comportare, atque instructa acie, ordinatè in campum descendere. Cuius profectò conditiones in adornando prælio pluribus exponit, & sedulo commendat Veget. lib. 3. cap. 14. & seqq. *Acies*, inquit, dicitur Exercitus instructus; *frons*, qua aduersus hostem spectat. *Hac in publica pugna, si sapienter disponitur, plurimum iuuat. si imperiè, quamuis optimi bellatores sint, mala ordinatione franguntur.* Sed prima, & potissima Expeditionis militaris laus est, quam ex Theodorici Regis mente, refert Cassiodorus lib. 1. Varior cap. 17. Nempe, ut Imperatoris animus sit expeditus, hoc est, alijs curis non distractus; quum audaciam, & fortitudinem, quæ in bello primas tenent, exerceat nequeat qui diuersis curis est sollicitus, & animo im-

pli-

plicatus. *Hinc meritiò (concludit) Expeditionem nominanere Maiores, quia mens deuota prælijs, non debet alijs cogitationibus occupati.*

EXPLORATORES item in re militari, sunt occulti hostium pro- 56  
ditores, qui in eorum Castris degentes, & cæteroqui pro ijs publice arma sumentes, reuerà nobis inseruiunt, & clanculum nostra ex parte sunt, quâ armis, vbi opportunitas datur, quâ consilijs pugnant, tesseris, nutibus, alijsque datis signis, illorum numerum, statum, deliberationes, & molimina man ifestant, magno cum rerum nostrarum compendio, & aduersariorum damno, Hos à speculatoribus, & excursoribus distinguit Festus lib. 5. de *Verbor. signific.* quoniam hi è nostris sunt, & omnibus noti; illi ex ipsis inimicis, & tum nostris militibus indifferenter ignoti, & solum ducibus merent, cum ijsque occultè consilia iniunt. Quorum profecto Opera, vti in bellorum discrimine maximè vtilis, ità periculis, & vicissim proditionibus est exposita: & ideò ab solerte Imperatore magna de illis cura habenda est, tum in delectu tum in præmijs assignandis, tum in silentio obtegendis, ne aliàs in fide deficientes, nostrum potius, quam suorum exploratores fiant. Eos nos  
vulgò *Spias*, & *Spias*  
*duplices* appel-  
lamus,





## FA

**F**ABRICA (inquit Vitruu. initio sui Operis de Architectura) est continuata, ac trita usus meditatio, quæ manibus perficitur è materia cuiuscunque generis ad propositum deformationis. Eam dicet alteram Architecturæ partem, quæ vna cum ratione concipiente, ac dirigente opus, manu obstetricante parturit, & foras educit, hæc materiam, illà formam subministrante. Verumtamen ego Fabricam in concerto sumptam, dixerim potius primarium Architecturæ obiectum, circà quod scitus Architectus versatur, & in praxi suam peritiam manifestat. Igitur Fabrica nihil aliud est, quàm membrorum, & partium ædificij rata distributio; & collectio; ex quibus illud consurgit, & ad opus applicitur: Hæc, vt consistat, & diù maneat inconcussa, oportet primum, vt suprà solidum, firmumque fundamentum erigatur, hoc est, vt loquitur Vitruu. lib. 3. cap. 3. *Ab solido in solidum, quantum ex amplitudine Operis pro ratione videbitur.* Crassitudine videlicet in fundamentis ampliorem, quàm parietes suprà sunt; ipsaque fundamenta, substructurà quàm solidissima impleantur. Dehinc, vt omnes parietes, stylobatæ, & columnæ desuper imponenda, quin & ipsi lapides immittendi, cadant ad perpendicularum; itaut vnusquisque secundum centrum suæ grauitatis tendat, & collocetur in planum, faciatque cum illo angulum rectum: sic enim nexus, & consolidatio stabilitur: aliàs, vt aduertit Philander, *Solidum non erit, si perpendicularum à pede superimpositi lapidis cadens, sub se aërem, atque vacuum inuenit.* Quod quidem ab angulo tantum recto fit, qui est veluti cardo, & nexus totius structuræ. Vnde Vitruu. lib. 7. cap. 3. ità præcipit parietes derigendos, vti *Longitudines ad regulam, & lineam, altitudines ad perpendicularum, anguli ad normam respondentes, exigantur.* Postremò de apertionibus, quas in ædificijs fieri necesse est, id ca-

uen-

uendum, ne ampliores, & multipliciores, quàm opus sit, neuè in locis incompactis, in quibus moles fatiscere possit, constituentur: quidquid enim à nexu partium, & continuitate discedit, vt natura ipsa commonstrat, incolumitati nocet, moxque dissolutionem totius minatur. Sed enim huiusmodi apertiones, ex alio capite non miuùs necessariæ sunt, quam fulcra, & nexus, quibus totum opus compingitur; habent namque suam soliditatem, & commodum ad receptum, sine quibus inutiles, squalidæ, & penè emortuæ ædes despicerentur. Itaque aliæ luminibus, aliæ ventis excipiendis deseruiunt; aliæ habitantibus, & rebus ad vsum necessarijs introducendis, & educendis sunt destinatæ. In illis veniunt fenestræ, & spiramina, quibus lux subintrat, & nouus, puriorque aër excipitur, & segnior ventilatur: in his Ostia, porticus, arcus, intercolumnia, & quæcumque in plano aditum patefaciunt.

Quod ad fenestras attinet, eas conuenit singulis mansionibus, ac cubiculis singulas, aut plures, pro loci amplitudine aperiri; tùm luminis excipiendi gratia, tùm ad innouandum aërem, ne aliàs semper idem, & conclusus, putrescat, & ibi moram trahentibus euadat exitialis: non tamen plures, nec ampliores, quàm necessitas postulet, & parietum exilitas aut crassitudo compatitur. Ad hæc sedulo perspicendum, quo loco, & quo aspectu fenestræ collocandæ sint; nam in angulis domorum eas constituere, pessimum. Dissoluantur enim (ait Vitruu.) angulorum in ædificijs iuncturæ, si in his fuerint fenestrarum lumina relicta, quod ideò merito addit Philander. Nos, cùm Veterum ædificia repetimus, prudenti eos consilio fuisse videmus, vt anguli crassiores essent multò, quam reliquis paries. Quoad aspectus, ad eos etiã maximè respiciendum seriò monet Leo Bapt. Albertus lib. 1. de re ædificat. cap. 12, quibus nimirum ventis fenestræ opponantur. Nam quæ salubres, inquit, spectabunt auras, multò adapertas quoquoersus licebit facere: & eas quidem iuuabit ita aperire, vt incolarum corpora appellens status ambiat: Hoc maximè fiet, si fenestrarum spondæ essent humiles adeò, vt videri, & videre per vicos ambulantes possis. Quæ autem (subdit) non vsquequaque saluberrimis ventorum plagis obiectæ erunt fenestræ, ita ponatur, vt lumina excipiant non pauciora, quam conueniat, sed nec etiã plura, quam quibus possit carere. Et ponentur illa quidem in sublimi, quò ventus à corporibus obiectus paries intercipiat: nam habebunt quidem hoc pacto ventos, quibus aër resciaitur; sed erunt infracti, atque perinde non omninò non sani. Ecce quomodò, & necessitati simul excipiendi luminis, & habitantium columitati prospici possit.

3 Quæ de fenestris ad luminis receptionem constituta sunt, eadem proportionaliter de Ostijs, & eorum aperturis dicta esse intelligantur. Quamquam non id tantâ cautione procedit in publicis, magnisque ædificijs, ac præcipuè in Theatris, ac Balneis, ubi Ostiorum, porticum, & intercolumniorum, amplissima & confertissima esse debent apertiones. Sed illud vniuersim ex eodem Alberto in omnibus hisce apertionibus est, *Vt amplioribus parietibus non minima ponantur apertiones; & modicis parietum frontibus nihil vastiores adigantur, quàm usus postulat.* Regulariter autem Ostia, Porticus, Intercolumnia, latiora expedit esse, quam reliquæ apertiones; & ea quidem altiora duplò quam lata. Sic enim, & rationi respondent, & venustati: cum cæteroqui ingressus ratio poscat, vt liber, & commodissimus, quoad eius fieri poterit, ad interiora omnia aditus præbeatur. Et hæc de Fabrica ritè excitanda, quò salubris, firma, & longo tempore sit durabilis, dicta sunt. Quæ verò, ad decorem, & ornatum pertinent, aliò remittimus.

4 FACIES, ab hominum vultu, & primo aspectu, quem primario, & propriè denotat, ad rerum etiam inanimatarum primam speciem, quæ occurrit, significandam, per quandam similitudinem deriuata est: Hinc in Mathematicis sæpissimè, & multifariam vsurpatur. Et primò quidem in Architectura, pro templi, vel cuiusvis ædificij nobiliore, ac patientiore aspectu accipitur, quem alij *Pronaum*, alij *Frontem*, nos vulgò *Facciatam* vocitamus. In Acie etiam militari, primus ordo militum, qui hostem respicit, & quæ primò certamen iniitur, frons, & facies nuncupatur, Militari vocabulo ab nostris *Vanguardia* dicitur. In Geometria, corporum superficies, & primus figurarum aspectus. In Arithmetica, numeri, quos vocant Pronicos, & Radices Quadratæ, Facies audiunt; De quibus, eorumque miris proprietatibus agit Athanas. Kircherus in Arithmologia, cap. 2. & 4. omninò videndus. Denique in Astronomicis, Facies pro Almugæ, ac Decanatu Signorum supponit, vt alias dictum est.

5 FALX, & in plurali, FALCES, apud antiquos rei militaris Scriptores, erant bellica quædam arma, & instrumenta adinstar Ruralis falcis adunca, & in cuspidè præacuta, quæ contis, & longioribus tignis præfixa ad incidenda, & interturbanda hostium opera aptissima erant. Eorum vsum, & formam perbellè describit Diodorus Siculus apud Stevvechium, ubi agit de aliquibus stratagemmatibus, quæ à Phœnicibus aduersus Alexandri oppugnationis machinas, Tyrum obsidione cingentis, ingeniosè excogitata sunt, & ad opus adhi-




adhibita. Ait enim Historicus. Illi asseribus falces adnexæ erant, Arietum armamenta abscindebant, ne deinceps in quatiendo vires haberent. Confecerant etiam tridentes maximos, hamorum instar aduncos, quos in Macedones de turribus pugnantes, iniiciebant, cumque scutis infixi essent, funibus eosdem, quibus reuincti erant, ad se retrahabant.

Porro non in terrestribus solum, sed in Nauali potissimum prælio, huiusmodi falces adhibebantur: quarum subsidio, Collatorios funes, (vt inquit Vegetius, lib. 4. cap. 46.) quibus antenna suspenditur, repente præcidentes, collapsis velis, Liburnam pigriorem, & iuuilem reddebant. Has item Nauales falces describit Cæsar lib. 3. de Bello Gallico. Vna erat, ait, magno vsui res preparata à Nostis, falces præcutæ insertæ, affixæque longurijs, non absimili forma muralium falcium. His cum funes qui antennis ad malos destinabant, comprehensi, adductique erant, nauigio remis incitato, prærumpebantur: quibus abscissis, antenna necessario concidebant. Hisce affines erant Corui, & Manus ferreæ, quas excogitauit Archimedes Syracusanus aduersus Marcelli Classem Syraculas obsidentis, iam ad extremas angustias redactas. Nam, si quæ Nauis hostilis muro ita appropinquabat, vt eminens impeti haud posset, & sub eius umbra latens, veluti protegebatur; ipse tùm ferream manum (verba sunt Liuij) catena illigauit; quæ cùm prora iniecta esset, grauique libramento plumbi recelleret ad solum, suspensa prora, nauim in puppim statuebat; dein remissa, subito nauim quassabat, magna cum trepidatione Nautarum. Verum de his explicatius in V. Crus, & alibi.

FALAE, seu, vt alij scribunt, Phala, in re militari (quarum mentionem facit Veget. lib. 4. cap. 18. sed nimis obscure) sunt species quædam Machinarum ad oppugnandum factæ, quas alij notiore vocabulo Turres ambulatorias nominant, arietem comportantes, & alias probè hominibus, armis, & integumentis instructæ; vnde Festus, Fala; inquit, dicta ab altitudine, à falando, quod apud Hebræos significat Cælum. Hinc Falarica dicebantur cuiusvis generis missilia, ex ipsis falis, è desuper apertis fenestellis, immitri in hostes solita Falarica (subdit idem Festus) genus est teli missile, quo videntur ex Falis, idest ex locis extructis dimicantes. Cuiusmodi autem fuerit formæ & vsus, id genus missile, consultius remittimus ad V. Phalarica.

Nunc autem quod ad Falas attinet, frequens fuit earum apud Veteres vsus, at non eadem forma, nec ratio extruendi, vt videre est apud Cæsarem, Polybium, Ammianum, & alios. Namque aliæ erant compactiles, quas etiam in partes resolutas ad maiorem com-

moditatem, circumferre solebant in expeditionem cum reliquis bellicis impedimentis. Aliæ, ut turres lapideæ, firmæ semper in eodem statu, & solum id præ illis habebant, quod suppositis rotis, hæc illæque, facili iure comportabantur. Item aliæ maritimæ, quæ videlicet duplices, in puppi & prora, in nauibus erigebantur. Denique aliæ maiores, aliæ minores, de quibus affirmat Vitruv. lib. 10. cap. 21. quod istæ habebant decem tabulata, singulis partibus fenestrata, & erant lata cubitis septemdecim, altæ sexaginta. Maiores verò insurgebant in altitudinem cubitorum centum viginti, extendebantur autem in latum cubitis vigintitribus, & admittebant tabulata viginti. Quarum duplex specimen, ac typum habes pulchrè delineatum apud Stevvechium in Notis ad lib. 4. cap. 17. Vegetij.

9  Porro huiusmodi Antiquorum Machinæ, nostris temporibus non omnino in desuetudinem abiire, quibus in loco, & tempore vterentur Nostri ad importandam hosti perniciem: Quin potius longè ampliores, firmioresque, atque ad resistendum oppugnantorum ictibus validiores, excogitavit militaris Architectura ad summum perfectionis euecta. Quo in genere, memorabilis, & magnorum, sumptuum opus, fuit Machinæ illa, quam transacto sæculo, excitavit Antuerpienses ad celeberrimum illum Pontem Farnesianum, qui in magnas angustias redegerat Ciuitatē obsessam labefactandam, & funditus excidendum. Hanc Machinam seu ingens Nauigium, & tumido ac ventoso vocabulo (etenim, ut postea visum est, in eo sita Antuerpiensium spes in ventos abiit) FINEM BELLI, nominauere. Cuius descriptionem, & applicationem ad vsum, eleganti stylo persequitur Famianus Strada, secunda Decade lib. 6. de bello Belgico. Id erat, inquit, inuistata magnitudinis, & formæ Nauigium; cuius fundamentum pontonibus non absimile, trabibus in modum cratis ita contexebatur, ut relicta inter eas trabes spacia, à vacuis dolijs completerentur, sustinereturque facilius imponenda moles. Porro trabes, & dolia crassis, piceatisque, tabulis supernè constrata, planum carina solum aquabant, lateribus quaquaversum communis lorica impenetrabili, ac denso ordine muralium tormentorum. Super hanc verò Nauim, solido tabulato tectam, naui attollebatur altera in Castelli speciem; figuræ propemodum quadratæ, quæ Classiarij vehebantur circiter mille, sclopis plerique maioribus armati, præter eos, qui aut in inferiore occultabantur naui, aut in sublimium malorum corbibus, plumbeam velut è nubibus grandinem emissuri visabantur. In huius autem effectu Nauigij, quo nullum aut operosius, aut impensius Antuerpiæ fabricatum est, siquidem menses in eo septem infudatum, nec minùs centum florenorum millibus insumptum ferunt, haud dici facile potest, quantum fiducia reposuisse visi sunt

*sunt Antuerpienses; adeo circū portentosam illam, mobilemque Arcam, admirabundi, deque successu iam securi, nomen ei FINEM BELLI, instantius indiderint, & manere apud hostes confidentiam nominis consulto voluerint. Hucusque Strada de Machinæ huius apparatu, constructione, & forma, enarrans subinde quem finem habuerit, longe diuersum ab eo quem sibi auctores præfixerant, Finis belli. Etenim gloriosè incedens, irritò conatu, ad Ordamum applicuit, ac terræ ita firmiter inhæsit, vt nulla vi, nulla arte, dimoueri potuerit, proindeque ibi immobilis, ac planè inutilis manserit. Ex quo Antuerpiani, deiectis animis, viribus exhaustis, spe frustrati, & omni prorsus consilio destituti, deditionem tandem Urbis maturauerunt. Adeo magni ausus, & temulenta consilia (sic Deo superbiam hominum contundente) non rarò fallunt, & in nihilum cedunt. Sunt & alia id genus Machinamenta alijs nominibus compellata, De quibus in loco, vbi occurret sermo, dicemus.*

FALERA, ab equorum fortè phaleris, ob quandam similitudinem, nomine deriuato, in opere architectonico est lapis substratus stylobatæ vicem stereobatæ subiens, proiecturas habens puluinatas ad confidentium commoditatem. In eum sensum vsus est hoc nomine Tertullianus, ex recensione Iosephi Scaligeri; Sed Varro lib. 5. de Re Rust. videtur accepisse potius pro perpetuis illis, ac rudi opere, extructis murulis, qui infernè in porticibus apponuntur, seu etiam in extremis intercolumnijs; ad quandam veluti nexum, ac terminum; ita tamen, ac tantisper è terra eleuari, vt faciliè præteriri possint, & lumen introrsum illabens non impedian. Nomen in consuetudinem abiit, sed effectus mansit, & frequens vsus, vt passim videmus in Claustris Religiosorum hincinde dispositos, quos simplici, & vulgari nomine *Muricciolos* vocamus.

FARCTVRA. Vide *Infarcinatio*.

FASCIÆ in opere architectonico, dicuntur communiter excursiones quædam aliquantulum prominentes, & gradatim dispositæ, quæ apponi solent sub Zophoro in Epistylijs Ionici ordinis, & Corinthij; quæque mirum in modum exornant eorum frontes, atque inferius terminant. Tres omninò in vtroque ordine enumerantur, quæ in modum fasciæ pectoralis, totum opus veluti circumplectentes, colligant, atque stringunt per ordinem; & vt dixi, gradatim currentes, itaut vna sit alia maior, & prominentior, prout sursum locantur; vt videre est in Schemate quod produximus in V. *Epistylum*.

De

De his, hæc habet Vitruv. lib. 3. cap. 3. de Epistylj partium distributione. *Reliqua pars* (quæ videlicet est infra Zophorum) *præter cy-matium*, diuidenda est in partes duodecim; & earum trium fascia est facienda; secunda quatuor; Summa, quinque. Porro in Tuscano, & Dorico ordine nullam admittit: Sed Palladius, & Barozzius, (vti fastitatum à veteribus, obseruarunt) in illis duplicem fasciam, sed pressiorem agnoscunt. Has, & in antepagmentis benè locari, docet Vitruuius lib. 4. cap. 6. quas ibi *Corfas* vocat. Qua autem ratione, in diuerso opere, eas diuersis nominibus nuncuparit, Vide quæ diximus in V. *Corfa*,

- 12** FASTIGIVM, quamquam in communi acceptione, cuiuscumque rei summius partem, præsertim verò in ædificijs, denotat; arctius tamen in opere architectonico accipitur pro ea, quæ desuper in angulum terminat, & comprehendit Acroteria, Coronam, & in medio Tympanum constitutum. Hoc in Portis potissimè collocatur, ornatus & complementi gratia; alicubi triangulare, alibi arcuatum, vifitur, prout magis ad ædificij confert decorem, & venustatem. Quorum binas imagines exponit Philander cum suis præceptis ex Vitruvio desumptis, & explicatis: sed & plurimas vsque ad fastidium, Serlius in sua Architectura. Cæterum in longe ampliore, ac disparata admodum significatione, fastigij nomen accepit Vitruv. lib. 7. cap. 1. illud applicans etiam pauimentis; vbi de ijs hæc habet: *Nucleo inducto, Pauimentum è tessera grandi circiter binum digitum cava struantur, fastigium habens in pedes denos, digitos binos.* Et paulò ante iam dixerat de ipsis pauimentis: *Cum ea extructa fuerint, & fastigia extruções habuerint, ita fricentur, vti si scellilia sint, nulli gradus in scutulis, aut trigonis, aut quadratis, seu fauis extem.* Ex quibus profectò liquet, eum hic, non de summis fastigijs, quæ in tecto sunt, loqui; sed æquiuocè eo nomine usum, ad significandam certam decliuitatem, quæ in pauimentis, ad tectorum normam relinqui debet, vt aqua è pluuijs, aut tectorum stillicidijs cadens, ibi stagnans non maueat, sicque pauimentum corrumpat; sed præterfluens, in locum vnum colligatur, ex quo postmodum foras mittatur. Igitur pro fastigijs pauimentorum, extimam superficiem intelligit, vti hunc locum exponens, vertit Barbarus, itaut in decliue sint ducta, adhuc vt aqua viam inueniat ad exitum, sicque pauimentum intaminatum relinquat.

- 13** FAVCES in Angiportis agnoscit, & sibi complacet hoc nomine indigitare, Vitruuius (per quandam fortè analogiam, & similitudinem

nem faucium humani gutturis ) extrema illa latera , quibus angiportus , platea , aut vicus aliquis coarctatur , quæ vult non vteumque poni , sed ita , vt obuersa sint ventorum flatibus . Ait enim : *Cum platea contra directos ventos erunt conformata , ex aperto cali spatio impetus , ac status frequens conclusus in faucibus angiportorum , vehementioribus viribus peragabitur . Quas ob res , conuertendæ sunt ab regionibus ventorum directiones vicorum ; vti aduenientes ad angulos Insularum , frangantur , repulsique dissipentur . Verùm absolutè , & communiter , faucium appellatione in Geographicis passim vsitata , veniunt angustix illæ maris , & fluminum , vnde aqua exiens cum magno impetu , aut vtrò reciprocans , æstuat , & fragore personat litus , & riparum aditus . Foci nos vulgò dicimus . Quamquam apud quosdam Scriptores inuenio faucium nomen datum quoque ingressibus vallium , seu cuiusvis angusti aditus loci , vt est illud Poetæ Aeneid. 6. de infernorum locorum primo ingressu loquentis .*

*Vestibulum ante ipsum , primisque in faucibus Orci ,  
Luctus , & vtrices posuere cubilia curæ .*

FAVI in Architectura , dicuntur figuræ hexagonæ in pavimentis ad eorum ornatum positæ , è scælli marmore , ac varijs versicoloribus lapillis in varias item geometricas figuras abeuntibus ; vtputa , trigonis , quadratis , pentagonis , circularibus &c. prout passim videre est in Templis ac magnatum Palatijs : quæ si sine tota de quadrato marmore strata , græcè *Lithostrota* , latinè *Quadrataria* appellantur . Sed vbi faui , & aliæ figuræ minusculæ ingrediuntur , potiùs ad Musuariâ pertinent . De his vniuersim cauet Vitruv. lib. 7. cap. 1. quod nulli gradus in scutulis , aut trigonis , aut quadratis , seu fauis extant , sed coagmentorum compositio planam habeat inter se directionem : hoc est nullus lapillus promineat , sed omnis eorum coagmentatio in planam superficiem abeat ; idque , ne solum pedibus terendo , aut scopis verrendo , quisquam loco dimoueatur , sicque tota coagmentatio dissiliat , & dissoluatur . Dicti autem sunt hi lapilli in hexagonum secti , speciali nomine *Favi* , quoniam seriatim positi imitantur fauos apum , in quibus dispertitæ singularum cellulæ in hexaganam figuram è cera , magno artificio , ex Naturæ dictamine constructæ sunt ; ac tali ordine inter se connexæ , vt earum aspectus planum quid , ex figuris hexagonis compactum referant . Id quod negotium aliquando facessit Philandro ad huius nominis Fauorum , impropriam cæteroqui applicationem pavimentis lithostrotis à Vitruvio factam : sed cum alucaria nominis rationem edocuerunt . Nos cum quæreremus , inquit , quid hoc nomine significaretur ; incidimus in Apum

14

aluearia; contemplati sumus cellas sexangulas: cum intelleximus Vitruuium fauos dixisse pro frustis hexagonis; nam fauos, ut scribit Varro, est quem fingunt apes multicauatum è cera, cum singula cana sena latera habeant, quot singulis dedit Natura. Adeo vel in ipsis animalculis relucet practicum quoddam rationis lumen; & Geometriæ simul, atque Architecturæ professio!

## F E

- 15 FEMORA in opere architectonico, appellantur plana illa erecta, & prominentia, quæ apparent in triglyphis Epistylj Dorici, inter canaliculorum canitates, uti videre est in efformatione Epistylj Dorici: à Nostris *Pianetti*, & *Pianuzzi* nuncupati. Hæc tria in singulis triglyphis enumerantur, æquali spatio relicto canalibus, quos complectuntur; suntque hincinde inter Metopas constituta. Quorum dispositionem in Triglyphorum deformatione sic faciendam, docet Vitruu. lib. 4. cap. 3. Triglyphorum latitudo diuidatur in partes sex; ex quibus quinque partes in medio; duæ dimidia dextrâ ac sinistra designentur. Regula una in medio deformetur femur, quod græcè *Μῦπος* dicitur: secundum eam canaliculi ad normæ cacumen imprimantur: ex ordine eorum, dextrâ ac sinistra, altera femora constituentur: atque in extremis partibus canaliculi interuertantur. Cur autem hæc triglyphorum membra Femora specialiter audiant; puto ab similitudine humanorum femorum; eoquod in opere, velut hominis erecti femora, seu partes coarum anteriores, quodammodo referant.

- 16 FESTONES vulgò in Italia nominamus, quos Græci *Ενκαρπες*; sarta videlicet, & fasciculos, florum, frondium, diuerforumque pomorum aptè dispositorum, quibus in Festorum sollemnitatibus ornamus Templorum aditus, & loca conspicua ad celebritatis indicium. Hos ab Agricultura mutuò accepit Architectura, atque effinxit, scalpfitque in marmore, ad cohonestanda sparsim Epistylia, Columnarum capitula, & Fastigiorum prætenturas atque cavitates, in Ordinibus præsertim Corinthio, & Composito: de quibus passim sermo reincident suis in locis.

## F I

- 17 FIBVLA primariò supponit pro ferreo illigamento, quo aliquid arte stringitur; uti in calceis, thoracibus, ac renum cinctorijs, ad ad subligandam ac detinendam tenaciter togam, clamydem, gladium &c. vulgò apud nos, *Fibbia*. Per translationem verò sumpta, est in opere architectonico, ad significandas colligationes tignorum in tectis: quod fit, siue ferreis subscudibus, siue taleis ligneis in capite vstulatis. Vnde Vitruu. lib. 10. cap. 2. *Tigna*, inquit, *trja ad*



onerym magnitudinem ratione expediuntur, & à capite fibula coniuncta, & in imo diuaticata. Et lib. 1. cap. 3. eandem ad parietes applicans, ait: *Vti vtræque muri frontes inter se quodammodo fibulis, taleis colligata, æternam habeant firmitatem: Vbi Philander: Est autem Fibula, (subdit) veluti axiculus, siue subscudicula, aut claniculus, quo traiciuntur tignorump capita, ut duci possint, quo imæ partes diuaticentur.* Turnebus autem lib. 3. cap. 6. ita explicat. *Sunt vincula, & veluti clauis, quibus tigna inter se, vel arbores connectuntur, & infra: Fibulas, (inquit,) interpretor copulas, & paxillos, quibus trabes ad tigna fixæ tenebantur.* Consonat Casar lib. 4. de bello Gall. vbi Pontem illum famosum ab se ad Rhenum iactum, vtramque ripam nectentem, & liberum Exercitui transitum ab vna ad alteram ripam condonantem describens, de fibulis, & earum vsu ita loquitur. *Vtræque (tigna videlicet) bipedalibus trabibus immixtis, quantum eorum iunctura distabat, binis vtrunque fibulis ab extrema parte distinebantur.* Pro fibulis, ligneas anchoras, interpretatur hic Scaliger; nec dissentit Lipsius, qui ad finem concludit: *Ergò in Casare vtrinqve binæ fibule, sunt Talca duæ dura, firmæ in caput quodcumque trabis immixtæ: duæ inquam; interior vna, & altera exterior.* Has trabium, & murorum fibulas, *Clauis, & Morfas* vulgò vocamus.

FISTVCA familiare Pauitoribus instrumentum, ad figendum in terra palos, & sublicas; vel certè ad solidandas complanandasque areas, & pauimenta, vnice factum. Ea in duplici genere est, vt notauit etiam Plinius lib. 36. cap. 25. Alia magnæ molis, quæ palationibus inseruit, ac trabali Castello innititur, vtrunque ansata, & ferrato capite; quæque in sublime elata, & vicissim remissa, pondere suo in subiectum corpus irruens, illud profundè in terram adigit, immittitque; siue id in sicco fiat, siue in stagnantibus aquis, & in fluminis decurrentis alueo, ad palificationes: cuius adminiculo quotidie vtuntur Veneri, ad pedamenta ædificijs subiicienda, supra quæ postmodum extruções adornant firmissimas, nunquam temporis aut materiei debilitati cedentes. Hanc illi vocant *Becca, & Battipalo*. Alia leuior & simplex, alto manubrio, & lato pede constans, quam Nostrates *Lucernarij pedem*, à formæ similitudine appellant. Et hac vtimur ad pinsanda, constipanda, & complananda pauimenta: vnde & *Fistucatum solum* legitur apud Vitruu. lib. 7. cap. 4. pro *Area exæquata*. Prioris deformationem habes in Philandro, in notis ad dictum locum.

FL

FLEXAE apud Geometras vniuersaliter audiunt quæuis non re-

N n

Etz

*Et* Lineæ, hoc est, quæ obliquæ, & sinuoso quodam ambitu, quouis modo progrediuntur, siue circulares sint, siue circuli sectiones, & arcus; siue spirales, siue conchiles: vno verbo, quæcumque in directum non protenduntur. Ex his aliæ, quæ ex superficie alicuius sectionibus generantur, vt in Conoide, Parabola, Hyperbole, & Ellypsi; & istæ nullatenus per motum puncti, & lineæ, in plano explicari possunt. Aliæ sunt, quæ ita ad planum hærent, & cum eo connexionem habent, vt in plano solum describi petant, & ad corpus nullatenus referantur, aut transferri possint. Tales sunt Conchois, Asymptotæ, & huiusmodi. Aliæ sunt, quæ in plano, & in corpore solido æquæ describi possunt per varias eorum sectiones, vt Circulus, qui tam in plana superficie, quam in globo, optimè circumduci potest, sicut etiam Ellypsis, quæ tam in plano, quam in solidis Conis, & cylindris delineatur per motum lineæ circa angulum rectum, aut constitutis in plano duobus Conis sese ad verticem tangentibus. Aliæ denum, quæ licet corporum sectiones non sint, in solis tamen corporibus rotundis, aut vtrumque inæqualis superficie ac gibbosis, inscribi petunt; vt Helix cylindro, vel Cono circumuoluta, quæ essentialiter poscit illud subiectum, adeò vt in plano describi nulla ratione queat. De quibus singulis earumque natura, & conditionibus, enucleatiùs suo loco.

20

FLOS in Architectura intelligitur esse ornamentum illud, quod in ordine Corinthio & Composito, tum sparsim in Epistylis, tum potissimum in Capitulis Columnarum, insculptum videmus in speciem floris exurgentis in medio supra cauliculos, & flexuras foliorum acanthi, immediatè sub abaco. De quo ritè constituendo, & efformando, hæc præcepta tradit Vitruu. lib. 4. cap. 7. *Flos*, ait, *tantam habeat magnitudinem, quantam habuerit in summo columnæ Capitulum, præter pyramidem.*



Siquidem supra tholum effingebatur olim Pyramis, supraque pyramidem flos ad complementum visus, adiiciendamque operi maiestatem. Huic profecto, vt testatur Barbarus, appendebantur vota, adeoque Capitulum æquabat, inque pyramidem desinebat: quemadmodum videre licet in quibusdam nummis Neronianis, in quibus apparet, supereminere pyramidem. Quod postea Bramantes nobilis Architectus sibi assumpsit, & expressit Romæ, in Aedícula Principi Apostolorum, in Monte Aureo dedicata, in eo præcisè loco, vbi idem Apostolus Cruci affixus est. Sed quod ad Florem attinet, (de quo nunc nobis sermo) is quadruplex in singulis Capitulis collocatur, iuxta quatuor frontes, scilicet latera abaci capitulo superimpositi, vnusquis-

quisque singulis eius sinuatis frontibus respondens, itaut in medio supra volutarum helices sibi occurrentes & mutuò obuersas, emineat aliquantulum inclinatus. Verùm id facilius est oculis intueri in columnationibus quibusque obuijs, quàm verbis exprimere, aut stylo in chartis delineare.

FO

FOCVS in Mathematicis, præcipuè in contemplatione Sectionum Conicarum, est Punctum illud, quod se habet veluti Centrum, in quod omnes lineæ rectæ à superficie Conoidis per directum incidentes, coadunantur & terminant. Inde denominatum quòd in speculis vitorijs solares radij in illud concurrentes, & condunati, ignem eliciunt. Qua etiam ratione dicitur Sectionis *Polus, Vmbilicus*, &c. In Parabola vnus est; punctum videlicet axis intrâ sectionem, distans à vertice per quartam partem Parametri. In Hyperbola verò, atque Ellypsi, duplex; alter intrâ sectionem in Hyperbola alter extrâ. In Ellypsi, vterque intrâ consistens in axe, seu diametro transversa, distans ab huius extremis per lineam rectam, cuius quadratum æquale est rectangulo è segmento axis, & Parametro confluenti, cum certis conditionibus, vt suo loco videbimus. Interim, quod ad Focum attinet, illum, siue illos definire; in subiectis figuris Hyperboles, & Ellypsis, manifestum fit.



Siquidem, si in vtriusque axe transverso B.D. concipiatur applicatum rectangulum æquale quartæ parti figuræ: itaut in Hyperbola, superet ipsum axem transversum B. D. per vnum quadratum, cuius latus sit B. E. Punctum E. erit vnus ex Focis, qui dicendus venit interior. Iterum autem idem rectangulum applicatum ad prædictum axem, itaut illum superet per quadratum, cuius latus sit D. F. Punctum F. erit alter focus, quem dicemus exteriorem. In Ellypsi autem, si eodem modo concipiatur Rectangulum æquale quartæ parti figuræ applicatum axi; ita tamen, vt ad complendam rectam B. D. deficiat per quadratum, cuius latus sit B. E. aut D. F. Puncta



D.C. quæ secet B.A. in F. & ex puncto F. ducatur perpendicularis F. E, quæ occurrat peripheriæ in E. & iuncta G.E. ducatur tandem E.L. ad angulum rectum supra G.E. quæ producta occurrat lineæ meridianæ itidem prolongatæ in L. Erit porro punctum L. focus Hyperbolæ A.P.Q. inscribendæ circa A.L. & dicta A.L. axis transuersus, atque distantia à vertice A, cuius æqua pars sumpta ex aduerso B.M. in sectione opposita, Focus erit punctum M. competens alteri Hyperbolæ correspondenti primæ supernè descriptæ, nempe N.B.O.

Pro Ellypsi, sit meridiana A.B. atque etiam diameter circa quam illa sit describenda: cuius pariter inquirimus focos. Stylus eam describens X.Y. Sitque eodem modo ducta C.D. existente R.C. eleuatione Aequatoris: & H.I. parallela ad C.D. quæ est declinatio paralleli. Producat deinde H.I. vsquedum occurrat meridianæ prolongatæ in F. & à puncto F. ducta tangens F.E. cadat ab E. super A. B. perpendicularis E.L. Dico, quod punctum L. est Focus Ellypsis, quæ describitur ab apice styli seu umbra, dum sol percurrit parallelum declinantem ab Aequatore, quantum est arcus H.C. in data poli eleuatione. Quam sanè Ellypsim exhibent duo arcus A. N. B. & B. O. A. descripti circum A. B. quod est aggregatum umbrarum meridianarum supra duos focos L. & M. Cum eadem distantia debeat esse ab M. in B. quæ est à puncto Foci L. ad verticem A.

Similiter in Parabola: Sit linea meridiana A.B. & in plano horologii londitudo styli X.Y. ad angulum rectum perpendicularis ad A. B. Describatur postea circulus C.D.E.X. circa centrum Y. in quo ducatur C.D. parallela ad A.B. & assumpto à puncto C. arcu E.C. ducatur E.Y. quæ sit producta in A. Tum sumpta Y.A. extendatur Y.C. vsque ad F. quoad Y.F. æqualis fiat Y.A. Et à puncto A. ducatur linea pertingens ad F. quæ medium secet styli longitudinem in H. atque ex H. ducatur perpendicularis H.Y. ad E.A. Dico quod punctum I. sit focus Parabolæ describendæ circa diametrum A. B. existente A. apice, & A.X. Umbra meridiana terminata; vti X.B. est interminata. Id totum contemplari licet in exhibitis supra figuris.


FOCVS etiam in Speculis, ac vitreis Lentibus, intelligitur esse concursus linearum visualium, seu radorum, ad certum punctum, in quod omnes à peripheria procedentes conueniant, & vniantur. Hic autem duplex concipi potest, alter verus, & realiter existens, alter fictus, & imaginarius. Realis extans est, in quo verè, ac realiter interfecantur lineæ visuales. Fictus est in quo non equidem interfecantur, seu vbi actu non faciunt angulum; sed vtique facerent, si versus illam partem lineæ ipsæ productæ vltèrius emanare conciperentur.

Item

Item alius est focus partialis, alius totalis. Partialis est qui producit per concursum linearum emanantium ab uno aliquo puncto obiecti. Totalis est qui componitur ex pluribus eiusmodi partialibus. Et ad hunc postremum significandum applicata fuit primum, ea vox *Focus*, eoquod per hanc collectionem radiorum solarium in hunc locum, fieri potest combustio. Quare basis distincta nihil aliud est, quam prædictus Focus totalis, in quem omnes radij colliguntur.

In qua re explicanda, plurimi hallucinati sunt, ut acutè aduertit P. Eschinardus in sua Centuria Optrica: ubi etiam errorem irrepsisse ait ex diuersitate sententiarum, in quas abeunt Anatomici ergà constructionem Oculi. Nam alij enunierant in eo tres tantummodo tunicas; alij verò dignoscunt omninò septem, ac tres humores. Quæ discrepantia sententiarum oriri potest partim ex ignorantia, partim ex confusione terminorum. Etenim, quamquam omnes probè norunt, & ex recentibus maxime experimentis compertum habent, verè oculum septem tunicis constare; videlicet Cornea, Sclerotide, Vaea, Aranea, Choroide, Retina, & Saloide (quas inter aliqui probabiliter admittunt Octauam, processus nimirum ciliares) attamen quidam, ut breuius se expendiant, tres tantum, easque præcipuas in considerationem assumunt, Corneam, Choroidem, & Retinam. Alij verò, ut dixi, id faciunt ex mera ignorantia, eoquod non est ita facile distinguere prædictas septem tunicas, & eas ab inuicem separare. Et sanè id non omnium est, sed longe instructissimæ, & experientissimæ Anatomici, ob eorum nimiam exilitatem, & adhæsiouem vnus ad alteram. Quemadmodum se agnouisse testatur idem P. Eschinardus, Ioannem Trullum Anatomicum excellentissimum, qui in Collegio Romano coram pluribus Patribus Iesuitis conuenit, ad faciendam sectionem oculi tum humani, tum ouini, quod felicissimè præstitit, & assequutus est, eas ab inuicem separando, ac spectabiles exhibendo, suo quamque nomine illas compellens, Demonstrat igitur præfatus author pag. 16. secundæ partis Centur. id omne in subiecta linea, & statuit propositionem vniuersalem, alioqui nouam, sed veram & vtilissimam, quæ est huiusmodi.

In præfata linea A. L. pro lentibus planoconuexis.



Sunt in continua proportionem A. S. (quæ est distantia obiecti à lente) dempta S. D. Diametro sphæræ lentis, ipsa diameter S. D. & D. K. quæ est distantia foci à lente, dempta hinc diametro. Quod pariter ostenditur in speculis sphæricis, mutata tantummodo diametro



tro in quartam eius partem, Plura, nec minùs vtilia, quam curiosa in hoc genere exhibet idem Auctor in sua Optica, quæ contemplari in lucro erit. Nobis indicasse sat est.

FORFEX, seu *Forceps* imprimis accipitur à Vitruv. lib. 10. cap. 2. pro ferreo quodam instrumento ad arripienda, & sursum eleuanda onera, satis idoneo, quod ad modum cæsorix forficis habet hinc inde duas regulas, quas simul necit ferreus item axiculus, seu vctis teres vtrinque capitatus, leniterque inditus, vt ad præhendendum, esset facilis, atque ad retinendum fortis, ac validus, indeque postea, prout res postulat diuaticatis brachijs relaxare. Quod ideo aliquando prædictæ regulæ, seu brachia dentata sunt, & in extremis aliquantulum introrsus recurvæ, atque acuminata, quò res apprehensas mordicus teneant, nec facile dilabantur; pari effectû, etsi dispari forma, ac prædictum, est illud aliud instrumentum fabris ferrarijs, valde familiare, illud in manibus continuò habentibus ad sua opere perficienda, quod nos vulgò *Morsam* vocamus. Benè verò aduertit Philander, eiusmodi instrumenta arreptoria Forcipes veriùs appellanda esse, quam forfices. *Istis enim*, (subdit) *incidimus, aut tondemus; illis vero ad focum utimur, aut calidum ferrum in fornacibus, & tenemus & versamus, Tenaculas* (Tenaglia nostris) *atenendo vocantes. Quare ad distinctionem forficis nomen, à cæsorio instrumento ad significandam certam militaris agminis dispositionem, translatus crediderim, quò ideo ob formam, forfex non forceps dicendum est.* Huius autem peculiarem notionem, omnibus promiscuè arreptorijs instrumentis, & machinis applicatam relinquerem. Itaque

FORFICES in re militari sunt in explicata acie illi bellatorum, cunei, qui ità, diu actû conferunt manus, ordinantur, vt in V. litteræ formam abeant, lateraque Cunei figuram, vt aliàs nominatur, præferant. Hæc enim ità explicata acies olim, teste Vegetio, ex lectissimis, fortissimisque militibus componebatur, hostique se obiecitabat, quem mox intra se recipiens, facta conuersione, hinc inde ex vtraque parte stringebat: quò fiebat, vt ille in angustijs positus, neque arma liberè tractare, neque se explicare, aut discurrere valens haud dubiè interneccioni exponeretur. Huius probatum effectum ab Romanis in congressu cum Alemannis describens Ammianus lib. 16. hæc habet. *Cogitatum est sollicitèque præstitum, vt senientes ultra solitum Alemanni, vagantesque fusiùs, multitudine geminata nostrorum,*

*Forficis specie truci in angustias, cederentur: Sed & diminuto, nescio qua ratione, nomine,*

28 **FORCIPVLA** in Architectura militari denominatur Munitionu-  
la quædam, siue circa obsessam urbem à Defensoribus in prætentu-  
ris, ad arcendum hosti aditum, siue ab aggressoribus in Castrorum  
sepe frequenter excitata, ad eorum tuitionem. Quæ proinde ad for-  
cipis formam extructa est, & ab eo nomen accepit, *Tenaglia* à No-  
stris communiter appellata. Habet enim duo latera angularia ad-  
uersus hostes exporrecta, quæ duabus item alis in interiora vergenti-  
bus, in angulum coeunt, similis omnino Cornutis operibus, nisi quod  
propugnaculis caret. Huius delineationem exhibuimus in V. Arx.

29 **FORNIX** in opere architectonico, quævis Constructio concame-  
rata dicitur, quæque non tignis, ac trabibus in planum paral-  
lelum, perficitur; sed cuneatis lapidibus simul adductis, in arcum  
ponitur; itaut exinde tota simul ex se subsistat, nec opus habeat ful-  
cris, & sustentaculis ad consistendum, sed ipsi lapides, vel sibi dis-  
cordes & contranitentes, inuicem fulcro sunt, ac (veluti Cælum  
contrarijs siderum motibus imitantes) in obliuentia, & contrarie-  
tate, consistentiam, & firmitudinem habeant. Vnde est illud An-  
næi Senecæ eorum effectum ad moralia desolentis, ep. 95. ad Lu-  
cilium *Societas nostra, inquit, lapidum fornicationi similis est, quæ ca-  
sura, nisi inuicem obstarent, hoc ipso sustinetur.* Noninis etymon  
obscurum satis est, & communiter à furuo, hoc est atro, deriuant;  
eoquod fornicata istiusmodi loca, furua & subobscura esse soleant;  
quo sensu antra, & specus à natura in fornicis morem excavata,  
furua dixit Ouidius, Metamorph. 5.

*Ex Acheronte suo furuis peperisse sub antris.*

Sed quod ad rem attinet; Fornix ex continuatis arcibus com-  
pingitur, Natura eius specimen exhibente in arcuatis animantium  
costulis, quibus totum internum pectus, ac viscera proteguntur, &  
quasi superinducto corio, corporeæ molis fabrica construitur, & ob-  
firmatur. A qualitate autem arcuum quibus fornices adaptantur,  
hi denominationem accipiunt, atque diuersitatem. Etenim arcus  
aut sunt recti, & integri, qui videlicet mediam circuli partem inte-  
grant, quibus pro chorda ipsa est diameter; aut comminuti, cui  
chorda est extra centrum, & minor diametro; aut compositi, qui ex  
duobus comminutis exurgunt in angulum, terminantibus in media  
distantia: Ad horum igitur rationem conformantur & fornices: Et  
quia

quia ex diuersitate coitionis arcuum, diuersæ etiam concamerationes resultant, idè diuersæ Fornicum species. Aut enim continuata serie, arcus in longum producentur, quales fieri consueverunt in Hypogeis, & Cryptoporticibus; & hi Fornices absolurè dicuntur. Aut sese inuicem secant, & quadrifariam camerationem constituunt; quam ab similitudine animantis vocant *Testudinem*. Quodsi arcus ipsi complures, & cœquales mutuò conuenientes, in puncto ad centrum perpendiculari sistant ac finiant, tum demum *Hemisphaerium*, (quod apud nos vulgo *Cupula*) appellabitur. Sed hæc diuersitas potius ab arcibus suprâ quas eriguntur, quàm ab arcibus, qui arcuum naturam sequuntur, & induunt, emanauit. De qua re videndus est Philander in cap. 3. lib. 7. Vitruu. & Leo Albert. de re ædificat. lib. 3. cap. 13. & 14. Nunc autem quouis modo consideretur superinductus Fornix, eius structura est planè admirabilis, quam suprâ, à Natura, edoctam fuisse Architecturam diximus: & confirmat Galenus de vsu partium lib. 8. Naniq; assurgere lapides ex aduerso, in vnum conuenire, & altero in alterum contranitente, libratis viribus sistere, esseque sibi mutuo fulcimento, mirabile sanè est: *ut tam paterni oporteat* (subdit Albertus) *arcum ipsum cuneorum plusculorum compassione constare, quorum alij capitibus infimis ad arcum ipsum subsideant, alij ad dorsum insidentes, nodum spinæ obtineant, aliqui reliquum compleant ambitum costarum*: eâ prorsus methòdo, quâ natura testudinis tegimen, & reliquorum animantium corpora fabricauit. *Tota demum* (concludit Albertus) *in testudine, utcumque illa sit, naturam imitabimur; quæ quidem cum ossa adiunxit ossibus, tum & carnes ipsas intexuit, villulis nexura per omnes diametros interductis in longum, in latum, in profundum, in obliquum*: hoc nobis artificium natura, lapidibus interferendis, ad testudines imitandum censeo. Igitur ad arcuum normam dirigenda est fornicum ratio: & si ij quidem integri sint, hoc est, in perfectum semicirculum abeant, itaut eorum extremitates immediatè parietibus innitantur; cùm chorda tunc sit ipsa diameter; coipso ex se subsistant, vnde nulla alia chorda opus est, ut in orbem abeant: proindeque tota concameratio abique vllò nexu recurrat, seseque partium connexionè, naturæ ordine tueatur. At si imminuti fuerint arcus, aut compositi; cùm corda, vel suprâ, vel infrâ diametrum concipiatur, quò extrema parietibus illigentur; ferrea catena, quæ cordæ vicem subeat, firmari debent, ac stringi, sicque partes in officio contineantur: Id quod in fornicibus lunulatis, qui necessariò delumbati forent, necesse est obseruare, parietum extensiones hinc inde firmando, itaut non breuiiores illæ sint, quàm quibus comminatus qui deest ambitus suppleri, & integrari queat.

**Q**uod ipsum nunquam neglexisse veteres Architectos, notat idem Albertus, qui comminutos utcumque arcus, ubi id licuit, nunquam non intra parietum latera integrarunt. Ceterum eorum austruendorum eadem ratio seruanda est, quæ in parietibus erigendis; nisi quod in pariete lapides omnes ad rectam regulam, siue ad normam, & libellam coagmentantur, vniue alijs superponuntur; in Fornice, verò lapides cuneati ad flexam regulam, ut omnes ad sui arcus centrum respondeant, diriguntur: aliàs ossatura integra Fornicis ad summum usque fastigium, ex ossibus parietum debet insurgere, & pro illorum methodo isthic imposita producat, sicque ab ossibus ad ossa illigamenta tendunt, & media complementa tumultuario lapide infarciuntur. Atque hæc est ratio construendorum Fornicum: quæ, si rectè secundum tradita præcepta ineatur, non est vnde sponte dissolui possint, periculum insit; nisi forte singas cuneorum alterum alterum premere, atque ideo extrudere; quod tam longè abest, ut vnum potius alteri pressione firmamentum sit, & sustentaculum. Plura de hac re apud citatum Albertum, & fusiùs apud De-Cales in sua Architectura.

**31** FORTATILLIVM apud mediæ, & infimæ notæ Scriptores, & etiam nûm à Militaribus viris dicitur Munimentum stabile, numeris omnibus ad sui propugnationem, & hostium offensionem instructum: à fortitudine sumpta denominatione. De quo fusè dictum in V. *Arx*.

**32** FORVM communiter appellat spatiosum in Vrbe, & cunctis patientem locum, ubi sedes iudiciorum posita est, & quò Ciues indiscriminatim conveniunt ad ius accipiendum, & controuersias dirimendas: vnde & *Forum aperire*, & *Forum indicare*, & *Forum agere*, passim inuenies apud exacti æui Scriptores. Nimirum, *aperire* dicebantur Prætores, qui locum, & tempus designabat ad contestandas lites; *Indicare* erat Iudicum & Magistratum, qui litigantes citabant ad ius audiendum: & *agere* spectabat tam ad Iudices, quam ad ipsos litigantes, qui causas agitabant, & eò conueniebant ad iudiciorum sententias, siue dandas, siue accipiendas. Et hæc est primaria, & antiquior vocis significatio. Postmodum, ex confluentia populorum, opportunitate, & publicitatè loci; & negotiorum multitudine, quæ inibi agebantur, factum crediderim, ut ad significandum quoque publicum Mercatum, ubi mercatores venales prostabant, & commercia exercebantur, *Fori* vocabulum traheretur: cuiusmodi plura legimus fuisse Romæ, quæ à rebus ipsis

ipsis venalibus ibi expositis denominata erant; uti Forum Boarium (quod etiamnum appellationem, & usum retinet.) à boum compositione, Forum Piscarium à piscibus, Frumentarium à frugibus, (nunc Campus Floræ) Agonale de omnibus promiscue mercimonijs, &c. Hinc extensum ad Nundinas, loca videlicet publica, in Prouincia, ubi Nundinæ ex omnium mercium genere aperiebantur, & quò Mercatores vndique ex Principis indictione, & vectigaliū indultu, ad commercia conueniebant. Id quod certatim postea nonnulli, lucri, aut nominis captandi gratia, in suis quisque prædijs, ac municipijs fieri procurabant; quemadmodū de Claudio refert Suetonius, cum *Ius Nundinarum in priuata prædia à Consulibus petiisse*. Et, de nescio quo, scribit Plinius Iunior in Epist. ad Valerianum, *Virum prætorium à Senatu contendisse, ut sibi instituere in agris suis nundinas permitteretur*. Et inde factum est, ut pleraque Oppida in Italia præsertim, *Fori* nomen nanciscerentur, atque ab eo, in cuius fundo nundinas celebrari datum erat, agnomen acciperent: ut Forum Liuij, Forum Iulij, Forum Sempronij, &c. Quanquam Sigonius lib. 2. cap. 15. de Antiquo iure Italiæ, existimat, quod non à iure nundinarum, sed ab suis conditoribus, vel certe subactoribus, aut à iurisdictione, quam in ijs exercebant constituti Prætores, & Curatores Romani Imperij, nomen habuerint. Quod equidem ambitiosum, & solenne erat Romanis proceribus gloriæ cupidis, & immortalitatem nominis affectantibus, ubi fortitudinis, æquitatis, munificentiae, aut rerum præclare gestarum laudem consequuti essent, de suo nomine appellare: ut de Foro Cornelij in specie, testantur Historici, eoquod Cornelius Sylla, post victum Carbonem exercitumque eius pessumdatum, in ijs finibus urbem condidit, quam postea ab eius nomine appellatam fuisse scribit Liuius. *Sylla Forum*, inquit, *statuit Cornelius: hoc Itali Urbem vocant ab ipso Conditoris nomine*. Quod idem de plerisque alijs Foris videtur esse iudicandum (subdit Sigonius) *quæ à principio ad usum, vel iuris, vel nundinarum instituta; post incolarum numero aucta, testis frequentata, Oppidi formam accepisse, ac Fori tamen nomen, pristino iure amisso, ac meliore alio pacto videatur usurpasse*. Cæterum aduertit, apud Romanos distincta fuisse loca nundinarum, & iuris; & alia, in quibus ius diceretur, alia, ubi nundinæ agerentur, ipso Liuiio teste, qui ait: *Ex vicis, partim habuisse Rempublicam, et ius dictum; partim nihil eorum, & tamen ibi nundinas actas*. Sed quidquid sit de antiquo Romanorum ritu; certum est huiusmodi Fora, hodie in plerisque Ciuitatibus esse distincta: & alia esse quæ ad Mercatum, alia quæ ad ius dicendum, seu ad Comiticia celebranda sunt deputata; ut Veronæ, Capuæ in

Patria mea, Neapoli &c. Et Neapoli quidem Ciuitate Regia, & Principe totius Regni, plura Fora sunt ad ius dicendum: alia in quæ omnia iudicia reducuntur, & in his nil vile, nil venale prostat, sed solum iudicia peraguntur: ad quod constitutus est locus amplissimis aulis distinctus, in magnifico, & Publico Aedificio, quod communi nomine appellant *La Vicaria*, eo quod diuersi Iudices, & Magistratus, inibi, vice Regis, populis causam dicunt. Alia nobiliora, ac tantum Comitibus destinata pro diuersis Nobilium ascriptorum Ordinibus, quæ vocantur *Sedilia* numero Sex, nempe Capuanum, Nidi, de Montagna, Portus, & Portæ nouæ, pro Patrij; ubi singuli Ordines, pro sua quique authoritate congregantur ad consultandum, & ferenda suffragia, in his quæ publicam Regni administrationem attinent: Et Sextum pro Populo, & Plebiscitis, ubi suas etiam actiones faciunt, in his quæ pertinent ad annonam, & alia minora munia Ciuitatis.

Et hæc quidem omnia magnificè extructa, præclaræ Urbis, & suorum Ordinum, nedum authoritatem, sed & munificentiam patefaciunt, quæ itidem *Fora* dicuntur, vernaculè *Piazze*. Et quoad *Fora* venalia, ob Urbis amplitudinem, & incolarum copiam, multis in locis aperta sunt, quæ in nihilocum illis conueniunt, sed tantum plebi, & rerum ad victum facientium emptoribus, ac venditoribus, patent. In quibus amplissimum, & frequentatius est quod antonomastice nominant *Il Mercato*, in area ante Sacram Aedem D. Mariæ de Carmelo stratum: memorabile & ipsum, ac famosum, ob violenta iudicia inibi facta, & Tribunal suscitatum in eo, elapsis annis seditionis, tyrannicè constitutum.

De Fori in loco apto constitutione, & partium rata distributione fusc agit Vitruuius lib. 5. toto cap. 1.

- 35 FOSSA, peculiari attributionis nomine, appellatur in Militari Architectura quoddam munimentigenus, circa Urbem vel Castra positum, seu veriùs excauatum, effossa altius, humo, & ad lorica erecta, ad prohibendum hosti accessum ac repentinam inuasionem. Vnde Vlpianus, *Fossam*, dicit, esse receptaculum aquæ manufactum ad Castra, Oppidaue munienda. Benè tamen verum est, quod non semper fossa oppletur aquis, sed multoties sicca relinquitur, vel ex necessitate, ubi nulli amnes vicini sunt, è quibus aqua deriuari possit; vel Architectorum electione. Et quidem magna controuersia inter illos est, & adhuc lis pender sub iudice, nùm præstet magnis Urbibus, & arcibus munitissimis fossam habere circum aquis plenam, an siccam: utrumque enim uerò habet sua commoda, & incommo-  
da,



da, vt benè aduertit Fritach, in sua militari Architectura, quæ nos alibi considerauimus. Cæterùm alia est ratio producendæ fossæ circa Arces, & Oppida, alia in Castris; eoquod hæc, utpote non perpetua, minusque obnoxia aggressionibus, minus operæ efflagitent, quàm munitiones stabiles, ac fortissimæ, ad quas expugnandas omnis hostilis conatus impenditur. Quamobrem benè monet Vegetius lib.4.cap.5. *Fossa ante Vrbes latissima, altissimaque faciendæ sunt, ut nec facillè possint coaquari, replerique ab obsidentibus; & cum aqua caperint inundari, ab aduersario cuniculum continuari, minimè patiantur.* In Castris verò fat est, si fossa tanta excauetur, quantam tempus, & locus permittit, ac timor ab hoste, & propinquitas ad eius stationes suadet. Quocircà non eadem semper mensura percutitur, sed modò latior, modo pressior, prout præsens necessitas urget; vt ex antiquioribus agnouit quoque Polybius. Generaliter tamen, quando aliàs licet, tumultuaria excitatur, quæ sit lata, (inquit Veget.) *pedes nouem, alta pedes septem: Sed ubi (subdit) vis acrior imminet hostium, tunc legitimâ fossâ ambitum conuenit munire Castrorû, itaut duodecim pedes lata sit, & alta sub linea, sicut appellant, pedes nouem.* Suprà autem sepibus hinc inde factis, quæ de fossa egesta fuerit terra congeritur, & crescit in altum quatuor pedes: sic fit, ut sit tredecim pedes, duodecim lata. Porro legitimam vocat, à tumultuariaque discriminat, quæ pensatè & secundum leges Architecturæ militaris initur. Qua de re, vide quæ habent huius artis Scriptores, præsertim Herigonius, & laudatus Fritach.

FOSSVLA item altera minuscula, profundior, ac tortuosa in medio magnæ fossæ, quæ circa Arces posita est, excauari ad maiorem tuitionem debet; quæ aquis semper plenâ sit; siue illa, & ipsa aquas admittat, siue non: Namque hæc semper necessaria est, & vnicè accommoda, tum ad præpediendum aduentantem hostem, tum ad interceptiendum fossoribus inter ad cuniculos agendos, & profecquendos. Hæc militari vocabulo appellatur *Cumetta*, de qua nonnulla suo loco diximus.

FR

FRETVS in Geographicis appellantur maris angustiz, quæ duos inter Terræ Continentis aut Insulæ sinus, constituuntur: quales sunt quæ inter Aegæum mare, & Propontidem, septem stadiorum spatium, Asiam ab Europa discriminant, dictum propterea Fretum Hellesponticum. Item Gaditanum, inter Abylam, & Calpen Promontoria, hoc ad Lusitaniam, illud ad Africam pertinens: vti etiam in Italia, Siculum, inter extremos Calabriz fines, & Messanam, celeberrime

lebre Siciliæ Emporium. In his aquarum fluctus ita intercluduntur, ut non habeant liberum expatiendi alueum, unde est, quod vehementius agitantur, & feruent; atque ex hoc feruore nomen, *Freti* hausisse vult Varro. Quod in causa est, ut hæc loca infamia sint, & nauiganibus ominosa; quippe frequenter inibi naufragium patiuntur. Apud nos, expressiore vocabulo vniuersaliter, *Strictum* dicitur, & quale sit, ab adiuncto dignoscitur; ut in Asiæ, & Europæ confinijs, *Stretto di Gallipoli*, in Lusitania *Stretto di Gibilterra*, & sic de singulis.

**38** FRONS in Architectura, generaliter indicat eam ædificij partem; quæ primo sese contemplantibus obijcit; siue ea totius nobilior facies sit, siue membri alicuius in latum extensi prospectus ædem constituentis. In hac significatione, hoc vocabulo sæpè vitur Vitruuius, modò illud applicans toti prospectui domus, aut Templi, quem ideo alij expressiore notione nominant *Frontispicium*: modò partibus, & anterioribus lateribus parietum, abaci, Epistylj, &c. uti videre est lib. 1. cap. 2. ubi Orthographiam definit, quod sit *Erekte frontis imago*, & lib. 3. cap. 1. *In Antis erit aedes; cum habebit in fronte antas parietum*, & lib. 4. cap. 3. *Frons adis Doricæ si Tetra-stylos erit, &c.* Philander quoque Frontis nomen tribuit Abaco, qua parte sese spectabilem reddit. *Frons abaci, præter cymatium, latitudine respondebit toti diametro*: & alibi passim; sumpta analogia ad humani capitis frontem. Hinc etiam

**39** FRONS in Acie militari, est illa pars Exercitus proximè ad conferendas manus accincta, quæ, ut ait Vegetius, lib. 3. cap. 14. *aduersus hostem spectat*. Quamquam enim tota bellatorum collectio ad ineundum prælium ordinata, communi vocabulo *Acies* dicitur; ipsa tamen diuersorum agminum varia dispositio, varias appellationes sortita est. Et quidem Acies est veluti magnum corpus, quod in plura membra diuiditur, qualia sunt Alæ, Cornua, Cuneus, Frons, &c. quorum singula suas partes explent; & à munere, forma, situ, ubi dimicant, varia nomina auspicantur: valde enim conducit ad rem, si bonus ordo totius aciei in præliando seruetur, nec agmina, aut munia confundantur, uti commonstrat Vegetius toto illo capite inculenter. Igitur Primus ordo militum, qui ad pugnam procedit dicitur *Frons*; quemadmodum etiam, Os, Facies, Iugum, &c. uti notat Aelianus de Acie instruenda, agens: *Cuius longitudo, inquit, prima Decurionum ordinatio est, quæ & Frons, & Facies, & Acies, & Iugum, & Os, & Duces, & Praefites,*

stites, ac Primi Decuriarum vocari solita est. Quantum verò Phalangis ponè Frontem ad tergi usque ductores porrigitur, id Altitudo nominatur. Stare per directum in latum, Præstites, Substitesque versari, vocabulum accipit. Phalanx seorsum in primas, summasque partes à fronte per totam sui altitudinem secatur, quarum altera Cornu dextrum, & eaput vocatur; altera Cornu laevum, & pes dicitur. Quæ autem longitudo ita secatur, Oris & Umbilici nomine utimur. Hucusque Aelianus totius explicatæ Aciei, quasi anatomen faciens, eiusque membra, horumque singulorum officia, suis aptis nominibus compellans. Nos primum hunc ordinem Vanguardiam, postremum Retroguardiam vocitamus.

FRONTONES vulgo Architectorum dicuntur Opera quædam seu finimenta ædificiorum, quæ consultò, ac datà operà relinquuntur imperfecta ad indicium; & initium alteri operi dandum, eodem ordine proseguendo. Quæ nihilominus, ne Architecturæ dispositio excidat, modicè initiantur, & quia ulterius proseguì, siue expensæ, siue aliud quodvis, quod se ingerit obstaculum, haud permittunt, incompletè protracta sunt, & solummodò adumbrata. Id sæpissimè evenit in fastigijs imponendis, in extensione Epistyliorum, quæ impediuntur arcubus interpositis, aut portis; in distributione fenestrarum &c. quò fiat, ut extremanì angularis paries intercipiat, aut procutrens opus præpediatur. Etenim solemne est omnibus Architectis, ut si qua pars ordinis cuiusvis perfici neutiquam possit, eoquod alio corpore, aut ornatu necessariò apponendo impediatur, opus idcirco non prætermitti omninò debeat, sed utcumque inchoari, & persequi, quoadusque sit locus, non obstante quod mutilum maneat, & interruptum. Minus enim ex Opticæ institutis, visum offendit obiectum, quod ab aliò interposito siue ex parte, siue ex toto, iniuriam patitur; quàm omninò præteritum, relicto inibi vacuo spatio. Sic videmus Ostiorum potissimum fastigia interrupta ad stemmata aut inscriptionum lapides apponendos: sicut etiam plurimas apertiones contrà ordinem factas, sed necessarias ad lumen excipiendum, & his similia. Quæ de re, fusè, ac doctè satis pertractat Leo Bapt. Albertus in suo Opere de Re ædificatoria lib. 7. cap. 15.

F V

FVLTVRA proprium Architectonum vocabulum, à Fulcio, quod est Sustentare, atque obniti contrà pondus aliquod aliàs ruiturum, notione desumpta. Hinc in re ædificatoria significat molitionem illam, quæ ad structuram proseguendam anticipatè fit per trabes, &

P P

susten-

sustentacula, ad concamerationes & arcus desuper imponendos, quæ postea, cum benè consolidata fuerit fabrica, abijciuntur. Aliàs latissimè accipitur vox pro interpositione cuiuscumque tibicinis ac tigni, quod ruituræ moli admoventur ad fulcrum. Hos nos *Pontellos* vocamus. In hoc sensu, ea vñs est Vitruu. lib. 6. cap. 11. laudans subcuneatos postes, & opera fornicata, quòd onus leuent, & laborem parietum ex vetustate, aut exilitate fatiscentium, qui propterea ad ea sustinenda adiumentis, & fulturis non egeant. Ait namque. *Cùm enim extrà trabes, aut liminum capita, arcus cuneis erunt inclusi; primum non pandabit materies leuata onere: deinde, si quod è vetustate vitium ceperit, sine molitione fulturarum, facilius mirabitur.* Est etiam *Fultura* in Mechanicis, hypomochlion, quod vetustè subijcitur ad leuandum pondus. Nostris *Sottolena*, de qua suo loco.

42

FVNDAMENTVM in re ædificatoria quid importet, tam cuique vel eius artis rudi notum est, quàm ædificijs omnibus pernecessarium, primumque veluti operis elementum: vnde Augustinus Serm. 10. de Verbis Domini, id ad moralia, suo more inflectens, ait: *Cogitas magnam fabricam construere celsitudinis? de fundamento prius cogita humilitatis: & quantum quisque vult, & disponit superimponere molem ædificij, quanto maius erit ædificium, tanto altius fodit fundamentum.* Igitur Fundamentum in fossione consistit. Quod ideo Vitruu. lib. 1. cap. 5. *Fundamenta* vocat ipsas fossarum directiones, & excavaationes, vbi superstructio futura est. Ait enim: *Fundamenta, sunt facienda, uti fodiatur, si quærit inueniri ad solidum, & in solido, quantum ex amplitudine operis pro ratione videatur, crassitudine ampliore quam parietum, qui suprà terram sunt futuri.* Quam ob causam Leo Albertus lib. 3. cap. 1. Fundamentum existimat structuræ partem non esse, sed locum porro ac sedem, suprà quam structura ipsa sit postea collocanda. Atque in hoc *Fundamentum* discriminatur à *Pedamento*, quod illud locum denotat vacuum; hoc ipsam fundamenti repletionem, & occultam substructionem: de quo, suo loco. Interim ad Fundamenti considerationem reuertamur. Ipsum imprimis, docet Vitruu. fodi debere crassitudine ampliore quam parietum, qui suprà terram futuri sunt; & meritò quidem, nam esse debet veluti definitio basis, quæ totā molem sustentare habet; ac propterea ampliora conuenit habere latera, quæ ipsam veluti complectantur, & stringant. Secundo notat Albertus. *Priusquam fodere quicquam incipias, angulos arearum, & omnes laterum lineas diligentissimè iterum, atque iterum annotasse te oportet, quales futuri sint, & quo statu-*

antur

*antur loco*. Id quod norma inuelligandum docet, itaut anguli ad-  
missum respondeant; & quæ intus iniicitur materies, in planum  
ad perpendicularum cadat. In quo summa diligentia procedendum  
esse alstruit, quando (inquit cap. 2.) in cæteris si quid erratum est,  
lædis leuius; & emendatur facilius, & perfertur commodius, quam in  
fundamentis, in quibus nulla errati excusatio admittenda est.

Tertium documentum est Columellæ: quod in areis declinibus,  
à parte inferiori, & loco depresso fundationes auspicari debe-  
mus. Nam, præterquam quod illic iacta, & substructa materies suis  
locis sponte sua ruens benè consistet; fiet etiam, vt si quæ fortassis vi-  
tia (vt insequi sæpè solent) in huiusmodi fossionibus deprehendan-  
tur, facile corrigi, & euitari possint. Præterea sicubi solum labile  
est, & arenosum; palis, tabulis, & cratibus, latera vtrinque mu-  
nienda, & fulcienda sunt, ne tursionibus concussa humus dehiscat,  
& in præceps ruat, non absque fossorum discrimine, atque operis  
frustratione. Cæterum, vbi ad solidum peruentum est, fundum  
ad libellam cõsequandum est, ne quam in partem cadens materia  
inclinat, sed in planum iaceat, & nusquam inter ipsam, & fundum  
intereceptus aër, aut vacuum, continuitatem dissoluens, reperiatur.  
Sed de hac re satis. Plura qui volet, adeat Barbarum, & Alber-  
tum, qui exactissimè de hoc argumento pertrahant.

FVNDÆ, instrumentum bellicum satis notum, & apud Veteres 44  
maximo in vsu, & æstimatione habitum; quippe nullum ferè iustum  
prælium erat, quod non Funditores adorirentur, & magnam par-  
tem instructæ Aciei tenerent: etenim cæteri bellatores cominibus ar-  
ma tractare, & hostes corpore ad corpus aggredi, periculosa, & in-  
certa vtrique alea habebant; illi de longè suorum agminibus prote-  
cti, saxa iactabant, nullo penè irritò iactu. Quapropter Aelianus in  
Aciei instructione, postremum locum ab hoste remotum illis assignat:  
Et Frontinus. *In quinta acie*, inquit, *ponebantur Carroballistæ, Ma-  
nuballistarii, Fundibulatores, Funditores, qui fundis ex lino, vel setis  
factis, contorto circa caput brachio, dirigunt saxa*. Est ergò Funda, Mer-  
curiali teste, lib. 2. de Arte Gymnast. cap. 12. Funiculus ad modum  
habentæ (vnde & *Habena* sæpè nomine, apud multos Scriptores in-  
uenies nuncupatam) qui duobus capitibus manu capitur, altero cum  
ansula, ne exeat; altero sine, vt dimitti possit; atque in medio la-  
tior est, vt ibi lapidis contineatur. Hunc circumactò valde funicu-  
lo, & ab vno capite dimisso, vehementer proiciebant Funditores.  
Eius inuentionem Phœnicibus tribuit Plin. lib. 7. cap. 56. Contrà  
Lucius Florus & alij, Balearibus, à quibus ipsa Funda *Balearis* co-  
gno-

**3**gnomen tum accepit. Hi nimirum tribus fundis instructi ad prælium exire solebant, quos à dexteritate, & felicitate ad scopum collimandi summiopere laudat Liuius lib. 30. eoquod ab infantia in ijs exercebantur, & ut scribit Diodorus Siculus, ex quo depronipfit Vegetius; *Arma eis sunt fundæ tres: una caput cingunt, altera ventrem, tertia in magnibus gestatur. In prælio multò maiores quam reliqui iaciunt robustè, ut aliquo tormento lapis missus videatur. In Urbium expugnatione, lapidum iactu eos qui desuper ex propugnaculis tuebantur mania, vulnerant: in pugna verò scuta, galeas, omneque armorum genus confringunt. Ita autem rectè lapides propellunt, ut rarè effugiat ictum appetitus locus: quod eis continuò à pueritia usus præbet, à matribus ad id certamen coactis: imponunt enim supra erectum lignum panem, signum, quod iactu petant; neque antè cibum capiunt, quam panem lapide erectum pro cibo sumant. Huc usque Diodor. Dicta autem Funda à Fundendo ut placet Isidoro lib. 18. cap. 10. & Fundibulum etiam dici, quasi fundentem, & emittentem. Vnde Fundibulatores, & Funditores. Et Fundibulatores sunt (subdit Veget. lib. 3. cap. 14.) qui fustibus lapides iaciunt; Funditores qui fundis ex lino vel setis factis, (has enim dicunt esse meliores) contorto circa caput brachio dirigunt sexa. De Fustibalis mox infra. Porro est & alia Funda Aegiorum memorabilis, de qua scribit idem Liuius lib. 38. quod est non simplicis habena, ut Balearica, aliarumque gentium funda, sed triplex scutale crebris suturis duratum, ne fluxa habena, volutetur in iactu glans, sed librata cum sederit, velut nervo missa excutiat. Quod ideo, non solum saxa, sed etiam glandes magni ponderis ex plumbo dirigebat: vnde est illud Propertij lib. 4. eleg. 3.*

*Plumbea cum torta sparguntur pondera funda.*

Quæ proinde validiore ictu, quemadmodum modò emissæ è scopis plumbeæ glandes in penetralia tendunt, & magnum vulnus, ubi insiguntur important. Cæterum de fundarum diuersitate, ac vario usu, vide Lipsum in Poliorcet. lib. 4. dial. 3.

**45** FVNDVLAE, Varrone teste lib. 4. de ling. lat. dici solent viæ quæ exitum non habent, ut angiportus, & similes locorum anfractus: at absolutè Fundula fundam parvam denotat, ut nominis etymon præsefert.

**46** FVSTIBALVS, scè FVSTIBALVM (vtroque enim modo dictum reperio apud Scriptores, qui de ijs tractant) Vox est, inquit Lipsius ubi suprà, nonit, ani nescio, an res ipsa. Certè instrumentum bellicum in genere missilium, præcis sæculis vsurpatum, quod ita describit



bit Veget. lib. 3. cap. 14. *Fustis longus pedibus quatuor, cui per medium ligatur funda de corio, & utraque manu impulsus, propè ad instar Onagri dirigit saxa.* Vnde à fuste fortassis nomen obtinuit. Sed in aliquibus Codicibus, vt obseruat Stevvechius, habetur *Fundibulum*: & meo iudicio germaniùs. Nam quorsùm diceret Vegetius paulo antè *Fundibulatores sunt, qui Fustibalis lapides iaciunt*? Consonat Isidorus suprà, qui *Fundibulum* legit, & *Fundibulum* appellari ait, *quasi fundentem, & emittentem*, & promiscuè habetur *Fustibulatores, & Fundibulatores*, vti *fundibulum, & fustibulum*: & vtrumque confundens Vegetius, *Fundibulatores* ait esse, qui *fustibalis lapides iaciunt*, vt suprà meminimus. Certè, re in controuersiam ducta, concludit Furius apud Lipsium, *fundibulum diuersum à fustibalo esse*. Res est parui momenti, & quæstio de nomine, quæ nihil ad Mathematicum pertinet.

Vide iam dicta

in V. An-

gon.





## GA

I



**ALAXIA** in Astronomicis, est Circulus magnus & latus, instar fasciæ cuiusdam inæqualis, in Firmamento existens, & sua amplitudine complectens Sidera tota Cassiopeæ, Cygni, Aquilæ volantis, Caudam Scorpij, partem Sagittarij, Centaurum, Argonauim, pedes Geminorum, & Perseum. Hic solus tot inter, qui in Cælestibus considerantur, realis est, patens, ac probe serena nocte, conspicuus, exhibens speciem quandam nubeculæ in obscuro candicantis: cuius albedo, quia lacti quodammodo similis est; idcirco *Via Lactea* appellatur, atque à Poetis, additis de more suis figmentis, mirificè effertur: quos inter Ovidius lib. 1. Metamorphos. astringit, eam esse regalem viam, quâ itur ad Superos, atque ad cælestia regna Tonantis, sic fabulatus:

*Est Via sublimis Cælo manifesta sereno,  
(Lactea nomen habet:) candore mirabilis ipso:  
Hæc iter est Superis ad magni regna Tonantis,  
Regalemque Domum.*

2



Olim magna fuit inter Philosophos de hoc Circulo concertatio. Aristoteles illum voluit in æris regione consistere, esseque constipatam, & adustam nubium cogeriem: sed hallucinatus est, & falsitatis euincitur; quandoquidem hac ratione non semper, & constantissimè cernerentur è quacumque terræ plaga, in eodem situ, & completi, inuariato habitu, certa tantum sidera Firmamenti, ut patet de ignitis Cometis qui in ære generantur. Alij opinauerunt, illum esse connexuram continuam, & partem Cæli densiorem, itaut Solis immissum lumen recipere, & retinere possit tanquam ibi reflexum; non tamen itâ densam, ut perinde ac stellæ, & Planetæ affatim illustretur. Sed id gratis effectum, & facillè corrui, quando Cæli sub-

substantiam ( vt cum Tychone iam omnes admittunt, ) deus fluidam. Concluditur ergo, & nostro xuo comperitissimum est, Galaxiam nil aliud esse, quam conglomerationem plurium stellarum simul collucentium, quarum distinctio nudis oculis non percipitur, sed omnes simul apparent, tanquam confusa quædam nubes, vario & subalbicante candore prædita, pro maiore, vel minore ad inuicem constipatione; eo ferè modo, quo sunt duæ Nubeculæ ad Polum Antarcticum, atque vniuersim ex stellæ, quas dicimus Obscuras vel Nebulosas; & nunc ope Telescopij, duce Nuncio Sidereo oculatissimi Galitæi, comperimus esse plures stellas in vnum colligatas: Roboratur id eò potissimum, quòd noua Phænomena in Cælo enata, non nisi in Galaxia conspecta sunt: vti Stella fulgentissima, quæ in Cathedra Cassiopeæ visa est anno 1572., ac duos integros annos durauit, posteaque sensim euauit. Item quæ anno 1600. apparuit in pectore Cygni; quæ in genu Serpentarij, anno 1604. & alijs, quæ successiuè nostris etiam temporibus, phænomena visa sunt, quæ nequam inter Cometas aëreos computari possunt. Præterquam id ipsum etiam asserendum arbitror de Septima Pleiadum, quæ modò satis conspicua est, modò ad tempus latet: adeo ut aliquibus magnum negotium facesserit, nùm verè inter alias sex extaret, an potius esset fictitium quid, & oculorum hallucinatio. Quapropter haud improbabile redditur, eam, vti & alia modò dicta Phænomena, aliud planè non extitisse, quàm stellarum coitionem in vnum, statis temporibus factam, quæ vnum sidus referrent, postea ab inuicem aliquantisper semotas ( neque enim omnino loco affixæ censendæ sunt, ve non paululum dimoueantur ) ideòque oculis, in tanta præsertim distantia imponant. Idque maximè probabile redditur, admissa cum laudato Tychone, Aethereæ regionis fluxibilitate, per cuius expansum facilè vagus iste minutissimarum stellarum discursus concipiatur. Caterùm Galaxia perinde ac manifesta sidera magnos, & miros effectus habet, in diesque Morralibus dat experiri: quorum plurimos refert Plinius lib. 18. cap. 29.

GALEA, militare capitis integumentum, à Lacedæmonijs ( si Plinio credimus ) primùm inuenta, vti & Hasta, & Gladius; postea communi omniū gentium consensione recepta, atque in prælijs adhiberi solita. Magnum equidem munimen, & incitamentum ad fortiter dimicandum, quo miles capite protectus, ac toto corpore cataphractis circumdatus, securus & promptus in media pericula irueret, & hostium tela, & ictus aspernaretur. Quod ideò, teste

Ve-

Vegetio lib. 1. cap. 20. apud Romanos *Ab urbe condita usque ad tempus D. Gratiani, & Cataphractis, & galeis muniebatur pedestris exercitus*. Sed graue profectò mox ignauo militi visum fuit, ac tæderet (erant siquidem ferrea isthæc armamenta) pugnare: *Itaque ab Imperatore postulant* (verba sunt ipsius Vegetij) *primò Cataphractas, deinde Cassides deponere*. Accedit quod experientiâ compertum est, milites sub his quidem armis tutos à vulneribus esse, sed propter impedimentum, & graue onus quod sustinet, multum præpediri, & arma offensiuâ agiler tractare non posse, sicque facile in aduersariorum potestatem venire. Quare, optimè prouisum fuit, ut in posterum gregarij milites, pro ferreis galeis, pileis uterentur, ac Romani, ceterâ expediti, solum galeam eamque leuem & simplicem gestarent in capite, cum ad prælium processuri erant, lupi pelle contextam, aut etiam aliarum belluarum hiantibus rictibus horridam, quod simul, & tegumento esset, ut notauit Polybius, & indicio, ut simul & fortiter dimicantes, & ignaui hoc signo facile agnoscerentur; sicque & istis animi, aut sufficerentur, aut spe victoriæ, & laudis cupidine conduplicarentur. Pilei autem ad modum galeæ ex corijs animalium facti, in quorum vertice, uti & in galeis, pinus, plumæ, & cristæ, aliaque id genus, ut etiam monstrorum capita, tum ad ornatum, tum ad horrorem hosti incutiendum volitabant, & præfulgebant, ut præ cæteris notauit Polybius lib. 6. in hæc verba: *Præter hæc omnia adornantur corolla plumæ; pennisque tribus puniceis, aut nigris erectis, longitudinis ferme cubitalis, quæ cum in summo vertice ceteris armis addiderint, vir quidem apparet duplò maior, quam sit, eius verò aspectus pulcher, hostibusque terribilis*. Duces verò in galeis vtrâ plumas, & pinnas, habebant prosilientes è vertice Draconum, Leonum, aliarumque ferarum rictus, ore hiantes, & ad vorandum composito: quod eorum insigne erat, & militare ingenium, ac fortitudinem denotabat; ut de Turno refert Virgilius Aeneid. septimo.

*Ipse inter primos præstanti corpore Turnus  
Vertitur arma tenens, & toto vertice supra est.  
Cui triplici crinita iuba galea alta Chimeram  
Sustinet. Actæos efflantem faucibus ignes.*

*Qui mos ab usu militari ad pacis otia translatus, locum habet in ædificijs, ubi inter alia ornamenta, quæ ostiorum fastigijs aut aliàs conspicuis, Dominorum stemmata imponuntur cum desuper galeis, cum fluitantibus hinc inde plumis, atque in vertice summo leonum canum, ceruorum, aut alius cuiusque rei, quam sibi in tesseram assumunt, imaginibus constitutis.*

GARITTAE in opere architectonico, nomine ab Gallorum idiomate deriuato, sunt turricula editiores in Domorum tectis, siue in Arcium mœnijs additæ, siue ad speculandum quæ sub ijs aguntur, siue ad effugium, extremumque recessum, & tuitionem, si forte locus ab hostibus occuperetur: vnde est illud VVillemi Brito. Philipp. lib. 2.

*Non nisi rarus erat qui muris flaret in altis.*

*Omnibus ad tutas fugientibus vltro Garittas.*

Verius tamen ad speculandum Garittæ sunt factæ, vnde & *Specula* communiter audiunt; & in Nauibus, quæ supra nedium malum constituuntur Carchesia, seu Cauæ in corbis formam contextæ, ad derinendum speculatorem omnia latè circumspiciantem, *Garitta* vulgariter nominantur. Cæterum quod ad Garittas, seu turriculas editis domorum apponi solitas, olim frequentissimus erat vsus, & *Nemo Pater familias*, vt testantur Albertus lib. 8. cap. 5. *turre potuisse carere visus est: hinc passim sylua surgebant turrium.* Et Romæ solùm, suo tempore, tamen de numero, plus parte dimidia corruerint; supra duo millia & quingenta, se lustrauisse commemorat: quæ tamen, siue ob ruinæ periculum, siue ad vitandas superfluas expensas, sensim in desuetudinem abiire. De earum forma, altitudine, & situ vbi commodè & diù perennaturæ, locandæ sint; consulendus est idem Albertus loc. cit.

GEODAESIA species est Geometriæ, vnaque ex Mathematicis disciplinis, quæ versatur in dimetiendis corporum, ac particularium figurarum quantitibus: vt materialium rerum aceruos per conos, & puteos, & cylindros: Quod tamen non præstat per imaginarias lineas rectas, vt præcisè facit Geometria; sed per res sensibiles, & visuales; vtputa per radios solares, vel per spartas aut perpendiculum. Diuiditur, quemadmodum Geometria, in eam partem quæ planam superficiem respicit, & in eam quæ corpora solida habet dimetiri. Qua de re vide Clauium, Kircherum, & alios.

Hic autem P. Guarinus noster in suo *Euclide Adauſo*, tractat 29. vbi de Geodæsia tractare accuratius incipit, ex obliquo me taxat, quasi Geodæsiam acceperim pro practica corporum dimensione per mensuras sensibiles; quando ea verius appellat eam Geometriæ partem, quæ præcisè superficies rectilineas considerat, siue dimetiendo, siue scindendo, siue quomodolibet transformando. Hæc ille. At enim hoc ei proprium, & specificatiuum est, Geometriam ad res sensibiles coarctare simpliciter, quatenus non sistit in pura linearum, & superficierum consideratione, abstracta à quacumque materia, sed vterius progreditur ad eas indagandas in ipsis corporibus planis, ac

rem perficit per sensibilia instrumenta. Quod ideo in hoc sensu accipitur Geodasia à Pappo in Collect. Mathem. Herone in Opusc. quod de ea specialiter attexuit libro de *Machinis bellicis*, alijsque passim Scriptoribus. Quinimò ad hanc rem circumferuntur versiculi de Mensuris Geodasijs, quibus in praxi vtuntur Mensores ad agros & corpora plana dimetienda, ij autem sunt.


*Quatuor ex Granis Digitus componitur vnus.*

*Est quater in Palmo Digitus: Quater in Pede Palmus.*

*Quinque Pedes Passum faciunt. Passus quoque centum &*

*Viginti quinque, Stadium dant. Sed Milliare*

*Octo dant Stadia. Duplicatum dat tibi Leucam.*

 Et quamquam Stereometria propriè, & signanter agit de corporum solidorum dimensione; attamen hæc habet Geodasiam ipsam vltiùs coarctare ad magis particularia: namque ambæ, vt & aliæ inferiores facultates, intrant in Geometriæ practicę rationem; itaut altera alteri sit comes, & subalterna. Et Geometria quidem genus est, ac latissimè patet: Geodasia coarctat eam ad praxim, estque tota in considerandis lineis, ac superficiebus in materia vtcumque alligatis. Stereometria verò adhuc vltiùs descendit, & assumit sibi tantum considerare lineas & superficies in corporibus solidis, ea ex regulis Geodasiæ dimetiendo. Qua de re videndus est ipse Guarinus tractat. 26. par. 2. necnon De-Cales tom. 1. tract. 5. lib. 1. in proloquio. Quandoquidem ipsa parens omnium Geometria, olim ab infimis, atque ab agrorum dimensione sumpsit exordium, vt vel ex ipso nominis etymo liquet; eoquod in Aegypto primò visa est, & adhibita in agrorum confusione, quæ identidem ab Nili alluione importabatur, ad eos per certos limites discernendos, & abinuicem separandos. Postea vsu ingeniosior facta, altiùs se euexit, & absolutè ad quanti, prout quantum simpliciter est, spoliatum omni materia, considerationem se sola conuertit, & in hac generaliter se continuit; mensurandorum agrorum, superficieum, & corporum diuersorum rationem, subiectis hæc, vt ita dicam, ancillaribus facultatibus, sub sui suprema directione reliquit.

GE

GESTATORIAE Scalæ, Vide in V. Scala.


GL

6 GLOSSOCOMVM nobile Instrumentum est, seu Machina ad leuanda, & libranda quouis vel immensa onera, data quacumque potentia, factum; Ab Archimede primùm inuentum (qui prouide de eius miro effectū tumens, adaucter pronunciaſſe dicitur: *Da ubi pedem figam, & ego terram mouebo.*) postea ab Herone Alexan-



xand rino ad praxini deductum, eiusq; vsus & constructio explicata in libro, quem *Baranlion* inscripsit; vbi singulatim de quinque potentijs discribit, quæ omnes in vnum Glossocomum adunantur. Sed quia liber deperijt, & aliàs Machina hæc valde utilis in alijs Græcorum libris maximè commendatur, verumtamen obscure nimis eius constructio traditur; eam è tenebris eruit Pappus item Alexandrinus, in palam exposuit, & commentarijs præclarissimis illustrauit.

Constat igitur Glossocomum quinque tympanis mutuo connexis, & grandioribus rotis ad singulorum capita affixis; ita dispositis, vt rotæ diameter duplò maior sit amplitudine tympani, cui est adpacta; & hæc insuper in denratum aliud tympanum cadat, priori pro medietate minùs, aptissimè congruat: sicque succedentibus in eadem proportionè alijs tympanis, ac dentatis sibi congruentibus maioribus rotis, vsque ad extremum, quod à potentia agitur immediatè; fit, vt multiplicata, & aucta per ampliores gyros virtute, tandem potentia cuiuscumque ponderi par euadat, adeoque illud sustinere, librare, attollere idonea, nullo alio addito adminiculo, inueniatur. Quod qua ratione fiat, in probè delineato schemate (quod apud ipsum spectare licet) demonstrat Berrinus in *Apiario* 4. propos. 4. ac dein Theoricè probat in lineis axes tympanorum representantibus, & vectis vices ibi gerentibus: quarum ordinationem hic exponere placuit.



8 Nam tota Machina (inquit Bettinus) constat ex vestibus primi generis multiplicatis; quorum multiplicatio efficit, ut datum pondus semper à minore, & minore potentia moueri possit. Etenim singula tympana tam maiora, quam maioribus inserta minora, itemque axes sunt contigui, seu continui, atque infiniti quodammodo vestes primi generis. Id quod exemplificat in figura ipsa exhibita Glossocomi, cuius insuper vim nudè ostendit in prædictis quinque lineis, quæ referunt vestem in quinque partes tributum, in quorum singulis, singula sint applicita hypomochlia, ut vides. Hinc prosequitur declarare magis rem, in Scholio superaddito. Si oculo mathematico inspicias Glossocomum *A. B. C. D.* est in eo ab *A.* usque ad *F.* vestis quidem quater infractus, sine quasi compositus ex quinque minoribus vestibus, qui ad extrema faciunt angulos, & in contraria obnituntur, ac mouentur alternis per adductionem, & per impulsionem, ut sit in remis, aliquando adductis ad pectus, aliquando protrusis, dum scaphia mouentur. Vestes autem hi partiales in glossocomo habent alternis hypomochlia infernè, ac supernè, ut hic vides. Siingas potentiam in extremo *A.*, & pondus dependens ex *B.* ac pro prima rotula, & minima sit vestis *A. C.* pro secunda *C. D.* & deinceps pro reliquis rotis; vestes *D. E.*, *E. F.*, *F. B.* sint autem hypomochlia in singulis vestibus disposita ibi, ubi distantia versùs *A.* dupla sint distantiarum versùs *B.* Dum ergò primus vestis, *A. C.* nititur hypomochlio infernè posito in *G.* & potentia in *A.* deprimat extremum *A.*; consequenter alterum extremum *C.* attollitur; & simul alterius vestis *C. D.* attollit extremum commissum in *C.* ac vestis *C. D.* quoniam suspellitur, nititur hypomochlio *H.* supernè collocato. Eleuato igitur *C.* deprimatur *D.* & in tertio veste *D. E.*, iteratur motus primi vestis *A. C.*; In quarto veste *C. F.* iteratur motus secundi vestis *C. D.* In quinto denique *F. B.* moto per depressionem in *F.* fit eleuatio ponderis in altero extremo *B.*

9 Atque hæc est arcana & mirabilis vis laudati Glossocomi, quæ sit ut quouis vel exigua potentia, apta sit leuare, & dimouere quodlibet pondus etsi, immensum, per duplicationem & incrementum virtutis motricis, acquisitæ in prædicto machinamento. Quam fustius fortè quam par erat, explicare coactus fui, atque ex aliorum rationum, & ipsissimis verbis, ut ei sic maius pondus adijciam, vsusque introducatur: quandoquidem tam mira præstat, & oppidò vitia præsertim in bellicis, ubi summo consilio rerum mathematicarum peritia, celeritate ac promptitudine opus est, in prouidendis, expediendisque opportunè machinis ad rem facientibus, ut exinde reportetur fructus laboris, & gloria.

GLOTTOLOGIA, quamquam ad Mathesim propriè ac directè non attinet, sed veriùs ad Anatomem, eoquod agit de vocis efformatione, & organorum idonea dispositione & concurrentia; habet enim inquirere partes, & membra quæ ad vocem concurrunt, linguam, asperam arteriam, nervos contingentes, tensionem, dilationem, &c. Attamen quia exinde qualitas vocis elicitur, nùm. grauis, nùm acuta, nùm clara, & fortis; an tenuis, rauca, exilis, ac turbulenta &c. ideo non immeritò Caspar Scottus in *Cursu Mathematici*. lib. 28. cap. 7. eam inter Mathematicas facultates censet, & ad Musicæ considerationem reducit: quatenùs docet, quonam modo, & arte, vox dirigenda sit, qualiter temperanda, minuenda, augenda, commutanda, distinuenda, cum alijs coniungenda, vt concentum faciat, & gratum præbeat in modulationibus ordinem, ac melodiam. *Qua* de re consulendus est Boethius, Martianus Capella, Guido Aretinus, & alij, qui de Musice Theorica exproffesso pertractant.

GN

GNOMA, inquit Festus, est genus Machina, qua regiones agrorum dignoscuntur. Sed qualis illa fuerit, & cuius vsus, nec ipse explicat, nec ab alijs Scriptoribus, quos viderim tactum inuenio. Forte in idem recidit quod

GNOMON Instrumentum Geometricum notissimum rectangulum, in A. formam abiens, quod communiter Libella dicitur, quò nedum res librantur, vt cadant in planum ad perpendicularum, sed & veniuntur distantias; altitudines item ac declinationes Solis, & siderum, &c. cuius vsum atque vtilitates docet, & recenset Egnatius Dantes, Clavius in *Geometria Practica*, Io: Paulus Galluccius, & alij. Propriè autem, & ex prima notione

GNOMON græcè dicitur stylus ferreus in area, seu plano horologii sciotherij collocatus ad perpendicularum; qui umbra sua cursum Solis indigitat, sequitur, & notat ex aduerso; quotam diei horam commonstrat, atque Aequinoctiorum, Solstiriorumque tempora manifestat: Quare meritò à Plinio lib. 2. cap. 72. Solis umbilicus vocatur; quandoquidem est vera mensura, nec vnquam fallax index itineris Solis, ostendens, ordinatas, ac variantes periodos, quas peragit diurno motu, ab ortu ad occasum; proindeque omnes eius affectiones, & effectus quos subit singulis diebus, mensibus, & quatuor temporibus anni, in cuique notum est. Sed altiùs

GNOMON in Geometricis audit Parallelogrammum, seu potiùs duo segmenta vnius parallelogrammi in quatuor partes dissecti: quorum duo, quæ extra diametrum sunt, vocantur Complementa, vt

ta, ut in loco diximus; alia duo, quæ circa diametrum sunt, illamque in medio complectuntur, Gnomon ab Euclide singulariter nuncupatur: eoquod sit veluti Gnomon, & norma dignoscendi quantitatem, & passiones Parallelogrammi maioris, prout in eius consideratione, suo loco dicemus.

- 15 GNOMONICA**, authore Vitruvio lib. 1. cap. 3. in seipsa precisè considerata, est una è tribus Architecturæ partibus; quæ sunt, inquit, Aedificatio, Gnomonice, Machinatio. Fusè autem agit de Gnomonicis rationibus lib. 9. cap. 4. ubi ait, eam esse facultatem, qua per Solis radios interceptos, captantur umbræ in plano, per gnomonis, siue styli interpositionem: unde eius regularis motus rationem, & horarum interstitia auspicamur. Tradit etiam quonam pacto constituendum sit Analemma ad umbras Solstitiorum, & Aequinoctiorum in qualibet superficie, siue plana, siue concaua, investigandas, ac practicè describendas: & alia valde utilia, de quibus fusè Clavius in Gnomonicis.

## GO

- 16 GONARCHE** apud eundem Vitruv. lib. 9. cap. 9. est quædam species horologii Solaris, sic ab eo nuncupati: sed in quo consistat, utque ab alijs discernatur, non explicat, sed tantum dicit, ab alijs, post Berosum, Aristarchum, Eudoxum, & Apollonium, fuisse excogitatum. *Res obscura* (subdit Baldus) *nec facile ab etymo quicquam certi venari possumus*. Fortè ab genu (si græcam notionem attendimus) vel angulo, ad genu variam complicationem ac similitudinem facto, originem traxit. Cæterum concludit Baldus: *Hæsit in hoc vocabulo Turnebus; hæremus, & nos.*

## GR

- 17 GRADATIO** plurifariam accipitur in Optice, & Architectura; de qua re alibi. Hic autem signatè usurpatur à Vitruvio pro apta graduum aptatione; & symmetria in ædificijs, præsertim in Theatris, ubi non tam ad ascensum faciunt, quàm ad præbendum spectantibus, loco sedilium, confessum; & ita dispositum, ut & qui in ijs recipiuntur, libertatem conspiciendi totam scenam, vel spectacula, quæ in eorum planitie ineuntur, habeant; & retrò positis, ad eadem spectanda impedimento non sint: de quorum profectò disponendi ratione, & ordine, hæc habet lib. 5. cap. 3. *Fundamenta lapideis, & marmoreis copijs, gradationes ab substructione fieri debent præinclinationes ad altitudines Theatrorum pro rata parte faciendæ videntur, neque altiores, quàm quanta præinclinationis itineris sit latitudo: si enim excelsiores fuerent, repellent, & eijcient in superiorem partem vo-*

cem, nec patientur in sedibus summis, quæ sunt suprâ præcinctiões, verborum casus certa significatione ad aures peruenire. A similitudine igitur, non ab officio (subinfert Baldus) gradus in Theatris dicebantur: etenim à gradiendo gradus, à gradu gradatio. Obseruat idipsum eruditissimus Lipsius. De Amphitheatr. cap. 13. Quia, inquit, ad formam scalarum graduum, alij alios consequuntur. Hinc acutè notat Cassiodorus lib. 4. epist. ad Symmachum, rectè græco vocabulo, quod *Visorium* sonat appellari Theatrum, quod eminens astantibus turba conueniens sine aliquo impedimento videatur, quod resultat ex apta graduum dispositione.

GRAPHICE idem sonat græcè, ac Proiectura. Spectat enim principaliter ad Opticam, & est Facultas, quæ docet quonam pacto deformari possint in plano quæ sunt in se erecta; vti & qua ratione, & arte, umbræ ac lineæ proijci debeant. Hæc, si sistat in contemplatione circularum, & parallelorum Sphæræ Cælestis, cuius imago cadat in plano horizontali, vel verticali, vel in parietem quomodolibet inclinatum, dicitur specialiter Analemmatographia: Si verò transcendat ad alias res, tum in proximo, tum in longinquo extantes, in vnum planum transportandas, atque delineandas; spectat ad Perspectiuam. Quod idè notat Vitruuius in Vestibulo sui libri de Architectura, requiri in probo Architecto, *Graphidos scientiam habere, quò facilius exemplaribus pictis, quam velit operis speciem deformare.*

GROMA, genus est instrumenti agrimensorij, quo adhibito, regiones agrorum faciliè cognosci, & intertingui possunt; ex græca, notione *Gnoma*, seu *Gnomon*, deriuato vocabulo, quod, vt paulò ante diximus, machinulam directoriam significat. Facile autem fuit Latinis, verbum ad se transferre, mutata, vt aliàs solent, littera n. in r. Quomodo autem in vsum ponatur, docet Auctor de Finibus, his verbis: *Emissum perpendiculum cum super signum ceciderit, percussis gromam, donec comprehendes signum.* Et Hygin. de limitib. constituent. *Posita*, inquit, *auspicaliter groma, ipso fortè conditore presente.* Porro ex Groma ipsi Agrimensores *Gromatici* appellati sunt, & Ars metiendi Campos,

GROMATICA dicta est, quæ postea ad praxim metiendi militares Campos, & Castra ponendi tantummodò arctata est, vocatur, quæ aliàs ab antiquis Scriptoribus Castramentatio: versatur enim in contemplatione situs, aspectus, formæ, & ordinis obseruandi in ponendis Castris, pro qualitate loci, & temporis, &c. de qua fuse  
cita-

citatus Hyginus; Vegetius, & alij. Nosque strictim in V. Castramentatio, & V. Metatores.

21

GRUMA ad distinctionem, appellata est ipsa dimensio in agris facta per gromam, qua viz flexæ ad lineam diriguntur à Gromaticis; idque præsertim in Castris ponendis fieri solitum: unde Festus habet: *Grumam dirigere, & viam degrumari*, ut loquitur Lucil. lib. 3. Namque, ut explicat Hyginus, supra. *Sic & in Castris Gruma ponitur in tetrantem, qua velut ad forum ducitur*. Grumæ etenim sunt termini, seu loca media, in quæ directè conueniunt, & congregantur viz à diuersis partibus, & aspectibus initium sumentes. Quare tum in Castris, tum in Colonij capiendis, Gruma ponebatur in signum, diuidebaturque in tetrantem, antica & postica linea ad angulos rectos se inuicem decussantibus, & in formam crucis abeuntibus. Qua de re, vide quæ diximus de Castramentatione. At verò

22

GRVMVS simpliciter audit tumulus è congestitia terra factus, & ad usum olim ponendarum humilium casarum, à priscais illis mundi colonis adhibitus, veluti fulcrum ad sustinendam imponendam, qualis illa fuerit, constructionem. Qua de re scribit Vitruu. lib. 2. cap. 1. rudes primùm, & incultos homines in mundi primordijs, ac postmodum Phryges in campestribus habitantes, elegisse sibi tumulos à natura factos, quos medios fossura exinientes, & itineribus perfodientes, dilatasse quantum loci angustia patiebatur, & ad illos commodè recipiendos sufficeret; & addit: *Insuper stipites inter se religantes metas efficiunt, quas arundinibus, & stramentis regentes, exaggerant supra habitationes maximos grumos è terra*. Aliàs grumos hodieque appellant congestitios illos è terra globos, quos corbibus, quos in militari obsidione oppugnatores adhibere solent in castris, tam fixos, tanquam continuatum loricam aduersus tormentorum, hostilium ictus, quam portatiles, cum propius accedunt ad muros suffodiendos. De quibus alibi. Et hos intellexisse videtur in agricultura pariter vsitatos, cum dixit lib. 2. cap. 10. *Grumosque quos ad versuram plerumque tracta faciunt crates, dissipabimus, &c.* Cæterum per quandam similitudinem, montium cacumina, summos grumorum tumulos vocat idem Vitruu. lib. 8. cap. 3. unde primò emergunt aquæ; ex quo decipi quosdam, ait, existimantes inibi esse fontium capita, adeoque inde argumentum capiunt ad librandam aquam, effectu sæpè, librationi fallaciter factæ, haud respondente. Quam rem videant Aquatores: Nobis, occasione vocabuli, tetigisse sat est.

GRVN-



GRVNDAE & *Suggrunda*, Architectorum vocabulo, sunt testorum proiecituræ, & parietum veluti supercilia, arcendis ab eorum frontibus stillicidijs factæ, vt passim videmus in omnibus ferè ædificijs. Ab effectu nomen hausere; *Grundare* enim nobis perinde est, ac è sublimi guttas aquæ spissius cadere. Proiecituræ Coronarum appellat Vitruu. lib. 2. cap. 8. paulò post, Loricam testaceam; idque pro qualitate & positione ædium, quibus inseruntur.

GRVS in re militari nuncupari solet Machina arrectoria, olim in obsidionibus à prædialijs, ad arreptandas hostium naues propius accedentes frequenter vsurpata, quas ita præhensas, vel inter se collidebant, vel ad muros fortiter iactabant, sicque perdebant ac dissipabant. Erat quippe ad formam Gruis compacta, collo oblongo, atque in extremo duobus arrectorijs vncis, quasi rostro armata; quibus dilatatis, & mox constrictis, ea quibus applicabatur arreptabant, & in altum tollebant. Talis fuisse creditur, qua vsus est Archimedes in dissipanda Marcelli Classe. Ciconiam pari ratione, & Coruum demolitorem alij dixerunt, inter quos Vitruuius lib. 10. cap. 19. ubi eius inuectorem in vsum bellicum, fuisse tradit Diadem Architectum Alexandro militantem, qui in bellico apparatu, inter alias oppugnatorias machinas, circumferre solebat etiam Coruum demolitorem, quam nonnulli *Gruem* appellant. Cæterum in artibus quoque pacis quandoque adhibitam fuisse hanc machinam, obseruat Iulius Pollux in Onomast. lib. 4. *Gruem*, inquit, in Theatro, Machinam fuisse, qua è sublimi ferebatur ad corpora capienda. Sed de hac iterum redibit sermo.

GRVS sidus nouum prope Circulum Antarcticum. Vide *Phenicopterus*. in V. *Pica*.

GV

GVLA in Architectura cùm Ciuili, tum militari, communi vsu frequentius vsurpatur: accipitur enim à lapicidis & Architectis pro cymatio, quod infra & supra coronam, in Epistylis ad ornatum, imponi solet, & *gulam* quidem rectam nominant Cymatium Doricum, quod rotam trabeationem desuper finit, & claudit. *Gululam* vocat Albertus lib. 7. de re ædificatoria, cap. 7. rationemque reddit iniuncti nominis. Quod S. littera, inquit, L. iungitur: (L. vocat Coronæ extensionem, quæ ad illius formam erigitur) *gulula* nuncupabitur: iugulum enim hominis imitatur. Sin autem sub ipsa L. adiungatur iacens, & inuersa, sic S ex flexionis similitudine, appellabitur

*Vndula*. At indiscriminatim Vitruuius utramque Vndam, & Simam appellat, quòd sinuosa sit, velut vnda, & resimas caprarum nares lineamento quodammodo imitetur. At quod ad Gulam pertinet; eo potissimum nomine significantur in opere architectonico spiramenta illa in intimis adium parietibus, data opera extructa, & excitata, siue ad puriorem aërem cubiculis communicandum, siue ad fumum exterius extrudendum (caminos vocitamus) ab gulæ humanæ similitudine. Sic idem Albertus lib. 10. cap. 14. *In media*, inquit, *gula fumaria, supernè adesse oportet ferream transversam valnam, quam tu quidem ubi fumus omnis euanuerit, & pruna candore nitens, sese ipsam fonere ceperit, inuertas, gulamque occludas.*

26 GVLA etiam in re militari dicitur apertus in Propugnaculis introitus, qua ex communi area patet ad ea militi prædiorio accessus, aut ex ijs ad aream itur; lineaque ab utroque latere in medium propugnaculi protensa, ubi angulum obtusum efformat, linea gulæ audit, ut videre licet in Schemate, quod exposuimus in V. *Arx*.

27 GVTTAE, & GVTTVLAE, communi Architectorum nomine, nuncupatur certa in Epistylijs Doricis addita ornamenta, quæ aquæ guttas effingunt è triglyphorum cauis cadentes: eas ut plurimum, numero sex appingunt, quæ in duplici sunt differentia: alteræ quas modò diximus è triglyphorum cauitatibus fluere, suntque formæ orbiculares, ut ipsæ naturales stillicidiorum guttæ; alteræ quæ sparsim in Epistylijs Corinthijs sub mutulis vel mutulorum loco apponuntur: quoniam, ut notat Philander, quemadmodum Dorico genere solent triglyphi in Zophoris scalpi, ita ad eorum imitationem deformati sunt in Corinthio genere in Coronis mutuli: & quod triglyphis superponerentur guttæ, quia non ita viderentur ab illis abhorreere mutuli, subiecerunt & eis guttas, quod ideo istæ guttæ, & forma, & numero sunt diuersæ ab ijs quæ sub triglyphis pendunt: sunt enim ad modum turbinis inuersi, aut affixi coni, ut videre est Romæ in Theatro Marcelli. Sunt qui earum loco canipanulas prominentibus malleolis effigant, alij pyra, alij malogranata, & his similia, prout cuique innouandi genium suggerit, aut dominorum stemmatibus alludendi; quod quidem ab Architecturæ ordine non abhorret, sed recedit à vero, & à fine ad quem affixæ sunt in imo coronarum guttæ. Aptius Albertus; qui eas & rotundas, at acuminatas in fronte exhibet, quasi subaffixos clauos, retinendorum tignorum gratia, quo-

quorum capita, inquit, ex pariete ad ipsas regulas prominent, bene cecinit ille. Trahit sua quemque voluptas.

G Y

GYMNASIVM Nobile olim Architecturæ opus, & publicum Aedificium varijs recessibus, & partitionibus interstinctum, ad comparandas inibi ingenuas artes, ad corporis exercitationes, ad animi leuamentum, ad ludos, atque ad omne id, quod publicum commodum spectat, in primarijs Urbibus destinatum. Apud Græcos maximè viguit, & erat celebratissimum, omni magnificentia extructum, ne quicquam in eo deficeret, quod ad animi culturam faceret, & tuendam corporis sanitatem. Quod ideo latius patet, quam Palæstra, Thermæ, Balnea, Xylta, & alia id genus à Vitruuio enumerata: quippe quod hæc omnia, veluti partes, in se vno colligit, & comprehendit, & quæ sparsim in singulis agebantur, hic omnibus locus erat, & vniuersa exercitia coadunabantur. Quamquam postea Latini eo nomine vsi sunt ad significandum solum ludum litterarium, atque Academias adipiscendis scientijs institutas. Ceterum Gymnasia, primam institutionem, celebritatem, & concursum ad omnia isthæc exercitia, ab Græcis habuere, vñ notat Tullius Secundo de Oratore, vbi de ijs testatur: *Delectationis, & exercitationis gratia ab ipsis primùm instituta fuerunt*. Potissima verò erat corporis exercitatio ad valetudinem custodiendam: vnde Galenus lib. 2. de tuenda valetudine refert, *Gymnasium fuisse publicum in separata Urbis regione, locum extructum, in quo vñgebantur, fricabantur, luctabantur, discum iactabant, aut tale quippiam faciebant*, quæ loca ab exercendo, hoc nomen sortita sunt, quoniam græca notio, vnde deriuauit, exercitationem sonat: ideoque Balneæ, quæ aliquando ad hoc erant factæ, Gymnasia audire, teste Iosepho lib. 2. de bello Iudaico, vbi de Herode refert, quod apud Tripolim, Damascum, & Ptolemaidem, publicas balneas, quæ Gymnasia dicuntur; Biblide autem Exedras porticus condidit. Ex quo habes, quod illæ à Palæstris secernebantur, dum hæ animi culturæ, Balneæ verò corporis exercitationibus erant additæ. Sed vt ad Gymnasia reuertamur, *Tanta erat*, (inquit Hieron. Mercurialis lib. 1. de Arte Gymnastica, cap. 6.) *huiusmodi locorum capacitas, tamque spatiosa amplitudo, vt absque ullo impedimento, diuersa, ac ferè innumera exercitationes, & corporum & animorum, peragi possent*. Ad quam rem in gratiam studiosorum, duplicem exhibet huius Gymnasij Iconographiam ex Vitruuio, alijsque Græcorum monumentis depromptam; alteram quadratam, oblongam alteram; vbi singulis exercitiorum generibus,

bus, singulos secessus, & mansiones, appostitis notis indicatiuis, attribuit. Et in medio quidem amplum Peristylum habens duorum stadiorum circuitum: tum ad Ortum, Meridiem, & Occasum, spatiosas porticus; in quibus dispositæ erant exedræ pro Philosophis, & Rhetoribus ad disputandum. In secessu ad septentrionem concamerata Sudatio duplex; è regione Frigidarij, ex vna parte habens Laconicum, ex altera calidam lauacionem. Inde ulterius ad Septentrionem, per ordinem dispositæ frigidæ lauaciones, Elzothesium, Conisterium, Coriceum, & Propnigeum, pro diuersa conditione lauantium. Extrâ autem Peristylum, ad occasum erant Hypetræ ambulationes: Ac tandem circum, spatiosæ Porticus; à Meridie quidem & Ortu vnica, à Septentrione duplex, atque ab Occasu triplex, vt libera expatiandi, post habitas exercitationes, esset facultas, diuersis hominum conditionibus, & qualitati temporis opportuna: quas ad Occasum, claudebat subdiualis area stadiata, ad cursum, luctam, & pilæ ludum, & alia quæ suis locis distincta, probeque disposita, oculis contemplari, in dicto capite, Lectori equidem non erit inutile, nec iniucundum. De singulis, peculiari consideratione nos agemus suis in locis.

30 GYNAECEVM, siue *Gynaconitis* olim in Græcorum ædificijs appellabatur locus ab alijs separatus, ad moram inibi iugiter trahendam commodus, ac non ita alijs peruius, in quem mulieres se reciperent, ac suis operibus operam darent. *Genecium* appellat Isidor. lib. 15. cap. 6. quod alias *Textrinum* vocat, *Quod ibi*, ait, *conuentus feminarum ad opus lanificij exercendum conueniat*. De eo fusc Vitruu. lib. 6. cap. 10. vbi de Oecis Græcorum loquitur, vt nos alibi adnotauimus. Prò cuius rei pleniore intelligentia, sciendum est, Græcos, si vlla vnquam Natio, fuisse summè Zelotypos, & custodes honestatis ac pudicitie feminarum: vnde summa eis cura erat, ne homines, seu viri cum mulieribus versarentur, ac propterea cauuisse in ædibus, vt vtrique ad sua opera, distinctas mansiones haberent. Namque, vt notat Philander, *Græci ædificium in partes duas distribuebant; nam in qua parte viri feminarum interpellationibus versabantur, eam Andronitide appellabant: vbi verò congruerent mulieres, Gynaconida vocabant*. Quem laudatissimum morem in Romanos postea transiisse, nulli non notum est, qui in ipsorum historijs fuerit vel mediocriter versatus. Quod ideo de ijs est lex in vtroque Codice tit. *De Muricilegulis*, & *Gynaciarijs* lib. 11. aduersus eos, qui feminis mixti, Gynæcea adirent, prætextu illis inseruiendi, aut earum cum

cum illis opera elaborandi. Sed nullus gentium hanc Gynæceorum legem rigorosius seruat, quàm Turca Græcorum Imperij inuasor, & Zelotypiæ hæres; quippe in præcipuis vrbibus, ac præsertim Constantinopoli, vbi Imperatorum sedes, amplissima, & magnificentissima habent Gynæcea, omni luxu, splendore ac mira operum partitione ornata, quæ *Serralios* nominant, in quæ, præter ipsum magnum Dominum, & Eunuchos feminarum inibi ad vsum Principis congregatarum, seruitio addictos, vlli mortalium nefas est introire. At longè sacratiora, honestiora, & venerabiliora instituta sunt in Ecclesia Catholica, Gynæcea: Septa nimirum Sacrarum Virginum, ac Mulicrum, quæ Deo continentiam, & castitatem perpetuam, conceptis votis, nuncupauere: vbi ex Sacrorum Canonum præscripto, perpetua eis Clausura indicta est, & anathematis poena in temerè intrantes, nedum viros sed & extraneas feminas, coipso incurrenda, inflicta. Quidquid Hæretici blatterent, disciplinæ & cælibatus ofores.

Sed, vt ad Veterum Genicia reuertamur; sub Romanis Imperatoribus, atque etiam Græcis Orientalibus Catholicis, frequentissima extitere pro mulieribus ad textrinam, vt patet ex citatis legibus: & de Græcis testatur Sozomenus, & D. Io: Chrysostomus in Epist. ad Iuniorem viduam, quæ habetur to. 6. & habetur etiam in Itinerar. Hierosolymit. vbi de Tyro dicitur, quod *Genecia sunt ibi plurima, vel publica, Oloferica, & diuersa genera telarum*. Quin & ea quandoque pro poena, & loco carceris erant, quò alicuius criminis rei amandabantur. Vnde memorabile est illud, quod de Narsete inclyto duce, & Imperij columine sub Iustino Orientis Imperatore refert Paulus Diac. lib. 18. nempe à Sophia Augusta, cuius in odium incurrit, vtpote Eunuchum, in despectum fuisse in Gynæceum amandatum, vt cum puellis pensa faceret: Ex quo ille iratus, talem se dixit Augustæ telam orditurum, quam nec ipsa, nec vir eius valeret retexere; nec minæ effectū carere, vt latè prosequitur Historicus. Sed hæc obiter.

Nunc autem eiusmodi Gynæcea, & textrina, occasione accepta, & laxato rigore, sensim in vitiū fomitem, ac turpitudinem abierunt: vt iam, seu publica ista loca, seu priuata, male audirent, & pro lupanaribus haberentur, cum ancillis alioqui inibi ad opera feminea congregatis, domini ipsi abuterentur, ac loci secretum, nacli, stupris atque impudicitij operam darent. Vnde Io: de Ianua absolute pronunciat: *Genecium, Lupanar vel textrinum, quia ibi conuentus feminarum ad meretricandum, vel opus lanificij exercendi causa*

causa conueniunt. Ex quo factum est, vt si qua mulier in stupro de-  
 prehensa fuisset, in poenam, & publicam ignominiam ad Gynæcea,  
 hoc est publica postribula relegaretur. Quæ postea, nimis rigida, &  
 scandalosa lex, alia lege Longobardorum abrogata est, & corre-  
 cta, vti habetur lib. 2. tit. 37. §. 6. qua dicitur: statuimus, vt  
 si femina, qua vestem habet mutam, mecha deprehensa  
 fuerit; non tradatur Gynæceo, sicut usque modò; ne  
 forte qua prius in vno, postmodum cum pluribus lo-  
 cum habeat machandi. Adeò non vllum  
 institutum sanctius, non vllus lo-  
 cus sacratior, quin homi-  
 num vicio, in scelus  
 & abominium  
 conuer-  
 tur!







# HA



**ALORROMETRVM** vocat Kircherus Instrumentum quoddam versatile, simile ei, quod in dorso Astrolabij, ad venandum locum Solis & Lunæ in Signifero, aliaque ad eorum configurationes, & habitus dignoscendos, inspicitur. Hoc autem quatuor rotulis, seu tabulis planis constat: cuius ope auspicari poterit fluxus, & refluxus maris reciprocatio ad Lunæ positionem ad Solem, & ad quartas mundi. Cuius instrumenti descriptionem, constructionem, & usum, ipse Kircherus fuse tradit, atque in suas partes ab inuicem discretas, spectandum oculis exhibet in *Arte Magnetica* lib. 3. par. 4. Quam, quia res noua, curiosa, facilis, iucunda, & perutilis est, & alias à nostro instituto non aliena, huc exscribere non grauabor. Ait igitur.

Primò describatur in Tabula orbiculari solida, Zodiacus; ea ratione, quā in Astrolabio descriptus est. Secundò fiant duæ semilunares figuræ referentes nodos  $\Omega$ .  $\Psi$ . prout in Astronomicis: & à punctis intersectionum, quæ oppositè & inuicem necesse debent, incipiendo; utraque in partes duodecim per lineas æquidistantes, per transversum, & in orbem diuidatur. In vno verò ex dictis punctis affigatur index representatiuus Solis. Tertiò in eadem tabula intorsum, describatur alter circulus minor, eadem forma, ut duo Ventres (sic enim in Lunaribus nodis maximam Lunæ latitudinem nuncupat) prædictis punctis intersectionum subiiciantur; itaut hi, duos aquæ tumores referant: reliquæ verò duæ semilunares figuræ inibi contrario ritu descriptæ, eandem cum prioribus diuisionem, ex vno & eodem centro peractam, habeant: ac similiter in puncto vno prædictarum semilunarium figurarum, agglutinetur index Lunæ indicatiuus. Quartò fiat circulus minor, seu

seu rotula, aream vacuum subiectæ tabulæ circularis opplens & ex-  
quans, quæ referat globum terræ in viginti quatuor partes, seu me-  
ridianos discretum, idque lineis à centro in circumferentiam du-  
ctis. Atque has omnes figuras in vnam includas: videlicet minores  
maioribus; itaut hæ rotulæ circa vnum, & idem centrum gyra-  
ri possint: orbibus autem secundo, & tertio, vt dictum est, indices  
alligabis: habebisque totam machinam absolutam, quam videre,  
poteris in suis partibus seorsim ab inuicem explicatis, & singulas  
suis lineis, & numeris notatas, apud ipsum Kircherum.

3 Porro vsus hic est. Applicatur index Solis ad gradum, quem Sol  
tunc obtinet in Zodiaco, iam in subiecto limbo descripto: admouea-  
tur item Luna ad locum suum; & numeri in aquaticis tumoribus  
iuncti simul, dabunt profunditatem maris in locis meridiano illi su-  
biectis, qui cum reliquis in vltima rotula delineatus est, vel proxi-  
mè attingunt. Ità obseruare licebit, Sole, & Luna in Quadraturis  
constitutis, mare vbique esse æqualis profunditatis, videlicet septem:  
in reliquis autem partibus tumores proportionaliter imminui, &  
decrescere.

4 Item, cum æstus maris non semper sex horis, nec isdem horis ac-  
cessus, & recessus duret, sed pro dispositione Luminarium in Zo-  
diaco; idcirco, vt mediante hoc instrumento, tempus durationis ac-  
cessus, singulis diebus inuenias, fac disponas indices Solarem, &  
Lunarem, vnumqueque suprâ gradum suum, quem tunc occupat in  
Zodiaco: quo factò, obserua positum luminarium adinuicem: quan-  
diù enim ea in contiguis quadrantibus fuerint, certum est mare nul-  
lum æstum tunc subiturum; at mox æstuabit, simulac ambo Lumi-  
naria in eodem quadrante, aut oppositis constituentur. Altera verò  
die, æstus durabit horis tantum quinque, quia Luna tardius,  
vna ferè hora, meridianum pertingens, quinque solum horis in vno  
quadrante cum Sole morabitur. Sic tertia die à coitu, quatuor tan-  
tum horis durabit æstus, quia Luna dyabus ferè horis serius meri-  
dianum assequitur, & sic de singulis successiuis diebus. Quò fit,  
vt similiter remittatur æstus vsque ad septimam diem, nempe in Lu-  
næ quadratura ad Solem. In qua, quia vtrunque Luminare sex in-  
tegris horis est in diuersis quadrantibus, vt instrumentum common-  
strat, nullum quoque æstum in mari experiri licebit. Quæ omnia,  
ex eodem Kircherò deprompsimus. Qui tamen prudenter addit, se  
haud nescire, multis in maribus hunc æstum esse irregularem, ob va-  
ria accidentia extrinseca, sed se loqui de æstu maris, quem ex natura  
rei haberet, si non ab extrinseco impederetur.

HALON, seu HALONES græcè dicuntur coronæ, seu circuli illi subalbidi, quos sæpè videmus circà sidera, præsertim verò circà Solem, & Lunam ad certum tempus, & illicò efformatos, fulgorem quemdam crassum præ se ferentes, & illa quodammodò circumplectentes, radijsque veluti, satis visibilibus exornantes: qui sanè aliud non sunt, quam aëreæ impressiones, seu sub ipsis congregati quidam vapores, adhuc calore Solis non resoluti, in quos reflectentes solares radij, fulgorem illum remittunt, & procreant, nihilo seciùs quàm sit circà horizontem, sereno Cælo, in Atmosphæra. Hos & Areas vocauere antiqui Philosophi; quia, vt inquit Seneca, Aræ rotunda sunt loca in campis, terendis frugibus destinata, quibus isti sunt valdè consimiles. Memorabilis Halonis suo tempore visi meminit Plinius lib. 2. cap. 26. necnon & aliorum duorum Suetonius, atq; Dio: ex quibus facti historiam referens Cornelius Gemma, lib. 2. de Diuinis Naturæ Characteribus, cap. 8. hæc habet. *Sub imperium Augusti Caesaris, vt auctor est Plinius, ingens circulus circà Solem, seu radiantibus stellis insignis Corona apparuit: deinde & alij duo, vt ex Suetonio patet; atque Dione. Quorum alter Iridis elegantissima formam; alter ex spicis triticeis sertum præferebat. His affinia sunt Pærelia, Fouæ, Virgæ, & alia, de quibus suo loco.*

HALYSIS non multum discrepat ab Halone. Est enim, teste Apuleio lib. *De Mundo, Catena quadam (illius verbis vtor) luminis clarioris, per Solis ambitum in se reuertens.* Additque, inter hanc, & Iridem hoc intercesse, quòd Iris multicolor est, & grandi semicirculo figurata procul à Sole, Catena verò clarior est, tantùm candicans, ambitque astrum constanti orbe, atque incolumi.

HAEDI in Astronomicis agnominantur duæ stellæ fixæ minimæ quidem magnitudinis, sed valdè perniciosæ, horridæque (quales appellat Plinius lib. 18. cap. 26.) in sinistra manu Aurigæ sideris consistentes. Sunt ex quartæ magnitudinis de natura Martis, & Mercurij, quæ nunc temporis reperiuntur in gr. 12. & 14. Geminorum cum latitudine Borea, gr. ferè 18. De ijs horoscopantibus in alicuius Genesi, sic perbellè lusit Pontanus in Vrania lib. 3.

*Promittunt igitur duos à fronte Catones*

*Nascentes Hadi: turpi sed inertia mentem*

*Occupat, & molles languent in pectore cura:*

*Triste supercilium, molli sed degener umbra:*

*Est animus luxu languens, & deside somno*

*Frons ficta; obsceni mores, petulansque libido,*

Sl

Armo

*Armorum & deses fuga nobiliumque laborum ,  
Hinc mortem sibi consciscunt ; infamis ut umbra  
Erret Letheos non transmittenda per amnes .*

Id quod aliter explicat Firmicus in hac verba: Si *Hædi*, inquit, in alicuius Natiuitate reperti fuerint; Natus aliud ex fronte pollicetur, aliud latenter in moribus calabit: Erit enim austera facie, prolixa barba, obstinata fronte; ita ut Catonis prorsus institutum imitari videatur; sed totum hoc fucato mentietur affectu: quippe intrinsecus erit lasciuus, & qui latenter amorum illecebris semper exastuet. Nascuntur etiam, sub hoc sidere, ouium pastores, quique siluestri fistula modulantes, rustici carminis dulcissimos modulos edant. Si verò in Occasu reperti fuerint cum prauo aspectu Saturni; nati in ipso vitæ momento moriuntur, aut in ipso nascenti lumine constituti, deficientibus matris viribus, strangulantur. Quod si Mars cum ipsis in Occasu fuerit, omni beneuolarum testimonio destitutus, plesti faciet Natos, aut Religionis causa exuri. Hæc Firmicus nimia facilitate, ne dicam, temeritate coniectans. Sed quoad æris mutationes magis fundatè discurret. Ait enim: Hædi exorientes ventos ciere solent, pluuias violentas adducere, & tempestates in mari excitare: id quod sæpè experientiâ comprobatur. Vnde Hædos hosce, inimicum Nauigantibus sidus canit Germanicus.

- 8 HAMATAE TEGVLAE, rei ædificatoriæ Professorum vsitato loquendi more, vocitantur illæ, quæ in structuris ad necessarium, continendumque tectum, aut duos parietes in angulum coeuntes, à cæmentarijs adhibentur, vt notum est. Agnominantur autem *Hamatae*, quia habent margines vtrinque extantes, qui veluti hami alias arreptant, & nexu quodam fortissimo sibi copulant, & agglutinant. Etenim tria regularum sunt genera, quæ ad constructionem concurrunt, quorum omnium mentionem sæpè facit Vitruuius. Aliæ planæ, quibus vtimur non tam ad erigendos parietes, quam ad pauimenta substranda. Aliæ sunt arcuatæ in modum canaliculi, quæ communiter appellantur Imbrices. Aliæ hamatæ, de quibus nunc sermo: & ambæ istæ adhibentur in tectis ad colligendos, & remittendos imbres. Tanta enim ratio tectorum habita est ab antiquis illis Architectis, vt omnium primariæ & potissimam curam iudicauerint impendi debere in eorum compositione, tam quoad materiam, quam quoad formam, vt firmi sint; & in æternum manent, resistentque æquè ardoribus Solis, ac pluuijs ingruentibus, ventorumq; vehementibus flatibus: quandoquidè ex tectorum consistentiâ & perfectione, tota ædificij felicitas oritur, & consequitur.

lib. 1. cap. 11. *Tolle tectum* (scitè notat Albertus) *putrescit materia, labescet paries, satiscunt latera, omnis denique structura sensim dissoluetur: ipsa etiam fundamenta tectorum profectione (quod vix credas) corroborantur.* Quocirca quùm varix olim ipsorum ineundorum, 9 rationes excogitatæ fuerint, nulla sanè aptior opportunior, & vsui communi accommodatior reperta est, quam tegularum costilium, sibi mutuo adhærentium, proindeque hamatarum, nexus & ordo, quibus & impensis paritum, & innumeris penè incommodis, quæ aræ laminæ plumbeæ, lapideæque latastræ secum ferrent, optimè est prouisum. Nam quoniam terreæ sunt ex luto aut argilla, leuis pretij sunt, & vbique facillè comparari possunt; & quia igne semel examinata, solis ardores, & ignem non metuunt: & quia aquam sunt excepturæ, & identidem euomituræ, tales formatæ sunt, quæ ex parte, qua lata sunt, aquam exciperent; remitterent quæ hamatæ, & ineumbentibus imbricibus extruderent, ne in commissuras penetrantes guttulæ interiora corrumperent. Vt propterea huiusmodi hamatæ tegulæ totam sibi, bene ordinati ædificij laudem, & palmam proripiant.

Sunt & in alio vsu hamatæ tegulæ, nec sanè minoris compendij, 10 atque vtilitatis; nempe, vt oppositæ angulis parietum simul cœuntium, eos firmant roborant, nectunt, nec sinunt ab inuicem diuelli, aut pressione nutare. Hoc enim uerò innuere videtur Vitruu. lib. 6. cap. 4. cum ait: *Ex alia parte bessalibus laterculis pila substruantur, in quibus duarum tegularum anguli sedere possint, & ita à pariete ea distent, ut ne plus pateat palmum: deinde erectæ hamatæ tegulæ ab imo ad summum parietem figantur.* Neque enim, si ab imo ad summum parietem figi debent, ad aliud deseruituras concipi potest, quam ad firmandos angulos, & parietes connectendos: Nisi fortè de ijs loquutum velimus, quæ prominentes veluti clauies, in parietibus relinquuntur, quò prosequi possint, opere nondum perfectò: quippe fit vt noua structura veteri superinduci commodè possit, & firmiter adhærere.

HARMONIA communiter, & in rigorofo sensu accipitur pro 11 musico concentu, ac melodia; quæ ex diuersis vocum, sonorumque temperamentis, consurgit mirabilis illa modulorum connexio, & consonantia, quæ auribus adblanditur, animos pulsât, spiritus recreat, & exilarat; atque ad varios affectus excitat & abducit. Verùm nimis arctè pars pro toto supponitur, & species infima totius generis generalissimi nomen, indebitè sibi arrogat, & assumit. Nisi fortè, quod in Musica maximè elucescit, contrariorum, ac dissimili-

lium concors conuenientia, & consensus, ei potissimum tribuatur, quæ gratissima sui exhibitione nos eleuat ad alias omnes harmonias quæ in operibus Naturæ latent, intellectu dispiciendas: aut etiam quod ipsa Musica abstractè considerata, generale quoddam Harmoniæ vniuersalis specimen sit, & omnem eiusmodi dissimilium rerum consensionem, seu dissimilarem concordiam, in se vna exprimat, & contineat. In vtroque enim sensu videtur accepisse Tullius Tuscul. 1. cum ait. *Harmoniam ex sonorum interuallis nosse possumus, quorum compositio etiam harmonias efficit plures.* Vnde & Cælius Rhodiginus lib. 9. cap. 6. mutuatis vocabulis, Musicam vocat hanc generalissimam harmoniam; quam è celeberrimis, vt testatur, acceptam auditoribus, triplicem autumat, *Mundanam* scilicet, *Humanam*, & *Organicam*. Et *Mundanam* quidem, ait, ex *Calorum* concentu inenarrabili deprehensam, necnon ex *Elementorum* nexu mutuo, subtilitatis immense: sed & *mira operum* varietas idipsum iuuat argumentum. *Humanam* verò Musicam faciliè perceiveris, si in te ipsum descendere incipias, & miraculum Diuinum amplius expendas. Etenim quæ vis alia spiritalem vigorem mentis compotem, mortali, ac terrena compagi fermentat, adglutinat, continet, & ad præscriptam perducit metam, nisi coaptatio quædam, & veluti grauium, leuiumque vocum, quasi vnâ efficiens consonantiam, temperatio? Quam verò *Organicam* nuncupant, & iam ad instrumenta spectat, quæ varietatis summa, pro ingeniorum captu artifex peritus excogitauit.

- 12 Ergò Melos, (& quam postremo loco reposuit Cælius, quæque proprio nomine dicitur *Symphonia*) Harmoniæ minima pars est, & veluti in pusillo speculum, vel argumentum, quæ ad magnas, & multiplices harmonias, quæ in vniuersa Natura sparsim, collectimque relucent, contemplandas, dispiciendas, & commendandas excitemur, & aditum habeamus. Illa enim Harmonia quæ generalis est, & per omnia, quotquot ex concordi contrariorum, ac dissimilium prodeunt nexu ac temperatura, transcendit. *Inconspicibile quiddam est*, (ait in Phædone Diuinus Plato) & *incorporeum*, & *pulcherrimum* quid, & *Diuinum* in *benè consona*, & *consentiente Lira*. Hanc iure *Mundi Animam* dixeris: Non in eo sensu, quo ipsemet Plato in *Philebo*, vitalem spiritum, Mundi rectorem, vniuersa physicè informantem asseruit; sed quæ altiore cura, & ordine Animæ informatricis quodammodò vices subeat, contraria iungat, ad amoremque conciliet, atque inde pulcherrimus hic rerum ordo, cuius consideratione oppido iucundamur, profiliat, consistat, perennet. Hæc in Cælorum ordinata serie, vt Scriptura testatur, Musicum concentum facit: Hæc in terris Cælestia imitatur, atque impertit astralem illam
- 13 viuifi-



viuificam vim, in animantia quæque, plantas, mineralia, deriuando: Hæc in Microcosmi nedum parte terrea, humorum videlicet nexu, & partium dissimilarij concordantia, sed in Animæ quoque potentij, sensuumque subordinationibus locum habet. Ausim dicere: Nil est in rerum Natura, siue in naturalibus, siue in artefactis, siue in corporeis, siue in Physicis, siue in Moralibus; quod non aliquo harmoniæ nexu, & ordine componatur, quam alio nomine Eurythmiam transcendentalem Vitruuius, aliique dixerunt. Vt proinde Harmoniæ Speculatio, Ars artium, Scientia scientiarum, atque omnium Disciplinarum Compendium, & Magistra, iure diceuda sit: Et quidquid Geometria in mensuris proportionalibus; Arithmetica in numeris; Astronomia in Cælestium Orbium motibus, Meteorologia in aëris impressionibus; Philosophia in rerum principijs inuestigat, harmonicum est: vnico verbo: nulla vel minima, & contemptibilis ars circa suum peculiare obiectum versatur, quæ non harmonicè id inquirat, harmoniam in omnibus non inueniat, ordinem hunc sectetur. Igitur Harmonica omnis Ars; Harmonia, omnis Artis obiectum.

Quibus sic stantibus, Harmoniam hoc loco præterijisse, quæ Mathematicarum præcipuè facultatum scopus, & obiectum est, placulum foret, & harmonicè non procedere. Si quis eam in toto, & singulis Mundi partibus contemplari curiosius auet, adeat insigne Opus Francisci Georgij Minoritæ *Mundi Harmoniam* inscriptam: at si in Mathematicis tantum contemplationibus sistere velit, legat nostrum Guarinum in Euclide Adaucto, præsertim tractat. 13. 14. & 16. 14

HARPAGINETVLI, pseudo-cuiusdam ornamenti genus in re, 15  
architectonica, aut in pictura videtur esse apud Vitruuium, ineptè, & contrà Veterum rationem, in ædium atrijs, & peristylis appingi ab aliquibus solitum: quod quale reuera fuerit, se ne suspicari quidem potuisse, fatetur vltro Philander. Vbi enim ille de ratione pingendi in ædificijs ex professo agit, lib. 7. cap. 5. refert varias à veteribus Architectis picturarum rationes seruatas; ita tamen, vt sumerentur semper ad verum, & ex rebus certis similitudines, idque æquo iudicio. *Nàm pictura*, inquit, *imago sit eius quod est, seu esse potest, uti hominis, adificij, navis, reliquarumque rerum, è quarum formis, certisque corporum finibus, figurata similitudine sumuntur exempla.* Et ideo, subdit, pingebant portus, lacus, promontoria, littora, flumina, fontes &c. Similiter in ædificijs, columnarum, & fastigiorum eminentes proiecturas; omnia ad verum, aut ad veri similitu-

dinem . Conuerſit poſtea ſermonem ad abſonam hanc ; & à veterum inſtitutis alienam pingendi licentiam , quæ ſiue deprauato iudicio , ſiue nouandi libidine , deformitates , & monſtra incompoſſibilia exhibebat . At enim quæ ſunt monſtra iſta , quæ tam acriter inſectatur Vitruuius ? Sequitur ad rem noſtram . Pro columnis enim ſtatuuntur calami ; pro ſaſtigijs harpaginetuli ſtriatum cum criſpis ſolijs , & volutis . Item candelabra adicularum ſuſtinentia figuræ , ſupra ſaſtigia eorum ſurgentes ex radicibus cum volutis coliculi teneri , plures habentes ex ſe ſine ratione ſedentia ſigilla , alia humanis , alia beſtiarum capitibus ſimilia , &c. Hac autem ( concludit ) nec ſunt , nec fieri poſſunt , nec fuerunt . Hic autem ad nouum , barbarum , & nuſpiani uſitatum vocabulum , uti ad horribile monſtrum , hærent merito Interpretes , imprimiſque ſagaciſſimus Turnebus , in erucendis ex antiquitatibus monumentis eiufmodi obſcurarum vocum notionibus , oppidò felix , ſtultique ſecundus . Ait enim lib. 7. Aduerſarior. cap. 27. *Querunt doctiſſimi viri , qui ſint in Vitruuio Harpinagetuli ſtriatum ; & ſedulam nanant operam in erunda obſcuræ vocis ſignificatione ; parum proficiunt tamen . Ad Sacram Anchoram decurrendum in rebus perditis , & propè deſperatis ; ideſt ad libros veteres , in quibus legitur Aparina oculi ſtriatum . Ex his verbis emendo : Aparina oculi ſtriatum , vel Aparina colliculi : oculos enim & in arundinibus , & ſtirpibus , non eſt ignotum . Tandem eos pro ſaſtigio poni , id eſt ( ſubdit notanter ) quod Vitruuio reprehendendum videtur . Hæc eruditiffimus vir ; qui tamen ingenuè proteſtatur , ſe non magni hanc verbi emendationem vendicare . Et ſanè valde dura , ac dentibus extorta hæc vocabuli immutatio , atque vnus longe diuerſi ſenſus , pro alio , quem prætendit Vitruuius , ſubſtitutio . Cæſarianus in ſuis ad Vitruu. Notis , coniectatur , ipſum loqui de Harpyis , ex nominis ſimilitudine , quas cæteroquæ ſciſmus ſæpius in Zophoro adpicſas eſſe . Cæterum , ubi pro veri ſenſus intelligentia ad aliquam vocis alterationem venire debet , magis placet , eſtque veriſimilior emendatio Io de Laët illustratoris Lexici Vitruuiiani , quam , exhibitò oculis ſchemate , proponit & aſtruit . Vult enim leuiſſimum irrepiſſe mendum in Vitruuiano Codice , ex amanuenſis incuria ; & coniunctim poſita , quæ diſtinctis verbis exprimi debuerint , Harpaginetuli , ſeu Harpagenituli pro Harpages , & Nituli : vel facta litterarum immutatione , Nituli , pro Mituli . Quis autem neſciat , inquit Harpages eſſe instrumenta adunca ad arreptandas res facta ? Mitulos autem , Conchas eſſe ſua natura ſtriatas ? De quibus Plinius lib. 9. cap. 33. *Conchis , ait , lenibus , rigatis , denticulatis , ſtriatis , vertice muricatum intorto . Ego autem ( ſi quid hic valet calculus meus ) pro Mituli , Mntuli , magis ad rem legem-**

legendum censerem . Damnat itaque Vitruuius absurdum morem recentium Architectorum, Pictorumque, quidquid Phantasia depra- uata dicat, modo oculis placeat, admirationemque ingerat inspe- ctantibus, temerè obtrudendi, tametsi aberret à vero . In his pro exemplo numerat calamos pro columnis positos, harpages pro mu- tulis, candelabra ædículas sustententia, & alia id genus monstra, quæ passim in ædificijs de nouo creata, & exposita videbat, veterum præceptis, grauitati operis, & veritati admodum repugnantia .

Et hæc quidem de vocabuli notione, cuius fastidiosissimam hanc quæstionem, non secus ac de lana caprina, tenebrosus iste author inuexit: quando aliàs (quod ad rem attinet) non videtur tam ac- ri reprehensione dignum, in Picturis, & Sculpturis ingerere has pere- grinas, & à veritate recedentes inuentiones, quas communis homi- num plausus probat, inexplibilis curiositas expetit, Principum æstimatio, quas pingi volunt in suis aulis, ac pretij excessus pretio- sas facit . Has nos communiter *Grottescas* vocamus .

HARPAGONES mechanica instrumenta sunt, tum in vsu ciuili 17.  
ad arreptandas res, vt modò tetigimus; tum potissimùm in mariti- mis prælijs, ad arripiendas, retinendasque firmiter hostium naues: sunt enim prælongæ falces aduncæ, hebeti tamen acie, & in capiti- bus recuruatæ, perinde ac in anchoris; quæ semel iniectæ, ita nauibus infiguntur, adhærentue, vt nulla arte extricari possint, proindeque deditionem facere compellantur . Contrà hos tamen (vt nullum malum in natura sine remedio) ars militaris hodie nullo inuenit ef- fugia, præuentionibusque se munit . Tempore suo Vegetius, (quo- niam diuersus erat ordo præliandi præsertim in Classarijs) monet opponi scuta validiora, & ampliora, lib. 4. cap. 44. *propter falces*, inquit, & *harpagones aliaque naualia genera telorum* . Hos tamen cum manibus, vt vocant, ferreis, confundunt plures Historici, ac præsertim Liuius lib. 26. vbi ait: *Cum belli apparatu strepunt ferrea quoque manus, harpagones vocant, quas operibus hostium inijcerent* . At Cæsar lib. 1. de bello ciuili, quem sequitur Stevvechius, manus ferreas longè diuersas ab Harpagonibus facit . Id quod Stevvech. confirmat ex Plinio, qui manus ferreæ inuentorem, perhibet fuisse, Periclem quemdam Atheniensem, Harpagonis verò Anacharsim: ac diuersitas potissimùm in eo consistit, quoniã harpagones feliciter & celeriter immitti poterant, ac subinde retrahi; vt testatur Dio; quando Manus ferrea magnæ molis erat, ac magno impetu, & pon- dere decidebat, itaut nauibus inextricabiliter adhæreret . Addo ego, quod harpagonum hodie vsus in naualibus prælijs adhuc viget, for-

forma omnibus nota est; ferrearum verò manuum, quæ forma, quis vsus præcisus fuerit, vel ab ipsis veteribus Scriptoribus controuertitur, & nomine tenus earum memoria in Codicibus mansit; vt, cum de ijs redibit sermo, videbimus.

- 18** HASTATI MILITES dicebatur olim qui primi in ordine stabant in Acie explicata, hastis armati, mox prælium adorituri, ac viam cæteris ad pugnam aperientes: Vnde *Hastati dicti* (ait Varro lib. 4. de ling. lat.) *qui primi hastis pugnabant*. Consonat Liuius lib. 47. *Romani, inquit, mediam aciem, Latini cornua tenuerunt. Hastatorum prima signa, deinde Principum erant; Triarii postremos clauderant*. At Vegetius, qui de hac re, ex professo scripsit, quique rei militaris Magister est habitus; non vno in loco, expressè Principes in Prima acie collocat, Hastatos in Secunda, Triarios in Postrema. Sed id mirum non esse debet: nam, vt alibi maturius ponderauimus, pro varietate temporum, & diuersarum Nationum consuetudine, bellandi modus, ac præsertim totius exercitus explicatio, non eadem semper fuit. Et apud Romanos ipsos scimus, aliter constitutum esse in Republica libera, aliter sub Principibus. Videatur Aelianus De instruend. Acieb. & exempla apud Iul. Frontinū lib. 2. Stratagem. c. 4. & 8.

## A E

- 19** HECTAMORIA, sibi maximè aridente vocabulo, & ad rem suam valde accommodo, atque expressiuo, insignitus est à Ptolemaeo in Apotelesm. Circulus Horizontis conceptus mobilis in Circulis Positionum: propterea quod, obseruat Olympiodorus in 3. lib. Meteor. Horizon in sex angulis distractus, totidem positiones assumit in dies singulos, ob binas horas inæquales, quibus Domorum spatia distinguit, & signat terminos fixis in locis, omnino sex supra terram, nempe tres ab ortu ad Meridianum, ac totidem à meridiano in occasum. Quæ ratio fuit in causa, vt hæc Horizontis in sex æquas partes diuisio, peculiari nomine Hectamoria diceretur: siquidem vsitatum, ac solemne erat apud antiquos, à Circulis positionum totius diei quantitatem, & horarum partitiones auspicari.

- 20** HEDRA apud Geometras nominari solet Superficies simpliciter plana in corpore solido considerata: vnde ex diuersitate, ac multiplicatione planorum, quæ in vno corpore adunantur, Hoc denominationem assumit Tetraedri, Hexaedri, Octoedri, &c. Et absolute Poliedrum dicitur quod pluribus vtrunque planis constat.

- 21** HEGIRA, Aera est, & annorum computus Arabum proprius, &c

& inde omnium Mahumetanorum, iuxta annos computant, distri-  
bunt, ac metiuntur; respondens nostris Epochis, & Aeris. Hæc  
initium sumpsit à Fuga Mahumetis pseudoprophete de Mecha ad exer-  
citus colligendos, ac Principatum adoriundum: id quod fuit circa  
annum nostræ Salutis, 622. in quem præfata metamorphosis cecidit.  
Et quia Arabes, (vti & Indzi) obseruant menses lunares, constan-  
tes alternatim modò triginta, modo viginti nouem diebus, ex quo  
in singulos annos duodecim tantummodò lunationes computant,  
nullam habentes rationem Epactæ, qua Luna vndecim diebus ante-  
uertit motum Solis in Zodiaco; inde factum est, vt per decem  
dies, & nouem ferè horas, annus ipsorum anticipet: sicque intra  
spatium trigintaduorum annorum, singuli menses per singula qua-  
tuor anni tempora temere diuagentur. Et hæc est causa, quod ab  
initio Hegiræ, vsque ad tempus præsentis voluentis anni, 1684. quan-  
do apud nos elapsi sunt tantum 1062. anni, ipsi transcurfos faciant  
totos 1652. vltro adijcientes quingentos ferè ac nonaginta annos,  
eoquod Solares annos non computant; & Lunares ipsos, quibus  
vruntur, mutilant vndecim ferè diebus in singulos annos, quibus  
Luna præcedit, & anticipat motum Solis. Scio, Eutygium Ale-  
xandrinum in sua Historia Ecclesiastica reponere Hegiram Sarace-  
norum ad annum Christi, 614. vbi ait: *A Christo Domino vsque ad  
Hegiram, sunt anni sexcenti, & quatuordecim.* Sed id contrà om-  
nium Chronologorum, præsertim Orientalium sensum & accepta-  
tionem assumit; quippe ij omnes vnanimi consensu, eam reijciunt ad  
vndecimum annum Heraclij Imper. respondentem vtique ad prædi-  
ctum annum Christi 622. Cui concordat etiam tempus, & occasio  
fugæ atreptæ à vaserrimo Opilione, vt probat Petauius in lib. De  
Ratione temporum.

P2

HELEIARIA Ars spectat ad Nauticam, agitque de gravitate, 22  
aquæ marinæ, & fluuiatilis, ac differentia inter ipsas; ad sumendam  
rationem compingendarum diuersimodè nauium, quæ eas premere  
debeant; proindeque etiam de ipsarum figura, commensuratione,  
suburtæ, & alijs, vt probè versentur in aquis, & consistent in æqui-  
librio. Similiter pertractat de variatione ponderis facienda in tem-  
pestatibus, modò in puppi, modò in prora, modo in Ventre. Tan-  
dem De Onerarijs, ac modò eleuandi eas iam submersas in aquis, &  
similibus. De quibus omnibus fusè Scottus in Cursu Mathematico.

HELEPOLIS apud bellicæ institutionis Scriptores, est Machina, 23  
euerendis Urbibus facta; sic nuncupata ex notione græca, quasi

*Cinitatum subaltrix*. Successit in locum Arietis, qui iam frequentius usu, & lentitate istum, fere in despectum hostium iuit: unde hoc machinamentum longè terribilius, & validius fuit excogitatum. Cuius inuentionem tribuunt Demetrio Antigoni filio, qui eo primum usus est in expugnatione Rhodi; quod ideo Poliorcetis nomen adeptus est. Hanc Plutarchus in Vita Demetrii, scribit fuisse formam quadratam, paribus hincinde lateribus, verum contractam gradatim ad verticem. Sed eam exactissime describit Ammianus lib. 23. in hunc modum. *Testudo compaginatur immanis, axibus roborata longissimis, ferreisque clavis aptata, & contegitur corijs bubulis, virgarumque recenti textura, atque limo asperguntur eius suprema, ut flammeos detrahet, & missiles casus. Conseruntur autem eius frontalibus trifurcae cuspides praecutae, ponderibus ferreis graues, qualia nobis pictores ostendunt fulmina, vel fectores, ut quidquid petieris, aculeis exercitis abrumpan.* Hanc ita validam molem palis, & funibus regens numerosus intrinsecus miles, languidiori murorum parti viribus admouet concitis; & nisi desuper propugnantium valuerint vires, collisis parietibus, aditus patefacit ingentes. Hæc Ammianus. Eam altitudine ped. 125. latitud. 60. fuisse scribit Vitruu. lib. 10. cap. ult. atque inter Lithobolas machinas cenfer Diodorus Siculus lib. 20.

- 24** *HELIX* dicitur græcè linea obliquè ducta, seu recurua, in gyrum acta, recedens sensim à centro spatij, quod comprehendit, circumductu æquabilis semper incedens, siue in latum, siue per longum, ut in spiris, & in cochlea: In quo differt à peripheria quæ sibi constans est, & æqualiter distans à centro. Quod nomen postea hæsis quibuscumque lineis spiralibus, ac machinis ad eius ritum formatis. Antonomastice verò usurpatur pro spira, seu linea indefinita, quæ circa conum, cylindrum, vel sphaeram, æquali flexu circulariter, sed inæqualiter voluitur. Hinc factum est, vt

- 25** *HELICES* quoque apud veteris militiæ professores, appellatos inuenias mucrones illos artificiosè contortos, quos ad frontem, & caput Arietis militaris affigiebant, foras exteros: & quia in speciem cornuum contortorum Arietis pecudis erant hinc inde dispositi, hisque violenter per ductum, & reductum mali, muri quatiebantur, & dissiliabant. Hoc etiam vocabulo vitur Vitruu. lib. 4. cap. 1. ad significandas minores volutas, seu coliculos illos qui in Capitulis columnarum ordinis Corinthij, inter volutas maiores, & achanti folia insurgentes, sub abaco molliter intorquentur, & volutantur: quemadmodum ipsos cauliculos vitium, phascolorum, & similium eius-



eiusmodi stirpium, qui quasi cincinni nascentes circumuoluntur, & truncis arborum, & ramis adherent, hælicas nominarunt Dioscorides, & Varro de Re Rust.

HEMICYLINDRVS, seu HEMICYLINDRVM, dimidiatum, 26  
cylindrum sonat, hoc est figuram dimidiatè rotundam. Sed hoc nomine peculiariter insignitum est Instrumentum Geometricum à Tarentino Archita, ut fertur, inuentum, & publicè expositum in solenni, & confertissima Geometrarum Academia Athenis habitâ, ubi agebatur questio de indagandis duabns medijs proportionalibus. Cum enim Apollo Delijs imperasset, ut ei Aram duplo maiorem erigerent, quàm quæ hædonüs apud illos erat; & simili modo Minoës Glauco Sepulchrum exitare volens, oraculum consuluisse, qua figura, & magnitudine id extrui deberet; respondisse refert Tragicus, *Cubica*; sed itâ, ut bis tantum caperet, quantum *Cubus*, qui quoquouersus esset pedum centum. Quod cum omnium animos præstrinxisset, Plato rem ad Geometras deduxit; quibus decertantibus, anbigentibusque, quanam id ratione fieri posset; Hippocrates Chius edixit, id tum fieri, si constitutis duabus lineis, quarum maiore existente dupla quam minor, inter eas duæ mediæ in continua proportionem inuenirentur. Proposito Theoremate, nemo tunc repertus est, cui id soluere daretur animus: donec multis in varia abeuntibus, Architas per præfatum Hemicylindrum, & Eratosthenes per Mesolabium, intentum feliciter assequuti sunt. Sed & Valla lib. 4. Geometr. aliam rationem, longe securiorem, & faciliorem speculatum esse se iactat, ex Archimedis; Heronis Bizantij, & aliorum celebriorum Geometrarum principijs erutam. At quàm feliciter, Lectoris esto iudicium.

HERCIVS, ex græca nomine (quàm adhuc utcumque sequuntur 27  
Galli nominantes *Heræ*) dicta est in Munitionibus bellicis porta pendula, quæ ubi Opus est, laxatis retinaculis deorsum cum impetu ruit, & solo insignitur ad intercludendum aditum, seu intercipientes temerè primam portam esse quotos iam hostes. Hanc nos vulgò *Saracinescam* vocamus. Ex quo, per quandam analogiam *Hercius*, audiuit aliquando Iupiter; quod eius Statua intrâ conspectum domus posita, ab Ethnicis colebatur. Quare emendandus videtur corruptus Cæsar's locus lib. 3. de Bello Ciuili, ubi de aggressione Pompeij per suos inita, verba faciens, bis huius obicis, & repaguli meminit sub nomine Hericij. *Erat* (inquit) *Obiectus portis Hericius*, & paulo post, *Sed tamen nostri virtute vicerunt, exisioque Hericio, primò in*

*maiora castra; post. etiam in Castellum, quod erat inclusum maioribus castris, irruerunt. Vbi benè Ianus Laurembergius in Antiquario, mendum irrepsisse putat, & restituendum ex antiquis exemplaribus. Erat obiectus portis Hercius: & exciso Hercio &c. Qui enim uerò Hericius ad propositum facit, quod Hericius, siue potius Ericius militaris, non repagulum est, sed Machina offensiva, infestis undique tellis compacta, speciem habens quasi Ericij feræ, ex quo nomen assumpsit, ut in loco monuimus? Stat igitur Casarem hoc vocabulo indicare voluisse obstaculum illud, ad portas applicitum, & fune suspendi solitum, ut in tempore demitti queat ad arcendos hostes, ac proinde in originali scripsisse Hercium, genuinam porro, & expressiuam vocem, quæ Græcis septum sonat, siue repagulum.*

28. **HEXAMILON**, seu ut Latini ut plurimum scribunt, **HEXAMILIVM**, celebre est apud Historicos, & Architecturæ Militaris Scriptores, Munimentum, seu bellicum sepimentum in aditu Peloponnesi à Græcis primum Imperatoribus extructum, postea à Venetis restitutum, non ad unam artem aut Urbem ab hostium incuribus contutandam; sed ad integram, & vastissimam Prouinciā, cui foret instructissimum, & fortissimum propugnaculum, assecurandam, & regendam. Hoc quippe vocabulo insignitus fuit peramplus Murus ad sex milliaria extensus, quantum videlicet Isthmus Corinthius latus erat, ab Ionio Mari ad Aegæum, totam Peloponnesum claudens, atque Peninsulam ab Elide, totaque proinde Græcia discriminans. Hunc porro murum magnis sumptibus, & laboribus posuit munificus æquè ac doctus, Emmanuel Palæologus Imperator Orientis, circa annū Domini 1413. in gratiam Despotorum Prouinciæ, suorum Feudatariorum, ut esset munimini at tutelæ toti amplissimæ Regionis, ab Turcarū excursionibus. Sed diu stare non potuit tanta moles ob illorum impotentem inuidiam, & rapacitatem, non illis regionibus modò, sed toti ferme Orbis tyrannidis suæ iugum imponere gestientium: qui ex firmato obice, magis incensū sunt, & illud totis viribus adoriri, & funditus euertere conati sunt. Quod ideo idipsum, quod ad pacis fœderisque initi artham cum Mahumete I, quæ cum extructa memorabili mole firmiter perennaret, Emmanuel Pater statuit; hoc Ioannes VII. filius in Imperio successor, ut gratiam Amuratis, qui Mahumeti successit cōmeret, & quietem ab eius armis (neque enī aliter consequi poterat) impetraret, mox vix coalitum, diuere sua sponte coactus est; nempe post duodecim ab eius constructione annos, decurente anno nostræ salutis, 1425. Namque ambitioso viro, ac bellatori summo, murus iste vnguis erat in vlcere

tere : qui quandiū superstes foret , eius vastos spiritus potis erat re-  
tundere , ac victorias remorari . Verūm aduigilantibus Veneris ad  
labens Græcorum Imperium , post captam Constantinopolim , fuit  
quidem restitutus cum sœnore à generoso Bertoldo Estensi Duce , ac  
Prouisore illuc misso , qui indefessa cura die , noctuque operi insi-  
stens , adhibitis triginta millibus operarijs , intrā quindecim tan-  
tū dies illum compleuit , additis ad maiorem firmitudinem , & cu-  
stodiam , centum trigintasex turribus . Sed qui stare poterat , ac dē-  
bebat æternū , aduersus quoscumque hostis insultus , cecidit heū  
sub prædiciariorum ignauia , seu potius proditione . Etenim ad le-  
uem , ac tumultuariam Turcarum irruptionem miles cessit , statio-  
nem deseruit , & murus , ac turres solo æquatæ sunt , ab irato & pu-  
dore suffuso hoste , qui proinde totam sibi Peninsulam subiecit , &  
adhuc sub tyrannide tenet . Nec amplius ei cordi fuit tantum regio-  
nis Munimentum reponere , quod sibi non tam gloriæ , quā igno-  
minię signum , & monumentum foret . Narrant factum accuratē ,  
nec sine lacrimis , Sabellicus lib. 8. Decad. 3. & Petrus Iustinianus  
Hisor. Venet. lib. 8.

In hunc modum , atque ad hunc etiam finem , Chīnenses , ad Regni 29  
confinia versus Septentrionem , vbi separantur à Tartaris , extruxe-  
runt murum , seu muros iuter excurrentes in longum montes , ad co-  
rum aditus ocludendos , in longitudinem sexaginta ( ducentas po-  
nit Mercator ) leucarum , centum nempe adminus , & octoginta  
milliariū nostrorum . Id quod rudis & longē ante Isthmi Pelo-  
ponnesiaci conclusionem fecere ; sed non meliore consilio , ac fortu-  
ta ; nam trasuersarius iste obex non præpediuit , sed animauit ma-  
gis , ac stimulos addidit impotentibus Barbaris , cæteroqui de raptō  
vivere assuetis , vt animos sumerent , ac facta valida irruptione , muros  
perfoderent , occupatisque duabus munitissimis Arcibus ; ad eorum  
tutelam hincinde ab accolis positis , ceū rapidissimus amnis ruptis  
aggeribus , totam latē rationem inundauerint ; sicque florentissimo ,  
vassissimo , & communitissimo Regno potiti sunt . Adeo periculis  
plenum est , sopitos excitare crabrones ! & sæpē magis conducit ( si  
cum infido , ac præpotenti hoste res est ) affectare supinitatem , quam  
tuis viribus plus æquo fidere , & in quo magis times , sollicitam  
caucionem , & fortitudinem ostentare .

HI

HISTRIODROMICA . Vide sub V. *Hydrographia* .

HO

HOLOMETRVM est Instrumentum Geometricum , quo facilli- 30  
mè omnia quæ oculis obijciuntur , mensurari possunt . Cuius fabri-  
cam ,

etiam, & vsum, multis tradit eius inuentor Abel Tullo, in libello hac de re edito Venetijs, anno 1564.

**31** **HOMOGENEA** dicuntur in Geometricis, plura corpora, seu quantitates, quæ conueniunt in vna eademque ratione mensuræ, nominis, aut figuræ. Quod non ita intelligendum, vt omnino communicent in eadem substantia, seu esse physico, vel etiam in omnibus circumstantijs; sed quod saltem eandem rationem induant in certo aliquo genere, & peculiaribus affectionibus, quæ signatæ, & explicitè sub consideratione veniunt. Sic non solum quodlibet Elementum in suis partibus dicitur homogeneous, eoquod omnes eius partes eandem sibi vendicant rationem; puta, substantiæ, quantitatis, figuræ, denominationis, &c. ac ipsum totum; verum etiã Figuræ Geometricæ comparatæ simul, prout sunt eiusdem rationis, vel formæ, circulares, angulares, rectilineæ, quadratæ, pentagonæ &c. appellantur homogeneæ, quotiescumque attenditur quantitas, numerus, & qualitas angularum & laterum, in quibus conueniunt: proindeq; easdem sortiuntur passiones adinuicem, siue paræ siue magnæ, siue in concreto, siue in abstracto, quas ratio talis figuræ vnice considerata sibi vendicat. Idcirco Homogenea etiam dici possunt quæ in vna solummodo qualitate, & passione conueniunt, modò hæc tantum qualitas in illis, (neglectis alijs circumstantijs) attendatur. Sic Oleum, lac, vinum, aqua, & reliqui humores fluidi, tametsi in multis, ac præcipuè in substantia, colore, & pondere valdè discrepent; possunt tamen adinuicem comparati, dici & haberi pro homogeneis, in ratione fluxibilitatis, quæ sola in ipsis consideratur. Econtrà *Etherogenea* sunt quæ siue in totum, siue in parte, & aliqua circumstantia, quæ potissimum attenditur, discordent; quamquam forte in substantia & reliquis qualitatibus conueniunt; vt sunt aqua, nix, grando, terrei vapores, exalationes, &c. quæ, quoniam in qualitate dissident, & singula suas particulares, diuersalque affectiones obtinent, *Etherogenea* æstimantur. Scio, Homogenea ab aliquibus definiri. *Quorum vel minima pars eandem essentiam, passiones, qualitates, quin & ipsam denominationem sibi vendicant, ac ipsum totum.* Verùm id nimis pressè, atque exactius, vt explicet simplicem & puram naturam Homologorum. Hoc potius ad *Homæomeriam* pertinet, de qua mox infra. Itaque

**32** **HOMÆOMERIA** dicitur talis similitudo rerum, ac partium, alicuius vnius totius, vt in omnibus absolutè circumstantijs omnino conueniant: ac proinde eandem prorsus naturam, qualitates, passiones,

nes, accidentia, ac tandem in nomine ipſo, quod illi toto competit æquæ partes conueniant; vti ſunt ex. gr. omnia, & ſingula phyſica Elementa. Aqua enim dicitur non tam de ipſo elemento, ac proinde de tota aquarum collectione, quam de quauis vel minima guttula, quæ ſiue ſeorſim ſiue collectim, eandem prorsus ſubſtantiam, formam, fluxibilitatem, cæterasque eiſdem elementi proprietates participat: & ſic de reliquis. Haſ in corpore animantis *Similares* appellant Medici, quales ſunt Caro, Sanguinis, Oſſa, Nerui, & ſinguli Humores, quoniam ex aſſe ſeruaut hanc *Homoameriam*.

**HOMOLOGVM** eodem ferè modo, ac *Homogeneum*, dicitur aliquid reſpectiuè ad aliud, vel alia ſimilia corpora, quantitates, formas, figuras, latera, angulos & areas, quæ ſint eiſdem naturæ, atque affectionis. Non quod eſſe debeant omnino æqualia; ſed quod ſint eiſdem conditionis, & veniant ſub eadem conſideratione; adeout ſaltem eundem uſum habeant, & geometricam proportionem; vt ex 5. Sexti, colligitur: vbi docet Euclides, quod duo triangula, quamuis vnum ſit altero maius, habent angulos æquales, ſi tamen latera ipſis oppoſita ſint homologa; hoc eſt, vt habeant eandem proportionem in commenſuratione.

Vt in adiectis triangulis: Sicut ſe habet AB. ad BC. ita DE, ad EF. & ſicut BC. ad C. A. ita EF, ad FD. Sunt igitur homologa AB. & D. F. vti anguli A, & D. necnon B. & E. atque ita etiam ſunt areæ ab ipſis triangulis comprehenſæ. Sic porro diſcurrendum eſt in reliquis figuris tum Iſoperimetris, tum irregularibus, ac trapezijs. Id ipſum eſt obſeruare in magnitudinibus, quæ ſimili ratione in aliquo conueniant, & eandem naturam, aut conditiones participant. Vide Euclidem elem. 1. defin. 11.



**HORIZON** græcè, latinè *Finitor*, dicitur Circulus maximus in Sphæra diuidens Hemiphæriū ſuperius conſpicuū ab inferiori incōſpicuo. Qui pro ratione eleuationis Poli ſuper eū, variatur: itaut, infinita propemodū concipi poſſint horizonta, ſicut & infiniti Meridiani, pro maiore depressione à Polo. Et ſi quidē neuter polorū ſupra ipſū attollatur,

cur, sed incidant adamussim in eandē lineam horizontalem, Horizon ille dicitur rectus, eo quod Aequator rectē supra ipsum ascendit, adeoque semper est verticalis. Si autem alter polorum eleuatur, alter deprimitur; dicitur Horizon obliquus, quia oblique super eum ascendit Aequator. Et quō maior erit eleuatio Poli; eō maior erit obliquitas Horizontis, & diuersitas Ascensionum: adeout in maiori Poli altitudine, quā excedere nequit gr. 90. cū ipse Polus fiat verticalis; consequenter Aequator incidit in ipsum Horizontem, qui proinde tunc dicitur Parallelus. Porro Horizon in Cælesti Themamate duos angulos constituit, & appellat, Orientalem vnde emergunt Sidera, & fiunt nobis conspicua, (qui vocatur Cardo Orientalis, Ascendens, & Prima domus) & Occidentalem, vbi sidera absconduntur, & cadunt in inferiūs Hemisphærium; qui dicitur Cardo Occidentalis, & Septima Domus, opposita Ascendenti. Porro plurima sunt Horizontis officia, quæ omnia diligenter enumerant Clavius in *Sphæram Ior: de Sacrobosco*. Porissimum autem est determinare quantitatem diei ac noctis, atque ostendere puncta ortus & occasus siderum, etiam extra Eclipticam diuagantium, necnon gradum Eclipticæ, cum quo quælibet stella oriatur, & occidat: sicut etiam, quæ stellæ sint perpetuæ apparitionis, quæque nunquam supra nostrum hemisphærium emergant. Ad hæc, relege quæ dicta sunt in V. *Finitor*.

- 35 HORIZON etiam in Opticis, atque Architectura, per quandam similitudinem, & analogiam, appellatur linea illa recta, quæ in prospectibus terminat radium visuale, & omnes reducit ad punctum. Etenim *Scenographia*, quæ est pars Architecturæ, definitur à Vitruuio lib. 1. cap. 2. *Est frontis, & laterum abscedentium adumbratio, ad circinique centrum omnium linearum responsus*. Pro cuius rei intelligentia sciendum est, Scenographiam (quam nos notiore vocabulo *Perspectiuam* nominamus) cuius munus est, res valde distitas, & ab oculis nostris remotas, obrutibus sistere, tanquam si presentes forent, & æquē distantes; tribus projectionum lineis consummari. Vna est, quæ in planum incidit, è qua cætera insurgunt, & cui, veluti basi, insistant; & hæc vocatur *Linea Plani*. Alia est quæ vadit ad punctum terminatiuum, extenditurque quaquauersum, quod fertur, ac terminat noster obrutus. Et ista est Horizon de quo loquimur. Tertia est linea distantie rei quam circumspicimus, quæ semper cadit ad perpendicularum Horizontis; modò propius, modò remotius, prout res conspicienda se offert. Nunc autem hæc omnes concurrunt in Optice, seu Scenographia. Vt si Architectus, exempli  
gra-



gratia, velit ædificium aliquod delineare in plano parietis, qui exsurgat à plana superficie aræ, quam nos pedibus calcamus; oportet, vt horizontem constituat in tanta altitudine à solo, quantum ab eo eleuatur oculus noster, ac linea distantie definiatur in ea elongatione, quæ magis in commodum cedat. Quod ideò, si ea terminetur ad extremitatem alicuius horti, vel nemoris; incipiat computari distantia ab eiusdem primo ingressu. Similiter in magna quadam aula, vel cubiculo alicuius domus, semper accipienda est distantia ab eius vestibulo. Sic in Campo indefinito, aut in angiportu, vel via publica; distantia sumenda est ex aduerso latere per directum. Quod si angustus sit callis, & visu compleri non possit; expedit vt mente, latior concipiatur distantia, quam reapse sit, ad hoc vt retractiones, & contractiones melius opus suum exequantur: quò enim maior est distantia, eò opera, quæ adduntur successiue, maiorem elongationem confingunt, contractionesque ad angulum diminutæ semper accedunt.

Est & aliud commodum, quod præstat in Architectura, Linea horizontalis: nam in fundationibus, & substructuris, ad hoc vt diù vigeant, & subsistant; oportet, vt parietes, columnæ, & antes, quæ totam molem sustinent; sint exactè positæ ad perpendicularum horizontis: quandoquidem angulus rectus vnice est causa stabilitatis, & firmitudinis; idque in omnibus tam naturalibus, quàm artificialibus positionibus: atque, vt homo tunc firmissimè stat, quando est erectus; ita & Fabrica firmitudinem totam desumit à parietibus, si sint ad angulum rectum, & perpendiculariter ad horizontem erecti. Sed longè diuagari sumus ex occasione lineæ horizontalis: ac profectò necessarium fuit, vt eius natura, & effectus probe innotescerent; quæ sparsim, & per partes alibi tradita, haud plenam intelligentiam consequerentur.

HOROLOGIA obiectum sunt, & opera vniuersæ Mathesis propriissima; ad quæ varix disciplinæ, & artes subsamulantes concurrunt, manumque pariter admovent, & ingenium, prout diuersæ sunt illorum species, & methodi ea fabricandi, atque constituendi. Intelliguntur autem esse organa, & machinæ ad horas auspicandas extructæ; aut certè delineationes artificiosæ in plana, buadam, vel concava superficie, ad eas æquo iure dispertiendas ex umbra gnomonis in eas incidente, atque identidem variante. Idque totum in finem actiones nostras regulandi, fluxumque vitæ, ac temporis dimetiendi. Quod ideò, vt dixi, varia sunt, & alia dicuntur *Gnomonica*, quæ mediante gnomone, in pariete, vel in pla-

no horizonis affixo, vmbra Solis æqualiter incedentis excipiunt; & in horas disperitiunt. Alia *Hydraulica* nuncupata, quæ ex aquæ motu per fistulas, aut ex angusto vasis orificio guttatim decidentis, temporum momenta determinant. Alia *Arenaria* ex minutissima arena in duobus vitreis ampullis contenta, ac subinde ab vna in aliam transmeante, cunctatione sua eundem effectum præstant; quæ communiter *Clepsidra* appellantur. Alia demum *Mechanica*: quæ certis ponderibus, libramentis, ac rotarum exinde difformiter conformium circumuolutione, horarum interstitia, non modo ipsarum rotarum, vt ita dicam, dentibus comminuunt, ac metiuntur, sed & sonitu indicant, & dispescunt. Ex his sunt quæ Cælorum insuper motus, Lunæ phases, siderum cursus, diei ac noctis quantitatem ostendunt, & alia mira præstant, quæ longius persequi superuacaneum esset, & magno Lectoris fastidio. Et hæc omnia adinuenta sunt, atque ingeniosissima Mathematicarum disciplinarum Opera, in quæ singulæ ad effundendas è penu suo pretiosissimas gazas concurrunt. Scripsit de Horologijs Solaribus Italicè Mutius de Oddis Vrbinas, ac nuper latinè absolutissimum Opus, Carolus Maria Carafa, Butera, Roccellæ, & S. Rom. Imperij Princeps, pietate æquæ ac varia eruditione (vt patet ex libris editis) non minus ac genere Titulisque conspicuus, ac verè Excellentissimus.

38 HOROSCOPIA, seu HOROSCOPIA Instrumenta sunt plana, & circularia, quæ duas facies exhibent, quarum anterior ostendit quantitatem diei ac noctis, vbique locorum, & quouis anni tempore: posterior verò habet descriptos omnes circulos, qui sunt in Sphæra armillari, necnon & alios intersecantes singulas partes Zodiaci, easque in horarum circumferentia includentes: quæ proinde maximum commodum præbent ad modò dicta horologia solaria designanda. De his hæc habet Plinius lib. 2. cap. 72. *Vasa horoscopa non vbique eadem sunt vsui: in trecentis stadijs, aut vt longissimè quingentis, mutantibus semet vmbra Solis.* Verum id olim, non adhuc comperta virtute acus magneticæ se vbique ad Polum vertentis, atque adeò situm gnomonis congruum ad ritè vmbra solis captandam, determinantis. Quod ideo, quoniam pacto hæc in Sciotherijs, adhuc vt adamussim in Meridianum incidat sistatque sese ad Polum vt sic semper eadem vmbra, vbique locorum, eodem modo, verè decurrentes horas indicet, huiusmodi horoscopia signant. Qua de re abunde pertractat Martianus Capella, & ex Recentioribus, Io: Paduanus in peculiari libello quem edidit de *Horoscopia*.

**HOROSCOPIVS** ex græco, dicitur Cardo Orientalis vel ea Cæli pars, quæ singulis momentis emergit ex inferiore hemisphærio in Orientali Finitore; vnde communiter ab Astronomis vocatur *Ascendens*. Differt ab Horizonte, tanquam pars à toto, quoniam hic totum Finitoris circulum denotat, & vtrumque Cardinem comprehendit, Orientalem, & Occidentalem; vt paulò antè dictum est: Horoscopus verò non tam appellat solum Cardinem Orientalem, quà latè patet, intrà latitudinem ortiuam; quàm signanter gradum eclipticum in eum incidentem. Eapropter non ab re in Astrologicis, significat rerum initia, & in hominum Natiuitatibus corporis temperamentum. Quia videlicet Sol. Caloris vitalis largitor, & Luna humidi radicalis conseruatric, inde incipiunt influere, & moderari huiusmodi qualitates, secundum quod & ipsa Luminaria, & Horoscopus vnde emergunt, sint benè vel malè affecta. Et licet ibi semper actu non sint, nihilominus semper habent respectum & realem habitudinem ad locum, vnde cæperunt vires suas exserere, vti & in alijs Cardinibus, vbi eorum vis, aut deprimitur aut magis intenditur: quale est præ cæteris Culmen & Medium Cæli; & per hanc habitudinem, refundunt in ea loca intensionem aut remissionem caloris atque humiditatis. Ex quo sequitur, vt semper Horoscopus sit initium, seu dispositio productionis harum qualitatum in corporibus, & viuentibus. Propterea non ab re æstimatur ab aliquibus Astronomis nobilior Cæli pars, & omnium angulorum potissimus, quamuis Ptolemæus eorum princeps, ei Culmen præficiat. Sed de hac re, alibi ex professo.

**HOROSCOPIVS LVNARIS**, quem Astrologi vocabulo magis communi *Partem Fortunæ* nominant (quoniam habet significare bonæ Fortunæ, ac fructuum terræ educationem) purè Astronomicè, & in suo esse reali consideratus, est Punctum illud, seu Circulus Positionis in situ Mundi, à quo discedit Luna, cum de mane Sol tenens Angulū Orientalem, oritur, nostrum Hemisphærium illustraturus: quod ideo antè pari passu incedentes à suis horoscopis elongantur, & feruntur motu Primi Mobilis ad anteriora, ab Ortū ad Occasum, quoadusque spatio vnus diei naturalis, integrā circulatione completa, iterum, ad suos Horoscopos reuertantur. Et quidem vterque locus magnæ virtutis, est, sibi à suo Luminari communicat: Et quemadmodum Horoscopus Solaris promouet, & moderatur initia rerum; sic Lunaris denotat augmentum, & conseruationem; & nonnunquam quando Luminaria in locis Apheticis non sunt, in eorum vicem subintrat, sortiturque prærogatiuam Hylegij. De hoc, veroque

eius situ in Cælesti Themate, fusè nos disputauimus in nostro Primo Mobili, Can. 10. contrà veterum hallucinationes. Nunc autem, ad maiorem nouæ Doctrinæ intelligentiam iuxta verum Ptolemæi sensum, præstat rem altius examinare, demonstrationemque eius, dato schemate, oculis exhibere.

41

Sit igitur in sequenti Figura Cæleste Thema erectum ad libitum, non per numeros, sed per sua vera spatia, in plano delineatum, vt fit in Planisphærijs, ex regulis perspectiuæ, fixo oculo ad Polum Boreum, vnde emittat radios visuales, & circumspiciet omnes partes, & circulos Sphæræ armillaris, ac sidera quæ sub ipsis comprehenduntur, tanquam in planum proiecta. Ergò in hac positione satis patet verus locus Horoscopi Lunarisi, quomodo se habeat ad Lunam, quomodo ad Cardines & sidera, in suis locis realibus existentia, tam in Zodiaco, quam in Mundo: vt comprehendatur quonam pacto omnes configurationes ad illa habere possit, & debeat, spatio vnus diei naturalis, vti habere dignoscitur Sol ad suum Horoscopum: ad quem finem potissimum hanc figuram probè, & exactè delineari curauimus. Tum data occasione, cæterorum quoque locorum, ac siderum positum exhibere, vt eorum configurationes tam in Zodiaco, quam in Mundo, longitudines, latitudines, declinationes, Ascensiones, & alia, icu oculi percipiantur, de quibus sparsim in Opere agimus, vt proinde tota Cæli facies in hoc diagrammate aperiatur, proficuo simul, & iucundo spectaculo. Sed ad rem nostram principaliter in eo intendimus manifestare habitum luminarium, ac diuersos positus, quos successiuè acquirunt, & variant ad suos Horoscopus, integra circulatione diurna circa tellurem.

Etenim Figura hæc duplicem aspectum habet; & Cosmicum, qui repræsentat positionem Cardinum, & situm Mundi immobilem, circa quem feruntur Sidera motu Primi Mobilis, idque præcisè, ac si nullum Mobile illic extaret; & ipsum Primum Mobile cum Zodiaco, & Sideribus in eo actu repertis, sese ab ortu ad occasum, supra Polos Mundi, nulla habita ratione ad situm Mundi, perpetua, & constanti gyratione volutans. Quod ideo melius exprimeretur per duas distinctas tabulas inuicem connexas, vt videre est in Planisphærio, quarum altera exterior, & perforata, referret situm Mundi, & Cardines immobiles; altera Primum Mobile, suis Circulis, ac diuisionibus, cum sideribus in eius partibus actu constitutis, & cum eo simul raptis, sese voluentibus. At in simplici pagina id non potuit, nisi per duplicem, sed diuersum Circulorum, & linearum ductum, figurari.

Pri.

Prima Facies lincis, & circulis patentibus expressa repræsentant  
situm Mundi, & Cardines: vbi Linea protensa à summo ad imum, 42  
CD, est meridiana, definiens Cardines Decimæ Domus, & Quartæ.  
Linea AB, quæ hanc in Centro ad angulos rectos interfecat, est Hori-  
zon rectus in Sphæra recta, in Obliqua verò, (vt hic, vbi assumitur  
elevation Polî gr. 42. suprà Horizontem) Horizon obliquus est Cir-  
culus V. X. Y. depressus à Polo P. gr. 42. ac discriminans superius  
Hemisphærium eb inferiore inconspicuo: & V. quidem & X. signat  
Cardinem Orientis, & Primam Domum, qui dicitur etiam Horo-  
scopus, & Ascendens, cum tota sua amplitudine ortiua. Arcus ve-  
ro X. Y., denotat Cardinem Occidentis, & Septimam Domum,  
cum sua amplitudine occidua. Reliquæ domorum cuspides non  
sunt patenter delineatæ, ad evitandam confusionem, sed facilè con-  
cipi possunt per æquales diuisiones arcus diurni suprà terram, ac no-  
cturni sub terra; vel in Via Rationali, per æquales diuisiones Aequa-  
toris, in partes duodecim, quæ fiat per magnos Circulos traufcentes  
per diuisionum terminos, seseque interfecantes in communi interse-  
catione Meridiani, & Horizontis.

Secunda Facies punctis tantum, & lineolis adumbrata, refert Pri- 43  
mum Mobile suprà Polos mundi circa Tellurem, perpetua, vt dixi  
vertigine se volutans, trahensque secum insimul Luminaria, & reli-  
qua sidera, prout actû sunt in Zodiaco, tam in longum, quam in  
latum; atque interim propriò motu, sed lentiore feruntur in succe-  
dentiâ signa, qui motus proinde non impedit neque officit eorun-  
dem motui raptus in Circulatione diurna. In hoc expressus est Aequa-  
tor in medio constitutus, atque in limbo diuisus in partes 360. quæ  
sunt Ascensiones Rectæ: quem ad puncta æquinoctialia secat Ecli-  
ptica I K L M. cum suis signorum spatijs, ac diuisionibus tam in  
longum, singulis per gr. 30., quam in latum, ab ipsa Eclipti-  
ca vsque ad Polum eius signatum in puncto Z. Id  
quod melius intelligetur in explanatione,  
singularum partium ipsius Figuræ,  
quam iam exponimus ocu-  
lis contemplan-  
dam.

*Thema Caelestis Constitutionis, ad datum tempus erectum,  
& in plano optice delineatum.*





*Distributio, & Explanatio partium præcedentis Figure.*

Primò Circulus medius in partes dissectus, ac notatus litteris E.F. 44  
G.H. signat Aequatorem æqualiter incedentem in sphaera recta:  
Cuius Polus Boreus est Punctum P. Ascensiones rectæ sunt rectæ li-  
near ductæ, aut mente conceptæ, successivè procedentes à puncto  
P. ad singulos gradus Aequatoris, descriptos in limbo; incipiendo à  
primo gradu Sectionis Vernæ V. vsque ad finem X.

Circulus Obliquus I.K.L.M. est Ecliptica, cuius Polus est Pun-  
ctum Z. Latitudo Borealis, spatium interiectum inter ipsam, & præ-  
dictum Polum: Australis, quæ statuitur ultra illam indefinita, ac  
terminatur limbo.

Circulus punctatus N. O. Q. R. est parallelus præsentaneus Solis;  
quem describit quotidie varium, ad rationem suæ Declinationis.

Circulus item punctatus S.T.D. est parallelus declinationis Lunæ,  
quem describit eodem tempore, motu raptus circa tellurem.

Arcus Q. N. est vera distantia Solis ab suo Horoscopo, computan-  
da non in gradibus Zodiaci, sed in suo parallelo, per gradus ascen-  
sorios interceptos inter punctum H. horizontis, vnde emergit, &  
suum Circulum Positionis, in quo actu reperitur.

Similiter arcus interceptus in parallelo Lunæ, inter ipsam, & Par-  
tem Fortunæ, (quam hac nota ¶. placuit præsignare) est vera di-  
stantia Lunæ à suo horoscopo; & punctum ¶. est locus præcisus in-  
situ Mundi, vnde primo mane Luna discedit, cum Sol in Ascenden-  
dente constitutus, inde attollitur, vt pergat ad XII. Domum, XI. &  
Medium Cæli, & sic de reliquis, per partes sui arcus diurni ac noctur-  
ni in suo parallelo computandas. Quapropter & Luna pariter eodem  
modo, eodemque prorsus motu, elongatur successivè à suo horosco-  
po, easdemque configurationes ac distantiam inuenitur habere cum  
illo, quas Sol habet ab Ascendente. N.O. vel O.R. in parallelo So-  
lis, est eius Arcus Semidiurnus. Seminocturnus verò Q.R. ac totus  
Arcus nocturnus N.Q.R. Econtrà in parallelo Lunæ T.S. vel T.L. est  
arcus semidiurnus ipsius Lunæ; idemque etiam ¶. reliquum spatium  
est arcus nocturnus; & ¶. D. est distantia Lunæ à suo Horoscopo, in  
ijsdem proportionalibus partibus, ac Sol distat ab Ascendente.

Arcus V.X. in Finitore Orientali, est tota Amplitudo Ortiva Solis  
ac reliquorum siderum extrà Eclipticam vagantium. Sicut Arcus  
X.Y. ex aduerso est tota Amplitudo Occidua.

Præterea initia, & progressus signorum, tam in Ecliptica, quam  
extrà, sunt suis magnis arcubus ad punctum Z. seu Polum Zodiaci  
con-

conuenientibus, contradistincta, proprijsque notis & characteribus indigitata, vti & planetæ suis in locis, quæ actu possident, tam in Zodiaco, quam in mundo, præsentialiter constituti: quemadmodum comprobare licebit ex collatione huius figuræ cum communi Cœlesti Themate, vbi eorum positus expressus est per numeros.

Demum apposuius ad ornatum, fixas insigniores; vt patefeat verus earum situs, & habitudo quam habent adinuicem, atque ad Planetas & Cardines, quæ litteris minusculis denotantur, vt infra.

- a. Caput Medusæ.
- b. Media Pleiadum.
- c. Oculus Tauri, Pallitium.
- d. Per finit. Orionis, Rigel.
- e. Hircus in Auriga, Capella.
- f. Canis Maior Sirius.
- g. Canis Minor, Procyon.

- h. Cor Hydræ.
- i. Cor Leonis, Regulus.
- k. Cauda Leonis.
- l. Spica Virginis.
- m. Arcturus.
- n. Corona Gnosia.
- o. Luc. Lanceis Australis.
- p. Lucida Lanceis Borealis.

- q. Cor Scorpionis, Antares.
- r. Lucida Lyræ, Fidicula.
- s. Lucida Aquilæ, Vultur volans.
- t. Cauda Cigni, Vultur Cadens.
- v. Præsepe, Nebulosa in pectore Caneri.


45

Ergò, (redeundo ad nostram demonstrationem veri Horoscopi Lunarîs, auspicandi ab distantia, & habitudine quam habet Sol ad suum Horoscopum;) Sol, vt dictum est, suo motu diurno, raptus à Primo Mobili, spatio vnus diei naturalis, perficit suam integram reuolutionem in Mundo, transcurrentes in suo parallelo per omnes domos Cœlestes, & Cardines, commutansque configurationes ad suum Horoscopum: itant spatio duarum horarum inæqualium, se sistat in XII. quatuor, in XI. vnde respicit Horoscopum de Sextili; Sex, (ac proinde toto arcu semidiurno,) in X. vnde immittit radium quadratum: octo horis peruenit ad IX, vnde emittit Trinum; & sic de reliquis. Simili modo Luna in suo loco reali manens in Zodiaco, eodem motu Primi Mobilis, rapitur in anteriora, contra successionem Signorum, ab Oriente in Occidentem; quo motu describit suum parallellum circa tellurem; itant, cum distat duobus suis horarijs temporibus diurnis ab Ascendente, concipitur esse in Cuspide XII. Domus; cum totidem nocturnis, in II. cum toto arcu semidiurno, in Culmine; cum toto arcu Seminocturno, in Imo, &c. Quibus sic stantibus, quæ sensibus patent, & à quoquam inficiari non possunt, sequitur, vt Lunarîs Horoscopus, non nisi in situ Mundi definiri possit, vt tantam ab eo distantiam, successiuè ab ipso abscedendo, acquirit

rat Luna, quantam Sol eodem motu se ferens, à suo horoscopo elongatur: sicque ambo eodem tempore, eandem configurationes acquirant ad suo Horoscopus, atque in toto cursu diei naturalis omnes compleant, & commutent. Quare iure optimo ad locum eius definiendum, præcipit Ptolemæus lib. 3. cap. 12. *Vt quantum distant Sol, & Luna, tantum constituas intervallum inter Horoscopum, & Partem Fortuna, iuxta successionem Signorum: ac ubi finis erit eius computationis, is locus erit Pars Fortuna.* Et concludit: *Quem igitur positum habet Sol ad Horizontem, hunc habet & Luna ad Partem Fortuna, & erit Pars Fortuna Lunarius Horoscopus.* Atqui distantia Solis à suo horoscopo, qua successivè acquirat omnes aspectus ad illum, non computatur, neque attenditur in gradibus Eclipticæ, hoc est, quantum distat Sol à gradu Ecliptico horoscopante, (ad illum enim non peruenit Sol spatio 24. horarum, sed mensium, quot videlicet triceni gradus intercipiuntur inter vtrumque) sed à gradu Aequatoris, atque adeò sui Paralleli, ad Aequatorem respondentis, in illum incidente, à quò successivè elongatur per Ascensoria tempora, & partes sui arcus diurni, aut nocturni, per quas modò se constituit in Sextili, modò in Quadrato, modò in Trino, &c. sui Ascendentis, id quod fieri non potest in partibus Zodiaci spatio vnus diei. Igitur & Luna, quæ eodem motu rapitur, & in vna die naturali debet percurrere & variare omnes, eisdemque aspectus ad suum Horoscopum, quòs Sol variat, commutat, & obtinet ad suum Ascendens; necessariò Solis ritum, & cursum tenere debet, vt sequatur eius distantiam, & configurationes ergà suum Horoscopum: atque adeò hæc distantia in vtroque computari debet in similibus, & proportionalibus partibus suorum arcuum, seu in cuiusque parallelo; & ubi computus terminat, ibi est locus fixus ¶ in suo Circulo Positionis constitutus; in quo permanet semper immobilis.

Nunc autem ad maiorem intelligentiam, damus idem Thema, (vt aliàs solet) numeris tantummodò exaratum: vt ex vtriusque collatione colligi queat, quàm aptè Luminaria, eorum Horoscopa, necnon reliqua sidera, ac circulorum distributiones, suis locis respondeant; ubi videre licet quam longè à vero exorbitent qui ¶ Lunarem Horoscopum in Orbita Solis constituunt.

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100



	Latitudo.	Delinatio.	Differentia Ascensionalis	Ascensio Recta.	Horaria Tempora.	Distantia à Meridiano.
5	0. 52 S.	22. 29 M.	22.	13	261. 40	11. 18 D. 67. 47
27	0. 19 M.	23. 38 M.	23.	12	280. 44	11. 8 D. 49. 47
0	0. 41 M.	19. 40 M.	18.	45	232. 21	18. 7 N. 81. 35
0	0. 0	6. 44 M.	6.	10	195. 44	16. 2 N. 45. 7
0	0. 56 S.	8. 46 M.	8.	6	203. 14	16. 20 N. 52. 47
1	1. 53 M.	17. 21 M.	16.	25	219. 11	17. 45 N. 88. 42
4	4. 7 M.	18. 24 S.	17.	26	72. 13	17. 43 D. 101. 46
1	38. 50 S.	18. 24 S.	17.	26	296. 56	17. 43 D. 33. 31

Ad

Ad superioris figuræ normam, leui opera, sibi quisque parare poterit stabile Planispharium, aut æquale, aut (quod præstat) grandius, continens duas tabulas, vnā fixam, quæ referat Primum Mobile, eodem planè modo distinctum suis circulis ( id quod exactius quoque fieri potest, vsque ad diuisiones graduū, & minorum, collocatis in eo fixis, quot placuerit, cum suis partitionibus, & scala, vtriusque declinationis. Altera, quæ referat situm mundi, & supra illam rotetur: quod, etsi contrā rei veritatem est, cum illud constitui deberet volubile, vt reuerā est, Cardines autem, qui sunt omnino immobiles, fixi: nihilominus id non officit, & in vsu promptior, & exactior est operatio: namque facilius est in plana, & continua lamina omnes Primi Mobilis affectiones, & sidera, suis in locis, appositis etiam nominibus exarare, quam in perforata, vt videre est in Astrolabijs hucusque vsitatis. Econtra quæ situm mundi refert, potest amplissimè fenestrari, absque vlla iactura, cum solum ostendat directiones Cardinum, & Circulorum positionis, qui expediti sunt, & æquè bene mente concipi possunt; sicque liberum, & latum spatium relinquere ad spectandum, quæ subitus sunt. Parentur igitur huiusmodi tabulæ siue ex cupro, siue ex aurichalco, siue etiam ex charta solidiore. ( Potest etiam superior fieri ex vitro adamante, signato, quod perforatione non indiget) in quarum extima, quæ destinata est ad situm mundi representandum, designetur circulus horizonis obliquus, & depressus infra centrum, ad rationem eleuationis Poli tuæ Regionis. Quo factò, hanc suprā illam siste, & clauo terete, aut filo per vtriusque centrum transeunte, confirma; ita tamen, vt hæc mobilis supra illam agileret volutari possit, & aptari Ascensionibus limbi, ad quoduis temporis datum momentum: & relicto in ea indiculo denotante medium Cæli, seu Culmen, cumque tantum volue, donec adamussim cadat ad Ascensionem rectam, quæ eo temporis momento competit Medio cæli: & hoc satis ad est omnē tibi Cæli faciem, prout in illo momento est, istu oculi ostendendam. Videbis enim ibi gradus Zodiaci singulis domorum cuspidibus incidentes: in quas domos & in quam distantiam ab earum cuspidibus planetæ, & fixæ incidat: familiaritates in mundo, congressus in circulis positionum; Ascensiones, & Descensiones, tam rectas quam obliquas cuique competentes, & alia, quæ te magis experientia docebit, quam vltiora præcepta.

Restat modo aliud punctum, quod suprā tetigi, & quidem longè grauius, ac difficilius, determinare, de motu Directionis huius Lunaris horoscopi; nam eo relicto intacto, adhuc obscura res est, & laboramus in incerto, fortassis incassum, & super arenam seminan-

tes. An inquam Sors ¶, admittat vtrumque motum, & directum, & conuersum, vti Luminaria, vel solum directum. Olim autoritate Negusantij primi huius arcani detectoris, supinè admisi, posse etiam motu conuerso ferri ad Promissores, perinde ac Luminaria; per hoc quod motu raptus feratur ad circulos positionis Promissorum, qui tunc supponuntur immobiles. At hoc falsum est, & sustineri nullatenus potest. Etenim si hoc semel admitteretur, corrueret vique tota eius modo explicata doctrina, nec teneri amplius posset illa eadem habitudo Lunæ ad Partem Fortunæ, quæ est in Sole erga suum horoscopum, quam adeo Ptolemæus inculcat, & est verè cardo, & fundamentum totius operæ. Si enim affigamus aliquando Partem Fortunæ Primo Mobili, & denus ei gradum & locum in Zodiaco, ac proinde rapi vnâ cum alijs sideribus, contra successione signorum in anteriora; iam non ita elongari ab ea poterit Luna, ve successiue per horas acquirat omnes configurationes ad illam, vt facit Sol ad Ascendens spatio 24. horarum, vt manifestum est. Constat igitur eam constitui debere omnino immobilem in situ mundi, & in suo Circulo Positionis, in quo relicta fuit à Luna, non secus ac Cardines; & Zodiacum in hoc negotio, materialiter se habere, nec eius naturam induere; perinde ac si non esset: ideoque haud dirigi posse, nisi vnico motu recto, quo Promissores motu Primi Mobili feruntur ad Cardines, qui item immobiles permanent, quamquam gradus Eclipticæ in illos incidentes prætereunt.

49

Sed adhuc Scrupulus est in ipsa constitutione Partis Fortunæ: Nam, si velimus eam sic posse ac debere constitui, vt semper Solis Horoscopum imitetur, & per Lunæ successiuam elongationem ab ea, acquirere eodem modo, & eodem tempore, eam ipsam configurationem, quam habet Ascendens ad Solen; iam non habebitur, intantum Ptolemæi, aliàs irrefragabile, *Vt quem positum habet Sol ad Horizontem, hunc habeat Luna ad Partem Fortunæ, & Pars Fortunæ sit Lunaris Horoscopus*. Siquidem semper comperimus, (& eò magis, quò maior fuerit elongatio, Lunam reuerà propinquiorem fieri Parti Fortunæ, & minùs ab ea distare, quam Sol ab Ascendente. Id quod accidit in elongatione, quæ simul & semel fit ab iisdem à quibuscumque Cardinibus: nam Sol spatio 24. horarum omnes configurationes assequitur, & redit ad eundem Cardinem, seu Circulû positionis, in quo pridie fuit; cùm interim Aequator quatuor ferè minutis præcedat, & antevertat reditum Solis ad eundem circulum. At Luna longè tardiùs ad suum præcedentis dici circulum redit, eoquod ratione suæ contranitentiæ, seu mauis cum communi dicamus, velocioris cursus in Zodiaco, (ita ut modo 12. modo 15. gradus



duſ, & amplius, quandoque percurrat in vna die iuxta ſuccellionem ſignorum in Zodiaco, vti videre eſt in Ephemeridibus.) non poteſt aſſequi motum Solis in antecedentia, & ipſum ex aſſe æquare: ſed quò magis ſua ſponte in conſequentia tendit, eò magis in antecedentibus retardatur, interimque ſemper variat latitudinem, & ſenſibiliter declinationem. Quò fit, vt requiratur ſpatium 25. ſerè horarum, ad hoc vt ſuam integram circulationem perficiat, ſicque tandem omnibus ſuis configurationibus emenſis, ad ſuum horoſcopum redeat: cum interim Sol, minori temporis ſpatio id aſſequatur ergò ſum Ascendens. Non ergò vniuerſaliter verum & neq; ad praxim reduci poteſt, vt Luna ſemper inueniatur in ea diſtantià à Parte Fortunæ, quam tenet Sol ad Ascendens, vſque ad numeros; proindeque hanc in numeris accipiendam, ac poſtea ad Lunam tranſferendam, vt verus locus Sortis habeatur. Id quod, vti ad ſcopulum, herere fecit plurimos erudiſſimos Aſtronomos, ac multum deſudare, variasque vias inire, ad veri Horoſcopi Lunar ſi inuentionem, quæ ſeruet hanc æqualitatem aſpectuum; quam tamen non aſſequuti ſunt, nec aſſequi poſſunt.

Igitur in hac re non amplius ſcrutinandum, nec mens deſatiganda (quò enim magis hunc nodum ſoluere coneris, eò magis intricaberis) ſed Alexandri gladio difficultas ſcindenda: vt videlicet intelligamus, hanc diſtantiã Lunæ à Parte Fortunæ, quam computandã præcipit Ptolemæus ad rationem diſtantiæ Solis à ſuo horoſcopo, non ſeruandã eſſe adamuſſim, & arithmeticè, per numeros abſolutè, ſed proportionaliter, & geometricè, hoc eſt, habitũ ratione velocioris, & tardioris motus vtriuſque circã Cardines mundi: itaut cùm Sol eſt in medio, vel imò Cæli, Luna ſit propè ad tetragonum ſui horoſcopi: cum Sol eſt in Occaſu; Luna propter ad oppoſitionem Partis Fortunæ, ſed non adhuc ſit aſſequuta: cùm demum Sol, ſua circulatione peracta, Cardinem Ascendentis tenet, Luna non adhuc ad ſuum pridianum horoſcopum, ſeu Partem Fortunæ ſit lata, ſed aliquantiſper ſit diſtans. Ex quo non amplius pridiani horoſcopi ratio habenda eſt, ſed coipſo alium ſibi nouum, conſtituit, illum ipſum inquam circulum poſitionis, & ſitum mundi, ad quẽ iam peruenit, Sole iam angulum ſui Orientis tenente. Et hæc eſt Arcani detectio, hæc difficultatis nimium prementis ſolutio, hæc illa concurrentia motuum, & habitudo Lunæ ad Partem Fortunæ, ad rationem habitudinis Solis ad angulum Orientalem, & hic ſiſtenduni, nec amplius mens in eius inquisitione deſatiganda.

Sed quorſum, inquit hoc negotium abſoluendum? qua metho- do hæc calculatio inſtituenda? Facillimè, & nulla penè operã, aio.

Nam

Nam, Sole constituto in Ortu; videndum, quem locum, & situm in illo momento occupet Luna in Mundo: profectò ille ipse inuariabilis & fixus, toto decursu illius diei, locus, & Circulus positionis Partis Fortunæ erit; à quo sensim Luna discedens, acquirit eas configurationes, quas interim Sol obtinet ad suum horoscopus, motu raptus ab ortu ad culmen, & à culmine ad occasum vergens, indeque ad ortum, per Imi regionem reuertens. Vt proinde illius præcisè loci accipiendus sit Circulus horarius, declinatio, ascensio recta, & obliqua; vti (si in Cadentibus sit,) Descensio, & alia, prout in directionibus rectis fit in omnibus Significatoribus.

Quod si adhuc aueas definire gradum Zodiaci in quem materialiter incidit, tam in longum, quam in latum, vt contempleris quibuscum planetis, & fixis congregiatur; id ego non eo inicias, quin & optimè factum reor, quemadmodum notantur gradus eclipticæ, ac fixæ in Horoscopus, & Culmen incidentes, idque ad cognoscendum affectiones, quas ex dictis congressibus haurit. Hoc autem, leui negotio fit, & (ne prolixior hic æquo sim) videre poteris in nostris Tabulis Primi Mobilis Can. 10.

52 **HISTORIVM** apud Agrimensores, & Architectos, audit Organum, seu Instrumentum, quo Modius, & reliquæ mensuræ, ad suam quæque definitam rationem æquantur. Alio nomine *Radius*. De quo vide suo loco.

53 **HYALOSTROTVM** Opus in Architectura, & sine pictis coloribus acta, Pictura fit in parietibus, fornicibus, & pavimentis, ex ordinatione, & connexione ad inuicem scutillum lapillorum, vel crustulis ac tessellis vitreis versicoloribus, perinde ac pictura coloribus. Auxiliis delinita, itaut depictam tabulam representet. Hoc nos Musium vocamus, de quo nos suo loco. *Quale est*, (Inquit Philander) *Romæ in Divi Petri Basilica propylæo, Naucula illa laborans à fustibus, opus loci Cimboi.* Quod ideo longè diuersum est à Lithostroto, quod solum in pavimentis, è maiori, & quadrato lapide vsurpatur. In quo sanè hallucinatur Philander, hæc simul confundens. Sed vide quæ dicemus in *V. Lithostroto*, & in *V. Quadrataria*.

54 **HYBERNACVLA**, vi & *Hyberna* absolute dicta sunt olim, & etiam nunc, apud Scriptores rei militaris, retenta denominatione, appellantur loca publica; & ædificia recipiendis, hyberno tempore ad Stationem, militibus destinata; de quibus sæpè Cæsar mentionem,

facit, & Liuius eorum originem in Militia Romana, tradit lib. 5. ab Vrbe condita, in quibus Hybernacula etiam res noua, militi Romano adificari capta, & infra quærelam illam refert Tribunorum plebis, nempe, Militem Romanum in opere ac labore, niuib, pruinisq; obrutum, sub pellibus durare, ne hyemis quidem spatio, quæ omnium bel-  
lorum, terra, marique sit quies, arma deponentem. Ex quo factum est, vt postea Aestiuæ, & Hybernæ, dùm actu non pugnatur, militibus ad quietem deputarentur. Hinc Vitruuius ex similitudine operis, hoc vocabulo vsus est in Ciuili Architectura lib. 6. cap. 3. ad significandas interiores partes, & cubicula domorum, in quæ hyberno tempore, inhabitantes se recipiant ad rigorem frigoris declinandum, aut aliquatenus mitigandum; docens qua arte, quo situ, & aspectu construenda sint; & concludit: *Hæc Hybernaculis maximas præstant utilitates* &c.

**HYDRA** sidus in Cælo ad Australem plagam, sub Asterismo Leonis, propè Centaurum, & Naucm, constans Stellis 25. secundum Ptolemæum; at Bayero sunt 29. computatis etiam septem, circa, sporadibus: quæ omnes sunt de natura Veneris, & Saturni, proindeque prauis nexu, corruptionis humorum auctrices, ac venenosæ. Vnde si eum Anæreta fuerint (aiunt Astrologi): maximè quæ in corde est, Primæ magnitudinis, dicta ab Arabibus *Alpharad*, veneni portio-  
nem portendunt, vel certè putridas febres. Amplectitur in longitudine totum sidus, bonam partem Leonis, Virginis, & Libræ. Vocatur etiam ab aliquibus *Excetra*, ab Hydra Lernæa, quod ex seæto illi vno capite, etia de nouo exurgerent. Alij appellant *Hydram*, reuerà tamen Hydrus est aliud sidus, ex his quæ transacto sæculo, detectæ sunt ad Polum Antarcticum, & reliquis 48. imaginibus addita, vt mox dicemus in V. *Hydrus* est sidus in V. &c.

**HYDROGRAPHIA** est facultas, quæ in aquarum, marisque descriptione, ac dimensioe versatur, quemadmodum Geographia telluris, & continentis. Verum, vt bene notat Scottus in *Cursu Mathem.* sicut hæc latius se extendit, quam nominis etymon præse-  
fert; amplectiturque totius globi Terraquei considerationem, prout aquarum cum stabili terra continuatio, venit in rationem vnus continuz quantitatis; ita Hydrographia non solum in pura Maris consideratione sistit, eius ambitum, partes, situs sub Cæli positu, profunditatem, fluxus, & refluxus, reciprocationem, aliaque, quæ aquarum naturam concernunt, contemplans; verum etiam agit de eius tranatione, transiens ad Nauigatorem; adeoque ex occasione  
de

de eius recta institutione pertractat, de Nauium diuersa structura, remigio, velificatione, ac directione ad rationem ventorum, qui exsufflant. Quæ, vt probe habeatur, indiget adminiculis Astronomiæ ad notitiam longitudinum locorum, ad quæ nauigatio tendit, & per quæ transmeatur; Architectonicæ in structura Nauium; Staticæ in ijs supra aquam librandis; aliorumque Mathematicarum, Scientiarum. Quæ de re vrilia præcepta in praxi, tradunt Simon Steuinius, Adrianus Metius, Petrus Medina, & alij. Porro Tabulas Hydrographicas exactissimas dedit Io: Iansonius Typographus Amstelodamensis, in ea Atlantis parte, cui titulum inscripsit *Orbis Maritimus*. Similiter

**57** **HYDROTHOLOGIA** membrum Hydrographiæ est, & ars Staticæ subalterna, quæ singulariter agit de liquidorum libratione, præsertim aquæ in canales receptæ, per quos prætersuens, in varias partes deriuatur. Hanc latine dixeris *Aquilegiæ*: Tradit enim præcepta ex Statica, & Geometria desumpta, quibus docemur, quoniam pacto aqua è suo fonte educi possit, quomodo attolli æquilibrium seruans, vbi opus est, per impulsum, compressionem, suçum, condensationem, rarefactionem &c. Denique, vt verbo concludam, de tota ratione *Thermometrie*. Quæ de re, curiosa problemata inuenies in *Thaumaturgo Mathematico*. Sub Hydrographia etiam militat

**58** **HISTIODROMICA**, quæ, vt author est Scottus suprâ cit. lib. 13. tradit rationem dirigendi nauem tutò, & quâ concessum à ventis est, recto tramite, sin autem variante, & obliquo, ad destinatum portum: idque ex proba temonis directione, sese ventorum flatibus accommodando, & inspectione Chartæ Nauticæ, ad noscendos latententes Syrtis, & scopulos, eosque sollicitè deuittandos.

**59** **HYDRAVLAE**, seu *Hydraulica Machina*, sunt in genere architectonico, opera quæ non hominum manu, aut extrinseco motoris adminiculo, sed ipso aquarum impetu impelluntur, & agitantur ad aliquid peragendum. Sub quibus, simili ratione comprehenduntur, quas dicunt *Pneumaticas*: quæ spiritu intercluso, & mox compresso, vel dilatato, adhibentur quotidie ad varios vsus, tum necessarios, tum ludicros, magno cum impensarum compendio, & animi leuamento. De his fusè Vitruuius lib. 10. & nos sparsim in locis, vbi de singulis incidit sermo. Harum primus inuentor, fama est, ac traditur fuisse Ctesibius Mechanicus quidam Alexandrinus; à quo

quo *Ctesibij Machina* antonomasticè denominata est, quæ id habet egregium, ut aquam in imo stagnantem ad altitudinē quantamlibet attollat. Cui postea alia artificia ex aliorum inuentionibus accessere, ut notat idem Vitruu. cap. 12. Vbi postquam præfatæ Machinæ artificium tradidit, hæc reponit. *Nec tamen hæc sola ratio Ctesibij fertur exquisita; sed etiam plures, ac varijs generibus alia, quæ ab eo liquore pressionibus coactis spiritu, efferre à natura mutatos effectus ostenduntur.* De quarum vi, & admirabili efficacia tractat philosophicè Aristoteles apud Athenæum lib. 4. & practicè Hero Mechanicus in libro, quem *de Spiralibus* indigitauit.

HYDRVS denominatum est ab Astronomis recentioribus, nouum Astrum detectum in Cælo ad plagam Australem, iuxta Polum Antarcticum nobis inconspicuum, atque alijs 48. Imaginibus à Ptolemaeo recensitis, vnâ cum alijs vndecim ibidem obseruatis, adiectum. Constat Stellis omnino 15. si credamus Bayero: at Keplerus coadunauit in eo 20. præter nubeculam illi contiguam. Quarum illustrior est quæ in oculum incidit, prope extremam fluuij, tertiz magnitudinis, quæque maximè omnium vicinior Polo, à quo nunc temporis non distat, nisi duobus ferè gradibus. In longitudine, autem totum sidus complectitur signa Capricorni, Aquarij, & Piscium.

De natura verò eius, qualitate, & effectibus, quos in terras subiectas influit, nemo ipsorum ausus est quicquam edicere, quoniam, incomperta illis erant, & per modicum tempus non licuit (id quod iugi obseruatione, ac repetitis experimentis tenetur) hæc omnia examinare. Verùm Petrus Io: Faber scriptor Gallus, & professione Medicus, aut Empyricus, in suo Panchymico lib. 2. cap. 11. absque vllius Astronomi auctoritate, de his Stellis audet hæc fidentius pronunciare. *In terram Australem Antarcticam infundunt virtutes, & proprietates Saturni, & Mercurij.* Ex quo solo supposito, mox subinfert: *Vnde hæc terra fertilis satis est, etsi iacet inculta propter inertiam, & pigritiam habitantium, qui Saturni mores sequuntur, & imitantur. Pigri admodum sunt, & inertes, & ocium amant, & nullo pacto sunt laboriosi; sed ad somnum, & quietem proclines. Mercurius tamen excitat somnolentiam illam, & ad labores impellit, etsi cum Saturno coniunctus, Saturni sequatur naturam, & essentiam. Nihilominus, cum Saturnus ad labores etiam excitet, & agriculturam colat; Mercurius etiam id operabitur, & Americanos satis laboriosos, & ad agriculturam pronos facit. Quantas, bone Deus, hic ineptias effudit! quot absurda, & contradictiones confarcinat! in quot auias se abducit!*

Primò inconstans, & varius est in dictis; & dùm sibi de hoc fidei re & extremis Poli finibus, quibus imminet, propositum est disserere; mox statim exorbitat; atque ad vniuersas, vastissimasque Americæ regiones transit; breuemque terræ tractum sub hoc sidere constitutum, cum toto nouo Orbe quaquauersum sub Cælo exspatiante, confundit. Ait enim: *Prouincia & regiones America*, quibus dominatur hæc Constellatio, plumbi, argenti, & Mercurij feraces admodum sunt, & lapidum pretiosorum, adamantum præcipuè & topaziorum, & aurum colorum varietate insignium, florumque & fructuum varietate, & colorum admirandorum: gustu tamen, & sapore non insignes sunt, defectu calidi natini, qui paucus est in hisce regionibus, quod Sol multum distet ab illis, nec luceat nisi per medium annum, ut in Septentrione nostrorū lucet tamen per Stellas quæ inibi Soles sunt, & virtutem Solis, & planetarum aliorum huc deferunt; & sic ubique locorum virtus illa solaris asportatur: alioquin generationes, & productiones rerum ubique fieri non possent. En quomodo sponte hallucinatur, & in paucis sibimet contradicit. Etenim, si de vniuersis regionibus Americanis sermo est, falsissimum est, modicum ijs calorem inesse, ac Solem longè distare, solumque per medium annum in ipsis lucere; cùm sub diuersis Climatibus diuersimodè constituentur, & modo extremum frigus, modò calorem intensum sentiant, modò summam temperiem; & sub Aequatore (qui multas late prouincias complectitur) dies noctibus sint æquales, ut in confesso est. Tùm si loquitur de terris sub Circulo Antartico positis, cur postea cum alijs Americanis confundit, atque adeò eius vbertatem exaltat, mox deprimit asserens fructus ex defectu caloris natiui, colore quidem pulcherrimos, sed sapore fatuos, & insulsos? Tandem, si in eius soli consideratione, quod huic sideri subiacet, rotas est; non video, cur non de eo, perinde ac de nostro Septentrione, æqua lance discurrat, ubi sub Polo omnia rigent, & tellus gelu concreta nihil educit, nec Stellis somniata felicitas accepta a referri potest, quando à Stellis sub circulo Arctico constitutis, & numero, & splendore, & magnitudine, & insuendi vi, longè superantur. Sed non hic tantùm falsus est Faber: sæpè in eadem deliramenta recidit, præsertim cùm de nouis Asterismis sub Polo Antartico detectis agit, & leuori fidenter imponit, eoquod aliorum Scriptorum autoritate, & experientia reuinci non potest: vnde quicquid è cerebro comminiscitur, imprudenter effundit, & nos suis locis examinabimus.

61

HYGROMETRVN, seu HYGROSCOPIVM (vtroque enim nomine appellari solet, ob diuersos respectus, qui tamen in idem recidunt)



dunt) dictum est instrumentum non ita pridem excogitatum ad expiscandas aëris ambientis continuas alterationes : indeque siccitatis vel humiditatis augmentum, ac diminutionem, in singulos dies, & horas dignoscere, non secus ac per Thermometrum, intensionem, & remissionem frigoris vel caloris, ( vt suo loco ) sed longè clariùs, ac simplicius id præstat Hygrometrum . Consistit namque in cylindro, vel tympano, cui adpactus sit ad caput index siue Ostensor, signans pro tempore maiores aut minores gradus humiditatis vel siccitatis circum descriptos . Tum funiculus cannabinus satis longus imbutus, & probè madefactus aqua marina, aut quouis modo artificiosè salicà, circumuoluatur eidem, appenso ad caput modico pondere, quod non multùm grauiet . Ità aëri libero expositum, si hic fuerit humidior, funis coarctabitur , & secum consequenter cylindrus , cui aduolutus est, & indicem circumuoluet ad certam consistentiam , quæ denotet gradus humiditatis . Si verò aër ad siccitatē tendit, funis distendetur, atque adeò faciet, vt Cylindrus ad aliam partem sese conuertat , ac siccitatis gradus demonstret . Quandoquidem hæc est falsedinis natura , & conditio , vt humorem in aëre repertum ad se attrahat ; & retineat : quò fit, vt quæ semel aqua falsa madefacta sunt, nunquam tantum exsiccentur , vt cælo tantisper pluuio pristinam, humiditatem non recuperent . Hæc ex Claudio Milliet De-Cales in Cursu Mathem. to. 2. tract. 16. propos. 23. qui etiam duos alios modos simpliciores, sed non ita tutos ad id venandum exponit .

Id ipsum aliter exhibet Author Diarij Anglici Litteratorum, relatus à Diario Romano anni 1667. Fiat, inquit, Machinula ex duobus asseribus abiignis, aut populeis, latis vno circiter pede, & altis duobus, benè inter se connexis, totidem tuberculis intrà illos compactis : Tum ex aduersa, quæ latet parte, affigatur per transversum, lamina ferrea, vel cuprea dentata, cuius medium respondeat centro circuli ; in tali positura , vt per eam rotetur pernus , & cathetus, casu quo asseres, ob nimiam siccitatem contrahantur : inde fiet, vt volutetur pernus , & insimul index eidem inditus , & exterius respondens : qui proinde demonstrabit gradus præsentaneæ siccitatis , aut humiditatis aëris, in limbo descriptos, adeoque incrementum vel decrementum : vbi aduertendum , quod duo illi asseres debent esse benè trabibus affixi, commissi, seu compaginati, ( incastratos nos dicemus ) in quatuor videlicet angulis machinulæ, vt habeant libertatem discurrendi, possintque aperiri & claudi in medio , iuxtà aëris temperamentum . Poterit etiam machinula , ad maiorem venustatem, atque ad celandum artificium, obtegi, & circumuestiri lamina ex aurichalco , aut alia materia speciosa , itaut solus promi-

nens index , & graduum circumscriptorum numerus appareat exterius, eo ritu, quo prædicatur in horologijs pensilibus, & rotatis.

- 63 **HYLEGIALIA LOCA** in Cælesti Themate appellantur ab Astronomis ea quæ supra terram sunt, & aliquo ex maioribus aspectibus respiciunt Ascendens, seu Cardinem Orientalem; in quibus constitutum Luminare Conditionarij, aut (si alterutrum ibi non sit) Fortunæ Pars, vel etiam aliquis Planeta beneficus, fortis, & benè affectus, consequitur prærogatiuam Hylegialem, hoc est, sit Hyleg, & habet moderati vitam, & rerum conseruationem, prout aliàs diximus in V. V. *Hyleg*, & *Apheta*. Sunt autè hæc, Primò ipse Ascendens, seu gradus horoscopans, computandus intra latitudinem graduum 5, suprâ terrâ, & 25, sub terra, præcipuè si fuerit intrâ lineam Crepusculinâ. Secundò Culmen, seu Decima Domus, quæ respicit Horoscopum de Quadrato. Tertiò Cardo Occiduus, & Septima Domus, quæ ad illum immittit radium oppositum. Quartò Domus Nona, quæ illum respicit de Trino. Sextò tandem Vndecima, quæ de Sextili. Hi tantum aspectus, utpote validiores, quique de suprâ terram projiciuntur, in hoc negotio attenduntur, & sunt in consideratione in electione, & prælatione Hylegij, si in prædictis locis repertus fuerit: nam qui de sub terra projiciuntur, nempe à Tertia, Quarta, & Quinta, non æstimantur idonei, licet Morinus, & alij aliter sentiant.

- 64 **HYPATE** græcè sonat *grauis, profundus, imus*. Hinc in Musicis applicatur tono omnium grauiissimo; & in Tetrachordis primæ chordæ primi Tetrachordi denominati *Hypaton*, hoc est grauiissimarum, & principalium conflati ex quatuor chordis, quarum Prima dicitur absolute *Hypate*, & cum adiuncto *Hypate Hypaton*, hoc est grauiissimarum grauiissima. Secunda *Parhypate Hypaton* seu ponè hypate, sequens, & subprincipalis. Tertia *Licanos Hypaton*, seu *Trite*, index, & extensa, vltima principalium. Quarta quæ claudit, & participat de altero Tetrachordo *Hypate meson*, quod est vltima mediarum, quæ constituunt secundum Tetrachordum. Sed de his vide quæ fusiùs dicemus, & exhibebimus in partitione Monochordi.

- 65 **HYPAVGVVS**, teste Valla, dicitur Planeta constitutus sub Solis radijs, hinc inde ad distantiam 17. grad. Quæ quidem Constitutio est maxima debilitas, & deterioratio virtutis; quandoquidem hæc  
à præ-

à præsentia Solis obrunditur; & absorbetur, itaut quò maior fuerit ad Solem vicinitas, eò maior sit virium enervatio, ni fortè fuerit in Corde Solis, hoc est, adamussim in eodem gradu Ecliptico; vbi magis intenditur eius virtus, & sit Fortuna. Quod, quâ ratione contingat, diximus in V. *Cazimi*.

HYPERBOLA in Mathematicis, vna est ex Sectionibus Conicis celeberrimis, quæ videlicet fit in Cono per planum, in alterum latus sectionis in eodem cono factæ per axem, atque adeò in eius superficie, hinc aut inde à vertice, ac disspescens conum in duas inæquales partes, cadensque & insilens basi ipsius coni, & sectionis factæ per axem: ita tamen (in quo distinguitur à Parabola) vt sectionis axis, seu diameter prolongata occurrat alteri lateri sectionis per axem, itidem producto vltra verticem: vel sanè, si duo Coni sint oppositi ad verticem (vt in figura, quam dedimus in V. *Conois*) coincidat in illam ipsam diametrum alterius Coni.


Potest etiam Hyperbola concipi præcisè à Cono (vti & reliquæ sectiones) intelligendo lineam curuam similem ei, quam efformat in extrema superficie secti coni, Sectio Hyperbolica, in vtroque sectionis segmento, itaut eadem prorsus forma & curuitas inueniatur in linea, quæ est in superficie coni dissecti, aut in auulso frusto: in qua proinde eadem passiones, & proprietates considerantur.

Porrè hæc Sectio, de qua modò sermo, præ cæteris est mirabilior, & insignes vsus habet, tum in demonstrationibus Mathematicis; tum potissimum in operationibus Opticis, & Catoptricis, ad colligendas species visuales obiectorum, radiosque lucis directos, atque reflexos, quæ diuersos & varios effectus producunt, pro varietate & diuersitate sectionis Conicæ, ab ijs quos aliàs in integro cono haberent, prout liberè obiecta, suas species in modum coni latè patentis per gyrum traicerent. Id autem singulare habet Hyperbola, vt sicut in Parabola quadrata, quæ sunt ab ordinatis ad axem, æquantur, & ad amussim respondent rectangulis formatis ex segmentis axis intercepti inter ordinatam, & verticem, ex vna parte, seu latere; & media proportionali, quæ resultat ex dicto segmento, & ordinata, pro altero latere: quæ proinde assumitur pro certa regula, & mensura generali vtriusque, & ideo vocatur Parameter, seu latus rectum, vt fusè explicabimus suo loco; ita in Hyperbola idem fit, sed cum certo quodam excessu in rectangulo, adhuc æquiparetur quadratis applicatarum; qui excessus sit in eadem positione, & abeat in rectangulum omnino simile ei, quod aliàs formaretur à segmento axis interposito, & Parametro, vt infra clarius explicabimus.

Et

Et idcirco inditum est huic Sectioni nomen *Hyperboles*, quod græce sonat superexcessum, accepta notione à cacumine montium, quod supereminet & excedit subiectam reliqui montis vastitatem, & agrorum planitiem. Quò factum est, ut omnes huiusmodi excessus in quacumque re considerati, Hyperbolæ generaliter appellentur. Sic in Arte Rhetorica, ut obseruat Tullius in Topicis, Figura illa loquutionis, quæ rem de qua agitur, supra modum fidemque hominum eleuat & amplificat, Hyperbola dicitur. Sic etiam in Geometricis coordinatio illa partium, quæ excedit in ratione proportionis iustam mensuram, & nihilominus seruat in ipso excessu ordinem, & symmetriam, Hyperbolam fundat.

68 Ut autem excessus eiusmodi, oculis etiam excipiatur, & qualis, quantusque esse debeat in rectangulis, ut quadratis applicatarum, æquiparentur; dabimus sequentes figuras Hyperboles; alteram, in Cono, alteram ab eo precise considerandam. Vbi linea B. D. est diameter prolongata ultra verticem sectionis, quæ dicitur Diameter transversa. B. H. in eodem contactu verticis, Parameter, seu latus rectum, quod est parallelum applicatis. Nunc natura hyperboles facit, ut rectangulum H. K. quod aliàs resuleret ex Parametro B. H. & segmento axis B. K., adhuc ut æquetur, & impleat spatium Quadrati I. B. perit, & sibi arrogat adhuc aliud rectangulum minus O. N. simile. tamen, & in eodem positu rectanguli K. H. Et pari modo procedendum in quadrato G. F. erga rectangulum G. H. Verum, hoc clarius ostendetur in V. Parameter, cuius est excessum hunc definire.



HYPERTHYRVM, quid ex græcæ notationis etymo indicet, satis constat: Etenim *Thyron* græcè ostium significat: *Hyper* autem generaliter summum, seu suprâ: quemadmodum *Hypo* denotat Imum, & subrâ positum, & *Hypothyrum* Imum Ostij, ut mox videbimus. Igitur *Hyperthyrum*, si nominis etymon consideremus, nil aliud signat, quam *Supra-Ostium*, vel *supraportam*. At quid hoc in re sit, & quid per hoc vocabulum intellexerit Vitruv. in architectatione Ostij, obscurum valde est. Ait enim lib. 4. cap. 6. *Suprà Cymatium, quod erit in supercilio, collocandum est Hyperthyrum, crassitudine supercilij, & in eo scalpendum est cymatium Doricum, astragalum Lesbium sima sculptura*. Id quod in angustiis posuit Interpretes, qui propterea in auiâ, & dissitas sententias abiici. Philander auctoritate Plinij (cuius locum mendosè citat) *Superliniinare* verit; Sed Baldus refractè, errasse hic ait alioqui doctissimum virum, deceptum prava intelligentia vocis græcicæ; & verius *superportale* dicere debuisse, ut ex contextu elicitur. Nam intelligit absolute Vitruvius; quod immediatè supra antepagmentorum supercilia collocatur, infrâ Coronam: illum inquam continuum lapidem, qui utrinque suprâ antepagmentorum supercilia capitulorum vicem subeuntia, illumque sustinentia, collocatur; itaut aliquatenus Zophori speciem referat, cæterâ nudus, exportectus, & imminens; ut in affiguratione clarissima, quam exhibet Caporalis, videre est; nosque non immeritò Architrabem Ostij diceremus. Verùm non aliud in re intellexisse credendus est Philander sub nomine *superliminaris*; quando *Limen* apud receptos Scriptores Latinos, non solum inferiorem ostij partem significat, quam cum ingredimur, pedibus calcamus, sed etiam aliquando superiorem; Nævio, & Plauto authoribus. Quare uti *Hypothyrum* inferiorem ostij lapidem denotat antis interiectum; ita *Hyperthyrum* superiorem, qui antepagmentis imponitur, & architrabis vicem gerit, eadem necens, sicque ostium claudens.

HYPETRAE, vel rectius HYPAETHRAE, quasi *sub Aetbrâ*, 70  
appellantur à Vitruvio, pluribus in locis, præsertim lib. 5. cap. 11. subdiales ambalationes, & loca, utcumque aperto cælo, patentia, in quibus liber aër excipitur, & animus molestis curis, studiisue oppressus, auræ lenis capratione, & iucundarum rerum aspectu releuatur. Et hæc quidem intelliguntur, siue in plana arëa iuxta ædes, vti erant in Palæstris ad exercitium athlerarum, (vti coarctat eas Vitruv. citato loco;) siue ædibus superstratæ, quas nos *Solaria* appellamus: vtraque enim aperta loca idem commodum habent, & exspatiandi dant

dant liberam facultatem. Has latine Xysta vocat Vitruu. quas ster-  
ni præcipit in Palæstris. *Proximè*, inquit, *Xyllum*, & duplicem por-  
ticum, designentur *Hypæthra* ambulationes, quas Græci Peridrómidas,  
nostri Xysta appellant; in quas per hyemem ex Xysto sereno Calo, Athle-  
ta prodeuntes exercentur. Cæterum non prætermittendas consulit in-  
alijs, siue publicis, siue priuatis ædibus, vbi commodè fieri possunt.  
Nam duas (prædixerat cap. 9.) res egregias *Hypæthra* ambulationes  
præstant: vnam in pace, salubritatis; alteram in bello, salutis: quoniam  
in eas erat ab hoste confugium, & recessus. Quod ideo has sæpè  
videmus in amplioribus ædificijs, sæpissimè autem circa Sacras  
ædes, & in summo fastigio constitutas; vt populus ad illas con-  
fluens, iucundè detineri, & confabulari possit: quas etiam, religionis  
ergò, olim ante Deorum Fana, vestibuli loco apponi consueuisse, re-  
fert in Paræmij Zenodorus.

- 71 HYPOCAUSTVM in sensu rigoroso, & communi acceptione,  
fornaculam subterraneam denotat, in quam ignis, iniectis lignis  
succenditur ad aliquem vsum: vnde hoc modo intellexisse videtur  
Vitruu. lib. 5. cap. 10. cum de balneis agens dicit: *Avena* *suprà* *hy-  
pocaustum*, *tria sunt componenda*, *vnum Caldarium*, *alterum Te-  
pidarium*, *tertium Frigidarium*: vt nimirum vnum super aliud sit,  
& ordinatim disposita, vt ex hypocausto singula sibi proprium, &  
attenuatum calorem accipiant. Vti videre licet in specimine,  
quod probè delineatum exponit Caporalis. Nihilominus iam apud  
Architectos, pluresque alios probata notæ Scriptores inualuit, vt  
pro Hypocausto, Vaporarium intelligerent: hoc est, loco seu structu-  
ra artificiosè concamerata, & commodè ampla, quæ ab igne sub-  
tus impositio habeat, vt moderatum calorem in se excipiens, illum  
vicissim alijs cubiculis ponè positis, per quosdam canales transmit-  
tat, ac valdè remissum penèque insensibilem amandet. Vti passim  
præcatur in Germania, alijsque locis Septentrionalibus, vbi  
hyems intolerando frigore sæuit: vnde ei hypocaustis huiusmodi in  
loco idoneo ædium collocatis, occurritur; quæ *Stuffas* vulgò nomi-  
nant. In Balneis verò locus erat aliquantò arctior, vndique conclusus,  
ac desuper testudinatus ad excipiendum, ac diutius retinendum  
calorem de subtrus immixtum; ad effectum, sudorem eliciendi in his  
qui intus consisterent. Quod ideo appositè *Vaporarium* vocat Ci-  
cero, ab calidis vaporibus immixtis, inibique conclusis: & Papinius  
lib. 1. Sylvar. de Balneo Etrusci loquens, & locum, & effectum per-  
bellè exprimit, dicens:

Vbi



..... Vbi languidus ignis inerrat  
Aedibus, & tenuem voluunt hypocausta vaporem.

Sed elegantissimè illud describit Plin. Iunior, lib. 2. epist. ad Gal-  
lum, vbi & partes explicat, & vsum tradit, inquit, *Applicatum*  
*est cubiculo hypocaustum perexiguum, quod angusta fenestra supponunt*  
*calorem, ut ratio exigit, aut effundit, aut retinet.*

HYPOMOCHLIUM appellat Aristoteles in Mechan. quæst. 3. &  
iam communiter omnes Mathematici, fulcrum, quod supponitur  
vesti ad leuanda onera. De cuius ratione fusè agit Vitruu. lib. 10.  
cap. 8. omnia ex Philosopho mutuatis: vbi illud adnotat generali-  
ter, & concludit. Tantò plus ponderis, atque agiliùs leuare po-  
tentiam, quanto ab hypomochlio erit distantior. Eadem ratione,  
& ad eundem vsum, hypomochlium dicitur in statera, & Libra axicu-  
lus cui iugum innititur horizontalem lineam representans. Verùm  
de hoc aliàs. Fulcrum istud in operatione vectis *Sottolena* à Nostris  
vocatur, quemadmodum ipsa operatio *Leua*.

HYPOTHENUSA, speciali nomine venit, apud Geometras, latus, 72  
seù linea subtendens angulum rectum in Triangulis rectangulis, siue  
Isoscelijs, siue Scalenis. Quamquam enim in omnibus Triangulis  
generaliter, latus oppositum angulo verticali, appelletur comuni  
nomine, Basis, reliqua verò duo latera quæ in dictum angulum abe-  
unt, Crura; attamen, vbi vnus angulus rectus est, basis illius Tri-  
anguli, quæ opponitur angulo recto, vt ab alijs contrafignetur,  
Hypothenusæ nomine denominata est; eo quod speciales præroga-  
tiuas suprà omnes alias bases triangulorum habet, ad reliquorum la-  
terum, & angulorum adiacentium quantitatem feliciter auspican-  
dam: semper enim habet excedere magnitudine reliqua latera, siue  
æqualia sint, siue inæqualia, ac determinare angulos adiacentes, qui  
in triangulo æquicrurio semper pares, & acuti necessariò sunt, in  
Scalenis verò semper impares, & alter altero acutior; vt videre est  
in figuris triangulorum suprà sæpius expositis, ac præcipuè in V. A.

HYPOTHYRUM aliquando accipitur pro hian- Ostiorum ina- 74  
nitate, quâ lumen deforis traductum excipitur. Sic Vitruu. lib. 4.  
cap. 6. eius spatium determinas ad rationem ædis, & luminis intro-  
mittendi. *Lumen autem hypothyræ*, inquit, *constituatur sic, uti quæ*  
*altitudo ædis à pavimento ad lacunaria fuerit, diuidatur in partes tres*  
*semis, & ex eis duæ partes lumini valuarum altitudine constituantur.*  
Cæterum, vt benè notat Philander, Hypothyrum ex se ap-  
pel-

pellat lapidem transfuersum, seu limen inferius ostij, quod pedibus intrando, primò occurrit calcandus. Et sanè concordat optimè etymò nominis, nam perinde sonat, ac latine subportam, seu supportalem lapidem, qui portam inferius terminat, vt supra in *Hypothyro* tetigimus.

75

**HYPOTRACHELIVM** in Opere architectonico appellatur ea columnæ pars, quæ sub astragalo leniter inflectit, & coarctatur: ab græca notione, quæ imum colli significat, ab humano collo ad columnas translata. Quod ideo *Collarinum* nostri hanc partem nuncupant. *Apothesim* vocant alij. Quamquam Vitruuius indifferenter Hypotrachelia, in summo & imo scapo columnæ, conflexus nominet, qui sub annulis fiunt, Apothesis autem solò summo scapo tribuitur, vt in loco diximus. Ad hæc, Hypotrachelia etiam sunt in capitulis columnarum ordinis Dorici, & Tuscanici, non item in alijs, & collocantur in ea parte, quæ inter Echinum, & astragalum mediat: repræsentant enim vas, seu lancem, amplo orificio hiantem, pede intus contracto, cuius quasi operculum est abacus. Hanc partem in Capitulis Doricis, alij puram, & planam relinquunt, alij rosæ, & achanti folijs scalpunt. In Tuscanicis verò semper est simplex.





## IA



ACTATORIA dicebantur apud mediæ ætatis Scrip-  
tores Machinæ bellicæ, quæ plura tela simul &  
lapides emittebant, siue ex fuerint in certa specie,  
siue genericè hoc nomine, omnia Lithobola com-  
prehenderentur. De qua re vide Du-Cange.

IANVA, *Ostium*, *Porta*, sunt ferè synonyma, &  
sæpè à Scriptoribus, etiam primæ notæ confunduntur: ab Architectis  
verò, & æquis rerum verborumque æstimatoribus, non sic; sed mul-  
tum discriminis in ijs agnoscuntur. Nam Ianua propriè dicitur de  
primo ædis aditu, per quem è communi viâ, in illam iutramus, à Ia-  
no, vt aliqui volunt, nomine deriuato, siue quòd ei primum Sacra  
fuerit, siue à duplici aspectu, quo æquè interiora, & exteriora pro-  
spectat. *Ostium* est interiorum, partium domus, per quod, ex au-  
la in cubicula, è cubiculis in abdiciona fit transitus. *Porta* autem  
aliquid grandius sonat, & competit solis Urbibus, Arcibus, Ca-  
stris, alijsque locis publicis mœnibus circumcinctis, aut vallo, &  
fossa munitis, per quam datur accessus accolis & amicis, & hosti-  
bus prohibetur. Ex quo habes, in opere architectonico longè diuer-  
sas esse huiusmodi aditus aperiendi, locandi, & construendi rationes.  
Et quidem, quod ad Ianuam attinet (nam de alijs suo loco) eam  
debet amplio-rem, & ornatiorè poni, in parte ædificij satis com-  
moda, & conspicua, quàm ostia, quæ intrus sunt: quæque respon-  
deat dignitati, magnificentiæ, aut pusillitati habitationis, cuius ipsa  
debet esse speciem, & argumentum (id quod in Portis Ciuitatum  
vel maximè attendendum est,) ne in amplissimis ædificijs, & oppi-  
dis, ianux & portæ humiles; neue in modicis & pusillis, amplio-  
res, & magnificentiores ponantur: alioquin iustè caderet in habi-  
tatores, & Ciues, scomma illud, quod Myndijs obiecit Cynicus,

qui in pusilla vrbe amplissimas, & magnificentissimas portas extruere: *O Myndij, portas claudite, ne per illas vrbs vestra exeat.* Debent ergo Portarum, & Ianuarum structura loco proportionari, uti admonuit Vitruu. lib. 6. cap. 10. alias de magnificis ædibus loquens, ut habeant Ianuas proprias cum dignitate. Hinc Leo Albertus ex veterum institutis obseruat lib. 1. cap. 12. *Ut pro aedificij amplitudine, & figura, utcumque ille quidem sint, accommodentur, utque altiores omniū sint, quam lata, & ex his qua altiores sint, duos ha capiant continuos circulos; qua verò humiliores, altitudinem habeant diametri eius quadrati, cuius sit latus ima ianua, & ostij ipsius latitudo.* Quoad ornamenta; ea, (quoniam Ianua in primo ædis prospectu est, ac de toto opere indicat) plurimum ei conferunt æstimationis, ac dignitatis; atque adeo, ubi commodè, & cum dignitate addi possunt non utique prætermittenda. Hinc affictorum genera sunt, Antepagmenta, Antæ, Hyperthyrum, seu lapis superliminaris, qui antis innititur, & Ianuam desuper terminat, Supercilium, Ancones; seu Prothyrides hinc inde ab ima propendentes, Corona secundum antepagmenta, ad libramentum imi supercillij, & alia secundum quod ratio ædificij exigit, de quibus singulis fusc tradit Vitruu. lib. 4. cap. 6. Denique quoad formam, & aperturam Ianuarum, notat Philander quod antiqui nusquam nisi quadrangulas fecerunt, sicuti nec fenestras. Econtrà portas urbium fuisse arcuatas: At Priuatarum ædium subdit, arcuatum ostium, aut etiam Sacrarum ianua nunquam reperias. Plura de Ianuæ conformatione, & symmetrijs, vide apud Albertum loc. cit. & lib. 6. cap. 12. ac Serlium in sua Architectura, ubi in fine, multa Ianuarum, & ostiorum specimina, secundum diuersorum ordinum rationes, & pro qualitate ædificiorum, oculis exhibet contemplanda.

IAPIX ventus, vide *Caurus*.

IC

- 3 ICNOGRAPHIAM rectè definit Vitruu. lib. 1. cap. 2. quod sit *Circini, Reguleque modicè continens usus, ex qua capiuntur formarum in solis arcarum descriptiones.* Sed enim obscurè nimis, & quæ Oedippo indigent ad plenam verborum intelligentiam, & explicationem. Satis se explicat ipsum nomen ex græca notione, quod *vestigium* sonat, hoc est, impressam in plano, cœu vestigium hominis, futuri operis delineationem. Qua de re vide quæ fusc dicemus in V. *Vestigium*.

ICOSAEDRVM Vide *Corpora Regularia*.

IM-

IMBOLVS, vt placet Isidoro, ab ambulando dictus, seu potius à græca notione *Embolos* quæ itiones denotat. Sic enim Græci Byzantini, vtenotat Du-Cange in Glossario, appellabant *vix plurimum porticus*, quæ in vrbe sparsim erant. Sed vide quæ ad hanc rem diximus in V. *Embolus*.

IMBRICATVM OPVS in re ædificatoria dicitur quidam erigendi parietes modus, quo lapides & cæmentâ connectuntur, & ordinantur imbricum more, & textura, quibus testâ tuemur, & conuestimus. Hoc valdè commendat Vitruui. lib. 2. cap. 8. & Reticulato, aliâs apud vulgus magis plausibili, anteponit. *Incerta*, inquit, *cementa alia super alia sedentia, inter seque imbricata, non speciosam sed firmiorem, quam reticulatam præbent structuram*. Quid verò Imbrices sint, quidue Imbricata cæmentâ, etsi alioqui ex Vitruuij contextu satis innotescit, atranien enucleatiùs exponit Philander, his verbis: *Imbricata, idest vt vnum duorum cæmentorum angulis, atque adeo cæmentis ipsis inuehatur, sede atque imbricum tegularum modo*. Nos Itali *incaualeatos* dicimus, vti Imbrices denominationem desumunt ab imbre, eoquod acceptum imbrem, aliò deriuent in testis.

IMMISSARIVM in Aquæductis cum *Emissario* confundit Vitruu. lib. 8. cap. 3. Certè *Receptarium*, vnde postea erogetur aqua, interpretatur Philander. At, ni fallor, vterque toto cælo aberrat, cum ipsum vocis etymon satis indicet, locum non quietis, esse sed motus, atque adeò ductum, ac transmissionem aquæ de vno in alium locum signare: econtrâ *Emissarium* denotat consistentiam, & locum vbi aqua recipitur, ad alia postmodum, aperto ostio, immittenda. Consonat Albertus de re ædificatoriâ lib. 10. cap. 7. vbi dicit. *Emissarium appello destinatum vsui locum, quò velis aquam peruenire, vt inde aut libera, aut ad certos vsus emittatur*. Sed & longè enormiùs fallitur Baldus, qui postquam rem diù exagitaui, tandem concludit. *Igitur Emissaria plura; Erogatorium vnum*. Fallitur, inquam, nam (quidquid sit de Erogatorio, de quo suo loco inquisiuimus) dicere veriùs debuisset, *Emissarium vnum, Immissaria plura*: idque ex ipsius Vitruuij contextu; atque, vt suprà tetigi, ex vtriusque nominis etymo: quippe *Emissarium* ab emittendo, *Immissarium* ab immit-tendo promanat. Atqui emittere, locum indicat, vnde aliquid, vt hic aqua, deducitur; immittere quò deriuatur, & transmeat. Quocirca *Emissarium* potius vnum est, idemque fere cum Erogatorio, *Immissarium* multiplex, pro multiplicitate locorum, ad quæ aquam

volumus deriuare. Est igitur Immissarium in Aquæductis veluti pons, & canalis, per quem aqua traicitur, & ex emissario, seu Ero-gatorio, in Castella, vel alia loca, prout res postulat, & aquæ copia, aut penuria patitur, comportatur. Consonat generale participium *Immissum*, aliquando signanter denotans, quod è nostro procedens in alieno recumbit: vt pontes, tigna, & trabes; quæ à nostris ripis, aut ædibus, in aduersas immittuntur.

7 IMPAGES, Vitruuio auctore, sunt lignea ornamenta, seu regula, quæ valuis, tum ad fortitudinem tum ad ornatum apponi solent, & medium tympanum complectuntur in quadrum, seu ad angulos rectos vt plurimum ductæ: à pangendo dictæ, vt vult Festus, eoquod à Fabris per directum tabulis adpangantur, & figuntur, quò firmitus cohæreant, & consistent. De earum colloca-tione distributione, ac latitudine, hæc præcepta tradit lib. 4. cap. 6. *Inter duos scapos, tympana ex duodecim partibus habeant ternas partes* (quæ videlicet inpagibus concluduntur) tum, *Impagibus distributiones ita fient, uti diuisis altitudinibus in partes quinque, duæ superiori, tres inferiori designantur. Super medium medij impages collocentur, ex reliquis alij in summo, alij in imo compingantur. Latitudo impagis fiat tympani tertia parte.* De cætero hæ planæ omninò esse debent, etsi cymatia intrinsecus, & extrinsecus alioqui admittant: vnde *Planetos nostri Architecti eas nominant. Fabri autem lignarij sprangas, & spondas, quasi medij tympani crepidines.*

8 IMPERANTIA SIGNA ab Astronomis appellantur quæ, cum habeant eandem ab Aquatore declinationem, discordant tamen ab illis quoad regionem: nam hæ citrà æquatorem sunt, ad Septentrionem vergentia, illa vtrâ declinant ad Austrum, Quæ, quoniam superiora sunt, illa (saltem quoad nos) humiliora; ideo non ab re, Imperantia dicta sunt, ista *Obedientia*, eadem ferè analogia, quæ ferus Domino, & nox diei substernitur, atque paret. Cæterum, vtraque paris æstuitatis sunt, & æquales describunt parallelos, nisi quod in nostris regionibus, arcus diurnus æquiparatur nocturno descripto à signis australibus, & quantum ille tribuit lucis & est suprà terram, tantundem iste absconditur, & est sub tenebris noctis infrà terram; & econtrâ. Sunt autem Imperantia Signa Borealia à sectione verna, per tropicū Cancrī procedentia, ad vsque finem Virginis: Obedientia autem, ab initio Libræ vsque ad finem Piscium. Atque adeo Aries imperat Piscibus, hoc est, primus gradus Arietis respondet vltimo gradui Piscium; secundus vice-simo-nono huius: & sic de  
fin-



singulis, Taurus imperat Aquario; Gemini Capricorno; Cancer Sagittario; Leo Scorpion; Virgo Libræ: eoquod hinc inde æqualiter distant ab Aequatore, paresque parallelos describunt. Quæ verò sunt in eodem parallelo, & eandem habent & numero, & regione, declinationem, vocantur *Intuentia*, de quibus mox infra.

IMPLEOLA, nouo, sed satis accommodatio, & expressiuo 91  
vocabulo, insignitur ab Alberto lib. 6. cap. 8. fossula, seu scrobiculus in medio columnæ summo scapo, seu aliorum magnorum saxorum, ponderumue, ad perpendicularum centri grauitatis, cauatus; in quem inditur attractorius cuneus, per quem ea in altum subleuantur: Sic enim appello (subdit) *umbiliculos prominentes, quasi ansas, quibus funium illaqueamenta detinerentur ne subexfluere, qua sic fiant: incauatur formula in lapide ad crumena similitudinem, pro lapidis vastitate palmos, ore arctiore, fundo introrsus latiore. Sed quanani id arte fiat, & quonam pacto sola cunei natura apta sit ad id cum agilitate præstandum, expressius, & penè ad viuum tradit Philander in Notis ad Vitruu. lib. 10. cap. 2. Excavatur, ait, in medio lapis, quantum pro vastitate satis est, sed ita ut forma excisa ostium angustum sit, fundum latius: In latera induntur cuneoli ferrei duo, qua parte latiores sunt quibus illa compleantur: quod autem inter utrumque vacui superest, tertio graciliore impletur. Deinde armillata cuneorum capita, ansa ad C. inuersi similitudinem, & ipsa armillata præhenduntur. Per armillas traicitur axiculus, & substudiola ferrea, siue clauicula obfirmatur ne effluat. Reclami verò ansa præhenditur, aut si trochlea unum non habet, alligatur funis ductorius, & ergata subleuatur onus. Hucusque Philander, qui exhibet etiam cuneolorum formam, nexus, atque attractus.*

IMPLUVIUM frequens in ore Architectonum, & materiariorum 10  
vocabulum; quo significatur locus in ædibus relictus in imo solo sub dio, & sine tecto, in quem imber latè in tectum vniuersæ domus ingruens, in decliue cadens impluat; sicque reliquas partes ædificij relinquat immunes, & inoffensas: ab effectu, & à pluuia hoc illi nomen adhæsit: vnde Varro: *Impluium dicitur quando aqua deorsum impluit; quando verò sursum, Compluium. Porro, etsi huiusmodi loca, & apertiones ad aquam colligendam & extrâ structuræ ambitum mittendam sint facta; non hunc solum tamen effectum habent, neque primariò ad hunc finem in dispositione operis patentia relinquuntur, sed potissimè excogitata sunt ad lumen ædibus impertiendum, vbi illæ aliàs nimis confertæ sunt, & aliunde illud recipere nequeunt: quod ideo pensatè, & magno cum iudicio architectari*

uari debent, vt simul, & venustatem, & symmetriam seruent ad exteri-  
nam speciem; & in facto, defectus suppleant, & importent commo-  
dum, tum ad pluuiam deriuandam, tum ad lumen cæli commodè  
excipiendum, ac remittendum. Qua de re fusè tractat Vitruu. lib. 6.  
cap. 4. & alibi sæpe.

## IN

**II** INCILE, Vlpiano iudice, vbi agit de Aquæductis l. 1. ff. de Ri-  
nis, est Primum aquæ caput, & scatebra in loco ponè fontem, aut  
fluum, vbi sit apertura ad eam corriuandam: sic dictum, quod  
ibi lapis, aut ripæ margo inciditur ad dandum ei liberum transitum.  
Quare tria sunt loca, quæ potissimum consideranda veniunt à perito  
Architecto, in Aquæductuum constitutione: Incile, Erogatorium,  
seu Emissarium, & Castellum, vbi aqua recipitur. Et quidem quod  
ad Incile spectat, multum laboris, & indutrix infumendum in-  
perquisitione loci idonei, vbi facienda sit incisio, ne cassâ euadat  
opera, & aqua neuiquam deriuetur: quod idè prius per instrumeta  
tentari debet, & ad libellam probari superficies vadi excauandi, vt  
respondeat ad lineam horizontalem, vtrum altior, an depressior sit,  
& quantum obliquitatis intercedat. *Ars est paulò secretior.* (inquit  
Leo Albertus lib. 10. cap. 7.) *Fit quidem intuitu, & spectatione, nam  
ea nos puncta nuncupamus.* Hinc rem ita definit. Si erit illic plani-  
ties expedita, qua ducenda est aqua; erit intuitus dirigendi ratio du-  
plex: nam aut modicis interuallis, aut longioribus terminis, certa-  
quædam signa, & limites ponentur, puncta extremi interualli, quò  
magis erunt inter se finitima, eò à flexo terræ ambitu directio intui-  
tus minùs abscedet: quò autem erunt interualla ipsa productiora,  
eò terræ ambitus, solumque ab recta Libræ linea esse procliuius in-  
uenietur; in his obseruabitur, vt in quosque mille passus digitos vs-  
que declines decem: sin autem non erit planities expedita, sed inter  
exabit tumulus; tunc in his quoque duplex est ratio, vna vt altitu-  
dinem, hinc ab Incili, hinc verò contrà, ab emissario ediscas. Tandem  
post multa, quomodo id ad praxin reducendum sit, non minùs do-  
ctè, quam dilucidè tradit. Summo in montis cacumine (subdit) vnde  
hinc incile, hinc emissarium sese visendum præstat, complanato in solo  
signabis circulum pedes latum decem: is circulus horizon nuncupatur: in  
circuli centro figas hastile, vt stet ad perpendicularum. His peractis di-  
rectior artifex extrinsecus ambibit circulum, quaritans, quò loci linea in-  
tuitus ad alterum aquæ ducendæ terminum intenta, terminum ipsum pe-  
tat, & ima centricum illum infixum hastile contingant. Loço igitur  
isthoc in horizonte circuli certo, & noto, artifex ipsam hanc signabit  
lineam directionis, utrinque hinc atque hinc, per scriptum circuli ambitum  
secant.

secantem. Erit hac nimirum linea, cycli ipsius diameter, quando per centrum directâ, utrinque coronam secat circuli. Eadem ipsa hac linea, si aquè contrario ab intuitu in longum, & directum producta, hinc incile, hinc emissarium petierit, vellos ea ductione prestabit aqua ducenda cursus: sin autem non petierit, sed alia quæ incile spectet, alia quæ emissarium spectet diameter, diuersam petierunt directionem; tunc ex mutua linearum istarum interseccionem, ipsum ad centricum stabile facta; patebit quæ differunt illa quidem directiones inter se. Et hæc tutissima, est & nunquam fallax via dirigendæ aquæ: ex incili ad emissarium, atque inde, ad quemvis alium locum eam velis inflectere, ac deriuare. Quod quidem paulò fusiùs, quam nosti instituti ratio permittebat, explicare aggressus, sum ipsissimis verbis præfati auctoris; sed operæ pretium erat, in re tanti momenti, voces nedùm expendere, sed etiam, quid verè per tales voces veniat, explanare.

**INCONIUNCTA SIGNA** in Astronomicis appellantur quæ nulla configuratione, ac familiaritate adinuicem copulantur: hoc est, nullo aspectu siue benigno, vt Trino, ac Sextili; siue hostili, vt Quadrato, & Opposito, se respiciunt; sed prorsus inconnexa & disparata sunt, adeoque sidera in ipsis constituta solitaria sunt, & cum alijs non communicant, ab ijsque eorum virtus intenditur, aut labefactatur. Talia sunt omnia signa contigua, quæ non sint Antiscia Intuentia, vel Contrantiscia Imperantia, & Obedientia; & consequenter etiam signa opposita sibi contiguis. Rationem reddit Ptolemæus, lib. 1. cap. 14. *Nam quæ secunda sunt, inquit, à sese, & duo signa continua coniuncta, vnum efficiunt angulum; illa verò quæ vel secunda, vel sexta numerantur, totum Orbem in partes inæquales secant; cum alia figura eum in partes æquales diuidant.* Ex quibus liquet, eos qui aspectum Semisextilem admittunt ad distantiam 30. graduum, omnino decipi; cum Ptolemæus hic talem distantiam nullius efficientiæ censcat; proindeque duo signa sibi solum contigua, vocet inconiuncta. Igitur signa fixa, hac ratione, habent inconiuncta duo signa; hinc & inde, precedentia, & subsequencia, atque illorum Opposita. Mobilia habent inconiuncta signa immediatè succedentia, & eorum Opposita; cum ad præcedentia habeant familiaritatem Antisciorum. Communia tandem habent inconiuncta solum, antecedentia, & illorum opposita; cum ad subsequencia proiciant similes Antiscium, vel primarium, vel secundarium. Verum totum hoc, per subiectam Tabellam planum fiet.

*Aries* Habet inconiunctum *Taurum*, & *Scorpionem*.  
*Taurus*, *Arietem*, *Geminos*, *Libram*, & *Sagittarium*.  
*Gemini*, *Taurum*, & *Scorpionem*.  
*Cancer*, *Leonem*, & *Aquarium*.  
*Leo*, *Cancrum*, *Virginem*, *Capricornum*, & *Pisces*.  
*Virgo*, *Leonem*, & *Aquarium*.  
*Libra*, *Scorpionem*, & *Taurum*.  
*Scorpio*, *Sagittarium*, *Libram*, *Arietem*, & *Geminos*.  
*Sagittarius*, *Scorpionem*, & *Taurum*.  
*Capricornus*, *Leonem*, & *Aquarium*.  
*Aquarius*, *Capricornum*, *Pisces*, *Cancrum*, & *Virginem*.  
*Pisces* tandem, *Leonem*, & *Aquarium*.

**I 3** Porro horum signorum, quæ (vt modò diximus, Inconiuncta) vocantur, eoquod nullo inter se ordine, & configuratione nequeuntur; Nemo ferè ex Astronomis, & curiosis rerum Cælestium indagatoribus est, qui ullam rationem habeat, atque obseruet, quænam in Inferioribus hisce, bona, vel mala importent: Cum tamen, meo iudicio, id maximè obseruari debeat: atque, vt bonus ordo rerum, ex nexu, consonantia, & communicatione adinuicem Cælestium, Corporum, quibuscum aliquam seruant necessitudinem, pendet; ita & perturbatio, dissensus, & discrasia, ab eorum affectionibus, mutuo dissidio, separatione, ac disparitate naturæ, trahit originem. Etenim partium nexus & amor (vt volebat *Pluto*) Mundi Anima est: Hunc ordinem, hanc Harmoniam, si minimùm turbes; & ipsum Orbem turbari, confundi, periclitarique videbis: perinde ac in humano corpore, ex turbatis humoribus, & dissoluto continuo, dolores, morbos, & varia vitæ discrimina insurgere, passim videmus. Igitur (vt in loco ex professo videbimus,) omnis in sublunariis hisce, discordiæ, auersionis, atque antipathiæ ratio, huic vni Signorum Cælestium, sub quibus singulæ partes sunt, inconiunctioni, ac disparationi, accepta ferenda est: vti econtra omnis ratio Sympathiæ, amicitiae, propensionis animi, & mutuae correspondentiae, ad Signorum, Siderumque à quibus reguntur, familiaritates, & nexum reducenda; vt clarè innuit *Ptolemæus* lib. 4. cap. 7.

**I 4** Hac etiam ratione, ni fallor, Anni Climacterici, seu Scalares, in quibus semper aliqua corporum nostrorum discrasia expectanda est; prodeunt; ex inordinata hac Inconiunctorum Signorum serie disponuntur. Siquidem singulis Septenarijs, ac Nouenarijs recurrentibus, (quoniam omnis bona siderum ad radicem Natalis configuratio

ratio expleta est, & sequitur accessus ad inconiuncta signa, quæ nullum ad radicalem locum respectum habent; ideo sequitur etiam humorum perturbatio, & corporum discrasia; præcipue verò in annis 21. 28. 42. 49. 46. 63. in quibus ut plurimum nulla intercedere solet familiaritas siderum, beneficorum ad moderatores: ex quo necesse est, etiam vitæ cursum, impedito Moderatore, labefactari. Quod si alij (& quidem communiter) dominatui Saturni subintrantis id tribuant, verosimilius tamen est, id ortum habere à signis inconiunctis recurrentibus, nulla familiaritate respicientibus Horoscopum, aut Vitæ Moderatorem.

Hinc etiam liceat explicari congruentiam abditissimi illius Arcani: Curporrò Octimestris partus non sit vitalis? De qua re tantopere exquisierunt, atque in indaganda vera causa, usque ad defectionem spiritus, desudauerunt sapientissimi Philosophi, atque Astronomi, imprimisque Federicus Bonauentura Vrbinas, qui integrum insignisque volumen *De Octimestri Partu*, edidit. Equidem augur sunt quæ habent Astrologi apud Schonerrum lib. 1. *de Iudicijs*; ac latè prosequitur Natalis Comes in *Mythol. lib. 4.* Quia, inquiunt, primò mense dominatur Saturnus concepto embryoni; Secundo, Impiter; Tertio, Mars; Quarto, Sol; & tunc fit animal rationale: Postea Venus; inde Mercurius; ac tandem in Septimo, Luna Moderatrix Humidi radicalis: & tunc, si nascantur foetus, utique vivit, quia perfectus est, & à maleficis nullam in eo partem habentibus, neutiquam offendi potest. At si adhuc immaturus petit in, uterò ulterius immorari; subintrat octavo mense in moderationem partus Saturnus, qui sua nimia frigiditate, & abscissoria siccitate inficit illum; & si accidat, ut foras edatur, mox emoritur. In nono autem mense succedit Iupiter, qui naturæ sotor est, atque adeo facit felicitet foetum educi. Nax sunt inquam: nam peto, cur quarto, & (quod maxime notandum est) sexto, in quo maturior, & robustior foetus est, quam in quinto, non superuiuit, si edatur; bene tamen in quinto, ut multoties expertum est? An quia Sol quarto mensi præest? Verum, si ex planetis ullus est, qui vitam largiatur, & sustentare valeat; is Sol profecto dignoscitur, qui est fons lucis, & potentia vitalis: ut proinde vel inde colligunt, illum incipere esse animal, & vivere vita saltem animali. Deinde inquiri, cur sexto mense editus partus non superviuat? An quia dicto mense præest Mercurius? At is naturæ inimicus non est; & si adhuc foret, vitam foetui non posset adimere, cum sit minimæ actiuitatis, ut alibi adnotauimus; atque adeo ob eam rationem, munus moderatoris vitæ, in locis apheticis constitutus, subire non est potis. Cur nihilominus

decimo, & vndecimo mense editus viuit, (nam plurimæ mulieres; decem, vndecim, & eò amplius mensibus vtero gerere compertæ sunt) cum tamen ex eorum doctrina, Mars naturæ infensissimus, in regimen deberet intrare? Mitto alias validissimas huius erroris confutationes, quas abundè congerit Gotifredus in l. Intestat. &c. ac citatus Bonaventura lib. 7. cap. 14.

46 Sed & Franciscus Valesius in *Controuers. Medicis* lib. 2. cap. 10. ex Hippocrate, aliisque Medicis, aliam ingeniosissimam rationem comminiscitur, cur Octimestris partus non superuiuat, ex respectu nimirum Conceptionis, & Conformationis. Nam mutationes, ait, præcipua, quæ contingunt sætibus certis quibusdam temporibus, dum in vtero geruntur, sunt figuratio, & motus, & partus: horum temporum ad se inuicem est proportio. Hoc tempus motus, duplum est temporis figurationis; & tempus partus est triplum temporis motus. Igitur pendet tempus partus à tempore figurationis, cuius non est simplex terminus, sed varius: atque proinde tam multi sunt termini partus humani, ut & septimo, & nono, & decimo fieri, & duodecimo contingat; quia, & quod multò magis mirandum, quartodecimo etiam, ut inquit Auicenna lib. 21. *Fen.* nisi fortè detrahenda fides ei est, quia ex relatu loquebatur; ita enim inquit. Et iam dixit mihi fidelis quidam, quandam mulierem peperisse quartodecimo mense, & benè dixit. Termini figurationis, ut apud Hippocratem videre est, lib. de alimento, sunt, nunc 30. nunc 35. nunc 40. nunc 50. dies: quo loco, eam quam diximus proportionem obseruat Hippocrates: nam eos qui 35. figurantur, 70. moueri, & 210. edi tradidit. Ex his itaque terminis licet colligere partus naturalis terminum esse septimum mensem, qui constat 210. diebus; & nonum, qui constat 270. diebus. Qui terminus sit ex 45. bis sumptis, atque constitutis 90. ad motum; atque ex illis rursum ter sumptis, ad exitum. Potest etiam io principio septimi mensis edi, quando scilicet solis 30. diebus figuratur sætus: nouetur enim 60. diebus, & editur 180. quod est anni dimidium, & principium septimi: Atque etiam in vndecimo editur qui configuratur 50. mouetur siquidem 100. & editur 300. atque ita, aut citius aut tardius, prout citò aut tardè figuratur. Tamen nullus octauo mense editur: nam qui 40. figuratur (figurantur autem paucissimi) hic bis centum, & 40. editur, qui quatuor iam dies ex mense desumpsit; constat enim singuli menses ex 29. diebus cum dimidio. Hæc Valesius ex Barbarorum Medicorum placitis. Verum, ut benè ipsemet obseruat, ac ratio, etsi alioqui ingeniosissima, in multis claudicat. Nam, quòd foetus formari possit quadagesimo die, docuit Hippocrates loc. cit. Nunc autem, si qui sunt, qui 40. diebus formantur, consequens est, ut in octo mensibus maturescant, & in lucem edantur.

Quod



Quod si tamen aliquam partem ex nono mense velis detrahere, iam inuenies eos qui spatio 35. dierum figurantur, octauo ad vnguem mense edi.

Quod ideo concludendum est, nullam aliam, quæ mentem firmet, ac magis ad verum collimet, arcani huius rationem esse, 17  
quàm quæ desumitur ex ordine, & connexione Signorum ad Horoscopum, vel alium quemvis locum, aut fidus, cui competat moderandæ vitæ prerogatiua. Siquidem ex hoc, quod quarto, sexto, & octauo mense recurrit signum, quod nulla familiaritate coniunctum est cum gradu horoscopante, aut hylegio, sequitur quod nulla vitæ prorogatio expectari debeat; bene verò cum signa contingunt, à beneficiis occupari, quæ cum locis prorogatorijs in radice, aliquo nexu, & familiaritate vniuntur, & sibi inuicem opitulantur, qualia sunt, quæ quinto, septimo, nono, & reliquis mensibus ex necessitate recurrunt. Denique hanc eandem rationem plurimum, arrisisse videtur Plutarcho lib. 5. de Placitis Philosophor. cap. 18. vbi hæc habet. *Mathematici octo menses ad quemvis partem infociabiles aiunt, septem sociabiles, quæ incidunt in stellæ domibus Cælestibus dominantes, & sub se natis vitam infelicem, ac non longeuam portendunt. Sunt autem infociabilia, quorum vnum cum altero, octauum numeratur, Aries ad Scorpionum, Taurum ad Sagittarium, &c. Hinc fieri, ut septimo, vel decimo mense in lucem edita, vitalia sint; octauo nati, ob disfidium Mundi pereant. Hæc Plutarchus; cui adstipulari videtur Fracastorius lib. de Sympathia, cap. 1. asserens, omnem huius rei rationem refundi debere in Sympathiam, & Antipathiam mensium, ob signorum recurrentium, aut familiaritatem, aut inconiunctionem.*

INCUMBÆ, proprio Architectorum vocabulo, appellantur maiores quidem mutuli è parietibus, in structuris magnis profluentes, qui parastadum, vel columnarum vices supplent, ad recipiendos, & sustinendos arcus, & fornicum capita ijs imposita, quibus veluti fulcris insident, & incumbunt: Quod ideo ab incumbendo dictæ, siue quòd huiusmodi prominentiæ passiuè muris incumbant, siue actiuè factæ sint, quibus impositum onus innitatur & incumbat: qua etiam ratione easdem nos Itali *Impostas* vocitamus. *Has incumbas: (addit Philander) ad fornicum lunulatorum pedes sustinendos adhibent architecti.* Quæ profectò, vt cum necessitate operis habeant decorem, & venustatem, & varijs formis effingi solent, nunc leoninis capitibus, nunc sphyngebis, nunc volutis, alijsue ornamentorum generibus complicatis, prout operis maiestas postulat, & vi-

& vitus illecebra: ut ea quidem perelegans est, cuius specimen exhibet ipse Philander, omnia hæc complectens, & habens insuper suam coronam, oculos, verticillos, Zophorum, in quo achanti folia, maiores, minoresque helices ex illis prodeuntes, seseque mutuo complexantes; denique quicquid est capitulis, epistylisque corinthiis & compositis, potest huc attrahi, quorum vices gerunt incumbæ; quodque faciat ad maiestatem simul, & venustatem.

19 INDIVIDUA CORPORA, sed quos Democritus, & Epicurus atomos vocauere, admisereque in Quantitate, vide mox in V. *Indiuisibilia* quæ ideo indiuidua potius placuit appellari, *Quod ea cum sint diuisa* (sic interpretatur Vitruu. lib. 2. cap. 2.) *nec leguntur, nec interneciorum recipiunt, nec sectionibus diuiduntur, sed sempiterno auro, perpetuo infinitam retinent in se soliditatem.* Sed quid solidi habeant tum in Philosophia, tum in Mathematicis, mox dicemus. Itaque.

20 INDIVISIBILIA in Quantitate, aliter considerantur à Philosophis, aliter à Mathematicis: illi, prout appellant minimas & ultimas partes continui collectim illud integrantes, & facientes extensum; quæ tamen in seipsis sunt inextensa, nec ulterius in alias inferiores minutias diuidi possunt; Isti, præcindendo ab omni materia, accipiunt, prout habent, vel habere possunt rationem mensuræ, saltem comparata ad alias quantitates. Et quidem Peripatetici omnes pleno ore ea eliminant à ratione quanti, imò & ab existentia, tam reali quam possibili, ut sunt, à parte rei. Eo quia, inquit, hoc ipso quod indiuisibilia sunt, sunt inextensa: atqui inextensum, siue se solo, siue unitum alteri inextenso, non potest facere extensum, quod est constitutiuum quantitatis. Ex aduerso, tota Stoicorum schola cum Zenonistis, ea ultro admittunt in quantitate, ac tum ratione, tum experimentis probare nituntur, indiuisibile, etsi se solo, aptum non sit facere extensum, at tamen bene posse unitum cum alijs: Cui profecto sententiæ hodie adstipulantur multi Recentiores. Nos istorum lite ommissa (de qua alias in Philosophicis) ea Mathematicè consideramus, nec possumus non admittere, saltem quæ terminatiua sunt quantitatis, nam in ijs fundatur omnis ratio dimensionis, circa quam quinis Mathematica disciplina versatur.

21 Itaque tria genera Indiuisibilium considerantur à Mathematico, secundum rationem triæ dimensionis, quæ concipi potest, *Punctum* inextensum, atque adeo omnis dimensionis incapax; *Lineæ* quæ

que extensa est in longitudinem, adeoque, secundum eam, est mensurabilis: & *Superficies*, que extensa est in longum & latum, minime verò secundum profunditatem; alioquin non esset indiuisibilis, vt supponitur, sed esset corpus, quod admittit omnem dimensionem. Quamobrem verè hæc indiuisibilia in quantitate dantur; non quidem; vt aliqui perperam opinantur, quasi meræ negationes vltioris extensionis, sed vt realiter existentia, & aliquid in positio ponentia, quod terminet quantitatem in eo esse, in quo singula concipiuntur. Nam, vt bene ostendit noster Guarinus in *Expens. 8. de Quantit.* Corpora verè & positivè se tangunt in superficie, sed non se tangunt in nihilo, seu negatione extensionis, quia contactus nihili nullus est; igitur se tangunt in aliquo reali, & positio, quod tamen in eo, in quo se tangunt, sit indiuisibile, & non vltro procedens ad vltiorem extensionem. Rursus *Lineæ* constituunt superficies, & figuras, & superficies definiunt quantitatem hinc inde sine plurimum, vt in areis, siue solidam, vt in corpore solido: Atqui figura partium interiorum circumscriptiva non est, sed solummodo exteriorum, quia exterius tantum terminatur: Ergo ex illa terminatione constituitur indiuisibilis; & non vltra procedens, quando nulla profunditate prædita est: quemadmodum & linea quæ profunditatis & latitudinis experta est, sed tantum habet partes in longitudine commensurabiles.

Cæterum, an (præcisè hisce considerationibus) indiuisibilia prout 22  
indiuisibilia sunt, verè in continuo sint; & constituent in esse physico quantum; itaut per ea secundum se spectata, omnis ratio proportionum, æqualitatis, & inæqualitatis, magnitudinis, finitæ, & indefinitæ (quod pertinet ad Geometriam pendere) obtineri possit; idque longè melius, ac facilius quàm per partes extensas diuisibiles in infinitum; celeberrima est Controversia nostris temporibus suscitata: cui occasionem dedit Bonaventura Cavalieri huius Arcani detector, in libro, quem signatè inscripsit *de Indiuisibilibus*, ea in continuo vltro admittens; & affirmans, nulla alia meliore via posse res Mathematicas absolui, ac demonstrari, quàm per illa. Ad novam hanc speculationem, multi hærent, multi labuntur errore, non satis capientes subtilitatem, ac soliditatem Doctrinæ, quàm idè improbant, & ei non multum fidendum tradunt. Eam præ cæteris examinant, & ad Lydium lapidem probant De-Chales in *Cursu Mathem.* & noster Guarinus in *Euclide Adanfo* tr. 9. *expens. 9.* omnino videndi.

INDVS novum sidum in Cælo ad Polum Antarcticum, à Recentiori- 23

tioribus detectum cum alijs vndecim, & hoc nomine insignitum, eoquod referat figuram hominis Indi ferè nudi, insistentis ad Circulum Antarcticum, dextrâ manu iaculum tenentis, ad Pauonem, aliud sidus intentum, ac sinistra tres sagittas expansas. Constat duodecim stellis (alijs tertiamdecimam addunt in dextrâ manu, quæ potius pertinet ad Pauonem) omnes infimæ notæ, hoc est. Quartæ, Quintæ, & Sextæ magnitudinis, de natura Iouis, & Mercurij, vt testatur Bayerus oculatissimus earum speculator; vnde fallitur Faber lib. 2. cap. 8. sui Panchymici, eas faciens de natura Saturni. Et ideo nil mirum, si de earum influxibus, suo more discurrentes, pueriliter hallucinatur. Ait enim: *Hanc Constellationem, Senem Iudicum nominarunt, quod prudentiam, & sapientiam infundit incolis harum regionum: & quod diuitias, & omnia vite humana commoda terris impertiat. Proprium enim senum est hæc cumulare, & persequi.* Hæc Faber è suo cerebro coniectans, nulla fretus autoritate, nulli experientię innixus, quæ sola longo vsu comparata, potis est siderum efficientiam, & vim comprobare. At non hîc solum præstrictæ frontis, & promptus est Auctor iste ad prouinciandum de siderum, præsertim nouorum (de quibus redargui non potest) formiariis influentijs: sæpè in has ineptias labitur, sæpè è tripode iudicat: & nos, vbi de ijs occurret sermo, hominis in pronuntiando facilitatem, atque insipientiam, dignis castigationibus refellemus.

**INFARCINATIO.** *Farcitura.* *Infarcimentum,* verba sunt non ita pridem ab Architectus inuenta, ad exprimendum genus illud constructionis ex temerè iniectâ materie intra duos terminos limitarios, siue ij asseres sint, firmatis hinc inde repagulis, siue muruli subtiliores è laterculis probè dispositis, & in altum surgentibus, itaut exterius tantum constructio fiat, interiori verò sit potius oppletio, & confusio; quàm superstructio. A sarcimine carniū mutato vocabulo, quo solemus eas minutatim concisas, ac sale, varijsq; aromatibus conditas, ad gulæ irritamentum, ac diutinam consistentiam, in animalium intestina proijcere, & consipare. Quod quidem construendi genus vniuersaliter non probatur, nisi ad id necessitas cogat, vt in excitandis ad subitam hostium irruptionem, tumultuarijs munimentis: eoquod, vt notat Vitruu. lib. 3. cap. 8. *Simulac humida potestas è materia, per camentorum raritatem fuerit exsiccata, tunc calx ab arena discedens dissoluitur; itaque camenta non possunt cum his coarere, sed in vetustatem parietes efficiunt ruinosos.* Sed ad hoc inuenere Architecti recentiores remedia, si videlicet non è quocunque lapide sibi non cohærente, sed vel cæmenticio, vel late-

ricio comminuto, ac tenaci arena dissoluta calce commixta, fiat oppletio. Qua in re audiendus est Leo Albertus lib. 2. de re ædificatoria cap. 8. *Infarcinamentorum*; inquit, duo sunt genera: Vnum quo inter cortices, ad vacuum quod inest, camenti congestis opplent; alterum, quo id lapide non nisi ordinario, sed ignobili potius interstruunt, quando opplent. Vtrumque parsimonia causa inuentum apparet, quando quis lapis minutus, atque ignobilis huic murorum parti demandatur. Atqui hac una in re, à complementis ossa ipsa differunt, quod in his media inter crustas infarciuntur fractitio & commutato quocumque datur lapide, opere prope congestitio, & tumultuario: in his alteris nulli, aut perquam modici immiscetur lapides incerti, sed tota totum id intimum ordinario extexunt opere. Itaque quotiescunque infarcinationis materies ita cadat, vt sibi benè cohæreat, & aliàs addita multa calce liquida, tenaci arenæ commixtâ, non detur ei subsidendi locus, sed in vnum, veluti continuum lapidem coalescat, erit profectò optimè prouisum, & parsimoniæ, & operis stabilitati. A quo genere extruendi non abhorret Vitruu. lib. 2. cap. 6. quin & summè dilaudat ac cæteris omnibus antefert, si in eius compositione adhibeatur pumex aut tophus cum puluere puteolano: nam tunc perinde est ingesta materia, ac spongia, quæ tenacem humorem ebibit, & in vnum corpus assolidatur. Etenim subdit Vitruu. *hæc cum calce commixta*, non modo cæteris ædificijs præstat firmitates, sed etiam moles, quæ construuntur in mari, sub aqua solidescunt. Confirmat experientia in Campania, & Latio, vbi puluis hic, & tophus abundat; nam non ex alia materia fundamenta ædificiorum substruuntur, quam ex huiusmodi infarcimentis; neque fornices confirmantur, (vtraque enim requirunt maximam firmitudinem, ac soliditatem,) quam positis in ordinem è topho cuneis, magna vis calcis madefactæ & arenæ puteolanæ intritæ ac fernientatæ, desuper infunditur: sit enim, vt illi fluidam materiam altius exsugant, assurgantque in vnum continuum, atque in lapidem, perinde ac in montium venis & fodinis, indurescant. Id quod non obseruasse, refert Plin. lib. 36. cap. 23. in Romanis ædificijs, aliquos Architectos: ex quo infert. *Ruinarum Urbis eâ maximè causa, quod furto calcis sine ferrumine suo, camenta componuntur; intrita quoque quod vetustior eò melior.*

INGENIA in re militari generaliter, & antonomasticè appellantur Machinamenta bellica, quæ ab humano ingenio primum profecta, postmodum manu, & arte perficiuntur: vnde Ingeniarij vulgò audiunt qui ijs præstant, mente concipiunt; atque alijs tradunt opere exequenda. Sic Tertullianus lib. de Pallio cap. 1. de Ariete loquens,

quens, ait: *Nemini unquam adhuc liberatum illa dicitur Carthago sua dijs asperissima belli. Cum tamen ultimarent tempora Patria, & Aries iam Romanus in muros suos quondam anderet, stupere illicò Carthaginenses, ut nouum, & extraneum Ingenium. Sed adhuc latius usurpatur vocabulum pro quacunque ingeniosa & subtili inuentione, quæ ab ingenij acumine utcumque proficiatur, substituta ipsa pro effectibus causa. Vnde in l. 6. Cod. Theodos. de Curiosis dicitur: *Callidamachinamenta commeantium, & simulata obseruationis ingenia, & fraudes depellant. Hinc Ingeniare* perinde est, ac subtiliter excogitare; quanam arte, vel quibus medijs, aliquid quod summopere expectimus, vel ad rem quam nolumus oppidò faciat, assequi valeamus. In quo sensu loquutus est Africanus cum dixit lib. 3. de morbor. curat. cap. 14. *Causam morbi ingeniemus anferre. Et alij passim,**

- 26 **INSULA** apud Geographos, dicitur terra, aut regio vndique mari septa, qualis est Sicilia, Corsica, Sardinia, & aliæ Italiæ nostræ adiacentes, necnon Anglia, Orcades, Sumatra, & aliæ innumeræ toto orbe dispersæ ac celeberrimæ; sic dictæ quasi in Salo consistentes. Vnde sub hoc nomine propriè comprehenduntur quæ in aperto mari iacent, suntque propterea dignæ, quæ præ amplitudine sua à Cosmographis censeantur, & sub suis quæque parallelis constituantur: nam quæ lacu, vel flumine alluuntur, apud illos in æstimatione non sunt, & *Mediamnes* veriùs quam Insulas nominant. Non negauerim tamen utrasque promiscuè Insulas ab alijs scriptoribus dici. Quinimò ab Architectis, Insula absolutè nuncupatur quilibet locus, & constructio, quæ alteri non cohæreat, sed se sola insurgat, vel in medio campo, vel in vrbibus, vijs vndique circumfusa. Quæ in acceptione scribit Sextus Pompeius, *Insulas esse, quæ non coniunguntur communibus parietibus cum vicinis, sed circuitu publico, aut priuato cinguntur*: cui concinit Iulius Capitolinus in Antonino Pio, affirmans, eo imperante in Vrbe centum quadraginta Insulas incendium absumpsisse. Has igitur in erectione ædificiorum, præcipit Vitruu. lib. 1. cap. 6. ita ordinare, *Vt ionuertantur ab regionibus ventorum directiones vicorum, uti aduenientes ad angulos insularum frangantur, repulsique dissipentur. Quæ in re addit etiam Leo Albertus lib. 1. cap. 3. & 4. multa salutaria monita, & cautiones, quæ in ijs ponendis obseruari conuenit: sed illud imprimis, quod *Locum* forma, & digna, & amana sit, quæ nequaquam humilis, & quasi immersa, sed quæ celsa, & admodum speculatrix fiet, & quo latissimus aër assiduo aliquo spiritu moueatur.*



INTERLUNIVM dicitur ab Astronomis spatium illud temporis, quo Luna occultatur sub radijs solis, & impositum, veluti vacat ab omni influxu in isthac inferiora: quo videlicet fit intermissio eius actiuitatis, & uti in Politicis dicitur Interregnum, tempus dominationis vacantis à morte principis vsque ad nouam electionem, aut proclamationem successoris, quo omnia negotia vacant, & Aula silet; ita in Luna vacante ab opere, dicitur Interlunium, & per quandam analogiam ei appropriatur silentium, vt propterea etiam vocitetur *Luna Silens*. Hoc enim tempore, quicquid alias ab Luminari hoc incrementum aut decrementum sumit, ac patitur, vacat, & nullam subie alterationem. Minciure Architecti, & fabri lignarii monentur à Vitruuio lib. 2. cap. 9. arbores è quibus tigna, & aseres comparanda sunt ad domos extruendas, & nauigia compingenda, cadendas esse Lunam silente, seu in Interlunio, & addit Plinius lib. 18. cap. 36. Tiberium Cæsarem etiam in tendendo capillo Interlunia obseruasse.

Hic autem adnotare iuuat, Interlunij tempus latè nimis, & grosse ab aliquibus accipi, ad initia rerum adorienda: Nam quod ad arborum cæssionem attinet, æstimat Columella, idoneum tempus esse à vigesima die Lunæ decrescantis, ad finem vsque. Vitruuius autem docet, id fieri debere à quintadecima ad vigesimam secundam. Sed hoc verè interlunij, siue silentis, ac non lucentis Lunæ tempus non est. Econtrà Plinius, ex aliorum sententia lib. 16. cap. 39. nimis arctè Interlunium vocat ipsum, & solum diem, in quo Luna cum Sole congréditur, & lib. 18. cap. 32. *In coitu*, inquit, *quod interlunium vocant, cum apparere desierit, supra terras autem erit, quandiu & Sol interlunio, & prima tota die. cum iam antè dixisset in genere: Omnia quæ caduntur, carpuntur, conduntur, innocentius decresciente Luna, quam creſcente fiunt.*

Cæterum Astronomi concorditer, & accuratiùs, tempus Interlunij computant à prima occultatione senescentis Lunæ, ad primam eius emersionem à solaribus radijs: id quod, modò citiùs, modò serius accidit, pro ratione obliquitatis suæ orbitæ ad Eclipticam, atque etiam iuxta suum motum diurnum, modò velociorem, modo tardiorè. Quod ideo attenditur semper motus medius; qui est in eius occultatione à die 27. Lunæ veteris, ad diem tertiam nouæ. Sed circa hanc rem, vide quæ pridem diximus in V. Luna ac dicentur in V. Lunatio.

INTERMISSIONES in Arte Architectonica dicuntur extructiones illæ ædificiorum, quæ non per integros & continuatos parietes

sunt, sed per intermissos, ac discontinuos, abeuntibus in eorum locum, antis, columnis, & arcubus; id autem fit, vel ad recipienda lumina, vel ad aditus aperiendos, vel sanè ad operis decorem, & maiestatem. Quæ dere videndus est Vitruv. lib. 3. cap. 2. & Leo Albert. lib. 1. cap. 13.

- 31 **INTERPENSIVA** in contignationibus appellantur fulcra illa, ac trabes, veluti pensiles, quæ trabibus magistris innixæ procurrunt ad angulos parietum, sustinentes asseres, & tegulas, quibus aqua è pluvij cadens recipitur, & in ima deiicitur. Sic enim ex etymo nominis, & Vitruvij auctoritate possunt describi. Ait enim lib. 6. cap. 3. *Trabes in atrij latitudine traiectæ habeant interpensivæ, & colliquias ab angulis parietum ad angulos tignorum intercurrentes.* Tigilla interpretatur Hermolaus Barbarus, hoc est, asseres hincinde projectos ad imbrem in colliquias deriuandum. At Philander hoc loco vult significati ligna quædam quæ, inquit, *fulcra sunt stillicidiorum, aut quorum pars, traiectas, & alioquin veluti pensiles trabes sustinet, altera parieti infixa, affixæ est.* Quæ quidem explicationes, meo iudicio, in idem recidunt. Neque enim contrà Hermolaum est, quod ea, fulcra potiùs stillicidiorum appellare maluerit Philander, quàm trabeculas maioribus trabibus innixas, prout cum immeritò indigentia carpit Daniel Barbarus, pro gentili suo stans, per hoc quod interpensivæ à Vitruvio appellantur, quod fulciri magis habeant, quam fulcire: etenim utrumque optimè stare, ac dici potest: ut videlicet ipsæ ex officio habeant, ut stillicidia fulciant; & cum alias ipsæ pensiles sint, opus habeant, ut maioribus tignis, & angulis parietum innitantur.

**INTERSECTIO** in Epistylis quid sit, vide in V. *Metoeche*.

- 32 **INTERTIGNIA** significantius apud nos à Philandro, & Barbaro vertuntur, quas in opere Dorico, græcicè *Metopas* appellavit Vitruv. lib. 4. cap. 2. Spatia nimirum in Epistyliorum excursu passim relicta, inter duo procurentia tignorum capita. Quamquam reipsa nonnihil differre videntur. Etenim Metopæ spatia sunt, ut nomen ipsum indicat, inter duas opas: Atqui Opæ tigna non sunt, sed tignorum cubilia, ut suo loco videbimus.

- 33 **INTERVALLVM** à militari usu, & origine, ad omnia indifferenter spatia, quæ intrà duos terminos clauduntur, extensum est. Equidem primitus nomen Castrense fuit, à vallis interpolatim in terram

ram defixis,deductum. Vnde Isidorus: *Intervalla*, inquit, *sunt spatia inter capita vallorum, idest stipitem, quibus Vallum fit.* Quæ in Castris, auctore Vegetio, ad rationem amplitudinis loci, situs, formæ, & aliarum concurrentium circumstantiarum, dilatanda, aut coarctanda sunt. De qua re fusè Dogen in Architectura Militari. Sunt & *Intervalla Musica*, quæ Diastemata vocant; suntque vocis interstitia, quibus acuta & gravis differunt, & una in aliam transit; nam quemadmodum ex eis fiunt Systemata; ita & hæc ex phtongis coalescunt, qui elementorum vice in musica substituuntur. Quæ de re, vide quæ fusè dicemus in V. *Systema*.

INTESTINVM OPVS dicitur in re ædificatoria, quod interiùs 34  
adornatur in ædificijs, hoc est, in partibus interioribus, forinsecùs non spectabile: ad differentiam eorum ornamentorum, quæ deforis applicantur in frontibus ædium, præcipuè verò in postibus, ostijs & fenestris, ad ostentationem, & apparentiam, quæ ut plurimum, ex aduerso respondere debent interioribus. In hoc sensu loquutus est Vitruv. lib. 5. cap. 2. cum dixit: *Pratered præcingendi sunt parietes medijs, coronis ex intestino opere, aut albario.* Vbi coronarum nomine, intelligit præcinctiones coronicum, quæ laquearijs subnectuntur. Verum tamen est, quod cum antiquitus interiora ornamenta domus, fieri consueuissent è ligno probe elaborato, vsu receptum, est, ut absolutè intestinum opus illud dicatur, quod in ligno fundatur, ad distinctionem eius quod sit in marmore, aut quacunque alia materia struètili. Vnde Budæus, *Intestinum opus*, inquit, *quod factum est è ligno fabricarum, quod Minutaria vernaculè dicitur.* & Salmasius in Exercitationibus Plinianis, clariùs id attestatur, dicens, *Sciendum est, Intestinum opus propriè dici de eo, quod ex ligno fit, sed elegantiore fabrica, & eà arte, quam Minutariam nunc appellamus.* Sed & Vitruuius ipse semper cum intestinum opus commemorat, videtur de elaborationibus ligneis intellexisse. Nam & lib. 4. cap. item 4. vbi de interiore cellarum distributione agit, pluteos marmoreos, quibus intercolumniorum spatia præcluduntur, distinguit ab his, qui ex intestino opere sunt facti. Et lib. 6. cap. 3. id incommodi dispicit in tectis displuviatis, quod circa parietes stillicidia defluentia continent fistula, quæ non celeriter recipiunt ex canalibus aquam defluentem. Itaque redundantes (subdit) restagnant, & intestinum opus corrumpunt. Opus autem quod restagnantibus aquis corruptioni obnoxium est, non potest aliud facile esse, nisi quod è ligno compingitur: quod ideo de laquearijs intellexisse Vitruuium, opinatur Baldus, quibus scilicet subgrundia, ornatus gratia; affiguntur; Quam-

Quamquam Barbarus, & Philander, minùs appositè de ligneis fenestris interpretantur.

35 **INTVENTIA SIGNA** in Astronomicis dicuntur quæ ex pari distantia, hinc inde à Tropicis, (scilicet à Coluro Solstitionum quoad sidera extrà Eclipticam vagantia) se mutuò intuentur, & eandem habent declinationem, siue ad Septentrionem, siue ad Austrum, utraque vergant. Tales sunt ultimæ partes Geminorum cum prioribus Cancris; Tauri, cum Leone; Arietis, cum Virgine; Sagittarii, cum Capricorno; Scorpii, cum Aquario; Libræ, cum Piscibus. Si enim conferantur ad innicem, inueniuntur pares habere arcus diurnos, ac nocturnos, paresque describere pacallos. *Fitenim*, (ut Ptolomæi verbis utar) *per illas partes Sole meante, ut spatia dierum ac noctium itemque horarum, sibi respondeant*. Hæc *Antiscia* communiter vocantur; uti ea, quæ eandem numero declinationem habent, sed regione diuersam, *Contr-Antiscia* appellantur.

36 **INVERSURAE** in opere architectonico, communi vocabulo, denotant flexuras illas, seu interruptiones in scalis factas, quas passim videmus in ijs quæ in directum surgunt; ita ut non vno & recto ascensu, aut descensu perficiatur iter, sed pluribus arcibus abruptatur, & in aduersum flectat: quod ideo rectè à nostris scalæ abruptæ *Scale spezzate*, quæ huiusmodi flexis itionibus constant, vocitantur. Porro Inuersuræ istæ quandoque sunt ex necessitate, cum situs non suppetit ad scalas in directum ponendas, unde opus est, ut fiat abruptio, & in aduersum ascensio prosequatur; quandoque ad venustatem operis, & ad commodum ascendendum, ac descendendum, uti statis in locis aliquantisper conualescere possint, & ne continuata itione nimium defatigentur, sed fessi consistant, & respirantes, vires ad reliquum iter conficiendum, resumant. Quod ideo in magnis ædificijs, & quæ altum ascensum habent, plurimum commendantur. At in Theatris improbat Vitruu. lib. 5. cap. 3. ubi vult potius complures, & spatiosos aditus aperiri, *ne coniunctos superiores inferioribus, sed ex omnibus locis, perpetuos, & directos sine inuersuris faciendos; & rationem reddens, adijcit: Vti, cum populus dimittitur de spectaculis, ne comprimatur, sed habeat ex omnibus locis exitus separatos, sine impeditone*. Id quod exponens Philander, subdit: *Ne in angulis, dum diuertendum, & flectendum est, quando de spectaculis descendit populus, confluentes se opprimant*. Aliàs, ut dixi: hæc scalarum interruptiones, etiam ubi inuersuris opus non est, sed ascensus est directus, & longus, accommodatissimæ sunt, & tunc ad maiestatem

ope-

operis, tum ad minuendum ascensus laborem, aptissima: ut probat iugis experientia in Scala maxima; & editissima, quæ Romæ prope Capitolium Basilicæ Aræ Cæli, substrata est: in ea enim non perpetua itione sit ascensus aut descensus, sed septenis quibusque gradibus abruptitur, areolis interpositis, quò locus detur adeuntibus, respirandi. Id quod in Templorum aditu potissime obseruandum, longè ante quàm præfata hæc Scala Romæ erigeretur, monuit idem Vitruu. lib. 3. cap. ult. ut nempe in continuum gradus semper sint impares, quò, dextro pede ascensio iniatur, eodemque pariter desinat. ad quæ Philander. *Collocari*, inquit, animaduerti non plures continuos, quam septem, aut nouem: quod si pluribus conscendendum erat; post eum numerum, fiebat retractio amplior, & veluti areola, ubi fessi respirare, & requiescere possent. Id ipsum confirmat Leo Albertus lib. 1. cap. 13. asserens, bonos semper Architectos id obseruasse, ut gradus nunquam ferè plures, vnum in ordinem continuos, quàm, aut septem, aut nouem adigerent: & præter dictam rationem, intermittendi laboris, aliam etiam congruentissimam addit. *Vt si quis*, inquit, casus incidisset, ut scandentes ruerent, haberent illi quidem spatia ubi, corruendi impetum sisterent, seque reciperent, atque firmarent. Sed de his redibit sermo, cum de scalis ponendis, erit proprius locus.

IO

IONICVS ORDO in Architectura, est vnus è tribus præcipuis, qui praticari solent in erigendis amplissimis ædificijs; isque medius, utpote de vtroque participans, inter Doricum, & Corinthium, seruans maiestatem simul, & solidam venustatem. Namque, ut obseruat Vitruu. lib. 1. cap. 2. Veteres in erigendis templis, ad Deos, Deasque, quibus ea ponebant, id attendisse, ut ad eorum conditionem se conformarent & mores quodanmodò in Fanis ipsorum exprimerent. Ac propterea Mineræ, Marti, Ioui, & Herculi, Dorica templa extruebant, quòd grauitate, ac maiestate, Imperium, maturitatem, & masculani eorum virtutem representarent. Deabus verò mollibus, ac venustate præsignibus, aut etiam luxui ac delicijs præsidentibus, Corinthia, omni mollitie, venustate, & ornamentorum varietate referta. At Dijs Deabusque, qui media quadam virtute, ac moderatone incederent, Ionicas ædes excitare; habita, inquit, ratione mediocritatis, quòd & ab seuerò more Doricorum, & à teneritate Corinthiorum, temperabitur earum institutio proprietatis. Id autem profectum postea est ad publicas ædes, utputa Regias, Arces, Armamentaria, Aeraria, Theatras, Theatra, &c. ut pro ratione rei, aut officij ad quod destinabantur, structura erige-

erigeretur. Nunc autem quod ad Ionicam rationem attinet, ea potissimum attenditur, ac diuersificatur in Columnationibus, & Epistylijs. Itaque Columna Ionica proximè Doricæ conformatur, nisi quod aliquantò gracilior, utpote, quæ femineam gracilitatem refert, ac proinde, (vt notat Vitruu.) matronali potius grauitate, atque ornatu, quàm libero, ac lasciuiente prædita esse debet: ac propterea longitudine exæquare debet octo sui diametros. Basis haud superare debet in altitudine, mediam suæ columnæ crassitiem, quæ diuiditur in tres partes, quarum vna datur plintho: reliquæ duæ dispersiuntur in Torulum, Scotiam, & Astragalos. Et Scotiam quidem admittit duplicem, cum suis vtrinque regulis. Capitulum autem (quod requirit esse altum, quanta est crassities tertiæ partis diametri imæ columnæ) habet proprium & singulare, quod sub abaco habet sculptum echinum, cum suis ouiculis ac verticillis, & hinc inde ad quatuor angulos, totidem volutas propendentes, quæ echinum quodammodo complectuntur, & repræsentant femineos cincinnos molliter propendentes. Epistylium etiam à cæteris habet diuersum, quod sub corona, nec mutulos, nec triglyphos patitur, sed tantum denticulum, indeque Zophorum, aut planum, & simplicem, aut molliter intumentem, & arcuatum instat puluini, sculptis frondibus conuexitum: infraque Zophorum, tres fasciæ excurrentes toram trabeationem claudunt, atque definiunt, prout videre est in schemate quod exhibuimus in V. Epistylium.

## IR

- 39 IRRUPTIONES in re militari propriè audiunt inopinæ, & subitariæ hostium incursiones, quando ex abrupto, & nobis nil tale cogitantibus, stationes nostras inuadunt, vt nos imparatos inueniant, *Scorrierias* Nostri appellant, quæ vt plurimum à velitibus fieri solent. Et hæc quidem periculosæ sunt nimis, quia pro illis audacia, & tumultus, pro his timor & confusio, imparibus animis, pugnant. Quare maximè præcauendæ sunt experto Duci, & summa vigilantia incumbendum, ne laceffitus quoniam tempore miles, stationem deserat, neuè despondeat animos, sed pari promptitudine, & solertia hostem opperiat, animosque obsistat, & consilia anteuertat. Adquam rem, salutaria præcepta tradit Vegetius lib. 1. cap. 25. & lib. 3. cap. 6.

## IS

- 40 ISODOMVM vocat Vitruu. lib. 2. cap. 3. id structuræ genus, in quo omnia coria aquâ crassitudine fuerint structa. Sicut econtrâ *Pseudisodommum* dicit quando impares, & inæquales ordines coriorum diriguntur. Quale autem sit opportunius, & ad consistentiam factum, abunde examinabimus in V. *Structura*.

ISO-



ISOPERIMETRAE FIGVRAE nuncupantur à Geometris duæ 36  
vel plures figuræ, quæ æqualia habent latera, seu circumferentiam,  
proindeque eandem rationem dimensionis; ex græco, & latino, re-  
sultante vocabulo, quasi æqualis mensuræ, quales plures dedimus  
inspiciendas sparsim in Opere. Id autem figuræ istæ habent admi-  
rabile, & singulare, quòd etsi æquali ambitu conclusæ, areas tamen  
inæquales, nec sibi respondentes continent, sed alias alijs maiores,  
aut minores: quas inter, ea capacior est, quæ cæteris paribus, plu-  
ribus angulis, & lateribus constat. De quarum natura, & com-  
mensuratione fusè discurrit noster Guarinus in Euclide Adaucto,  
tract. 29. expens. 10.

ISORROPOSTATICA, Staticæ infima species est, quæ descendit 37  
ad particularem grauium, & leuium inter se comparisonem; & ex-  
aminat trutinæ, ac libræ proprietates atque affectiones, applicatque  
ad opus. Tum pergit ad analogiam ponderum, & ponderantium,  
instrumentorum, confert ad inuicem, centrumque in his statuit ad  
quancumque motionem, aut figurarum, quas successiuè variare  
possunt positionem, ac transmutationem, retento nihilominus æqui-  
librio: & alia, de quibus fusè Scottus in Cursu Mathem. lib. 25.  
cap. 5. & Millier, tract. 7. lib. 4. per totum.

ISTHMVS in Geographicis audit angustus ille limes, ac terræ tra- 38  
ctus, qui inter duo maria intercipitur, & Peninsulam aliquam con-  
tinenti nectit, quæ aliàs, eo rescisso, Insula diceretur: qualis est in  
omnium ore, ac memoria, celebris Corinthiacus, vniciens antiquam,  
tot vicissitudinibus memorabilem, Peloponnesum, (nunc verò Mo-  
ream, celebriorem factam, ex quo cessit in Dominium Venetorum,  
temporibus hisce, ac sic à Turcarum tyrannide exempta fuit, non sine  
manifesta Cœlitum ope) Helidi, atque Achaïæ, inter Mare Ionium,  
& Aegzum, angusto sex millium passuum interuallo. Talis est etiam  
Aegyptiacus dictus, Africam, (terciam scilicet antiqui Orbis partem,)  
ab Asia determinans, 300. stadiorum crassitie, Dorsum Arabiæ  
propterea à Ptolemæo appellatum. Atque in nouo detecto Orbe ad  
Occidentem, alius perexiguus, ponè urbem Panamam, & Portum,  
quem de Dei nomine nuncupant, Americam Septentrionalem in-  
æquas ferè partes, à Meridionali dispefcens: & alij innumeri minoris  
notæ, quos in suis Tabulis censent Geographi.

Porro eiusmodi angustias, ac terræ breuiiores tractus inter duas 39  
regiones, & maria constitutos, non sine magno factum supremi  
Numinis consilio, & Naturæ ordine, putandum est; ne videlicet al-

terum mare ac tellus, seu peninsulæ interiectæ ab altero superiore inundantibus fluctibus opprimeretur. Quod ideo incassum abiisse multorum Principum & summorum Regum conatus eos perfodere noliensium, passim in Historijs legimus; præsertim de laudato pridem Corinthiaco, sic dicto à Corintho famosissima Vrbe, & Orbis Emporio, in eius faucibus constituta: de quo hæc scribit Cælius Rhodiginus lib. 21. cap. 19. ex Antiquorum monumentis deprompta. Multos Historia prodit, spatium id adorsos interseindere, ut nauibus pateret nauigabilis meatus: Imprimis Demetrius Rex, Dictator Cæsar, Caius Princeps; Nero Domitius (quibus addit Caligulam Suetonius) Verum omnium conatus non in irritum modò cessit, sed & infausto id fuisse inceptum compertum est; quia, ut inquit in rebus Corinthiacis Pausanias, Diuinitus constitutis rebus, manum iniicere non licet. Id ipsum attentasse Sesostrim Aegypti Regem in Isthmo Aegyptiaco, inter nostrum Mediterraneum, & Sinum Persicum, habemus ex Aristotele in Meteoris; & post Sesostrim, Darium Regem Persarum, memorat cum alijs Basilus Magnus homil. 4. in Hexameron. Est & alius Memorabilis Isthmus in Caria, de quo ita Herodotus antiquissimus Scriptor lib. 1. Eam partem quæ Boream spectat, Ceraunius claudit Sinus, Australem verò Symanum, Rhodiumque mare. Reliquam frontem, hoc est Isthmum, qui perquam exiguus est, nempe quinque stadiorum, Cnidij tentauerunt perfodere; volentes interea dum Harpagus Ioniam euerteret, suam ditionem in Insula formam redigere; eratque hic Isthmus, quem perfodere statuerant, ex parte, quæ continentem spectat Cnidia. Id iam multa manu conantibus, diuinitus (arbitror) aliquid repugnasse; quod nimirum omnes, qui manum admoerent laderet cum alijs corporis partes, tum præcipuè oculos infestante petra. Cnidij, missis nuncijs Delphos, Rogant quidnam esset quod tantoperè conatibus eorum aduersaretur? Pythia (ut ipsi referunt Cnidij) senario versu respondit in hanc sententiam.

*Isthmum neque exaggerate, neque fodite.*

*Iupiter namque ipse, si placuisset, fecisset Insulam.*

Sequitur Historicus. Cum respondisset in hunc modum Pythia, Cnidij à perfodiendo Isthmo destiterunt; sequentique cum exercitu Harpago, ultra sese, non commisso prælio, dediderunt. Hucusque Herodotus. Adeò sacrilegum propè, ac periculis plenum est, Naturæ opera peruertere velle, corrigere & immutare, ut propterea in proverbum postea ierit, Isthmum perfodere, de ijs, qui magno ausu, & irritò conatu aliquid adoriuntur. Ex quo id obiter observare iuvat, aliquando, Deo, Naturæ iura sic disponente, apud Echnicos vera etiam miracula extitisse, & Dæmonum oracula, alioqui falsa, & captiosa, vera quan-

quandoque enunciasse, cum id re ipsa intererat, aut in assertionem virtutis, aut in testimonium veritatis: ut præ cæteris aduertunt Anastasius Sinaita, Clemens Alexandrin. lib. 6. Strom. nec improbat D. August. de Ciuit. Dei, ac D. Thomas in Quæst. disput. & de Potent. quæst. 16. asserens, non esse à fide remotum, quod Deus verus ad hæc concurrat, in testimonium veritatis, aut in commendationem virtutis, ut in multis casibus, quos inficiari propudiosum foret, compertum habemus. Et sanè detrectari non potest, quin à Deo vero profectum sit, etsi à malo Demone inuitè pronuntiatur Oraculum illud Delphicum, quod Augusto de Successore interroganti responsum fuit.

*Me puer Hebræus Deus hinc, Rex ipse Deorum,*

*Tartareas remeare domos, hac ade relicta:*

*Post ergo ora tenens, altaria nostra relinquis.*

Quæ de celeberrima Quæstione, videndi sunt Michael Medina, De Recta in Deum fide, Torreblanca, Suarez, & alij.

IV

IUGERVM, àliàs *Terra iugum* dictum, appellatur à Gromaticis tantum spatij in Campis dimensum, quantum iuncti duo boues vna die arare queunt, ut testis est Plinius lib. 18. cap. 3. ab iugo bouum nomine deriuato. Computatur autem per binos actus quadratos in longum protractos, hoc est 240. pedes, cum singuli actus quadrati, tam in longum, quam in latum, contineat 120. pedes, ut diximus in V. *Ætus*. Porro Iugerum in partes scinditur, & minima pars constat ex duobus pedibus in longitudinem, quæ pergit in quadrum: hæc autem Scrupulus dicitur: qui in 24. multiplicatus confurgit in Stadium, ex totis sex iugeribus, seu pedibus 1440. integratum: Octo verò stadia constituunt Milliare ex iustis mille passibus; singuli autem passus ex sex pedibus, seu quatuor cubitis constat, nam quatuor cubiti faciunt passum vnum, & singuli cubiti viginti quatuor digitos, quæ est minima mensura, & rerum particio: quapropter cuius ager, aut planities facillè poterit ad rationem, datæ cuiuslibet mensuræ expendi, ac dimetiri. Scio equidem apud Antiquos, aliam fuisse mensuram agrorum, aliam itinerum, & viarum, quæ in publico, vel alieno priuatorum fundo locum habebant & publici iuris erant: sed hic absolutè de camporum planitie sermo est, præcisus quibuscumque viarum directionibus. Et sanè earum terminus præfixus in latum est cuiusque itineranti ut patet ex l. 7. ff. de seruitute prædior. rustic. & l. Quantum ff. de verbor. signific. ut aduertit, & explicat Alexander ab Alexand. lib. 2. cap. 20. in hæc verba. *Prædiorum rusticorum seruitutes apud Iuris Consultos, qui iura*

*finium, possessionum, aquarum, itinerumque notauerunt; has esse nouimus: Iter, Actum, Viam, & Aquaductum. Iter esse constitit insensum per fundum alienum, hominis tantum: Actum, hominis & iumentum: Viam verò, hominis, iumentum, & vehiculi. Quamquam re ipsa quantum spatij, singulæ definitiones comprehendant, Ius non statuit, sed reliquit communi consuetudini diuersarum Nationum, quæ sibi vniuersi consensu, certum latitudinis spatium pro singulis itinerum rationibus definire. Certè apud Romanos, eodem Alexandro teste, Duodecim Tabularum lege cautum erat, Viam in porrecto, octo; in anfractu, pedum sexdecim constitui; illiusque dimidium actui tribui debere. Iter verò dimidium quod actus, hoc est pedes duos tantum latitudinis habet. Actus autem hic non intelligitur quadratus, ut in agris, sed simplex habens latitudinis quatuor pedes; et si in longitudine conueniat cum quadrato protenso ad pedes 120. quò dimensiones itinerum computantur: sicque, ut concludam, duo actus iugerum; sex iugera stadium; octo stadia Milliare, & ducenta stadia Dietam, seu iustum iter vnius diel constituunt; quod apud nos esset viginti-quatuor Italicorum Milliarium. Hæc omnia ex eodem Alexandro, loc. cit. Qui etiam veterum itinerum rationes, ac proprias cuiusque Nationis mensurarum nomenclaturas enumerat, ut Parasangam Persarum, ex triginta stadiis; Stathmum, conflatum ex quatuor parasangis, hoc est centum, & viginti stadiis; Dolicum, vigintiquatuor stadiorum &c. ut videre est apud ipsum, & allatis testimonijs ex Herodoto, Plutarcho, Plinio, & Strabone, confirmat Tiraquellus in Notis.*

41

IVGVM plures significationes habet in Architectura, & in operibus Mechanicis, omnes porrò deriuatas ex Iugo Militari, quod sic describit Festus ex Liuiò lib. 3. *Militare iugum, sub quo victi transibant, fiebat hoc modo. Fixis duabus hastis, super eas ligabatur tertia: sub ijs victos disinctos transire cogebant.* Idque ad ignominiam datum; fuitque excogitatum, ac primum vsu receptum à Numantinis; deinde à Samnitibus practitatum aduersus Consules Romanos deuictos ad Caudinas Furgas, prout testatur idem Liuius lib. 9. in hæc verba. *Primi Consules propè seminudi sub iugum missi; tum, ut quisque gradu proximus erat, ita ignominia obiectus; tum denique singula Legiones. Circumstabant armati hostes exprobrantes, eludentesque.* Hinc Subingare, quasi sub iugum ponere, dicitur de ijs, qui alieno imperio, ut & armis adacti, iure bellico submittuntur.

42

Ab iugo militari transijt notio ad Ciuilia. Et primò quidem in ædificijs, ostiorum forma & constructio, superimposito erectis anticis, inter-

integro lapide transuerso, iugum dicitur: Et *iugamenta* nuncupauit Varro de re rust. cap. 14. superliminare vnâ cum antiis, ad aditus villarum apposita. Similiter *iugamentare* in opere architectonico, Vitruuius lib. 2. cap. 1. est, cum substratis hinc atque hinc trabibus direllis, supra, transuersaria alia hinc inde singulis in angulis, rudiis, idest, ut interuallum quidem sit, sed non alia incisura, siue crena, committitur: Ita ut, quasi binæ per diuersum contignationes, angulis quatuor fiant, ut explicat Philander in Notis. Vti & iugata, & compluuiata tecta dicuntur, quæ arrectarijs trabibus, ad binos, vel quatuor angulos desinentibus innituntur. Et in Agricultura iugatæ, & compluuiatæ vites denominantur, quæ expansæ, siue in longum tantum, siue in quadrum, canterijs ac transuersis perticis fulciuntur. Præterea iuga appellat Hero cap. 9. de Machinis bellicis, tigna duo in Arce, te decussata, illum sustinentia, & alia duo ad basim machinæ, quibus tota moles incumbit, ut in loco diximus. At tandem in Libra, ac Statera, *Iugum* vocant scapum, scû hastam ferream transuersam, è qua pendent in æquidistantia lances, aut ex vna parte longiori æquipondium, ex altera appensum pondus examinandum: quod *Librile* nominat Sextus Pompeius.





## KA

**K** ABALA nobilissima olim apud Hebræos, Sacrarum, Scripturarum interpretandi ratio, Diuinorumque, Myfteriorum sub cortice litteræ absconforum, Sacrarum, à Deo ipso immediate Moyfi concreditum ad veram ipsarum intelligentiam, atque ab eo, Dei iussu, Senioribus de populo per manus succedentibus, orerens participatum; nescio qua hominum vaficie aut Dxmonis astu Dei opera inuidentis, & conspurcantis, in ariolandi perniciosam artem, quasi vna ex Mathematicis disciplinis numerorum processionibus innitens, conuersa; iam modo apud cordatos viros malè audit, atque ab Ecclesia, vt pote superstitionibus, mendacijs, ac vanitatibus plena, iure merito generaliter exploditur, ac damnatur: vt mirum sit, rem tam sanctè institutam, in impietatem, ac Dei contumeliam degenerasse, atque è limpidissimo Diuinis fontibus, tam putidas, sæculentas, ac venenatas aquas scaturisse. *Quæ enim conuentio lucis ad tenebras?* aut quæ litterarum ac numerorum temerè dispositorum, cum Dei verbo colligatio, & proportio? Quæ naturalis vis in numeris placito hominum delectis atque assumptis, ad arcana cordium, futurosque euentus præsignificandos, vt nebulones isti mendaciter asserunt, & impudenter contendunt? Poterat quidem Deus, vt de facto præstitit, sub certis nominibus à se priscis illis Patriarchis impositis, aut in Sacra Scripturæ textu ab ipso dictato, atque hebraicis litteris exarato, mysteria, multas & varias significationes abscondere, per litterarum combinationem, & seriem depromendas, ab ijs tantum quibus concredita sunt eloquia Dei; at non inde præsumendum est, in quouis nomine, etiam gratis assumpto ad libitum hominum, & in quouis idiomate id præstitisse. Quod, vt luce clariùs pateat, præstat ab ouo rem auspicari, & Kabalæ nomen, etymon, vsu & processum in intelligentia arcanorum, luculentius explanare.



Ergo Kabala Hebraicum nomen est, à radice Hebraica כבל *Kabal* deriuatum, quod latine sonat *Receptio*: eoquod est Doctrina<sup>2</sup> ortenus, & per manus recepta, quemadmodum apud nos sunt Apostolicæ Traditiones, quæ à Christo Domino, & Apostolis verbo tenus Ecclesiæ sunt commissæ: Eiusmodi erat Kabala apud Hebræos, Doctrina videlicet cælitus tradita, ac per manus seniorum de populo recepta, in ordine ad intelligenda mysteria, quæ in factis nominibus, & codicibus latitabant. Id quod apertis verbis docet Diuus Hilarius in expositione Psal. 2. *Erat autem, inquit, iam à Moyse antè institutum in omni Sinagoga septuaginta esse Doctores. Nam idem Moyses, quamuis Testamenti verba in litteris condidicisset; tamen separatim quadam ex occultis legis secretiora mysteria, Senioribus, qui deinceps Doctores manerent, intimauerat. Cuius doctrinæ etiam Dominus in Euangelio meminit, dicens: Super Cathedram Moysi sederunt Scriba, & Pharisei. omnia ergo quacunque dixerint vobis, seruare, & facite. Doctrina ergo horum mansit in postremum, quæ ab ipso Scriptore legis accepta, in hoc Seniorum numero, & arbitrio conseruata est. Hucusque Hilarius. Cui concordat Apostolus Paulus ad Romanos scribens, & commendans illis hanc prærogatiuam singularem Iudæis factam. Quia, inquit, credita sunt illis eloquia Dei. Eloquia autem dixit, ut ea discerneret à lege scripta, quæ omnibus patebat. Porro hæc Doctrina non scripta, mansit apud Hebræos vsque ad Babilonicam captiuitatem: quo tempore post nouam legis instaurationem factam ab Esdra, Doctrina hæc scripto mandata est, atque in septuaginta libros digesta; qui penes electos pariter de populo Seniores, asseruarentur: idque, ne ob nouas forte captiuitates, & infortunia quæ accidere poterant, mos ille tradendi ad aures concreditam Doctrinam perderetur. Atque hoc factum fuisse Dei expresso iussu, Esdras testatur lib. 4. cap. 14. ita introducens Deum sibi loquentem. Priora, quæ scripsisti, (hoc est mandata legis) in palam pone, & legant digni, & indigni: nouissimos autem septuaginta conseruabis, ut tradas eos Sapientibus de populo tuo. In his enim est vena intellectus, & sapientiæ fons, & scientiæ flumen.*

At Hebræorum vulgus hoc perenni sapientiæ fonte, & scientiæ lumine sibi diuinitus concesso haud contenti, foderunt sibi cisternas dissipatas, quæ continere non valent aquas; idque vesana sapiendi plusquam sapere oporteat, prurigione acti, suffratos limpidissimos latices in propatulo vendiderunt, suisque impuris alluuiouibus impudentissime contaminarunt: Quos sequuti Christianorum audaciores, imprimitque superstitionissimi Gnostici Hæreticorum primipili, petitis etiam ex Aegypto characteris, atque è Pythagoreorum de<sup>3</sup> nume.

numerorum mysterijs, doctrina, suppetijs; eisdem in suas lacunas deriuarunt; atque vitrò aquas aquis miscentes; pijs videlicet impia; Sacra, prophanis; venerandos Sacrorum Codicum apices, stultis gentiliū deliramentis; nouam, impiam, monstrosam, ipsique rationis dictamini repugnantem artem architectati sunt, quam à Notis, seu characterum formis ad numeros respondentibus, *Notoriam* appellauere. Sed operæ pretium est, tam Kabalæ Hebraicæ rationem, quam detestandæ huius artis commenta, per partes expendere; vt facile sit agnoscere, quantum hæc impietatis habeat, quantum illa modò, inanitatis.

4 Itaque Hebræorum Cabalistæ duplicem Kabalæ speciem astruunt; alteram quam dicunt *Nominalem*, *Realem* alteram. Hæc de Dei Nominibus agit, quæ in sacris litteris extant, eorum apices, & puncta considerans, indeque ad varias combinationes inuertens, ad auspicanda ex ipsis arcana. Quod ideò Cosmologiam conspiciunt, hebraicè autem *Berefeit*, hoc est, Scientiam de triplici mundo, ac de Portis intelligentiæ. Illa in pura nominum consideratione litterarumque, ex quibus componuntur, textura sistit; & ex earum combinatione, aliud ad aliquid significandum artificiosè deducit: idque siue per numeros respondentes litteris, siue per litterarum transpositionem, quam proinde Geometricam vocant, rectius Arithmetici dixissent. Qua in re habemus in Apocalypsi cap. 13. quod numerus nominis bestię, hoc est, Antichristi, ex 666. coalescit, & hic est character eius. Idcirco subdit Spiritus Sanctus per os Ioannis: *Qui habet intellectum, computet numerum bestię, numerus enim hominis est, & numerus eius sexcenti sexaginta sex*. Quare laborant multum Expositores in vero nomine Antichristi, ex hoc numero extraendo; & alij *Aampetis* græcè, quod latinè sonat *illustris*, (græcè enim scripsit Ioannes, & ex græcis litteris fit extractura) alij *Teitan*, idest *Gigas*; alij alias comminiscuntur, vt videre est apud Bellarminum, lib. 3. de Romano Pontifice, cap. 10. Aliquando incedit per dictionum apices, seu initiales litteras, quarum singulæ singulas dictiones connotent: vt *Adam*, hebraicè quatuor litteris constans, denotare dicitur quatuor Mundi partes, Ortum, & Occasum, Aquilonem, & Austrum: multoties per litterarum transpositionem, vt fit in Anagrammatibus, & obseruare licet in venerabili nomine IESV, quod vertitur in *Eius*, siue, *Seui*, &c. necnon in nomine sancto MARIA in *Amari*, & apud nos *Riama*, similiter in Roma, includitur *Mare*, *Mora*, *Amor*, & sic per singula discutendo.

5 Nunc autem, esto quod in sacris litteris dei digito exaratis, atque in Nominibus Dei, Angelorum, Patriarcharum, &c. quæ hebraicè pro-

prolata , aut scripta sunt , sit arcana quædam myſteriorum ſignificatio non omnibus obuia , ſed arte cabaliſtica extrahenda , quorū hæc ad alia dilatamus , & Dei donum ſingulari priuilegio aliquibus è ſuo dilecto populo ſapientioribus , ſibi que charioribus conceſſū venundamus , Doctrinamq; ſanam , ac virginem intrā certos limites coarctatam , in meretriciam vertimus , omnibus linguis accommodam , omnibus populis proſtitutam ? proindeque ex omni quacumque interrogatione aut vocabulo , radices extrahere conceſſum ſit : è quibus ad rem , apta reſponſa proueniant , arcana cordium reuelentur , futura præuideantur ; & alia de quibus Cabaliſtæ noſtri ſe iactant .

Porro ad huius Sathanicæ artis euerſionem , ſat eſt eius prima principia , & fundamenta in aëre iacta conuellere , ſinereque ſua ſpoate in fumos abire . Etenim , vt ait Philoſophus , *ex nihilo nihil fit* , & neque Deus ſuis oraculis ſuprà Naturæ ordinem , hominum curioſitati obſecundare credendus eſt ; neque Natura in his quæ excedunt eius actiuitatem , quicquam virtutis habere , vt compleat quæ temerè , & ex vana coniectandi libidine , ab hominibus aſſumuntur , ad artem cabaliſticam ſtabiliendam .

Tota igitur Cabaliſtarum operatio , ac ſpes feliciter obtinendi quod petitur , in eo ſita eſt , vt verborum rationes exquirat , litterarum , punctorumque pondera libret , combinationum , quotquot fieri poſſunt , varietates expendat , numerorum ipſis , illigatorum , ordinem , conſonantiam , recurſum ( *Iſopſiphiam* Græci dicunt ) examinet , & obſeruat : atque è duobus , v. g. verbis aſſumptis , aut caſu concurrentibus , inſpicere , nūm in numero conueniant , aut diſcordent , & ſecundum ordinem , vt aiunt , prutenicum , deducere ſe poſſe credunt quid euenturum ſit , quid ad quod bonum ſit , aut ineptum ; nil prætereà curantes , ſi extracta reſponſa veritati congruant , aut non ; modò commodum ex arte reportent , ſimplicioribusque animabus imponant , ac ſecum fallere , & falli vltro volentes , ad Inferni barathrum trahant .

Atqui (vt ex ipſa numerorum cohærentia , litterarum vel combinatione , qua potiſſimū ars Cabaliſtica exercetur , initium ſumam ) ea tam varia eſt , tam fecunda , & locuplex , vt ſi omnes quotquot fieri poſſunt combinationes , velimus attendere ; infinitas prope modum diſtiones aliquid diſparatum ſignificantes , ac non ſignificantes , ex eodem nomine , aut non longo interrogationis verſiculo , poſſe exſurgere reperiemus . Quod autem aliquæ ſignificatiuæ ſint , aliæ non , id ex hominum placito pendet , non à reſultantis dictio-

nis natura, eoquod hæc & illa nomina, communi alicuius gentis a fensione, ad has vel illas res significandas assumpta sint, alia quæ singi possunt, in sua obscuritate relicta, quia hæcenus nusquam gentium, aut in quouis idiomate vsurpata sunt, & ad aliquid denotandum electa: quæ tamen successu temporis, & ex hominum electione fieri potest, vt perinde ac iam recepta, significatiua fiant. Sic in sacro illo ac venerando Dei nomine *Iehouâ*, constante ex quatuor litteris hebraicis יהוה quod ideò antonomastice Tetragrammaton audit, varia ipsius Dei nomina, singulas Diuinas perfectiones, & attributa denotantia, Moyse ad intelligendum detecta, continebantur: quorum notitia à Moyse ad seniores, Deo ipso mandante, oretenus deriuauit. Quinimò acutè aduertit Author *Kabale denudate*, to. 1. pag. 37. ex eodem Dei nomine Tetragrammaton, duas, & quinquaginta prorsus inuersiones, & combinationes fieri posse, quas per ordinem refert; ex eisdem totidem diuersa nomina, dictionesue, consilari; quarum profectò quædam iam significatiuæ sunt, atque ad explicanda Dei magnalia, ipso doctore ac reuelante, sunt destinatæ: alia prorsus vacuæ, & significatione carentes, quòd neque Deus, neque Angelus, neque homo, ijs nunquam ad sua sensa explicanda, vsus est. Similiter in præalligatis sacrosanctis IESV, & MARIAE nominibus, (vt magis notum in lingua nostra exemplum proferam) fieri possunt, in vno XVI. in alio XX. omninò litterarum transpositiones, totidemque consilari nomina, quorum aliqua aliquid determinatè significant, vt suprà ostendimus; alia non item, sed quæ nihilominus ex communi acceptatione, ad aliquid de nouo, siue in nostra lingua, siue in alio quouis introducto idiomate accommodari; itaut exinde non secus ac iam recepta verba, sint rerum nomina, nostrorumque conceptuum expressiua. Vti *Angelus*, exempli gratia, vertitur in *Galenum*, quæ vox nil forte vnquam significasset, ni celebris ille Medicus Pergamenus, eam sibi pro nomine proprio assumpsisset. Sic post Romam conditam, vetus dictio Amor nouum ei, ac profectò illustrius, sui inuersione indidit nomen: &c. Quid ergo? nùm in istis & similibus vocibus ex artificiosa litterarum transpositione resultantibus, vlla est vis ad naturales effectus ednecdos, aut occultos animi sensus aperiendos, ad quos fortasse significandos nò natura, sed hominum placitum destinauit? aut numerorum, (quos pronicos vocant) mysteria, quæ in omnium collectione, qui ex dictis consurgunt atque in vnâ quandam summam coeunt, ac facta postmodum distributione, patefiunt; rerum veritati congruunt, mirasque produnt proprietates? Si quem mentis importè id asserere non pudebit, audacter

At dicam ego ; (atque omni procul iactantia,) quod liber hic multiplici verborum collectione confarcinatus, non Mathesis modò, & comprehensarum sub hoc nomine disciplinarum elenchus; imò & omnium Scientiarum Encyclopedia; sed & intellectus meus, è quo prodierunt, omnium, quæ scitu digna sunt, & quæ hominem usquequaque scientificum faciunt, sit conditorium, & Thesaurus; quandoquidè in tanta verborum copia, nullum non vocabulum in quouis idiomate, & in quavis scientia usurpatum, hoc artificio, ex nullo prius earum comparato habitu, resultabit: vt si seriò aut per iocum ex ijs vniuersalissimam quandam Kabalam efformare tibi in mentem venerit; profectò, ex sola ac infinita propemodum tot vocum, & syllabarum conuersione, multiplicique, quæ fieri poterit, combinatione, ac resultantibus verbis rite dispositis, inuenies; nullam non esse scientiam; nullam artem, nullam præscientiam futurorum, quæ non hoc volumine comprehendatur: atque adeo & ipse de meo penulibros conficere possèm, imò & confectos tenere, atque alijs professoribus inipertiri, in omni materia consummatissimos: pios, impios, graues, ludicros; sacros, profanos; seria, iocosa; honesta, turpia; continentes; atque historijs fabulas nectere, Euangelium in Alcoranum, Ecclesiasticas Sanctiones in Hæreses commutare. Verbo, quicquid homo, Angelus, ipse Deus, voce, scripto, carmine, aut soluta oratione, in quouis idiomate edicere possent, colligere, & in aliorum notitiam importare; per hunc solum Kabalæ usum, seu verborum, ac litterarum variam transpositionem, & ordinem: quemadmodum de Valeria Proba Matròna Romana, Adelphi viri Consularis vxore, legimus, quod cum esset ingeniosissima, & felicissima plagiaria, è Virgilij Aenelide, Centones de Christi vita, & passione adeò concinnos; graues, & Maronis stylo accommodatos contexuit, vt ipse Maro rediuiuus Christianè loqui, & aliud omnino diuersum poemà edidisse videretur. Id quod & Eudociam Augustam Theodosij Iunioris Coniugem, de Homeri Iliadè græcè fecisse, tradit Iulius Giralduſ in *Historia Poetica*. Ergonè isthæc, & similia ingenij effluuescentis portenta, suapte natura prodeunt, & non magis improbi laboris partus sunt, à sola virtute enixi; & felici mentis acumine?

Atqui hæc est ipsissima Cabalistarum infania, quæ se credunt, sua arte combinatoria, posse omnia scire, Naturæ adyta penetrare, futura prænoscerè, abscondita referare, &c. idque sibi adeò certò suadent, vel potius incautis mentibus suadere satagunt; vt omnia, quæ sub sensu cadunt, diuinis mysterijs plena esse dicant; eoquod

in Sacris Paginis habeatur, Deum omnia fecisse *in numero, pondere; & mensura*. Vnde ipsi imperitè ac stultè colligunt, magnam in numeris, ac rerum dimensionibus virtutem esse, vt qui eorum doctrinam probè calleat, possit vtique rerum principia assequi; sympathias, & antipathias noscere; qualitatum simplicium, & mixtarum, præualentiam, concordiam, dissensumque venari: non aduertentes, numerorum ad res physicas ordinem atque analogiam, ingenij & artis opus esse, haud Naturæ; eoquod illi, præciso intellectus discursu, nihil in facto sint, & mera entia rationis in rebus ipsis concepta: vtque typographicæ characterum formulæ confusis impressorum loculis, mutæ sunt, & nullam ad scientias vim, aut relationem tenent, tamen potentia omnes libros de quacumque imaginabili scientia gignere aptæ sunt; ita & numeri, & pondera, & mensuræ admirabiles effectus, & proprietates habere possunt; at non nisi alicuius intelligentiæ, siuè humanæ, siuè angelicæ, siuè Diuinæ opera, quæ rebus sibi analogis applicentur. Quæ igitur & qualis est ista naturalis tam decantata numerorum potentia, quæ in arte solum, consistit, atque ordinatione intellectus ratiocinantis? vt & dispositio litterarum, quæ pro libito aptari possunt ad quoduis, in quouis genere significandum? Ergo quod ex Kabala consurgit, artis opus est, non naturæ: Oracula quæ emergunt, aut hominis astu prodeunt, qui antecederet diuersa responsa composuit, & ad omnem numerorum, siuè litterarum combinationem aptauit, ad lucrum & scientiæ famam captandam; aut dæmonis assidentis ope, id in præsentis distantis, aut ex numeris profilire facientis, quod Kabalæ fidem conciliet, atque animas tali esca illectas, in sui consortium trahat. Illa equidem inanis, captiosa, & mendax; hæc impia, superstitiosa, & sacrilega, in animarum perniciem introducta: vt non satis mirari queam, dari homines, qui se cordatos, prudentes, timoratz conscientiæ prædicant, & haberi volunt; & tamen nequissimæ huic, vel sanè vanissimæ arti dant operam, & fidem astruunt. At id inolitum ab initio, humanæ curiositatis vitium fuit, futura quæque & occulta, per fas nefasque scrutari, ab Eua protoparente cum sanguine nobis transfusum. Sed de muliere nil mirum, quæ prima, & nondum diabolicas fraudes edocta, ignoranter peccauit: illud certè mirandum, & nunquam satis detestandum; quod homines sapientes, experti, ac sibi benè conscij, his vanijs patiantur illudi, & nequicquam refragante rationis dictamine, sibi vltro velint imponi! *Equidem multos expertus sum*, (inquit Augustin. lib. 10. Confess. cap. 23.) *qui vellent fallere; qui autem falli, neminem.*



Apagē à Christianorum mentibus tantam infaniam : & qui, ex orco tam maledictam artem emerisse, iam probè norunt; eam cum suis sectatoribus in orcum iterum redire compellant.

Restaret hic ( ne quid intactum in hac re prætereamus ) de tertia **12**  
Kabalæ specie, quæ propriè Notariaca est, ( à notis quas considerat, dicta; ) quæque ab initialibus nominum litteris, veluti hieroglyphicis, aut compendiosis anigmatibus, felicitatis, aut infelicitatis omem desumit, iudicium dare: sed ea Stoicam potiùs Sapientiam redolet, quam vim naturalem in nominibus sitā. Talis est littera ille Pythagorica Y. quæ vitam humanā ambigam, bicorni discriminē sectam, atque in bonum, & malum tendentem, significabat. Item littera Θ infelix habebatur; ex quo vulgare illud exsurrexit Adagium; *Infelix littera Theta*; eo quod mortem initialiter prænotabat. Econtrā felix *Alpha*, quæ anteponebatur, & *Athanatos* consuebant, ac si diceret, *Immortalis*. Sed hæc, otiosæ obseruationes sunt; & non tam ex fine sensata, quàm ex affectu vana: quippe pro instituto aptari poterunt ad quamvis morum, & actionum directionem, prout res postulat, & imperantium decretatio. Quid enim ex celebri illa Sabinorum tessera vexillis imposita, S. P. Q. R. & à Romanis in alium sensum translata, non emerit, & emergerē adhuc potest, pro cuiusque interpretatoris arbitrio? Sanè ante illos ab Sybilla usurpatam legimus in suis oraculis, inque ærea lamina primitus incisam S. P. Q. R. quā significaretur, *Salua Populum, Quem Redemisti*: quam postea ad sua sensa detorsere Sabini, atque Romani, ut aduertit Corraſius lib. 5. miscell. cap. 15. Quare ingeniosa magis, quàm sathanica, seu supersticiosa, hæc Kabalæ species dicenda est, uti & Anagrammatica ars; otiosum non minis quàm laboriosum studium, licet innocuum, ad frustrā tempus terendum, & hominibus assentandum. Etenim ex ipsis initialibus litteris, aut iisdem verbis assumptis, & commutatis diuersas significatione gnomas, laudes & vituperia, falsitates, & veritates, æquè compingi possunt, pro compositoris arbitrio: quemadmodum faustam vel infaustam interpretationem ab initialibus litteris sumere. Nec enim ego minus faustam, & gloriosam dixerim litteram Θ, quod in ea Θ/Θ hoc est Deus, initium sumat, verus felicitatis fons, & scaturigo; quàm funestam, & infelicem habuere Pythagorei, quod Θάνατος, hoc est mortem, initialiter significaret. Sed hæc puerilia commenta sunt, ac risu magis, quàm serijs rationibus confutanda.

- II** KABAR, seu ELKABAR, Chaldaicè appellatur Canis Major Sirius, sidus in Cælo, seu potius Stella fulgentissima in eius ore consistens, de qua alibi dictum. Testis est Kircherus in Oedipo.

- 12** KACHITICHI græcè audit *Mala Fortuna*: quo nomine Astro-nomi indigitant Sextam Domum in Constitutione Cœlesti, cadentem ab Angulo Imi Cæli, & proximam Cardini Occidentis: qui locus omnium abiectissimus & planetas in eo plurimum infortunari perhibent, eoquod infelix est, & nulla familiaritate cum horoscopo copulatur. Et ideo ex eo sumunt significationes morborum, & vitiorum corporis, aliorumque accidentium bonam corporis constitutionem, ac temperiem infestantium. Habet debilitatis partes quatuor; colorem sibi vendicat nigrum, & gaudet in eo Mars.

- 13** KALB Arabicè idem sonat ac Meditullium, penetralia, Cor. Vnde apud Astronomos Arabes applicatur diuersis sideribus, cum adiuncto, vt *Kalb Alatrab*, Stellæ fixæ existenti in corde Scorpij; aliàs dictæ Antares: *Kalb Eleced* dicitur Regulus, seu Cor Leonis: *Kalb Alpharad*, Cor Hydræ; Et sic de singulis. Quorum omnium naturam, & qualitates, vide sub Latinijs nominibus.

- 14** KALENDÆ, apud Chronologos, & Historicos passim appellantur primi quique dies, & initia mensium vertentis anni, ab græca notione *καλῆς*, deriuato vocabulo, quod idem valet, ac conuoco, vel accessio: eoquod istis diebus olim per Sacrorum Antistitem populus conuocabatur ad concionem, interimque de festis, ritibus, ac Sacrificijs, quæ eo mense peragi occurrebant, quoto succedente die, admonebatur. Inde inductum

- 15** KALENDARIVM, hoc est, Computus tam Ciuilis, quàm Ecclesiasticus dierum per ordinem succedentium, singulis mensibus in toto anno, in quibus adnotantur generaliter eo die quo incidunt Kalendæ, & earum præcessio, Idus, & Nonæ, Aureus numerus, Epactarum recursus, & Littera Dominicalis, ad inueniendas Lunationes, Lunæque ætatem occurrentem quolibet die. Tum particulariter signantur Festa mobilia, & fixa recurrentia in anno suis diebus per ordinem dispositis. In aliquibus etiam describuntur festa ciuilia, seu vacationes curiales, insignia anniuersaria, gesta, consuetudines populorum, & alia quæ annua recordatione digna sunt, quæ etiam Diaria communiter appellantur. Præterea Ingressus Solis ad puncta Car-

Cardinalia, necnon ad Signorum initia; configurationes cum Luna, & alijs Planetis; Eclipses; quantitas diei, ac noctis; &c. pro ijs qui ad Horas Canonicas tenentur, & Missas celebrare consueverunt: vt sciant quo ritu, & ordine id peragendum sit, ac terminos, vnde initiũ sumat, ac terminet obligatio. Quæ omnia per extensum in aliquibus Kalendarijs prostant, ad communem instructionem, commodum, atque vtilitatem. Huiusmodi autem Kalendaria, quæ etiam Astronomicas obseruationes continent, peculiari nomine Ephemerides appellantur.

Porro duplex Kalendarium hodie circumfertur: Vetus alterum, quod Iulianum dicitur, eo quod ab Iulio Cæsare ordinatum, & lege inuectum fuit, quod communiter ab omnibus Nationibus receptum, perdurauit vsque ad annum Correctionis 1582. quo prodijt Alterum Kalendarium nouum, dictum Gregorianum, quod à Gregorio XIII. Summo Pont. adhibita opera sapientissimorum Astronomorum inductum est, correctum, & restitutum ad statum antiquum, reducto anno tropico ad rationem cycli solaris; proindeque æquinoctijs ad suas sedes restitutis, in quibus erant tempore Concilij Nicæni, in quo Decretum fuit, vt Pascha iuxta receptum vsum Ecclesiæ, celebraretur prima die Dominica post plenilunium succedens Aequinoctio verno. Etenim quia in Computo Iuliano annus solaris crassiusculè definitus erat in diebus 365. & sex integris horis, quâ peracta periodo, Sol censebatur redire ad idem punctum Aequinoctij, vnde processerat; cùm tamen reuerà tempus exorbitaret, in minutis ferè vndecim, eoquã iustus annus tropicus, & solaris periodus, est dieb. 365. hor. 5. & min. ferè 49. hinc factum est, vt dies ille intercalaris quarto quoquo anno, Febuario mensi adijci solitus (ad rationem lex horarum residuarum, quæ quater ductæ naturalem diem conficiunt, ) in quatuor annorum decursu deficeret in min. 44. & in trecentis annis perperam accrescerent dies duo, & septem horæ, itaut à tempore Concilij Nicæni, ad annum factæ correctionis, toti decem dies superflui deprehenderentur sensim, irrepsisse, & carptim ablatis à consequentibus solis reuolutionibus: quò fiebat, vt annorum recursus perturbaretur, & si error vltèrius progrediretur, aliquando eueniret, vt æquinoctiorum sedes ad ipsa solstitia transportaretur. Cui malo occurrere volens præfatus Pont. adhibitis, vt dixi, in consilium peritissimis expertissimisque Astronomis: reque cum celeberrimis Europæ Academijs communicata, remedioque proposito; communi omnium plausu, & Christianorum Principum, imprimisque pijsimi Imp. Rodulphi, quod diu

diù expetierat, commendatione, & precibus expedita res est; atque adeò, edita Constitutione, statutum, vt ablatis ab eo anno, qui recurrebat 1582. decem diebus perperam iam intrusis, deinceps à quinta die Octobris, iam non quinta, sed quintadecima eiusdem mensis diceretur, sicque annus excurreret: ex quo Aequinoctium vernum, totiusque anni periodus ad suas sedes restituta est, adamussim Cælestibus reuolutionibus, anni ordine respondente. *Et ita error qui in præteritum tot annorum circulis irrepserat, in momento temporis fuit correctus.* Ac, ne in posterum simile quid ex indiligenti calculo obuenerit, benè prouisum, vt in centesimis quibusque succedentibus annis, per tres continuos centenarios, dies bissextus Februarius mensi neutiquam adijceretur, benè vero, vt alias fit, in quarto centesimo, & sic in perpetuum. Quod si hic ordo intermitendi in tribus continuis centesimis diem illum intercalarem, & concedendi quarto cuique recurrenti centesimo, itaut, exempli gratia, annus futurus 1700. & anni 1800, ac 1900. bissextiles non sint, sit autem more solito annus 2000. constanter, & inuariatè seruetur; id profectò fiet, vt in ratam annorum distributionem, omnes vnà Nationes conueniant, & concurrant; & nunquam in hunc errorem incidendi præbeatur occasio.

- 18 Et quidem recepta, & probata est ab vniuerso Orbe Christiano, cā, quæ par erat Ecclesiæ filiis, reuerentia, promptitudine, & alacritate hæc Anni correctio, & Kalendarij reformatio; vtpote quæ rationi, experientiæ, ac tantorum virorum auctoritati innixa, & subsulta firmiter erat. Verùm Acatolici, & Heterodoxi, plus fortè in odium Romanæ Ecclesiæ, & Sanctæ Sedis, cui morem gerere dedignantur, quàm quòd æstimarent eam ratam non esse, absoluteque Reipublicæ necessariam, amplexati non sunt. Et Græci quidem Schismatici, veritate conuicti, & nullam in hoc, Romanæ politices, cuius sunt maximè meticulosi, vmbra agnoscetes, suscipere vltro parati erant; sed Turcarum iugum, sub quo miseri gemunt, ne quid noui ab Romana Ecclesia emanatum susciperent, tanquam suorum rituum desertores, deterruit, & in errore agnito persistere suasit. At superbiores, & peruiaciores Hæretici, eam respuere, sugillare, scriptisque cauillationibus carpere ausi sunt: in quo negotio omnium senia & vices duo ipsorū non ignobiles Mathematici iusserunt, Michael Mæstlinus, atq; Ioseph Scaliger, qui propterea sibi Emendatoris temporum titulum vanissimè arrogauit. Sed retusi sunt, sed malè mulctati à Christophoro Clauio insigni nostri sæculi Mathematico, atque acerrimo Kalendarij Gregoriani Vindice absolutif.

lutissimo scripto volumine, quod Kalendarium Gregorianum indigitaui, vbi, & illorum petulantiam repressit, & solidissime confutauit, demonstrans anni correctionem (quam vtrique, & ipsi necessariam fatebantur) melius institui non potuisse. Ad quem profecto curiosum Lectorem remitto.

K O

KOSMOS græcè dicitur Magnus hic Mundus, Cælum, Terram, 19  
& omnia sensibilia, quæ in eorum ambitu continentur, completens: ab ornatu, & symmetria, quibus omnia suis locis disposita sunt, optimè compartita, & bellissime ordinata, sic dictus. De cuius sapientissima architectatione, quæ planè non minùs, quàm Dei Sapientiam, atque Omnipotentiam exigebat, cum aliàs luculenter dictum sit, ne eadem repetamus, hic venerabundi sistimus, & ad sequentia calamum admoouemus.

K R

KRAGE, lingua Danica appellatur species quædam scalz rudis, 20  
sed oppidò commodæ, atque expeditissimæ ad omnia opera tum, ciuilia tum bellica, quàm celerrimè consummanda. Ea potissimum vtuntur Agricolæ ad tendendas arbores, fructusque sine offensione legendos. Sed nec vacat officio in militari tumultu, & subitarijs munimentorum aggressionibus: quippe, vbi deficiunt Machinæ expugnatoriæ, ea extemplo subintrat, & vices utrumque supplet, ac Victoriz palmam sapissime proripit. Præclarum sanè inuentum. 1  
At quia obuium, & facile, non satis æstimatum. Etenim nulla fere operâ, nullo artificioso molimine, nulla impensâ, temporaria & simplicissima, vt ità dicam, machina apparatus, ad compingendum facilis, ad asportandum leuis, ad ascendendum prompta, & ad sustinendum, cæteris fortè securior, ac robustior. Fit enim ex arboris excelso trunco, rescissis circumquaq; exspatiantibus, & prominentibus ramis, aut adiectis, vbi isti deficiunt, vectibus; ita tamen, vt modicum quid foris prosiliant, ad firmanda in ijs vestigia: quo solum erecto, atque ad terram fixo, momentò quis in sublime tollitur, ac tutò consistit, ad opera quæ molitur expedienda. Eius mentionem facit Saxo Grammaticus in Historia Danica, vbi sic eam describit. *Krage lingua Danica, truncus est, cuius semicasis ramis fastigia conscenduntur; itant pes præcisorum stipitum obsequio, perinde ac scale beneficio nixus, sensimque ad superiora prouectus, petita celsitudinis compendium assequatur.* Videtur specimen, & formam hausisse, aut etiam ceu primum redimentum dedisse scalis illis bellicis, quæ olim in vsu fuisse conflat ex vno stipite satis ob-

longo, ac statis in locis, per mediū traiecto; & extantibus per se scandalis, manu hūc illūcque apportabantur; prout opus erat, & quibus murorum excensiones fiebant; quarum meminit Hero Mechanicus, ac Stevvechius, apud quos earum vnam videre poteris, inter alias probè delineatam.

## KV

- 21 KVS apud Hebræos, idem valet ac Poculum; unde à Scriptoribus rerum Cœlestium usurpatur antonomastice pro Cratere sidere, posito supra dorsum Hydræ, de quo alibi dictum.

Cætera quare sub littera C.







# LA



ABARVM militare Signum, à Constantino Magno  
 primò inuectum, seu potius, accepto cœlis Sanctæ  
 Crucis indicio, in illud præfixa cruce, & Christi nomi-  
 ne, ethnica Romani Imperij Signa, quæ erant Dra-  
 cones, & Aquilæ, sanctius commutauit: Eo vsus est pijs-  
 simus Imperator in bello contra Maxentiũ tyrannum  
 suscepto tanquã præsidio potentissimo ad victoriã ob-  
 tinendam; vti eũ spes, & fides Cælesti visioni data, non fefellit: Ex quo  
 semper illud in prælijs, tanquam tutissimũ propugnaculũ, ante copias  
 suas gestandum curauit. Nominis etymon traxit Nazianzenus orat. 2.  
 contra Iulian. ex euentu, quasi *laboris terminus*. Quamquã Stevvechius  
 in Notis ad cap. 17. lib. 3. Veget. existimat, longè antè in exercitu  
 Romano, Labarum inter alia signa circumferri consueuissè, ac multo  
 maiore quam illa, in honore habitum, antèque ipsum Imperatorem  
 gestari solitum: quod multis veterum scriptorum testimonijs com-  
 probat, & antiquis Caesarum numisfinatis confirmat; in quibus sub  
 pilis signorum, appensum Labarum conspicitur, cum litteris in eo  
 inscriptis H. vel Π, quod alij Cantabrum appellabant; inter quos  
 Minutius Felix in Dialogo aduersus gentes, illis exprobrat, *Signa*  
*ipsa*, dicens, & *Cantabria*, & *Vexilla Castrorum*, quid aliud quam  
*inaurata sunt Cruces*? Vt ut sit, certè putandum est, pium Imperato-  
 rem, antiquum Romani Imperij morem in signis militaribus reti-  
 nere voluisse, ne quid altè receptum in exercitu innouaret; & solum  
 commutatis litteris in X. & P. simul contextis, quæ Christi nomen  
 græcè initiarent, prophanum ritum in sacrum vertissè. Erat autem,  
 vt scribit Eusebius oculus testis in vita Constantini, præaltũ pilum  
 seu hasta erecta, e qua per tranuersum pendeat alia hasta, itaut in  
 crucis formam abiret: cui proinde velum inauratum affixum erat.  
 in coque hinc præfata litteræ simul intextæ gemmis, ac margarit-  
 tis

tis circum ornata; id quod Prudentius Poeta, Distico expressit.

*Christus purpureum gemmanti textus in auro*

*Signabat Labarum, summis Crux addita cristis.*

**Q**uem morem hodieque seruat, ac retinet Christiana, Religio-  
gioſaque Clericorum, ac Monachorum Militia, in Processionibus,  
ſeu publicis ſupplicationibus peragendis: non armis in hoſtem pu-  
gnans, ſed precibus, & facibus accenſis, ſub hoc auſpicato vexil-  
lo, Cœlo bellum indicens, vt pia vi rapiat, & ſperatorum victoriam  
conſequatur. Sed de hac re iterum redibit ſermo in loco.

**2** LABDAREI olim in re militari, Herone teſte, in lib. de Machi-  
nis bellicis cap. 1. erant obſtacula, & impedimenta in genere muri-  
cum: niſi quod hæc lignea erant, altè in terra defixa, & benè com-  
pacta ad ſuſtinendos impetus cadentium ſaxorum, & rotarum ex  
editis arcibus immiſſarum in caſtra oppugnantorum: & quia erant in  
Lambda A græcæ litteræ formam compacta è duobus tignis ſibi inui-  
cem innixis, & ad verticem in angulum coeuntibus, non ab re Lab-  
darei dicti ſunt. Horum autem effectum, & formam exhibet Hero,  
ſiue Barocius eius interpres, in ſchemate, quod cum Ciuitate obſeſſa,  
& immiſſis inde ponderibus, & verticulis, dat probè delineatum.  
*Qui poſtquam iſthæc, aliaque obſeſſorum molimina aduerſus oppu-  
gnatores adhibita cenſuit, de Labdareis ſic loquitur. Aduerſus hæc  
autem repugnantes murices ligneos conſtruere oportet, quinque cubito-  
rum, Labdareos à quibuſdam vocatos, quorum vnumquodque crus gyrum  
quaſi duorum pedum habeat, ne frangatur vel diſrumpatur, ſed reſi-  
ſtant ponderibus, quæ deorſum feruntur. De alijs minoribus, & ferreis  
muricibus, qui per campum ſpargi conſueſcunt, ad diſturbandos,  
ac diſtinendos procedentium equitum ordines, habebis ſuo loco in  
V. Murices.*

**3** LACONICVM, Vitruuius teſte, vbi agit de Balnearum partibus,  
lib. 5. cap. 10. erat locus ſpecialiter ſudationibus deſtinatus, in quo  
ex calore concepto ſudor eliciebatur: à Laconibus inuentoribus ita  
dictus, vt author eſt Dio; qui plurimùm his ſiccis ſudationibus de-  
lectabantur. *Aſſas ſudationes vocat Cornel. Celfus lib. 3. cap. 27. ad  
diſtinctionem earum, quæ fiebant in aquis calidis: vnde eſt illud Co-  
lumellæ in præmio ſui operis; Quotidianam cruditatem laconicis ex-  
coquimus, & exſuſſo ſudore ſitim quarimus. Erat autem eius ſtructura  
ad modum turriculæ concameratæ in hemiſphærium, cuius ſpeci-  
men exhibet oculis Caporalis in hunc locum Vitruuij. Similes hiſ  
ſunt, quas vulgò Stuphas vocamus, & practicari potiſſimum ſolent in*

Ger-

Germania, & alijs regionibus Septentrionalibus ad teporem cubiculis, hyemis tempore communicandum. Quamquam, & structura, & effectus valde diuerso, nam Laconicum violentius est, & non ad simpliciter inibi commorandum, lento calore indito; sed ad sudorem, vehementi calore eliciendum in morbis, & humorum abundantia, vnicè factum.

LACOTOMVS in Gnomonica appellatur linea recta axi mundi parallela, per Meridianum transiens, à tropico ad alterum tropicum ducta, siue inter duos parallelos, æstiuum & hybernum intercepta, quæ totam amplitudinem ortiuam, & occidentem Solis definit, quæ sit, vt singulis diebus, declinationes Solis, & partium Eclipticæ facile internosci queant. Addit Barbarus, quod sit diameter eius circuli, ex quo radij mensuri meridiani sumuntur, descripti per puncta declinationum Eclipticæ ascendentium, & descendentium: vt videre est in delineatione Analemmatis, quam dedimus sub hoc Verbo. Hic autem circulus Mauacus appellatur; sed qua ratione, nescimus: vti nec originem, è qua fluxit vocabulum Lacotomum, se nescire, dicit Philander, nec apud vllum hætenus inuenisse.

LACVNAR in Opere architectonico dicitur interior contignatio ædis, quæ templi cælum appellatur, ad differentiam tecti concamerati, quod è structili sit. Nostris autem *Soffitto*. Nominis etymon deducit Seruius à Lacuna, quod ad eius morem cauum sit. Dictum etiam *Laqueare*, quod olim apud Veteres magno in luxu esset, præsertim in cænationibus, vbi miro artificio, auto, picturisque ac sculpturis exornabatur: siue ex eo quod versatile esset, ac reducibile, itaut ad singula fercula mutaretur, vt refert Seneca epist. 14. (in tantum creuit Antiquorum ostentatio, & luxuria:) ac subinde funibus, & laqueis retracta prima facie; alia, & alia opere ornatior succederent; siue ex lychnis inde pendentibus ad illuminationem loci, vt est illud Poëtæ Aeneid. 1. *Dependent lychni laquearibus aureis*, à laqueis pendentibus denominationem sumpsit. Cæterum in Triclinijs Lacunaria delumbata exquirat Vitruv. lib. 6. cap. 5. hoc est ad modum fornicis curua, coronis innitentia ad maiorem amplitudinem, & venustatem. Qua de re videndus Barbarus in hunc locum.

LACVS, si præsertim naturâ ingeni sunt, & amplissimi tractus, ad Geographicam considerationem pertinent; intrant enim, & complent sua extensione globum Terraqueum, ac perinde vt mare, & tel-

telus, sub Clima<sup>rum</sup> parallelis, circulisque longitudinum ac latitudinum geographicarum comprehenduntur. Eo autem nomine veniunt aquarum magna receptacula; & reductiones in vnum intra terram perpetuò stagnantium, nec villo cum Oceano aliove mari communicantes, sed seipsis in suo iusto alueo consistentes, nec villo vnquam aquarum affluxu, siue ex amnibus qui eò accurrunt, & se exonerant; siue ex imbribus, siue ex intimis terræ moatibus erumpentium, aut accrescunt aut siccitate decrescunt. Naturæ dixeris lusus, seu potius iustissimas repensiones, quibus terræ reddit, quod aliàs maris voracitati permisit: cui quasi non esset satis (vt obseruat Plin. lib. 6. cap. 1.) *ambisse terras, & partem earum, aucta immanitate abstulisse*, ni, & amplas insulas intra sinum suum clausas, & mancipatas sub sua tyrannide detineret. Porro inuitis hoc accidisse terris, (iure prosequitur Plinius) *indicio sunt tot angustia, atque tam parua natura repugnantis internalla*. Quod idè, quod raptu perdidit terra, iusta vice lacubus sibi compensat; & quantum illud aliis iuris abso-  
buit, tantumdem è suis thesauris euomit in iustum pretium, & satisfactionem: namque vt obseruat Scaliger exerc. 37. *Lacus in terra, sunt velut Insula liquida, & Insula in mari Lacus solidi*. Sed enim verè dicendum, quod bellè, & sapienter id Natura prouidit, vt æstuantis alicubi Climatis inclementiam, aquarum refrigerantium interpositione leniret, & humoris redundantiam in Oceano exurgentem, scopulorum siccitate retunderet, ac temperaret.

- 7 Nunc autem, quod ad lacus attinet; ex his, aliquot tam vasti sunt, & immensi ambitus, vt meritò Marium nomine appellentur: qualis præcipuè est Lacus Asphaltitis in Iudæa, longitudine, vt inquit Plin. lib. 5. cap. 16. supra centum milliaria, alias dictum *Mare mortuum*, siue quod in se nullum corpus viuum admittit, vt vult idem Plinius; siue quod putentibus, ac bituminosis aquis pestilens, & exitialis est, cui laudatissimus in Sacris Paginis Iordanis fluuius se immiscens immoritur, *aquasque laudatas perdit pestilentibus mixtas*. Lacus præterea est in Hyrcania immensæ amplitudinis, & circuitus, inter montes Hyrcanos, & Caspios clausus, vnde & *Mare clausum* denominatus est, aliàs Mare Caspium, & Hyrcanum. In quo cum Veteribus deceptus est Plinius lib. 6. cap. 13. illum Oceano Scythico necens. vt & Pontum Euxinum, de quo mox infra; vt in Tabulis Geographicis videre est, (quas ex Mercatore, Ortelio, & aliorum obseruationibus correctissimas, & accuratissimas dedere Amstelodani Gulielm. Bleaui, & Io: Ianssonius) vbi lacus iste in continenti est longè ab Oceano distans, & vndique pedibus circumuagari potest. Pontus autem Euxinus haud multum à Caspio Mari se-  
mo-

motus, incipit à Bosphoro Thracio, & à Mæotide Palude quæ in eû in-  
fluit, incrementû sumens; quæq; propterea *Temerinda*, dicta fuit quasi  
*Maris mater*, eo quod Pontum procreet, & suis abundantibus aquis,  
velut vberibus nutrit, longoque ambitu ab Oriente in Septentrionē ten-  
dens, amplissimas regiones, Bithyniam, vtramque Sarmatiam, Colchi-  
dē, Paphlagoniā, & Macedoniam alluit, ac tandem, angusto freto, Eu-  
ropam ab Asia discriminans, Aegæo mari se iungit; vt meritò addu-  
bites, nūm mare dicendus sit, an vastissimus lacus. Cæterum non in-  
uitus admitto, has similesq; congregationes aquarum, meritò appel-  
lari *Marias*; vt Sacer Historicus tradidit Gen. 1. quando aquarum sal-  
sedine, & aluei vastitate, quæ propria maris, & Oceani sunt consequun-  
tur. At, quæ toto Orbe dispersæ, quæq; infinitæ propemodum sunt, ex  
aqua vtplurimum dulci stagnantes, & nullibi exitum aperientes, pro-  
culdubio Lacus sunt, ac diuersæ admodum ab mari conditionis, &  
naturæ. Quorum alij, quos memorat Seneca in Quæst. natural. lib. 3.  
cap. 19. & Olaus magnus lib. 3. cap. 10. sunt sine fundo, aut certè  
imperfectibili: Alij sunt, vt ita dicam; Virgines; qui nullas fon-  
tium, aut fluuiorum emissiones admittunt, sed suis proprijs aquis  
contenti sunt, aut è Cælo delapsis, aut è terræ meatibus extillan-  
tibus, indeque perpetuò stagnantibus; quales sunt in nouo Orbe,  
detecto *Parima* dictus, nongentarum fermè leucarum ambitu, ac  
*Trafimenus* in nostra Italia, prope Perusiam. Alij econtrà tantæ in-  
gluuii, vt nunquam, quauis facta aquarum accessione, exsatiarentur,  
aut accrescant: vti sunt *Albus* in Russia, qui fertur excipere sinu suo  
tercenta, & sexaginta flumina; *Vener* inter Suetiam, & Noruegiam  
positus, ebibens viginti-quatuor non contemnendos amnes; atque  
in Italix finibus celebratissimus *Larius*, ad vltimos Heluetios se ex-  
tendens, qui præter Adduam flumen amplum, & notissimum, quod  
ex vna parte recipit, ex altera remittit; septemdecim præterea mi-  
nores riuos, ac torrentes deglutit, admittitque. Et tamen neque is,  
neque alius quis in tanta aquarum deriuatione redundet, & ripa-  
rum limites transilit, aut exsuctis à Sole aquis, minuitur.

Cuius arcani rationem speculantes Philosophi, & ab experientijs  
comprobantes Mathematici practici aquarum libratores, concludunt  
inde oriri, quia habent in se occultos meatus, quibus aqua ad cer-  
tam altitudinem adducta non amplius emittitur, sed potius remeat,  
& aliò amandatur: & contrà exhausta, & exsucta quantalibet aqua-  
rum vi, tantundem recipiunt è subteraneis venis, itaut in ea sem-  
per plenitudine, & libratione consistent. Etenim id habet proprium  
sibi que innatum aquæ Elementum, vt terræ insistas, ac pari superfi-  
cie innatet: & sicubi, ex quouis accidente fiat imminutio, statim

locus

locus oppleatur, alia ex alijs riuulis suppetente aqua: Si verò angustijs pressus alueus, tantam recipere, quanta in eum aliunde confluit, non satis sit; remittat per eodem meatus, donec in sua altitudine maneat, & eiusdem semper librationis æqualitatem seruet.

9 Id quod equidè mirabilius est, nec satis capere valet Plinius lib. 2. c. 103. quod quædam flumina impermixtas influunt aquas, aquis lacuum supernatantes, *vt in Fucino*, inquit, *lacu inuectus amnis* (Tutias Ortelio) *in Lario Abdua; in Verbano Ticinus; in Benaco Mincius, &c.* qui hospitales aquas recipiunt, nec suis immiscent. Sed hoc facile intelligetur, tùm ex modo dictis, tùm ex intrantis fluuij concitantia, & rapiditate, quæ non permittit aquas, alioqui leuiiores, crassioribus ac pigrioribus in lacu stagnantibus commisceri: quemadmodum etiam videmus insigniores, ac rapidiores quosdam amnes in mare sese exonerantes, ad multa miliaria, suum cursum, & aquarum dulcedinem retinere.

10 Ex his, ac tanta lacuum copia, & varietate per vniuersum Orbem aptissimè dispersita, colligere licet, contrà impium Lucretij asserum, quanta sit Diuini Numinis sapientia, ac prouidentia in Mundi Machina probè architectanda, nempe tanta varietas, & partium commoda distributio tendens ad ornatum, decorem, atque utilitatem humani generis illum inhabitantis, vt obseruat etiam Tullius, & admiratur lib. 2. de Natura Deor. Quæ etenim stare posset Orbis ad hominum, aliorumque animantium incolatum factus, si mare omninò vacaret Insulis, ad quas, post longam defatigationem diuerterent; si terra non irriguis aquis, & apertis amplissimis lacubus, non continuò humectaretur, campi fecundarentur, pisces non alimento suppetere, & vnde liberum ac vatium aperiretur iter, & commigratio, ad commercia, & populorum communionem? Accedit, quod hæc varietas & alternatio, alicubi ad Cæli superandam inclementiam plurimùm iuuat. Expertum quippe est, in Africa, vbi maximus aestus est, & Solis ardor, interiectos lacus quibus (etsi amaris) abundat, sua humiditate soli ariditatem corrigere, ac tepore aërem temperare. Id quod contrà accidit in partibus Septentrionalibus, ipse enim tepor ex aquis latè patentibus exhalans, vbi ex antiperistasi in fundo calent, aëris rigorem tundit, & mixtam quandam temperiem adducit, quâ locus iucundè inhabitari, & solum circa adiectum humiditate fecundari, ad victum necessaria suppeditans, queat. Sanè id aduertimus, (vt in loco monuimus) in Benaco lacu; vbi, & in oris adiacentibus, sub rigidissimo cæteroqui cælo, quod limonibus, malis medicis, alijsque delicationibus plan-



plantis infestissimum est, & aliàs adulescere, & fructificare non patitur, nisi probè opertas, & igne circumposito fotas, eas tamen in media Insula, & circa ripas, maximè in Salodiensi tractu, absque ullo operimento, aut alia adhibita cautela, impunè crescere, efflorere, & sapidissimos fructus educi videmus, in tanta abundantia, & æstimatione, vt nedum vicinis Italiæ vrbibus, sed & contiguar Germaniæ largè suppeditentur. Similiter de Verbano, qui est lacus in Insubria, ab Indigenis dictus *Lago Maggiore*, testatur Ferrarius in Lexico Geographico, quod in eo, *Insula est malis medicis confita, quæ ob nimiam elegantiam, & amantitatem, Tempe dici potest, & hortis Alcinoi, & Hesperidum comparari*. Vsq; adeo nusquam telustam inhospita est, quæ non in commune bonum conspiret, & aliàs, ea quæ sibi natura aduersa sunt, in consortium non admittat, foueatque in suu, vt homines ad se inhabitandum alliciat.

LAMBAVRAS, apud Heronem Mechanicum, in libello de Geodæsia nominatur Oculus Tauri, stella fixa splendidissima inter Hyadas constituta in Constellatione Tauri: quasi, vt ipse mox explicat, *Fax ardens*; quia nimirum perinde ac fax ardens, mirum in modum scintillat, & fuluo colore coruscat. Sed tali, aut consimili nomine insignitam nusquam inueni in alijs, cum Græcis tum Latinis Scriptoribus. II

LATAE in aliquibus mediæ, at non barbaræ ætatis Scriptoribus, inueniuntur non rarò vsurpatæ in re ædificatoria, pro asseribus qui adhibentur in tectorum constructione. Plura testimonia affert Du-Cange in Glossario, ex quibus colligit, eas aliud profectò non esse, quàm minutiores asseres scelliles, qui suprà canterios ponuntur, quibusque aptantur tegula. Sunt qui opinantur, latas in contignationibus eas omninò esse, quas templa appellauit Vitruu. lib. 4. cap. 7. vbi de tecti ordinatione agens, ait: *suprà fastigium columnæ, canterij, templa, ita sint collocanda, vt stillicidium tecti absoluti tertiaro respondeat*: & alio in loco explicatiùs dicit: l. 4. c. 2. *Suprà canterios templa*. Si ergò, (arguunt isti,) suprà fastigium & suprà canterios isthæc præcipit collocari, certè nil aliud esse possunt, quàm lati asseres, qui canterijs superponuntur, & coaptantur ad sustinendas immediatè tegulas. Ast Templum, Sexto Pompeio autore, est *Tignum quod in edificijs transversum ponitur*. Tignum autem quod transversum est, longè differt ab asserè, quòd vnicum est & crassius, iste, autè plurimus adhibetur, magis latus quàm longus & altus, vt coaptari possit ad recipiendas suprà se tegulas, ideoque latæ nomen. III

benè asseribus quadrat, & non templis. Addo quod Vitruv. ipse, ubi supra, expressè distinguit templa ab asseribus hisce, qui tegulis supponuntur: ait enim: *suprà canterios templa, deinde insuper sub tegulis asseres*. Quare intercedit hic æquiocatio in eo quod Vitruvius dixit, vtraque supra canterios poni, quod verum est, sed diuerso ordine & vsu. Et quidem benè Philander nodum soluit, & partes atque officia segregat. *Templa*, inquit, *sunt assamenta, quæ transversa suprà canterios ponuntur; suprà quæ collocantur asseres*. Vbi nota, aliud esse assamenta, aliud asseres; quæ tamen vtraque canterijs imponuntur. Nam assamenta, quæ templa nominavit Vitruv. sunt paxilli, seu tigni minusculi longiores, & crassiores, quam asseres, (nostri dicerent *Travicelli*) qui transversariè disponuntur supra canterios, seu trabes maiores, supràque ipsos asseres complanati, ideoque magis lati quam crassi, ad hoc vt ipsi desuper tegulæ ordinari possint, ex quibus tandem tota contignatio componitur, ac tectum fit integrè absolutum. Quocirca benè stat cuique sua denominatio ab officio, & asseres ad hoc opus adhibiti, vt distinguantur à cæteris, qui sunt ad alium usum, in bona, & latina, significatione, specificè Latæ nuncupantur. Consonat Papias magnus verborum ex etymo criticator, qui ait, *Asseres Latæ latinum est*.

- 13 LATITVDO apud Astronomos appellatur deviatio Planetæ, siue alterius cuiusvis. Astri ab Eclipticæ, & Orbita Solis, versus alterutrum Polorum Zodiaci; itaut quò maior sit deviatio, eò maiorem latitudinem importet: quæ etiam à Plaga ad quam deflectit, denominationem sumit; atque adeo Borealis dicitur, cum locus in plaga Boreali est, & ad Polum Boreum vergit; Australis, cum ad Australem: eo prorsus pacto, ac diximus de Declinatione; nisi quod hæc sit deviatio ab Aequatore versus alterutrum Polorum Mundi; Latitudo verò, vt dixi, deviatio ab Ecliptica versus alterutrum Polorum ipsius Eclipticæ. Porro Sol nullam vnquam latitudinem admittit, sed semper & constanti itinere, graditur per Eclipticam. Reliqui verò Planetæ cum latitudine incedunt intrà fasciam Zodiaci, quam communiter in Armillari sphaera statuunt laram sex gradus hinc inde, quantum videlicet cuiusque planetæ orbita se dilatare potest vltra Eclipticam. Verùm Recentiores Astronomi, qui Martem & Venerem obseruarunt aliquandò progredi ad grad. 9. inde consultius habuerunt, totam Zodiacum dilatare ad grad. 18. hoc est gr. 9. hinc inde, vt omnem Planetarum orbitam comprehenderet. At verò Stellatus Orbis & Fixæ, sine lege vagantur, & his terminis non  
arctan-

arctantur, itaut sparsim incedant iuxta declinationem quam habent, ad polos Zodiaci accedentes, adeoque maiorem, & maiorem latitudinem habere possunt; numquam tamen ea accedit ad gr. 90. alioquin incidere in ipsum Polum. In Planetis autem latitudo hinc inde varia est: Atque ex Tychonicis observationibus ea singulis constituta est, vt Saturnus vltra gr. 2. & min. 48. ad Boream; ad Austrum gr. 2. min. 49. ab Ecliptica non elongetur. Iupiter ad Polum Arcticum in summa latitudine defleat gr. 1. & min. 38. ad Antarcticum gr. 1. min. 40. Mars ad Boream, vergens non transilit gr. 4. min. 31. at ad Austrum, se extendit vsque ad gr. 6. min. 47. Venus vtrinque maximam latitudinem habere potest gr. 9. min. 2. Mercurius similiter hincinde, grad. 3. min. 33. Tandem Luna in Quadraturis cum Sole, maximam latitudinem habet gr. 5. min. 17. in Oppositione verò, & Coniunctione contractior est, & non vltra progreditur ab Ecliptica, quam gr. 4. min. 58. Cæterum hi omnes, vbi in sua maxima latitudine sunt, dicuntur esse in Ventre sui draconis: vbi nullam habent latitudinem, sed incidunt in Eclipticam, dicuntur esse in Nodis borealibus vel Australibus, secundum quod ad Boream vel Austrum iter inflectunt, qui communiter Caput, & Cauda Draconis appellantur, prout in loco dictum est.

**LATITVDO** apud Geographos accipitur pro distantia & maiore elongatione Aequatoris à vertice alicuius Regionis, aut Ciuitatis, in Circulo-Verticali: itaut tanta dicatur esse Latitudo illius, quanta est inter eius Verticem, & Aequinoctialem circulum intercepto; numerusque graduum interceptorum inter verumque, sit mensura latitudinis illius. Porro Latitudo Regionum conuenit cum eleuatione Poli supra Horizontem, sicut altitudo Aequatoris, quæ supra horizontem attollitur, eadem est ac distantia Poli à Vertice. Cum enim Polus distet ab Aequatore per integrum quadrantem, & gr. 90. ac tantumdem etiam intersit inter Horizontem, & Verticem; consequenter, si Polus attollatur ab horizonte grad. v. gr. 42. distabit polus à vertice gr. 48. totidemque Aequator ab Horizonte: vnde est, quod residuum ad gr. 90. nempe gr. 42. sit distantia Aequatoris à Vertice; quæ est *Longitudo Geographica*, eadem nimirum, quæ eleuatio Poli. Propterea nil mirum, si sæpe à scriptoribus, Eleuatio Poli, cum Regionis Latitudine confundatur.

**LATITVDO** *Ortina* vel *Ossidua* dicitur in Astronomicis, Arcus horizonis interceptus inter punctum stellæ, vel cuiusuis gradus Ecliptici orientis vel occidentis, ac puncta æquinoctialis Orientalis vel Occi-

Occidentia; itaut quæ stella, aut Planeta, cùm emergit ex horizonte, vel sub illum absconditur, in Circulo ipsius horizontis magis à dictis punctis æquinoctialibus simul consurgentibus, vel decedentibus distat, maiorem dicatur habere latitudinem ortiuam, vel occiduam. *Amplitudinem*, ne termini confundantur, appellant alij. Ex ea venatur arcus diurnos, & nocturnos siderum, qui computantur in eorum parallelis, quos describunt sua latione diurnâ circa tellurem, à punctis vnde oriuntur & occidunt, quatenus magis aut minus distant à punctis æquinoctialibus exorientibus, & occidentibus: & quò maior vel minor est hæc amplitudo ortiua, & occidua, seu distantia ab punctis exorientibus, vel occidentibus AEquatoris; eò maiores, vel minores arcus diurnos, & nocturnos describunt: & in Sole quidem, maxima est in Tropicis, ubi maximus arcus diurnus ab eo describitur cùm est in Cancro, minimus cum in Capricorno, & econtrâ in isto minimus arcus diurnus describitur, maximus in Cancro, præterquam in Sphæra recta, ubi sidera quaecumque latitudinem ortiuam, & occiduam habeant, semper pares describunt arcus diurnos atque nocturnos. Vti videre est in Sphæra in plano delineata ad V. Horoscopus Lunaris, nu. 43. in cuius schemate ad oculum est latitudo ortiua, & occidua, quam potest habere vnumquodque sidus, per distantiam puncti sui ortus ab ortu Aequinoctiali: quæ eadem est in occasu.

16

LATVS in Mathematicis diuersimodè vsurpatur. Et primò à Geometris sumitur pro quavis linea seu recta, seu curua, quæ ex parte planam aliquam figuram terminat; itaut hæc, à linearum numero quibus clauditur, denominentur trilatera, quadrilatera, &c. vti & ab angulis in quos prædictæ lineæ coeunt, Trigona, Tetragona, Pentagona, &c. à quorum etiam ratione, & correspondentia adinuicem, specificantur ipsæ figuræ, quæ insurgunt ex ipsis, vt Triangulum dicitur æquilaterum, quod habet æqualia omnia latera; Isosceles, vel æquicrurium, quod habet duo saltem latera æqualia; & Scalenum, quod constat lateribus omnibus inæqualibus. Similiter in rectilineis quadratis, pentagonis, alijsque figuris Isoperimetris, atque trapezijs. Porro vnumquodque latus dicitur subtendere angulum sibi oppositum, qui proinde latus ipsum definit, isque vicissim ab arcu quadrantis, ab angulari puncto ad quodvis interuallum descripto, atque inter duo trianguli latera comprehenso, dimensionem sumit: quantusque est arcus interceptus, tantus est etiam angulus & latus ipsum subtendens: itaut si arcus sit integer quadrans, angulus ei oppositus sit rectus, & grad. 90. eiusdemque

ratio

rationis latus subtendens, quod speciali nomine dicitur Hypothenusa: si arcus sit minor quadrante, angulus oppositus erit acutus: si maior, dabit angulum obtusum. Quæ omnia fusiùs suis in locis. Simili modo

LATVS in Arithmeticis, denominatur numerus, qui si per se ipsum ducatur, numerum quandam figuratum constituit, eadem prorsus ratione, qua figuræ geometricæ constituuntur: series enim numerorum certo ordine dispositorum, quæ referatur ad aliam siue multiplicandam siue partiendam, perinde se habet, ac latera, seu lineæ quibus clauditur figura geometrica, ex quo omnes progressionēs cum Geometricæ, tum Arithmeticæ habentur. Hinc numeri pronici, quorum dispositio consistit in naturali numerorum progressionē per quadratos, vel cubos, aut alias algebraicas potestates. Sic. v. g. ut Quadratum, cuius singula latera habeant 16. cellulas, habebitque primus eius ambitus 60. cellulas, intra quas opus sit terminos progressionis naturalis ita disponere, vt singulæ numerorum in quadrato series normales, transversæ, diagonæ, semper eundem numerum efficiant; in ambitu quoque quatuor lateribus idem resultabit numerus, nempe 157. & sic de reliquis. Porro numeri figurati, aut sunt æquilateri, vt 36. productus per 6. aut inæquilateri, vt 42. per 6. in 7. ducti: quæ omnes progressionēs miros effectus habent, vt patet in Tabula Pythagorica. Quare bene concludit Kircherus in Arithmologia, vbi agit de abditis numerorum pronicorum proprietatibus, cap. 4. Latet itaque sub progressionibus numerorum, siue Arithmeticis, siue Geometricis, nescio quid mirum, quod vel inde patet, quod Algebra omnium Mathematicarum subtilissima, nil aliud sit, quàm quadam per progressionēs geometricas calculatio, & potissimum in hac numerorum pronicorum dispositione mirabiliter elucescit. Sed nolim in hac laterum numeralium consideratione, quam nobis ingessit verborum explicandorum ordo, ita progredi, vt velut in mari magno, emergendi terminum non inueniamus. Plura dicta sunt in V. Algebra; adhuc multò plura suppetunt in consequentibus, suo loco dicenda.

LATVS RECTVM etiam, in sectionibus Conicis appellata est Linea recta à vertice sectionis ab extrâ, ad certum terminum ducta, quæ sit mensura applicationis, & æquationis rectorum quæ profiliunt ex segmentis axis intercepti inter applicatas, & verticem, ad quadrata ipsarum applicatarum; quibus hæc semper intelligitur parallela. Alio nomine, ac magis expressiuo dicitur Parametri de cuius ratione fusiùs suo loco.

- 19 **LEMMA** in demonstrationibus Mathematicis, græcè idem valet atque Assumptum, seu medium quid assumptum ad aliquid comprobandum: Vnde à Michælio in suo Lexico sic definitur. *Est propositio, quam auditor antea sine præceptore non intelligit; sed quamprimum eam audit, sine demonstratione concedit. Ut si dicatur: Omnes anguli per crucem oppositi sunt æquales; Lemma est: quia corpso, ac explicantur termini; intelligitur quod proponitur, & sine hæsitacione, aut ulla ulteriori probatione conceditur. Et per hoc distinguitur à Theoremate; & Problemate, quod ipsum, directè ad quasi resolutionem non pertinet, sed est via ad eadem rite construenda, ac facilius quod proponitur demonstrandum. Quamquam Scotus benè obseruat, non raro ab Auctoribus confundi hæc nomina, præsertim quando necesse est præmitti problemata alijs, siue problematibus, siue theorematibus; quæ sine illis ante demonstratis, concludi ac demonstrari non possunt. Ex quo habes, quod ipsius Euclidis Geometrarum Principis demonstrationes in Elementis ex instituto susceptæ, respectu aliarum propositionum, demonstrationumque, quas alij authores subinde, construendas assumunt, atque ex ijs deducunt, in facto Lemmata sunt; eo quod illæ sine istis, aut ægrè, aut nullatenus demonstrari possunt. Quinimod ipse eadem Euclidis demonstrationes, sibi inuicem Lemmata, iure dixeris, quoniam ita vna ex alia pendet, & sibi mutuò intelligatæ sunt, ut subsequens, absque antecedente, neque intelligi, neque constitui omnino queat, ut cuiuslibet rei manum admoventi, experientia ipsa demonstrat.*

- 20 **LEPV**s sidus in Octaua Sphæra ad Australem plagam, sub genibus Orionis, habens stellas trèdecim de natura Mercurij, cù participatione Saturnij; quarum quatuor sunt tertie magnitudinis; totidem, quartæ, totidemque quintæ, & vna sextæ: omnes in longitudine sub signo Geminarum. Hic in Horoscopo repertus (inquit Pontanus) facit hominem miræ celeritatis, quique in cursu haud difficulter brauium sit obtenturus: Erit quippe toto corpore flexilis & agilis: idque eò maximè, si affuisset Mars. Quod si Mercurius quoque ad stipulauerit, erit adhuc gesticator, egregius lusor, & luctator eximius. Si Venus, erit mimus, saltator, & musicus. Si Luna cum bono aspectu Saturni, erit nouarum artium inuentor. At si malo radio iste solus aspexerit; edicit derelictionem Patrij soli, & nullam curam suorum. Si verò in Occasu repertus fuerit, quamquam benè irradiatus, non tamen sine labore alimenta sibi comparabit: quod si adhuc maleficæ hostili radio concurrant; exponet periculo, quod à feris,



feris; & à canibus sit discerpendus. Hæc Pontanus; Poëtica facilitate nugandi: qui tandem concludit. Hæc Leporem nam Fata manent; hinc nomen & Astro.

Sed audiamus, quid de eo pronunciet Faber in suo Panchymico lib. 2. cap. 7. Multum agit, inquit, in terras Austreles; & in Zona Australi temperata fructus producit copiosos, succulentos, & optimi saporis; campos facit amenos, arboribus plenos, & nemorosos, propter humiditatis copiam maximam, quam inducit, quâ omne arboris genus delectatur & gaudet. Homines autem, qui subiiciuntur huic sideri, sunt bilares, iucundi, iocosi, ardeliones, artes omnes callentes, & omnia scire volentes: laboriosi admodum sunt, & nunquam quiescentes, disciplinarum cupidi, disertii, & eloquentes propter temperatum calidum innatum, & humidum primum, quod inducit rebus omnibus, suis radijs & influxibus. Ex eo siquidem tali temperamento, hæc dona naturalia exsurgunt; & Anima rationalis, quamvis divina, hoc temperamento immixta, eo cogitur uti, tanquam organo, ut suas exerceat functiones; quæ absque temperamento, ex consensu Medicorum omnium, & Philosophorum, in actum reduci non possunt: Vnde cum temperamentum dependeat naturaliter ex influxu Cælestium, & actiones animæ rationalis naturales, dependeant ex temperamento; hæc etiam actiones quodammodo dependere videntur ex illo influxu Cælestium Corporum. Vides, quomodo temperet dictum? neue à lectoribus perperam accipiatur, factus scrupulosus, hanc cautionem apponit: Nontamen absoluta necessitate ita dependent, ut aliter agere nequeant, sed cum libera omnino persistas, in omnibus suis actionibus peragendis, ita libera dependet ab his Astrorum influxibus, nec ullo pacto cogitur ad actiones suas, sed liberè semper agit. Utinam & in alijs dictis audentioribus id præstiteret.


LESAE, apud Cedrenum, aliosque veteres Historicos, authore, & indice eruditissimo Lipsio, sunt Machinæ quædam bellicæ ad earum instar, quas nos Pluteos appellamus. Neque enim aliud esse possunt, quas Lesarum nomine nuncupat Cedrenus in descriptione apparatus bellici, quem comportauit Sultanus in bello, quod Romanis indixit: Sic enim habet. Tabernacula quædam habens ex viminibus texta, & supernè bouillis corijs operta, quibus & rotæ erant subiectæ basibus columnarum (vocant autem id genus Machinas, Lesas) Has, inquam machinas habens, impleuit eas copia militum, quos iussit bidentes, dolabras, aliaque agrestia instrumenta ferre; existimans scilicet, paulatim adnouere muris lesas, atque ita suffodere lassitudinè, & securè ipsa fundamenta. Atqui eiusmodi prorsus sunt nostri Plutei, ut in loco dicemus.

23 **LESBIA REGULA**, quæ iam sui celebritate in prouerbum iuit, erat olim apud Lesbios instrumentum mechanicum omni corporum generi, siue solido, siue liquido, dimetiendo factum; quod ex plumbeis laminis, adeoque flexibilibus compaginaturn, omnibus quibusque rebus pendendis, ac mensurandis aptissimum erat; quippe, si solidis ac duris applicaretur, se complicando ad eorum rationem, figuram & situm conformabat: si verò fluidas inueniret, eas in se recipiendo, in sui formam reduceret. De cuius inuentione & usu sic loquitur Budæus in Pandect. l. 1. de Inst. & Iurc. *Cum enim ceteri fabri soleant structuras suas ad normam exigere; Lesbij soli plumbeam normam habentes, pro arbitratu suo flexibilem & subinde mutabilem, ita ad normam structuram suam exigunt, ut interdum, si lapidis natura non facile ad structuram æquabilis peruicerit, normam ad structuram inflectant, & structura normam, non norma structuram accommodent: quò scilicet opus suum consummari possit. Sed clariùs Rhodiginus lib. 7. cap. 22. explicans necessitatem, quam Lesbij habebant hac flexibili norma utendi in suis ædificijs extruendis. Scire oportet, inquit, Lesbios plumbea uti regula, quæ super lapides posita per eorum inæqualitatem flecteretur faciliùs: siquidem adeo duros in illa insula esse lapides memorant, ut ob naturam minimè sequacem scalarum non ferre recipiant. Igitur eius ratione regula inter ædificandum mensa lapidum quoquo modo concepto, iunctura, atque colligatio mutua minus reddebatur impedita, rectiorque surgebat structura. Hæc Rhodiginus.*

Meminit etiam huius normæ Philosophus lib. 5. Moral. Nicom. cap. 14. applicatque ad mores; eos taxans, qui præposterè legibus ad sui commodum abutuntur, & trahunt; atque id efficiunt, ut Lex, quæ morum regula esse debet, non eos ad sui præscriptum formaret, sed ad mores utcumque & placitum hominum, contorqueretur. Id quod postea in prouerbum abiit, ac *Regula Lesbia* diceretur adhibita, quotiescumque à Magistratibus, iniquo iudicio, legis prætexto nomine, prauis mores inducerentur, fieretque, ut non mores legibus aptarentur, sed leges moribus inferirent, seseque quodammodo accommodarent. Et o Vtinani, quæ iam in mensuris materialibus usum amisit, Lesbia Regula, non in Ciuilibus & Politicis etiamnum hodieque adhiberetur, norma que frequenter existat Reipublicæ administrandæ! Profectò non videremus passim iura proficissa, vel enormiter explicata: ut potentibus, diuitibus, ac duræ ceruicis hominibus imposita, eum effectum habeant, quæ plumbea regula in lapidibus; & mollescant, ut aptentur ad eorum prauam viuendi formam; mobili verò plebi, & parere assue-

re rigeant, & nimium durè interpretentur, sicque æquitas in-  
fractiæ conuertatur: quandoquidem *Summum ius, Summa iniuria.*  
sed obiter, ex occasione huius Regulæ Lesbæ.

**LIBELLÆ**, sic dicta; quod ad eam corpora, quæ in plano iacent, 24  
librentur, & exequentur. (alias Canon, Anusium) Instrumentum  
Architectonicum est, constans duabus regulis planis ita dispositis,  
ut duo earum capita simul iuncta, in angulum rectum abeant, duo  
altera diuaticata, triangulum rectangulum efformet, addita ter-  
tia regulâ in medio constituta. Huic filum, è quo plumbum de-  
pendeat, summo vertici affigitur, quod ad perpendicularum cadens  
commonstret, utrum res mensurabilis in perfecto plano horizontali  
sit, an ad alterutram partem inclinet: id quod in trasuersa regula,  
aut quadrante supposito innoscit; si videlicet filum medium qua-  
drantis attingit. Hac igitur Architecti, & Fabri exigunt, & librant  
materiæ adhibendæ iu structuris rectitudinem aut obliquitatem:  
Non aliter, inquit Asconius, quàm in parietibus iam erectis eorum  
declinitas, aut rectitudo dignoscitur per Cathetum. Libellæ vsus  
& commoda aliâs descripsimus in vestibulo huius operis, delineata  
etiâ eius figura, quam hic replicare non erit supernacaneum.



**LIBRA** instrumentum Mechanicum satis notum, ad ponderandas  
res factum; in quo binæ hincinde à trutina lances pendent, in extre- 25  
mis scapi brachijs constitutæ, atque in medio scapo in æquidistan-  
tia axiculus, qui hypomochlij vicem gerit, & sustinetur ab ansula,  
quæ totam machinam ad trutinam regit, ac sustinet; ostenditque  
an pondera sint æqualia, si steterint in æquilibrio; an verò alterum  
sit ponderosius altero, cadens à recta linea deorsum, illo in altera  
lance existente superius eleuato: id quod exactè ostendit lingula  
index in medio scapo supra locum axiculi erecta, & intrâ ansam  
aqua-

æqualiter constituta, neque ad dexteram inclinans neque ad sinistram, antequam pondera lancibus imponantur. Elus rationem fuisse examinat Philosophus in Mechanicis, & reducit ad *Vellem*, ubi eam exhibito schemate trademus. Dicitur etiam communiori vocabulo *Bilanz*, à bipis lancibus quibus constat, & opus suum exequitur. Vide etiam quæ sub hoc Verbo, suo loco diximus.

26

LIBRA quoque in Astronomicis, dicitur Signum Cæleste vnum ex duodecim Zodiaci, Arieti ex diametro oppositum, & in punctis intersectionis Eclipticæ cum Aequatore ambobus constitutis. Sic dictum per analogiam ad Libram superius explicatam; quod Sol ad elus initium perueniens, facit noctes diebus æquales, & veluti constituit in æquilibrio. Quoad qualitatem, est Signum Mobile, calidum & humidum, domicilium Veneris, & exaltatio Saturni, propter quod à nonnullis inter signa violenta computatur. Est tamen signum humanum, & pulchrum, ac dominatur lumbis, renibus atque inferioribus partibus Ventris. At Constellatio Libræ in Octaua Sphæra nunc temporis recessit à suis sedibus, & incipit à gr. 6. Scorpion, ac protenditur vsque ad eiusdem signi gr. 27. concludens stellas octo, secundum Ptolemæum, non computatis in ea alijs circa positis, nouem, quas reliquit Informes. Verum Keplerus, ac Bayerus in formam aptarunt in eodem sidere, relictis nihilominus extrâ formam vagantibus tribus australioribus: Quæ omnes variz sunt naturæ: Ex ijs præcipua quæ in Lance Australi, secundæ magnitudinis, dicta Lucidior, & Regia, est de natura Iouis, & Saturni: proximè accedit in dignitate quæ in medio libramento Lancis Borealis, dicta Lucida Lancis Borealis, & ipsa secundæ magnitudinis, de natura Martis, & Saturni, vti & duæ, quæ sunt iuxta labium lancis; Reliquæ sunt Mercuriales cum participatione Martis. Vnde *Libra Signum*, ait Ptolemæus, *in vniuersum varium est, & mutabile; particulatim verò in primis partibus, & medijs temperatum, postremis aquosum; Boreis, ventosum; Austrinis humidum, & pestilens. Qui illud in Ascendente habebunt (si vlla fides Astrologis) erunt pulchra facie, capillis planis, moribus placidis, æquitatis amatores, & ad scientias, artesque liberales profitendas, idonei.*

27

LILIVM in Architectonico opere est quoddam ornamenti genus addi solitum omnibus structuris promiscuè; at data operâ Columnis, & Epistylijs Ordinis Corinthij: in his, purè & simpliciter ad venustatem augendam; in illis vtcumque ad vicium aliquod aut deformitatem in extruendo contractam, occultandam, & aspectus asperitatem aliquatenus leniendam, & castigandam, errorem cum

fæno-

scenore corrigendo, & in lucrum, & gratiam operis abeunte: eo prorsus pacto, ac si suprà malè scissam sericam vestem, phrygiū opus auro textum velis inducere. Sed Lilia in Architectura vniuersaliora sunt, ac transcendunt per omnes Ordines, in omnibusque operibus promiscuè adhibentur, salua eorum simplicitate, & grauitate. Potissimum autem in Capitulis columnarum apponi solitos à Byzantinis Architectis legimus; & confirmat Auctor Anonimus apud Du-Cange in descriptione magnificentissimi Tempis S. Sophiæ: vbi, pro Capitulis suprà columnas huiusmodi lilia constituta fuisse, & adhuc extare testatur. Eius hæc sunt verba: *Capitella autem quæ erant super capita columnarum, quasi opere lilij, fabricata erant.* Leo etiam Hostiensis in Chronico lib. 3. cap. 28. vbi loquitur de restauratione Ecclesiæ Cassinensis per Desiderium Abbatem, postea Victorem III. Papam, inter alia antiquitatum monumenta, quæ Romæ illum cōadunasse dicit, & Cassinum adportasse ad hunc effectum, Liliorum istorum in specie mentionem facit. Sic enim ait: *Columnas, Bases, ac Lilia, necnon & diuersorum colorum marmora abundantur coëmis &c.* Sed hic Lilia, vt ab alijs operibus contradistincta, & speciali nota considerata, eruditis viris magnum negotium facessunt, ac dubitationem ingerunt, in quo genere fuerint, & ad quem usum adhibita. Abbas de Nuce, Leonis Illustrator, pro Lilijs intelligit Epistylia. *Epistylia*, ait, *vocat Lilia, quod liliorum formam referre solent.* At nil durius, nil à verisimilitudine alienius. Quæ enim Epistylia, quæ per longum suprà columnationes excurrunt veluti fascia, & Corona, lilij formam referre possunt? Aut quomodo Lilia, quæcumque tandem ornamenta sint, certè marmorea, & exsculpa, Epistylia dici possunt; quando in seipsis de longe aut vehiculis, aut nauigijs comportari necesse fuit, & Epistylia econtrà in ipso opere locum habent, & nomen, gerunt enim vicem trabis columnis impositæ, vnde Architrabis denominationem apud nos habent, & consequenter ex structura materiata sunt, aut certè ex pluribus quadratis lapidibus consurgente? Quapropter nomine Liliorum, crediderim potius venisse, aut Capitula in lilij formam exsculpta, eo modo, quo suprà de Bizantinis diximus; eo maxime quod cum basibus sunt columnarum complementa, quas nominatim memorat; aut species vasorum per se stantium, quæ siue è marmore, siue ex ære fusili, effingantur ad modum lilij, vt sunt Candelabra, Stantaria, vreci, scyphi, thuribula &c. quæ ad Ecclesiæ seruitium sunt, & quandoque in opere architectonico adhibentur. Fauct vetus charta Cornutiana ab Suaresio Episcopo Vationensi, nostro heu quondam in litterarijs conferentijs coniunctis-

limo, nuper è tenebris eruta, in qua, nescio de quo dicitur, quod fecit *Cantharos arcus maiores sex, minores duodecim, & lilia arca duo*. & in vita S. Benedicti Abbatis Ananix, scripta ab Addone Monacho, habetur, quòd fecerit *septem candelabra fabrilis arte mirabiliter producta, de quorum stipite procedunt hastilia, sphaerulaque & lilia, calami, ac scyphi*. Ex quo saltem habes, hoc genus ornamentorum fuisse transcendente per omnes artes mechanicas, nec tantum ab Architectonibus, in structuris usurpatum, verum etiam à plasticis, sculptoribus, figulis, & metallorum fusoribus. Hec tamen addubitante dico ex coniecturis; nam nunc temporis huiusmodi lilia inter sacra vasa (quod sciam) in usu non sunt.

28

LIMEN in aedificijs propriè denotat lapidem illum oblongum, qui in imo ostiorum, in primo aditu constituitur inter antas, quemque primo pede calcamus, cum domum ingredimur. *Hypothyrum* cum Græcis appellat Vitruvius, quemadmodum *Hyperthyrum*, qui desuper collocatur suprâ antas, & ostium iugat, & complet. Quamquam, si Architectos excluderis, cæteri Scriptores etiam emunctarioris, pro limine indifferenter intelligunt utrumque ostij transversarium lapidem, tam qui in imo, quam qui in summo est: unde est illud apud Nævium: *Exime limen supernum, quod mihi misero sæpe confregit caput; inferum quoque, ubi ego omnes defregi digitos*. Similiter Plautus in Mercatore antiquo mori obtemperans in ingressu Domus, salutandi limina, *Limen superum*, inquit, *inferumque salve*. Ex quo habes, quòd, quando utrumque, vel alterutrum indicare volebant, utebantur adiecto, vel absolutè dicebant in plurali *Limina*: si verò *limen* solitariè dicerent, intelligebant de imo. Et profectò ipsum nominis etymon, siue à limbo petatum, quod est extremum talaris vestis ad pedes pertingens; siue à limite, quasi sit limes, ac terminus, quo finitur ius, & possessio domus, quæ per pedum impositionem iniebat, appellat præfatum limirarem lapidem accedendum pedibus terendum. Ad quam rem magna erat Gentilium observatio, & cultus liminum, eoquod ea, quemadmodum, & reliquas partes ostij, suis peculiaribus dijs sacratas volebant; adeoque, ut modò dicebamus, in primo ingressu religiosius salutare solebant: id quod notat Tertull. in lib. de Idolatr. *Certi enim, inquit, si quos latet per ignorantiam litteraturæ secularis, etiam Ostiorum Deos apud Romanos, Cardeam à Cardinibus appellatam; Forculum à Foribus; Limentinum à Limine; & ipsum Ianum à Ianua. Quòd fiebat ut nova Nupta ad Sponsum vadens, eius domicilij limen proprijs pedibus calcare, nefas reputaretur: unde illud ingrediens,*

proru-



pronubarum manibus attollebatur, vt testis est Plutarchus in Romulo. Quinimò tantum extitisse religionis, & obseruantia in templorum ingressu apud Ethnicos, memorat Arnobius lib. 1. contra gentes: *ut cum per omnia supplices irent templa; tùm Deorum ante ora prostrati ipsa conuerterent osculis.* Quem ritum retinentes, & sanctius obseruantes, qui ex ijs Christianæ Fidei nomen dabant, ad sacras ædes accedentes, ante earum ingressum, ad limen procumbere, postes exosculari, & preces primas fundere consueuerant. Sic de Romipetis, ac Peregrinis, qui Romam religionis ergò aduentabant, canit bellè Prudentius in hymno S. Laurentij.

*Apostolorum, ac Martyrum*

*Exosculantur Limina.*

Et Fortunatus Presbyter in Vita S. Martini lib. 4. hortatur adeuntem Ecclesiam Rauennaten. D. Apollinari sacram, vt pronus in terram limina vèneretur.

*Rursus Apollinaris pretiosi limina lambe*

*Fusus humi supplex.*

Verum id altius stetit, & etiamnùm obseruatur in Romanis Basilicis, & præcipuè Priucipis Apostolorum; vt qui Romam pietatis causa itarent. *Ad Apostolorum Limina* venisse dicantur. Quj mos antiquissimus fuit, & ab ipsis Imperatoribus, & Regibus practicus, vt fatentur etiam Sectarij Nouatores. Quin, & Episcopis primò quotannis, tùm ex Snnimorum Pontificum indultu, singulis trienijs, aut quinquennijs pro locorum distantia, consuetudine introductum, ac postea sacrorum Canonum præscripto indictum fuit, vt Romam peterent ad præstandum Sedi Apostolicæ obsequium, & Sanctis Apostolis cultum; adeoque dicantur, *venire ad Limina.* Sed quò deflexit sermo? Redeamus ad Institutum.

Igitur *Limina* in opere architectonico significant partes, siuè infernas, siuè supernas Ostiorum: de quibus hæc præcepta tradit Vitruu. lib. 6. cap. vlt. *Inter limina secundum pilas, postes si supponerentur, erunt non vitiosa: Limina enim & trabes structuris cum sint onerata, medio spatio palantes, frangunt sub lysi structuras; cum autem subiecti fuerint, & subcuneati postes, non patiuntur insidere trabes, neque eas ladere.* & alibi, *Superliminare*, vocat limen superius. Hinc

LIMINARE dicitur quidquid ad limen pertinet. Aliquando verò accipitur pro interiore Ecclesiæ recessu, & ipso vestibulo sacræ Aræ, ac præsertim ad confessionem, quæ dicitur S. Petri, scilicet sepulchrum Apostolorum in Basilica Vaticana. vt habetur in Chronico Cassinensi lib. 4. cap. 93. & apud Bibliothecarium in Vita Hadriani Papæ.



Papæ. Quandoque etiam sumitur pro loculamentis simulachorum, ac statuarum, quæ cauari solent in frontibus ædificiorum, & alibi in locis patentibus ad præbendam operi maiestatem. *Nicchias*, Italicè vocamus. Sic in actis S. Thyrsi Mart. cap. 4. dicitur quod *cecidi Apollo de liminari suo, & comminutus est*. Atque iterum cap. 9. *Apollinis, & Veneris simulacra de suis liminaribus acta*.

- 31 LIMENEVRITICA in re nauigatoria, ars est Geographiæ, seu Hydrographiæ subiecta, quæ tradit modum dirigendi nauem recto, vel inflexo tramite, prout ventus permiserit, tunc & quam breuissimè possit ad portum: non à liniæ, vt opinatur Accursius, sed à *Λιμὴν* dictione græca, quæ portum sonat, deriuato vocabulo; nam, vt obseruat Budæus in Pandect. *Rarè antiqui huiusmodi dictionibus vsi sunt, quæ ex latino peregrinoq; idiomate componuntur*. Igitur tota compositio vocis ex græco sumpta est, quippè *νευρίτις* inuentionem significat; & *Limeneucha* dicitur, qui portubus, ac locis maritimis præest. Quod ideo Limeneuritica tradit praxim dirigendi nauem ad portum, sumens à Geographia notitiam plagarum mundi, rationem mensurandi spatia, quæ sunt inter duo loca maritima, vsum pìxidis magneticæ, & alia, quæ ad nauigationem faciunt, & ad portum feliciter appetendum. De qua fusè agit Scottus in *Cursu Mathem.* lib. 13. cap. 1. & seqq.

- 32 LIMES, & LIMITES apud Iuris-Conf. & Gromaticos passim inueniuntur: quibus significantur alicuius Regni, Prouinciæ, Regionis, aut priuatorum agrorum fines, ac termini, alterum ab altero discescentes. Et primò quidem Imperij Romani, iura, ac fines tribus insignibus liminibus concludebantur, qui erant tres famosi, & celebrati amnes. Euphrates, Ister, (nunc Danubius) & Rhænus: vltra quos, quidquid terrarum, & gentium erat, nullum ius cum Romanis, nulla commercia intercedebant, habitatores, vt hostes habiti, & Barbari generali notione, ac propria, dicebantur. Postmodum, apertis commercijs, ad animorum communionem, & pacis custodiam inter Nationes, Regna, ac Territoria diuersorum, communi populorum consensione constituti limites, quos violare nefas foret: atque etiam inter ciues, singulorum possessionibus lege publica limites impositi: de quibus celebris est *Lex agraria*, cuius sæpè mentionem introducit Cicero, præsertim in Orat. contra Rullum: vbi inter alia: *Toties*, inquit, *Legibus agrarijs cursores constituti sunt triumuiui, quinquenuiui, &c.* Et infra addit, *Seruilium Rullum Campani agri iugera dena; Campi stellati, duodena; singulis lege*

lege sua assignasse. Hinc eiusmodi Limitum multa, & diuersa erant genera, vt videre poteris apud Hyginum in lib. *de limit. Agror. Decumani, Cardines, Prorsus, Trauersus, &c.* Sic Decumanus Limes intelligebatur extensus ab Ortu in Occidentem, ac similiter à Meridie ad Septentrionem: Cardo e contra ab Occidente in Orientem. Prorsus à Septentrione in Meridiem. Transuersus verò erat qui à situ Regionum, à quo initium habebat, aut in quem terminabat; vel etiam à Monte, vel Maris plenitie definiebatur. Fiebat autem hæc limitum definitio, & vnus ab altero separatio, per strigas, & Iugera. Quoniam, (vt inquit præfatus Hyginus) quinque Centurias sex limites clauderent: reliqui medij limites Linearij appellabantur. Ad hæc, recole quæ diximus in V. *Assus*; necnon in V. V. *Centuria, & Iugerum*. Porro à Limitibus,

LIMITARII non tam Agri, quàm milites agnominabantur. 33  
Agri quidem, qui situati erant in confinijs alicuius Ditionis, iuxta terminos hostilium locorum, vt habet Vlpianus in l. fin. De Fundis Limitroph. Milites autem Limitarij dicebantur, qui inibi ad Custodiam, & Stationem manebant, seu deputati erant, vt sedulo inuigilarent, & prompti inuenirentur ad repentinas hostium incursiones, atque insultus. Cæterum Limitum notio transcendit etiam ad angustos calles, seu arctiores vias, & semitas, quæ intra eiusdem agri, aut priuati alicuius possessionem, relinquebantur ad liberam transmeationem itinerantium, etiam exterorum. Vnde Festus: *Limites*, inquit, *in agris, modò termini, modò via transuersæ dicuntur*. Sed de hac lege, & quantum in ijs concessum erat, alibi ex Alexandro ab Alexandro tradidimus.

LIMBVS genericè dicitur in vnaquaque re extrema pars, quæ illam finit, & circumambit: vnde & in Inferno, è tribus receptaculis, quæ illum complent, & est cæteris amplior, & superior, in qua SS. Patrum Animæ, quæ ex hac vita antè completam à Christo Redemptionem, migrabant, loco depositi derinebantur; & vbi nunc, secundum aliquos, pueri absque salutari lauacro emorientes, moram suam trahunt, solam poenam damni luentes; Limbus communiter appellatur: & in artefactis vltimum finimentum circumquaque productum, quod in veste talari mulierum, & in virorum toga, & in nobilium adolescentium prætexa, simbria aliàs dicitur, Limbi etiam nomine venit. A Mathematicis verò; & Mechanicis vnice usurpatur pro extremo labio, cuiusuis instrumenti Mathematici ad mensuras geometricas facti, quod in partes diuisum æquè respondet centro, 34

centro, ut in Quadrante, Planisphaeris, & similibus; in quibus descripti sunt gradus Aequatoris, horarum distributiones, vel etiam ventorum nomina; suis plagis vnde exsufflant; respondentia, &c. uti videre est in Rosa Nautica à nobis in eorum generali commemoratione exposita; in Planisphaerio exactè delineato sub V. Horoscopus Lunaris, pag. 341. & alibi sæpè. Huius igitur Limbi adminiculo, quod est totius instrumenti director, per respondentiani ad centrum, omnes ferè geometricas operationes complemus; ac præcipuè locorum distantias, & stellarum altitudines demeritur. Ad quam rem operam suam etiam præstat

- 35 LINDA, seu *Linea dicta Fiducia*, quæ est regula in medio instrumenti constituta, ac tereti clauo per centrum transeunti innixa, quæ per lineam rectam respondet, & est volubilis ad singulas partes Limbi, designans lineam rectam, quæ à centro porrigitur, ac terminat ad rem quam dimetiri, vel observare intendimus, collocato oculo in altero extremo ipsius regulæ, ubi constituta sunt pinacidia, per quæ transiens radius visualis, rectà fertur in obiectum visibile, quod observare volumus, Alio nomine Dioptra, Alhidada, Mediclinium.

- 36 LINEA ab Geometris cum Euclide Primo Elementorum, definitur, quod sit longitudo omnis latitudinis experta; quam ut imaginemur, proponunt nobis, ut concipiamus punctum à loco in locum moveri: vnde est quod alijs dixerint, Lineam aliud planè non esse, quam puncti fluxum. Hinc Lineæ termini sunt duo puncta, quibus concluditur, & terminatur: non quòd necessariò omnis Linea terminos habeat, cum Circularis in se redeat, ac terminis careat, uti & recta in infinitum protensa, saltem mente concepta; sed quòd quælibet lineæ determinata, punctis in extremitatibus finiatur, aut etiam in eius in partes diuisione, puncta duo sunt termini, vnam partem ab alijs determinantes. Porro Linearum multæ sunt differentię: aliæ rectæ, aliæ curvæ, aliæ simpliciter flexæ. Item aliæ Asymptotæ; aliæ parallele &c. de quibus singulis suo loco. In Opticis etiam consideratur Linea plani, linea horizontalis, & linea distantie; quarum officium explicuimus in V. Horizon. Similiter

- 37 *Linea Incidentia* est radius à Corpore luminoso emanans, ac terminans in alicuius superficiæ determinatum punctum, quod etiam dicitur Punctum incidentiæ, & idem etiam est punctum reflexionis. Huius naturam nosse, plurimum prodest Astronomis ad colligendam magnitudinem, ac durationem Eclipsium, ad radiorum solari um,

refle-

reflexionem, necnon Pictoribus, & Architectis, ad lumina tabulis, atque ædificijs impertienda. De qua re alibi fusè. Hinc

**LINEAMENTA**, & *Lineationes*, Vocabula sunt frequentia in, 38  
*Orde* Geometrarum, Opticorum, Architectorum, atque Pictorum: verumtamen non à singulis vsurpantur in vno, eodemque sensu, sed quibusque ad res suas significandas aptato. Et quidem in Geometria, *Lineamenta* nil aliud sunt, quam simplices linearum perductiones ad quantitatem aliquam dimetiendam. In Architectura denotant ratam partium distributionem, atque electionem situs idonei ad ponendum aliquod ædificium; itaut per linearum ductum, & respondentiam, tota sibi moles cohereat, & tùm partium internarum concursus in angulis, tùm deforis gratus ac magnificus exhibeatur oculis frontis aspectus: vt eruditè demonstrat Bapt. Albertus initio sui Operis de Re Aedificatoria. Tandem Optica tota est in contemplatione linearum visualium, quæ recto tramite perducuntur ad obiectum, seu species, quæ ab obiecto per lineas rectas transmittuntur ad visum. Pictura quoque quæ Opticæ pedissequa est, & efficitrix, à lineamentis incipit, & per lineationes completur: vnde *Linearis* absolute agnomen sortita est, quæ nullis colorum adinueniculis vititur, sed solum lineis superinductis, nunc rectis, nunc flexis, nunc mixtis, sibique miro ordine coherentibus, umbras luminibus temperat, & rei ad viuum similitudinem exprimit. Quin etiam quæ dicitur *Colorata*, à lineamentis initium sumit, supra quæ postea colores ducit, ac lineis ceù quibusdam terminis clauditur: *Contornos* nostri appellant, & Vitruuius, *Graphidos*; cuius peritiam probè calere Architectum, necessarium ducit; *Quod*, inquit, *facilius exemplaribus pictis, quam velit operis speciem, deformare valeat*. Hinc *delineare*, commune est, & promiscuum Architectorum, ac Pictorum verbum; hoc est primos rei figurandæ tractus ducere, ac rudem eius formam lineamentis exprimere.

**LINGVA** in Geographicis audit certus terræ continentis tractus 39  
in longum protensus & angustus, in mare excurrens, eoque hinc inde obitus: sic dictus ab similitudine exsertæ lingue animantium, & solum faucibus illigatæ. Differt à Promontorio, & Peninsula, quod hæc licet in mare excurrant, tamen ampliora sunt, & forma, situatione, & recessibus, longè diuersa. Etenim Peninsula appellat magnam aliquam terræ portionem in mare projectam, siue ea montuosa sit, siue plana, siue etiam mixta: quæ tamen penè circumquaque alluatur aquis, nisi quod breui Istmo. Continenti coniungitur;

& inde fit, vt absolutè Insula dici non possit; tamèn penè Insula, quod in reliquis teneat Insulæ proprietates. Promontorium autem; vt nomen indicat, propriè Montem, seu Montium setiem significat, præaltis rupibus, & varijs recessibus in mare se extendentem, proindeque Nautis infaustum, fluctuum, & ventorum reciprocatione, & collisione semper infestum, vt in loco dicemus. At lingua modica, plana, æqualiter extensa, & vt plurimum amœna est: vnde Festus: *Lingua est, inquit, promontoriij genus, sed molliter in planum denexi.* Quod ideo aëris ingi temperie, soli stabilitate, libera ventorum euagatione, & iucundo prospectu, tutam habitantibus dat mansionem; atque pagos, villas, & domos inibi extuendi; non commoditatem modò, sed & ardens incitamentum: vti factum videmus alicubi, præsertim in Ora Meridionali Galliæ, & Hispaniæ; necnon in Mari Adriatico, hinc indè ad terminos Italiæ ac Dalmatiæ; ibi enim lata planitiæ apicatur solum, campi aquis circumfluentibus humectantur ad fecunditatem; facilis est transitus, & accessus ad amicas regiones; & commercia frequentanda: atque econtrà hostilium inuasio difficilis, ob maris inconstantiam, & æstus reciprocationes. Id quod notauit Cæsar lib. 3. de bello Gall. in Normandiæ ora, ad quam inuadendam, iusserat suam classem applicari. Erant, ait, eiusmodi ferè situs oppidorum, vt posita in extremis linguis, promontorijsque, neque pedibus aditum haberent, cum ex alto se æstus incitauisset; quod hic semper accidit horarum duodecim spatio, neque nauibus; quòd rursus minnente æstu, naues in vadis afflictae ventur; ita utraq; re, oppugnatio impediebatur. Verùm vti tuta sunt ab hostibus loca in eiusmodi linguis situata; ita incolis sæpè sunt incommoda, & periculis plena; eoquod inundationibus ex alto pelago patènt, & sint subiecta: adeò vt integrè vrbes fluctibus absorbentur, quemadmodum in Hollandia potissimum, ob soli depressionem, non semel accidisse legimus in Historijs. Sed huic malo, excitationis in loco præaltis aggeribus, quos *Diecos* vocant, solent occurrere.

LINGVLA, aliquando pro breui terre lingua supponit in mare proiecta, ( vt modò dictum est ) : Sed in Mechanicis principaliter accipitur pro illa vectis parte, quæ immediatè oneri submittitur ad illud sursum leuandam, quæque in omnibus alijs instrumentis, & organis inuenitur, quæ vectis naturam participant: qua ratione, lingulati vectes denominantur. Nos *Linguellam* vocamus. Vnde Vitruu. lib. 10. cap. 8. vectis vsum tradens, sic loquitur. *Si sub onus vectis ferret, lingula subiecta fuerit, neque caput eius pressione in imum,*

sed



sed aduersus in altitudinem extollatur, lingula sulca in arca sola habebit eam pro onere. Et post pauca; Igitur, subdit, si plius lingula vestis supra hypomechion posita sub onus subierit, & caput eius propius centrum pressiones habuerit, non poterit onus eleuare, nisi examinatio vestis longius per caput, neque iuxta onus fuerit facta.

Est etiam Lingula in machinis hydraulicis, atque in instrumentis pensitantibus, pars illa, quam Græci Canon dicunt, Latini verò Examen, ac Trutinam, estque in inferiori tympano, sed medio scapo infixæ, seseque foras exerit ad horarum, vel præponderantis oneris indicium, quæque in Libra, ac statera medio puncto ansæ responderet, quando sit æquamentum ponderum, & æquilibrium. De vtraque idem Vitruu. præcipue verò in descriptione machinæ Hydraulicæ lib.9. cap.9. vbi hæc habet. Maioris autem tympani labrum aquis interuallis 365. puncta habeat signata, minor verò orbiculus in extrema circinatione fixam habeat lingulam, cuius cacumen dirigat ad punctorum regiones. Nam quod alias lingulas tubulis aquæductuum tribuat, & lingulatos illos fieri velit, ut alius in alium inire possit, extrâ propositum est, & probare omnino non possum: quæ enim pars, aut proportio lingulæ hætenus ad rem, & ad etymologiam nominis explicatæ, cum tubis, alijs in alios immittis, & illigatis, quam rem nos rectius, & significantius dicimus *le Imboccature*? Quare potius crediderim, mendum irrepsisse hic in Vitruuiano codice, & lingulatos addita litterula positum pro *ligulatis*: ligulati autem tubi oprime quadrant rei significatæ, quod simul illigantur, minime verò, lingulati, quasi lingulis nexi, quæ non faciunt ad rem: Ligulæ quippè à ligando dicta, cum lingula sit linguæ diminutiuum. Scio equidem magnam esse inter Grammaticos controuersiam, nùm lingula & ligula, vnum & idem verbum sit, & idem significet, (ut vult Priscianus, ligulam per sincopam dici) an verò duo toto Cælo diuersa, aliud ab alio significantia; sed Martialis. Poeta litem dirimit, ac deridet, ipsam lingulam introducens sic loquentem, de ligulis calceamentorum agens.

*Quamuis me ligulam dicant, Equitesque, Ducesque.*

*Dicor ab indoctis Ligula Grammaticis.*

Stet igitur Ligula pro solis illigamentis, Lingula pro indiculo, & examinae. Hæc obiter in gratiam studiosorum purioris sermonis, sine dicta.

LINVM in Constellatione Piscium, dicitur ab Astronomis nodus, & illigamentum vtrunque velutinectens; comprehenditque stellas aliquas minores axas, quæ inter maiores ipsos representan-

tes interponuntur; quas veluti procurentem fasciam, & linum effinxere. Habent enim & istæ considerationem suam, & naturam, diuersam ab ijs, quæ sunt in ipsis Piscibus, nec ab re, speciali, ac tali nomine insignitæ, vt nos suo loco adnotauimus.

**43** LITHOBATOS Græcè appellat genericè quoduis instrumentum bellicum ad iaciendos lapides factum, quales sunt Catapulta, Ballista, Biblia Petraria &c. de quibus singulatim diximus suo loco. Nostrum ad hoc, speciale tormentum habent ad modum colubrinæ, sed ampliore aluo, & decurtata longitudine ad finem recipiendi in se plurima saxa, eaque propius emittenda; quod ideò vulgò dicunt; *Pietrera*.

**44** LITHOSTOTOS dicitur græcè pauimentum ex lapide quadrato, & versicolore, artificiosè compactum, quod referat grauem, aliquam figuram, vt plurimum ex Geometricis; vtputa quadratam, pentagonam, exagonam, &c. vel circularem; quale videmus passim in Basilicis, atque ædificijs nobilioribus: sic dictum, quasi Lapide stratum. Eiusmodi creditur fuisse locus in quem ascendisse Pilatum, testatur Sacer Textus Io. 19. laturus sententiam mortis in Redemptorem nostrum Dominum Iesum Christum. *Sedie pro Tribunali in loco qui dicitur Lithostotos, Hebraicè autem Gabatha.* Vbi Cornelius à Lapide: *Lithostotos*, inquit, idest lapide stratus: *Gabatha*, idest altus, quia erat in sublimi, vti solent esse Tribunalia, vt iudex à circumfusa multitudine videri, & audiri possit. Vtramque autem loci circumstantiam sacro Euangelistæ conueniens visum est indicasse, vt pauimentum stratum lapide, faceret ad dignitatem, altitudo ad ostentationem.

**45** LITVVS instrumentum bellicum non vulnera inferens, sed ad inferendum inflammans, ad classicum excitans bellatores, de quo Lucanus: *Stridor lituum clangorque tubarum.* Vnde diuersum sonum, & formam habet à tuba, diuersumque effectum in animis parit. Sed vide quæ diximus in V. *Buccina*.

**46** LOCI GEOMETRICI apud Mathématicos celeberrimi sunt, & frequentius vsurpati: habent enim se, veluti bases, & fundamenta, supra quæ omnes ferè geometricæ operationes construunt, ac demonstrantur. Pappus in Collect. Mathem. lib. 7. sic eos describit: *Propria quidem est materia post communium elementorum constitutionem ijs parata, qui in geometricis sibi comparare volunt vim, & facultatem.*

utilitatem inveniendi problemata, quæ ipsi proponuntur: atque huius tantummodò utilitatis gratia inuenta est Græcis αὐτομῆς. hoc est resolutus. Porro hi loci propemodum infiniti sunt in seipsis; sed quia Geometria tota versatur circa considerationem trium specie quantitarum, Lineæ videlicet, superficiei, & solidi; ideò ad tria, omnia reducuntur locorum capita. Planorum, Solidorum, ac Linearium. Loci plani sunt, qui circa superficies feruntur: solidi, qui circa solida, in quibus præcipuè veniunt Sectiones Conicæ; & Lineares quicumque simplices lineas spectant: dixi simplices, nam quæ in rectum aliquam figuram complent, aut circulares, & curvas, uti sunt prædictæ sectiones conicæ; nequaquam sub linearibus comprehenduntur, sed ad duas priores species attinent. Præterea Locorum istorum, alij in seipsis totum consistunt: ut si dicas, Puncti locum esse punctum; Lineæ lineam; Superficiei superficiem; & Solidi solidum, non vitrà progrediendo. Alij tendunt in aliud, ut puncti locum facias esse lineam; Lineæ superficiem, & superficiei solidum: supra quos postea statuas constructiones. Hæc tetigisse pro nostro instituto sat est: Cæterum exempla, & demonstrationes apud citatum Pappum reperiēs.

• LONGITVDO apud Astronomos attenditur in Zodiaco, nedum per extensionem Eclipticæ à primo gradu Arietis vsque ad extremum Piscium; sed & in latum in diuisione signorum, per circulos magnos transcentes per singulos tricenos cuiusque gradus, ac polos ipsius Eclipticæ: quo fit ut tota intercapedo inter vnum, & alium arcum diuisionis extensos à Polo ad polum, & transeuntes per tricenos gradus Eclipticæ, dicatur longitudo sideris existentis in eo signo, & gradu, quæ respondent signo, & gradui Eclipticæ recurrenti: itaut arcus Eclipticæ interceptus inter primum punctum Eclipticæ, & circulum illum maximum, qui transit per centrum stellæ, & polos mundi, sit quantitas longitudinis ipsius stellæ: & quæ magis distiterit à dicto puncto, vel circulo diuisionis Arietis à Piscibus, maiore longitudine prædita dicenda sit, & consistere in eo signo, quod successiuè consequitur in diuisione Zodiaci. Vide ipsius longitudinis schema in partes duodecim per longum, & latum per arcus punctatos tributum, & singulis diuisionibus spatium, quod occupant singula signa, per ipsorum characteres prænotatum in figura, quam exposuimus in V. Horoscopus Lunaris.

LONGITVDO GEOGRAPHICA est arcus æquatoris interceptus inter Meridianum alicuius Ciuitatis, vel loci, ac primum, constitutum in Occidente, non proculab Insulis Fortunatis. Vnde maior,

maior, aut minor distantia in latum, vnius loci à puncto Occidentis, & Primæ Meridiano; est eius longitudo geographica; ac differentia longitudinis inter vnū locum, & alium, est spatium intermedium inter vtriusque Meridianos, quæ à numero graduum interceptorum auspicatur. Singuli autem gradus æquatoris, in terris inferunt distantiam 60. miliariorum Italicorum; quamquam in locis, quæ ab Aequatore deflectunt ad Polos, singulis gradibus (quoniam semper magis, ac magis angustatur spatium, quod singuli gradus comprehendunt, quò magis accedunt ad polum) minor distantia in miliarijs, seu mensuris itinerum per rectum, respondet. Nunc autem ex differentia longitudinis, qua vnus locus superat alium, apparet, quis alio sit occidentalis, & consequenter vbi solocius, vel tardius oriatur, meridiem faciat, & ad occasum vergens noctem inducat. Sed de vero loco Occidentis, & primi Meridiani; vide quæ diximus in V. *Azorum Insula*.

- 49 Porro Veteres Geographi cum Ptolemeo, Longitudinem hanc Geographicam, intra spatium centum, & octoginta tantum æquinoctialium graduum concluderunt: atque adeò sub ea omnium locorum ab se hæcenus cognitorum longitudines metiri sunt, ab Occidente Orientem versùs; existimantes, omnem longitudinem terræ habitabilis optimè sub tanta amplitudine comprehendì. At Recentiores post detectam Americam, & Nouum Orbem, alios centum, sexaginta gradus longitudinis in diuersa plaga admittere compulsi sunt, qui ab Oriente in Occidentem protenderentur, vt his subiectas regiones, earumque distantias dimetiri possent, atque inde nouum Catalogum longitudinum omnium, & singulorum locorum, & Ciuitatum, quæ hoc tempore incoluntur, & ætè peragragantur, edidere: ita ut iam tota longitudo terræ habitabilis, & cognita, definita sit in gradibus 340. & solus ad compleendum integrum circuitum, deficiat spatium graduum 20. sub quibus iacet terra Australis incognita, quæ nescitur hæcenus, an sit habitabilis, & ab hominibus culta.

60 Caterum in hac partitione, & respondentia recti itineris in miliarijs, gradibus Aequatoris; euidenter patet, quantus sit ambitus terreni globi; in qua re definienda, Veteres tantoperè desudarunt, atque in varias sententias valde disparatas abiire, vt videre est apud Clauium in Sphæram 10: de Sacrobosco; vbi omnium tam Veterum, quam Recentiorum opiniones censet: sed tota varietas, & discrepantia est in determinando numero miliariorum, qui respondeat singulis gradibus Circuli maximi, qui tam in Aequatore, quam in Ecliptica, quam in Coluris computati, semper æquales sunt, & æquale

æquale spatium in Cælestibus occupant. Quod ideo tribuendo semper & constantissime, vni gradui æquatoris, siue alterius circuli maximi per directum extensi, spatium itineris sexaginta miliariorum, seu quindecim Leucarum Germanicarum (vbi Recentiores Geographi tradunt, & suis nauigationibus per directum institutis plurimis experimentis comprobauere; iam manifestum est, globum terraqueum vsquequaque per directum consideratum continere miliaria nostra 21600. Adeo vt, certo certius sit, quod ex Mathematicorum consensione refert Tullius 1. Tuscul. Terram nempe respectu Cælestium Orbium, esse veluti Punctum. Id quod confirmant Plinius, & Seneca, non satis exaggerantes humanam auiditatem, atque ambitionem in puncto, & de puncto minus tumultuantium, & eruenta bella gerentium.

LORICA tam in bellicis, quam in ciuilibus Architecturæ operibus, frequentissime nominatur; & multiplices habet significationes: omnes tamen in hoc conueniunt, vt denotent aliquod fulcrum ad continendum, aut tegimen ad muniendum. Et primo quidem (vnde originem, ac denominationem traxit) ad pectoris armaturam contra hostiles ictus, contractum nomen fuit: & quia hæc est lorica, seu crudis animantium corijs, vt plurimum formabatur; Lorica dicta est. Vnde Varro lib. 4. de ling. lat. *Lorica*, ait, à *loris*, quod de corio crudo pectoralia faciebant; postea succederunt Galli è ferro, sub id vocabulum, ex annulis ferream tunicam. Hanc belle describit Liuius lib. 31. *Forma erat, inquit, scuti; summum latus, quod pectus, atque humeri teguntur, fastigia aequali ad iunum cuneatior, mobilitatis causa.* Eandem, sed contraria ratione, à pectore seu thorace, qui ea muniebatur, Thorax, siue Thoracium à Græcis appellata fuit. A munimento postea corporis, ad vallum, & sepimentum castrorum, domorum, & urbium transiit; & eo nomine venit quidquid ad tutelam, & arcendum aditum, locum aliquem claudit, & cingit: frequentius tamen vsurpatur in bellicis. Sic Tacitus de Popp. Sabino: *Obsidiam caput per presidia; qua opportune iam muniebat: dein fossam loricaque contextens, quatuor millia passuum ambitu complexus est.* Et si ea quidem fixa sit circum castra, aut locum munitionum, Agger communiter dicitur; nostris *Trincea*, complectens etiam castra, & propugnacula statim in locis extructa: si verò mobilis, hæc, illæque asportanda, prout opus requirit, ad protegendos milites muris approximantes, aut pugnae adorientes, varijs nominibus insignitur, desumptis à materia, ex qua compaginatur. Vt plurimum autem plures sunt, quæ simul vixi, ac separari possunt, quæ sunt è vimi-

viminibus contextis ad modum corbis, aut cratis, superinducta, humo, tam ad celeritatem, & leuitatem; tùm, vt incidentia in eas aduersariorum missilia, & tormentorum pilæ, molitudine inpetum perdant, & innocuæ reddantur. Et hæc, nostris temporibus, maxime in usu sunt, quas *Gabbiones*, & *Gallerias* vocamus. Sed & antiquis non erant ignotæ, nec prætermisere, vt videre est apud Cæsarem lib. 1. de bello Gall. vbi ait. *Turres contabulantur, pinna, loricaque ex cratibus attexuntur*, & De bello ciuili lib. 2. *Quidquid est contignatum cratibus conseruitur, cratesque luto integuntur*. In mœnibus etiam stabilibus, ea pars quæ in directum tendit, & inter duo propugnacula intercipitur paulò recessior, signatè Lorica dicitur, nostris vulgò *Cortina*. Similiter quæ supra torum perpendiculariter erigitur sub qua milites præfidiarij consistunt, discurrent, & hostem identidem telis infestant, *Loricula* nuncupatur: Nostrates ab officio, *Parapetum* dicunt.

51

In Architectura quoque ciuili, non absimili ratione, fulcrum, seu reclinatorium materiæ in menianis, aut editis domorum positum pro commoditate propius accedentium ad prospectum, Loricula dicitur, vt ex D. Hieronymo lib. 1. contra Pelagianos colligit Philander *Loriculam vertente pro muro*, qui in circuitu tectorum fit, ne quis in præceps labatur. Id genus nostri expressiore vocabulo *Appoggi*, *Ripari*, *Sostegni*, appellare solent. Sed absolute in opere architectonico Lorica significat proieccturas illas, & semifastigia, quæ ad modum excurrentis coronieis, summis parietibus adijci solent, ne stillidijs corrumpantur. Sic Vitruu. lib. 2. cap. 8. rationem reddens huiusmodi additamenti parietibus facti. *Cum enim*, inquit, *in tecto tegula fuerint fractæ, aut à ventis deiectæ, quæ possit ex imbris aqua perpluere; non patietur lorica testacea lædi laterem, sed proiecctura coronarum rejiciet extrà perpendiculum stillas*, & ea ratione seruauerit integras lateritiorum parietum structuras. Alias lib. 7. cap. 1. Lorica m. accipit pro extimo, & supremo tectorio, quod inducitur pavimentis. *Super fricaturam incernatur marmor*, & *suprà lorica ex calce, & arena inducantur*. Omnia demùm in id recidunt, vt Lorica vniuersaliter deferuiat ad aliquod integumentum, ne res quæ sub ea latet, vlla ratione lædatur, sed facta tecta consistat, vnde etiam loricare, parietes Varro dixit lib. 1. cap. 57. de Re rustica, eis crustam inducere.

52

LOXODROMICA in re Nauigatoria est ars, seu facultas dirigendi Nauem flexuoso, & ancipiti cursu, non quò tendit finaliter, sed quò eam impellit inconstans, & contrarius ventus, illi obsecundando



do potius quam contranitando, donec mitius adspiret, aut tandem remittat: à græca notione, quæ obliquum, ac tortuosum sonat, sumpto cognomine. Quando igitur contrarius ventus fiat, oportet expertum, & peritum Nauclerum, ventis ita obtemperare, vt tamen in pericula non impingat, ac propterea clauum dirigere in incertum, flexuosam & vt vocant, helicoidem viam instituendo, quò scopulos, & syrtis declinet, & tamen aliquid recti itineris adipiscatur. Ita Scottus in Cursu Mathem. lib. 13. Qui proinde ex eo acutè colligit, quod si ventorum couflictus obstinate duraret, fieret vt Nauis aliquando compelleretur vniuersam propè tellurem, infinitis propemodum gyris, & flexibus circumambire, & nunquam in se recurrere aut polos attingere: omnes enim huiusmodi lineæ in superficie, maris descriptæ, quantumcumque extensæ, ac tortuosæ, meridianos omnes per quos excurrerent, ad æquales angulos secarent, atque adeò, etiamsi in infinitum multiplicarentur, nunquam in se recurrerent, aut ad polos mundi peruenirent; alioquin si per hypothese-  
m daretur, vt ad eos tandem perueniant, aut ad se recurrant, iam non haberent, meridianos omnes secare ad æquales angulos, quod proprium est helicoidis lineæ, atque institutæ viæ. Quapropter Loxodromica sic definiri potest. *Est Linea spiralis, & tortuosa, quam Nauis, magnetem sui itineris directorem sequens, ventorumque vi-  
huc, illucque discurrens, describit; habens de sui natura omnes meridia-  
nos secare ad æquales angulos.* Plura apud præfatum Scottum.

LVMEN est effectus viuificus Lucis, & potissima dos Cælestium 53  
Corporum, quod à luce in se recepta remittunt, & suis cuiusque varijs qualitatibus imbutum superfoecant, atque in inferioribus hisce, eo voluti instrumento, & vehiculo, vtuntur ad influendum, miroque istos & varios, quos videmus, effectus educendos sese determinant. Neque enim est, cur fingere debeamus in Cælis occultas qualitates ad diuersimodè operandum, quando manifesta est luminis efficiencia, & actiuitas, qua se in omne corpus infundit, viuificat, conferuat, fecundat, estque veluti fundamentum, & basis totius naturæ tum Cælestis, tum elementaris, supra quod suas molitiones ineunt, ac stabiliunt: vt cum Auerroë, plurimisque antiquis Philosophis pro certo habent, & firmant, Georgius Agricola, Franciscus Piccolonineus, noster Aræsius, Petrus Io: Faber, alijque doctissimi Recentiores. Porro Luminis omnis fons, & origo est Sol, qui illud primum cæteris sideribus sœnerat, hæc dein reliquis corporibus, elementis, ac mixtis impertiunt, ac pro qualitate subiecti in quod recipitur, ex intensiōe, & extensiōe lucis communicatæ, hæc varietas.

temperamenti, & colorum profilit, quæ verè in ipsis est: vnde Saturnus frigida, & sicca natura est, & coloris plumbei: Iupiter temperatè calidus, & humidus, & colore cæruleo: Mars colore igneus & candens, adeoque in excessum siccus, & calidus; Sol, vt dixi, primus luminum dispensator, & parens, moderatè calidus, colore aureus, fotor, & vita animantium, & caloris innati: Venus coloris crocei, aspectus blandi, ac naturæ calidæ, & humidæ: Mercurius inconstans, & varius pro qualitate radiorum, quos ab alijs luminibus recipit, colore cæsius, & scintillans, sed qualitate ob Solis vicinitatem, sæpè adustus, & siccus: Luna tandem coloris argentei, & albicantis; naturâ humidissima, & in viuentibus humidi radicalis dispensatrix, & auctrix. Atque hæc omnia ex luminis intensione, & extensione, ac diuersa participatione premanant, quæ tantam colorum diuersitatem generant, & in concreto hoc variam virium in agendo præpollentium, aut remissionem adipiscuntur.

54 An autem Lumen Astrorum agat in hæc inferiora secundum suam intensiorem, & extensionem veram, vel apparentem, controuersia est magna inter Philosophos. At enim, si non ratione, saltem experientia, & ab effectibus ipsis, qui ex eius cõmunicatione resultant, concludere debemus, sidera operari in hæc sublunaria, secundum illum gradum intensiõis, & extensionem lucis, non quibus ipsa intrinsecus pollent, sed quibus attingunt corpora passibilia; quæ videmus, eò magis aut minus, in se recipere siderum impressiones, quò magis aut minus ab illis participant luminis, aut ipsis approximant, vel longè sunt. Sic cum Luna silet, seu Soli coniuncta est, scimus tum maxime illustrari in se, & intensius lumen recipere; & nihilominus clarissime apparet veluti torpens, ac viribus destituta, minus valere in hæc inferiora, quàm cum à Sole elongatur, & vadit ad oppositionem; quia, etsi luminis intensiorem sensim semper in se imminuat, & deperdat, tamen quoad nos lumine crescit, illudque extensiuè communicat. Id ipsum experimur in Eclipsibus, quæ minime afficiunt ea loca, in quibus nullatenus conspiciuntur. Tandem videmus in nonis Phænomenis, quæ non agunt nisi in eas prouincias, & regiones, in quibus apparent. Cæterum hæc lucis maior, aut minor intensio & extensio, causa est omnium primarum qualitatum, quæ in sublunaribus discernuntur, ac diuersimodè copulantur: & ab intensiõne quidem simpliciter prodeunt qualitates actiue, ab extensione passiuæ; itaut ex accessu, & recessu siderum à corpore passo, sequatur in hoc maior aut minor participatio qualitatum; & ex accretione luminis in intensiõne, oriatur præcisè augmentum caloris; vti ex diminutione absolutè frigiditas: & econtrà ex

maio-

maiore extensione lucis, quoad nos, fit accretio humiditatis, quemadmodum siccitas ex contractione, & pusillitate. Hinc quatuor illæ coniugationes qualitarum in sideribus, quæ consistunt in augmento, vel decremento luminis, & in longe, vel propè esse; ex quibus emanant diuersa temperamenta, & vniuersaliter quatuor anni tempora, ac nixtorum ex diuersa elementorum coitione, innumeræ diuersitates. Quinimò Philosophus 2. de Generat. textu § 1. huic vni Cælestium luminum commixtioni, ac vicissitudini intensiōis & extensionis, causam ortus, & interitus animantium acceptam, habet. Sed hic Philosophicè magis, quam Mathematicè disseruimus. Redeamus ad nostra.

LVMINA in opere architectonico dicuntur apertiones ostiorum, & fenestrarum ad excipiendum, ac deriuandum Cæli lumen ad interiora Domus, quò omnia commodè illustrentur. Id quod magnæ arte, & summo iudicio architectandum est; vt pluribus in locis tradit Vitruu. præsertim lib. 6. cap. 9. Siquidem magni interest ad inhabitantium salutem, & rerum quæ inibi asseruantur incorruptionem, aut perniciem, qua parte aperiantur: alius enim est prospectus, & aer exceptus à Septentrione, alius ab Austro, alius ab Oriente, alius ab Occidente: quapropter eæ conformandæ sunt, & situandæ ad rationem loci, & rerum, ad quas asseruandas dispertitæ cellæ deputatæ sunt, & ad hoc vnum factæ: itaut si ad frumenta, & fructus conseruandos vnice destinata conclauia sint, ea sublimata, & ad Septentrionem spectantia disponantur: si sit cella viuaria, item ab Aquilone accipienda sunt lumina, verum pauciora, arctiora ex edito, locusque amplius, & in imo sit; quoniam in frigidis vinum generosius fit, & econtrà in calidis euadit debile, & euandum: si sit olearea, respicere debet ad Austrum, atque à meridie, calidisque regionibus lumen recipere, quoniam oleum tepore caloris fit melior, & magis extenuatur, &c. In ordine ad habitationem quoque lumina expendenda, ac ministranda qua parte aer innoxius, purus, liber, & pro temporum ratione, & aspectuum qualitate, tepens aut frigidus excipiator, atque in hanc rem apertiones aut dilatandæ, aut contrahendæ. Nam, vt bene notat Leo Albertus lib. 1. cap. 12. *Quæ salubres spectabunt auras multò adaperitas quonuersus licebit facere, & eas quidem iunabit ita aperire, vt incolarum corpora appellens flatus ambiat; Quæ autem non vsquequaque saluberrimis ventorum plagis obiectæ erunt fenestra, ita ponentur, vt lumina excipiant non pauciora quam conueniat, sed nec etiam plura, quam quibus possit carere: & ponentur illæ quidem in sublimi, quò ventos obiectus pa-*

*ries intercipiat, quibus aër reficiatur, sed erunt infracti, atque perinde non omninò non sani. Hæc Albertus, quoad necessitatem excipientium luminum.*

- 56 Sed illud etiam aduertendum, vt lumina aperiantur ea parte, & situ, quo nihil obstat, aut intercipiatur ita vt impediatur diffusionem lucis saltem secundariæ in ædes, deriuatam ab externo aëre circumfuso. Ad quam rem benè prouidet Vitruu. loc. suprâ cit. dicens: *Ex qua parte lumen oporteat sumere, linea tendatur ab altitudine parietis, qui videtur obflare, ad eum locum cui lumen oporteat immittere: & si ab ea linea in altitudinem cum prospiciatur, poterit spatium puri Cæli amplum videri; in eo loco lumen erit sine impeditione. Sin autem officient trabes, seu limina, aut contiguationes, de superioribus partibus aperiantur, & ita immittatur. Tota itaque ratio dispartientium ritè luminum, consistit, vt quàm fieri possit, liber Cæli prospectus habeatur, nec aër infestus, ventorum inclementia, aut solares radij, præsertim in æstate, locum nimis excalefaciant, vel quoquomodo talem corporibus inferant, & corrumpant.*

- 57 LUMINA etiam à Picturæ Professoribus, necnon ex parte à Statuarijs, appellari solent situs, & loca seu realia, seu ficta, vnde emititur, aut emitti repræsentatur lumen in opus, per quod hoc vniuersim sed non æquis portionibus illustratur. Quò fit, vt quæ partes propiores sunt aut affinguntur lumen, clariores, & patentiores sint reliquis: quæ verò remotiores, aut à lumine neutiquam vel parum tanguntur, obscuriores sint, ac tenebris, adumbrationibusque obruantur. In quo sanè artificio Pictura præcellit, ac tota eius perfectio consistit, vt ex eo laudem promereatur, quod quæ in planam superficiem diducta sunt, adeò vt tactu non discernantur, luminibus, & umbris simul ita attemperentur ad veri similitudinem, vt hic prominere, illic abscondi, hæc propè esse, illa in longinquo posita, ad rationem impertiti luminis, stupentibus, & adhuc de fallacia addubitantibus oculis exhibeantur. Quare non insulse cæcus nescio quis, interpellatus per iocum, vt diiudicaret inter pictam, atque exsculptam imaginem, vtra sibi præstantior videretur, quando idipsum ambæ æquè repræsentarent, & verum fictè imitarentur; serio primas dedit Picturæ, quam artem planè Diuinam pronunciauit, vtpote quæ reponeret quod non haberet. Atqui hoc totum luminibus quæ effuse, aut carptim, & auarè nimis, ab ingenioso artifice tabulis dispartiuntur, acceptum fit: vnde & ipsa cuiusque eadem distribuendi coloresque attemperandi peculiaris methodus, Lumen antonomastice dicitur; quemadmodum, non absimili ratione, in Arte Rethorica quæ-

quædam singulares dicendi formulæ, quæ orationem mirum in modum extollunt, exornantque, ac res, prout in se sunt, ad viuum exprimunt, lumina rethorica appellantur, itaut hic stylus pro rei conditione quam verbis describit, aut humilis, aut sublimis; aut asper aut tumidus; aut mollis, ac Lenis; aut emphaticus, aut exilis, & elumbis audiat, commendeturque, proprius vnuscuiusque Oratoris, aut Scriptoris character imitandus, aut fugiendus. Id quod etiam ex pingendi, & colorandi diuersitate procedit, quæ consistit in ratione diuersimodè distribuendi lumina, quam quisque à primoribus, & magistris in arte acceptam tenet, & imitandam sibi proponit: vt propterea dicamus lumen Titiani, lumen viuidum; Caracci, ac Lanfranchi, asperum; Coreggij, & Bonarotæ, tumidum; Raphaelis, & Guidonis, amœnum, nitidum ac delicatum, &c. quæ omnia ad praxim enumerat, describit, & ad lancem expendit Io: Paulus Lomazius in sua Idea Picturæ, cap. 9.

LVNATIO communiter audit Lunæ ætas, ac periodus, vt ita dicam vitæ, atque illuminationis: spatium videlicet temporis, quod intercipitur ab vno ad alterum Nouilunium, hoc est, à primo congressu cum Sole in eodem puncto Zodiaci, incedendo per suam orbitam, quoadusque in eum iterum immergatur, & inde de nouo exsurgat, & alteram periodum iniat; quod fit spatio 29. dier. & hor. ferè 12. quo tempore ipsa totum Zodiacum percurrit, & insuper integrum aliud subsequens Signum: quando Sol vnicum tantum perlustrat. Hæc inquam Lunaris incessionis periodus (quam alias Mensen Lunarem, & Synodicum diximus) ab alijs Lunatio appellatur, quia est veluti noua Lunæ natiuitas, seu renouatio, quæ à Mense, in quem incidit, denominationem assumit, iuxta commune illud effatum,

*In quo completur Mense, Lunatio datur.*

Hoc est, Luna noua denominationem accipit ab eo mense, in quo ipsa senescens, quodammodo moritur, & dat locum nouæ suæ è radijs Solis emersioni. Porro hinc auspicari facile possumus ratam, Kalendarij Romani ordinationem: itaut statim occurrat dies in quem incidit sacrum Pascha, ex cuius determinatione pendent cætera Festa Mobilia. Etenim, cum ex Decreto Concilij Nicæni, Pascha celebrari debeat eo die Dominico, qui immediatè succedit, & proximus est Plenilunio Primi Mensis, ab Aequinoctio Verno enumerandi; consequenter illum diem signat, & illam synodicam Lunationem appellat, quæ coniuncta est cum Aequinoctio verno. Et quoniam Phase Iudæorum, in lege veteri celebrari præceptum erat sequen-

sequenti die post Vesperam quartadecimæ Primi Mensis, hoc est, in ipso Plenilunio, quem ritum adhuc seruant Iudæi, qui apud nos versantur; ne cum ijs conueniamus, qui iam ob perfidiam abiecti sunt; & quod nostrum Pascha, hoc est Redemptio consummata est potissimum die dominio, in quo Saluator noster surrexit à Mortuis; ideo diei Dominico affixum est, & ei signatè, qui non incideret in ipsum Plenilunium, & Pascha Iudæorum, sed qui huic immediatè succederet.

- 60 LVPVS, *Fera, Bestia Centauri*, ab Astronomis appellatur Sidus in Cælo ad Australem plagam, Lupi speciei figuratum, sub Centauro supinè positi, ac pedibus anterioribus eleuatis ad se ab ictibus defendendum. Continet Stellas 19. secundum Ptolemæum. At Bayerus oculatior enumerat in eo omnino 20. quas omnes testatur vterque, (quibus consentit etiam Keplerus) esse de natura Saturni cum participatione Martis, adeoque maleficas, præsertim duas priores tertie magnitudinis, consistentes in cauo poplitis pedis posterioris sinistri, quæ cum Sole exorientes multa mala portendunt, ex obseruatione Ptolemæi, & aliorum. In Italiam autem parum aut nihil mali importare queunt, quoniam ad modicum tempus apparent, & Romæ quidem, vix gradus tres supra horizontem attolluntur; oriunturenim cum grad. 2. & 12. Sagittar. & occidunt cum grad. 7. & 25. Virginis. In huius Sideris natura describenda falsus est Petr. Faber in suo *Panchymico*, lib. 2. cap. 24. dicens illud esse de natura mixta Veneris & Saturni, contra omnium Astronomorum authoritatem, & repetitas obseruationes: indeque ad coniectandos influxus transit, & suo more ludit in nomine, inquiens. *Lupus hic verè lupus, vorat, & destruit: unde sterilem facit terram cui dominatur, & præest; lapides, & saxa producit, & sabulum, & aquas frigidas, & humidas. Homines autem facit crudeles, & agrestes, parum ingeniosos, pigros & taciturnos, infideles pacta non seruantes, latrones, cupidos, auaros, & voluptatibus deditos, præsertim gula, & ventris inguini inservientes, deceptores, & captiosos. Obscurum siquidem, & obtenebratum infundit lumen. At gratis omnia, insulse, & è suo cerebro.*

LVPVS etiam dicta est olim Machina bellica, arripiendis atque loco sistendis hostium nauibus: de qua vide Vegetium lib. 2. cap. 25. Isidorum, & quæ nos diximus in V. *Harpagones*.

- 61 LVX singularis Naturæ decor, ornamentum, atque exhilaratio, sine qua squalidus esset Orbis, confusionis Chaos, ac tenebris obuolu-



noluit; primo die à Summo rerum Architectore creata, qua cuncta, quæ antè fecerat, mox suo fulgore viuificarentur: inde in Solem quarto die collecta, vt per eum fecundaretur, spectabilis fieret, fixa, & immobilis permaneret, ac rerum omnium pulchritudo, varietas, & viuificatio innotesceret; vt obseruant Basilius, & Ambrosius in Hexameron: quam profectò non in pondere, numero, & mensura, vt cæteras res corporeas esse voluit, sed vbique diffusam, ac dilatatam, vt de ea omnia momento, & ictu oculi participarent, ac vitam, augmentum, perfectionem, purgationem, & conseruationem reciperent. Celebris est controuersia inter SS. Patres & antiquos Philosophos, an sit quid substantiale, vel accidens in genere qualitatis, summè actiua, & non in Sole tantum contracta, sed & ad alia sidera, quin & ad omnes res corporeas communicata, per quam omnis Cælorum influxus in nos deriuat, & quo veluti vehiculo transmittuntur. Affirmant esse substantiam è Philosophis Plato, & Aristoteles cum vniuersa Platoniceorum, ac Peripateticorum, præsertim antiquiorum, schola: Ex Patribus, in primis Dionysius Arcopagita, Gregorius Nyssenus in Homilia super Hexameron: ille omnes lucis qualitates in igne considerans, & complectens; iste asserens, ignem qui latebat in terra, Dei potentia exiliuisse, & subuolasse in supremam Mundi oram, indeque mundo claritatem, lucemque impertiuisse; qui fortè in ea. sententia fuerunt: (quam uos alibi expendimus) quod Sol esset formaliter igneus. Cæterum lucem, siue in Sole, siue in igne existentem, quæ effundit suos radios indefinitè ad omnia sibi patentia illustranda, esse non modò substantiam, sed & corpus, licet tenuissimum, & subtilissimum, summè penetratiuum, quod mox emissum in omne circum, longè iateque stans subiectum capax diffunditur, multi & quidem celeberrimi Patres sustinent, quos inter clariùs emicat D. Augustinus, pluribus locis, præsertim in Genes. ad litteram, & sequuntur passim Recentiores. Sed nolim hic vtriusque sententiæ rationes examinare, & litem dirimere, quæ ad Scholasticos pertinet, & nostri instituti non est. Solùm aduerto, posse in hac re æquiuocationem sumi, & confundi ab aliquibus lucem cum lumine. Et lumen quidem nullus negauerit esse accidens à luce dimanans, & in corpora luminosa, vti præsertim sunt Planetæ & sidera fixa: lucem autem, primigeniam esse substantiam in Sole omnis claritatis fonte, & origine permanentem. Cui explicationi fauet multum D. Bonauentura in Secundo Sententiæ. distinct. 13. art. 2. asserens, Lucem, quæ inhæret corpori per se lucenti, qualis est Sol, esse eius formam substantiam.

stantialem; fulgorem autem, & lumen quod inde emanat, ac diffunditur ad alia corpora, esse accidens. Vnde fallitur Seruius in Virgilij Aeneid. VI. qui per hoc distinguit lucem Solis à lumine cæterum corporum; quod splendor lucis est nitidus, & purissimus; lumen autem cæterorum siderum, confusum, & mixtum aliqua fumositatē. Namque fumositas ista etiam in Solis radijs reperitur, quæ non in corpore lucente, vel luminoso est, sed in aëre ambiente, quæ illos quodammodo inficit, & offundit. Quare Lux propria Solis est; lumen Siderum, cæterorumque corporum à Sole illuminatorum, quod Lux communicata, & secundaria dici potest, vti fusè dicemus in V. *Vmbra*. Radius autem, seu splendor, vtriusque est instrumentum, seu vehiculum, quo lux, & lumen astrorum vnà cum eorum influxibus in hæc sublunaria transfunduntur. Id quod indicare voluit Philosophus lib. 2. cap. 7. lib. 2. de Anima, cap. 7. dicens *Lumen est actus perspicui, vt perspicuum est*: & clariùs Areopagita lib. de *Diuinis Nominibus*, cap. 4. asserens: *Lux est actus corporis lucidi ad extrema procedens, & ipsum lumen talibus corporibus, quæ primò talia sunt, est essentia secundum speciem corporis primò lucidi*. Qui proinde eo capite, totus est in lucis laudibus attexendis, atque inter cæteras, quatuor suprà triginta Lucis proprietates enumerat, & inuenit soli Deo per summam perfectionem, omnes, & eminentiùs conuenire: quarum illa prima, & mirabilis est, quod omnia viuificat, omnia illustrat, & intra suam spheram, quam habet indefinitam, incredibili celeritatē, idest momentanea actione sese explicat, ac diffundit.

62

## LY

LYSIS in Opere Architectonico dicitur illa pars, seu membrum, quod suprà Coronam in Epistylis imponitur, introrsum refimata, & in vndæ sinuositatem molliter explicatur: Quod ideò & Vnda, & Sima etiam appellatur. Lysis autem propterea ei nomen datum est, quod vniuersæ trabecationis continuitatem soluit, ac terminat; nam *Λυσις* græcè, dissolutionem sonat. Vitruuius eam agnoscit nondum in summa trabecatione, & prout illam desuper terminat, ac totum opus abrumpit; vt lib. 5. cap. 7. verum etiam in ipsis stereobatīs, & humilibus basibus Columnarum. Ait enim lib. 3. cap. 3. *Vti Quadra, Spira, Trunci, Corona, Lysis ad ipsum stylobatam, qui erit sub Columnæ spiris, conueniant*. Vbi sanè sermo est de Sima inuersa, quæ extorsum refimata, ponitur etiam in Epistylis; sub Corona. At propriè Lysis, Simam seu Gulam rectam indigitat, cuius proprium est, opus finire, & concludere. Quocirca notat bene Philau-

lander. In Coronis, quæ supra Zophorum constituuntur, nunquam nisi recta sunt; in stylobatarum autem Coronis inuersa, aut etiam recta ponuntur: at in Stereobatis, quæ bassamenta vocant; animaduerti, non nisi inuersas collocari. Et rectè quidem; quandoquidem his aptari non potest, quod per nomen adiectum *Lysis* significatur, hoc est soluere, ac visum terminare. Vnde ipse Vitruuius lib. 6. cap. 7. *Lysin* generaliter accipit pro hiatu, & continui solutione. Ait enim:

*Limina, & trabes structuris cum  
sint onerata, medio spatia  
pandantes, frangunt  
sua Lysis stru-*

*cturas.*





# MA



**M**ACHINA ex græco deducto vocabulo, quasi *subtilis inuentio* iam communiter denotat omne opus fabrilè, quod multis partibus in vnum benè dispositis constat, & manu simul & ingenio perficitur, ab Arte Naturæ imitatrice profectum, ad illius opera siue, data auxiliatrice dextera facilitanda, siue, cùm cogitatis obstant, agilerè destruenda.

Quare Mechanicæ artis obiectum proprium est; licet reductiue ad alias nobiliores scientias Mathematicas, quibus Mechanica tanquam pedissequa, & subsamulatrix subternitur, aliquatenus spectet. Id enim omnis Machina habet, vt quæ ipsa rerum natura, & ponderositate obstante, sursum ascendere, aut loco dimoueri non possunt, machinarum adiumento id assequantur. Nam, vt benè aduertit Scèvechius ad cap. 22. lib. 4. Vegetij, *Omni constructio, & à fine, & ab effectu ordinari debet: & quia in magnis oneribus mouendis, ipsa rerum natura nobis aduersa est; opus est magno artificio, vt vires hominum exsuperare, ipsamque naturam vincere queas.* Ad quam rem Machinarius scitè contraria contrarijs necit, & id præstat, vt libramētis, & æquipondijs, alterum alterum adæquet, ac subinde superet, vt ipsa eorum contranitentia, tandem in finem nostrum conspiret. Id quod vectibus, trochleis, clauiculis, & alijs id genus quibus corpora inniuntur, vel inuicem extruduntur, assequitur: itaut, expensis hinc inde viribus, & motuum rationibus, in facto omnia bellè concurrant, ac sibi respondeant, pondus, figura, magnitudo, æqua distantia, & vis impressa, ad quod intenditur opus.

- 2 Hinc ex his, aliæ sunt tractoriæ, quibus onera pertrahuntur, aut in certam altitudinem eleuata, ritè in opere collocantur: aliæ putè scanforiæ; quæ, vt inquit Vitruu. lib. 10. cap. 1. *catenationibus, transfersarijs, & plexis colligationibus, & crismatum fulturis continentur,* qui-

quibus tignis ad altitudinem statuitis; & transversarijs colligatis, sine periculo scandatur ad apparatus speculationem. Aliæ demum Pneumaticæ, seu Spirituales; sic dictæ quod ab spiritu, seu compresso, seu extruso, seu dilatato, omnem vim suam desumunt, & mirâ in exterioribus operantur, qualia sunt Organa musica, exorti subicò ventorum status, deambulantes icunculæ, quæque & gestus, & voces edunt ad imitationem auicularum, & alia quæ delectationibus oculorum & aurium, sensibus adblandiuntur. Hæc omnia, ex Vitruvio lib. 10. cap. 1. & sequentibus, præsertim 12. & 13. Quæ, satis est in præsentî genericè indicasse: nam de singulis specialis, suo loco, erit consideratio.

MALEFICAE in Astronomicis antonomasticè dictæ sunt duæ Eraticæ malignantis naturæ, atque humano generi, quin & videntibus omnibus inimicæ, Mars videlicet, & Saturnus: ille videlicet ob excessum caloris, iste ob nimiam frigiditatem & siccitatem, quibus ac veneficâ, nescio quâ qualitate, humorum concordiam labefaciunt, & vitiunt. Sicut econtrâ Beneficæ appellantur Venus, & Iupiter caloris innati, & humidi radicalis futores.

MALLEOLI in apparatu militari sunt instrumenta quædam in genere Missilium, quæ pulchrè describit Ammianus lib. 13. Sagitta, inquit, est cannea, inter spiculum, & arundinem multifido ferro, coagmentata, quæ in muliebris colli formam, quo nentur linea stamina, concavatur, ventre subtiliter, & plurifariam patens: atque in alveo ipso ignem cum aliquo suscipit alimentò: & sic emissâ lentius arcu inualido (istum enim rapidiore extinguitur) se habere usquam, tenaciter cremat, aquisque conspersa, acriores excitat aestus incendiorum; nec remedio ullo, quàm iusto pulvere consopitur. Ex qua descriptione (quam diligentissimè examinat Lipsius in Poliorcet. lib. 5. adiecta elegante teli delineatione) habes, quod multum differt Malleolus à Phalarica, ut suo loco dicemus. Glossarium vetus, eum Pyrobolam appellat: & Nonnius Marcellus testatur, fieri ex Manipulis sparteis, qui pice contegi, atque incensi, in muros vel testudines directi, incendium important, & vastitatem.

MANACVS in Gnomonicis est circulus parvus descriptus in Analemmate intra tropicos, referens motum Solis in singulos dies ab vno ad alterum pergentis, atque adeo in eius circuitu comprehenduntur, & colligi possunt variantes umbræ gnomonis, præterquam cum Sol est in æquinoctiali, vel in ipsis tropicis constitutus.

Cuius rationem deformandi docet Vitruv. lib. 9. cap. 8. & exhibitō schemate, locum & situm, & vsum explicat Barbarus: ex quo nos desumpimus, ac delineatum dedimus in V. *Analemma*: Porro huius circuli diameter est *Lacotomus*.

MANGANVM Vide *Sacula*.

- 6 MANIPVLVS, quasi vna manu comprehensus herbarum fasciculus, in re militari vsurpatur ad denotandum certum, & exiguum bellatorum numerum, qui in vno papilione degebant, & sub eodem peculiari illis signo, pugnabant. Vnde Varro lib. 4. de ling. lat. *Manipulos* interpretatur, *exercitus minimas manus, quæ unum sequuntur signum*. Contubernium vocat Vegetius lib. 2. cap. 13. & *Contubernales* ipsos milites, qui vnâ sub eodem tentorio erant, ac decem singulis quibusque contubernijs comprehensi: vnde *Decani* dicebantur, qui ijs præerant, hoc est, vt habet idem Veget. cap. 8. *qui erant denis militibus præpositi, qui nunc caput contubernij vocantur*. Cæterum Vegetius in re explicanda non est sibi constans; nam cap. proxime sequenti, Manipulum dicit Centuriam è centum pedibus integratam, atque ita ab equitum turmis distinguit; vt enim *centum pedites*, subdit, *ab vno Centurione sub vno vexillo gubernantur, similiter trigintaduo equites ab vno decurione sub vno vexillo reguntur*. Similiter Ammianus lib. 17. in vno manipulo, seu Centuria, centum milites collocat, & Gellius, lib. 16. cap. 4. quem sequitur Isidorus, in vno Manipulo ducentos milites, ex veterum monumentis extitisse colligit. Quare dicendum potius cum Scruio, manipulum non à militum numero, & parua manu dici, sed verè ab herbarum manipulis, quos Romani appendebant in signis, imperante Romulo, vt patet ex Liui, quæ proinde deferebant Signiferi ex Centurijs, quæ sub singulis Centurionibus militabant. Consonat Ouidius *Fastor.* 3. vbi ait.

*Pertica suspensos portabat longa maniplos:*

*Vnde manipularis nomina miles habet.*

Quod autem sub vno signo, aut manipulo, modo centum, modo ducentos, modò sexaginta milites comprehendi legamus; dicendum, id contigisse pro varia temporum ratione, ac diuersarum Nationum vsu; vt aliquos maiorem, alios minorem militantium numerum sub vno signo, & in vnâ Centuriam coadunasse.

- 7 MANTELLVM in bellico apparatu (vt notauit Lipsius in *Poliorect.* lib. 3. dial. 3.) est quoddam tectorium munimentum huc illuc-



illucque asportabile, in genere Vinearum; quo vtuntur milites cum ad fossam, & trans illam ad muros suffodiendos accedunt: sic dictum militari festiuitate, quoniam ad instar pallij & cuiusdam manrelli, eos à telorum missilium, & glandium plumbearum, velut ab imbre, & ingruente grandine tueatur. Quæ de re vide in V.V. *Lorica, & Crates Viminea.*

MANVCLA dicitur in Catapulta pars illa, quæ neruum attractum retinet (Chelonem appellat Vitruu. lib. 10. cap. 5.) eò dicta quod manu ad intendendum, vel laxandum ueruum fortiter prehendatur. De cuius ratione agit Hero in Belopceicis. Alij *Nucem* nominat. Noltrates vniuersim, *Clauem.*

MANVCODIATA Indorum vocabulo, dicta est, quam nos **9** *Auem Paradisiacam* vocitamus, vnam videlicet est ex duodecim Constellationibus de nouo detectis ad Polum Antarcticum, ab Naucleris Hollandis ad eas oras appulsis, cuius vix nomen appositum & stellarum numerus in ea comprehensarum, ad uos peruenit. At, more suo, magnam ei in terram subiectam tribuit actiuitatem Faber in suo Panchymico lib. 2. cap. 12. ex eo solum, quod Stellæ fixæ, quæ ipsam constituunt, participare perhibeantur de natura Iouis, & Veneris. Ex quo audacter concludit, Homines illic degentes, esse *Religionis, & iustitia amatores, hilares, venustos, & pulchrarum rerum sedulos prosequutores.* Verum, an dictis res ipsa respondeat, admodum vereor: quin potius refragari videtur ratio, & communis fama, quæ de illarum gentium moribus peruolat, id falsitatis euincit. Quandoquidem poli vicinitas, & stellarum tenue lumen (sunt enim omnes valde exiles, quintæ, & sextæ, vt vocant, magnitudinis;) tantam virtutem, quam terris subiectis refundant, continere, haud credibile est. Alioquin si ratiocinatio vniuersaliter haberet locum, longè melioris conditionis essent homines, & Insulæ sub Circulo arctico constitutæ, eoquod subint stellis potioribus, & luminis clarioris. Certè de vtrisque oris, Hollandi qui illuc negotiationis gratia, aliquando appulsi sunt, deque illarum gentium moribus, ingenij stupiditate, ac barbarie aliter referunt, vt aliàs ipse Faber non sibi constans, vltro fatetur.

MANVS FERREA apud Scriptores rei militaris, dicta est **10** *machina* ad arripiendas, & conquassandas hostium naues facta; ad manus formam, prout opus fuerit, explicabilis, & restringibilis. Cuius inuentio tribuitur Archimedi, qui ea primum vsus fuisse perhibet.

hibetur aduersus Marcelli Classē, Syracusas obsidione cingentem. Hanc cum Harpagone confundit Liuius lib. 26. & 37. vbi, inter alia, hæc habet. *Cum belli apparatu strepunt ferrea quoque manus, (harpagones vocant) quas operibus hostium iniicerent, præparabantur.* At Cæsar distinguit, ac longè diuersi vsus facit; in quam sententiam conuenit Plinius lib. 7. cap. 56. qui propterea harpagonas inuenisse perhibet Anacharsim; Manus ferreas, Periclem Atheniensem. Et quidem diuersas omnino fuisse, vel ex eo euincitur, quod harpagonibus vsos esse indifferenter in mari Classarios ad hostium sistendas naues, omnes Historici testantur, vt in loco diximus; quin, & eorum vsus adhuc inter nos viget: Manus ferrea à propugnaculis vrbs obsessæ in obsidentium naues demittebantur, quas & in altum attollebant, & ad muros allidebant. Accedit, & testimonium Dionis Chrysostomi, qui vult harpagones, leuis operæ machinamenta fuisse, & celeriter immitti, ac retrahi posse; manus autem ferreas, magnæ molis, quæ integras naues amplecti, & sursum tollere valerent, proindeque ægrè nimis agebantur, & cum pondere decidebant; vt ipse Liuius libi obseruat de Bello Syracusano agens lib. 33. vbi manum ferream, eiusque vsus, sic ad viuum describit, de Marcelli Classe propius obsessæ vrbs muris appropinquante. *Si quæ verò ita propinquarent, vt sub muris quasi lacerent, ferream manum (Archimedes) catena illigauit, quæ cum prore iniecta esset, grauique libramento plumbi recelleret ad solum, suspensa prora, Naui in puppim statuebat: dein remissa, subito naui quassabat magna cum trepidatione nautarum.* Ad hæc, confer cum Harpagone quæ de eo diximus suo loco.

II

MAPPÆ, communi vocabulo apud Astronomos, & Geographos vsitato, vocantur duo Globi materiales, & solidi; in quorum altero descriptæ sunt omnes imagines Orbis Sphæræ cum suis Stellis fixis exquisitissime calculatis, & constitutis vnisqueque, ac singulis in suo reali positu sub Primo mobili, (quod & ipsum inibi exaratum est cum suis Circulis, & diuisionibus) prout nunc temporis sunt: in quo recessisse compertum est Cælum Stellatum à Primo Mobili, ferè gr. 28. quoad positum, quem habebat tempore Ptolemæi, cum quo omnes fixæ locum suum in Zodiaco mutauere, ita tamen, vt adinuicem eandem distantiam, situm, & configurationem adhuc feruent, nihil ordine immutato, vt videre est: ac proinde Cælestis hic Globus insitens Meridiano, & horizonti, Circulis extrâ positis, & ad cuiusque loci eleuationem Poli aptatis, referat adamussim.

Cæli

Cæli faciem, indeque singularum Stellarum ortus, & occasus, mediatio Cæli, arcus diurnus, atque nocturnus & alia prospectari queant; & insuper ad quodcumque temporis momentum, ita sisti, ut quælibet dignosci possit, & suo nomine compellari; quando unaquæque per lineam rectam cadit, ac tendit supra sui imaginem ibi delineatam. In altero verò Globo descriptus est vniuersus terrarum Orbis cum suis Prouincijs, Maribus, Insulis, Promontorijs, Lacubus; amnibus, cum suis longitudinibus, ac latitudinibus Geographicis, ac sub suis parallelis, & Zonis: itaut facile cuique sit, vnicui intuitu obseruare, quam quisque locus habeat Poli eleuationem, quam distantiam à primo Meridiano in Occidente fixo, atque adeò ab innicem, quisque sit alio orientior, atque occidentior; qui Populi sint Antiscij, qui Periscij, qui Antipodes, qui Antichtones, &c. quanta sit in singulis diei, noctisque longitudo, aut breuitas; & alia multa scitu digna, iucunda, ac Geographiæ totius peritiam breui manu inducentia: quæ aliàs, absque mapparum ope, nullatenus, aut vix longo studio, indefessis itineribus, sumptibus ac laboribus, comparari possent. Inter has celeberrimæ, & exactissimæ sunt quas nuper Hondius, Iansonius, & Bleau, Impressores Amstelodamenses fabricarunt, atque ex Tabulis cuiusque loci diligentissimè adinuicem collatis, concinnarunt: adiectis etiam nouis stellis ad Polum Antarcticum obseruatis, necnon & Prouincijs in Australi plagâ detectis, atque à Lusitanis, Hispanis, Hollandis, sæpius, & penitissimè peruagatis.

**MARCHA** Geographis, & Gromaticis, audit terminus & limes, 12  
seu potius ambitus totius alicuius prouinciæ, vel regionis, quo se tota continetur, & ab alia dispescitur. Sic in diuisione Imperij facta tempore Ludouici Pij, habemus scriptum, Marcha Hispanica, Marcha Tholosana, &c. In Italia quoque aliquibus Regionibus mansit appellatio; Marcha Taruifana, quæ comprehendit bonam partem Dominij Veneti ad fines Germaniæ adiacentem; Marcha Anconitana, in Piceno, trans Appenninum ad mare Adriaticum adiacens; & Picentes populi vulgò Marchiani dicuntur. Ex quo crediderim etiam effluxisse vocabulum Marchionis, pro Dominis, ac Præfectis huiusmodi Marchiarum.

**MARCHAB ALPHERATZ** arabicè Stella fixa dicitur valdè lucida, secundæ magnitudinis in educatione alæ Pegasei Pegasi, de natura Iouis, & Martis, existens nunc in gradu 5. Arietis cum latit. boreali gr. 12. quam magni faciunt Astronomi in obseruandis aëris mutatione-

tationibus, quæ cum Sole exoriens facit frigus intensum, & generat niues, & grandines; cum Ioue maximam, & constantem serenitatem. Sed id acceptum videri potest, non tam ipsi, quam duabus alijs Stellis eiusdem naturæ, in scapulis, & dextro humero positis, quæ successiue oriuntur, & vniunt intenduntque vices, earumque effectus diutius durant. Nascuntur autem Romæ diebus 10. 12. & 29. Ianuarij, occidunt verò mense Martio. De ijs in Genethliacis multa fabulantur Astrologi, præsertim Pontanus, & Faber: quæ referre, & refutare, cura superuacanea foret.

- 14** MARCHEB item dicitur alia Stella fixa, quartæ quidem magnitudinis, sed virium potentissimæ, de naturâ Iouis, & Saturnij in medio scuti Argonauis fulgens, atque existens in grad. 29. Cancrî, cum latitudine meridiana grad. ferè 47. quæ oritur cum grad. 26. Leonis die 24. Augusti cui si Saturnus accesserit, causa est magnæ siccitatis. Ea in Horoscopo, vel Horoscopus ad eam directus, affert cordis hilaritatem, prudentiam, grauitatem morum, itinera honorata, iniuriarum patientiam, & amicitiam cum Iouialibus, & Saturninis, non sine fructu diuitiarum, & gloriæ.

- 15** MARGO vniuersaliter significat extremum terminum alicuius rei, ita tamen, vt aliquam excurrentiam, & latitudinem innuat: vnde & amnium crepidines, & ripæ; margines appellantur. Strictius autem in Architectura militari accipitur pro spatio illo relicto inter fossam, & vallum, per quod excurrunt milites præfidiarij, quæ proinde dicitur Margo fossæ, aut valli, quæque in quandam æcliuitatem desinit: Gallis *Lisiere*, aut *Bermé*. Hæc autem prouide, & vtiliter sternitur ante muros, tum ad multa, tum vt decidentes forte valli ruinas excipiat, retineatque ne in fossam decendant: etenim sæpè muris additur promurale è terra aggestitia, & fascibus interpositis, ad illos à crebris tormentorum ictibus contutandos; firmaturque ad consistentiam, erismis, decliuitatibus, & loriculis: quod item fit ad ipsum marginem fossæ. In quo illud aduertere solent Ingeniarij, vt neutrum planitiem campi, seu subiecti agri, altitudine superet: quod ad eum finem tendit, ne aliàs temere exponantur, & pateant inimicorum insultibus; & ex alia parte protegat ambulatorum valli, & viam tectam. Quocirca quò humilior, & hosti magis inuisa, eò melior, ac securior. Neque verò necesse est, vt viæ tectæ superemineat, adhuc vt tuitioni sit; nam satis superque à vallo imminente protegitur: nec tam humilis, vt ea depressior sit: quandoquidem, si semel ab hostibus occupata illa fuerit, margo fos-

ſz ei ſubiectus euaderet vrbi obſeſſis pernicioſus, aut ſaltem ad omne opus inutilis. Plura de hac re apud De-chales, Dogen, & Herigonium.

MARITIMAE præciſe audiunt apud Geographos camporum, & 16  
agrorum iuxta Mare circumiacæ planities, quæ culturæ aptæ non ſunt, ſed vt plurimum arenosæ, aut cæli, ſolius conditione infructuoſæ, ſteriles, & inſalubres. Noſtris *Maremma*, & in Italia ſamoſæ ſunt quas vulgò dicunt *le Maremma di Siena*, prorsus impermeabiles, & inhospitæ. Porro in his, (quoniam alium uſum habere non poſſunt,) hominum induſtria excogitauit, vt tandem ex ingrato ſolo, aliquem, qualis qualis ille eſſet, prouentum emungerent, inibi conſtituere ſalinas, deriuatâ è vicino mari aquâ, & in ſarculos diſtributa: quò ab ardore Solis iugiter incumbentis, humiditas omnis attraheretur, & falſedo concreta dureſceret. De qua re diſcurrens Plinius lib. 31. Cap. 7. ait: *Fit Sal vulgaris, plurimumque in Salinis aſuſo Mari.*

Eſt inſuper, vt patet in Tabulis Geographicis, Inſula propè Siciliam, à Liſibæo promontorio ad duo ſerè Milliaria diſtans, *Maritima* nomine appellata; quam etiam nūm apud Siculos, corrupto parum vocabulo, *Maremma* nuncupatur: eſtque antiqua Hierà Straboni, ac Ptolemæo Phorbantia, teſte Ferrario in *Lexico Geographico*. De qua videndus eſt Cluuerius in deſcriptione antiquæ Siciliae lib. 2. Cæterum quoties pro adiectiuo *Maritima* ponitur, non modò id nominis competit campeſtribus agris iuxta mare ſituatis, & circumquaque inundantibus aquis expoſitis; ſed & toti cuidam regioni, quæ per longum tractum Mari adiacet, & vltra protenditur, vt conſtat ex Plinio lib. 5. cap. 12. de Phœnicia Syriæ Prouincia, ſermonem inſtituente. *Qui ſubtilius*, inquit, *diuidunt, circumfundunt Syria Phanicem volunt; & eſſe oram maritimam Syria; cuius pars ſit Idumæa, & Iudæa; deinde Phœnice Syria: id quod præiacet mare totum Phanicium appellatur.* Vbi notat Budæus 3. de Aſſe, Oram maritimam Syria incipere ab Arabia; inde ſuccedere Idumæam, & Iudæam; poſteâ Phœnicem, atque introrſum Syriâ Damafci claudi Phœnicem.

MARMORATVM opus in re ædificatoria dicitur, quod ſiue ex 17  
toto, ſiue ex potiori parte, è marniore compactum eſt. Non quod totum ædificium, aut pars vlla ſtructuræ, è ſolo marmore inſurgat, (nam tunc ſimpliciter Marmoreum diceretur) ſed quod ſiue è marmore ſedili, inductam habeat cruſtam; ſiue è conuſo marmore,

& ad pollinem redactio, mixtura fiat cum calce, & eâ parietes illiniantur. Quod ad primum attinet, id aio nomine ex græco, *Lithofritos* nuncupatur: vnde marmorata pauimenta dixit Cicero 2. de *Legibus* sed Marmoratum vt sic, etiam parietibus marmore conuestitis conuenit. De secundo; notat Budæus in l. quod in seruis §. 1. esse in triplici genere. *Ex calce*, inquit, & *marmore tuso* triplici varietate comminuto; prout trium coriorum exigebat usus. Hoc, *Albarrum* vocat Vitruuius lib. 5. cap. 10. sed nominatim Marmoratum appellat Varro lib. 3. de *Re Rustica*. *Intrinsicus*, ait, quasi leuissimo marmore totius parietes & camera oblinuntur, nè mus aut lacerta arreperere ad columbaria possit. Et lib. 1. antea dixerat: *Parietes*, & solum opere tectorio marmoreto loricandum; ideoque in ijs cameras memorato, & parietes, pauimenta que laudabiliter faciunt. Plinius quoque eius meminit, lib. 36. cap. 23. *Tectorium* nisi ter arenato, & bis marmoreto inductum est, non satis splendoris habet. In Italia marmoreto parietes exornare, frequentissimum est, & vulgo *Stuccum* vocamus.

- 18 MATHEMATICA, siue (vt alij contraciùs scribunt) *Màthesis*, Scientiarum omnium nobilissima, & quæ iure optimo omnium Princeps, & Parens dici potest; quippeque in summo certitudinis apice locata est; quæque quâ latè patet *Quantum*, siue in abstracto, siue in concreto, habet pro obiecto, eiusque mensurabilitatem considerat, passiones examinat, vnum cum altero comparat, similitudines, proportionem, proprietates perpendit, atque scrutatur. A græca notionem *Μάθησις*, quæ disciplinam sonat, denominationem sumit. Et valde quidem ad rem: nam, solis & omnibus Mathematicis facultatibus per excellentiam, *Disciplinæ* nomen competit: ipsæ enim omnes & solæ erroribus & paralogismis non sunt obnoxie; animum verè informant, non in speculationibus tantum sistunt, sed tendunt ad opus; quando non per inanes ac dubias opiniones procedunt, sed per euidentes demonstrationes, aut per principia per se nota, quæ intellectum statim conuincunt, & subinde incendunt ad aliam minus nota, non tamen minus certa inuestiganda, multasque veritates in Naturæ adyto latitantes, aperiendas. Id quod cæteris scientijs purè naturalibus haud conuenit, vtpote *Physicæ*, *Metaphysicæ*, &c. quæ non per demonstrationes incedunt, sed per argumentationes, & syllogismos sæpè fallacijs implicatos, quæque suum obiectum probant, non supponunt probatum. Porro *Màthesis* obiectum, vt suprà tetigi, est *Quantum* sub ratione *Quantitatis*, hoc est, extensi, quatenus aptum est mensurare per comparationem alia quanta; & ipsa vicissim in abstracto mensurari per suas passiones, & proprietates.



rates. Quod idèd, si consideretur vt sic, prout habet rationem mensuræ, & proportionalitatis præcisè, absque vlla alligatione, & respectu ad materiam quantam, est obiectum *Geometriæ* quæ est potissima, & vniuersalior Disciplina, ac fundamentum cæterarum. Vel transit ad considerationem, & mensurationem Orbis terrarum, & appellatur *Geographia*. Vel se erigit ad contemplanda Cælestia Corpora, eorum motus, naturam, passiones, configurationes, distantiam à Tellure, & ab inuicem; Sicque vocatur *Astronomia*. Vel sistit in peruagatione maris, & locorum adiacentium, & dicitur *Hydrographia*. Vel tandem dirigit radios visuales per conos, & lineas rectas; & hoc est proprium *Opticæ*, seu *Scenographiæ*. Rursus omnis quantitas considerari potest, vel vt est continua, vel discretæ: Si continua, est obiectum, vt dixi, *Geometriæ*; Si discreta, fundat *Arithmeticam*, quæ in consideratione, & comparatione numerorum versatur, omnem suppurandi, multiplicandi, subducendi cuiusuis numeri; etiam indeterminati, rationem tradens. Quæ insuper, si non in numeris præcisè sistit, sed procedit ad numeros dispertitendos, ac mensurandos per certum tempus, quod resultet in quandam harmoniam, & vocum sonorumque consonantiam; id pertinet ad *Musicam*, quæ voces per certa temporum intervalla regit, vnit, discontinuat, & moderatur. Igitur Mathematicæ Disciplina in quatuor præcipua membra dispertitur, quæ reliquas inferiores subalternant: suntque *Geometria*, quatenus archè sumitur pro consideratione Quanti continui; *Arithmetica*, quæ sistit in numeris; *Musica*, quæ versatur circa modulorum consonantiam; & *Astronomia*, quæ se extollit, & erigit ad contemplandum nobilissimum quantum, nempe Cælestes Orbes & sidera; eorum situs, naturam, motiones, passionesque inuestigando. Itaut hæ quatuor constituent celeberrimum illud Scientiarum *Quadrinium*, cuius laudes in loco dicemus. Sunt & aliæ inferiores Mathesis diuisiones, quæ videri poterunt apud Proclum, in Commentarijs ad Euclidem, & ex Recentioribus, apud Clauium item in ijsdem Commentarijs, in Prologomnis.

Sed hic iuvat auertere iniustissimam porro inuidiam, quæ ex æquiocatione vocis, nobilissimis disciplinis accessit: cui inquam, cum tam sublimes, innocuæ, certæ, ac Reipublicæ bono oppidò necessariæ sint atque vtilis, Mathematicæ facultates: attamen tam malè apud imperitum vulgus audiant, vt earum professio, tanquam Reip. pestis, morumque corruptela, etiam publico Cæsarium lure exterminetur. Sed error est, vt dixi, in æquiocatione, abusu nominis, & incitæ græcicæ loquutionis, quæ malum hoc induxit, & larvam optimis disciplinis. Etenim *Μαθηματικά*, vt supra tetigi,

græcè Disciplinam sonat, cuius laus est, Scientijs omnibus, præ certitudine, & felicitate tenendi suum obiectum, anteire. At Mathēsis, siue *Μαθητις* cum accentu (ut vocant) in penultima, circumflexo, Græcis artem diuinariam indicat, Mathematicarum Scientiarum monstrum informe; & abortiuum: ex quo vulgus ineptum Mathematicos appellare cepit Astrologos coniectores. Verum quantum fallax hæc coniectatio à simplici illa innocua, & patenti certitudine distet, quæ Mathematicarum disciplinarum est propria nemo est qui non videt. Vnde Tullius 1. de Oratore in secunda hac acceptione, Mathematici nomen vsurpans, ait. *Quis ignorat, ij qui Mathematici vocantur, quanta in obscuritate rerum, & quam recondita in arte versantur? Atqui, quæ communicatio obscuritatis cum summa certitudine, & claritate? aut quæ societas lucis ad tenebras? Consonat D. Auguſt. lib. 1. de Doctrina Christiana, cap. 21. vbi de illorum temeritate differens, coniectationes quas faciunt, inter superstitiones artes adnumerat. Neque, inquit, ab hoc genere perniciose superstitionis illi segregandi sunt, qui Genethliaci, propter dierum natalium considerationem, nunc autem vulgò Mathematici appellantur.*

20 Constat igitur erroris, & æquiocationis origo: & Mathēsim spurium gemmæ è vitiato in radice, alioqui fecundissimo, ac genuino caudice, pullulasse. Mathēsim verò intrā puros demonstrationum terminos consistentem, feliciter insurrexisse, & in magnum Reip. commodum, scientiarumque innocuam sobolem, latamque propagationem fructificasse. Id quod acutè obseruans in Græcissimo Ebrardus, cap. 10. perquam venustè super hoc verbo ludit.

*Scire facit Mathēsis, sed diuinare Mathēsis*

*Datque Mathematicos comburi Theologia.*

Namque correctio, & productio in secunda syllaba, quæ in carmine patet, se sola, diuersitatem facultatum exprimit, ac distinctionem facit. Sed seriùs, & magis ad rem, soluta oratione utramque probè describit Io: Sarisberiens. in Policrate, lib. 2. cap. 18. *Mathēsim ergò, inquit, probabilem, quæ penultimā breui enunciat: quam & Natura inducit, & ratio probat, & utilitatis experientia approbat, quasi quoddam Doctrinæ iaciunt documentum: ut exinde opinionum suarum lubrico, quasi quadam imagine rationis, in Mathēsim reprobam, quæ profertur extensa penultimā, perniciosissimè prolabantur: Hæc Sarisberiensis de Genethliacis, male de Mathēsis nomine abutentibus, atque eius principia euidentissima, in suas fallaces opinationes in lubrico positas, perperam contorquentibus.*

21

ME

MECHANICA ars est fabrilis Architecturæ subseruiens, & Geo-

me-


metrix substrata: Quod enim hæc speculatiue concipit, hoc in praxi educat, & opere exequitur, perficitque; adeoque merito laudem illam promeruit, quod suppeditet vires Naturæ, & eius operum sit perfectrix. Nam, vt obseruat Philosophus in procemio *Quæst. Mechan.* *Natura eundem semper habet modum, & simpliciter: vtile autem multifariam commutatur.* Quando igitur quippiam præter naturam, oportuerit facere, difficultate sua habitationem præstat, arteque indiget: quamobrem eam artis partem, quæ huiusmodi succurrit difficultatibus, *Mechanicam* appellamus. Benè igitur definitur, quod sit eorum inuentrix, quæ ingenio simul, & manibus sunt. Versatur enim in Machinis fabricandis, quæ deseruiunt tam in ciuilibus ad magna opera subleuanda, & attrahenda, in quibus pusilla vis maioribus præualet, & quæ momentum paruum habent, motu & contranitentia, ingens acquirunt: tum in apparatu bellico, ad naturam vincendam, hostes circumueniendum, & eorum conatus frangendos, molitionesque labefectandas: prout Hero pluribus præstat in lib. de Machinis bellicis, & Aristotèles philosophicè inquirat per longum in citatis *Quæstionibus Mechanicis.*

**MEDIANA** in Architectura vsurpatissimum verbum: significat enim vniuersæ partes ædificij in medio constitutas, prout à frontibus & vterioribus recessibus dissepuntur: vt econtrà Angulares, quæ in extremis angulis; Anticæ quæ in anterioribus; Posticæ, quæ in vltroneis, appellantur. Hinc mediana Acroteria, medianas columnas, mediana Epistylia &c. apud Vitruuium, aliosque Architecturæ Scriptores, passim inuenies. Aliquando medianas ædes, quæ in ædificijs altioribus, pluribusque contignationibus assurgentibus extant, inter supremam, & infimam vocant; quæ officinis, & famulorum recessibus destinantur. Has nostrates vulgò *Mezzaninos* nuncupant.

**MEDIA PROPORTIONALIS** specificatiue & per attributionem à Geometris dicitur linea, quæ inter duas alias extrenias, media constituitur, quæque inter se sint tantum potentiâ commensurabiles; ipsa autem de cætero sit irrationalis; & rectangulum ex eâ resultans item irrationale: vt colligitur ex Euclide propof. 22. lib. 10. Vbi aduertit Campanus, quod Non solum recta potens rectangulum irrationale sub duabus rectis rationalibus potentiâ tantum commensurabilibus contentum, irrationalis est, vocaturque media: verum etiam Quadratum ipsius, vel rectangulum illud dicitur Medium; quia medio loco proportionale est inter quadrata illarum rectarum rationalium potentiâ solus  
com-

*commensurabilem*; quemadmodum & recta ipsa media proportionalis est, inter dictas rationales. Porro mediarum proportionalium, quæ irrationales sunt, duæ sunt species. Vel enim ita dicuntur, quia in longitudine non sunt commensurabiles, sunt tamen potentia, sed in quadratis suis: & hæc absolute vocantur Medix, sine aliquo addito; eo quia reipsa intercedunt inter duas lineas, quæ sunt capaces alicuius commensurationis: Vel ita sunt medix, non quia ex se conferri possint cum duabus incommensurabilibus, sed quoniam innascuntur per æquipollentiam ad spatia irrationalia; & hæc in plures differentias, dispersiuntur, quæ suas quæque proprias appellationes habent; ut sunt Binomia, & Apotomes. Quæ rursus in alias species infimas subdividuntur, secundum diversos respectus, in prima, & secunda binomia, primas, & secundas apotomes: itaut quatuor omnino species infimæ linearum irrationalium, ex diversis respectibus oriuntur: duæ per compositionem unius cum altera; duæ item per subtractionem unius ex altera. De quibus fusè dictum suis in locis, præsertim in V.V. *Binomium* & *Apotome*.

Nunc autem præstat tradere, quo facile inveniatur Media proportionalis, quod adeò olim torsit antiquorum Geometrarum ingenia. Id quod pluribus modis fieri potest, ut alibi docebimus, in figura Ovali, in Parabola &c. Hic autem solum replicabimus figuram extractionis medix proportionalis laterum quorumcumque corporum regularium, quam supra, cum de ijs disseruimus, dedimus, & explicauimus. Ad quæ Lectorem, ne tædio hic finis, remittimus. simili ratione



- 24 **MEDIUM**, absolute prolatum, appellat Rectangulum, seu spatium, quod potest linea media hæcenus explicata. Hoc autem ex Clauio ita describi potest. Est Rectangulum quod sub duabus lineis potentia tantum commensurabilibus continetur. Vel certè, Quod alteri cuius rectangulo sub duabus lineis potentia tantum commensurabilibus comprehenso, æquale est: itaut ipsum possit linea aliqua, de qua modò loquuti sumus, alias non foret media, ut supponitur. Quocirca omne rectan-

rectangulum applicatum alteri, quod comprehendit æquale spatium, dicitur *Medium*, atque adeo, quaecumque illud sit, reduci poterit ad medium contentum sub duabus lineis irrationalibus, potentia tamen commensurabilibus. Plura de hoc argumento habes acutè perpensa, atque enucleata apud nostrum Guarinum in Euclide Adaucto, & Viralem Iordanum in Euclide Restituto. ad X. Elem.

**MEDIUM** Cæli communiter ab Astronomis nominatur in Con- 25  
stitutione Cælesti Decima Domus ab Horoscopo, & propriè Meridia-  
num supraterraneum, quod etiam ab altitudine dicitur *Culmen*, &  
pro dignitate, *Cor Cali*: ubi sidera eleuantur à terra quantum pati-  
tur eorum situs in Zodiaco, & fert vniuscuiusque parallelus, in quo  
suam circulationem perficiunt: proindeque augefcit eorum actiui-  
tas, ac directoribus radijs virtus intenditur. Quapropter meritò  
Ptolemæus Decimam Domum Horoscopo præficit. Ex quo iure,  
ei tribuuntur significata actionum, Magisterij, Principatus, publici  
officij, & similium; quoniam ibi Luminaria, quæ sunt præcipui re-  
rum Moderatores, & in genere suo, quilibet alius Planeta, maximè  
eleuatur, viribus pollet, & producit qualitates maximè actiuas;  
vnde consequens est, vt id in influxibus illucescat, in suisque signi-  
ficatis vnusquisque disponat, atque excitet subiectum passibile ad  
se supra se erigendum, & actiones, & motus exferat quæ non aliàs;  
quemadmodum videmus quotidie fieri in plantis, virgultis, & flo-  
ribus, qui se erigunt, & respectant Solem in Culmine constitutum;  
cadunt, & languent, ipso ad Occasum vergente. Sic etiam Herba  
quam dicunt Lunariam, & Selenitis, ad Lunam, &c. Quare gaudet  
præ cæteris Sol in Cæli medio constitutus, quia ibi latè, & viuidiorem  
suam lucem diffundit: cæteri planetæ fortiores à loco sunt, & For-  
tunæ quidem, veluti Venus, & Iupiter, conduplicant beneficentiam;  
Malefici autem, nempe Saturnus & Mars, euadunt perniciosiores, &  
actionibus hominum nimis infensi.

**MEDVSÆ CAPVT**, Arabicè *Ras Algol*, dicta est ab Astronomis 26  
stella fixa in Cælo præ cæteris prauæ qualitatæ, & violentissima,  
secundæ magnitudinis de natura Saturni & Iouis, ad plagam borea-  
lem in Constellatione Persei constituta, & sub Primo Mobili exi-  
stens nunc temporis in gradu 22. Tauri, cum totidem fere gradibus  
latitudinis borealis. De hac, inter alia mala quæ insluit, obseruatum  
præcipuè est, quod ubi fit Verticalis, magnas inducit calamitates &  
elades, idque maximè si cum maleficis conueniat, aut Luminari-  
bus copuletur. Huic vni factæ, duobus adhuc sæculis, Græciæ ver-  
ticali;

etrynio græcanicę vocis nil aliud colligitur, quam eam esse grandem quandam rerum descriptionem aut affigurationem: vnde bene Philander, *Megalographiam*, inquit, *interpretor picturam magni sumptus, & magnarum personarum, aut rerum deformatricem*. At, qua ratione hæc potius, quàm reliquę picturę in triclinijs, maximè magnorum Principum, improbanda sit, planè non video. Sed quoniam huc incidimus, placet hic, ad solatium Lectorũ, ad has Vitruvianas & inusitatas voces, nusquam alibi repertas, cespitantium, Auctoris ingeniũ, cæteroqui eruditissimi, & primi Architecturę instauratoris & Magistri, tenebrosi tamen, & nimium græcanicas voces affectantis, describere ex alio non minùs experto, arque Architecturę vocabulorum gnaro, Leone Baptista Alberto, qui ita cum suis coloribus pingit lib. 6. de re ædificator. cap. 1. *Sic enim loquebatur (Vitruvius) ut Latini, Græcum videri voluisse; Græci, loquutum latine vaticinentur: re autem ipsa in sese porrigenda, neque Latinum, neque Græcum fuisse testetur: Ut par sit, non scripsisse hunc nobis, qui ita scripserit, ut non intelligatur. Quæ idè aduertisse iuvat, ut lector boni consular, & ignoret, si quando Interpretes in tenenda Vitruvii mente, hallucinantur.*

MENIANA in re ædificatoria, sunt exportecta quedam loca, & 28  
magne proiectiones extra ædificij ambitum, supra forum & viam publicam, firmissimis mutulis parietum frontibus affixis, impositę, quasi adaptę domunculę, in alieno pensiles, quò exinde liber ac patens fiat prospectus ad ea quę de foris peraguntur. Ortum sumptere, (vnde & denominatio illis iuhest,) à Ciue quodam Romano nomine Menio, qui, ut ferunt, cum donum quam habebat ad forum spectantem vendidisset, excepta columna, quę foris extrabat; tigna proiecit, ac tabulatum super eam construxit, vnde ipse, dehinc posterius, commodum haberent spectandi gladiatores: quod postea magno cum plausu, ab Romanis receptum est, ut Meniana passim in suis ædibus erigere cogitarent. Et ea quidem, si ritè & cum moderamine fiant, magni commodi, ac venustatis, priuatis domibus sunt, & publico minimè detrahunt, sed potius afferunt decorem, & maiestatem. Horum vsum, atque frequentiam, maximè in magnis & populatis vrbibus, summè commendat Vitruv. lib. 2. cap. 8. exemplo Romanę Vrbis, quòd cum in tanta inhabitantium copia non posset, una area, quantumvis ampla & spatiosa, commodè tantam ciuium ad spectacula accurrentium multitudinem capere; necesse fuit huiusmodi menianis, angustię prospectus occurrere, domosque ipsas in fora projicere, ac dilatate. Ergò, inquit, *menianis, & contigna-*



tionibus varijs alto spatio multiplicatis, populus Romanus egregias habet sine impeditione habitationes. Sed iam eorum usus adeo inoleuit, ut in precipuis Italiæ urbibus, ac præsentim Romæ, & Venetijs, nulla fere domus sit, quæ suas ex porrectiones non habeat, si non egregiè factas ad delicias, & venustatem; saltem è ligno aliàve vili materia compuginatas, ad arcæ mansionis, utcumque amplificandi, necessitatem. Ceterum de huius operis adiectione prudenter cauet Albertus lib. 9. cap. 4. quod in fronte adis, præstabit lepiditatem, si erit non vastum, non profusum, non indecem. Podia appellant aliqui: à Nostratibus vulgò dicuntur Poggiuoli, aut Ringhiere.

MENISCVS. Vide in V. Catoptrica.

29 MENSA, vltra alias significationes obuias, quas habet in usu Ciuili, atque in Architectura, usurpari quoque solet in rebus bellicis pro varijs instrumentorum partibus, quæ vel mensæ figuram habent, vel officium quodammodo imitantur. Sic Hero in lib. de Machin. Bellicis, sumit illam pro eo membro machinarum eiaculantium, (quales sunt Ballista, & Catapulta,) quod tenet erecta brachia, seu alas machinæ, & sustinet totum pegma desuper impositum. Hæc igitur pars, eoquod formâ oblonga est, erecta, & quadrilatera instar mensæ accubitorie, cui ad sumendum cibum assidetur, hoc nomen sortita est. Cuius explicationem ex ipso Herone, (vti & aliarum partium, è quibus constituitur machina) assumit Turnebus lib. 2. cap. 5. ita eam describens. *Mensa*, inquit, *interior est, & media inter duas hinc inde scutulas, constatque regulis diapegmatis, & tabula inter regulas & diapegmata, collocata; estque in summo, & imo capitulo, ut & peritreta*. Eius etiam mentionem facit, & mensuras tradit, licet obscure, Vitruu. lib. 10. cap. 17. qui alias Mensam pro abaco substituit.

30 MENSULA, communi Architectorum vocabulo, dicitur Mutulus, seu lapis è pariete prominens, quadrata, & plana forma, inferiore tamen parte imminutus, & aliquatulum refimatus, tamquam parua mensa ad aliquid fulciendum facta, & columnæ aut alterius sustentaculi solo infixi, loco substituta. *Cornos* appellant huiusmodi fulcimenta Galli, cultiores Itali *Modigliones*. De quibus profusior erit sermo in V. Mutuli.

31 MENSURA, generali vocabulo, dicitur omne id quod assumitur ad quantitatis alicuius siue continuæ, siue discretæ, extensionem, aut

aut magnitudinem dimetiendam : idque siue materiale instrumentum sit, siue aliud quoduis mente conceptum, & pro regula & forma, expendendæ examinandæque rei, statutum. Vnde *Metria* nomen, deriuatum; quod commune est omnibus Mathematicis disciplinis; quæ pro objecto omnes indifferenter, habent quantitatem aliquam in specie dimetiendam. Geometria à telluris dimensione nomen primitus sortita est : quamquam postea altius euecta, quantitatis passionibus abstrahit, & considerat præcisè ab omni materia, atque adeo Mater, & Princeps euasit omnium Mathematicarum facultatum, & artium subiectarum, sine cuius directione, nec latum quidem vnguè procedere satis sunt. Econtrà Stereometria ad certam determinatam quantitatis speciem mensurandam determinata est, vltra quam non progreditur. Astronomia in Cælestium corporum mole, & motuum ratione dimetienda sistit. Geographia, seu Cosmometria in considerandis locorum sitibus, & distantijs, per circulos verticales, longitudinum, & latitudinum. Musica, & Arithmetica, in dimensione momentorum temporis, numerorum discretorum, &c. Igitur omnis mensuræ ratio in expensione quantis, consistit, & illud considerat vel in extensione, vel in pondere, vel in motu, vel in successione, vel in partibus discretis, & numeris examinandis. Quocirca, pro diuersarum facultatum instituto, constitutæ sunt diuersæ mensurarum rationes, & aliæ sunt pro quantitate solida, & extensa, alia pro discretis, aliæ pro liquidis, aliæ pro siccis, & aridis, ut sunt frumenta, arena, lapilli &c. quas omnes cum suis notis, ac differentiis diligentissimè collegit Alexand. ab Alexandro lib. 2. *Dier. genial.* cap. 20. Sed & opus ab solutissimum de ponderibus & mensuris, scripsit Georgius Agricola : cuius Synopsis habes apud Philandum, adiectam ad calcem Vitruuij.

MENTVM in opere architectonico dicitur pars illa extrema in summa Corona, per quam imber desuper à tectis ingruens guttatim decidit : ad similitudinem menti vultus humani, quod ori subternitur, & à collo propendet. De hoc membro, sic loquitur Vitruv. lib. 4. cap. 3. *Ad ipsum Coronæ mentum incidatur linea, qua Scotia dicitur.* Scotiam autem hic appellat, non eam quæ in basibus columnarum Ionicarum, & Corinthiarum constituitur media, nimirum cavitates inter thorum, & plinthum, vti communi acceptione venit, sed ad illius similitudinem, cavitatem illam coronæ sub mento, quæ ab illo separatur, planâ quadam regula, seu margine relicto ad continendum aquam, ne interius infuat, & Zophorum, aliasque Epistylia partes inficiat, & corrumpat. Nostri certè Architecti explicati-

32

tiùs, & ad rem satis appositè, hanc partem vocitant *Sporto del Gioiolo*.

- 33 MERIDIANVS apud Astronomos, & Geographos, est Circulus maximus in Cælo conceptus, qui transeat per verticem capitis nostri, & Polos mundi, insistens Horizonti, eumque intersecet ad angulos rectos: & est ille idem, qui representatur in Sphæra materiali cæteris supereminens, sustinensque axem mundi per polos transeuntem, circa quem globus cælestis, aut sphæra armillaris rotatur. Et hic quidem pro rectitudine aut obliquitate Sphære, singulis regionibus, quin & locis quibusque sensibiliter ab se distitis, est singularis, ac proprius: Et quemadmodum infinita concipi possunt Horizonta, ita & infiniti Meridiani, qui æquè ab angulis ortus, & occasus distent, & signent puncta verticalia, sed circulos verticales, quos *Azimutha* nominant Arabes, transeuntes per verticem, & binos gradus Aequatoris, sibi ad inuicem oppositos. Defacto tamen tot assignantur, quot sunt Climata, in quæ totus terræ ambitus, seu tractus sub Aequatore, dispescitur; hoc est duodecim, qui Aequatorem in 24. æquales partes diuidant: adeout spatium inter duos diuisionis arcus constitutum, comprehendant quindecim gradus Aequatoris, respondentes ad vnā horā temporis; & singuli gradus importent quatuor horæ minuta, quibus integer dies naturalis excurrit: itaut, Sole in Meridiano constituto, fiat vbique locorum meridies, sed pro diuersitate Meridianorum alicubi citiùs, quàm in alio. Hæc autem differentia dicitur *Longitudo Geographica*, de qua suo loco diximus: quæ ex Geographorum placito, initium sumit à primo meridiano constituto in occidente, non longè ab Insulis fortunatis; itaut quò locus est Occidentior, eò minus longitudinis habeat, & serius illic illucescat dies, ac Sol meridianum teneat, & econtrā. Vndè facilè quis venari poterit quantum distet per directum vnus locus ab alio, & quam citiùs fiat dies in vno quàm in alio. Nam, si locus superet alium longitudine; signum est, quod sit illo orientior; & quot ter quinis longitudinis gradibus erit superior, tot horis antè, dies ibi illucescet, erit meridies, & initium noctis. Cæterum ope Meridiani absolute, vbique locorum noscitur quantitas diei artificialis & noctis; maior altitudo, quàm Sol, & quæcunque sidera habere possunt suprā terram: arcus cuiusque diurnus, atque nocturnus, qui computatur in suis parallelis, partim existentibus suprā horizontem, partim infrā, adeoque eorum semissēs, quæ constitunt sidus vel in Culmine, vel in Imo, & alia multa, quæ per longum cœuset Clavius, in Sphæram Io; de Sacrobosco,

**MESAQVILO**, *Mesocorus*, *Mesocircius*, *Mesentrus* &c. dicuntur Quartæ, vt aiunt, Venterum; venti videlicet minores adiacentes ad læuam Aquiloni, Coro, Circio, Euro &c. Sicut econtrà *Tpaquilò*, *Ypocorus*, *Ypocircius*, *Ypentrus* &c. appellantur, qui iisdem præfatis adstant ad dextram, quasi inferius positi. Quorum omnium plagas, & situs in Rosa Nautica, exponemus in schemate, quod in generali Venterum descriptione, ac nomenclatura exhibebimus suo loco.

**MESAULA**, quasi *media aula*, in opere item architectonico, est spatium illud, seu itineratio, quæ in ædibus constituitur inter hospitalia, & peristylia. *Mesaula* (addit Vitruu. lib. 6. cap. 10.) dicuntur, quòd inter duas aulas, media sint interposita: Nostri autem eas *Andronas* appellant. Sed hic seuerò supercilio nominis improprietatem miratur, & potiùs ex Græcis nomen mutare eligit, & Latio importare, quàm Latinà voce vtì, *Mesaula*: Sed hoc valdè est mirandum (subdit) nec enim Græcè, nec Latine potest id conuenire. At, bonæ eius gratia, & græcè, & latine optimè conuenit rei significatz, magis quam *Andron*. Siquidem *Androna* græcè, teste Aristotele Politicor. publica conuiuia denotant, quæ Cretentes primùm, deinde Lacedæmones, in Atrijs domorum celebrare sueuere: quorum vsus, & appellatio nihil minus ad rem, de qua agimus. *Mesaula* autem & græcè, & latine optimè congruit loco, vt subtiliter conmonstrat Suidas. Siue enim græcè accipias *Mesaulion*, vel *Mesaulion*, medianam ianuam sonat, quòd Ianuæ per directum, & in longum respondeat: siue ex græco, & latino formatum vocabulum velis, mediam aulam denotat, hoc est; arctiorem viam, quæ per longum diuidit aulam, seu quæ media inter duas aulas hincinde constitutas, interponitur.

**MESE**, & **MESON** sunt species interualloꝝ, & phtongorum in Musica, atque in diuisione Monochordi in quatuor Tetrachorda. Et quidem *Mese* appellat simpliciter mediam chordam respondentem A. la. mi. re, inter Lichanos Meson, & Tritè Sinnemmenon. *Meson* autem rotum Tetrachordum denominat, conflatum ex Hypate Meson, Parypate Meson, Lichanos meson, & ipsa Mese. Quæ de re, vtì & ordinem ac distinctionem Phtongorum & Tetrachordorum, vide in V. *Monochordum*.

**MESOLABIVM**, seu *Mesolabum*, appellatum est ab antiquis Geometris, instrumentum lianeare ad vnum, duo, vel plura adhuc media

dia proportionalia deprehendenda; aut etiam ad cubicum corpus,  
 sequata eadem figura, ad quantamvis magnitudinem proportionali-  
 ter augendum. Id quod ab Eratosthene primum inuentum fuisse,  
 refert Vitruu. lib. 9. cap. 3. ex occasione Oraculi Delphici, quo  
 Delijs ab Apolline imperabatur, uti *Ars* eius, quantum haberet pe-  
 dum quadratorum, id duplicaretur: & ita fore, ut hi qui essent in ea In-  
 sula, tunc religione liberarentur. Itaque Architas Hemicylindrorum  
 descriptionibus, Eratosthenes organicam Mesolabi ratione id. explicau-  
 runt. Rem curiosam prosequitur accuratè Philander. *Quasitum*,  
 ait, concertatumque est, quonam modo propositum solidum, (præfata  
 indictum *Ars*) in ea forma permanens, duplicari posset. Res ad Geome-  
 tras relata est: ambigentibusque ceteris, Hippocrates Cibus indicauit  
 fieri id posse, si constitutis duabus lineis, quarum maior minoris esset  
 dupla, due medie in eadem proportionem inuenirentur. At enim hoc  
 opus, hic labor: Problema propositum magis torfit Geometrarum  
 ingenia, cum id, qua ratione assequi possent, non satis perspicierent.  
 Obiurgante Platone (sequitur historiam Philander) qui in Academia  
 erant, Geometras; Architas Tarentinus, per hemicylindros, postea Era-  
 tosthenez instrumentum formauit, quo id perficeretur. Et de Architz  
 quidem inuento, ipsum Eratosthenem (si modò fides ei in causa pro-  
 pria adhibenda sit) scripsisse ad Ptolemaum referunt, illum per he-  
 micylindros, demonstrabiliter quidem rem descripsisse, verum, ut id  
 sub manum duceretur, in usumque caderet, neuiquam assequi po-  
 tuisse; se verò per suum Mesolabium fuisse assequentum. At quidquid  
 in facto cum accidisset, certum est, nunc non minus feliciter per  
 hemicylindrum, quam per mesolabium, datis duabus inæqualibus  
 rectis lineis, mediam proportionalem, vnā, duas, & plures, quot  
 ad demonstrationem perficiendam opus sunt, citrà fallaciam inue-  
 niri; uti experientia probat, & in vtroque instrumento, quod ocu-  
 lis exhibet idem Philander, exemplis commonstrat. Sed iam non in-  
 strumentis, nec tanta defatigatione opus est ad cuiusvis rationis  
 medias proportionales inueniendas; eorumque ope, quæ olim im-  
 possibilia reputabantur, omnia ferè in Geometria alijque subalter-  
 nis Mathematicis disciplinis abstrusiora problemata solui posse, &  
 opera consummare: ut in Geometria præctica probat Clavius, &  
 nos sparsim in nostro Lexico, cum verborum ratio tulerit, indicamus.  
 Vbi vides quàm felicior sit nostra ætas antiquis æporibus, quàmque  
 sublimiter excreuerint Mathematicæ facultates! ut quæ tùm insignes  
 viros, & Geometrarum magistros adeò torfit, medix proportionalis  
 inuencio, nunc puerorum manibus teratur, & mille modis, luden-  
 do, perficiatur.

META, à prima sui origine, structuræ genus erat admodum rude, è ligno, & straminibus primum, postea è coaceruatis lapidibus luto illitis in acumen desinens, erectum, sub quo primi Orbis habitatores, mansiones suas constituiebant, ad somnum & quietem sese recipiebant, & à pluuijs, atque inclementia cæli, vtcumque se conturbabant. Hæc autem structura nullis Architecturæ præceptis, sed solo naturæ ductu inita; quoniam in imo vbi solo adigebatur, lata erat, & sensim assurgens minuebatur; itaut in conum desineret, metæ nomen accepit, & etiam nūm retinet, postquam facta celebrior, in nobilem Pyramidem assurrexit, positaque in signum, ac terminum decorationis in ludis Circensibus; quam qui primus teneret, brauium consequeretur, præmiunq; victoriæ. Nunc, quia Meta hæc in medio Circi erat, quā septies concitatissimo cursu circuire solebant Quadrigæ; & illic tandem expleto cursu sistere; factum est inde, vtp̄o termino, ac sine laudabiliter rebus imposito, vsurparetur: ex quo abiit in prouerbium *peruenisse ad metam*, cum, qui rem sibi propositam ad finem vsque perduceret: ac denum vniuersaliter pro quocunque termino, limite, & confinio: vnde est illud Poetæ Aeneid. 7:

*Hic ego nec metas rerum nec tempora pono.*  
Porro à Meta dicti sunt

METATORES in re militari, qui Castra ponebant, & limitibus suis arcabant, quique nunc Gromatici audiunt, quoniam Groma campos dimetiuntur, atque ex regulis Geometriæ, Geographiæque peritia, aptè disponunt, soli qualitatem examinant, formam delineant, partes distribuunt, ambituque qui commodè numerum bellatorum capiat, ac probè suis operibus muniri possit, concludunt. Quæ in re, multa & salutaria præcepta dat Vegetius lib. 1. cap. 22. vbi inter alia hæc habet; *Castra, præsertim hoste vicino, tuto semper faciendæ sunt loco, vbi & lignorum, & pabuli, & aqua superet copia: & si diutius commorandum sit, loci salubritas eligetur. Cauendum etiam, ne mons sit vicinus altior, qui ab aduersarijs captus possit officere. Considerandum etiam, ne torrentibus inundari consueverit campus, & hoc casu vim patiatur exercitus. Pro numero autem militum vel impedimentorum munienda sunt Castra, ne maior multitudo constipetur in parvis, neque paucitas in latioribus, ultra quam oportet, cogatur extendi. Et prosequitur cap. 22. 24. & 25. edicere; quali formâ delinienda sint castra, quæ aliquando quadrata, aliquando trigona, aliquando semitota expedit poni, prout loci qualitas, & rerum conditio postulauerit. Item, quo genere munitionū stabilienda sint; qualiter prouidendum, cum hostis imminet, nec locus ex-*



citandis pluribus defensionibus datur &c. Quæ omnia sedulo perpendenda sunt ab experto, & perito in omnibus Metatore, antequam castra disponat; ne aliàs rerum inscitia in facti contingentia nouus, suo muneri desit, totusque exercitus periclitetur.

40

Ad hæc, Metatorum officium est, suis copijs ad aliquam expeditionem proficiscentibus viam sternere tutam; & planam, & sæpius anteuertere, exercitumque præire, non modò, vt situm exploret, & locum idoneum eligat ad castra ponenda, atque vt ait idem Veget. lib. 2. cap. 7. *ad podium dimentiantur loca, in quibus milites tentoria figant, vel hospitia in Ciuitatibus præstent;* verum etiam, vt in itinere exercitus tutò procedat, atque anfractus, nemora interiecta, & montes viam constipantes declinet; ne aliàs imparatus, in arctoque positus, nec vtrò procedere, nec se retrahere possit; sicque imprudens in insidias incidat, impunèque circumueniatur ab hostibus, ac dissipetur: queniadmodum de Xerxis ingenti exercitu ad Græciam subigendam properante, scribit Herodotus, quod à paucâ manu trecentorum Spartanorum militum sub duce Leonida, ad Thermopilas deletus est. Ad hunc ergò effectum, atque ad omnia pericula euitanda, viarum cognitores, & Gromatici reliquum exercitum in plures copias partiri debent, & viam sternere, spatia dimetiri, desletere ab angustijs, ac totum laxumque iter parare. Propterea Antecessores etiam ab alijs nominantur. In quibus Mauritius Imperator in lib. de Romana Militia apud Turnebum, hæc habet lib. 24. cap. 16. *Antecessores, qui ante agmen eunt, & loca Castris metandis idonea eligunt, & vias quâ duci exercitus commodè possit, vident.* Modus autem designandi Castra, figendique tentoria, cum peruentum fuerit ad locum, traditur accuratissime à Polybio, vbi agit de Romanorum Castrametatione, in hæc verba. *Cum verò incedentes appropinquauerint locandis castris, procedunt Tribunus, & ex principibus ordinum quicumque huic muneri assidue fuerint additi; qui postea quam conspexerint totum locum, qui aptandus sit ponendis castris, in hoc ipso primùm deputauerunt vbi ponendum sit tentorium Imperatoris, & iuxta quem aspectum latusque quadrati Imperatori assignatum, locanda sunt Legiones. His præoptatis, dimetiuntur circumferentiam Pratorij: deinde rectam lineam, iuxta quam ponuntur tentoria Tribunorum: deinceps eius aquidistante, è qua incipiunt locari Legiones. Similiter & ab altera parte Pratorij dimensi sunt loca lineis. Et post pauca: Deinceps strigas dimensi sunt, hastasque fixerunt ad singulas strigas; vnde conuenienter cum appropinquauerit exercitus incedens, conspexeritque castrorum locum, confestim omnibus omnia sunt nota, coniectantibus, considerantibusque ex Pratoris signo, vnoquoque manifestè agnoscente in qua*

qua striga, & qua striga parte tendit. Hæc, satis ad rem Polybius. Verum iam multa immutata sunt, & aliter inita nostro ævo, postquam inuecta sunt in campum fulminalia tormenta, quæ alium ponendi castra ritum postulauere. De qua re videndus est liber inscriptus Gallicè, *Les Trauaux de Mars*. vbi, diuersis figuris ex ære eleganter incisis, oculis exhibentur plurimæ formæ Castrorum, suis munimentis, & limitibus conclusorum, pro situs qualitate, & militum multitudine.

METOCHE in opere architectonico, ex græca notione dicitur interseccio illa, quæ in Epistylis Ionicis, & Corinthijs, super Zophorum ponitur, hoc est, denticulata fascia per longum excurrens, quæque dentium ordinatam seriem repræsentat. Hanc præcipit Vitruu. lib. 3. cap. 3. fieri debere pro dimidia parte altitudinis ipsius excursions, quæ denticulos continet: Sic enim habet. *Suprà Zophorum denticulus est faciendus, tam altus quam Epistylii media fascia: proietura eius, quantum altitudo: interseccio, quæ græcè Metoche dicitur, sic est diuidenda, vt Denticulus altitudinis suæ dimidiam habeat partem in fronte.* Cæterum, quâ ratione ex græca notione hanc partem, *Metoche*, Vitruuius appellauerit, se non satis intelligere fatetur Baldus, quando ex græcanica notione, participationem, potius, quam interseccionem, tale verbum significare est natum. Quapropter corruptum textum suspicatur, & loco interseccionis, interceptionem, primitus habuisse: nam quæ sequuntur, concernere videntur frontis ipsius denticuli latitudinem. Simili modo

METOPAE apud eundem Vitruuium sunt intertignia, seu spatia, & interualla quæ in opere Dorico sub Corona interstinguuntur media inter opas, & triglyphos: vti in Ionico spatia & inanitates inter denticulos relictas. *Vtraque enim, ait lib. 4. cap. 2. & inter denticulos, & inter triglyphos, quæ sunt interualla, Metopæ nominantur, opas enim Græci tignorum cubilia, & asserum appellant: vti nostri ea caua, Columbaria.* At clariùs loquitur Philander in digressi. ad cap. 3. *Inter triglyphos, inquit, relinquendum interuallum tam latum, quam sunt ipsi alti: ita enim fiet quadratum perfectum, Id vocant Metopam, quod sit inter opas duas: ita dicunt tignorum, siue asserum cubilia, id est ubi conuiescunt, & sedent.* Inde ad earum differentias transiens, adiicit: *Metopæ, aut sunt puræ, aut scalpuntur lancibus, & taurorum capitibus reuinctis vitis cornibus, pendulis etiam floribus, frondibus, & fructibus, aut baccis: nonnunquam & lemniscis, hoc est, fasciis. Aliqui aliter ornauerunt.* Hæc Philander. Quæ intelligenda sunt in Zopho-

ro constitutæ inter triglyphos in opere Dorico; non inter denticulos in Epistyllo Ionico; in ijs enim interiecta spatia, plana & vacua omnino esse debent, vt videre est in vtriusque specimine, quod oculis spectatum dedimus sub V. *Epistylum*,

- 43 MICROCOSMVS, ex græco antonomasticè appellatur Homo, quasi Paruus Mundus, & Compendium Vniuersi. In quo profectò contemplari licet totam Creaturarum, præsertim sensibilibium, congeriem epilogatam: & si intimiùs etiam perscrutemur, hoc est mentem, quâ præditus est, in eo viuam Creatoris imaginem expressam dispicimus, ad sui prototypum efformatam: vt habetur in Sacris Paginis, Gen. 1. vers. 26. *Faciamus hominem ad imaginem, & similitudinem nostram.* Namque in Anima rationali, triplici potentiarum spirituum distinctiõne instructa, atque ab se indistinctarum, Diuinæ essentia unitatem, & personarum Trinitatem, velut in speculo veneramur; & in intellectu, omnium scientiarum semina pullulantia; in voluntate, è quâ omnium virtutum scaturigines ad actum practicum, non secus ac è Diuina essentia Artributa, emanant, perspicuè intuemur. Si verò proximè ad corporis fabricam descendamus, eam planè ad vniuersitatis ideam probè dispositam, partibus sibi inuicem cohærentibus, alias alijs subordinatas, omnesque in totius conseruationem conspirantes, à sapientissimo illo Opifice, qui eam suis manibus architectauit, vt esset Architecturæ nostræ modulus & exemplar, formatam habebimus. Equidem, vt obseruat Vitruu. lib. 3. cap. 1. *Non potest ades vlla, sine symmetria, atque proportionem habere compositionis, nisi, uti ad hominis benè figurati, membrorum habueris exactam rationem.* Hominis igitur efformatio ad Cælorum, tellurisque aptam dispositionem respondet; ædium autem extructio ad hominis symmetriam. Quoniam autem ex Euclide, corporum solidorum firmitas, & exterior affiguratio, eò est perennior, ac venustior, quò magis ad quadratam, vel circularem figuram accedit, aut his concludi commode potest; constat, corpus humanum, præ cæteris hanc rationem habere, Vniuersique optimam constitutionem perfectissimè imitari. Nam si homo (subdit Vitruu.) collocatus fuerit supinus, manibus, & pedibus pansis, circinique collocatum centrum in umbilico eius, circumagendo rotundationem, utrarumque manuum, & pedum digiti, linea tangentur, non minus, quemadmodum schema rotundationis in corpore efficitur. Tùm ad quadraturæ considerationem descendens, subdit: Si à pedibus imis ad summum caput mensum erit, eaque mensura relata fuerit ad manus pansas, inuenietur eadem latitudo, uti altitudo, quemadmodum area, quæ ad nor-

*nam sint quadrata*. Idipsum obseruant Plinius, & Solinus, atque, ex neotericis Albertus Durerus, qui de partium humani corporis symmetria, insigne volumen edidit.

Iure igitur Homo Microcosmus agnominatur, quia, ut ait Philosophus 8. Physicor. per omnia Macrocosmo, idest, Magno Mundo assimilatur. Ut proinde in vtriusque contemplatione hærens, addubites, vter alterius sit imago, vter prototypus, structuraque alterutrius operosior, ac nobilior. Certè vtraque admirabilis & Diuina, vti reapse est Diuinarum manuum opus. Ex quo nos non tantum animos ad virtutum prosecutionem & ordinem, tanquam in exemplari, formam edificere, instruere, & complantare debemus; verum, etiam ædes ad habitandum erigere, ac templa ad Diuinum numem inibi adorandum exædificare. Hæc satis de Microcosmi laudibus, & structura. Plura si vis, consule Maiolum *Dier. Canicul. colloqu. 2. de Homine*, & eruditum Dialogum Anton. Mizaldi, quem introducit inter Vraniam & Aesculapium *de Cælestium, & Humanorum corporum Harmonia*, ad finem suarum Centuriarum.

MICROMEGA in Geometricis denominatum est Instrumentum repræsentans sextam partem Quadrantis, hoc est, quindecim gradus descriptos in limbo; cuius ope expeditius & felicius quàm in Quadrante, aut alio quouis instrumento ad hoc factò, possumus locorum distantias, & altitudines dimetiri. Eius vsum, peculiari libello docet Lucius Scaranus Inuentor.

MICROSCOPIVM præclarum nostræ ætatis inuentum à Telescopio deriuatum, sed nescio, vtrum altero sit mirabilius aut iucundius. Nam illud tubo oblongo res valdè à nobis remotas, seu præsentés, obtutibus sistit, in sua magnitudine & circumstantijs distinctissimè contemplandas, quod aliàs nimia distantia denegabat; hoc præsentés quidem, sed minutissimas & propè inuisibiles, ità mirum in modum auget, vt monstra credideris, & vix sensibus fidas, earum partes distinguas, fibras penetres; in plerisque motum, & vitam agnoscas, & multa arcana hætenùs in Naturæ maiestate absconsa, ediscas, & oculis teneas. Etenim *Quis credere posset* (inquit Kircherus lib. 10. *Artis Magnæ Lucis, & Vnibræ, par. 2. cap. 8.*) *acerum, & lac innumerabili multitudine vermium scatere, nisi id Smicroscopia ars, hisce vltimis temporibus, summa omnium admiratione docuisset? Quis in animù vnquam inducere potuisset, viridem colorem in folijs citrorum, omni colorum genere compositum, nisi id eadem smicroscopia ars detexisset? Quæ omnia experientia rerum irrefragabilis Magistra nos docuit*

*enit &c.* In quo sanè portento, Ars supra Naturam insurgere quodammodò videtur, eique inuidiam, & avaritiam obiectare, ut quod illa altè occultuit, ipsa liberalior, ac munificentior palam faciat, gestiaturque intimas eius letabras sine oculorù offensione rimare. Id autem miraculi fit per simplicem incidentiam radiorum visuale in medium aliquod diaphanum, quod aptum sit eos diuergere, & iterum intensiores colligere, ut tandem conueniant in vnum punctum, qui dicitur focus; ex quo oculus per species iam dilatatas videat obiectum in ampliori forma, quàm reuerà sit: Hoc autem vel ab ipsa natura inuità didicimus. Nam, si inter obiectum, & potentiam visuam chrySTALLINA phiala aquis plena constituatur: ita ut in pulice vel formica pilos, oculos, rictum, læuorem, scabritiem, aliaque innumera prius incognita discernamus, ut penè fera, terribileque monstrum appareat, longe à seipso diuersum, cum tamen ipsissimum in re sit, nec vllatenus immutatum. Cuius rei gratia, præstat hic ex Scotto lib. 10. Magiz Catoptr. sintagm. 4. cap. 1. exscribere lepidam historiunculam, quæ horroris, & confusionis primùm causa fuit, postea, re detecta, risus, ac iucunditatis. Res ita se habuit. *Insignis quidam, & doctissimus vir, scriptis libris notissimus, è Bauaria per inferiorem Austriam in Tyrolum inter faciebat, Nuncio comitatus; & in via correptus, febris subsistere fuit coactus in pago quodam, ubi & mortuus est. Antequam terra mandaretur cadauer, à loci Parocho & incolis, Prator cum Senioribus sarcinulas demortui excussit, inuenitque inter alia, Microscopium cum incluso pulice. Cohorruit Prator, & quotquot ex astantibus Microscopium inspexere; asserentes demortuum virum veneficum fuisse, & Damonem vitro inclusum secum gestare, ideoque indignum sepultura esse. Diù tenuit controuersia: donec tandem, nescio, studio an casu, aperto instrumento, apparuit, pulicem pilosum, ac hirsutissimum esse, quem damonem putauerunt. Sic itaque ludit Ars cum Natura, ut hæc vel inuita, eam edoceat Microscopia efformare ad exemplar, quod ipsa prius casu, & rude nimis inspectare permiserat. Id autem totum fit, & fundatur in Doctrina Triangulorum, quoniam species obiectorum terminantur ad potentiam visuam per modum conijuncti per axem; ita ut basis se teneat ex parte obiecti visi, vertex autem, seu apex pertingat ad pupillam oculi: quò fit, ut pro qualitate producti conijuncti, ipsum obiectum aut in suo esse, aut maius vel minus appareat, quàm reuera sit, ut est propius vel longinquius. Et si quidem in debita, & proportionata distantia fuerit, ex quo prodeat triangulum rectangulum, tunc apparet in sua reali magnitudine quam obtinet: si longè absens, tunc efformabit triangulum acutangulum, adeoque apparebit diminutum, ac tantò minorescit,*

quan-

quantò longius remouetur, quippe triangulum semper fit magis, ac magis acutum in vertice, donec reducatur ad punctum, in quo euanesceat, & sic obiectum amplius non videtur: si verò propius quam par est, approximetur obiectum, transmittet conum, & triangulum obtusangulum, & consequenter apparebit maius ac maius, quò magis fuerit approximatum; adeout si ita approximetur, vt pupillam tangat, iam non reddatur visibile, quia conus dispergitur, & angulus abit in lineam rectam. Nunc autem lentes interpositæ, per quas transeunt radij visuales, habent illos conuergere, ac diuergere, prout elaboratæ fuerint, ac probe inter se dispositæ; sicque acutiorem, aut obtusiores efformare angulum tendentem ad oculum; quò fit diuersitas apparentiæ. De his acutè discurret P. 48  
Eschinardus in sua Optica. Quare, si quis adeò excellens sit in huiusmodi lentibus efformandis, ac ritè ad oculum constituendis; nulli dubium, quin mira & semper occultiora in dies detegi possint hætenus incognita, medijs eiusmodi instrumentis, ex ijsque educi multa non tam aspectui iucunda, quam humano vsui percommoda, & vtilia: quemadmodum videmus in his quas primum inuenit, & confecit P. Reyra Capuccinus; & nostris diebus, ad summam perfectionem redege're Eustachius de Diuinis Romanus, & Ioseph Campana adhuc viuens, cuius industria & labore, lentes adeò prodigiosè formatae sunt, vt in Saturno nobile satellitum quatuor stellarum, vltra duas pedissequas iam notas; & in Luna nonnulla captu incredibilia; (nisi quod iam sensibus comprehenduntur) hucusque detecta sunt.

MILITARIS ARS, quò benè exerceatur, fructumque laboris obtineat, securam nempè victoriam, diuturnæque pacis stabilitatem, 49  
Mathematicis disciplinis dirigi opus habet. Etenim, si castra metanda sunt, si stationes locandæ, si acies explicandæ, si locus idoneus eligendus ad prælium inieundum, si cum hoste, felici sorte, congreduendum; si demùm arces inexpugnabiles erigendæ, aut machinæ ad eas obsidendas, & superandas, compingendæ sunt, & ad opus vtiliter adiuuendæ; Mathematicis institutis expedienda res est: ac modò Geometria, modò Arithmetica, modò Astronomia, modò Geodæsia, subfamulatricæque artes, ad auxiliares copias, magis quam subsidia, & numerus externorum militum, aduocandæ sunt. Quocircà summa exquiritur in belli moderatoribus earum pericia, iugis exercitatio, & consummata experientia; vti multis ostendit Vegetius militaris artis Magister, totis quatuor libris de ea conscriptis. Sed audi ex Historicis Aelianum, id ex sacratione doctrinæ Platonis penu, ornatissimè colligentem, lib. 2. vbi hæc habet.



*Castramentatio*, ait Plato. Geometria est: etenim signum à Centurione ponitur, tanquam punctum: unde vel circulus, si copias exiguas videri oporteat; vel quadratum si magnas, circumquaque certo intervallo describitur, dimetiente linea, transversa latera secantur. Itinera in pontium, & navium fabrica, in fluminum derivatione, equitum, hinc & illinc, inter pedites medios collocatione, geometrico artificio conficiuntur. Locus iisdem artibus oppugnatur, aut propugnatur. Hinc enim aggeres, vinea, turres ambulatoria, ceteraque machina oriuntur. Ergo Geometria utilitatem hanc militiae dedit, sed eam suis figuris praeliorum varietates mirabiles effecit. Cuneo facto, pauci Caesaris milites Sicamborum nescio quot millia pertruperunt, & incolumes evaserunt. Orbe autem, facto, trecenti legionarii sexmillia Morinorum, amplius horis quatuor, sustinuerunt. Quin, si Urbis multitudine hostium circumventus sit, longitudo quam maxima, veluti recta peripheriam exaquantis porrigatur; alternisq; conversis cohortibus, corona hostium dextro sinistroque cornu media diuidatur, diuisaque profligatur? Quae omnia nil aliud, quam, velut in abaco, Geometriam demonstrant. Haec omnia Aelianus de Geometria Mathematicam disciplinarum matre, ac primpila. Pergit postea reliquarum, & subalternarum artium, longo circuitu, commoda, atque utilitates in bellicis rebus ostendere, earumque studium moderatoribus militiae suadere. Sed quid ad hanc rem argumenta ab Historicis petere, quando in proprio fundo abunde suppetunt, & facti experientia id evidentissime comprobatur? Quapropter vniuersae militiae terminos, & axiomata explicare, diuersas bellandi formas, tam ad oppugnandum, quam ad propugnandum, in medium ferre; armorum genera, machinamenta, inuentionesque varias enumerare; Arces, propugnacula, recessus, accessusque obsidionales, aliaque ad militem Architecturam spectantia, non tam verbis exprimere, quam lineamentis, & exhibitis, ubi opus est, figuris, obutibus exponere; profecto à nostro instituto digredi non arbitramur, cum omnia tandem in Mathesis laudem, & peritiam cedant. Id quod per partes in loco, ubi de ijs recurrit sermo, praestamus. Itaque ut à limine exordiamur.

MILES à militia, siue hæc à milite nomen hausit. Nominis etymon satis obscurum: A *Mollitie* derivatum Sextus existimat, (ut à non bello, per antiphrasim, Bellum) eoquod in milite nihil esse debeat molle, debile, vel effeminatum. Alij à millenario numero defumunt, quod quoruscunque bellator sit, vnus existat de millenario, ex quibus tria, Legionem complent, quam singulæ tribus Ramnensium, Tatientium, & Lucerum, suum millenarium ex millo bel-

bellatoribus constans ad augendam hostem, Romanis mittebant; Ut ut res se habeat, certè militis officium est bellum non molliter; aut ignauiter inire, in sua statione constanter sistere, & cum res tulerit, cum hoste fortiter congregi ac dimicare. Porro apud Romanos; milites qui sub signis merebant, erant in triplici genere: Equites; Pedites; ac Velitarij ex utrisque commixti; qui leuibus armis tecti, pugnam telis, ac fundis eminens auspicabantur. Qui omnes ordines in alias quoque classes dissecabantur. Hæc nunc tetigisse sat est; nam de singulis singillatim suo loco dicemus.

• MILLIARIVM, & *Milliare*, certam itineris mensuram, vel loci ab 51  
loco distantiam, in Geographicis denotat: quamquam, ubi multa  
est intercapedo, & longissimus itineris tractus, Geographi non  
per passuum millia, sed per directum medijs circulis latitudinum,  
& longitudinum id auspicantur: nihilominus, & ipsi per *Milliaria*  
computant, & ad hunc finem in tabulis Geographicis, scalam mil-  
liariorum exhibent, tribuendo singulis gradibus tam in longum,  
quam in latum per directum excurrentibus, tot & tot milliaria, quæ  
postea ad spatium, inter vnum & alterum locum interceptum,  
translata, dant facile intelligi, quantum vnum ab alio distet. Et  
quidem *milliare* ut sic, acceptum, mille passus geometricos appellat,  
& signat, hoc est, stadia octo, cum stadium centum vigintiquinque  
passus contineat. Atqui in longitudine geographica singuli gradus  
Aequatoris quingenta stadia comprehendunt, seu sexagintaduo fere  
milliaria cum dimidio. Dixi, de gradibus Aequatoris, ut inuerem  
id procedere, quando duo loca sub diuersis meridianis constituta,  
recto tramite, & in æquidistantia à Polis, immediate sub Aequatore  
ponuntur. Nam quæ sub diuersis parallelis; in diuersis, vel etiam  
sub eodem meridiano consistunt, aliunde auspicantur distantias; &  
si quidem ambo sint sub eodem meridiano, distantia computatur à  
gradibus latitudinis seu declinationum interceptis, vtrò citroque  
vel etiam hincinde ab æquatore simul iunctis, tribuendo singulis gra-  
dibus data proportionem maioris, aut minoris accessus ad Polum,  
fere sexagena item, & duo milliaria: Si verò in diuersis parallelis,  
& meridianis extiterint, non eo ipso computanda est distantia in  
milliarijs à gradibus interceptis, sed sumenda prius proportio pa-  
rallorum ad æquatorem, eo quod in æquatore maior est, quam fieri  
potest, amplitudo Sphæræ, & maximum circulum habet: quæ tamen  
semper minor ac minor est, quò magis ad polum vergit, ubi tandem  
in punctum reducitur, & nulla est; ideoque singuli gradus declina-  
tionis ab æquatore minores, & minores parallelos describunt,  
sic-

sicque minorem numerum milliariorum sibi vendicant. Cæterum hæc Milliaria non æquæ ab omnibus populis, & nationibus computantur. Galli bis mille passus ad leucam seu milliæ assumunt: Hispani ter mille: Germani quater; Angli quinquies mille, hoc est, totidem milliaria Italica: & sic de alijs, prout cuique libitum fuit. Quorum omnium ratio ex Itinerarijs, & peculiaribus regulis geographicis haberi potest.

- 52 MINA, præterquam quod ex Attica notione ad nos deriuato vocabulo, certam ponderis mensuram olim apud Athenienses, postea ad rem nummariam transeuntem denotabat (de qua re fusè qui de ponderibus, & mensuris pertractant) in Geographicis, seu agriorum dimensionibus, certam spatij mensuram significat, quam communiter Actum vocant quadratum, comprehendentē in longum & latum, centum viginti pedes: de qua, fusè in V. Actus. Nostri Cisalpini, & Insulares Modium vocant. In genere architectonico, & in plurali vsurpatæ Minæ apud antiquos Scriptores, teste Turnebo, lib. 3. Aduersar. cap. 14. creduntur esse hiatus illi, seu fenestellæ ad Urbium portas, & propugnacula apertæ in frontibus, & exterius angustæ nimis, & vix conspicuæ, interius autem latæ, quantum singulos capere possint, vt exinde probè contesti tela, tormentarios globos, & alia missilia, impunè in aduersarios dirigant, & à muris repellant; quæ etiam in nostris munitionibus locum habent, & Saettiere vulgò appellantur. In hanc sententiam, & præfatam vocis explicationem venit La Cerda in illud Virgilij Aeneid. 4.

*Pendent opera interrupta, minaque*

*Murorum ingentes, aquataque machina Cælo.*

Vbi hæc addit. *Mina partes murorum sunt, in quibus sunt propugnatores hostibus minantes, quæ ad emissionem telorum fenestratae sunt, & ideo minas vult dictas, quia ex ijs minæ in hostes intenduntur.* Id quod confirmat autoritate Rufini, apud Iosephum, dicentis. *In summo autem, propugnaculis, minisque erant ornata.* At nil inde certi expiscari potest pro fenestellis, quas diximus: quin potius ex eodem alibi habemus, minas neutiquam his propugnaculorum hiatus applicari posse, cum eas à propugnaculis seiunctas, ac distinctas asserat: Ait enim. *Et minas quidem binis cubitis, propugnacula verò ternis habebant.* Quare germanior est, meo iudicio, expositio Seruij, & aliorum, qui ad locum illum Virgilij, pro Minis pinnas murorum intelligunt, quæ in eorum summitate, per quam propugnatores milites discutunt, interpolatè eriguntur, vt sub ijs latent, ac subinde è spatio interiecto, impunè in hostes iacula mittant: sic enim

optime eisquadrat latitudo cubitalis descripta, cum aliàs id verificari non possit de fenestellis. in medijs mœnibus patefactis ad tantam latitudinem, quæ proinde effectus commodum non haberent. Consonant Ammianus lib. 24. vbi de quadam insigni arce loquens, ait: *Excellebant minæ murorum, bitumine & cœstilibus laterculis fabricata, quo adificij genere nihil tutius esse constat.* Plura etiam ad hanc rem posterioris æui, affert Du-Cange in Glossario. Cæterum Minæ apud nos, vulgò appellantur suffossiones militares ad euertendos obsessæ vrbis muros, & propugnacula factæ: de quibus fusè diximus in V. Cuniculus.

MINVTIARIA apud Philandrum ad lib. 4. cap. 2. Vitruu. Ars est 53  
fabrilis, Musuarix valde affinis, quæ ex minutis tessellis è ligno variegato, & versicolore, figuras effingit, perinde ac si picturarum opus esset. Gallorum proprium vocabulum esse ait, sed facile commune, & latinum non inelegans dixeris, quandoquidem ex minutis quibus constat ex scætilibus asserentis, crediderim deriuatum. Solet maxime adhiberi in opere intestino in tabulis planis, seu tympanis valuarum, & alibi, vbi totum opus è ligno compingitur. Vidimus nos in hoc genere insigne opus totam quandam historiam referens, Bononiæ in Sacratio, & in Odæo Canobij P. P. Dominicanorum, cuiuscumque picturæ, aut operi musuario palmam proripiens. Nos ex bracteis, & lamellis inscititijs, quibus componitur, *Intarsiatum* vocamus.

MISSILIA in genere, agnominantur ea omnia, quæ eminus in- 54  
prælijs emittuntur, siue funda, siue arcu, siue manu, siue machinis emissorijs quomodolibet; quo nomine comprehenduntur vniuersa tela, saxa, & pilæ, quæ è bombardis exploduntur vi pulueris pyrii; præcipue cum in plurali, & sine adiuncto dicuntur, vt illud Virgilij Aeneid. 9. de Rutilis. *Pellere vallo missilibus certant,* & lib. 10.

*Telaque conijciunt, proturbantque eminus hostem.*

*Missilibus.*

Quin & quandoque ipsa tormenta quibus hæc mittebantur, missilia dicta sunt, vt ab Hircio de Bello African. *Ballista missa à nostris turrem deiecit:* & Liuius semel & iterum tormenta Missilia vocat; fortè ab insita vi iaciendi, quæ tanta erat in Ballistis, & Catapultis, vt mira sint quæ refert Iosephus lib. 3. de obsidione Iotapatæ, nempe, *interdiu prægnantis femina vtero traiecto, ad dimidium stadium infans abactus est;* tanta tormento vis fuit. Sed de his suo loco.

- 55 MOBILIA SIGNA in Cælestibus, quæ & Cardinalia ab Astronomis appellantur, in quibus variantur primarum qualitatum combinationes, & cedente vna, altera prædominatur; vbi constitutus planeta, maximè Sol, sunt temporum mutationes, prævalente in Vere humiditate mixta Calori; in Aestate, calore cum siccitate; in Autumno, Siccitate cum frigiditate: atque in Hyeme, frigiditate. Ea sunt Aries, & Libra signa æquinoctialia, quæ aperiunt Ver, & Autumnum: & Cancer & Capricornus, quæ Aestatem, & Hyemem; quæque Zodiacum, ac totum cæli ambitum in quatuor quadrantes dissecunt, per Coluros sese in Polis ad angulos rectos interfecantes, in quorum singulis maximè viget hæc qualitatum præpollentia, & combinatio; sed potissimum manifestatur in signis medijs, & fixis; quales sunt Taurus, Leo, Scorpius, & Aquarius: Reliqua quatuor, nempe Gemini, Virgo, Sagittarius, & Aquarius, dicuntur Communia, quia communicant, & participant cum extremis, & ab ijs fit transitus ad anni mutationes. Porro, sicut hæc signa in Cælestibus inducunt mutationes primarum qualitatum, ita in sublunaribus apportant rerum mutabilitatem, & alterationum indicia sunt: sicut econtrà Fixa, stabilitatis.

- 56 MODERATORES apud Astronomos audiunt præcipui rerum, Significatores, Planetæ, vel alia loca in Cælo, quæ habent aliquid specialius moderari, & significare. Subintrant enim rationem subiecti passibilis respectu actiuitatis aliorum siderum, quæ recipiunt in se qualitates ab illis impressas, & actuantur ad id promendum, quod à singulis in suo genere significatur. Siderum verò occurrentium, (quæ etiam Promissores dicuntur) est specificare, atque in indiuiduo determinare rem per moderatorem generaliter significatam, ad suæ naturæ conditionem siue beneficam, siue maleficam. Sic, exempli gratia, Horoscopus est vniuersalis Vitæ Moderator, vt, & affectionum corporis, valetudinis, infirmitatum, &c. proindeque in omni siderum occurso, qui directionis motu perficitur, recipit ab ijs aliquam alterationem in his, quæ per illum significantur, de natura tamen sideris occurrentis: itaut, si benefica fuerit occurrentans, inducat, & significet bonâ, & faustitatem in ijs quæ modò enumerauimus: si malefica, mala, turbationesque in eodem genere. Sic Saturnus, eiusue radius hostilis ad horoscopus, adducit mala in vita, & valetudine, de naturâ, & qualitate ipsius Saturni; vt commotiones artus bilis, febres chronicæ, frigidas, lentas, peri-

pericula Saturnina, &c. Mars verò, fuscitationem flauæ bilis, febres ardentes, acutas; pericula ignis, ignitorum, &c. Econtrà Iupiter benè affectus, & de benigno radio respiciens Horoscopus, firmam corporis valetudinem, humorum temperiem, animi alacritatem, &c. malè affectus, & hostili radio horoscopo occurrans; causat pleuritides, Anginam, Cardiacam, dolores capitis, & similia.

Porò quinque tantum rerum moderatores statuit Ptolemæus, qui de ijs indicent; utrumque Luminare, Horoscopus, Cœli Culmen, & Partem Fortunæ; quoniam existimauit, omnia accidentia humana, tam intrinsecus prodeuntia in valetudine; corporis, animique affectionibus, quàm extrinsecus aduenientia, ab his quinque æquè, benè in regimen assumi posse, & vniuersim complecti. Verum Argolus, & plerique Recentiores autumant, non, hos modo, sed & reliquos Cardines, imò & singulas Domorum, Cuspides, tum etiam omnes Erraticas, posse munus Moderatoris obire in rebus quæ sunt de eorum natura, & quorum habent significata. Possunt namque, inquiunt, recipere impressiones siderum occurrantium, atque adeo plurima accidentia, tam prospera, quam aduersa, per suas directiones inducere, quorum nè umbratilem quidem notitiam à dictis quinque assignatis Moderatoribus, possumus auspicari. Nec illis experientia, aut congruens ratio deficit, qua valeant id comprobare. Etenim, cum in Meteorologicis compertum iam sit, alios quinque Planetas plurimum in rerum productionibus, & aëris mutationibus sibi assumere, ut ventos inducere Mercurium; intendere frigus Saturnum; pluuias facere Venerem; calorem augere Martem, &c. cur non in reliquis significatis eadem prærogatiua non gaudeant? Sanè Ptolemæus ipse, cum de electione Aphetæ, seu vitæ Moderatoris sermonem instituit, apertè docet, ut quando Sol, aut Luna non reperiuntur in locis apheticis, ut possint subire prærogatiuam hylegalem, debeat ad hoc munus assumi planeta, qui pluribus dignitatibus polleat in locis Luminarium, Ascendentis, Partis Fortunæ, & proximè celebratæ Luminarium coniunctionis, aut Oppositionis. Si igitur in hoc casu vitæ moderandæ rationem, deficientibus alijs, suscipere potest Planeta talibus numeris auctus; cur non in reliquis significatis, quæ sibi naturaliter competunt? & si is, cur non & alij in suo genere? Et quidem testatur Argolus, se summa felicitate, omnium Planetarum directiones instituisse, & optimè respondisse effectus significatis: additque quod si quis reliquarum domorum cuspides ex orio assumeret dirigendas, multa hæcenus



ignota, & non sanè spernenda compereret. In hac controuersia nihil statuo; sed linquo otiosis, & curiosis rerum indagatoribus eam ex euentibus, vanis aut voto respondentibus, definire.

58

MODVLVS generale, & frequentatissimum Architectis vocabulum est, quo significatur assumpta quædam ad placitum extruendi ædificij pars, pro cæterarum mensura; ad cuius postea rationem, reliquæ expenduntur, & ordinantur ad totius operis ordinem, connexionem, & symmetriam habendam. De hac re sæpè Vitruu. atque illum ritè sumendi, varia præcepta tradit pro diuersis ædium speciebus, ac tandem vniuersè concludit lib. 3. cap. 2. *Venustatem persequitur visus, cuius si non blandimur voluptati, proportionem, & modulorum adiectionibus, uti id in quo fallimur temperatione adangeatur; vastus, & inuenustus conspicientibus remittetur aspectus.* Vt in opere Ionico, & Corinthio, exempli gratia, mensuræ ratio sumitur à Summæ trabis, seu Epistylj magnitudine, quæ regulariter diuiditur in duodecim æquas partes, & singulæ partes pro modulis assumuntur: itaut ex ijs vna, dimidia, duæ, tresue, &c. dentur cæteris membris ritè constituendis, & singula suam magnitudinem seruent, mutuoque sibi respondeant. Sic, si Epistylj altitudo (assert pro exemplo Vitruu.) sit tributa in septem partes, & ex his vna sit assignata cymatio, reliquæ sex in tres fascias abeunt, itaut vna, quæ respondere petit summo columnæ scapo, tres partes, seu modulos habeat; media quatuor; suprema tam lata, quam crassus est imus columnæ scapus, proindeque contineat ipsa quinque modulos, profectò conspicietur, totam Epistylj altitudinem, & partium coherentiam consurgere ex duodecim modulis. Contignatio quoque, quæ alias Zophorus dicitur, si pura, & simplex statuenda sit, debet esse Epistyljo quarta parte minor: si sculpturis ornari debeat, illud quarta parte superare. Habebit insuper cymatium altum, quantum ipsius septima pars; Supra cymatium venit denticulus, cuius altitudo duplo maior oportet vt sit, eiusdem latitudine. Denique spatium quod inter duos denticulos relinquitur cauum, debet esse altius, quam latum tertia parte; cui addi debet cymatium altum sexta ipsius parte. Et sic de reliquis. Qua in re sparsum in opere verba facimus. Sed qui totam collectim assequi vult, videat eruditissimam, & quæ omnino desiderabatur, digressionem, quam facit Philander ad textum Vitruu. vbi distinctè, & exactissimè agit de vniuersa Columnationum, ac Trabeationum ratione, in singulis ordinibus seruanda;

MODVLI etiam *Aquarij*, sunt certæ mensuræ ac termini constituti in Aquæductis, ad continendam ac deriuandam aquam, quorum, alij erant erogatorij, alij acceptorij. Erogatorius erat vtplurimum æneus, qui castello, aut riuo indabatur, per quem aqua in fistulas influebat, & aliò apportabatur; qui alio nomine dicitur Calix. Acceptorius, erat ipsa fistula, quæ calici applicabatur non qualiscumque, sed minoris capacitatis, quam calix; & longa non minùs digitorum duodecim. Hæc ex Frontiuo de Aquæd. qui etiam viginti-quinque differentias modulorum censet ex Vlpiano *l. damni infecti ff. de damn. infect.* quamuis dicat quindecim tantum suo tempore, fuisse in vsu. Vide in V. *Erogatorium*. 59

MODVLI quoque dicuntur in Musica certæ quædam ad numeros respondentes occinendi rationes, quæ sonoram & gratam efficiunt melodiam, vnde Modulatio nomen sumpsit; cuius diuersas species censet Plinius, earumque inuētores lib. 7. cap. 36. quas tamen ad tria capita reducit Vitruu. lib. 5. cap. 4. Harmonicam, Chromaticam, & Diatonicam: De quibus singulis suo loco. 60

MOENIA quid sint in Militari Architectura, omnes optimè norūt: quippe eo nomine veniunt muri, & opera aptè disposita quæ Vrberem, aut Arcem cingunt, & muniunt aduersus hostium incursiones, vnde à muniendo plerique nominis etymon deriuarunt. Quod ideo latius patēt quam muri: siquidem hi simpliciores sunt, & per circuitum siuè per longum liberius excurrunt; absque vllò opere adiecto; Mœnia autem, & illos, & hæc complectuntur in vnum, quæ faciunt tūm ad tuitionem, tūm ad hostium offensionem. Id quod benè notauit Cæsar lib. 2. de bello ciu. illos ab his dispescens, & antequam mœnia ponerentur, iam in vrbe extantes muros supponens: sic enim loquitur de mœnijs ab suo exercitu ponē muros nouiter excitatis; atque ab hoste cum admiratione, ac terrore visis. *Sic ut ipsis confisendi in suis munitionibus locus non esset, quum penè inadificata in muris ab exercitu nostro, mania viderentur, ac tela manu conijcerentur, &c.* Scio à plerisque mœnia, & muros passim confundi; & pro eadem re vsurpari; at nusquam legi munitiones, & arces validas sine mœnijs, bene vero vrbes, & Oppida muris cincta. 61

Porro pro temporum diuersitate, & artis militaris in dies acquisita peritia, variata sunt etiam mœnium rationes, ad firmandam loci tutelam, & munimentum. Olim antequam tormenta ænea, quas bom- 62

bombardas dicunt, inuenirentur, sat erat vrbes muris validis, & præaltis cingere, adiectis tantummodò pinnis ad eorum summitatem, quò non ita facile scalari possent, & si forè ad eos propius hostes accederent, sagittis alijsque missilibus arcerentur. Postea adiungere turres; namque vt notat Veget. lib. 4. cap. 2. *Ambitum muri directum Veteres duci noluerunt, ne ad ictus arietum esset dispositus; sed sinuosis anfractibus, iactis fundamentis clausere vrbes, crebrioresque turres in ipsis angulis ediderunt propterea.* Qualis autem habitudo turrium ad muros, & quanta inter ipsas turres distantia esse conueniat, docet Vitruuius lib. 1. cap. 5. *Turres, inquit, sunt proijcienda in exteriorem partem, uti cum ad murum hostis impetu velit appropinquare à turribus dextra, ac sinistra lateribus apertis telis vulneretur.* Et paulò post de intervallis loquens, ait: *Intervalla autem turrium ita facienda; ut nè longius sit alia ab alia saggite emissionem, uti si qua oppugnatur, tum à turribus, quæ erunt dextra ac sinistra scorpionibus, reliquisque telorum missilibus hostes reiciantur.* At profectò inanis, & superuacanea foret nostris temporibus hæc cautio, cum iam non missilibus, & sagittis res agitur, sed tormentis fulminantibus, & pilis ferreis, eminus ad muros quasiandos emissis, aduersus quæ nihil missilia è pinnis eiaculara. Quapropter alia incunda fuit belligerandi ratio, & mœnia ita constituere opus fuit, vt & hostilibus ictibus simul resisterent, ac vicissim recipiendis desuper tormentis, quæ in hostes exploderentur, percommoda, & ad librandum apta: & idcirco non amplius erecta ad perpendicularum, non nimis alta, non quadratis, aut circularibus turribus communita, sed humiliora, & in decliui posita, atque internè terreo aggere conuestita, & externè triangularibus propugnaculis, alijsque operibus roborata, vt hostium ictus eludere, aut declinare, aut frangere facile possent, & insimul apta essent ad illos eorumque opera, tormentis iugiter impetenda, dissipanda, ac disturbanda, aliaque non minus vtilia, quam necessaria ad longum obsidium sustinendum, ac distinendos hostes, eorumque conatus, cassos, irritos, evanidosque reddendos. Qua de re fusè alibi dictum, ac præcipuè in V. *Arx.*

63

MOMENTVM, vniuersale, ac fecundissimæ significationis vocabulum est, & ad omnia fere aptatur, quæ in aliqua consideratione sunt, & quorum vis, & potestas hic & nunc, se sola perpenditur, & in subiecta materia examinatur. Sic dicimus, Hoc negotium magni aut parui momenti est. Momentum grauitatis, Momentum velocitatis, &c. quo exprimitur insita illa vis, & gradus virtutis, quæ

quæ in vnaquaque re, in suo genere reperitur, & natura sibi conuenit habet. Sic enim dicimus Momenta temporis, quæ illud in minimas particulas comminuunt, & discescunt. Omnia autem dicuntur per analogiam ad Momentum Mathematicum, quo omnia corpora considerentur naturali impulsu ferri ad suum centrum, & extrâ illud constitui in statu quodammodo innaturali, & violento. Quod ideo, ijs prætermisiss, in hoc tantummodo pedem figimus, & eius naturam, & passiones trademus. Momentum igitur grauitatis, quod Mathematicæ subiectum est, ac potissimum Staticæ, sic describitur ab Galilæo in sua Mechanica. *Est propensio illa corporis grauitantis, quæ deorsum tendit ad suum centrum, idque non tam ex grauitate ipsius mobilis, quam ex dispositione, & collatione duorum vel plurium grauium inter se, ratione cuius multoties fit, ut minus graue præponderet grauiori.* Exemplum habemus passim in veste, & clarissimum in statera; vbi pondus exiguum, quod ex sui natura habet momentum v. g. vt duo, suspensum è brachio longiore vires acquirit, & præponderat æquipondio, quod valet vt quatuor, sex, &c. eoquia ex illa dispositione, collatione & distantia, quam accidentaliter habet ab hypomochlio, seu centro grauitatis, maius acquirit momentum; & quò magis ab eo distat, magis grauitat, & id obinet, vt sursum attollat quod alioqui grauius in se est, sed hic & nunc, minoris momenti. Ex quo vniuersali principio, multa & grauissima Postulata deducit acutissimus Archimedes in lib. de Æquiponderantib. Quorum aliqua vniuersaliora hic afferemus, & explicabimus ad nostrum propositum facientia. Primum est, quod *Gravia per se æqualibus distantijs constituta, æqualia habent momenta*, hoc est quod æqualiter grauitent, sintque proinde in æquilibrio, vt patet in Libra. Id autem oritur ex eo, quod omne graue habet suum centrum grauitatis, quod est illud punctum constituens ipsum in linea directionis in qua cuncta quiescunt. Igitur, dato quod duo corpora ex se æqualiter grauitent, & cæteroqui sint in æquali distantia à centro, seu puncto suspensionis; necessariò eandem comparabunt consistentiam, & momentum. Secundum Postulatum est huic directè contrarium, & contraria ratione euincitur: nempe: *Gravia quæcunque etsi secundum suam naturam sunt æqualis grauitationis; si tamen suspendantur, ex inæqualibus distantijs à centro directionis, non idem seruant momentum; sed id præponderat, quod ex maiori distantia pendet.* propterea quod maius momentum acquirit: cuius excessus oritur non iam ex natura ponderum, quæ supponuntur æqualia, sed ex inæqualitate motus, quem parit maior elongatio à puncto suspensionis.

sionis; & quod maior hæc erit, maius momentum illi conferet. Tertium; & quartum Postulatum ex his inferuntur. Nam datis duobus æque grauitantibus, tam ex sui natura, quam ex æquidistantia à centro suspensionis; si tamen vni eorum aliudquid vel minimum ponderans ex seque penè insensibile adijciatur, vel alteri detrahatur; iam non erunt in æqualibrio, quia per illam minimam adiectionem vel subtractionem alterantur momenta, diuersosque effectus parturiunt. Hæc satis sunt ad explicandam momentorum rationem, naturam, æque variabilitatem.

64

Ceterum ex hucusque dictis, constat apertè, Momentum grauitatis nil aliud esse, quam propensionem illam, seu nisum qui innatus est, competitque cuiuscumque graui tendendi ad suum centrum, itaut si liberum relinqueretur, mox properaret ad illud descendere: quia verò iuxta varias circumstantias, variasque eius collocationes, aut media, quæ interponuntur, inæquales ex accidenti acquirit propensiones, ac momentorum accessiones, cum momentum in re nihil aliud sit, quam ipsa vis granitans, & perinde est dicere Momentum grauis, ac ipsam rei grauitationem, seu absolutam, seu respectiuam. Absolutam voco, quam ex se insitam habet, & semper eandem, itaut si graue in se liberum relinqueretur suspensum in aère, mox motum iniret deorsum ad suum centrum, quod ideo, appellatur momentum totale, absolutum, vis descensiuæ, grauitatio perpendicularis &c. quæ omnia sunt synonymia: Respectiuæ, verò dicitur, seu momentum particulare, est propensio illa actualis ad descendendum, quam successiuè acquirit aut perdit, sitque maior aut minor totali, proratione variarum, aut distantiarum à centro, ex quibus graue dependet, aut positionum eius rei, quæ nititur, vel medijs in quo est. Plura de hoc argumento habes in absolutissimo tractatu, quem nuper edidit nostri amantissimus Vitalis Iordanus Publicus Mathematicarum Disciplinarum Professor in alma Vniuersitate Romana; atque *Fundamentum doctrine motus Grauium* indigitauit.

65

MONANGON obscurum verbū apud Heronem Mechanicum in lib. de *Machinis bellicis*, quo significare illum voluisse, dicit in Notis Barocius, *Instrumentum quoddam iaculatorium Ballistæ simile*. Sed hoc iam teneo ex ipso Hierone in contextu; at quale id sit, & in quo eum Ballista conueniat, aut ex parte discrepet, vti & Angon, ex quo componitur, hoc nos ab eo scire desideramus. Addit Barocius, exquisitam eius descriptionem extare apud Athenzum, non citato loco.

loco . Verum in Athenæo nusquam nec Angonis , nec Manangonis fit minima mentio . Quod si de Ballista , Catapulta , aut alio consimili organo , de quo loquitur Athenæus , velit intellexisse pro Monangone , citò se expediat , & dicat esse synonyma . Sed vide quæ diximus in V. *Angon* .

MONOCHORDVM appellatum fuit Primum , idemque originarium instrumentum Musicum , & cardo totius modulationis . Est illud quidem simplex , & planum , quippe quod per vnā tantum chordam in longum protensam , constituitur , vnde & nomen accepit : verum in se omnes sonorum ac vocum differentias virtute completitur , discrepantes in concordiam vnit , ac propoportionum regulā simul confert , & ordinat in dulcissimam harmoniam . Formatur , vt dixi , ex vna chorda , seu pluribus vnisonis , quæ eundem effectum habent ; sed quæ postea magis , ac magis tensa , aut varijs panniculi nexibus stas in locis compressa ( tastos nos dicimus ) sonum edit semper acutiorem ; vt econtrā laxata , ex acuto , vertit in grauem : atq; itā ex diuersis , ac disparatis sonis vna profilit consonantia , & auribus ablandiens melodia . Id quod à natura ipsa edocta est ingeniosa posteritas , & à Cælorum motibus , Astrorumque varia configuratione , Musicæ artificiosa sonorum , & vocum partitio , sumpsit exemplum . Nam , vt acutè obseruauit Keplerus , omnis diuisionario chordæ constituit Diapason , quæ reapse eadem vox , aut sonus est , sed in superiore acutorum ordine constituta . Item ex diuisione chordæ in tres partes æquales , consurgit Diapente . Rursus si in quatuor diuidatur , fit Diatasseron . Si in quinque , emergit Tertia maior . Si in sex , Tertia minor . Tandem in octo partes tributa , fit Sexta maior : Quæ diuisiones , & consonantiz miro modo respondent Cælestibus motibus , & radijs , quos per illos emittunt sibi inuicem Sidera , familiaritatemque aliquam contrahunt , virtutesque communicant , prout alibi diximus , atque exemplum dedimus in Luna ergā suum locum-radicalem in ægrorum Decubitu . Id-ipsū in Cubo , longè ante agnouere Pythagoræ , vnde & Cubum Harmonicum nominarunt , quia in eo omnes harmonicarum consonantiarum rationes reperiuntur . Nam cum is constet lateribus duodecim , angulis octo , quadratis planis sex , proculdubio in his mutuò collatis , quinque præcipuæ consonantiz rationes , quamuis mutæ , proportionali collatione se produnt . Etenim octo ad sex sesquiterciam habet proportionem , in qua Diatasseron sita est . Duodecim verò ad Octo , sesquialteram ; in qua Diapente . Duodecim autem ad



lex, duplex; in qua Diapason. Rursus Duodecim ad excessum, quo denarius octonarium superat (de duo nempe ad quatuor) triplam; in qua Diapason cum Diapente. Octo demum ad excessum, quo octonarium senarium superat, scilicet duo: quadruplum; ex quo bis diapason. Itaque omnes consonantiæ Musicæ in Cubo conueniunt, & coarctantur. Ad hæc, Septem Phthongos constituerunt Antiqui Heptachordum componentes, vt singuli singulos Planetas referent. Videlicet Lunam, Hypate; Mercurium Parhypate: Venerem Hypperhypate: (quæ & Lichanos) Solem Mese: Martem Paranete: Iouem, Paramese: Saturnum denique, Nete.

- 67 Nunc autem in Monochordo distinctiones illæ, seu statæ chordarum diuisiones, in quinque Tetrachordis, singulis à quatuor chordis agnominatis, complentur. In Primo Tetrachordo est Hypate grauissimarum vocum inferior, seu Prima, quæ & græcè Proslambanomenos, idest, assumpta, vel superaddita chorda: Hæc profectò cum Nete sonat Octauam. Secundò Hypate Hypaton, idest Principalis principalium, vox grauissima in Consonantia. Tertiò Parhypate, Hypaton, seu subprincipalis principalium, quæ proximè sequitur. Quartò Lichanos Hypaton, quasi Index, extensa principalium, quæ extenditur ad Meson, & est terminatiua, ac distinctiua grauium vocum.

- 68 Sequitur Secundum Tetrachordum, dictum Meson: in qua quinta chorda dicitur Hypate Meson, quasi principalis mediarum vocum. Sexta, Parhypate Meson, subprincipalis Mediarum. Septima Lichano Meson, quæ proximè sequitur, extensa Mediarum, quasi digitalis, & discretiua ipsarum. Octaua Mese, seu Media absolutè; sic dicta, quod hinc & inde, septem phthongos habet.

Hic interponitur Tertium Tetrachordum, verius Quintum Extraordinarium, dictum Synnommenon, idest adiunctarum, in quo Nona chorda dicitur Trite Synnommenon, seu tertia Coniunctarum. Decima, Paranete Synnommenon, penultima Coniunctarum: Undecima, Nete Synnommenon, idest vltima Coniunctarum.

Tertium, quod erat antiquitus Tetrachordum, (nam quatuor tantum erant ordinaria Tetrachorda) dictum est Diezeugmenon, quasi diuisarum, aut disconiunctarum, comprehendit duodecimam chordam, quæ nuncupatur Paramese, quia est propè Mesen, seu Mediam.

Tertiam decimam, Trite Diezeugmenon, quasi tertia disconiunctarum: Quartam decimam, Paranete Diezeugmenon, hoc est Penultimam disconiunctarum. Quintam decimam, Nete Diezeugmenon

menon, seu ultimam disconiunctarum.

Demum in Quarta (alijs, in ordine Quinto) Tetrachordo, quod denominatur Hyperboleon, hoc est excellentium, seu acutarum vocum; sequitur Sexadecima chorda dicta, Trita Hyperboleon, quasi Tertia excellentium; Decimaseptima, Paranele Hyperboleon, quæ iuxta est, penultima excellentium, Decima octaua, Nele Hyperboleon, seu ultima excellentium.

Itaque, deceni & octo Phthongi, seu sonorum varietates, ac moduli communiter assignantur, qui simul collati apti sunt cum ratione consonantiam efformare. Quos omnes ex Græco Aristoxeno, græcè enumerat Vitruuius lib. 3. cap. 4. excusans, quod græcis vocibus coactus sit appellare. *Quam si volumus explicare*, inquit, *neceſſe est etiam græcis verbis uti; quod nonnulla eorum, latinas non habent appellationes.* Horum seriem, ex Philandro desumptam, damus hic magis distinctam, & emendatam; quæ respondeat Scalæ Musicæ nostri temporis, Initium sumendo à Proslambanomenos,

quem alij excludunt à Phthongorum numero, ideoque

in Tetrachordis non recipitur: Sed tamen est fundamentum, & veluti basis, supra quam con-

struitur Modulatio, cuique reliqui

Phthongi innituntur, &

respondet Octa-

uz.

69



*Explicatio ac magis distincta partitio Superioris Monochordi, cum dilucidatione græcicorum Nominum, ac respondentia Antiqui Systematis ad nostram Scalam Musicam.*

Primus, & infimus tropus, qui est scalæ musicæ fundamentum, & basis, græcè denominatus est *Proslambamenos*, quasi acquisitus, & ascititius; eoquod verè tropus est, nec in Tetrachordis ullis locum habet, sed tamen admittitur, ut super eum reliqui veluti insedeant, & motum accipiant: Quandoquidem sui profunditate ita obtusus est, & deiciendus, ut nullam consonantiam cum alijs possit efficere, neque numeris respondere: Nihilominus inter tonos annumeratur, quia eos regulatur, & viam cantionibus sternit; perinde ac vnica inter numeros. Hunc ergo tropum Græci præsignauere per litteram Γ Gamma, nostrique eidem affixere notam Vt; appellantes *Gammam*. Quod ideo in Scala musica, quæ à Guidone Aretino in gradus partita est, & memoriæ loco, singuli toni singulis articulis sinistræ manus assignati, primum locum sibi vendicat in extremo pollice cum denominatione A. re. 70

Inde incipiunt Tetrachorda. Et Primum quidem dictum est græcè *Hypaton*, hoc est, chordarum grauissimarum & principalium, in quod tres chordæ intrant: *Hypate* grauissimam omnium grauissima; idè per analogiam respondens orbi Saturni, qui tardissimi motus est, & consequenter ei adijcitur subsequens littera B. atque ex notis tertia, mi: constituiturque in scala sub inferiore articulo pollicis. Secunda dicta *Parhypate*, hoc est, ponè hypaten, respondens ad orbem Iouis, constitutaque in secundo digito, nimirum in inferiore articulo Indicis, præsignata C. fa: vt. Ac Tertia appellata *Lichanos* à Marte cui addicta est, alio nomine *Trite*, quasi Tertia. Et hæc respondet in Scala ad D. sol: re: locata in infimo articulo digiti medij. Quibus concluditur Primum Tetrachordum grauissimarum, à quo omnes adiunctam denominationem accipiunt, vt *Hypate* hypaton; *Parhypate* hypaton, & *Lichanos* hypaton. 71

Secundum Tetrachordum appellatum *Meson* à Mese, cui est proximum, & conflatum similiter ex tribus chordis, quarum prima est *Hypate Meson*, constituta in radice annularis, sub denominatione E. la: mi: Secunda *Parhypate Meson*, constituta in radice minimi, & extremi digiti, signata F. fa: vt. Ac tertia *Lichanos Meson* posita in primo succedente articulo eiusdem minimi, sub nomine, G. Sol: re: vt. Hoc igitur Tetrachordum Mediarum est in Consonantia *Diapente*. 72

Sequi-

73 Sequitur *Mese*, hoc est media chorda, quoniam reuera media erat in constitutione Monochordi Antiquorum, quod efformabatur quindecim chordis, seu totidem diuisionibus vnius eiusdem chordæ, quæ cum *Trite*, & *Paranete*, formant vnâ Tetrachordum, quod est Quintum, nuncupatum *Synnommenon* id est, adiunctarum, quia de nouo adiunctæ sunt, & terminant ad *Nete*; ita ut *Nete*, reipsa sequentis Tetrachordi, participet de presenti, quod claudit, ac proinde dicitur vltima adiunctarum: ipsum verò Tetrachordum præfens, in quo sumus, computatur tanquam adiectitium, & extraordinarium. *Mese* igitur, quæ in medio constituta repræsentat orbitam Solis, locum habet in medio articulo minimi digiti, iuxta ordinem scalæ musicæ: ac terminato iam numero septem litterarum assumptarum ad tonos determinandos, regreditur ad A. sub titulo A. la: mi: re: Secunda chorda huius Tetrachordi, quæ verè est Prima, respectat *Nete*, Tertiam coniunctarum, Vocatur *Trite Synnemmenon*, cuius locus est primus, seu supremus articulus minimi, Signata B. fa: B. mi: Ac tertia *Paranete Synnommenon*, sic dicta, quod est iuxta *Nete* vltimam coniunctarum, & constituitur in Scala è regione prædictæ, hoc est, in medio articulo annularis contradistincta per C. sol: fa:

74 Quoniam autem hoc Tetrachordum extraordinarium est, ut modò diximus, & prius non erat; ex tribus chordis sequentibus conflatur Tertium Tetrachordum, quod exinde nuncupatum est *Diezeugmenon*, quasi disiunctarum, & secretarum à suo naturali ordine, in cuius rationem intrat *Nete*, ut dixi, tanquam Synaphe, participans de vtroque tetrachordo, contingens vtriusque extrema; quod idè dicitur, & vltima disiunctarum, & prima excellentium. Atque adeò in istud Tetrachordum conueniunt *Nete Synnemmenon*, posita in medio articulo medij digiti, signata D. la: sol. *Paramese*, quæ olim erat iuxta *Mese*, retinens denominationem B. fa: B. mi: in inferiore articulo annularis. Et quia est iuxta *Mesen* additam Soli, idè tribuitur Mercurio alteri è stipatoribus Solis. Sequitur *Trite Diezeugmenon*, hoc est Tertia disconiunctarum, quia est tertia in ordine à *Nete*, respondens motui Veneris, & constituta est in supremo articulo annularis C. sol: fa: ut. Inde proceditur ad *Paranete Diezeugmenon*, quæ dignoscitur per D. la: sol: in supremo articulo medij digiti: quibus clauditur Tertium Tetrachordum disconiunctarum.

Quartum denique, & vltimum seu supremum Tetrachordum, dictum, Excelleptium, græcè *Hyperboleon*, quæ est acutissimarum, incipit à *Nete* vltima disconiunctarum, ac terminat exclusiue ad *Nete*

*Hyperboleon*: quod ideo applicatur Lunæ, quæ est vltima, & omnium planetarum velocissima; Igitur Nete Diezengmenon signatur per E. la: mi; & constituitur in supremo articulo indicis. Secunda *Trite hyperboleon*, hoc est tertia excellentium, est enim inter ipsas autepenultima, signata per F. fa: vt, daturque ei locus in medio articulo indicis. Tertia, quæ est penultima excellentium dicta *Paranete hyperboleon*, claudit Tetrachordum, & scalam, constituta in inferiore articulo eiusdem indicis, signata per G. sol: re: vt. Atque ita completa sunt omnia Tetrachorda: quibus tamen additur vt supranumeraria, & extra ordinem Vltima, *Nete hyperboleon*, quæ est omnium acutissima, & suprema, excedens elatione acutissimi soni supra ipsum Tetrachordum excellentium, præsignata per A. la: mi: re, in medio articulo minimi digiti manus musicæ. Quibus omnibus exprimuntur omnes tropi seu phthongi in quos diuiditur proportionaliter chorda in Monochordo, dispartito in quinque Tetrachorda secundum antiquos, & modernos Musicæ instauratores. Quæ connexio, & partitio perbellè procedit, & conformatur ad omnis generis consonantias, Diatasseron, Diapason, ac Diapente, necnon Disdiapason, respondens ad quintamdecimam, vt videre est in Schemate.

Cæterum, quod attinet ad analogiam Cælestis harmoniæ, non melaret, aliter ab alijs fieri hanc Tetrachordorum dispositionem. Etenim aliqui Primarij Professores Musicæ, considerant Solem principem, & vnicum moderatorem Cælestium luminum: atque adeo ab eo, & motus particulares ipsorum ordinant, ac troporum differentias, & respondentias auspicantur. In his grauissimus Musicæ illustrator Seuerin. Boethius ab Hypate Meson initium sumit, & sistit ad Nete. Quia, inquit, ab Hypate Meson vsque ad Nete, quoddam ordinis, disconiunctionisque exemplar est. Sicque Superioribus planetis, qui sunt supra Solem, Saturno videlicet, Ioui, & Marti, Meson attribuit, hoc est Saturno, Hypate Meson; Ioui, Parhypate Meson; ac Marti, Lichanos Meson. Atque inferioribus, dat Veneri Trite Synnommenon; Mercurio, Paranete Synnommenon; & Lunæ Nete Synnommenon: quod Lunaris circuli, inquit, Nete tenet exemplum. Alij econtra inuerso procedunt ordine, attendentes in Planetis, ac tropis grauitatem situs, & motus. Et ideo Lunæ humiliori atque in diurno motu longè à supremo, & primo motore dissonante, & segnior; Hypate grauissimarum grauissimam tribuunt. Tum, secundum ordinem ascendendo, Parhypate dant Mercurio, Lichanos Veneri, Soli (in quo omnes conueniunt) Mese; Trite Marti; Paranete Ioui; Nete demum Saturno, cuius motus velocissimus est, attenta-



obsecundatione ad Primum Mobile, in quo præualet alij planetis, eiusque orbis est superior omnibus, immédiate substans Orbi fixarum. Vnde Lunæ dant grauissimum phthongum, qui est Proslambanenos, Mercurio Hypate, Veneri Parhypate, Soli Licanos, Marti Hypate Meson, Ioui Parhypate Meson, Saturno Lichanos Meson, denique supremo Cælo, quod est concitatissimum, Nete. Id quod nobis valdè arridet, & nostræ sententiæ, vnicum tantum motum in Cælestibus admittenti, optimè quadrat. Cui fauet Philosophus 1. meteor. cap. 4. iniquè ob id reprehensus à Zabarella, cum dicit. *Quæ autem Luna, deorsum quidem tarda, & apertius Cicero 6. de Legib. ubi introducit Scipionem in Cælestia raptum in somnis, & ordinatissima illa Cælorum harmonia perculsum petijisse ab Africano. Quis hic, quis est, qui complet aures meas, tantus & tam dulcis sonus? Hic est, inquit ille, qui interuallis coniumctus imparibus, sed tamen pro rata portione distinctis, impulsu, & motu ipsorum orbium efficitur: qui acuta cum grauib. temperans, aquabiliter concentus efficit; nec enim silentio tanti motus incitari possunt; & natura fert, ut extrema ex altera parte grauius, ex altera autem acutè reddant. Tum ad respondentiam horum motuum ad nostræ musicæ tropos descendens. Quam ob causam, (subdit) summus ille Cali stelliferi cursus, cuius conuersio incitator est acuto, & excitato mouetur sono; grauissimo autem, Lunaris hic atque infimus. Illi autem octo cursus in quibus eadem vis est duorum, septem efficiunt distinctos interuallis sonos, qui numerus rerum omnium fere nodus est. Tandem ad hanc normam procedere musicam nostram euincens, sic somnium discutit, & orationem concludit. Quod docti homines neruis imitati, atque cantibus, aperuere sibi reditum in hunc locum. Quo nihil in Philosophia profundius, nihil clariùs, nihil acutius.*

76 Ex quo intelliges, quod Tetrachordum sit quatuor clauium comprehensio Mi. Fa. Sol. La. Itaut in tota scala intra duos octauas, hæc Quarta, Mi. La, quinquies recurat. Porro id quoque addendum, quod Tetrachordi in Monochordo triplex est progressio. Primò Diatonicus per ditonum, & semitonium minus. Secundò Eunarmonicus per Ditonum, & duas Dieses. Tertiò Chromaticus, per semidittonum, & Semitonium minus, & maius. Quorum rationes breuibus tradit Vitruu. suprà, dicens: Est autem Harmoniæ modulatio ab arte concepta, & ea re cantio eius maximè grauem, & egregiam habet authoritatem. Chroma subtili solertia, ac crebritate modulorum, suauiore habet delectationem. Diatonon verd, quod naturalis est, facilius est interuallorum distantia. In his tribus generibus dissimiles sunt Tetrachordorum dispositiones, quod harmonia Tetrachordorum, &

sonos, & dieses habet binas. Ita in quinque Tetrachordis vniuersitas modulorum comprehenditur, simul miscentur, & designantur. Nam primò quidem ab Hypate Hypaton, fit transitus ad Hypate Meson. Ab Hypate Meson, ab Mese: Tum à Mese ad Nete Synnemmenon: Quartò à Paramese ad Nete Diezeugmenon: Quintò à Nete Diezeugmenon ad Nete Hyperboleon. Quamobrem omnia in magnitudine persequantur, sed interuallorum differentia sunt dissimilia.

MONOPTEROS, vti & *Dipteros*, & *Peripteros*, diuersa sunt 77 magnificorum ædificiorum seu Sacrarum Aedium nomina ab Alarum, & columnationum ordine præsignata. Et *Monopteron* quidem vocat Vitruv. lib. 4. cap. 7. ædem rotundam sine Cella, vna tantum ala & columnarum ordine circumdatam, ac tanquam muro perpetuo septam. *Dipteron*, quæ duplici ala confurgit; & sic de singulis, de quibus suo loco. *Πτερον* enim græcè alam significat, & *Μονος* unicam: Vnde fallitur Volaterranus (vt bene notat Philander) qui existimat, eas denominationem sumere ab numero Portarum, paulùm contorto nomine & incommutata, eas appellans *Monopthyros*, quæ vnâ Ianuam habet; *Dipthyros*, quæ duplicem, &c. Nam optimè Vitruuius id expressit, l. 3. c. 1. & alio in loco, ab aspectu & numero columnationum distinguit: vnde ait. *Aedium autem principia sunt à quibus constat figurarum aspectus: & primum in Antis; deinde Prostulos, Amphiprostulos, Peripteros, Pseudo-dipteros, Dipteros, Hypetros.* De numero verò portarum alibi, ac præcipue lib. 4. cap. 6. Sed de hac re fusius in V. *Peripteros*. Similiter

MONOTRIGLYPHVS idem sonat, ac vnicus triglyphus. Is au- 78 tem dicitur in opere Dorico, qui in angularibus intercolumnijs vnus constitutus est, quem hinc & hinc circumstant metopæ duæ; ad differentiam medianorum, vbi triglyphus integer constituitur, hoc est triplex canaliculus erectus inter femora, interstinctus Metopis, videlicet, duo integri inter femora, alter scissus in duo, qui hinc inde femora claudit, & iure semitriglyphus, seu semicanaliculi appellantur. Id quod melius explicatur in V. Triglyphus: & ob oculos ponitur in designatione Trabeationis & Zophori Dorici.

MONOXILA qui sint, vide in V. *Aries*.

MONVBILE grande quid sonat in opere architectonico, sæpiùs 79 vsurpato vocabulo ab nobilibus, & emundæ naris Scriptoribus: & tamen

eamen quid in specie denoter, aut ad quem usum; cuique potissimum operi proprium, & conueniens, nemo adhuc eruditorum Interpretum, siue ex etymo nominis, siue ex contextu sermonis, erueret valuit. Nam terribilissimæ aliàs latinicatis Scriptor Sidonius Apollinaris, id columnis attribuit excellentissimi operis, in elegante illa descriptione amœnissimæ Villæ apud Aruernos extantis. *Ab ortu, inquit, Lacum Porticus intuetur, magis rotundatis fulta collyrijs, quam columnis inuidiosa monubilibus.* Quæ loquendi forma & energia, paucis verbis, magnum nobis, alio in loco negotium faceffit. Inueni in Vetere Itinerario Hierosolymitano apud Sauarum, hoc epitheton magnificis mortuorum sepulchris, seu erectis monumentis datum: Sic enim ibi habetur. *Inde non longè, quasi ad lapidis missum, sunt monumenta duo Monubiles miræ pulchritudinis facta.* Sanctus quoque Cyprianus, in Vita Diui Cæsarij Arelatenfis Episcopi, hac voce vtitur in exprimenda cura, & pietate Religiosi Antistitis de Sacrarum Virginum sarcophagis condecenter ornandis. *Et ut conferret, ait, Sacris Virginibus, quas congregauerat, curam necessariam sepultura; monubiles arcas corporibus humandis, de saxis ingentibus fecit excidi.* Neque audiendi sunt qui legendum putant *Volubiles*, quasi *concameratas*, vti omnia fere sepulchra sunt. Nam præterquamquod id gratis assumitur, & vi contorquetur verbum; certè Columnis, quibus æquè tribuitur, hæc interpretatio nequit aptari; nisi velimus cum Io: Ludouico de la Cerda, ita rem intelligere, vt dicamus, ijs monumentis ad magnificentiam vltioremque ornatum, monubiles adiectas esse columnas, ex quo præclarum nomen toti operi inhæsit. Sed adhuc in verbo tanquam ad lapidem offensionis impingimus, & in tenebris ambulamus: etenim id quærimus, cur certo columnarum generi, hoc nomen signatè conueniat, & quid per hanc magnificam adiectionem significetur. Lugdunenses Typographi vim vocis nec ipsi intelligentes, in Sidonio reposuerunt *Nobilibus*, alij *Manubialibus*: at enim veteres Manuscripti ex authographo habent, vt verè est, *Monubilibus*: & alioqui, vt suprà innui, *Monubile* apud alios accuratissimos Scriptores passim reperitur. Vossius in hac vocis explicatione, nescio quid de Machinis bellicis comminiscitur; nixus fortè Glossis M. SS. Isidori, vbi scriptum est *Monubilibus Machinis bellicis*. Sed nullum alium authorem profert, qui in re bellica hanc vocem vsurpet, benè verò multos inuenies eà vfos in operibus civilis Architecturæ. Ast in re tam obscura, non est amplius inquirendum, nec temerè de structoris mente diuinandum: Quin potius tenendum cum Sirmondo, Scriptores omnes, qui hanc vocem vsurpauere, nil aliud per eam significare intendisse,

disse, quam Opus aliquod in suo genere insignis, ac singulare;

MOTVS (quà nostrum institutum attinet) est passio, & singularis 80  
 proprietas Cælestium Orbium, & Planetarum; quam, qui negaret,  
 sensu & ratione orbis censendus esset. Per eum enim Vniuersum  
 consistit; &, si minimum quid, Cælorum motus sisteret, aut cessaret;  
 cessaret etiã rerum ordo, quilibet alius motus; adeoque rerum gene-  
 ratio, & conseruatio; vt author est D. Thomas in 2. dist. 2. qu. 2. art. 3. &  
 sequuntur Abulensis, & alij Philosophi, ac Theologi communiter.  
 Num vero Cælorum motus, sit vera & propriè causa productionis  
 rerum, an verò tantum conditio: Controuersia magna est inter  
 Philosophos. Capreolus in 2. dist. 14. qu. 1. Et in 4. distin. 44.  
 qu. 4. cum alijs existimat, Motum Cæli non esse tantum conditio-  
 nem, sed & verum principium, & rationem agendi siderum. Ve-  
 rum Durandus, & passim Recentiores, longè probabilius sistent,  
 motum Cælorum esse solum simplicem conditionem applicantem  
 virtutem Cælestium Corporum, quæ tamen solo lumine communi-  
 catur; atque ex longè, & propè fieri siderum, fieri maiorem, vel  
 minorem intensionem, & extensionem lucis; ad cuius postea variam  
 communicationem, varius quoque effectus resultat. Id quod, &  
 ratio suadet, & experientia euincit; quandoquidem motus localis 88  
 nil reale importat rebus motis. Ac tandem id sua auctoritate con-  
 firmat Philosophus 2. de Generat. textu 55. sic dicens: Motum  
 exterius esse causam generationis, & corruptionis, quatenus est  
 causa accessus, & recessus Solis.

Quod autem motus in hac regione elementari sit causa caloris; 81  
 id non arguit etiã motum Cælorum eundem effectum producere:  
 tum quia calor ex perfricatione corporum profluit, quorum alterum  
 saltem solidum sit; secus autem ex motu corporum purè fluxilium  
 ((vt patet in Ventis, qui aliud non sunt, quam motio aëris maxi-  
 me violenta)) & tamen natura frigidi sunt, vt suo loco videbimus;  
 Cælorum verò substantia longè tenuior, ac fluxilior est, quam aër);  
 tum etiã, quia Cælorum motus semper æqualis est, ordinatissi-  
 mus, & æquali impetu concitatus: vnde semper æqualem calorem  
 deberet producere, tam ratione locorum, quam temporum, quod  
 tamen falsum esse videmus. Tum demum quia supernæ regiones  
 aëris frigidiores sunt, quam infima ac terræ contigua; cum tamen,  
 si calor Cælorum motu in sublunaria induceretur, maior vique  
 atque intensior deberet esse in supremis aëris regionibus, quam in  
 infima; quò enim agens passio propius est, eò validius in illud agit,  
 & vires suas exserit. Quod, cum aliter se habeat: manifestè eui-

citur, Cælorum motus nil aliud præstare in hæc sublunaria, quam diffundere lumen, & applicare influxus siderum ad rationem diuersi eorum positus ergà illa, proindeque diuersos, & varios promerere semper effectus.

82

Porro duplicem motum Cælestium Orbium, communiter astruunt omnes fere Philosophi, atque Astronomi; alterum alteri oppositum: vnum, quo cuncti feruntur violenter, vt ita dicam, rapti à superiori Orbe, quem *Primum Mobile* vocitant, ab ortu in occasum concitatissime: itaut spatio 24. horarum perficiatur eorum integra circulatio: alterum quem vocant proprium, & natura insitum cuique inferiorum Orbium, quo distinctis, ac non eisdem velocitatis periodis, singuli sua sponte feruntur per Zodiacum in partes orientiores; alius spatio 30. annorum, alius 12. alius trium, alius vnus anni, ac tandem Orbis Lunaris, menstruo. Hinc duo Mobilium genera assignantur: Alterum, quo Cælum superius sua sponte mouetur concitatissime, & trahit secum eodem motu inferiores orbes, ab ortu, vt dixi, in Occasum, seu à dextris ad sinistram, suprâ Polos mundi se voluens & perficiens suam circulationem, spatio vnus diei naturalis; quod ideo antonomastice

83

PRIMUM MOBILE dicitur, siue hoc distinctum Cælum sit, quâ Nonam Sphæram communiter dicunt, alij decimam, ob Cælum ChrySTALLINUM, quod astruunt, siue eiusdem Cæli superiot pars quæ per modum expansi, cæteras eiusdem substantiæ, & continuatæ complectatur, & secum trahat, quæ ratione situum inferiorum in quibus singuli planetæ pro sua statione locantur, distinctionem ab inuicem nactæ sint, vt cum Tychone Cælestis substantiæ liquatore omnes ferè modò Recentiores conueniunt. Et hoc Cælum prorsus insensibile omni ex parte est, & solo suo concitatissimo motu dignoscitur, cum nulla in eo sidera sint, nullæ lineationes, nulli reales circuli (quos in sphæra ad intelligendas eius passiones fingimus) extant: quod ideo planè ignoratur quanta sit eius crassities, & conuexi amplitudo. Verum tamen est, quod multi Astronomi, ad quodrum sensa inclinat & ipse Tytho, vt apparet ex eius Epistolis; censent, nullum Cælum esse Anastron, quod soli motui sit destinatum, & non aliquo sidere insignitum: proindeque dicunt, diurnam Aethereæ regionis reuolutionem circâ tellurem, à nullo Primo Mobili, prout Orbe ab alijs distincto fieri, sed totam simul moueri in polis mundi propria virtute, ab Oriente in Occidentem, atque adeo sidera tam fixa, quam erratica, cum ipsa moueri ab Occasu in Ortum super polos Zodiaci, ad rationem partium superiorum; aut inferiorum, in quibus singula tanquam in propria statione consistunt: Quæ idcirco

SECUNDI MOBILES appellantur. Tales sunt Sphæra fixarum, seu illa Aetheris regio & pars, in qua stellæ fixæ consistunt, dictæ propterea fixæ quia, veluti loco affixæ, eodem motu feruntur, aliàs in se immotæ, & nunquam eandem positionem, vel distantiam variantes; atque Orbés deferentes singulorum Planetarum, qui contrà motum impressum à *Primo Mobili*, in Zodiaco per suas peculiare periodos in subsequencia signa à sinistris ad dextram tendunt, itaut certo tempore suam quisque periodum absoluat, totumque Signiferum sustrent. Et Firmamentum quidem seu Orbis stellatus id præstat in annis 36000. vel vt aliqui Recentiores ex repetitis obseruationibus statuerunt, non minùs spatio 49000. annorum redire ad idem punctum, in quo erat & vnde moueri cæperat, cum primum creatus est, atque à Creatore illi sidera affixa sunt: cum obseruarint, ad assequendum vnum gradum, totos 70. annos infumi. Saturnus Zodiacum perlustrat in annis triginta: Iupiter in duodecim: Mars in duobus: Sol, Venus, & Mercurius, ferè in vno anno: Luna tandem spatio dierum 27. hor. 7. min. 41. Sunt tamen qui asserunt Aetherem ipsum ex se nullatenus moueri, sed sidera per eius expansum, & crassitiem diuersimode peruagari, non secus ac aues in aëre, eo quod ipsum faciant fluidum, perinde ac regionem aëream; indeque hanc apparentiarum varietatem ortum habere: quos inter, est noster Aresius De Generat. disp. 2. quest. 27. sect. 7. aitque in ea sententia fuisse multos ex Patribus, Origenem, Chrysostomum, Eusebium, Emisenum, Diodorum Tarsensem, & alios. Verùm ego, etsi certo certius habeam, Cælum esse fluidum, idque omninò vnum, eiusdem substantiæ cum aëre, sed longè tenuioris; in hoc tamen venire non possum, vt illud statuam omninò immobile, & sidera tantum per eius expansum moueri: sed puto, verè & absolutè, non solum omne Aetheris regionis expansum, sed & ipsum aërem, qui cum ea in vnum continuum abit, eiusdenique est prorsus substantiæ, simul pati impressionem *Primi Mobilis*, ac verè ab Oriente in Occidentem ferri, secumque trahere sidera, in eius crassitie, secundum quod vel superius, vel inferius sunt constituta: & partes quidem superiores, quò magis ad Primum motorem accedunt, velociùs, inferiores verò quo magis telluri approximant, lentiùs: quia quo magis à Primo motore distant, eò eius impulsus minùs recipiunt, & sua ponderositate tardantur, aut obstitunt contranitentes. Neque enim, aliter saluari potest & Fixarum motus semper æqualis, & eadem semper, inter ipsas, & ab inuicem distantia, & cæterorum etiam Cælestium corporum, ac Phænomenorum motus ab Oriente, vt nemo non videt, in Occidentem, & inæqualitas motus in ipsis, itaut quæ

magis



48 magis ad nos approximant, citius Zodiaci peragrationem absoluant, seu verius magis resistent motui impresso à Primo mobili, & aliquatenus remorentur.

85 Itaque, ut verbo concludam, vnus & idem est motus in Cælestibus Orbibus, ab Oriente in Occidentem, neque enim concipi in ijs potest duplex simul & semel sibi contrarius, qui repugnat à parte rei, sed qui in aduersum apparet, est potius debilitas virtutis impressæ, ac remoratio. Quod sic magis explicò. Rapiunt Prius Motor Cælos inferiores, seu alias Cæli partes quæ sub se sunt, sed pro ratione maioris, vel minoris ad eum vicinitatis, atque adeò & corpora cælestia in sua quæque, quæ illis competit, statione firmata; vnde ea pars, quæ continet in se omnes stellas fixas, quia præ omnibus vicinissima est Primo Motori, concitatius rapitur, & ferè ipsius motum, assequitur, quatuor tantum minutis retrò mauens; quæ verò Saturnum, cum magis à Motore distet, aliquantò remissius; & sic de reliquis: itaut Sol ex gr. & eius Orbis in sua crassitie, in media ferè distantia consistat, ac proinde non sit potis in vna circulatione, æquare motum Primi motoris, sed ea expleta, retrò maneat ferè gradum vnum; ac Lunæ Orbis omnium infimus, ac remotissimus, maxime omnium retardetur, & ad assequendum motum primi motoris, ei deficiant gr. ferè 15. suscepti itineris, & sic suo modo de reliquis. Igitur Primum Mobile, & partes supra orbem Solis, & Lunæ constitutæ, non expectant cursus integros Solis, & Lunæ compleri, sed ulterius pergunt; & expleta vna integra circulatione, mox adoriuntur secundam, & post secundam, aliam, & aliam successiue: & in istis circulationibus; quot illæ sunt, tot Sol suæ circulationis partes, seu gradus deperdit. Quò fit, ut quo tēporis spatio Sol facit 365. revolutiones circa tellurem, quod fit in anno tropico, Primum Mobile inueniatur peregrisse 366. circulationes, vnā plus ipso: quam ut compleat, requiritur spatium adhuc vnus anni. Et hic est motus directionis, quem suo loco planum fecimus, & dato schemate, exposuimus. Nunc ad rem nostram; qui primi obseruarunt Solem, & alia sidera successiue semper, & magis, & magis in motu vnuerſitatis retardari, ac discedere ab illa velocitate, qua se fert Primum Mobile, dixere ipsa moueri proprijs motibus in partem oppositam; cum verè id non sit in aduersum moueri, sed. potius lentius rapi. Fauet huic explicationi Philosophorum Princeps lib. 1. Meteor c. 4. inquiens, *Qua autem Luna deorsum quidem tardè: & eam expressè docuerunt Auerroës & Albetrasius, cum alijs ex antiquis: atque ex Recentioribus, vltro amplexati sunt Alexander Achillinus, Franciscus Patritius, Io. Ant. Delphinus, & noster Paulus Aresius lib. 1. de Generatione.*

nerat. disp. 6. quæst. 45. sect. 3. docentes repugnare, etiam per diuinam potentiam, idem corpus, ni replicetur, ad duos oppositos terminos, eodem momento moueri: Quibus & ipse libentissimè assentior & morem gero.

At non per hoc, me existimet quis, omnem alium motum præter illum vnicum vniuersitatis è Cælestibus eliminare. Hunc solum, omni alio excluso, in Cæli crassitie, seu in Primo Mobili, & in siderum Orbibus autumo. Cæterum (exceptis fixis, quæ alium motum non habent, præterquam illum quem habet earum Deferens) Planetæ suum motum habent, cuius proprius, quo mouentur in suis orbitis, & intra sui Cæli, seu æthereæ regionis crassitiem, non inquam ab occidente in ortum, sed circa suum Centrum, & quidem non semper concentricè, sed aliquando excentricè. Nam post Tychonem observatum est, quinque erraticas moueri constantissime circa Solem, quem habent pro centro, & instigatore motus: ex quo in illis aliquando prouenit retrogradatio in Zodiaco: Ipsa verò Lumina, ria habent pro centro tellurem (vri & Fixarum Orbis) ita tamen, ut iuxta eorum orbitas aliquando propius, aliquando longius fiant: quando videlicet sunt in suis Perigæis, & Apogæis, ut ex parallaxi perspicuum sit: atque adeo excentricè circa illam moueri.

Porro hæc pro rei veritate, & secundum demonstrationem mathematicam, quæ euincit hos motus, dicta sunt, non purè Philosophicè, & iuxta communem loquendi morem Philosophorum, qui duos motus sibi contrarios in Cælis admittunt. Quinimò, cum in re parum referat admittere vnum aut duplicem motum in Cælis, modo explicato; quando sidera, verè suas lationes diuersas habent, ac realiter sua loca commutant, & admissis duobus contrarijs moribus in Cælo, facilius res Astronomicæ intelliguntur. Etenim verè duos respectus habent, & duplicem lationem: ut ait Philosophus 1. de Generatione. textu. § 6. vnam, quam primam vocat; & est circa Mundum, quæ completur spatio circiter 24. horarum; & est quam modò explicuimus esse motum raptus, Primo Motori obsecundando: alteram in Zodiaco, cuius partes sua retardatione subintrant, & illum permeant determinatis cuiusque periodis; quibus acceptum referri debet varius & perpetuus ortus, & interitus rerum, ut ipsemet Philosophus notat. Iuxta quos mirandos effectus, non duorum tantum, sed & quatuor distincti motus agnosci possunt in Cælis, qui sint causæ vel conditiones agendi siderum in his sublunaribus, quos distinctè Ptolemæus, in ordine ad diuersos modos patiendi rerum. Primum Motum Solis in Sphæra recta, quem dehnit esse motum *Directionis*: Secundò Motum Lunæ in Signifero latione mensura, quam

vocat *Progressionem* : Tertiò motum progressuum ad loca radicalia; quem appellat *Ingressum* : & Quarto motum quotidianum : quo feruntur ad Cardines, & alios Significatores, prout sunt tam in Mundo quam in Zodiaco, in Radice : & hunc nominat *Transitum* : de quibus singuli specialis mentio recidit suis in locis.

88

MV

**MVRICES** in re militari apud Scriptores tam Polemicos, quam Historicos, appellantur machinulæ ferreæ, in triangularem vel etiam quadrangularem formam abeuntes, quibus pro angulis sunt protensi radij acuminati, adeout in quamcumque partem iniectionis, & quomodolibet cadentes, humi per aliquem è præfatis radijs tenaciter infigantur, stantibus alijs liberis, & erectis ad offensam, aut saltem remorandum quodcumque in eos impeerit. Quò fit ut in hostili aggressionem per viam sparsi, iter impediant, ordines turbent, eorum vngulas findant, aciemque dissoluant. Ii autem sunt in triplici genere: alij, quos modo descripsimus, de quibus hæc habet Veget. lib. 3. cap. 24. *Quomodo abiiceris tribus radijs stat, & erecto quarto, infestum est.* Et hi manifesti erant; ijsque utebantur potissimum Veteres aduersus aurigas falcatas, quæ concitato cursu aduenientes in eos impingebant; atque, ita vel dissoluebantur, vel saltem distinebantur. Alij minusculi erant, & sub terra paululum elati, vel arena, & frondibus operti, quo minus observari possent, qui temerè per vias iniectionis, incautè procedentes hostes in pedibus sauciabant: & hos ut plurimum circa septem Castrorum spargebant, quò se ab repentinis Oppidanorum irruptionibus contutarentur: de quibus monitum fuisse Alexandrum, à quodam trasfuga, refert Curtius, quod Darius magnam eorum vim defodisset in terram, quæ illum cum equite venturum conijciebat. Alij demum Missiles, qui ignis conceptabulum in ventre inclusum habentes, quolibet iactati, mucronibus suis tenaciter adhererent; mox concepta flamma, hostium opera incendebant. Singula muricum genera censet Hero, adiecto etiam schemate: qui inter eos annumerat etiam Lambdareos, ligneos videlicet obices in terra defixos, quos adhibebant in obsidionibus arcium editarum in rupis alicuius cacumine, ponebantque ante Castra ad sistendum impetum saxorum, rotarum, & verticillorum inde demissorum, de quibus in loco diximus, qui tandem in desuetudinem abiire; at non minusculi murices, dicti etiam *Tribuli*, qui hodieque in obsidionibus, & in prælijs frequentissimi sunt.

89

**MVS**, siue **MVSCVLVS**, Machina item est militaris quatuor ad imum rotis insistentis, veluti pedibus, totidemque latera habens, fasti-

fastigio in anterioribus molliter inclinato, atque vndique centoni-  
bus, luto, & crudis animalium corijs tecta, intrâ quam pauci mi-  
lites se abscondebant, qui facillè illam agitare possent, & muris ap-  
propinquare, ad eos sustodiendos; haud timentes telorum, ignium,  
saxorum, aliorumque id genus immisiones, probè contesti, & for-  
ma, atque agilitate machinæ, facillè ictus declinantes: & quia mu-  
ris quodammodò incessum, & formam imitabatur, vt videre est apud  
Stevvechium, rostro præcuto, rotis pro pedibus additis, & ma-  
nubrio à parte posteriori ad agendam machinam, veluti cauda fo-  
ras proficiente, *Muris*, siue *musculi* nomen accepit: Sed Vegetius  
aliunde nomini etymon deducit. Vocantur, ait, à *marinis belluis*  
*musculi*: Nam quamadmodum illi, cum minores sint, tamen *Balenis* auxi-  
lium, adminiculumque iugiter exhibent: ita ista machina breviores de-  
putata turribus magnis, aduentui illarum parant viam, itineraque præ-  
mununt. At contrâ Isidorus lib. 18. *Musculus*, inquit, *cuniculo* si-  
milis sit, quo murus perfoditur: ex quo & appellatur, quasi *murisculus*.  
Vt vt sic, certè à testudine non multum abest, nisi quod illa maior,  
hæc minor erat, & facilis agitari, vt obseruat Turnebus lib. 11. cap.  
24. Ex quo habes, aut adulteratum, aut luxatum esse Cæsaris lo-  
cum, lib. 2. de bello civili, vbi hanc machinam fuisse dicit, *longam*  
*pedibus sexaginta, ex materia bipedali*, ac fusè eam describit, longe  
aliter, quam supponitur, & *Musculi* nomen præfert.

MVSAEVM locus erat olim in Magnatum ædibus magnificè ex- 90  
structus, & apparatus, in quem omnis litteraturæ, & scientiarum,  
professores conueniebant ad studia, & conferentias habendas: &  
quia Musarum erat amœnioribus studijs præsidere, ab ijs nomen  
accepit. Erat quippe in nobiliori ædium parte sepositus, & ab  
alijs separatus, spatiosus, aspectu sublimis, ac iucundus, omnique  
ad eruditionem faciente suppellectili, statuis, picturis, antiquita-  
tum monumentis, mathematicis operibus, atque instrumentis in-  
structus, ac bellissimè ordinatus; quò qui conuenirent, & oculos  
recreare possent, & animos excolere ad omnem virtutem, & erudi-  
tionem. Ex quo litteraria hæc exercitia, quæ in musæis habeban-  
tur, quibusque ingenui homines otia fallebant, & animos recrea-  
bant, Musicæ appellatione vocitari cæpere; quia hoc studiorum ge-  
nus, verè Musica est, virtuosus animi ludus, curisque pressi leua-  
mentum, & quies: quamquam postea Musica ad eam tantummodò  
facultatem coarctata est, quæ animos cantionibus mulcet, & auri-  
bus abblanditur, omnibus tandem in deteriora vergentibus; & quæ  
ad excolendas, promouendasque virtutes sunt facta, præposterò

ordine ad sensuum tantum oblectamenta conuersis. Quare & ipsa Musæa de antiquo splendore, ac scientiarum celeberrimo cultu, & sine decessere, & si quæ nostris temporibus sunt, ea ad ostentationem, & pomquam magnificè apparantur: vbi & antiquiores tabulæ, & veterum monumenta, & magna aurocorum, argenteorumque vasorum vis, & gemmæ, & pretiosa quæque, siue ex materia, siue ex raritate admiranda, tanquam in publicum repositorium coadiunantur, non ad alium ferè vsum, quam ad oculorum atque vt possessoris sui potentiam, diuitias, maiestatem, magnificentiam, gloriam, momenque deprædicent. Has, mutato etiam nomine *Gallerias*, nostri vocitant. Ex quibus multæ sunt Romæ in Palatijs Principum, pretiosis picturis potissimum, ac Statuis e manu veterum, vel celeberrimorum ætatis: posterioris artificum prouenientibus refertæ. Sed omnibus longè altius præstat, ac nomen suum vndeque diffundit, quæ Florentiæ visitur in Regali Palatio Medicæorum Principum; vbi, quâ loci magnificentia, quâ rerum collectarum varietate, abundantia, singularitate, valore inestimabili, nusquam toto orbe similis est alia, vel ipsius opulentissimi Turcarum Imperatoris Aula: vt meritò diceres insthuc totius orbis diuitias, Naturæque & Artis Thesauros confluisse, & Magnos Etruriæ Duces, Magnis Europæ Regibus, ac Principibus, Maiestatis, & magnificentiæ palmam proripuisse.

91

MVSCA ideò appellata est Constellatio exigua vix spectabilis ad Polum antarcticum, Quod ex proprietate sua ( inquit Faber in Anatomicæ Vniuersi, ) muscarum naturam, & essentiam imitetur: qua Saturnina omnino est, & melancholica, & non quod barum quatuor stellarum figura, ex quibus componitur hæc constellatio. Non possunt enim quatuor stellæ in figuram muscæ configurari. Sed Astronomi naturam & essentiam rerum conspexerunt, & rebus celestibus nomina imposuerunt, ex essentia interna astrorum: quam si ad muscas tendere cernerent, muscas hæc astra nominarunt; si ad Tauros, Taurum dixerunt: & si ad Leonum naturam inclinare conspexerint, Leonem nuncuparunt. Hæc Faber, ingeniose magis, ( ne ludiosè dicam ) quam congruenter. Quis enim Astronomorum qui admodum pauci, ( si qui tamen fuere verè Astronomi ) ad plagas mundi Australes nauigare, & stellas hæc conspicati sunt, cui probè stellarum istarum natura comperta esse potuit, quæ à Ptolemæo, alijsque excellentissimis olim Astronomis longo tempore, iugi obseruatione, & collatis veterum testimonijs, in alijs stellis, vix coniecturaliter & confusè agnita est, adeoque ex rerum similitudine ijs nomen adaptare? Do utique & ægrè admo-

modum do, eos aliquas stellas quæ in eandem naturam conueniebant, & aliàs erant simul vnitæ, ad earum noticiam, ac distinctionem in varias imagines complicasse, quarum quasdam è rerum terrenarum simili natura, vel præsentia denominarunt; vt in plerisque nos in loco adnotauius: At non semper, aut vnanimiter in omni stellarum complicatione, ac nomine impertito, id præstitisse putandum est. Sæpè locus datus est formæ, vt in Corona Gnoſſia, sæpè Poetarum figmentis, sæpè casibus ac plebeculæ arbitrarie appellationi, quandoque etiam, sed id rarissime, ab comperta manifestæ earum natura, id ab sapientissimis, & expertissimis Astronomis factum est: vt non subito inniti ac fidere debeamus puræ, & arbitrarie siderum nomenclaturæ, ad earum qualitates internoscendas. Multo magis in nouis & hæcenus incompertis stellis, quæ ab nouitijs fortè Astronomis, & in Nauigatoria magis, quam in Astronomia versatis, detectæ sunt, id præsumere non debemus.

MVSCARII Clauī apud Vitruuium, in opere architectonico, vbi de tectorijs agit, lib. 7. cap. 3. dicuntur qui adhibentur in positionibus ad figendas cannas perpetuò mansuras, ac tectorium denturas in opere. Sic enim loquitur. *Cum paries totus luto inquinatus fuerit, tunc in eo opere canna clauis muscarijs perpetuè figantur: deinde iterum luto indulto, si priores transversarijs arundinibus fixæ sunt, secunda erectis figantur.* Noua, & hæcenus inaudita denominatio negotium facessit Interpretibus, ad assequendum, quid significare intenderit Vitruuius per hos clauos muscarios. Philander ita coniectatur: *Muscarios clauos interpretor qui sunt umbellati, id est capite latiore, & expanso in orbem camunine; quomodo umbellatos fanticuli, sambuci, & anisi dicimus flores.* Bene est quoad rem, ac necessitatem operis, quæ ad consistentiam, latiora & expansa capita requirebat: at cur non potiùs umbellatos dixit, quo illicò, vſitati nomine intelligebatur quid sibi volebat? quæ proportio, quis nexu clauorum capitatorum ad muscas? Alij ad id referunt, quod olim venustatis gratia clauorum capita, ad hærentium muscarum imaginem, in his quæ in prospectu adhibendi erant, conformabantur: id quod exemplo, & facto comprobant. Nam aliquandò, cum fundamenta nouæ, angustius erigendæ Basilicæ Vaticanæ effoderentur, reperta est marmorea arca, seu monumentum, quod creditum fuit, esse sarcophagum Mariæ coniugis Honorij pijsſimi Imperatoris. In eo, præter auratam vestem palliumque & ossa, erat & Capsula mundo muliebri, varijsque monilibus, annulis, acubusque discriminabilibus referta, in quibus & capitati erant clauī cum imagi-



ne muscæ . Igitur credibile est, tunc temporis in operibus ornatioribus fuisse in usu eiusmodi clauos, ab expressa musca dictos Muscarior . Cæterum res obscura valde est, sed non admiranda in auctore tenebricoso, qui in alijs etiam, cum loquitur, ita loquitur, vt non intelligi velit .

93

MVSIVARIA, seu MVSIVVM OPVS, quod expressiore vocabulo *Tessellatum* latinè dicitur, est quod ex tessellis siue ligneis, siue lapideis fit, quæ ita simul aptantur, & glutine connectuntur, vt in continuam, & planam quandam imaginem rei cuiuspiam expressiuam, eant . Præclarum herclè inuentum ! quod nùm ab arte pingendi, aut scalpendi, an magis ab Architectura processerit, equidem definire non valeo . Nam, quatenus in eius directione ac prosecutione, Artifex Picturæ præceptis insiluit, umbras & lumina, ubi opus est, impertitur, colores persequitur, legit, & suis locis aptè disponit; vtique in Pictorum censu videtur adnumerandus: sed si consideremus, cum verè non pingere, non linimentis procedere, sed incisionibus, & scissuris, non colores varios attemperare, sed quales natura dedit, artificiosènectere, & perpolire, non demum calamo, aut pennicillis uti, sed ferro, & scalpri, incidendo, scindendo, rescando lapides in minutissimas partes, deinde architectonicè ordinare, non secus ac fabri ac cæmentarij, ex modulo lapides in structuram componunt, & tectorum parietibus, ac pavimentis inducunt; profectò inueniemus, Musiuarios, in re verè Sculptores aut Architectos esse, ac tantummodò Picturæ opera imitari . Ast verius, & sine hæsitatione dicendum, Musiuariam mediam artem esse, filiam ex vtraque prognatam, cui obstetrices manus admovent Architectura, atque in tantam laudem erigit, vt matres de primatu contendant, ac singulæ de eius excellentia, tanquam de suo penu profectæ gloriantur . In quo sanè inuento Naturam ipsam correxisse, & quodammodò superasse videtur, (vt in alijs præstare satagit humanum ingenium:) vt quod nimirum illa, siue ex impotentia, siue ex inuidia, siue etiam casu temere agit, adeoque confuse; & imperfectè in marmoribus, ac lapillis versicoloribus; hoc Ars ordinatè molitur, & perficit in lapidibus sectis, & simul nexis tam tenaciter, tam concinnè, vt vnum integrum lapidem dixeris è terræ visceribus erutum, aut lapideam tabulam picturatam . Et à Natura quidem abortiente primum musiuui operis rudimentum traditum, refert Plinius lib. 36. cap. 21. in Punice lapide. *Appellatur (ait) ita & erosa saxa in adificijs, quæ Musea vocant dependentia ad imaginem specus arte reddenda .* Vt vt sit, certè ab Græcis profectam nobilissimam hanc artem .

&amp;

& apud eos magno in vſu fuiſſe, teſtis eſt idem Plinius, qui mox cap. 35. ſubdit. *Pauimenta originem apud Græcos habent elaborata arte piſſuratione, donec Lithoſtrotæ expulere eam.* Vbi ex obliquo inferit, diſtinctam, ac longe diuerſam eſſe artem, qua lithoſtrotæ pauimenta ſternuntur, à Muſiuaria, quæ ab illa fuit expulſa. Etenim Muſiuaria, quæ in vitreis teſſeris, aut minutiffimis lapillis, ac bracteis adlaborat, meritò à pauimentis eiecta eſt, quin potius ſua ſponte ceſſit, ne quid damni inibi pateretur, atque ad parietes, & fornices aduolauit, vbi eius elegantia, & fragilis compositio, ab indiſcretis calcantium preſſionibus tuta eſſet, ac diù incontaminata conſiſteret. Quare in eius locum ſubintrauit Quadrataria, ex ſolido & quadrato marmore, quod non ità facilè dirumperetur & abſque noxa impunè calcari poſſet ac teri: cuius opus exinde Lithoſtrotos appellatum. De quo alias in V. *Quadrataria.*

Nunc autem quod ad nomen attinet, à Muſeis deriuatum exiſtimat Antonius Nebriffenſis apud Du-Cange in Gloſſario, eo quod in Muſæis (locis videlicet Muſis, & litterarijs exercitationibus deſtinatis) vbi maxime teſſellata hæc opera viſebantur, ſtationem & principatum habebant, vnde Muſca, & Muſiua ſunt dicta: ſed frigida nimis, & longè ab extraneis extorta eſt ratio. Probabiliùs Scaliger in Notis ad Manilium, vult à concinnitate, & pulchritudine appellata, quoniam Muſium græcè (namquæ ab Græcis nomen habuiſſe, credere æquum eſt, apud quos habuere cunabula) concinnitatem, & elegantiam ſonat: & hæc, ſi in vſo, in Muſiuo, ac teſſellato opere egregiè reperitur. Cæterum ex eo nedum tabulæ planæ inſtar picturæ, ſed & ſimulacra ex integro prominentia componi ſolent, quæ olim in magno pretio erant, & marmoreis, ac fuſilibus ſtatuſ praeferebantur. Quo in genere exſtat Neapoli in publico foro expoſita perpulchra Theodorici Regis imago, diligentiffimè, & ad viuum elaborata, quæ tandem diſſoluta concidit, & in minutiffima fruſtula redacta eſt; ex quo malum omen deſumptum, & reappe ſequutam mox ipſius Regis mortem, inde totius eius ſtirpis excidium præfigurauit, vt fuſe narrat Procopius lib. 1. de bello Gothico.

Sed hæc obiter: redeamus ad præſtantiam operis. Ars muſiuaria diù deiecta, & pene extincta, reſtoruit ætate noſtra, & nobiliùs inſurrexit, non tam in Tabulis, vt alibi dictum eſt, quam in ſtatuſ, & prominentibus imaginibus. Vidimus nos dum Florentiæ moreremur, nec ſine extraſi, in D. Laurentij magnificentiſſimo Templo à Mediceis Principibus, cultu verè regio excitato, inter alia Architectonicæ artis miracula, ad quatuor magni Tholi, angulos totidem inſi-

insignia Mausolea, è tessellato opere, gemmis scilicet compacta; ac desuper, eodem opere, quatuor ad iustam hominis staturam, empor-tuorum Ducum simulacra erecta, tam subtiliter, tam concinne elaborata, vt non modo vnum lapidem coloribus delinitum crederes, sed: & ipsos Princeps rediuuos, suis tumulis ad custodiam insedisse. Adco creuit nostris temporibus, & ad summum apicem prouecta, est artis pericia, vt veterum monumenta his comparata, monstra sint, & vt loquitur Isidorus, *Soricum nidi*, hiantia, inconnexa, deformia, quæ horrorem spectantibus incutere apta sunt potius, quam venerationem. Sed tamen eo ipso quod antiqua sunt, quod prima operis rudimenta, in æstimatione sunt, & venerationem ac laudem merentur. Quocirca summis laudibus excipienda est Io: Ciampini in Romana Aula, & muneribus, & eruditione clarissimi, pietas ac veneranda antiquitatis studium, qui comparatis vndique per totam fere Europam, Musiuorum veterum exemplaribus, ea areis laminis ad futuram impressionem incidi fecit, ac notis eruditissimis illustrauit. Quod insigne opus, magno cum rei litterariæ bono, ac Religionis fœnore propediem lucem aspiciet.

96

MVTA MVSICA latine appellata est, quæ Græcè Chirogogia dicitur, ars nimirum gesticulandi ad numeros, & manuum nutibus occinendi, quam Pantomimi exercent in Scenicis, & nutis signis; imitantur, & simul comitantur vocalem Musicam, ne desit oculis modulatio, quæ iam auribus insonuerat. Hanc partem (notat argute grauiissimus Cassiodorus) musica disciplinâ, mutam nominauere Maiores; scilicet quæ ore clauso, manibus loquitur, & quibusdam gesticulationibus facit intelligi. Verè tamen ad Choreas pertinet, & saltatoriam artem, quatenus quod illa peragit pedum concinno motu, hoc ista manibus; & vtrique musicis consonantijs atque interuallis morem gerit, & suas partes complet. Scitè Plato 2. de Legib. Reliquæ animantes, inquit, à Natura pedes habent ad progressum: homo autem qui rythmum, numeros, & harmoniam intelligit, motu corporis concinnitate exornat. Et 3. de Rep. concludit in hunc modum. Eum igitur qui gymnasticam cum Musica pulcherrimè miscet, & moderatissimè hæc animo adhibet, hunc verissimè perfectissimum quendam musicum diceremus, & omnibus harmoniæ numeris absolutum. Mutæ Musicæ mentionem ingerit etiam Lucas de Penna in l. si quis in public. 4. Cod. de spectaculis, lib. 11.

97

MVTA SIGNA in Astronomicis dicuntur, quæ imaginibus animalium, vel reptilium nullam vocem habentium, insigniuntur: quæ  
lia

lia sunt in Zodiaco, Cancer, Scorpio, & Pisces, & extra Zodiacum; Serpens, Piscis Notius, Musica &c. Sic ut econtrā, vocalia appellantur quæ formam animantis vocem emittentis, repræsentant; siue hominis articulatè loquentis, vt Gemini, Virgo, Sagittarius, & Aquarius, siue belluarum, quæ vocem habent, quamquam horridam, confusam & quæ in raucedinem tendat. Hæc porro Signa, maturè, & non abque magno consilio ab Antiquis Astronomis animalium mutorum forma expressa sunt, & muta absolutè dicta; quoniam iugi obseruatione compertum est, stellas in ijs comprehensas, multum ponderis habere, tum in Genethliacis, tum in morbis, ad linguæ vitia decernenda, aut in totum, aut in partem, prout Mercurius cum malefica cum malo radio ad vtrumlibet ex Luminatibus, reperti in ipsis fuerint. De qua re agit Ptolemæus lib. 3. cap. 17. Similiter

MUTILATA SIGNA sunt, quæ membrum aliquod abscissum, aut vtutemque corpus mutilum repræsentant: idque nedum in signis Zodiaci, sed etiam in alijs imaginibus octauæ Sphæræ, quæ extra Zodiacum per longum, & latum sparsæ sunt, obseruatur. In quorum censu computatur potissimè Caput Medusæ; inde Sectio Equi, caput abscissum referens, ac quatuor in quadrum positas stellas obscuras complectens; & in Signifero Taurus, qui posterioribus caret. Quæ proinde signa, (vti de Mutis modo dictum est), ex effectibus nomen & imaginem accepere. Sunt enim valde ominosa, & stellis conformantur de natura sua maleficis, & detruncationem membrorum, aut aliàs funestum exitum decementibus. Quod ideo Ptolemæus lib. 4. cap. 10. quem citat etiam, & explicat D. Thomas Opusc. 28. art. 4. vbi de genere mortis agit, hæc pronunciat: *In Signis mutilis, aut quorum figura sunt imperfectæ, aut circà Caput Medusæ, Mars significat capite mutilandos, aut membris mutilandos.* Quod nimis audenter, & suprà naturalem agendi vim fiderum, videtur dictum. Sed ab eo ex parte admittendo non abhorret Angelicus Doctor, considerata praua stellarum qualitate, dicens, *Quod Stella illa funerea sunt, & monstruosam indicant vitæ terminationem.* Et id circò addit, sensatè id expressum fuit in Imagine Persei, ad Gorgonis pessimam naturam insinuandam. Propter quod (inquit) ipse etiam Perseus caput, averso vultu, abscissum tenet. Moderatur tamem dictam propositionem, apposita, vt par erat, hac cautione. *Sed hoc, sicut diximus, non infert rebus necessitatem, sed facilem, & mutabilem inclinationem habet.* Hæc S. Doctor.

MVTULI in opere architectonico dicuntur Canteriorum capita foris è tecto prominentia; seu, eorum loco, lapidum quadrata segmenta, ex interiori parte aliquantulum resimata, quibus tectum incumbit, aut epistylium sustinetur. Eos in operibus præsertim Doricis, summè commendat Vitruuius lib. 4. cap. 2. quòd naturam imitantur. Ita, inquit, è canteriorum proiecturis mutulorum sub coronis ratio est inuenta. atque inde ad lapideos transiens, addit. Ita ferè in operibus lapideis, & marmoreis, mutuli inclinati sculpturis deformantur, quòd imitatio est. canteriorum: etenim necessariò propter stillicidia proclinati collocantur. Quod ideò ex Græcorum institutis & praxi, improbat appositionem mutulorum in fastigijs, neque supra triplyphos eos admittit, aut in eodem opere, mutulos simul, & denticulos, quia sunt præter ordinem, & naturæ imitationem: ait enim infra: Ita uti ante in Doricis triglyphorum, & mutulorum est inuenta ratio; item in Ionicis, denticulorum constitutio propriam in operibus habet rationem: & quemadmodum mutuli canteriorum proiectura ferunt imaginem, sic in Ionicis denticuli, ex proiecturis asserum habent imitationem. Itaque in Græcis operibus nemo sub mutulo denticulos constituit; non enim possunt subtus canterios asseres esse. Etiamque Antiqui non probauerunt, neque instituerunt in fastigijs mutulos, aut denticulos fieri, sed puras coronas; ideo quod nec canterij nec asseres contra fastigiorum frontes distribuuntur, nec possunt prominere, sed ad stillicidia proclinati collocantur. Hæc Vitruu. sugillans ex obliquo Architectorum sui temporis, atque antiquorum Romanorum morem, collocandi in fastigijs mutulos, necnon in eodem opere sub mutulis denticulos; quemadmodum videre est Romæ multis in locis, præsertim in Panthei fronte, in porticu templi quod fuit Concordiæ, in arcubus Titi, Vespasiani, & Constantini, in Thermis Diocletiani, &c. Et vniuersim in Opere Composito, quod post Vitruuium inuectum est, non obseruatur hæc cautio, sed omnes eiusmodi ornatus colligit, & in vnum comprehendit, modò ad rem faciant, & symmetriam operis non interturbent. Ut intelligas, Vitruuij præcepta non adeò rata esse, ut pro oraculis & lege irrefragabili excipi ab Architectis debeant, & non aliquando corrigi, aut sanis interpretari. Certè Bramantes, alijque insignes nostri temporis Architecti, id neglexere: & ille quidem tum alibi, tum in Palatio Vaticano, vbi dicitur *Belvedere*, supra triglyphos mutulos posuit, & isti passim sub mutulis in Epistylijs, fasciam cum denticulis, baccis, ac infutis verticillis. Sed stat cuique pro ratione voluntas, siue etiam oculorum illecebra, ac voluptas.

MYOPARO, bellicum Nauigium à Piratis potiffimè vſurpatum, quòd expeditiffimum ſit, leue, ac benè inſtructum: incedit enim velis, & remige, vnde ad circumueniendum hoſtem, & ad declinandum, cùm circumuentum fuerit, aptiffimum. A' Paro Inſula, & Myunte vrbe, vt vult Turnebus lib. 3. cap. 1. composito nomine dictum. Eius meminit Hirtius de bello Alexandrino, referens quod Octauius, poſt commiſſum nauale prælium cum Vatinio, depreſſà quà veſtabatur quadrirème, diſperſiſſe ſuis nauibus, vulneratus adnataſ ad ſuum myoparonem: eo receptus, quàm prælium nox dirimeret, tempeſtate magna velis profugit. Salluſtius quoque lib. 3. Et forte, inquit, in nauigando cohors una grandi phafelo veſta, à cæteris deerrauit, marique placido, à duobus prædonum myoparonibus circumuenta. Eſt autem Phafelus eiufdem prorsus fornix & vſus cum Myoparone; quem proinde cum eo confundit Laz. Bayſius; medium quid inter onerariam nauem, & longam triremen: vt ex hoc Salluſtij textu & Appiano, conſtat eſſe longe diuerſum, capaciffimum, ac celerrimum: vnde eſt illud apud Catullum,

*Phafelus ille, quem videtis, hoſpites.*

*Ait fuiſſe nauium celerrimus;*

*Neque vlliſ natantis impetum trabis*

*Nequiſſe præterire, ſiue palmulis*

*Opus foret volare, ſiue linteis.*

Ego crediderim, Phafelum fuiſſe ſimilem magnis Venetorū triremibus, quas Galeazzas nominant; Myoparonem, modernis Turcarum fuſtibus, ſeu noſtris Brigantinis.

Aliter autem hoc nauigij genus deſcribit Iſidorus lib. 19. Ait enim: Myoparo quaſi minimus Paro, idem & Carrabus; eſt enim parua ſcaſa ex vimine facta, quæ contexta crudo corio genus nauigij præbet, quibus vtiuntur Germani piratæ in Oceani littoribus, vel paludibus, ob agilitatem.







# NA

**1** **N**ADIR in Astronomicis apud Arabes Scriptores dicitur Imum Cæli, sed Punctum lineæ meridianæ sub terra latentis, diametraliter oppositum Vertici capitis nostri; quod ipsi pariter gentili suo vocabulo vocant *Zenith*; itaut ambo sint veluti Poli Horizontis, & centra æqualiter ab ipso distantia, hoc est grad. hinc inde, 90. Hic porro locus est omnium infimus in constitutione Cælesti, & signat cum tota sua linea meridiana sub terra, cuspidem, & initium IV. domus, qui est vnus ex quatuor Angulis, in quibus sidera multum roborantur. In eo idipsum obseruare est, ac in præfato Zenith, sed contrario positu: Etenim tantumdem distat ab Aequatore, & altero Polorum Mundi, quantum ex aduerso Aequator à vertice, & vertex à Polo, hoc est residuum Eleuationis eiusdem poli supra Horizontem, ad grad. 90. Quare perinde ac apud nos, ab eo sumuntur regionum latitudines, ac circuli altitudinum, & verticales à nostris Antipodis, quos Arabicè item nominant *Almicantarath*, & *Azimutha*.

**2** **NAHAR ALCHARNER**, item arabicè appellatur (teste Kirchero in Oedipo Aegyptiaco) Eridanus fluuius, siue Nilus, sidus nempe Cæleste ad Australem plagam, constans stellis 34. ex recensione Ptolemæi, & Antiquiorum, verum ex Recentiorum obseruationibus longè pluribus, & secundum Bayerum, omnino 43. quarum potissima, ac splendidior est, quæ postrema in eductione fluuij, dicta antonomastice *Acarnar*, primæ magnitudinis, benignissima, de natura Iouis & Veneris; reliquæ ferè omnes, tertiæ quartæ magnitudinis, de natura Saturni. Quod ideo in totum, sidus infaustum est, procellosum, turbidum, & naufragia generaliter portendit. Sed malignitatem eius temperat, & compensat vnica *Acarnar*, quæ cum Ioue oriens, aut occidens cum Sole facit serenum, & in mari indu-

inducit stabilem tranquillitatem, etſi cum Mercurio ventos, ſed ca-  
men ſerenos, & calidos excitet. Cæterùm reliquæ ſtellæ, præſertim  
ſi Saturnus, Mercurius, & Luna aſſuſerint, generat nubes, procel-  
las, & imbrēs. De quo hæc habet Tullius in Arati Phenom.

*Namque etiam Eridanum cernes in parte locatum*

*Cali, funeſtum magnis cum viribus amnem,*

*Quem lacrimis meſta Phaëtonis ſepè ſorores*

*Spargerunt, latum mœrenti voce canentes.*

Oritur Romæ Acarnæ cum gradu 21. Cancrî, circâ diem 13. Iu-  
lij, occidit autem die 15. Martij cum gr. 26. Piſcium, at reliquæ  
ſtellæ, Menſe Iunio oriuntur, & occidunt menſe Maio. In geneſthia-  
cis, ſi credamus Ptolemæo, magnam adducit extréma Eridiani for-  
tunam; præſertim, ſi Iouis aut Veneris benigno radio fulciatur.

NARES in varia ſignificatione ſumuntur in operibus Mathemati- 3  
cis: ſemper autem per analogiam, & quandam ſimilitudinem ad  
nares animantium, per quas respirant, & ad vitæ conſiſtentiam, al-  
ternis motibus nouum aërem trahunt: denotant enim quaſdam vt  
ita dicam aperturas, & ſpiramenta in opere inducta, ad remittendum  
exuberantem, grauemve ſpiritum, aut vbi opus eſt, opportunè ex-  
cipiendum. Et primò quidem in Aquæductis, & puteis excauandis,  
ſtatim in locis aperiuntur ſpecus, & æſtuaria per quæ concretus aër,  
& ſpiritus peſtilens remittatur. De quibus ita loquitur Vitruu. lib.  
8. cap. 7. *In puteorum autem ſoſſionibus non eſt contemnenda ratio, ſed*  
*acuminibus, ſolertiaque magna naturales rerum rationes conſideranda.*  
Tùm neceſſitate oſtenſa huiusmodi æſtuaria aperiendi, concludit:  
*vt ſecundum puteum dextrâ ac ſiniſtra defodientur æſtuaria; ita quemad-*  
*modum per nares, ſpiritus ex æſtuarijs diſſipabitur.* In Aquæductis verò  
id ſimiliter faciendum præcipit ad alium finem, vt aqua liberius  
excurrat, neue ab intruſo aëre remoretur; & columnaria vocat,  
quoniam inſtar cuiusdam columnationis per directum, vnde aqua  
ſubtus tranſit, eriguntur ad ſpiramentum, & remittendum aërem:  
Ait enim de conceptabulo aquæ: *Etiam in ventre columnaria ſunt fa-*  
*cienda, per qua vis ſpiritus relaxetur.* Quemadmodum videmus in  
phiala aqua plena, quæ ſi ſubitò inuertatur, ita ut venter ſupinus ſit,  
collum autem apertum deorſum, vtique non remittet aquam, quia  
ſpiramentum non habet vnde aër ſubintret; benè autem ſi modicè  
inclinaueris, aut oſculum in ventre habuerit, per quod poſſit aër in-  
trare. Secundò in extruendis ædificijs, data opera in parietibus infer-  
ti canales, & aperti camini ad ſumum, vaporesque extrudendos,  
nares itidem appellari ſolent. Sic idem Vitruu. lib. 6. cap. 4. *In-*

ter duos parietes, ait, canalis ducatur inferior quàm libramentum con-  
clavis fuerit, habens nares ad locum patentem. Si enim non per nares  
humor, & in imo, & in summo habuerit exitus, non minus in noua struc-  
tura se dissipabit. Simili ratione hæc spiramenta, Albertus & alij  
Gulas nominant. Sed potissimum in Machinis hydraulicis aperta,  
alicubi foramina, per quæ spiritus egeri possint, aut intercludi, vt  
per compressionem vehementior fiat motus in fistulis, per quem so-  
nus edatur, vel aqua spiritu pressa sursum saliat; nares dicuntur:  
prout videre est in eodem Vitruu. lib. 10. cap. 12. & 13. Herone,  
& alijs.

4 NARIS CETI, quæ etiam alio nomine vulgatiore, appellatur  
*Mandibula*, in Astronomicis Stella est fixa secundæ magnitudinis, de  
natura Saturni cum participatione Veneris, in rictu Ceti constituta;  
arabice *Menkar*, existens nunc temporis in grad. 10. Tauri cum  
latit. Australi grad. 13. Hæc cum Sole exoriens facit tempus tur-  
bidum, & aliquando, si Saturnus sua præsentia vel radio adstipule-  
tur, adducit niues, & copiosos imbres. Oritur autem Romæ circa  
Kalendas Maias, & occidit Martio die 9.

5 NAVIS præclarum Architecturæ inuentum, ac mirabile opus,  
ipsis extructis vrbibus, aut amplissimis ædificijs longè sublimius: ad  
quod efformandum, instruendum, ac dirigendum, omnes ferè Ma-  
thematicæ disciplinæ manus suas auxiliares adiuuent, & sine quo  
totius Orbis commercia interirent; ab ipso summo Orbis Archite-  
ctore Deo, instante vniuersali diluuiio, Noë Patriarchæ ad humani  
generis, omniumque viuientium semen in ea seruandum, detecta: cui  
& eius compingendæ præcepta tradidit, & exemplar expressit, ex  
quo postmodum Nauium extructores ideam sumerent, & sua Naui-  
gia fabricarent. A *Náw* græca notione, quæ perinde sonat ac fluo,  
aliqui dictam volunt: alij à *No*, quod est *Nato*, alij à *Nauo*, idest  
studiosè impleo: alij demum sed præposterè, à *Nauarcho*, quod re-  
ctorem Nauis exposcat. Vt vt sit, certè mobilem domum, & mari-  
timam rhedam significat, quâ Mare peruagari possit, atque eius ad-  
miniculo vniuersus Orbis excurri. Ea tam in pacis otio, quàm in  
bello, optimum adiumentum: quippe Oneraria quæ dicitur, merces  
inuehit, & mercatores, commeantesque de loco in locum traducit:  
& Classiaria bellum adornat, & castra in mari ponit. Vnde non  
desuere, qui Nauigium dicerent aquaticum Elephantum, turribus  
militibusque instructum, quem gubernator temone, velis, ac ruden-  
tibus, ceteris quibusdam frænīs reget; ac integram ex ipsis instructam  
Clas-

Classẽm, veluti obambulantẽ in pelago Ciuitatem, Campum militarem, & munitissimam Arcẽ aptissimẽ appellarent. Quod idẽ plurima Nauigiorum genera enumerat Plinius lib. 7. cap. 56. & accuratius post eum, Gellius lib. 10. Noctium Atticar. cap. 25. Porro eorum fabricandorum formam, & lineamenta episcibus innatantibus accepta, refert Leo Albertus de re ædificatoria. Nam quod illis caput, in his prora: quod dorsum, carina; quod alius, puppis: quod branchiæ, pinnae, cauda rectrix motus, hic remigium, vela, clauus, qui totam motionem nauis dirigit, & gubernat. Est similiter Nauis mobile Aedificium, ad instar terrestres factum, quod habet pro fundamento carinam benẽ firmatam suburra, alijsque ponderibus; pro muris latera; pro contignationibus tabulata; pro cubiculis receptacula; pro aula, & atrio puppim, & proram: Sed quia stare non debet, sed huc, illucque pro necessitate discurrere; conuenit, vt & vela habeat, eaque diuersi generis, quibus ventorum status ad indigentiam excipiat, & clauum quo rectore adduce, iter instituat, & malum vnum, aut plures, prout nauigium longum aut latum est, ad sustinendas antennas, & has ad extendenda, vel comprimenda in aere vela: ac demum rudentes, & anchoras, vt immota nauis in portu subsistat, & fluctibus non agitetur. Vt proinde eam non inuenustẽ equum ligneum appellarit Plautus, & ventorum curram Lucretius. De diuersarum Nauium differentijs, nomenclaturis, earum partibus singillatim, ac dirigendi ratione, alibi erit sermo. In genere hæc dixisse sufficiat.

NAVIS in Astronomicis, denotat Sidus in Cœlo ad Australem plagam (aliàs *Argo*,) representans celebrem illam Argonautum tantoperẽ à Poëtis decantatam, atque impingentem demum ad Scopulum, ac naufragium passam: quod ideo effingitur hic prora, seu rostro carens, & annumeratur ab aliquibus com signis Mutilatis. Cæterum est Constellatio amplissima, & magnam Cœli partem occupat, sub signis Geminorum, Cancrì, Leonis, Virginis, & partim Libræ. Complectitur stellas 45. variæ magnitudinis, de natura Saturni cum participatione Iouis, omnes à Ptolemæo recensitas; Sed Tycho oculatior dat ei, vltra duas repertas, & relictas informes circa velum; alias tredecim, quas in formam redegit: Et Bayerus decem, quæ prius informes erant collegit, & coadunauit in Saxo naufrago. Ex his præcipua, & splendidior est, quæ dicitur Canopus, Arabicè *Rubail*, primæ magnitudinis, existens inferius in temone, in longitud. grad. 9. Cancrì, ac latitud. Australi, grad. 75: Proximẽ eam sequitur in dignitate, quæ in medio Scuti, secundæ magni-

tudinis, arabicè dicta, *Martheb*: inde in sectione Instrati duæ eiusdem honoris, & in transiris aliæ duæ, ac tres in statione mali, & iuxta Columbaria: quas omnes, & singulas Lucide nomine decorauit Ptolemæus; reliquæ, tertiæ, & quartæ promiscuè, 15. quintæ, ac tres tantum sextæ. De cætero sidus infidum, variunt, & nauigantibus oninosum, quippe quod procellas excitat, ac tempestates, vt vult Ptolemæus, & iugis probat experientia. Benè verò verum est, quod in nostris regionibus parum timoris incutit, modicumque mare vexare compertum est; cum modico etiam tempore supra terram appareat, & mox illicò occultetur. Et Canopus quidem in Italix partibus australioribus vix horizontem radit, nusquam spectabilis. Solum Markeb parum supra terram attollitur, & ascendit cum Sole, adeoque cum grad. 26. Leonis, die 18. Augusti, occiditque cum grad. 6. Geminorum; & hæc (maximè si Saturnus adfuerit) adducit maximam siccitatem, & fontium exsiccationem. Reliquas significationes, & influentias, quas sidus habet, insperitque terris, quibus imminet; videre per otium poteris apud Fabrum in Panchym. lib. 2. cap. 13.

8. NAVIS etiam, sat vulgato apud nos vocabulo, per quamdam analogiam, in terrestribus ædificijs, ac præsertim in magnis Basilicis potior pars audit & amplior, quæ ipsas mediatur, & à reliquis circuitur, & veluti satellitio coronatur, vulgò *la Naue di mezzo*. Græcis Templum: *Cellam* appellauit Vitruu. lib. 3. cap. 1. de prophanis ædificijs loquens, & lib. 4. cap. 4. & 5. de Sacris, vt in loco monuimus. Quam proinde ampliorem, & erectiorem cæteris alijs membris esse conuenit, quia vt aduertit Durand. de Sacr. Rit. eò conuenit, & pro concione, & sacra lectione stat promiscuus populus; cum Sacerdotibus ad psallendum sit deputatus chorus, atque ad sacrificia celebranda, hincinde Sacella elatris, & cancellis clausa, & ad vetandum laicis ingressum, à toto corpore separata ac distincta. Quemadmodum, & aliæ partes pro feminis, penitentibus, cathecumenis, apud Græcos, sacris ædibus addi consuevere, vt notat Salmasius in Solinum, & extat Canon in Concilio Neocæsariensi, vbi singula membra suis nominibus compellantur, & de cathecumenis, & penitentibus hæc statuuntur. *Si quis ex perfectioribus Cathecumenis peccauerit, peccatis vestris cum Audientibus stet. Si ex Audientibus est, & à peccando non abstinuit, in Desertium locum ab Ecclesia extrudatur.* Pro feminis autem erat locus separatus cancellis septus. Utinam mos iste laudabilis in nostra templa transiret. Porro vt ad Nauim maritimam redeamus, à Naui

NAVALE, & NAVALIA nuncupantur loca ad fabricandas, & continendas Naues, antequam in portum deducantur, vel quò è mari subductæ, instaurantur, & adfuerantur, ad opus destinata, *Arfenale* à nostris vulgò dicitur. In quibus celeberrimum, amplissimum, & instructissimum est quod Venetijs visitur, & ad pompam etiam, & ostentationem, conuenis promiscuè, aduenis, atque indigenis patens est, nec sine admiratione spectatur, idque tanto ordine, instrumentorum copia, partium iam in se ad opus dispositarum distributione, ac multitudine in suis quæque loculamentis adunatarum; vt intra vnus horæ spatium magna Triremis, quam Galeatiam dicunt, ex integro compingi possit, ac tormentis armari, quod sæpe accidit in magnorum Principum accessu, & admirabilis in vnoquoque genere, Urbis lustratione. Porro de huius loci rata situatione, & constructione, hæc habet Vitruu. lib. 5. cap. 12. postquam de Portu dixerat: *His perfectis, Naualiorum ea erit ratio, vt constituantur spectantia maximè ad Septentrionem; nam meridiana regiones propter astus, cariem, tineam, teredines, reliquaque bestiarum nocentium genera procreant, alendoque conseruant; eaque adificia minimè sunt materianda propter incendia. De magnitudinibus autem finitio nulla esse debet, sed faciunda ad maximum nauium modum; vti & si maiores naues subductæ fuerint, habeant cum laxamento ibi collocationem.* Cæterum Nauale in adiectiuo, aptatur ad omne id quod ad rem nauigatoriam pertinet. Sic Nauale prælium, Nauales Socij, Nauales turres, passim apud Liuium, Suetonium, aliosque Historicos inuenies. Quin & Plautus in Menæchmo, festinè dixit Nauales pedes; remos videlicet, quibus naus, quasi graditur & obambulat.

NEBVLOSÆ STELLÆ vocantur ab Astronomis fixæ aliquot, quæ (contrà quàm communiter aliz,) fusca & pallenti fulgore coruscant, ac perinde oculis se repræsentant, tanquam *nubecula* quædam firmamento affixæ, omnesque siderum passionēs habentes, quales præcipuè sunt, & consequenter denominantur, duæ ad Polum Antarcticum consistentes, atque in longum, & latum extensæ, nebulae potius, quàm Astri speciem præseferentes: At reliquæ, nebulae quidem colorem subalbidum habent, cæteræ ab alijs stellis exiguitate, & orbiculari forma non discrepant. Tales sunt dicta *Præsepe* in pectore Cancræ; quæ principalis est in Coma Berenicis, dicta *Cincinnus*, quæ in mento, alias *Oculo Sagittarij*, quo nomine insignitur; item quæ est in Scorpione sequens aculeum; atque vltimò tres quæ sunt in ricu Capricorni. Et hæc omnes, & solæ sequuntur naturam Luminarium, vel alterutius ipsorum, cum participatione, Mar-



**M**artis. Et ideo nil mirum, si cum illis conſtédientes, turbant aërem, & caliginofum reddunt, opplentes illam continuis nebulis, ut præter Ptolemæum, obſervauit etiam Plinius; ſiquidem debile illud; & ſubobſcurum lumen, quod emittunt, retundit etiam Luminarium clarum fulgorem, atque imminutum, ſeu reuſum, conſuſum, & refractum, terris remittunt. Obſeruatum eſt etiam, quod in morbis, & vitijs oculorum, ſemper nebulosæ ſtellæ magnam partem ſibi vendicant, ſi Luminaribus quæ oculis præſident, & lucem impertiunt, copulentur. Præcipuè, ſi Mars aſſuſerit; & natos ſub illis exiſtentiſſimis in horoſcopo, aſſici cæcitate, aut vtcumque ſtrabos, luſcos, pupillis læſis, panniculisq; contextis edi, prout Luminaria in ipsis adinuicem, aut cum Malelicis configurantur. Ad quam rem, ratio à priori non deficit, petita è penitiorè Philoſophia. Nam læſa, & vitiata cauſa; debilis, nullus, aut ſanè vitiatus effectus, ex ea prodeat neceſſe eſt. Atqui laborantibus vtcumque luminaribus, atque imminuto, aut obruſo eorum lumine, per ſtellas quibuſcum congregiuntur nebulosæ, & pauco lumine præditæ ac malignæ; in oculorum aciem & lumina, cæcitatē, nebulas, aut quoduis aliud vitium induci poſſe, nemo eſt qui non videat.

**I**I NETE in tonis Muſicis appellatur chorda, quæ conſtituitur vltima in Tetrachordo diſconiunctarum, & Prima excellentium, ſignata per E. la: mi. Quæ tamen denominat totum Tetrachordum Excellentium ſeu acutarum, quæ acutum reddunt ſonum, ut videre eſt in diuiſione Monochordi, quam dedimus ſuo loco. Porro aliquandò Nete ſupponit pro vltima excellentium, quæ vocatur Nete hyperboleon, reſponderetque ad A. la: mi: re. Hæc autem eſt omnium acutiſſima, & ſuprà ordinem Tetrachordorum, ex diametro oppoſita Hypatē, quæ eſt Prima Tetrachordi grauiffimi diſci Hypaton, hoc eſt Principaliſſimū, quæ grauiores præ cæteris, reddit ſonum. Quæ ratione dixit Clemens Alexandrin. lib. 1. Strom. cap. 5. *Iam enim Hypatē quoque cum ſit Nete contraria, eſt tamen vna Harmonia*, id ad ſuum intentum inſeſcens: cum ſibi propoſitum fuerit oſtendere, hærefes, quantumuis inter ſe diſcordes ſint, & in dogmatibus diſcrepantes, in hoc tamen conuenire omnes, ut aduerſus Catholicam veritatem inſurgant, & ſimul concinant, ad incautos & ſimplices animos, ſophiſmatum ſuorum philtris, velut magicis cantionibus, capiendos, ac dementandos.

**I**2 NEVMA græcè nutum ſonat: Vnde uſurpatur in cantu Gregoriano, pro ſuauiſſimo modulationis genere, quo nihil in re ſignificatur,

tur, sed sola oris aperitione ac motu, quasi per nutus, verbum prolatum protrahitur, & in vna eademque sillaba aliquantulum immoratur: idque ad differentiam cantus plani, in quo singulis sillabis singulæ notæ sunt assignatæ, & omnes æquali temporis spatio, & mensura pronunciantur. At in Neuma plures toni, ac notæ variantur, & colligantur simul in vna sillaba, vt productior fiat cantus, diuturniorque in verbis insistentia, quò animus spiritualiter erigatur ad rei, quæ cantu exprimitur, intimam considerationem. Hic autem canendi modus Græcis est frequentissimus, sed non ideo ab Latina Ecclesia intermissum, quin potius eo vitur semper in cantibus, ac vocibus iubilationis, & lætitiæ, vtputa in Kyrie Eleison, Alleluia, &c. necnon, vbi actionis mysterium cunctationem requirit, & aliquam immorationem, & pausam in vocibus, vt in Gradualibus, Offertorijs, & similibus. In Antiphona autem *Hæc dies*, &c. quæ est maximæ exultationis incitamentum, abundantius quàm alibi Neumis vtinur; quia conuenit in contemplatione tanti mysterij diutius immorari. *Iubilamus magis quam canimus* (appositè inquit Rupertus de Diuin. Offic. lib. 1. cap. 35.) *vnamque breuem digni sermonis sillabam in plures neumas, vel neumarum distinctiones protrahimus; vt incundo auditu mens attonita repleatur, & rapiatur illuc vbi Sancti exultabunt in gloria.* Quapropter iure D. Gregorius Papa huius Neumarici cantus inuentor & propagator, eius inducendi in Ecclesiasticum cantum rationem reddens, Pontificia maiestate pronunciat. *Neumarum multitudinem granitati sillabarum idcirco adiecit, non vt cantus proluxior fiat, sed vt ille qui canit, dum diutius paucis immoratur sillabis, verborum diligentius sensum consideret, & cælestia contempletur.* Plura de Neumarum ratione, & vsu in Canticis Ecclesiasticis, vide apud Petrum Aronem in lib. de Musica.

NILI generaliter appellantur Euripi, sed aquarum ductus, seu Canales excrecentes; & decrecentes, ad Lunæ vel æstus maris rationem; idque non in angustijs Maris tantummodò, (vt absolutè dicuntur Euripi) sed simpliciter omnis aquarum vis aliunde deducta, quæ longius permeat, atque in sublime salit: sumpta denominatione ab Nilo notissimo, ac celeberrimo Aegypti amne, qui ex Mauritania originem trahens, (siue ab Athlante monte, vt vult Pausanias,) per longum tractum, totam Aethyopiam, & Africam excurrens, in Aegyptiacum mare se exonerat, atque interim varijs reciprocationibus labitur, ac tandem in solstitio æstiuo mirum in modum sese attollens, & ripas prætergrediens, totos Aegypti campos inundat, & alluit. In hunc igitur modum alij fluuij, & manufacti

canales aquarum, cum impetu procurentes, & subinde ripas exuberantes, Nili dicuntur: ita tamen, ut non nisi maioribus, & perpetuò & longo tractu currentibus, id nominis competat. Sic Cicero 1. de Legibus, ait. *Ductus aquarum, quos isti Nilos, Euriposque vocant, quis non irriferit?* Non negauerim tamen aliquando sub hoc nomine venisse etiam fossas quæ ducebantur ad Circum, veluti quoddam septum aquis plenum, quod prius temporario clostro fiebat, ut innuit Plin. lib. 36. cap. 15.

## NO

- 14 NOCTVRNVM Signum, vel Planeta, ab Astronomis denominatur, in quo inueniuntur plùs vincere qualitates passiuæ, nempe humiditas, aut siccitas, quam actiuæ, quales sunt Caliditas, & frigiditas: sicut econtrâ, Diurna dicuntur, in quibus preponderant qualitates actiuæ; de sumpta denominatione, seu potius nominis analogia, à Die, ac Nocte, quòd ille abundat in qualitatibus actiuis, ista in passiuis. Etenim, ut ait Philosophus lib. 4. Meteorolog. cap. 1. *Videntur in omnibus caliditas quidem, & frigiditas terminantes, & copulantes, & transmutantes, & ea quæ eiusdem generis, & ea quæ non eiusdem generis; & humectantes, & exsicccantes; & indurantes, & molliciantes: Sicca autem & humida, terminata, & alias dictas passionibus patientia & ipsa secundum se, & quacumque communia ex ambobus corpora constant. Adhuc autem ex rationibus palam est, quibus definitur naturas ipsorum. Calidum enim; & frigidum, ut actiua dicimus; concretium enim sicut actiuum aliquid est: Humidum autem, & siccum, passiuum: facile terminabile enim; & difficile terminabile, eoquod patitur aliquid, natura ipsorum dicitur. Igitur ex Philosopho, ubi vincit alterutra ex qualitatibus actiuis, ibi diei conditiones sunt; & diurna optimè dici possunt: & ubi vincunt passiuæ, nocti assimilantur, & nocturna dicuntur. Sic in Signis Zodiaci, alternatim, Aries, Gemini, Leo, Libra, Sagittarius, & Aquarius, Diurna sunt, quia in eorum singulis vincit calor, aut frigiditas: econtrâ, Taurus, Cancer, Virgo, Scorpio, Capricornus, & Pisces, illis immediate succedentia, sunt Nocturna, quia apta sunt terminari, & vincunt in eis qualitates passiuæ. Ex Planetis etiam, quia Saturnus est natura frigidus, & siccus, sed magis siccus quam frigidus; Iupiter magis calidus, quam humidus; Sol magis calidus, quam siccus; ideò denominantur Diurni: Mars autem, & Mercurius, quia vincunt in siccitate, Venus verò & Luna in humiditate, sunt omnes Nocturni. Id quòd in Signis attenditur per respectum ad puncta Cardinalia, vnde Sidera incipiunt influere primas qualitates, seu fit noua combinatio, in qua ea primas tenet, cuius est denominare signum, aut Diurnum, aut Nocturnum.*

NO-

15  
NODVS in Acie militari, Iſidoro teſte, lib. 9. cap. 3. propriè  
deſſa pedum multitudo, ſicut Turma equitum. Dicitur eſt autem  
nodus, quia ſicut iſte ita eſt complicatus, vt ægrè admodum poſſit  
reſolui; ita agmen illud militum in vnum globum conueniens, ita  
ſibi cohzret, vt in conſictu cum hoſte, ſive illum ſuſtineat, ſive ag-  
grediatur; fortiter obſiſtat, acriùs iunctis viribus dimicet, ac diffi-  
cultè ſolui, ac diſſipari queat. Cuneum aptiùs vocat Vegetius, lib.  
3. cap. 19. quod iuncta cum acie, primò anguſtior, deinde latior proce-  
dit, & aduerſariorum ordines rumpit, quia à pluribus in vnum locum  
tela mittuntur.

16  
NODI in Aſtronomicis appellantur interſectiones Orbitalium So-  
lis, & ſingulorum Planetarum cum latitudinè incedentium in Zodia-  
co, vbi videlicet iſtorum Orbitæ incidunt in Eclipticam in duobus  
punctis oppoſitis. Et Nodus quidem Boreus dicitur punctum, in  
quo conſtitutus, aut conſtituendus Planeta tranſit à latitudine Au-  
ſtrali ad Borealem: Auſtrinus verò, vbi à Borea deſcendit ad Au-  
ſtrum. Qui etiam ex effectu, dicuntur, vnus Attollens, ſeu Euehens,  
qui videlicet attollit ad Polum ſuperius ſitum, vel Deprimens, eo-  
quod deprimat ad conſtitutum ſub terra: atque etiam ex forma,  
quam præſeferunt, dicuntur Caput; & Cauda Draconis, quia in  
ijs partibus Dracones extenuatur: vbi verò maximam latitudinem  
hinc inde habent, dicuntur eſſe in Ventre, ad Draconis ſimilitudi-  
nem, qui in ventre maxime dilatatur. Porro Nodi iſti permutant  
locum in Zodiaco; perinde ac ipſi Planetæ, ſed gradiuntur contrà  
ſucceſſionem Signorum. Et trium quidem ſuperiorum Nodi valdè  
moròſe, & quaſi inſenſibiliter mouentur; inferiorum verò non  
item: ſed ad ſingulos ſerè dies in Venete, & Mercurio, minutum  
vnum; & Nodi Lunares gradiuntur ad tria: vt patet ex Ephemer-  
idibus, ac Tabulis ſecundorum Mobilium. Et hi, maximè Lunares,  
in Genethliacis habent maximam ſignificationem, quoad conforma-  
tionem corporis; quod plerumque contorquent aut deturpant, ſi in  
ijs Luminaria cum Infortunis fuerint reperta, præſertim in Angulis,  
atque in Signis contortis; aut detruncatis, qualia ſunt Aries, Tau-  
rus, Cancer, Scorpio, & Capricornus, vt habet Ptolemæus lib. 3.  
cap. 17. Vide quæ dicta ſunt in Capite, & Cauda Draconis.

17  
NODI etiam in Opere architectonico vocantur partitiones loco-  
rum quæ ſunt in ſpecula, ſive ad lumina recipienda, ſive ad ictiones;  
ad ſimilitudinem nodorum qui ſunt circà arundines, quæ ſunt velu-  
ti parua ſacella, & eruptiones. Sic Baptiſta Albertus de re ædifica-  
tor.

tor. lib. 8. cap. 5. *Evunt, rotunda facella hac numero tria; & ea nos, ab arundinibus ducta similitudine, appellabimus nodos. Nodorum igitur singulorum altitudo fiet quanta cuique sit latitudo, addita insuper latitudinis eius ipsius duodecima, quam partem esse nobis pro socco volumus, & infra Nodis columna cum ornamentis appingentur nihil plus octava, nihil minus sexta: tum & nodo cuique atque itidem sacello, aptis locis adaperiantur fenestre & scapi, cum ornamentis, quæ illis debeantur. Horum etiam meminit Vitruv. lib. 2. cap. 9: sed in alio sensu.*

NODI in Piscium Constellatione. Vide *Linum*.

- 18 NONA SPHAERA, communi Astronomorum, præsertim veterum usurpatione, intelligitur Cælum superius, seu Primum Mobile immediatè sub Empyreo constitutum, quodque suo insito, & concitatissimo motu à dextris ad sinistram, (aut si mauis, dicam,) ab Ortus ad Occasum, rapit sphaeras inferiores, in quibus Fixæ collectæ, & Planetæ, suis cuique proprijs Orbibus, collocantur. Etenim, quia olim, & etiam nunc nonnulli Recentiores Cælos solidos asseruere, & astruunt, viderentque Firmamentum, (in quo fixæ) & singulos Planetas, non ex asse Primum motorem sequi, sed vnumquemque, prout magis aut minus ab illo elongantur, suum peculiarem motum habere in aduersum, ab Occidente Orientem versus; consequenter singulis singulas sphaeras concedere compulsi sunt; atque adeò ab inferiore Luna enumerando, Primam huic, secundam Mercurio, &c. Octauam fixis attribuere; & postremam, quæ nona est, Primo Mobili, quod Anastron est, & non nisi per motum, ab alijs diuersum & concitatiorem, dignoscitur. Quinimò non desunt qui & Decimam, & Vndecimam addunt, (vt videre est apud Clauium,) & tunc hanc statuunt Primum Mobile, & Nonam vocant, librationis, vel trepidationis; eoquod obseruauerunt in Firmamento, præter motum vniuersitatis, & suum proprium, alium motum irregularem à Septentrione in Austrum, & rursus ab Austro ad Septentrionem, atque etiam ab Occasu in Ortum super Polos Eclipticæ, vti & reliquas stellas erraticas; propterea hanc, seu has præfatas duas Sphaeras addidere, quibus competerent eiusmodi differentes motus: quas dant moueri, vnam ab Ortus in Occasum; & ab Occasu in Ortum super Polos Zodiaci, motu lentissimo, hoc est, min. 14. spatio 1716. annor. alteram, quæ moueatur à Septentrione in Austrum, sub Coluro Solstitiorum, min. 24. in annis 3432. Quæ de re videri poterit Blancanus in *Sphæra Mundi*, lib. 18. cap. 7. fusè, ac disertissimè differens.

Nos autem, qui cum multis doctissimis Recentioribus, (vt diximus

mus in V. *Motus*, ) plures, distinctos, sibi que contrarios motus in Regione Aetherea, quæ vnus, eiusdemque substantiæ fluxibilis est, non datus, sed nec concipere possumus; quoniam repugnat, vnum, & idem Mobile duobus contrarijs motibus ferri, quo modo esset talis motus trepidationis, vel librationis, & insuper simul & semel eiusdem Astri ab Oriente in Occidentem, & rursus ab Occidente, in Occidentem; hanc Nonam Sphæram, & multo magis Decimanam, & Vndecimam non admittimus, quæ prorsus fictitiæ sunt; sed nec Octauam, quam dicunt Stellæam, nec propriam cuiusque Planetæ; sed ad summum diuersas partes, nec eas quidem contiguas, sed prorsus continuas, totius Aethereæ Regionis, in quibus stationes suas habeant Sidera, & successiue singulæ Erraticæ, prout magis ac magis à Primo Motore distant, & terræ approximantur: cum in vna Cæli fluxibilitate, vni-coque motu Aethereæ Regionis ab Ortum in Occasum, sponte sua, aggresso, omnes huiusmodi apparentiæ, motuumque varietates optime saluentur. Nihilominus ex recepta iam communiter omnium loquutione, dicimus, pro Nona Sphæra intelligi supremam Aetheris regionem, quæ sit Primum Mobile; pro Octaua, proximè succedentem, seu quod aliàs dicitur Firmamentum, in quo fixæ sunt Stellæ in Imagines adunatæ, quæ in seipsis nullum motum habent.

NORMA, vulgare instrumentum quod quotidie, inò singulis 20  
Momentis, Architecti & Materiarij in manibus habent ad exigendas directiones, & congruos situs materie operi ad mouendæ, vt sit ad libellam, & perpendicularum: sed continuo in manibus fabrorum, habetur; difficilis constructionis est: &, vt aduertit Vitruu. lib. 9. cap. 2. *Quam magno labore fabri normam facientes, vix ad verum perducere possunt.* Hanc ipse, ex Pythagoræ præceptis, (qui eius inuentor fuisse traditur) sic restituit, & facillima obseruatione suo splendori reddidit, vt à vero, quicquid vel Geometriæ omnino rudis, aberrare non possit. Namque (subdit) si sumantur regula tres, è quibus vna sit pedes tres, altera pedes quatuor, tertia pedes quinque: hæc regula inter se compositæ, tangant alia aliam suis cacuminibus extremis, schema habentes trigoni, deformabunt normam emendatam. Verbo, Triangulum rectangulum id omne exequitur, vt videre est in Vestibulo huius operis sub littera A. Cæterum Normæ sæpius fecimus mentionem in V. V. Canon, Gnomon, Libella, Regula, & alijs, quæ sunt fere Synonyma.

NOTAE in Musica, vulgò dicuntur characteres, temporum inter- 21  
ualla, & tonorum ordinem ac distinctiones per ascensum, ac descen-  
sum



sunt signantes in subiectis lineis, sub certis clauibus artificialiter clausos, ac dispersitos. Earum inuentionem alij tribuunt Paulo Diacono, alij Guidoni Aretino: sed hic verè non nisi nomenclaturas notis musicalibus indidit, vti iam à græcis initiatum reperit, & sillabis connotauit, Vt. Re. Mi. Fa. Sol. La. desumptis ex initialibus verbis primæ strophæ Hymni, quæ ad honorem S. Ioannis Præcursoris composuit Paulus ipse Diaconus, in gratiarum actionem recuperatæ yocis, ipsius S. Præcursoris intercessione, vt testatur Durand. lib. 7. cap. 4. Quare postmodum eundem hymnum frequenter cantare solebat alternantibus tonis, quos memoriæ localis ergò, sex illis notis inclusit.

VT queant laxis

RE sonare fibris

MI ra gestorum

FA muli tuorum,

SOL ue polluti

LA bij reatum,

Sancte Ioannes.

Sed Notæ istæ, quamquam non sub his nominibus, iam antè in concentibus adhiberi solebant: vnde Notariatus officium, ac Notarij nomen deriuatum opinatur Dominicus Macrus in suo Hiero-Lexico, quòd Cantoris Officium in Ecclesia denotabat. Id quòd probat, tum ex actis SS. Martyrum Marciiani, & Martyrij, quos Menæus Græcus Notarios appellat: (non quod Notariatus officium, quale nunc est, acta conficere, exercuissent, sed Lectoris, & Cantoris, quemadmodum in Martyrologio Rom. dicitur ex ijs, alterum fuisse Lectorem, alterum Cantorem;) tum autoritate Theodori Balsamonis, qui Notarium à notis musicalibus, siue Lectorem à Legendis notis appellat in Can. 62. Trull. de his duobus Sanctis mentionem faciens. *Qua fiebant, inquit, in Sanctorum Notariorum festo à Notarijs pueros docentibus, cum scenicis personis forum obeuntibus ante aliquot annos exoluissent Sanctissimi illius Domini Luca Patriarcha decreto.* Subdit postea de suo Macrus. *Sed Notarios pro Ludimagistris nonnunquam legisse memini: hinc asserere inducor, fuisse hos Cantores, siue Lectores vt supra visum est, qui pueros notas canendi docebant, & aliquas cantilenas cum scenicis personis forum obeuntibus canebant.* Quod etsi paulò extrà orbitam, tamen ob rei nouitatem, & nexum cum notis Musicalibus, adnotasse operæ pretium fuit: ad euitandâ nempe equiuocationem, cum sepè in Ecclesiasticis Historijs, de Notarijs, & Officio Notariatus sit mentio. Nam cum de Ministris Ecclesiæ sermo est, de Lectoribus & Cantoribus non de Aduarijs,

(quo-

(quorum munus nihil ad sacros ritus, & functiones) intelligitur.

Ceterum Notæ, aliàs omnis generis characteres, in quacumque professione & arte, ad denotandam quancumque rem, sibi proprios, vniuersè significant. Et primò quidem acceptæ sunt pro Initialibus verborum litteris, siue pro ipsis litterarum elementis: vnde Cicero in *Parad. Litteratura*, inquit, *constat ex litterarum notis*. Et Suetonius de Cæsare tradit, quod *si qua occultius proferenda erant, per notas scripsit*. Hoc est initialibus tantum litteris, vel quas nos Ciferas appellamus. Secundò pro certis signis, & aduersionibus, quibus Domini res suas stigmatizabant, vt equos, pecudes, libros, ad eas, inter alias alienorum, internoscendas. Tertiò in Arithmetica primæ decem figuræ numerales, Notæ arithmetice appellantur, ac præsertim, in Algebra, quæ apponuntur numeris cõsiciis. Quartò demùm in Militia, ad dignoscendum cuius cohortis singuli milites forent, certo communi signo prænotabantur. Ad quod respexisse reor Vegetium, cum lib. 2. cap. 19. notatum peritiàm requirit in eo, qui tyrones est probaturus. Similiter in totius Exercitus lustratione post initam pugnam, requirebatur in Albo, in quo singulorum nomina per ordinem erant descripta, quinam ex ijs in prælio cecidissent, quique superstites forent: Et his quidem *Tan*, seu *T*, Nota apponebatur, quæ salutaris, & vitæ indicium erat; Emortuis verò *Thita*, seu *Θ*, quæ Thanatos, idest Mors, initialibus litteris significabatur.

22



NOTIVS PISCIS, dictus etiam Austrinus, in Astronomicis audit Sidus in Cælo ad Australem plagam, magni cuiusdam piscis Oceano illi subiecto familiaris, figuram referens, qui in dorsum curuatus, & palanti ore, videtur anniti fluuium Eridanum in se excipere, ac vorare. Complectitur ambitu suo stellas duodecim, (non computatis alijs sex, quæ circà sunt, Informibus) omnibus de natura Saturni, cum participatione Martis, præter eam, quæ in ore est, & communis Aquario, in vltima effusione aquæ, splendidissima, & pulcherrima, magnitudinis primæ, de natura Veneris, & Mercurij, dicta arabicè *Pomaband*. ac proinde toti Astro, aliàs infelici, præponderat, vt non inaniter de eo pronunciet Faber in *Panchym*. lib. 2. cap. 30. quod *infundit terris fertilitatem, quam maximam, ob humidum radicale pingue, quod per radios suos, & influxus terra communicat: ex quo vini, & frumenti copia crescit, & fructuum aliorum omnium abundantia venit*. Hominiibus verò aduenire loquendi facilitatem, addiscendi artes omnes & scientias, promptitudinem, & habitudinem interpretandi facilitatem non negamus; & præterea venustatem, ingenij acumen,

23



& subtilitatem ; prudentiam , & sapientiam ; studium , & amorem ; itant quicquid aggredi tentant , facili negotio consequantur , cum omnia vincat amor , & studium , si his in rebus consequendis utamur . Hæc Faber , sed nimis amplè , & liberaliter . De cætero , quoad aëris mutationes , totum sidus exoriens facit tempus turbidum , & nebulosum , & cum Sole Fomahand , etiam pluuiosum . Oritur autem Romæ die 11. Aprilis cum grad. 22. Arietis , & occidit Februario cum grad. 19. Aquatij .

- 24 NOVENARIAE Planetarum sunt inanes quædam Arabum , & Aegyptiorum obseruationes super ingressum Planetarum in partes aliquot Signorum , quæ per nouem distributa sunt , & singuli in suis Nouenarijs fortificantur , & acquirunt Dominium . *Anaubarach* , lingua sua , illas nominant . De his multa habet *Alkabitius* , & eius Commentator *Io: de Saxonia* , quæ breuiter restringemus , nedum in Curiosorum gratiam , sed vt cuique innotescat earum inanitas . Itaque inspicendum docent , quantum inambulauerit Planeta in gradibus , & minutis in Signo , vel Domino , cuius inquiritur Nouenaria : deinde diuidendum præcipiunt totum Signum in nouem partes , dando cuiuslibet parti gradus tres , & minuta 20. & per hoc videndum , in quamnam partem ex istis ceciderit gradus Planetæ , vel domus , cuius ediscere voles Nouenariam . Quo præstito , volunt dari primam diuisionis partem Domino Signi mobilis eiusdem triplicitatis ; & secundam partem Domino sequentis Signi ; & sic per ordinem procedendo , quoadusque perueniatur ad illam partem , in qua est Planeta , cuius quæritur Dominium Nouenariæ . Sic ponamus ex. gr. quod Sol sit in grad. 24. Aquarij : ad auspicandum , quisnam sit Dominus Nouenariæ Solis , dandi sunt tres primi gradus , & 20. minuta Aquarij , Domino Signi mobilis triplicitatis eiusdem , quod est Libra , & Dominator eius Venus , ( est enim Libra , Aquarius , Gemini , Triplicitas aërea ) Igitur Venus erit Domina illius primæ Nouenariæ : inde Mars erit secundæ , qui dominatur Scorpionis proximè succedenti Libræ : & sic de singulis , quousque perueniatur ad gradum Solis , qui incidit in Nouenariam Veneris domus Tauri signi fixi ; proindeque ipsa erit Domina Nouenariæ Solis . Quando igitur in libris Arabum sermo fit de Domino *Anaubarach* Luminarium , non aliud intellige , quam quod de die inquiritur Dominus Nouenariæ Solis , hoc est , loci in quo tunc temporis reperitur præsentia- liter Sol ; & de nocte , dominus Nouenariæ Lunæ , quam actu per- meat ipsa Luna .

NOVILVNIVM dicitur tempus renouationis Lunæ, quo videlicet Luna reperitur in coniunctione cum Sole, ac proinde, veteres quodammodo pereunte, noua succedit: quod, si artificiose auspiciari volueris; id faciliè poteris per Epactam currentem. Nam si ei adieceris numerum Kalendarum, ac dierum, qui à Martio precedenti effluxerunt vsque ad presentem diem; atque è summa, si eos excedat, detraxeris 30. (quæ est vnâ integra Lunatio) relinquetur numerus ætatis Lunæ, quo exacto celebrabitur Luminarium Synodus. Si verò per otium, ipsi diei momentum venari volueris, in quo Luna adamussim sub Sole ponitur, id cum fullonibus obseruare poteris in lixiuio, in quo subsidentes cæteroqui cineres, vbi Luminaria coñunt, mox sponte sua turbantur, & exiliunt.

NV

NVCLEVS in pauimentis, ex quadam similitudine ad iuglandis nucleum, appellatur ab Architectis Crusta solidior inducta inter rudum consistens, & superius Corium. Sic Vitruuius, vbi de ruderatione agit, lib. 7. cap. 1. postquam de hac ritè sternenda multa accurate dixerat, subiungit: *Insuper ex testa nucleus inducatur, mixtionem habens ad tres partes vnâ calcis: uti nec minore sit crassitudine pauimentum, digitorum senum. Suprà nucleum ad regulam, & libellam exacta pauimenta struantur, siue scetilibus, siue tessellis. Namque ita conuenit, vt corium illud, suprà quod vltima crusta ex scetili lapide, statuenda est, è dura, & maximè resistenti materia fiat; ne aliàs ponderi cedens, rimis & discontinuationibus scetilium impositorum dent locum: quod ideo à Nostreis non ab re, Anima Pauimenti vocatur. Consonat Plinius de Pauimentis subdialibus verba faciens, lib. 36. cap. 25. *Neceffarium, inquit, binas per diuersum coassationes substerni; capita earum præfigi, ne torqueantur; & ruderi nouo tertiam partem testatufa addi. Deinde rudus, in quo duæ quintæ calcis misceantur, pedali crassitudine fistulari. Tunc nucleo crasso sex digitos, induci, & ex tessera grandi non minùs alta duos digitos strui. Sed tantam diligentiam impendi opus non est, quando pauimenta sub tectis constituuntur; quippequæ tunc non gelu, non pruinis, non imbrium continuis vexationibus subiecta sunt, cum & ab ijs alijsque iniurijs obuientibus, sat reparat ipsum tectum; adeoque in eo casu benè pauimentum stabit, si super asseres, & rudus benè complanatum, imponatur simplex crustula, siue ex minuta glatea, calce admixta, siue ex laterculis aptè dispositis, & sibi coherentibus, vt aduertit Philander, & practicari à Nostreis passim videmus.**

27 NVMERVS communiter definiri solet, esse *Vnitatum collectionem*, seu ex *Vnitatibus compositam multitudinem*: itaut *Vnitas* ipsa numerus dici non possit, sed initium numeri. A Nummo nomen accepit, quoniam ab eius sæpius facta per manus itione, additione, atque subtractione, numerandi vsus, & vocabulum inoleuit. Apud Græcos *Rythmus* appellatur; voce, quæ sonat proportionem, & harmoniam: namque omnis proportio, rerum consensus, atque dissensus, ordo, & habitudo vnius ad aliam, in numerorum collatione fundatur. Quò factum est, vt Pythagoræi, atque Orientis Philosophi, Arabes, Chaldæi, Iudæi, cum aduertissent in numeris insitam, nescio quàm virtutem, & prodigiosos quosdam effectus ex eorum, artificiosa dispositione consurgere, atque ex collectione plurium in vnum, quaquaversum facta, subductione, distributione, toto cælo diuersos ab eadem causa prodire; nimia facilitate, & animis ad superstitionem pronis, arbitrati sunt, Diuinum quid in ijs latere, atque eorum combinationes diuersas, ad mundi Genios attrahendos, ad occulta cordium penetranda, Naturæque arcana interno-scenda, multum valere; sicque quod ex se putum, sincerum, inuariabile, suas rationes apodicticas in Algebra, & Geometria fundatas haberet, ad impias deductiones traherent, ac numeris, & characteribus naturalem efficientiam attribuere ausi sunt. Qua de re fuse disputauimus in *V. Kabala*. Cæterum non negauerim planè diuinam esse numerorum Scientiam, quæ *Aritmetica* communiter nuncupatur, estque proculdubio prima inter Mathematicas facultates, sine qua, nec istæ comparari possent, nec Mundus subsistere; quando ipse *Mundanae molis conditor Deus* (vt habet Vener. Bedæ) hanc primum sua habuit rationis exemplar, & hac cuncta constituit, hoc est, per numeros omnia elementa constituit, & ordinauit. Et alibi, *Tolle*, inquit, *numerum in rebus, & omnia pereunt*. Igitur Numeralis Scientia, præ omnibus, Reip. necessaria est, & à Deo ipso humano generi, Angelorum ministerio communicata, eamque Abrahamuna & Moysem, primos numerorum inductores edoctos, vt ex Sacris Paginis colligi potest: Tum ex hebraïco fonte hausit Pythagoras atque ad Græcos traduxit, at tandem Apuleius, & alij ad Latinos, aliarumque Nationum vsus propagarunt.

28 Sed & Mysterijs non vacare numeros, docuit in primis D. Augustinus multis in locis, præsertim de lib. arbitr. lib. 2. Contra Pelagium, & alibi sæpè. Eorumque miram proportionem, processum, vim, proprietates, & alia, luculenter explicat Marsilius Ficinus in expositione numeri nuptialis, in 8. Platonis de Rep. vbi discurret de numeris paribus, & imparibus, planis, ac solidis, quadratis, &

cubis, æquilateris; & inæquilateris, pronicis, hoc est radicalibus, & consequentibus; in quibus miram contemplatur consonantiam, processum atque fecunditatem: De quibus nos, cum spatium in opere egerimus, hic sistendum putamus. Vide præsertim quæ diximus in V. *Algebra*, & quæ dicemus in V. *Proportionalitas*, & in V. *Rab-dologia*.

NVX in *Ballista*, Vide *Mannula*.

NY

NYMPHAEA olim erant publica edificia celebrandis nuptijs 29  
destinata, pro ijs præsertim, qui in proprijs ædibus locum commodum atque capacem de conuivialia, chorea, & ducendas non haberent. Etenim in celebritatibus, & communis hilaritatis diebus, quales potissimum sunt qui nuptijs celebrandis impendebantur, Veteres id tempus in commensationibus, choreis, salutationibus, cantionibus, alijsque eiusmodi remissionibus animi, insumebant, quapropter locus amplius & capax, atque ad hæc omnia peragenda, suis recessibus, & æquis partitionibus interstinctus requirebatur, ut explicat Zonaras in Leone, & Socrates lib. 4. cap. 8. qui refert in oraculo quodam chorearum nomine fuisse designata. Ad quam rem extat lex in Cod. Theodosiano, & Valentiniano, 1. 5. ad commodum Urbis Constantinopolitane, data Cyro Præfeco Prætorij, & Cod. de Aqueduct. ubi inter alia dicitur. *Maluimus prædictum Aqueductum nostri Palatii, publicarum Thermarum, ac Nymphaeorum commoditatibus inferuire.* Quin etiam tanta erat antiquitas summorum Principum, & Cæsarum in hoc negotio cura, & munificentia, ut in una Roma, vndecim Nymphaea publica enumeret Publius Victor, à diuersis Imperatoribus magnificentissime ædificata: ac de Gordiano tradit Iulius Capitolinus, ijs in ædificasse etiam Balneas: Et Augustum memorat Dio addidisse Triclinia, Porticus, & Xysta amplissima ad omnem animi exhilarationem. Cæterum, quæ ratione loca ista Nymphaea dicta sint, manet obscurum. Certè à Nymphis denominata sunt: & scimus Nymphas olim aquarum præfides 30  
extitisse, in quibus balneæ computantur in his ædibus constitutæ, quæ potissimum lauandis mulieribus erant deputata: ex quo Nymphaea, propriè & generaliter audiunt aquarum receptacula, manu & arte extructa ad publicum usum: quæ postea ad fontes, quos antea Deorum Fana Ethnici constituebant, ut qui ingressuri erant Deos suos oratum, ibi maculas omnes tam corporis, quam animæ deponerent, sunt coarctata. Vnde est illud D. Ambrosij in actis S. Sebastiani Martyris cap. 18. quod ad Christianorum inuidiam, circa

Vuu a

Nym-



*Nymphæa* erant positi compulsores, qui neque emendi copiam darent, aut hauriendi aquam ipsam, facultatem tribuerent, nisi qui idolis delibassent. Sed pace Ecclesiæ reddita, mos iste laudabiliter apud fideles mansit, ut in sacrarum ædium, ac Templorum aditu, vasa huiusmodi, quæ *Nymphæa* quoque dicerentur, exposita videantur, è quibus Istrali aqua ingresiuri aspergerentur ad leues culpas eluendas, devotionemque excitandam: ut præ cæteris notat Anastasius Bibliothecar. in Vitis Pont. atque in specie de Hilario Papa refert, quod fecit *Nymphæum*, & *Triporticum* antè *Oratorium Sanctæ Crucis*. Sed &

**31** *NYPHAEVM* in Geographicis audit celebre Promontorium, ubi est Portus ad nauium in procellis confugium, extans in Macedonia, non longè à Lyssø oppido, de quo Cæsar lib. 3. de bello Gallico. *Nostri nassi portum, qui appellatur Nymphæum ultra Lyssum milia passuum III. ad naues reduxerunt, quam navigationem fusè describens Lucanus in Pharsal. cecinit*

*Prætereunt frustra tentati, littora Lyssø,  
Nymphæumque tenent.*

Est præterea Ptolemæo *Nymphæum*, Oppidum Tauricæ Chersonesi, propè Theodosiam: & *Nympha Insula* in nostro Mediterraneo, media inter Sardiniam, & Iluam, quam tamen Ptolemæus Sardinie Portum dicit. Qua de re vide *Ortellium* in *Thesauro Geographicō*.





# OB



**BEDIEMENTIA** Signa apud Astronomos sunt, quæ parem cum *Imperantibus* habent declinationem, hoc est, eandem numero, sed non regione, cum illa ad Boream vergant, ista ad Austrum: Cæterum eiusdem prorsus proprietatis, & efficaciæ sunt, & communiter vocantur *Contrantiscia*, seu *Antiscia Secunda*. Vide quæ diximus in *Imperantibus*.

**OBELISCVS**, nescio an dicam magis, veteris Architecturæ miraculum, quam Aegyptiorum Regum potentiae, ac munificentiae præclarum, & perpetuo duraturum contra temporum iniurias, monumentum: quippe non tam magno labore, ac sumptu, ex intimis terræ visceribus erutus, & ad hanc formam redactus, quam subtili ingenij acumine excogitatus, ac sublime erectus, nedum Architecturæ sed & sublimiorum Mathematicarum disciplinarum opera superavit, & vires exhaustit. Is cum primum conceptus est, non ad commodum, atque inhabitandum (ut cætera Architecturæ opera ordinantur) sed ad pompam & ostensionem, erectus fuit, ac Soli illius gentis Numini dedicatum, ut Religio ambitionem suo velamine tegeret, & quodammodo honestaret. Si nominis etymon queras, ridebis profecto ad ineptum responsum. Ab obelo profectum, quod latine sonat veru, quasi paruum, ac diminutum Veru: At mecastor, neque paruum, neque teres, neque exile veru est, sed immensus, & asperitimus lapis, in formam metæ assurgens, & quadrilaterus, latus quidem in basi, sed sensim extenuatus ad verticem, ubi tandem in acumen, & angulum terminat, Græcè Pyramis: ex quo secernitur à Columna, & Cylindro, quæ etsi ex vno continuo lapide fiant, sunt tamen rotunda, & æquali scapi amplitudine procedentia. Eius Institutorem, formam, longitudinem, impensamque

in

in eo collatas, luculenter habes ex Plinio lib. 36. cap. 8. Trabes, inquit, fecere Reges quodam certamine Obeliscos vocantes. Solis numini sacros; radorum eius argumentum in effigie est, & ita significatur nomine Aegyptio. Primus omnium id instituit Mitres, qui in Solis urbe regnabat, somnio iussus, & hoc ipsum inscriptum est in eo, etenim sculptura illa, effigiesque quas videmus, Aegyptia sunt littera. Atque hæc sunt Obeliscorum initia, quæ si celsitatem, si continuitatem, vnius lapidis durissimi; vtplurimum Syenitis, aut Porphyritis, consideres, mira sunt, sed magis miraberis ad operas, impensasque collatas ad illos secandos, & cauis mortuum eruendos, asportandos, in sublime erigendos. Sanè in primo opere, viginti millia hominum adhibuisse Regem Mitram, perhibet idem Plin. cap. 9. quem, ait, cum subrecturus esset, verereturque, ne machina ponderi non sufficerent; quò maius periculum cura artificum denunciaret, filium suum alligauit cacumini, ut salus eius apud molientes prodesset lapidi. Addiditque Cambysen Persarum Regem, cum postea urbem cepisset, ac iussisset incendi, ventumque esset ad crepidines obisci, admiratione operis percussus, mox mandasse extingui ignem molis reuerentia, qui Urbis nullam habuerat. Sed & Sesostris postmodum (si Diodoro Siculo fides) æmulatione actus, iuxta, duos alios posuit, vtrumque, altum cubitis Centumviginti, in quibus Imperij thesauros insumpsit, inscripsitque multitudinem vectigalium, & quas subegerat, suæque amplissimæ ditioni addidit, exteras nationes. Denum Regina Semiramis, ex Armeniorum altissimis montibus lapidem excidi fecit longum centum quinquaginta pedes, latum verò in imo vigintiquatuor. Hunc (verba sunt Diodori lib. 3. cap. 4.) magna curruum

3 multitudinem ad flumen delatum, nauique impositum Babyloniam detulit, inque via nobilissima erexit. Sed omnem fidem exsuperat, quod ait Plinius lib. 37. cap. 5. attestans id à Theophrasto accepisse, quæ eius rei memoriam reperit in Commentar. Aegyptiorum, nimirum, Regem Babylonis Regi eorum misisse smaragdum munere, quatuor cubitorum longitudine, & trium latitudine: & fuisse apud eos in Iouis delubro Obeliscum è quatuor smaragdis, quadraginta cubitorum longitudine, latitudine verò in parte quatuor, in parte duorum. Quamquam Dalechampius in annotationibus tradit (& est verosimilius) Indos è frustis lagenarum vitrearum & iaspide viridi, conficere smaragdofactitios eximij coloris, & insignis magnitudinis, quos pro veris diuendunt: & porro tam similes in pondere, duritie, colore, ac splendore sunt, ut gemmarijs ipsis imponant, cuiusmodi forte est paramplus ex vno smaragdo discus Genuæ asseruatus. Ut ut sit, Regum conatus sunt, & sæculorum labores, qui etiam sæculorum

iniu-

iniuria perire. At non sanè periit Obeliscorum Aegyptiorum stabilitas, & perennitas; qui proinde Romam inde, post subactam Aegyptum, velut in triumphum æternam memoriam asportati, atque in Circo Maximo, alijsque insignibus arcibus collocati, diu urbem exornarunt, admirationique omnium prostiterunt: donec & ipsi, iniuria temporum collapsi, nihilominus in sua integritate manentes, à Sixto V. magnorum spirituum Pontifice, è ruderibus eruti, ex ijs tres integriores, & mirabiliiores, non minore munificentia, & artis architectonicæ laude, superbius erecti sunt: atque vnus ante Basilicam Vaticanam, alter ad latus Lateranensis, ac tertius in Foro Flaminio, ante Portam, quam dicunt de Populo, collocati sunt, qui etiam nūm. nobile spectaculum, ac simul religionis excitamentum, nostris oculis, atque animis præbent, iam non Soli, sed Sanctæ Crucis dicati, imposito desuper ipsius sacri Ligni frustulo, & aurata ex ære nostræ salutis imagine.

**OBLIQUA SIGNA** apud Astronomos nuncupantur, quæ rarius & oblique emergunt ex Horizonte: hoc est, quibuscum minor portio Aequatoris coascendit, vnde consequens est, vt respectu illius, maior, & obliquior sit arcus: quod ex Euclide perspicuum est: Nam quò magis aliqua linea curua ad rectitudinem accedit, eò breuior est, & minores partes complectitur. Ex quo fit, vt linea recta simpliciter, antonomasticè nominetur Breuissima, vt in loco diximus. Quæ ergò signa maiorem arcum efformant, comparata ad Aequatorem, Oblique dicuntur ascendere, & absolute Obliqua appellantur: quæ verò minorem arcum coascendendo cum Aequatore faciunt, dicuntur ascendere rectè. Hinc in Sphæra recta quatuor tantum Signa, quæ circa tropicos sunt, dicuntur ascendere, ac descendere rectè, nempe Gemini, & Cancer, Sagittarius, & Capricornus, reliqua verò oblique, quia cum illis singillatim sumptis, ascendunt toti 32. gradus Aequatoris cum min. 12. cum alijs autem ascendunt aut grad. 28. aut minùs triginta. At verò in Sphæra obliqua vnus semicirculus, qui protenditur à tropico ad tropicum, ascendit rectè, ac descendit oblique, alter econtrà ascendit oblique, & descendit rectè, iuxta positum ipsius Sphære, & eleuationis vel depressionis Aequatoris ad Horizontem. Quod ideo in Regionibus Borealibus Obliqua Signa dicuntur ab initio Capricorni vsque ad vltimos terminos Geminorum; quia in singulis maior portio Eclipticæ ascendit cum Aequatore. Rectè vero ascendunt Cancer &c. vsque ad initium Capricorni, ex eadem ratione, iuxta illud Manilij Tristichon.

*Reſtā meant, Obliquē cadunt, à Sidere Cancrī;*

*Donec finitur Chiron: Sed cetera ſigna*

*Nāſcuntur prono, deſcendunt tramite reſſō.*

Contrā accidit in Auſtralibus regionibus, vbi præſatus primus Semicirculus Signorum (idem dic de Imaginibus octauæ Sphæræ, quæ ſub iſſdem ſignis per latum ſunt) aſcendit rectē, ac deſcendit obliquē: Secundus autem incipiens à Capricorno, ac deſinens ad finem Geminorum, aſcendit obliquē, ac deſcendit rectē, prout in Globo Sidereo, & in Sphæra armillari videre eſt. At verò

**5** **OBLIQUATIO Planetæ**, ſeu cum Planeta denominatur Obliquus, eſt cum reperitur in loco, vbi attenuantur eius vires, & quodammodò infirmatur; vt obſeruat Abraham Auenarre in ſuo *Directorio*. Id quod intelligitur non in dignitatibus eſſentialibus, Dominilio, Exaltatione, Trigono &c. quæ computantur in ſignis, & partibus Zodiaci; ſed accidentalibus illi obuientibus in ſitu coſmico reſpectu ad Cardines: cum videlicet repertus fuerit in domibus cadentibus ab Angulis, nempe Nona, Tertia, Sexta, & Duodecima. Et hoc quidem in Fortunis maxima deterioratio eſt quoad influxus ad hæc ſubſunaria tranſmittendos, eoquod inde ſuos radios obliquē, & conſequenter remiſſē tranſmittunt. In maleficis autem benè eſt quoad nos, quia ibi minus noxiæ ſunt. Et hinc fortè emanauit Regula illa, quod hic, & hic Planeta gaudet in hac vel illa domo, vt ſol in Decima, Iupiter in XI. Venus in V. Sicut econtrā dicimus Martem gaudere in VI. Saturnum in XII. quia ſunt in Cadentibus, & locis ſibi oppoſitis, vbi eorum malefica virtus obtunditur, vnde quoad nos benè locantur.

**6** **OBSCURAE STELLAE** dicuntur quæ ſubobſcuro, nigricante, ſeu nimis obtuſo lumine præditæ ſunt; vt diximus de Nebuloſis, ſed iſtæ longè ſunt clariore, & micant colore ſubalbido, & pallenti, illæ verò plumbeo, & liuenti. Tales ſunt quatuor in Sectione Equi, quæ totum Aſteriſmum efformant: totidemque conſpiciuntur mediæ inter priores pedes Verſæ Maioris, & Geminorum, informes: Item quæ antecedit Caput Meduſæ, magis ad Boream. Hæ nimirum obſcurum, & tenebroſum lumen emittunt, & aſpectus illarum horrori potiùs eſt, quàm (vti cæterorum ſiderum) iucunditati, & cordis exhilarationi: vnde nil mirum, ſi conſimiles effectus in hiſce inferioribus, & cum Planetis congregientes parturiunt. Etenim cum Aſtra agant per lumen, qualis fuerit huius qualitas, & effuſio, talis etiam prodeat effectus, neceſſe eſt. Vide quæ diximus de Nebuloſis.

OB-

OBSESSIO, siue *Obsidio*, Militare vocabulum, quò significatur  
urbis alicuius, Arcis, vel etiam Regionis violenta aggressio, circum-  
fessio, conclusio, & armis circumuallatio, ad eam sibi asserendam,  
adigendumque propugnatores & ciues; aut fame & angustiis pressos,  
ad illam sponte cedendam; aut præualentia expugnatam victoris ar-  
bitrio relinquendam. Ad quem finem tendit omnis bellicus labor,  
omne militaris Architecturæ studium, omnia Machinamenta, om-  
nis conatus, omnis denique ambitionis furor, & cæstrum, nimium  
mortalium pectora occupantis; nempe dilatare dominia; aliena, sua  
facere; nunquam acquisitis exsatiari: verbo, de puncto contende-  
re, & in puncto bellare. Namque *Punctum est illud* (exclamat in-  
dignabundus morum regulator Seneca) *quod inter tot gentes, ferro,*  
*& igni diuiditur: O quam ridiculi sunt Mortalium termini!* Et iterum:  
*Punctum est illud*, inquit, *in quo nauigatis, in quo bellatis, in quo re-*  
*gina disponitis.* Obsidio igitur ad occupanda aliena iura, inuadenda  
dominia, vel propria vindicanda, cum ius fasque contemnitur, or-  
dinata est. Quæ duplici modo iniebat antiquitas, (ut obseruat  
Lipsius, lib. 1. Poliorcet.) aut per Coronam, quâ, quietis omnibus,  
armisque silentibus, locus duplici equitum corona coarctabatur:  
viri Vespasianus Cæsar obsessit Ioparam, teste Iosepho lib. 3. de  
bello Iudaico; cuius obsessionis specimen is expressit: aut per cir-  
cumuallationem, ducto circum vallo, & operibus, quò vi & armis  
expugnaretur. Duas quoque obsidionis species affert Vegetius lib.  
2. cap. 7. *Vnam*, ait, *cum aduersarius opportunis locis præsidij ordina-*  
*tis, continuis insultibus impugnat obsessos; alteram cum aqua prohibet*  
*inclusos, vel deditionem sperat à fame, quod omnes prohibuerit com-*  
*meatus.* Quæ per Coronam, aut conclusionem fiebat, nunc ferè in-  
desuetudinem abiit, quoniam expertum est, (ni obsessio imparatos  
inueniat, & victualibus destitutos) plùs incommodi afferre obsi-  
dentibus, quam obsessis. Circumuallatio vfitatior, quæ longè no-  
stra ætate euasit instructior, & operosior, excitatis, ad militaris Ar-  
chitecturæ normam, circà locum, aggeribus vulgò Trinceis, propu-  
gnaculis, reducibus, suggestis ad locanda tormenta, proba dispo-  
sitione munitis. Solent etiam, (cum locus expugnandus est fortis,  
& accessus manifestus prohibitus à tormentorum continuis explo-  
sionibus,) addi suffossiones, quas minas, & cuniculos nuncupant,  
ac supraterranæ itiones, obliquæ tamen, & quâ hostem respec-  
tant, tectæ; quibus oppugnatores tuto accedunt ad opus, & muris  
occultè appropinquant, propugnatorumque ictus eludunt, per ag-  
geres tumultuarios ex aggestitia terra ex itionibus excauata, & ad-  
uersus hostes objecta, quos cæcos ductus, *Approccios* nominant, de



quibus nos fufe diximus, & figuram exposuimus in V. *Accessus obsidionales*. Vbi verò situs arduus est, locus inexpugnabilis, neque iterati assultus, stratagemmata, insidiæ, opera, denique omnis conatus militis, mala & pericula omnia sustinentis, nequicquam valeat & vana esse comperiuntur; tunc præstat aliam obsidionis rationem inire: lentam eam quidem, sed minimè cassam, ac tutam: videlicet per viarum, & vicinorum circa locorum conclusionem, ne quouis modo vnquam possit ad obsessos commeatus transire, & inde tandem fame domari. Id quod secundo loco proponit, & commendat Vegetius in solerte Imperatore. *Hoc enim consilio*, subdit;

9 *ipse otiosus ac tutus, fatigat inimicum*. Hanc obsidendi viam, quæ frequenter hodie teritur; Nostrates vocant *Bloccationem*. Cæterum inuictus Imperatoris animus labore infractus, ac patientia & perseverantia obduratus; is est qui muros expugnat, hostile robur frangit, atque ad deditionem compellit, melius quàm quævis quantumvis arcta loci circumvallatio; & bellicus apparatus: quandoquidem, vt prudenter monuit Appius Claudius apud Liuium lib. 5, constantia in omni quidem genere militiæ necessaria est; maxime tamen in obsidendis urbibus. Circà Obsidium, siue ritè auspiciandum, siue fortiter sustinendum, circumferantur nonnulla salutaria, & oppidò opportuna præcepta, quæ scripto reliquit Leo V. cognomento Philosophus, fortissimè æquè, ac piissimè Orientis Imperator, ac filium suum Constantium docuit ad bellum feliciter ineundum. Quorum illud generale, & potissimum est. *Obsidio fortem requirit animum, celeritatemque mentis, ac peritiam militarem, & machinationum multarum copiam præparatam; firmitatem in obsidenda Ciuitate, Castello, aut munitione, & multa cum cautione, ac diligentia*. Præstat etiam ad hanc rem, euoluere Centurias militares Matthei Oddi Vrbinatis, qui Obsidionis tum obeundæ, tum sustinendæ rationem, per quosdam Aphorismos, è meliores notæ Scripto-ribus excerptos, breuiter ac dilucidè tradit, & in summam collegit.

10 OBSESSIO quoque datur in Cælestibus per quandam analogiam, erga Planetam; & est cum illi accedit obsideri, & hincinde stringi intra suum orbem lucis, à duobus alijs vel etiam pluribus, præsertim si sint contrariæ naturæ, qui illum medium claudunt, & eius vires sua præualentiâ opprimunt, vt non possit illas exserere, neque ab amicis eiusdemque naturæ confortibus, superpetas vllas accipere, atque eorum benignis radijs subleuari. Hæc perfectò passio magna est; quæ si à Maleficis iniatur erga Vitæ Moderatorem, aut Planetam beneficum, pessima est; quippe pessimis eorum qualitatibus in-

bui-

buitur; & e Fortuna euadit Infortuna: si à Beneficis optibia: si de-  
muni Malificis id contigerit, à quibuscumque illi obueniat, cedit in  
bonum: namque retunditur, vel opprimitur eius malignitas, vt  
non valeat liberè suos effectus, noxiosque influxus emittere: non ra-  
men sine obsidentium, beneficarum iactura; quin in congressu, &  
conflictu contrariarum qualicatum, necesse est, vt & ipsæ aliquatenus  
infrmentur, quanquam superiores viribus: quia Omne agens agen-  
do repetitur.

OCCIDENS apud Astronomos, & Geographos propriè dicitur I I  
ea Horizontis pars, ad quam vergit Aequator, aut Stella in Aequa-  
tore consistens, cum se in inferius hemisphærium cadens, occultat,  
vndeque etiam spirat Fauonius ventus, à Nostreis dictus *Ponente*. Im-  
propriè verò appellatur; & complectitur totum illum Horizontis ar-  
cum, qui stellarum amplitudinem omnem occidentiam definit. Quem-  
admodum *Orientis* nomine, intelligitur arcus directè illi oppositus  
in altera Horizontis parte, citrà Meridianum, vnde sidera oriuntur.  
Propriè autem punctum illud, vnde Aequator emergit, & spirat Sub-  
solanus. Apud Geographos verò, quoniam *Oriens*, & *Occidens*  
variantur secundum varietatem Meridianorum; & Horizontum, † I  
quæ singulis regionibus sunt varia, ac diuersimode super eos Polus  
attollitur, ideò ad computandas locorum longitudes, fixerunt pri-  
mum Meridianum, & initium Occidentis, per quod transeat, ad cer-  
tum locum situm propè Insulas Canarias, quoniam illum æstima-  
uit Ptolemeus, vltimum terminum Terræ habitabilis. De qua re  
fusè dictum in V. *Longitudo Geographica*.

OCCIDENTALES DOMVS in Cælesti Figura nuncupatur tres, I 2  
quæ integrum quadrantem complent, interceptum inter Culmen, &  
Occasum, necnon quæ ijs oppositæ sunt, ab Imo ad Horoscopus:  
sicut econtrà Orientales dicuntur, quæ sunt ab Ortum ad Medium Cæ-  
li, & ab Occasu ad Imum. Et hæc quidem Masculinæ sunt, quia  
abundant in quantitatibus actiuis; illæ Femininæ, quia abundant  
in qualitatibus passiuis. Etenim eadem ratio est de istis, ac de  
quadrantibus Zodiaci, qui respondent quatuor temporibus anni:  
ita ut primus Quadrans ab Horoscopo ad Culmen, habeat quandam  
proportionem & analogiam ad Ver, & tribus signis, Arieti, Tauro,  
& Geminiis respondeat: Secundus à Culmine ad Occasum, respon-  
deat Aestati; & signis, Cancro, Leoni, & Virgini: Tertius ab Occa-  
su ad Imum, respectum habet ad Autumnum, & assimilatur Libræ,  
Scorpiioni, & Sagittario: Quartus denique ab Imo ad Ortum, re-  
pre-

præsentat hyemem, & æquiparatur Capricorno, Aquario, & Piscibus, in quibus reperti Planetæ iisdem qualitatibus imbuuntur.

- 13 OCCIDENTALIS quoque dicitur Planera ab accidente, cum videlicet Vespere post Solis occasum supra terram conspicitur, unde & Vespertinus etiam denominatur. Orientalis verò, cum mane Solem præcedit, & ante ipsum supra horizonte videtur. Porro Orientalitas in Superioribus, & occidentalitas in Inferioribus, nempe Venere, Mercurio, & Luna, est fortitudo & accessio virium; eoquod isti Occidentales à Sole recedunt, & consequenter augentur lumine saltem quoad nos. Econtrà Orientales vadunt ad Solem, & semper magis ac magis ab illius radijs circumfusi, proprio lumine, & viribus minuuntur; quod contrà accidit in Superioribus. Atqui intensio, vel diminutio luminis in Planetis, magna est suarum virium fortitudo, aut debilitas, ut alibi adnotauimus: quandoquidem Astra non nisi per intensiorem, & extensionem suorum luminum, agunt in isthæc inferiora.

- 14 OCCURSANTES, magis proprio, & expressiuo nomine, appellari solent ab aliquibus purioris Astronomiæ Professoribus, qui à Ptolemæo, & communi vsu loquendi, *Promissores* vocitantur: Planetæ, inquam, eorumque radij, Fixæ, quin & noua Phænomena, quæ in Cælo apparent, quæ raptu Primi Mobilis feruntur ad loca Moderatorum inibi immobiliter consistentium, atque adeò illis passuè se habentibus occurrant, & afficiunt qualitatibus suis actiuis. Benè quidem verum est, quòd & ipsa, Moderatorum vicem subire poterunt, si cõsiderentur in suo Circulo Positionis, & expectare aduentu Luminarium, atque alioru siderum, eodem ipso motu Primi Mobilis, se ferentium ad loca ipsorum Promissorum. Quare duplex motus directionis agnoscitur à Ptolemæo in Significatoribus, *Abimobilis*, qui & directus, primo loco explicatus; & *Horinaus*, qui & Conuersus, is inquam, quo contrà successionem signorum, Moderatores feruntur ad sidera occurrantia. Verum de hac re fusc in V. *Directio*.

- 15 OCTAEDRVM est Figura Geometrica, quam definit Euclides lib. 11. esse corpus solidum constans, & circumscriptum octo triangulis æqualibus, & æquilateris: estque vnum de quinque Corporibus regularibus. Cuius figuram, & affectiones dedimus in V. *Corpora Regularia*.

OCTASTYLOS in Architectura dicitur Aedificium, quod in fronte vnum habet ordinem columnarum, ab earum numero, & intercolumnijs appellatum: vti & Tetrastylos, vbi quatuor columnæ; Exastylos vbi sex constituuntur, & sic de reliquis. De his Vitruu. lib. 3. cap. 2. hæc præcepta tradit. *Frons loci, qua in ade constituta fuerit, si Tetrastylos facienda fuerit, diuidatur in partes undecim semis, præter crepidines, & proiecturas spirarum. Si sex erit columnarum, in partes decem & octo. Si Octastylos constituetur, diuidatur in viginti-quatuor, & semissem, & infra. Ita ex ea diuisione intercolumnia, altitudinesque columnarum habebunt iustam rationem.* Postea subdit. *Huius exemplar Roma nullum habemus, sed in Asia Te-Octastylos Liberi Patris.* In quo videtur (oculatissimus cæteroqui homo) aut non aduertisse aut prudens dissimulasse Romanam celeberrimum, ac nominatissimum Pantheon, quod habet Pronaum Octastylos. Sed id arte præterijisse censendus est, quod eos, sua præcepta confirmari posse non viderit, atque adeo silentio, vel Architecti errorem obtere- gere, vel suam cautionem Romano exemplo destitutam, relinquere satius erat. Id quod aduertit Philander, & Architectoris vitio tribuere mauult, quam sui Auctoris indigentia. Ait enim, postquam Vitruuij mentem exposuit. *In qua re, errasse videtur Octastyli Pronai Panthei, id est, Porticus M. Agrippa, præstantissimus alioquin Architectus, aut potius instaurator (sed nulla Pronai instauratio, & columnarum additio, vt apud omnes in confesso est post Vitruuium,) qui intercolumnium medianum nihil penè ceteris fecerit patentius: dissimulando tamen errore: fas enim fuit, opere in tanto, obrepere somnum.* Sed nullus planè somnus obrepfit, nulla sapientissimi, ac prouidi Architectonis oscitantia. Siquidem in tanta intercolumniorum, & operis vastitate, nulla admittenda erat, nulla poterat in mediano admitti, absque errore ac periculo, maior laxitas: sat prouisum per magnificentiam molis ad Eurythmiam, & venustatem. Siquidem, vt ipse Vitruu. alibi monet. *Cum constituta symmetriarum ratio fuerit, & mensus ratiocinationibus explicati; tunc etiam acuminis est proprium, prouidere ad naturam loci, aut usum, aut speciem.* Et infra concludit. *Hac autem, etiam ingeniorum acuminibus, non solum doctrinis efficiuntur. Quare Architectus Panthei, in re singulari, & quæ præ excellentia, habere haud poterat secundam, iure merito suo acumine magis, quam generalibus Architecturæ legibus vti est.*

OCTAVASPHAERA. Vide quæ diximus in V. Nona.

- 18 OCVLVS in Architectura, audit paruulus ille circulus, qui centrum ambit in volutæ Ionicæ designatione, in Capitulis columnarum: circa quem ipsa voluta supra puluinum, insitens, cœu circa teretem axem, rota concipitur duci, & circumuolui. De eo appositè in medio volutæ constituendo, hæc habet Vitruu. eod. lib. 3. cap. vlt. *In quatuor volutarum (de Capitulo Ionico sermo est) secundum extremi abaci quadram, linea demittenda, qua Catheti dicuntur. Tunc crassitudo diuidenda est in partes nonem, & dimidiam. Ex nonem partibus, & dimidia, una pars & dimidia, abaci crassitudini relinquatur: & ex reliquis octo, voluta constituentur. Tum ad oculum descendens, subdit. In eo loco (qui locus diuidit quatuor, & dimidiam, & tres & dimidiam partem) centrum oculi signetur, ducaturque ex centro rotunda circinatio tam magna in diametro, quam una pars ex octo partibus est: ea erit oculi magnitudine, & in ea catheto respondens, diametros agatur, tunc ab summo, sub abaco inceptum in singulis tetrantorum actionibus dimidiatum oculi spatium minuat, donec in eundem tetrantem, qui est sub abaco veniat. Sequitur postea, petitis ab oculo centris, tradere modum, describendi volutam: quod longiusculè & nimis obscurè factum, nos in ipsius volutæ, quam suo loco dabimus, descriptione ex Barbari, aliorumque explicationibus, ubi eam ob oculos ponimus, pro nunc consultò reijcimus. Quapropter, in solo oculo insitendo, denominationem in acceptis ab similitudine oculi animantis: uti & reliquæ partes volutæ, ut puta, axes volutarum, baltei, canales, ac præcipuè Puluinus, cui voluta innititur; qui proinde molliter turgēt, & speciem quasi puluini exhibet, cedentis, & quodammodo pressi à super imposito pondere. De quibus singulis suo loco.*

## O D

- 19 ODEVM nunc temporis in Sacris ædificijs est pars illa cæteris dignior, & segregatior, quæ peculiariter ad psallendum, horasque Canonicas recitandas, pro Clero est destinata; & ad quam Laicis, ad motis repagulis & cancellis, interdictum est introire. Olim in medio Ecclesiæ constitutum erat, & subsellijs circà obductum; ut etiam nūm in antiquis templis est videre. Verum id loci nimis incommodum, ab experientiâ compertum est: & nedum populi per sacram ædem discurrentis impediriū; sed & ipsis Cantoribus, tum mentis, tum vocis distractiū; quandoquidem mens in Deum intentā, affluentis populi conspectu alienabatur, & vox per totum cæli ambitum excurrentis dispergebatur: quapropter consultò recentiores Architecti, illud sub fornice, ad extremā & nobiliorem, (veluti auulsam ab reliquo templi corpore) partem constituere. Chorū nunc vocitamus, in hemicycli formam constructum, & desuper patente, & arcua-

arcuato fornice, in modum hemisphærij concuato, quò vox collecta resonantiùs reflectatur. Dictum est græcè Odeum, & latine Chorus, à cantu, quoniam inibi Diuinæ laudes occurruntur.

Sed & antiquitùs Odeum, & Chorus in vsu nihilo feciùserat, ac dicebatur locus sepositus in Theatris, pro Cantoribus, & Citharædis, vt ex Pausania, Suetonio, Ammiano, passim habemus. Vnde Vitruu. lib. 5. cap. 9. cùm de Theatri dispositione agit, ijs locum conuenientem attribuit, & ponè porticus constituendum præcipit, *Choragiaeque*, inquit, *laxamentum habeant ad chorum parandum: & exeuntibus è Theatro, sinistra parte, Odeum; quod Athenis Pericles columnis lapideis disposuit, nauiumque malis & antennis è spolijs Persicis pertexit.* Sed ad sacrationem Chorum, & Odeum nostrum reuertamur. Respondet hoc, antiquo Propitiatorio Veteris Testamenti, seu potius ab illo figurabatur: quod ideò *Sancta Sanctorum* & ipsum à Concilio Bracarense dictum, in quod non nisi Sacerdotibus, licebat intrare: & excludi laicos ab ingressu Chori, disertè ordinant Constitutiones Apostolicæ lib. 2. cap. 57. Vt videas, quàm venerandus sit locus vbi Dei maiestas, non in umbra vt olim, & in caligine, sed præsentialiter in se ipso, assistit in Sacramento Altaris, & psallentium voces excipit, & exaudit: Vnde ex similitudine, testatur Macrus se in aliquibus Cæremonialibus Manuscriptis, pro Choro, & Odeo, Propitiatorium reperisse.

O E

OECI, ex notione græca, simpliciter Conclauia, seu vtcumque domos ad inhabitandum significant; vnde Oeconomus, administrator Domus dictus est: Pressius tamen à Plinio, Vitruuio, & alijs Architectonicæ artis Scriptoribus, accipitur Orcos signatè pro illius ædium parte, quæ Cænationibus destinata erat. Et quia solebant Antiqui discumbentes canare, loca ista lectis erant instructa, & vt plurimum tribus: (vnde & triclinia, & biclinia, pro cubilium numero, dicta sunt) vsus inualuit, vt Oeci absolute dicerentur ipsa Triclinia. Reuerà tamen sunt valde diuersa, & aliud est ipsum discubitorium, aliud locus tricliniorum capax, & discubitorijs ad conuiuia destinatus. Quod ideò attentè Vitruu. distinctè tractat de triclinijs, œcis & exedris, lib. 6. cap. 5. & tricliniorum numerum, & rationem ab œci capacitate & magnificentia, præcipit sumi: & sequenti cap. 6. vbi de Græcorum œcis agit, hæc habet. *Ipsi autem sint ita longi & lati, uti duo clinia cum circuitionibus inter se spectantia possint esse collocata, habeantque dextrà ac sinistra, lumina fenestrarum valuata, uti viridia de tellis per spatia fenestrarum prospiciantur.* Et antea dixerat, collocandos esse ad Septentrionem, & ita vt ad viridia



**E**dia esset prospectus . Igitur Oeci, triclinia verè non sunt, sed triclinia excipiunt, ac tot numero, quot satis sunt pro qualitate & numero conuiuantium . Hinc *Oecos Asaratos* passim habes apud Plinium, Papinium, Sidonium Apollinarem, & alios . Fiebant quippe in Magnatum ædibus œci, quantum fieri possent, splendidi, & superbè ornati, ad effectum hilaritatis in commensationibus captandæ : vnde & ipsa pauimenta, asarota vt plurimum erant, hoc est, ita constrata, vt picturis, & sculpturis, analesta referrent, & reliquias quæ cadunt de mensis, ad oculorum ludibrium, & ludicram deceptionem eorum, qui incautè eas legere vellent, aut scopis eijcere : & ideo Asarota dicta sunt, quasi ea verti non liceat : vt fusè dictum est, suo loco .

## O L

- 22** OLYMPIADES olim apud Græcos audiebat certum temporis spatium, quod quadriennio complebatur, à Ludis Olympicis quinto post recurrente anno, celebrari solitis, denominatæ : itaut quinto quoquo anno, non succederent, & per ordinem censerentur . Quarum profectò ratio, ( quoniam solemnnes, & publicæ erant, ) seruabatur in distinguendis, notandisque temporum spatijs quæ excurrerent, atque in Annalibus, Chronicis, scripturisque publicis, ad eorum certitudinem ac fidem, signabantur . Quod ideo erat tempus hoc maxime notum, communiter acceptum, fixum, & immutabile; è cuius exordio Chronologia texi cepit, & ordine incedebat, atque Historiam Græcam, fidem apud posteros inuenisse, narrat Eusebius : Vnde M. Varro apud Censorinum, totum id quod in Annalibus ante Olympiadum institutionem registratum erat, fabulosum appellat : atque ideo Iulius Africanus, & Iustinus Martyr, in suis scriptis hoc de Olympiæ Chronologiæ certitudine, protulerunt Elogium . *Ante Olympiades*, inquiunt, *nihil in Græcorum Historia exploratum inueniri, sed esse omnia confusis scripta temporibus : post Olympiades autem, quoniam quadriennio diligentissime omnia notabantur, nullam temporum confusionem extitisse* . Igitur à Ludis Olympicis toto Orbe celeberrimis, quinto quoquo anno, in Elide fieri solitis, quos ( ob Solis quadriennalem cursum, in quo dies vnus adijcitur, integratus ex illis sex ferè horis, quæ ad complendum annum tropicum, singulis annis residuæ erant, ) institutos fuisse docet D. Cyrillus Hierosolymitanus Episcopus in *Cathechesi* 21. atque ab Hercule primum inuentos, testantur Strabo, Clemens Alexandrinus, Eusebius, alijque, sequuti Plinium, Plutarchum, Solinum, ac Diodorum Siculum . Incipiebant autem numerari à Solstitio Aestiuo, in quo aperiebatur aditus illis Ludis, & exinde excurrerat nouus annus, & initium sumebat à pri-

primo mense, in quo centum vicinæ mactabantur, vnde *Hecatombe* dictus erat, vt refert *Simplicius in Explanacione lib. 5. Physicor. textu 25.* & fusè probat *Theodorus Gaza*, in libro quem *de Mensibus Atticis*, scriptit. Quamquam Io: *Lucidus in Emendat. Temporum cap. 8.* contentiosè dicit, Principium Ludorum Olympicorum, & Olympiadum, fuisse circa Aequinoctium Autuninale. Sed quicquid sit de hac re; id exploratum est, quod, etsi Olympiades à Ludis Olympicis sumpserint nomen, non tamen ab illorum institutione, & cum illis computari ceperunt, sed nullo post tempore. Etenim Ludos Olympicos etiam antè Bellum Trojanum fieri solitos, omnes ferè Græcarum rerum Scriptores perhibent; Olympiadum autem vsu, non nisi post quadringentos annos ab excidio Troiæ, legimus introductum: vt præ alijs aduertit *Pererius*, lib. 4. cap. 3. *de Communibus rerum principijs*. Nisi fortè velimus dicere, eos qui vnum, idemque vtriusque rei initium exitisse, opinati sunt, loquutos de ludorum illorum (qui iamdiù fuerant intermissi,) noua institutione facta ab *Iphito Elío*, qui Certamen Olympicum longè celebrius, quam antè fieri consueuerat, celebravit; ex quo victor ex eo exiuit *Coræbus Elæus*, eius gentilis: sicque ab eo tempore *Prima Olympias* numerari cæpit.

Igitur Olympiadum ratio cæpit haberi anno ante Christum natum, 774. & consequenter anno Mundi 4425. iuxta LXX. Interpretum supputationem, quam sequitur, & amplexa est *Rom. Ecclesia*. Cæterum, cum vera mundi ætas non teneatur, eoquod ante Olympiades, omnia Græcorum monumenta, aut falsa, aut confusa erant; nil minum, si ipsarum Olympiadum origo haberi non possit. Certè citatus *Pererius*, in eruendis huiusmodi temporum differentijs diligentissimus, à consequetibus id colligere nititur; atque ad tria illustria facta toto Orbe memorabilia, pedem figit: ad Excidium, Troiæ; ad Urbem Romam conditam; & ad Sacram Chronologiam, quantum ex Sacris Paginis hauriri potest: Sicque ea simul conferendo, exinde clarè deducit, tempus institutionis harum Olympiadum incidisse in annum 48. ante euersionem Troiæ, & consequenter 24. annis antequam Roma exædificaretur: cui respondit in Sacris Litteris annus octauus Regni *Achab Regis Iudæorum*, Et quoniã idem *Pererius* in *Comment. Super Daniele*, lib. 11. quest. 5. ex iisdem monumentis demonstrat, Christum Dominum nathm esse, quatermillesimo vigesimo secundo anno post Orbem conditum; profectò liquet, Olympiades exordium sumpsisse anno Mundi ter-millesimo ducentesimo quadragesimo octauo. Et hæc demum de Olympiadum ratione, institutione, & commodis dicta sufficiant.

23

ONAGER in re militari, audit Machina eiculatoria ad modum Ballistæ emittans lapides; sic dicta ad asini siluestris similitudinem, in iaciendo seruata: nam Onagricum à venatoribus perquiruntur ad captum, ita eminùs lapides post terga calcibus emittunt, ut collimatione insequentes, & ad terram prosternant, sicq; ab eorum insectatione euadant. In hoc autem differt Onager à Ballistâ, quod hæc (inquit Vegetius) *quantò prolixiora brachiola habuerit, tantò spicula longius emittit*; Onager autem *dirigit lapides, sed pro neruorum crassitudine, & magnitudine, saxorum pondera iaculatur*: & concludit. His duobus generibus nulla tormentorum species vehementior inuenitur. Onagrum, eiusque usum accuratè describit Ammianus Marcellinus lib. 23. sed quia longiuscula est descriptio, lubens omitto, ne lectori tædium faciam: si tamen eius rei curiosus est, videre poterit apud Stevvechium ad cap. 22. lib. 4. Vegetij. Sed id obseruare licet, quod Ammianus Onagrum idem facit cum Scorpione: At contra Vegetius (qui eodem tempore cum Ammiano floruit) longè diuersum facit: nam de Scorpionibus agens, dicit: *eos sic nuncupatos, quod paruis, subtilibusque spiculis inferant mortem*. Concordat Isidorus, lib. 18. cap. 8. qui Scorpionem accipit pro telo è machina, emissio, sic inquit. *Scorpio est sagitta venenata arcu, vel tormentis excussa, quæ dum ad hominem venerit, virus quæ figit, infundit; unde & scorpio nomen accepit*. Ad quæ concilianda, nil aliud occurrir, quàm cum Turnebo in simili casu, dicere, quod aliquando à Scrip- toribus eodem nomine denotantur, tam machinæ emittentes, quàm ipsa missilia.

O P

24

OPAE in Architectura, Græcorum vocabulo, dicuntur in fastigijs ædificiorum, tignorum cubilia, ubi eorum capita terminant, & aliquantulum exprorecta insident, conquiescuntque; unde quæ inter vnum & alterum statuuntur spatia, *Metopæ nominantur*, inquit Vitruu. lib. 4. cap. 2. *Opas enim Græci (subdit) tignorum cubilia, & asserum appellant, uti nostri ea cauæ, Columbaria: à columbis profectò, quæ in ijs cauis nidificare solent*. Quoniam autem antiquitus ædificia, & præcipuè contignationes & Epistylia è ligno erant, proindeque eiusmodi trabium resecta capita foras prominentia, sic nuda, & informia relicta, aspectui horrida euadebant & iniucunda; ideo addit Barbarus, Architecti inconcinnitatem sculpturis, & pictis coloribus corrigebant. Ex quo postea, cum nobiliùs insurrexerent ædes, partes istæ è lapide, siue è marmorato constructæ sunt, ita, tamen, ut retinerent similitudinem veri: atque adeò tignorum & cæteriorum & asserum prominentiæ atque aspectus, relicti sunt, sed

sed aliū, & venustius commutata in mutulos, ac denticulos: & in Operibus Doricis, loco Oparum, triglyphi sunt constituti: eo dicti, quod tribus canaliculis exsculpti sunt, referentibus canales, per quos aqua e tectis decidens educitur in stillicidijs, vt suo loco.

OPHIVCVS, *Aesculapius, Serpentarius*, Sidus est in Cælo ad Borealem plagam, repræsentans hominem Marsum stantem capite ad poliū verso, ac pedibus in Zodiaco firmatis, qui vtraque manu extensum teneat serpentem varijs spiris se obuoluentem. Constat stellis 24. ex Ptolemæi, & Antiquiorum recensione: Verum Bayerus in eo, 30. omnino enumerat, & insuper Keplerus 37. qui tamen in illud adunauit aliquot, quas Ptolemæus reliquit informes. Omnes compertæ sunt de naturâ Saturni, & Veneris: propter quod æstimantur prauis, & corruptricibus qualitatibus imbutæ, atque adeo pronunciantur veneficæ, & luem pestiferam inferentes. In his duæ, & luce, & effectibus, sunt insigniores: vna quæ fulget in capite Serpentarij, secundæ magnitudinis, dicta arabicè *Ras Alangue*, existens nunc temporis in gr. 18. sagittarij, cum latitud. boreali, ferè gr. 36. altera constituta in vola sinistra: manus eiusdem, communis Serpenti, quam Arabes vocant *Ted*, & alij, composito ex Latino & Arabico, nomine, *Colubramet*, hoc est, corpus colubri; quæ, præ alijs est valde pernicioſa, & efficacior in turbandis, & corruptendis humoribus corporis, quamuis sit tertiæ magnitudinis; fortè ob viciniam Aequatoris: vnde in Horoscopo, aut directæ ad vitæ Moderatorem, portendit potionem veneni, aut vtrumque humorum corruptionem, & pestilentiam. Est nunc in gr. 26. Scorpij, cum latitudine boreali, ferè 18. & oritur Romæ circa diem nonum Nouembris.

In hoc Astro, anno 1604. sub genu Serpentarij apparuit noua, stella, seu Phenomenon, quod luxit ad annos duos, ac postea euauit: id quod multam materiam scribendi dedit Tycho, & Kepleto; eò maxime, quod circa id tempus, duæ aliæ apparuerunt; vna in Cathedra Cassiopeæ, viri fulgoris, & magnitudinis; altera in pectore Cygni, quæ item disparuit, relinquens tamen hiatum, quendam in loco, etiam nunc conspicabilem. De hac nouarum stellarum emersione intrâ paucos annos facta; magnos, & viros effectus indicari pronunciauit Keplerus; & addit se magnopere addubitare, quod importet Mahometicæ superstitionis, ac tirannidis extinctionem, vel magnas mutationes in Mundo, itaut noua Monarchia insutrectura sit, quæ cæteras omnes sibi subijciat, &c. ac tandem id vnum portendere, quod instet Mundi finis. Ad quod coniectandum obseruat, quod tres omnino stellæ veræ & genuinæ

intrā paucos annos apparuerunt, post celebratam maximam coniunctionem Superiorum in Piscibus. Vnde colligit, quod sicut Primus Trigonus igneus, in quo celebrata fuit, Mundi creatione nobilitatus est, & Secundus Christi Domini natiuitate; ita hunc postremum, haud temerè credi posse, vniuersalem Ecpyrofin portendere, & Mundi conflagrationem, quæ immediatè antè Secundum Christi aduentum, Sacrarum Paginarum testimonio futura est; his stellis tanquam facibus præluxisse. Denique pia quadam Parænesi ad lectores facta, concludit. *Interim non sanè peccant, si hac stella commonefacti, vitam instaurent Christianam: itaque se comparent, vt Christum Dominum iamiam excepturi. Sed hæc piæ meditationes sunt, non veræ prædictiones ex Astris, quæ merè nugæ sunt: & aliàs de die illo scimus, ex Matth. 24. quod nemo scit, neque Angeli Calorum, nisi solus Pater. Præstat autem, illum cum timore ac tremore semper attendere, atque ad eiusmodi Cæli voces, vitam nostram in melius emendare.*

Cæterum quad naturales effectus, totum hoc sidus infundit terræ fertilitatem, & fructuum abundantiam: hominibus verò influit sapientiam, & prudentiam, grauitatem, loquendi gratiam, & leporem; & in agendis constantiam, & consiliorum initorum tenacitatem. Addit Firmicus, quod in Horoscopo repertus *Facit Marsos, qui pestiferos angues, sopitis ac mitigatis aculeis opprimant.* In Occasu vero, maximè cum irradiatione quacumque Maleficarum, subdit: *Serpentis ictu venenati infelicitè moriuntur, & Pontanus super eo sic poetice ludit.*

*Si Marsos, domitosque angues, & carmina queras,  
Colchidos & victum somno, verbisque draconem,  
Hæc tibi surgenti dat Serpentarius Astro.*

- 26 OPHTALMIA ad Anatomen spectat, sed nihilò minùs ad Opticam; quatenùs agit de oculorum, ac visuæ potentia temperamento, ac proinde de radijs visualibus, quomodo proijciantur; qua ratione in obiectum terminent; qui fiat, vt, modo inclinata, modo erecta, modo inuersa conspiciantur obiecta, modo etiam conferta, modo disparata, modo in magnitudine alterata, modo secùs quàm re ipsa sunt, contorta, deformia, & imminuta. Aliaque id genùs disquirat, quæ non minus ad Opticam, quam ad oculorum constitutionem pertinent, vt mox dicemus.

- 27 OPPOSITIO in rebus Astronomicis communiter appellatur familiaritas quædam contracta à duobus sideribus se ex diametro respici-

spicientibus, & consequenter, in distantia ab inuicem, totius semicirculi, & gr. 180. Qui profectò aspectus est communicatiuus, & habet ordinem, & consonantiam in Harmonia vniuersali, perinde, ac in modis musicis, vbi prima chorda conuenit cum Octaua, & facit vnisonum, vt Musicæ peritis perspicuum est. Aestimatur tamen in corporibus Cælestibus radius hostilis, & maxime efficax, quem dicunt, Perfectæ inimicitie, eoquod per ipsum sidera in radiorum, concursu inuicem opponantur, atque adeo, collatis viribus, quasi confertis manibus, sese mutuò oppugnent. Verùm hic radius ad Cardines proiectus (qui passiuus solummodo qualitatibus pollent) absolute hostilis non est, sed sequitur naturam, & conditionem siderum, à quibus projicitur: ideoque à beneficiis ad illos iaculatus in se bonus est, & illos afficit suis proprijs qualitatibus: quinimò interueniens inter duas beneficas, præsertim conuenientis naturæ, in Fortunis computatur. Vt propterea Ptolemæus cap. de Moderanda vita, 11. lib. 3. aperte dicat, radios Quadratum, & Oppositionem æquè ac Trinum, si à beneficiis aut Horoscopum, aut Vitæ Moderatorem projiciantur, in censu felicitatis ponit; & (cæteris paribus) impedire ait effectum prauæ directionis Prorogatoris ad Anæretam. Quandoquidem per quemcumque radium, contrahitur familiaritas, & per eum transmittitur semper virtus actiua Planetæ siue benefici, siue malefici, in locum passibile, & receptiuum; illum aliquo pacto afficiens, & suis qualitatibus imbuens, pro maiore fortitudine radij, qui projicitur, quare radius quicumque proiectus à benefica ad locum prorogatorium, illum fouet, & roborat, ac retundit insultum Sideris occurrentis. At enim hic radius inter Infortunas, aut ab Infortunis ad Fortunas proiectus, eadem ratione semper insensus, & maleficus est.

OPTICA ab Picturæ, & Architectonicæ artis Professoribus, aliquantò pressius accipitur, & peculiari nomine dicitur *Perspectiua*, 28 lib. 1. cap. 2. Vitruuius autem *Scenographia*. Quæ à Serlio in Præfat. lib. 2. sic definitur. *Est facultas, quæ adificiorum normam, & superficiem, & corporum generatim frontes, lateraque perpendit, prout in visum cadunt.* Hæc autem incidentia, & projectio radiorum visualium, tribus lineis directis perficitur, & formatur. Prima dicitur plana, quatenus in planum cadit, & est fundamentum, & regulatrix cæterarum, quæ ad eius rationem conformantur, & diriguntur. Altera, quæ appellatur Ad signum: & est directiua visus: hæc autem communis, ac magis ad rem, Linea Horizontis ab alijs nuncupatur, quia est veluti paruus quidam horizon radiorum visualium termina-



minuatius, & particularis Finitor. Tertium, ac postremum locum sibi vendicat Linea, sic dicta, Distantiæ; quæ ad Horizontis libellam perpetuò constituta, modo ei euadit propinquior, modo remotior, pro constitutione obiecti. Atque hæ tres lineæ sunt veluti bases, quibus tora incidentiæ radiorum ratio insitit, circa quas Perspectiue præcepta versantur. Sed de his alibi luculentius.

## O R

29

ORBIS in Astronomicis, propriè dicitur de Deferentibus singulorum Planetarum, necnon etiam communi Fixarum, quæ vulgò Sphæra nominantur. Differt tamen Orbis à Sphæra, quòd hæc reapse rotundum globum signat, totum solidum, vsque ad centrum: ac deforis, vnà perpetua superficie clausum: Orbis autem appellat corpus Sphæricum duabus superficiibus, vnà interiore conuexa, altera interiore concava, terminatum. Et ideo quot sunt Deferentes corporum cælestium, (quos distinctos Cælos, eosque solidos alij autumant) tot sunt Orbes adinuicem contigui, vel continui; itaut superior in se contineat inferiorem, ac proinde quanta est concava superficies superioris, tanta etiam esse debeat conuexa inferioris, perinde, ac vnus Capæ plurimæ runicæ, alteræ alteras minores circumplectentes. Quia autem vnusquisque Orbis, (seu maius dicam, Cælum,) habet intrà se alios minores Orbes; vt pro exemplo, Deferens Solis habet tres alios Orbes ab se diuisos, sibi que contiguos, quorum duo sunt eccentrici secundum quid, & vnum eccentricum simpliciter; ideo ad euitandam vocabulorum multiplicitem, atque confusionem, vsus obtinuit, vt ipsi Cæli vel Orbes, vnico & promiscuo Sphæra nomine appellitentur. Et sic, pro Sphæra omnium maxima, & suprema, intelligatur Primum Mobile, quod omnes alias sinu suo complectitur, ambit & secum trahit. Pòst (si dantur) Decima, & Nona, Librationis, ac Trepidationis, dictæ. Inde Octaua, seu Firmamentum, quod dicitur Cælum stellatum, eoquod in eo, stellæ in Imaginibus colligatæ, & fixæ sunt. Mox Cælum Saturni, postea Iouis, & sic de cæteris vsque ad Lunam; itaut Sphæra istius sit omnium minima, tam in ambitu, quam in crassitie. Et ambitus quidem, seu superficies eius concavi, est iuxta communem, Milliar. 758250. Crassities verò, hoc est intercapedo inter concavam, & conuexam eius superficiem, milliar. 109056. Ambitus autem conuexæ, quem, vt dixi, conuenire necessum esse cum concava superficie superioris, adeoque Orbis Mercurij, est Milliar. 143750.

Porrò Crassities Orbis Mercurij, alta est milliar. 370480. Superficies conuexa, mill. 3772500.

Crassities Orbis Veneris, milliar. 3413756. ambitus conuexi, 25230375.

Craf.

Craſſities Deferentis Solis, eſt milliar. 339102. ambitus extimæ ſuperficie conuexæ, 27361875.

Orbis Martis eſt. Craſſus, milliar. 27339375. ambitus Conuexi, 199209375.

Orbis Iouis craſſus eſt milliar. 19775497. ſuperficie extima extenditur ad milliar. 323512500.

Orbis Saturni altus eſt milliar. 29474574. ambitus conuexi, & conſequenter Concaui Firmamenti, eſt milliar. 508781250.

Craſſities Firmamenti, ſeu Cæli ſtellati eſt milliar. 80942571. ÷ ambitus conuexi, 1017562500.

Ac tanta eſt etiam amplitudo ſuperficie concauæ Primi Mobilis; cuius Craſſities colligi haud potuit, cum nec potuerit haberi ipſius amplitudo conuexi: non enim eſt in ſe; vlla ex parte, ſenſibile: atque adeo quantitas eius prorsus ignota. Coniecturaliter tamen, & ex proportionem geometrica, comparatum ad reliquos orbes inferiores, haud temere deduci poteſt, eſſe propemodum infinitæ amplitudinis, & craſſitudinis: itaut Orbis ſtellatus reſpectu ipſius, ſe habeat vt punctum, non ſecus ac ſe habet globus terreus ad ipſum orbem fixarum comparatus. Qui plura volet hac in re, legat Clauium in Sphæram Io: de Sacrobosco, ex quo iſta decerpſimus.

ORBIS in Exercitu, ſue in Acie militari, dicitur ſepoſita bellatorum manus, quæ prius in longum explicata aduerſa hoſtium aciei, ſiſtit aliquantiſper immota: tum, data occasione, & urgente actius prælio, protius inſurgit, & ſeſe in gyrum componit, mediosque hoſtes includit, & anguſtare nititur, vt nec arma tractare, nec effugere valeant. Quod tum tantum faciendum præcipit Veget. lib. I. cap. 26, cum eo periculi res noſtra redacta eſt, vt ab inimicorum impetu, perruptis Noſtrum Stationibus, & confuſis Ordinibus, ne hi terrore concutiantur, & in fugam ſeſe conuertant; per expertos, & fortiffimos Duces, in orbem aguntur; vt ita, & aduerſus hoſtes totas vires ſuas exſerant, & ipſis elabendi conſilium fit præluſum. Sed hæc non eſt, (quam modo dicebamus,) ineundi Orbis ratio ac ſinis, ſed longe diuerſa, periculis plena, & monitore Cæſare, non niſi in extremis malis, maturæ, & cum iudicio præſticanda. Fieri enim poteſt, ait, vt exinde noſtri milites, animo & ſpe deſtinentur, & hoſtes ad pugnam alacriores efficiantur; eoquod id non ſine timore ac diſperatione victoria, factum videri poterit. Hinc conſultò aduertit Salluſtius in Iuſurth. Romanos, id non niſi cum locus, caſus, aut neceſſitas daret, facere conſueviſſe. Romani, inquit, Veteres Nouique, ſcientes belli, ſi quos locus, aut caſus coniunxerat, Orbes fecere; atque ita ab omnibus partibus

31

C

*tibus simul tecti, & instructi, hostium vim sustinebant. Sic etiam, auctore Liuiolib. 4. Equites Romani, cum ductore Sexto Febronio Centurione, totam Volsorum aciem perripissent, atque eadem ratione ad suos reuenire non possent; tumulo occupato, & orbe instructo, magnam diei partem, & totam noctem, ibidem se tutati sunt, & maxima cum gloria, ad suos tandem redire. Et quidem aliud est orbem facere, seu in vnum coire, & constipari; aliud in orbem extendi, & per circuitum hostem inuadere, & intrā (vt ita dicam) septum includere. Et hæc sanè felicior, ac securior incundi certaminis, & fortius prosequendi ratio est, cum locus permittit, & vires suppetunt, ac bellatorum copia, quæ per gyrum possit hostium cuneos cingere, & aufugiendi viam præcludere. Hoc enim uerò est, quod vult. Veget. loc. cit. cum ait, Nil magis prodesse in pugna, quam vt milites dispositos in acie ordines seruent. Nam, vt constipati, inquit, perdunt spatia pugnandi, & sibi inuicem impedimento sunt; ita rationes, atque interlucentes, aditum perumpendi hostibus præbent. At si forte, maiore hostium numero circumuenti, in angustiis ponantur, tunc quidem expediens est, vt non tam ad oppugnandum, quam ad resistendum, seseque mutuo defendendum, in orbem, seu globum se colligant: vti suos fecisse, narrat Cæsar, prospero euentu, atque ita densatis scutis, impetum hostium sustinere, quoadusque ab fortissimis viris, quā pateat aditus, hostilis acies penetraret atque interrumpatur. Hac arte, & consilij opportunitate, vsum Philippum Macedonem aduersus Illyrios, necnon Xantippum Lacedæmonem aduersus M. Attilium Regulum, refert Frontinus lib. 2. cap. 3. qui cum videret suos ab hoste numerosiore premi, leuem armaturam in prima acie collocauit, in subsidio autem robur exercitus, præcepitque auxiliarijs, vt emissis telis, cederent hosti; & cum se intrā suorum ordines recepissent; confestim, in latera discurrerent, & à cornibus rursus erumperent; exceptumque iam hostem à robustioribus, & ipsi circumirent. Quare, loco, tempore, ac data occasione, oportet vti callidum ductorem Exercitus, in explicanda & commutanda acie, modò in globum conglomerata, modò in orbem ducta, vt tuta victoria potiatur.*

32

**ORBITA**, Plinio auctore, dicitur vestigium currentis rotæ in vijs impressum. (Siquidem ipsa Rota aliquando Orbita dicta est). Hinc apud Astronomos vsurpari solet pro via Solis, & singulorum, Planetarum per suam realem distinctam semitam, cum latitudine, incedentium in Zodiaco: nec sanè absque ratione, experimentis firmata, ab illis in consideratione habetur, ac plurimi fit limes ad quem excur-

excurtit, & intrā quem continetur. Quandoquidem per eam Planeta incedens, nescio quid ei suæ qualicatis communicat, proindeque inficit, in suiue transmutat naturam: eo prorsus modo, quo Limaces; & alia huiusmodi Insecta relinquunt post se, suæ tabificæ qualitatis impressiones ac signa, in via per quam serpunt, atque incedunt. Sed id potissimum obseruatum est in intersectionibus Orbitæ Planetarum cum Orbita Solis; quæ propterea dicta est Ecliptica, quod in eam incidens Luna in Nouilunio, vel Plenilunio facit Eclipsim, aut sui, aut Solis, deficiente eorum lumine: qui locus eclipticus euadit semper infensus vn in loco monuimus. Porro huiusmodi intersectiones, vocantur Nodi, & Caput, & Cauda Draconis, vt paulò antè dictum est.

ORDINATIO in Architectura est altera veluti manus, pes, vel ala; quibus incedit, ad opus vtitur, & in sublime assurgit. Eam describit Vitruuius lib.1. cap.2. in hunc modum. *Est modica membrorum commoditas, separatim, vniuersaque proportionis ad Symmetriam comparatio.* Aenignati simile est enunciatio, quæ rem explicare debebat, & reipsa obscurior est. Quare solerter omnes ferè Interpretes ad hunc lapidem impingentes, saltu se eximunt, & dissimulatione prætereunt. At Barbarus Oedipum agit, & vtrumque rem ipsam, & Vitruuij mentem sic explanare conatur. Vocat ipsam comparationem proportionis ad symmetriam partium, *modicam commoditatem*, eo quia quantitas (ex qua componitur, & ex ratione partis ad partem applicatæ, resultat dimensio,) & proportio per modulorum ratam applicationem, commoditatem præbet, & omnia commodè dimetiuntur, & ordinantur. *Modicam* autem dixit, vt innueret moduli quantitatem, quæ sit aptior vsui; non quidem magnitudine, aut paruitate enormem, & exuberantem, vel sane insufficientem comparationi faciendæ, sed modicam ac temperatam esse debere. Sit pro exemplo. In Columna Dorica diameter imi scapi modica est commoditas, & modulus aptus ad munus, mensurandi rotam columnam, necnon reliquas eius partes, obeundum; quia est moderata quædam assumpta quantitas, atque ad vsum accommoda: quippe tum tota ipsa columna, tum singulæ eius partes perficiuntur ad symmetriam, & concinnè ordinantur. Erit itaque columna ritè ordinata, si cum altitudinem habeat modulorum septem, v. g. iunum scapum teneat vnus modulus, & basis alta dimidium moduli. Igitur comparatio inæqualitatis partium, quæ incipit ab vna præcedenti quantitate, quæ assumitur in rationem moduli, vt à regula reliquarum partium inter se, & ad totum relatarum

rum cōmoda comparatio, quę requiritur in ordinatione architectonica, vt fiat ad Symmetriam. Hęc Barbarus. Vides quantum operę contulerit, quantum insudauerit ad applicandas definitionis particulas definitio? Sed nescio, an id felicius egerit, nūmve, & rem, & Vitruuij mentem, quę longē aliō respiciebat, fuerit assequutus. Ergō Ordinatio in architectura, meo captu, est partium, quę ad componendum opus intrant, rata distributio, sibi inuicem respondentium ad symmetriam. Hac eniuērō descriptione, satis intelligo quem locum habeat Ordinatio in Architectura, quodue sit eius munus: quemadmodum in quāuis facultate, & in quouis genere compositionis, *ordinare*, sua notione nihil aliud sonat, quam rem quamlibet suo loco ritē collocare, & aptē disponere; quo nullum fortē vocabulum clarius, nihil patentius: vnde dicimus, Ordinare exercitum (vt mox infrā) ordinare remp. in politicis, ordinare phthongos in musica, numeros in Arithmetica &c. quod ideo etiam in Architectura, Ordinationem dicere possumus cum Alberto, lib. 2. cap. 3. in eo consistere, vt nil non elegans interponantur in opere, sed omnia inter se mutuo ad dignitatem, gratiamque conueniant: *vsque adeo, vt quicquid addideris, mutaueris, aut detraxeris, vitiosum futurum sit.*

35

ORDINATIO etiam in Militia, non tām Manus directrix, vt in Architectura, quām forma Exercitus, & Anima dici potest. Ipsa enim est, quā totum corpus regitur, viuificatur, consistit; & sine qua vires elanguent, robur deperditur, & ad mortem, atque internicionem turpem se parat. Nam, vt prudenter notat lib. 3. cap. 14. Vegetius. *Hęc in pugna publica, si sapienter disponitur, plurimum iuuat: si imperitē, quamuis optimi bellatores sint, mala ordinatione franguntur.* Quapropter iure, tanti eam fecere Romani, vt quemadmodum in ordinibus in acie distribuendis, peritissimi erant; ita in seruandis, & religiose custodiendis, zelantissimi, & exactissimi vindices: adeo vt, si quem vidissent Duces pedem vnum extrā lineam sui ordinis progredi, morte mulctarent, vnde Tacitus. *Qui signa reliquerat, inquit, statim capite panas luebat.* Idipsum testantur Liuius, ac Diodorus Siculus. Quam ijs laudem tribuit Iosephus, de bello Iudaico, & ab rigorosa custodia, maximē commendat, inquit: *Leges Romana semper cum qui vel leuiter ordine excesserit, morte puniunt.* At profectō nimius in hoc est Iosephus, & parum humani moris instructus, nam vbi leuis erat excessus, fustuario castigabantur, si grauis, tunc vtique morte. Vnde idem Liuius lib. 5. obseruat. *Fustuarium meretur qui signa reliquit, aut praesidio cecedit, id quod exemplo Scipionis explicat in Epitome lib. 58. de eo refe-*

rens,

rens, quod, si quem militem extra ordinem deprehendisset, si Romanus erat, vitibus; si extraneus, fustibus cecidit. Etenim, ut dicebamus, in hoc salus exercitus sita est, aut exitium; & à bono ordine potissimum victoria auspiciatur: eratque in tanta æstimatione, & formidine apud externos, hæc Romanorum sollicitudo & rigor, in acie ordinanda; ut ipsi hostes, ac barbari illos imitari satagerent, ac suis ad colligendos in aduersa fortuna animos, obiectarent; quale est illud Macrini apud Herodianum: *Eia, arma capiamus, atque, ut mos est Romano, ordines in acie seruemus.*

Benè tamen verum est, quòd nimia sollicitudo, & constantia in seruandis ordinibus, aliquando nocet: ut in suis obseruauit Cæsar, in prælio com Aftrianis inito; de quibus, turbato ordine dimicantibus, hæc habet lib. 1. de bello ciuili. *Genus erat pugna militum illorum, ut magno impetu primò procurrerent, adauçter locum caperent, ordines suos non magnopere seruarent, dispersique pugnarent; si premeventur, pedem referre, & loco excedere, non turpe existimarent.* Id quod Romanos, in suis ordinibus pertinaces, in extremis periculis posuit. Quare sapienter admonet Cæsar: *Hæc tamen ratio nostros perturbat, insuetos huius generis pugne: circuiui enim sese ab aperto latere, procurrentibus singulis arbitrabantur; ipsi autem suos ordines seruare, neque ab signis discedere, neque sine graui causa eum locum, quem caperant, dimitti censuerant oportere.* Itaque perturbatis autesignans, legio, qua in eo cornu constiterat, locum non tenuit, atque in proximum collem sese recepit. Adeò verum est, ut nulla regula sine exceptione sit: & quandoque à consueta, ac trita omnibus via deflectere, est rectum iter tenere. De ijs plura exempla affert Frontinus; atque Aelianus ex eo præcepta decerpit, & in Canones egit, ac ordinauit in libro quem absolutissimum edidit *De instruendis Aciebus.* Ratus, (ut ipse testatur in Præfat. ad Adrianum Cæsarem,) nunquam apud Frontinum posse id studium seruari, nisi haud deterius eo genere ordinandi, quod Romani exercent, haberetur.

ORGANVM, practicè, Mechanicè opus est, speculatiuè à Mathematicarum disciplinarum directione profisciscitur, atque ad vsum, & perfectionem reducit. Cum Machina, eadem sortitur cunabula, sed in hoc ab ea distingui, docet Vitruu. lib. 10. cap. 1. quod hæc pluribus operibus, aut vi maiore, effectus habere cogitur; Organa autem vnius operà, prudenti tactu perficiunt, quod propositum est. Eiusmodi sunt, quæ in vtroque genere, ab Archimede, Herone, Ctesibio aliisque Mechanicæ Præceptoribus excogitata sunt, & ad vsum, magna cum Reip. utilitate perducta; qualia sunt quæ ad continendam, ef-



fundendam, sustollendam, & ad loca superiora deducendam, aquam, vel spiritum intra fistulas comprimendum, aut dilatandum, fiunt; à quibus miri effectus in Naturæ maiestate latentes, in publicum bonum produntur. *Engibata* vocat Aristoteles apud Athenæum, quod in fistulis aqua simul cum spiritu recepta, & simul colluctans, varias mirandasque motiones efficiunt. Hinc subsultationes in icunculis; voces, & cantilenæ ad auicularum imitationem; ventorum status; aliaque id genus, non minùs auribus, oculisque abblaudientia, quam humanis vîsibus opportunè inferuentia: vti passim videmus in Romanis, ac Tusculanis villis, necnon Tibure; in molendinis; in secandis marmoribus; in attrahendis oneribus, in pinsendis frugibus &c. quæ operas leuant vel leui operâ, & maximum lucrum, commodum, & vtilitatem adportant. Porro ab sonis varijs, quos organa isthæc edunt, ortum crediderim, vt Organâ absolute audiant musicalia instrumenta, quæ disparibus fistulis per ordinem dispertitis, varios edunt concentus, & symphonias, solo flatu intus per folles concepto, atque attractu, diuersimodè in fistulas deriuato. Quia etiam indiscriminatim de omnibus instrumentis, quæ ore, ac flatibus aguntur, id nominis vsurpari solitum, legimus apud antiquos Scriptores. Vnde etiam Quintilianus, in Institut. Orator. ad orationis, ac periodi consonantiam trahit lib. 9. cap. 4. *Nihil, inquit, intrare potest in affectum, quod in aure, velut quodam vesibulo statim offendit: deinde quod natura ducimur ad modos, neque enim aliter eneniret, vt illi quoque organorum soni, quamquam verba non exprimunt, in alios tamen atque alios motus, ducerent auditorem.* Præterea, vel in naturalibus, partes dissimilares in corpore animantis, quales sunt ossa, nerui, caro, &c. quæ vniuntur ad corporis organicam symmetriam constituendam, quæque ex Philosopho sunt proximæ dispositiones ad vitam; organa nuncupantur. De quorum ratione, videndus est noster Guarinus in Placitis Philosoph. Disp. 2. de Viuentib. Expenf. 4. & 5.

ORIENS, & *Orientale* Vide in V. *Occidens*.

38

ORION Sidus est ad Australem plagam, si vllum maiestate granius, aspectu iucundius, stellarum varietate, multitudine, ac dignitate, ornatus; certè nulli secundum. Continet enim stellas 38. satis conspicuas à Ptolemæo recensitas, atque hincinde ad Aequatorem positas; sed ex Tychonis, aliorumque recentiorum Astronomorum obseruationibus, longè plures: itaut ille ad 62. ab se obseruatas, & calculatas, in toto Asterismo enumeret; & Bayerus 49. non com-

computatis in eo alijs, circum stantibus Sporadicis; Galilæus autem  
 teni suo insigni Telescopio; totius insuper observauit, atque detexit,  
 ut in numerando penè defecit. At quippe in Nuncio Sidereo;  
*Adstant, & circa veteres, intra unius, aut alterius gradus limites, disse-*  
*minantur plures quingentis: quapropter tribus, quæ in Ense iam pridem ad-*  
*notatæ sunt, alias adiacentes octoginta, recens vises apposuiimus; earum-*  
*que interstitia, quò exactius licuit, seruauimus.* Sed ex antiquis satis  
 claris, & nudo oculo spectabilibus, duæ sunt fulgentissimæ; primæ  
 magnitudinis; vna in dextro humero collocata, dicta Arabicè *Bed*  
*Algenze*, hoc est, Domus Gigantis: altera in sinistro pede, nomine  
*Rigel*. Præterea quatuor habet secundæ magnitudinis, sed eximij  
 fulgoris, atque actiuitatis: nimirum in sinistro humero vna, coru-  
 sco rubore scintillans, dicta *Bellatrix*, eoquod bellandi ardorem,  
 animos, fortunam suis influxibus tribuat; ac tres blandiores in bal-  
 theum adunatas, in rectam lineam abeuntes, omninò consimiles,  
 quæ communiter, & signatè *Iugula* appellantur, quamvis hoc no-  
 men Arato, toti Astro stet: quarum præcedens, & superior in ip-  
 sum incidit Aequatorem; reliquæ duæ paulum declinant ad Austrum;  
 media gradum vnum, consequens duos. Insuper Tertiæ magnitu-  
 dinis, quatuor; vnam ad dextrum genu, ac tres collectas in ense:  
 Quartæ magnitudinis, octo in Clypeo; & septem alias dispersitas  
 partim in cubito, dexteraque manu, partim sub axilla, & in Bal-  
 theo. Cæteras quintæ, & sextæ magnitudinis, ferè innumeras enu-  
 merare poter. Ac tandem, (ut nullius generis stellas excludat)  
 res Nebulosas habet in capite, & duas Obscuras in scapulis: adeo  
 vagum, varium, locuples, & benè dispositum sidus est, cui nullum  
 aliud æquiparari potest: ac propterea præpotens, varium, inconstans,  
 ac multiformis naturæ, atque efficientiæ. Nam quas vltimo loco  
 censuimus, Nebulosæ, & Obscuræ, Saturninæ sunt; cum  
 participatione alterutius Luminarium: *Rigel* naturæ Iouis, cum  
 participatione Saturni: Quæ in dextro humero est, Mercurialis, &  
 Martia: Quæ in sinistro, tota Martia est, sed in scintillando, nescio  
 quid identidem rutilat Iouis: Quæ demùm in Baltheo, & spar-  
 sim in reliquo Astro, æquè participant de Ioue, & Saturno. Vnde  
 varia etiam in hoc Sublunaria insluit, nec sibi constans in effecti-  
 bus. Generaliter tamen, & ex iugi observatione compertum est, esse  
 sidus infidum, & maximè tempestuosum. Id quod & Plinius no-  
 tauit lib. 18. cap. 28. & Sacre Pagina non obscurè inniunt, Iobi  
 9. & Amos, cap. 5. vbi Dei potentia commendatur, in concitandis  
 ad arbitrium procellis, variandisque tempestatibus anni: vnde &  
 Poëtæ sæpè sidus istud, sœuuni, nimbosum, imbriferum, ac

Nautis infestum, decantauere.

Benè tamen pro diuersa stellarum natura, positione, & cum Erraticis congressu, diuersas tempestates, facit: Etenim Bellatrix, maxime si cum Marte oriatur, ventos ciet impetuosos, coruscationes, fulgura, & tonitrua. Idem ferè præstat Rigel, sed mitius: Eadem cum Saturno, Venere, aut Luna, copiosos imbres: Dexter Humerus cum Sole, siue oriens siue occidens, mouet Fauonium: Nebulosæ autem, & Obscuræ inducunt nebulas, & caliginem, idemque faciunt Iugulæ cum Sole, spirante Fauonio. Oritur autem Romæ Orion mense Iulio, occidit Maio.

39 ORTHOGONALE, ex græca notione, nil aliud sonat, quam rectum: eaque appellatione venit quidquid in rectum cadit ad planum, seu ad perpendicularum, itaut cum eo concurrat ad efformandum angulum rectum: græcè enim *Orthos* rectitudinem denotat: vnde *Orthas* appellauere Imperatores Theodosius, & Honorius in Cod. lib. 8. de *edificijs priuatis*, projectiones illas in Menianis, quas nos mutulos dicimus: eoquod, vt moles super imposita benè consistat, constitui debent ad perpendicularum. Ipsa autem linea incidentiæ peculiariter, & signatè à Græcis, Cathetus dicitur, vt nos in loco monuimus. Hinc plurima deriuata, vt mox infra.

40 ORTHOGONIVS dicitur angulus rectus. A Geometris tamen applicatur genericè omnibus figuris, quæ angulis rectis constant, & seruant etiam laterum æqualitatem: vnde Columella lib. 1. de Agricultura occasionem sumpsit nuncupandi Orthogonium agrum, qui in quadratum sit distensus. Similiter in Nauigatoria

41 ORTHODROMICA dicitur Ars probè dirigendi Nauem in medio mari, per rectam lineam tenentem cursum ad nauigationis terminum, ope acus nauticæ, & per congruentem rhumbum, seu circulum verticalem in Rosa nautica designatum. Contrà quàm facit *Loxodromica*, quæ docet, quomodo instituendus sit cursus Nauis oblique, ex necessitate, ad rationem ventorum, qui vela impellunt, eorum statibus occurrendo, vel sese attemperando; ita gubernaculum dirigendo, vt simul ijs impetuosè flantibus non temerè obflatur, & alioqui nauis ab instituto itinere non aberret; sed per varios gyros, & obliquas decursiones, tandem ad optatum portum deueniat. Qua de re ytilia præcepta tradunt, qui de re nauigatoria scripserunt, Lazarus Baysius, Simon Stevvinus, & alij,

42 ORTHOGRAPHIA quoque generaliter appellat quamcumque projectionem visualium radiorum per lineas rectas, & parallelas ex situ reali, vel imaginario obiecti quasi infinitè distantis: quæ ideo confide-

siderat proiectione rerum, quæ sunt in sublimi, & cadunt perpendiculariter in planum horizontale. Et hæc propriè dicitur Orthographia, cognominaturque sublimis, quæ spectat ad Opticam. Practicè verò in Architectura, dicitur Sectio ab Latinis, ac describitur à Vitruu. quod sit *Erecta frontis imago*. Non quod in sola frontis erectione consistat: siquidem (vt bene aduertit Baldus in Lexico Vitruuiano) omnis è vestigio, seu planta, erecta perpendiculariter ad rationem futuri operis, magnitudo, æquè Orthographia est; sicque non magis delineatio operis in fronte, quam in lateribus, & postico, vti & partium erectarum tam introrsum, quam ab extra; Orthographica dici potest: sed quia Vitruu. respexit tantum ad frontem, tanquam primariam, & nobiliorem partem, ad cuius rationem cæteræ conformantur.

ORTHOSTRATA, quasi rectè stantia, vocantur græco vocabulo ab Architectis; fulcimenta, quæ exterius ædificijs adijciuntur, (vt de Orthis paulò antè dictum est) Eoque proinde nomine apud eos veniunt aræctariæ quædam pilæ, muris & parietibus adaptæ, præsertim in angulis, vt contra vetustatem, aliaque in eorum constructione concepta vitia armentur, & fistant. Namque, vt ait Vitruu. lib. 2. cap. 8. *Ita non acervatim, sed ordine structum opus, poterit esse sine vitio sempiternum; quod cubilia, & coagmenta eorum inter se sedentia, & iuncturis alligata, non protrudent opus, neque orthostratas inter se religatos labi patientur*. Porro Orthostratæ, (notat ex obliquo Philander) sunt de quacunque materia: quamquam eo loci Vitruu. loquitur de lapideis; aliàs de ligneis, sermo est lib. 1. cap. 19. cum de Arietis constructione agit.

ORYGES græcè, latine notat *suffossionem*. Accipitur autem præsertim à Mechanicis, pro illa parte testudinis arietariæ, quæ fronte, triquetra, & inferius ad maiorem aratri acuminata, muris immediate adigitur ad illòs suffodiendos. Ita Vitruu. loc. cit. cap. 21. *Quæ autem, ait, testudines ad fodiendum comparantur, Oryges græcè dicuntur*. Habes huius testudinis formam ad suffodiendum paratæ, egregiè delineatam apud Heronem in lib. de Machinis bellicis.

OS

OSCVLANA PVGNA in Prouerbiu inuit. Indicat enim militarem astum, & vaserrimum illud stratagemam, quo exercitur in præliandi ardore, hostium multitudine præliis, ac penè deuictus, dum hi præpropere de victoria canunt, & ille cedere fingit; mox, turbata de industria acie, mutatisque ordinibus, illos animosè circumuehiunt, opprimunt, & malè cadunt, atque insparatò è victis Victores euadunt.

dūnt. Ortum habuit, & nomen illi adhæsit, ab memorabili illo confictu, quem Pyrrhus Epirotarum Rex cum Romanis iniit apud Auxium Aquitanie Oppidum: vbi cum ille de prospero euentu elatus, his imbecillitatem exprobrans, insultaret; à Valerio Leuino forti, & bellandi peritia inclyto Romanorum duce, hac arte retusus est, cuiusque Copiæ dissipatæ. Ex quo Asculana pugna, seu Osculana, corrupto vocabulo, vt notat Scaliger, dicta est, in qua victi resurgunt, & Victores Victoriæ fructum deperdunt. Simile quid narrat Appianus de bello Hispan. de Segedianis, cum Romanis felici sorte congregiantibus, at in fine à Q. Fulvio, immisso de repente in eos Equitatu, deletis. *Equitatus Romanorum, inquit, qui ad custodiam impedimentorum erat, in eum irruit, ipsumque Carum fortiter pugnantem occidit, & circa ipsum, non minus quam sexmillia militum. Nec praliū aliter quam noctis tenebris direptum est.* Qualiter autem, quibus in casibus, & quo ordine, hoc stratagema cum lucro adhibendum sit, habes apud Frontinum lib. 2. cap. 5. & lib. 3. cap. 9.

46 OSTENSOR latinè dicitur, quæ *Dioptra* græcè: Index videlicet in Astrolabio, aut aliò quouis Geometrico Instrumento, lineæ diagonalis vices gerens, & ostendens in limbo, gradus altitudinis siderum, aliorumque locorum sublimium; tum ventorum plagas, & alia, de quibus sæpè, vbi occurrit sermo, dictum. Arab. *Alhidada*.

47 OSTIUM in ædificij, dicitur primus aditus, seu aperitio, per quam in ædes intramus. & quæ ianuis, & valuis clauditur, & patet: ab oris similitudine, & hinc, quod vocabulo. Græcè *Thyros*, ab obstando: vnde *Hyperthyron*, & *Hypothyron*, vt suo loco dictum est. Hoc, pro dignitate operis, quomodo, & quo situ constituendum sit; ad elegantiam & symmetriam totius ædificij; alibi diximus: & fusc hanc materiam pertractat Vitruv. lib. 4. cap. 6. & lib. 6. cap. 10. omninò videndus. Per quid autem diuersificetur à Porta, & à Ianua, quare suis in locis.

48 OSTIA etiam in Geographia nuncupantur, simili ratione, fluuiorum fauces, aperturæ ac termini, à quibus in mare se exonerant: vnde Ostia Tyberina per denominationem dicta est: vrbs in Tyberis ostijs constituta, de qua Plin. lib. 3. cap. 5. Qui etiam alibi Portuum aditus, & angustos meatus & fauces, Ostia dixit.

O V

49 OVALIS FIGVRA vocatur à Geometris, quæ oui speciem in plano descriptam, repræsentat; rotunda quidem, sed inconstans, & ob-

oblonga: itaut lineæ ab extrema superficie ad centrum ductæ, non sint æquales, ac sibi mutuò respondentes, benè verò singulæ singulis, quæ ab axe hinc inde procedunt, & terminantur ad æquas partes circumferentiæ. Differt ab Ellypsi, quod hæc plana omninò sit, & vnica tantum lineæ circumiatur, atque ab axe secundario ductæ hinc inde applicatæ in æquidistantia ab eo, æquales sint: illa autem non sic, sed quæ infrà secundarium axem sunt applicatæ, minores sunt ac breuiorès, ijs quæ ad verticem tendunt. Et insuper Oualis figura æquæ planis conuenit, ac solidis corporibus vnica superficie vnèqueque finitis, perinde ac globus: quæ tamen non est perfecte rotunda.

Porto Oualis figura, tam in plano, quàm in solido descripta multis vsibus confert, cum in geometricis, tum potissimum in Architectura. Namque in erigendis arcubus; in conformandis camera-tionibus, & fornicibus; tum erectis, tum delumbatis; tum demùm in excauandis ritè in pariete conchis, seu statuarum loculamentis (quæ, etsi ipsis aliquando vacuæ sint, mirè tamen structurâ exornant,) valdè opportuna est, & multum laboris in structuribus minuit. Quare operæ pretium futurum reor, si hic modum tradam illam ritè & ex geometricis proportionum regulis, efformandi.

Igitur Oualis figura dupliciter intelligi potest: vel rigorosè ac propriè, quatenus oui similitudinem, tum in peripheria, tum in superficie adamussim imitetur, itaut sit æqualiter inæqualis; quippe à summo apice obtusiore, sensim decrescit, & fere in angulum acutum molliter terminat: vel largo modo, itaut propè ad Ellypsim accedat, in medio vbi minor axis maiorem intersecat, aliquantò latior, in extremis, æqualibus spatijs à centro recedat, & fiat angustior; quæ maximè in architectonico opere practicatur. Et hæc quidem pluribus modis efformari potest, eademque ferè methode, ac ipsa Ellypsis. Prioris autem, aliquantò operosior, ac difficilior est efformatio, cum non eandem partium proportionem seruet. Quod ideo Architectis, Fabris, Sculptoribus, Pictoribus, alijsque similibus artiù professoribus, gratum fore confido, si modum quàm facillimum tradam, eam ritè delineandi, atque ex integro conformandi. Illum autem ex Alberti Dureri Geometria lib. 1. cap. 22. desumam: quandoquidem is cæteris, qui excogitari possunt, est patenter, & securior: nistitur enim regulis geometricis, & solum circino, qui errori subesse nequit, perficitur.

Primò igitur pro magnitudine, & qualitate figuræ oualis, quam efformare intendis, duc rectam lineam transversalem longam quantum volueris, respondereque possit ad rationem figuræ, quam opus sit



fit efformare. Hanc diuide in decem partes æquales, itaut tribus, hinc inde partibus, extrà conceptam figuram, relictis, quatuor totas, intrà figuræ maiorem amplitudinem ad latera comprehendas. Tum statuto in medio lineæ, altero circini pede, alteroque, interuallo duarum partium, describe circulum, has quatuor præfatæ lineæ internas partes comprehendentem. Quo facto; iterum constituto circino primò in altero circumferentiæ puncto, notato littera A., & interuallo A. 7. duc arcum versus inferiorem partem: ac similiter à B. interuallo B. 3. alium consimilem, & correspondentem arcum, qui ambo conueniant, ac se intersecent in puncto E. tum ex E. in 5. vbi centrum circuli, duc perpendicularem ad A. B. quæ ipsam ad angulos rectos secet in O. per aliam parallelam priori A. B. quæ sic C. D. tangatque circulum in inferiori parte, atque extendatur ad vsque, arcus E. 3. & E. 7. ipsas verò circuli portiones, sep̃ quadrantes inferiores O. 7. & O. 3. diuide in partes æquales, in punctis F. G. & sico vno pede circini in puncto F. altero, interuallo F. C., duc arcum versus E. & inuariato circino, idipsum fac ex altera parte, atque in sectione illorum arcuum, quæ concurret cum lineæ E. 5. constitue signum H. Tandem portionem lineæ O. H. bifariam secā: & vbi sit æqualis partitio, constitue centrum arcus minoris ducendi à punctis M. & N. arcuum maiorum C. H., & D. H. & itā habebis figuram oualem perfectè contornatam, & absolutam ad similitudinem oui, vt infra videre est.



- 51 Aliam methodum minùs quidem operosam, sed periculis deuiandi in ductu lineæ curuæ, obnoxiam, exponit noster Guarinus in Euclide Adaucto, tract. 18. propos. 7. ex chordis ab vno extremorum diametri semicirculi, protensis in quodlibet punctum peripheriæ: è qui-

quibus, punctis perpendiculares, quæ illam fecabunt, in quamlibet chordam ex cuius extremo in diametrum perpendicularis demissa est. Igitur in quamvis ex hisce chordis ducantur perpendiculares à punctis intersecationis diametri ad ipsas; & ubi hæ terminabunt ad chordas, ibi notentur puncta; per quæ postea æquali, & constanti manu deducta linea curua, oualem figuram representabit.

Non negauerim, hoc altiori indagine, ex Geometriæ penitioris, & penu, ex linearum, nempe proportionali correspondentia fieri; sed vt dixi, in ipsa lineæ curuæ ductione per extrema intersectionum, puncta, quantâuis diligentia, & æquabili manu fiat, nunquam id tam exactè fieri potest, vt non irrepât aliqua inconstantia, & varietas, quæ ordinem proportionalis inflexionis turbet: & ideo tutior semper erit, quæ per circini ductum absoluitur. Valer nihilominus hæc secunda delineatio ad inueniendas quamfacillimè duas medias proportionales, vt aliàs dictum est, & vt demonstrat ipse Guarinus in schemate loco superâ citato exhibito.

OVVM, seu *Ouiculus*, in opere architectonico ( vt moris est Architectorum vocabula diminuere ) audit genus quoddam ornamenti, quod superaddi solet, ad maiorem speciem, ac venustatem, Epistylis, & Capitulis columnarum Ordinis Ionici, & Compositi; & est longa series ouorum stantium erectorum, resimatis quandoque capitibus, & inter vnum & alterum interiectis. Quæ quidem erecta oua in Epistylis, stant immediate sub Corona; in capitulis verò sub tæniâ, in angulis sese in volutam vertente, & quodammodò ouorum seriem complectente. Alij Echinum nominant, ac meo iudicio rectius, & ad similitudinem veri. Etenim primi illi Architectones, & operum inuectores, partem hanc Echinis, quæ sunt castanearum cortices, seu extima integumenta spiculis obsita, & aperta, quæ fructus inibi inclusos patefaciunt, dedere: vnde in seriem, bellè dispositi, variam, & gratam de se speciem referunt, & antiquum morem retinent collocandi in his spatijs arborum fructus, & folia, vt diximus cum de Capituli Corinthij origine. Nunc autem pro ijs oua substituere; nihil minus ad rem. Placuit tamen vulgo Sculptorum, ouicula hæc nuncupare, quia magis nota, & ouorum quodammodò similitudinem exhibent. Inde inualuit vsus, & nomen, atque ad nomen res quoque respondit, vt loco Echini, ouum erectum constituatur, vel integrum, vel, vt dixi, resectis capitibus ijsque ad latus reiectis. Vbi tamen oua integra exsculpere consueverunt, baccas & hamata spicula, ne nuda relinquerent, interposuere; vt non multum ab Echini, iam primò introducta specie, discrepant.

At-

Atque ista est ratio, cur eadem res & ornamentum, tam disparatis nominibus compellarentur: quod & in Torulo, & in Scotia, multisque alijs eiusmodi ornamentis, accidit. Porro eiusdem ritè efformandi, & collocandi præcepta, eadem prorsus sunt, quæ de Echino: ac proinde sub hoc Verbo videri poterunt.

- 53 OVVM etiam apud antiquos Architectos dicebatur fastigiatum rectum, seu suprema tabula, & contignationes, ab ovali forma: quæ propterea (teste Athenæo) Græcè *ὄψια* vocabantur, *ὄψις* enim supra, & *ὄν* seu *ὄον*, ovum significat. Ex quo originem habuit fabula, quod Helena ex ovo de cælo delapso exclusa sit: namque (ut moris erat Græcorum, quod femina in his locis versarentur à virorum conspectu semota) Helena in his *Hyperdis* nata, & educata fuit. En verba Athenæi lib. 1. cap. 17. *Ὀνα* appellarunt tabulata, & contignationes, quas nos hodie *ὄψια* vocamus: unde Clearchus in *Amatorijs* narrat, quoniam Helena in eiusmodi canaculis educata fuisset, existimasse multos, ex ovo fuisse natam.

## O X

- 54 OXYGONIUM est Figura item Geometrica triangularis, habens necessario omnes tres angulos acutos: in quo differt ab *Amblygonio*, quod necessario constare debet ex duobus angulis acutis, & vno obtuso. Quare omne Triangulum Oxygenium, potest esse, aut æquilaterum, (quod tamen non sit rectangulum, quod necessario vnum angulum rectum admittit) saltem quoad duo crura, & tunc erit Isosceles, aut Scalenum, quod omnia latera habet inæqualia, & tunc inæquales etiam erunt anguli. At Amblygonium potest quidem esse, aut Isosceles, aut Scalenum; minimè autem aut æquilaterum, aut æquiangulum, cum figura quæ æqualia omnino latera habeat, obtusum angulum nullatenus includere possit. Quæ de re, vide Clavius in Comment. ad Euclidem lib. 1. num. 28. & ad propof. 15. Libri quar-  
ti.



## PA

**P**AGMENTVM; barbarum, & haftenus inauditum I  
 verbum, quod vix semel, & ab vnico Vitruuio eius-  
 modi exoticorum vocabulorum amicissimo, vsurpa-  
 tum reperies. Nam lib. 4. cap. 6. vbi de Ostiorum  
 antepagmentis agit, hæc habet. *Scapi, qui sunt an-*  
*te secundum pagmentum, dimidium impagis constituan-*  
*tur.* Quid autem intelligat pro hoc secundo pagmento, non expli-  
 cat: sed nec ipsi Interpretes & Commentatores, de eo vllum verbum:  
 quin potius ab vocis nouitate, & obscuritate bellè declinant, ver-  
 tentes *Antepagmentum*. Et quidem quid sint Antepagmenta in  
 Ostiorum aditu, probè scimus: sunt enim duo oblongi & erecti la-  
 pides, hincinde ad ostij latera prominentes, ad eorum non tam orna-  
 tum, quam munimentum; vt omnes norunt, & quotidie vident:  
 quod ideo semper complexa, & in plurali, apud omnes Scriptores  
 leguntur, eoquod sunt correlatiua, & vnum sine altero dari non  
 potest, adeut nusquam in singulari Pagmentum, vel Antepagmen-  
 tum inuenias. Quid igitur? Sanè Oedipo opus est, & diuinare in  
 hoc casu licet, quando nullam habemus auctoritatem, cui firmiter  
 innitatur. Enimuerò omnibus liquet, Antepagmentum, nomen  
 compositum esse, ex Ante, & Pagmento: vt Antesignanus, Antepi-  
 lanus, &c. Nunc autem Antepagmenta, appellant signatè eas in  
 Antis partes, quæ in prospectu sunt, & exornant vtrinque ostium,  
 ad valuas, vnde & dicuntur specialiter valuarum adminicula, &  
 ornamenta. Pagmenta igitur dici debent ab officio, quod ostijs  
 adpangantur. Quæ tamen, Pagmenti, vt sic nomine, generaliter præ-  
 scindunt ab anterioribus & prominentibus partibus, seu quæ in  
 fronte Ostiorum prostant, & ab his quæ ad latera, sibi inuicem ob-  
 versantur, aditum aperiant, & immediatè postibus adpanguntur.

Si ita est; iam, (ni fallor) intelligo, quid sibi velit Vitruvius per *scapos qui sunt ante secundum pagmentum*. Nimirum stipites illos, quibus postes innituntur. Secundum autem pagmentum idcirco dicit, quod secundo loco extat in autis; nempe ad latus, hinc inde quod ostium immediatè pangit; cum prima pagmenta sint frontes Antarum, quæ primò sese oculis exhibent, & ideo vocantur Antepagmenta.

- 2 PALAESTRA celebris olim locus erat, & publicum Exercitatorium Athletarum, gymnasticis studiis deputatum, quod apud Græcos tantummodo fuisse in usu, narrat Vitruv. lib. 5. cap. 11. qui ità illud describit. *Constituuntur autem in tribus porticibus exedra spatiosa habentes sedes, in quibus Philosophi, Rhetores, reliquique qui studiis delectantur, sedentes disputare possint. In Palastris peristylia quadrata, siue oblonga, ità sunt facienda, uti duorum stadiorum habeant ambulationis circuitionem, quod Græci vocant Diaulon. Ex quibus tres porticus simplices disponantur; quartaque, quæ ad meridianas regiones est conuersa, duplex: uti, cum tempestates ventosa sunt, non possit aspergo in interiorem partem pervenire, &c.* Pergit postea singulas partes huius amplissimi ædificij enarrare: quippe pluribus, disparatisque exercitationum generibus locum dare debebat, & vnum alteri non impedimento esse: vt Propnigæum, Ephæbeum, Coriceum, Elæothesium, &c. (de quibus singulis, suo loco.) Est tamen verum, quod non hæc ad Palæstram spectabant, sed tamen cum ea vnita erant. Palæstra autem sextam partem loci, quod Gymnasium vniuersaliter dicebatur, sibi vendicabat; & in ea, tantum quæ ad corporis exercitationes spectabant, fieri consueverant, vt sunt Lucta, Pugillatus, Iusus in disco, hasta, pilâ, & saltu: vt est illud Lydi Prædagogi apud Plautum in Bacchid.

*Ibi cursu, luctando, hasta disco, pugillatu, pila.*

*Saliendo se exercebant magis, quam scorto ac sauiis.*

- 3 Quamquam Plutarchus in Sympos. Palæstram dictam vult, locum in quo Athletæ exercerentur, & vbi solum lucta, & pancratium, minimè autem cursus, pugillatus, lusus in disco, aut aliud quid consistens in decursione, ac saltibus agebatur. Nihilominus Oribasius ex mète Galeni perhibet non modo has, sed & sexcentas fuisse Palæstræ exercitationes. Verùm dici potest, quod sæpè apud scriptores, Palæstræ nomine, totum Gymnasium, seu locus, omnis generis exrecitationes intrà se admittens, accipiat. Rigorosè tamen ex etymo nominis luctam sonat: Παλμ enim græcè, manuum conser-tationem significat, quæ in Palæstra, quæ erat porticus amplissima,

sic-

siebat; vbi luctatores bini nudi, oleo prius aspersi, dehinc pulucre, sese brachijs complicantes, concertantesque, mutuò sese in terram deijcere satagebant. Vnde etiam pro ipsa manuum gestulatione, (quam suprà, Chirogogiam, & mutam Musicam diximus,) aliquando vsurpauit Quintilianus lib. 1. cap. 11. *Ne illos quidem*, inquit *reprehendendos puto, qui paulum etiam in palaestris vacauerint*: loquitur enim de gestuum directione, quæ in Oratoria plurimum valet ad animos commouendos.

PALATIO, inquit Budæus in Pandect. *Id fundamenti genus est, quod in aquis, aut in vliginosis, aut congestitijs locis fieri videmus; à palis, qui in terram depanguntur dictum vocabulum*. Ea dupliciter intelligi potest: aut per simplicem palorum texturam per modum aggeris, vt sit in extremis fluuiorum ripis, & faucibus, ad continendam firmandamque terram, ne vel alluione, vel impetu aquarum occurrentium disfluat, cortuatque: aut per modum fulciminis, & pedamenti stabilis in structuris, quæ super aquas erigi debent, quales sunt pontes, portus, & alia ædificia, quæ siue in Mari, siue in Lacubus, siue in fluminibus, statuuntur. Et de his magna debet esse consideratio, quæ propriè spectat ad Architectum: namque attendi debet & solum, in quo facienda est Palificatio, & materia ex qua fit, & palificationis ipsius stabilitas, vt in æternum duret. Quare de his ritè consiciendis, hæc præcepta tradit Vitruu. lib. 3. cap. 3. *Si locus erit congestitijs ad imum, aut paluster, is locus fodiatur, exinaniturque, & palis alneis, aut oleagineis, aut robusteis vstulatis configuratur, publicæque machinis adigantur quàm creberrimæ, carbonibusque expleantur interualla palorum; & tunc structuris solidissimis fundamenta impleantur*. Idcirco autem, præ cæteris requirit huiusmodi palos, eosque vstulatos; quia hæc potissimum ligna cariem non admittunt, & ignis beneficio ita obdurantur in aqua, vt penè cum tempore lapidescant, vt quotidiana experientia norunt Veneti, qui huiusmodi solidatis lignis maximè opus habent, non solum in fundamentis ædium, quæ omnes in vado positæ sunt, & palustribus locis; sed in constructione Nauiliorum (quæ nullibi tam perfecta, & æternùm duratura) nimirum ex lignis, quæ in aquis per centum ferme annosmersa ad dunitiem, & consistentiã sint probata. Sed, vt ad palationes pro iaciendis fundamētis redeamus, ex fistucationibus solidandæ, & confirmandæ sunt, hoc est, crebris paucularum ictibus, vt solo solidò respondere possint, & niuem impositam sustinere. Itaut operis huius area sit duplo maior, quam futurus est murus (Observatio est Leonis Alberti lib. 3. de re ædificator. cap. 3.) Sinque pali ad muri su-



turi altitudinem, longi nihil minus una partiū ex octo; sintque crassi ut ad sui longitudinem: itaut pars respondeat nihil minus duodecima. Denique conferti figantur, quoad ubi plures interfigas, aditus non pateat. Hæc Albertus, quæ in Palationibus sunt omnino & necessariò obseruanda, si ædificium perpetuò mansurum desideratur.

**S** PALATIVM à prima sui origine, locus fuit Romæ celeberrimus non ab structuræ magnificentia, sed à Cunabilis ipsius Romæ, quæ ab eo exordium sumpsit; quoniam ibi Romulus prima Urbis conceptæ fundamenta iecit, ac sedem suam ad inhabitandum fixit; electo sibi ad hoc commodo situ, ad vnum ex septem collibus quos Roma postea sua amplitudine complexa est: qui proinde Palatini nomen accepit, & adhuc servat; per quod ab alijs contradistinguitur, ut refert Halicarnassens, & Livius. Hic ergò Romulus casam suam extruxit; quæ postmodū successu temporis, in nobile superbumque ædificium assurrexit, in quo inhabitare Reges, & Cæsares consueverunt. *Hinc factum est*, inquit Dio, *ut ubicumque degat Imperator; eius domus, Palatium appelletur*. Quod nomen dehinc ad omnes Domos Regias, quæ à Græcis Basilicæ nuncupantur, necnon sumptuosiora Magnatum Aedificia est derivatum: itaut quævis insignis ædes, siue Principum mansioni, siue publicis ratiocinijs destinata, etiamnum Palatium, communi acceptione, dicatur. Nominis etymon variè deducunt Scriptores. Livius à Palatia Urbe, quam Arcades cum Euandro è suis sedibus profugi, (inibi, pulsus Aboriginibus,) pedem figentes fundauere, atque à Palantia Latini matre, quæ locum illum primò inhabitauerat, appellauere. Festus à Palanto seu Pallante Euandri auo, dictū autumat: alij verosimilius à balando pecudum, siue à palando, quod inibi palantes ab Arcadibus pascebantur, quasi Balatium, aut Palatium, derivatum volunt. Ut ut sit, certè ex tunc Palatij nomen Regis Romuli habitationi cessit, & inde ad cæteras Regum habitationes translatum. Quin etiam adeò inualuit appellatio, ut apud Francos quævis diuersoria Regum, quæ illis ad receptum (cum Ditionem suam amplissimam lustant,) erecta sunt, etiamnum Palatia audiant. Quorum erigendum ratio desumpta ex institutione & usu Caroli Magni, ut affirmant eius Nationis Historici, & colligitur manifestè ex vita Ludouici Pij eius successoris, ubi inter alia, hæc habentur. *Ordinavit qualiter in quatuor locis hyberna transigeret, ubi tribus annis exactis, quarto demum anno, hyematurum se, quisque eorum susceperet locus; Theoduadum scilicet Palatium, Cassinogilum, Andiacum, & Eurogilum. Quæ loca, quando quartum redibatur ad annum, sufficientem regio seruitio exhibebant*

*expensam*. Id quod hodieque ad pompam, ostentationem, luxusque affluentiam, à plerisque Romanis Principibus & Magnatibus, imitari, & praticari videmus, qui pluribus in locis ad Romanum districtum, vtpote Tibure, Albani, Neptuno, Tusculano, alibique magnifica Palatia, villasque deliciosissimas habent, omni cultu, splendore ac magnificentia, ornata: quò nedùm ipsi, verno autumnalique tempore, animi causa diuertunt; sed vt eadem, receptando subinde amicos & hospites, dominorum suorum hospitalitatis & munificentia argumentum sint, ijs omnia splendide suppeditando, sintque amicitia, æstimationis, & gratitudinis Tessera.

PALITIVM dicta est in Cælestibus, Stella fixa primæ magnitudinis, vna ex Hyadibus, in Oculo Australi Cōstellationis Tauri consistens, de natura Martis cum participatione Iouis, valde rutilans, & rufa, vnde & *Facula* & *Lampas* quoque à Latinis appellata est: Arabicè autem *Aldebaràn*, quod idem significat. Computatur inter Stellæ regias, vti Corona, Regulus, & Lucida Lancis Australis; sed etiam cum Anzretis, & violentis; cùm sit nimium prædita qualitatibus calidis & siccis. Palitij nomen à Romanis sortita est, à Palilijs, quæ Romæ solemniter celebrabantur circa eius Ortum, quibus diebus serenitatem maximam, & constantem adducebat, cùm aliàs reliquæ Hyades sint maximè pluviosæ; vnde & ex hoc apud Historicos clarior haberi capit. Quod & Plinius notauit lib. 18. cap. 26. *Hoc est*, inquit, *appellatum Sidus, Palitium; quoniam XI. Kal. Maij, Vrbis Roma natalis, quo serenitas redditur, claritatem obseruationi dedit; nimborum argumentum Hyadas appellantibus Græcis, has stellas; quod nostri à similitudine cognominis Graci, propter sues impositum arbitantes, imperitia appellauere Succulas.* Cæterum obseruatum est, hanc stellam cum Sole exorientem, inducere coruscationes, fulgura, & tonitrua: cum Marte calores magnos facere; & cum Mercurio, ventos impetuosos ciere. Oritur autem cum gr. 12. Geminorum, atque adeo cum Sole Romæ, die 2. Iunij; occidit autem 12. Kal. eiusdem.

PALIOSA dicuntur in re ædificatoria, Tecta quædam, vt ita dicam, suspensa; seu concamerationes, quæ sunt figlino opere, substratis paleis, ad hoc vt molliter incurvantur, quod non tignis, aut vllis fulcris innititur, sed vncis & catenis ferreis desuper arreptatur & sustinetur. In hoc sensu, ni fallor, loquutus est scriptor Anonymus Rei Architectonicæ, apud Du. Cange, consulens opus figlinum dicto modo, quando aliàs struibile non patitur Fabrica. *Camera struibles*

les (inquit) fortiores sunt; figulina autem ad contignationem suspendantur, itant catenis anchoratis, tegulas, vel paliosa quæ cameram circumstant, sustineant. Id quod alijs verbis significare fortè voluit Vitruv. lib. 5. cap. 10. cùm dixit: Concamerationes verò, si exstructura fuerint, erunt utiliores: sin autem contignationes fuerint, figlinum opus subijciatur. Sed hoc ita faciendum. Regula ferrea aut arcus fiant, eaque vncinis ferreis ad contignationem suspendantur quàm creberrimis; aque tegula, sine arcus, ita disponantur, uti tegula sine marginibus sedere in duabus, inuehique possint: Et ita tota concamerationes in ferro nitentes, sint perfectæ; earumque camerarum superiora coagmenta, argilla cum capillo subacta liniantur. Videntur quomodo vterque in idem concurrat? Nisi quod ille paleas subijci vult, Vitruvius autem capillum, optimum illum quidem, sed ad comparandum difficilem. Ad hunc modum ordinata est concameratio amplissimæ Navis, seu medijs corporis Ecclesiæ nostræ S. Pauli Maioris, Neapoli. Namque infimi parietes, & fundamenta in se recipere & sustinere haud poterant in tanta amplitudine, fornicem structilem: neque hic (etiamsi subiectis novis parastatis) in arcum ductus ad rem profectò erat, ut posset liberè, tam latè excurrentibus picturis exornari, quales nunc videmus admirabiles, & singulares, manu excellentissimi Equitis Maximi: unde ad opus figlinum, prædicto modo suspensum recurrere, necessum fuit.

- 8 PALLANDRAE, siue ab Nostreis, siue à Gallis, (apud quos primum visæ sunt) indito, & iam communiter recepto vocabulo, appellatæ sunt Machinæ quædam Nauales incendiariæ simul, & expugnatoriæ, quibus Vrbes maritimæ, eminens illata peste, miserè, & ineluctabiliter deuastantur: ut non multis ab hinc annis, malo suo expertæ sunt Algerium, famosum Maurorum Oppidum, commodissimum pyratarum confugium, in extrema Africæ Septentrionalis ora constitutum; ac Genua, nobilissima Italici Ciuitas, à Gallorum Classe penè ad terram prostrata. Ingeniosissimum planè inuentum in quo efferata mens hominum, petitis ab vniuersis ferè Mathematicis Disciplinis auxilijs, utitur in aliorum perniciem, & ad inferendum hostibus, luctuosum, atque irreparabile bellum. Etenim hic non munimenta, non arces munitissimæ, valent ad obfistendum: non armatorum copię, non tormenta ad propulsandum malum, ad pugnandum, ac vicem hosti reddendam: quippe illud, momentò (inconsultis, & repugnare haud valentibus) venit: & ille in mari de longe stans, extrà tormentorum ictus, impune grassatur, terrores intonat, & quàm libet, quàm magis nocere arbitratur, diu nocturneque
- fu-

fiunt, ignes immittit, globos prægrandes, & incendiarios in altum attollit ad quamvis distantiam: qui remisso eiaculandi librato impetu, in subiecta cadunt ædificia; ubi, præ inclusi ignis impotentia, abrupti, & in frusta acti, obuia quæque prosternunt, impetunt, ac deuant. Atque id totum per has machinas, eas dirigentibus, atque inflammantibus, in tuto positis, obtinetur. Ad quarum compositionem, & complementum operis quod intenditur, tria potissimum requiruntur: Primò Globi ipsi, qui malum inferunt, interius caui, & tormentario puluere, alijsque ferreis globulis grauidi, quos communiter Bombas nominant, sed longe his, quæ hæcenus in usu fuere, in bellico apparatu, grandiores, ponderosiores, ac truculentiores. Fornia quidem non multum ab illis absumiles, sed materiz, soliditate, temperatura, confarcinatione, longè superiores. Conforantur enim aliquandò ex ingenti, & duro saxo, facilius ad conceptum ignem comminuendo; aliquando (quod magis in usu est) è fusili, sed crudo, ex mineris primum eruto metallo, ferro, mercurioque, ad certam portionem mixto; quò fortius coalescat, solidetur, & in tempore abruptatur. Isti igitur, cauo ut dixi sinu, cui respondet desuper ad argentei minoris latitudinem foramen, labro ad duos digitos circumductum, & aliquantulum prominente, (in quo non, absumiles sunt cauo cortici Malo granati, unde fortè *Granata* quædam Bombarum species dicta sunt) cætera reliquis crassiores ad quatuor digitorum extensionem; itaut singuli 400. vel 500. plus minus, pondo pendant, & excipiant intus 40. vel 50. perfectissimi nitrati pulueris libras, cum certa mixtura sulphuris, bituminis & colocyndidis benè contusis, intus adactis, & validè constipatis. Quibus ita instructis, desoris ad idem orificium figitur roboreus vectis, crassus, quantum iusti hominis brachium, altus ad mensuram cubiti: *Spinam* vocant; quæ canaliculo à summo ad imum, ad annularis digiti crassitudinem perforata, à globo eminet, oppletaque conferto nitrato puluere, cum globus emittitur, & ipsa adinoto desuper igniculo accenditur; deseruitque dum ardet, ad globi per aëra directionem; perinde ac virgulæ illæ oblongæ, quæ festiuis pyrobolis annexuntur, ad eorum motum regulandum.

His ad hunc modum paratis, ut ad opus aptari queant; oportet 9  
secundò, ut suam basim firmam, & loculamentum habeant, cui insistant; & unde, applicito igne, magno posthac impetu erumpant, & in altum auolent. Sunt autem hæc duo mortaria ex ære solidissima, tam ampla, ut eos à labro sustinere valeant; quæ proinde & ipsa opulentur nitrato puluere, altero alteri superimposito, & ut ita dicam; concamerato: Ad latera verò, ubi illis adhærent Bombæ, congeri-  
tur

ur argilla, seu humens terra, ad opplendas fissuras; quæ etiam partem Bombæ debet operire, ne accenso subtus igni relinquatur spiramentum ullum ad euaporandum; sed totam vim suam exserat, & coadunet, ad vnice extrudendū globum. Porro hæc mortaria sic disposita, quæque ad limbum seu exteriorem labri proiectionem, habent descriptos circum gradus eleuationis dandæ singulis bombis cum exploduntur, atque adeo ad illius rationem inclinantur; quò id agilius præstent, aptari debent intra scaphium, seu capsam pariter æneam, aperto ad calcem paruo foramine, quod respondeat imo Mortarij incendendi, per admotum funiculum, vt aliàs fieri solet in eiusmodi vasis incendiarijs. Et hoc totum Machinamentum, Auctoribus suis *Carcassas* placuit nominare.

Demum ad circumferendas in Classe dictas Carcassas, eisque vti ad promptè, expeditèque eiiculandos globos in tempore, & quò opus est; singulis singulæ Biremes, seu parua nauigia, tantum earum capacia destinantur, & in reliquis facile agibilia, & expedita: quæ, vt formâ, & munere ab alijs, seu bellicis, seu onerarijs nauibus discrepant, ita & nomine sibi proprio contradistinguuntur; *Pallandras* placuit appellare. In his ergo nauigijs ad proram constituuntur Carcassæ, seu Mortaria, proxime disposita ad euomendas bombas. Neque aliud munimentum illis additur, quam simplex vallum ex spissis trabibus antè Carcassas erectis, ad altitudinem hominis, quarum interualla complet loricula è laterculis duorum brachiorum, plusminus crassitudine; vt, si quæ aggressi immittant missilia cuiusvis generis, ad machinam labefactandam, ea in hanc vallo- rum congeriem incidant, ibique eorum impetus frangatur; ac terminet. Quod si detur, ab ijs aliquando vnam aut alteram trabem deijs, & loriculam dissipari, (id quod rarò accidit, ob nimiam machinarum ab loco distantiam, è qua impetere quidem possunt, sed non facile impeti) statim leui malo occurritur, alijs suppositis, quas promptas, & ad manus habent, qui in nauigio sunt ad illud dirigendum, & bombas ad destinatum locum librandas; homines perditæ ceteroqui salutis, & ad mortem danna- ti; qui vt sibi vtrumque consulant, iniec- to igniculo, protinus in mare desiliunt, ne ipsa explosionis vi, quassato potentiùs nauigio, certius opprimantur. Cæterum Pallandræ istæ vt expeditiones sint; malo, velo, remige, omnique bellico impedimento carent; non enim defensionibus egent quando, vt dixi, extrà tormentorum i-ctum, sunt, à longe positæ ad duo vel tria milliaria, quò aggressæ vrbis explosiones haud perueniunt; & aliàs ab triremibus è portu obfessæ vrbis soluentibus, accessum non sibi timent, quia habent à

tergo Sociorum Classē benè tormentis instructā, quæ pro-  
tegit, & accedere audentes dilaceret, atque in profundum mer-  
gat. Semper enim huiusmodi Pallandrz constituitur in tan-  
ta distantia à muris imperendz vr̃bis, vt Carcasarum ictus illuc  
perueniant, at non ad eas inde librata missilia, quæ ex longo itine-  
re impetu destituuntur; & retrò, longiùs ab loco obsesso, habent  
obumbrantem latè suorum classē, vt appropinquantēs obsessorum  
triremes arceat, ac repellat; quemadmodum audiuius factum in  
oppugnatione Algeriana, & Genuensi ab ijs qui præsentes fuerunt:  
è quorum relatione huc transcribere, quomodo res se habuerit in  
Genuensi inuasionē, ex nouitate, & damno ijs impunè intentato;  
non erit ab instituto multò auium, nec fortasse Lectoribus iniucun-  
dum.

Ergò Gallorum Classis constans viginti Nauibus bellicis, ac  
duabus supra viginti triremibus vltra centum nauigijs onerarijs;  
decem eiusmodi Pallandras secum remulco trahens, mense Maio an-  
ni 1684. se stitit in conspectu Genuensis Vr̃bis, in Coronæ formam  
se explicans, ad distantiam trium circiter milliariū, atque in medio  
sinu in latum prædictas decem Pallandras excipiens, æquē ab se  
distantes, & ita dispositas, vt à fronte vr̃bi imminerent; à portus,  
vt aiunt, vereris faucibus, vsque ad extremum promontorium, vbi  
constituta, est specula ad commodum nauigantium: à tergo au-  
tem ad semimilliare haberent triremes, & naues bellicas protegen-  
tes. In hunc modum terrores intentans, & nescio quas offensiones  
obtendens, conditiones quasdam, quæ visæ sunt Senatui, Reip. liber-  
tati intolerandæ, ad declinandum Vr̃bis excidium, extorquere paci-  
ficè satagebat. Sed ijs morem gerere, cū indignum Patres existi-  
marent, parati omne malum perpeti, quā suæ libertati, & iuribus  
cedere; bombis è Pallandris immixtis, Vr̃bs quati cepit. Ac primi  
quidem ictus (crediderim data opera, ad incutiendum ciuibz me-  
tum) extrā noxam librati sunt; alter enim globus in mare iuxta vr̃bis  
mœnia directus est, vbi decidens, subitus aquam incensus est, ac  
mox disruptus tanto impetu & violentia, vt totius vr̃bis zdes, ve-  
lut ad terramotum concussæ fuerint. Alter globus igniuomus in  
terram decidit, ac suprā muros confractus est: & quamquam lapi-  
des aliquot inde diuellit, nil aliud præterea mali intulit. Sed cū  
viderent Galli, Cives haudquaquam animo infractos, ad postulata  
flecti; seriò de excidenda funditus vr̃be continuis bombardum inimis-  
sionibus cogitarunt. Quare vnum ex his exactè libratum supra Du-  
cale Palatium satis conspicuum direxere; eo consilio, vt congrega-  
tis inibi, (vt credebant) Patribus, ad deliberandum quid agerent

IO



in tanta rerum angustia , ad cessionem præsens malum adigeret . Et quoad ruinam quidem , optimè respondit votis effectus ; namque immissus globus , emenso itinere , se perpendiculariter supra designatum locum constituit : mox remisso impetu ignis in spina accensi , præcipitanter cadens tectum traiecit , atque ad imum solum sese intrudens , disruptus est ; obuia quæque ac parietes impetens , & prosterbens . Subsecuta est inde spissa sinilium bombarum grando , quæ Urbem circumquaque inuadens , miserè deformauit : itaut intrâ tres tantummodò dies , supra triamillia , & ex ijs plurima superbissima ædificia tum prophana , tum Sacra euerfa sint : nullo vnquam bombarum iactu irrito , quas supra duodecim millia immissa fuisse , fama est , quæ vastitatem vndique deportarent . Vt propterea vulgus Genuatium crederet , non nisi magicis artibus instructas , directasque , fuisse machinas , nullâque hominum arte potuisse compingi , adeò ad Scopum ex asse tendebant . Sed verò qui Pyrostaticæ , aliarumque assinium facultatum miracula nouit , verum tenebit ; affirmans , id tantum laudis , & gloriæ Gallos hoc tam grandi apparatu , & molimine reportasse , nimirum summam mathematicarum Scientiarum peritiâ , qua se in urbium expugnatione ingeniosissimos , ac formidabiles ostenderent , tenerentque in officio sibi obsequi detrectantes . Hæc in gratiam curiosorum , ex occasione Pallandrarum , mirabilis Mathesis operis , dicta sunt .

- I I** PALMA , per excellentiam , nominantur ab Astronomis duæ fixæ tertiæ magnitudinis , in vola sinistra manus Serpentarij Sideris ad borealem plagam , in eodem ferè gradu , tam longitudinis quàm latitudinis consistentes , nempe altera in grad. 28. altera in 29. Scorpij , cum latitud. boreali , grad. 17. quod idcò vniunt vires , & perinde sunt , ac vnum astrum à cæteris seiunctum , vti nomine , ita & viribus dissimillimum : habent enim mixtam quandam naturam , Saturni , Veneris , & Mercurij : quod quia ipsum corpus serpentis tangit , in serpentem ipsum alij reicere , speciali nomine indigitant *Ted.* Arabes verò , sumpto ex latinis vocabulo , *Colnbra met.* De his pronunciat Petr. Faber in Panchymico , lib. 2. cap. 26. quod insundunt terris fertilitatem & falis copiam : tamen , cum sint maximè de Saturni natura , fructus ægrè ad maturitatem perueniunt : sed tamen solerti agricultura , tandem frigiditas illis naturâ insita corrigi potest , & ad perfectionem reduci . De hominibus verò asserit , quod insunt prudentiam , ac sapientiam loquendi granitatem , & maiestatem in rebus omnibus peragendis , consiliorum firmitatem , ac constantiam ; rerum propositarum tenacitatem : & ex parte Veneris insunt gratiam ,
- lepo-

leporem, ac venustatem. Vnde homines graues sunt, firmi, & constantis consilij, immutabilis sententiæ, eloquentes, ac leporem, & gratiam in eloquendo summam habent qui terras incolunt, quibus hæc constellatio dominatur. Hæc Faber: quæ, quamuis gratis dicta sint, non est cur improbare, vel redarguere debeamus.

PALMAM etiam vocat D. Hieronymus in Ezechiel, cap. 40. I 2  
quamdam mensuræ speciem, quam Græci *Palestin* nominant: Expli-  
cans enim illud Prophetæ: *Ecce vir &c. & in manu viri calamus men-*  
*sura sex cubitorum, & palmi*; notat Septuaginta vertisse: *Calamus*  
*mensura cubitorum sex, & palastis*. Vbi ipse: *Non solum*, ait, *fumi-*  
*culum geometricum*, sed & *calamum* tenebat in manu, cuius *suprà*, *men-*  
*sura* tacita est, & nunc ponitur *cubitorum sex, & palmo*, qui rectius  
græcè dicitur *Palestin*, & est sexta pars cubiti; (alioquin *palmus* *Spithami* sonat) quam nonnulli pro distinctione, *palam*; porro *Palestin*  
*palmum* appellare consueuerunt. Igitur aliquibus, teste S. Doctore, alind est *Palmus*, aliud *Palma*, in ratione mensuræ: sicut Græcis aliud sonat *Spithamen*, aliud *Palestin*: siquidem *Spithamen* appellat palmum duodecim digitorum, quantum videlicet spatij, *extensa* manus ab extremo pollicis ad extremum minimi, comprehendit: *Palestin* verò, (quam vertunt *Palmam*) dicit extensionem quatuor digitorum, seu quantum comprehenditur inter indicem, & medium, ab inuicem quantum fieri potest, aullos, quam alij *Licham* nuncupare: quamquam (vt notat idem Hieron.) communiter has voces confundunt. Sed ne desinas videre, quæ ad hanc rem, eruditè congerit Alex. ab Alexandro, lib. 2. cap. 20. ac Tiraquellus ad ipsum.

PANSELENE græcè dicitur Luna luminibus plena, cum est in oppositione Solis ex Πάγ, quod significat aggregationem, & Ξελών, quo venit Luna. Nos eadem ratione, Plenilunium appellamus.

PANTOMETRVM, quasi vniuersale Mensuratorium, agnominatum est Geometricum quoddam instrumentum, non ita pridem ab I 3  
famigeratissimo Kirchero, altero nostræ ætatis Archimede inuentum, ac primum ab auctore ipso expositum in Arte Magnetica, dehinc à Gaspere Scotto, tum peculiari libello, tum cum alijs, in Cursu Mathematici. lib. 6. luculentissime explicatum. Est enim Organum mensurandis quibusvis distantijs factum, corporumque ac figurarum quarumlibet proiectionem in planum, cum suis extensionibus, & contractionibus, nullo penè negotio accipiendi, &c. Adeo vt, ait Scottus vtilitatem eius exaggerans: *Nulla assignari queat figura, qua non instrumento hoc, arte sane mirabili, innata proportionem minui queat, dans*



*argumentari: præsertim si instrumenti discus latior fiat; aut si ad normam eius fiat Quadratum maius versatile circa suum orbem, & suo Cursore instructum. Vnde consequenter maximus eiusdem instrumenti usus est in Perspectiva; cum Scenographiæ, Orthographiæ, atque Icnographiæ, corporum quorumcunque siue regularium, siue irregularium, uti & quarumvis aliarum rerum proiectura, summa facilitate delineari, augeri, & minui possint. Hæc Scottus, de utilitate & vniuersali usu istiusmodi Instrumenti. Quod compingitur, & constat ex tribus partibus, vtrâ pedem quo sustinetur, & dioptram ad perspicendum: nempe amplo quadrato; Orbe, seu rotula cum descripto limbo, cuius diameter latera intrinseca ipsius quadrati exactè adæquet, ac tangat; & in ipso Orbe aliud quadratulum excavatum, vt in eius cauitate charta crassiuscula, vel ærea lamina quadrata, eiusdem cum quadratulo capacitatis, aptari queat, ad lineas ex instrumenti circumductu accipiendas. In his igitur tribus simul connexis, consistit tota ratio instrumenti. Potrò Quadratum maius orbi infixus est, pro libito suis deque circa orbem mouibile, qui tamen orbis immobilis pedi substrato stabiliter inniti debet, vt circum ipsum volui, & reuolui exterius quadratum queat. Quod ita debet efformari è ligno solido, vt in medio habeat duas regulas aliquantulum depressoas, & inuicem decussatas; in quarum centro paruum foramen excipiat axiculum, orbi infixum, per quem rotari queat. Demùm in aliqua parte latiore extrâ vtriusque quadratuli angulum, locatur acus magnetica, cuius directione, ad angulos mundi instrumentum sistendum sit, ac suprâ dioptra & ipsa versatilis, & habebitur instrumentum omnibus numeris absolutum, vt apud ipsum Kircherum vel Scottum videre poteris, cuius varios usus in praxi, iidem te docebunt.*

- 14 PARABOLA vna est ex tribus celeberrimis Sectionibus Conicis; sed præ omnibus ipsa præstantior, vberior, usu frequentior, & intellectu facilior, quippe quæ admirabiles proprietates habet, effectusque educit valde viles, tum in solaribus horologijs describendis, ex projectione vmbre gnomonis ad rationem parallelorum Solis, tum in Catoptricis, ad specula vltoria consicienda; siquidem ad radios vniendos ignemque exinde eliciendum, speculum parabolicum aptissimum præ ceteris est: nec mirum, cum Parabola (ad cuius formam curuatur) vnum centrum, seu vmbilicum obtineat, vnamque diametrum intra conicam sectionem, ad quam ordinatim applicatæ deducantur (quando Hyperbola, & Ellipsis duas diametros, & duos focos habeant, vt in loco dictum est) & idcirco omnis radius axi parallelus in parabolam incidens, si reflectatur, con-

cur-

currunt in vnum, & idem punctum, quod umbilicus dicitur: & quia ibi radij solares concurrentes, vbi apta materia est, flammam eliciunt, rationabiliter appellatur focus. Quocirca hunc, aliosque miros effectus contemplari magni viri, imprimisque Apollonius Pergæus in Geometricis, & Opticis facile Princeps, excitati sunt ad eius arcana diligentius indaganda, indeque ad intimam considerationem, omnium aliarum Sectionum, quæ in cono fieri possunt, earum naturam perscrutando, & geometricè examinando.

Est igitur Parabola, sectio conique fit per planum aliquod in eum ex aduerso incidens, & pertingens ad basim, scindens ex eo partem, seu frustulum, altera parte minus (id quod non fit in sectione per axem, quæ medium conum scindit in duas partes æquales) cuius diameter ab vno latere sectionis per axem procedens, sit parallela alteri lateri, terminetque ad centrum basis conique, concurratque cum termino sectionis per axem, vt in subiecta secunda figura videre est.




Porro, ut dictum est, hoc sibi proprium, & singulare habet Parabola, ut unicuique focum tantum admittat, nullamque transuersam, diametrum: adeoque latus eius rectum, quod Parameter dicitur, sit semper linea extra sectionem ducta, quæ tamen tangat verticem ipsius sectionis, faciatque in eo angulum rectum cum axe, seu diametro sectionis, ac sit parallela omnibus applicatis. Quò sit ut in Parabola, rectangulum comprehensum sub Parametro, & portione diametri, quæ intercipitur inter applicatam, & verticem, vocaturque sagitta, sit semper æquale quadrato ipsius applicatæ. Non sic in Hyperbola, & Ellipsi, ut in specie de singulis, suo loco dictum est. Nunc autem in Parabola, Parameter est unica ratio æquandi quadratis applicatarum rectangula, quæ proueniunt ex sagittis seu

portionibus axis, pro vno latere; & ipsa Parametro pro altero. Sic in prima figura, sicut se habet quadratum B.D. ad quadratum H.F., ita sagitta A.D. ad sagittam A.H. & sic de reliquis. Ex quo apparet, quod ipsæ applicatæ erunt in subduplicata ratione sagittarum, & sagittæ in duplicata ratione applicatarum. Nam ex Euclide, 12. propof. Secundi. Quadrata sunt in duplicata ratione laterum, & latera in subduplicata ratione quadratorum.

16

Restat nodò ad huius rei pleniorẽ intelligentiam ex praxi comparandam, methodum aliquam perquam facillimam hic tradere, describendi parabolam, ex multis propè infinitis, quæ haberi possunt, & exponuntur passim ab authoribus, præsertim Bettino, Millicet, nostro Guarino, Vitale Iordano, & alijs. Seligam tamen, præ ceteris quæ circumferuntur, vnam, quæ & intellectu sit facilis, & ad describendum accommodata: namque perficitur arcubus, & lineis errori minime obnoxijis: & fundatur tota in extensione Parametri, quæ est mediâ proportionalis duorum extremorum: ac proinde tota ratio mensurandi applicatas, & portiones diametri interceptæ.

Sit itaque in adiecta figura, linea A. B. diameter Parabolæ describendæ: A. D. sit Parameter, quæ transferatur in A. C. Ex quo A, sit vertex sectionis, simul & centrum semicirculi C. D. B. Tum diuidatur A. B. in quot partes libuerit, siue æquales, siue inæquales (quod parum refert:) ducanturque à punctis diuisionum, perpendiculares ad diametrum, quæ sint parallelæ Parametro A. D. vt vides: atque inuento centro in linea A. C. circino formentur arcus, seu semicirculi minores à punctis intersectionum, terminantes omnes ad punctum C. & in linea A. D. vbi arcus interfecant parallellas notentur puncta G. K. N. O. P. &c. inde ab his punctis notatis demittantur perpendiculares totidem ad ipsam A. D. quæ etiam sint parallelæ diametro A. B. nam vbi hæ lineæ cum arcubus se interfecant, manu æquabili ducta linea flexa à puncto



ad

ad punctum, illaque omnia transfiliens vsque ad ultimam lineam; probè delineatam parabolam exhibebit.

PARABOLISMVS. Vide in V. *Algebra*.

PARADISVS dictus *Terrestis*, (quà ad Geographicam inquisitionem attinet) locus est amœnissimus, in nobilissima, atque editissima Orbis terræ parte, ut creditur, situs, atque ad totius humani generis iucundissimam habitationem, à Deo ipso, (ut habetur Genes. 1.) suis manibus confitus, & plantatus ad Orientalem plagam Eden, ut inibi Adam, & Posteri longissimam vitam traducerent ærumnarum omnium, atque etiam ipsius mortis expertem, ni ille Dei præceptum prævaricatus, atque in pœnam inde eiectus, sobolem quoque suam, reatus sui macula vitiaffet, fuissetque proinde in causa, ut illinc extorris perpetuò exularet, posito Cherubim ad custodiam, ac flammeo circum, ac versatili gladio, ad omnem eius aditum, & viam intercludendum. Quò factum est, ut homines (quà affecti sunt, habendi, vel peruagandi cupidine) iugi eius desiderio tenerentur, & nequicquam obstante appposito obice, ad eius inquisitionem (*nimirum enim in vetitum*) terram vniuersam quâ latè patet, penitissimè peragrarent, atque in perquirendo deficerent. De vero eius situ, quoniam reapse calcari non potest, saltem animo volunt, & mente concipiunt, atque adeò in varias, innumeras, sibi contrarias abeunt sententias, non modo ex Philosophis, Theologis, & Geographicis, sed ex SS. Patribus multi; quorum omnium opiniones examinat, & censet D. Augustinus in Gen. lib. 8. atq; ex recentioribus, Thomas Maluenda in absolutissimo opere quod compilauit *de Paradiso Terrestri*. Communior tamen, & quæ vulgi laudem fidemque promeruit; est, illum constitutum esse in partibus Orientis, & in specie circà Mesopotamiam; & Armeniam; eoquod ex Scripturis habetur, quod fuisset plantatus in Eden; & quod fons in eius medio esset, è quò quatuor flumina emanant, inter quos Tigris, & Euphrates, quos vtrique celeberrimos, ac notissimos amnes, scimus prouincias illas alluere, indeque ortum sumere, atque in alias quoque terras exspatiari. Consonat ex parte, textus hebraicus, ubi pro eo quod legimus in vulgata nostra, *A principio*, vertit *Miqueden*, hoc est ab Oriente, quod initium, & primus limes Mundi statuitur, ut explicat Abulensis: & clariùs versio Septuaginta Interpretum, quæ sic habet: *Et plantauit Deus Paradisum in Eden, ad Orientem*.

Verùm hoc opus hic labor; quæ mundi pars verè dicenda sit Orientis:




riens: nam vox ista respectiua est, & vt optimè subinfert Tostatus, quodlibet punctum horisontis, vnde emergunt sidera, est oriens respectu alterius alicuius loci, ob terræ rotunditatem, & Solis iugem circa ipsam, motum & circulationem. Vnde Palestina dicitur nobis Orientalis, Indis verò Occidentalis: Econtra Asia tota, licet ad dexteram sit Europæ, atque adeò ipsa Orientalior; est tamen ad sinistram Americæ, sicque respectu illius, Occidentalis: & sic discurrendo de singulis mundi partibus, & Prouincijs, vbi ea dicitur orientalis respectu aliarum, in qua Sol priùs de mane oritur, cùm tamen eodem momento temporis, in his adhuc tenebræ sint, & nox profunda. Quod ideo nil mirum, si ex eo Scripturæ testimonio de Oriente, vbi constitutum legimus hunc Paradisum deliciarum, nil certi haberi potest, & Patres nihilominus, Geographique omnes, in eo, certo loco figendo, diffident; atque in tot abeunt sententias, quot sunt capita, neque vllus hætenùs ad scopum collimauerit, sed nec incertam quamuis palmam maioris probabilitatis, tenuerit. De qua re, cùm nos alibi fusè nimis, & acriter disputauerimus, hic supersendendum censeo, quoniam extrà institutum est. Et licet aliàs quæstio Geographica foret; attamen, quia Mathematica grauitate procedimus, quâ certa ab incertis secernimus, non probabilibus rationibus nixi, sed euidentibus demonstrationibus, quas nemo possit inficiari; ideo missam facimus, & cum Augustino, summam Dei prouidentiam, qua voluit locum nobis prorsus impermeabilem, & occultum, humili silentio veneramus. Sed &

- 19** PARADISVS, eiusque nomen, certiozem locum habet in Architectura. Eo quippe vocabulo, siue per hyperbolem, siue per pietatem, insignita fuit olim celeberrima Quadriporticus à Constantino Magno pijssimo Imperatore præstructa Romæ in Vaticano, ante Basilicam Principis Apostolorum, ab se etiam magnificentissimè ædificatam, concludens atrium, & aream tanto edificio dignam, atque oppidò respondentem. Cuius amplitudinem ità definit Alfar. quod prima Porticus, quæ mediabat inter atrium, & Basilicam, extendebatur in longum 285. palmis; quæ ad extrema, aream claudens: quæ verò hinc inde ad latera, palmis 256. itant nobile Theatrum, conficerent. De qua ita loquitur Panuinus. De Septem Eccles. in Basilica Vaticana. Ante ipsam Basilicam erat Quadriporticus à Constantino facta, cuius etiam nunc extant reliquia, quam Symmachus Papa marmoreis strauit, & Musiæis signis ornavit: & Constantinus Papa, sex sanctarum Synodorum generalium picturam in eadem posuit; cuius atrium, siue impluium, quod Paradisus dicitur Donus Papa marmoreis qua-

*quadris constrant. Id quod ex Anastasio Biblioth. excerptit, qui in*  
*Dono, dicit. Hic atrium B. Petri superius, quod Paradisus dicitur,*  
*estque ante Ecclesiam in quadriporticum, magnis marmoribus strauit. Et*  
*explicatiùs Leo Ostiens. in Chron. Cassinensi lib. 3. cap. 28. Fecit &*  
*atrium ante Ecclesiam, quod nos Romana consuetudine Paradisum voca-*  
*tamus, longitudine cubitorum 77. ac semis; latitudine 47. & semis, alti-*  
*tudine verò 15. & semis, 4. & totidem in geminis frontibus, & 8. per*  
*latera singula super quadrifidas bases habens gerens columnas. Qua-*  
*autem ratione ab initio Paradisus nominata sit, alij ab loci amœni-*  
*tate, alij ab deuotione deriuant, & meo iudicio congruentiùs. Si-*  
*quidem, cum antiquitùs non fuisset in more mortuorum corpora-*  
*in Ecclesijs sepelire, ob reuerentiam sacro loco impensam, ea-*  
*ponè ipsas in atrijs, & contiguis arcis, humabant; vnde de*  
*Othone II. Imp. habemus ab eodem Ostiensi, quòd in prædicto*  
*atrio tumulari rogauit: & idem refert de Sicelgaita Roberti Gui-*  
*scardi coniuge, Paulus Diac. lib. 4. cap. 8. hinc factum est, vt prædi-*  
*ctus locus, & promiscuè atria, & Cœmeteria Ecclesiarum, Paradisi*  
*nuncuparentur; quoniam, vti Paradisus ille Cœlestis, sedes est anima-*  
*rum vbi requiem consequuntur æternam; ita, & hæc, vbi corpora in*  
*pace quiescunt, non incongruè Paradisi nomine denotantur. Ad*  
*quam rem confirmandam, facit quod scriptum reperi in Tabulario*  
*S. Victoris; quod extat in Annal. Massilien. vbi dicitur: Idcirco verò*  
*idem locus ad portam Monasterij situs, vocatus est Paradisus, sicut &*  
*nos comperimus, quia multorum corporum, scilicet Sanctorum Marty-*  
*rum, Confessorum, Virginum, eodem loco quiescentium decoratur auxi-*  
*lijs, & suffragatur meritis. Porro Paradisus, & Quadriporticus, quæ*  
*erat in Vaticano, ad dandum locum nouæ magnificentiori Basilicæ*  
*deiecta est, sed in eius locum alia longè magnificentior Triporticus*  
*ab Alex. VII. substituta est, de qua alibi erit sermo.*

PARADROMIDES græcè idem sonat, ac si latinè diceret, *Itiones.* 20  
*Vsurpantur autem signatè in opere architectonico, pro rectis & am-*  
*plis interpositis vijs, seu ambulacris, hinc inde à lateribus varijs*  
*amœnarum arborum, & viridantium stirpium plantationibus ac tex-*  
*turis, topiario more confitis, & circumuestitis. Has olim in Palæ-*  
*stris aperiebant, vt post diutinas exercitationes, laxato corpore, athle-*  
*tæ haberent, quo animum recrearent, iucundis & placidis deambu-*  
*lationibus, & visus oblectamentis: quas eleganter describit Plinius*  
*Iunior lib. 2. ep. 16. & lib. cap. 6. Xystosque nominat. Nostri di-*  
*cercerent Viales. Vbi aduertere iuuat, Xysti nomen æquiucè sumi,*  
*& aliquandò summis viris & Scriptoribus emunctæ naris imponere.*

 Etenim Xystus apud Græcos erat perampla porticus in Palæstra, vbi sub testæ exercebantur Athletæ, hyberno tempore, vel pluuio, ne aliàs sub dio, imbre lutoue impliciti turbarentur: Paradromides verò erant itiones subdiuales apertæ, spatiosæ, Xystis, seu dictis porticibus proximæ, in quas inde exactis ludis athleticis, & corporibusque defatigatis exibant ad captandam auram, animumque amœnis deambulationibus recreandum, vt testatur Vitruu. lib. 5. cap. 11. vbi clarè distinguit Xystos à Paradromidis, & illos porticus esse ait, in quibus Athletæ hyberno tempore exercebantur: has autem ponit Xystos aperiri, ac dilatari vult, ad effectum liberè exspatiandi, sereno calo, post longam defatigationem, quas ad distinctionem Xysta vocauit: Ait enim: *Proximè autem Xystum, & duplicem porticum, designentur bypatra ambulationes, quas Græci Peridromadas, nostri Xysta appellant, in quas per hymem ex Xysto, sereno calo athleta prodeuntes exercentur.* Nihilominus castigatissimi sermonis cultor, Plinius Cæcilius hoc non attendit, sed ipsas subdiuales ambulationes arborum fruticumque ordinibus constitas, non Xysta, vt vult Vitruu. sed Xystos semel & iterum nominat. Namque primò Epistola ad Gallum, vbi commendat villæ suæ Laurentinæ amœnitatem, inter alia, quæ animum oblectare in ea poterant, ait: *Ante Cryptoporticum Xystus violis odoratus, teporemque Solis infusi repercussa cryptoporticus auget.* Rursus lib. 5. Epist. ad Apollinarem, nescio num eandem, an aliam longè ornatiorè stylo describens, sic loquitur. *Atrium etiam ex more veterum ante porticum: Xystus concisus in plurimas species, distinctusque buxo, pronusque puluinus, cui bestiarum effigies inuicem aduersas buxus inscripsit.* Et infra: *Nam viæ plures intercedentibus buxis diuiduntur; alibi ipsa buxus interuenit in formas mille descripta, litteris interdum, quæ modo nomen domini dicunt, modò artificis.* Quid ergo? Num, quid interesset inter subdiuales ambulationes, & testas porticus, nescisse dicamus Plinium, aut ex græco Xystum ad Latium, transisse, vt Xysti, dicerentur Porticus; Paradromides ad differentiam Xysta? Sed & ipse Vitruu. non sibi concors, lib. 6. cap. 10. ait. *Nostri hypethras ambulationes Xystos appellant, quas Græci Peridromidas dicunt.* Quocirca in opinione res posita est, & ad scribentium placitum. Vnde etiam post hæc, Ferrarius nuperus Scriptor, in Amalthæa Onomast. contrà sentit, & ait: *Xysta esse porticus, seu ambulationes testas, Xystos autem subdiuales.* Sed vide quæ dicimus in V. Xystus.

Triangulum Ifoſcelium: hoc eſt, vt ita ſibi ſituacione, & loco reſpondeant, vt ſi inter duos planetas aut ſtellas fixas, alia tertia ſtella, vel aliquod Cæli punctum, talis correfpondentia eſſet, vt ductus ab vno puncto ad aliarum centra rectis lineis, triangulum æquilaterum efformaretur. Talis eſt in Orbe Sidereo, poſitus Arcturi cum Cauda Leonis, & Spica Virginis; efformantes perfectum triangulum Ifoſcelium, facta baſi in Arcturo, & Clauſa Leonis; à quibus ductæ lineæ in Spicam, ibi concurrant in Angulū. Talis eſt etiam conſtitutio Aſteriſmi, dicti propterea *Delteton*, in plaga Boreali; in longitudine ſub ſigno Tauri, cum latitudine fere grad. 20. iuxta Perſeum, & Andromedam, necnon alterum in plaga Australi, adiacens Circulo Antarctico, quod eſt fere æquilaterum, nomine *Triquetrum*. Porro hæc Conſtitutio inter fixas, quoniam ſemper eadem eſt, & nunquam immutatur, ab Aſtronomis non attenditur; ſed in planetis, qui ſui peruagatione vnicuique propria, loca ſemper tam in Zodiaco, quam in Mundo permutant, in maxima eſt conſideratione: per eam enim configurantur ad inuicem, & ſunt in Antifcio, ſeu parallelo declinationis, aut coſmico: vnde æquiparatur Coniunctioni, vel Oppoſitioni. Quæ, ſi inter Beneficas intercedat, maxime ſi naturæ ſociabilis ſint, optima eſt, & eorum virtus in bonum, ex collatis inuicem, radijs, magis intenditur ac perficitur, vt in loco diximus: In Maleficis autem adinuicem, aut cum beneficis, præſertim Vitæ Moderatore conſtituto in Parallage cum vtraque vel alterutra Maleficarum, peſſima: eoquod contrarijs qualitatibus congregientes labefactantur, vis influendi in hæc inferiora tunditur, rerumque productio & conſeruatio, aut abſcinditur, aut impeditur. Propterea Ptolemæus lib. 3. cap. 9. *a De Natis ageñs, qui nutriri non poſſunt, ſed max extinguntur*, & alibi, inter peſſimos abſciſſores, & Anæretas primo loco ponit figuram æquicuriã inter Vitæ Propagatorem, vel ambo Luminaria; & alteram, aut veramque maleficam: quod pluribus modis euenire poteſt, vt ipſe luculenter explicat, & nos alibi exanimauimus.

PARALLAXIS, apud Aſtronomos eſt deuiatio viſus, facta ex diſtantiã termini lineæ viſualis proiectæ à ſuperficie terræ, ad Sidus, vel aliud Phanomenon in Cælo apparens, à termino alterius lineæ proiectæ à centro telluris, ad corpus eiſdem Sideris vel Phanomeni, in loco vbi reuera conſiſtit. Pro cnius rei intelligentia, ſciendum eſt, quod omnia loca ſuperiora, à telluris centro moderationem ſumunt. Quum enim nos conſpiciamus ſidera à ſuperficie terræ, quæ diſtat à centro, milliar. fere 3035. quanta eſt ipſius terræ ſe-

midiameter; consequenter necesse est, vt diuersus sit locus designatus per lineam rectam à centro telluris, atque ab eius superficie; & ex hoc, vt in diuerso etiam situ consistere videatur stella à superficie terræ prospecta, ac si ab eius centro conspiceretur; vt ex Opticis perspicuum est. Hanc autem aspectus diuersitatem, dicimus *Parallaxim*. Quæ maior, aut minor est, pro maiore, vel minore propinquitate, quam habet sidus ad terram. Porro id locum habet in radio obliquè immisso, seu quando stella, cum non sit verticalis, projicit radium ex aduerso, atque à latere ad centrum, & superficiem terræ: nam verticalis, cum projiciat radium rectà ad superficiem terræ, & insimul ad eiusdem centrum, necessariò sequitur, quod tunc nulla est deuiatio, adeoque sidus nullam patitur Parallaxim. Et hinc deducitur etiam, quod quò magis à vertice elongatur, & ad horizontem approximat, eò maiorem habet parallaxim, & visus deuiationem; & econtrà, cum ex horizonte ad verticem ascendit, semper minorem, & minorem patitur parallaxim, pro ratione situum, & distantie à centro telluris, vt videre est in subiecta figura.



- 23 Patiuntur Parallaxim Cometæ, seu noua Phænomena in æthere regione producta, maximam: Pòst Luna, Planetæ & reliqua Phænomena in ea æthereæ regionis parte genita, in cuius distantia, telluris corpus aliquam retinet proportionem sensibilem: nam, vbi terra se habet ad instar puncti insensibilis, vt in Sphæra Fixarum, nulla omninò est Parallaxis. Et ideo Noua Stella, quæ apparuit in Sede Cassiopeæ, anno 1572. & quæ in Cygno anno 1600.: & quæ in Serpentario, anno 1604. creditæ fuerunt, non in regione elementari, neque in Lunari, aut alterius Planetæ, productæ; sed in ipso Cælo & regione Fixarum, quia profectò, (vti reliquæ stellæ fixæ,) nullam recipiebant Parallaxim. Regio Saturni, & Iouis, eorumque corpora, & satellites ipsos comitantes nul-

nullam habent sensibilem Parallaxim, namque coincidit in idem ferè punctum locus designatus per lineas rectas visuales, à centro telluris, atque à superficie eiusdem proiectas terminantes ad eorum corpora. Mars, ex Tychonis obseruationibus, constitutus in Perigeo, vbi sit terræ proximior quàm Sol, habet parallaxim minorum quatuor: in Apogeo, ferè nullam. Sol, siue in Apogeo, siue in Perigeo nullam variat sensibilem parallaxim, quæ est minor. ferè triu. Venus, & Mercurius habent parallaxim similiter triu minoru. At Luna, & quæ in eius regione generantur Phænomena, experiuntur parallaxim vnus fere gradus, circa Horizontē: quæ, vt dixi, proportionaliter semper minuitur, pro maiore & maiore approximatione ad verticē. Et cū radius visualis interfecare necessario debeat lineā rectā, à Centro telluris in corpus Stellę protensā; consequenter humilior apparebit, quā reuera sit, & exigat calculus Astronomicus. Parallaxis ope nouimus ordinem Planetarum inter se, ac singulorum, tū ab inuicem, tū à terrā distantiam: Noscimus etiam tempus veræ coniunctionis, præcipuè verò Eclipsium verum momentum ab apparente discernimus: aliaque per multa, quæ apud Auctores videri possunt: In quibus etiam extant Tabulæ Parallaxium tū Planetarum, tū Cometarum in quacunque aëris regione apparentium.

PARALLELI dicuntur Circuli, seu Lineæ æqualiter distantes ab inuicem, vel etiam ab aliquo puncto, aut signo intermedio. Potissimè verò in Geographia, & Astronomicis, accipiuntur pro Circulis æquidistantibus ab Aequatore, tam in superficie terræ, quàm in regione Aethereā consideratis: itaut qui habitant in locis æquè distantibus Ab Aequatore versùs eundem Polum, dicantur esse in eodem Parallelo. Similiter in Cælestibus, quæ sidera eandem & numero, & regione declinationem habent, eandemque ab Aequatore distantiam; dicantur esse in eodem parallelo: quæ verò eandem declinationem, sed non eandem præcisè ab eodem loco, distantiam, sed ex aduerso hinc inde à punctis solstitialibus in eadem regione, dicuntur esse in Parallelis Intuentibus, quæ communiter vocantur Antiscia. Ac tandem quæ reperiuntur in eadem numero declinatione, sed regione diuersa; itaut æquè distent hinc inde à coluro Aequinoctiorum, ac propterea vnum vergat ad Polum Arcticum, aliud ad Antarcticum, appellantur Contr-Antiscia, seu verius Antiscia, & Paralleli Imperantes, & Obedientes. Et Imperantes quidem qui sunt in Signis Borealibus; Obedientes verò, qui sunt in Australibus, quoniam ob depressionem vltra Aequatorem, & humilitatem situs, videntur.



dentur illis quodammodo morem gerere, & obedire. Igitur huiusmodi Siderum æquipollentia, quæ est species quædam familiaritatis, quam sidera adinuicem contrahunt constituta in huiusmodi Parallelis, expressiore vocabulo significari potest per nomen Parallelorum Declinationis, seu in Zodiaco, ad differentiam eorum qui fiunt in Mundo (da quibus mox infra) per æquidistantiam à Cardinibus. Et qui æquè distant hincinde in eodem hemisphærio à culmine, vel ab Imo, vocantur Paralleli Cosmici Primarij: qui autem, æquè hincinde distant ab Horizonte; seu ab Ortus, vel Occasu, dicuntur secundarij.

25

Etenim, ut dictum est in V. *Familiaritas*, Sidera familiaritatem inuicem contrahunt per motum, (quo se in certo positu constituunt, unde mutuò sibi radios emittunt) cum duplici motu ferri intelligantur; & in Zodiaco per proprium motum, & in Mundo motu raptus circa tellurem; consequenter, quam in Zodiaco agnouerunt & admittunt omnes Astronomi; eadem, aut omnino consimilis admitti debet in suis differentijs, in motu Cosmico, quem successiue sidera cum Primo Mobili peragunt circa tellurem. Quapropter sicut in Zodiaco, inter familiaritates computantur paralleli, & æquidistantiæ à punctis Cardinalibus, seu à Coluris; ita & in Mundo computari debent, & earum æqua ratio haberi æquidistantiæ à Cardinibus Mundi, nempe Meridiano, & Finitore: itaut, sicut duo sidera ex gr. quorum vnum sit in grad. 30. Tauri, alterum in gr. 1. Leonis in Ecliptica, dicuntur se mutuò intueri, esseque in Parallelis seu Antiscijs primarijs, quia sunt in æquidistantia à Tropicis; ita etiam, si eadē sidera in situ Mundi taliter disponantur; ut alterum sit in cuspide XI. domus alterū in cuspide IX. vel vnum in XII. alterum in VIII. & vniuersaliter loquendo, ambo reperiantur hincinde in æqualibus proportionalibus distantijs à Meridiano, vel Finitore; eadem ratione dicantur contrahere familiaritatem, & se intueri in Mundo, cum reperiantur in parallelis Cosmicis, aut primarijs, aut secundarijs.

26

Contingit etiam sæpè, ut licet duo Astra non sint in radice æquidistantia à Cardinibus Mundi; eam tamen acquirant successiue, motu directionis, & Primi Mobilis: quod duplici modo concipi potest. Altero, ut Significator existens immobilis in suo Circulo positionis, expectet, ut Promissor motu Primi Mobilis feratur ad situm æquè distantem à Cardinibus Mundi, ac erat Significator in radice constitutus; atque ita, expleta directione, emanat effectus per illos significatus. Altero, ut ambo simul rapiantur motu primi mobilis, nempe Promissor, & Significator; (ab utroque enim sua præsentia æquè imprimatur virtus in primo Mobili seu in gradibus Zodiaci,


in

in quibus actu reperiuntur in radice; ) & tunc fit, ut aliquando hoc successiuo motu, constituantur hincinde in æquali distantia ab aliquo Cardine Mundi; in quo signo intelligitur completa directio huiusmodi Parallelorum, quos ad differentiam fixorum, iure dixeris Ascensionales; ac proinde statim emanat effectus idem, aut certe non multum ab similibus ei qui educitur ab Antiscijs seu Parallelis in Zodiaco, atque alijs fixis modò explicatis, in Mundo.

PARALLELI etiam, ut suprà tactum est, vocantur apud Geographos, Circuli in superficie globi Terraquei descripti, æquè distantes à Circulo maximo immediatè Aequatori subiecto; de quibus satis dictum in V. *Clima*. Qui profectò infiniti concipi possunt. Defacto tamen tot concipiuntur, quot satis sunt ad faciendam notabilem diei varietatem. Atque hac ratione, Antiqui cum Ptolemæo septem Climata constituiebant, quorum singula tribus Parallelis designabant, singulis Parallelis singulos horæ communis quadrantes assignando. Quoniam autem experientia compertum est, non solum partem aliquam vnus, vel etiam cuiuslibet quadrantis, habitabilem esse, sed totam ferè terræ molem: vbique enim Insulæ sunt, vel etiam terræ continentes, quocunque versùs nauigatio instituitur, imò & in ipso Mari; nec vlla vel minima pars, aut regio est tam calida, aut frigida, in qua degere non possint homines: namque vbique ferè terrarum, tam homines, quam bruta auimantia, reperta sunt viuere, ac moram suam trahere; Idcirco Recentiores multò plura Climata, adeoque plures etiam Parallelos numerant, quam Antiqui; totum spatium, quod est ab Aequatore ad Polos in tot Parallelos diuidentes, quot horæ quadrantes acretionis diei maximæ ab locis Aequatori subiectis, ad ea quæ immediatè Polo subsunt, connumerari queunt. Adeoque insistentes nihilominùs Ptolemæi præceptis, vigintitria Climata constituunt, inque intrà quadragintà omninò Parallelos includunt. Quorum seriem dedimus in cit. Verbo *Clima*.

PARALLELOGRAMMVM est Figura insignis Geometrica, 27. quam definit Euclides Elem. 1. propof. 35. *Est figura quadrilatera, cuius bina opposita latera sunt Parallela, seu æquidistantia*. Adeoque, si duo Parallelogramma super æquales Bases, & eisdem parallelis constituantur, necessariò æqualia debent esse. Si verò cum triangulo eandem basim habuerit Parallelogrammum, fueritque in iisdem parallelis; ipsum erit duplum illius trianguli, ut habet idem Euclides propof. 41. Hæc autem conuenientia, & proportio Parallelogrammorum ad Triangula, ut quorum vna fuerit altitudo (quæ nihil aliud est, quam mensura lineæ alicuius perpendicularis ad basim pro-

procedentis è vertice assumptæ figuræ; ) eadem sit mensura reliquorum laterum, & proportio ad basim; itaut facillimè permutari possint, & conuerti Parallelogrammum ad triangulum, & triangulum quoduis ad Parallelogrammum, vt experiri licet in subiecta figura.



Volo igitur Triangulum A. B. C. transferre in Parallelogrammum, seu Rectangulum E. C. Primo intrâ Triangulum, à vertice A. duco perpendiculararem A.L., quæ cadat in basim ad punctum L. Deinde hæc perpendicularis diuidenda est bifariam in æquas partes, in puncto D. è quo ducatur linea E.H. parallela basi.

Postea ex punctis B.C. seu angulis trianguli coherentibus basi, ducantur aliæ duæ perpendiculares parallelæ A. L. quæ terminent in punctis E.H. Dico quod Parallelogrammum E.C. sit Rectangulum, & æquale triangulo A.B.C. Quod nimirum sit Rectangulum, manifestum est; nam E.B., & C.H. sunt parallelæ ad A.L. quæ ad punctum L. facit vtrinque angulos rectos. Igitur anguli E.H.C.B. erunt & ipsi recti, ex propof. 29. Primi. Rursus, quod Parallelogrammum C.B.E.H. sit æquale triangulo A.B.C., sic ostenditur. Quia perpendicularis A.L. medium secatur ab E.H., in D. erunt proinde in æquas partes diuisa duo latera trianguli A.B., & A.C. iu punctis K, & G. & sic duo triangula A.D.G. & G.H.C. erunt æqualia æquilaterra, & æquiangula: quod idem accidit in triangulis obuertis A.K.D, & E.K.B. Erit igitur Parallelogrammum H.E.B.C. æquale Triangulo A. B. C. quod erat demonstrandum: & sic de reliquis.

28

Porro omne Parallelogrammum est in quadruplici differentia. Primum, quod perfectum Quadratum dicitur: habetque omnes angulos rectos, & æqualia latera. Secundum quod habet quidem omnes angulos rectos, verum non omnia latera æqualia, sed omnes anguli efformantur à duobus lateribus inæqualibus, quorum vnum est longius altero; ita tamen, vt bina opposita latera, æqualia inter se sint, quale est quod in exposita figura exhibetur. Tertium, quod habet quidem omnia latera æqualia, sed anguli sunt inæquales: quorum duo necessariò acuti sunt, duo etiam illis oppositi sunt obtusi; Et hoc à Piscis nomine, cuius similitudinem refert. Rhombum

bun appellauere. Quartum denique, quod neque angulos rectos habet, neque omnia latera æqualia, sed à quadrato in omnibus discedit, conuenit in lateribus cum rectangulo, differt autem in angulis, quorum duo, vt in Rhombo, acuti sunt, duo item illis oppositi, obtusi, latera verò duo inuicem opposita, vti inter se æqualia, ita reliquis congruentibus longiora: & hæc vocatur Rhomboides. De quibus singulis, suis in locis. Atque ad has quatuor species reducitur omne Parallelogrammum, & omnis figura quadrilatera, quæ aliquam proportionem, & regularitatem seruet. Nam quæ irregulares sunt, quæque infinitis modis variari possunt, sub generali *Trapeziorum* nomine veniunt, vt in loco dicitur.

Cæterum Parallelogrammum quouis modo consideratum, id habet proprium, & singulare, quod per diagonalem ab vtriusque angulorum ad alterum oppositum ducta, dissectum, & alia quauis linea ad vnum laterum parallela, in quatuor partes diuisum, quatuor item parallelogramma minora eiusdem rationis efformat; quorum duo versantur circa diametrum, duo reliqua extrâ sunt, & vocantur *Complementa Geometrica*: quæ inter se semper æqualis areæ sunt, etsi non semper similes, vti fusè, dictum est in V. *Complementa Geometrica*, & ostensum in adiectis figuris.

PARALLELOPEVRA sunt Parallelogrammorum, vt ita dicam, abortiones, atque irregulares correspondentiæ angulorum, aut laterum, quibus constituuntur. Sunt enim in genere Trapeziorum, quia inæquales habent angulos, & inæqualia latera, sed non omnia. Quandoquidem seruant alicubi saltem aliquam regularitatem, & parallelorum proportionem. Vade minùs latè patent, quam Trapezia absoluta, quæ omnem figuram quouis modo irregularem includunt. Possunt nihilominus, vt ista multiplicari, & diuersificari, penè in infinitum. Qua de re, vide Clauium in Commentar. ad Euclidem.


PARALLELOPIPEDVM est figura solida sex planis quadrilateralis constans, quorum quodlibet æquale est, & parallelum opposito. Cuius ea conditio est, vt super æquales bases constitutæ huiusmodi figuræ, & in eadem altitudine, æquales etiam inter se sint. Differt à Parallelogrammo, quod hoc dicit vnum tantum planum quadrilaterum, constans quatuor tantum angulis; illud autem inuoluit plura plana, nempe sex in superficie, & consequenter octo angulos ex aduerso sibi inuicem respondentes: itaut non vnam figuram superficialem, sed vnum corpus solidum omnis dimensionis capax constituat. Tales sunt taxilli, quibus in alucolo luditur. Cæterum Parallelopedum habet omnes conditiones, & passiones Parallelogrammi,



portio rectangulorum ad inuicem, vti vnus quadrati ad alia quadrata supra singulas applicatas formata.

Est igitur A. P. Parameter, hoc est Media proportionalis inter sagittas, & applicatas, quæ hanc proprietatem sibi innatam semper, & inuariabiliter habet in Parabola, vt rectangula sub ipsa, & portione diametri interceptæ inter verticem, & quascumque applicatas, æquiparentur quadratis, quæ resultant ex ipsis applicatis: vnde est, quod ob hanc rem, Sectio conï, in qua hæc conuentio, & æqualitas rectangulorum cum quadratis, semper & constantissime reperitur, absolute Parabola dicta est.

At in Hyperbole, & Ellypsi, eadem Parameter seu media proportionalis inter sagittas, & applicatas, habet quidem ex se æquiparare quadratis rectangula, sed cum certa restrictione, aut dilatione, in eodem genere, & positione rectangulorum facta, quæ provenit ex natura peculiari ipsarum sectionum: itaut si quadratum vnus applicatæ, ita se habet ad rectangulum quod est sub sagitta, & diametro transversa, vti hæc ad parametrum, seu lineam parallelam, applicatis, extra sectionem positam, quæ sit contigua vertici; reliqua quadrata aliarum applicatarum, erunt quidem æqualia rectangulis, si modo in hyperbola adijcias consimilem figuram, similiterque positam; in Ellypsi verò tantumdem rescindas. Et ideo hæc Ellypsis dicitur, quia manca; illa Hyperbola, quia, excedens, & superabundans, vt hic in vtraque videre est.




Nam vtrouique, tam in Hyperbola, quam in Ellypsi, quadratum b. m. resultans ex applicata, b. d. est ad rectangulum, b. o. vt diameter transversa a. c. ad Parametrum c. p. quod ideo constituitur media proportionalis inter portiones diametri transversæ, & applicatas, & est de sui natura, mensura vniuersalis æquandorum quadratorum cum rectangulis, vnde etiam dicitur coefficientis, & latus



rectum. Verum, si posita tali constitutione lateris dextri; rursus sic dare aliud quadratum cuiusvis alterius applicatz, siue in hiperbola, siue in Ellypsi. v. g. h. v. hoc erit quidem æquale rectangulo quod resultat ex intercepta, c. h. & parametro p. c. si modò in Ellypsi, ex dicto rectangulo rescideris simile rectangulum p. x. simili modo positum; Hyperbolæ verò adijcias: id quod per diagonalem a. x. p. determinatur.

- 32 Nunc autem ad inueniendam perquam facillimè in qualibet sectione, dictam Parametrum, tali via procede; vti practicatum vides, indeque explanatum in sequentibus figuris.



In Prima igitur, sit Parabola d. f. g. cuius diameter est f. e. & una ex applicatis e. g. ad quam cadat perpendicularis b. e. vel c. e. quæ ambæ constituunt basim coni secti per axem. Tum per tria puncta b. c. f. ducatur circulus concludens verticem parabolæ, & basim coni: ac demum protrahatur diameter parabolæ f. e. recta, vsque ad circumferentiam circuli in h. Dico, lineam c. h. protensam esse parametrum Parabolæ.

In secunda figura, quæ exhibet Hyperbolam in cono a. b. c. cuius diameter tranuersa m. o. f. ducatur perpendicularis a. b. Deinde lateri trianguli conici c. a. ducatur à vertice diametri tranuersæ, m. parallela m. h. & per o. verticem sectionis, parallela basi trianguli, quæ sit t. o. h. perque tria puncta t. m. h. transeat circulus: hic periferia sua scindet in diametro, o. v. quæ est parameter hyperbolice sectionis.

Tandem in Ellypsi, m. a. f. cuius diameter a. f. sectio plani in Cono

Cono facta per axem, f. c.d. cuius basis est circulus q.v. & ipsa recta q. u. sit sectio plani d. q. u. cui agatur ab extremo f. parallela lateri, d. f. quæ sit m. t. quæque tangat alterum verticem sectionis. Quo facto, ducatur circulus transiens per tria puncta m. c. t. efficiet, vt f. o. sit quantitas, & extensio Parametri in Ellypsi. In singulis id expressum aspicias.

Huius rei demonstrationes ex geometricis principijs factas, habes apud nostrum Guarinum, tractat. 24. expens. 3. probl. 1. & 2. A quibus nos superfedemus, ne in materia cateroqui obscura, plus æquo prolixiores, adeoque tediosiores simus.

PARAPEGMATA apud Vitruu. lib. 9. cap. 7. sunt instrumenta, 33  
quædam astronomica ad captandas siderum altitudines, declinationes, amplitudines ortiuam, & occiduam, &c. vt possimus inde colligere arcus singulorum diurnos, atque nocturnos, adeoque in Sole quantitatem dici, ac noctis, congressus cosmicos in eodem circulo positionis &c. Vox Græcis vniuersalis est, & composita ex *Para*, & *Pegma*, quæ perinde sonant ac, iuxta adpango; sed tamen à siderum contemplationibus, ad instrumenta hæc significanda coarctata est, quod è multis sinuul adaptis regulis, rotulis, ac pinnacidijs concinnata sunt: vnde & Democritus, teste Diogene Laertio, quæ scripsit de Astronomicis rebus, Parapegmata indigitauit. Aliàs Pegmata audiunt propriè Machinæ Theatrales subito assurgentes, compactæ ex pluribus tabulatis, quæ arrectarijs, ad iectum oculi, contrahi & dilatari possunt, quales passim videmus in scenis, miro cum oculorum ludibrio, & animi voluptate. Festus autem cum pagmentis confundit, ac dicit, esse ornamenta, & statuas fixas, quæ appanguntur ad ostentationē, atrijs, & ostijs illustrium ædificiorum, quæ in rotum antepagmenta dicuntur. Sed & in serijs quoque ac bellicis rebus, Pegmatis nomen apud scriptores, frequentissimè vsurpatur pro machinis ascensorijs, quæ circumferri solebant in bellico apparatu, ad muros hostium diuersimodè insultandos, de quibus sæpè mentionem facit Iosephus in Bello Iudaico.

PARARYTHMVS etiani in Musicis audit species quædam dissonantiæ, quæ tamen proximè ad rythmum, & consonantiam accedit, 34  
vnde & auribus iucundam præbet auditionem; vt econtrà *Heterorythmus* enormem denotat dissonantiam, quæ sit aurium offensiuæ. Hanc distinctionem in musicis notat Paulus Aegineta Medicus, ac transfert ad arteriarum diuersam pulsationem; ex qua bona, vel mala corporis constitutio auspicatur, lib. 2. cap. 11. vbi *Rythmum* vocat æqua.

æquabilem motum, estque cum bene homines valent: *Arrythmum*, cum pulsus inæqualis est & discordans: ex quo ægritudo; & ex qualitate motus ac discordantiæ, morbi qualitas internoscitur. Nam, si turbidus ac depressus, gravitatem indicat, si enormiter frequens & elatus, excrescentiam bilis: si verò cæterâ æqualis, subindè celerior fit, aut remissior; accessionem, vel remissionem symptomatis prænotat, & vocatur *Pararithmus*. Est enim corporis constitutio harmonicus quidâ concentus, ad musicos modos respondens, numerisque incedens, qui proportionaliter ordinantur ad concordiam vel discordiam, prout in cælestium orbium varijs motibus, efficientibus uniuersalem hanc sublunarium adinuicem harmoniam: ut alibi fusè diximus.

- 35 **PARASTATAE** græcè dicuntur, quos nostri *Pilastros* appellant, Pilas videlicet quadratas, columnarum loco, in ædificijs sublimitas ad sustinendos arcus, aut trabeationes superimpositas, vel etiam quæ ad ostiorum latera dimidiatæ, & aliquantulum prominences apponuntur, vel columnis retrorsum adijciuntur ad onus subleuandum, & fastigium fortius sustinendum. De his specialiter monet Vitruu. ubi de columnarum dispositione agit lib. 5. cap. 1. ut hæc habeant post se *Parastades* altas ped. 20. latas pedes duos semis, crassas pedem unum semis, quæ sustinent trabes, in quibus mœchuntur porticum contignationes; supràque eas, aliæ parastata pedum 18. latæ binum, crassæ pedem, excipiunt item trabes sustinentes cantherium & porticum, (quæ sunt submissa infra testudinem) testæ. Cæterum in longè alio diuerso sensu, parastatas accipit idem Vitruu. lib. 10. cap. 15. nimirum pro pro assulis quibusdam arrectarijs in Catapulta, dextrâ ac sinistra collocatis, quibus postea transuersariæ aliæ desuper, & in imo affigebantur, ad dandum machinæ impulsus. Harum officium, & locum in catapulta, explicat Steuuechius ad cap. 22. lib. 4. Vegetij, exhibens etiam oculis Machinam his omnibus instructam, & probè delineatam.

**PARA-VOGEL**, Indorum lingua, dicitur Auis Paradisiaca, quasi Auis Dei, cuius nomen & imago postea affixa est vni ex duodecim Constellationibus nuper sub circulo Antarcticò detectis; alio nomine *Manucodiata*, de qua vide suo loco.

**PARHYPATE**, hoc est iuxta hypate, audit in systemate musico secunda chorda subprincipalis grauissimarum, respondens ad C. Fa. Ut. Quæ de re vide in V. *Mgnochordum*.

PARIES in Opere architectonico principem sibi locum vendicat. 36.  
 Est enim ædificij summa, & sustentaculum, cui tectum innititur,  
 & quo fabrica in altum consurgit, quasi continuata columna, par-  
 tes adinuicemnectens, & identidem ab alijs segregans, atque om-  
 nes in vnum corpus adunans. Quod ideo totus in eo ritè erigendo  
 est Vitruuius; ad eumque ordinantur omnia præcepta, quæ tum ipse,  
 tum reliqui scriptores de re ædificatoria, tradunt. Illud imprimis,  
 quod non tumultuariè & è quacumque materia construendus sit, sed  
 sensim, vt tempore solidetur, & materia eligatur quæ sit operi, quod  
 concipitur, apta, & ad firmiter consistendum idonea. Neque enim  
 (inquit Albertus, lib. 3. cap. 10.) præcipiti festinantia, & tumultua-  
 ria manu, est paries coaceruandus, opera nusquam intermissa; neque per  
 segnitiam desidiosam, quasi inuitus ædifices, capto opere procrastinandum;  
 sed prosequi cum oportet, modo & ratione, in qua sit celeritas coniuncta  
 cum consilij, & diligentia maturitate. Alijs attolli opus vetant periti,  
 nisi pars hæcenus exacta duruerit. Id quod Natura ipsa, & hirundi-  
 num exemplo probat in nidificationibus, per interruptas, & iterum  
 replicatas aggestiones aptæ materiæ, componendis. Tum siue è soli-  
 do lapide construatur, siue ex cæmentis fiat, siue craticius, hoc est  
 ex continuatis laterculis inuicem nexis, siue formaticius, per in-  
 farcationem materiæ, intrâ duas tabulas vel crustas, injecta; sem-  
 per tamen oportet, vt æqualiter, & eadem methodo incedat, susce-  
 ptumque opus eodem ordine, & structuræ ambitu cœquato, & neu-  
 tiquam dispari, prosequaris: ne quid ad dexteram, grandi; ad sini-  
 stram, minuto lapide struas: nam facta postmodum pressione, debi-  
 lior pars cedat inæqualiter, & fatiscat, necesse est. Præterea conside-  
 randæ sunt partes parietis potiores, quæ sunt primò inæ, immediatè  
 fundamentis impositæ, vocaturque Podium, ac fabrorum vocabu-  
 lo, Basamentum: dehinc mediæ, quæ parietem in se componunt, &  
 ordinant, vel cum alijs nectunt, & circumambiunt, diciturque  
 Procinctum: tandem suprema, quæ videlicet vltimum parietis illa-  
 queamentum fuit, & terminat in Coronam. Ex his generale docu-  
 mentum est, vt Podium è solido, prægrandi, & quadrato lapide,  
 fiat, idque crassius quàm reliqua parietis structura, quæ sensim ad  
 verticem extenuetur; Naturam architectricam in arboribus imitan-  
 do; quocirca nullum in eo infarcimentum admittendum est, sed  
 totum integrum, & ex solidis lapidibus firmum: est enim basis ope-  
 ris, & fulcrum, cui tota moles innititur. Secundò fiant in pariete  
 statim in locis, præcinctiones; quæ sint veluti ossamenta, è solidiore  
 lapide, & arrectariæ fibræ ac nerui, quæ partes interiores in vnum,  
 con-

contineant, & crustas exteriores interioribus neſtant. Hæ autem ſatis eſſe dicunt periti, ſi ſingulis quinis pedibus adijcias, & interponas: verùm in angulis, vbi duo parietes in vnum coeunt, maior cura, antiquorum exemplo, adhibenda eſt; vt videlicet craſſiores ſint, & à ſummo ad imum, indefinenter procurrant. Cæterum in reliqua excuſſione parietis, præcinctionibus hæc opus planè non eſt, niſi fortè æquo longior futurus ſit, aut exilior: & tunc ſatis eſt, ſi vbi locus maximè premitur, & incuruari poſſe timetur, adijciantur ad extrâ anterides cum aliqua decliuitate. Sed in ſummis parietibus, & in Corona, longè maior cautio adhibenda eſt, non tam in qualitate materiæ immittendæ, (quæ ſi leuior ſit, melius colligabitur,) quam in ipſa colligatione perficienda; vt circumquaque procurrat, & laterculi ſibi cohæreant, manuque vt ita dicam, alter alterum ſtringat: in hoc enim tota ſtructuræ firmitudo conſiſtit: etenim Corona in ædificijs, eſt perinde, ac annulus ferreus ab antiquis impoſitus in vertice columnarum, (quæ tùm erant lignæ,) ne preſſionibus ſinderentur. His itaque ſic diſpoſitis, & obſeruatis, nulli dubium, quin paries partes ſuas in ædificio optimè impleturus ſit, & vt tandem cum Vitruuio Architecturæ Magiſtro, concludam; lib. 3. cap. 8. *Ita enim non acervatim, ſed ordine ſtructurum opus, poterit eſſe ſine vitio ſempiternum.*

- 37 PARIGIVM inuenio, eſſe in Geographia, ſeu in Nauigatoria, tra-  
ctum quendam maris mediterranei, procellis, & naufragijs ibi fre-  
quenter expertis, infamem; ad quingenta fere milliaria extenſum,  
& in Aegyptum tendentibus, vel inde ſoluentibus, ominoſum. Hu-  
ius rei auctorem habeo Saunutum, qui cauſam perquirens tanti ar-  
cani, ſic loquitur lib. 2. cap. 14. *Propter aquarum diſcuſſus oportet  
iri uſque ad medium parigis, eundo quartam venti deſuper à Syroco:  
Qui quidem tranſitus, Parigium nuncupatus, circà 450. milliaria æſtima-  
tur: licet quidam 500. milliaria tranſitum, ſeu parigium fore aſſerant  
ſupradictum. Et idipſum notarat antea cap. 5. inquiens: Pro tranſeun-  
do parigia dicti maris, quæ periculis numquam carent. Verùm & no-  
men mihi accidit nouum, & loci apud vllum alium Scriptorem,*  
qui de Geographia vniuerſaliter ſcripſerunt, nulla mentio. Sed nec  
ex Hiſtoricis quicquam indicij haurire potui. Quin & Hirtius, qui  
de bello Africano copioſè ſcripſit, atque adeò ſæpiuſculè de Oris il-  
lis, & nauigationum euentibus ſermonem iniicit, ex occasione  
traijciendæ Romanæ Clafſis in Aegyptum; indeque, iteratis com-  
meationibus, iſthæc maria excurrentis, atque in Italiam remeantis; mi-  
rum eſt, quod non aliquid de inſauſto hoc, neceſſariò alioqui per-  
tran-

transiendo tempestatibus subiecto loco dixerit, nec alius, qui de nauigationis ineundæ ratione, commodis, & incommodis locis ex professo tractarunt; præsertim Antonius, seu quis alius, auctor sit libri inscripti *Maritimi*; vbi ex composito de hac re agit, & maria, insulasque interiectas inter Africam & Italiam, ac Siciliam, mensus est, & accurate describit. Quapropter aleam perquirendæ exactius veritatis, curiosis lectoribus, vel Naucleris libenter, remitto; qui fortè experientia edocti, quid Parigium in re sit, quæ ratio nominis inditi ex his tēpestuosis fluctibus, felicius expiscabuntur, adijcientque chartæ nauigatorix, non tam ad cautelam itinerantium; quam ad Geographix illustrationem.

PARMA, & PARMVLA, in re militari audit scutum breue atque 38 rotundum, quo bellatores ad prælium procedentes, corpus protegent, atque ab hostium ictibus se defendunt: quasi *Par*, inquit Varro, quòd à medio in omnes partes par sit. Etenim forma est orbiculari aliquantulum recurua, & ex materia leui, vt simul ictibus resistat, & possit commode agitari; idque siue è corio, siue ex asserulis simul compaginatis. *Fargam* nostrates vocant, quæ non iam in bello, sed in ludicris concertationibus locum habet. Sed ad operis similitudinem in bellicis retinuit nomen & vsum, denotatque leuissimam machinam testoriam è vimine, & crudis corijs compositam, ad modum testudinis, quæ adiectis vestibus, circumferri possit, perinde ac sellæ gestatoria umbellata, qua mediante ac protegente, sub ea milites tutò ad assultum procederent, & cum starent, humi figerent, & sub ea consisterent. Eius vsum maximè commendat Hero Mechanicus in lib. de Machinis obsidionalibus: vbi postquam de Testudinibus egit, sic de eiusmodi Parmulis loquitur. *Melius est testudines etiam Cratibus vimineis contextas, breuiiores iam distis rostratis, & conformes existentes adducere. Eas verò, quæ Parmæ vocantur, lenissimas existentes, & contextu ipsas quoque vinealium vitium, vel nuper casarum virgarum in figura conuersionali quamcelerrimè factas, non est opus ad declines, & præcipites locos asferre; ne fortè ferentibus perniciem inferant, quandoquidem immensis ponderibus resistere nequeant; Ipsi autem potius utendum est, cum in planis enodisque locis, ciuitates sitæ fuerit. Deinde ad earum formam descendens, subdit. Ligna, quæ à militibus feruntur, inferius veluti cuspides habeant, vt terra affixa portantes refocillent. Coria verò carnosæ, crassæ, vel cilicina exterius iuxta faciem suspenduntur. In ipsis autem inæqualibus lignis, coria duplicata superponantur, non extensa ad enodam & æqualem superficiem, sed paululum contracta, in ipsisque lignis inæqualibus depressa, vt in horum tu-*



*miditate incidentes sagitta, debiles in percutiendo, remissaque sint; qui verò introrsum cooperiuntur, à lusione immunes permaneant.* Hucusque Hero, de Parmis: Quatum speciem à militibus circumferri solitam, oculis exhibet; sed longe elegantiorē, atque expressiorē videre est apud Lipsium in Poliorceticis.

39. **PARMVLAE** quoque in Architectura Militari dicuntur stabiles munitunculæ, quæ siue è directo loticæ, extrâ constituuntur, tormētisque armantur, ad extantium hinc inde propugnaculorum custodiam, ac tutelam; siue ante portam, vt aditum hostibus intercludant, sintque veluti prima vtriusque tectoria, & quasi scuta, quæ ab impactis icibus protegant: & vtrōbique constituuntur ad campum hostilē respicientes, vtrâ fossam, vt hæc mediet inter principale munimentum, & ipsas. Ravelinum Nostri, hoc opus appellant. De quo fusius sub hoc nomine.

40. **PARTILIS RADIVS**, seu *Configuratio*, & *Aspectus* dicitur ab Astronomis illa familiaritas, & communicatio, quæ intercedit inter duos, vel plures Planetas, siue coniunctos in eodem gradu ecliptico, aut Circulo Positionis; siue sese ab aliqua distantia intuentes, propriosque radios ad illos immitentes admissum, & exquisitè, hoc est, corpore ad corpus, vel in ea distantia præcisè, quæ satis sit ad radium ipsum ad corpus alterius immitendum, quantum requiritur ad formandum talem aspectum: nimirum quod, habitâ ratione diametri singulorum, sint, vel eorum radius cadat intrâ latitudinem vnus gradus, tam per longum, quam per latum. Si verò præfatam coitionem, aut distantiam non exquisitè tenuerint, sed tamen conueniant intrâ spheram lucis vnus cuiusque, aut radius ab vno proiectus intrâ orbem lucis alterius intret; tunc quidem contrahetur inter illos familiaritas, sed non tam potens & valida, vt coniunctio, & aspectus Partilis, sed vocabitur *Platicus*. At, si neque corpore, neque intrâ Orbem lucis se tangerant; tunc, etiamsi in longitudine sint in eodem gradu, aut seruent eam distantiam, quæ requiritur ad constituendum eum aspectum, siue Platicum, siue Partilem; non tamen dicuntur congregari, aut contrahere vllam familiaritatem, atque adeo exhibit effectui vacuus ille aspectus, qui non dat verè inter illos intercedere vllam familiaritatem, & qualitatum communicationem. Exempli gratia, si Luna, vel Venus reperiatur in primo gradu Arietis cum maxima latitudine boreali, quam quæque possit habere; & Mars in eodem item gradu vsque ad minuta, sed cum maxima quam habere possit latitudine Australi, ita.

ut

ut aggregatum latitudinum vtriusque excedat diametrum sphaeræ  
rui lucis cuiusque; tunc profectò nullo modo censerentur vniti aue  
inuicem irradiati. Porrò vt internoscatur, an sidus aliquod emitat  
radium saltem Platicum, ad alium; oportet considerare quantita-  
tem sphaeræ lucis cuiusque ad quantum se extendat; intrà quam op-  
timè intelligitur projici radium platicum, extrà illam nequaquam.  
Ergo Saturnus habet sphaeram lucis protensam ad gradus decem an-  
te & retro, siue à dextris, & à sinistris, constituto eius corpore in  
centro lucis: Iupiter extendit suam lucem ad grad. 12. hinc iude:  
Mars grad. 7. cum dimidio. Sol maximè omnium dilatat sphaeram  
lucis suæ ad grad. 17. Venus di grad. 8. Mercurius, ad grad. 7. Lu-  
na ad 12. cum dimidio: tanta enim est quantitas Semidiametri  
Orbis lucis ipsorum, ad quam lux singulorum, & actiuitas se ex-  
tendit.

Similiter Fixæ habent suum Orbem lucis determinatum. Si fue- 41  
rint primæ magnitudinis, latum circumquaque grad. 7. cum dimi-  
dio: Si secundæ magnitudinis, grad. 5. min. 30. Si Tertiæ, grad.  
3. min. 40. Si Quartæ, grad. 1. min. 30. Quæ quintæ, & sextæ  
magnitudinis, vti & obicurræ, & nebulosæ; nullam, aut valde  
exilem, & contemnendam, sed solum corpore congrédi, & suas  
quibus prædicitæ sunt, qualitates communicare queunt. Hic autem  
aspectus Platicus considerari potest aut citrò, aut vltrà corpus Plane-  
tæ projectus. Si citrà, dicitur signatè, & proprio nomine *Applicatio*,  
quia tunc Planeta applicat, & se disponit ad habendam cum altero  
veram familiaritatem, & aspectum partilem. Sed si iam fuerit in  
aspectu partili, & suo motu incedens ab eo discedit, & separatur,  
ita tamen, vt adhuc consistat intra fines orbis illius, hæc vocabitur  
*Separatio*, & *Defluxus*; Quod intelligitur in Planeta leui seu velo-  
cioris motus, qui vadit, ad Ponderosorem, vel plures gradus per-  
means separatur ab eo; quæ passio in Luna maximè attenditur. Et  
generaliter quidem semper Applicatio melior est quam Defluxus,  
quia, quò planeta leuior magis accedit ad ponderosorem, eò magis  
participat de eius communicatione, & radio partili ad eum, & sic  
semper magis fortificatur; in Defluxu autem à radio partili magis  
ac magis recedit; sicque virtus, quam ab eo hausit, minuitur, ac tan-  
dem in totum deperditur. Quod tamen procedit in reliquis aspecti-  
bus, & adinuicem in planetis minoribus, secus autem in coniun-  
ctione, & cum vadunt vel recedunt à Sole: nam tunc maior est de-  
fluxus quam applicatio. Ratio, & disparitas est manifestissima;  
nam cum applicant ad solem, semper magis, ac magis minuuntur,  
lumine; cum verò ab eo recedunt, quò magis elongantur, eò lumi-

nibus augentur, saltem quoad nos, ut patet in Luna, quæ validior est, cum vadit ad plenilunium, quam cum ab illo reuertitur ad coniunctionem: Vnde cum sidera in isthac inferiora agant per intensiorem, & extensionem lucis, validius agent cum defluunt à coniunctione cum sole, quam cum ad illum applicant corpore.

- 42 Sed redeundo ad aspectum Partilem, controuersia magna est inter Astronomos, in definiendis radijs intermedijs, itaut ad vnguem respondeant. Nam de Oppositione nullus dubitat, quin accipiendus sit gradus oppositus, cum latitudine item opposita; itaut tunc Luna v. g. dicatur partiliter opposita Veneri; quando, hac existente in primo gradu Libræ cum grad. 5. latitudinis meridianæ, ipsa reperitur in Ariete in eodem gradu, & cum latitud. grad. 5. boreali. At in radijs, ut dixi intermedijs non sic, nam illi aliter projiciuntur, ut patet ex Opticis. Contendit Blanchinus, (quem sequitur Argolus, & communiter Rationales) in ijs attendendam omnino esse latitudinem sideris occurrentis, non quidem in totum, sed ex parte: itaut in aspectibus hexagonis, accipi debeat medietas latitudinis, qua Sidus illud præditum est, & ad eam dirigi significatorem, adhuc ut verè illius Sextilem teneat: in aspectibus verò Trinis accipiendam esse medietatem latitudinis contrariæ; in Quadraturis autem nullam, cum semper hic aspectus incidat in Eclipticam: Ducunt enim Circulum maximum per centrum Planetæ latitudine præditi, ad eius oppositum, inclinatum tamen super Eclipticam; atque ab hoc circulo sumunt proportionalitatem, & æquationem omnium aspectuum intermediorum: id quod, dato schemate, euincere se credit Argolus, in Astronomicis lib. 3. cap. 16. Sed fallitur bonus vir, eiusque speculationis author Blanchinus. Neque enim id præterisset Ptolemæus de ijs agens lib. 1. cap. ult. si huiusmodi radios per gyrum in Circulo circa corpus Planetæ illos immittentis projici cognouisset. Atqui scitius omnino est hic circulus circa centrū sideris extensus. Nam corpus sideris est potius centrum radiorum ab ipso effluentium per circuitum, & in latum quousque extenditur eius Sphæra lucis, itaut concipiantur circa illud maiores, & maiores circuli ducti, prout partes per quas transeunt radij, magis ac magis elongantur ab ipso sidere; vnde, cum sidus est latitudine præditum, attendenda potius est proportio geometrica, ac differentia, quæ prouenit à circulis minoribus, quorum centrum remouetur à circulo maiori, in quo sumuntur radij; quò enim magis centrum minoris circuli elongatur à maiore, eò maior accidit differentia distantie in loco scitionis, hoc est, minor semper pars accipitur de circulo maiore. Quamobrem falsum est, quod assumit Blanchinus, in Quadratis nullam ser-

seruandam esse latitudinem; benè verò in Trino, ac Sextili: Quod ideò benè Regiomontanus vult, hanc vnica proportionem variationis aspectus ob latitudinem Sideris seruandam esse, & non aliam: Verùm, quia hæc modica variatio est, & serè insensibilis, omnino negligi potest, vt defacto Ptolemæus neglexit.

Quoniam autem duplex est genus familiaritatum, quas inter se contrahere possunt Sidera, iuxta duplicem lationem, vt sæpius dictum est, & in Zodiaco, & in Mundo; ita etiam à duplici ratione distantie elici potest spatium distantie vnus ab alio, ad hoc vt aspectus formetur, & partilis euadat. Et in Zodiaco quidem, semper constans est, & definitur in determinata distantia: vtputa Sextilis, in distantia 60. graduum; Quintilis in 72. Quadratus in 90. Trinus in 120. Sexquiquadratus in 135. Biquintilis in 140. prout videre est in Schemate, quod exhibuimus in V. Decubitus. At in Mundo, cum ratione maioris vel minoris obliquitatis Horizontis, minores & minores partes intercipientur inter vnã, & aliam domorum, cuspidem, à quibus projicitur radius, debet id accipi in partibus proportionalibus: itaut quæ sidera reperiuntur in eadem cuspe, alicuius domus, dicantur, & verè sint simul coniuncta, & habeant effectum realis conjunctionis, etiamsi per longum & latum à Zodiaco valde distiterint. Similiter in aspectibus, si duo sidera ita sint in Mundo disposita, vt alter sit in cuspe Orientis, alter in cuspe Vndecimæ, aut Tertie; verè se respiciant de Sextili: quæ in Quarta, & Decima, semper respiciant de quadrato id, quod est in angulo Orientis, & Occidentis; &c. id quod computatur in partibus proportionalibus arcus Diurni, aut Nocturni, tametsi arcus, semidiurnus, aut seminocturnus comprehendat aliquando duo tantum signa vel quatuor Zodiaci, & e contra: vti aliquando deprehendimus in Sphæra obliqua ad eleuat. Poli 60. grad. Solem in quadrato Cosmico Mercurij, hoc est, illum in X. hunc in Ascendente; cum tamen in Zodiaco Mercurius nunquam elongetur à Sole plusquam 28. gradibus, atque adeo nullum cum eo aspectum habere possit: quod tamen nunquam accidit in Sphæra recta, vbi æqualiter Aequator & Zodiacus, omnesque paralleli, semper in duas partes ab Horizonte secantur, quarum altera sub eo latet, & in sex æquas partes tributa, domos subterraneas occupant atque distinguunt; altera suprà erigitur, & per singulos triginta gradus definit terminos cuiusque domus supra terrani, è quibus projiciuntur eadem habitudines, & radij ad Horoscopum; prout cuique in Sphæra materiali, ad quemcunque positum, liberum est inspectare.

- 44 PARTITIONES in Architectura tam civili, quam militari, simpliciter appellantur ratæ partium distributiones, vt singulæ suum locum teneant, alijsque in æqua ratione respondeant, non tam ad ordinem & symmetriam, quàm ad decorem ac venustatem. Siquidem, vt benè aduertit Albertus lib. 1. cap. 9. *Tota vis ingenij, omnisque rerum edificandarum ars, & peritia, vna in Partitione consumitur. Integri enim edificijs partes, & partium integritas, vt ita loquar, habitudines, omnium denique linearum, & angulorum consensum, & cohesionem in vnum opus, vna hac partitio, utilitatis, dignitatis, amantissimæ habita ratione committitur.* Itaque maturo examine primò discutendum, an & vbi potissimum locus habitationi, aut qualitati operis, quod in eo construendum est, sit idoneus: quæ cæli facies, quibus ventis expositus, &c. ne id molestiæ incolentibus accidat, quod ciuibus Mitilencis inconsideratè positæ vrbs, accidisse narrat Vitruu. lib. 1. cap. 6. *In Insula Lesbo, inquit, Oppidum Mitilene magnificenter est edificatum, & eleganter, sed positum non prudenter. In qua Ciuitas, Auster cum flat, homines egrotant: cum Corus, iussit, cum Septentrio, restituntur in salubritatem. Sed in angiporis, & plateis non possunt consistere propter vehementiam frigoris.* Tum nedum totum corpus ædificij, sed & singulæ partes illius aptè suis in locis & pro dignitate & officio, sunt disponendæ: nam sicut in animante membra ita ordinauit natura, vt alterum alteri cohereret, pro dignitate succederet, & pro munere substerneretur, ac deseruiret, nobilitiora in propatulo essent, & eleganter locata, viliora & turpia absconderentur; sic in ædificijs, Architectonica Naturæ discipula, & imitatrix, hunc ordinem, hanc partium ratam distributionem seruare debet, vt cuique membro congruus situs detur, forma, & amplitudo, quam rei, ad quam destinatum est, necessitas petit. *Non enim (vt optimè notat Albertus) quæ honestissima adis pars futura est, reiecto in loco, non quæ maximè publica in abditis; non item quæ priuata in propatulo collocabitur.* Itaque omnia ad æquam Eurithmiæ lancem expendenda, & partienda sunt, vt simul habeant commodum, iustam mensuram; & venustatem; nil dissonans, nihil contortum, aut obscurum, nil mutilum, nihil etiam superabundans, ac otiosum; sed omnia sibi respondeant pro ædificij humilitate, vel maiestate. Quo in genere singulare est, & admiratione dignum Palatium Farnesianum, Caprarolæ, non longe ab Vrbe Roma extructum, & egregiè compartitum ab sapientissimo Architecto Barozzio, dicto de Vignola; cuius forma exterior Pentagona est, interior circularis; amplissimum habens caudium, porticibus circumquaque cohonestatum. Sed in eo id mirabile est, quod, stante tali forma, quæ ægrè
- inte-

interiora cum exterioribus nescit; nihil tamen contortum, nihil vanum & otiosum, nil inutile, aut superfluum reperiatur, adeo pensata fuit à prouido Architecto membrorum coherencia, & partitio, Quin & atria, itiones, scalæ, recessus, aula, cubicula, omnia in quadrum posita, & ad angulos rectos, pro cuiusque ratione, ampla, magnifica, suis itionibus peruia, ac probe sibi respondentibus apertionibus, illustrata. Ad hæc, viliores, sed tamen necessariè officinæ, & sordida loca, in absconsu reiecta, vt ijs planè carere quis credat nobile ædificium, ni data opera perquirat, & verè extare, suis oculis probet. Huius porro tam mirabilis architectationis fama, quæ omnem fidem superabat, de longè arcessit, nedum magnos viros, & Principes ad visendum, sed & primarios totà Europæ Architectos, non tam ad contemplandum & sumenda arcaniora artis lineamenta, quàm ad carpendum, si quid reprehensione dignum agnoscerent: in quibus, clarissimum virum, Danielem Barbarum, genere, insula, & eruditione, præsertim Architecturæ laude, notissimum, vt testantur eius præclara commentaria in Vitruuium. Hic inquam, acris iudicij vir, cum Caprarolam se contulisset, eo fine, vt aliquid contrà archilecturæ leges factum notaret (neque enim credebat posse carere vitio, & aliqua inanitate, quod disparibus lineamentis omnia in quadrum, ac benè disposita referebat) lustrata quaquaversum, sùs deque attentius æde, dimensis partitionibus, perpenso membrorum omnium ordine, & coherencia: tandem admirandum exclamasse testatur Egnatius Dantes in præfatione ad Vignolæ opera; *Non minuit, imò magnopere auxit præsentia famam.* Adeo benè vsus est ingeniosus artifex suo iudicio; & præceptis Architecturæ, adiectionibus, ac detractionibus in parietibus factis, omnia complens, omnia æquans, & situum membrorumque disparitatem aptis partitibus abiccondens simul, & supplens. Quare, ne in longum sermonem protraham, neuè iustam scriptionis mensuram, non æqua dictorum partitione, transiliam; concludo, ac partitionibus clauum figo; cum memorabili illa Philandri sententia, qua Architectum monet, maximopere aduertendum, quibus rationibus ad loci naturam, aut magnitudinem, opus debeat temperari. *Ibi erit ingenio opus, & acumine, vt de symmetris adiectiones, aut detractiones fiant: ingenio, vt inueniat; vsu, vt cognoscat; iudicio, vt seligat; consilio, vt componat; arte vt perficiat quod constituerit.* In re autem adificatoria **LAVS EST OMNIUM PRIMA, IUDICARE QUID DECEAT.**

PASSER in Astronomicis audit Sidus nouum, ad Circulum Antarcticum



chium vnum ex duodecim, non ita pridem detectis, & obseruatis, aliàs *Piscis volans*; referens imaginem piscis amphibij, nantis simul in aqua, & volantis in aëre, illis regionibus frequentissimi. Habet in complexu stellas quinque infimæ notæ.

Inde arripit occasionem Petrus Io: Faber, suo more, in Panchymico de ijs pronunciandi, quod corrigunt valdè, ac temperant naturam Saturni, Polo Australi dominantis; Vnde incolæ harum regionum rerum venerarum amantes esse perhibentur: & terra eorum satis fertilis, etsi frigore denso detineatur, per sex aut septem menses, & nocte opaca per sex menses obumbretur. Nihilominus tamen dum dies est, Solque lucet per sex etiam menses, germinat terra, & pullulat hoc in tempore, quidquid homini competit, & ad vitam illius est necessarium. At quis, quæso inde redux aniles has fabulas Fabro detulit? aut quos sensatos scriptores hæc referentes, quorum autoritate ipse nixus, tam infracto animo loquutus sit, planè non habeo. Sed tamen Ptolemæus, Tycho, Bayerus, aut aliusquis oculatus testis hæc mihi diceret, aio, non credam. Repugnat enim sanus discursus, & natura soli sub cælo inertissimo constituti: neque enim quid mollius & efficacius his stellis assignendū est, quàm quod in terris Polo Arctico subiectis, stellæ longe clariiores & benignioris naturæ, in eo fixæ non influunt; vbi sanè omnia rigent, nec vllum germen exurgit. Sed quam supinè & oscitanter discurrat Faber, vel inde colliges, quod paucis verbis plures concludit ineptias & absurda, ipsis etiam Astronomiæ, atque Geographiæ nouitijs intoleranda. Ait quippe, terram illam per sex menses denso detineri frigore, nocte opaca obtenebrari. Atqui id falsissimum est, cum frigus inibi perpetuum sit; & nox obscura, non admodum longa est, quæ non crepusculis diutiùs illustretur. Nam etsi demus nō in Circulo Antarcticō esse, sed in ipsam Polū recidere fidus hoc, adhuc nox obscura non esset, cum Sol semicirculum borealem permeans, etsi per sex menses videri se non permitteret, ob maximam tantæ eclipticæ obliquitatem ad horizontem impertiretur ferè semper claram lucem crepusculinam, & vix vno mense extrâ amplitudinem crepusculorū, quæ ad duodeviginti gradus Aequatoris extenditur, semper tamen circulariter circa illam, à Primo mobili versatus abiret. Id quod manibus tangere, & oculis haurire in globo cælesti, cuiquæ expertissimum est, fidere hoc tantum, aut etiam, Polo Antarcticō in vertice constituto. Sed hæc & similia: persequi vanum est, cum Sole clariora sint, & in ijs refutandis diutiùs sistere, foret nimis ab orbita deuiare.

basis in plano posita, quam pede terimus, & calcamus: à pauiendo dictum, seu à percutiundo; quòd quando sternitur, & complanatur, repetitis ictibus tunditur, vt solidetur: vnde & ipsum instrumentum tundens, Paucula nuncupatur. Dicitur autem reuera non tantum de ipsius domus ima planitie, sed etiam de quocumque alio plano suprà contignationes siue intermedias, siue supremas de quacumque materia strato; itaut ipsum tectum si in planum abeat, vt liberè obambulari quear, pauimenti nomine comprehendatur: quod Græci Hypæthras, Nostri Solaria, ac subdiales ambulationes appellant. De eius rara constructione, quam ruderationem nominat Vitruu. fusè agit lib. 7. toto cap. primo; vbi de diuersa locorum conditione & ædium tam sublimium, quam humilium qualitate, diuersas tradit pauimenta ruderandi rationes. Nihilominus, quatenus ruderatio est, ex rudo vt plurimum fit, nempe ex ruderibus, aut testarum fragmentis contusis, aut lapillis calce diù macerata, admixtis, in planum expansis, ac demùm crebris tunctionibus solidata. Id quod paucis expressit, cum dixit: *Inducatur cum statumine rudus.* & infrà: *Rudus, si nouum erit, ad tres partes vna calceis miscetur, si vetustum fuerit, quinque ad duum mixtionis habeant responsum;* deinde rudus inducatur, & velisibus ligneis, decurijs indutis, crebriter pinfatione solidetur. Sed breuiùs & enucleatiùs Varro de Re Rust. cap. 18. *De testa*, inquit, *arida Pauimentum struito: vbi structum est, panito: siccatoque, oleo perungito; & pauimentum bonum fiet.* Cæterum in nobilioribus ædificijs, ac præsertim suprà contignationes, si sub tecto sint, pauimenta leniùs sternuntur, & aut scætilibus marmoreis tessæ in ordinem dispositis, & complanatis; aut coætilibus lateribus simili modo supra rudum dispositis, & inclinatis tantùm, in opus intrantibus perficiuntur. Si uerò in vdo, aut sub dio sint, tunc & nucleus, & superior crusta robustior debet induci, & crebra pinfatione solidari, ne vllam rimam admittat, sed in vnum continuum abeat, adeoque humiditatibus, & pruinis resistat, & cadentes imbres mox repellat, & reijciat in canales; ad quam rem benè cùm quadam, sed modica decliuitate, subdialia pauimenta sternuntur. Sed consultum est in hisce locis, vbi frigus intolerandum est, ne celi inclementia stratum corrumpat, ea plumbeis laminis operire. Quæ omnia præcepta ex Vitruu. Palladio, Philandro, & Alberto desumpta sunt. De Lithostrotis & Asarotis alibi dictum est.

PAVO sidus, sic dictum tradit Faber in Panchym. cap. 7. quod ei adpicta imago referat pulcherrimam auem ab indigenis *Tassatim* nuncupatam, nostro Pauoni, colorum varietate, ac speciositate persimilem.

milem. Inde ad eius naturam, & qualitates examinandas descendens, sic discurret. *Ex hac Constellatione Australes partes (qua adhuc nobis incognitæ sunt, nec adhuc à nostris perlustratæ, nisi littora earum partium, ex quibus colligimus, & ex cælo quod nobis perfectè cognitum est, ea quæ iam diximus) suscipiunt virtutes, & proprietates Marti, & Saturno correspondentes. Unde incolæ harum partium sunt cholericæ, & bellicosi admodum, feroces, & agrestes; nihilominus satis prudentes, & acuto ingenio, quod sint laboriosi; & quod subtili & acuta mente percipere non possunt, labore summo obtinent. Inimicitias exercent crudeles, nec unquam possunt inter se reconciliari. Non vinum, non frumentum hisce in regionibus crescit: at habent radices bulbosas, quibus vescuntur: sanguinemque potant recentem ex animalibus brutis recenter occisis. Fructus habent, & pisces, quibus communitè vescuntur, & aliquando carne humana, ex inimicis occisis desumpta. Hæc naturalis crudelitas ex Saturno, & Marte Cælesti descendit in hos incultos homines, qui brutorum more viuunt, & in quemcumque animi affectum facili negotio feruntur. Hæc Faber de Regionibus, sibi, ut fatetur, ignotis, ac de hominibus, (si qui forte in ijs sunt,) toto Cælo à nobis, Oceanoque auulsis. Quid rogo, fidentiùs, quid asseuerantiùs dici poterat ab homine, qui in ijs natus, educatus, totam vitam transegißet, atque ex iugi stellarum istarum obseruatione, illarum robur, & influentiàs, tum incolarum mores, solique infelicitatem, longa experientia tenuisset? At à Mercatoribus ea littora percurrentibus didicit, at à cæli constitutione sibi probè cognita, id deduxit. Næ tu tibi, lectoribusque, imponis, intelligendo (ut ait Terentius) quod nihil intelligas. An non, nimium vanis Nautarum rumoribus præstas fidem, qui cum reuinci nequeant, solent, de externis sibi per somnium visis, mira exaggerare? Sed accedit subtilis tuæ mentis argutatio è cælorum constitutione deducta. Quasi modò ex simplici discursu non sæpè fallantur sapientissimi Astronomi & Philosophi, ex astris terræ sterilitatem vel fertilitatem, æris serenitatem, vel inclementiam prædicentes. Nonne enormiter lapsi sunt Antiqui, seriò affirmantes sub zona torrida, ob nimium æstus, terram esse inhabitabilè; quando experientia compertum est, ibi, maxime sub æquatore, esse temperatissimum clima? Verùm is est Faber, qui passim de suo cerebro sapit, & quæ somniatur, velut Apollo, edicit è tripode.*

47

PAVONACEA TECTA bellè agnominantur à Plinio lib. 36. cap. 22. quæ apud Belgas fieri consueuerant è scælli lapide, ad tegularum, & imbricum vicem supplendam, è cuius exscællaminis artificiose dispositis, & connexis, rectum operiebatur, quod varijs coloribus,

ribus, veluti picturatam caudam Pauonis præferebat. Sed longè aptius, tali nomine honestari possunt nostri temporis testæ, quæ iam non è scætili lapide, sed è coctilibus tegulis versicoloribus, ac vitro illitis, splendore, & colorum varietate, pauonis pennas perfectissimè imitantur. His præsertim utimur in sacrarum ædium tholis tegendis, quæ ijs de longè conspicuis, & erectis, venustatem simul afferunt, & firmitudinem: neque enim vt aliæ tegulæ, solis ardore soluuntur, neque humores admittunt, aut gelu pruinae iniurijs sunt obnoxia. Quapropter optimum consilium est, eas vniuersim imbrium loco, etiam priuatorum testis inducere, vt iam locum habent in pauimentis; quandoquidem optimum operimentum sunt ad æternitatem durans; & cum tanta speciositate, magnum impensarum compendium.

PE

PEDATVRA militare vocabulum est, & mensuræ genus, continens centum pedes geometricos, in designatione & constitutione, Castrorum, singulis militum Centurijs ad stationem tributos. Vnde Vegetius lib. 3. cap. 8. vbi de ordinatione Castrorum, atque Podismo agit, *Singule*, ait, *Centuriæ, diuidentibus Campi doctioribus, & principijs accipiunt pedaturas; & scutis, ac sarcinis suis in orbem circa propria signa dispositis, cincti gladio fossam aperiant. Cassiodorus quoque in negotio celeris extruccionis mœnium Tridentinæ Urbis à Theodorico Rege præceptæ, huius mensuræ meminit lib. 5. Varior. cap. 9. atque, vt id per ordinem ac sine tumultu quietè fiat, edicit, Vt Omnes regionis Tridentina habitatores ad extruendam Ciuitatem, acceptis à Theodorico Rege mercibus competentibus, pedaturas murorum subire in commune cogantur. Porro pes geometricus (vt id hic occasionaliter dicam, neue in distinctum paragraphum reijcere opus habeam) quatuor palmis constat, hoc est, sexdecim digitis, iuxta antiquorum Græcorum, & Romanorum morem, vti obseruat Philander ad cap. 3. lib. 3. Vitruuij, & colligit ex peruetusto marmore, quod Romæ sub quibusdam ruinis inuentum est, vbi scalpæ erat mensura pedis Romani, concordans cum alijs antiquorum monumentis, cuius etiam medietatem exhibet in digitos dispartitam. Verum quidem est, quod postea pedem pro assè sumentes, diuiserunt in duodecim æquas partes, quas vocarunt uncias, ex quo distributiones partium factæ sunt, in sextantem, quadrantem, trientem &c. vt nos alibi disseruimus. In cuius comparatione inuentus est pes noster aliquantò minor antiquo, & semiuncia ab illo deficere. Cæterùm hæc est communis mensura, qua Gromatici & Architecti, camporum situs, & ædificiorum areas metiuntur. De qua re multi, tum*

ex antiquis, tum è recentioribus scripsere: in quibus exactiores sunt Georg. Agricola, & Ciacconus in lib. de Axe.

51



**PEDITES** in re militari appellantur bellatorum ordines suis pedibus incedentium; ad differentiam equitatus, in quo milites equis insidentes incedunt, & præliantur. De quibus passim Scriptores Militares. Qui verò magis præualeant in Militia, & cùm bellum, adornatur, ex quibus præstet exercitum comparari, non est nostrum decidere. Certè pro diuersarum Nationum more, & pugnantium genio, res definienda est. Galli, Poloni, Moschi, in equitatu præualent, & in eo robur exercitus situm est: econtrà Hispani, & Asiatici, in Peditatu; vti & Turcæ, quos Ianizaros nominant. Itali, & Belgæ in utroque valentes: sed in aperto Marte vterque requiritur, & alter sine alterius adiumento languet, quoniam equitatus medios pedites, quasi sub alis tuetur, & sonet; & hi equitatu viam parant, & expeditores sunt ad hostem aggrediendum.

52

**PEGASVS** *Equus Magnus alatus*, arabicè *Alpheratz*. Sidus in Cælo ad borealem plagam, constans stellis 20. secundum Ptolemæum; at Keplero & Bayero 23. vltra eam quæ figurat vmbilico, sed verius spectat ad Andromedam, estque diuersæ omnino naturæ ab ijs quæ alligantur Asterismo Pegasi. Ergò ista, quæ in capite Andromedæ, est de natura Venetis secundæ magnitudinis, illæ omnes de natura Martis, cum participatione Mercurij: inter quas tres secundæ magnitudinis, vna in eductione cruris dicta *Scheat Alpheratz*, altera in armo dicta *Marchab*. tertiâ lucidior in extrema ala. Tres item tertiæ magnitudinis, quarum præcipua, & maximè considerabilis est, quæ in ictu, *Museida equi* communiter appellata, arab. *Enif Alpheratz*. Quartæ magnitudinis sex, præter alias quinque, citra eum, relictas à Ptolemæo informes, (quas Recentiores Astronomi adunauerunt in Tigrim fluuium.) tres quintæ, reliquæ septem sunt sexti honoris; vnde colligitur hoc astum esse magnæ virtutis, & efficaciæ. Computatur inter signa mutilata, ad quem finem præsentatur carens posterioribus partibus, terminansque ad vmbilicum. Mitto quæ de eo in horoscopo reperto edicunt Firmicus, & Pontanus. Solum aduerto, has stellas præ cæteris, in suo genere, esse valdè rutilas, & splendentes, ac præditas qualitatibus vrentibus, siccis, & constipantibus: vnde aiunt, in terris quibus dominantur, paucos fructus educi, bene in fodinis copiam lapidum pretiosorum, ferri, aluminis & vitrioli; homines verò enasci macilentos, biliosos, agrestes, & ad rixas bellumque pronos. Sed & circâ mutationem

rationes aeris, obseruatum est (vt refert Argolus,) quod Sol cum Muscida equi exoriens, aut cum humero, facit aerem frigidum nimis, & quandoque dat niues, & gelu fontes conrescunt. Oriuntur autem Romæ, mense Ianuario, cum grad. 21. & 23, Capricorni, circa Idus.

PEGMA. Vide Parapegma.

PELECION in Gnomonicis est species horologij Solaris, cuius mentionem facit Vitruuius lib. 9. cap. 9. habens formam securis, vnde & nomen hausit, cum sit ad modum trianguli, dicti propterea Pelcoidis, ex tribus curuis lateribus efformati, quorum duo exterius concaua sunt, & terminant in acutum angulum; tertium conuexum exterius, & interius concauum; vt videre est in adiecta figura. Porro eiusmodi formam, refert memoratum à Vitruuio Sciotherium. *Quale dixerim* (infert Barbarus) *quod hyperbolas habet à circulis parallelis in plano Finitoris, aut verticalis, descriptas.* Verum in hoc reprehenditur à Baldo, quod malè dixit, describi eos in circulo Finitoris, aut verticali, cum in plano, quod per centrum non transit, sectiones illas fieri necesse est. *Sunt igitur (ait ipse) duo plana, tum horizontalis horologij, tum verticalis, æquidistantia quidem horizontis, & verticalis planis, sed non eadem cum illis.* Sed enim critica nimis, & ventosa est eiusmodi animaduersio. Etenim, cum hæc parallelorum descriptio in plano, fiat per vmbras hyperbolicè cadentes, quæ proinde, pro varia solis altitudine, proijciuntur in arcum tensum ad modum securis, in capite extenuatæ in extremo dispensæ; parum interest, si in planum horizontale vel verticale cadant, aut in alia diuersa plana illis æquidistantia, modò aggregatum ex illis, vtrumque eandem figuram referant, hoc est, securis erectæ, vt exinde *Pelcynena*, græca notione vocentur.



PELTAE in re militari appellantur scuta quædam leuissima, concaua, & contorta in speciem falcatae Lunæ; & ex ijs *Pelastes* dicti sunt certi militum ordines, seu pedites, qui breuibus gladijs armati, pelcificque coniecti, animosè ad prælium procedebant: quandoquidem in his hostium ictus cadentes in lubrico, eluduntur potius, quam



quam excipiuntur. Porro hos peltatorum ordines primus inuenit, & in miliciam inuexit Iphicrates Atheniensium Dux; qui, ut refert Cornelius Nepos, *pedestria arma mutauit. Cum enim ante illum, Imperatorem, pedites maximis scutis breuibusque hastis, ac minutis gladijs uterentur; ille econtrà Peltam pro Parma fecit; à quo postea Peltasta pedites appellati, ut ad motus, concursusque essent leuiore.* Peltatos nominant Liuius, & Lactantius: quorum meminit quoque D. Hieronymus in Commentar. ad libros Regum.

55

PENINSULA quasi *Penè Insula*, dicta est apud Cosmographos pars Continentis, seu totus quidam terræ tractus in mare proiectus, ita tamen, ut breui & angusto tramite, terræ firmæ, & reliquæ conti-nenti iungatur. Talis est suo nomine celebris Peloponnesus in Græcia, hodie Morea, cuius isthmum perfodere, detruncare, & eam in Insulam redigere circumcircuit nauigabilem, inuicem conati sunt multi Asiatici Reges, & Romani Cæsares, ut in loco tradidimus. Peninsula quoque dici potest tota Africa, hoc est, tertia Nundi veteris pars, in Medio Oceano constituta, & vndique aquis, non sine summa Numinis prouidentia clausa; à Meridie Mari Indico, ab ortu sinu Arabico; ab occasu, Aethyopico; & à Septentrione, nostro Mediterraneo: itaut paruus limes sexaginta leucarum ab ortu relictus sit, qui eam non tam Afrix iungit, quam dispescit. Sed Peninsulæ nomen antonomastice stetit Auræ Chersoneso, quæ sui non tam vastitate, quam felicitate Climatis, toto orbe celebris, illud etiam cæteris impertiuic.

56

PENVLA, quid sibi velit Vitruuio in genere architectonico, ignoramus. Etenim lib. 10. cap. 12. describens Ctesibiam Machinam, inter alia, hæc habet. *Suprà catinum Penula, ut infundibulum uersum est attemperata, quæ etiam per fibulam cum cuneo traiecto continetur, & coagmentatur, ne vis inflationis aquæ eam cogat eleuare.* Silent Commentatores: solum Baldus in Lexico Vitruuiano vocabulorum explicationes sibi in prouinciam assumens, ita rem interpretatur. *Pars est Ctesibiæ Machinæ, quæ suprà catinum, ut infundibulum inuersum est, attemperata; quoque etiam per fibulam cum cuneo traiecto continetur, & coagmentatur, ne vis inflationis, aquæ eam cogat eleuare.* At superuacaneè repetit, quæ iam habeo in textu, nihil de suo addens, ut intelligam quid nomen indicet, quis rei usus, quæ forma, qua ratione ei id nominis adaptetur. Scio equidem apud Nonnium, Penulam propriè denotare rude, crassum, & villosum superindumentum, quo, pluuio tempore, in itineribus utimur ad totius corporis,

poris, & reliquorum vestimentorum custodiam, ab ingruentibus im-  
bribus. At quam similitudinem, quam analogiam hæc habeat cum  
Vitruuij penula, planè non video. Sed, si in obscuris diuinare, &  
Verbum contorquere licet, ita dictum crediderim, vt sicut penula  
suprauestis pluuias arcet & vetat, ne in interiora, stillicidia pene-  
trent; sic pars ista, in hydraulico organo, aquam comprimit, ne  
extrà vas effundatur. Dij faxint, nè ineptum quid effuderim.

PENVMBRA dicta, quasi *penè umbra*, Astronomis est pallor 57  
ille, & lumen subobscurum, ac tenebricosum, quod de noctu con-  
spicitur circà tellurem in aëre ambiente, vel in disco Lunari cum-  
patitur Eclipsim, & in umbram terræ mergitur, atque obscuratur.  
Etenim in ipso actuali deliquio, & priuatione luminis, videntur in  
eo diuersæ phasæ, & colores, è quibus Astrologi qualitates Eclipsium  
deducunt, & varios effectus prognosticantur: tum etiam, antequam  
Luna verè in umbram terræ mergatur, & immediatè postquam ex  
illa emerferit, incipit pati deliquium, & quendam quasi nigrorem  
in extremis partibus, quæ non mera umbra, sed penumbra offician-  
tur, quam iure cum Ptolemæo dixeris *μῆρ' ὀκτώδιν',* vel *ἡμιφῶτον*.  
hoc est, mixtum quid ex luce, & tenebris. Igitur Penumbra in hoc  
differt à mera Umbra, quod hæc est totalis priuatio luminis tam-  
primarij, quam secundarij, reflexi, refracti aut retusi; Penumbra  
autem est priuatio tum partialis luminis primarij, tum luminis to-  
tius directi, aut irrefusi, scè irremissi, cum aliqua participatione lumi-  
nis primarij, aut saltem luminis refracti, ideoque retusi, ac remissi.  
Quocircà in Eclipsibus potissimùm Luminarium locum habet, &  
circa tellurem in Atmosphæra, vbi Solis radij transeuntes per vapo-  
res crassos è terra eductos, refringuntur, debilitantur & obtundun-  
tur, pro maiore vel minore illorum densitate, & crassitie, vnde insur-  
git Penumbra illa, & obfuscatio lucis. In Luna verò generatur ab  
umbra terreni globi ad eius discum directè immissa, & à Solis ra-  
dijs ambientibus, & retusis: quò fit, vt appareat in disco color ille  
ferrugineus, nunc nigricans, nunc liuens, nunc rubeus, & igneus  
velut pruna, quem Luna circa umbræ terreni orbis oras versata exhi-  
bet, qui nihil aliud est, quam lux Solis diuersimodè participata, cum  
admixtione veræ umbræ, in ipsam illapsa, atque ad nos remissa: &  
ideò, vt notat acutè Keplerus in *Epitome Astronomia*, licet quando-  
que Luna tota sit in umbram immersa, adhuc tamen spectabilis sit,  
& non videtur mersa; quia substantia illa lucida circa solem inflam-  
mata, irradiat, & contingit extremos terminos umbræ. Et ideò  
nil mirum, si tot colores variet, tot phasæ ostendet Luna in suo deli-  
quio

quo, pro diuersa incidentia in meram vmbra, & penumbram, eius lumen diuersimodè hebetatur: nam semper particulam aliquam luminis, seu primarij, seu secundariò transfusi, in se retinet, quæ seu vera vmbra offusa, seu ex eius vicinitate retusa, modo liuens, & furua; modò rubens, & micans; modo pallens, & quasi languescens, remittitur.

58

PEREGRINVS dicitur ab Astronomis Planeta, qui repertus sit in loco, vbi nullam obtinet dignitatem, ex quinque essentialibus, nempe Domicilio, Exaltatione, Trigono, Terminis, & Persona: vt si Sol in Virgine; Luna in Geminis, Saturnus in Leone, &c. Quod si fiat aliqua permutatio, & mutua receptio vnus Planetæ cum alio in Domicilijs, aut Exaltationibus, itaut vnus sit in loco, cui dominatur, aut exaltationem habet; alter, qui in eius domicilio, aut exaltatione reperiatur; tunc perinde est, ac si ampliùs peregrini non sint, sed reputentur tanquam in proprijs dignitatibus existentes, proindeque viribus accrescunt, & inuicem confortantur. Talis esset Sol in Virgine, existente Mercurio in Leone; aut Iupiter in Libra, Saturnus in Cancro, aut Piscibus. De Planetis peregrinis dicunt Astrologi, quod si in Horoscopo fuerint, & aliquo benigno Solis, vel Lunæ, aut Veneris radio fuerint irradiati, maiorem fortunam extrà Patriam important, quam in Patria; secus si à Malignis quoquo pacto infestentur. Quod quidem gratis dicitur, & nulla ratione, nulla experientiâ sæpiùs animaduersà fulcitur.

59

PERGULA, inquit Budæus in Pandeët. est pars domus ex porrecta & propendens, eius generis, quas Salientes, Artifices nostri appellant. Exedram angustam vocat Vlpian. in l. Hæres §. 2. de Iudic. in superficie aliqua adium, vt Glossa applicat. Tertullianus quoque aduers. Valen. non aliter sentit, dum dicit: *Cenacula in adicularum forma disposita, alijs atque alijs pergulis superstructis*. Ex quibus testimonijs colligo, eas non multum differre à Menianis, nisi quod ornatiores erant, non tam ad prospectum, quàm ad augendum decorem, & venustatem Magnatum ædibus apposita, illæ despectiores, sine vllò architecturæ ordine adiectæ, sed extensæ suprâ publicam viam, ad supplendas vtrunque arctæ domus angustias, quæ potissimum deserviebant artificibus domum inhabitantibus, ad exponendas populo venales merces; vnde legimus apud Plinium lib. 35. cap. 10. de Apelle, quod *perfecta opera proponebat in pergula, transeuntibus*; & in l. ult. Cod. de excus. artific. priuilegium factum pictoribus, vt pergulas, & officinas in locis publicis, sine pensiona obtineant: quod  
ideò

ideo vtplurimum erant apertæ, & subdiuales, contrâ quàm mēiana desuper tecta. & circa clatris, cancellisque conclusa. Hinc factum est, vt hæ postea ad vmbra captandam, vitibus aliarumque inhaerentium arbuscularum ramis contegerentur, atque exornarentur; ex quo iam Pergulæ nomen communi acceptione huiusmodi viridantium foliorum tectorijs datum est: ad quam rem de Liuiæ porticu dixit Plinius lib. 14. cap. 1. *vna vitis Roma subdiales inambulationes vmbrosis pergulis opascit.*

PERIACTI, authore Polluce in Onomast. græcè dicuntur Versaræ procurrentes in Scenis, quas ita describit Vitruu. lib. 5. cap. 7. *Secundum ea spatia ad ornatus comparata, quæ loca Græci Περιακτους dicunt ab eo quod machina suis in locis versatiles trigonos habentes in singula tres sint species orationis; quæ cum aut fabularum mutationes sunt futurae, seu Deorum aduentus cum tonitruis repentinis versentur, mutantque speciem orationis in frontes.* Hoc probè intelligunt qui eiusmodi scenis præfunt, aut sæpè intersunt. Siquidem quando mutandæ sunt scenæ, atque in momento alia representanda est Theatri facies, id illic & in ictu oculi fit per has procurrentes versuras, quæ ternis planis tres admittunt diuersas, imò & plures internè affectas montium, sylvarum, ædium (prout opus est) rerum representandarum formas: ita vt, dùm vnæ in prospectu sunt, alteræ quænis in abdito occultis duobus planis aptari possint; moxque versari, siue, occultis machinationibus, rotulis, ac ductarijs funibus; siue super axes cardinibus innixos, vt passim sit, non sine spectantium admiratione, & voluptate. Trinam autem faciem requirit Vitruuius in singulis machinis versatilibus, non tam, quòd trigoni forma, non secus ac circularis, apertissima est ad huiusmodi subitas versationes; quàm pro conditione fabularum, quæ olim representari consueuerant: quæ aut erant graues, & tragicæ; & tunc grauem, & mœstam petebant scenam; palatijs, carceribus, tribunalibus pictam: aut erant comicæ, ac ludicræ; & tunc variam, viridarijs, fontibus, longinquis prospectibus, altissimæ amœnitatibus circumiectam: aut rurales, & satyricæ, & tunc rupibus asperam, & nemoribus consistam. Habes apud Barbarum in Theatri, tum Romani tum Græci, scenographia, huiusmodi periactorum accuratam delineationem.

PERIBOLVS in opere architectonico dicitur murorum supremæ pars in circuitu acta, interiecta loricula, quæ liber est ad subiectam planitiem prospectus, ac diurni speculatores (quos vêtustissimus scriptor Aeneas, in Poliorcet. Hemeroscopos vocat) discurrere possint,

Gggg atque

atque innigilare ad Urbis custodiam. *Incamicata*, vulgari militum vocabulo appellatur: vnde Gulielm. Tyrius lib. 8. cap. 4. de his dicebat: *Tota nocte circuibant peribolum*. Aduertit autem Du-Cange in Glossario, apud Scriptores Polemicos, Peribolum non simpliciter pro muro testorio accipi, sed dici etiam de ambulacro desuper complanato, ad liberam circitorum excursionem: quod aperte indicat Albert. Argentinas in Chron. ad ann. 1375. in hæc verba: *Dein mania antiquitatis prædicta, exaltata sunt cum peribolo, seu deambulacro muno*. In Architectura etiam ciuili & sacra, Peribolus locum habet: estque murus, seu exterior Sacræ ædis ambitus aliquantulum erectus, & complanatus ad prospectum, & ambulationem. Sic Durandus in Rationali, lib. 3. cap. 35. refert, quod *In primitiua Ecclesia Peribolus, idest paries, qui circuit chorum, non eleuabatur, nisi usque ad appediationem: quod adhuc in quibusdam Ecclesijs obseruatur*. Quod idem fiebat, ut populus videns Clerum psallentem, inde bonum sumeret exemplum. Cuius adhuc extat memoria Romæ in peruetusta S. Clementis Ecclesia, in altitudinem iustæ staturæ hominis. Sed postea Periboli nomine iam venit nedum murus qui Ecclesiam cingit, sed & totum spatium circumiectum, quod ad Ecclesiam pertinet, quæque in illo, ad Ecclesiæ seruitium, & ornatum, exædificata sunt, vtpote Porticus, hortuli, ambulacra, cæmeteria, &c. quibus perinde ac ipsi Ecclesiæ, datum est priuilegium immunitatis in l. 4. Cod. Theodos. tit. de his qui ad Ecclesiam confugiunt. Vnde Oderic. Vitalis lib. 12. notat, quod quandam defunctum, in aquilonari climate Periboli sepelierunt: vbi videlicet erat Cæmeterij locus, quem Paradisum vocabant.

62

PERIDROMVS, teste Herodiano, locus erat Romæ in summo Amphitheatro, ad Commodi Imp. commodum, accessumque ad spectacula inædificatum; ab circuitu, & excursionibus, sumpto cognomine. Hic ille spectaculis adstabat, aut solus, aut proceribus comitatus, namque erat per gyrum, ambulatione & gradibus ad sedendum interstinctus, & lorica ab reliquo Amphitheatri corpore segregatus: & si quando placeret ei ad gladiatorum æmulationem, cum bestiis depugnare, inde hastas vibrando, inculandi peritiam magis, quam fortitudinem ostentaret. Eadem ratione erat infernè Catadromus vbi decursiones, & pugnæ pedestres fiebant; Hippodromus, vbi de equorum pernitate certabant, siue solis, siue bigis, atque quadrigis, ad metam contententium, & alia, de quibus idem Herodianus, Halicarnassæus, Rhodiginus, & alij.

PERIGEVM in Astronomicis est passio Planetarum extrinsecus adueniens, ratione loci humilioris, quem quisque tenet in suo Orbe, seu Epicyclo: Cum videlicet Zodiacum peragranter vnâ cum suo Deferente, quod latum est & eccentricum, perueniunt ad imam eius partem, quæ est depressior, ac terræ vicinior: proindeque apparent corpore grandiores, quam cum in suprema abside, hoc est in summo apice sui Defecentis sunt, seu Epicycli, vbi maxime à terra elongantur. Qui locus, seu punctum, propterea à Græcis *Apogæum* appellatur, hoc est, maxime à terra distans, quasi *ἄπο τοῦ γῆς* arabicè autem *Aux*. Sicut econtrâ, oppositum Augis, *Perigeum*, eum propè terram, *ἑξ ὧν γῆς*. Quæ duo loca per Zodiacum transcurrunt, vti & ipsi Planetæ, in succedentia; motu tamè lentissimo & penè insensibili: cum post longissimum tempus obseruatum sit ab Astronomis, Planetas non moueri æqualiter, & concentricè in Zodiaco, sed fieri aliquando terræ viciniores, ac tunc esse velociores: aliquando remotiores, esseque tunc tardiores; cum videlicet sunt in ima, vel summa Abside sui orbis: ipsasque apsides non esse constantes, & permanere semper fixas in iisdem gradibus oppositorum signorum, sed continenter permutari; abireque in partes vltiores, irregulari tamen motu, & (vt dixi) lentissimo. Id quod euicit facta comparatio locorum Apsidum, vbi erant tempore Hipparchi primi obseruatoris, cum his quæ occupant in præsentis: vbi nunc Perigeum Solis incidit in grad. 7. min. ferè 15. Capricorni (& consequenter Apogæum in grad. 7. min. 15. Cancri,) cum tamen tempore Hipparchi, Perigeum foret in grad. 5. min. 30. Sagittarij: & inde collecta eius Orbis, per quem defertur crassities; quando in Perigeo constitutus distat à centro telluris milliar. nostris 4272480. atque in Apogeo milliar. 458860. quorum differentia est 316480. quantum videlicet altus est & crassus Deferens Solis. Id ipsum, data proportionè, intelligendum de mutatione Apsidum reliquorum Planetarum, præter Lunam; quæ, cum non moueatur in Epicyclo, magis irregulariter, & velocius permutat suas Apsides, vt videre est in Ephemeridibus. Et quidem nunc temporis Perigeum Saturni est in grad. 28. min. 25. Geminorum: Iouis in grad. 9. Arietis: Martis in principio Piscium: Veneris in grad. 2. Capricorni: Mercurij in grad. 3. Geminorum. Porro in Apogæis Planetæ sunt validiores, & puriores, in Perigeis segniores, & minùs validi; cuius rei rationem, vide in Ricciolo, lib. 7. Almagesti noui, sect. 1. cap. 7. & sect. 2. cap. 8. Nobis innuisse sat est.

PERIMETROS, ex his quæ hætenùs dicta sunt, facile conijci po-

G g g g 2

test,



test, quid nomine præferat; nempe dimensionem per gyrum, actam: unde effluxit Perimeter, seu Perimetrum; instrumentum videlicet, quo utuntur Gromatici; & Cosmographi in suis dimensionibus, illi in Castris ponendis, isti in globi terræquei dimensione, siue in totum; siue per partes, atque in auspicandis climatum diuisionibus, indeque locorum distantias perscrutando, dando singulis æquatoris gradibus per latum distentis, sexaginta milliaria, & per longum, versus polum, tantamdem declinationis computandę in circulis verticalibus: ut proinde totum terræ ambitum faciant miliar. 21600. ex quo distantias locorum per directum venantur. De qua re fusè Ricciolus in Almagesto lib. 10. sect. 4.

- 65 Vsurpatur etiam sæpissime hæc vox in Architectura, præsertim à Vitruuio: qui, ubi agit de conformatione Theatri, quod vult inscemicirculum disponi, cornibus ad mediam spectatorum aream inclinatis, hæc habet: *Ipsius autem Theatri conformatio sic est faciendæ; uti quàm magna futura est Perimetros imi; centro medio collocato, circummagatur linea rotundationis, in eaque quatuor scribantur trigona, paribus lateribus, & intervallis. Ad quæ Philander: Sensus est, ait, cum lineam duxeris, quantam voles frontem extruendi Theatri patere, in eius medio collocato circini pede statario, quod hic centrum vocat, diductoque circino ad utrumvis cornu ducta lineæ, circummagatur rotundatio. Ideo autem vult in ea quatuor trigona describi, ut detur locus scenarum mutationibus, quas supra, Periactos dici notauimus. Simili ratione*

- 66 PERIODVS ex græco vniuersim, & simpliciter innuit circularem ambitum, & progressionem; quæ peracta, reditur ad idem argumentum, & punctum, unde exordium sumpsit. Quod ideo vnusquisque ad res suas explicandas, quomodo ad caput redeant, post certum peractum cursum, hoc nomine congruentissimè vitur. Sic Medici in definiendis accessionum terminis: Sic Rethorici circuitum illam verborum, quo sententiam aliquam claudunt, & circumscribunt, Periodum nuncupant. In Astronomicis autem vnice, & pressius usurpatur ad significandam propriam cuiusque sideris peruagationem, & cursum quem peragit in Zodiaco, totum ad certum tempus lustrando, redeundo tandem ad idem punctum, à quo pridem discesserat: Alio nomine magis proprio, & expressiuo, appellant Græci *Apocastim*. Hæc in Saturno perficitur in annis 30. In Ioue, duodecim: in Marte, duobus: in Sole, Venere, & Mercurio, ferè in anno vno: In Luna, diebus 27. & horis 8. ut aliàs diximus. Hæc igitur sunt Periodi, seu Apocastases Planetarum. Stellari autem

Orbis

Orbis Periodus, & integra Zodiaci peragratio, vt compleatur, requiritur, vt toti 36000. anni infumantur. Hinc Periodicum dicitur, quidquid certa statâq; circumuolutione, recurrit; vt magnâ Superiorum Coniunctiones, annuâ reuolutiones, menstruâ Lunâ progressionem &c. quâ cum Cælestium motuum periodis aliquam connexionem, & respondentiam habent.

PERIOECI apud Geographos audiunt populi omnes, qui habitant in eodem parallelo & plaga mundi, habentque eandem poli elevationem, sed sub diuerso Meridiano: vel etiam qui degunt in eiusdē paralleli punctis oppositis ex diametro; quibus accidunt omnia, communia in tempestatibus anni, & quantitate dierum, ac noctium: nisi quod qui in opposito eiusdem paralleli sunt, eadem contrarijs vicibus experiuntur: nam quantum vnus attollitur Polus Boreus, tantum alijs eleuatur Polus Austrinus; & dum his oritur Sol, illis occidit; cumque vnus fit merities, alteris fit media nox. Contrâ quàm fit in *Antæcis*, qui sub eodem Meridiano sunt, sed in diuersis, & in æquidistantibus à Polis & Aequinoctiali, patallēlis; ac proinde ijs eodem temporis momento fit merities, & media nox, & æquales habent ascensiones, ac descensiones, arcus nocturnos, atque diurnos. *Antipodes* autem (quos *Antichthones* vocat Plinius) de vtrisque participant: subsunt enim eidem meridiano, sed in oppositis punctis, & parallelis: quare easdem affectiones, & Geographicas proprietates habent, sed prorsus & omnes oppositas; etenim tantum attollitur vnus alter polus, quantum oppositis, alijs: quod vnus est Zenith, seu vertex, alteris est Nadir, seu imus locus, qui pedibus diametrum subiaceret: est verò, vt vnus idemque vtrisque Meridianus, ita & vnus idemque Horizon, qui tamen diuersos, contrariosque in illis effectus parit. Vnde omnes quidem Antichthones sunt etiam Antæci; sed non omnes Antœci sunt Antichthones, seu Antipodes. Tales sunt habitatores Insulæ Taprobanæ & Borneo, cum his qui incolunt Regionem Amazonum in America; extremi fines Imperij Chinenfis; (vbi ad setutandum ab incurfionibus Tartarorum, murum extruxerunt ad 400. leucas extensum) cum Riua dicto *de la Plata*, in eadem America. *Periæci* sunt Indi Orientales constituti intra Gangem cum populis Virginie in India Occidentali; Noua Hispania ibidem posita; cum Regno Persarum in Asia. *Antœci* autem incolæ Peloponesi in Græcia; cum Capite Bonæ Spei in Africa; Insula Madagascari, seu S. Laurentij, cum Mari rubro: & sic de singulis, vt obleruare per otium licet in Mappis Mundi.

Vt autem Periæci vnus loci cum altero facili inueniantur per  
com-

computum Geographicum, longitudini vnus fac addas integrum semicirculum, seu grad. 180. tunc super eodem parallelo, inspicere, quis locus in eodem parallelo cadat in datam longitudinem, nam is erit alteri *Periacus*. Similiter eruuntur Antipodes, sed in eodem Meridiano, & contrastantibus Parallelis, Quæ omnia ex praxi magis, quam ex discursu, & calculis innotescunt.

68 PERIPHERIA Græcè idem sonat ac latine Circūferentia; proprie significat extremum terminum, in quem desinit Circulus; seu lineam illam curuam, quæ æqualiter ducta totam figuræ circularis aream, comprehendit, & claudit. Cuius profecto respondentia, & proportio ad diametrum ipsius Circuli, est ferè tripla sesqui-septima, seu 22. ad 7. vt habet Archimedes, vbi agit de dimensione Circuli. Sumitur etiam quandoque Peripheria latius pro tota superficie, & extimo termino conuexi alicuius Orbis Cælestis; atque in Geographicis, pro ambitu totius globi Terraquei.

69 PERIPHRAISIS ex græco, dicitur arcus Circuli quadrante maior, at semicirculo minor: hoc est, linea flexa ad modum circuli, sed non æqualitatem circuli seruans. Hinc Architecti eo nomine generaliter comprehendunt, quascumque arcuum, & fornicum curuaturas in structuris factas, quæ non perfectam circuli rotundationem habeant, quales sunt absides lunulatae, arcus elliptici, vel ouales, ac delumbati: necnon caua loculamenta in parietibus ad collocandas inibi statuas destinata. Huc enim uerò respexisse videtur Vitruuius, lib. 5. cap. 1. cum de dispositione Fori agens, ita fatur de Basilica ab se architectata iuxta forum Iuliae Fanestri, quod hodie Oppidum, Fanum dicimus, in Piceno. *Item tribunal est in eade, hemicycli schematis minore curuatura formatum. Eius autem hemicycli in fronte est interuallum pedum 46. introrsus curuatura pedum 15. uti eos qui ad magistratus starent, negociantes in Basilica ne impedirent.* Similiter lib. 4. cap. 1. de sacris ædibus disserens, ita loquitur: *Fiant autem edes rotundæ, & quibus alia Monoptera sine cella columnata constituentur: alia Periptera (quænam autem hæc sint, uti & Monoptera, mox trademus.) sequitur: Qua sine cella sunt, tribunal habent, & ascensum ex sua diametri tertia parte.* Ad quæ Barbarus huiusmodi curuaturas explicat, vt sint ad semicirculi imitationem, sed illum non assequantur, maximè quæ non ad ascensum, sed ad purum ornatum fiunt; quales sunt, quas modo diximus *nicchias*, quas ipse non incongruè Conchas latine dici posse ingeniosè obseruat.

PERIPEROS, *Dipteros*, *Monopteros*, *Pseudodipteros* nominat Vitruuius diuerſas Sacratum ædium ſpecies, quæ alas habent ad latera. *Pteros* enim græcè Alam ſignificat. Vnde *Menoptera* ædes determinatur ad eam, quæ vnicam habet alam per gyrum: *Diptera* quæ duplicem, hoc eſt, quæ bina porticu, hinc inde clauditur. *Peripteros* præſcindit ab vna, vel multiplici, ac tantum dicit, quod eas circa diſpanſas vel per circuitum habeat, *Pseudodipteros* autem falſam *Dipteram* appellat, ideſt, quod in *Dipteræ* quidem extrinſecus formam habeat, ſed interiùs manca ſit, & medio columnarum ordine careat. Id quod ab Hermogene primò inuentum, & ſubtili ratione ſacſitatum eſſe, dicit lib. 3. cap. 2. qui ex *Diptera* æde, acuta magnæque ſolertia, ſuſtulit interiores ordines columnarum; qua ratione, & magnorum ſumptuum neceſſitati pepercit, & commoditati prouidit, vt eo laxamento pluuiæ tempore hominum multitudo, ſeſe recipere poſſet, & ab imbris contutari, cùm aliàs hac immi-nutione nihil detraxerit operi de externa ſpecie, ac maiestate, ſed in reliqua partium diſtributione optimè ſeruaret ordinum proportionem, & ſymmetrias: vti clariùs explicat lib. 4. cap. 7. ſic dicens. Alij verò remouentes parietes ædis, & applicantes ad intercolumnia pteromatos ſpatio parietis ſublatis, efficiunt amplum laxamentum cellæ: reliqua autem proportionibus, & ſymmetrijs iijſdem conſeruantes, aliud genus figura nominisque videntur pseudoperipterum procreauiſſe. Porro ad alias diuerſarum ædium diſpoſitiones calami reuocando, eaſdem à numero columnarum, & ſpatijs intercolumniorum diſtinguit, ac nominat Vitruuius, *Picnoſtylos*, *Syſtylos*, *Proſtylos*, *Diaſtylos*, *Euſtylos*, *Aræoſtylos*, quarum rationes nos alibi expoſuimus, & paucis verbis concludit Philander. Nam cuius intercolumnium, (inquit) non ampliùs quam vnius, & dimidiata columna erit; à frequentia, *Picnoſtylos* vocatur: Cùm dua craſſitudines dabuntur, *Syſtylos* erit: ſi integra tres, *Diaſtylos*: Si ſuperabit interuallum tres craſſitudines, *Aræoſtylos* vocatur ædes. Ad hæc, *Peripteros* dicitur, quæ in fronte, & poſtico ſenis columnis ad latera exornatur, computatis ſimul angularibus, adeoque in totum vndenſis: itaut latiudinis intercolumnij interuallum ſit à parietibus ad extremos ordines columnarum, ſicque iuſtum ambulationis ſpatium habeat circa ædem interiorem; & ſic de ſingulis, quemadmodum ſingulatim diximus in ſuis cuiuſque locis. Sed ſi ipſarum ſcenographiam in vnum collectarum, videre cupis, habes omnes in Barbaro magnificè delineatas.

PERISCHII, *Antiſciij*, *Amphiſciij*, & *Heteroſciij*, vocabula ſunt Geographica, quibus ſignificantur diuerſi Regionum, & populorum poſi-

positus, conuenientium, aut disconuenientium in vmbra, quam aduerso Sole, ex suis corporibus proijciunt *umbræ* enim græcè, latinè vmbra significat. Et quidem *Periscij*, quasi *Circumumbres*, dicuntur ij, quorum vmbra per diem rotantur in orbem & illarum extremo distribunt perfecti Circuli peripheriam. Tales sunt Accolæ Regionum frigidarum, quæ continentur intra ambitum Circularum Arctici, & Antarctici, qui constituunt Zonas frigidas. In his enim, cum sint in Sphæra parallela, consequenter Poli sunt verticales, adeoque Sol siue supra, siue sub terra sit, motu primi mobilis fertur per gyrum, & proijcit vmbra versatilem, quæ spatio 24. horarum, redit ad eundem terminum: proindeque in his integer dies naturalis comprehendens illustrationem Solis, & tenebras noctis, æquatur anno, cum Sol totis sex mensibus percurrent semicirculum vnum, Eclipticæ, Australem, vel Borealem, nūquam occidat, sed gyret ad planum Horizontis, faciatque proinde diem: tot etiam mensibus lustret opposita signa trans Aequatorē, adeoque occultetur, & inducat tenebras noctis. *Antiscij* sunt, (quasi *Contra-umbres*) qui habent obuersas, hoc est, ab his proijciuntur semper ad dexteram, ab illis semper ad sinistram. *Amphiscij*, qui sunt in Sphæra recta, Aequatoremque habent verticalem: nam pro motu Solis quo, modò ad Austrum, modo ad Boream tendit; amphisciam quoque obtinent vmbra, modo ad dexteram inclinantem, modo ad sinistram. Tales sunt omnes habitatores Zonæ mediæ, quam dicunt torridam, quibus aliquando Sol fit verticalis in meridie, & sic nullam vmbra admittunt; at dum ille ascendit, vmbra flectit ad vnam partem obuersam; dum descendit ad Occasum, vmbra proijcitur in oppositum. Heteroscij autem sunt qui habitant hincinde regiones temperatas medias inter tropicos, & circulos polares; nam hi semper habent vnam speciem vmbra, Boreales versus Boream tendentem; Australes ad Austrum. Tales nos sumus, & nostri Antæci, atque Peræci. De quibus suo loco.

72 PERISTYLIUM ex græca notione, idem sonat, ac si nos diceremus *Circumcolumnium*. Locum denotat vndique columnis clausum; sed tamen coarctatur ad porticus, & alia septa, quæ circumquaque locum ambiant, pro qualitate operis distribuenda. Namque in priuatorum ædibus, sat est si peristylia habeant intercolumnij spatia distensa ad crassitudinem quatuor columnarum, aut parastatum. In Palæstris, Academijs, & publicis ædificijs, ampliora: ac de Palæstris quidem signatè hoc cauet Vitruv. lib. 5. cap. 11. vt Peristylia, siue quadrata, siue oblonga, ita fiant, *vti duorum stadiorum habeant*

*ambulationis circuitionem*. In reliquis, pro ordinum qui seruantur in construendo, ratione, & ædificij gravitate: quippe non eadem ratio Ordinis Tuscanici, aut Dorici, quæ Ionici, ac Corinthij; vt aduertit idem Vitruu. cap. 9. *Non igitur (concludit) columnarum proportionēs, & symmetria erunt iisdem rationibus, quibus in ædibus sacris (namque hæc, vt alibi dixit, maiorem requirunt peristyliorum amplitudinem, & maiestatem) aliam enim in Deorum Templis debent habere gravitatem, aliam in porticibus, & cæteris operibus subtilitatem*. Sed in singulis Ordinibus, atque ædium speciebus, quæ peristyliorum ratio incunda sit, distinctè suis in locis est traditum.

PERITOMIDAE vocantur ab Herone in lib. de Machinis bellicis, ligna transuersa in Testudine arietaria, in imo pro basi posita, quibus iuga inhaerent, quæ totam machinam sustentant, & faciunt vt firmiter consistant, æqualiter distent, neue motione laxentur, aut contrahantur. Ita vocem interpretatur Barocius eius paraphrastes in Scholijs. Quæ pro inde ligna vult Hero, in extremis, ante nimirum, & retro, sint dissecta, inflar quorundam pugillorum circumfessorum, ac hemisphariorum insculptorum, similium ijs qui in portarum cardinibus ponuntur: quæ quidem ligna ipsius acutum habentis dorsum, testudinis bases erunt. Cum hac tamen differentia, quod in chelonij valuarum cardines euoluuntur; in peritomidis verò ingorum cauitates per eorum extremitates opplentur, & clauis infixæ manent immobilia. Verum effectus, & situs earum magis aspectu percipitur, quàm verborum descriptione. Quocircà vides ipsius Testudinis formam cum suis partibus, apud ipsum Heronem affabrè delineatam.

PERITRITOS græcè, idem valere ac, Perforatum. Adaptatur autem Vocabulum ab Mechanicæ artis Scriptoribus, præsertim præfato Herone, & Vitruuio, ad significandam partem illam in ballista, quam Latini Scutulam vocitant: siue sit ipsa scutula, siue foramen existens in scapo instrumenti, cui eadem scutula inditur. Sed tamen scutulam ipsam intelligit absolute Turnebus, qui lib. 11. Aduersarior. cap. 5. de ea hæc habet. *Hæc Scutula est in summo, & imo capitulo, destrà ac sinistrà: atque ita nomen habet græcum, quod multis locis pertusa, & perforata sit*. Itaque, & perinfirma est; sed laminis ferreis, & regulis, & clauis confixa, continetur firmaturque. In eo est foramen, quo tenduntur toni, idest nerui, qui brachia ballistæ continent: insunt & foramina, quibus induntur cardines, hætenus Turnebus. Vetruius autem lib. 1. cap. 2. ipsum foramen esse vult, in scapo ballistæ, in quod embater inditur, quique adiacet scutulæ, quod (inquit)



*Græci Peritriton vocitant. At lib. 10. cap. 17. ait. Cum ergò foraminis magnitudo fuerit constituta, describatur scutula, quæ græcè peritritos appellatur, cuius longitudo foraminum duorum, Sed si scutula Peritritos quoniam modo eodem nomine insignitur foramen, quod duplicata extensione est ratio eius dimensionis? Aliqui subtili animaduersione distinguunt, & aiunt, ex græca notione τὸ Περὶ Τριτὸν quidem esse foramen; τὸ δὲ Περὶ Τριτὸν verò scutulam. Qui d in hac re sentiendum, trademus in V. Scutula.*

75

**PERITROCHIVM** in Mechanicis, græcè audit machina versatilis ad modum tympani habentis axem in medio, innixum duobus hinc inde fulcris, duobusque foraminibus inditum, ad horizontem parallelum: itaut per ea, tanquam circà polos agilter versari possit, & cum eo inhzrens machina: quæ proinde in extrema periphæria infixos habet circumcircà, vectes, & radios, quos Callopes vocat Aristoteles in Mechanicis, alij autem communiter, scytalas. Hos porrò premendo, atque versando, versatur axis, eique affixum Peritrochium, cui inuolutus ductarius funis cum eo agitur, & trahit, aut eleuat pondus, ad rationem motricis potentix: quod ideo tota vis fundatur in axe, ac propterea merito tota machina non simpliciter Peritrochium, sed axis in Peritrochio, à Scriptoribus nominatur: quia nimirum axis est summa, & veluti anima totius machinæ, vt diximus suo loco: qui proinde gerit vices vectis, eique omnia conpetunt, quæ vectis primi generis sunt. De eo fusè scripsit theoricè Aristoteles, & Pappus; ac practicè de eius usu, Guidobaldus, Bettinus, Scottus, & alij:

76

**PERPENDICVLVM** Instrumentum satis notum, Mathematicis, Opticis, Architectis, ac Mechanicis omnibus familiare nimis, conspicandisque ac mensurandis rerum altitudinibus aptum. Cuius inuentorem fuisse Dædalum, testatur Plinius, lib. 7. cap. 56. Hinc perpendiculare vocant Geometræ, quodcumque ex superiore loco ad imum demittitur, eà rectitudine, quâ plumbum pender ex perpendiculo. Quæ etiam ratione, Astronomi Solem, ac Stellas quæ sunt verticales, perpendiculares appellant: quia profectò eorum radij rectà cadunt ad modum perpendiculi, supra nostrum verticem. Porrò ad longitudinum, latitudinum, atque profunditatum ratam cognitionem, nulla melior mensurandi ratio excogitari potest, quam quæ sumitur ex linea perpendiculari, quam *Catbetum* nuncupant Geometræ, de quo suo loco: quandoquidem Mensura debet esse maxime certa, infallibilis, atque determinata. Atqui sola linea perpendicu-

dicularis inter alias, id obtinet; ut notat Clavius, & pluribus exemplis comonstrat, in Commentar. ad Sphæram Io: de Sacro bosco, cap. 1.

PERSEVS, dictus etiam *Inachides*, *Cyllenius*, &c. Arabicè 77  
autem *Chelub*, vel *Cheleub*, hoc est ferens Caput Diaboli, Sidus est in Cælo ad borealem plagam, consistens in Via lactea, repræsentans virum armigerum, habentem alas ad pedes, iisque sublimè elatum, in dextrâ tenentem exertum, & erectum gladium; atque in sinistra, recisum ac pendens Caput Medusæ. Compræhendit ex Ptolemæo Stellæ 26. exceptis tribus informibus. At Keplerus in eo enumerat 35. & adhuc Bayerus 38. in sua Vranometria, omnes sub signo Tauri, & initio Geminorum, de natura Veneris, & Saturni; quamquam Ptolemæus omnes astruit Martiales, cum participatione Mercurij. Inter eas eminet, & malignitate sua memorabilis est Caput Medusæ secundæ, magnitudinis, de qua alibi dictum. Proximè accedit fulgens in destro latere, arabice *Alchenib*: inde dux Nebulosæ, vna in extremo dextræ manus, altera in sinistra antecedens Caput Medusæ. De eo horoscopante multa tradunt Astrologi, præsertim Pontanus in Yrania, ac Faber in Panchym. lib. 2. cap. 22. quæ nos, uti Poetarum, & otiosorum commenta, consultò omittimus. Solum notare iuvat circâ mutationes aëris, quod Sol exories cum Nebulosis, quæ in eo sunt, facit tempus turbidum, & humidum; cum dextro latere, serenitatem; cum Capite Medusæ, adducit quandoque nives, et si Saturnus affulserit, intendit frigus: si Venus, excitat ventos australes, calidos, & humidos, Oritur autem Romæ die 5. Martij cum grad. 16. Piscium.

PERSONA apud Astronomos, idem valet, ac *Aspectus*, & *Facies*. 78  
Vnde tunc illis est, Planetas ad se Personam gerere, quando se facie ad faciem intuentur. Id quod accidit in quinque erraticis respectu Luminarium, itaut talis sit respectus illorum, qualis signorum quibus dominantur, ad signa quæ sunt sub dominio Luminarium, atque adeo sint Orientales à Sole, Occidentales à Luna. Hanc configurationem Arabes, seu potius Chaldæi nominant *Almugeam*. Sic Saturnus est in Almugea Solis, cum fuerit ab eo distans per quinque signa, iuxta eorum successionem: in Almugea Lunæ, quando tantumdem ab ea se elongauerit, sed contra ordinem Signorum, & sic de reliquis. Cuius rei rationem affert Hali Rodoan in Comment. Ptolomæi. Quia, inquit, quilibet Erraticorum habet duas domos, propter participationem, quam habet de natura ipsorum Luminarium, &

propter hoc quòd habeant vim maiorem; quando scilicet erit inter eorum aliquem, & aliquod Luminarium, tanta longitudo, quanta est inter domum suam, & domum Luminarium, in medietate cuius est domus ipsa: unde aquum est, ut per talem habitudinem, planeta vires tantas acquirat, ac si esset in domicilio suo. Veruntamen hæc Configuratio modo à Recentioribus Astronomis non attenditur, utpote effectû carens, & merum Chaldaeorum figmentum.

79

**PERSPECTIVA**, vna est ex Mathematicis disciplinis, quam Geometriæ filiam vocant: Estque facultas, quæ ex principijs Geometricis, per radios visuales, tanquam lineis, & angulis, res longè ab oculis distitas, speculatur; siue ea, Cælestia corpora sint, siue quæcumque res coloratæ, (in quo differt, & latius patet, quàm Optica) siquæ ad rationem immissarum specierum ad modum Coni metitur. Porro ea est in triplici differentia. Alia, quæ in eo sistit, ut rationem reddat earum apparentiarum, quæ aliter, ac res in se sunt, nostris obtutibus se se exhibent; idque ob diuersam rerum situationem, atque distantiam; qua ratione videmus circulos rectos tamquam lineas, quadrata velut circulos, &c. & hæc propriè, & antonomasticè dicitur *Perspectiua*. Alia, quæ versatur circa varias, ac multiplices refractiones; quæ profectò ab aëre ambiente, aut alio quouis corpore diaphano, efformantur, & hæc à speculis, in quibus potissimum fiunt, & variari contingit, dicitur *Specularia*, siue *Speculatiua*. Tertia demùm, quæ umbris insistit, atque inquirat, ostenditque, quâ ratione fiat, ut quæ in picturis apparent confusa, & inordinata; ex tali situ, & positu, videantur aptè disposita, & alicuius imaginis oppido expressiua: sicut econtrâ quæ alias benè disposita, & concinna; è longiquo, aut è latere conspecta, videantur monstrosa, deformia, & confusa: & hæc appellatur *Sciatoptrica*. De quibus omnibus, & earum effectibus, eruditè admodum scripsit Alaazel Arabs, & è Latinis Vitellion, atque ex Neotericis, Guidobaldus de Monte, ac Athanasius Kircherus in *Arte Magna Lucis, & Umbrae*.

80

**PES** multifariam accipitur in Mathematicis, pro diuersis facultatum rationibus, & modo loquendi, earum professoribus proprio: semper tamen cum aliquo respectu, & similitudine ad pedem humanum, eiusque usum. Aliquando, præsertim in Mechanicis, & in opere architectonico, pro fulcro cui machinatio, aut moles innititur, sed frequentius à Gromaticis, & Agrimensoriis sumitur pro certa mensura, qua camporum, & agrorum intervalla metiuntur, unde efflu-

effluxit Podismus, & Pedatura, de quibus suo loco. Pes autem dicit extensionem sexdecim digitorum, seu quatuor palmorum (quod palmus quatuor digitis constat) A pede numeratur passus, & stadium, & milliare, & clima; nam passus sex pedes continet: Stadium 125. passus, hoc est pedes sexcentos: milliare octo stadia, seu passus mille, vnde, & hausit nomen: Clima verò quoquoersus pedes sexaginta. Porro Pes simpliciter intelligitur, atque in varia mensura ratione vsurpatur à Scriptoribus, (quod adnotare iuuat, ne lectores in variatione vsurpationis confundantur.) Nam alius est pes porrectus, in quo sunt duo semipedes extensi in longum, & absolute vnus pes: Alius contractus, qui est longus semipedes quatuor, & latus semipedem: Tertius est Quadratus, in quo octo semipedes in longitudinem, atque vnus pes in latitudinem. Sunt & aliæ pedis diuisiones, ac differentiæ inter pedem Romanum, & exterarum gentium; quas, ne longior æquo sim, lubens omitto; & videre poteris apud Georg. Agricolum, in lib. de ponderibus, & mensuris; atque Alexandrum ab Alexandro lib. 2. cap. 20.

In Nauigatoria etiam pes non rarò vsurpatur, id quod in veteribus passim inuenies: vti in Homero lib. 10. *Odis. Pedem nauis mouebam.* Euripid. in Iphigen. *Duplicant pedem nauis.* Lucian. *parum de pede relaxare.* Plutarch. *adducere pedem nauis,* &c. Apud Latinos quoque habes in Plauto *Nauales pedes,* & Virgilium 6. Aeneid. ità de suo Heroë loquentem

*Iubet ociùs omnes*

*Attolli malos, intendi brachia velis:*

*Vnà omnes fecere pedem.*

Dubium tamen est, quid per pedem nauis intelligant. Seruius in hunc locum Poëtæ ait, pedem propriè esse funem, quo velum tenditur. Quod plausu, & vnanimi consensu excipientes alij Interpretes, dixerunt, pedem esse extremam, & infirmam partem veli, quæ fune contracta est, & eo inducto contrahitur, ac reducto laxatur ad rationem venti exsufflantis; & ideo pedem dici, quod est veluti pes, & ratio incedendi, mediante velo, ad eius restrictionem aut relaxationem. Verùm inuenio Scriptores, qui clarè, & absolute pedem, pro toto velo accipiunt, atque idipsum innuere videntur præfati auctores, quos citaui; & adhuc clariùs Euripides in Oreste: *Nauis intenta pede ad impetum.* Et Sophocles in Antigon. *pedem tendens.* Quin, & aliqui plurimum pedum mentionem faciunt, pro numero velorum, quæ in nauigijs admittuntur, & ad tempus explicari solent, vt Plautus suprà, & Artemidorus lib. 1. cap. 30. de Somnior. interpret. *Gubernatori autem cernenti somnium, significat tranquillitatem:*

*plu-*

*pluribus enim pedibus utetur, naue velificante.* Quapropter iure concludit Ioseph Scaliger, pedes nauticos nil aliud esse, quam vela, quibus naues incendunt, properant, currunt, & cursum sistunt, non, abhorrente tralatitio verbo; eo modo, quo animantia terrestri itinere, pedibus mouentur, incedunt, & sistunt. Fauet Plinius lib. 2. cap. 47. dicens: *Isidem ventis in contrarium nauigatur, prolatis pedibus, ut noctu plerumque aduersa vela concurrant.* Sed in hac re, ne desinas videre Turneb. in Aduersar. lib. 20. cap. 4. qui eam curiosè satis, & eruditè pertractat.

## P H

- 82 PHALAE (alij scribunt Fala) in apparatu militari sunt Turres lignæ mobiles, & cuique loco facilè applicabiles, quæ ad hostes incommodandos, eorumque facta, & molimina exploranda, maximum vsum habent, & rei bellicæ plurimum conferunt; à phalando dictæ (ut placet Sexto Pompeio) quod, præ altitudine quasi in Cælum assurgunt: nam Etrusco sermone, *falare*, inquit, *est in Cælum respicere.* Sed de eiusmodi turribus ambulatorijs, earumque utilitatibus in bello, dicemus suo loco. Nunc autem à Phalis mutata est nomen

- 83 PHALARICA, nempe (ut explicat Isidorus) *Telum ingens torno factum, habens ferrum cubitale, & rotunditatem de plumbo, in modum spheræ in ipsa summitate: Dicitur autem, & ignem habere ad fixum.* Hoc telo pugnatur è turribus, quas Phalas dici, manifestum est. Hanc insuper, ad modum colli muliebris factam, scribit Stevvechius, ad recipiendum fomitem ignis, stupam, sulphur, resinam, oleumque incendiarium, ut facile ignem possit concipere, & volatu magis accendi, adeoque ferrèis cancellis includitur materia, ut simul & retineatur, & ignis conceptus euaporare queat, nec facilè extingui. Quæ proinde à Phalis, lenta manu, vel arcu satis remisso eiacula (nam valida impressione, impetu extingueretur) incendium, & vastationem, quò immittebatur, adportabat, adeò tenaciter rebus inhærens, ut cum armis (testis est Lilius) transfigere corpus posset. Sed id maximè (addit) etiamsi hasisset in scuto, & non penetrasset, pauperem faciebat, quòd cum in medium accensa mitteretur, conceptumque ipso motu, multò maiorem ignem ferret, arma omitti cogebat, nudumque militem ad insequentes ictus præbebat. Ex quo manifestum fit, non ad incendendas solum aduersariorum machinas, & munimenta lignea, solitas adhiberi; neque semper contortis nervis è ballistis emitti, ut vult Vegetius lib. 4. cap. 18. sed etiam manu in armatos

ros milites eiaculari; cuspide, flamma, & repentina aggressione, infensas; vt saltem pauore percussi hostes consternerentur. Id quod euenisse Pithiæ magnæ proceritatis gygante, narrat Poëta Aeneid. 9. per Phalaticam à Turno immisam.


*Sed magnum stridens contorta Phalarica venit  
Fulminis æstia modo: quem, nec duo taurea terga,  
Nec duplici squamma lorica fidelis, & auro  
Sustinuit; collapsa ruunt immania membra.*


Sed viluere nostris temporibus, & in contemptum abiire huiusmodi fulminaria tela: quoniam longe terribiliora inuenta & inuenta sunt, quæ incendia, & pestes euomunt, qualia sunt pyrobolæ & bombæ, quæ intus plumbeis globulis, clauis, vncis, catenarum, fragmentis, & nitrato puluere confartæ, atque accenso funiculo appenso, intrâ mensurati temporis spatium consumendo, & ignem, globi orificium illaturo, moxque è mortarijs, seu, vt vocant, Carcaasis, eminus in hostium castra, aut obsessam urbem immisæ; vbi ad destinatum locum peruenerint, vi conceptæ & interclusæ flammæ, magno impetu dirumpuntur, & irreparabili damno, obuia quæque impetunt, inflammant, dilacerant, & ad terram allidunt; vt nuper miserabili euentu experta est, & passa ab Gallorum ira, nobilissima, & ædificiorum maiestate (si vlla est in Italia spectabilis, & pulcherrima) vrbs Genuensis, hac peste miserè deformata, & penè ad terram deiecta. Sed de hoc missilium genere, satis suo loco dictum.

PHALANX Turma erat in Exercitu Macedonico, comprehendens octonille hastatos pedites, cuneatim vt plurimum ad prælium procedentes: tum in quadrum explicata, hostem opperiebat, seseque vt murum opponens, stantes pertinaciter dimicabant. Ignotum nominis etymion; quippe à solis Macedonibus profecta, & practicata est, vnde & ipsi, vocabulo sibi noto, eam nominauere. Sed quid ea in re sit, breuiter, & neruose describit Q. Curtius lib. 3. de gestis Alexandri M. *Macedonum acies*, inquit, *torna sanè, & inculta, clypeis, hastisque immobiles cuneos, & conserta robora virorum teget. Ipsi Phalangem vocant peditum stabile agmen. Vir viro, armis arma conserta sunt, ad nutum monentis intenti: sequi signa, ordines seruare didicere. Quod imperatur omnes exaudiunt: obsistere, circuire, discurre, in cornu mutare pugnam, non duces magis, quam milites callent: & ne auri, argentique studio teneri putes, adhuc illa disciplina, paupertate magistra, stetit. Quod ideo magnam de se famam, & terrorem apud hostes, & externos conciliauit, vt planè immortalis, & inuincibilis crederetur, cuius æstimatione, & virtute, subnixus Alexander* ma-



magis quàm sua fortuna, & fortitudine, totum propè sibi terrarum Orbem subegit. Quo exemplo postea excitati Romani, auctore Livio, lib. 8. similes Macedonicis Phalangibus, Ordines tenuere, & aliquando benè utique ijs cessit: sed subinde fatigatis ex labore militibus, & eam corporum constipationem ferre non sustinentibus, dissoluebantur ordines, & sine lege, sine disciplina pugnabant.

 Quare exinde acies manipulatim collecta, & distributa est, ac legiones inducæ; ut testatur Veget. lib. 2. cap. 2. vel ob id Romanorum acies Macedonicis Phalangibus præferens, quod hic viritum depugnatur; illic tumultuosa, & generalis impressio fit, Romani ordines & tempus, & locum eliguat, atque occasionem benè attripiunt ad pugnandum, illi confectim, sine selectu, in aperto campo noctu, diuque manus conferere norunt, & valent. Vnde concludit Vegetius. *Documentum est magnitudo Romana, quæ semper cum legionibus dimicans, tantum hostium vicit, quantum vel ipsa voluit, vel rerum natura permisit.* Sed quoniam hic de Phalange Macedonica sermo incidit, præstat quæ de ea Polybius habet, asserere, qui eam lib. 17. penè oculis adinouet contemplandam. Ita enim loquitur de eius explicatione & præliandi more. *Vir armatus in ipsa concertationis densitate, tribus pedibus firmus perstat: magnitudo autem hastarum secundum primam basim, sexdecim; secundum verò conuenientiam veri, ac recti, quatuordecim cubitos habet: & ex illis quatuor per spatium intermannariam, & æquilibrium partis, dum in procinctu stat, adimuntur; manifestum est, quod decem cubitis hasta necessariò ante cuiusque armati corpus præmineat, quando ambabus manibus in hostem libratur. Hinc autem accidit, ut alia hasta ante secundam, & tertiam, ac quartam; alia quintam serie eorum qui procedunt in acie duobus cubitis præmineant: si quidem Phalanx proprietatem & densitatem suam secundum ordinem, & retrò & à latere stantium habuerit.* Hæc Polybius. Ex quibus liquet, quàm periculosa foret, nostris hæc temporibus, isthæc militum constipatio, quando temerè, & sine fructu, tormentis hostium impunè dissipanda exponeretur.

 Est & Phalanx in Mechanicis, & sanè accommodatiore vocabulo satis noto, scapus in libra, seu hasta in medio lingulata, & utrinque in extremis, pendentem habens duplicem lancem, auctore Pasteracio, sub hoc verbo.

PHARETRA notissimum verbum, significans sagittarum receptaculum, & communem vaginam, quibus passim utimur, nedum in belli discrimine, sed & in pacis otio, in sciomachijs, & equestribus ludis: quin & in serio, sed innocenti certamine, nempe in Venatione,

ne, feris, & bestijs confingendis. At nescio quis, & qua ratione Pharetræ nomen ad Gnomonica deriuarit. Etenim inter varias sciotheriorum species, quas vel ab Apollonio, vel ab alijs Græcijs vetustis, & insignibus Mathematicis adinuentas, vsque ad nauseam enumerat Vitruu. lib. 9. vna & prima est, quam Pharetram appellat. Fortassis quod Pharetræ venatoriæ sagittis consertæ imaginem præferebat: ac profectò vt in Pharetra spicula sunt collecta, & in ordinem disposita; ita in hoc horoscopio (quod verticale esse comperimus ex Vitruuij contextu) erant per directum designatæ lineæ, quæ gnomonis vmbra excipientes dextra, ac sinistra, quæque horas antemeridianas & postmeridianas, ab excursu solis à tropico ad tropicum notabant.

PHASELVS erat Hierosolymis miri operis Turris, ab Herode 87  
Ascalonita in suo verè regio Palatio erecta, vnà cum alijs duabus similis architecturæ, non tam ad ornatum, ac magnificentiam loci; quam ad memoriam trium sibi charissimorum maligno fato ereptorum, hoc est Mariamnæ coniugis, quam ipsemet per calumniam interfecerat; Phaseli fratris, *qui à Parthis captus*, (vt inquit Andricomius in descriptione Terræ sanctæ) *cum, nec ferri copiam nec manus liberat haberet, colliso ad saxum capite, seipsam occiderat*: atque Hippici amici sui valde dilecti, quem in bello interemptum amiserat. In horum igitur honorem & memoriam æternandam, has tres turres excellentissimæ Architecturæ, in suo Palatio ædificari voluit, ac decorum nomine insigniri: *quæ* (sequitur Andricomius) *magnitudine, firmitate ac pulchritudine, vniuersis, quæ toto Orbe visebantur præstabant*. Et Phaselus quidem erat nonaginta cubitis alta, in edito muri antiqui loco, supernè in Pilæ modum facta, stupendæ magnitudinis & firmitatis.

Erat etiam olim *Phaselus* species nauigij, velis ac remis instructi, cuius laudes, in encomio quod de illo, trimetris iambis cecinit Catullus, mirum in modum effert, atque inter alia, quod esset miræ velocitatis. Decætero, qualem speciem habuerit, ignoramus: quamquam non desunt qui asserunt, illud idem esse cum Myoparone; sed ex veterum testimonijs constat, fuisse longè grandius, & diuersum. Quæ de re vide quæ diximus in *Myoparone*.

PHASES propria, notione græcanica, appellantur signatæ ab 88  
Astronomis variæ Cælestium corporum affectiones, & apparentiæ, pro vario ad Solem, atque tellurem positu, præsertim in Luna, & Venere, quæ modò corniculatæ, modò in orbem luminibus plenz,

mōdo dimidiatꝝ, nunc cornibus ad Solem conuerſis, nunc ab eodem auerſis conſpiciuntur. Hæ igitur diuerſæ ſiderum metamorphoſes, Phafes genericè nominantur.

89

**PHELLOS** græcè idem ſonat ac ſuber; ligni ſpecies; ſed potius cortex glandiferæ arboris omnibus notus, leuiſſimus atque aquis ſupernatans. Ab uſu, & ſimilitudine operis, à Mechanicis ſcriptoribus aptatum fuit vocabulum ad ſignificandum tympanum verſorium in machinis hydraulicis conſtitutum ad ſubleuandam, & deprimendam aquam, pro horis ſignandis, atque diſperſiendis. De quorum horologiorum hydraulicorum ratione, hæc habet Vitruu. lib. 9. cap. 9. ubi, poſtquam reliquas partes deſcripſit, de hac ita loquitur. *Posteriori autem parti tympani medio, axis verſatilis eſt incluſus, inque eo axi aenea mollis catena eſt inuoluta, ex qua pendet ex vna parte Phellos, ſeu tympanum, quod ab aqua ſubleuatur, & ex altera æquo pondere Phelli, ſacoma ſaburræ. Ita, quantum ab aqua phellos ſubleuatur, tantum ſaburra pondus infra deducens verſat axem, axis autem tympanum.* Ex quo vides, ita ſe habere tympanū hoc ad ſuperficiem aquæ, à qua vi ſubleuatur, ac ſuberis natura aquæ ſupernatantis.

90

**PHOENIX** nouum Sidus in Cælo detectum ad plagam Australem vna cum alijs vndecim, quæ circā Polum & Circulum Antarcticum conſiſtunt, & à Iacobo Barthſchio in hanc formam aptatum ad veterum Aſtronomorum normam; cōplectens ſtellas 14. extrā circulum poſitas contra Piſcem Notium, & Eridanum, omnes de natura Mercurij, & parū Veneris; atque in longitudine ſub ſigno Piſcium. De hoc Aſtro, vix de nomine & ſituatione cognito, hæc, ſuo more, qualitates & peculiareſ influxus acuminis ſuo penetrans, edicit Faber in ſuo Panchymico lib. 2. ſect. 4. cap. 9. *Phenix Conſtellationis Polaræ Antarcticæ circā Circulum Polarem Antarcticum conſtituta in extremitate ſtueij Eridani, propè illam ſtellam primæ magnitudinis, quæ in extrema Eridani collocatur: nihil aliud eſt, quàm lumen naturale ex prima maſſa materia primæ ſuſum eleuatum ac ſublimatum à ſummo rerū Opifice, ibique coagulatum, ac fixatum ac diſtinctum in quatuordecim ſtellas, tertiæ magnitudinis vnam, & reliquas quarte & quinta magnitudinis, miræ virtutis, & efficaciæ, quod lumine claro, & radiante, facile eſt colligendum.* Et, ut *Phenix* rara eſt anis; ita virtutes huiusce Conſtellationis raræ ſunt, & admirandæ; raros enim, & admirandos producit effectus in Meridionalibus terris: fertilitatem ſummam, quod copiam humidi radicalis, & pinguis inſundat hiſce terris. Prudentiam vero & ingenium hominibus impertit quod eius Conſtellationis ſtella ſint virtutis

tutis & proprietatis Mercurij, & Veneris, qui fertilitatem terris, ingenium verò & industriam hominibus infundere soleant. Non solum enim Natura benigna est nobis, qui Europam incolimus; sed etiam benignissima est omnibus, qui Americam incolunt, & præsertim his qui Americam Australem habitant; quibus dominatur Phœnix nostra hæc Constellatio: à qua Constellatione recipiunt incolæ miras animi dotes. Itaque quamvis rudes sint, & agrestes; nihilominus inter agrestes illos, & duros Patriæ mores, relucet mirum ingenium, & industria; quæ inculta jacet, & ex necessitate, otio suo rubiginem contrahit, & marcescit. Sed si excitetur illud Americanum otium, & torpedo insignis, detinentur omnes ibi homines; virtutis statim scintillas illius ignis celestis, quas ex hac Constellatione suscipiunt, conspicuas & manifestas habemus. Hæc ad fastidium usque, Author iste verbosus: Sed quàm infulsè, bone Deus? Quanta Synonymorum confarcinatione, quot inutilium verborum apparatu, ac tædiosa explicatione, montes format, & ventos capiat, ut tandem ex ijs nascatur ridiculus mus! Pignit enimverò me ad solidiora, & certiora properantem hæc transcribere; sed faciendum erat, ut huius Scriptoris vanitas innotesceret: & ut Mathematicarum disciplinarum consonantia hæc dissonantijs identidem interpolata, gratior studiosorum animis adueniret.

PHOENICOPTERVS aliud Sidus ab Hispanis non ita pridem, 91  
obseruatum ad Polum Antarcticum, extrà numerum aliorum duodecim prius detectorum, ac suo gentili idiomate, ab ijs *El Flamenco*, nuncupatum. Representat auem indigenam expansis alis, Piscem Notium, quàm in arcum curuatur, rostro appetentem. Tredecim ei stellas assignant, inter quas vnâ in capite, secundæ magnitudinis, quam Veteres in Piscem notium reducebant; omnes sub signo Aquarij, de natura Saturni, cum participatione Martis. De hoc Astro sic scribit præfatus Faber cap. 10. *Insundit fertilitatem satis copiosam terris meridionalibus, sed agrestem, & duram, frigidam, & difficilis maturitatis. Hominibus verò, agrestes, & duros, atque incultos mores, crudeles ac difficiles; ad bellum, & rixas pronos. Unde homines Americam Australem habitantes tales sunt, crudeles, feroces, ad rixam, & querelas proni, & faciles: unde bellatores sunt, & Martem amant, & sequuntur; atque in perpetuis bellis viuunt. Hæc Faber, in nihilo sanior quam in reliquis, nisi quod breuior.*

PHOENOMENA Græcè, latine *Apparentia* simpliciter interpretantur. Ab Astronomis tamen arctantur ad noua sidera, seu Pseudostellas identidem in Cœlo apparentes, quæ postquam ad certum 92

tempus luxerunt, mox euanescent. Et ea quidem, partim in aëre generantur, ex quadam exhalatione crassa, & viscosa, quæ virtute Astrorum sursum euehitur, conrescit, & accenditur, ac tandiū durat, quoadusque materia illa ab igne concepto absumatur, quos cometas communiter vocamus; partim æthereæ sunt, & ex materia Cælesti producta, & in Cælorum expanso vagantia; quæ siue de nouo formantur, siue ex pluribus stellulis, in vnum conuenientibus conglobantur, siue etiam iam dudum extantia, sed ob nimiam altitudinem atque distantiam, quæ prius inconspicua erant, postea ex motu, ac descensione ad imas partes æthereæ regionis, fiunt visibilia. Vt ut sit, certè cælestis substantiæ sunt, & à Cometis multum discrepant; vnde ad distinctionem, peculiari nomine, Phænomena appellamus. Nasci autem, aut de nouo apparere in Cælis huiusmodi Pseudostellas, nulli dubium, cum & id testentur Historici, & quotidiana probet experientia: quippe in hoc eodem sæculo, quod non adhuc transactum est, plures emerferunt, nonnullas & nos conspeximus, quæ multam Philosophis, atque Astronomis scribendi materiam subministrarunt, ac præsertim tres insigniores: vnā in pectore Cygni, alteram in genu Serpentarij; ac tertiam longe pulchriorem, & clariorem in Cathedra Cassiopeæ, ad finem transacti sæculi Patres nostri conspexere, de qua integrum volumen scripsit Tycho, & prosequuti sunt Keplerus, & alij. Sed & olim quoque eiusmodi stellas in Cælo apparuisse, testatur Plinius lib. 2. cap. 24. Namque, inquit, & in ipso Cælo stellæ repente nascuntur. Et cap. 26. de quadam stella tempore Hipparchi conspecta, sic ait: *Hipparchus nunquam satis laudatus, ut quo nemo magis approbauerit cognationem cum homine siderum, animasque nostras Cælo dignas esse, nonam stellam, & aliam suo aëno genitam deprahendit; eiusque motu ad dubitationem est adductus, annè hoc sapiens fieret, mouerenturque & ea, quas putamus affixas: idemque ausus rem etiam Deo improbam, annumerare posteris stellas; ac sidera, & normam expangere, organis excogitatis, per quæ singularum loca, atque magnitudines signare. Quid autem sibi velit per hoc quod dicit, Deo rem improbam fore, annumerare stellas atque ad normam expangere, quod ausum fuisse Hipparchum norat, non satis intelligo.*

92

Cæterum de istis nouis stellis, varia fuit tū Antiquorum, tū Recentiorum Astronomorum opinio. Democritus, cuius sententiam amplecti videtur Bodinus lib. 2. *Theatri*, somniauit, eas esse illustriū virorum mentes, quæ postquam diū vigerunt in terris, tandem obituræ, extremos peragunt triumphos, atque in Cælum stellarum, quasi splendida sidera, reuocantur: ac propterea sequun-

tur

tur mox morbi populares, fames, & ciuilia bella: quasi Ciuitates, & populi, ducibus illis optimis, & gubernatoribus, qui diuisos furores placabant, desererentur. Aristoteles minimè absurdè dixit, eas omnes gigni ex materia elementari, ferrique aliquando sursum ad vsque regionem Aetheream. Sequuntur eum non pauci Recentiores, cò maximè, quod, posita iam Cælorum fluxibilitate, nil obstare videtur, quin isdem Cometæ, qui in regione elementari generantur, si subtiliores sint, possint Orbes Planctarum transcendere, atque etiam ad ipsum Firmamentum peruenire: vbi postea condensati, & puriores facti; perinde ac stellæ veræ, præfulgeant, quoadusque eorum materia penitus absumatur. Id quod præ cæteris acriter sustinet Christophorus Rothmannus.

Verùm, etsi fortè huic rei non obstat ipsa Cælorum substantia, quæ sit fluxibilis; & per consequens facillimè etiam attrahi à sideribus possint huiusmodi ignitæ exhalationes; attrahen non videtur credibile, eas tanto tempore durare posse. Etenim; Stella Cassiopeæ duos integros annos durauit: & de ea quæ apparuit in pectore Cygni anno 1600. testatur Blancanus, ad vsque suum tempus, nempe ad ann. 1616, extitisse spectabilem; quando Cometæ ærei vix ad mensem præluce solent. Deinde, vnde quæso suppetit tanta exhalationum materia, quæ ad Cælum vsque fixarum, possit ascendere, ibique diù accensa manere, reddique probè visibilis? Non certè à terra; quæ si tota quanta est, ad sidera enolaret; cuius vel minimo Astro, aut Phænomeno supra Orbem Saturni viso, nequaquam æquiparari posset, cùm respectu Firmamenti, sit veluti punctum: & minima stella Firmamenti, ex his quæ dicuntur Sextæ magnitudinis, bis nouies terram contineat; vnde nec ipsa, nec quæcumque ex ea prodiens exhalatio, illinc spectabilis foret. Non ergo noua Phænomena, quæ in Regione Aetherea conspecta sunt, possunt esse ex elementari materia coagmentata, quam longè illa superant, & magnitudine, & puritate.

Meliùs philosophatur Pythagoras, putans ea non esse de nouo genita, sed ex perpetuo recurſu, statim temporibus terris approximari, fierique patentia, quæ longissimè, & in supremo vastissimi illius expansi apice constituta, humanum obtutum effugiunt. Cuius opinionem minimè absurdam censet Blancanus, asserens, has nouas stellas, cum sunt in Apogeo ob nimiam distantiam, & altitudinem haud conspici posse, sed cum descendunt ad Perigeum, sensim fieri visibiles, ac tamdiu in ea claritate durare, quandiu circà illud consistunt, sed cum redeunt ad Apogæum, quò magis ascendunt, cò videntur minui, ac tandem in nihilum abire, vti

desca-



defectio accidisse credit in stella Cassiopeæ.

- 96 Sed iam plurimum inualuit apud Recentiores Opinio Anaxagoræ existimantis, huiusmodi stellas aliud planè non esse, quam concursum plurium stellularum minorum, quæ in tanta distantia, vnum corpus representent: vt aliàs de stellis nebulosis iam perspicuum est, ac de ipsa Galaxia: eo maximè, quod hæc semper, & in sola Galaxiæ amplitudine apparuerunt: quæ postea ab inuicem notabiliter separantur, ampliùs non videntur. Id quod confirmare poterit septima Pleiadum, modò visibilis, modò inuisibilis. Vtrumque sit, certum est, eas siue de nouo genitas, siue terris approximatas, siue etiam in vnum coeuntes, magnos effectus portendere, vt experientia comprobat, & ratio ipsa euincit. Quorum quidem effectuum specificatio sumitur ex qualitate luminis, quem præseferunt, qualiter de natura Planetarum participant: id quod ex colore, & intensione ac extensione lucis dignoscitur: tum ex ratione situs sublimioris, & Imaginum octauæ sphaeræ, in quibus apparent. Si enim in Fixarum regione constitutæ sint, & in certo loco, tanquam fixæ hæserint, nunquam illum commutantes, sed solum cum ipsis motu primi mobilis circumagantur, manentes semper in eodem signo Zodiaci, & Imagine Octauæ sphaeræ, effectus erunt de qualitate signorum, & Imaginum, in quibus apparent, atque afficiunt eas Prouincias, quæ sub tali signo sunt. Quodsi, & ipsæ locum permutent, atque ab vno signo ad aliud transeunt, transferunt etiam suos effectus ad alias prouincias, & differentias personarum, aut pecudum, tali signo subiectas, vel quæ subsunt verticaliter imagini, in qua fuerint conspecta.

- 97 Quoad tempus denique, in quibus ista contingent, eodem fere modo discurrendum, ac de Eclipsibus, aliisque terminis directionum, ac progressionum Solis, & Lunæ. Nam, quot diebus, & binis horis fulserint, tot annos, & menses indicant, quibus durare debeat effectus; & tunc maximè iste conspicuus fiet, cum Lumina-ria fuerint in locis astrorum, aut signis, in quibus portenta hæc fuerint visa. Hactenus in genere. Vide in specie, quæ de ipsis habent Iunctius, Tycho, Keplerus, & Argolus in Astronomicis, lib. 1. cap. 17.

- 98 PHONOCAMPTICA, ex græcâ notione *Phonô*, quod est *vocem* *emitto*, est ars dirigendi, & propagandi sonos, & voces vtrumque reflexas, vt sit in Echo; quemadmodum *Phonologia* agit de sonis in directum porrectis, eorumque generibus, tam gratis, auresque mulcentibus, quales sunt moduli musici, & symphonix; quam ingratas,

utputa fragore, stridore, tinnitu, qui ex violenta duorum corporum collisione prædeunt, aut ex tonitru, tormentorum explosione, tum-  
 fionibus, icibus, cadentibus ruinis, &c. ut etiam de propagatio-  
 ne, incidentia, augmentatione & remissione soni, ex distantia,  
 rectitudine vel obliquitate emissionis, medijs, per quod transit, &  
 organi unde originem trahit: Quæ etiam inquit, & pertractat  
 Phonocamptica, è principijs geometricis, eruens soni naturam, cau-  
 sas, effectus & proprietates. De quibus omnibus theoricè agit Kir-  
 cherus in Musurgia, & Scottus in Magia Thaumaturga: ubi multas  
 inuenies curiositates, & varia automata ad diuersas voces edendas,  
 augmentandas, de longe ferendas, quæ nedum Musicæ studiofis pro-  
 desse possunt ad directionem vocis, attemperationem instrumentor-  
 um vocalium, sed & Mechanicis, ad ea ritè efformanda, & Archi-  
 tectis in constructione locorum consonantium, & reflexiuorum so-  
 norum, & vocis. Qualis erat famosa illa auricula Dionysij Syracu-  
 sani in suo Palatio ædificata, quæ ità artificiosè ad modum auris  
 humanæ erat extructa, ut è carcere subitè posito, exaudirentur clare,  
 ac distinctè desuper in conclau, ubi degebat Tyrannus, captiuorum  
 confabulationes, & lamenta, quæ de ipso fiebant, quamuis sub-  
 missa voce prolata: & alia, quæ in præfatis authoribus legere non-  
 pigebit.

PHOTONOMIA, eodem Scotto autore, in Cursu Mathem. ad 99  
 Opticam spectat, & ei subternitur: quatenus agit de natura, &  
 proprietatibus lucis, de transiissione, & propagatione luminis tam  
 primarij quam secundarij; de transitu per aliquod corpus diapha-  
 num, de concursu diuersorum luminum, sectione, quæ fit in cono,  
 diffusionis lucis, ac tandem de incidentia, & illustratione corporis  
 opaci; de umbris, & reflexione ipsius lucis, &c. unde effluxerunt Pha-  
 nerocritica, & Phaneroscopia, quæ apud eundem Scottum in Sy-  
 nopsi, sunt facultates, quæ dijudicant de apparentijs obiectorum,  
 communium, de fallacijs visus dictorum obiectorum, prouenienti-  
 bus ex loco, situatione, continuitate, figura, motu, & eorundem  
 variatione, quæ omnia apta sunt species alterare, & obiecta aliter  
 ac sunt, repræsentare, ut accidit in speciebus obiectorum particu-  
 larium transentibus per vitrum planum, concuum, plano-conca-  
 uum, aut ex vtraque parte concuum, vel conuexum. Similiter  
 in remo, qui ex ea parte, quæ subitè aquam est, apparet fractus, cum  
 reuera non sit: & alia scitu digna, & in praxi curiosissima, quæ om-  
 nia ex principijs geometricæ, & doctrina Conicarum sectionum pro-  
 ficiscuntur.

**PICA BRASILIANA**, ab Indigenis dicta *Toucan*, & à Nostreis Anser Americanus, ab aue illis regionibus propria, & nostris anseribus, natura, forma, clangore, haud multum dissimili: cuius figura affixa est vni ex nouis constellationibus sub polo antarctico obseruatis, & in imagines vt reliquæ 48. conclusis. Hæc autem Constellatio formatur ex stellis octo infimæ noræ, vt nos in nostro Catalogo stellarum fixarum ad calcem Primi Mobili adiecto adnotauimus, ex auctoritate Bayeri, Schickardi, & aliorum insigniū Astronomorum. Nihilominus Petrus Io: Faber, professione Medicus, aut Chymicus, certè non Astronomus, neque (quod sciam) ad partes Indiæ Occidentalis vnquam appulsus, nulla nixus auctoritate, huic sideri attribuit stellas omnino vndecim, quas facit de natura Martis, & Saturni cum participatione Mercurij, & ideò ob mixtam naturam vult ei, huius indigenæ auis, & figuram & nomen ab detectoribus esse inditum. Quod hæc auis, inquit, sit mira, & pulchra, & varias habet virtutes, variosque colores, vt & Constellatio nostra; quæ cum stellis variorum colorum constet, hinc arguitur varias habere virtutes; cum virtutes desumantur ex balsamo intrinseco rerum, seu sulphure natino; quod colorum est origo; & fons naturalis: vnde si stellæ in Constellationibus, varijs coloribus scintillant, arguendum est, stellas has plures habere virtutes, cum varijs ornentur coloribus, qui balsamum varium, & sulphur natinum ostendunt. Hæc Faber: sed quanta (Deus bone!) confarcinat, comminiscitur, & commiscet! Auiæ, insulsa, & absurda, sine ad rem faciant, siue non; modò se Astronomum, simul, Philosophum, & Panto-chymicum, de quò sibi maximè plaudit ostendet: cum tamen in re pantomimum magis agat, & scurram. At non melius sapit, cum de duobus alijs sideribus huic contiguis differit, Phœnice inquam, & Phœnicoptero, aliàs Grue dicto, ab Hispanis autem *el Flamengo*. De Phœnice enim cap. 9. hæc habet. Nihil aliud est, quam lumen naturale ex prima massa materiæ primæ sursum eleuatum, & sublimatum à summo rerum Opifice; ibique coagulatum, & fixatum ac distinctum in quatuordecim stellas tertie magnitudinis vnâ, & reliquas quartæ & quintæ, mira virtutis, & efficaciæ, quod ex lumine claro, & radiante facillè est colligendum. Et vt Phœnix rara est auis, ita virtutes huiusce Constellationis raras sunt, & admirandæ: raros enim & admirandos producit effectus in meridionalibus terris; fertilitatem summam, quod copiam humidi radicis, & pinguis infundat hisce terris: prudentiam verò, & ingenium hominibus impertit, quod eius constellationis stellæ sint virtutis, & proprietatis Mercurij, & Veneris, qui fertilitatem terris, ingenium verò & industriam hominibus infun-

infundere soleant. Non solum enim Natura benigna est nobis, qui Europam incolimus, sed etiam benignissima est his omnibus, qui Americam incolunt, & præsertim his, qui Americam Australem habitant, quibus dominatur Phœnix nostra hæc Constellatio, à qua recipiunt incolæ miras animi dotes. Itaque quamvis rudes sint, & agrestes; nihilominus inter agrestes illos, & duros patriæ mores relucet mirum ingenium, & industria, quæ inculta iacet, & ex necessitate, otio suo rubiginem contrahit, & marcescit. Sed si excitetur, & excutiat illud Americanum otium, & torpedo insignis, qua detinentur ibi homines; virtutis statim scintillas illius ignis celestis, quas ex hac constellatione suscipiunt, conspicuas, & manifestas habemus. Hæc de Phœnice. De Phœnicoptero autem sic pronunciat sequenti cap. 10. Infundit fertilitatem satis copiosam terris Meridionalibus, sed agrestem, & duram, frigidam, & difficilis maturitatis. Homnibus verò agrestes, & duros atque incultos mores, crudeles, ac difficiles, ad bellum pronos, & rixas. Vnde homines Americam Australem habitantes tales sunt; crudeles feroces, ad rixas, & quærelas proni, & faciles: vnde bellatores sunt, & Martem amant, & sequuntur, atque in perpetuis bellis viuunt. Vides quàm fidenter, quàm turgide, quam præfacta fronte pronunciet de rebus sibi ignotis, ac toto orbe auctis, ex solis suis ridiculis ratiocinatiunculis, nulla habita experientia, nulla Scriptorum, Astronomorumque fultus autoritate? vt non tam indubiè, tam constanter dixisset Ptolemæus, de Astris ab ipsa Orbis conditione cognitis, aut Tycho tot veterum Astronomorum, Eudoxi, Hypparchi, Nicepsi, Hygini, aliorumque sapientissimorum Aegyptiorum, qui totam vitam in siderum contemplatione transegerunt, obseruationibus inuicem collatis, ac suis adiunctis, Astronomiæ verus instaurator, eruditissimis suis progymnasmatibus potuisset inserere. Piguit enim uerò me has pueriles nugas legere, nedùm transcribere: attamen feci, nec sine nausea feci, vt hominis ingenium suis coloribus hic expingerem, neue incautus lector eius effatis nimium fidar. Quod ideo né nenia hæc pluribus locis dispersa, cum lectoris tadio, semel & iterum recantarem, huc in vnum congeffi, non omnino extrâ aleam, & ordinem scriptionis. Nunc ad magis seria reuertamur.

PICTVRA, vna est ex nobilissimis artibus liberalibus, Mathefi subalternis, quæ Geometriæ, & Optices institutis edocta, lineamentis, lucis, & umbræ prosecutione, colorumque varia attemperatione ac mixtura, naturæ opera effingit, & imitatur; atque innocent, felicique mendacio, oculis imponit, & in præsentia fîsit quid illa longa temporum serie, locorumque discretione vbique terra-

rum, quin & in Cœlis, & subtus terram procreauit, eduxit, perdidit, aut occuluit. Admirabilis plane Ars, Diuinæ Omnipotentiae amulatrix, Virtutum altitrix, scientiarum Compendium, ignauæ plebis magistra, muta Antiquitatis Historia, ac præclare geitorum, virorumque illustrium, quos tempus & mors absumpserat, egregia reparatrix. Est ei quidem in hoc comes assidua, & eadem matre progenita, inid (si Plinio fides,) primogenita, Statuaria seu Sculptura, adeoque semper amula, de primatu contendens: id quod vniuscuiusque facultatis clientes in partes traxit, vt pro sua quique Patronæ irribus, accensis animis, acriter, ac strenuè depugnarent. Quorum rationes & fundamenta studiosè hinc inde collegit Benedictus Varchius in suis eruditissimis Lectionibus, nec tamen litem dirimere ausus est, quæ adhuc pendens, sub iudice manet. At enim uerò nemo ibit inficias, quin Pictura sit in amplitudine obiecti vniuersalior, in inuentis acutior, & in opere mirabilior: quippe quæ visibilia cuncta complectitur, omnia tempora transcurrit, nil imaginarium respuit, quod non coloribus exprimere satagat; sit ne sensibile, aut spirituale, vel ideale, non curat, modò phantasiam effingatur. Montes, valles, Maria, syluas, integras provincias, confligentes exercitus, mortuos, viuos, virtutes, vitia, dæmones Angelos, Deum, quidquid tandem memoria potest suggere, aut intellectus concipere, totum æquè aggreditur, & feliciter operatur; quod Sculptura assequi non est potis. Verum quidem est, quod ipsa sensibus illudit, & magis distat à vero: sed in hoc, quando ambæ habent effingere, falsa pro veris supponere; summa laus & virtus est esse fallacior, & sensus omnes decipere. Laudantur pictæ Zeusi vix de puelluli manu pendentes; quod ad eas, tanquam veras, carpendas auiculæ conuolarint: ipse tamen tabulam cassauit & fregit, propterea quod ad verisimile non accederet, dùm aues cæteroqui vix deceptæ, puerum non formidarunt. Commendatur, & palmam retulit, (vel ipso competitore iudice,) Parrhasius, cum eodem Zeusi de operis excellentia decertans, quando hic aues, ille hominem fefellit, similitudine veri. *Vt Zeusis* (infert, factum narrans Plinius lib. 35. cap. 10.) *alium iudicio tumens, flagitaret tandem, reuoto linteo, ostendi picturam; atque intellecto errore, concederet palmam ingenuo pudore, quoniam ipse volucres fefellisset, Parrhasius autem se artificem.* Est igitur in deceptione virtus, & perfectio artis, & quo fallacior, eò ipsi decepto gratior, & mirabilior: namque, vt aduertit Philostratus Iunior, *iucunda hac in re deceptio est, neque vllum ferens probum.* Et vti de Tragædia verè pronunciauit Gorgias apud Plutarchum. De audiendis Poetis; quæ re ipsa fraudè esse dicebat idipsum de

pictu-

piçtura veriùs dici poteſt, *Qua qui decipit, inſtior eſt eo qui non decipit, & deceptus ſapientior eo, qui non decipitur.* Equidem in ſculptura rei veritatem attingit palpando, manus; in Piçtura dijudicat ſolus oculus.

Hæc autem non eò dixerim, vt Piçturam ſuprà Statuariam eleuem; ſed vt artis principia, progreſſus, ideas nobiles in mente Artificis residentes, (quæ ſunt vtrique facultati communia) dignis laudibus extollam, atque commonſtrem. Neque enim piçti colores, aut marmor exſculptus id præſtant, ſed ingenium artificis, & inuentio; quæ vt inquit Apollonius apud Philoſtratum ſeniores, lib.6. cap.9. *in conceptu deſcribit, & format aliquid, omni piçtura, ſculpturæ præclarius.* Parum quippe reſert, nùm in marmore ſculptas, aut in tabulis pingas, aut ære ſuſili formas capias, aut extenſis laminis ſtylo incidas, quando mens eſt manus directrix, & vna omnibus laus, & finis, naturæ opera propiùs ad verum imitare. Quare litigantium manus conſeram, & concludam cum Tullio, in Oratione pro Archia Poëta. *Omnes artes, quæ ad humanitatem pertinent, habent quoddam commune vinculum, & quaſi cognatione quadam inter ſe continentur,* & qui Ciceronis eloquentiam & acumen æquauit, & ter vicit, Tertullianus, in lib. de Idololatr. *Nulla ars, inquit, non alterius artis, aut mater aut propinqua eſt.* Stet igitur ſua cuiq; laus: & Piçturam dicamus ſcalpendi artem in plano, piçtis coloribus, & mollibus delineamentis; & Sculpturam (vt in loco dicemus) miram, & ſimplicem, nullius opis indigam, nullis coloribus ductam, prominentem Piçturam.

PILAE ab Latinis Architectis nuncupantur, quas Græci Stylos vocant, Itali autem Pilastro: quadratas videlicet columnas, & non ex vno integro lapide factas. Atticurgæ appellat Vitruu. lib. 36. cap. 23. fortè ſequutus Plinium, qui Atticas vult nominari columnas, quæ quaternis angulis conſtant, pari laterum ſpatio. Vlpianus autem in Pandect. *Columnas Struẽtiles.* Quem Budæus ſic explicat, *vt columna ſtruẽtiles ſint, quæ ex lapide quadrato, aut laterculis in quadrum poſitis extruẽtæ ſunt, quæ Pila etiam dicuntur.* Eſt autem ea differentia inter Pilas & Columnas, quod hæ vno continuo ac tereti ſcapo aſſurgant, hoc eſt, vno oblongo lapide, ac rotundo; Pilæ autem ex multiplici, ſeu quadrato, & dedolato ſaxo, ſeu latere, ſeu cemento conſtruuntur, vt propterea ſtruẽtiles Vlpianus dixerit. Porro hæ aut vnicæ ſingulis arcuum incuruationibus ad ſuſtinendum porticum fornices, pro columnis ſubſtituuntur; aut binæ hincinde ad oſtiorum latera aliquantulũ exporreçtæ, quas pecu-



liari nomine *Antas* appellant, de quibus suo loco dictum.

- 104 PILAE quoque vocantur à Polemicis, ferrei aut plumbei globi, qui in tormenta fulminalia inmituntur, ut postea accenso igne in nitrato pulvere simul apposito, violenter explosi in obuia quæque ruunt, & plagam inferunt. Quarum ratio, magnitudo, & forma maximi sit in Architectura militari; namque in ijs potissimum constituta est summa belli, & finis expugnationis urbium & castrorum: utputa, ut tormento, à quo explodendus est globus, respondeat pondus, materia, forma: ad quam proportionem, & altitudinem tormentum, librari debeat pro ratione pilæ, ut hæc ad destinatum scopum collineet, & his similia; quæ latè docent Scriptores Polemici, & doctè satis profequitur Iacobus Vfanus in Tractatu de *Tormentis bellicis*, in hoc genere expertissimus.

105

PILVM etiam dicitur in bellico apparatu, teli genus oblongum, ut ait Varro, Romanis bellatoribus proprium, à quo Pilani denominabantur Triarii qui illo armati incedebant, & erat certus pedum ordo, postremus in Acie, quos præcedebant Hastati, Antepilani exinde dicti, ut habet Liuius, & confirmat Ouid. Fastor. 3.

*Hastatos instituitque decem.*

*Et totidem Princeps, totidem Pilanus habebat.*

106

Porrò Pilum, testatur Veget. lib. 2. cap. 15. fuisse telum oblongum, quod sic describit. *Hastili pedum quinque, & semis, ad cuius iactum exercebantur præcipuè milites: quod arte, & virtute directum, & Scutatos pedites, & loricated equites sæpè transuerberabat.* Et lib. 1. cap. 20. *Missilia inquit, quibus utebatur pedestris exercitus, Pila vocabantur, ferro subtili trigono præfixa, unciarum novem, siue pedali, quod in scutum infixum non posset abscindi; & loriced, scienter ac fortiter directum, facillè perrumpit: cuius generis apud nos, iam rara sunt tela.* Equidem ea forte ex causa, successu temporis neglecta & prætermittenda reor, quod hastis, cæterisque missilibus infirmiora compeiebantur, & ad secundos ictus inualida. Id quod ex Polybio colligo. Is enim in libello de Callimachetatione Romana, qui separatim ab Historijs, eius nomine circumfertur, ita Romanum Pilum, describit. *Pili telum, lignum habet longitudine plerumque bicubitali; crassitudine digitali, spiculum unius spithame, palmi inquam maioris, consueque attenuatum & acutum, ut mox primum post ictum, necessariò flectatur, sitque inhabile ad remittendum; aliquin commune fieret telum.* Cæterum huiusmodi telis, & similibus armis hodie, militiæ nostra vale dixit, quoniam longe diuersum belligerandi modum.

ini-

iniuit, de longe hostes petendo fulminalibus pilis, hoc est, globulis modò descriptis per fistulas & sclopos immisissis: & solum vice pilorum, vitur quibusdam contis, & dolonibus præualidis & longioribus, ac breui ferro, ad folij lauri formam, in summitate munitis, (*Piccas* vulgò dicimus,) quibus certus peditum ordo instruitur, qui post tergum sclopetariorum incedunt, & aliquando in alas hinc inde explicantur, & campum aperiunt ad ineundam pugnam, profectoque his armis vtuntur non tam ad feriendum, quod rarò fit, quam ad fugandos, ac dispergendos hostium cuneos, & si nihilo minus ingruant, sistendos, & confundendos, eorum equos ad latera transuerberando.

PINACOTHECA. Vide *Tablinum*, *Museum*.

PINNAE in re ædificatoria sunt murorum supremæ extremitates, 107  
& loriculæ, non quidem continuæ, sed in partes dissectæ, ac veluti coronam murorum capiti imponentes, quibus olim, ingruente bello, præfidiarij insiscebant protecti, & per intermissa spatia, aggressores telis, ac missilibus impetebant. Hodie non iam mœnibus, & munimentis militariis imponuntur, sed in pacis otio, in editis turribus, & casis campestribus inædificantur & eriguntur, non tam ad ornatum, quam ad ostentum, vt à longe dispici possint, & ab alijs ædibus internosci. Hinc *Pinnaculum* audit summu[m] templi fastigium; & *Pinnæ*, volitantia galearum militarium ornamenta, quæ vtplurimum è struthionum pennis vento agitandis exposita, compinguntur. Quamquam Varro lib. 4. de L. L. ab his similitudinem ac denominationem sumpsisse pinnas murorum contendit. Vt vt si, nostrâ id definire non attinet.

P L

PLANETAE, vocabulo ex græco desumpto, appellantur com- 108  
muniter septem Cælestia corpora, seu collucentia Astra, quæ in suis quæque orbitis, motu singulis proprio mouentur, & errant per Zodiacum iuxta successionem signorum, contrâ motum Primi Mobilis ab Oriente in Occidentem; & quidem in seipsis, non ratione sui Orbis tantum, vti stellæ quæ sunt in Firmamento, quæ in seipsis nullatenus in suo Orbe mouentur, sed fixæ omnino in sua statione permanent, vnde & Fixarum nomen simpliciter illis adhæsit; his autem Planetarum, quasi Erronum: quod ideo ab Latinis *Erratica* per antonomasiam nuncupantur. Hæ inquam, septem omnino sunt (vt taceam de stellulis Comicibus, & Satellitijs aliquorum, quæ circa

circà ipsos rotantur, perinde ac Venus, & Mercurius circà Solem, (de quibus infrà) Saturnus, Iupiter, Mars, Sol, Venus, Mercurius, & Luna. Ex quibus primum locum, hoc est supremum, immediatè sub Firmamento cum suo Orbe crasso 8234. ÷ semidiam : Terræ, obtinet Saturnus: Mox Iupiter; eadem proportionè: inde Mars; postea Sol, (in cuius Orbis crassitie immerguntur Venus, & Mercurius, qui circa ipsum rotantur:) denique Luna omnium inferior, & terræ proximior: vt manifestum sit ex singulorum parallaxi; ex qua etiam innotuit, nedum ipsorum corporum diameter, sed & Orbium in quibus consistunt, crassities, vt alibi dictum. Porro multa sunt, quæ Planetas à reliquis sideribus diuersificant, & habent aliquid sibi proprium, quod non illa. Primò motus cuique peculiaris, vt dixi, vniuscuiusque, in suo Orbe, statis temporum interuallis: cum fixis nullus competat proprius, sed omnes simul moueantur per motum sui Orbis in quo affixæ sunt immobiliter. Secundo in Luce, cum alia fixarum sit, alia Erraticarum: Enimuerò etsi omnes promiscuè mutuantur lumen à Sole, primigenio fonte lucis; attamen fixæ, nescio quam insitam ex sui natura habent, quæ postea à Sole (vt ita dicam) fermentata, augefcit, & ita intenditur, vt proprios radios directè vibrent, vnde est scintillatio illa ipsis propria, & intuentium obtutus præstringens: id quod planetæ non habent, (vt etiam Aristoteles obseruauit) sed sunt corpora ex se opaca, densa, obscura, in quæ Solis radij incidentes sistunt, indeque reflexi generant lumen illud, quod ab ipsis emanat, suis qualitatibus alteratum. Tertiò, qui ex hac alteratione confurgit, color, & diuersus influendi modus: & alia, quæ magis distinctè considerauimus, cum de Fixis, atque ipsorum natura, singillatim disseruimus. Quare vide in proprijs locis.

## 109

PLANVM communiter dicitur, præsertim à Geometris, & Architectis, quidquid in rectam proutensam superficiem abit, nec vlla in parte modicum quid turget, aut prominet: quales sunt Campi, & Aræ, quæ proinde planitieci nomine insigniuntur: necnon ædificij pauimenta ad regulam & libellam strata, ac complanata. Sed Geometræ adhuc in ampliori significatione hoc vtuntur vocabulo; & per planum intelligi volunt, non modò omne quod in rectum iacet, sed & quotquot complanatas figuras, & superficies, siue iacentes siue erectas, siue angulares & rectas, siue circulares, & curuas. Atque ab hoc vniuersali capite profluunt denominationes quaruncunque rerum, quæ aliquarentis hanc planitiem seruant: vt planisphæria, sphæræ circuli in planum delineati, planiformia, quæ

pla.

planam formam exhibent. Et Planimetria dicitur facultas, quæ agit de planorum dimensione. Plana igitur superficies, ex Euclide primo elem. defin. 7. vocabitur illa, quæ secundum totam suam positionem extenditur supra æquale quoddam expansum, quæque in omni positu iacet cum omnibus suis partibus, eodem modo extensa. Vel breuius ex versione Campani: Superficies plana est ab una linea ad aliam brevissima extensio, in extremitates suas eam recipiens. Sed nec ipsi angulo, qui in punctum desinit, plani denominatio absurda est; nam eum definit mox Euclides: Est duarum linearum contactus, quarum expansio est supra superficiem, applicatioque non directa. Et in hoc versatur Planimetria, quæ ex nota quantitate angulorum planorum, transit ad dimensionem cuiuscumque partis areæ interclusæ intra lineas angulum efformantes, siue ex sint rectæ, siue arcuales. In quo tamen alia est planities superficiei, alia anguli, & diuersa est ratio metiendi anguli, ab ea qua superficies mensurantur. Nam quantitas superficiei sumitur absolute à longitudine, & breuitate linearum, intra quas concluditur; Anguli verò, quoniam modus tantummodò est, à maiore vel minore contractione, seu mutua linearum inclinatione, & concurrentiâ ad illum efformandum: vnde, quânto maior, aut minor fuerit hæc inclinatio, tantò maior aut minor prodibit angulus. Qui tamen semper specificatur ab arcu subtensò circuli, illum tanquam centrum habentis; itaut si arcus subtensus sit quadrans circuli, angulus denominabitur rectus, & continebit grad. 90. Si minor quadrante, Angulus vocabitur acutus: si demum arcus erit maior quadrante, angulus erit obtusus. Plura de Planorum quoruncumque ratione & mensura, habes in Euclide, qui totis primis Elementorum sex libris, de planorum conditione, & proportionem quam habent ad inuicem, enucleatè, & demonstrabiliter pertractat. Hinc

PLANIFORME PROPVGNACVLVM in Architectura militari, appellatur munitiuncula. tumultuaria è terra aggestitia supra cortinam erecta, in formam quadrangularem, quasi suggestum quoddam, & tumulus, ad locanda ibi tormenta è loco eminentiore libranda, in hostilium operum destructionem. Plataformam Nostrates vocitant, quòd ad rectam lineam in plano horizontali sit constitutum, & lineam defensionis radat tormentorum ictibus. Neque verò in solis Cortinis Arcium, locum habent huiusmodi terrea munitiones, sed etiam, vbi opus est, in quibusvis locis planis, & expositis hostis aggressionibus, quæ aliàs ob nimiam latitudinem, iustam defensionem excedunt, & ictum sclopi, vel sane ob sui de-

debilitatem, & formam irregularem, indigent maiori operum adiumento, atque adeo in ripis aninium, & in aditu pontium, & quandoque à castrorum etiam lateribus perquam conimodè adhibentur. Sed aptissimè omnium locantur in angulis cortinæ exterioribus, in æqua distantia ab lateribus duorum propugnaculorum, quæ cortinam complectuntur, nam ibi & cortinam optimè tegunt, & ipsa à propugnaculis proteguntur; & vicissim propugnacula ipsa defendunt, hostes longe arcendo ab eorum aggressione, vt videre est in pluribus munimentorum speciebus, quæ oculis exhibentur in Libro inscripto *les Travaux de Mars*, sæpius à nobis citato. Cæterum sunt qui vniuersaliter improbant huiusmodi plataformas in regulariis munimentis, inter quos est Carolus Terti Romanus in lib. 1. de Fortificationib. cap. 10. huius rei scientissimus, & expertissimus: eo quod, inquit, maioribus & fixis propugnaculis impedimèto magis sūt quàm adiuimèto, vt nō liberè per lineā defensionis excurrere ictibus possint, & vicissim se mutuo contutari: & insuper magis expositæ inimicorum operibus, & aliàs cōpactæ ē vili materiā, facilitè dissipari possūt, & ab hostibus occupari; vbi, si semel pedem figant, plurimum possunt & ipsam cortinam, & propugnaculorū latera incommodare.

**III PLANISPHAERIVM** (vt ipsum nominis etymon præfert,) appellat Sphæram in plano descriptam; & eo nomine venit Instrumentum Astronomicum planum, totam in se Primi Mobilis rationem complectens, circulos omnes qui in sphæra armillari conspiciuntur, polos, puncta cardinalia, tam in Zodiaco quam in Mundo, sed non eodem modo posita, verum eo ritu, quo per Opticam proijciuntur radij visuales, contracta, aut dilatata, prout longè aut propè sunt ad potentiam visiuam. Denique id habet amplius Planisphærium suprà Sphæram Armillarem, quod in hac tantum circuli, & quæ in primo mobili in se ipso præcisè considerantur, absque vllò respectu ad situm mundi, expressa sunt; in Planisphærio, eadem accuratius cum suis emensionibus, ac respondentis ad diuersos situs mundi, circulis altitudinum, & verticalibus, Ascensionibus, atque Descensionibus rectis, & obliquis, declinationum, parallelis ac circulis, ac tandem Fixis, suis locis in Zodiaco, tam in longum, quàm in latum, appositis habentur, non sine oculorum, atque animi interioris illecebra. Porro Planisphærium est in triplici differentia. Vnum ab eius inuentore Gemma Frisio celeberrimo Astronomo ac Geometra, denominatum; in quo diameter Aequatorem præsignat, & hinc inde Tropicos, mediosque ideo parallelos à singulis Signorum initijs descriptos, in quo linea recta, Aequa-

Aequatorem in centro ad angulos rectos secans, refert axem mundi; & polos, extrema puncta: Linea verò transuersa ab vno extremo coluri, seu vnius Tropici, ad alterum extremum & tropicum, diamentraliter ducta, Eclipticam; quæ in centro signat duo puncta Aequinoctialia  $\Upsilon$ . &  $\varphi$ , in Extremis Solstitialia  $\varphi$ . &  $\varphi$ . Secundum à Ioanne Royas architectatum, huic prorsus affine, nisi quod, ad meliorem captum, paralleli ad Aequatorem, non per arcus ellipticos, sed in directum, (prout sub oculo cadunt) per rectas lineas designantur. Tertium tandem, quod vulgò nominatur *Astrolabium*, quod pluribus tabulis constat ad rationem eleuationis Poli supra diuersa horizonta, & in ijs centrum quod clauo tereti, omnes in vnum neſtente figitur, vterque Polus, alter manifestus, alter occultus, signatur: atque in superiore horizontis parte constituti æquis in locis circuli altitudinum, & verticales, terminantes ad extrema puncta Zenith, ac Nadir. Denique supra illas Rete, perforata videlicet tabula versatilis, representans Primum Mobile, spatio 24. horarum se voluens, ac rediens ad meridianum, vnde disceſſerat vnà cum orbe ſiderum, qui fingitur in eo fixus, ac præcipuis ſtellis, ſuis in locis in Zodiaco, tam in longum quam in latum, conſtitutis, ac proprio nomine præſignatis, quò ſingularum altitudines, declinationeſque obſeruari quouis momento temporis poſſint per Dioptram volubilem, & pinnacidijs exiſtentibus in eius extremis, ac reſpondentibus ad gradus designatos in limbo, in medio axiculo collocatam. Quorum omnium fabricam, atque deſcriptionem & vſum, proſecuti ſunt ipſi Auctores, & vniuerſim Io: Stoſſerinus, Ignat. Dantes, & Clavius abſoluto volumine, quod *Aſtrolabium* indigitauit.

PLANTA, Noſtris communiter, Gallis, Hiſpaniſque, audit quod Latini appellant veſtigium, ſeu pedis figuram in plano impreſſam. I 12  
At in opere architectonico preſſius accipitur pro delineatione in plano facta ædificij conſtruendi, ad eius partes examinandas, & ſicubi opus eſt, corrigendas: quam Græci vocant *Ignographiam*. Porro hæc ita à Vitruuio deſinitur lib. 1. cap. 2. *Eſt Circini, reguleque modicæ continens vſus, ex qua capiuntur formarum in ſolis arcarum deſcriptiones*. Obscura ſatis deſcriptio, quæ non niſi per plantam noſtram atque humanum veſtigium, intelligi ac dilucidari poteſt. Etenim Planta propriè ſignat extimam ſuperficiem pedis humani, qua terram premit & veſtigium in ea imprimit, dictæ ſuperficiæ prorsus conſimile. Atqui idipſum planè exprimit apud Græcos in Architectura, vox *Ignographia*, quæ compoſitur ex  $\text{I} \varphi \text{G}$



& Γραφίδος. *Ichnos* enim sonat pedis impressionem, *Graphides* delineationem. Id autem totum comprehenditur in allata definitionem, & videre est in ædificij alicuius ima parte in plano delineata. Nam, vt acutè nimis discurret Villalpandus in Comment. ad Ezechielem Prophetam, vbi agit de templo Salomonis. tom. 2. par. 2. cap. 12. *Fingamus*, ait, *modicum aliquod ædificium super plana aliqua superficie ita constitui, vt quas premit partes, etiam signet, vt planta pedis in homine; quæ sublato ædificio, manerent in superficie signa, ea propriè vestigiū ædificij dicerentur.* Perinde enim foret impressio, ac vestigiū hominis: vbi contemplari liceret, ea quæ planum tangunt, circumducta lineatione signari; quæ verò minimè tangunt, vti sunt arcus, ostia, & quæuis aperitiones, manere vacua, atque eorum formam in planta desiderari. Sic Paries continuus secundum totam suam longitudinem, & crassitiem, in planta descriptus habetur, vbi scinditur in planta deest: Columnæ, secundum imi scapi crassitiem, circulis æqualibus describuntur, medium scæ hæmicyclis, antas extantes, bases, quadratas pilas extantibus quadratis figuris, & rectis lineis videmus representari, &c. Sensatè igitur, & satis appositè dixit Vitruu. *Ichnographiam esse circini, regulæque vsum, descriptionemque formarum in arèis, quia solo horum duorum instrumentorum vulgarium adminiculo, & non aliter, hæc descriptio perfici potest.* Modicè autem dixit, quia modica, & leui opera res peragitur in puris partium exterioribus lineamentis, ex concepta ædificij idea desumptis, & in subiectum solum translatis; vt ex ijs symmetria futuri operis obseruari queat, & si quis defectus irreperit, si quid exile, si quid vastum, si quid confertum, si quid, plusquam opus requirit, dispansum, debile, aut deforme comperiatur, id in ipsa molis constructione corrigi possit, antequam illi manus admoueatur. Hic eniuero est *Ichnographiæ finis*, hic plantæ ædificiorum vñs, præludens ad eorum extructionem. Cuius rei figuram ac delineationem huic loco non inuitus apponerem, ni superfluum iudicarem, cum satis per se intelligibilis, sit, & aliàs passim obuia, non solum in omnibus Architecturæ libris, sed vel in ipsis Architectorum, & fabricorum manibus. Ast si aues, vide Barbarum, qui diuersas ædificiorum plantas ad satisfactionem exponit.

- 113 PLASTICE eadem via, qua *Ichnographia*, & Plantæ delineatio incedit, sed non eodem modo; spectat enim in opere, *Orthographiam*; & exemplar seu modulum erectum effingit, ad cuius formam postea Artifex suam molitionem adornat. *Mechanicæ species est*

est, superiorum Matheseos facultatum præceptis instructa, & practiciis Picturæ, Sculpturæ, atque Architecturæ inserviens, & ut directrix in salebrosis itineribus manus, oppidò necessaria. Et de Architectura quidem, testis est luculentus Vitruvius, qui initio sui operis Architecturæ candidatum sedulò monet, ut graphidos scientiam habeat, quò facilius exemplaribus pictis, quam velit operis speciem deformare, valeat, & rationis plastica non sit ignarus. Consistit autem in externa expressione conceptæ ideæ operis faciendi, in cera, gypso, argilla, aut alia simili materia, cui facile sit addere, vel detrahere, corrigere, & immutare quidquid in prima Archetypi expressione manum, deforme, aut non ad venustatem, partiumq; inter se collatarum symmetriam obuenit; ut tandem eo ritè perfectò, sumptis inde menturis, proportionibus ac lineamentis, principale opus consummatur, & feliciter iniatur. Non ità tamen Plasticæ superioribus disciplinis subiecta est, & prædictis artibus ancillatur, ut non sæpè eas comitetur, doceat, illuminet, dignitate præeat, & suis operibus faciat deferuire. Paret id in varijs incrustationibus anaglyphicè factis, in cælaturis, ac typorum formis, è quibus prodeunt simulachra, & rerum effigies æternum mansuræ. Adeòt eius necessitatem, nobilitatem, atque antiquitatem mirè eleuet Plinius lib. 34. cap. 8. & lib. 35. cap. 12. qui eam matrem Sculpturæ, Picturæ ac Fætoris artis appellat: *Creuitque* (subdit) *res in tantum, ut nulla signa, statuæ sine argilla fierent: quo apparet, antiquiorem hanc fuisse scientiam, quam fundendi aris.* De eius inuentione, mira & curiosa sunt quæ ante dixerat. *Dibudates Sicyonius figulus, primus inuenit Corinthi, filia opera. Quæ capta amore iuuenis, illo abeunte peregrè, umbram ex facie eius ad lucernam in pariete lineis circumscripsit: quibus pater eius, impressa argilla, typum fecit, & cum cæteris fætilibus induratum igni proposuit; eumque seruatum in Nymphæo, donec Corinthum Mummius euerteteret, tradunt.* Itaque Plasticæ Mechanicarum omnium artium Mater exitit, & magistra, Pafitele iudice, apud eundem Plinium, in omnibus excellentissimo, qui nihil unquam fecit antequam finxit. Verum, uti in praxi earum facultatum, quæ manus operâ exigunt magistra est, & moderatrix; ita ipsa (quæ Theoricem attinget, & ingenij directionem appellat) sublimiorum disciplinarum, discipula, & cultrix sedula esse debet, præcipuè verò Geometricæ, & Optices, quò magisterium suum, cum laude & gloria proficteatur.

PLATEA ex græco Πλατεία, iam ad nostras regiones transijt, & popularis vox facta est, denotans latam quandam spatiositatem, &

viam in Oppidis stratum ad ciuium commoditatem, & concursum ut locum habeant sese inuifendi, communiter deambulandi, suaque negotia peragendi: quod ideo propriè, & rigorosè appellat locum publicum, & frequentis concursus. Non negauerim tamen, aliquando latius vsurpari pro priuatis areis, & ambulacris, quæ intrus & circa magna ædificia consternuntur, vti sunt Cauædia, & subdialia Xysta: vt est illud Lampridij in Heliogabalo: *Plateas in Palatio strauit*, quin etiam quandoque pro tectis arcibus: quo modo Gregor. Turonensis *Plateas Ecclesie* dixit Porticus exteriores. Sed magis ad rem nostram

- 115 **PLATEA ARMORVM** in Architectura militari & rata partium distributione, significat locum in Castris, seu amplam quandam arcem in medio Arcis, vel vbi ratio belli, & ordo extructi monumenti postulat, satis capax; & ad militum receptum vnice destinata, quæ alijs sit imperuia, & cæteroqui ab hostibus tuta, quo se milites ad mandatum Centurionis colligant, in armis se exerceant, tesseram singulis diebus propriam accipiant, quid singulis officij munus competat, dicto audiant, quo ordine, qua hora ad excursiones, siue ad aggressiones procedendum sit, discant: ac demùm, dato signo, ad stationes suas se quisque recipiat, denuò reuocandus, si noui quid accidat, aut rerum constitutarum series immutetur. *Piazzza d'Arme* vulgò nominatur à Nostris. Sed hic adnotandum, quod sæpè hoc nomen æquiuocè sumitur, & ijs qui rei bellicæ scientes non sunt, frequentes imponit, intelligentibus per illud *Sedem armorum*, quæ longe diuersa est, & alium habet vsum in bellorum ingruentium contingentia: Appellat enim hæc, fidam & fixam exercitus consistentiam, & bellatorum coadunationem, antequam cum hoste conserantur manus, in loco aliquo forti, at tuto, ad quod eligitur præmunitum aliquod Oppidum, aut Castrum, intrâ propriæ ditionis fines, vbi milites stationes habent, (quæ dicuntur *Quartieria*) de rebus belli deliberatur, apparatus militaris cogitur: ibi tractandorum armorum consilia iniuntur, delectus militum sunt, in partes, & signa distribuuntur, mandata accipiunt, & alia expediuntur, quæ ad prosequendum feliciter bellum, concernunt. Hæc etiam vulgò dicitur *Piazzza d'Arme*. De qua fusiùs suo loco.

**PLATICVS** *aspektus* Vide in V. *Partilis*.

- 116 **PLATONIA**, vox frequenter in Sacris Historijs vsurpata, præferim, cum agitur de SS. Martyrû, aut summorum Pontificum sepulchris  
ad

ad memoriam & honorē, architectonicē exornatis. Sic Anastasius, Bliothecarius in Liberio. *Hic ornavit, inquit, de Platoneis marmoreis sepulchrum S. Agnetis.* Idem in Damaso: *Aedificauit Platoniam, ubi corpora Apostolorum iacuerunt, idest B. B. Petri, & Pauli, quam & versibus ornavit.* Item in Leone III. *Super lilios ex metallis, marmoreas Platonias posuit.* Similia habent Ado Viennens. & alij apud Balenger. Baron. Aringhium, & Macrum. Ex quibus liquet sanē, esse marmorea ornamenta ad sepulchrum apposita; sed in quo genere, neque ex contextu, neque ex etymo nominis, quicquam certi, colligi potest. Conueniunt omnes, nomen originem traxisse ex græca notatione Πλάτῳ, quæ latitudinem sonat, vel Πλακῶν, quod idem valet, ac incrusto. Vnde arguunt aliqui, inter quos Bulengerus, ea fuisse loca marmorum crustis induc̃ta, aut pauimenta tessellatis emblematis variata. Sed nimis generaliter, quando Platoniaz nomen solum in Monumentis vsurpatum legimus. Tum diuersa sunt admodum marmora lata, ex integro lapide, seu lapideæ tabulæ, ac pauimenta, marmoreis crustis ac tessellis induc̃ta, quæ quidem ad rem sepulchralem non faciunt. Et quidem ex adductis testimonijs habemus, Platonias esse tabulas integras parietibus vel ipsis sepulchrorum Arcis affixas, quæ inscriptas habebant Defunctorum laudes, & gesta, & in Histor. Dunelmensi, apud Du-Cange ad ann. 794. habemus expressē, quod nescio quis in Ecclesia S. Petri Apostolorum Principis sit sepultus, & super sepulchrum eius Platona (idest marmor) parieti infixas, gesta bonorum eius aureis literis, & versibus scripta. Tum de Ecclesia S. Laurentij Mart. quam Xystus III. ædificauit, habemus ab eodem Anastaf. quod posuit suprà Platonias porphyreticas.

Ex quibus omnibus statuendum videtur, Platonias in opere architectonico aliud plane non esse, quam inscriptiones in lapide, quæ in Ecclesijs, Defunctorum monumentis apponuntur, eorum gesta enarrantes, quas nos *Lapidas* vulgo appellamus, quæque etiam ad posterorum memoriam, in sacellis, & in aditu templorum cum insignibus dominorum, ad prospectum locantur, ad explicandum, quis, & qua ratione exædificauit, cum aliquo breui elogio authoris, vel eius, qui eo loco tumulatus est.

PLEIADES, recepto iam communiter ex græca notatione vocabulo, dictæ sunt, quas nos Latini Vergiliis appellamus, septem videlicet aut sex stellæ minusculæ in dorso Tauri sideris consistentes, & in Zodiaco, extremas partes signi eiusdem nominis occupantes, cum grad. fere 4. latitud. Borealis: ita enim sunt conglomeratæ, vt intrâ spatium min. 80. in longum, & min. 16. in latum contineantur; adeout

adeout primo aspectu, vna & eadem stella, pallenti lumine circumfusa videatur; attentius autem contemplantibus, modò sex modò septem ab inuicem seiunctæ, appareant: vt notauit etiam Ouidius in Fastis lib. 4.

*Quæ septem dici; sex tamen esse solent.*

Quinimò Galileus, suo tubo optico ad 40. distinctè conspicabiles in hoc Astro enumerauit, vt testatus est in Nuncio Sidereo: sed vt dixi, nudo oculo, aliquando sex, aliquando septem distinctè & clarè conspiciuntur. Causam autem diuersæ huius apparentiæ, paulò antè tradidimus in V. Phænomenon. Igitur Stellæ istæ à Græcis Pleiades nuncupantur, *ὑπὸ τῆ πλῆγος*, quod nauigationē sonat; eoquod ortu suo tempus nauigationis enunciant: à nostris autem Vergiliæ, à Vere: nam quando illis fuit hoc nomen impositum, circà Acquinoctium Vernum oriebantur. Et verò optimè ijs hæc nomina quadrant, quando præ cæteris, id singulare habent, quod mutationes temporum decernunt, ac moderantur, sintque fideles futuri eorum status, aut in bonum, aut in malum, indicatrices. Etenim ortu suo, semper Fauonium commouent, occasu Austrum per plures dies durabilem: & in occasu matutino (qui accidit circà initium Autumni,) ex modo quo occidunt, denotant qualitatem futuræ hyemis: si enim cadant nubilo Cælo, iudicant hyemem pluuiosam, si sereno, serenam, sed rigidissimam, itaut gelu flumina constringantur. Cum Saturno congregientes turbant aërem, & replent densa caligine, & si Luna affluerit, mox copiosos imbres, vel niues apportant: cum Mercurio etiam ventos excitant, cum Ioue, diu permanentem serenitatem. Sed & in Agricultura, Pleiades aptum tempus sationis ostendunt, vt post Aratum, & Hesiodum, notarunt Virgilius, Plinius, & Auicenus. Arati tamen testimonium clariùs, & loculentius, ex versione Ciceronis, hoc est.

*Omni parte locatas*

*Paruas Vergiliæ tenui cum luce videbis:*

*Hæ tenues paruo labentes lumine lucent;*

*At magnum nomen Signi, clarumque vocatur;*

*Propterea quod, ad Aestatis primordia clarent?*

*Et post hyberni præpandens temporis ortus*

*Admonet, vt mandent mortalia semina terris.*

Quare celebres oppidò sunt, & famosæ apud omnes Scriptores: ac vel in Sacris Paginis memoratu dignæ, interque Dei magnalia, Iobo cap. 38. ad admirandum propositæ. Numquid coniungere valebis mincantes stellas Pleiadas? Cæterum, vtp plurimum infaustæ & omniq; sunt ex natura sua, ac propter vicinas Hyades, (quibus

buscum lumina miscetur) præsertim, adstipulantibus hostili radio, vel sua præsentia Luminaribus; vel transeuntibus per eas, Marte, Venere, & Mercurio; nam aërem turbulentis ventis infestant; & largos imbres cum procellis inducunt: vnde & mare concutiunt, & naufragia, illud intransibus ominatur. Quod præsertim intelligendum de Ortu heliaco, & occasu cosinico, cum prauo prædictarum Erraticarum radio. Oriuntur autem Romæ, Mense Maio, cum grad. 17., & 18. Tauri, & decimo post die occidunt, cum grad. 27. eiusdem Signi.

PLENILVNIVM quid sit, sat se suo nomine explicat: denotat enim tempus oppositionis Lunæ cum Sole, quando maximè conspicua, & lumine affatim plena est. Vnde Plin. lib. 18. cap. 22. ait: *Cum Sole occidente, oritur Luna ex aduerso, itaut pariter aspiciantur: tunc erit Plenilunium.* At non id exacti Plenilunij indicium est, sed mox celebrandi, quandoquidem in perfecta Luminarium diametro ad vnguem, alterum suprà terram conspici necessum est, alterum infrà horizontem occultari. Græci magis expressiuo vocabulo. *Panselene* nominant, hoc est, Luna omnibus numeris absoluta. Hic autem curiosam nimis, & satis subtilem observationem præstat adnectere ex Keplero in *Astronomia Optica*; nempe, quoad nos, numquam fieri, aut conspici perfectum plenilunium, hoc est, Lunam, totis luminibus plenam: quod sic demonstrat. Nam Plenilunium perfectum absque dubito fit, cum Luna est in oppositione Solis, seu cum ei dimetraliter opponitur. Nunc autem diametralis oppositio, vel fit ad vnguem quoad longum & latum; & tunc, cum Luna incidat in Eclipticam, certè aut in totum, aut ex notabili parte, ob terræ interpositionem, & umbram, luminibus priuabitur, & fit Eccipsis: aut opponentur in eodem gradu longitudinis, sed non in Ecliptica, eoquod Luna incedat cum latitudine; & tunc inter centrum Lunæ, & umbræ terreni globi, necessariò interponentur scrupula 64., aut 66. vnde tantumdem distabit Luna à vero loco oppositionis: itaut iam fiat intersectio circulorum visionis nostræ in lunari disco terminatæ, & illuminationis à Sole, quæ sit scrupulorum 30. ubi se tangunt: igitur tunc videri non poterit Luna plenè illuminata, adeoque verum Plenilunium. Hæc Keplerus ingeniosè satis, & planè demonstrabiliter.

PLEVRA apud Pictones (inquit Du-Cange in Glossario) est modus mensuræ agrorum extensus, & quaquauerfum determinatus ad pedes centum, respondens forte ad actum quadratum Antiquorum, & Modio nostro, quo Neapolitani Agrimensores campos metiunt.



metiuntur. Confirmat id autoritate Consuetud. Bituric. & Histor. Richeianæ ubi habetur, Pleuræ nomen acceptum pro mensura terræ arabilis; & denominationem fluxisse à græca notione Pleron. At cur non potius ab ipsa voce Pleura sumpta analogia, quæ propriè apud Græcos sonat latus, seu extensionem? Itaque

- I 20** PLEVRA, & PLEVRITIS, Græcis idem valet, ac latus, seu Costa: & Πλευρά, (inquit Gorraus in Thesauro Linguae Græcæ) sunt ossa thoracis à lateris sita, vnde à Medicis Pleuritis dicitur dolor lateralis, costarum membranas pungens cum inflammatione, ac difficultate respirandi; quem morbum nostri idcirco Puncturam nominant. Sed ad rem nostram: *Pleuritis* vocabulo, utitur Vitruv. in opere Mechanico, ad significandas regulas quasdam appositas hinc inde ad latera Organi hydraulici quæ modò impelluntur, modo reducuntur, ad obturanda vel aperienda foramina, è quibus aqua profluit. Sic enim habet cap. 9. lib. 9. *Inter tabulam, & canona regula sunt interpositæ ad eundem modum forata, & oleo subacta, ut faciliter impellantur, rursus introrsus reducuntur, quæ obturant foramina, Pleuritidesque appellantur: quarum itus, & reditus aliàs obturat, aliàs aperit cerebrationes.* Sed quid regulis hisce cum Thoracis costulis, aut cum Pleuritidis morbo? Doctissimus Turnebus lib. 2. cap. 22. vocat, inquit, *pleuritides, idest laterales*: monet tamen, se in antiquissimis editionibus, Plinthides reperisse, idest laterculos, quia ad laterculorum modum sunt factæ: vnde mendum forte suspicatur irrepsisse in *Pleuritides*. Barbarus retinendam vocem contendit, quia regulæ istæ à lateribus organi sunt. Vtraque tamen explicatio non placet Baldo. *Quæ enim inquit proportio huiusmodi regularum ad latera? quare (addit ipse) ideo regulas hæcæ pleuritides appellatas, quod tùm forma, tum ordine inter se, costarum præferunt imaginem, quæ Pleuræ, græcè dicuntur.* Acutè quidem; sed adhuc in cute nodum tangit, non in medullam penetrat. Aio enim, cur non *Pleuræ* dixit Vitruv. per relationem ad costas, & earum ordinem; sed signatè *Pleuritides*, quibus à pleuris, seu costulis, fit transitus ad inflammationem, & morbum costarum? Equidem, censeo id aptissimè dictum à Vitruvio: nam non tam ordinem regularum inter se, & similitudinem quam habent ad costas thoracis, explicare voluit, quam earum effectum, & motum, quo ita redituque impelluntur reducunturque per pulsationem & tactum, ad varios sonos edendos, ut sit in tibijs, & organis musicis: est quippe is morus, atque effectus perquam similis asthmatico motui membranarum thoracis, circà costas, ac difficultati respirationis, quam
- I 21**

quam eo motu parit pleuricidis morbus, & inflammatio cottarum. Quod ideo nihil aptius, nihil expressius inueniri poterat, quod ad viuum repræsentaret huiusmodi regularum effectum, in dando & remittendo flatum tibijs, & cannis Organi musici, cum pulsatione impelluntur, vel reducuntur, obturando, vel aperiendo foramina, per quæ flatus ingreditur, & egreditur. Has regulas nos, in eiusmodi Organis, Registros vocamus.

PLINTHVS græcè (vt modò tactum est) latinè laterem seu laterculum sonat; illum videlicet, qui in constructionibus ædificiorum, tum in parietum erectione, tum in pauimentis, spicato more, sternendis, fabricorum manibus continenter, & assidue teritur. *Quadrelum*, & *Mattonem* nos vulgò vocitamus, à forma: factum è testa coctili, & in lapidem indurata, ad formam reſtanguli quadrati, vel parallelogrammi. Ni fortè velis, (quod libenter admitto) primam notionem ex græco, signare in abstracto, formam reſtangulam, quadrangularem, ac postea Plinthum in concreto aptatam ad coctiles lateres, & omne id, quod simili modo, in quadrum vel in reſtangulum definit: quo pacto Euclides, alijque Geometræ græcanici, reſtangula & parallelogramma, sæpè Plinthos, & Plinthidas nominant. Certè Architecti, Plinthi vocabulum contrahunt ad basim columnarum ad styloboriam, acroteria, abacum capitulorum, denique omne id, quod quadratum latum, & altum efformat. Et Vitruuius quidem sæpissimè, & indifferenter, hac voce vtitur. *Quin* & ipsos parietes, lib. 2. cap. 8. biplinthios, & triplinthios vocat, ad rationem laterculorum, quibus erecti sunt: ex duplici nimirum, vel triplici ipsorum ordine. Igitur Plinthi nomen, rebus quibuscumque rectè applicari potest, quæ utcumque, quadratam formam præferunt. Hinc mihi facilè elucescit ratio, cur ab eodem Vitruuio lib. 9. cap. item 9.

122

PLINTHIVM horologium quoddam dictum est, quod siue Apollonius, siue Scopas Syracusius, primò inuenit & in Circo Flaminio Vitruuius perhibet fuisse positum, quodq; etiam *Lacunar* appellat. In quo quidem explicando & disquirendo, quid sibi velit, quidue haberet proprium, in quo, & re, & nomine, ab alijs distingueretur, multum defatigantur Interpretes. Daniel Barbarus diuinando magis, quam ad scopum collineando, dicit, quod erat *Truncus in quo plura horologiorum genera, erecta, inclinata, & declinancia describi poterant*. Igitur non vnum specie distinctum, sed multiplex erat, atque non actum, sed tantum potentia. Sed Bernardinus Bal-

123

dus, vim nominis accuratè perpendens, tandem gladio Alexandri nodum scindit, caputque tauro obruncat, in finem concludens, vnum specie esse ex ijs quæ horizontalia dicimus, ad differentiam verticalium, & quomolibet inclinatorum, quæque in plano horizonti parallelo, describi solent in plinthis seu tabulis marmoreis quadratis, perindè ac columnarum plinthis. Qua explicatione nil planius nil magis ad rem, atque ad Vitruuij mentem, volentis indicare huius horologii situm, & formam, per nomina oppidò expressiua, superficiei in plano iacentis, vt sunt Lacunæ & Plinthus.

- 124 PLUMBATAE, Vegetio in re militari, sunt quoddam armaturarum genus, quod in angustias posuit Interpretes in explicando quid sibi velit hoc nomine. Nam & Barbulos, & Martiobarbulos vocat lib. 1. cap. 17. & Leo Augustus Martzarbulum, & Salibam, ac Tzicurim, in lib. de apparatu milit. cap. 7. num. 4. Suprà laudatus Turnebus lib. 24. cap. 12. existimat plumbatas istas fuisse plumbeas glandes, eius propemodum generis, ac pilæ quæ nunc è tormentis & sclopis exploduntur. (Qui enim, inquit, quinæ in scutis inferebantur, si aliud forent?) & qui eas gestarent, Martiabarbulos per iocum, militari quadam lasciuiâ dictos, quod cum aliàs barbi, & barbuli pisces, essent in delicijs mensæ; plumbatæ istæ boli essent & barbuli, non gulæ irritamenta, sed Martis; adeoque milites qui ijs uti delectati fuerint, Martiobarbulos festinè vocatos. At pace tanti viri, eius sententiæ refragatur ipse Vegetius, tum ibi, vbi ait, quinos insertos scutis, portari consueuisse; & lib. 2. cap. 15. inter arma, quibus instructi procedere solebant ad prælium, hastati & grauis armaturæ milites, *plumbatas quinas* censet, positas in scutis, quas primo impetu iaciunt. Tum clarius lib. 4. cap. 29. eas inter missilia connumerat, quæ ex alto solent, eiaculari, & explicat: *plumbatæ, siue lanceæ, verutæ, vel spicula*. Hoc autem nullo modo potest globis plumbeis adaptari; sed nec illud, quod quina scutis inseruntur, qui enim glandes scutis inferi possint, planè non intelligo, aut improprie loquutus est Vegetius; benè autem dicuntur inserta quæ oblonga sunt, uti verutæ, & sagittæ, quæ probe inferi possunt scutis oblongis & planis, quibus totum ferè corpus tegitur, & adhuc faciliùs exferi, cum emitti debent: namque scutum in eo casu gerit vicem pharetræ vel vaginæ, ita ut intra suam crassitudinem latam, feriatim possit quinas plumbatas oblongas excipere, & continere.
- 125 Quamobrem mihi summopere arridet opinio Stevvechij, qui putat plumbatas Vegetianas, quibus veteres utebantur in prælijs, fuisse in genere missilium, non multum absimiles à sagittis, nisi quod illæ per-

niciores erant, & plumbo librabantur in medio, quod ideo plumbatarum nomen ipsis accessit. Id quod confirmat autoritate Anonymi Scriptoris de rebus bellicis; qui duplicis plumbatæ mentionem facit, & formam oculis exponit, Tribulatæ vnus, alterius, quam nominat Mamillatam, quas & verbis ita describit. De Tribulata prius: *Hoc iaculi genus*, ait, *quod ad modum sagittæ pennis videtur instructum*, non arcus atque ballistæ pulsus consuevit emitti, sed manus impetu, & viribus elisum, in hostem cominus vadit, quod excipienti gemina ratione videtur asserre perniciem: aut enim perimit infixum, aut sine vulnere dilapsum, & in terram positum, plantæ calcantis infigitur, eoquod in partem quamlibet si fuerit conuersum ex latere, aculeo ex se eminente, inferat vulnus. Fit autem ex ligno in modum sagittæ factum; cui ferrum subtiliter in formam venabuli aptatum infigitur, fistula eiusdem ferri parumper extensa; supra quam modico interiecto spatio plumbo adhaerentes iaculi, velut tribuli emergunt. In summa autem parte eiusdem iaculi affiguntur pennæ celeritatis causa; tantò videlicet super easdem pennas relicto spatio, quantum digiti potuerint tenentis complecti. Hactenus de Tribolata. De Mamillata verò hæc profert. *Bene extensa, & directa virga accipiet in extremitate sui, rotundum, & in acumen deductum ferrum* similibus locis in tribulata, plumbo, & pennis adhaerentibus, ut plumbi pondere, & pennarum celeritate adiuta rotunditas teli, facile clypeos aduersarij, & similiter obstantia valeat penetrare. Hæc prædictus author de huiusmodi telis, quorum imaginem ex eo desumptam, habes apud ipsum Stevvechium.

Nunc autem non me latet, plumbatarum nomine venire sæpè in Ciuilibus, lora & flagella, in quorum extremitate extabat pendens plumbeus globulus, quibus in malefactis castigabantur serui, & vilis conditionis homines, citrà periculum mortis; de quibus est lex in Cod. Theodos. lib. Si quidem de quæst. vbi dicitur: *Plumbatarum ictus quos in ingenuis corporibus non probamus, sed decem primos curialis ordinis ab immanitate huiusmodi verberum segregamus*. Et lib. 8. de Decur. statuitur. *Omnis ordo Curialis ab ictibus plumbatarum habeantur immunes*. Sed de his nihil ad nos. Quas tamen nunc temporis veneramus, & in honore habemus, quoniam instrumenta quondam fuisse martyriorum, quibus Fideles ob Christi confessionem cruciabantur: & frequentissima eorum sit mentio in actis SS. Martyrum. Qui plenam eorum notitiam habere cupit, videre poterit apud Gallonium, in lib. quem edidit de Cruciatibus SS. Martyrum, & in Baronio, in Notis ad Martyrologium Romanum.

126



PLVTEVS in vtraque Architectura, tam Ciuili, quam Militari, 127

M m m m 2

fre-

frequentissimus est, sumiturque in diuerso significatu. Et in Ciuili quidem structura, Plutei accipiuntur pro septis quibusdam, siue marmoreis, siue ex alia structili materia, quibus intercolumnia præsertim superextantia concluduntur, tum ad ornatum tum ad commoditatem, & securitatem, propius ad prospectum, ne labantur; quos pro diuersa eorum conditione nunc Parapettos; nunc Balanstratas vocamus. De his, hæc habet Vitruu. lib. 4. cap. 4. vbi de Cellarum distributione agit. *Intercolumnia tria, quæ erunt inter antas, & columnas, pluteis marmoreis, siue ex intestino opere factis, intercludantur.* Similiter lib. 5. cap. 1. *Pluteum, quod fuerit inter superiores columnas, item quarta parte, quam superiores columnæ fuerint, oportere fieri videtur.* At in Bellicis, teste Vegetio lib. 4. cap. 15. erat machinamentum, ad suffodiendos muros obsessæ urbis, quo miles contegebatur, & sub eo tutus ad opus procedebat. *Plutei, inquit, dicuntur, qui ad similitudinem absidis contextuntur è vimine, & cilicijs proteguntur, ternisque rotulis, quarum una in medio, due in capitibus apponuntur. In quamcumque partem volueris admoventur, more carpenti: quos obsidentes applicant muris, eorumque munitione protecti, sagittis siue fundis, vel missilibus, defensores omnes de propugnaculis exturbant, ut scalis ascendendi facilior præstetur occasio.* Ex quibus liquet, diuersos fuisse Pluteos à Vincis, etsi forte ex eadem materia vtraque contexterentur. Nam, vt obseruat Turnebus lib. 11. cap. 24. Vineæ in, vtramque partem erant deuexæ: Plutei in vnâ tantummodo partem, similes ijs appendicibus, quas de foris ædificijs applicamus. Item vineæ plures in vnum coibant, vt author est idem Vegetius, ac tectum duplici munitione confirmatum habebant, tabulatis, & cratribus: pluteus autem solus incedebat suis (vt ita dicam) pedibus, & erat è vimine. Quamquam benè notat Lipsius, & ipsum quandoque ex tabulis, asseribusque factitatum, & in speciem fornici arcuatum, quò facilius agitari posset immissaque tela præuertere, vt in figura quam exhibet pag. mihi 47. spectare licet.

## P N

- 129 PNEVMATICA ORGANA, quasi diceret Spiritalia, apud Mechanicos sunt quæ spiritu artificiose iulantur, & exinde ventus elicitur, ac varij sonus eduntur: vt iam passim introducta videmus in ipsi Ecclesijs ad Dei laudes occinendas. Sed & eadem Hydraulica quandoque etiam, promiscuè appellantur, quæ videlicet maiore artificio, non manu, sed aquæ motu aguntur, & excipiunt aut remittunt spiritum. De his fufe Hero in *Spiritibus*, & Vitruu. lib. 9. cap. vlt. nosque suo loco breuiter differuimus.

130  
 PODISMVS græcanica vox est, iam nostris militibus facta familia-  
 ris & in Latium introducta. Sonat autem dimensionem pedibus fa-  
 ctam, vt habet Budæus ad L.vlt.ff.de iure immunitatis. In re autem  
 significat metaturam Castrorum, tumultuario prælitam per pedum  
 mensuram, vt olim vsus Romanorum erat, & refert. Veget.lib.2.cap.7.  
*Mensores, inquit, qui in Castris ad podismum dimetiuntur loca in quibus*  
*militēs tentoria figant, vel hospitia in Ciuitatibus præstant.* Et lib.3.cap.  
 8. modum & ordinem ponit, quomodo hic podismus fieri debeat.  
 Namque non minore cura, & cautione prouidebant in stationibus  
 exercitus securitati, per ordinem in sua loca tributo; quam in ieiue-  
 ribus, & in Campo, acie ad prælium explicata. Siquidem, vt bene  
 aduertit eruditissimus Nandæus, in Syntagm. de Studio Militari, lib.  
 1. num. 13. *Non satis est illa (castra) tuto, & opportuno situ locari,*  
*fossis, aggeribusque muniri, & apta dimensione, ac podismo designata ex*  
*Gromaticæ disciplinæ regulis, vias suas, portas, & fora obtinere, esseque*  
*ad formam munitæ urbis composita, ut sint victori receptaculum, victo*  
*autem persugium: nisi in illis pro gradu, & conditione singulorum, le-*  
*gionibus, auxilijs, equitibus, pedibusque loca propria deputentur.*  
 Id quod non nisi per podismum tumultuario, & tam breui tempo-  
 re, ac lassis ex itinere militibus fieri potest. Agit de hac re exquisitè  
 Polybius in Colophone ad lib.6. Historiar. sub tit. *de Castram. Rom.*

131  
 PODIVM, similiter à pede deriuatum ex græca natione, duplici-  
 ter, & quidem in diuerfissimo sensu accipitur in opere architectoni-  
 co. Primò, & propriè pro una parte constructionis, quæ immédia-  
 tè exsurgit supra iacta iam fundamenta; & est veluti pes, cui paries,  
 ac totum ædificium insistit. Nos Basamentum vocamus, quia est  
 quasi continua basis, supra quam reliquæ partes ad firmitudinem, &  
 consistentiam collocantur: quod ideo crassior fit & è lapide qua-  
 drato, & firmo obductum. Nam si tota Structura ad permanentiam,  
 & perpetuitatem (quoad eius fieri potest) erigitur; multò magis ea  
 pars firmiter stabilenda est, quæ parieti connexa, stabilitatem illi  
 impertit, vti paries toti ædificio: vnde ex vno integro lapide si ha-  
 beri liceat, aut pluribus prægrandibus, & bene æquatis, solidandum  
 podium, monet Albertus lib. 3. cap. 6. De qua re satis dictum in V.  
*Basamentum.* Altero modo accipitur Podium, præsertim à Scripto-  
 ribus, qui non ex professo de Architectura pertractant, pro ea parte  
 ædificij, quæ foras vltra parietes, & eorum ambitum exporrigitur,  
 & marmoreis mutulis, aut ferreis fulcris, quasi pendens inhaeret, &  
 sustinetur. Id autem ad prospectum erigitur, vel ad amplificandam  
 domum, vbi situs sit ædus; & de eo agit etiam Vitruu. lib. 5.  
 cap.



cap. 7. & extant varia iura apud Vlpian. in l. *Quæsitum* §. Canales. ff. de fund. instruct. Vide quæ diximus in V. *Pergula*, & in V. *Meniana*.

132

**POETICA**, vel *Poësis*, & ipsa sub Mathesis amplitudine comprehenditur, ac geometricis, & arithmeticis institutis incedit, perinde ac Musica; quatenus metrica ratione, & numerorum proportionem perficitur: nisi quod, hæc cantu, & sonorum diuersitate per connexiones, & interualla metitur, Poësis verò per versuum, & sillabarum dispositionem, nunc breuium, nunc productarum, mutam quandam, & stabilem, seu Choream seu consonantiam facit. De cætero ambæ Apollini, Musique litant, ambæ numeris insistant, & temporum interualla obseruant, & pedibus cothurnatæ progrediuntur. Et quemadmodum Musica aures mulcet, & prout porrigitur, varios affectus mouet; ita & Poësis, quæ claudicans, hiulca, perstrepsens, inconnexa, fastidium legentibus, & auditoribus parit: vti si consona, grauis, ad numeros saltans, grata euadit, & mirum in modum animos oblectat, & mouet. Quare pari passu procedunt, & iisdem fere legibus diriguntur. Fundantur enim, vt dixi, in Arithmetica, & Geometrica proportionem; atque innituntur figuris numerabilibus, & geometricis, ex quibus eadem dimensiones, ac demonstrationes emergunt, quas in quantitativis vel continuis vel discretis comparatis adinuicem, elicit Euclides totis sex primis libris, atque ad eam rationem de Poësi dijudicat Aristoteles in lib. de Poëtica.

133

**POLEMICA** idem sonat ac Ratio muniendarum urbium; quæ spectat ad militarem Architecturam; & est facultas tradens modum erigendorum munimentorum, quæ sint, tum ad propriam defensionem, tum ad hostium incommodationem. Extenditur etiam ad Castrorum ratam positionem, ad aciei instructionem, & modum procedendi ad prælium. Sicut in statarijs obsidionibus, ad obducendum vallum, ad prætenturas subito excitandas, ad fossas rite cauandas, aut, in subita aggrèssione vel siccandas, vel implendas, &c. quæ, ni à satis versato in Mathematicis disciplinis Architecto, scitè dirigantur, infeliciter profectò bellum à Ducibus adornatur. Præstat ergò, (vt pluribus in locis monet Veget.) in rebus bellicis, militem, Duces, atque ipsum Imperatorem, nedum fortitudine esse, præditum, rerum usu probè instructum; sed & Mathematicis disciplinis, ac potissimum Militari Architectura, non leuiter imbutum, vt valeat loco & tempore, munimenta erigere, crecta ab hostibus, facile

cilè occupare ; inutilia reddere , ac demoliri , ac tandem victoriam reportare . Etenim in belli alea , rerum peritia primas tenet , & feliciore euentu , plus pgnat immota , quam , si forti manu , ac militum multitudinem dimicaret . Similiter

POLIORCETICA ars est extruendi , & scite adhibendi machinas , & instrumenta bellica , ad Arcium propugnationem vel expugnationem inuenta . In qua sanè valde excelluit Demetrius Macedo , Antigoni Regis filius , & in Regno successor : qui ( vt scribit Plutarchus ) inde Poliorceti nomen obtinuit , & inter alia , Helepolim excogitauit , ac Rhodo applicuit ; qua mediante , & ipsam , & aliàs vrbes cepit , ac laudem ex facto , & nomen ex ingenio , reportauit ; quasi Expugnator Urbium . Ex quo ipsis Machinamentis ad hoc factis , Poliorceticon nomen adhæsit : vnde de his integrum librum conspilaui eruditissimus Lipsius , tali nomine insignitum . 134

POLI communiter appellantur duo puncta vtrumque in Sphæra diametraliter opposita : pressius tamen in Sphæra mundi , & eius specimine , Armillari ; quæ axem hinc inde terminant , circa quem tota Cælorum Machina circumuoluitur . Quoniam autem in Cælis plurimi motus sunt , & plura Mobilia , quæ in gyrum rotantur , vnumquodque per suam peculiarem Orbitam , quæ est Circulus maximus æqualiter distans à Polis , in medio constitutus ; consequenter tot geminati Poli cuiusque Orbis Mobilium , concipiendi sunt , quot orbitæ assignantur . Immo ( vt benè obseruat Clavius , ) etiamsi nullum Mobile concipiatur , nihilò secius in Sphæra , tot geminati poli concipi possunt , quot Circuli in medio constituti , qui vnâ partem ab altera æqualiter segregent , atque vtrius termini duo Poli sint , ab illis distantes per integrum Quadrantem , & grad. 90. Nam Polus aliud reapse non est , quàm Punctum in conuexi cuiuscunque Sphære superficie , vbilibet acceptum , quod per lineam rectam transeuntem per centrum , respondeat ad alterum sibi diametraliter oppositum . Sicque hac ratione , & Horizon habent suos Polos , duo videlicet puncta Zenith , & Nadir . Meridianus , duo puncta Ortus , & Occasus Aequatoris in Horizonte : Colurus Aequinoctiorum , duo puncta Solstitialia Cancrī , & Capricorni : & econtrâ Colurus Solstitorum , puncta Aequinoctialia Arietis , & Libræ : &c. Sed tamen Polorum nomine , vt supra innui , proprie veniunt ij , supra quos Mobile aliquod per suam Orbitam æqualiter ab illis distantem , rotatur : atque adeo primariò veniunt Poli Mundi Arcticus , & Antarcticus , ad quos referuntur , Circulus Aequinoctia. 135

cialis, eiusque, hinc inde descripti Paralleli; suprà quos voluitur Primum Mobile, ac Sphæræ inferiores, ab eo simul eodem motu raptæ: & secundariò Poli Zodiaci; & Eclipticæ, suprà quos voluuntur Secunda Mobilia, contrario motu ab Occidente in Ortum, in suis quæque Orbitis. Atque Eclipticæ Poli, seu Orbitæ Solis sunt definiti in Coluro Solstitiorum, in æquidistantia à Polis Mundi, quantum in maxima declinatione distat Ecliptica ab Aequatore, hoc est grad. 23. min. circiter 32. Et quoniam reliqui Mobiles, & Planetæ non incedunt per Eclipticam, sed per suas cuiusque Orbitas, quæ aliquantisper defleunt ab Ecliptica, incedentes cum latitudine, & interfecantes eam in duobus punctis oppositis, quæ puncta etiam suas sedes permutant, & vocantur Nodi, seu Caput & Cauda Draconis, vt aliàs diximus; ideò singulis Planetis, & suis Orbitis, sui Poli cuique singulares, & proprii, assignandi; qui tantundem à Polis Eclipticæ distent, quantum ipsorum Orbitæ in maxima latitudine distant ab ipsa Ecliptica.

- 136 Porro cùm Poli isti sint puncta in Cælo non oculis peruiæ, sed mente concipienda, (realia tamen, & certo loco fixa) solum ad rationem mensuræ motus cuiusque mobilis, definiuntur. Et Polus quidem Mundi Arcticus, adhuc vt probè internoscatur (quod necessarium est ad habendam adamussim eius eleuationem suprà quemlibet Horizontem) oportet vt imaginemur lineam rectam ductam à centro stellæ polaris, seu postremæ in cauda Vrsæ minoris ad sibi proximam in eadem cauda: super qua postea constituatur triangulum æquilaterum versus caput Vrsæ maioris; nam vbi definit apex dicti trianguli, ibi adamussim situs est Polus. Cuius postea altitudo, facile per Quadrantem, aut aliud consimile instrumentum inuestigabitur.

- 137 POLICHRONIVM ex græco dicitur, quod est longæum, diuturnum, & multi temporis. Hinc apud Astronomos inualuit, vt Planetæ tardi motus, & ponderosi, (vt mox dicemus) Polichronij antonomatice appellarentur. Itaque

- 138 PONDEROSI Planetæ audiunt, qui celi graui pondere preffi, cunctanter, lentè, & quasi laborantes incedunt: quales sunt simpliciter superiores, Saturnus, Iupiter, & Mars; qui motu suo in Zodiaco tam graues incedunt, vt nunquam vnum integrum gradum in dies angulos permeent, & aliquando tres, & amplius dies insumant in vno eodemque vincendo, & peragrando. Quamquam, (si rigorosè verbum sumamus,) Ponderosus dicitur respectiue ad alium qui-

qui sit expeditior, & velocioris motus: unde fieri potest, ut qui simpliciter Ponderosus est, secundum quid, & ad alium comparatus dicatur levis, ut est Mars respectu Superiorum, Iupiter respectu Saturni. Quinimò ex accidente sæpè euenit, ut qui natura sua ponderosus est, per alterius retrogradationem, aut motum directum circa absides sui epicycli, qua stationarius fit, ac lentè nimis graditur, & aliquando penè insensibiliter, (ut videre licet in Ephemeridibus) ideoque videatur velocior; inde est, ut ille qui aliàs ponderosus est, dicatur, levis; & iste è leui, tardus & ponderosus euadat.

PONS, præclarissimum Architecturæ Opus, & ingeniosæ necessitatis inuentum, ad Naturæ defectus supplendos, ad dissiãta connectenda, & humana commercia propaganda; Pacis symbolum, & Animorum consensionis imago: à pendendo, quod aquis inpendat, siue à pandando, siue ab imponendo, dictus. Neque enim vllum, aut grauius ad maiestatem, aut speciosius ad venustatem, aut opportunius ad publicam vtilitatem, ædificium excitari potest, quod Pontibus æquiparetur. Olim in prisca ætate, omnes publicij erant, nec tanta firmitudine, & nexu extructi, quales sunt nunc, lapidei; ex opere fornicato, magnis pilis in aquam iactis, & in solidum exedificatis, insistente: in quo sanè Architectura omnem sollicitudinem suam, omnes artis industrias, omnes tum diuitiarum, tum sapientiæ thesauros impendit. Quorum construendorum ratio, & peritia in dies adeò inualuit, ut in fluxilibus vitæ huius operibus bellorum furori, ac temporis voracitati subiectis, nullum stabilitate sua ad æternitatem magis adspiret, quam Pons, vel in fluxili, & in lubrico positus. Eius ritè consiendi præcepta, præ omnibus breuiter, & accurate collegit Leo Bapt. Albertus, lib. 4. cap. 6. De Re ædificator. in hæc verba. *Eius partes hæ sunt: Subices riparum, Pila, Fornix, Instratura. Inter subices riparum, atque pilas hoc interest, quod hæ valido penitus obnixu persistent, necesse est; non ad sustinenda modò superieclli forniciis pondera, vti & pila; verum, & ampliùs ad prima pontis capita, & arcuum vim arcendam, & continendam, ne quid pandant. Ergò eligenda Ripa, vel potius rupes (lapideæ namque obfirmissima) quibus pontis capita committas. Pilarum numerus ad flumij latitudinem refertur. Arcus impares, cum delectant numero, tum & conducunt firmitati, nam medijs fluenti cursus quòd à coërcitione riparum remotior est, ed & liberior; & quòd liberior, ed & concitator, atque impetuosior deuoluitur. Ergò is quidem linquendus est vagus, ne pilarum firmitati officiât illustrando: & locanda per flumini pila quidem, ubi castigatiores, & ut ita dicam, desidiores unda præterlabantur.*

Hæc Albertus: pergens subinde tradere, quæ arte ducendi sint arcuum fornices, quomodo instratura stabilienda, & ea omnia, quæ ad molis persistentiam, & obfistentiam aduersus quosque rapidè currentium aquarum impetum, necnon ad traducendorum desuper immensorum ponderum grauitationem, pressionemque conducunt. Denique proponit modum, quo instratura dirigenda sit, quatenus nimirum latera potissimum constrari debeant, & communiri structura firmissima, & lapide superinduci nec pusillo, nec forma volubili, qui leui appulsu diuelli possit; nec item tam lato, & amplo, ut illic, tanquam in lubrico, iumentum (alioquin pondere prægrauatum, aut attractione defatigatum) pedem figere nequeat, & prius ruat, quam fixuram, ubi ungula resistet, & firmetur, inueniat. Sed inter omnes lapidum species, ex veterum obseruatione, Siliceum anteposit, euniquè durissimum, ea præsertim parte locandum, quæ iumenta, & plaustra transmeant, & pressionibus, & concussionibus solum tundunt. Et ibi quidem planior instratura; ad spondas verò ac latera, aliquanto decliuus; quò exceptus imber prætersuat, & abijciatur. Quæ decliuitas satis ad rem commoda erit, si ipsa instratura in medio fuerit fastigiata, & exinde sensim decreseat ad latera, ad rationem bini cubiti latitudinis, vnum circiter digitum. Atque hæc est pontium stabilium, & lapideorum structura. Quorum pulcherrimi porrò, & perplures oppidò firmi, & magnificè facti visuntur in Italia, & in specie Romæ, Florentiæ, Veronæ, ubi mirabilis est is præsertim, qui Castro (ut aiunt) veteri adiacet; à Vitruuio, (uti fama est) extructus, adeoque ab eo denominatus: in quo supremus arcus Castello inharens, miræ, & adhuc inuisæ magnitudinis est. Nec prætereundus est, qui Venetijs suprà Canalem maximum, seu, ut dicunt, *Riuum altum*, constructus videtur, totus è marmore, & vnico præcelso arcu, tam spatiosus, ut supra se cum duplici ædium serie, tres calles admittat, tam firmus, & fortis, ut pondus superstructarum domorum, & officinarum omni genere, vernalium mercium instructarum, inconcussè sustineat: adeò vrbi commodus, adeò venustate, & maiestate plenus, ut nescias, num gratior visu sit, an vtilior commercatu.

140

At, quoniam de maiestate ac magnificentia sermo est, procul inuidia, cedant (mea quidem sententia) oportet omnes Italiæ, quin & Vniuersi totius pontes, duobus celeberrimis extrà Italiam in Europa positis; alteri, Lugduni in Gallia suprà Rhodanum à Traiano Principe, ut perhibent, ædificato; alteri Londini in Anglia suprà Ligerim; vterque suprà viginti magnas pilas impositus, toridemque amplis fornibus continuatus (neque enim minus requirebat fluuiio-

rum

rum alueus, omnium Europæ annium, si vnum excipias Danubium, latissimus) atque aquarum affluentia, & rapiditate iugiter verberatus. Scio equidem in Sinensi Regno, maximos quoque annes extare, supra quos perhibent, miri operis, & longitudinis pontes extructos: At nescio, an præfatis comparari possint omnibus: Etenim Sinenses in extollendis rebus suis, nimij sunt, & in historijs nostris, in his quæ longinqua sunt, fama crescit eundo. Hos vti, & alios in Orbe celebriores, per longum censeat Simon Maiolus in *Diebus Canicular. Colloqu. 23.*

Sed iam tempus est, vt ad sublicos pontes calamum admoveamus, qui non tam in pacis otio, quam in belli alea, mirificè profuit, & maximo sunt adiumento, tum ad commentus, & facilem exercitus transiitionem, tum obsidionibus ad intercludendum hostibus com meatum communicationem, & viam ad ferendas suppetias, &c. qui necessariò debent esse imposititij ad tempus, & amouibiles, prout ratio belli postulat, materia suppetit, & locus, ac tempus permittit. De his plura habet Vegetius lib. 3. cap. 7., & lib. 4. cap. 17. vbi Stevvechius multa congerit, ex Herodiano, Diodoro Sinclo, Cæsare, Ammiano, & alijs bellicæ rei Scriptoribus deprompta. Ex quibus, alij sunt stabiles, super firmis, & magnis tignis in flauiorum alueis adpactis, erecti & contabulati: vt erat celebris ille Cæsaris, supra Rhenum positus, ab eodemque lib. 4. de bello Gall. studiosè descriptus: alij compactiles, & ad tempus simul nectendi, ac post vsum, mox dissoluendi: alij ex nauigijs in latum simul dispositis, & colligatis: alij ex vtribus, & inanibus cuppis: alij demum pentiles, & turribus ambulatorijs appliciti, qui cum hæ muris appropriabant, subito explicabantur, & validam militum manum in urbem obsessam, intrâ mœnia immittebant; de quibus alibi.

Hic autem, vbi de militaribus, ac sublicijs pontibus sermo incidit, me temperare non possum, quin duos saltem nostra ætate memorabiles, ab opere, & situ dilaudem; vnum adhuc extantem in Vngariæ aditu ad Drauum amnem, dictum de *Esseck.* alterum ad tempus erectum in celebri illa biennali obsidione Antuerpiana, ab Alexandro Farnesio magnorum spirituum duce intentata, ac tandem, per hunc æternæ memoriæ pontem super Scaldim iactum, feliciter consummata, Et de primo quidem (quem lubens in medium fero, quoniam dum hæc scribo, lætus nuncius venit referens, eum integrum, inuiolatumque cum superimposita arce, è Turcarum Tyrannide, insperatò & sine sanguine, in Leopoldi felicissimi Imperatoris, potestatem venisse,) exscribam, quod de eius origi-



ne, structura, & longitudine, ex Belcaro grauissimo Gallorum Historico, deprompsit Naudæus, & litteris commendauit, in Sintagm. de studio militari lib. 2. cap. 8. Quod cum Solymanus II. Turcarum Dominus, Hungariæ inhians, cum ingentibus copijs in eam penetrare pararet, vidissetque obstaculo sibi esse Drauum fluuium, circumfusasque per totam regionem paludes, cæco furore, & impotenti auiditate ætus in rabiem, nuncium remittit Hamsamo Bego Copiarum Duci, cum mandatis, vt quæ in mantili litteris aureis suo nomine scripta erant, protinùs exsequeretur. Erat autem hæc sententia. *Sultanus Solimanus per hoc mandatum edicit, vt pontem quocumque loco, quauis ratione poteris, Drauo statim imponas: qui nisi ad memum aduentum paratus erit, te hoc mantili siue linteo, strangulatum, atque ad Drani ripam suspensum iri, certò scito.* His perlectis, solets alioqui, & bellicarum rerum scientissimus homo, animo consternatus, & ferali imperio exterrefactus, cum desperatio, & comminatione mortis pavor vires sufficeret (vt sæpè viris fortibus vsu venit) pontis extructionem exorsus est, in longitudine extensum ad milliare Germanicum, hoc est, quinque ex nostris; tanta celeritate, vt intrâ duodecim dies absoluerit; tam validum, & latum, vt commodè potuerit Tyrannus cum toto exercitu, & bellico apparatu Drauum rapidissimum flumen, & impermeabiles paludes traicere, ac superare, Regnumque opulentissimum, magna ex parte occupare, felicibus initijs expugnato Zygheto munitissimo oppido duplici Arce protecto: quo tamen fructu laboris, & gaudio, potiri haud potuit; cum triduò ante expugnatam vrbein, ex apoplexia interierit: celata ex industria à Mahomete Bassa Selimi filij successoris genero, vt miles strenuè opus prosequeretur, ac nouo Principi cederet acquisitio.

In alio genere fuit admirabilis Pons Farnesianus propè Antuerpiam excitatus, qui rebellium tandem obstinationem, & peruicaciam fregit, atque anthorem suum immortalis gloria cumulauit. Hic enim uerò parem tanto operi orationem exposceret, sed dicere supersedeo: tum, ne iustam scriptionis mensuram transliam; tum potissimum, ne acta agam; quæque ab duobus eloquentissimis Belgicarum rerum scriptoribus, Card. Bentiuoio, & Famiano Strada, luculentissimè tradita, obfuscarem potius, quam enarrarem.

- 143 PORISMA est quadam methodus ab Antiquis potissimum obseruata in demonstrationibus mathematicis construendis, qua aliqua propositio assumebatur demonstranda in tali forma, quam verè nec Theorema diceret, nec Problema, sed vnumquid ex vtroque  
resul-

resultans. Recentiores vero, Porismatis nomine, intelligunt conclusionem illam, quæ ex resolutio problemate manifestè deducitur; nil tamen habet cum eo commune, sed eo ipso accipitur ut Theorema certum, & iam demonstratum. Quæ de re, vidè quæ habet noster Guarinus in Prologorienis ad Euclidem Adauctum.

PORISTMON, & per contractionem ac syncopen, *Poristmon*; 144  
apud Geographos sonat angustias maris intra duos terminos Continentis inclusi: contrà quam Istmos, qui denotat exiguum tractum telluris in mare per longum excurrentem, atque illud in duo veluti seminaria dispendentem. Hoc autem Latini *Fretum* appellant: de quò fusè diximus suo loco.

PORTA patentissima vox est, qua denotatur patens aditus in 145  
ædificium, quamque necessariò pertransire debemus, cum illud ingredi volumus, aut inde discedere. Ostium etiam communiter dicitur: Quamquam Ostium reuerà quid minus sit, & de priuatarum tantum ædium aditu vsurpatur; Porta autem, nescio quid grandius sonet, & de Magnificis, aut publicis ædificijs, ac præsertim de apertitionibus publicis in, muro circumdatis Oppidis, dicitur; id quod etiam in Castris locum habet, & in locis munitis, qui fida custodia egent, & iugi militum statione, qui sedulò obscruent qui intraturi sunt, vel egressuri, sicque insidias detegant. De Castris in specie, hoc notat Lipsius in Tacitum lib. 1. ubi ut plurimum apud Romanos quatuor Portæ aperiri consueverunt, vna in anteriori parte, dicta Prætoria, quoniam è directo Prætoris tentorium respiciebat: altera Decumana, in postico hostibus opposita: & si in quadrum Castra disponebantur, duæ item ad latera, in media distantia, quæ se mutuò respiciebant, & cum prioribus, duas vias per directum stratas habebant, quæ se in medio ante Prætorium decussabant. In Vrbe etiam Roma, celebres erant, & in aliquibus adhuc denominatio mansit, Porta Collatina, Nomentana, Salaria, Pinciana: & Hierosolymis, Triumphalis; & alibi aliæ, vel ab opere, vel ab insigni aliquo facto, vel à Cõditoribus, aut restauratoribus appellatæ, vel sanè à via, aut insigni aliquo loco, in quem terminant: Cæterum quod ad Portarum structuram attinet formam, & ornamenta; eadem ferè præcepta traduntur ab Architecturæ Scriptoribus, quæ suprà de Ostijs dedimus; nisi quod in Portis Urbium, grauitas magis, quam venustas requiritur, ut alibi etiam obseruauimus, & idèd non nisi Doricus Ordo aut Tuscanus admittitur. Similiter obseruat Philander in cap. 6. libri quarti Vitruu. *Portas Urbium fuisse arcuatas, quæ extant Veterum*

*tum monumenta argumento sunt: priuatarum ædium Ostium archæum, aut etiam Sacrarum ianuam, nusquam reperies. In reliquis qualitati ædificij aut Ciuitatis, conformari debent, vt pars toti: nempe vt magnis ac splendidis Vrbibus, magnificæ etiam Portæ aperiantur; pusillis, & obscuris Oppidis, breues & humiles, ne aliâ in habitatores cadat irrisio, qua Diogenes Mindæ ciues notauit, niodicæ Vrbi amplissimas portas, easque magnificas aperientes. O Mindy, dixit, Portas claudite, ne per illas vrbs vestra exeat.*

- 146** PORTICVS similiter quid sint, satis per se notum est: quippe & nomen iam commune factum est omnibus fere linguis, & Nationibus Europæis; & res significata per nomen, omnibus obuia est, & magnæ commoditatis in ædibus. Intelliguntur enim per illud, amplæ, & tectæ ambulationes, arcubus, & intercolumnijs intertinctæ, quæ ædibus adijciuntur, tum ad magnificentiam & ornatum, tum ad liberam exspatiationem, & confugium, quò vel hyemali tempore nos recipimus, & tuemur ab imbribus; vel æstiuo protegemur ab ardentibus Solis radijs, amœna sed minimè opaca vmbra frucentes. In quo multum Italix Vrbes abundant, & non solum Sacræ ædes, & publica ædificia, amplis porticibus in fronte, & ad latera decorantur, sed & priuata in aditu sibi in longam seriem respondentes, suas porticus habent; itaut tota Ciuitas porticata sit, & liberè conuenire queat sub tecto: vt videmus Bononiæ, Patauij, & alibi passim. Ex olim in Gymnasijs, Palæstris, & Balneis, vbi omnis conditionis homines confluentes exspatiabantur, apponi potissimum solebant; quos Xystos vocabant, vt alibi diximus; nunc frequentiores, & promiscuè in omnibus ædibus. Porticus (inquit Philander ad Vitruu. lib. 5. cap. 9.) additæ sunt Sacris ædibus, illustrium virorum domibus, & publicis ædificijs; necessitatis, aut ornamenti, animinè causa. Sub eis repentinas pluuias vitabant, vmbraque & frigora captabant, varijsque sermonibus diem consumebant, à meridie Solem, hyeme, à Septentrione æstiuas vmbas excipientes. Quod ad earum architecturam attinet, diuersa circumferentur præcepta, pro diuersitate, & qualitate operis, cui adijciendæ sunt, vt in cæteris ædificij membris tradidimus. Alia enim ratio conuenit Scenæ, & Theatro; alia Sacris Aedibus, alia priuatorum domibus. Sed in Basilicis potissimum æquum est, vt grauitas, maiestas, & pulchritudo eniteat. De his hæc habet Albertus lib. 7. cap. 5. Nusquam erit breuior habenda porticus in quadrangulis templis, quàm vt integram templi latitudinem capiat; & nusquam erit latior, quàm vt sit pars longitudinis tertia. In porticibus, quæ ad latera templorum sunt, columna à parietibus

bus cellæ, spatio distabant intercolumnij. In postico porticus, quam velis, istarum ipsarum, quas retulimus imitabitur. Tempia rotunda, aut porticu circumvallabimus, aut tantum pro fronte porticum statuemus. In utrisque ratio latitudinis ex quadrangulis templis ducetur. Sed porticus, quæ fronte extabant, nusquam fient nisi quadrangulæ earum longitudo, aut totam intimæ aræ latitudinem capiet, aut cedet ex octava, aut demum fiet nusquam breuior, quam ex quarta. Hucusque Albertus. Ad quam rationem, & symmetriam, videmus hic Romæ, tum ab antiquis tum à recentioribus Architectis, erectas porticus in Pantheone, in Basilicis Constantiniana, & Vaticana, S. Pauli, & S. Laurentij extrâ muros, S. Stephani rotunda, in Monte Cælio; & alijs permultis, pro earum amplitudine, & maiestate. Cæterum de alijs porticibus, suo nomine & magnificentia celeberrimis, quæ tum Romæ, tum Athenis, alibique extasse, Plinius, Vitruviusque tradunt, vtpote Insignis Porticus Pompeiana, Augusti &c. vti & Olympiæ heptaphona, de qua refert Plinius, quod septies vocem redderet; nulla memoria est, quæ super sit, à qua ideas operis haurire possimus.

PORTVS ex primigenia sui notione, nihil aliud dicit, quam locum septis, ac parietibus vndique clausum, vt habet Vlpian. in l. 59. ff. de Verbor. signific. Et quidem olim hoc nomine veniebat terrestris insula, hoc est ædificium, siue in Vrbe, siue in agris, legitimo spatio (quod ambitum vocat Festus) à cæteris domibus, mercium importandarum, vel exportandarum causa, proprijs terminis seiunctum, & separatum; quod ideo claustris erat oblitum, & sera firmatum, vt non facile quis in illud, nisi domino, permittente, ingredi posset. De qua re extat l. 3. §. Effractura ff. de Offic. Præf. Postea ab officij similitudine, & ab venalium mercium ingressu, Portus dictus est, & ei perpetuò nomen stetit, locus in mari, littori adiacens vndique conclusus, & à ventis tectus, vbi Nauium statio firmaretur, & à tempestatibus, fluctuum iactatione, & ventorum vehementia forent tute. Vtrouis autem modo portum accipias, bene ei congruit nomen, quod à portando desumptum est, eò enim comportantur, reponuntur, & asseruantur merces, nauibus, vel plaustris de longe aduectæ, & inde etiam extrahuntur. Quare opus est, vt sit amplius, altus, siue profundus, vt cuiusuis magni nauigij capax sit, & probè à ventis tectus, vt stare naues in anchoris queant, & minime agitari. Ostia quoque seu fauces, per quas in illum intratur, apertæ; & eo loco dispositæ, vbi neque arena subsidens, ingressum impediatur, aut retardet; neque ventis expositæ nauibus periculum fiat impingendi in scopulos, vel in extantia hincinde promontorio-  
rum

rum claustra, sed rectà viam arripiant. Id quod si à natura habetur, vt in portu Messanensi in Sicilia, & Lunensi in Mari Lugustico, nihil opus alia cautione: sin secus, oportet corrigere arte, quod natura peccauit, & extructionibus, & excauationibus defectum supplere. Qua in re primùm omnium, ventorum habenda erit ratio, & attendendum, cuiusnam plagæ regio obuersa sit, & quibus ventis obnoxia: vt pro exemplo sit Genuensis portus, qui lybico vento expositus, ab eo nimium infestatur. Quapropter his, & similibus malis occurrere debet superextructa mole, & ostio ad latus aperto, vt intrantes, & exeuntes naues, præpotens inibi ventus non præpediat, non colluctetur, sed potius obsecundet. Item eligendus est locus ad portum; non tabificus, aut pestilens, immunis à Syrtibus, non vadosus, ac tutus à piratarum accursibus. Præterea in eius aditu constituenda est turris præalta ad modum speculæ, è qua de longe obseruari possit aduentantium velorum numerus, & qualitas, & si hostilia; illis, catenis aditus præcludatur, & è propugnaculis ponè positis, tormentis impetantur; si verò amica, vnde ingressus pateat, commonstret, & nocturnis accensit luminibus dirigat, & inuiet. Quæ omnia luculenter habes apud Vitruuium lib. 5. cap. 12. & Albertum lib. 4. cap. 8. vbi id in finem generaliter monet, *vt hunc locum portui præferamus, qui faucibus mitiores, & seditiores auras spirat; quemadmodum ingredi & egredi volentibus ventis, neque dudum longum expectatis, valeas.*

POSTVLATA inter terminos, & vocabula quibus frequenter videntur Mathematica, potissimum locum habent, & eo nomine veniunt propositiones illæ, quæ in constructionibus, & resolutionibus Theorematum, & Problematum, assumuntur tanquam fundamenta constructionis, & principia per se nota, quæ non indigent probatione, sed eo ipso ac patefiunt, illicò admittuntur, vt pote clara, & manifesta. Id quod in alijs procedit ex primis principijs per se notis, super quæ argumentatio ordinatur, & in quæ tandem conclusio terminat. Sic etiam in mathematicis demonstrationibus, postulat ali-quid, vt ratum sit, & controuerti non debeat; ac deinde, eo fundamento iacto, proceditur ad vltiora. Vt, si ad aliquid demonstrandum postuletur, à quouis puncto ad quoduis aliud, concedatur, extendi lineam rectam, (id quod statim menti occurrit ex conceptione lineæ rectæ) vel, vt quouis interuallo, aut assignato centro, circulus describatur, vel, vt data quauis magnitudine, alia similis, vel maior, vel æqualis constituatur, &c. Hæ profecto positiones, & axiomata citrà controuersiam admittenda, dicuntur à Mathematicis *Postulata*,  
POS,

POSSE, POTENTIA, & POTESTAS in abstracto, sunt vocabula, quibus passim Geometræ vtuntur ad explicandas virtutes, continentiam, æquiualentiam, & habitudinem quam habet vna quantitas ad aliam illi collatam, seu continuam, seu discretam. Et in discreta quidem seu numeralibus terminis, sæpè vtuntur Algebrici numeris pronicis sub nomine potestatis, hoc est, numeris figuratis, qui figuram aliquam geometricam imitantur, qui ex multiplicatione duorum, vel plurium siue æqualium, siue inæqualium numerorum alicuius lateris, educunt continentiam, & potestatem, quam habet vnum ad aliud: quæ postea potestas, & continentia progreditur ascendens per quosdam veluti gradus, quousque opus sit, & si velis, vsque in infinitum, ad aliquid demonstrandum: itaut Primus gradus dicatur simplex latus, seu linea aut radix: Secundus, Quadratum: Tertius, Cubus: Quartus Quadrato-quadratus: Quintus, Quadrato-Cubus. Sexto, Cubo-Cubus, &c. vt videre est apud Vietam, Guldinum, Scottum, & alios, in Algebra Speciosa. In quantitate autem continua Geometræ, posse & potentiam considerant, & attendunt in duabus lineis vel quantitatibus inuicem commensurabilibus: atque adeo duæ lineæ v. g. dicuntur ab ijs æqualiter posse, vel æqualem habere potentiam, quando saltem inter ipsas intercedere potest quadratum æquale alteri vel quadrato, vel parallelogrammo ex duabus hisce lineis prodeunti. Quum igitur dicuntur absolute duæ lineæ æqualiter posse, semper intelligitur de quadratis inuicem collatis, aut de reſtāngulis cum quadratis; quæ videlicet, etsi non longitudine, saltem potentia, id est per sua quadrata, sunt inuicem commensurabilia: tantum enim quæquis recta linea aut quantitas valet, adeoque dicitur posse, quantum & valet eius quadratum. Vnde contingit aliquando, vt duæ lineæ terminatæ, sint poteutia commensurabiles, quæ tamen non sint longitudine, (nam quæ sunt longitudine, manifestum est, quod sunt etiam potentia commensurabiles,) at quæ potentia sunt incommensurabiles, hoc est, in quadratis suis conuenire, & commensurari haud possunt; neque longitudine erunt commensurabiles: atque adeo absolute, & simpliciter vocitantur quantitates, & lineæ incommensurabiles, & irrationales. Quocirca quotiescumque dicitur aliqua linea, vel quantitas æquè posse, vel plus, aut minus posse quam alia, cum conferuntur ad inuicem, intelligitur de ipsarum potentia, seu commensurabilitate in suis quadratis: sique cum quæritur, in quo quadratum vnus possit super quadratum alterius, perinde est ac inquirere, quantum vna quantitas aliam superet in ratione potentia, & commensurabilitatis. Qua de re totus est liber 10. Elementor. Euclidis.



150

PRAECINCTIONES in opere architectonico appellari solent Coronices, & generaliter complementa ædificij, quæ statis in locis, ac præsertim sub tecto, apponuntur veluti cinctoria, & retinacula, quæ parietes continent ne pandantur, perinde ac de columnis ligneis aliàs diximus, quod antiquitus in summo scapo præcingebantur annulis ferreis, ne ad impositum pondus funderentur. Id autem in structuris muleò magis est necessarium, quando parietes non ex vno continuo lapide fiunt, sed è pluribus, macerata calce, & arena connexis, & coagulatis in vnum, quique non circulariter procurrunt, sed in diuersa tendentes in angulum terminant, & vniuntur, atque adeo maiore firmitudine, & arrectarijs præcinctionibus opus habent. Quod ideò duas species præcinctionum agnoscit Leo Albert. de re ædificator. lib. 3. cap. 9. alteram, quæ nexus lapidum maiorum inducuntur, qui & crustas exteriores crustis interioribus, & ossa etiam ossibus illaqueata reddant, alteram, quæ angulorum præhendorum, operisque declinendi gratia, per totam parietis longitudinem perducuntur. Et hos procinctus primarios vocat, quorum situs (addit) sedesque primaria est, ut summum parietis, veluti corona, immensem frequentioribus illis innexturis æqui in pedes quinos fiunt: quandoquidem cap. 6. enumerans primarias parietis partes, harum duarum præcinctus specierum mentionem facit, & vnā esse ait mediam parietis partem, quæ illum circumambit atque amplectitur: alteram supremam, hoc est pars ea, quæ ultimum parietis illaqueamentum habet: hanc demum coronam nuncupant. In his igitur in quibus tota continendorum parietum ratio, & vis est, conuenit robustiores, & crassiores apponere lapides inuicem arrectarijs nexos, longiores quantum fieri potest, & latiores ipso pariete, ut in frontis proiecituram promineant, quique in planum sedeant ad libellam. Has præcinctiones Cosmus Bartolus, qui opus Alberti Italicè vertit, *Pianerottolos* nominat; Barbarus verò magis ad effectum operis, *Cinctas*.

151

In alio sensu, & ad disparatum valde effectum, præcinctionum nomen, earumque usum sumit Vitruu. lib. 5. cap. 3. ubi agit de constitutione Theatri; nempe pro rata graduum distributione, necdum ad eorum nexum, sed ad colligendam vocem resonantiorēque reddendam. Ait enim: *Præcinctiones ad altitudines Theatrorum pro rata parte faciendæ, neque altiores, quam quanta præcinctionis itineris sit latitudo: si enim excelsiores fuerint, repellent, & eijcient in superiorem partem vocem, nec patientur in sedilibus summis, quæ sunt supræ præcinctiones, verborum casus, certa significatione ad aures peruenire.* Vult igitur totam gradationem subselliorum per circuitum ductam, non æqualibus spatijs assurgere, sed diuidi in partes, quas diuisiones

nes, præcinctiones appellat; ac singulis diuisionibus constitui gradus duplò latiores. Namque, vt eruditè explicat Lipsius, in Antiquorum Theatris erant diuisiones quædam graduum in orbem (hoc est interualla quædam relicta inter vnâ continuatam graduum seriem, & alteram) gradus videlicet latiores, altioresque qui reliquos minores veluti præcingerent, & complecterentur; vnde & nomen. Id autem fiebat, vti modò dicebam, nedùm ad connectendos, & veluti concatenandos superiorum graduum seriem, inferioribus, quasi interiecta circuitionis fascia, totum opus stringente, sed ad ipsam conformationem theatri in hemicycli formam, quò vox, quæ in Theatris maxime locum habet, in vnum collecta, in angulis non dissipetur: quin & in frontis angulos incidens reflectatur, & magis resonet. Et ideo Virruuius testudinato fornices laudat in Theatris, probans exemplo motionis aquæ in circulos, per lapidem in eam iniectum. Id quod nos clariùs in Odeo, & alibi exposuimus.

PRAESEPE in Astronomicis, Stella est Nebulosa, existens in pectore Cancrì Sideris Octauæ Sphæræ, de natura violenta Martis cum participatione Lunæ, cadens nunc temporis in grad. 3. Leonis, cum grad. 1. min. 14. latitudinis borealis. Stella equidem nimis infensa, & pessimæ conditionis: quippequæ cum quibusvis planetis, & maxime Luminaribus, congregiendi, non bonas inde qualitates haurit, sed quod in eis vitiosum, superabundans, & violentum, suisque qualitatibus miscet, deprauatque in monstrosam coalitionem. Idque eò maxime, quod in hoc concurrunt cum ea Aselli non longè postel; stellæ videlicet quartæ magnitudinis, sed validissimæ, de natura eiusdem Martis cum participatione Solis: Ex quo amiborum Luminarium (quod hic solum videre est) pugnantes qualitates vniuntur, & vitiuntur; atque ex illis, mixtâ quadam, & praua qualitate desumpta, ad importanda in effectibus mala, fortius roborantur, eorumque virtus intenditur. Quapropter nil mirum, si ijs cum Sole exorientibus, illicò turbatur aër, imbres ingruunt, venti impetuosi, ac tonitrua excitantur; præsertim, si alter maleficorum accesserit, & econtrâ occidentes atque ab ijs separatæ serenitatem adducant, & hyeme solitariæ apparentes frigus intendant, serenitasque succedat: quod notauit etiam Plinius. In Genethliacis obseruatum est, hanc stellam cum Luminaribus, aut eorum altero, semper vitium aliquod in oculis, debilitatem, vel etiam cæcitatem importare. De cætero facit hominem agrestem, vagum, seditiosum, turbulentum, & sæpissime oculorum affectionibus laborantem. In hoc vno Astro condunatas simul detexit suo Telescopio Galilæus

152



stellulas omninò 36. eo ordine dispositas, quem ipse exponit in Nuncio Sidereo, & Bayerus consignauit in sua Vranometria.

- 153 PRAESIDIUM in re militari, audit firma militum statio ad custodiam alicuius Urbis, munitionis aut castrorum, vbi locum defendere ab hostibus valeant, & fortiter propugnare. Vnde Varro lib. 4. de Lingua lat. Præsidium dictum vult, *quod præsidebant aliquo in loco extra castra, quò tutior Regio esset.* Sed iam nomen è Castris ad statiam in locis muratis transijt, & signat potissimum robur eorum quibus Ciuitas, Arx, aut quouis munitio ad custodiam concedita est, atque in aggressionibus & obsidionibus defensanda: quocirca Præsidarij ab Urbanis militibus distinguuntur, & ij ad hoc deputantur, quorum probata fides, & bellandi pericia, valeat locum ab hostibus contutari; excursions ad tempus facere, & ciues, si quando in fide deficiunt, reprimere, atque in officio continere. De qua re, alibi fusè.

- 154 PRAETENTIVRAE etiam in re militari dicuntur exteriora, & accessoria munimentorum opera, quæ arcu ex se aliàs mœnibus, & propugnaculis benè munitæ adiiciuntur ad illam magis regendam, & hostes in ijs superandis conterendos, ac distinnendos. Huiusmodi sunt, quas vulgò appellant Semilunas, & Riuelinos, illas ad capita propugnaculorum, hos è cortine regione, vltra fossam obiectos, opera cornuta, & corouata, reductus, retractiones, & alià de quibus singulis, suo loco. Dictæ autem sunt Prætenturæ, vt aliqui volunt, à prætendendo, quod prætendantur principali munimento, & illud, veluti extensis alis, tegant: Ego verò potiùs ortam nomenclaturam crediderim, quoniam reipsa obijciuntur hostibus ad prætentandum, & dum in his hærent, & superare tentant, multum sanguinis fundere, multum temporis, & virium insumere compellantur, & interim eorum robur infringatur, & arx intacta seruetur. Fauet huic explicationi Ammianus. *Quia, inquit, Mesopotamiæ tractus omnes crebro inquietari sucti, prætenturis, & stationibus agrarijs seruabantur.* Et clariùs author Notitiæ vtriusque Imperij, edicit ad quem finem introducæ sint Prætenturæ, Vt videlicet *Vigilijs in his, & agrarijs exercendis, prouinciarum quies circumdata quodam præsidij singulo, illasa quiescat.* Verum quæstio est de nomine; cum in re quid prætenturæ sint, & ad quem finem institutæ, omnes conueniant.

- 155 PRAETORIUM promiscuè in Castris belli tempore, & in Urbibus, rebus in pace compositis, audit Prætoris Mausio, & Domici-  
lium

linum, siue statarium, siue fixum in loco idoneo omnibus conspicuo præparatum. Denominationis originem adducit Festus; & trahit à Prætoris officio. *Initio*, inquit, *Prætores erant qui nunc Consules, & ij bella administrabant, quorum Tabernaculum quoque dicebatur Prætorium*. Erat autem locus in Castris, vbi fugebatur Imperatoris tentorium, habens è regione portam ab eo dictam Prætoriam, & Decumanam à tergo, ex diametro illi semper oppositam; ipsum verò Prætorium constitutum in medio, inter ambas portas, itaut eius frons, & porta prætoriana ad hostes esset obuersa, ac decumana auersa, *ut cuncti, (inquit Tacitus,) ruerent ad portas, quarum decumana maximè petebatur auersa hosti, & fugientibus tutior*. Verum de hoc aliàs. Nunc autem Prætorium in ciuilibus audit ædes publica Magistratui ad ius dicendum posita, in quam populus ad iudicia confluxebat, & vbi Iudices iugiter consistebant, siue ad inhabitandum stabiliter, siue pro tempore, ut præliò essent ad litigantium concursum, atque necessitates. Olim ex Decreto Populi Romani, in singulis Prouincijs Prætoria constituta erant, hoc est domicilia publica, earum Præsidibus ad inhabitandum data, ut habetur in l. penult. Cod. de off. Rector. Prou., & alibi, tum in Iure Ciuili, tum Canonico, sæpè. De quorum construendorum ratione in loco idoneo, & partibus in ijs ædibus disponendis, plura habent Vitruu. lib. 5. & Albertus lib. item 5. cap. 9. Præterea apud ipsos, necnon apud antiquos Scriptores, Prætorium vocitatur suburbana ædes (quam pseudourbanam vocat Vitruu. lib. 6. cap. 8.) hoc est ea Villæ pars, quam sibi paterfamilias ad inhabitandum referuat. De quo Pallad. lib. 1. cap. 8. *Prætorij situs*, ait, *sit in loco cretliore & sicciore*. Tandem in re nauali, pro Prætorio intelligitur totius Classis Princeps Naulgium, cæteris grandius, & instructius, quo Præfectus Classis aduehitur & omnia ordinat, & moderatur, habens præ cæteris nauibus signum, & flammeolum volitans excelso loco positum, quò omnes respicere debeant, & quid in præsens facere moneantur, præsertim in confusione prælij, vbi buccinæ, & turbarum clangor exaudiri nequit. Quod ideo Prætorium vniuersaliter, & in vnaquaque re, accipitur pro mansionem ab alijs communibus segregata, loco, situ, materia, & structura præsigni.

PRAETORIANA COHORS in Acie militari, signat selectorum militum manum, quæ Prætori, seu totius Exercitus Duci adstaret ad latus, eiusque corpus custodiret, ab eo nunquam descensens. Eius primum authorem facit Festus Scipionem Africanum, qui pri-  
mus fortissimum quemque delegit, qui ab eo non discederent, & cætero-  
mune-

*munere militia vocarent, & sexquiplez stipendium acciperet. Quamquam Plutarchus in Pelopida, vult Gorgyam Thebanum, huius ordinis primum institutorem fuisse. Quisquis tandem huius cohortis inueſtor fuerit, eam certè ad omnes nationes permanatam videnius, & non ſolum belli tempore, ſed in pace, non tam ad corporis cuſtodiam & tutelam, quam ad dignitatem, unicuique Principi ſua Prætoriana cohors manet, & ante illum incedit, ac viam parat. Qua de re, vide quæ eruditè habet Alexan. ab Alexandro, Diergenial. lib. 4. cap. 2.*

- 157** **PRAEVENTIONALE** dicitur apud Aſtronomos aliquod reſpectuè ad aliud, quod eſt in eo genere principale, & primò intentionis, ſed ab eius qualitate dependet, & quodammodo ſpecificatur, & præordinatur. Talis eſt conſtitutio Cœleſtis, ac Thema præcedentis Luminarium coniunctionis, aut oppoſitionis, quæ totam illam Lunnationem immediatè ſequentem ſpecificat, & conſequenter diſponit, & præordinat omnes effectus qui durante tali lunatione, prodituri ſunt, ſiue boni, ſiue mali; ſiue in conſervationem, & felicem progreſſum, ſiue in deſtructionem & interitum. Talis eſt quam attendere ſolent omnes Aſtronomi in rerum initijs, erecta cœleſti figura; ex qua, & eius præuentionali Luminarium coitione, vel oppoſitione, conieſtantur de qualitate, & futura ſucceſſione illius rei, quæ inde exordium ſumpſit; vt in initijs annorum, & ingreſſibus Solis in puncta æquinocſtialia, & ſolſticialia, dijudicant de qualitate totius anni, & Quartarum, an ſint fecundæ, vel ſteriles, pluuiosæ an ſerenæ, morboſæ, vel ſalutares. Id quod auſpiciantur nedum ex Conſtitutione Cœleſti ipſius puncti initialis prædictorum temporum in genere, necnon etiam rerum in ſpecie, quæ tunc eduntur in lucem, ſed etiam ac potiffimum ex præuentionali, vt dixi Luminarium congreſſu, vel oppoſitione, quæ habent totum id quod poſt ipſas ſequitur, præordinare, atque ad prodeundum impellere. Deſeruit etiam hæc præuentionalis obſeruatio ad determinandum eductionis tempus, quando aliàs eſt incertum, & id plerumque fit in Natiuitatibus hominum, quoad eas rectificandas per Animodarum Ptolemaei; ex planera, qui plures prærogatiuas habet in locis Luminarium, vbi tum temporis erunt, atque in loco vbi prius celebrata fuit eorum Coniunctio, vel oppoſitio, vt nos alibi fuſè examinauimus, & explicauimus. Quam viam rectificandi perpendit, & approbat etiam D. Thomas *Opusc. 28. art. 4. in reſponſione ad ſecundam*, vbi ſermonem ingerens de vera hora Natiuitatis, ſic loquitur. *Quia hora talis difficulter cognoscitur; ideo inuentum eſt remedium, vt acci-*  
*piat*

piatur gradus ascendens circuli, hoc est, hora coniunctionis Luminarium cui adequetur circulus: quia ille habet influentiam ad communem necessitatem quæ proximè sequitur, vel accipitur Ascendens ad Nativitatem ex utero. Id quod, quanam methodo faciendum sit, cum plurimæ circumferantur planè inanes, & vacuæ; non est nostrum hic definire, maximè cum de hoc argumento fuscè alias disputauerimus, nec tamen ita, ut in ancipiti, & re valde obscura, fluctuans animus firmaretur. Sed tamen id summis labijs libare necessarium fuit, ad explicandam naturam, & ordinem huiusmodi Præventionalitatis.

PRIMUM MOBILE. Vide in V. *Motus*.

PRINCIPIA & PRINCIPES olim in Militia Rom. erant certi bellatorum Ordines, qui, teste Vegetio, lib. 1. cap. 28. primi in acie dimicabant, postea Hastati, dehinc ad extrema reservati Triarii. Verum obstat Lilius Romanarum rerum exactissimus Scriptor, qui lib. 8. in Prima acie non Principes, sed Hastatos collocat, & lib. 44. necnon lib. 47. ex consuetudine Romanorum, semper secundum locum Principibus tribuit, etiam cum Triarii subducti fuerint, & ad restaurandum prælium primi in ordine constituti. De qua controuersia satis à nobis dictum in V. Hastati. Quod hic addere occurrat, est, quod ipsum nomen, primarium in militia locum indicat, aut reipsa in pugnandi ordine, aut virtute, ac dignitate. Certè in Castris, nemo in dubium vertit, quin Principia primo loco ante Prætorium in tentorijs stabant, inde Hastati, & reliqui ordines, ut notat Valtrinus lib. 4. cap. 5. Sed dicendum, tempore Reip. liberæ, & Cæsaris, diuersam fuisse militiæ faciem ut & nomina, ordines variasse pro Moderatorum placito, ab diuerso cum quibus pugnandum erat, Nationum vsu: cui proinde Romani, ne ordines confunderentur, se conformare cogeabantur. Videndus est hac in re Stevvech. in notis ad Vegetium, & eruditissimus Lipsius in lib. de Romana Militia.

158

PRINCIPATVS in Stellis apud Astronomos, teste Abraham Auenarre in suo *Introductorio*, est quædam dignitas illis accedens ex Orientalitate à Sole in tribus superioribus, Saturno, Ioue, & Marte, vel Occidentalitate in Inferioribus, Venere, & Mercurio. Sic enim habet cap. 7. propè finem. *Principatus est, ut sint tres Superiores Orientales à Sole, ab hora qua visione incipiunt oculari videri: tuncque sunt in eius principatu sublimi, donec inter eos & solem interueniat aspectus Sextilis: & ab inde usque ad Quadratum aspectum minuetur prius*

159



*principatus eorum sublimitas; & deinde ad stationem secundam non est ipforum Principatus, nisi fuerint huiusmodi Planeta à Sole orientales, & occidentales à Luna, non erit isto sublimior principatus. Trium verò inferiorum planetarum incipiet Principatus ab hora visionis in Occidente, post Solis coniunctionem: & principatus elatio Veneris, & Mercurij permanet donec retrograndentur: & si fuerint Occidentales à Sole, à Lunaque Orientales; nullus isto sublimior Principatu. Luna autem usque ad mensis dimidium Principatur. Hucusque Abraham. Quare porro huiusmodi Orientalitas in Superioribus, atque Occidentalitas in Inferioribus, modo dicto, comparet Principatum istum in Planetis, seu faciat illos viribus validiores, explicatum fuit in V. V. Orientalis, & Occidentalis Planeta.*

160

PRISMA definitur ab Euclide lib. 10. defn. 13. quod sit Figura solida, quæ planis continetur, quorum aduersa duo sunt & æqualia, & similia, & parallela: alia verò, parallelogramma. Ex qua definitione apertè colligitur, ipsum aliud planè non esse, quam lateratam quandam Columnam æqualis crassitudinis, cuius bases inuicem oppositæ, sint æquales, similes, & parallelæ, quacumque tandem formâ prædita sit, siue triangulari, siue quadrilatera, siue pentagona &c. Vnde est, quod tot parallelogramma enumerantur in quolibet Prismate, quot latera, vel etiam anguli in vnoquoque oppositorum planorum reperiuntur. Vide quæ diximus in V. Parallelopipedum.

161

PROBLEMA generaliter accipitur in quauis scientifica facultate, pro propositione aliqua, quæ ad soluendum, seu saltem considerandum proponitur. In Mathematicis vero strictiùs, pro certa ratione construendi demonstrationem assumptam, quæ ita inicitur, ut tamen non respuat viam id aliter ostendendi: itaut circa idem propositum, & subiectum de quo agitur alia, & alia problemata id æquè probantia construi possint; in quo differt à Theoremate, quod sistit in contemplatione quantitatis præcisè, indagando specialem aliquam eius passionem, cuius constructio non aliter fieri potest. Quod ideò hoc in sola speculatione versatur, Problema verò tendit ad opus: Vnde rectè, referente Pappo, ad Antiquis hæc traditur differentia, ac definitur quod Theorema est quod proponitur in ipsius propositi demonstrationem: Problema quod assertur in constructionem propositi. Problema igitur respicit praxim, & est id quod simpliciter pro fine habet operationem, & rei propositæ solutionem, quomodocumque fiat. Vt si quis dicat: *Volo Triangulum æquilaterum super rectam lineam*

*neam constituere*: Hoc enim uerò non vno tantum modo, sed pluribus, & aliter atque aliter quia actu initur constructio, fieri potest: uti etiam, si proponatur: *Super eandem Rectam lineam aliud Triangulum non æquilaterum, vel aliam figuram ponere*: eadem utique facilitate, sed non eadem methodo ad solutionem propositi deueniri potest: Et ideo appellatur Problema, ad instar problematis Dialectici, quod in utramque contradictionis partem affirmari potest: ita profectò in Mathematicis, eadem propositio hoc vel illo modo demonstrari potest; & circa eadem materiam, aliud in opus assumi. Non sic Theorema, ut suo loco dicemus.

Porro Problematis nomine aliquando venit id, quod vel nullo modo, vel sanè non nisi vnicè resolui potest: sed tùm id sit ad demonstrandum oppositum ex impossibili: & hæc ratio demonstrandi dicitur negatiua. Vt si in Problemate assumatur oppositum eius, quod directè probare volumus; ac facta hypotheti, per iam concessa perueniamus ad concludendum aliquid falsum, vel impossibile; ex quo apertè cognoscimus assumptam hypothefim esse falsam: tunc ex tali falsa deductione, conspicitur oppositum esse verum: & idcirco Problema ad suam naturam reuertitur, ut quod effertur, tandem redundet in resolutionem propositi. Benè tamen verum est, quod in ipsius propositionis exhibitione, Problema reperiri potest defectuosum, & falsum, siue per excessum, siue per omissionem alicuius particularis considerationis, quæ necessariò requiritur. Vt si quis proponat: *Triangulum æquilaterum constituere*, quod habeat angulum verticalem comprehendentur duas è tribus partibus vnius recti. Hoc sanè erit improprium, & defectuosum per excessum: frustra enim adijcitur illa conditio, quod *habeat angulum verticalem &c.* nam ea omni triangulo æquilatere inest. At si quis dicat: *Volo Triangulum æquicrurium constituere*. Mutilum utique, ac defectuosum esset problema, quia foret indeterminatum, & requireret vltiorem specificationem, quale æquicrurium intelligat, utrum illud, quod habet basim maiorem, an quod minorem duobus cruribus æquilateris, aut certè basim utrisque æqualem. Fieri enim potest, quod multimodis variet; & ideo suspensa, & defectuosa erit propositio, quæ non statim resolui potest.

Ex quibus manifestum sit, ea propriè esse, ac dici Problemata, quæ aliorum construendorum elementa iure condecet appellari: quæ nimirum, neque in aliquo deficientia, neque excedentia sint, & omnem indeterminationem euitent: ut profectò aliorum subinde construendorum valeant esse principia, & ex ijs alia item construui, ad alias demonstrationes perficiendas.

**162** **PROCESSIO** militare verbum est, & à militari ordine procedendi ad prælium, sumpsit exordium. Non enim confusè, & sparsum, bellatoribus licebat incedere, sed ordinatim, & sub sui quique signis. Hæcque ad sonitum buccinæ, quo exercitus Duxor imperabat, æquali itione movebantur, aut sistebant, ne turbarum quicquam, aut perturbationis irreperet. Id quod sedulò monet Vegetius lib. 2. cap. 22. *Sine ergò ad vigilias; aut, siue ad angarias faciendas, siue ad opus aliquod, vel ad decursionem campi exeunt milites, tubicines vocante operantur, & rursus tubicines admonente cessant. Cùm autem moventur signa aut iam mota figenda sunt, Cornicines canunt: quod idè in omnibus exercitijs, & processionibus custoditur; ut in ipsa pugna faciliùs obtemperent milites, siue eos pugnare, siue stare, siue sequi, vel redire præceperint Duces.*

**163** Porro à militari ordinatissimo incessu, & bellica disciplina, ad pacis, & religionis opus transijt, factumque est Sacrum, Processionis vocabulum: ut iam denotet ordinatam illam Cleri, Sacricque Ordinis incessionem, sub suis quique signis, elato crucis vexillo, in publicis ab Ecclesia indictis supplicationibus, quà videlicet Christiana militia pium bellum cælo indicit, ut vel vi illud rapiat, & petira obtineat ab diuina misericordia. Cuius laudabilem vsum in Ecclesia antiquissimum ex Tertulliano, Basilio, Hieronymo, atque auctoritate Sacrosancti Concilij Laodicensis, luculenter probat Card. Baronius ad annum Christi 58. & videmus sæpissimè effectum operi reponderè.

**164** **PROCOETION**, siue **PROCAETON** græcè signat in Aedificij constructione, partem illam, seu mansionem, quæ præcedit, & subternitur alijs recessibus, & cubiculis, vbi Matres familias moram trahunt. Id quod iam à Græcis ad nostros, & promiscuè ad magnatum Palatia transijt. Amphithalamum vocat Vitruv. lib. 6. cap. 10. quòd ante thalamum sit, vbi ancillæ ad Dominæ imperata præstò erant, & nunc famuli vigiles adstar ad loci custodiam, ad remouendum velum, & introducendos alios familiares, & externos, & vtcumque ad dominorum nutum, iussuque exequenda. *Anticameram* nos vulgò dicimus. Sed Procoetion aliquid amplius sonat, & Græcis Excubitorium designabat, vbi ancillæ de noctu excubabant, perinde ac milites in custodijs. Id quod benè notauit Plinius Nepos qui non contentus latino verbo, (quò aliàs sæpe græcizans, vsum est Vitruuius) Procoetion appellat in elegantissima epistola, quam scribit ad Gallum, lib. 2. commendans oppidò speciositatem, & instructissimam mansionem Villæ suæ Laurentinæ, quod æquè non faceret  
in

in partium enumeratione expertissimus Architectus. Sic enim rem exequitur. *Ex alio latere cubiculum est politissimum, vel cubiculum grande, vel modica cavatio, quæ plurimo Sole, plurimo mari lucet. Post hanc cubiculum cum procatone, altitudine æstium, niuimentis hybernum est, subduclum omnibus ventis, &c.* At propriè Procection ex græca notione, militare vocabulum est, & significat reipsa Excubitorium, seu Militum stationem, positam extra Castra. *Procestrion* legit Asconius.

PROCYON, græcè dicitur Canis Minor, sidus in Cælo ad Boreale plagam, paulò antè Canem Maiorem exoriens, capropter nuncupatur etiam *Antecanis*; ab alijs verò *Canicula*: quos inter Plinius, qui de eà sic loquitur lib. 18. cap. 28. *Aegypto Procyon matutino æstus: quod sidus apud Romanos non habet nomen, nisi Caniculam hanc velimus intelligi; hoc est, Minorem Canem, sanè ut in Astris pingitur. & clariùs cap. sequenti, vbi hæc habet. Quarto Kal. Maij Canis occidit; Sidus & per se vehemens, & cui præoccidere Caniculam necesse est, & paulò ante de Galaxia disserens apertiùs dixerat: Ipse circulus fertur per Sagittarium, atque Geminos, Solis centro bis equinoctialem circulum secans, commissuras eorum obtinente hinc Aquila, illinc Canicula.* Et verè, si rei veritatem attendimus, huic sideri propriissimè hoc nomen stat, quotiescumque cum altero eiusdem nominis, quod ei proximè succedit in longitudine, comparatur; qui Sirius, & Canis Maior dicitur. Nihilominus communis Astronomorum acceptio, præsertim Recentiorum, fecit, ut pro Canicula Sirius intelligatur, à qua *Dies Caniculares* ob nimium æstus, & totius fere Naturæ concussionem famosi, denominati sunt, & incipiunt ab ortu Sirij vsque ad occasum. Sed hæc obiter, & vnicè ad nominis æquiocationem vitandam. Igitur Procyon, seu Canis Minor, duas tantummodò stellas complectitur à Ptolomæo noratas, & ab Antiquis receptas, vnam splendidissimam in femore existentem, primæ magnitudinis, de natura Martis, & Mercurij, ab Arabibus *Algo-meyza* appellatam; alteram tertiæ magnitudinis, in ceruice, seu supra collum. At Recentiores Astronomi quinque alias in eo detexerunt, videlicet Tycho, tres; & Bayerus reliquas duas, non computatis alijs duabus informibus, quas cum Ptolomæo reliquerunt informes; omnesque obseruarunt, eiusdem cum superioribus naturæ esse, nempe Martis, & Mercurij. Sed ille duæ potissimè in consideratione habentur, quæ Sirij ortum anteuercentes, eius viros affectus & præordinant, & adaugent: quod idè de vtriusque in Morborum indicatione, æqua lance ponunciat Hippocrates in Apho-

risimis, *Sub Cane, & Antecanem difficiles curationes*. Naues etiam, sub hoc sidere, exoriente cum Luna, è litore soluere malum est: & si Mercurius adstipulauerit, ventos impetuosos excitat, turbines, & procellas. In Agricultura etiam satis noxia est, præsertim vitibus, quod notauit idem Plinius suprà, vitium vocans carbunculum, seu vredinem. Hoc ramen (addit Stadius) præstat potius in Occasu Vespertino, præsertim si tunc temporis accidat Nouilunium, quia tunc viti, & oleæ germinanti affert vredinem. Oritur autem Romæ die 23. Iulij, & occidit 25. Iunij, quo tempore Oleæ, & vites germinant. Hinc olim non abre, Rustici in die S. Urbani de Vindemiæ qualitate prununciabant.

166

PROFECTIONES, siue *Progressiones* communiter vocitantur ab Astronomis, æquales regularesque Solis, aliorumque Significatorum per loca Zodiaci, secundum successionem Signorum permutationes; tribuendo singulis professionibus integrum circulum, & adhuc vnum alterum Signum. Quæ quidem ab Antiquis in triplici genere considerantur; Annuæ, Menstruæ, ac Diurnæ. Professio annua complectitur tredecim Signa, sibi arrogans tertiumdecimum, quasi colophonem, distribuendo, per anni Solaris dies. Itaut si Sol, exempli gratia, initio primi currentis anni, fuerit in grad. 24. Arietis, exacto illo anno, initium secundæ professionis cadat in grad. 24. Tauri: & sic successiue in annos subsequentes, donec singulis duodecim annis expletis, reuertatur ad locum radicalem, quem tenebat initio professionis. Cumque in hoc negotio interueniat spatium vnius Signi dispartendi per totum annum; sic idcirco, vt singulis gradibus professionis, correspondeant duodecim dies; & Significator singulis mensibus proficiatur in consequentiam Signorum, gradus duos cum dimidio.

In Professione verò Menstruæ, singulis mensibus tribuitur Signum vnum: itaut singulis diebus accrescat grad. 1. min. 4. secund. 4. eo pacto, quo annus solaris integratus ex dieb. 365. diuiditur in tredecim partes æquales, ad hoc vt in toto anno conficiatur integra reuolutio professionis Menstruæ.

Denum in Diurna professione, tribuitur signum vnum singulis binis diebus cum horis 3. min. 52. itaut in hac professione, singulis diebus competant grad. 13. min. 53. Sicque Mensis professionalis subdiuiditur etiam in 13. partes æquales: quo mense expleto, intelligitur significator regredi ad idem Signum, in quo fuerat initio mensis. Has differentias ac partitiones professionum amplexati sunt præ cæteris (quos vocant) Rationales; easque tanti faciunt,

vt

ut in quolibet Cælesti Themate, per tabellas ordinent, & supponant singulis locis hylegiabus præfixis in fronte, cum signo, & gradibus quos occupant in radice.

Verum nonnulli acutiores Astronomi, qui omnia ad Philosophicæ veritatis lancem expendunt, atque ad Lydium Mathematicæ demonstrationis lapidem probant; hanc æqualem Progressionum periodum, prout modò explicata est, prorsus euanidam, ac fictitiam prædicant, nullo naturali principio innixam. Etenim, ut Profectio naturalis sit, debet, inquiunt, eius mensura fundari in singulis re-  
ditibus Lunæ ad eandem configurationem cum Sole, quam habebat in radice: Atqui, quemadmodum per directionis motum præordinatur in potentia calor vitalis cum suis coeffectibus; sic per Lunæ profectionem præordinatur humidum radicale cum suis coeffectibus. Igitur sicut motus directionis non instituitur vniformis & æqualis in Aequatore, sed mensuratur ad rationem motus Solis in Zodiaco, ab ipsius exordio, ut alibi monstratum est; ita & motus Profectionis ordinandus est ad rationem quotidianæ lationis Lunæ per signa Zodiaci, quæ peragitur assiduus & successiuus circulationibus, & re-  
ditibus ad eandem cum Sole configurationem, quam habuerat in radice: itaut singuli reditus Lunæ ad eandem cum Sole faciem, referantur respondeatque ad singulos annos sequentes; Lunæ verò peragratio, ad singulos subsequentes menses. Quandoquidē reditus hic Lunæ ad eandem cum Sole positum, representat ad vnum integrum anni cursum: nam illo temporis spatio, quo Luna post discessum à Sole, ad ipsum redit; & Sol viceuersà vnum ferè Signum perambulat; ascendunt ad Cardines Mundi tot signa, quot sunt anni dies ad vnguem: quod sic ostenditur.

Annus Lunaris constat diebus 354. Hos dispeſce per 12. Lunationes, & supererunt dies 29. ÷ in quibus Luna, facta integra circulatione, redit ad Solem; & est spatium mensis lunaris medium. Rursus summam hanc produ-  
ce per 12. signa, quæ singulis diebus ascendunt ad Cardines; & habebis iterum 354. Signa, quæ successiuè ascendunt quotidie in Cardinibus Mundi, spatio vnus integræ Lunationis. Quibus adde adhuc vnum signum, quod interim percurrit Sol, & consequenter ascendunt ad Cardines; & fient 355. Quia verò non integrum signum reapse coascendit, sed aliquantò minus, hoc est, spatium quod emensus est Sol in vna integra Lunatione ( id quod sibi arrogat annum in profectionibus ) ideo aliquid aliud minus signo indicat diem: nam de duodecim Lunationibus in fine anni super sunt 11. ferè gradus perficiendi, in singulis lationibus Signiferi circa Mundum. Produci igitur 11. per 29. dies,  
in



in quorum singulis ascendunt 12. Signa, & emerget 319. quæ summa in partes tributa, & ad signa redacta, constituent decem signa cum residuo, quæ iterum addita supradictis 355. conflabunt summam signorum 365. cum dimidio, quantum videlicet est annus Solaris, quæ fundat verum, & realem motum profectiois.

167

PROGRESSVS vocat Vitruu. lib. 5. cap. 12. in genere architectonico, illam aggerum continuationem, quam *Dicchos* appellant Hollandi, & iugiter erigere compelluntur in littoribus maris, & alibi, ne inundantes aquæ, terram natura humilem obruant. His etiam vtinur ad continendos fluuios cum inundant, vel restringendos vt sint nauigabiles. *Leuatam* dicimus. Porro in portuum constructione hac voce vtitur Vitruuius, docens quo modo, cum naturæ locus iniquus est, possit arte suppleri, & his progressibus reparari: sic enim loquitur. *Sin autem non naturalem locum, neque idoneum ad tuendas ab tempestatibus naues habuerimus; ita videtur esse faciendum; uti si nullum flumen his in locis impedierit, sed erit ex una parte statio; tunc ex altera parte, structuris & aggeribus expediantur Progressus, & ita confirmanda portuum conclusiones.* Hæc Vitruu. tradens subinde, quomodo fluctibus ingruentibus, adeoque opus impidentibus, occurrendum sit; iactis Arcis, ac stipitibus robustis obfirmatis. *Quod si adhuc tantus fluctuum impetus sit, vt structuram deiciant, & arcæ non satis sint ad impetum retundendum; tunc præcipit, ab ipsa terra puluinem quam firmissimum esse sternendum, qui proclinatum habeat latus, in quod fluctus illidunt, sicque in molli frangantur, interimque pilæ quam maximè ex ingenti lapide deiciantur in subsidentem aquam, firmiterque superstruantur, & ita, (subdit) arena fluctibus subruta, efficiet in mare pila præcipitationem.* Et hanc tandem concludit, esse optimam, & vnicam rationem, qua perpetuò stabilis duci possit in mari progressus ad claudendum portum, qui sit tutus, & fidam præbeat nauigijs stationem. Quemadmodum vidimus fecisse temporibus nostris, Genuenes, in portu aliàs capacissimo, sed impetuosissimis Garbini flatibus valde exposito, itaut diù naues in eo, absque periculo, consistere non potuerint: etenim ducto ab proximo littori promontorio, per transuersum iactis ingentibus saxis, arcisque conclusis, longo aggerum progressu ad vsque alterius lateris occursum, portum ita clauserunt, vt iam amplitudine, & stationis securitate, nulli alteri Europæ portui inuideat. Ex quo magnum Reipublicæ nomen, magnum Ciuitati ornamentum, & emolumentum accessit.

PROHIBITIO LVMINIS, in Planetis est deterioratio vnus ex vicinitate alterius, quæ secundum Abraham Auenaræ, fit duplici modo. Vno, cum fuerint tres Planetæ in vno signo, sed diuersis gradibus, fueritque Ponderosius in pluribus, leuior in paucioribus: tunc qui est medius inter ipsos, prohibet lumen vnus ad alterum, extendi, donec leuior ipsum transierit. Secundo modo fit per respectus, vt si duo planetæ sint in vno Signo, iungaturque leuior ponderoso, & alius vtrisque ponderosior hunc excipiat, quocunque tandem aspectu; tunc planeta sibi coniunctus prohibet aspicientem vt ad alium, radium suum transmittat: ita tamen, vt gradus aspicientis, & conspecti sint æquales: sin autem gradus aspicientis fuerint remotiores, aut propinquiore ad partilem aspectum formandum, tunc non erit potis ponderosus superueniens, aspicientem lumine prohibere.

PROIECTVRÆ in opere architectonico, generali vocabulo dicuntur partes illæ, & ornamenta, quæ in ædificijs extrâ eorum ambitum ad perpendicularum proijciuntur, & extant; vti sunt suggrundia, coronæ, cymatia, & vniuersim in columnationibus, omnia membra, quæ columnarum scapi crassitudinem superant. Has sæpè græco nomine *Ecphoras* appellat Vitruu., & lib. 3. cap. vlt. earum in singulis rationem tradit, & prominentiæ, quæ cuique parti ad visus complementum competere debeat, modum imponit. Qui quidem, vt plurimum in eo consistit, vt quanta est singulorum membrorum altitudo, tanta sit proiectura, & exporrectio, quam idcirco nos Itali expressiore fortè vocabulo *Sportum* vocamus. Sed de proiecturis volutarum in capitulis columnarum Ionicarum, vt in mutulis, & incumbis, aliter est definiendum, vt suo loco dicemus.

PROMISSORES in motu directionis, dicuntur sidera, quæ occurrant identidem locis significatorum, qui melius explicantur per verbum *Occursantes*: quod ideò, vide quæ diximus suo loco.

PROMONTORIUM in Geographicis, audit Mons in Mare projectus, & adiacens, itaut radices eius, magnam partem, intrò excurrant, & fluctibus impetantur. In quo genere infiniti propemodum sunt in vniuerso Orbe. Sed illi nominati sunt, & apud Geographos in consideratione habentur, qui infames, ac vastitate sua, anfractibus, præruptis rapibus, procellas & tempestates creantes, nomine suo terrorem incutiunt, & naufragantium desperata salus, & pestis dicuntur. Tale est imprimis Promontorium Malæ Spei olim à Nau-

Naucleris denominatum, in Africæ extrema ora ad occidentalem plagam constitutum, quod mare illud impermeabile reddit, & semper tumens, semper horrifonum minas intentat, audentibusque propius accedere, mortem minatur, sæpe affert, vel absorptis, vel alisis ad cautes nauigij. Huius terribilis Monstri condicio, cum Ioanni II. Lusitanæ Regi sacram expeditionem in Orientales Indias adornanti referretur à Naucleris ac Ducibus ab eo missis; innuò, inquit, ad auertendum omen, *Bona spei* Promontorium appelletur: & exinde tale ei nomen stetit in Geographicis chartis, dictum vulgò *Capo di buona speranza*: quippe huiusmodi Promontoria ex quadam analogia, generaliter Capita nuncupari solent. Huic contemnimus est alterum ad Austrum vergens, non minus tempestuosum, sed adhuc perfidum, & ventorum subita eruptione, malignum: cum in ipsa maris tranquillitate silens, naues ad se tentandum allicit, ac postea infringit, ac deuorat; vnde ei *Capitis Falsi* cognomentum adhæsit. Id autem totum prouenit ab duorum fluitantium elementorum colluctatione, quæ cum aliàs bouz indolis sint, & placide exspatiari, natura habeant; si quid forte eorum libertati obstat, & remoretur cursui, mox insolescunt, fremunt, insaniunt, & ær in ventos impetuosissimos vertitur, & aqua in fluctus, ipsis rupibus altiores assurgit, quasi hæc illas absorbere, illæ deicere satagant. Sunt, & alia eiusmodi Promontoria, licet non adeò nauigationibus infensa, quorum longum Catalogum affert Ferrarius, & post eum Antonius Baudrandus, in nouo Lexico Geograph., in duos magnos tomos tributo. Sed hic silentio obuolui non debent quæ nos in Italia nostra memoria digna conspeximus, ac felici nauigatione lustrauimus, etenim experta, & superata pericula, non minus iucundè audiuntur, quam enarrantur.

Itaque in Italiæ tractu, qui à meridie per occasum in Siciliam tendit, tria sunt, præ cæteris, meniorabilia Promontoria, Argentarium in Etruria, dictum Caput Populonium, ab vrbe olim celebri Populonia, in eius sinu sita, nunc autem vulgò *Capo Campanella* nuncupatum: Caput Mineruz in Picentinis, ad 30. milliaria ab Neapoli distans, & in mare proiectum, vbi modicum fretum cum Caprearum Insula formans, vulgò *Le Bocche di Capri*, transitum oppidò formidandum: & Caput Lacinium in Calabria, dictum *Capo delle Colonne*. Sunt insuper in Sicilia alia tria celeberrima Promontoria, quæ Insulam triquetram faciunt, Trinacriamque denominant. *Lilibæum* vnum, se extendens ad mare africanum, versus Lybiam, vnde nomen: *Pachynum* in angulo orientali ad Austrum, Melitæ Insulæ obuersum, in distantia milliar. sexaginta: & *Pelorum* ad

ad Calabria terminos, versus Septentrionem; cum qua olim vnitum fuisse creditur, sed postea à tempestatibus & impetu furentis maris diuulsum, aperto in medio angusto freto, sex circiter milliar., & ipso, suis naufragijs celebri, & Poetarum fabulis decantato, qui inibi duo horribilia monstra latitare effigunt, ad deuorandas illuc incautè appellentes Naues, mox accurrentia. Et reuerà monstra, sunt, natura ingenita, omnibus viuentibus monstis truculentiora; atque inexplebili voracitate inexorabiliora: quippe in se vno conplectitur duorum, suprà memoratorum Africa Promontoriorum ingluient, atque immanitatem, ex altero insidias mutuans, ex altero furem & violentiam. Scyllam & Charibdim dicunt, intrà angusti maris voracissimas fauces conclusas; hanc se tenentem ex parte Siciliæ prope Messanæ portum; illam Calabria insidentem: hæc insidiosa, & immensæ profunditatis vorago est, quæ vorticibus suis in amplum gyrum distentis, naues ad se attrahit, & momento viuas absorbet; illa præruptarum rupium incompacta congeries, horrifono prius latratu territat, dehinc inenitabili reciprocantium fluctuum vi ad suas cautes allisas, comminuit ac dispergit: vt quæ Scyllæ scopulos de longe cursum tenentes, euitare pro viribus gestiunt, incidunt in insidiosum rete Charybdis, vtrique pro portu, naufragium natæ: ex quo enatum prouerbum:

*Incidit in Scyllam cupiens euitare Charybdim.*

Et Poëta paucis rem includens.

*Dextrum latus Scylla, laeuum implacata Charibdis. Obsidet.*

Hæc de nostris Promontorijs, vti penitus dissimulasse, foret iniuriosum, ita carptim dixisse, nã erit lectoribus gratum, certè non ædiosum.

PROMYRALIA, satis culto & expressiuo vocabulo, appellant Militaris Architecturæ latini Scriptores, quas communiter nostri Ingeniarij cum Gallis, & Hispanis, Militiæ sectatoribus, vocant ridiculè *Falsas Brachas*: terreas videlicet aggestiones ad modum aggeris excitatas ante mœnia, quâ parte hostilem campum respiciunt, per circuitum; quæ sint veluti scuta, & tegumenta murorum, aduersus repetitos ictus tormentorum hostilium. Deseruiunt etiam ad stationem militis præsidarij stantis ad custodiam, & defensionem fossæ, ad arcendos vtique hostes ab eius tranatione, iugi scloporum explosione: qui ne & ipsi impunè impetantur, habent ad labrum fossæ loriculam, qua se tegant. Fiunt autem, vt dixi, è terra aggestitia, interpositis fascibus ad consistentiam, & sudibus in terram defixis imposita, ne facile ruat, ad certam altitudinem, quod

imas murorum partes, quasi quædam famoralia vestiant, & operiant; in se recipiendo immisos ferreos globos, quorum impetum, in molli frangant, & sistant.

Verum praxis, & vsus postea docuit, huiusmodi additamentum plus plerumque periculi obseclis asserre, quam commodi. Etenim, ubi muri ex solido lapide fieri consuevunt (vt in Urbibus, & stabilibus Arcibus) sæpe promuralia ista, successu temporis, ipsis aggressoribus beneficio cedunt; nam facta per repetitos ictus murorum quassatione, facile sternitur ipsis via ad ascensum, per rudera in planum cadentia, ubi melius firmantur, cumulus eleuatur, & pes stabiliter figi potest: tùm ipsa saxa identidem è pertupto muro defiliencia, multum incommodant milites propugnatores in ambulacro valli, vt modò diximus, consistentes ad tutelam fossæ, qui neque effugere, neque contutari se queunt, confestim, & in arcto positi, ab ingruentibus hostibus, vel certe ab multo plumbeorum gladium imbre: quin certissimæ & ineluctabili internecioni subiacent confusi, inordinati, & male tecti. Quapropter hodie à Gallis, & expertis architectonibus, huiusmodi promuralia, vt plurimum non probantur, & ubi noua munimenta excitanda sunt meritò prætermittuntur: ubi autem iam facta inueniunt, consultius demoliuntur. Alij verò (quod benè ijs aliquando cesserunt) dilaudant, & aiunt, huic malo facile occurrì posse, per superstructum desuper tabulatum, quantum valli latitudo extenditur, ex firmis & crassis asseribus in decliuè dispositis, cui ad vnum aut alterum pedem, terra iniici potest, quæ tabulatum operiat, & cadentia rudera mollius excipiat. Sic enim milites probe tecti, & ab ruina tuti, possunt firmo pede stationem tenere, & hostem arcere à fossæ tentanda transmissione. Cæterùm hic valet illud, *Vsus te plura docebit.*

174 PRONAUM, seu PRONAOS ex græca notione, perinde sonat ac si diceret Ante-ædem, vel Protemplum. Hoc vocabulo frequenter & promiscuè, prout res postulat, vtitur Vitruuius, qui libenter græcizat, siuè vt græcè se sapere conmonstret, siue ad conciliandam, non tam sermoni, quam operi maiestatem, exoticis, & peregrinis verbis. Cæterùm tam variè vtitur verbo per se indeterminato, & æquiuoco, vt nesciàs sæpe, quam præcise anterioris ædis partem indicare velit, nisi quando intelligi vult, & sese latinis verbis magis explicat, modo atrium, modo frontem appellans. Quapropter, vt huius vocabuli veram & constantem significationem obtineamus, ad Græcorum fontes debemus recurrere. Lucianus Græcus Scriptor, & non Architectus, Pronaum dixit ædis vestibulum quod est

est in subgrunda. Strabo Geographus, diuersum facit: describens enim lib. 17. celebre quoddam Fanum, quod est in Aegypto, hæc habet. *Post vestibula Aedes sequitur, Pronaum habens amplum, & magnificum, cellam autem adis mediam.* Salmasius in Solinum, Pronaum interpretatur frontem ædis cum columnis, & fastigio: qui plerumque, ait, maior fiebat ipsa adis cella. Quod sanè nequit intelligi, nisi quoad prospectum, & ratione altitudinis tantum; alioquin deforme, ac monitrosus foret ædificium, grandius habens caput, quam ipsum corpus: Baldus in Lexico Vitruuiano, rem bene perpendens, aduertit, Pronaum apud Græcos, idem esse quod prodromon, seu atrium, in prophanis ædibus, quod tamen Romano more non admittebant, sed tantum in Sacris: Vnde subdit. *In Græcorum adibus sacris, hæc erant. Pronaum primum prodromos, vel parietibus Antarum, vel columnis adificatum cum fastigio. Deinde propilæa, qui & Pyleon. Sequebatur adis Cella. Post Cellam adis Opisthodomos vel Posticum, ad idem fere instar factum, ut Prodromus, & Pronaum.* Circà latera adis, etiam deambulationes seu Peridromi ordinibus columnarum utrinque adiectis. Ante Pronaum Atrium, quod spatium erat sub dio. Igitur, Pronaum in proprio sensu apud Græcos, non erat Atrium, expansum ante Templum, sed simpliciter anterior facies templi, quæ in prospectu erat, aliquantò porrectior, siue in porticum, & columnatam ambulationem se extenderet, siue non: & ante pronaum semper erat vestibulum, seu aræa subdualis pro qualitate & magnificentia templi, modò amplior, modò angustior; sed semper latè patens, quò locum daret libero prospectui aditus templi, quod erat ipsum Pronaum. Cui prospecto hodie in nostris Basilicis magnificè excitatis respondet anterior pars, quam ab magnificentia & prospectus ostentatione, propriissimum, & aptatissimum nomen tribuimus, *La Facciata*, idque siue intus atrium, habeat, siue non; certè aliud à vestibulo, quod sub dio est, ante ipsum Pronaum, seu ædis ornatissimam faciem. Consonat Barbarus, qui in tanta Scriptorum varietate, eos mirè conciliat, & in hunc sensum adducit, exposita ad oculos ipsa Pronai, iuxta cuiusque acceptionem & partium distributionem, elegantissima orthographia.

PROPNIGEVM item, quæ pars Vitruuii sit in Palestis, & ad quæ usum specialiter positum, ignoramus. Etenim in distributione partium ædificij, multas enumerat, loco disponit, munus explicat, latinis verbis exponit, sed aliquas exoticis ac peregrinis vocibus, tantum nominat, & in sua obscuritate relinquit, inter quas Propnigeum, de



quo nunc inquirimus. Ait enim lib. 5. cap. 11. *In duplici autem porticu collocentur hæc membra. Ephæbeum in medio, (hoc quidem quid sit, edicit) sub dextro Corticeum, deinde proxime Connisterium. Ad sinistram Ephæbei Elaothesium; proxime autem Elaothesium, Frigidarium, ab eoque iter in Propnigium, in versura porticus. Philander latine vertit Suffocatorium, hoc est (subdit) locum, ubi ignis præclusus aestuat, & Præfurnium significat. Sed non ad rem: quandoquidem mox addit Vitruvius, Proxime autem introrsus è regione Frigidarij, collocetur concamerata sudatio: Qua enim ratione iter in illud à Frigidario? & insuper conditionem adiecit, ut sit in versura Porticus, & postea sudationem collocat in eo, quod sit è regione Frigidarij? quando præfurnium, locandum aptius esset subtus ipsam sudationem, ut in schemate exhibet Caporalis. Quin potius ex Vitruvii contextu apparet, quod hæc mansio distincta sit à sicca sudatione, & media inter ipsam & frigidarium. Accedit & græcæ vocis notio, quæ calidam lauationem sonat, in quam intrabant à frigidario lauaturi. Sed placet admodum antiquorum Codicum lectio, quæ habet *Propineum* à propinatione, eoquod credibile valde est, quod eo loci, post corporis exercitationes, diuerteretur ad refocillandos spiritus, per aliquam leuem refectiunculam, & vini propinationem. Faut Plin. II. in Ep. ad Apollinar. vbi Balnearum suarum partes exactè describens, inter alias, locum hunc, *Gustatorium* vocat.*

176

PROPORTIONALITAS, quam Græci Analogiam vocant, definitur ab Euclide lib. 5. quod sit *Similitudo*, & *comparatio duarum, vel plurium rationum inter se*. Dicitur etiam *Attributio*, & *Relatio*, quia facit, vnum referri ad aliud, tanquam subiectum attributionis. Ea est basis, & fundamentum, supra quod omnis mathematica structura consurgit, & inconcussa persistit; quinimò & Scopus ad quem omnia omnis Matheseos præcepta respiciunt, & collimant: quippe quæ, ex comparatione vnius quantitatis ad alteram, & inde ad alias, præpè innumeras proportionales gignendas, earumque rationes inter-noscendas, veluti manuducit. Ut profectò ex ijs intellectus illuminetur, & sæcundet ad faciendas deductiones evidentissimas rerum natura sua cæteroqui abdissimarum, captumque hominum fugientium. Sunt igitur Mathematicæ rationes, ut probè aduertit Vitruvius lib. 1. cap. 1. omnis mensuræ, proportionisque respectus, quatenus, ut extensum est, proindeque aptum, ut per suam extensionem alia quanta in eodem genere mensurentur; & ipsum vicissim ab alijs, secundum datam proportionem, mensuram accipiat.

Quo-

Quoniam autem duplex est quantum, continuum, & discretum, duplex consequenter est rationum proportio: una, quæ attenditur in quantis continuis; cuius indagatio spectat ad Geometriam: altera quæ versatur in numeris, conferendo vnum cum alio, & exinde ad ignotorum notitiam perducens, & hoc pertinet ad Arithmetica. Nihilominus vtræque per numeros expeditur, & adhuc retento suo nomine, ad quantum alterius examinandum se extendit, pro diuersa habitudine vnus quanti ad alterum, applicando ad quantitatem continuam, quod ex proportionem quantitatis discretæ deductum est; & econtrâ fingendo in numeris conditiones, & passionem omnes quantitatis continuæ, vt quod in hac iam perpicuum est, & euidenter ostensum; in illa etiam ex similitudine rationis, fiat apertum, & euidentissimè demonstratum. Sic in quantitate discreta, exempli gratia, non secus ac in continua, est assignare totum, & partes, latera, seu lineas, puncta, superficies, & profunditates: quemadmodum datur numerus planus, & solidus; quadratus, & cubus; simplex, & compositus; rationalis, & irrationalis: Verbo omnes passionem quarumcumque figurarum geometricarum æquilaterum, scalenarum, Triangularem, Quadrangularem, Parallelogrammorum, Trapeziorum, Prismatum &c. vt fusè demonstrat Clavius in Euclidem, lib. 7.

177

Igitur Proportio Arithmetica est cum tres; vel plures numeri per eandem differentiam progrediuntur; vt 4. 7. 10. 13. 16. 19. 22. & sic procedendo in infinitum; quorum quilibet numerus se proximè præcedentem, ternario superat. Proportio Geometrica est, cum tres vel plures numeri eandem rationem habent, vt 2. 6. 18. 54. 162. &c. vbi quilibet ipsorum ad suum præcedentem habet eam proportionem seu rationem triplam, quam illi. Vnde potest, vt supra dicebam, eadem proportionalitas arithmetica, & geometrica esse, continua, & discreta. Continua quidem, quando idem numerus, qui consequens est, respectu eius qui illum præcedit, est etiam antecedens respectu numeri subsequenter: vt proportionalitas, quæ est inter 2. 6. 28. 54. continua est; discreta autem, cum numerus consequens non est idem antecedens respectu alterius consequenter; sed rursus assumitur alius numerus antecedens, & alius numerus consequens. Ita hi numeri bini se habent; 2. 3. & 12. 18. & 20. 30. eandem habentes proportionem sesquialteram.

178

Datur etiam Proportionalitas quæ dicitur Harmonica, ex miro ordine, & correspondentia, quam seruant sibi numeri ad inuicem: vt cum tres numeri ita ordinantur, vt eadem sit proportio maximi ad minimum, quæ est differentie inter maiores duos, ad differentiam

179

tiam

tiam inter duos minores. Sic hi numeri, 2.3.4.6. harmonicam proportionalitatem constituunt; quia profecto eadem est proportio maximæ, nempe, 6. ad minimum, nempe, 2., quæ est proportio differentię inter maximum, 6. & medium, 4. nimirum numeri 2. ad differentiam inter medium, 4. & minimum, 3. idest ad 1. cū utrobique proportio sit dupla. Denominator autem proportionis dicitur ille numerus, qui distinctè, aperteque exprimit habitudinem, vnius quantitatis ad alteram. At verò illæ multitudines dicuntur habere proportionem inter se, quæ possunt multiplicatæ, sese inuicem superare, vt habet Euclides lib. 6. def. 5.

**180** Porro, Proportionum, quas possunt adinuicem habere duo quanta, siue continuæ, siue discretæ; alia est Rationalis, alia Irrationalis. Rationalis est, quam habent inter se duo quanta commensurabilia; Irrationalis, quam habent duo incommensurabilia. Illæ autem quantitates dicuntur commensurabiles, quæ habent vnā communem partem aliquotam; sed quas vna mensura communis metitur, vt sunt lineæ 20. & 8. palmorum, quarum pars aliquota est tum 4. tum 2. palmorum. Quantitatis verò incommensurabiles sunt quæ nullam habent partem aliquotam, hoc est, pro quibus nulla datur mensura communis: cuiusmodi sunt diameter, & latus eiusdem quadrati.

**181** Similiter alia est proportio æqualitatis, quæ vertitur inter duo quanta æqualia, vt 20. ad 20. alia inæqualitatis, quæ est inter duo inæqualia, vt inter 10. & 20. vel inter 8. & 40. quæ rursus alia est maioris inæqualitatis, quando maior cum minore confertur: alia minoris inæqualitatis, cū confertur minor quantitas cum maiore, vt in posito exemplo, 8. ad 40. Huius autem proportionis minoris inæqualitatis quinque sunt species: Primam, dicunt Multiplicem; secundam, Superparticularem: Tertiam, Superpartientem: Quartam, Multiplicem Superparticulatam: Quintam, Multiplicem Superpartientem.

**182** Prima est, quæ dicit habitudinem maioris quantitatis ad minorem, quando maior continet aliquoties minorem: vt bis, ter, quater, &c. itaut maiorem quantitatem metiatur minor: qualis est proportio tripla, 12. ad 4. quadrupla, 16. ad 4. &c.

Secunda est habitudo maioris quantitatis ad minorem; quando maior semel tantum minorem continet, & insuper eius aliquam partem; vt dimidiam, tertiam, quartam, &c. vt est proportio sesquialtera, 3. ad 2. sesquitercia, 12. ad 9.

Tertia est habitudo talis maioris quantitatis ad minorem, quæ faciat, vt maior semel dumtaxat minorem contineat, & adhuc aliquot

quot partes non efficientes vnā aliquotā, vt est 8. ad 5.

Quarta constat ex multiplici, & superparticuliari; & est cū maior quantitas minorem aliquoties continet: vt bis, ter, quater, & insuper vnā eius partem aliquotā; vt est proportio, 9. ad 4. quæ numerum quaternarium bis continet, & præterea vnitatem.

Quinta denique composita ex multiplici, & superpartiente; & est habitudo maioris quantitatis ad minorem, quā maior complectitur aliquoties minorem, & insuper aliquas eius partes aliquotas non valentes tamen efficere vnā; vt est proportio, 11. ad 3. vbi numerus 11. continet ter numerum ternarium, & adhuc duas vnitates, non sufficientes constituere quartum ternarium.

Tandem alia dicitur Proportio Ordinata, quæ in hoc consistit, vt quemadmodum fuerit antecedens ad consequens; fuerit etiam vt consequens ad aliud quippiam, ita consequens ad aliud quippiam. Perturbata verò est, cū positis tribus magnitudinibus, & alijs quæ sint his, in magnitudine pares; sit, vt in primis quidem magnitudinibus se habet antecedens ad consequentem; ita in secundis magnitudinibus antecedens ad consequentem: vt autem in primis se habet consequens ad aliud quippiam, ita in secundis magnitudinibus se habet aliud quippiam ad antecedentem. Plura qui volet in hac re consulat Euclidem lib. 5. & 7. & eius Commentatores Commandinum, Clauium, & Vitalem Iordanum, omnes proportionum rationes fusissimè explicantes, atque exemplis plurimis comprobantes. Nos quā possumus, breuitati studemus.


PROPUGNACVLVM in Architectura Militari, vt ipsum nomen etymon præfert, intelligitur esse quodlibet munimenti genus ad locum propugnandum excitatum, & ad hostes arcendos idoneum, siue id totum ædificium, siue Arcem propugnatoriam indicet, siue partem ad confirmandam, & fortius stabilendam, quæ prius erat, munitionem, siue sit temporaneum, & e leui materia extructum, vt sit in Castris, & Arcium prætenturis; siue statarium, & perpetuò duraturum, quacumque forma fiat, ad loci tutelam, vt sit in Regni limitibus, in ingressibus viarum, in ostijs fluminum, in Portubus, in aditu pontium, &c. Sub eodem nomine etiam generaliter veniunt Castellæ castricia, Aggeres, Valli prominentes, suggestus, reductus, & his similia. Atque in hunc sensum, hoc nomine indifferenter vsi sunt antiqui Scriptores, ad significandum quodcumque munimentum ad propugnandum factum; atque adeo ipsa mœnia, fossas, & vallorum circuitum, vt videre est apud Thucydidem, Plutarchum, Polybium, & inter Latinos Cæsarem, Liuium, Tullium,

lium, Virgilium, & alios passim. Verum Recentiores, præsertim ex quo introducta est noua Munimentorum forma, quæ valeat, & tormentorum ictus eludere, & hostes subinde à mœnibus abigere, ac tormentis apto loco dispositis incommodare; propugnaculi appellatione signatè intelligunt partem illam accessoriam, quæ mœnibus additur, angulariter prominentem, quæ vtpurimum in pentagonam formam abit, & fronte hostilem campum respicit, ac lateribus ad ipsam munitionem conuersis, vtrinque, & cortinam interiectam defenfat, & altera alteri munimento est, & conspirant ad hostem ab se arcendum. *Baloardum*, seu *Bastionem* Nostri, cum Gallis, Hispanis, ac Belgis nominant. Estque tota ratio, & summa muniendorum locorum, quæ ab angulari forma, & propugnaculorum istorum numero, quæ in angulis constituentur denominationem accipiunt, vt profecto dicantur pentagona, exagona, eptagona &c. ab ipsis angularibus propugnaculis, atque illis totam fortitudinem suam, & sustinendæ cuiusvis (quantumvis aeris, ac diuturnæ obsidionis) felicitatem acceptam ferant. Quod ideo tota militaris Architecturæ ratio, totum ponendorum inexpugnabilium Munimentorum studium, totus labor, & cautio in eo sita sunt, vt & forma, & situ, & numero, ita propugnacula circa Arcem, & mœnia disponantur, & collocentur, vt nec plura, nec pauciora sint, quàm iusta inter ea distantia ad lineam defensionis, & loci amplitudo exigat. Quare in regularibus munimentis ordinariè prædicatur, vt sint aut quadrangularia, aut pentagona, aut exagona, &c. totidemque habeant propugnacula: & quo pluribus propugnaculis erunt instructa, eò capaciora cæteris paribus sunt & ad sese defendendum, hostem impetendum, eiusque conatus eludendos, aptiora; ideo communiter non probantur trigona, quia prolixiores habent cortinas, & propugnacula sibi ægrè respondent. Econtrà quæ magis ad circularem formam accedunt, meliora: atque adeò pentagona præstant quadratis; exagona pentagonis, &c. Non tamen expedit, præsertim in regularibus munitionibus, vt plura quam octo, aut adsumum, nouem propugnacula constituentur. Nam pluralitas generat confusionem, plures impensas, maiorem numerum tormentorum, plures etiam prædarios, singulis distribuendos requirit, quod est contrà institutionem munimentorum, & finem; vt videlicet, vt pauci contrà multos præualeant, ac diù se defendere queant, ac simul hostes abigere, atque exterminare. Accedit, quod angulorum multiplicatio angustiores reddit defensionum lineas, sicque non tam tutelæ communi partium, & totius, quam contractioni virium, atque dandum locum externis offensionibus illa constipatione fo-  
rent.

rent. Quare laudantur præ cæteris Polygonis, Pentagona, & Exagona, in quibus & iusta distantia inter duo propugnacula haberetur, & in quorum singulis, tum à dextris, tum à sinistris obtineretur, ut se inuicem propugnarent, & Cortinam interiectam radere, & inde hostes arcere possint, locumque purgatum seruare ad quantum se extendunt scloporum explosiones: Id quod optimè cedit, si linea defensionis ab rostro vnius propugnaculi ad extremam alam alterius, facientem angulum rectum cum Cortina, non sit breuior 500. pedibus, nec longior 750. quantum extendi potest, plus minus, iactus plumbeæ glandis è maiore sclopo emissæ, quæ omnem circæ regionem peruadere apta sit, obuiosque hostes impetere. De reliquo circæ propugnaculorum angulos, ambitum & positum, hæc necessaria dogmata à belli scientibus traduntur. Primò ut angulus exterior seu rostrum, hostilem campum respiciens, non sit minor grad. 60. nec maior 90. nam si minor, valde acutus est, adeoque debilis, facileque tormentorum repetitis ictibus dirumpi potest, ac ditui: Si maior, maiores sumptus, maioremque prædiorum numerum requirit: vtrâ quod, frustrâ id fit, quippe angulus rectus ex se fortissimus est, & melius custodiri quit, quam obtusus. Secundo, ut facies propugnaculorum, seu frontes quæ prædictum angulum efformant, non sint breuiiores quam dimidium adiacentium, cortinarum: etenim quia habent, & se, & subiectas cortinas defendere; utique quò longiora habuerint latera, eò ampliorem situm aperient ad plures milites capiendos. Sic etiam linea colli, quam nostri *Recinsum* vocant, quæque miles in propugnaculum intrat, & exit; non minor esse debet, quam ala ipsius propugnaculi. Tertiò, hæc ala, ut iusta & æqua sit, debet esse nec minor quarta parte frontis, neque maior medietate; aliàs officeret alis Cortinæ, earumque usum impediret. Quartò demùm, Ala propugnaculorum semper sint ad perpendicularum Cortinæ, itaut cum ea efforment angulum rectum. Et alia quidem valdè vtilia, sed non adeò necessaria, quæ proinde negligi possunt, nec regulariter omnia obseruari, præsertim in munimentis irregularibus, in quibus nos conuenit, & formæ & situi accommodari. De his autem fusè agunt Matthias Dogen, Adam Fritach, & Petrus Herigonius, ad quos Lectorem remitto.

Nunc autem præstat ipsius propugnaculi specimen exhibere, eiusque partes, & angulos declarare. Quod, etsi alibi factum; attamen ibi generatim, & in confuso: ut hic distinctius explicare, non sit frustratorium, neuè otiosum.





*Partium praefertis Propugnaculi Explicatio.*

A B C. Tormentorum Sedes, & Pinnae, vnde prominent.

A B C. O E. Area interiecta, seu Planum Cryptarum occultarum.

O E. Cryptae, seu Fornices ad armamenta in aperto tenenda.

D F. Frons, seu Facies Propugnaculi hosti aduersa.

G. Gula, seu Collum Propugnaculi.

H. I. Via tecta, per quam Circitores excurrunt.

K. Deseensus internus ad Fossam.

L. Ostiolum occultum ad repentinas excursiones.

M. Platea Armorum expedita, ad propugnaculi tutelam.

H. P. Corinae pars, hincinde ad propugnaculum.

Q R. S. D. Curvatura Auriculae rotundatae.

T. V. Plateae sublimes, siue Superiores.

X. Y. Lorica Regalis vndeque protensa.

Z. Fossa, vniuersam Arcem, & Propugnaculum circumambiens.

185

PROPVVS signanter nuncupatur ab Astronomis, Stella fixa quarte magnitudinis, de natura Veneris & Mercurij, maximae considerationis, constituta in extremo pede sinistro praecedentis Geminorum: sic dicta quasi pro-pes, hoc est ante pedem. Sed melior, & ad rem, est explicatio Procli, quia videlicet, est prope conuersionem Aethiuam, & initium Canceri, quod sunt temporum mutationes, & ab ipsa potissimum indicantur: de qua multa obseruatione digna  
habet

habet Iunctinus in Catalogo Fixarum, & in speculo Astrologico : Est nunc in grad. 26. min. 30. Geminorum, fere in Ecliptica, & oritur Romæ circa 18. diem Iunij, cùm Solstitium fiat circa vigesimum.

PROPLASMA dicitur communiter apud Statuarios, Pictores, 186  
Plastes, & Architectos, primum operis figmentum, & typus, quod in cera, argilla, ligno, vel charta præfiguratur, vt sit pro exemplari, ad quod respiciens artifex, illud perficiat. Vnde refert Plin. lib. 35. cap. 12. *Archeſilai proplaſmata pluriſ venire ſolita ab artiſcibus ipſis, quam aliorum opera.* Modellum nos vocitamus. Et quia id per plasticem fit, ideo ars ipsa fingendi huiusmodi typos, atque formas, Proplastice audit. Sed vide quæ diximus in V. *Plastice.*

PROPYLAEVM ex græca notione nil aliud quàm Ante-portam, 187  
sonat: Πύλῳ enim græcè & πύλῳ portam significat. Ex quo moderni græcarum vocum Interpretes, & Glossatores, absolute ad vestibulum, quod est ante ostium quatumcunque ædium, Propylei vocabulum contraxere. At longè aliter vsurpatum inuenio apud antiquos, & quidem primæ notæ scriptores. Etenim primo loco Athensus lib. 4. Deipnosoph. Propylæa intelligit pro dulciarijs, seu eiusmodi prægustatorijs cibis, quæ venalia prostabant in aditu Ciuitatis, ad commodum aduenarum peregrè venientium, vt lassus ex longo itinere, aut nauseatis ex navigatione, præstò esset aliquid ad refocillandos spiritus. Sic enim apud ipsum loquitur Phœnicides in Odiosa.

*Baccarum mirti laudes, atque mellis prædicant;  
Deinde Propylæa commendant, & quarto loco Caricas.  
Hæc ego statim ac nauis appulsa est, gustavi,  
Atque etiam propylæa: eorum prorsus nihil  
Ciborum cum attagone conferendum est.*

Vbi Scholiastes ad marginem, *Propylæa*, inquit, & *trageneta*, quæ ante vestibula ædium Ciuitatis, & in porticibus venibant. Sed hæc non ante priuatarum ædium fores erant, sed tantum ponè portas Ciuitatis, ad eum finem, quem suprà diximus. Benè verò exinde factum est, vt tabernæ, & loca in quæ ista asseruabantur, quæ vt plurimum multa, & lignea erant, propylæa postmodum dicerentur: vestibulum autem in quauis amplitudine sumatur, vnum est. Secundò Pausanias non vno in loco, Propylæum accipit pro ornamentis, & statuis, quæ erant in atrio domus, ad magnificentiam & ostentationem, siue ad cultum, si Deorum erant: vnde Mercurius, qui

in omnium ædium aditu positus erat ad custodiam; Propylæi, nomen adeptus est: de quo idem Pausanias lib. 1. ait. *In ipso Arcis aditu, Mercurij Statuam, quam Propylæam appellant, & Gratias fecisse dicunt Socratem.* Et alibi. *Vestibula, quæ propylæas appellant, è candido marmore fastigia habent; quo sanè opere, hac ipsa ætate, nihil ornatum aut lapidum magnitudine pretiosius.* Et Plin. lib. 35. cap. 10. refert, quod Protogenes Propylæon pinxit Athenis, & lib. 36. cap. 5. de Piæturarum excellentia loquens: *Non possederunt & Charites in propylæo Atheniensium, quas Socrates fecit.* Hæc autem omnia Vestibulis, ut vestibula sunt, minimè congruunt. Denique Pericles Græciæ Princeps in eiusmodi ornamentis & structuris profusissimus fuisse, legitur, atque adeo à Demetrio Phalereo vituperatum refert Tullius 2. de Offic. *quod tantam pecuniam in præclara illa propylæa profuderit.* Quapropter ex his omnibus testimonijs, aperte liquet, Propylæa non ipsa vestibula esse, sed quidquid in Vestibulis ante portas Ciuitatis extabat expositum, siue orandum aditum vrbis; siue ad conueniarum commoditatem; esseque nomen genericum per omnia transcendens, quod publicè ante portas Ciuitatis stare.

**PROROGATORES** apud Astronomos iidem sunt ac *Significatores*, vel (ut alij nuncupare malunt) *Moderatores*. Luminaria inquam, & alia loca in Cælo, quæ rerum moderandarum, & significandarum munus, dispositionemque, ex certo positu sortiuntur. De quibus, & eorum electione aliàs fusè diximus in V. *Moderatores*, & alibi. Habent enim se per modum subiecti passibilis, recipiendo in se impressiones siderum occurrentium, & prout benè vel malè ab ijs affecti fuerint, benè vel malè moderationem iniunt, & Prorogatoris, seu conseruatoris rerum, quas significant, munus exercent. Sed hic animaduertere iuvat quoad differentiam nomenclaturæ, longè latiùs patere Significatoris vel Moderatoris nomen, quam Prorogatoris. Siquidem per ea generaliter comprehenditur quidquid moderandæ, & significandæ cuiuscunque rei ab se dependentis, specificationem obtinet, & aptum sit qualificare & agitare, secundum rationem qualitatis impressæ sideris occurrentis. At prorogator, (ut vox ipsa patefacit) aliquod speciale denotat, & non ad productionem simpliciter, sed ad eius conseruationem vnice contractum: vnde ijs solis conuenit, qui prærogatiuam hylegiale[m] sortiti fuerint, & vitam prorogandi munus. Rursus Significatoris nomen adhuc vniuersalius est, quam Moderatoris, aut Prorogatoris: cuiusmodi sunt omnes Cardines, quin & Domorum cuspides in suis significatis; immò & omnes erraticæ, & quatenus conside-

rate

ratæ immobiles in suis Circulis positionum, se habent vt subiectum passibile ad recipiendas qualitates actiuas impressas à sideribus occurrentibus, vt loco suprâ citato, dictum est. Cæterum hæc in sensu rigoroso, & ex proprietate verborum dicta sint, non ex communi acceptione: cum aliàs nec non latet, apud omnes Professores, ipsumque Principem Ptolemæum, hæc vocabula indiscriminatum, & promiscuè, alterum pro altero vsurpari, ac pro ijs vtrumque subiectum passibile in Cælestibus, receptiuum impressionis factæ à sideribus, qualitatibus actiuis, in aliquo agendi genere pollentibus, intelligi. Vide etiam quæ dicta sunt in V. *Occurrentes*.

PROSCENIVM (teste Budæo) locus erat in Theatris ante scenam apertus, ad quem è scena occultiore, & eminentiore, Actores prodibant ad fabulam præludendam, suisque expletis partibus, statim ad scenam se conferebant, inibi manentes occulti, & habitum mutaturi, si fortè ad aliam actionem prodituri erant. Ad quam rem Pulpitum in Proscenio constitutum erat, altius quidem Orchestra (in qua sedilia disposita erant ad honorificentiorum spectatorum receptum) sed ipsa Scena humilior, & ad Proscenij latus, vt aperte docet Vitruu. lib. 5. cap. 6.

PROSLAMBAMENOS in Monochordo, ex græca notione dictus est infimus tonus, quasi *supererogatorius*, quia reuerà locum non habet in Tetrachordis, sed est modus ascititius, & acquisitus, per se quidem consonantiam non faciens, benè quidem aliorum phtongorum consonantias ordinans, & firmans: est enim omnium grauissimus, & profundissimus; vnde inseruit pro basi supra quam consonantiæ fundantur, & eriguntur: cui in Scala nostra respondet A. re. Sed vide quæ diximus in V. *Monochordum*.

PROSTADES in magnis Græcorum ædificijs, erant loca quadà in ipso introitu domus, porticibus seiuncta, in peristilijs, quorum tertia pars dabatur introrsus habitationi mulierum, ac domesticorū famulorum, suis operibus intentorum; vti non ità facillè ab extraneis aduentantibus conspici possent, & conueniri. In his (ait Vitruuius, lib. 6. cap. 10.) introrsus constituuntur æci magni, in quibus matres familiarum cum lanificijs habent sessiones. In prostadis autem dextrâ, ac sinistrâ, cubicula sunt collocata, quorum vnum Thalamus; alterum Amphitalamus dicitur. Circum autem in porticibus triclinia quotidiana, cubicula etiam, & cella familiarica constituuntur. Sed de his satis dictum in V. V. *Oeci*, *Procaton*, & alibi.

PRO-

- 192 PROSTHAPHERESIS græcè idem valet, ac latinè Impletio, seu Aequatio: estque pars illa Æclipticæ, quæ addenda venit, vel minuenda à medio motu planetarum, vt habeatur verus: aut à vero minuenda est vel addenda, vt teneatur medius. Frequens est vocis vsus apud calculatores Secundorum Mobilium. Vide quæ diximus in V. Aequatio.

PROSTMOS Vide Poristmos.

- 193 PROSTYLOS vocatur ab eodem Vitruu. lib. 3. Aedes, quæ columnationem habet in fronte: vti *Amphiprostylos*, quæ tam in fronte, quam in postico. Quæ tamen adhuc à numero intercolumniorum magis specificantur, & aliæ denominantur Diptera, aliæ Periptera, aliæ Pseudodiptera, &c. vt suo loco dictum est. Id autem singulare habet Prostylos, vt quemadmodum in Antis, ædes habet cum alijs in fronte antas parietum, qui cellam circumcludunt, & inter antas in medio, columnas duas, supræque Fastigium collocatum; ita in Prostyliis columna sunt duæ angulares contra antas, supraque Epistylia, quemadmodum & in antis: & dextrâ ac sinistra in versuris singula. Ita in terminis Vitruu. Qui etiam addit extare huius exemplum in Insula Tyberina, in æde Iouis & Fauni; quæ modò à fundamentis diruta est, vt ne vestigium quidem reliquum sit, quod spectari possit.

- 194 PROTYGETER, seu, vt habet Ptolemæus in Almagesto, *Protrygitira* (non autem *Trygitira*, vt habent alij) vocatur græcè stella fixa, quintæ magnitudinis in ala dextra Virginis; consistens: non illa quidem, quæ hanc subsequitur, & absolute dicitur Vindemiatrix ac Περωνη appellatur ab Hesiodo, quæ verè vindemiam indicat, estquæ teritiæ magnitudinis; sed quæ ipsam immediate præcedit, & præludit (vt ita dicam) vindemiam, oriens tribus fere dieb. ante Vindemiatorè, atque ideo Protygeter dicta, seu vt Plin. & Basius in versione Germanici *Anteuvindemiator*. Sed multi ob earum vicinitatem falluntur, & sumunt vnam pro alia, vt præ alijs Vitruu. lib. 9. cap. 6. de Virginis Alterismo loquens. Cuius, inquit, super humerum dextrum lucidissima stella nititur, quam nostri pronindemiam maiorem, Græci *Περωνη* vocitant, eandem autem magis species eius est colorata. Quæ enim alia est cui absolute *Trigētis*, & *Vindemiatoris* nomen conueniat? Sed condonari potest lapsus ijs qui non probè stellarum naturam norunt, & aliorum verbis perperam acceptis, vtuntur.

PROTHYRA, ac DIATHYRA, græcè dicuntur ascititæ, & amouibiles valvæ, quæ ostijs apponuntur ad occultandum magis, quam ad ocludendum. Apponuntur enim tum ad reparandum, aditum, ne ventis ingruentibus pateat; tum ad obstaculum visus, ne qui foris sunt, impunè obseruent quæ intus aguntur. De quibus satis dictum in V. *Diathyra*. 195

PROTHYRIDES Græci appellant, quas nos, Mensulas & Ancones vocamus: eas videlicet antepagmentorum partes, quæ ad ostium hinc inde propendent, ab ima fastigij corona, ad libramentum supercllij; quod quasi sustentare videntur, nec sine lucro, & magna operis venustate. Etenim supercilium complent, & ex abrupto procedunt, nullibi adhærentes, seu per se stantes, sine vlla futura; nam veluti sponte e pariete profluentes, sese quasi ad subleuandum pondus submittunt, ac bellè postmodum se implicant in volutarum anfractus, terminantes in figuram<sup>2</sup> inuersæ, quibus ad extremum appingi solet encarpus pendens, aut vitis folium exurgens, ad complementum & ornatum. His valde similes sunt Incumbæ arcuum extremis supponi solitæ, aut fornicibus, quæ in parietes incuruantur: nisi quod istæ ampliores sunt, & aliquando in aliam longè diuersam formam abeunt, modò eundem vsum retineant, & operis venustatem. Et quidem hîc Romæ, non ità pridem, loco incumbarum, introductas vidi conchas striatas inuersas, quæ ansis suis in planum directis, & foràs in volutas proiectis, recipiant in se, quasi incumbentes arcuum terminos, id quod leui opera fit, & forte maiori venustatis accessione; at in prothyridibus nusquam, quoniam ad ostiorum latera exterius collocantur, atque adeo non eundem effectum haberent. Earum specimien vide apud Philandrum, in notis ad Vitruu. cap. 6. libri 4. 196

PROTYPON Vide *Proplasma*:

PSEUDO CASTELLVM non incongruè appellatur à quibusdam Historicis, Castellum seu munitiuncula subito, ac tumultuariè excitata, è palis in terram defixis, & cespite, vel terra aggestitia, cum intermixtis fascibus ad murorum formam conuëstis: quæ quidem præfert figuram Castellî, & verè ex parte officium sustinet, sed reapse debilis est, & diù obsistere nequit repetitis ictibus, & validæ hostium aggressioni: quippe non in ea seruari possunt præcepta omnia quæ, de Castellis ritè communiendis tradunt: vtpote de lineis defensionum, receptibus, & rescissionibus ad tempus faciendis, &c. 197  
sed



sed tota eius ratio consistit in electione situs, ubi erigi debeat, & spe, in promptitudine præsidiorum, ad illam custodiendam, ac defendendam, Hoc videtur verbo Fulcherius Carnotensis, in Histor. Hierosolymit. lib. 3. cap. 55, ad excusandos Christianos, qui custodiebant, & in præsidio erant S. Ciuitatis, si ad subitam Saracenorum irruptionem, seipsos, & Arcem dederunt. *Iam*, inquit, *Turci Pseudo-Castellum obsederant, ac vi caperat &c.* Porro horum munimentorum excitatio frequens est nostris temporibus, & in longa obidione, plurima excitari solent; vt videre est apud Stradam, & Riccium, de Bello Belgico. *Fortinos* nostri vocant, Galli, *Chaux*.

198 PSEVDOSOMVM, vel PSEVDISODOMVM, Plinio teste, lib. 36. cap. 22. erat quoddam structuræ genus apud Græcos, ad differentiam Isodomi, de quibus ita loquitur. *Græci è lapide duro, ac silice æquato construunt veluti lateritios parietes: cum ita fecerint, Isodomon vocant genus structuræ: at cum inequali crassitudine structa sunt, Pseudisodomon.* Aliter explicat Vitruu. lib. 2. cap. 8. *Isodomonum*, inquit, dicitur, cum omnia coria æqua crassitudine fuerint structa. *Pseudisodomonum*, cum impares & inæquales coriorum ordines diriguntur. Vtrumque autem struendi morem collaudat Vitruuius, & nostris structuris præfert: Non enim, subdit, è molli cemento polita, sed cum disceserint à quadrato, ponunt de silice seu de lapide duro ordinariam; & ita, vt lateritia struentes, alligant eorum alternis corijs coagmenta, & sic maxime ad æternitatem firmas perficiunt virtutes. Pari ratione

199 PSEVDODIPTEROS, *Pseudostylos*, & si quæ alia eiusmodi nomina apud Græcos Scriptores ac Vitruuium inuenias, scito id plane significare in opere archi-ctonico, quod simpliciter, Dipteras, prostylos, &c. nisi quod vox *Pseudo* adiuncta, denotat in opere principali aliquid falsum, ac deficiens admitti: vt etiam in alijs loquutionibus praticatur, cum dicimus *Pseudostellam*, *Pseudoprophetam* &c. sic etiam

PSEVDOSTELLA. Vide *Phanomenon*.

200 PSEVDOTYRVM, vel PSEVDOFORVM dicitur Ostiolum in postica ædificij parte, vel sanè satis occulta, apertum ad clancularios, & furtiuos exitus, quando aliquid periculi imminet, aut domi, aut in exitu per commune ostium, forte ab inimicis obsessum. Id quod  
in

in Tiberio obseruans Oroſius lib. 7. cap. 6. ita de eo loquitur. *Tanta fama Romæ fuit, ut medio foro Imperator correptus à populo conui-  
cijs, & fragminibus panis turpiſſimè inſeſtatur, agrè per Pſeudoryrum in  
Palatium refugiens, furorem excitata plebis enaſit.* Ita etiam Ammia-  
nus, Cicero, & alij paſſim. Eo etiam vocabulo uſus eſt D. Hiero-  
nymus in moralibus, eius uſum deſpectens ad cauilloſa ſophiſmata.  
Sic enim habet Epiſt. 7. *Non per Pſeudoryrum, ſed per patentes ianuas  
in ſuum pectus lucem veritatis inducat.* Porro frequentiſſima ſunt ho-  
die huiuſmodi falſa, & clancularia oſtiola in magnatum ædibus  
non ad ſecuritatem modò, ſed ſi quando citrà aliorum obſeruation-  
nem, aliquem admittere placuerit ad arcanum colloquium; aut li-  
berè domo egredi, aut pro libito reuerti, id æquè poſſint, ſeruata  
amplitudinis maiestate.

PTERA, PTEROS, & PTEROMATA græcè Alas ſignificant,  
quaſi expanſæ, & in altum ſurgentes. Hinc paſſim uſurpantur in  
opere architectonico, pro excellis parietibus, ſeu porticibus, quæ  
hinc inde, maiestatis gratia, ad Baſilicas exædificantur, unde etiam  
apud nos factum eſt, ut eiufmodi extruções, Alas commu-  
niter diceremus. Quid autem in re fuerint apud Græcos, clarè indi-  
cat Strabo lib. 17. in deſcriptione magnificentiſſimi templi quod erat  
Heliopoli, Soli dicatum, & adhuc temporibus ſuis exbat. *Ptero-  
mata, inquit, muri duo ſunt templo pares altitudine, prima, & infima  
parte, paulo plus, diſtantes ab inuicem, quàm lata ſit crepido templi; dein-  
de curuatis lineis procedentes ac prominentes ad quinquaginta uſque vel  
ſexaginta cubitos.* Latini etiam Scriptores ſæpè vtuntur hoc nomine:  
inter quos Plinius lib. 36. cap. 1. ubi de Mauſoli monumento ab  
Artemiſia coniuge Carix Regina, ſuperbiſſimè excitato, loquitur,  
(quod inter ſeptem Orbis miracula computatur,) ſic ait. *Namque  
Pteron ſuperioris pyramidis altitudine inferiorum æquauit viginti quatuor  
gradibus in Metæ cacumen ſe contrahens.* Et cap. 13. ſimilia habet de  
Labyrintho Aegyptiaco. Et Vitruuius Architectus, non vno in lo-  
co, præſertim lib. 3. cap. ult. ubi, eius adiectionis prudenter initæ  
duplicem rationem reddens, hæc ait: *Pteromatis enim ratio, & co-  
lumnarum circum ædem diſpoſitio, idè eſt inuenta, ut aſpectus, propter  
aſperitatem intercolumniorum haberet authoritatem: præterea, ſi im-  
brium aquæ vis occupauerit, & intercluſerit hominum multitudinem,  
ut habeat in æde circæque cellam cum laxamento liberam moram.* Tanta  
autem erat apud antiquos in magnis ædificijs harum alarum cura;  
atque æſtimatio, ut ab earum diſpoſitione nomen auſpicarentur: vn-  
de & Dipteros, Monopteros, Pſeudodipteros, apud eundem Vitruu-  
diuerſarum claſſium ædes appellauere, de quibus ſingulis ſuo loco  
dictum.

202

**PVLPITVM** originariè erat locus in Theatro, qui se tenebat ex parte scenæ, intrâ proscenium, in quem exibant pantomimi, & gesticulatores ad detinendum populum saltationibus, & cantionibus, antequam fabula inciperet haberi, vel etiam dum illa tantisper intermitteretur, inter vnum, & alium actum: quod præcipuè habebat locum in Tragædijs, grauitate, & mœstitudine plenis, vt seria iocosis intermedijs temperarentur: id quod etiamnum praticari solet, sed in eodem proscenio, in quo recitatur actio. Pulpitum autem olim erat locus peculiaris, huiusmodi saltationibus deputatus, altior quidem orchestra, vt probè spectari possent actores; sed humilior scena, & ipso proscenio. Sed cessante iam vsu in Scenis, cessit Pulpiti nomen in suggestum, seu locum in tribunali editum, in quem ascendeat oratores ad declamandum coram magistratibus, vel præcones in foro ad edicta Principum promulganda: Hinc apud Christianos ad Sacras ædes, & locum ubi conciones ad populum habentur, pulpiti nomen & vsus translatus est, & olim sacratius erat ordinatum in parte Ecclesiæ digniore, excelsa & probè conspicua, ad Euangelium populo legendum, & sacra dyptica recitanda: Vnde Isidorus sic verbum explicat: *Pulpitum, quod in eo Lector vel Psalmista positus, in publico dispici à populo possit, quò liberiùs audiatur*: ac propterea stabile, & è marmore vt plurimum erat, & duabus scalis hinc inde ornatù; vnâ, qua ascendebatur in illud, alterâ, per quam descendebatur: vti videre est in vetustis Romæ Basilicis, vbi adhuc integra extant ex opere tessellato mira varietate: de qua re satis diximus in *V. Ambo*.

203

**PVLSATIO** appellatur ab Astronomis, per quandam similitudinem, & analogiam, Commissio quam facit Planeta, dispositionis suæ, alteri ad quem projicit radium, aut in cuius dignitatibus reperitur: tunc enim dicitur illum pulsare, quia excitat illum quodammodo ad sui coherentiam recipiendam, suæque conditioni se conformandum. Sicut viceuersa, passiva ista Pulsatio penes illum vocatur *Receptio*, quâ fit vt Planeta pulsatus, se disponat ad communicationem illam recipiendam: siquidem ea est species quædam familiaritatis, & amicitiz. Quæ quidem est in triplici differentia. Virtutis, Potestatis, & Naturæ, prout explicat Abraham Auenarre, in suo *Introductorio*. *Pulsatio Virtutis* est, cum Planeta fuerit in alterius Domo, Exaltatione, Triplicitate, aut Terminò, & coniungitur illi, aut illum aliquo modo respectat; tunc enim dicitur suam virtutem alteri communicare. *Pulsatio Potestatis* est, cum Planeta alium

erf.

respicit radio perfectæ amicitia, qualis est Trinus, vel imperfectæ, vt est Sextilis; tunc quippe inter eos intercedit vera commissio & Potestatis pulsatio. *Pulsatio Naturæ* pluribus modis fit. Primò, cum Planeta commiscetur alteri existenti in suo Domicilio, vel Exaltatione. Secundò, cum iungitur alteri eiusdem, cum sua, conditionis consorti, vt si Masculus Masculo; Diurnus Diurno, aut Nocturnus copuletur nocturno. Tertiò, cum Planeta cursu velox, existens in suis dignitatibus, respicit aliquo radio tardiozem nullam dignitatem habentem in loco velocioris: tunc enim dicitur velox, propriam naturam transnittere tardiori. Et hæc est tota Theoria Pulsationis: quam tamen Recentiores, tanquam Arabum, Indorumque figmentum, atque in praxi euanidam, relciunt, & à familiaritatum albo expungunt.

PVLVINVS propriè significat molle quid, è lana, puluere, pluma, 204 vel alio quouis tomento confarcinatum, quod faciliè pressioni cedat, atque ad cubandum vel sedendum vnicè factum: nomine, siue à minutissimo puluere, quo farctus est, siue à pluma (namque dicitur etiam Pulvinar, quasi Pluminar) deriuato. Hinc quidquid molliter turget & in similitudinem pulvinaris abit, tam in opere architectonico, quam in Geographicis, ac in Mechanicis, Pulvini nomen accepit. Vnde Isidorus lib. 19. Pulvinos appellat machinas, quibus naues molliter adhærentes ad portum, ad littus deducuntur, aut inde in mare mittuntur: & pulvinus dicitur à Columella, lib. 11. cap. 3. terra aggesta velut in modicum tumulus, molliter eminens inter duos sulcos, ac Plin. lib. 17. cap. 22. *pulvinata labra*. Sed ad rem nostram, in Architectura potissimum frequens est hoc vocabulum: vnde pulvinatum Zophorum in opere Ionico, pulvinatum torulum, pulvinatum capitulum, passim inuenies apud Vitruuium, aliosque scriptores; eoquod instar pulvini molliter intumescunt, & extrorsus prominent, quasi superimposito oneri cecidentia: quin & ipsum abacum, qui alioqui pulvini capituli Ionici premit, iure pulvinum etiam dici posse, autumat Viola in sua Architectura, quoniam nihilò minus, quam reliqua membra intumescencia, foras prominet, & super ipsum tota trabeatio accumbit, & sustinetur. Denique apud Geographos arenarum cumuli, qui siue in portibus, siue in fluuiorum ostijs, à recurrentibus fluctibus in vnum congeruntur, & latenter subsidunt subtus aquam, itaut aliquando nauigantibus impedimento sint, pulvini communiter appellantur.

PVNCTA terræ Vide *Lingua*.

205

PVNCTVM definitur ab Euclide, *Cuius pars nulla est*. Quandoquidem concipitur esse minima pars & vltimus terminus quantitatis, qui in vteriores partes diuidi nequaquam possit, si non in esse physico, saltem in esse mathematico. Philosophi ferè omnes cum Aristotele, 6. *Physicor.* & 1. de *Generat. text.* 8. non admittunt puncta indiuisibilia in Continuo, vt obseruauimus in V. *Indiuisibilia*; sed partes, & partes in infinitum diuisibiles, adeoque distinctas: eoquod Punctum, inquit, prout indiuisibile consideratum, nullam habet extensionem, & per consequens, neque additum alteri, potest facere extensum, & quantum; deberet enim illud tangere secundum se totum, alioquin non esset indiuisibile, vt supponitur. Nihilominus Mathematici, quoniam Quantitatem in abstracto considerant, hoc non attendunt; sed minimam quantitatem, quæ concipi possit, sitque omnis dimensionis expers, & tamen alicuius quantitatis dinetendæ terminatiuum, Punctum appellant. Vnde Plinius lib. 2. cap. 68. vè ipsum globum Terraqueum amplissimæ molis, & in se omnis dimensionis capacem, respectu totius Machinæ Mundialis, Punctum nominat. *Non est aliud*, inquit, *Terra vniuersa, quam Mundi punctum*. Quia videlicet terra vniuersa respectu Firmanienti, & Orbium superiorum, est instar puncti indiuisibilis, inextensi, incommensurabilis, neque per longum, neque per latum neque per profundum. Et ideo nulla est differentia radij proiectionis ab stella posita in Firmamento, ad Centrum terræ, atque in quantumcumque partem eius conuexi: quia profectò tanta est eius ab illo distantia, vt respectu eius penè insensibilis sit, proindeque in comparatione illius, se habeat vt punctum mathematicè consideratum. Omne igitur, quod in ratione dimensionis est inextensum in seipso, à Mathematicis dicitur Punctum: & nihilominus ab eo dimensionis omnis regula in quantitativis, tum continuis, tum discretis; tam totis simul existentibus quam successivis, exorditur. Nam omnes anguli in quantitate cōtinua, vnitates in discreta, ac momenta, seu instantia in tempore, Puncta sunt, quæ in seipsis indiuisibilia, & incommensurabilia, faciunt tamen quantitates omnis generis mensurari, nec vlla percipi potest, quin ad punctum terminet, & ab eo incipiat, absoluatque mensura. Vnde vnitates non est numerus, sed initium & finis numeri; & in quantitate continua Anguli sunt terminatiui omnis figuræ tam planæ, quam solidæ, ex quarum dimensio auspicatur: ac propterea in ijs fingimus partes vsque ad 90. quantum arcus subtensus, ad quem angulus quisque respondet, extenditur. Vide quæ diximus in Angulis, numeris, & in V. *Indiuisibilia*.

PVTEVS generaliter audit locus altè sub terram effossus, in quem aquæ à terræ venis scattentes confluunt, & congregantur in vnum: & in hoc differt à fonte, quod hic aquas subilientes cum impetu, & vberim educit & foras mittit semper currentes, & viuas, ille, guttatim manantes in se recipiat, & immotas contineat. A potando aliqui dictum volunt, alij à putore, eo quod putidas exhalationes emittat ex aëre incluso, & prauis qualitatibus subterraneis contaminato. Cæterum puteorum vsus vti frequentissimus est, ac humanæ vitæ pernecessarius; ita eorum effossio cum ratione dirigi debet, ne aliàs aut perdatur opera, aut in perniciem conuertatur. Quapropter sedulo incumbendum est Architecto, quo loco, quam ob causam, quibus cautionibus effodiendi sint; etenim pro diuersa locorum conditione, & operis necessitate, diuersimode iniri debent; cum sæpe, non tam ad aquam ædibus importandam, & in pacis otio ad fundamenta ipsarum ædium iacienda, necessarij sint, quam in bello, ad turandas & muniendas vrbes, atque ad hostes multimodis incommodandum. Bonè Leo Bapt. Albertus, de re ædificator. lib. 3. cap. 3. Nullis locis, inquit, illico fidendum est inuento quod ferrum respuat; posset enim id esse in campestri parte, vt & infirmum: ex quo maxima iactura, & totius Operis ruina olim consequeretur. Nosque vidimus apud Mæstrum Venetiarum Oppidum, turrim, quæ post annos aliquot, quàm absoluta extitit, pondere sui, perferato cui incumberebat solo, vti res monstrauit, tenui & imbecillo, ad summa vsque propugnacula immersum ierit. Quò magis inculpandi sunt qui non solido istiusmodi à natura substrato. Præclare idcirco admonentur, vt omnium primi fodiantur putei: id quidem cum ceteras ob res, tàm vt apertissimè pateat quanti quæque sese habeat cutis ad opus tolerandum, aut infirmandum. Accedit etiam quod hinc ad aperta respiratio, à subterraneis exhalationum motibus tutam illasamque præstabit ædificio firmitatem. Hucusque Albertus, qui proinde lib. 10. cap. 5. totam puteorum rationem expendit, modumque tradit, quo per ipsos omnibus incommodis, (quæ in ædificiorum positione obueniunt) occurrì possit, & aliàs aqua abundè suffici, vbi nec imber cadit è cælo, nec fontes extant, aut flumina è quibus hauriri queat: vnde legimus Agamemnonem circà Aulidem, & passim per totam Græciam, plurimos puteos effodisse, ne per æstum, populi sibi subiecti aquæ inopia laborarent.

Sed nec minus in bello, vt dicebam, probantur aptis in locis aperti putei, quorum nimiam accessio, plus opis affert obsessis ad obsessionem diutius sustinendam, quam optimus murorum recinctus, & fortissima addita propugnacula, vt bonè monet Vegetius lib. 4. cap. 10. Nam si accadat vt aquæ ductus de foris aquam adpor-

san-



tantes ab hostibus intercipientur, aut veneno inficiantur, (vt fecit Lautrechus superiore sæculo in Neapolitana obsidione) habeant ciues, vt citrà noxam aquam hauriant in proprijs zdibus & copiosam, & innocentiorẽ. In castris quoque & in longis expeditionibus ad tutam exercitus traductionem, puteorum effossio non modò vtilis sed necessaria est, & priua commeatus cura esse debet in prouido, & expertissimo duce: nam sæpè aquationis penuria laborat equitatus, ex quo præpeditur iter, & languet exercitus: vnde refert Ammianus, in id summopere incubuisse Scipionem, in suis copijs feliciter traducendis, atque eò acceptam fert magni illius Imperatoris fortunam, in inferendo exteris, ac barbaris nationibus bello, armorumque felicitatem.

## P Y

209 PYCNOSTYLOS nuncupatur à Vitruuio ædes, Cuius maiestas repõsa est in frequentia, & spissitudine columnarum; nam à spatio intercolumnij consueuere Græci dare structuris suis appellationes, quarum quinque species enumerat lib. 3. cap. 2. Pycnostylos, Systylos, Diastylos, Eustylos, & Araostylos. Et Pycnostylos quidem ait esse, *cuius intercolumnio, unius, & dimidiata columna crassitudo interponi potest.* De qua, vti de reliquis, satis dictum in V. Araostylos.

210 PYLOCLASTRVM bellici tormenti nomen est, non ita pridem inuenti, ad bombardarum morem, sed longè diuersum effectum, ac planè infallibilem ferè ineuitabilem, atque terribiliorem. Factum est autem vnicè ad portas vrbiũ deijciendas, vt nomen ipsum indicat, ex græco desumptum, quamquam nouum, & non ita omnibus notum: vnde vulgari, & militari vocabulo apud nos, Gallos, Germanosque, & Hispanos, communiter *Pettardo* appellatur. Natales habuit in Germania, vbi eiusmodi fulminantia monstra nasci consueuere, autore, & promotore Martino Schenchio solerte quidem viro, ac strenuo, sed efferato, vbi ad partes, ex vindictæ furore accesserit: qui primum eo vsus est in occupatione Bonnensi, facta à Truchesiænis, quorum ipse Ingeniarius erat, & Copiarum ductor. Cuius descriptionem, & mirabilem effectum, placet hic exscribere, ex lib. 10. Histor. Famiani Stradæ de bello Belg. quo neque expressius, neque elegantius describi potest. Sic enim habet. *Est hac machina fusili ex ære vas, forma mortario non absimile; immò in Iuliacensi bello ad subruendam Aldondorsij portam adhibitum à se fuisse ex aromataria officina mortarium, Tensinus talium machinator, & scriptor enarrat. Magnitudo illi varia; Ea nunc maximè probatur, quam gestare*

ac palliq; tegere miles non imbecillus queat. Aded cuniculos non modò sub terram fodere, sed etiam nobiscum ferre excogitauimus. In latera ansulam habet ad suspendium, & ab imo propemodum fundo, palmaris prominet ad inferendum intrò incendium, canaliculus. Vbi autem inditum vase bellicum puluerem malleo presserint, atque ad os usque constipauerint, summumque os stupeo obturamento ac cerata ad extremum tela concluderint, roborem assem latitudine vasis ampliorem, ac ferrea cruce firmatum eidem ori superaddunt adstringuntque; eo nempe consilio, vt per illud additamentum, fractura plus fiat in ostio, quam sola mortarij latitudo faceret, angustiorẽ videlicet, imparemque subituris militibus apertionem. Temperatum hoc modo pyroclastum, post terebratam quã impetitur portam, terebraque ibi clauis loco relicta, ex ansula ad terebram alligata suspenditur ore mediũ in fores verso, ac per sulphuratum fomitem, qui canaliculo est. insertus, incenditur. Tũ verò flammis ferratoque asse in portam arietantibus, ineluctabili planè vi, quantò contumaciũs obstat, tantò impotentiũs, obiectum quodcumque repagulum in frustra conciditur, ostiumque hiatus vastiore dispanditur. Sic una demũ reperta est clauis, cui (quod nullis fabrum ferramentis, nullis furum effractoriorum scalpris adhuc contigit) sera, obicesque portarum omnes adapertiles sint. Hucusque Strada, pergens subinde enarrare effectum, supra quàm credi, aut expectari potuerit vel ab ipsis hostibus pestem admoventibus consequutum. Tanta illico (sequitur) violentia flammæ euomuit, ac sparsim impulit, vt non modo fores fracta reuulsaque dissilerint, sed etiam murus portæ continuus eodem impetu ad terram procubuerit, aditu irruentibus patefacto; captaque sit prius, quam capi Bonna se senserit. Adeò nil tutum, nil tam probè munitum, atque inexpugnabile temporibus nostris iactari potest, quin ad naturæ contemptum, audentioribus Architecturæ militaris inuentis pateat eludique potentiũs queat. Sed non manet ijs impune (Deo sic disponente) qui hisce naturæ, & ipgenij dotibus abutentes in naturæ ipsius perniciem vsi sunt: siquidem (vtr̃ aliàs de similibus machinarum inuentoribus, quas ad aliorum damnũ ingenioſæque crudelitatis laudem excogitarunt, per easdem turpem mortem oppetentibus, passim legimus in historijs,) ita nec simile fatum effugit tartarei huius machinamenti primus author, aut inuentor, quique eius rei periculum coram se fieri institit, Meursiæ Comes, vt idem Strada commemorat, eodem libro. E contra

PYROBOLA seu Pyroboli, sunt strepitosi, miri quidẽ sed innocẽtes ignes in genere missilium, qui in pacis otio adhibentur ad exhilarandos

dos animos festiuis suis motibus, & luminibus, & signum communis lætitiæ, & augendam festi diei solennitatem. *Rochetas* Galli nominant, Nostri *Radios*: Sunt enim variz formæ, & magnitudinis cylindrici tubi, vt plurimum chartacei, qui pyrio puluere aliâue combustibili materia confertim oppleti, benè in capitibus constricti, & colligati, addita exterius per longum arundinea virga, quæ sit motus directrix; mox admoto ad propendentem fomitem igne, in altum cum inpetu eleuantur, splendent, scintillas cadentes euomunt, iucundamque de se speciem spectatoribus præbent, tamdiuque durant, quandiu immissa intus materia penitus non absumatur. Porro eorum artificium, motus directio, durationis tempus, ac diuersa luminum exhibitio, mathematicis rationibus, perinde ac tormentorum bellicorum confectio, & librario, sed longe acutiori solertia adornatur: quamuis enim ambo totam vim suam pulveri pyrio incenso acceptum ferant; diuersos tamen effectus habent, diuersimodè temperantur, ac diuersas librationes requirunt: quin, & ipsi tuberculi non eandem compositionis, & attemperationis methodum habent. Sunt enim ex his, qui oblongi, & pyrio tantum puluere oppleti, vbi ignem senserint, è manibus tenentium se surripiant, & in altum eleuantur, atque hyperbolico, aut parabolico motu discurrunt, quoadusque deficiente sensim inpetu, atque ignis pabulo, cadunt extincti. Sunt & alij, qui nullam habentes directricem virgam, insaniunt, & hùc illuc conuoluti, nunc per spiras, & helices, nunc per directum, nunc sursum, nunc deorsum feruntur, ac tandem in ipso furore crepantes deficiunt. Alij sunt, qui diuersa materia confarcinati, ac minoribus pyrobolis grauidi cum ad summam altitudinem peruenerint, cum se senserint enori, consopitos hætenus internos tubulos excitant, accendunt, & foras emittunt, atque in suis partibus viuunt, qui diuersa sanè ratione, hi scintillas, hi splendidissimas blandèque cadentes stellulas euomunt, colliduntque iucundo spectaculo. Nec differunt nisi materia, & compositione, nam vni solo puluere ex nitro, & saligno carbone confecto, alij aliam etiam materiam admittentes, puta sulphur, mastichen, antimonium, succini pollinem, mercurium sublimatum, vnà confarcinantur, & committuntur, prout ars pyrotechnica docet, probatque in dies experientia. Sed illud hic non prætereundum, quod ex his iucundissimum Romæ datur spectaculum in Machina illa quam vulgò vocant *Gyrandulam*, eoquod, postquam simul accensi fuerint in gyrum exurgunt, & diuagantur in morem caudæ Pauonis in gyrum expansæ. Fit autem huiusmodi compositio per plura pyrobola simul disposita atque in rotundo assere suis quæque loculis dispersas

mox sub affere inſpergitur locus puluere granulato ac deſuper inie-  
 cta lenta materia, vti ſtupa, vel goſſypio; aliud veluti corium compla-  
 natur ex eodem puluere granulato, itaut pirobolarum orificia im-  
 mediate ſupra odrum puluere incumbent. Mox cum accendere vo-  
 lumus, aptato prius ad medium operis, tubo grandiore cum fomite,  
 & ſtupa, in quem poſſit ignis immitti, & ſimul euaporare; vbi pri-  
 mùm igniculus admouetur, conſeſtim ignis magnus accenditur, &  
 flamma in pyrobolarum orificia inuadens omnia ſimul accendit, &  
 ſua directione foras erumpunt ſurſumque feruntur, gratum il-  
 lud ſed momentaneum (vt nos vitæ huius fluxilis ca-  
 ducitatem doceant,) ſpectaculum exhibentia,  
 quo nihil iucundius, nihil grauius, aut ſi-  
 gnificantius. Plura circa hæc, curioſa  
 haurire poteris, ex Pyrothenica  
 Biſingitij, & De-Cales to-  
 mo 3. lib. 1. Curſ.  
 Mathem.

\* \* \*





## QVA

**Q**VADRA ex vulgari, & primigenia sua significatio-  
ne, appellat quidquid in quadrum, seu in quadra-  
tam figuram rectangulam, & æquilateram positum  
est. Sed enim exinde, pro peculiari cuiusque genio &  
instituto, generale vocabulum ad certas res in suo  
genere proprias denotandas, fuit fixum & coarcta-  
tum. Et primò quidem communi vsu, *Quadra* dicebatur olim  
mensa illa parua, & portatilis, super quam carnes, & cibaria in  
partes scindi solent, quæ tùm quadrata erat è ligno, nunc autem  
rotunda, & à Nostreis, *Tagliero* dicitur, & ab Architrictinis ac Da-  
piferis in conuiujs epulas ministrantibus, iugiter adhibetur. Secun-  
dò eàdem ratione panes in quadratam figuram abeuntes, per meto-  
nymiam, *Quadræ* nuncupabantur: vnde est illud *Aeneid.* 7.

*Patulis nec parcere quadris.*

& Martialis lib. 6. *Quadra* placentæ. Sed relictis hisce, alijsque  
eiusmodi significatis, quæ extrà aleam nostram sunt; in Mathema-  
ticijs *Quadræ* nomen pluribus conuenit. Namque in Geometria, fi-  
guram quadratam denotat, siue oblongam siue æquilateram. In  
Architectura verò, modò accipitur pro plinthe Stylobatæ, quæ in  
basi, Thoro immediatè substernitur, vulgò *Dado*, ex forma, & *Zor-  
colo*, ex officio: modò pro regulis, quæ hic inde ad Scotiam in ba-  
sibus Ionici ordinis & Corinthij, ad firmitudinem, ac tutelam impo-  
siti desuper Toruli apponuntur: modò pro annulis ipsis, quibus ad  
apophygin scapi columnarum firmantur. Compendio; omnia  
membra, quæ in vniuerso opere architectonico in quadratam, seu re-  
ctangularem formam abeunt, *Quadræ* generaliter appellantur: vt  
videre est in Vitruuio, Serlio, Barbaro, Scamozzio, alijsque Archite-  
ctonicæ artis Scriptoribus.

QVA-


QUADRANTAL etiam, signatè vocatur Figura Cuba, seu quæ 2  
omni ex parte sit quadra, & æquilatera, quæque sex planis, & octo  
angulis rectis constat: quales sunt tesserae, quibus in alveolo luditur,  
quæ vndequaque eandem dimensionem habent, & proiectæ, in  
quancumque partem incubuerint, firmiter cadunt, & immotam  
servant stabilitatem. Item Quadrantal dicitur mensuræ genus liqui-  
dorum, quæ nihil ad nos. Item

QUADRANGVLVS audit Figura Geometrica, quatuor angulis 3  
siue omnibus rectis, siue alternatim duobus acutis, totidemque,  
obtusis, sibi mutuò oppositis constans: vt perfectum Quadratum,  
Parallelogrammum, Rhombus, & Rhomboides. De quibus sin-  
gulis, suo loco.

QUADRANS generaliter est quarta pars Circuli in quatuor par- 4  
tes secti per lineam, quæ perpendiculariter cadat in Diametrum,  
eamque in centro, ad angulos rectos dissecat. Vnde appositè ab  
Astronomis, & Geographis acceptum est nomen ad significandos  
quadrantes seu quartas partes, tum Cosmicas, tum Cælestes, signorum  
videlicet Zodiaci, in quas vniuersus Orbis dissecitur: quorum  
singuli comprehendunt tres domos, aut tria Signa, quæ in qualita-  
tibus variant, & in intersectionibus commutantur. Et quidem in  
Situ Mundi, quatuor Anguli, seu Cardines, Oriens & Occidens,  
Medium Cæli & Imum, distinguunt, & intrâ se comprehendunt  
quatuor Quadrantes, duos Orientales, duosque Occidentales, ni-  
mirum Orientales ab Ortum ad Meridiem, & ab Occasu ad imum;  
Occidentales à Culmine ad Occasum, & ab Imo ad Ortum: Simi-  
liter in Zodiaco, ab sectione Vernæ Arietis ad initium Cancræ, nec-  
non ab initio Libræ vsque ad finem Sagittarij, sunt Quadrantes  
Orientales & Masculini, qui præponderant in qualitatibus actiuis.  
à Cancro verò ad Libram, & ab initio Capricorni ad finem Piscium,  
sunt Quadrantes Occidentales, & Feminini, quia pollent qualitati-  
bus passivis: qui proinde respondent ac diuidunt quatuor anni tem-  
pora, Ver, & Autumnum, A Estatem, & Hyemem. Ab his igitur  
intersectionibus, & per totum illum Quadrantem in ijs constituta  
sidera incipiunt influere, & successivè continenter intendunt primas  
qualitates, quibus maximè pollent. Et quia ab Ortum ad Meridiem,  
& ab Ariete ad initium Cancræ, sidera incipiunt, & pergunt influ-  
ere calorem, qui est qualitas maximè activa, ideo hi quadrantes,  
qui sibi maxime assimilantur, dicuntur Masculini, & Orientales.  
Rursus, quia à Culmine ad Occasum, & in Zodiaco, à Cancro ad Li-  
bram,



bram, calor sensim remittitur, & successiue introducitur, atque intenditur siccitas, quæ est qualitas passiuæ; ideò hi Quadrantes denominantur Feminini, & Occidentales. Et viceuersa, quia ab occasu ad Inum, & à Libra ad Capricornum, cedit siccitas: & incipit intendi, ac præualere frigiditas, qualitas item actiua & masculina, ideò hi quadrantes dicuntur pariter actiui, & masculini. Denum, quia ab Imo ad Ortum, atque ab initio Capricorni ad finem Piscium, introducitur, & semper augetur humiditas, quæ est qualitas femineæ, & passiuæ, sensim cedente frigiditate; ideò hi duo reliqui Quadrantes, appellantur passiuæ, & feminini.

5  Pari ratione Ptolemæus quatuor hominis ætates his quatuor Quadrantibus aprat, & assimilat lib. 1. Quadrip. cap. 8. *Omnia, inquit, animantia, prima ætate, dum tenera sunt, & mollia, ut Ver; humore abundant.* (in Vere quippe maxima, est humiditas, iam per præcedentem anni qualitatem intensa, quæ interim exacta hyeme paulatim incipit remitti, & introduci successiue calor, itaut ista sit propria huius tempestatis qualitas, quam ipsa aduentu suo adducit. Sequitur Ptolemæus.) *Deinde secundæ ætate, donec maneat vigor, magis calent, Aestas. Tertia cum vigor languescit, & initium est consumptionis, siccitas maior est, ut in Autumno. Postrema frigidior est, ut Hyems; quæ proxima est morti.*


6 **QVADRANS** item est Instrumentum Geometricum, inde denominatum, quod quartam partem Circuli refert, cuius extrema per duas Chordas, seu semidiametros rectæ tendunt ad centrum, ubi coeuntes, efformant angulum rectum respondentem ad totum arcum grad. 90. qui pro diminutione arcus, fit semper acutior. Ex hoc igitur angulo procedit, & pendet perpendicularum, quo mediante, in limbo, ubi descripti sunt gr. 90. & sub ijs etiam fractiones (quæ ex regula proportionum accipi possunt exactissime, vsq; ad ultimas minutias) venamus locorum distantias, altitudines, latitudines, siderum declinationes &c. verbo, per ipsum omnes geometricæ operationes præsertim in Optica, & Astronomia, facillime, & ad amissum complentur. Ad quod assequendum in praxi, ad vnum laterum appinguntur ad extrema duo pinacidia cum paruis foraminibus seu spicillis in rectam lineam sese respicientibus, quæ gerant vicem dioptræ, ut per ea observari possint quorumcumque venari cupimus altitudines atque distantias. Cuius vsus in praxi hic est.

7 **VISA SOLIS** v. g. de die, aut Lunæ vel alicuius insignis tibi que notæ stellæ altitudine, de nocte; si vis indagare præcisè quanta sit eius, aut alius sideris eleuatio supra terram, declinatio ab Aequatore, lon-

longitudo in Zodiaco, &c. vel etiam quota sit hora diei, aut noctis, duplici via per instrumentum hoc assequi poteris. Primò per distantiam eius à vertice in chordis subtensis: Secundò per aduinculum Sphæræ materialis, quam præstat in hoc negotio eligere solidam seu globum cælestem. Nam posito, quod tantum eleuetur Sol, siue aliud Astrum supra Horizontem, quantum abscindit in gradibus in limbo descriptis perpendiculi filum ex centro quadrantis pendens, computa gradus illos quos secat, ac transfer in Sphæram benè aptatam ad eleuationem Poli tui Horizontis, atque ibi in tali distantia, graduum ex Meridiano computandorum, constitue Solem, vel obseruatum altrum, in eadem illa distantia, in quanta ipsum distantia à vertice, vel altitudine super horizontem, per quadrantem inuestigasti. At quorsum, inquires, potero, acceptam altitudinem per quadrantem, in Sphæram transferre? Aio, nullo penè negotio. Quod ideò, accepto circino applicitoque Sphæræ, tot gradus enumera in Aequatore (ipse enim, vt alibi dictum est, totius Sphæræ totiusque motus regulator est, & mensura) quot prius obseruasti eleuari supra horizontem, seu distare à Vertice, stellam quam ad opus assumpstisti: Tum eodem interuallo, inuariato circino, fige alterum eius pedem in contactu horizontis; & altero sursum è regione verticis eleuato, tandiù Sphæram volue, quoad locus obseruati astri subtus pedem alterum cadat, & sic habebis veram distantiam eius à vertice. Deinde siste obseruatum sidus ad contactum horizontis, ac si tunc supra horizontem emergeret, & nota gradum Aequatoris, qui tunc cooritur; simulque reponè in loco obseruatæ altitudinis; ac vide, quot gradus Aequatoris inter vtrumque locum intercipiuntur: nam quot quindenis gradibus emerfit Aequator ex horizonte à puncto exortus sideris, donec ad eam altitudinem perueniret, tot horæ interim effluerunt, quot graduum scrupuli, tot horæ vnus excessus similiter transferunt, dando singulis gradibus Aequatoris quatuor minuta temporis. Et hæc est via certior & tutissima explorandi momentum temporis, quo velis ex asse erigere cæleste Thema, videreque simul, quem locum supra vel infra terram, singulæ stellæ, & partes Zodiaci occupent; quod tam exactè per quæuis horologia siue mechanica, siue Solaria, habere nequaquam poteris. Plures etiam vtilitates & munia Quadrantis Geometrici, habes apud Clauium in *Geometria Practica*, aliosque Scriptores, qui de eius vsu ex professo tractarunt.

QVADRATVS, vt paulò antè dictum est, apud Geometras, est 8  
figura quatuor æqualibus omninò lateribus constans, terminantibus  
ad

ad quatuor itidem angulos rectos, adeoque inter se prorsus æquales. Qui proinde antonomastice Quadratus, & Orthogonius audit: ad differentiam Parallelogrammi, Rhombi, & Rhomboidis, quæ aut non omnes angulos, aut non omnia latera æqualia habent, sed sunt imperfecta quadrata. Apud Astronomos verò, pari ratione Quadratus dicitur aspectus qui per quartam Zodiaci, vel Mundi partem, inter duo sidera intercedit: Ab his enim punctis ductæ ab vno ad alterum lineæ, perfectum quadratum æquilaterum, & æquiangulum rectangulum efformant. Et hic aspectus computatur inter hostiles radios, quemadmodum oppositio per diametrum, quia contrarijs qualitatibus pugnant: sicut e contra Sextilis, & Trinus habentur pro benignis, quia conueniunt; vt probat acutè Keplerus ex consonantijs musicis, & nos alibi adnotauimus.

9 **QVADRATARIA** *Ars*, Geometriæ Alumna, & Architectonicæ filia, speciali nomine venit quæ constrandis, architectandisque nobilioribus pauimentis incumbit; ea (secundum Geometriæ regulas lapidibus, vt plurimum quadris, & ad normam dissectis & complanatis) sic ordinando, vt præclaram aliquam speciem non miuùs oculis vsurpandam, quàm æquo pede terendam, æstantibus præbeant.  Ea Musuariz soror, & æmula est, & in multis conueniunt; nisi quod hæc delicatior ac superbior, calcari non patitur, sed ad superna conscendens, in parietibus, & fornicibus sedem suam figit: ac spectari quidem de longe obrutibus patitur, non autem pedibus, aut manibus tangi: Quadrataria verò quantò humilior, tantò animo elatior, in eo maxime gloriatur, quod & contrectari, imò & pedibus conculcari se finit, absque suæ maiestatis, honestatis, & pulchritudinis detrimento. Vtraque in Græcia cunas habuit, vtraque Bizantij adoleuit, & in magno pretio fuit, sed in patrio solo diù consistere fastidiuit, vnde & in alias regiones migravit, vt sui copiam faceret, & Romam adnauigauit, vbi ambæ magnæ cum plauisa exceptæ sunt, & curiosius cultæ. Testis transmigrationis est Bizantinus author Emmanuel Chrisoloras, etsi mærens, & inuitus, qui in Tractatu de Veteris & Nouæ Romæ comparatione, postquam Constantinopolitanæ Urbis decora, & insignes prærogatiuas non sine fastu commemorauit, imprimisque publicas, & priuatas ædes, cæteris totius Orbis, in Musiuo, & Quadratario opere sibi vnico anteuulisse, refert tandem Veterem Romam quasi puderet, cæterà in superbissimis erigendis ædificijs, palmam promeritam; in exornandis postea singulari, ac peregrino duplici hoc opete, ab Noua se superari, magnis propositis præmijs, Musuariam, & Quadratariam artem

ad se pellexisse. Concordat Anastasius Bibliothecarius in Vitis Pontificum; puriore, atque alienatiore ab affectibus animo, rem enarrans; atque in primis de Desiderio Abbate Cassinensi, qui postea Summus Pont. Victor III. fuit: De quo etiam scribit Leo Hostiensis in Chronico lib. 3. cap. 29. quod peritissimos in utraque arte Magistros Constantinopoli Cassinum usque accersitos, adhibuerit in exornanda illic erecta Basilica. Eius hæc sunt præcisa verba: *Legatos interea Constantinopolim ad locandos artifices destinat, utique in Arte Musicaria, & Quadrataria, ex quibus videlicet alij absidam, & arcum, atque vestibulum maioris Basilica musiuo comerent, alij vero totius Ecclesie pauimentum diversorum lapidum varietate constermerent.* Quam historicam digressionem, ne inconsulto, ac præter rem à me factam æstimet Lector, quandoquidem ex ea euincitur distinctio Quadratarie à Musuaria, longeque diuersum ab inuicem habuisse subiectum: id quod nonnulli, etiam summæ eruditionis viri non intellexerunt, & utramque, vnam eandemque artem, diuersis tantum nominibus appellatam fuisse volunt, sed toto Cælo aberrant, ut in Musiuo opere tetigimus. Nam Quadrataria, quoniam sternendis pauimentis addicta est, utique incedentium pedibus continuè terendis, non quauis utcumque materia, neque omni promiscuè forma uti, & procedere opus habebat, sed solido marmore, crassioreque lapide, eoque in quadratam formam connexo, aut certe grauem, hexagonam, pentagonam &c. qui pressionibus resisteret nec facile dimoueretur. At Musuaria, qua parietes, arcus, & absidas habebat ornare, & imaginibus fingere, non solidam requirebat operam, sed variam & accuratiorem, quæ videlicet minutis lapillis, & vitreis tessellis iniretur ad æmulandam picturæ methodum, ac venustatem, quæ solis oculis innoxie usurpatur. Quamobrem dormitat oppidò, & falsus est Ioseph Scaliger (alioquin in aliorum loquutionum formulis rigidissimus censor) qui in Notis ad Manilium musuaria admittit & nominat pauimenta, cum tantum eadem constrandi, & componendi ars à Musuaria differat, quantum statuaria à pictura. Quod ideo oculatior Sidonius Apollinaris lib. 3. Epist. 12. Quadratarios, inter Lapididas censet; eoquod lapides incidendo, eos ad usum complanent, quadrent, atque componant. Et in veteri Historia Quatuor Coronatorum habetur, quod *caperunt artifices Quadratarij incidere lapidem ad collyrium columnæ.* Extat & Ius Civile in l. 1. & 2. Cod. Theodos. & Dolabell. de limit. agror. ubi præscribitur: *Vertices agrorum qui sunt in montibus lapideis tantummodò, & non potest in eis fodiri, ac terminus figi, indutis Quadratarijs.* Quæ porro conuentio scalpendi, aut lapides inciden-

10

dendi artis, cum Musuaria? aut quàm bene quadrent in pavimentis  
versicolores è vitreis frustulis in picturam dispositis, tessellæ; Scali-  
ger ipse diiudicet.

**II** **QVADRATRIX LINEA** per excellentiam dicitur à Geometris,  
quæ inuenta est, & natura sua tendit ad Circuli Quadraturam: quæ  
que proportionali incessu, producitur à radio per circuli periphe-  
riam ducto, seseque cum perpendiculari per diametrum decussante.  
Miræ proculdubio sunt eius proprietates, effectusque ex ea resultant-  
es; sed quod per eam obtineri tandem possit Quadratura Circuli,  
in qua tot insignes Mathematici desudarunt, & operam perdiderunt,  
id falsum est, & ad praxim reducere, est prorsus impossibile, ut  
aliàs, posse credunt & autumant eius inuentores, Dinoltratus, & Ni-  
comedes apud Pappum Collectan. Mathem. lib. 4. Verum, etsi id  
ipsi non sunt assequuti, nec ullus alius in factò assequi poterit, nihi-  
lominùs ijs grates debemus, quod ad scopum propiùs accesserunt,  
& suo acumine viam nobis aperuerunt, si non ad illam tenendam, sal-  
tem ad probè intelligendum in quo consistat inextricabilis hic nodus  
gordius, & qui tandem exsolui, aut rescindi possit. Porro vltra  
primarium hunc, & ad quem finem inuenta est, ac denominatio-  
nem sumpsit Quadratrix hæc linea alios etiam vsus utilissimos in  
Geometricis habet, multos etiam adhuc ignotos, & in sinu suo ab-  
scultos deriuet, quos tamèn detegere, ex eius benè perpensa natura  
solerti Geometræ facile erit, ut præ ceteris notant Clavius, Herigo-  
nius, Vitalis Iordanus, & nouissimè noster Guarinus. Ex quibus  
præcipuè eius passiones, & proprietates sunt hic breuiter perstrin-  
gendæ: dehinc modus tradendus, quonam pacto ea ritè & faciliè  
describi possit, ex eiusque descriptione ingeniosus quis, alios non-  
minùs vtilis effectus dignoscere valeat, ad vsumque traducere. Ergò,  
quoniam diximus ad eius infinitam curuitatem formandam concur-  
rere radios è centro circuli ad peripheriam æquabiliter dispositos,  
& ex alia parte totidem perpendiculares æquali spatio ad diame-  
trum ordinatas; manifestum sit, ut ubi disparatæ hæc lineæ ad con-  
tactum veniunt, & se intersecant, in punctis contactuum, motum &  
proportionalem progressum ipsius quadratricis indefectibiliter desi-  
gnare. Quod ideo necessariò erit, ut ità se habeant perpendiculari-  
res à Quadratrice ad axem deductæ ad totam diametrum, sicut ar-  
cus à radio interceptus & axe, ad totum semicirculum. Similiter  
fiet, ut ita se habeat applicata ad applicatam, sicut arcus, seu  
portio circuli, ad arcum deductum ab applicatarum radijs vsque ad  
axem. Denique pulchra est observatio, quam ex Pappo propof. 154.


libri 7. facit Herigonius; vt, Si ex aliquo puncto extra circulum, ducantur plures rectæ, quarum vna contigat tantum circulum, reliquæ secent; atque ex contactu cadat perpendicularis ad diametrum, quæ producta transeat per punctum datum; ea erit proportio totius Secantis ad partem externam, quæ est inter distantias perpendicularis à circumferentia circuli: & alia multa, quæ videri possunt apud ipsum Herigonium.

Nunc autem ad ipsius Quadratricis artificiosam delineationem, 12  
deueniamus. Hæc duplici via perfici potest. Primò, si describatur à centro, Circulus seu semicirculus, aut sanè tanta eius portio, quæ sit maior Quadrante: tùm à centro ducantur radij, siue lineæ ad circumferentiam, quot libuerit, sed in æqua ab inuicem distantia. Similiter Circuli diameter prolongata, scindatur in totidem partes æquales, à quibus chordæ, siue lineæ parallelæ ad diametrum, ducantur ad arcus circumferentiam, quæ idcirco ordinatim applicatæ nominantur. Vbi chordæ, & radij se intersecant, ducta linea à vertice arcus, quæ transeat per omnes eiusmodi intersectiones; ea erit, quam dicimus Quadratricem.

Alium etiam modum describendæ lineæ Quadratricis, exponit 13  
noster Guarinus, depromptum ex Vincentio Leotaudo Delphinatæ, ex qua insignes testatur se nouisse, & hausisse proprietates. Quæ quidem in re, ab explicata non discrepat, sed est multò amplior, & patentior, quæque ad detegenda noua semper & noua in Geometria arcana, longè accomodatior. Ea autem exhibetur, & manifesta fit in toto circulo, suis radijs spatia intersectionum præbente. Quocirca, vt apparet in secunda subiecta figura, A Centro O, describatur circulus cuiusuis ad placidum magnitudinis, qui diuidatur in partes quotuis æquales, incipiendo ab aliquo puncto. A. perpendiculari ad diametrum E. F. successiue prosequendo, (quò enim plures erunt diuisiones, eò exactior prodibit Quadratricis descriptio.) Deinde à Centro O, ad singulas circuli diuisiones B. C. D. E. F. ducantur lineæ saltem occultæ, (nè aliàs plurimæ, & manifestæ, confundant futuræ quadratricis prospectum). Hoc factò Diameter scinditur etiam in totidem partes æquales, in quot circulus fuit sectus: ac per singulas diuisiones erigantur totidem perpendiculares k. l. m. n. o. &c. ad Diametrum E. F. Nam vbi hæc cum radijs se intersecant, notatis intersectionum punctis, i. l. n. figenda est quadratrix linea flexuose descendens, à puncto verticis ad succedentia, quæ proinde constanti, & æquabili manu, à puncto ad punctum, quousque se extenderint, est ducenda; vnde videbis successiue semper, & proportionaliter ampliari, ac dilatari, quò magis radij in-



frà diametrum in altera semicirculi parte, elongantur à primo puncto, & perpendiculari radio A. O. vti in subiecto schemate contemplari licet.



Vbi vides concurrentiam radiorum b. o., c. o., d. o., cum parallelis i. k., l. m., n. o., vbi se intersecant in angulos i. l. k., determinare terminos, & puncta per quæ transire debet Linea quadratrix æquabili manu ducta à vertice a vsque ad h., vel f., & adhuc, si vis, ulterius in quamcumque distantiam; nam à punctis i. l., & c. reperiri poterunt puncta opposita p. & f., & sic etiam alia successiue respondentia ad perpendiculares infra diametrum ductas; quò fit vt Quadratrix in infinitum protrahi possit, vt consideranti patet. Cuius rei demonstrationes, vide apud citatum Guarinum.

- 14 **QVADRIGAE FALCATAE** olim in bellico apparatu frequentes, & maximi ponderis erant, maximè apud Parthos & Medos. Quarum primus inuentor fuit Eriçthonius, (vt refert Plinius lib. 7. cap. 36.) qui ijs primùm vsus est in spectaculis, & oblectationibus pacis, ad assequendam celeri cursu metam: dehinc ab alijs etiam, ad vsus bellicos, ad veras pugnas, & prælia, magno cum fanore fuerunt adhibitz. De quibus passim Historici. Et quidem quod ad rem bellicam attinet, principiò magno terrori, ac deiectioni hostibus erant, vt res nouæ, & grandisonæ semper sunt: at postea frequenti vsu, & cognitz, in despectum abiire, Nam, vt notat Veget. lib.

lib. 3. cap. 24. Difficile currus falcatus plenum semper inuenit campum, & leui impedimento retinetur, unoque afflicto, aut vulnerato equo, decipitur. Sed placet hic huius terribilis armamenti descriptionem ponere ex Q. Curtio, lib. 4. cap. 9. vbi de apparatu Darij Regis contra Alexandrum procedentis, agit. Sic enini loquitur. *Ingens, (vt crediderat) terror hostium, ducenta falcata Quadriga, unicum illarum gentium auxilium, sunt sequuta. Ex summo temone, hasta prefixe ferro eminebant. Vtrinque à iugo ternos direxerant gladios, & inter radios rotarum plura spicula eminebant in aduersum. Aliæ inde falces summis rotarum orbibus hærebant, & aliæ in terram demissæ, quidquid obuium concitatis equis fuisset, amputatura. Hoc modo instructo exercitu, ac perarmato, Babylone, copias monit, &c. Tum cap. 15. earum effectum in primo acierum occurfu enarrans, sic ait. Ruebant laxatis habenis aurigæ, quo plures nondum satis proniso impetu, obtinerent. Alios ergo hastæ multum suprâ temonem eminentes, alios ab utroque latere demissæ falces lacerauere: nec sensim Macedones cedebant, sed effusa turbauerant fuga ordines. Sed facile earum impetum fregit, & perniciem declinauit ab suo exercitu Alexander, hostemque elusit; monitis ordinum du-cibus, vt si falcatos currus cum frenitu Barbari emitterent, ipsi laxatis ordinibus, impetum occurrentium silentio exciperent, haud dubius, sine noxa excursuros, si nemo se opponeret: sin autem sine fremitu immisissent, eos ipsi clamore terrent, pauidosque equos telis vtrinque confoderent. Et hæc quidem de primo, & irritu effectu eiusmodi Quadrigarum. Postea Romani aliam rationem longè feliciorē, ac tutiorem distinendi, aut vtrumque labefactandi hos currus adinuenerunt, sparsis nimirum repente per totum campum, tribulis, (cuiusmodi fuerint hæc impedimenta, suo loco dicemus) in quos impingentes, rapido cursu irruentes equi cum suis quadrigis, impune confoderentur, illæque immotæ consisterent, eorum arbitrio dilacerandæ. Sicque magno apparatu, ac nimia prosperi euentus fiducia inuentæ machinæ, in vsum admotæ, suo effectu frustratæ, celi impetuusus turbo per liberum aërem discurrens, nihilque obuium habens, euanuere. Harum vnā probè instructam, atque accaratissimè delineatam, habes apud Stevvechium, in Notis ad Vegetium.*

QVADRIVIVM, (vt vocabulum ipsum præfert) locum denotat 15 quatuor vijs apertum. Sed altiori adhuc acceptione in moralibus sæpissimè usurpatur pro Virtutum Quadriga, quas ab excellentia, ac dignitate, Cardinales nuncupamus. Sic, præ cæteris Cassiodorus

in formula, quam, iussu Theodorici Regis, Præfecto Prætorij dedit, quomodo in administratione muneris se gerere conueniret, inter alia monita, hoc illi inculcat lib. 6. Varior. ep. 3. *Par tibi sit cum Potestate prudentia, conscientia tue Quadrifaria virtus assideat.* Verum obiter. Quod ad nos attinet, (nec porro sine Mathesis offensione prætereundum.) Quadruij nomen antonomastice mansit quatuor primoribus, ac nobilissimis Mathematicis Disciplinis, Geometriæ, Arithmeticæ, Musicæ, atque Astronomiæ; quarum possessio perfectum Mathematicum, atque adeo in Republica, rerum gerendarum probum moderatorem efformat. Quam laudem Boëthio tribuit idem Cassiodorus lib. 1. Epist. 45. in hæc verba. *Tu autem artem prædictam (optimè scilicet moderandæ Reip.) ex disciplinis nobilibus natam, per quadrifarias Mathesis ianuas introisti.* Ac Boethius ipse lib. de Arithmetica cap. 1. Prudentiam ipsam omnium virtutum, regulatricem, & matrem, non nisi prædictarum quatuor disciplinarum studio, & continuo exercitio, asserit comparari. *Prudentia nobilitas,* (inquit), *quodam quasi Quadrinio vestigatur.* Hinc apud omnes ferè posterioris æui Scriptores, Quadruij appellatione, absolute, & sine adiecto, præfatæ Mathesis partes in vnum collectæ, in proprio sensu veniunt, & communiter usurpantur. Cuius rei conuenientissimam, & oppidò plausibilem rationem asserit Papias apud Du-Cange, in explicatione vocabuli. *Quadrinium,* inquit, *vbi quatuor via conueniunt.* Inde quatuor Artes, idest Arithmetica, Geometria, Musica, Astronomia, Quadruij nomen acceperunt, quod inuicem se complectantur, & contineant; ut non benè vnâ noucrit, qui alias non noucrit, orbatûsque vno videatur oculo. Idipsum testatur Vgutio in hæc verba: *Arithmetica, Geometria, Musica, Astronomia, quadam similitudine dicuntur QVADRIVIVM, quasi quadruplex via ad Sapientiam.* Plurima etiam testimonia in hanc rem adducit citatus Du-Cange, quem consulere, curiosum Lectorem haud pigebit.

- 16 QUANTITAS est proprium, vniuersale, atque omnium Mathematicarum disciplinarum Obiectum: non quâ purum accidens est, materiæ inherens, & sensibilibus qualitatibus prædita, (hoc enim ad Physicos pertinet;) sed prout simpliciter dicit extensionem partium, & habet rationem mensuræ, quatenus apta est mensurari, & ipsa vicissim alia Quanta dimetiri. Et ideo Mathesis absolute considerat eam in abstracto, præcisè ab omni materia, veobrineat certam & infallibilem mensurandi regulam in subiectis quantis; Physica autem, prout inheret substantiæ, ab eaque distinctam, ac diuisibilem in infinitum, in continuo quauto. Quo pacto eam definit Philosopho.

Iosophus 5. Metaphysic. cap. 13., esse id, quod est diuisibile in ea quæ insunt; quorum unumquodque, unum quid aptum est esse. Quibus verbis indicare voluit extensionem partium in continuo in ordine ad se; itaut Quantum constet ex partibus diuisibilibus, ac diuisibilibus in infinitum: quarum profecto partium, quælibet vel minima apta sit in se esse, & constituere ex se vnum totum respectu ad alias partes minores, & minores, quibus constat, & in quas ulterius est diuisibilis: vt proinde numquam sit assignare terminum vltimum huius diuisionis, sed semper consideretur quantum vel minimum, vt extensum; atque ideo, habere partes vltiores distinctas ac diuisibiles. Quare Philosophus non admittit in continuo puncta indiuisibilia inextensa, sed in omni materia quanta considerat extensionem partium extrâ se, atque intrinsecam diuisibilitatem, licet fortè à parte rei non sit capax huius diuisionis. Mathematicus autem, quoniam rationem mensuræ solum considerat, id non attendit, & præscindit ab eo, an quantitas Physicè constet ex partibus diuisibilibus in infinitum, an ex punctis indiuisibilibus; sed absolute illam, quæ nullam rationem mensuræ habet, assumit vt terminum dimensionis, & vocat punctum: illam quæ vnicam dimensionem in longum tantum extensam, appellat Lineam; illam autem, quæ duplicem dimensionem, in longum, & latum, admittit, excludit autem crassitiem, seu profunditatem; nominat Superficiem. Et his tribus terminis concludit omne quantum: quod si adhuc habeat profunditatem, iam in eo omnem rationem mensuræ inuenit & vocat corpus, prout est pluribus superficiibus, lineis, ac punctis terminatum.

Porro ex diuersa Quanti habitudine, & respectu; diuersæ facultates, & subalternæ Mathesis disciplinæ specificantur. Nam vel Quantum venit in considerationem, prout est vnum continuum habens partes vnione physica copulatas, vt possit subire rationem mensuræ, ac proportionalitatis ad alia. Et hoc pertinet ad Geometriam, scientiam vniuersalissimam, quæ propriè & signanter considerat quantum, cuiusque passionem in abstracto, & præcisè ab omni materia, quale assumitur considerandum ab Euclide Geometrarum Principe, in sex primis, verè aureis Elementorum libris. Vel considerari potest discretum in partes, quæ non sint vnitæ, sed singulæ faciant vnum per se; quæ ratione veniunt vnitates & numeri; & vt tale, est Obiectum Arithmeticæ: de qua agit Euclides totis libris, 7. 8. & 9. vbi omnem rationem proportionum acutissime persequatur ex numeris, ex quibus postea transferri potest (nec aliter interno-  
sci) ad quantitates continuas. Rursus Quantitas considerari potest, vt alligata ad certam materiam: & sic vel hæc sunt Corpora cælestia,

& ampliffimum illud expanſum Aethereum; & fundat Aſtronomiam. Vel ſiſtit, & coarctatur ad globum terraqueum, eiſque partes ſcorſim ſumptas, dans conſiderari amplitudinem, reſpondentiam ad Caeleſtes circulos, longitudines, latitudines, climata &c. & tunc pertinet ad Geographiam, Hydrologiam, Chorographiam, aliaſque ſimiles facultates, prout in loco dictum eſt. Item ex alia parte, Quantitas diſcreta conſiderari poteſt materialiter & formaliter: Materialiter quidem, quando ratio numeri vt ſic, non attenditur, ſed quantitas molis & magnitudinis, expluribus conſtat, vt in aliquo aceruo, & compositione lapidum, ac diſpoſitione partium inter ſe; & hoc ſub diuerſis rationibus ſibi aſſumunt Architectura, Geodæſia, Optica, Stereographia &c. de quibus etiam ſuis locis, dictum. Formaliter autem conſideratur numerus in ſe, & hoc, vt dixi, pertinet ad Arithmeticam: vel vt, in alio, itaut includat etiam ſucceſſionem, quale eſt tempus, & motus, quæ regulari poſſint ad numeros; & hoc eſt proprium Muſicæ.

- 18 Et hæc ſunt potiores Quantitatis diuiſiones, prout diuerſimodè, & in diuerſis ſubiectis particularibus conſiderari poteſt, proindeque varias diuerſaſque fundat diſciplinæ: quæ tamen omnes ſub vno Matheſis nomine comprehenduntur. Vnde etiam elicitur, Omne Quantum aliqua figura eſſe definitum debere; hæc autem, quæcumque ſit, neceſſariò aliquibus terminis & limitibus claudi debet, ab aliſque ſecerni: qui aut anguli, aut lineæ, aut ſuperficies erunt: & quidem, ſi illæ planæ tantum ſint, vnica tantum linea perpetua, quæ efformet circulum, comprehenduntur, aut pluribus in angulos coeuntibus, ſi corpora ſolida; vel vnica ſuperficie vndiquè extenſa, qua torum ambiat, ſive pluribus ad latera extenſis, & angulos terminantibus, & tunc conſtituentur Corpora regularia, vel priſmata vel trapezia: Quæ omnia conſiderantur à Geometria, & proportionalitates ſumunt ab Arithmetica.

- 19 QVARNELLVS in Architectura militari, communi uſu, dicitur Pinna murorum, quæ alternatim æqualibus ſpatiis ponitur in eorum ſummitate, ad protegendos milites, inde miſſilia eiaculantes. At qua ratione tali nomine, vulgus Pinnaſ eiſmodi potiſſimum appellarit, obſcurum valde eſt, & radix adhuc incognita. Ad Saxonicum Idioma notionem trahit Spelmanus, ſed non placet Du-Cangio, qui potiùs ad ſuos Gallos refert, apud quos *Charnel*, rem in quadrum poſitam ſeu etiam vtrumque ſectam ſignificat. Ex quo Cancelli in quadrum diſpoſiti *Charnelli* apud ipſos vulgariter audiunt. Conſonant & Scriptores Gallici, qui ſæpiſſimè Domos Qua-

Quarnellatas memorant, eas profectò intelligentes, quæ frequentibus fenestris, iisdemque cancellatis, instructæ sunt: vt videre præsertim est in Annalibus Francicis, & apud Prynneum in Libertatibus Gallicanis. Quibus stantibus, in vtraque acceptione optimè quadrat Quarnelli vocabulum, murorum pinnis, quæ quasi quidam cancelli sunt ad prospectum simul, ac tegimen interpositi: & insuper, quia quadratæ sunt, æqualibus spatijs ad fenestrarum morem ab inuicem distantes, ab forma ex primaria notione, non vtique, absone, denominatæ sunt. Vnde & Vvillem. Brito, in sua Philippica lib. 7. Fenestras ipsas, Quarnellos appellare non alienum putauit.

*Vbicunque patent Quarnelli, siue fenestra.*

Vide in V. Pinna.

QUARTERIA, militari vocabulo, apud Polemicos appellantur 20  
Statua militum Contubernia, singulis Choortibus ad mansionem tributa, ac tumultuariò munita aduersus hostium repentinos incursus: idque, siue in Castra ad tempus sese recipiant, dum adhuc vrget bellum, (siue eo tantisper intermisso) in pagis consistant ad hybernandum, quoadusque militaris expeditio, aut prælium iniatur. Et, si quidem ea Castrensia sint, intrâ vallum, & sæpem castrorum subito excitata, ea potius iuguria dici debent, vulgò *Baracche*. Sin autem in Statiuis posita sint ad quietem, & consistentiam, speciali notione, Quarteria nuncupantur. Quæ proinde non continuata, vt in Oppidis domicilia, sed ab se diuisa, seiuncta, ac suis terminis dispersita sunt, vt quisque facile ad sua, citrà omnem tumultum, & confusionem, sub suis signis sese recipiat. Non ita tamen debent esse seiuncta, vt non ad nutum Ducis extèplò colligi queat miles & illuc accurrere, vbi necessitas poscit, & aut prælium instat, aut laborantium sociorum periculum aduocat ad promptam opem ferendam. Generaliter autem Castrorum nomine veniunt. De quorum rata distributione, multa habet Vegetius lib. 1. cap. 21. & seqq. dolens subinde, eorum ponendorum scientiam suo tempore excidisse; ex quo factum inquit, integros quandoque exercitus, improviso hostium superuentu, fuisse dissipatos. *Non solum autem* (eius sunt verba) *confidentes sine castris ista patiuntur, sed cum in acie casu aliquo ceperint cedere, munimenta castrorum, quò se recipiant, non habent, & more animalium multi cadunt, nec priùs moriendi finis fit, quàm hostibus voluntas defuerit persequendi.* Hæc Vegetius. Ad quæ incommoda euitanda salutaria præcepta tradit Polybius lib. 6. ac Leo Augustus in Monitis, quæ circumferuntur, ad filium.

Cæterum, quod ad nomen attinet, illud desumptum arbitror à 21  
Quar-



Neapolitanorum Antistite, qui floruit nonno sæculo nostræ salutis. Altarium S. Stephanæ circumcinxit Quintanis, & multas fecit ibidem areas Coronar, è quibus scilicet lucernæ seriatim dispositæ dependere. Vbi satis apertè liquet, Scriptorem de Cancellis illis intelligere; qui circa altaria etiamnum ferrei, ærei, vel lapidei, aut certè lignei apponi solent, & alicubi in Lilia desuper terminantes ad sustinendas impositas lampades, quæ ad splendorem, & ornatum, loco adijciendum, iugiter pendent. Antonius tamen noster Caracciolus, in Monumentis Ecclesiæ Neapolitanæ, pro Quintanis hic, annulos æreos vult intelligi; nec sanè ab re: quandoquidem de ijs fortè loquutus est præfatus Auctor, quos in decussationibus, & commissuris cancello- rum, non tam ad firmitudinem, & cohærentiam, quam ad deco- rem, & venustatem, ex aurichalco in annuli formam contornato, adijci solent.

QUINTILIS RADIVS, seu *Aspectus*, in Astronomicis est noua species familiaritatis in sideribus à Keplero detecta, nec minùs ex- perientia, quam ratione firmata, desumpta ab interuallis musicis, quæ consonantiam generant; itaut constituantur in distantia quin- tæ partis Circuli, in figura pentagona, efformentque inibi duos an- gulos æquales & obtusos, qui quinta parte sint minores rectis, & sexta parte maiores exagono, seu sextili. Et quidem in Zodiaco, (quoniam paribus gradibus dispefcitur) constituitur in spatio 72. graduum: In Mundo verò definitur per proportionales distantias arcus diurni, vel nocturni. Est radius de sua natura, faustus, & benignus, uti sunt Sextilis, & Trinus; minùs tamen validus, & efficax. Porro ex duplicato Quintili consurgit radius Biquintilis, qui contrahitur in distantia duarum, è quinque partibus Circuli, seu figuræ Pentagonæ, complectens in Zodiaco grad. 140. & alias, ut sit Trigono maior quinta eiusdem parte: atque in tanta distantia maiores vires acquirit, quam ipse Quintilis: cæterum eiusdem fere naturæ. Ad quæ, vide quæ diximus in V. Familiaritas, & vniuscuiusque radij extensionem, in *Figura Sexdecim laterum*.

QVO

QVOTIENS apud Algebricos, & Arithmeticos, dicitur quidquid in certa numeri partitione, in æquas partes, quæ sint vltimus termi- nus susceptæ diuisionis, prouenit: seu est numerus partium in quas alius numerus maior æqualiter diuidendus per alium datum nume- rum abit, nihilque amplius ex diuisione residuum superest. Talis est 4. respectu 20. diuidendi per 5. vel quinque in ordine ad toti- dem quaternarios, in quos numerus vicenarius est diuidendus. Di-

X x x x

citur

citur autem *Quotiens*, quia indicat, quoties numerus Diuisor contineatur in numero, qui suscipitur diuidendus. Est autem Diuisor is qui denominat partes in quas reducitur numerus maior æquè diuisus. vt in exemplis allatis, numerus quinarium est diuisor vicensis in quinque partes, hoc est, quatuor quaternarios, qui sunt Quotientes, vel quaternarius diuidens prædictam summam in quatuor quaternarios. Quod si viceversa numerum quinarium, vel quaternarium assumas ad multiplicandum vnum per alium, is dicitur Multiplicator, & summa proueniens dicitur Productum; quia videlicet est ductus vnius in alium: quod tunc fieri intelligitur, quando alteruter toties alterum continet, quoties in eum intrat vnitatis. Res clara & ipsis consoribus obuia. Vide tamen, quæ circa dictorum terminorum naturam, & proprietates, luculenter examinat Clavius in *Epitome Arithmetice Practicæ*.

- 26 *QVOTVS*, vocabulum item numerale est, & in numero indefinito signat certum aliquem terminum vltimò determinatum, aut determinandum, vt Quota hora diei est? Ac sic ferè semper cum interrogatio, aut indicatio responsionis vsurpatur; inquirendo, vel respondendo, cui è pluribus qui in vnum concurrant, signanter determinatio cadat. Simili ratione *Quotuplus* ad mensuram refertur, indicans partem aliquam specificatiuam, de toto. In operationibus verò Algebraicis, & Arithmeticis, etiam indicatiuè, & definitiuè sumitur; & est vltimus terminus ex operatione proueniens: quasi iam quæsitus, & habitus. Vt in Regula Aurea, quartus numerus resultans ex multiplicatione tertij numeri per secundum, ac diuisione postea facta numeri producti, per primum; dicitur Quotus. Et hæc est passim vocis vsurpatio nedum apud Aithmeticos, sed apud omnes ferè Scriptores: Vnde, si quis proponat numerum aliquam niente conceptum alterique ignotum, artificiosè deducere, is iam inuentus dicitur

*Quotus.*

\* \*





# RA



**ABDOLOGIA**, ex græca notione, quasi Virgarum Scientia. *Παβδὸς* enim græcè virgam sonat, & *Παβδωρὸς* rem virgatā. Quo in genere *Παβδωρὸς* nomine veniunt omnia, quæ in virgarum seriem, & formā abeunt: vnde ea voce vsus est Aristoteles, cum striatam columnā denotare voluit *Παβδωρὸν κίονα* vocat; & quasdam species concharum externè striatas *καβδωτὰ* appellat, quod, pectinatim diuisa, vertit Theod. Gaza. Quare benè Abdologiam denominauere Arithmetici, facultatem quā traditur methodus facilis computandi & supputandi quoscunque numeros, per eorum distributionem, & dispositionem in certas cellulas seriatim, per longum & latum, & diagonaliter sibi respondententes, quasi virgatas & striatas: itaut ex eorum varia combinatione, ac textura, omnis multiplicationum, & diuisionum, additionum, & subductionum ratio, magno cum laboris leuamine, facillimè & expeditissimè iniatur. Huius mirabilis artificij inuentor extitit magnus ille Ioannes Neperus Scotus, Arithmeticæ complanator, & Logarithmorum author. Id autem fit per tabellas in retis similitudinem, lineis designatas in longum, vt dixi, & latum, & diagonaliter sese interfecantibus: in quarum quadratulis disponuntur per ordinem numeri, assumpra in fundamentum & basim, celebri illa Tabula Pythagorica, quæ omnium manibus teritur, ac mente tenetur: nisi quod illa simplex, semper fixa, & stabilis; ista duplex & variabilis est, itaut singulæ columnæ diuelli possint, & aptari ad opus quod singulis vicibus assumimus consummandum: dispersiuntur enim cellulæ nedum per quadratulos sibi respondententes. Sed & per trasuersum in rhombos, & triangula, in quæ singulæ numerales figuræ cadunt: ac mirum in modum postea ad operationes arithmeticas con-

ferunt, quæ aliàs magnam temporis iacturam secum afferunt, magnam tædium, magnamque molestiam. Quocirca, vt ad rem deueniamus: Describatur primum vulgaris tabula Pythagorica in lamella cuprea vel buxea, vel certe charta solida, & crassiore, in decem, aut si vis, in plures columellas sibi per numerorum ordinem succedentes: & similiter in quadrum nouem sectiones, seu quadratorum ordines, ab summo ad imum dispositas cum numeris suis, multiplicibus eorum qui respondent per directum in fronte: nisi quod ad communem tabulam Pythagoricam adijciuntur totidem, lineæ, seu partitiones diagonales, quæ singula quadratula secant in angulis in duo triangula, vnum superius dextrorsum, aliud inferius sinistrorsum: atque in ijs quadratulis hoc modo in duo triangula sectis, numeri collocantur: & si ij quidem singulares sint, hoc est vnica figura exprimibiles, ponantur in triangulo inferiore sinistro, relicto superiore vacuo: si verò duplici figura præditi sint, disperseantur; & altera figura, quæ vnitates denotat, exaretur in inferiore triangulo; quæ verò denarium, in superiore eiusdem quadrati triangulo; vt videre est in subiuncta figura.

*Tabula Pythagorica ad Rabbologiam applicata.*

1	2	3	4	5	6	7	8	9
2	4	6	8	10	12	14	16	18
3	6	9	12	15	18	21	24	27
4	8	12	16	20	24	28	32	36
5	10	15	20	25	30	35	40	45
6	12	18	24	30	36	42	48	54
7	14	21	28	35	42	49	56	63
8	16	24	32	40	48	56	64	72
9	18	27	36	45	54	63	72	81

Porro ad huius reticulatæ tabellæ formam, altera consimilis paranda est, ijsdem diuisionibus interstincta, itaut alteri in quadratulis, & rhombis adamussim respondeat; non tamen ijsdem numeri in ea describendi sunt: sed, si prima columna v. g. vnus continet in fronte vnitatem cum subiectis sibi multiplicibus, altera in prima columna habeat binarium in fronte cum suis multiplicibus descendentibus, & sic de singulis. Quo factò columnulæ istius secundæ tabellæ, sciendæ sunt à summo vsque deorsum, itaut ab inuicem separari queant, ac toties quoties opus fuerit aliter, atque aliter disponi, & inuicem coaptari.

Verùm id in factò non parum molestiæ insert, & confusionem parit, quando operatio facilius, & expeditius haberi potest per vnā & eandem primam tabellam perpetuò stabilem; modò, vt ex ea, eæ columnulæ cum suis numeris deligantur, quæ ad rem faciunt, & in paginam transferantur, atq; in seriem disponatur in tot tantum columnas, quot figuras continet numerus assumptus ad opus, atque in descensu, ij tantum multiplices apponantur, quos numerator ad operationem requirit, cæteris quadratulis aut prætermisissis, aut vacuis, tanquam non ad rem, relictis. Quocirca considerandus venit ipse multiplicator: & si quidem vnā figuram habet, constituatur extra rete ad latus; ita tamen, vt respondeat ordini quadratorum continentium multiplicia, quæ sibi competunt: nam progrediendo à sinistris ad dexteram in tota serie quadratorum, habebitur in rhombis integer numerus factæ multiplicationis. Si verò Multiplicator plures figuras habuerit; idipsum per singulas figuras è suo loco sumendis, iteratis vicibus, prout opus est: idque siue eadem figuræ recurrant, siue aliæ. Exemplis res manifesta fiet.

Volo multiplicare num. 34752. per 4. Primò seligo ex superiori vniuersali tabella, illas columnas, quæ habent in fronte eas ipsas figuras: & ità simul dispono, ac in propositione sunt ipsæ figuræ dispositæ; sicque transferantur in charta, vt vides; vel translatis ad eam quatuor tantum ordinibus quadratorum seriatim extensis in latus, & relictis vacuis duobus intermedijs; vel sanè supposita solum serie, quæ respondet num. 4. à latere dextrorsum posito, qui debet esse multiplicator, itaut seriatim cum suis multiplicibus cadant sub figuris multiplicandis.

$$\begin{array}{r}
 34752. \\
 \quad 4. \\
 \hline
 139008.
 \end{array}$$

1	3	4	7	5	2
2					
3					
4	1	1	2	2	8
1	3	9	0	0	8

3 Excipio igitur ex quarta quadratulorum serie per descensum numeranda, suos multiplices respondentes figuris in fronte expositis, ac transcribo in hanc particularem tabellam: ac facta enumeratione, seu collectione numerorum, qui in rhombis inveniuntur, procedendo à sinistris ad dextram, iisque per ordinem extra rete dispositis, inuenio multiplicationem peractam, in 139008.

Vrautem appareat, an id rectè initum sit, expendi poterit ad consuetam trutinam, & examen, vel per diuisionem producti huius numeri in quatuor partes, vel per summam propositam numeri multiplicandi, ex quatuor iteratis vicibus profilientem.

Quodsi Multiplicator plures figuras contineat, eodem modo res peragenda; ità disponendo rete, vt numerus multiplicandus accipiat in fronte ac disponatur eo ritu, quo figuræ seorsim ordinate sunt, & multiplicator cum suis multiplicibus lateraliter procedentibus, eodem ordine disponatur in descensu: itaut tot omnino quadratulorum series extendantur in latus sub singulis numeri multiplicandi figuris, quot sunt figuræ multiplicatoris. Nam, acceptis numeris, qui in rhombis adunati reperiuntur, ac seorsim extra rete, à sinistris ad dexteram procedendo, sub finibus cuiusque rhomborum seriei per transuersum acceptæ, notatis; inuenitur multiplicatio facta. Sic, si placeat eundem numerum assumptum, 34752. in seipsum producere, extraho ex vniuersali Rabdologia illas quadratulorum series quæ ad rem faciant, & ex illis efformio simile rete habens tam in longum, quam in latum, quinque ordines quadratulorum; atque ad illud transfero numeros in fronte descriptos cum suis multiplicibus, qui respondeant singulis figuris Multiplicatoris; tùm colligo quidquid in singulis rhomborum ordinibus, à sinistris incipiendo, collectum inuenitur; ac similiter extra rete ad fines cuiusque rhombi, vel eorum seriei, dispono; reiecta, in sequentem rhomborum seriem figura quæ nouem excesserint, itaut omnes rhomborum



borum series excurrat & expleam, illicò apparebit productum, vt infra.

Numerus multiplicandus per		3	4	7	5	2	Similem multiplicator m.
Numerus productus faciet	1	9	12	21	15	6	
	2	18	24	42	30	12	4
0	7	63	28	147	105	42	7
	5	45	20	105	25	10	5
7	2	18	8	14	10	4	2
	0	0	0	0	0	0	0
1207701504							

Num. Multiplicad. 34752.

Num. Multiplicator. ———

69504.

173760.

243264.

139008.

104256.

Productum. 1207701504.

Quæ quidem operatio eadem reapse est, ac quæ initur communi via, (vt hic uidere est) sed planius, ac facilius, minimeque errori obnoxia: proindeque altera alteri pro experimento & examine esse potest, indeque colligi quod rectè inita sit.

Eadem omninò methodus seruanda est in quibusuis multiplicationibus per quosuis vel magnos multiplicatores in infinitum perficiendis; addendo, vel minuendo, quadratorum series, easdemque simul ac plures fortè conuenientes, atque in rete expandendo, itaut hæ per ordinem, & adamussim respondeant tot numero figuris, quot tam numerus multiplicandus, quam multiplicator continuerit: & statim ex collectione numerorum in singulis rhomborum diuisionibus inuentorum, vt suprà dictum est, iisque in seriem dispositis, incipiendo à sinistris, & successiue prosequendo ad dextram, apparebit multiplicatio facta.

Quodsi partitio alicuius summæ in partes æquales per Diuisorem determinandas, facienda sit; eadem prorsus via tenenda est, ac in multiplicatione, sed ordine inuerso, siue diuisor vna figura notetur, siue pluribus: quandoquidem in idem recidit, si dicam: Volo inuestigare, quot vicibus talis determinatus numerus inueniatur in data summa; ac si, vice versa, inquirerem, in quam summam coalescat talis determinatus numerus toties replicatus, quot unitates numerus

rus multiplicator habuerit. Quamobrem ex prædicta Tabula Rabbologica, in area communi numero diuisoris accipiendi à latere, & alteri existenti in fronte, aut certè proximiori, accipio numerum, diuidendum, vel si illum præcisè non inuenio, numerum ei proximè accedentem lateraliter incedendo, quoadusque illum, aut proximè maiorem inueniam, & statim in fronte dabit partitionem iam factam, saltem in numeris integris, neglectis fractionibus.

- 6 Verùm, quia non semper numerus, qui assumitur in partes diuidendus, inuenitur expositus in artibus lateralibus successiue sequentibus ad numerum diuisoris à latere constituti; quinimò sæpè accidit, ut tam diuisor, quam numerus diuidendus, atque insuper numerus quotiens in plures figuras abeat; idcirco in eo casu procedendum est per partes, iterando operationes: ac primò exordium est, à primis figuris ad sinistram inueniis, ac deinde proseguendo ad eas quæ à dextris sunt, similiter operando, promotò semper ad dexteram diuisore: quod si è directo diuisoris, lateraliter procedendo, nusquam inuenieris integrum numerum qui venit diuidendus; tunc accipiat ille qui proximè minor illum præcedit à latere, atque ab eo hic subducendus; cum quo postea instituenda est operatio, accepta in fronte quota parte diuisionis respondet huic accepto multiplici, ac seorsim notanda: denuòque promouendus est diuisor ad id in quo numerus tuus excessit: nam quot diuisiones per notas singulares dabit operatio, totidem seorsim notare debes, eodem ordine procedendo, quoadusque totus numerus, & summa proposita exhauriatur. Atque id ipsum faciendum est quoties diuisor habebit plures figuras, conferendo primam cum prima, aut si cum non capiat prima figura, accipiendo primam, & secundam immediatè succedentem, & ab ipsis, prima figura diuisoris est subducenda, & sic de alijs, quoad totus numerus inuentus in area, expleatur. Sed ex praxi res melius intelligetur,

- 7 RADIVS communiter dicitur fulgor ille emanans è corpore aliquo luminoso & per rectam lineam tendens in spatium indefinitum diaphanum, quoadusque eius vis extendatur, aut ad aliud corpus opacum terminetur, quod ulterius progredi non permittat. Vnde ab Opticis definitur, quod sit linea recta luminosa in modum speculi, quæ rectà tendat ad corpus obuersum. Differt à Lumine, & à Luce, per hoc, quod Lux est prima dos, & effluxus corporis luminosi primarij, vèputa Solis, quo, veluti instrumento, lunien & radius educuntur: Lumen autem sit effectus secundarius, à luce congenitum, per sui diffusionem per modum conij, cuius axis sit radius immixtus

ac protensus per corpus illuminatum diaphanum: vt, suo loco, cum de *Luce*, & *Lumine*, diximus. Igitur Radius se habet ad modum Spiculi (vnde est quod Spiculum etiam appellitur) traieci à corpore luminoso in aliud corpus luminis receptiuum, & interim per orbem producit etiam lumen, illudque diffundit per medium diaphanum. Quare latius patet Lumen, quam Radius, & Lux: quandoquidem illud potest esse sine radio, vt patet in Crepusculis, & in Domo intus illuminata ab aëre ambiente: Lux vero consideratur intrinsecè indica in corpore luminoso, sed aliunde impedito; ne lumen diffundat: quod idè non potest esse radius sine luce primaria à qua est effectiue, nec sine lumine, quod est instrumentum diffusum lucis.

Triplex est radius; vnus directus modò explicatus, qui à corpore intrinsecè luminoso procedit, & rectà tendit ad aliud illuminandum: 8  
Secundus Reflexus, qui à corpore illuminato recipitur, & remittitur (stante obice suæ opacitatis, quæ non permittit illum vltra progredi, & transmitti) siue in ipsum corpus illuminans, siue in aliud oblique positum, sibiue aduersum. Tertius dictus Refractus, & est cum à medio minùs denso, & aliqua diphaneitate prædito, ægrè & magis remissè diffuleat, vel etiam à rariore in minus rarum, seu crassius transit: vt cum ab aëre in aquam diffunditur. Hæc autem triplex radiorum projectio fundat triplicem facultatem Opticæ subalternam, Dioptricam, Catoptricam, & Anacasticam, seu Anacampticam, de quibus fufe Vitellio lib. 10. & nos, suis in locis. Hinc

RADIVS apud Astronomos audit Aspectus, & Configuratio duorum siderum, in certa ab inuicem distantia, è qua se mutuò intuentur, & immittunt suos radios, adeoque communicatis luminibus aut in viribus roborantur, aut infringuntur; prout similibus aut dissimilibus qualitativis fuerint præditi, & vnum super aliud erit eleuator, & potentior: vnde est etiam, quod effectus & influxus in isthæc inferiora, de sui natura, & concurrentia gignunt, aut validioræ, aut debiles ac reufos. Sunt autem, Sextilis, Quadrarus, Trinus, Oppositio, & alij, quos suprà, suis locis enumerauimus, atque eorum naturam expendimus. Io: Regiomontanus vult, huiusmodi radios immitti per modum Coni, per circulos maiores & maiores, quò magis ab fidere elongantur, quorum centrum sit ipsum Astrum (excepta tamen Oppositione, quæ fit per diametrum) basis verò ac terminus, locus ac distantia, quæ definit qualitatem eiusdem radij: in quem si inciderit aliud Astrum, dicetur re-

cipere, & vicissim remittere talem radium: inde est, quod quilibet ex huiusmodi radijs, sumi debeat in puncto circulatorum quibus interfecatur Ecliptica. Blanchinus verò contendit, esse circulos in longum descriptos, qui transeant per corpora siderum intuentium; sicque radios sumi tanquam puncta super hos circulos in distantijs determinatis; vt pro Sextili, grad. 60. pro Quadrato, grad. 90. & sic de reliquis: vt videre de omnibus licet in Figura Sexdecim laterum, quam suo loco exposuimus. Ex qua seutentiarum diuersitate nascitur celebris illa controuersia: An in directionibus attendenda sit latitudo planetæ immittentis, vel recipientis radium; an non. De qua re, fusè etiam nos disputauimus in V. *Partilis Radius*.

**IO** RADIVS etiam apud Geometras appellatur: Sinus maximus, seu Chorda subtenfa integro Quadranti, quæ est semper semidiameter Circuli, & semisses chordæ subtenfæ integro semicirculo: cui successiue respondent & succedunt alij sinus minores & minores, ijdemque inuicem paralleli, vsque ad complementum arcus cui subtenduntur; terminantes ad singulos gradus, & minutias arcuum, quibus singuli subtenduntur. Hic autem assumitur in sua maxima amplitudine ad certum partium numerum definita, pro mensura reliquorum sinuum ex regula proportionum, vti & Tangentium, & Secantium, prout fusè dicetur in V. *Sinus*.

**II** RADIVS *Geometricus*, seu *Astronomicus*, vocitatur Instrumentum ad speculanda sidera, aut locorum altitudines mensurandas factum, ex doctrina Sinuum, Tangentium, & Secantium: quo mediante per radios visuales tenere possumus eorum altitudines, distantias, latitudines, declinationes, &c. Cuius vtilitates & vsum, fusè tradit Gemma Frisius, peculiari libello, quem de hac re scripsit, eiusque fabricam & partes quibus componitur, accuratè descripsit. Atque hoc instrumento primùm vsi sunt Ptolemæus, alijque veteres Astronomi vsque ad Tychohem, in obseruandis siderum positionibus: qui postea, cum diu illud adhibuerit, Sextante ab se inuento, errori, ac variationi haud obnoxio, & vsque ad minus exactissimo, vsus est. Porro huic affinis, seu potius idem, pluribus numeris auctus, successit

RADIVS *Latinus*, ita agnominatus ab eius inuentore, Latino Vrsino celebri Geometra, quem vberimis commentarijs illustrauit Egnatius Dantes, insignis & ipse Mathematicus ex Ordine Prædicatorum, qui cum de vsu Astrolabij, aliorumque instrumentorum

Astro-


Astronomicorum, tùm signate de hoc Radio, eruditè scripsit, atque vniuersas Mathematicas facultates in Tabulas redegit, & concianà methodo compilauit.

**RADIX**, generali notione audit communiter primum rerum exordium, seu fundamentum vnde initium sumunt, & propagationem accipiunt. Ab Radice arboris sumpta denominatione, ex qua prodeunt caudex, rami, frondes, fructus, qui omnes in radice fundantur, & ab ea accipiunt alimentum, & incrementum. Hinc à Mathematicis, pro rebus quique suis explicandis, frequentissimè, ac diuersimodè vsurpatur. Namque à Geometris in quantitate continua, anguli & latera, quæ sunt principia omnis dimensionis figurarum, corporum, & arearum, Radices nuncupantur. In Arithmetica numeri cardinales assumpti ad aliquam progressionem numerorum æquali ductu persequendam, Radices dicuntur; de quibus mox infra. Apud Chronologos etiam, Aeras, Epochas, Hegiras, hoc est initia quædam temporum, iuxta diuersarum Nationum, ex memorabili quodam facto in ijs incidente, ex quo annorum decursiones incipiunt computari, Radices temporum nominant, vt aliàs obseruauimus. Similiter Astronomi, Epochas cælestium motuum, hoc est, puncta aliquot fixa, ac termini, vnde singulorum reuolutio initium sumit, Radices appellant; & sic in alijs. Quæ etiam ratione Astrologi, momentum Cælestis constitutionis, ad quod initium anni, natalitium Thema, Decubitus Figura, vel alterius cuiusvis rei de cuius progressu dijudicandum est, Radicem dicunt; ex cuius constitutione, per motum Directionis vehantur in singulos annos prosperos, & infaustos euentus, qui successuri sunt, quoniam in hoc radicali Themate, tamquam in radice fundantur, atque ex bono, vel infelici statu, (vti ex bona vel vitiata radice, boni vel mali fructus prodeunt,) bona vel mala in toto anni vel ægritudinis decursu euentura præfagiunt.

**RADIX Quadrata**, vel *Cuba*, signanter in Arithmetice dicitur æquale latus numeri in Quadratum dispositi, vel in Cubum: etenim eadem proportio inuenitur in numeris, & quantitate discreta, quæ in quantitate continua in figuris geometricis, intrâ plures angulos, & latera comprehensa. Numerus igitur, qui in seipsum ductus, in quadratam formam consurgit, hoc est, in quatuor æqualia latera, numerum aliquem maiorem comprehendit, ac similiter diuidit, itaut nihil æquiduum superfit, *Latus*, & *Radix Quadrata*, denominatur: quia videlicet est veluti latus terminans, & radix ex qua in

se ducta emergit Numerus Quadratus, qui consurgit ex tot lateribus æqualibus, quot vnitatibus ipsum latus constat. Numerus vero ipse quadratus, qui in seipsum ductus, producit numerum Cubum, ex tot lateribus integratum, quot latera inueniuntur in Cubo geometrico; dicitur *Radix Cubi*. Itaque eadem quæ Quadrati radix est, erit etiam radix Cubi, sed in hoc latera quadrati multiplicantur pariter in quadruplum. Vnde, habita radice quadrata, habetur etiam Cubi, & inde illicò elucescit, quis numerus quadratus aut Cubus illis conueniat, & econtrà, dato numero quadrato, aut cubo, statim ex facta æquali partitione, extrahitur alterutrus Radix; sunt enim correlatiua, eandemque semper, & constantissimam correspondentiam habent; vt videre est in mox subiicienda figura.

- 14 At, vti facile est ab data Radice Quadrata vel Cubi, venire in cognitionem numeri Quadrati vel Cubi, qui ex eà toties in se ducta, quot sunt latera in quadrato, vel Cubo, vtriusque radicem extrahere, in quam tandem, facta eiusdem in æquas partes diuisione, ita resoluitur, vt nihil residui sit, quod non valeat per æquas vnitates in radicem intrare; non ità tamen facile est, ex omni quocumque numero, posse per resolutionem extrahi radix, quæ non in aliquo aut deficiat aut supersit, quod sit extrà rationem radicis: vti sunt 3. 5. 7. 8. 11. 14., & sic procedendo in infinitum.

 Quare satis acutè tradita est Algebricis, certa via & methodus, inueniendi illicò & infallibiliter, in quouis magno numero, qui sit propositus, suam radicem quadratam, vel cubam, cui respondeat; seu quoties, & qualiter in quantalibet summa etiam in infinitum, protensa, reperiatur vltimus, & minimus quidam terminus, qui in se ductus, & iterum in productum multiplicatus, assurgat in eandem illam summam, quæ fuit proposita, & in nihilo illam superet, aut deficiat.

- 15 Dupliciter autem initur hæc ratio, vel in simplicibus & minoribus numeris; vel in maioribus, & compositis. In Simplicibus, sat est nouem primarum radicum notitia memorià retenta, quæ vtrique pro fundamento supponi, ac probè nosci necesse est, non quæri; habent enim ordinem ad suos quadratos & cubos in quos coalescunt, ex facta earum multiplicatione, vt videre est in infra posita Tabella. At in Compositis tria sunt attendenda. Primò, vt prædictarum nouem radicum cognitio, & respectus ad suos quadratos, & cubos, mente firmiter teneatur, atque, vt ita dicam, iugiter præ manibus sit. Secundò, iusta datorum numerorum collatio. Tertiò artificiosa earundem extractio, seu ipsa extractionis operatio. In  
col-



collatione, id in primis obseruandum, quod præter ipsos numeros per ordinem dispositos, puncta quædam & lineolæ sunt adhibendæ ad valoris eorum memoriam, & confusionem operationis vitandam. Nam, dato numero, & ordinatim disposito, ante omnia is in quibusdam figuris superne punctis notandus est, initio factò à prima figura: id quod ad duo inseruit; primò, ad ipsam operationem facilius dirigendam; alterum, vt manifestent quot numeris constare debeat ipsa radix inuenienda. Lineolæ autem in hoc negotio, binæ assumendæ; vna recta transversim ducta, sub numero è quo venit extrahenda radix, cuius sit separare numeros ex diuisione erutos, à diuidendis: altera semilunaris & curua, ad latus numeri propositi constituenda; qua videlicet ipsa radix extrahenda, vel extrahenda à numeris quadratis secerni, & notari seorsim possit. Itaque tota operatio in eo consistit, vt primùm habeatur simplicis radicis eductio; inde reliquorum numerorum diuisio. Sed exemplis rem illustremus.

Volo extrahere radicem quadratam à numero 189. Ante omnia 16  
appono punctum suprâ figuram 9. & intermissa secunda, alterum  
supra tertiam, quæ est centenariorum (& sic proseguendo semper in 189. (1.  
infinitum dexteram versus, si summa magna sit, & figuris plurimis  
exprimenda) eo quia à figuris puncto notatis tantummodo, & verè  
radix quadrata subducitur: ab intermedijs verò, media proportio-  
tionalia, seu rectangula. Tum videndum, quinam quadratus in-  
tret in primam figuram à dextris, nempe 2. & inuenio, quod in eo  
numero maior quadratus non continetur quam 1. idcirco hunc no-  
to à sinistris, separatim à lunula; & insuper sub prima figura à de-  
xtris numeri expositi, cuius radicem quadratam inquiero, ipsum 1.  
constituo, & claudo lineola recta subtus posita. Deinde hunc, qui  
factus est iam quadratus, subduco à supraposita figura 2. & remanet  
1. qui est numerus Centenariorum relictus, eo quod est sub tertia fi-  
gura à sinistris incipiendo, quæ est nota numeri Centenarij; & ha-  
beo latus in partem radicis intraus, nempe 1. qui, quoniam aliam  
figuram à sinistris supponit, signat 10. atque adeo residuum numeri,  
cuius radix quadrata quæritur, erit iam 189. Sed quia rectangula  
ipsa subducenda sunt, eo quod figura intermedia, 8. non est pun-  
ctata, & pro vno enim latere comprehendit quantum ipsa radix qua-  
drata, & pro altro quadratum adhuc incognitum subtrahendum est  
à num. 15. qui diuisus est in 10. & 7.) ideo duo plani numeri, qui  
cum duobus quadratis, 10. & 7. integrant totum latus constatum  
ex num. 17. sunt inuicem conferendi, atque vnum ab altero subdu-  
cendum. Et quidem vnum latus, nempe 10. iam remanet explo-  
ratum,

raturum; alterum quod est 7. venit explorandum. Adhuc igitur, ut illa subtraham, (quæ duo sunt, & consequenter duo latera appellant, quæ æqualia sint radici) radix hæc duplenda est, & innotescat, illam intrâ se, duo isthæc latera comprehendere; & poni debet 2. sub radice inuenta, scilicet 1. itaut significetur 20. circa quem numerum videndum est, quoties intret in num. 180. (nulla habita ratione figuræ 9. quæ prima, seu postrema est à sinistris, & indicat vnitates, ac propterea inhabilis est ad continendum 20.) & inuenio quod 20. nouies intret in 180. vnde elicio quod 9. sit alterum latus rectanguli. Sed quia, quantum est hoc latus, tantum debet esse, aliud latus quadrati incompti, quod remanet subducendum; iterum inquirendum est, num hic num. 9. in se ductus, intret in numero residuo punctato, à quo quadratum illud deducendum est. Et quoniam ab illo residuo, 189. ablatis 2. multiplicatis per 9. hoc est, 18. restant adhuc integri, 9. qui numerus in se ductus facit, 18. qui subintrare in hoc munus non valet; hinc est, ut is assumi nequiram possit in alterum latus quadrati. Accipio igitur 7. qui bis intrat in 18. & relinquit insuper 4. qui adiectus ad 9. facit 49. qui vtique tantus est, ut bene capiat 9. in se ductum, (etenim 7. in 7. multiplicatus constat 49.) Quod ideo iam habeo alterum latus rectanguli. Itaque 2. in 7. ductus, facit 14. hoc est, addita cifra, quæ respondet numero superiori 140. subducoque ipsum à 189. ita tamen, ut seruent suum locum: sicque 4. ponatur sub 8. & 1. sub 1. residuum erit 49. Et quia iam cognoui latus vltimi quadrati esse, 7. idcirco duco 7. in 7. & habeo 49. quæ summa ita numerum explet, ut nil vltra supersit. Quare idem 7. locandus est iuxta radicem 1. prius inuentam, itaut simul faciant 17. ut videre est in margine: quæ profecto erit radix quadrata assumpti numeri 289. Quod erat inquirendum.

189. 17

14.

17

Pari methodo extrahenda est Radix Cuba: Nisi quod in numero Cubo, à quo venit extrahenda, puncta notanda sunt supra figuras eo ritu, ut post primam punctatam, sequentes duæ intermittantur, & notetur quarta: inde, prætermissa quinta & sexta, punctetur septima; & sic de reliquis: namque expunctatis solum radix subducenda est; ab alijs verò intermedijs solida proportionalia educuntur. De reliquo, eodem ritu proceditur in extractione radicis Cube, ac in Quadrata; cum Radix Cuba nil aliud sit, quam numerus radicalis, qui primo in se ductus, ac inde etiam in productum, generet numerum Cubum. Quocirca id quod semel sit in Quadratis, eiusque lateribus, duplicato faciendum est in numero Cubo: itaut primo extrahatur radix quadrata, ac postea eodem modo Cuba; eoquod Qua-

Quadratum sexies inuenitur in Cubo . Appono hic pro coronide, radioꝝ huius operationis, tabellam primarum nouem radicum respondentium ad suos quadratos, & cubos . Qui pluribus exemplis in vtraque extrahenda radice, rem illustratam auct, adeat Clauium in *Geometria Pract.* qui ea, lib. 6. congerit ad satietatem : vbi etiam in Tyronum gratiam, expandit ad finem operis, Tabulam Quadratorum, & Cuborum, à 1. vsque ad 1000. cum suis à latere respondentibus radicibus quadratis, & cubis.

Radices Simpl.	Num. Quadrati	Numeri Cubi .
1.	1.	1.
2.	2.	8.
3.	9.	27.
4.	16.	64.
5.	25.	115.
6.	36.	216.
7.	49.	343.
8.	64.	512.
9.	81.	729.
10.	100.	10000.

RAS, lingua Arabica, idem sonat ac Caput . Hinc apud Scriptores Arabes de rebus Cælestibus, necnon apud eorum Interpretes hanc vocem passim vsurpatam inuenies, & cum addito applicatam aliquibus stellis Fixis insignioribus ; vt *Ras Aben*, stellæ quæ fulget in capite Draconis sideris, quod circumambit Polum Arcticum, estque de natura mixta trium Superiorum; Saturni, Iouis, & Martis. *Ras Algeti*, dicitur stella fulgens in capite Herculis, seu Engonasi.

nasi. *Ras Alangue*, stella in capite *Serpentarij*. *Ras Eleced*, hoc est Caput Leonis, &c. de quibus singulis, suo loco.

19

**RATIO** apud Mathematicos, est quædam correspondentia & relatione quantitativa unius quantitatis ad aliam, insurgens ex applicatione reali, aut saltem mente concepta; quatenus inuicem commensurari possint, & simul componi, itaut æquiparentur, aut inuicem se contineant, vel exsuperent: & hæc actualis, vel possibilis quantitatum commensuratio, est illa, ratione cuius, intellectus considerat unam quantitatem dependenter ab altera, & recognoscit inter eas aliquem respectum, & relationem; unde colligitur, hanc rationem non esse nisi in duabus magnitudinibus, quæ sint in eodem genere quantitatis, quæ possint inuicem comparari; reputa duæ lineæ, aut superficies, aut corpora solida, itaut possit inter eas internosci per comparationem, hæc similitudo rationis, quæ alio nomine dicitur *Proportio*, græcè autem *Analogia*. Namque habitudo hæc est in ratione mensuræ, quatenus una æquiparetur alteri, & inueniatur esse, aut maior simpliciter, aut minor, aut æqualis. *Mensura* autem ex Philosopho 10. Metaph. textu 4. eiusdem generis est, nempe, magnitudinum magnitudo, latitudinum latitudo, vox vocum, gravitas gravitatum &c. aliàs, si diuersi generis forent, inuicem comparari haud possent; nec colligi, an una sit maior, aut minor alia, aut æqualis, quia numerus v. gr. respectu superficiei, quæ numerus præcisè est, nec maior, nec minor, nec æqualis, nec inæqualis est, eoquod inter ipsum & superficiem, nulla est habitudo realis, aut possibilis, qua vnum alteri applicari possit. Bene verò inter duas quantitates eiusdem generis in ratione mensuræ datur proportio, & impropportio, seu rationalitas & irrationalitas, quatenus sint inuicem commensurabiles, aut incommensurabiles. Et quidem Quantitates rationales sunt, in quarum una reperiatur aliqua pars communis, quæ sit æqualis parti alterius quantitatis; & ita, unam & alteram mensurent per replicatas vices, ut nihil ex ijs residuum sit, quod non ea parte comprehendatur. Irrationales verò sunt, in quibus nulla pars reperitur, quæ si alteri applicetur, possit illam per iteratas vices complere, & adamussim æquare, ut non supersit aliquid incommensurabile: ut si forent exempli gr. duæ lineæ, una digitorum sex, altera digitorum 15. utique istæ rationales, & commensurabiles erunt, quia digitus æquè reperitur in ambis quantitativibus, & ita eas mensurat, ut, facta utrisque applicatione talis mensuræ, nihil supersit quod per eam, aut per eius æqualem particulam, non sit mensurabile; esto una aliam superet magnitudine aut extensione. Econtrà latus quadrati

drati, est omnino incommensurabile cum eius diagonali; quia in eis concipi nequit vna vel minima pars, quæ ex æquo vnam & alteram mensuret, & nihil supersit aut deficiat in altera, quod possit in rationem talis mensuræ venire: & ideo inter se dicentur irrationales.

RATIONALIS appellatur à Proclo, Alberto Magno, ac plerisque 20  
Astronomis, aliisque Sphæræ Io: de Sacrobosco Commentatoribus. *Horizon* haud sensibile vel apparens, sed solum ratione admissus, & mente conceptus. Distinguunt enim duplicem Horizontem, seu Finitorem, alterum sensibilem, qui terminat nostrum visum, à superficie terræ proiectum, qui tendit quousque radius visualis per directum, & in planum horizontale se extendere potest, adeoque linea recta ab extremo ad extremum protensa, quamuis sit parallela diametro ipsius circuli maximi, non eum diuidit in duo hæmisphæria, & partes æquales, sed est adiameter, nec transit per centrum, sed aliquatulum eleuatur, quantum videlicet fere impedimentum visus, & crassities globi terrestris à puncto centri ad supremam eius superficiem. Rationalis verò, (qui & verus, & proprius) diuidit totum Cælum in duo æqualia hæmisphæria, cuius Poli sunt duo puncta Zenith, & Nadir; centrum autem, idem quod centrum terræ. Porrò Astronomi Rationalem hunc Horizontem attendunt, & geometricè considerant ac partiuntur; Optici autem sensibilem, ad quem tantum se extendunt radij visuales. De vtroque multa sparsim in opere disseruimus, vbi occasio sese dedit.

RATIONALIA Signa vocant Astronomi, quæ in Imagine humanam figuram præferunt; qualia sunt Gemini, Virgo, Aquarius, & prima medietas Sagittarij: quæ appellantur etiam Humana: idque, non tam per allusionem ad nomen, eoquod homo definitur *Animal rationale*, quam per quandam similitudinem, coherentiam: & analogiam ad rem significatam per nomen, nempe ad hominem, & actus eius rationales, quos peculiari modo, (certè mirabili, & ignoto) Signa ista disponunt, & stellæ in ipsis existentes, pro earum natura, & congressu cum Erraticis, suis influxibus diuersimodè qualificant, & decernunt. Obseruatum quippè fuit olim, & longo vsu, atque experimētis rarò fallentibus, ab sapientissimis illis Astronomiæ priscis cultoribus, (qui toti fuerunt in siderum natura, & influxibus contemplandis, ac examinandis,) in eorum varietate & complexu, diuersas affectiones, & ordines ad isthæc inferiora: vnde, vt hæc posteris innotescerent, ea in certas imagines coadunarunt, ijsque nomina

mina apposuerunt, quæ, quid proprij, singuli Asterismi, imò & stellæ in ijs constitutæ haberent, significarent. Et aliquas signanter conspicati sunt, assicere animantia bruta, in certa specie, alia homines rationales, &c. Quare, non sine magno consilio, ijs nomina indiderunt, quæ eorum naturam, & peculiare rationes influxuum indicarent: idque nedum in Signis Zodiaci, sed & in reliquis Asterismis extrâ Zodiacum dispersitis: vnde & aliqua, procellas, & naufragia indicantia, vt Delfinum, Argonauim ad scopulum impingentem: alia prolifica, alia sterilia, alia venenata, alia quadrupedia, alia ferina, &c. alia demum rationalia, & humana, qualia sunt præter enumerata, Perseus, Andromeda, Cassiopea, Orion, &c. Videmus enim, Canicula exoriente, canes agi in rabiem; Sole in Leone existente, Leones terrestres febre corripì; Luna in Scorpio, Scorpiones effrari, & venenosiores euadere, vt factò experti sumus, & alibi enarrauimus: Præterea cùm Luna est in Signis ruminantibus, qualia sunt Ariës, Taurus, & Capricornus, frustraneas, & periculosas euadere potiones medicinales, cùm eas stomachus non recipiat, sed mox reiecit: & alia mira, quæ non nisi sæpius expertus vix credit; vt proinde in forma & nominibus, cælestibus illis luminibus attributis, cœu in hieroglyphicis Aegyptijs, arcanam eorum naturam, & quandam, vt ita dicam, affinitatem cum his, & his sub-lunarium speciebus nouisse, & sapientibus communicare voluisse, prudentes illos & primos Astronomiæ magistros, credendum sit. Sic etiam in nouis Phænomenis in Cælo apparentibus, in magnis coniunctionibus, in Eclipsibus, obseruari solet à peritis Astronomis, in quo signo celebrentur, & quibus in locis appareant; & inde non inaniter coniectantur, eorum effectus cadere potissimum in prouincias subiectas, & species animantium per eorum nomina significatas. Vnde, si Eclipses accidunt in Ariete, vel Tauro, eliciunt pestilentiam in pecudes grassaturam; si in signo humano, eo morbo genus hominum esse periclitaturum, & illos potissimum, qui terras sub tali sidere constitutas, (aut quouis modo illi subiectas) inhabitant. Quare, inter alia axiomata, quæ hac in re circumferuntur, vniuersale & certissimum est, quod tradit Ptolemæus de Eclipsibus, & nouis Phænomenis lib. 2. cap. 3. & 4. & de coniunctionibus Maleficarum lib. 2. *Apotelesm.* inquit. *Congressus Infortunarum in Signo humano, præsertim in Octaua Domo, mortalitatem & pestilentiam inducit in hominibus.* Et vtinam nos idipsum, elapsis annis experti non fuissimus! pestilentiam vniuersam penè Italiam miserè depopulante. Cuius naturalem causam communiter adscribunt Coniunctioni Saturni & Martis, in Virgine, Signo humano, celebratæ die



die 13. Septembris anni 1654. post horrendam Solis Eclipsim, quæ accidit paulò antè, mense Augusto, in Leone (signo cui subest Italia, & signanter Roma.) Quæ subsequens coniunctio Maleficarum replicata est mense Octobri, anni 1656. in eodem Signo, ob retrogradationem Saturni: quod ideò reduplicauit effectum, qui proculdubio ad homines, & certa loca dictis signis subiecta, determinabatur, vt cuentus probauit. Quamquam, vti Constitutiones istæ Cælestes sunt generales, & sæpissimè plurimæ concausæ plerumque nobis ignotæ ac disparatæ, quæ non semper eodem modo in eundem effectum concurrunt; ita particulares prædictiones de ijs fieri nequeunt absque temeritate, & periculo aberrandi à vero; vt passim videmus in ijs euenire, qui minus cauti sunt in prænuunciando de temporum qualitate, & æris mutationibus, quæ vtique frequentius accidunt, & faciliora sunt: & tamen cum omnes concurrentes causæ internosci non possint; certus, ac determinatus effectus vix vnquam colligitur. Namque, vt fassus est ipse Ptolemæus initio Centiloquij, *Soli Numine afflati prædicunt particularia.*

RAVELINVS, seù, vt vulgus communiter nominat, *Riuelinus*, 23  
in Architectura militari, dicta est Munitiuncula, seù paruum castellum in genere prætenturarum, hinc à fossa, è regione portæ Arcis extractum, quod illam protegat & occultet, & hosti aditum intercludat, aut vtcumque fossam transmeare & ad muros appropinquare conantem, incommodè continuè explosionibus, ac tormentorum ictibus; quod ideò & strenuo milite prædiario, & omni missilium genere debet esse probè munitum: quippe se solo satis est ad longam obsidionem diutius sustinendam, & interiorem Arcem inaccessam seruandam: vt ex multis historijs factum fuisse, compertum est. Aliàs Ravelinus magis communiter appellat terream molem ad extrà, inter duo propugnacula constitutam, antè Cortinam; quam Latini expressiore vocabulo, *Parmulam* dicunt, eoquod sit veluti Parma, & scutum obiectum hostili Campo, ad hostis impetum retundendum, & accessum ad fossam præpediendum: vnde & ipse est tormentis instructus, & fossa vallatus in angulum desinens, ceterà non absimilis propugnaculo. Aliqui Scriptores hanc munitiunculam confundunt cum Semiluna, ex similitudine operis, sed imperitè: quandoquidem Semiluna & forma & officio diuersa est; sistitur enim antè propugnaculum ad illud solum tegendum, habetque suas alas, atque receptus, sed caret vallo & loricula; Ravelinus autem erigitur antè Cortinam, vt diximus, in loco minùs ad se tutandum idoneo, & est infirmior quam Semiluna, quippe alis, & vallo est destitutus,

ut si quando in hostium potestatem deueniat, in eo diù firmari non possint, sed facile à propugnaculorum ictibus expellantur. Quod idcò multi militares Architecti ipsum, ut magis perniciosum quam utilem, non admittunt, eo quod difficulter seruari queat, & si semel in eo pedem fixerit hostis, poterit inibi fortificari ad damnum Cortinæ, & propugnaculorum. At istis incommodis facillè obuiari posse, demonstrat Dogen, si ambæ istæ munitiunculæ ritè, & ad mutuam respondentiam disponantur, ut altera alteri adiumento sit, & inuicem contutentur: cum cæteroqui experientia satis probarit, hæc & similia operimenta cortinæ, & propugnaculorum, magno præsidio Arci esse, & aliquando extitisse in causa, ut hostis malè multatus, obsidium solueret, ac rubore suffusus abscederet. Porro qua ratione hæc moles, Riuelini nomen acceperit, ignoramus. Fortasse à relenando, quòd cæteris operibus aliquantò promineat, & releuetur.

## R E

25 RECEPTIO apud Astronomos appellari solet in Planetis, transmissio, & commutatio dignitatum essentialium, quatenus alter vicissim in alterius dignitate sit: ut si v. g. domicilia commutauerint, aut si hic in domo alterius fuerit, ille sit in prioris exaltatione, aut trigono, &c. idq; maxime, si ambo fuerint inter se aliquo radio configurati: itaut hæc habitudo inter maximas fortitudines censetur, & aliquando plusquam si alteruter in suo proprio domicilio reperiatur: ni fortè sint naturà discordes: nam tùm Receptio ista in detrimentum vergit, & contrarijs qualitatibus, eum qui ab alio in sui iurisdictionem recipitur, imbuens; non nihil atterit eius virium.

26 RECEPTVS in re militari duplicem significationem habet. Aut enim denotat in Stabilibus Munimentis & Arcibus, internos quosdam recessus, & secundaria, ut ita dicam, perfugia, ad quæ se recipiat præfidiarius miles, post captum ab hoste propugnaculum, murum, aut aliam quamuis Munimenti partem satis considerabilem, ac munitam, ibique pedem figat: tunc etenim nulla alia salus suppetit, ac spes seruandæ Arcis, quàm in interiora confugere, ibique probè se contutando, extremum fortitudinis periculum experiri: & verò sæpè huiusmodi receptus, vel in arcto positus victis victoriam peperere, & totius loci conseruationem. Aut in transitu & in ipso prælio consideratur; & tunc appellat desistentiam ab ulteriore pugna, & Copiarum regressum ad proprias stationes, militari ordine factum, quò se recipiant, atque in tuto consistent. Id quod postea in prouerbum abiit, & promiscuè vsupatur, etiam in moralibus, ut dica-

dicamus *Receptui canere* (Italicè dicimus *Suonare la Ritirata*) quotiescumque quis, post emensa pericula, & vitam vitiorem oppressi-  
bus fractam, in mentem redit, ac se sub virtutis vexillo, in fidam-  
morum stationem colligit. A bellico tamen vsu manauit adagium  
atque à buccinatoris officio. Hinc Isidorus *lib. 3. origin. incertam*  
ac variam præliandi aleam, ab vno buccinatore, pro diuersa sonitu-  
um qualitate subeundam, scitè animaduertit. *Huius*, inquit, *soni-*  
*tus varius est: nam interdum canitur, vt bella committantur: interdum,*  
*vt insequantur eos qui fugiunt; interdum receptui.* Nam *Receptus* dici-  
tur quò se *Exercitus* recipit; unde & *signa*, canere receptui dicuntur.  
Vegetius quoque *lib. 2. cap. 22. Tubicen*, ait, ad bellum vocat mi-  
lites, & *rursus receptui canit*, & insuper *lib. 3. cap. 5. de variandis*  
signis militaribus agens, ne eadem frequenter vñtata in hostium,  
agnitionem veniant, ideoque consiliū anteuertant; docet, conti-  
nuò diuersificari debere: proindeque modò voce, modo mutis  
ostensionibus, modo tympanorum crepitu, tubæque sonitu, apud  
socios tantum intelligibili, vniuersi Ordines sciant quid facto opus  
sit in ipso prælij discrimine, quò vel integra victoria reportetur; vel  
clade accepta, reliquum sit ad Copias conseruandas. Sic enim lo-  
quitur. *Nam indubitat per hac sonis, agnoscit Exercitus, vtrum stare*  
*vel progredi, an certè regredi oporteat: vtrum longè persequi fugientes,*  
*an Receptui canere.* Et scimus desperatis in rebus, sæpè per huius-  
modi receptus, fuisse belli faciem immutatam, vt qui prælio propè  
fusi, ad receptum se colligentes, rem integram conseruarent: vti  
passim refert Liuius, Cæsar, Polybius, & ex Recentioribus nostris  
Strada, de *Bello belgico*.



RECHAMVS in Mechanicis, tractorium instrumentum est, in or-  
bem dispositum; quo fit, vt axiculo in medio constituto, orbis aut  
rota, per insertum ductarium funem agiliter volutetur, trahatque  
sursum onera, quæ aliàs duplò maiorem potentiam ad attractum  
exposcerent. *Trochleam* latinè dicimus, continuo, & vulgari vsu  
satis notam. Sed qua ratione *Rechamus* etiam dictum sit, valde  
obscurum est; neque enim quicquam ex vocis etymo expiscari po-  
test: quippe neque græca, neque latina est. Scio Rhodiginum *lib.*  
*16. cap. 29.* nomen ex græca notione *ῥαχμήν* deducere, quæ scissuram  
significat. At contortè nimis: quid enim uero scissura ad Trochle-  
am, aut Trochlea ad scissuram? Latinis quoque insolens & planè  
nouitium vocabulam est, vt obseruat Baldus, nec nisi à Vitruuio  
exorticorum verborum percupido, vsurpatum. Cæterum de Trocheæ  
artificio, & mira virtute, vide quæ dicemus, suo loco.

27

RE-

28 **RECINCTVM** in re militari genericum verbum est, & significat siue Castrorum septum, siue murorum ambitum circa aliquod munimentum, siue interiorem aliquem recessum probe munitum: unde legimus bene instructam arcem, duobus vel tribus recinctis vallatam, atque defensam, ut si primum fortè recinctum hostis cœperis, in aliud miles præfidiarius se recipiat, & se conturetur, ut paulò ante diximus. Sed iam Recincti nomine in Civilibus generaliter venit omne quodcumque septum, quod nostra concludit, & separat ab alienis: unde Recinctus juris dicitur murulus, Villam & possessionem circumambiens; Recinctus domus, in Vrbe ædificium vndique insularum; Recinctus immunitatis, in Sacris ædibus, certum spatium ad quod se extendit earum iurisdictio, & reorum immunitas; vel Chori peribolus, de quo alibi dictum: ac tandem domus Regularis, & Monasteriorum siue virorum, siue sacrarum Virginum Clausura, quæ intra certos terminos, & recinctum continetur, ultra quem pedem inferre, piaculo computatur, &c.

29 **RECTVM** absolutè vocat Euclides Elem. 1. def. 4. quidquid æqualiter inter duo puncta distenditur, ubi nihil curuum aut flexuosum interueniat. Si autem ex parte rectum, ex alia curuum sit; tunc dicitur Mixtum, & utramque naturam recti, & curui participat, de quo alibi. Hinc

30 **RECTANGVLVM** in Geometricis absolutè prolatum, semper audit parallelogrammum, quatuor laterum, & angulorum; quorum hæc omnia recta sint & æqualia; illa verò, saltem duo quæ inuicem opponuntur, sint paria, licet quæ sibi adiacent, altera alteris sint longiora. Et in hoc distinguitur à Rhomboide, quæ tam angulos, quam latera habet imparia, videlicet quæ opponuntur æqualia, quæ verò non opponuntur, diuersæ rationis: ita ut angulos semper, ac necessariò habeat duos acutos, & duos obtusos, uti & Rhombus, qui tamen per hoc dispecitur à Rhomboide, quod is omnia latera habet æqualia, ut in loco dicemus. Cæterum Rectangulum induit naturam Quadrati, (quod alioqui omnia latera æqualia habet) & ad eius rationem constituitur. Ad quam rem, assumuntur duo tantum latera se contingentia, & in rectum angulum terminantia, à quo proinde denominatur absolutè Rectangulum, & sumuntur utraque vis, nam eadem est ratio de oppositis. Ut in sequenti prima figura, in Rectangulo A. B. C. D. optimè intelligitur omnis eius ratio, si assumantur tantummodo duo latera A. B. & B. C. vel A. D. & D. C. sicque dicitur absolutè


Re-

Rectangulum A. C. vel B. D. Quinimò, si ratio vtriusque lateris angulum claudentium indagetur, & internosci oporteat, bene dicitur Rectangulum A. B. C. vel A. D. C. nam eo ipso quod nota sunt duo latera in angulum coëuntia, nota sunt etiam opposita, quæ ipsis sunt paria.

Horum autem cognitio plurimum valet ad quadratorum, Rhomborum, Rhomboidarum, aliarumque geometricarum figurarum dimensionem, atque vnus in alteram conuersionem, vt pro exemplo. Si velis suprà quoduis rectangulum erigere Quadratum, quod ei sint omninò æquale, seu æqualis capacitatis, & econtrà; sic operare, vt vides expressum in tertia figura. Iunge simul duo latera dati rectanguli A. B. C. in vnā rectā lineam, quæ à C. extendatur in F. Tum hæc linea secetur bifariam in puncto G. & constituto ibi centro, ducatur semicirculus occultus intervallo C. G. vel G. F. Quo facto, prolongetur latus B. E. perpendiculariter vsque ad periferiam arcus, & habebis quadratum, seu vnum latus quadrati, quod æquiualeat omnibus, & constituet Quadratum B. H., vel D. I. æquale rectangulo A. B. vel C. E. Res est clarissima.

Simili modo, si Rectangulum, aut Quadratum in Triangulum tranferre volueris, fac vt in secunda figura. Duc Diagonalem ab vtrouis angulorum ad alterum oppositum, quæ diuidat rectangulum, vel quadratum, in duo æqualia triangula. Deinde conuerte vnum ex his triangulis ad partem oppositam, itaut duo anguli eorum recti conueniant, & adunentur in vnā basim trianguli, & habebis intentum: vt vides.

31



Hæc autem conuenientia, ac proportio, & æqualitas constantissima, quæ intercedit inter triangula, & rectangula, seu parallelogram-

32

gramma, v<sup>t</sup> quorum vna fuerit altitudo, ( quæ nihil aliud est, quam perpendicularis cadentis à peripheria circuli, seu à vertice trianguli ad basim ) eadem sit ratio mensuræ reliquorum laterum siue Trianguli, siue rectanguli, magis expressa est in sequenti figura, vbi constitutum sit Triangulum Scalenum A. B. C. volo illud transferre, in rectangulum B. H. Primò igitur ducò perpendicularem A. L. à vertice trianguli A. ad Basim C. L. B. Deinde hæc perpendicularis diuidatur bifariam in puncto D. è quo ducatur E. D. H. parallela basi: Postea ex punctis B. C. angularibus basis trianguli, erigantur parallelæ lineæ perpendiculari A. L. quæ terminent in punctis E. H. itaut æquales sint D. L. Dico quod rectangulum, seu parallelogrammum E. D. C. seu H. C. B. sit æquale triangulo A. B. C. & e contra. Nam E. B. & C. H. sunt parallelæ perpendiculari A. L. vt ex hypothesi, quæ ad punctum L. facit vtrinque angulos rectos. Igitur anguli E. H. B. C. erunt & ipsi recti, ex 29. Primi Euclid. Rursus, quod parallelogrammum H. B. sit æquale triangulo A. B. C. sic ostenditur. Quia perpendicularis A. L. medium secatur àb H. E. parallela basi, in D. consequenter erunt diuisa in æquas partes duò latera trianguli A. B. & A. C. in punctis G. & K. & sic duo triangula sub alterna A. D. G. & G. H. C. erunt æqualia, æquiangula, & æquilatera: quod idem videre est in triangulis obuersis A. K. D. & E. K. B. Erit igitur Rectangulum C. E. æquale triangulo A. B. C. Quod erat demonstrandum. Vnde meritò Rectangulum, vniuersæ Matheseos Magistrum, ac Directorem, appellauit Tycho in Progymnasmatibus.

33



Id ipsum poteris in Rombo, & Rhomboide, ( sicque in alijs quibuscumque geometricis figuris reductis ad triangula, experiri ) Nam, si secto per Diagonalem vtroque, applicabis vnâ diuisionis partem, vni lateri, habebis rhombum conuersum in æqualem Rhomboidem. Si ex alia parte applies altera crura simul, quæ sint æqualia, habebis triangulum Acidoidem seu quadrilaterum ( qualis est cuspis sagittæ ) ex omnibus angulis acutis; & si hoc item medium scindatur à perpendiculari ducta à vertice trianguli ad mediû, basis scissæ & conuenientis in angulum externum subiectum vertici, ( quod iam erat in ipsa scissura Rhombi, vel Rhomboides, per diagonalem in duo triangula ) habebis duo triangula æquicuria, quorum verticalis angulus sit obtusus, reliqui duo æquales, & acuti, & sic de reliquis. Itaque omnes figuras geometricas, omnia corpora tam regularia, quam irregularia, in alia quauis æqualis ambitus prout libuerit, conuertere poteris, vel alia maiora, vel minora, proportionaliter effor-



formare, vt aliàs diximus de angulorum proportione in V. *Angulus*. Hoc enim uerò probè scire, & præ manibus habere, magni interest omnibus Architectis, fabris, quadrataris, hortorum cultoribus &c. ad disponendas aréas, ac dimetiendas partes, vt sibi apprimè respondeant, & nihil superfluum sit, nil etiam deficiat ad opus definiendum, ac rite complendum. Similiter

RECTILINEVM præcisè dicitur, quod abstrahit à qualitate angulorum, & comprehendit omnes figuras, siue regulares, siue irregulares, quæ utcumque rectis lineis terminantur, vt habes ex Euclide, definit. 9. & 19.

REDUCTVS in remilitari dicuntur Campestria quædam Castella 34  
in Castris, ac præcipuè in Linea circumuallationis excitata, ad terminos accessuum obsidionalium, qui obliquè ducuntur, vt declinent obsessorum ictus; in quibus ubi conuertere pedem conuenit, aliamque viam propiorem obsessæ Vrbi, inire, idcirco oportet inibi huiusmodi reductus figere; vt si quando præsidarij Arcis irrumpant ad opera inturbanda, habeant milites obsidentes, & talium accessuum fossiores, locum munitum, quò se recipiant, ac defendant: cuiusmodi sunt eiusmodi Reductus. Qui proinde è terra aggestitia componuntur, formà semper quadratà, & tam lata, vt capax sit vnusquisque ducentorum ad minus militum sclopetariorum, qui sese sub lorica circumducta tegant, & fossionum ductus, sub quibus operarij occultantur, valeant contutari. Optima autem eiusmodi Reductuum positio videtur esse, & ab expertis rerum æstimatoribus traditur, qua ita ordinatur, vt vtrumque duorum accessuum latus respiciant, & quantum sclopi ictus protenditur, stringant: vt videre est in Figura Accessus obsidionalis, quam suo loco exhibuimus.

REFLEXIO, ex etymo nominis, generaliter est rei alicuius in, 35  
directum tendentis, in contrarium flexus, & incuruatio. Naturalibus autem audit actio, vel qualitas immissa in passum; quæ, cum valida sit, & illud obsistat, in eo minimè hæret, sed auctis viribus maiori nisu reuertitur vnde prodierat, passo contranitante robur suppeditante; id quod apertè videmus in lusu pilæ ad terram, vel ad murum potenter adfligæ, & ab eo potentiùs repercussæ. Sed in Opticis maximè, & è corpore luminoso procedentibus radijs, id locus habet, & reflexio ad lucis immissæ repercussionum translata, & coarctata est. Sic radius immissus à Sole, & in Lunam atque alia sidera terminans, quodammodò duplicatur, & redit viuidior, & potentior, quàm cum

exierat. Idipsum videmus in speculo, ubi lumen immissum, intenditur ac remittitur. Quod equidem magnum est Naturæ arcanum ac prodigium; ut quod agens naturales ac totas vires suas exserens, directè assequi non est potis, hoc ad ictum oculi passum perficiat, de suo nihil addens, sed solum obstitat actioni ad se directæ. Quandoquidem corpus opacum ad quod terminat, & reflectitur radius luminosus, in se nil habet lucis, quò possit illum intendere, ac remittere in medium interpositum: Speculum enim vltorium ex. gr. in se nec formaliter, nec virtualiter continet ignem; qui tamen statim accenditur ad reflexionem solarium radiorum ad materiam aliquam vstibilem terminantium, cum aliàs iidem directi ad eandem materiam terminantes: flammam nusquam eliciant. Sed genuina causa huius arcani videtur esse ipse effectus quasi conduplicatus, quatenus ità sistit in termino, ut inde repulsus possit alium consimilem reproducere; at quorsum viuidiorem, & nobiliorem, planè non video. Caterùm ex reflexione solarium radiorum habemus, quod tot sideribus Cælum durescat, & exornetur: quòd tot diuersis qualitatibus imbuantur, quod tam varios influxus immittant, quibus tot rerum species educuntur, coalescunt, conseruantur, & corrumpuntur; quos natura ipsa miratur, ac de penu suo nobis ad fruendum, ad contemplandum, minimè verò ad intelligendum porrigit. Quare cū reflexionis potentia arcanæ non minùs suprà nostrum caput, quam extrà institutum sint, libenter silentio veneramur. Sed si quid per summa labia delibare Lector aueat, videre poterit apud Vitellionem lib. 10. & Kircherum in *Arte Magna Lucis, & Umbræ*.

36 REFRACTIONIS nomine venit inter Astronomos, & Perspecti-  
 uos, diuersitas illa aspectuum, & aberratio visus, quæ non solum magna ex parte, in siderum contemplatione nobis accidit; verum, etiam in quibuscumque corporibus visibilibus vsuuenit, quotiescumque ea de longe posita, per instrumenta optica, aut per interpositum aliud corpus diaphanum intuemur, nam eo ipso ac per medium aliquod diaphanum sed crassum, transeunt visuales radij vel species obiectorum, tendentes ad potentiam visuam, mox alterantur, infringuntur, & representant rem aliter, ac reuerà est. Patet id manifestè in speculis illis, aut specillis oculatibus concauis, & conuexis, quæ ratione densitatis, aut raritatis, alterant suprà modum species transeuntes per illa, proindeque reddunt disforme, sibi que dissimile. Id etiam videre est, non modò in aqua stagnante, sed & in ipso aëre longè perspicuiore, & subtiliore; qui tamen circà horizontem ob  
 insur-

insurgentes vapores quibus offunditur, fit crassior in tota regione Atmosphæræ; proindeque dat videri sidera grandiora, & elatiora, quàm reuerà sint, & quandoque etiam existere supra terram; cùm aliàs ex calculo Astronomico constet, illa adhuc latere sub terra.

Hinc nil mirum, si sæpenumero in Pleniluniò quod accidit circa cardines Orientis, & Occidentis, ambo Luminaria videantur supra terram, cùm necessario alterum supra, alterum infra consistere debeat, quando ex diametro se respiciunt: sed id accidit ex crassitie Atmosphæræ, quo facit eorum species sursum ascendere & eleuari. Exemplum huius fallacis apparentiæ habemus in nummo existente in fundo vasis alti orificij; qui cùm à constituto ad eius latus conspici minimè queat; si tamen aqua aut aliquis liquor crassior infundatur, itaut pertingat ad os vasis; statim ex eodem latere fit conspicuus, ob refractionem specierum per tale medium transeuntium.

Poriò refractionum eiusmodi causa est, partim visus obliquitas, partim interiecti corporis crassities, quod quò crassius est, eò maiores facit refractiones. Et ideo stellæ in decliuore situ, & in Atmosphæra, magnis refractionibus sunt obnoxie: Econtrà circa lineam meridianam, vtpote in situ eleuatiore, & aëre à vaporibus defæctiore, nullam aut sanè leuem patiuntur specierum alterationem. Quapropter, pro maiori aut minori medij quod interponitur, alteratione, magis aut minus species alterantur, variæque semper accidunt siderum apparentiæ: & ideò difficile admodum est, eorum situs, ac distel quantitatem tenere. Id quod magnum negotium facessit olim Tycho, in ijs obseruandis. Qui proinde post longam experientiam & repetitos actus, Refractionum Tabulas construxit: & Solis quidem, vsque ad altitudinem grad. 45. Fixarum verò, & aliarum quinque Erraticarum, ad grad. 20. Quæ tamen deseruiunt pro locis Septentrionalibus: nam pro alijs in quibus Polus minus atollitur, & maximè sub Aequatore, tùm ratione purioris aëris, tùm ob maiorem refectionem incidentiæ radiorum, longè minores accidunt refractiones. Quarum notitia valde necessària est ad venandas Luminarium Eclipses, vt verum tempus incidentiæ, magnitudo, duratio, ac veræ, ab apparentibus discernantur. Quæ de re fusè egit ipse Tycho in Progymnasmatibus; & post ipsum practicè egerunt Keplerus, Maginus, & Argolus, in Tabulis secundorum Mobilium.

REFRAENATIO, teste Abraham Auenarce, est species quædam debilitatis, ac deteriorationis in Planetis, quando aliàs viribus acti, mox ex aliquo accidente impediuntur, remorantur in cursu, aut retrogradi fiunt. Id quod euenit illis, cùm motu suo proprio

in Zodiaco, properant aut vicini sunt radio alterius 'Planeta amici ; & eiusdem naturæ consortis ; verùm antequam id assequatur , venit alius ponderosior , & se interponit , vel etiam ipse ex se fit retrogradus : quò fit vt illi ponatur obex , atque vt ita dicam , frænum , & compedes , qui illum detineant , ne accrementum illud obineat . *Alfazim* , Arabes hanc deteriorationem vocant , quod lingua nostra sonat frustrationem , quia perinde est , ac si sine suo frustretur . Et quidem in Beneficis ea mala est ; in Maleficis cedit tandem in bonum ; quia malum , quod alijs præsentia sua aut radio inferre moliebantur , auertit , & effectû vacuos ire facit . Alij aliter rem explicant , cui dant nonien prohibitionis , destructiones , & abscissionis luminis . Vnde Carellus in prologomenis ad Ephemeridas ; *Prohibitio* , ait , accipitur ex parte respectus ; hoc est , quando sint duo Planeta in vno signo , & lenior iungitur ponderosiori , & alter planeta iungatur eidem ponderoso per aspectum . Ille ergò , qui fuit in vno signo cum eo , prohibet aspicientem , & destruit coniunctionem eius , si gradus eorum fuerint æquales : Si verbò fuerint gradus aspicientis propinquiores coniunctioni , quam gradus illius , qui ei coniungitur ; erit coniunctio aspicientis : quia iungitur illi ante coniunctionem alterius . Hucusque Carellus . Vide quæ aliàs diximus in V.V. *Frustratio* , & *Abscissio Luminis* .

40


**REGIAE STELLAE** agnominantur ab Astronomis aliquot Fixæ insigniores mîtæ virtutis , & efficacix , quæ etiam aut magnitudine , aut scintillatione sunt clariores . Tales sunt , *Aldebaran* , seu *Oculus Tauri* Austrinus , *Palilitium* latine dictum : *Regulus* , siue *Cor Leonis* : *Spica Virginis* *Azimech* : *Lucida Lancis Australis* : *Antares* , seu *Cor Scorpij* : *Hercules* , seu *Pollux* , quæ videlicet fulget in capite alterius Geminorum , arabicè *Abrachaleus* : & extrà Zodiacum *V'ega* , seu *Brinek* , quæ est *Lucida in medio Lyræ* . Hæ nimirum , in *Genethliacis* ( aiunt Astrologi ) in Ascendente , aut Medio Cæli reptæ cum Sole , aut Ioue , disponunt ad Regiam dignitatem , aut pro capacitate subiecti , dant authoritatem super alios . Porro nedum singulares stellæ , sed & totum aliquod Astrum plures complectens , quin & ipsa signa Zodiaci vocantur ab aliquibus Regia : vt puta *Capricornus* , & vtrique *Corona* , *Borealis* , & *Australis* . De qua re fusè Iunctinus , & *Argolus in Pandosio Sphærico* .

41


**REGIO** propriè signat in Geographia partem aliquam , seu integram Prouinciã per se stantem , respectu totius terrarum Orbis , quæ sit ab alijs , certis limitibus separata , vel sub vnus Domini aut Rectoris imperio constituta : à *regendo* , siue ab Regis nomine cui subic-

biecta specialiter est, mutuato vocabulo. Vnde Cicero in Orati-  
 pro Sextio. *Qua Regio, inquit, Oraue terrarum erat latior, in qua  
 non Regnum aliquod flaueretur?* Cæterum Regionis notio analoga  
 est; & aliquando in ampliori sensu, aliquando strictius vsurpatur:  
 semper tamen accipitur relatiue, pro aliqua diuisionis parte, quæ in  
 totum cum alijs coalescat ad faciendum vnum. Quo sensu Meteorolo-  
 gi, Aëris expansum, quod intercipitur inter Cælum Aethereum,  
 & Orbem terraqueum, in tres partes (quas regiones appellant)  
 dissecunt: & Geographi ipsi quatuor mundi plagas, vnde  
 venti Cardinales exsufflant, Regiones vniuersaliter nominant.  
 Quod ideo Regiones Meridionales vocant, quæ vergunt ad Austrum;  
 Septentrionales, quæ ad Boream; Orientales, quæ Ortum æquino-  
 ctialem respiciunt; Occidentales, quæ positæ sunt versus Occasum:  
 sicque Indias Orientales absolute dicunt vastissimas Asiae regiones,  
 quia ijs præ cæteris citius oritur Sol. Occidentales, quæ spectant ad  
 nouum detectum Orbem, ad quem, Occidentem versus, duobus ab  
 hinc sæculis, magnâ cum Veteris gloria & incremento, adornata  
 fuit nauigatio à Christophoro Colombo Genuensi, sub auspicijs Re-  
 gis Catholici. Sed & in eadem Provincia, aut Regno in partes tri-  
 buto, quæ certis limitibus ac terminis ab inuicem segregantur, siue  
 ea magna sit, siue exigua; partes ipsæ, Regiones dicuntur. *Quin-*  
 & in ipsa Vrbe Roma facta iam ampliore, & totius Orbis capite, *42*  
 ad huius normam, Regiones quatuor constitutæ ab initio sunt, vt au-  
 ctor est Liuius, quarum Prima suburbana appellatur; secunda Ex-  
 quilina; Collina Tertia; quarta Palatina. Postmodum Augustus  
 Urbem iam in duplum dilatatam, in quatuordecim Regiones diuisit,  
 narrante Suetonio in *Augusto*, vbi dicit: *Spatium Urbis in Regiones  
 quatuordecim; vicosque supra mille diuisit.* Et Plinius lib. 30. cap. 50.  
 de Vrbe Roma differens, *Ipsa, ait, diuiditur in quatuordecim Regio-  
 nes: Quarum fines, extensionem, & nomina constituere publica  
 autoritate, Sextus Rufus, ac Publius Victor, Consulares viri, ad finem  
 assignandi terminos iurisdictionis Præfectorum, qui singulis  
 ad ius dicendum, dirimendas, componendasue lites, præfiebantur.  
 Quos Vigilium Præfectos nuncupat Paulus Iuris Consultus in l. 3. ff.  
 de Offic. Præfelli Vigilum: affirmans; Septem Cohortes opportunis lo-  
 cis constitutas, vt binas regiones Urbis, unaqueque Cohors tueretur, præ-  
 positis Tribunis, & super omnes, spectabili viro præposito, qui Præfessus  
 Virgilium appellatur.* Simili modo in Primitiua Ecclesia ad Chri-  
 stianam rem propagandam, à B. Clemente Papa, legimus, singu-  
 las regiones (quæ tunc septem tantum in Vrbe erant) septem No-  
 tarijs assignatas fuisse; qui passionem Martyrum, & res ab ijs gestas di-  
 ligen-

*igentissimè conquestas*, litteris mandarent Manet etiammùm in Vrbe, Roma, hæc Ciuitatis in quatuordecim regiones ( Riones vulgus nominat ) distributio; quæ tamen & situ, & amplitudine, & nomenclatura, diuersæ sunt ab antiquis. Qua de re vide Ciacconum, & Farnianum Nardinum, in libro, cui Titulum præfixit. *Antiqua Roma.*

- 43 REGIMENTVM in re militari (iam communi, Italorum, Germanorum, Gallorum, atque Hispanorũ vocabulo), dicitur certus quidã bellatorum numerus, ex diuersis Centurijs sub vno eodemque signo ac Duce merentiũ, collectus; quod vt plurimũ ex eadem Natione aut Prouincia adunatur: itaut totus Exercitus partitus sit, & constet pluribus Regimentis per se stantibus, quorum singula dimicant sub suo quæquæ Duce, quem Latini *Cbiliarcham* nominant, Militares viri *Colonnellum*; cuius est suum Regimentum regere, militum dilectus facere, ac prout requirit status præsentis belli, & supremi Imperatoris imperium, huc atque illuc, ad hanc vel illam expeditionem amandare. Nec tamen apud alios scriptores Latinos ac bonæ notæ, nouum & insolens verbum est, quod non quandoque, vt se conforment communi vsui, & modo loquendi militarium virorum, adhibeatur, vt patet ex Ammiano lib. 28. & alibi passim, & apud Iuriconsultos videre est in *Cod. Arcady, ff. de Offic. Præfecti Prætorij*.
-  Nostros frequentiore vocabulo, cum Hispanis appellant *Terzo*. Et videtur in omnibus respondere veterum Legionibus, quæ singulæ constabantur ex decem Cohortibus; singulæ autem Cohortes constabant ex quingentis, & quinquagintaquinque pedibus, equitibus verò, sex & sexaginta, excepta prima, quæ Aquilam pro signo præferbat, & erat hæc totius Legionis caput, quæ & numero & dignitate militum, cæteris anteibat, commune totius Exercitus vexillum ferebat, & viam reliquis Copijs parabat. Itaut tota Legio numeraret quinque millia, & septingentos pedites, ac nongentos ferè equites, vt habet Vegetius lib. 2. cap. 6. Atqui id ipsum plũs minũs videre est hodie in numero bellatorum, & cohortium, quæ iustum Regimentum integrant, dispersitum in decem Centurias quas *Compagnias* vulgus appellat, totidemque Equitum Turmas, quas dicunt *squadras*, sub suis peculiaribus Ducibus, seu Capitaneis Sic Martinus Bellaius nobilis Historicus Gallus, lib. 4. refert, ad Romanorum morem institutas fuisse in Gallia Legiones, quas ait, à suis, vt à Nostreis, Regimenta vocari. Vt propterea nil mirum, si cultiores nostræ ætatis Scriptores Legionis antiquo nomine vtuntur, quando Regimentum volunt intelligi.



REGVLA, simplex ac notissimum Geometrarum, Mechanicorum  
Architectorum, Fabrorum, in suis geometricis, fabrilibusque diri- 44  
gendis operibus, instrumentum; quo sine, nihil inchoare audent, nil  
persequi, nihil ad perfectionem perducere: à regendo dicta, eoquod  
ipsa sit operum directrix, ipsa manum regat, atque animum ope-  
rantis de rata rerum directione certihcet; alias Norma, Canon,  
Euthygrammus, Gnomon, &c. quibus sæpè vocabulis, Vitruuius  
vitur ad idem significandum. Quamquam renerà diversa hæc no-  
mina, aliudquid suprà simplicem regulam denotant, vt suis in locis  
insinuauimus; simplex autem regula ex se præcisè nil aliud dicit,  
quam rectæ lineæ directionem, atque efformationem, vti Circinus  
directionem circularis & curuæ. Vnde duo hæc instrumenta prima  
elementa sunt, ac duo veluti poli, suprà quos omnis artificum labor,  
inmò & Geometria ipsa omnium artium mater, & directrix versa-  
tur. Hiuc ad huius materialis regulæ similitudinem, atque analo-  
giam, tam in physicis, quam in Moralibus, omnium agibilium præ-  
cepta, instituta, leges, & documenta, vniuersè Regula audiunt,   
quoniàm ad id tendunt, vt manum, mentem, animum dirigant,  
nec faciant à recto veritatis, rationis, & æquitatis tramite aberrare.  
Quod ideò Tullius in 2.2. Academicis ait; *Hanc esse regulam totius  
Philosophiæ; constitutionem veri & falsi, cogniti, & incogniti.* Et in  
præceptis morum, quæ dedit ad Marcum filium, Officior. lib. 3.  
*Vnam omnium regulam (inquit,) quam tibi cupio esse notissimam, aut  
illud quod videtur utile, turpe ne sit; aut, si turpe est, ne esse utile vi-  
deatur.* Nihilominus tamen à Mathematicis Regula semper accipi-  
tur in primæuo, & genuino sensu, pro materiali, & certa quantita-  
tum mensura. Et primo quidem in concreto sumpta

REGVLAE in Architectura denotant membra quædam, & proie- 45  
cturas quæ sunt in opere architectonico, ad similitudinem regula-  
rum: vt in Epistylijs, columnarum capitellis, & basibus, quædam  
prominentiæ in rectum & planum ductæ, siue, ad firmitudinem, siue  
ad purum ornatum, communiter regulæ, & reguli appellantur,  
vulgò *Lifelli*. Sic partes illæ, quæ in Columnæ Ionicæ, aut Corin-  
chiæ basi, hincinde ad Scotiam apponuntur ad illam obfirmandam,  
quarum vna plincho insidet, altera subternitur thorulo, ne pressio-  
ne labefacteretur; peculiari nota, regulæ nuncupantur. Sic in Epi-  
stylio, quæ interponuntur inter lysim & Echinum, & rursus inter  
Echinum, & Zophorum, ac tandem Teniæ quæ supponuntur duæ  
vel ternæ, ac per totam trabeationem excurrunt, regulæ audiunt.  
Qua de re, vide Philandrum in Digress. ad cap. 2. lib. 3. Vitruuij.  
RE-

- 46 REGVLA etiam in Arithmetiis multipliciter & frequentissime vsurpatur pro certa numerorum connexionione & consensu, ex quo aliquid ignotum elicitur . & primo

REGVLA AVREA per excellentiam nominatur, quæ vulgò audit *Regula trium* : qua videlicet, datis tribus numeris notis, quartus ignotus, ex ratione proportionum illis respondens illicò innotescit : quin etiam, ea mediante, omnis cuiusvis quantitatis tum discretæ tum continuæ habitudo ad alteram, respondentia totius ad partes, partiumque ad totum, atque adeo omnis proportionum ratio, per duplicem operationem arithmeticam, facillimè habetur, & ocissimè absolvitur . Quare meritò *Aurea* appellata est; namque plus auro valet: & non Arithmetiis modo, Geometris, Architectis, Agrimenforibus, Polemicis, &c. necessaria est; sed & vniuerso hominum generi, in commercijs ineundis; ac nulli penè contractus, & æquæ distributiones pro rata cuiusque parte, sine ea peragi, ac tractari queunt . Ita igitur res se habet .

- 47 Disponantur per ordinem quicumque tres numeri noti, è quibus partem proportionalem eruere volumus: itaut tertius, cui annexa est questio, & qui dare debet quartum ignotum, assimiletur primo, & habeat eam proportionem ad quartum, quam habet primus ad secundum . Tum ex multiplicatione secundi in tertium, aut econtrà (quod in idem recidit) quod prouenit, diuidatur per Primum; ac sic in quotiente habebitur quartus numerus primum ignotus, & apparebit illa eadem similitudo, & proportio inter ipsum & tertium, quæ erat inter secundum & primum . Namque vt habetur ex 19. Septimi, quotiescumque quatuor numeri inter se proportionales fuerint, ille qui ex medijs generatur, æqualis est ei, qui ex extremis conficitur . Vt, exempli gratia, ita se habet 12. ad 18. vt 6. ad 9. Numerus genitus ex medijs 18. & 6. nempe 108. æqualis est numero, qui producitur ab extremis 12. & 9. in se ductis, similiter 108. quod ideo habemus eundem numerum, per consurgeret ex multiplicatione mutua extremorum, per multiplicationem mutua mediorum; quia numerus 108. productus toties continet numerum 18. quot vnitates sunt in 6. & num. 12. toties numeratus, quot vnitates continet num. 9. numerum eundem efformat, & diuisus per alterutrum, in diuiso dat numerum quotientem .

- 48 Solet etiam hæc regula practicari ordine inuerso; si nimirum conferatur primus cum 3. & 2. cum 4. vt tantundem quotiens quartus, sit minor 2. quantum 3. est maior primo, & econtrà: & tunc eadem  
via

via sed ordine retrogrado incedendū est, vt nempe Primū multiplicetur per Secundū & productū diuidatur per tertium. Similiter eadem regula practicatur compositē, quod aliud non inuoluit, quā gemina, aut vtcumque multiplici operatione procedere, cum res absolui nequit per vnican, eoquod proponuntur plūs quam tres numeri ad alium inuestigandum; quōd itā fieri debet, vt semper tres sumantur vt principales, cæteri vt accessorij. Ab exemplis in vtroque casu adducendis abstinco, ne longior æquo sim. Videri tamen possunt apud Clauium in *Arithm. pract.* & nostrum Guarinum tract. 13. par. 2. qui fusē ac dilucide rem pertractant.

REGVLA FALSI est item in Arithmetica mirabilis quædam via 49  
tenendi certam, & quæsitam numerorum deductionem, ex incertis & vagis pro libito assumptis. Non quōd ea falsa sit, aut falsū doceat; sed quōd ex falso iam cognitō, ad agnitionem veri nos ducat, & error subleuiat veritati: quatenus, facta aliqua positione, & ea falsa comperta, ex errore sumitur regula, latentem veritatem internoscendi. Eā potissimū vtuntur Algebrici in suis operationibus, & in mirabili illa numerorum connexionē, comparatione ad inuicem, & necessaria correspondentiā, quā non temerē, nec falsō pronunciant; *Nullum esse Theorema, quod non faciliē queat per Algebram demonstrari: nullum Problema, quod non illicōd solui.* Hæc autem ita practicari solet. Proposito aliquo Theoremate, quod per numeros demonstrari debeat, sed eorum radix, & progressio ignoratur; assumitur ad libitum quicuis alius numerus inconnexus, & vagus, qui proinde ex se præcisē ineptus est ad veritatem exhauriendam: nihilominus tamen, quia putatur posse aliquatenus conducere ad intentum habendum; tandiū circā illum volutamur, eius passionēs & habitudinem cum alijs numeris, per summa, per ima, quaquāuersum discrutinando, donec tandem quod quærimus teneamus. Hæc porrō est in duplici differentiā: Vna, quæ vocatur *simplicis positionis*; estque cū eligitur vnus tantummodo numerus, seu summa, quæ rationabiliter creditur posse quæstioni propositæ satisfacere, ac defecto cadat in rem. Altera dicitur *Duplicis positionis*, in qua nimirū necesse sit duplicem numerum ad opus assumere, quoniam vnicus non satis est, sed oportet cum alio conferre, & ex eorum differentiā, quid proposito comperat per proportionum regulam indagare. Vtriusque positionis exempla ad satietatem affert Clauius in *Arithmetica practica cap. 22. & 23.* Nos vnum aut alterum: vt suo ductu, lectori præfulgeat ad alia, suo Marte, fingenda.

Sit pro prima: Quidam mercatores dederunt in societatem lu- 50

eri certam pecuniæ summam, cuius modò haud reminiscuntur; sed lucrum inde obueniens consideratum cum Capitali, creuit in triplum eius: iterum hæc summa nouæ negotiationi exposita, lucrum reportauit, quod exæquauit quintuplum pecuniæ secundò expositæ: tandem hæc eadem tertio negotiationi data, fructificauit in quadruplum: & conuenientes pro summa diuidenda & sua quisque parte accipienda, inuenerunt lucrum vnà cum pecunia quam primò singuli protulerunt, ascendisse ad 40000. aureos. Quæritur quantum quisque pecuniæ ad primam negotiationem contulerit?

Vt quæstio, facilè, & per ordinem resoluator, oportet aduertere, quod quantitas pecuniæ expositæ & ignoratæ, multiplicari debet ex hypothesi per tria, & inde producta duci in quinque, ac demùm hæc summa multiplicata per quatuor, ascendat ad 40000. aureos. Igitur pro solutione diuinemus, ac ponamus, primum numerum, esse 10. qui ductus in 3. crescat ad 30. & hic iterum ductus in 5. faciat 150. quæ quater ducta coalescant in 600. Non igitur ad verum collimauimus, sed longè ab eo defleximus; & error fuit in totis 39400. qui deficiunt à proposita summa. Sed tamen errore hoc vtamur ad expiscandum verum: & per Regulam auream dicamus sic. Si ex calculo factio inuenimus 600. prouenisse ex 10. quamquam falsò, & per errorem assumptis; propositus ex hypothesi numerus ex quo verè proueniet? & inueniemus in quotiente, penuniam primò viritim expositam fuisse 666. cū duabus tertijs. Nam si hic numerus multiplicetur per 3. fient 2000. pro Capitali, & lucro primæ negotiationis: Si rursus 2000. ducamus in 5. prouenient, 10000. ex secunda negotiatione. Deniq; 10000. quater ducta, dabunt totam pecuniam coaceruatam, 40000. Quod erat demonstrandum.

51

At Regula *Duplicis positionis*, est quidem aliquantò operosior, sed multò præcedente amplior & securior: quippe totum quod illa obtinere valet, & ipsa faciliùs assequetur, & insuper quod ista non valet extrahere ex vna falsa positione, mox hæc ocius extrahit per duos assumptos errores. Id quod sic explico. Sit quiuis numerus, siue parvus siue magnus, assumptus ad opus, qui credatur posse ad resolutionem quæstionis conducere; si quidem ille examinatus quæstioni faciat satis, peracta res est. At si fallat, signum est quod error fuerit in positione. Quare noceatur seorsim, in quo productum à vero deficiat, aut superabundet. Tunc assumatur aliquis alius numerus, siue maior, siue minor priùs assumpto (quod vterque æquè facit ad rem: ) tunc si nec ipse verum tenebit, videndum in quo ille aberrauerit à veritate: & si quidem vterque error eiusdem rationis fuerit, siue per defectum, siue per excessum, tunc isti errores confe-

ran-

rantur ad inuicem, vt habeatur differentia, quæ postea subibit officium Diuisoris: similiter numerus primò positus, & inuentus à vero deficere, multiplicetur per secundum errorem, ac secundo positus multiplicetur per primum errorem (id quod claritatis gratia fieri solet per talem dispositionem prædictorum numerorum in quatuor angulos, qui sibi diagonaliter corresponsdeant, positis in capite numeris assumptis, ac fallantibus, nempe primo errore à dextris, secundo à sinistris, ac subtus, vniuscuiusque differentiam à vero, ac constituto in medio diuifore) & quod productum ex vtrisque est, conferatur sinul, ac differentia, per habitum iam diuiforem diuidatur: nam, facta diuisione, in quotiente apparebit terminus, qui quæstioni propositæ satisfaciæ.

Si verò errores fuerint in diuerso genere; itaut prima positio peccauerit per defectum, secunda per excessum, aut econtrà; in isto casu 52 eodem modo procedendum est, sed contrario ritu, & quidem expeditiore: nam tunc vtraque positio per suos errores est multiplicanda amboque producta in vnam summam colligenda; similiter errores simul sunt vniendi, vt habeatur Diuisor, qui præfatam summam, partiari debeat; procedendo in reliquis beneficio aureæ regulæ: nam in quotiente apparebit numerus quæsitus. Ab exemplis, breuitatis gratia abstinco, quæ tamen & in omni errorum genere, videri poterunt apud citatum Clauium.

REGVLA PIGRI, sic dicta pariter in Arithmetica, quòd pigris 53 manet, & pro ijs inuenta est, quæ credatur communem, & vsitatam multiplicationis perficiendi viam, compendio continere, tardiosumque calculandi laborē magna ex parte leuare. Sed vereor ædepol ne pigritantes obruat; ac dum, declinādī laboris iniecta spe, tyronē allicit ad se sequendū, ipsum in praxi plurimū defatiget; parū vtili ac superuacanea alterius numeri, ad id assequendum, assumptione. Ea autem sic se habet. Scribatur ab vno latere vterque numerus & multiplicandus, & is per quem ille multiplicandus venit, (vt aliās fieri assolet,) vnus subtus alium; deinde ad aliud respondens ē directo latus, eodem modo residuum illorum ad certam summam, 10. 15. 20. 100. &c. Tum volunt in multiplicationem adornari per hæc residua, vnum ducendo in aliud: ac postea summæ constatæ adiiciendos vtrosque illo priores numeros in vnum collectos; nam ex tota summa (si primam figuram à dextris rescindas, tamquam exuberantem, & superfluam) quod remanet dabit multiplicationem iam factam. Et hæc est tota Theoria Regulæ Pigræ. Quæ in numeris singularibus, seu vnica figura contentis vsque ad 10., ita expandi solet, vt in sequenti tabella.

2. 8.	3. 7.	4. 6.	7. 3.	6. 4.	7. 3.	8. 2.
4. 6.	5. 5.	7. 3.	6. 4.	8. 2.	9. 1.	9. 1.
1. 1.08.	1. 1.15.	1. 1.28.	1. 1.42.	1. 1.48.	1. 1.63.	1. 1.72.

Sic in primo exemplo, residuum ad 10. est 2. producendo in 4. est 8. residuum multiplicatoris 4. est 6. ambo constituenda è directio ipsorum ad latus sinistrum, hæc residua in se ducta faciunt 48. pono igitur 8. subtrus, & mente retineo 4. Rursus 2. iuncti ad 4. faciunt 6. quibus addo 4. mente retentos, & faciunt 10. hoc est 100. si huic adijciatur 8. à sinistris prius exarato, omnes simul faciunt 108. Re- scissa ergò prima figura à dextris, quæ ad rem non facit, & denotat centenarium; remanet multiplicatio facta 2. per 4. in octo; & sic de reliquis. Vides, quanto circuitu, res quæ breui perficienda æsti-

54 mabatur, expedienda sit? At enim absque tanto labore, expediti-  
us multiplicationem factam habeo per ipsam directam assumptio-  
nem numerorum, qui veniunt multiplicandi, vni per alios, id ipsum in  
illis operando, quod in residuis apprehendi præcipitur, nullâ factâ  
collatione, aut rescissione. Atqui in numeris pluralibus, qui pluri-  
bus figuris exprimendi sunt, res intricatior est, & nedum tyrones in  
ea, sed & ipsi expertissimi professores sæpè in prosequenda operatione  
decipi possunt. Quare plana, Regalis, & directâ via hand deserenda  
est, pro fallaci & tortuosa. Veram *regulam Pigri* ego dixerim, pro nu-  
meris singularibus, Tabulam Pythagoricam; pro pluralibus Rabdo-  
logiam: quæ icu oculi, in arêa communi numero multiplicando,  
& multiplicatori, exhibent multiplicationem iam factam; vt in loco  
exposuimus.

55 REGVLARE vniuersaliter à Mathematicis dicitur omne id quod  
sibi congruit, & respondet in partibus, quæ æquæ & ad regulam,  
distributæ sint: vt *Irregularia* ea omnia, quæ ab hac constanti di-  
rectione aliqualiter deflectunt. Vnde Regularia Corpora vocant  
Geometræ, quæ pluribus figuris planis similibus, æquilateris, &  
æquiangulis componuntur; in quo genere quinque tantum assigna-  
ri possunt, vt in loco diximus. Regularia dicuntur ab Architectis  
militaribus Munimenta, quæ cortinas, propugnacula, & in ijs la-  
tera, & angulos æquales, & omninò similes habent, &c. De qua  
re sparsim, & sæpius in hoc opere egimus.

56 REGVLVS in Astronomicis, audit Stella fixa celeberrima, & ful-  
gen-



gentissima in Corde Leonis Sideris existens, reuerà secundæ magnitudinis, sed ob eius præstatiã & efficaciam in influendo, computata inter primas, de natra Iouis & Martis, aliàs *Basilicus*, arabicè autem *Kalb Eleced* dicta. Ea nunc temporis est in grad. 25. primi mobilis eiusdem Signi, ferè in Ecliptica. Vt propterea credatur esse potentior & efficacior cæteris stellis, quæ sparsim in Firmamento tum intra, tum extra Zodiacum diuagantur. Quippe quæ sola id habet proprium, & singulare, vt quotannis corpore cum Sole congradiatur, vnde & eius qualitatibus imbuitur, suasque illi communicat & commisceet, roborat, auget, ac vicissim sibi vires impertunt: & ideo inter Stellas regias connumeratur. Quinimò obseruatum fuit, & plurimis experientijs comprobatum, eam non secus ac Planetas adinuicem, non corpore tantum, sed & radijs commisceri, proque qualitate aspectuum quos contrahit cum beneficis, aut maleficis, bona vel mala, secundum Significatorum naturam inducere, & prænotare: id quod in alijs Fixis, siue quod latitudine præditæ sint, atque adeo nunquam cum Sole partiliter, rarò cum alijs Erraticis congradiantur; siue ob radiorum exilitatem, qui nusquam ratam proportionem distantie, quæ consonantiam parere nacta sit ex similitudine ad tonos musicos, obseruare non est. Addit etiam Thomas Campanella acutissimus ex Ordine Prædicatorum Philosophus, & Astronomus, lib. 2. art. 2. cap. 3. ex doctrina Ptolemæi, qui Leonis Signum præfecit Italiæ, ac Virginem Græciæ; quod quandiu Stellæ Asterismi Leonis steterunt sub eiusdem nominis Signo, Imperium totius Orbis penes Italiam, & signatè in Vrbe Roma (quæ Leoni subiecta est) mansit, durauitque cum magna potentia, & bellicæ virtutis gloria: At quando è Leonis Signo transmigrarunt in Virginem; tunc Romanum Imperium elanguit ac sensim è sua gloria, ac potentia excidit, translatumque in Græciam, vnde Turcarum Dominatio, & felicitas in rebus bellicis sumpsit exordium. Verumtamen, cum adhuc Regulus in extremis partibus Leonis consistat, inde fortè euenit, vt Romanum Imperium in totum non cesserit; sed aliqua eius gloria (saltem in Umbra) in Romanorum Rege, qui Occidentis Imperator dicitur, & dignitate præest cunctis Regibus terræ, adhuc remaneat, atque in Vrbe Roma fixus sit spiritualis totius Ecclesiæ Principatus. At cum Regulus transmeabit in Signum Virginis, (quod futurum dicit post 600. circiter annos, hoc est, anno a Salutis exordio, 2250.) tunc fortè, ait, Roma, & Italia ab omni gloria, & dominatu cadet; ni sperare velimus (subdit) adhuc aliquatenus in sua gloria & maiestate seruandam ob ingressum Caniculæ in Leonem, consimilis naturæ cum Regulo,

lo, & longè maioris potentiz. Sed hæc, bellæ coniectationes sunt; & aërei discursus hominum sibi ab intellectus acumine blandientium, qui eò promptiores de futuris, ac longinquis rebus pronunciant, quò è fallaci postea euentu, vanitatis redargui nunquā possunt, cum, nec ipse id, nec nos certè, nec posterì, ad longam seriẽm visuri simus. Cæterum ex ijs, quæ experientia iam comparata sunt, inficiari non potest, quin Regulus, vti & Canis Sirius, & aliæ stellæ insigniores, magnos effectus cum Sole exorientes inducunt, quemadmodum & ijs potissimum regionibus, quibus fiunt Verticales. Oritur autem Regulus Romæ die 16. Augusti, occidit post duos dies: vbi repentinos solet imbres adducere cum tonitruis, & fulminibus. At si cum Ioue hyeme exoriat, serenat aërem & frigus remittit. Cum Saturno intendit, & facit aërem turbidum, atque instabilem.

- 58 REMVNERATIO apud Astrologos est ficta quædam, & gratis concepta necessitudo, quæ creditur intercedere inter duos planetas, præsertim si conformes naturâ sint, quâ alter alteri opitulatur, cum in depressione constitutū offenderit. Hanc autem sic describit Abrahâ Iudæus, in suo *Directorio*. Ponamus casum quod aliquis Planeta reperiatur in suo detrimento vel casu, & vt illi dicunt in puteo, à quo se solo non potest emergere: sed tamen adueniens alius planeta amicus, illum suo radio fouet & subleuat, in suasque recipit dignitates: tunc si accidat, hunc eundem beneficij largitorem in idem, vel simile infortunium cadere, atque ab alio vicissim in suas dignitates recipi, benignoque radio confortari; hæc beneficij redditio, dicitur Remuneratio, quia videlicet aliquo modo videtur illi vicem rependere; quæ proinde inter fortunas computatur. Vana Arabum figmenta, & vigilantium somnia: quibus Sideralem scientiam, alioqui puram, ac naturalem conspurcant, infamant, suspectam, atque ridiculam reddunt.

- 59 REPLVM, obscurum in Architectura verbum, & nusquam apud vllum Scriptorem (quod sciam) inuentum, præterquam in Vitruuio, qui solus eo vsus est semel, in Valuarum conformatione. Ait enim lib. 4. cap. 6. *Replum de impage dimidia, & sexta parte*, nil præterea addens, quod peregrini vocabuli obscuritatem dilucidet. Quare in eo explicando meritò confunduntur Interpretes, & in auiā abeunt. Philander suspicatur, Vitruuium voluisse indicare coronicem Impagis, quæ ornamenti, & conclusionis causa, illi appingeretur. Barbarus, Replum astruit esse planam regulam constitutam inter duo

duo cymatia. Alij volunt esse eam valuarum partem, quæ alteri forium, dum clauduntur, imponitur; quamque Nostri *Battentem* appellant. Id quod à vero sanè non abhorreret, & oppidò congrueret indito nomini, quasi diceret, *Replicatum*. At obstat manifestè textus, vbi expressè dicitur Replum esse *dimidiam*, & *sextam partem de impage*. Atqui Impages (vt suo loco ostensum est) non fores ipsæ sunt, neque valux, sed membra asciticia, & pura ornamenta, quæ valuis apponuntur, & circumdant ipsarum tympana. Constat igitur, Replum Vitruuio nil aliud esse, quàm additamentum ad impagem factum, vt illam magis ornet, & à tympano segreget, vti regulæ inter Coronam, & Simam in Epiphylijs, atque in basibus columnæ Ionicæ, inter torum, & scotiam, & iterum inter scotiam, & plinthum, &c. Consonat Baldus in Lexico Vitruuiano; qui postquam aliorum opinioniones circa Replum, sedulò expendit, & confutauit; concludit tandem, id ex mente Vitruuij, eam Valuarum particulam esse, quæ in prospectu plana, ac depressior est, inter impagem, & tympanum. Cæterum Turnebus acutissimus verborum exoticorum scrutinator, lib. 11. cap. 4. ad nomen nouum, & nusquam in Antiquorum tabularijs, ab se reperit, hæret, & suspicatur mendum in autographum irrepsisse, ac legi vult *Peplum*, quod est capitis feminarum operimentum simul, & ornamentum, ac si diceret in valuis, tympani, corona & complementum. Id quod confirmat auctoritate eiusdem Vitruuij, qui lib. 10. cap. 17. in ballistæ descriptione, iterum replum reponit, ac dicit: *Chelonis replum, quod est operimentum*.

RESCISSIONES in Militari Architectura, vocitari solent earum munimentorum, aggerum, ac propugnaculorum partes, quæ in hostili aggressione ab aduersariis occupatæ, aut deiectæ; à propugnatoribus ab reliquo opere abscinduntur & separantur, tamquam inutiles, & vt ita dicam, emortuæ, vt quod aliàs integrum est, seruetur incolume; ac propterea transuersarijs & obiectis repagulis sciunguntur, ne si cum alijs partibus continuarentur, viam pararent hosti toto propugnaculo potiundi. *Retranchemens* appellant Galli, Nostri *Tagliate*. Etenim, quæ priùs erant in defensionem, si senel in hostium manus veniunt, vertuntur in damnum & offensionem, atque ideo abscinduntur, ac tota defensionis vis contrahitur, & abiit in interiores recessus, nouis subinde operibus illicò excitatis, quibus se tueri valeant, & hostes ab occupatis abigere. Quantæ autem opus sint in repentinis casibus eiusmodi Rescissiones, frequenter legimus in Historijs; vbi sæpè deploratis in rebus, & hoste propè victo-

viatore euaso, fixo in mœnibus pede, vexillū captæ iam Arcis erigente, nihilominus hæc rescamenta opportunè, & in tempore facta, impetum eius fregere, animisque propugnatoribus additis, nouis tentamenti fortiter obliterunt, atque ille malè mulctatus recedere, & obsidionem solvere cum rubore coactus sit. Adeò fortibus viris nunquam animi despondendi sunt, nec spes melioris fortunæ abiicienda: quandoquidem hæc, pertinaces in proposito sequitur, audacesque iuuat; & non semel in naufragijs, confraçto nauigio, vel in vna tabula salus affulget.

- 61 **RESOLVTIO** *Mathematica* (quæ aliàs à Pappo lib. 7. Collect. Mathem. dicitur *Locus*) est quidam artificiosus processus, & via plana in demonstrationibus faciendis, quam sequentes feliciter ducimur ad conclusiones euidentissimas deducendas: quatenus admissio ex hypothesi quod in quæsito proponitur; inde in constructione deuenitur ad aliquam propositionem, quæ fuerit antè concessa, & subinde ad plenam resolutionē problematis deuenitur. In Resolutione enim (ait Pappus) id quod queritur, tanquam factum ponentes; quid ex hoc contingat, consideramus: & rursus illius antecedens, quousque ita progredientes incidimus in aliquod iam cognitum, vel quod sit è numero principiorum. Porro hæc via ingeniosè excogitata est ad facilè soluenda quælibet, quantumuis intricata problemata; quæ à Græcis dicta est *Analyomenos*, quasi *Resolutus locus*. Et quidem ea in duplici differentia est. Vna, quæ pure veritatem perquirimus, & dicitur *Theorematica* seu *Contemplatiua*. Altera, quæ practicè soluitur quod propositum fuit, & *Problematica* denominatur. De quibus fusè, exemplis idemtidem comprobans, agit idem Pappus loc. cit.

- 62 **RETE** in Astrolabio, aptissima similitudine dicitur suprema tabula perforata, ac volutabilis circà limbum (quod ideo *Voluellum* etiam ab aliquibus appellatur, ab alijs *Aranea*, quod referat Aranei telam: Arabicè *Alhancabuth*.) Rete inquam cæleste, quia sicuti rete pisces capimus, ita hoc instrumento stellas in Cælo venamus, & loca quæ singulis momentis occupant, atque in situ mundi altitudines, depressiones infra horizontem, incidentiam in lineam crepusculinam; aliaque, icu oculi contemplamur. Refert enim Primum Mobile cum insignioribus stellis fixis, per radios quosdam notatis, spatio 24. horarum circà terram & stabilem situm mundi se perpetuò gyrans: atque adeò in plano, ex regulis perspectiue habet designatum Aequatorem, Zodiacum, Tropicos, circulosque minores Arcticum, & Antarcticum, illum quidem expressum, hunc autem men-

mente conceptum: vt propterea eius admotione ad singulos quindecim limbi gradus, signet quid singulis horis accidat planetis & sideribus ad horizontem ascendentibus, ac descendentibus. Eius fabricam artificiosam, & vsum, luculenter exponit Stoslerinus, & persequutus est postea Clavius in peculiari volumine, quod Altrolabium nominauit.

RETICVLATVM OPVS in Re Aedificatoria, dicitur Structura in retis modum continuata: quò videlicet lateres, & cæmenta ita disponuntur, vt angulariter cadant inter altera duo similiter posita; sicque ordinata continentur & consurgant ad opus, quod quodammodo expansi Retis figuram exhibeat. In quo contradistinguitur ab Incerto, quod nominant, vbi lapides & cæmenta iaciuntur in planum, alterna coagmentatione sibi mutuo insidentia. Et Vitruuius quidem lib. 2. cap. 8. vtrumque approbat, & commendat; Reticulatum ab venustate, Incertum sà persistentia, & firmitate; sed hoc quia durabilius ad æternitatem, alteri anteponit. Ex his, inquit, *venustius est Reticulatum; sed ad faciendas rimas idè paratum, quod in omnes partes dissoluta habeat cubilia, & coagmenta. Incerta verò cæmenta, alia super alia sedentia, inter seque imbricata, non speciosam sed firmiorem, quam reticulata præstant structuram.* Verum, experientia rerum magistra, in facto aliter docet; & plurinia vetustissima monumenta adhuc integra, vel magna ex parte extantia, satis ostendunt, reticulata opera, si benè connexa, & in angulis fortiter coagmentata fuerint, Incertis euadere longè tenaciora, ac diuturniora. Quod idè vel in ipsis ruderibus, quæ ex ruinis supersunt, necnon in fodicudis fundamentis, datur identidem inueniri reticulati operis ingentes moles, & fragmina ita firma, ac tempore solidata, vt in naturam iutegri ac durissimi saxi è fodinis eruti, videantur transiisse, ac repetitis ictibus, & tusionibus non ita facile posse à cæmentarijs solui, quod non accidit in Incerto. Accedit ratio: Nàm aliàs cuneata structura, si lateres probè cadant in angulum, seipsa subsistit, & longè firmior est quam plana, numquam soluenda, aut ad infortunium quoduis casura: vt videmus in arcubus, qui se solis, sufficientes sunt, quantanilibet superimpositam molem recipere, ac fortiter sustinere: eoquod ita in eam coeunt lapides, vt alter alteri sustentaculo, simul & impedimento sit, ne ruant, neue rimas admittant. Ad quem ritum, ex contrarijs ordinatam esse Rempublicam in Moralibus, ac Politicis, aduertit Seneca Epist. 95. ad Lucilium; *Quæ casura, nisi inuicem obstarent. Quamobrem solerti indicio monet Philander, in Structuris quibuscumque omni*

contrahendarum rimarum periculo optimè occurri posse, si materia adhibenda præparetur ex cæsis in longum lapidibus quadris, cuneatis, & in angulum cõiuntibus.

- 64 RETINACVLA (vt ipsum nominis etymon præsert) vniuersaliter ea omnia appellant, quæ siue in Architectura, siue in Mechanica, necnon in quibusvis operibus artefactis, adhibentur ad aliquid fortiter continendum, vnâque stringendum. Hinc in Nauigatoria, signatè Retinacula nuncupantur rudentes illi, qui Nauigijs, puppi proræque illigati, illa firmant ac retinent, ne vi fluctuum, aut ventorum impetu agitata, & ipsa fluctuent, atque ita temerè diuagantia ad saxa allidant, ac dissoluantur. Verumtamen pressius accipitur hoc vocabulum ab Architectis, & Machinatoribus; nempe pro illis arrestarijs quæ Structuræ, & Machinis imponuntur ad colligendas in vnum partes; velut etiam in Nauibus funes illi ab imo ad summum mali protensi, ac circumcirca adhibiti, vt crectum teneant, nec patiantur libratas in medio mari naues, in hanc vel illam partem inflecti, ac declinare. Quod ideo Vitruuius lib. 10. cap. 3. de huiusmodi retinaculis in Machinis tractorijs adhibendis, hæc præcepta tradit. *Antarij funes antè laxi collocentur; retinacula suprà scapulas Machinæ longè disponantur; & si non erit ubi religentur, pali resupinati defodiantur, & circum fistucatione solidentur, quò funes alligentur.* Hos autem funes ad malum nauium alligatos, vt illas immotas, & in æquilibrio teneant, Nautæ, peculiari vocabulo, *Sartes* nuncupant.

- 65 RETRACTIONES vocari solent in re ædificatoria, graduum in Scalis repetitæ intermissiones; hoc est, vt non recto tramite simul omnes ordinentur in vnam seriem, sed identidem areolis interpositis, abrum pantur, aut aliò conuertantur; ad hoc, vt ascendentes per illos, ac descendentes, intermissa tantisper continua itione, paululum subsistant, & respirare queant. Sic enim, (aduertit Vitruuius lib. 3. cap. ult.) *durus non erit ascensus.* Hinc, si continuatus ac longus foret ascensus, docet huiusmodi intermissioribus leniendum esse laborem, ac retracto, vt ita dicam pede, aliquantulum quietis ascendentibus concedendum. De ipsa verò retractionum mensura ita statuit, vt nec minùs, quàm sesquipedales, nec plusquàm bipedales faciendæ videntur, atque in numero graduum interiectorum inter vnam & alteram, semper sint impares: & dicti rationem reddens, subdit: *Namque cum dextro pede primus gradus ascendatur, item in summo templo prius erit ponendus.* Id quod non templis modò, sed vniuers-



uerſaliter de omni ædificio intelligi vult Philander, additque: Col-  
locari animaduerti non plures continuos, quam ſeptem, aut no-  
uam. Quodſi pluribus aſcendendum erat: poſt eum numerum fe-  
bat ret tactio, & veluti areola, vt feſſi reſpirare, & quieſcere poſ-  
ſent. At (bona eorum pace) animaduerſio hæc non eſt vniuerſaliter re-  
cepta, non modò à modernis noſtri temporis excellentiſſimis Archi-  
tectis, ſed nec ab ijs qui poſt Vitruuium, & longè antè Philandri  
tempora, floruerunt. Etenim, (vt alios taceam) in præſigni, & celſiſſi-  
mo aſcenſu, quo itur ad Baſilicam dictam de Ara Cæli, propè Capi-  
tolium, ab Auguſto primùm Nato Deo erectam, poſtmodum à Chri-  
ſtianis magnificentius reſtitutam, ac Virgini Matri Sacratam; hic  
ordo ſeruatus non eſt; nam gradus in vnum conuenientes om-  
ninò pares ſunt: & in primo quidem aſcenſu, quatuor conſtituti ſunt;  
in reliquo, quindecim retractionibus ſive areolis, interrupto: atque in  
ſingulis interruptionibus octo enumerantur; adeo vt tota celeberrima  
ſcala, centum & viginti quatuor gradus contineat, ac quindecim  
retractionibus aſcenſus interrumpatur; vt ipſemet ego ſeniel & ite-  
rum, data opera, contemplatus ſum, & ſedulò gradus enumerauim.  
Et hæc aduertiffe (quantiſ extra aleam ſit) operæ pretium fuit, ne  
lectores ex aliorum relatu decipiantur; namque multos Scriptores  
hæc in re, haud conuenire, omneſque fere in enumeratione graduum  
hallucinatos eſſe, comperi; & alios poſuiſſe gradus impares in re-  
tractionibus, alios in totum gradus 121, Scalam complecti, falſò  
ſcripſiſſe. Igitur (vt ad inſtitutum redeam) ſcalam hanc nobiliſſi-  
mam totam eſt marmore continuatã, vt dixi, latam pedibus 60. in loco  
inſigni, & in proſpectu totius Urbis poſitam, non latuiſſe creden-  
dum eſt Philandrum, quando ea iam ab anno noſtræ ſalutis 1340.  
erecta fuit, ab Othone (neſcio quo) Senatore, Mediolano oriundo,  
qui in illam importatſe ferunt marmora eſt Quirini Templo, aliàs eſt  
Seueri Septizonio accepta: quæ oninia iam fama per totum Orbem  
vulgauerat, & Philandri aures, quin & oculos, Romanorum Ar-  
chitecturæ monumentorum curioſiſſimi, ac diligentiſſimi luſtrato-  
ris, effugiſſe haud crediderim. Sed bonus vir, vt Vitruuij dictũ non  
improbaret; aut diſſimulauit, aut cum alijs deceptus eſt. Vt ſileam  
de magnifico aſcenſu ad Baſilicam S. Petri in Vaticano, nuper ab Ar-  
chitectis celeberrimis noſtræ ætatis, inſtrato: vbi indifferenter in  
ſingulis retractionibus, hic ſeptem, hic octo gradus enumerantur.

RETRACTIONES etiam, non incongruè, latino, & ſatis ex-  
preſſiuo vocabulo, dici poſſunt contrakturæ illæ, & oculorum illuſio-  
nes, quas vulgus Pictorum, ac Perſpectiuorum, à linearum decur-  
tatio-

tatione nominant *Schreios*. Cùm videlicet ad visum complendum, figuras exhibent mutilas, ac decurtatas, aut nimium quam par est, distensas; quò ex certa positione ac situ, ad veritatem & partium symmetriam respondeant, quando reapse directè visæ, & propè aut longius constitutæ, à vero multum aberrant, & potiùs picturæ monstra atque abortiones, quam veræ rerum imagines dici possint. At hoc artis arcanum est, quod in eo laret, vnica expressione porrigatur visui spectabilis sola corporum crassities, vnaque adhibentur dimensio è triplici, quæ in corporibus solidis vniuersaliter inuenitur, secundum longum, latum, & profuudum; cum nimirum representanda res venit in plana superficie tabulæ. Quò fit, vt appareat id quod reuerà non est, sed tamen ad verum expriniri nequit, nisi proportionalibus adiectionibus, aut retractionibus detur quod visus obliquitas sibi arrogat per enormem obiecti dilatationem, aut diminutionem.

68 Etenim, cùm visio fiat per rectas lineas per modum Coni, cuius vertex in oculo sit, basis in obiectum terminet; hinc est, vt congruere veritati non possit, ni constituatur oculus, seu obiectum videndum, in eo positu, qui ex projectione linearum visualium (quæ multimodis potest fieri) quæ directè obiectum, vt in se est representet: Hoc autem rotum manifestum fit in cubo (aut alia quauis figura solida & angulari, cuius species de longè, & pro diuersitate situs diuersimodè, porrigantur) Cubus igitur (vt is pro exemplo assumatur) in seipso constat sex quadratis æqualibus, & octo angulis rectis omninò æqualibus, ac solidis: & tamen ratione diuersæ projectionis radiorum, pro diuersitate distantie, situs &c. ab se diuersus apparet; & nunc quidem vnum videtur quadratum, cæteris grandius, nunc nullum, sed aut rhoboides, aut parallelogrammum formare altera parte longius, alia breuius, quandoque etiam representare, prisma, aut trapezium &c. similiter angulos acutos, obtusos &c. Sed enim quid in se ipso sit, in plana superficie representari non potest, nisi huiusmodi retractionibus, atque adiectionibus, diuersa radiorum projectio temperetur. *Venustatem enim prosequitur visus*, (ait Vitruuius in simili, de adiectionis & retractionibus in opere architectonico faciendis, lib. 3. cap. vlt.) cuius si non blandimur voluptati, proportionem & modulorum adiectionibus, vti id in quo fallitur, temperatione adaugeatur; *Vastus, & inuenustus conspicientibus remittetur aspectus.*

69 RETROGRADVS apud Astronomos agnominatur Planeta, qui motu suo proprio Iustrans Zodiacum, non iuxta ordinem Signorum graditur, sed contrà, in antecedentes partes, & signa. Vt, Si Sa-  
tur-

turnus, exempli gratia, existens hodie in primo gradu Arietis, cras postea intraret in grad. 30. Piscium, inde abiret ad 29. & sic successiue ordine inuerso; tunc diceretur Retrogradus. Et hæc quidem passio est maxima Planetæ deterioratio, ac diminutio virium, saltem quoad influxus, & effectus, quos de natura sua parit in isthac inferiora, suis qualitatibus afficiendo, & alterando. Quæ tamen, in Maleficis opranda est (quidquid alij contra dictamen rationis, atque experimentum sentiant) nam tunc debilitantur, & minùs noxij sunt: In Beneficis verò infelix & pessima, quippe non valent, quantum aliàs possent, vires suas exserere, & bona potentiùs elargiri. Et ideo vniuersim Retrogradatio debilitas est ac detrimentum virtutis, sicut viceuersa, Cursus velocitas, fortitudo, & augmentum virium.

Causa autem, cur Planeta retrogradus debilis fiat, & econtrà, 70 directus & cursu velox, fortior ac robustior, non ità omnibus perspecta est, sed solum intimorum veræ Philosophiæ penetralium scrutatoribus: vnde est, quod multi in hoc iudicio falluntur, & fallunt. Quocirca operæ pretium me facturum reor, si in gratiam studiosorum, hanc ignorantix laruam à veritatis inquisitoribus, & anatoribus detegam. Ea igitur est, quoniam Planeta cursu velox magis obliquit, & contranitur motui Primi Mobilis, ac proinde quò velociùs graditur in consequentia, & in Zodiaco, eò tradiùs occidit cosmice, & consequenter morosiùs incedit, diutiusque suprà terram manet in Mundo. Quò fit, vt potentior fiat ad influendù, maioremque locum & ansam habeat, inferiora hæc, suis qualitatibus alterandi. Patet id manifestissimè in Luna; quæ etsi nunquam, fiat retrograda; quia tamen, præ cæteris cursu velocissima est; adeo vt quoto die cmetiatur 15. ferè gradus in Zodiaco, & consequenter, vna citè hora plùs, consistat suprà terram, quàm Sol, alijsque Planetæ; idcirco præ cæteris validior æstimatur & noscitur ad operandum, & inferiora isthac educenda, actuanda, ac disponenda; vt vel ex eo, sublunarium nomen acceperint, quod sub Lunæ potissimùm dispositione, ac prædominio sint: idque non tam ex eius maiori vicinitate, quam influendi morositate: namque ex Philosopho, quò magis agens passo insistit ac premit, eò validiùs in illud agit, sibi que subdit. Similiter id ipsum experimur in Sole, qui quò diutius suprà terram manet, vt fit in Aestate, eò potentiùs eam suis radijs verberat, afficit, & fecundat, vberimos fructus educens; quò contrà, hyemis tempore omnia silent, torpent, sterilescunt. Igitur Retrogradatio id efficit in Erraticis, vt non modò non obstitant motui Primi Mobilis, sed insuper obsecundent, & aliquandò præuertant,

tant, citius occidendo, seseque ab influxibus retrahendo, minori temporis spatio, quàm communium 24. horarum, suprâ terram sistendo: ac proinde id suo modo efficit, ac circâ nos ageret igneus carbô in gyrum velocissimè conuolutus, qui non tantam virtutem, vrendi, atque excalefaciendi haberet, quantam, si immotus iuxta maneret, aut lentissimè volueretur. Et hæc de vera causâ deteriorationis Planetarum, cùm sunt retrogradi.

71

Porro, exceptis Luminaribus, reliqui quinque Planetæ, statis temporibus, aliquando retrogradi fiunt. Non quòd verè à cursu desistant, & retrocedant (quandoquidem vnusquisque in suo Orbe & Epicyclo, ordinatissimè, & æqualiter semper incedit,) sed quia, cùm habeant pro Centro Solem, circâ quem volutantur; inde fit, vt dum ipsi cum suo Orbe rapiuntur à Primo Mobili; interim accidit, vt quandiu sunt in secunda statione, & ad Solem accedunt, procedant contrâ successionem Signorum; similiter quando ab eo recedunt, vsque ad primam stationem, in qua maximè ab eo elongantur; vti à prima statione ad secundam; pergunt directè in consequentia. Hinc est eorum motus inæqualitas, & Phasium diuersitas, seu multiformes eorum Disci apparentiæ. Id quod de inferioribus, Venere & Mercurio comibus Solis, perspicuum est in adnexa Figura.



72

REVOLVTIO (vt nominis etymon præsert) nil aliud indicat in Astronomicis, quam integram circulationem alicuius fideris per Seriem signorum, donec ad amissum redeat ad idem punctum, vnde discesserat, ac moueri capit. Sic dicimus, Saturnum perficere-

re suam reuolutionem in Zodiaco, in annis 30. Iouem 12. & sic de reliquis, prout aliàs dictum est. Verumtamen pressius, & ferè semper accipitur pro annuo reditu Solis ad idem punctum, à quo initium motus in productione alicuius rei, vel ab aliquo præsigni termino iniri cæpit. Sic erigi solet reuolutio annua, seu Thema celestis constitutionis cuiusque ineuntis anni, necnon introitus Solis in puncta Cardinalia, in quibus combinationes, & mutationes qualitatum primarum sunt; & inde colligitur conditio totius recurrentis anni, vel quartæ, pro toto illo tempore, quo durat, &c. Sic etiam erigitur figura reuolutionis in primordijs alicuius rei, vtpote adificationis alicuius vrbs, natalis hominis, cæptæ ægritudinis &c. ex qua totus illius rei cursus pendere existimatur, & iudicium sumitur; atque ex particulari annuæ reuolutionis Themate, accipiuntur significata & effectus proeundi toto decursu illius anni, prout docent Professores passim, in Isagogicis ad Ephemeridas. Cardanus, & alij inutilem, & euanidam prædicant hanc figuram reuolutionis Solis, ac regressum ad idem prorsus punctum, in quo fuerat in radice; eoquod, aiunt, (& meo iudicio, rectè) materialiter, & incidenter se habet hic locus ad Cardines Mundi, ac reliquorum planetarum loca, quæ tunc temporis obtinent, acquiruntque independenter à Sole, per suas quisque reuolutiones, & circuitus in Zodiaco, statis cuique temporibus; quæ quidem nullam connexionem, nullum ordinem habent ad sua, aliorumque loca radicalia, tam in Mundo, quam in Zodiaco. Addit Cardanus, vbi de *Reuolutionibus* ex professo agit, has tripliciter considerari posse, aut simpliciter in Zodiaco ad eundem gradum, & punctum, in quo Planeta repertus fuerat in radice, vt est reditus Solis quotannis ad puncta Cardinalia: Aut in Mundo, vt redeant ad eundem Circulum positionis, quod singulis diebus accidit per motum raptus: Aut ad nouum congressum & configurationem cum alio, vel etiam stella fixa insigniori, vt habuerat in radice. Quæ quidem omnia nullam respondentiam ex eo præcisè habent ad annum Solis regressum ad idem punctum. Accedit, quod ad hunc eundem Solis regressum, vt plenè habeatur, non satis est anni periodus, sed requiritur etiam spatium, temporis quod infumitur in acquisitione partis illius Eclipticæ, quæ Sol singulis diebus perdit, à die radicali cæpti operis, per recessum à Primò Mobili, in subsequencia secundum successionem Signorum. Quare hic hæsitant, & hærent acutiores Astronomi; & vt nodum extricent, sæpissimè in auia abeunt, cum nusquam valeant disparata hæc, iuxta Philosophiæ principia, concordare.

Verum Adrianus Negusantius vir ingenio acer & feruidus, ac 73 præ-

præparatur iudicij, cùm has difficultates sedulò examinasset, atque integra manente recepta antiquorum methodo, soluere non potuisset, Alexandri gladio audacter rescidit; aliam compendiosiorẽ, speculatus viam, Naturæ magis conformẽ, & à Ptolemæi præceptis non aberrantem, quæ non tam figura Reuolutionis esset, quàm successiui annui motus Directionis. Siquidem (sic Philosophicè simul & Mathematicè incedens, discurret) ea intelligitur esse Solis reuolutio, ac regressus ad locum radicalem, quæ non tam in Zodiaco, quam in Mundo, eum constituat in eodem situ ac positu, in quo pridem erat; itaut consideretur locus iste fixus, & immobilis, perinde ac Cardines, expectare aduentum siderum Occursantium, quæ in radice præordinata ac disposita, compleant, aduent, ac decernant: Atqui id præcisè non habetur per puram reuolutionem annuam Solis, sed per motum Directionis, quo Sol (& consequenter reliqui significatores) singulis annis acquirunt gradum vnum distantiz in Aequatore, quæ interest inter ipsos significatores, & Promissores, prout ostensum fuit in V. *Directio*. Igitur iuxtà hanc philosophicam, & geometricam veritatem, erigenda est Figura Reuolutionis, eadem quidem hora, sed non eadem die radicis; verùm singulis annis, additis tot diebus, quot anni effluxerunt à puncto radicali, respondentes ad singulas peragrationes Solis in Zodiaco, computandas per Ascensionẽ rectas, quas singulis diebus facit, pergens ad vltiora.

74 Quod idè in praxi, quotannis accipienda est Ascensio Recta respondens partibus illis Eclipticæ, quas singulis diebus à radice acquirit Sol, suo proprio & naturali motu: quæ postea Ascensio conferenda est cum ea, quæ competeat Meridiano radicis, subtrahendo vnã ab alia, prout vltro, citrouè est. Nam numerus prodians est Ascensio Recta Medij Cæli Reuolutionis illius annuæ; ad cuius positum, erigenda est demùm, more solito Figura Cælestis, constitutis in ea Planetis, prout iacent in signis & gradibus, & positu in ordine ad Mundum, in quibus reperiuntur subsequenti die, sub data hora radicis. Atque hæc est vera, genuina, & ad Naturæ ordinem respondens, Figura Annuæ Reuolutionis.

75 Pari etiam ratione, si inter annum incidat notabilis quædam directio alicuius significatoris; voluerisque cognoscere habitudinem Planetarum, & locorum occursantium ad dictum locum directionis; necnon ad inuicem; videndum est, quotus sit arcus directionis, quotque annos, & menses adamussim appellet, iuxtà regulam superius traditam. Tùm pro annis, tot naturales dies; pro singulis mensibus, tot binas horas adijce tempori loci radicalis Solis: atque ad eam diem



diem & horam, quæ resultat ex annis, & mensibus excursis, vel ex-  
turrendis, erige figuram more solito, constituendo in Medio Cælo  
gradum Ascensionis competentem tali diei & horæ, & habebis figu-  
ram illius particularis directionis. Vbi pro miraculo contemplari  
poteris Promissorem deuolutum ad locum quem Significator in Ra-  
dice obtinebat: videbis etiam quomodo ad hunc locum se habeant  
Fortunæ, vel Infortunæ, neenon etiam congressum cum stellis fixis,  
tam Significatorum ipsorum, quam Promissorum; atque adeo non  
temerè, & oscitanter, sed maturè, ex concursu causarum naturalium,  
(qui probè tibi est in prospectu) coniectari poteris, de prospero aut  
infortunato effectu illius directionis. Sed hæc doctrina ex praxi ma-  
gis tibi arridebit, atque probabitur, quam speculatiuè tantummo-  
dò tradita.

RHOMBVS in Geometricis, vna est ex quatuor celeberrimis fi-  
guris quadrilateris rationalibus, in quas omnis Parallelogrammo-  
rum ratio conuenit, ac differentiæ resoluuntur. Aut enim Paralle-  
logrammum erit æquilaterum, aut inæqualium laterum, quorum  
duo opposita & parallela, sint duobus alijs longiora. Rursus, si  
æquilaterum, aut habebit omnes angulos rectos, aut nullum rectum,  
sed duos oppositos obtusos, reliquos duos acutos, (neque enim,  
aliter Parallelogrammum considerari, ac discesci potest.) Si fuerit  
æquilaterum simul & rectangulum, fundabit Quadratum perfectum,  
quod est fundamentum, & cardo proportionum omnium figurarum  
quadrilaterum rationalium, seu parallelogrammorum. Si fuerit  
æquilaterum quidem, sed non rectangulum; erit Rhombus, de quo  
nunc agimus; qui præ cæteris, magis ad perfectum quadratum acce-  
dit, (deficit namque solum in paritate angulorum, de cætero om-  
ninò similis est, & eandem ferè in omnibus habet passiones, & pro-  
prietates. At si in eo alterutrum laterum in angulum conuenientium  
erit altero longius, fundabit duas alias species parallelogrammo-  
rum; vnâ, quæ absolutè vocatur Rectangulum, habens omnes an-  
gulos æquales, & rectos; alteram quæ dicitur Rhomboides, ha-  
bens & latera, & angulos inæquales, vt mox infra. Igitur Rhom-  
bus definitur ab Euclide. *Figura, quæ æquilatera, sed rectangula non  
est.* Quare eiusdem prorsus conditionis ac naturæ est cum Quadra-  
to, eandemque aream occupat; nisi quod in angulis disconueni-  
unt; atque in vtrisque, aut sunt reipsa, aut omnes anguli simul col-  
lecti æquiparantur quatuor angulis rectis, itaut rhombus reipsâ nil  
aliud sit, quam quadratum, vt ita dicam, degener, ac defectuo-  
sum in angulis, vt quod duobus rectis abripit, reddat ac projiciat in

obtusos : ceterà , vt dixi , eisdem ferè pedibus graditur ; ac propterea eadem in vtrisque mensura , & proportio ad rectangula vel rhomboides , vt , quæ in Sectionibus Conicis dicuntur de proportionibus Quadratorum adinuicem ( quæ confurgunt ex applicatis ad axem , & rectangulis quæ fiunt à Parametro , & portione axis intercepti inter applicatas , & verticem , quod nimirum sint æqualia ipsis Quadratis ) eadem omnino procedant in rhombis , & rhomboidibus , quæ formantur ex iisdem applicatis , & portionibus axis interceptis cum Parametro , vt in loco diximus . Itaque

- 78 RHOMBOIDES , ( vt modò tactum est ) est figura quadrilatera regularis , omni ex parte à quadrato discrepans , & ei directè opposita : conueniens in æqualitate laterum cum rectangulo , & inæqualitate angulorum cum Rhombo : habet enim vt hic , duos angulos inuicem oppositos necessariò acutos , duos item reliquos obtusos . Quæ proinde sic definitur ab Euclide : *Est figura , quæ aduersa & latera , & angulos habet æquales , in se tamen neque æquilatera , neque rectangula est* . In hoc etiam differt à Rhombo , Quadrato , & Rectangulo altera ex parte longiore , quod etsi in omnibus diameter seu diagonaliis ab vno angulo ad alterum oppositum ducta , scindat parallelogrammum , & aream interclusam in duas partes æquales , ipsos tamen angulos non æqualiter diuidit , sed alter ex diuisione confurgens , si quidem ab diametro secundaria scindantur , erit necessariò acutus , alter aut rectus aut obtusus ; aut si à diametro primaria , seu longiore fiat scissio , vterque angulus prodians erit acutus , sed alter altero acutior : id quod in rectangulo , seu quadrato altera parte longiore non est ; nam semper in eo duæ diagonales à duobus conterminis angulis ad oppositos ductæ æquales sunt , & se se mediùm scindunt , quamquam non ita angulos ; quorum alteri erunt necessariò acuti , alteri obtusi , nunquam recti . Id quod exemplis commonstrant Clavius in Euclidem ad propos. 34. & quisque ex praxi , suo Marte videre poterit . Sunt & alia propè infinita quadrilatera , quæ excogitari possunt ex diuersa laterum , & angulorum positione , sed ea parallelogramma non sunt , nec inter figuras regulares connumerari possunt ; sed communi , & vniuersali vocabulo , dicuntur *Trapezia* , De quibus suo loco .

- 79 RHVMBVS , ( Lusitanum pridem vocabulum , quod iam ad Latinos transijt , & à Geographis frequentissimè vsurpatur ) significat lineam in Cælo conceptam , quam Astronomi Circulum verticalem primarium vocitant , seu cuiusque Regionis proprium Meridianum .

Huius

Huius igitur Rhumbi, seu proprii Meridiani ope, Naucleri, Mare quaquaueisum nauigijs excurrunt, & quò iter instituere debeant, aut ventorum vis abripiens in auiā detulerit, internoscunt: id quod ex differentia colligunt, quæ intereedit inter hunc rhumbum, sub quo iacent, & primum, quod fixum in Occidente est, propè Insulas Canarias, aut alium quem, vnde soluerunt, aut quò tendunt; inde metientes iter, diuagationes inutiliter factas, atque ad eius rationem se in rectum tramitem reducentes. Quapropter infiniti prope modum excogitari possunt Rhumbi, ad quorum rationem, & collationem ad inuicem, possit quisque auspicari quantum itineris emensus fuerit, quantum rectā tenderit, quantum à via, quam tenere, debeat, aberrauerit. De qua re fusè alibi dictum, cum de *Meridiano, Loxodromica, & Longitudine Geographica*.

RIGOR apud Gromaticos, & Agrimensores, est terminus quidam Canipi & agrorum, non manufactus, sed qui naturali suo ordine tendens, in directum prorrigitur. Vnde Frontinus de *Limitibus* agens; *Rigor est*, inquit, *quidquid inter duo signa, vel in medio linea, rectum perspicitur*. In quo quidem sensu indefinitè sumitur, & contradistinguitur à cæteris arbitrarijs terminis, ac limitibus, ex lege, aut ad Mensuram placitum positis; vti sunt Macerix, Scorpionis, &c. de quibus suo loco. Quod ideo benè notat Aggenus perpendens nominis etymon, *Rigoris nomen accepit* (talis nimirum naturalis reſtitutudinis tenorem inuiolabiliter seruat: Et Dolobella de Agrimens. *Rigores*, inquit, *hebetes appellati, quia sine lapidibus sunt*.

ROSA NAVTICA non ita pridem, apto satis vocabulo, appellari cepit Versorium magneticum ex obelo pendens, atque in medio nauticæ pyxidis constitutum, in quo per orbem, à centro ad circumferentiam descripti sunt rhumbi, & Ventorum nomina, non secus ac in expansa Rosa dispersita circum folia equa dimensione, cuius porrò viuam imaginem repræsentant. Huius igitur Versorij beneficio, (quod habet in medio transuersaliter infixam acum magneticam, quæ facit illud semper fluctuare, donec cuspidis eius ad polum vertatur, & sistat,) habemus compendio, & in ictu oculi quatuor mundi plagas, ventorum, qui perflant agnitionem, ac proprii meridiani, rhumborumque habitudinem ad primum, situm ad occidentem, atque adeò distantiam quorūcumq; locorum. Præclarum sanè inuentum; non modò ad Geographiam, & Nauigationem ritè instituendam commodè accidens, sed & Astronomiæ, & Gnononiæ, atque

Architecturæ, ad regulandos ædificiorum aspectus, optimè inseruiens. Dabimus infra, cum de Ventorum natura, differentijs ac plagis vnde exfuffiant agemus, Rosam hanc Nauticam, distinctè, ac probè delineatam.

82

RVDERATIO in re ædificatoria dicitur pauimentorum constratio, & *Rudus*, quidquid ad ea solidanda, & complananda iniicitur, vt in vnum coalescat, ac stabile fiat, possitque sine noxa pedibus teri. In qua sanè re, summa cura & prouidentia procedendum monet Vitruu. initio libri septimi. *Aut enim*, inquit, *plano pede rudendum erit, & tunc quaratur solum an sit perpetuò solidum, aut congestitium*: si natura solidum, satis est, si exequetur, & inde inducatur cum statumine *rudus*, sin autem aut ex parte, aut in totum aggestitium, tunc ait fistuationibus vtendum, & locum magna cura solidandum. At in contignationibus subdit, *diligenter est animaduertendum, ne quis paries, qui non exeat ad summum sit extructus sub pauimentum, sed potius relaxatus supra se pendentem habeat coaxationem. Cum enim solidus exit, contignationibus arefcentibus, aut pandatione fidentibus, permanente structura solidate, dextrà ac sinistra secundum se facit in pauimentis necessariò rimas*. Cæterùm rudus quo iteritur pauimentum, aut nouum est, & fit de saxis aut testis contusis, aut minore glarea, & tunc ad coagulum satis est, si ad tres partes, vna macerata calcis admisceatur: aut rediuuium, hoc est, è vetere renouatum, nempe è veterum ædificiorum ruinis comminutis, comparata materia, quam nos vulgò *Calcinaccium* vocamus, sufficit si ad quinque ruderis partes, duæ calcis addantur, quoniam in eo calx iam

83

iam exsiccata, per nouam attemperationem reuiuiscit, & cum recenti calce optimum coagulum, & connexionem facit. At in nostris regionibus, Terræ (quam dicunt) Laboris, seu Campaniæ Felicis, magno cum operæ, & impensarum compendio, neque nouum, neque rediuuium rudus adhiberi necesse est, cum habeant abunde lapillum ad hoc vnicè factum (quem, corrupto vocabulo *Rapillum* vocitant, neque saxum, neque mollem ac friabilem, sed exsuccum, & fungosum, qui mirè operi inseruit, & sua porositate, vim calcis intrà se attrahens optimè coalescit, & in morem lapidis continui induratur, nec rimas patitur, si pauimentum quoad durefcit & subsidat, benè pinsetur. Hic enim uerò passim inuenitur in effossionibus pro fundamentis, vna cum puluere puteolano distinctis corijs prouide inibi à natura suffecto, vt eadem opera, & fundamenta effodiantur, & simul materia comparetur ad extruccionem apta, & ad pauimenta conscienda, quæ maximè probantur, & conti-

mo-

modè cadunt in contignationibus, & solarijs, vbi suppleunt pro testò, ac regulis; & planam iucundamque ambulationem faciunt, & ex materiæ leuitate non sunt grauosa, nec parietes sustinentes ponderositate fatigant. De hoc genere rudi ( vt id obiter dicam ) loquutum arbitror Plinium, cum *runderatum agrum* appellat lib. 21. cap. 4. in quo odoratiorem rosam nasci perhibet; qui nimirum aridus sit, & siccis eiusmodi lapillis scateat: cum aliàs Rudus, de quo verba facit Vitruu. siue nouum ex contusis saxis, ac testulis, siue vetus ex ædificiorum ruinis, ex se nullum germem proferre sit aptum.

RVGAE in Opere architectonico obscurissimum verbum, sed tamen frequentissime vsurpatum à Scriptoribus antiquioris æui, tum prophanis, tum sacris, quod quid propriè indicet, diù eruditorum torfit ingenia. Quandoquidem à rugis, quæ in fronte senum conspiciuntur, nulli dubium, quin deriuatum sit, & ad opus translatum: vnde probè intelligi potest, qua ratione ad corrugatas, seu crispatas vestes transferit, atque ad striatas columnas, quæ aliquam cum crispata senum fronte similitudinem habent. Verumtamen, quonam pacto ad alia, toto cælo diuersa, significanda, deductum fuerit vocabulum, magnum eruditis negotium facessit; & ideò non, ab re erit, si accuratè hic, præsertim quâ Geographiam & Architecturam respicit, id ab ouo inuestigemus. Et quidem dum huic operi in perquirendis, & examinandis antiquorum monumentis intenti eramus, commodum accidit, vt in manus veniret opus Illustrissimi Io: Ciampini in Romana Curia Breuium Magistri, atque vtriusque Signaturæ Referendarij, nuper editum, *De Perpetuo Azimorum vsu in Ecclesia Latina*. Quod, quamquam in argumento longè diuerso, tamen pro varia eruditione, & rerum intima peruestigatione, qua præditum est, multum luminis contulit ad veritatis agnitionem, vt propterea, viri non tam de Ecclesiastica Historia optimè meriti, quàm de Mathematicis Disciplinis, quibus promouendis sedulò incubit, aperta in proprijs ædibus celebri Physiomatica Academia, dignam hic mentionem facere, atque ingeniosis eius obseruationibus opellam nostram locupletare, non erit profectò ambitiosum, neque inuerecundum. Is ergò ex occasione, quod sæpè in Ecclesiasticis monumentis, ac præsertim in antiquo Ordine Romano, repetitum comperiit Rugæ nomen, opportunum discuit toto cap. 14. quid propriè indicet, & vnde originem traxerit. Cuius verba, ne quid decoris excidat, hic attexere non grauabor. Ait enim, reperiri primum in Vita Stephani IV. apud Bibliothec-

thecarium, Rugarum mentionem in ingressu altaris constitutarum; supra quas fecisse testatur Pontificem tres regulares argenteos. Idem obseruat in Hadriano I. in Leone III. in Paschali I. in Leone IV. in Gregorio IV. cuius testimonia hic referre longum foret, & ab instituto alienum. Sat erit vnum de Leone IV. obscurius in medium ferre, de quo ait: *Fecit & rugas sacrae confessionis ex argento constructas, vultus habentes B. B. Petri, & Pauli, pensantes omnes libras ducentas & octo.* Quid autem significetur per has rugas argenteas, ad confessionem Apostolorum positas, non satis constat: Tortorius in *Cryptis Vaticanis*, Ianuas fuisse credit: Alij laminas ad vndarum figuram, surculis excauatas, atque striatas, quibus altaris facies ornabatur. Vnde colligunt, omne id genus operis, siue ex marmore, siue ex metallo fiat, siue stabile, siue mobile, ac portatile, modò celatum per longum sit, ad rugarum morem; sub generali rugæ nomine comprehendi. Verùm acutè notat Ciampinus, huiusmodi explicationes, neque alijs testimonijs eiusdem Anastasij, neque sensui, in quo sæpe accipit Rugæ nomen Ordo Romanus, aptari; Quin etiam addit. *Si benè perpendatur Bibliothecarius, Ruga apud ipsum nihil aliud denotat, nisi gradus è marmore, vel ex alio lapide, presbyterij, aut alterius loci: ni potius gradus è ligno, siue metallo, aut alia quavis materia, qui Altari ad ornatum superponuntur, in quibus Crux, candelabra, ac reliquiæ Sanctorum apponi solent. Et quod ad Ordinem Romanum attinet, ad Acolythorum officium, referre semper videtur; Rugam conseruare, Rugam obseruare.* Quapropter, subdit, *seriò conclusi, Rugam in Romano Ordine expressam, nil aliud omninò denotare, nisi viam per quam iter ac transitus esset Pontifici; ideoque munus acolythorum fuisse, eandem liberam custodire, ne à Clero Pontificis transitus impediretur. Hoc idem muneris hodiè exercetur à Cæremoniarij Magistris, qui veluti speculatores inuigilant, vt libera pateat via, per quam Pontifex transire possit.*

86

Hæc Ciampinus, ad cuius sententiam confirmandam plurimum valet alius locus expressior Ordinis Romani, in quo ritus præscribitur accessus, & regressus sollemnis Romani Pontificis ad Secretarium, peracta Sacra Liturgia. Namque ibi dicitur; *Tunc septem cærostrata, præcedunt Pontificem, Subdiaconus regionarius cum thuribulo ad secretarium. Post eos baculi; post eos Cercostatarij, post quos acolythi, qui rugam conseruant; post eos extra presbyterium cruces portantes; deinde mansionarij iuniores, & intrat Secretarium. Vbi satis apertè liquet, pro Ruga sumi viam, seu transitum Pontificis à Secretario ad Confessionem, atque à Confessione, post sacra peracta,*



reditum ad secretarium. Id quod à communiter recepta ab nostris voce ab Gallis deriuata, *Rue*, qua callem, seu semitam *Ruam* appellamus, vt in Boccaccio, Io: Villano, aliisque politioris Italice linguæ Scriptoribus, videre est. Vt propterea non ab re, illa speciali nota digna semita, & callis, quæ in Ordine Romano, & in Sacris Ritualibus dicitur, fieri transitum Pontificis ad sacra peragenda ituri, Rugæ nomine prænotatur; eò maxime, quod ab originaria, & rigorosa Rugæ notione minimè abhorret: siquidem via hæc libera, & communis cuique de populo haud erat, sed solo Clero, & ministris Pontificem, binis in suo quique ordine præcedentibus, & sequentibus, aperta erat, & latè patens. Quocirca credendum rationabiliter est, fuisse hincinde, cancellis, & repagulis clausam: vt nunc videmus esse in omnibus ferè Ecclesijs, Presbyterij locum; quæ quidem certo ordine disposita, Rugarum seriem præferunt, non secus ac sulci in agris directi, Rugæ ab aliquibus appellantur.

RVMINANTIA SIGNA ab Astronomis nuncupantur, ea quæ animalium ruminantium nomen, & speciem præferunt, qualia sunt in Zodiaco, Aries, Taurus, Capricornus, atque etiam extrà Zodiacum, Hædi, & Capella. Hæ namque pecudes, vt & omnia cornigera, quoniam in superiore manibula dentibus carent, cibum summatim carpunt, & in iugulum remittunt, quem postea regurgitantes, ad os iterum reuocant, & comminuunt. Signa igitur, quæ eorum alicui assimilantur, & certam cum ijs analogiam seruant, valde appositè ruminantia dicta sunt; eo quia obseruatum est, Luna in ipsis existente, consimilem in nobis effectum progigni. Et ideo cautum est ab Astrologis, & Medicis, ne tunc temporis, medicamenta per portiones sumantur, quia ea diù retinere, & acturare stomachus non patitur, sed mox cum ingenti agitatione, ac nausea euomit, & reiecit. Sicut econtra, si vomitoria danda sint, præstat ea exhibere, & propinare, dum Luna est in signis ruminantibus, vt præ cæteris, aduertit Ganiuctus, cap. 2. differ. 3. quia tunc Luna virtutem expultricem excitat, & disponit ad opus intentum. Inter Ruminantia signa enumerari solet & Leo, non quod hic verè è ruminantibus sit; sed quia, vt obseruat Origanus, hoc signum est Domicilium Solis, qui præest cordi, ac præterea habet stellas vrentes nimis infensas, vt sunt quæ in collo, capite, cauda, ac potissimum Basiliscus: vt proinde ex generali aphorismo, sumendis medicamentis, & purgandis humoribus sint inopportuna.

RYTHMVS græcè, (vt alibi occasionaliter dictum est) consonantiam, ordinem, & harmoniam numerorum sonat: Vnde Scientia, quæ specialiter de numerorum proportionibus, respondentia, passionibus, & proprietatibus agit, Arithmetica dicta est. Hinc Isarithmi, Logarithmi, Mesologarithmi &c. pro certis numerorum combinationibus, effluxere. Vide quæ diximus in V. V. *Numerus*,  
*Algebra*, *Rabdologia*,  
 & alibi passim.





## S A



ABVRRRA notissimum omnibus nomen, qui mare nauigationibus permeant, quo significatur æquipondium nauigia librans, & erecta tenens in lubrico, siue ea maiora sint & oneraria, in longis itineribus adhibenda, siue piscatorij celoces, & minusculi lintres. Denominationem accepit ex sa-

bulo, hoc est, crassiore & ponderosiore arena, quæ ad certam mensuram carinæ immissa, veluti fundamentum est mobilis huius ædificij, quod firmat in aquis, ac recta meare facit, neque ad dexteram neque ad sinistram deflectens, neque ventorum vi, aut fluctuum iactatione ita inclinans ut periculum subeat mersionis. Etenim ponderositate sua illud librat ad modum æquipondij in statera, & supplet quod in ancipiti fluctuatione, cedente liquido elemento, deperditur. Quod ideo bene complanata esse debet, æquè per omnes partes dispersita; neque plus, aut minus ingeri, quàm nauigij forma; amplitudo, qualitas cursus, ac reliqua admissa pondera patiantur, habita ratione ventorum ingruentium, & velorum quibus hi sunt excipiendi, iuxta Hydrostaticæ leges: ne fortè nimis grauatum ponderi cedat, atque mergatur, aut nimis leue, ventorum vindamque ludibrio exponatur. Quæ de re, vide quæ doctè satis scripsit Lazarus Baysius, & ex Recentioribus Gaspar Scottus, in Cursu Mathematico.

SACOMA græcè dicitur æquipondium in Statera, hincinde per scapum discurrens ad libranda pondera, quod nos vulgò *Romanum* vocamus, Antiqui verò Latini Scriptores (teste Festo Pompeio) vocabulo satis expressiuo, *Auclarium* appellare solebant, eoquod super mensuram, vel pondus iustum adijcitur. Eo frequenter vitur verbo, Aristoteles in Mechanicis, explicans quæ ratione æquili-

E e e e

brium

brium facere sit aptum. Vitruvius quoque bis eius mentionem facit, sed in aliis, & translatio, lib. 9. cap. 3. & ultimo. Quæ occasione, lepidam historiam refert Hieronis Syracusani furtum apprehendentis in mixtione argenti ad auream coronam ad Sacoma appensam; idque astu Archimedis, quæ ad nostrum institutum non cadit: videri poterit apud ipsum. Cæterum de Sacomatibus ratione abundè diximus in V. *Aequipondium*.

SACRARIVM in re architectonica, Vide *Secretarium*.

- 3 SAGITTA ex primaria notione significat telum missile, ex arundine vel alio leuiore ligno compactum, habens in anteriori parte extremâ ferreum spiculum trifidum, probè acuminatum, atque in trianguli quadrilateri formam, quam Acidoidem Geometræ nuncupant, abiens: in extrema verò retrorsum, pennas hincinde expansas, atque dispositas, vt quoquo modo emissum, per aëra volet & ad scopum celeriter tendat, infigaturque. Olim in re bellica magno in vsu fuit, siue ballistâ emitteretur, siue arcu tenso, & laxata manu, siue quolibet alio instrumento: itaut ex ijs specialis ordo bellatorum constitueretur, locusque in acie tribueretur secundus post Principes, circumdati cataphractis, vt testatur Veget. lib. 3. cap. 14. ac tertio item & quarto loco, Sagittarij Iuniores. Qui tamen ordo, vt & sagittarum vsus, nostro zuo ferè abolitus est, cum in earum locum subintroierint sclopi & alia minora tormenta, quæ pyrio puluere, & plumbeis, siue ferreis globulis grauida, concepto igne, maiore impetu eos emittunt, & altius penetrant, vbi semel inciderint: & solum sagittæ in venationibus locum habent; aut à Turcis, ac Circassis in prælijs retinentur ex parte; ad vsu, cum ijs tormentarius pulvis deficit, aut cum volunt ab alternis emissionibus nunquam desistere. Mansit tamen apud nos vsus malleolorum, aut similibus incendia adportantium, de quibus diximus suo loco. Nunc autem sagittæ nomen ex quadam similitudine translatus est ad varia significanda, tum in Astronomicis, tum in Geometricis, tum in Agricultura; vnde & Columella sagittam vocat nouissimam furculi partem, quæ cacumine attenuata, sagittæ speciem refert. &

- 4 SAGITTA etiam vocatur à Geometris in sectionibus conicis pars axis, seu diametri principalis, intercepta inter applicatas, & verticem: vt etiam quæ aliàs dicitur sinus versus; estque linea recta, perpendiculariter cadens in sinus rectos, seu cordas arcui subtensas, quæ videlicet, sagittæ arcui applicatæ figuram exhibet. De quibus suo loco, fusè

SA-

SAGITTA quoque, appellatum est sidus in Cælo ad borealem plagam intra Galaxiam propè Aquilam, imò & cum illa connexum, S quam videtur ad alam superiorem transfigere: habet tamen stellas suas proprias, diuersæ ab illa naturæ, participantés de Marte & Venere, quæ communiter notantur quinque ex Ptolemæo; At Bayerus tres alias addidit minores, sextæ magnitudinis, præter tres alias splendidiore quartæ honoris, quas reliquit cum Tychone informes, ac postea Recentiores aliqui in suis Mappis adornandis, collegerunt in Euphratam fluuium. De hoc sidere horoscopante, sic poetice lussit, ac venustè cecinit Pontanus.

*Si Cælo aspiciens oculo intueare sagittam;  
(Has etenim Natis vires, hac dona ministrat:)  
Exercens vsus probat & mox vertit in artem.  
Ille igitur iaculo insignis, celerique sagitta  
Continget possum quocumque in limite signum:  
Ille etiam speculantem alta de turri columbam  
Deijcit aëria contorto verbere funda.  
Squamosumque petit certo sub vulnere piscem.*

SAGITTARIUS est aliud sidus, & Signum in Zodiaco, nonum ab Ariete, in Semicirculo Australi, ac terminans ad Brumalem conuersionem. Quare est signum commune, bicorporeum, repræsentans Centaurum semihominem, & semiequum, tenentem intentum arcum, & sagitta transfigere Scorpionem gestientem. Est Domicilium Iouis, & in eo Antiqui putarunt exaltari Caput Draconis Lunæ: verum hoc gratis dictum, & falsò, cum id non nisi planetis lumine præditis competat, & ideo ab sequentibus Astronomis, vt commentum reiectum, est. Eius Constellatio incidit in Galaxiam, incipiens à gr. 26. signi eius nominis, ac terminans ad gr. 28. Capricorni. Habet in se adunatas stellas 31. secundum Ptolemæum, quibus vnā addidit Bayerus, & tres adhuc Keplerus; qui tamen eas ex Corona Australi auulsit, & huic sideri applicauit. Cæterum inter antiquas, vna est in fronte, Nebulosa; quam magni faciunt Astrologi; atque inter alia quæ obseruant, est quod oriens cum Sole semper inducit nubilum, tempus. Oritur autem Romæ septimo Kal. Ianuarij. Cætera pete ex Pontano, & Argolo. 6

SAGMA propriè ex græca notione Thecam significat, seu loculamentum, in quo Clypeus conditur: At nescio, qua ratione, ab Architectis, & Perspectiuis acceptum sit nomen ad denotandum translationis puncta, quæ ab lineis diagonalibus, & perpendicularibus in-

vnum conuenientibus, proieiuntur in planum, ac terminantur in punctis. Sic sæpissimè vtitur hoc verbo Iacobus Barozius insignis Architectus, dictus de Vignola, in regulis practicis suæ Perspectiue. Sed & Ignatius Dantes eius illustrator, testatur hausisse Barozium ex recepto Bononientium idiotismo, qui modulationem membrorum quæ considerantur in Architectura, vti & modulos ipsos columnarum, basium, aut capitulorum, signatè Sagnata vocant. Quæ demùm ratione, aut analogia ad Græcorum Sagmata, se quidem nec suspicari posse, ipse Dantes fatetur. Sed ad rem: Sagnata igitur appellat in concreto Barozius, chartulas quasdam, in quibus signata sint præfata puncta ex diagonalibus, & erectis lineis eò terminantibus: non quod ipsæ præcisè sint quæriti moduli, sed quod modulos ipsos dirigant, & efforment, hoc est, vt ex ipsis chartularum punctis inuicem collatis, prodeant modinationes, & sagnata membrorum degradatorum, vti ex ipsis generaliter excipiuntur moduli cuiusque alterius degradatæ figuræ. Rem pluribus explicat, & exemplis confirmat ipse Ignatius, quæ hic referre longum, ac tædiosum foret. Videatur ipse in Scolijs ad cap. 12. secundæ regulæ Perspectiue eiusdem Vignolæ.

- 8 SALTATIO, tametsi in ludicris habeatur, ab initio tamen non fuit sic: quin & inter serias artes computabatur, Musicæ comes, & Geometriæ, atque Arithmeticæ (grauissimarum vtiq; disciplinarum) filia; quæ ad numeros, gestus ac saltus temperat, & in Gymnasticæ rationem intrat, magno Reip. bono; in pacis æquè oblectamentis, atque in exercitationibus bellicis perquam utilis, ac penè dixerim necessaria. Hanc, Natura ipsa Duce, cum Mundi primordijs adouisse, testatur Plato 2. de Legib., nec ullos olim extitisse Sacrorum ritus, nulla belli præludia, quæ non saltatione ordinarentur. Nam quoduis animal, ait, naturà ad saliendum comparatum est; & illius vi ita solet: *At homo, accepto rythmi sensu, saltationem & gerit, & peperit.* Ac 3. de Rep. saltandi peritiam inter grauiores artes harmonicas computat, & Musicam siue Gymnasticà corpus, siue anima dicit: ac tandem concludit: *Eum igitur qui Gymnasticam cum Musica pulcherrimè miscet, ac moderatissimè hæc animo adhibet; hunc rectissimè perfectissimum quendam Musicum diceremus, & omnibus Harmoniæ numeris absolutum.* Quapropter nil mirum, si tanti eam faciens grauissimus, ac sapientissimus Reip. Ordinator, in 7. de Legib. magistratos constituendos præcipit, qui mercede conducti, pueros & puellas publicè hanc artem docerent; & Lacedæmonas continuis bellis implicitos, legimus, eam præ cæteris disciplinis, adolescentibus primo



nò addiscendam, lege cauiffe; vt exinde probi bellatores euaderent: & nunc subfiliendo, nunc fe inclinando, nunc recedendo, nunc propius accedendo, quid poſtea in hoſtili certamine faciendum eſſet in tempore, optimæ militiæ tyrocinium darent. Conſiſtit autem ars in concinna pedum, manuum, totiuſque corporis motione, vt quiuis actus reſpondeat temporum interuallis, neque anteuertat, aut ſubſequatur harmonicam numerorum connexionem, nec obuerſetur lineæ directionis, quæ omnia corpora tendunt ad centrum, & eò motiones omnes collimant. Quare omnia eius præcepta verſantur circa menſuram temporis, ad eius momenta attemperando paſſus, & geſtus omnes ad numeros, non ſecus ac Poëſis in metrica carminum ratione, ac Muſica in ſonorum, & cantuum modulatione. Quod ideò non incongruè Simonides Poeta apud Plutarchum in Sympoſiacis, appellare ſolebat ſaltationem mutam Poëſim; & Poëſim ac Muſicam, ſaltationem loquentem.

Eſt igitur antiquiſſimus, honeſtiſſimus, ac pariter vtiliſſimus ſaltandi vſus, vt notat Athenæus lib. 7. Deipnos. Qui primò humilis, & pedes tantum, vt ita dicam, incedens, *Tripudium* dictum eſt, quaſi terræ pauium: nox accedentibus ſonis & cantu, *Chorea*, ac ſi diceres, Chorus ducens: ac demùm adhibitis cymbalis aliſque muſicis instrumentis quæ manu tanguntur, vocata eſt, à Græcis *Ορχησμός* hoc eſt, completa Saltatio. Quamquam non me lateat, Homerum, alioſque Veteres, *Orcheſyn*, in tertia ac iuſſima Saltationis ſpecie collocare: quam diſperſcebant in Sacram, Bellicam, & Orcheſtricam. Et Sacram quidem (quam vocabant Sicinnum) adeò coluerunt, vt (teſte Rhodigino, lib. 5. cap. 3. nullum) Sacrificium iniretur, quin ſaltatione præeunte, ac ſubſequenti, complerent. Quin Populo Hebræo, apud quem ſolum veri Dei cultus extabat, ſolemne erat in Sacris peragendis, à choreis initium ſumere; vt ex Sacris Paginis habemus: & David Rex reducens Arcam de domo Obededom in Ciuitatem ſuam cum gaudio, poſt immolatas hoſtias accinctus ephod lineo, totis viribus, cum vniuerſa domo Iſrael ſaltante legitur ante Arcam Domini Enimuerò neſcio quid pietatis, & inſitæ deuotionis ineſt in canticis, & ſaltationibus, vt per ea ſubſilire cor videatur, & identidem inſundi ſpiritum Domini prophetandi, vt accidiſſe legimus Eliſæo, 4. Reg. cap. 3. Exod. 15.

Secunda ſpecies Saltationis eſt Bellica, dicta *Pyrhichia*, ſue à *Pyrhichio* quodam Lacone, ſue à *Pyrtho* Achillis filio, à quorum alterutro, fertur primò inuenta, aut in vſum inueſta: in qua bellatores armati ſaltare ſolebant, adhibitis ſubinde tubis, ac tympanis, (quæ iam in omni bellica concertatione pedem fixere) quorum pulſa-

pulsatione & sonitu, animi fortitudinem, & corporis agilitatem, nanciscentes, ad prælium accendebantur: adeout Pyrrhice apud Græcos, ob animi molli tudinem prætermiſſa; militare ſtudium, peritiã, & ardorem, noſet Athenæus, in ijs etiam elanguiſſe. Hæc autem ſubdiuidebatur in diuerſas inſimas ſpecies: *Podiſmum*, qui conſiſtebat in pura pedum agilitate, ad tempus ſeſe mouendi, accedendi, vel retrocedendi. *Xiphifmum*, hoc eſt, manuum cum ſcutis & gladijs conſertationem: *Comum*, quo celeri motu corpus ſaltu in altum eleuabatur, & repetitis librationibus exercebatur: ac *Tetracomum*; delicatiorem illum quidem, & in quadrum diſpertitum motum, quo ſubitæ aciei ordinationi præludebatur. Sunt & aliæ innumeræ eiufmodi ſaltationis ſpecies, ſiue ab armis, quibus in ſalcando, diuerſimode geſtiebant, ſiue à Nationibus, penes quas maxime in uſu erant, denominatæ, quas in longum cenſet Iul. Pollux in Onomaſtico lib. 4. ac breuiter epilogat Alexand. ab Alexandro lib. 2. cap. 35.

- I I** Tertia demum ſaltandi ſpecies, vt diximus, erat *Orcheſtrica*, ſic dicta, quod in Orcheſtris vt plurimum agebatur: adeoque mimica, & aliquando ſolutior, quã *Scordadaciſmum* vocat Scholiaſtes Homeri, quaſi indecorã, & prophanis ſolũ conuenientem: quæ etiam ſubdiuidebatur in *Emmeliam*, uſurpatam ſolummodò in Tragicis: *Cordacam*, quæ in Comiciſ, & *Sicinnidam* in Satyricis. Quarum proprium erat, non minus geſtibus, corporis inflexione, & mutua complicatione, (vti fabula verbis), varios affectus mouere, ad eoſque ſpectatorum animos incitare, in quibus erant *Colabriſmus*, *Phalicus*, *Strobilius*, *Apicinus*, & *Ascoliaſmus* Baccho ſacer; atque *Ionicus* Veneri, qui erat omnium propudioſiſſimus, ac pernicioſiſſimus, laſciuiſ motibus, & geſticulationibus agitur, adeoque Morum corruptor, Reip. peſtis, & ſcandalum. Et ò uinam è tot ſaltationum uirtuoſarum diuerſitatibus iam antiquatis, hæc indigniſſima non retenta eſſet, & impunè non graſſaretur per Chriſtianas Vrbes, in conuictis prætio circulatoribus, mimis, & hiſtrionibus, qui eiufmodi turpes, & ludicras actiones, in ſerium ac æternis lachrimis deplorandum animarum damnum peragerent!

SALTATOR etiam ab aliquibus appellatur Ingeniculus, ſeu Hercules, Sidus ad Borealem plagam, prope Ophiucum, de quo fuſè ali bi dictum.

- I 2** SAMBVCA diuerſa ſignificata obinet in Mathematicis. Primò enim & originariè, audit Inſtrumentum muſicum triquetrum forma  
ab

ab Ibyco Rhegino inuentum, quod imparium, & longitudine & crassitie chardarum ordine dispositum, variam, dulcifonam ac suauem efficit symphoniam. Ad huius similitudinem translata est vox ad significandam bellicam machinam, quæ sunt in Urbem obsessam scalationes. Sambuca (inquit Veget. lib. 4. cap. 21.) dicitur à similitudine Citharæ. Nam quemadmodum in cithara chordæ sunt, ita in trabæ, quæ iuxta turrim ponitur, funes sunt, qui pontem de superiori parte trochleis laxant, ut ascendat ad murum; statimque de turri exeunt bellatores, & per eum transeuntes, mania urbis inuadunt. Sed hac in re, bonus vir æquiocationem sumit, & solitarius est, ut notat acutissimus Lipsius; quandoquidem, quam ipse machinationem describit, longè à sambucæ similitudine dissidet, & in opere alium vsum habuisse, aliam formam, aliud etiam nomen, omnium penè veterum Scriptorum monumenta testantur. Siquidem hæc terrestris erat, & curribus ambulatorijs applicabatur ad submittendum, vel retrahendum subinde pontem, quem ipse Exostram vocat, ad faciendum in murum excensionem; quæ verè, se sola, machina distincta non erat, sed cum ista exostra confundebatur, habente ad caput colatorios funes quibus è turri demittebatur; vti videre est apud Heronè de Machinis bell. vbi eam describit, & turris specimen exhibet. At Sambuca ex eodem Herone, nauigium bellicum erat, quo in aggreffione maritimarum Atcium, utebantur ad propugnacula inuadenda, ut tradit etiam Athenæus, qui notat, eiusmodi fabricatores debere esse Opticæ non ignaros, ne incassum labor & conatus cedat, ut euenisse refert obsidentibus Chium, qui hostilibus turribus altiores sambucas applicuere: ex quo factum inquit, ut cum ab altitudine turres inscendere minimè potuissent, ut deprimerentur verò nequaquam fieri poterat, quin nauigia subuerterentur onere quod superimpositum est extra ponderante prostrato. Est igitur Sambuca Naualis machina, quæ vsum fuisse Marcellum, scribit Liuius, in expugnatione Syracusarum. Cuius tamen constructio non æquè traditur à Scriptoribus eius temporis. Nam Hero duas tantum naues esse dicit, tignis transuersarijs simul compactas, totidemque refert Appianus adhibitæ fuisse à Mithridate Rege in expugnatione Cizici, pro Sambuca ad excensionem constituenda. At Liuius lib. 24. ait Marcellum ad Quinqueremes, alias binas addidisse simul connexas, detractis interioribus remis, quò latus ad latus applicari posset. Plutarchus verò in Marcello, benè octo enumerat in constitutione Sambucæ, vti & Polybius, qui hæc habet lib. 8. Octo quinqueres habebat, quibus remigij series inerat tam à dextris, quam à sinistris: atque illas inter se cum duobus lenibus parietibus coniunctis ad murum per remigationem, quæ

erat extrâ parietes adduxerat: & has vocant Sambucas. Ex quibus liquet, longè ampliorem machinam hanc fuisse, ab illa, de qua Vegetius loquitur. Sed fieri potest, vt ex similitudine operis, ambæ, Sambucæ dictæ sint, verùm pro diuersitate temporum, & diuersarum gentium vsu, diuersa fuisse machinamenta, vtraque tamen ad excensionem in muros hostiles facta.

- 14** SAPPa in militari architectura, denotat vltimum terminum obliquorum tramitum, seu obsidionalium accessuum, quibus proceditur ad inuadendam urbem obsessam, vt in loco diximus: itaut illa suffossio, & linea, quæ per viam rectam immediate ducit ad marginem fossæ, hæc peculiari nomine ad distinctionem, Sappa dicatur; quæ profectò diuersam ab alijs icionem tenere debet, quippè per eam aperiendus est ad fossam aditus, atque adeò recta ad propugnaculi frontem, quæ primò impetenda venit, protendi debet: vnde multò quàm alij accessus, operosius regi conuenit, vt fossiores, ac milites per eam incedentes, (qui iam hostium obtutibus sunt expositi) ab eorum ictibus se contutari queant, cum iam simplex lorica ex eruta inde humo, & ad latus obiecta, huic negotio non sit idonea. Quare in ea tutò, & ritè ducenda, obseruandum est, si fossa sicca sit, an aquis operta: Si sicca, tunc id optimè perfici poterit recto, & subterraneo cuniculo, ac per eum ad propugnaculi rostrum subruendum appropinquare. Sin autem fossa aqua fuerit plena, in eo casu, quoniam, siue per iniectum pontem, siue aliam materiam, quæ sicco pede transiri possit, permeari necessariò debet, oportet pluteis, & velaminibus fortibus vtì, adiecta gleba & cespite, & forinsecus ac supernè tabulatis, & crudis animalium corijs probè tectis; contra missiles ignes, & ad fallendos atque frangendos scloporum ictus. Quæ de re videndus est Fritachus in Architect. milit. & Scottus, atq; De-Chales in Curs. Mathem.

- 15** SATELLITIVM apud Astronomos, est species quædam Comitatus, & authoramenti, quod præstant reliquæ quinque Erraticæ ad Luminaria, tanquam famuli ad suos Principes, eorum latera constipantes, suisque luminibus eorum gloriam adaugentes. Quod ideo Ptolemæus hanc constitutionem felicissimam dicit lib. 4. cap. 3. Si quando in alicuius Natalitio themate completa ad numeros reperitur: ac proinde Natos, etsi cæteroqui ex infima plebe progenitos, per illam euehi ad supremam dominationis fastigia, clarique nominis fieri. De qua re alij dijudicent. Cæterùm in quo verè consistat hæc accessio luminum, & Satellitium ad Luminaria, quam Ductoriani appel-

appellant Arabes, Græci autem, Doryphoriam, non æquè ab omnibus traditur. In primis Græci, tunc aiunt Planetas facere, Doryphoriam Soli, cum fuerint ab eo Orientales, & extrâ eius radios ad 30. gradus: Lunæ verò, cum illam sequuntur ad dictam distantiam, fuerintque consequenter ab ipsa occidentales, sumpta à Regibus similitudine, eoquod hos; famulatus & stipatores præcedunt, Reginam verò sequuntur. In quo tamen, & ipsi inter se discordant: nam aliqui volunt Planetam infrâ 16. gradus nullo pacto facere Doryphoriam, quia tunc est valdè debilis, aut combustus, aut sub radijs. Alij dicunt id non officere; sed quò propius sit, eò validiorem aiunt asferre Doryphoriam. Arabes autem meliùs fortè discurrunt, ac docent, hanc dignitatem non tam attendi debere, in præsentia, quam in respectu, & eminentia situs: itaut Luminaria, quibus hi laterones assunt, sint in aliqua ex suis dignitatibus essentialibus, & in Cardinibus, atq; in tanta distantia à planetis stipatoribus, vt inde aliquem radium seu configurationem, quæcumque tandem ea sit, (nempe Sextilis, Quadratus, Trinus &c. neque enim radij hostiles huic negotio quicquam officiunt, cum verè in genere familiaritatum sint, & ad ferendum suppetias semper idonei,) immittant in Luminare, vt hoc intelligatur probè ab illis suffultum, ac viribus auctum. Id quod aliquibus nostri temporis Astronomis, omnia ad Philosophiæ trutinam expendentibus, valde arruit, & occasionem dedit, intimiùs hanc Satellitij conditionem scrutinandam, clauumque tandem figendi, circa eius essentialiam, fortitudinem, & respondentiam ad Luminaria statuendam, ex ijs collectam, quæ quoquo modo ad augendam eorum virtutem, & efficaciam ad influendum fauent. Ergò imprimis ad id requiritur, vt in seipsis Luminaria optimè constituantur, tam in Zodiaco, vt sint in aliqua ex suis dignitatibus essentialibus, quam potissimum, in Mundo, vt sint in Angulis Medij Cæli, vel Orientis, aut saltem non multùm à linea horizontali distantia. Tum, vt ijs adstipulentur alij Planetæ, aut omnes, aut saltem validiores & benefici, aut corpore aut aliqua configuratione, inter quas computantur etiam Antiscia, seu Paralleli vel declinationis, vel Cosmici, qui definiuntur in æquidistantia ab aliquo Cardine, vel puncto solstitiali. Et quò plures planetæ ad hoc concurrunt (in quo non est negligendus congressus cum aliquibus Fixis insignioribus, præsertim quæ dicuntur Regiæ) eò nobilius, & potentius est Satellitium, maioreque numeros addit ad felicitatem talis Cælestis constitutionis stabiliendam. Id autem semper intelligendum, quatenus ipsa Lu-

minaria, præcipuè autem Sol, suos sti patores vincat in fortitudine ac dignitate. Nam si quis ex ipsis fortior fuerit, & in potioribus dignitatibus constitutus, puta, super ipsa Luminaria eleuatus, in angulo eminentiore, & propius ad cuspidem, in suo Carpentò, &c. iam non ipsa principatum obtinebunt, nec satellitium ipsis fauet, sed omne conuertitur ad eum, qui cæteris fortior est, cuique profectò ipse luminaria cedunt, tributarijque sunt. Qui tunc dicetur *Almuthen* ab Arabibus, hoc est dispositòr, & dominus Genituræ. De qua re, fusè alibi diximus.

- 17** SATELLITIVM etiam in suo genere, competit aliquibus planetis habentibus & ipsis, è sua familia stipatores, qui eos comitentur, & ad latus iugitur adstent. Comparatum enim est non ita pridem, per Telescopium, Iouem primùm, inde Saturnum habere suos satellites, & planetulas, vt ita dicam, circumstantes, qui circà ipsos rotantur, & habent eorum corpora pro centro, non secus ac Venus, & Mercurius, Solem. Et in Ioue quidem, quatuor stellulas satis conspicuas atque ab se inuicem seiunctas, & certo spatio separatas, detexit Galilæus, (vt ipse testatur in Nuncio Sidereo,) quas Mediceas à Principibus Mediceis, quibus opus suum dedicatū voluit, nuncupauit; quarumque motus, & ephemeridas calculauit nobilis Astronomus Hodierna. In Saturno, primùm duos suo disco viciniore, qui proinde secundum ipsorum motum, aliquando cum eo connectuntur in anulum, efformantes figuram ellypticam; aliquando sub eo occultantur, itaut præferant corpus perfectè sphericum; aliquando etiam ab eo seiuncti appareant: tñm demùm paucis ab hinc annis detecti sunt alij quinque Saturni Stipatores, longè ab eius disco seiuncti, vt mox infra. Et non equidem à vero absimile est, quod & Mars suos priuatos stipatores habeat, vt ex paritate colligi potest, & dignitas eius postulat, non minoris esse: vt proprium est Magnarum Regi inferuentium, domi cuique suæ, propriam familiam, & famulatum habere: quamquam ob stellarum fortè exilitatem, vel ob tuborum impotentiam, id non sit hæcenus obseruatum. Sed fortè artis perfectio, & iugenij humani acumen semper arcaniora rimans ac detegens, hoc etiam aliquandò obtinebit.

- 18** SATVRNVS Planeta omnium supremus, atque à terra remotissimus, immediateque Orbi Fixarum subiectus, Primus est in ordine Erraticarum, qui omnium velocissimus, ferè adæquat illarum motum, quo omnes sphaeræ inferiores rapiuntur à Primo Mobili, ab Orien-



Oriente in Occidentem . Verum, quia in hoc motu impresso aliquantulum remoratur, sicque sensim pergere videtur in consequentia secundum ordinem signorum, adeoque suum proprium motum habere, atque ob id appellatur tardissimus, cum periodum suam non perficiat, nisi in toris 30. annis, ut aliàs dictum est. Naturam habet qualitibus siccis & frigidis præpollentem, atque humido radicali aduersam, necnon etiam caloris innati destructiuam: id quod ex effectibus, & colore plumbeo subalicante, dignoscitur: ut propterea iure dicatur Infortuna Maior, atque hominibus, vniuersoque animantium generi inimicus. Et quidem optimè dixit Hermes (ut refert Argolus cap. 9. de Dieb. Criticis) *Tolle Saturnum, & Martem de Planetarum albo, & homines euiterni erunt, atque immortales.* Sed hoc noluit Sapientissimus ac prouidentissimus rerum omnium Conditor, qui hominem ad Cælestem gloriam ordinauit: vnde ad hunc finem hic in terra peregrinum, & mortalem voluit, ut suæ desitionis memor, ad æternitatem & vltimum finem gressus suos dirigeret, ac bonis operibus adspiraret. Idcirco, inquam, voluit summus Deus inter Cælestia corpora, quæ suis influxibus, vitam nobis, alimenta que suppetunt, & Saturnum, & Martem annumerare, qui malignitate sua, vitam aliquando abscinderent, bene verò quò minus nocerent, illum longè distitum, atque à nobis remotissimum posuit, & cursu omnium velocissimum, ut non diutius nos malignis suis radijs verberaret: & Martem iuxta Solem præpotentissimum, ac beneficium, ac medium inter ipsos Iouem Calidum temperatè, & humidum, ut vtriusque qualitatum deleteriarum excessum infringeret ac leniret. Cæterum eius corpus est omnium maximum, excepto Sole, ac Ioue, quandoquidem eius diameter continet diametrum terræ nonagies septies, & eius Orbis crassities continet diametros terræ 4117.  $\frac{2}{3}$

Porro in hac Saturnij Orbis crassitie, nuper obseruatæ sunt ab oculatissimo Io: Donin. Cassino Bononiensi, Christianissimi Regis Astronomo, (ut modò tantum fuit) immerse quinque aliæ stellulæ stipatores, & Satellites, vltra duas iam notas, quæ circa eius corpus iugiter volutantur, ac suas peculiare periodos statis temporibus perficiunt. Id quod assequutus est Parisijs, medijs lentibus ad hunc effectum exquisitissimè elaboratis, ac sibi Romæ transmissis à Iosepho Campana, Artis specillarix felicissimo professore, ac nouorum Telescopiorum accuratissimo extructore: ut ipsemet Cassinus testatur facit in Epistola ad eundem Campanam data, ac postea typis impressa vna cum delineato schemate Saturnij huius Systematis, quod

hic in studioforum gratiam, ex integro expressum subijcere volumus, ne tanti Arcani notitia diù Orbem litterarium lateat, quæ intra Romæ, aut Parisiorum, fines in paucis chartis conclusa, deperderetur. Tale autem id est.

## SATVRNIVM SYSTEMA.

*Ex Observationibus Io: Dominici Cassini, factis in Regio Parisiorum Observatorio, medijs vitris à Iosepho Campana inuentis, ac subtiliter fabricatis.*

## SATVRNI SISTEMA

20

Ad hæc, præstat apponere eius detectionis historiam, & explanationem ab ipso Cassino, in præfata Epistola factam, quam ipsissimis verbis ex Italico in latinum versam, fideliter referam. Ait enim.

Systema Saturnium comprehendit quinque Satellites, vltra annulum, quo hæcenus is circumdatus visus est; ratione cuius apparet duplici ansa protectus.

Primus Satelles ei proximior, non elongatur ab extremo ansæ, quæ per longitudinem ipsius ansæ, & aliquantò plus: completque suam revolutionem circa eum, spatio duorum propè dierum. Fuit autem detectus medijs septibus à D. V. elaboratis in distantia centum,

tum, vel centum ac sexaginta sex pedum. Idque sine tubo.

Secundus remouetur ab extremitate ansæ, quantum est globi diameter, & vna ansa; facitque suam circulationem circa Saturnum, (vt per easdem lentes obseruatus est) spatio paulò minus, trium dierum.

Tertius elongatur ab extremitate ansarum, paulominus extensione diametri annuli, completque suam periodum in diebus 4. hor. 12. & semis. Porro hic obseruatus fuit medio tubo ped. 34. longo.

Quartus longè patientior, elongatur ab iisdem terminis aliquantò plus tribus annuli diametris, facitque suam volutationem ellypticè paulò minùs diebus sexdecim. Hic iam antè detectus fuit à Domino Huguens.

Quintus longè sit à Saturni corpore, decem diametris ipsius annuli; facitque suam reuolutionem, in diebus circiter octaginta. Fuit verò obseruatus anno 1671. medio tubo extenso in longitudinem pedum 57.

Hucusque Cassinus de Saturni Comitibus. Quem spero & audissimè expecto, propediem simile quid obseruaturum, & edicturum de Marte.

Sed, vt ad Saturni naturam reuertamur; contendit Cardanus, 21  
contrà communem omnium sensum, illum esse calidum & humidum quoniam ait, omnia astra his qualitatibus, plus minus, debent polle-  
re, vt rerum eductiua sint; benè verò, subdit, calorem eius non esse tanti, vt ex se valeat vitam hominis propagare: attamen sat est, & conueniens naturæ aliquorum reptilium, & insectorum, necnon & certarum stirpium, & plantarum: ideoque vitam largitur serpentibus atque omnibus venenatis, ijs exceptis, quæ calidissima esse comperiuntur: quod vtique haud posset, si absolute frigidus, & siccus esset. Præterea benè dispositus promouet plantarum saturationem, educationem, & inficionem, cum aliorum planetarum, aut etiam fixarum quarundam adminiculo. Quare cum Marte generat herbas venenosas immoderate calidas, vti sunt Euphorbium, & Napellus; Cum Mercurio male disposito, intemperatè frigidus, qualia sunt Aconita, Cicuta, &c. Cum Luna herbas aquaticas, & graueolentes, parumque salubres: Cum Venere producit Nymphaeam cuius flos maximè luteus benè olet, attamen venereos motus comprimit, & exsiccatur. Tandem econtrà cum Ioue, Sole, ac Mercurio benè disposito, & ipse aliàs sit in bono statu, producit Lilia, Rosas Rosmarinum, Spicum &c. Quoad morbos, causa est omnium, quæ ex frigidis humoribus proficiuntur, quales Hypochondria, febres Quartanæ, Icterus niger, Hydrops, Podagra, Obstructiones, Her-

Hernia, Calculus, & similia; præstque ex membris humanis auditui dextro, Spleni, Vesicæ, dentibus, atque atræ bili. In Genethliacis etiam facit hominem Melancholicum, pallidum, taciturnum, tamen semper cogitabundum, tenaci memoriâ præditum, & ingenio pollentem. In Zodiaco obtinet duo domicilia directè opposita domibus Luninarium, & habet Exaltationem in Libra.

- 22 SCABELLVM in Militari Architectura vocitari solet parvulus tumulus ad scabelli formam erectus, & formatus è terra, statim in locis autè loricam Munimenti, vel septi obsidionalis, quâ hostem respicit, ad hoc, ut miles per ambulacrum valli discurrens, & lorica reclusus, possit identidem in illud insilire, & sclopiis hostes impetere, ac deinde illico se sub lorice tegmine occultare. Quamobrem consulto huiusmodi gradarij tumuli, & scabella, siue è terrea gleba, & celsipite stipitibus obfirmata, siue è stabili structura ad tergum lorice apponuntur, alta, quantum saltus hominis patitur, & satis sit ad illum erigendum tantum supra lorice terminum, quantum ipsa lorica supra illius staturam erigitur, quo possit hostium statum speculari, & in illos sclopos explodere. Habes huius rei locum, & formam in V. *Arx*.

- 23 SCALAE, tam in Ciuili, quam in militari Architectura, maximo adiumento sunt ad opus perficiendum: quippequæ si deficerent, aut ineptè disponderentur, mutila & inutilis foret ædificatio, incassum omnis bellicus apparatus cederet. Et quidem, quoad ciuiles structuras, satis notum est, quantum ad complementum operis, scalæ sint nedum vtilis, sed prorsus, & simpliciter necessariae; quandoquidem, sine ipsis, vel earum commoda distributione, quodlibet vel maximum ædificium imperfectum erit, mancum, & ad inhabitandum minimè idoneum. Verum, uti maximam earum in ædificijs necessitatem, nemo est, qui non videt; ita incommoda, & innumeris plexa difficultatibus euadit sæpè earum positio, & constructio. Equidem, ut bene aduertit Albertus lib. 1. cap. 3. *Scalis ponendis plus est negotij, quam, ut possit nisi maturo, & digesto consilio rectè disponere. Nam vnus in scalis tres veniunt apertiones. Et harum vna quidem est Ostium, quo in scalis conscendendis aditus pateat: altera est fenestra, qua fiat, ut recepto lumine cuiusque gradus retractio perspiciatur: tertia est contignationis, & tecti aperitio, qua in superius pavimentum, operimentumque peruadimus. Ea de re illud aiunt, scalis nimirum impediri operum descriptiones. Audiuius summam difficultatem, quæ in scalarum positione occurrunt. Audiamus nunc, quomodo eas declinare,*

nare, ac superare possimus. Pergit: *Sed qui vult scalis non impediri, scalas ipsas non impediat.* Quandoquidem æquum est vt quæ commodum ex ijs reportare vult, patiatur incommodum, quod secum ferunt; & qui sine intermissione iumentum adhibet ad comportandas fruges, has eidem largè suppetere non grauetur. Nullum igitur incommodum, quod non vltro tolerandum sit, quando in totius ædificij maius commodum resultat, decorem, ac maiestatem. Demus scalis situs opportunitatem, sinuum amplitudinem, & luminis claritatem, & illæ ne minimum quidem dabunt cæteris partibus detrimenti aut incommodi; quin & augebunt operis symmetriam, ac venustatem. Quod ideo pro qualitate operis, & situ, & forma, & congruis retractionibus, ita constitui debent, vt & ipsæ singulis membris æquè inferuiant, & ( si loci angustia premitur ædificium ) quid modicum ex illis detrahatur, quod tribuatur in commune commodum, scalis. Ergo scalæ in ædibus figendæ sunt firmæ ac stabiles, aut vniciæ, aut plures, prout loci amplitudo, & illarum commoditas exposcit; vt propterea in duplici differentia sint, quod ea in positu eligi possit, quæ magis ad rem, & cum minimo totius ædificij detrimento, comperiatur. Aliæ siquidem sunt prælargæ, ac rectionis, quæ operis vastitati ac magnificentia respondere debent; & hæ in propatulo in medio ædium, non longè ab aditu constituendæ, vt simul commodum præbeant, & ornatum: Aliæ potius ad necessitatem, & ad supplendam loci angustiam, circulares & cochlides, perpetuæ rectionis, quæ quidem minorem occupant situm, & alias partes non turbant, neque incommixtione deturpant; quippe in angulis commodissimè cadunt, & vtrique cubiculorum serici æquè respondent: & hæ quidem operosiores sunt, & ascensu laboriosiores, sed rependitur labor commoditate, & minora impensa, & situs occupatione, vt proinde in magnis ædibus magno in vsu sint, ad secreta commercia, & in promptis famulorum seruitiis: ac de his, satis dictum in V. *Cochlea*. De illis autem, in V. *Retractiones*.

Sunt & aliæ Scalæ, quas dicunt gestatorias, eo quod lignæ sunt & mobiles, hinc illucque, prout res postulat, asportabiles, in Ciuilibus, magno Reip. comodo, quæ olim in maxima æstimatione, & pretio erant, nobile architecturæ inuentum, nunc autem præ multiplicitate, & facilitate eas comparandi, serè despectæ; at non spernendus vsus, qui maximus, & vniuersalis est, tum in re ædificatoria in erigendis absque earum offensione structuris, in iam excitatis exornandis, pingendis; ac repurgandis: tum in Agricultura ad legendos è tenellis arborum ramis fructus, iugandas, ac putandas vites, sur-



furculos inferendos, &c. hæc nimirum per se subsistentes plurimum valent ad huiusmodi opera, maximè verò in templis necessariæ sunt ad albarium inducendum, ad pingendos fornices, ad pulverem abstergendum, ad aranearum telas dissipandas, atque lampades, & pensilia quæque curanda; vti passim videmus in Sacris Basilicis ad modum castelli erectas, quadratas forma, rotis ad basin innixas, ac modico nisu hinc illucque trahibiles, quas ideò castella portatilia nuncupant. Sed leuioris operæ sunt, quæ communiter domi, & ruri adhibentur ad domesticos, & rurales vsus, quippe quæ tribus pedibus solo insunt, duobus nempe qui scalæ ipsius partes, ac termini sint, tertio ex aduerso, qui sustentaculi vices intret, & fulcri. Atque has, inter scansorias machinas adnumerare videtur Vitrum lib. 10. cap. 1. vbi dicit vniuersaliter de scansorijs: *Ea concatenationibus, & transversarijs, & plexis colligationibus, & erismatum fulturis continetur.* Vbi Philander; vno verbo; *Gestatorias si videtur, appellemus.* Fit autem, subdit, id scalarum genus hoc pacto: Tigilla seu fustes arrestarij duo teretibus quot libet baculis traiciuntur, quo: fortasse nunc non ineptè vocemus scandulas, quod ipsis ab inferioribus ad superiora ascendatur. Tertius fustis qui, quia fibula coniunctus est, liberam habet versationem, & explicari cum libet, & complicari possit, præstat erismatis vicem, idest obnitentis fulcri. Sed iam Scansoria-rum Machinarum iniecta mentio ad bellicas scalas nos aduocat.

26

Sunt etiam scalæ gestatoriæ nedum in pacis otio, sed & in belli tumultibus, & progressibus apprime utiles ac necessariæ, maximè in occupatione subita mœnium obsessæ vrbis; De quibus fuscè agit Hero de Machinis bellicis cap. 12. quas & contemplandas oculis exponit, vti & Stevvechius in Veget. & cumulatius Lipsius in Poliorcet. vbi diuersi generis, & ascensus, scalas, easque artificiosissime compactas spectare licet. Aliæ quippe simplices sunt, aliæ compactiles, & solutiles, quæ momento aptari possunt, & iterum solui, vt commodius in apparatu bellico comportari queant: aliæ ferreæ instar catenæ, annulis dextra, ac sinistra connexis, vt facile explicari, & complicari possint: quæ ad extremum vincos habent, quibus pinnis murorum affigantur, & firmiter hæreant: aliæ instar lanceæ cuspidatæ ac solo dehiæ, in quibus, inque earum fuste, traiedi alternatim baculi, quibus ascendi possit ad summum: aliæ Coriaceæ, ac spiritu inflatæ, aliæ è funibus contextis, & in modum retis expansis: aliæ denum, quas speculatorias vocant, in quarum summitate Thoraciolum locatum est, in quo possit miles probe consistere, & aduersariorum molitiones conspiciari, & aliquando etiam

mis-



missilia iacere, & per pontem adnexum in muros insilire. Quæ omnia late prosequitur Hero, loc. cit.

Sunt etiam in maritimo certamine suæ leatæ, quæ sambucis ad hoc factis applicitæ, vastitatem undique ferunt, quas pulchre describit Polybius, cuius verba ex poliorio Lipsij versione, huc adportare non erit incongruum. Ait enim: *Scalae sunt latitudine pedum quatuor, altitudine quanta muris sufficit, & pariare potest. Eorum duo latera pluteis muniunt, supernè loriculis tegentes. Has deponunt in latus, & reclinant super nauium proram, longè super rostra eminentes. In malis autem nauium aptata trochlea, & in ijs fimes; quibus funibus, cum opus est ad caput scalarum religatis, ij qui in puppi attrahunt eas, & attollunt. Sed & in proris quidam adiuuant sublationem fulcris, aut tignis subrigentes. In supremis porro scalis est tabula, cuius tria latera cratibus muniuntur, in quam veluti turriculam viri quatuor conscendunt per dictas scalas, & in muros insiliunt cratibus remotis, alij deinde consequuntur. Dicta autem est hæc Sambuca, quia cum sublata sunt Scalae, fit cum Nauibus vnum quoddam corpus, & adsimile Sambuca. Hucusque Polybius ex ore Lipsij, longè aliter de Sambuca differens, quam Vegetius, vt in loco monuimus.* 27


SCALA etiam, per quandam similitudinem operis, & analogiam, dicitur in Geometricis & Arithmeticis, progressionum ordo, quibus ab imo, seu vltimo termino, per proportionum seriem ad vltiora progreditur. De qua re frequens occurrit, & occurret sermo, cum de ijs specialiter agitur. Similiter 28

SCALA ALTIMETRA, dictus est ab officio, Quadrans orthogonius, & seorsum, se solo; & cum alijs in dorso Astrolabij delineatus, cuius latera in partes duodecim sunt diuisa, æquali spatio; quæ communiter digiti, aut puncta appellantur. Huius ope locorum altitudines veniamur ac dimetimur. Eiusque vsum luculenter docet Egnatius Dantes, & nos ex parte tradidimus in V. *Quadrans Geometricus.* 29

SCALAGEOMETRICA dicitur, quæ per regulam proportionum, quæuis definita quantitas continua in planum excurrrens, diuiditur in quotlibet, siue maiores, siue minores partes æquales. Ea autem vniuersalis est; & percommoda venit omnibus Agrimensoribus, Architectis, Picioribus, alijsque Artificibus, ad sua opera compendio absoluenda. Et quamquam Geometræ cum Euclide multimodis eam tradunt, placuit tamen ad tyronum leuandum la-

borem, omnium felicissimam, & expeditissimam methodum hic exponere, & oculis exhibere.

Ducatur, ut in subiecta Figura Linea B. H., ad quantamlibet definitam distantiam producta: ad cuius extremitatem B. cadat perpendicularis A. B. Tum linea B. H., diuidatur in tot partes æquales, quot libuerit, ut B. C., C. D., D. E., &c. & a punctis diuisionum ducantur arcus, nempe à puncto D. arcus O, à puncto E, arcus P. à puncto F. arcus R, & sic de singulis. His peractis, à puncto B. ad singulos huiusmodi descriptos arcus ducantur tangentes B. N., B. M., B. Q., B. L., B. K. & hoc pacto habebis regulam valde utilem, atque infallibilem, ad omnem cuiusvis rectæ lineæ diuisionem, ut vides.



Vsus autem ad praxim, hic est. Sit diuidenda, exempli gratia, Area, seu Linea T. S. in sex partes æquales: Sumatur circino longitudo T. S. & facto centro in B. intervallo T. S. describatur arcus H. I. qui secabit omnes ductas tangentes B. 2. B. 3. B. 4. &c. Sume igitur in Scala portionem arcus I. K., hæc profecto diuidet rectam T. S. in sex partes æquales.

SCALA MUSICA. Vide in V. *Monochordum*.

- 31 SCALENUM dicitur Triangulum habens omnes angulos, & latera inæqualia, itaut in nullo conueniant: in quo differt & directè opponitur æquilatèro, quod necessariò habet etiam omnes angulos æquales, eosque acutos: hoc dicitur etiam *Isofceles*; sed *Isofceles* est amplius, & præscindit ab æquilatèro, & æquicrurio, quod duo latera tantum appellat æqualia, basim autem vagam aut minorem aut maiorem, & consequenter etiam angulum ad verticem, qui potest

test esse, vel rectus; vel acutus, vel obtusus. Sed de hac re fusè dictum suis in locis.

SCAMILLI in Opere architectonico sunt in genere adiectionum, 32  
quæ visum complent, & terminant: ad quem finem, operi in altum surgenti adijciuntur, ne aliàs præ longitudine, & vastitate, obliquè conspectum, monstrosum quid, & informe oculis repræsentet; Quapropter scamillis hisce iuuatur ex perspectiuz regulis, ne inuentus reddatur aspectus. Id quod in Stylobatis potissimum monet Vitruuius fieri debere: ita enim loquitur lib. 3. cap. ult. *Stylobatam ita oportet exaquari, uti habeat per medium adiectionem per scamillos impares.* Et necessitatem id faciendi mox exponit, subdens. *Si enim ad libellam dirigetur, alveolatus videbitur.* Rursus lib. 5. cap. 9. ubi de ratione columnæ Corinthiæ verba facit; idipsum replicat iisdem penè verbis. Promiserat ille quidem ad maiorem eorum effectus intelligentiam, deformationem ad finem apponere; sed non præstitit; aut si dedit, ea certè, iniuria temporum periit. Quod ideò obscuriusculus manet sermo, tum in ipsa voce Scamilli, tum in conditione, quod impares petunt apponi. In quo sanè negotio, laborant Interpretes, & alij in nomine, alij in re hærent, & confunduntur. Barbarus hæc habet. *Quantum ad rem pertinet, notum est: quatenus verò ad nomen, difficile; quoniam eo vocabulo nullos alios usos memini me audiuisse, aut legisse.* Sed hic miratur Baldus, hominem, alioqui doctum, id ignorasse. Cum potius, inquit, nomen satis compertum sit; quid verò per scamilli nomen intelligatur, ignotum. Quod ad nomen attinet, sic Philander coniectatur. Scamilli hic videntur dicti, quasi Gradilli: quid autem significet in stylobatarum adiectione, non liquet. Sed tamen in Notis ad dictum caput 5. telam retexens, & fila disponens, Huiusmodi, ait, resiliens stylobatas, quos (ni fallor Scamillos vocat Vitruuius) siue Scabellos, aut scamnuſos, ut aliqui Codices habent; impares autem, quod interstylobatijs, (ingere enim oportet vocabula, dum usitata non possis reperire; & ita puto intellectum iri, quam si dicam Mesostylobatia;) id est, intersectis perpendicularo, non responderent, cum magis ad rationem podiorum, unde spectari solent, pertinere arbitrantur. Hæc Philander, in eo quod ad rem attinet; nam de nomine, paucis se eximit per synonyma, quæ se reperisse, testatur in alijs codicibus. Cum priùs in re, ex vetustissimis Græcorum monumentis Athenis extantibus (ubi stylobatæ non ad plinthis latitudinem respondebant, sed erant contractiores) dixisset: *Per scamillos impares, idest ceteris gradibus quibusdam fieri adiectionem in medijs stylobatis; hoc est, fieri, ut gradatim à supremis, atque infimis*

33 partibus quadratorum, quæ coronicibus suis, & basibus elanduntur; medium versus suburgerent, & adaugerentur; ad eum planè modum, quod columnas aliàs diximus, in medio scapo aliquantùm turgere, quod ventrem columnæ nominant. Philandri discursum quoad nomen, probat doctissimus Turnebus lib. 11. cap. 2. non autem quoad rem: ipse verò sententiam suam non profert. Post quos Vincentius Scamozzius, lib. 6. cap. 8. ait; Stylobatas apud Græcos, habuisse per medium refuleus scamillorum imparium; uti si Podium cominùs inspiciatur, videantur alueolati: Quos idèò (subdit) impares voluit esse Vitruuius, quia fiebant in lateribus Templorum, ubi intercolumnia erant paria, sed columnæ, & stylobatæ numero impares. Cui consentit Bertanus exhibens schema demonstrationis. Sed nihil horum placet Baldo, qui rem fusissimè examinat in Lexico Vitruuiano. Nam non aliam ob causam obseruat, imponi à Vitruuio necessitatem adijciendi stylobatis eiusmodi scamillos, eosque impares; nisi quod, si ad libellam dirigerentur, alueolati cominùs apparerent. At quis unquam (subdit) mentis compos, exæquatam complanatque superficiem, alueolatam sibi videri affirmat? Quapropter ad nodum enucleandum, iterum vadam retentat, & longissimam quæstionem attexit ad finem operis, ubi exhibito schemate, demùm concludit, quod ità constituto stylobata, debita integræ basis species oculo infrà posito, se sistit: non sic, si is fiat sine adiectionibus, & scamillis. Nam tunc absque dubio alueolatus apparere necesse est: sicut viceuersà, si in plano basis oculus statuatur, rectus utique apparebit, & idèò tunc non est opus adiectionibus, & scamillis.

34 SCAMNA, & BANCHOS nostri Hydrographi, piscatores & Nautæ vocant, quos *Βανχία* appellant Græci, ac Latini Scriptores Syrtæ, & Breuia; videlicet subsidentis in aliquo sinu maris arenæ cumulos ibi à fluctibus congregatos, nauibus insensissimos, & illuc impingentibus certum naufragium, nequicquam timentibus, aut declinare valentibus, importantes: Hos inquam, *hodie Nautæ* (obseruat acutè in Virgilio Erythræus) scagni appellant, *eleganti quidem metaphorâ*; nam *saxum ingens* (subdit) *cum occurrit, sedile promittit. Vel quia, sicut in scamno desidemus otiosi*; ita fortè *Navis superuecta dorso sedet, hæretque immobilis, & fixa*. At enim uerò sedes infida nimis, & dolis onusta, quæ non otium, & quietem parat, sed exitium, atque allisione ad saxa, naufragium. Quemadmodum de nauigio, quo per Africæ littorâ præteruebatur Aeneas, refert Poëta, Aeneid. 1.

*His vnda dehiscens,*


*Terram inter fluctus aperit: fufis aëlis arenis.*

*In breuia & fyrtes vrgit (miserabile visu!)*


*Illiditque vadit, atque aggere cingit arena.*

Etenim contermina sunt & affinia, fyrtes & breuia, quæ naues discurrentes, aut immobiles sistunt, aut frangunt: saxa nimirum sub mari latentia, & arenarum cumuli; hi detinentes, illa inopinas nilvè tale suspicantes atterentia; quippe nulla in his valet nauigatoria charta, quæ de dolis præmoncat, vt euitari queant. Audi Sallustium in Iugur. eiusmodi monstra ad Africæ oram circà Leptim extantia, vt nauigia deuorent, bellissimè describentem. *Situm* (inquit, Oppidum) *inter duas Syrtes, quibus nomen ex re inditum. Nam duo sunt sinus propè in extrema Africa, impares magnitudine, pares natura: quorum proxima terra præalta sunt; cetera, vti fors tulit, alta, alia in tempestate undosa. Nam, vbi mare magnum esse, & sauire ventis capit, limum, arenamque & saxa ingentia fluctus trahunt. Ita facies locorum cum vento simul mutatur. Syrtes ab tractu nominata. Quandoquidem latina vox à *σῦρξ* græca notione deriuata est, quæ significat, traho: quia cum vadosa sint, & aliàs concaua, & sinuosa, arenam & saxa à fluctibus agitata non vlterius transmitti sinunt, sed intrà alueum suum coadunata, & sistunt, & constipant, & in nouam molem attollunt. Porro simile quid, & eiusmodi fyrtes & scamma agnoscit, & leui ventorum flatu efformata demiratur in terra, Solius; tantòque inuitabilia, & occultiora quantò non semper eodem loco permanent, sed hùc illuc, quò flatuum inconstantia, & ventorum impetus pellit, circumferuntur. Inter fyrtes, ait, quamuis terra pergentibus, iter sideribus destinatur, nec aliter cursus patefcit. Nam putris soli faciem aura mutat, & minimo licet vento, tantam diuersitatem status efficit, vt subinde peruersis syrtibus locorum nulla indicia agnitioni relinquuntur: cum modò quæ vallibus pressa, congestu pulueris aggerantur. Ita etiam continens, maris naturam vi patitur; nec interest vbi potius procella sint, cum ad exitum vianitium, elementis congruentibus, in terris stabra seniant, in mari terra. Id in toto Lybiæ tractu experiri est; vbi nullus mons, nullus collis ventis obfluit, nullum virgultum nascitur, nullos denique specus habes, in quos te recipias, sed ampla planities vsquequaque cælo contermina, exsiccis arenis opera omnia complet: vt in cæli siderumque ductu sperare solùm possit, salutemque tuam committere. Adeò monstis abundat tellus; vt, & volitantia habeat; & in aperto mari truculentior permeantes absorbeat; quando illud, & portus, & sinus admittit tutum saltem à tempestate perfugium, benè de illa Lucanus lib. 9. *Belli ciuilis.**

*Saxa tulit penitus discussis proruta muris ;  
Effuditque procul miranda sorte malorum  
Qui nullas videre domos , videre minas ,  
Iamque iter omne latet ; nec sunt discrimina terra  
Vlla , nisi aethera medio velut aqore flamma  
Sideribus nonere vias .*

 Ergò Astronomis tantummodò datum est hæc monstra vitare , si-  
derum prauos benignosque influxus præmeditantibus , ad eorum-  
que normam iter per hæc deserta Libyæ dirigere satagentibus . Si-  
mili ratione

36 SCAMNVM in Agricultura , siue apud Agrimensores , dicitur  
cunulus terræ elatior , qui inter duos sulcus erigitur , ad vitium fru-  
ticumque commodam plantationem , vt habet Plin. lib. 17. cap. 22.  
aut in limitibus agrorum constituitur pro macerie ad distinctionem,  
& interuentionem ab alijs : eo prorsus modo , ac strigæ ; nisi quod  
hæc intelliguntur esse quæ in longum diriguntur , scamna verò per la-  
titudinem : vnde Hygenus de condit. Agror. *Institutioni limitari mensuram ,*  
*inquit , post strigas , & scamna cludemus .* Et clarius Frontinus .  
*Ager per centurias , & scamna est assignatus : quidquid autem secundum*  
*hanc conditionem in longitudinem est delimitatum , per strigas appellatur ;*  
*quidquid in latitudinem , per scamna .* Hinc est obseruatio illa Urbici  
in *Comm. de limit.* , quod scamnatus ager ab occidente in orientem  
crescit . Quæ de re vide Alexand. ab Alexandro lib. 2. cap. 20. di-  
cens autem talis limes scamnum , à similitudine scamni , quod paulum  
supra terram eleuatum est , & pedibus accommodatur ad innixio-  
nem , & fulcrum . Cæterum Columella scamnum simpliciter vocat  
in agris , terram virginem , seu immotam , & crudam , quæ nunquam  
ligone , aut aratro proficissa sit .

37 SCANDVLAE in re ædificatoria , sunt scæiles asseres , qui in testis  
tegulis supponuntur ad eas sustentandas , quas ideò è robore potissi-  
mum probat Plin. lib. 16. cap. 10. quod non facile ponderi cedant ,  
 aut marcescant . Eiusmodi scandulis tegularum loco ad tegendas  
humiles casæ utebantur primi Orbis habitatores : quem vsum pro-  
sequutam fuisse Romani annis quadringentis septuaginta , author  
est Cornelius Nepos , sed & ad sua vsque tempora perdurasse in ali-  
quibus populis , & nationalibus , vt Gallia , & Hispania , testatur  
Vitruu. lib. 2. cap. 1. nec hodie in totum abijisse comperitum est in  
aliquibus locis septentrionalibus , vbi syluæ glandiferæ abundant ,  
nec facile materia sufficit ad conficiendas tegulas . Porro scandulas  
has



has vocat Isidorus lib. 9. cap. 19. à scindendo. Sed & scandulas in genuina, & propria significatione vocari posse, notat acutè Philander, rigillos illos, seu teretes veſtes, quibus scalæ gestatoriæ traijciuntur, tanquam scansiles graduli, quibus ad superiora conscenditur.

SCAPVS principaliter in Architeſtura vocatur totum columnæ corpus, quantum est longum & crassum, inter duas apophyges quibus aut basi insitit, aut capitello subijcitur: alio nomine Fustis, & Truncus. Sed hæc ampliora sunt, & per omne id quod vtrumque teres, est crassum & oblongum, transcendunt. Scapus autem prescius accipitur pro columna tereti, & cylindrica: in quo distinguitur à Parastata, seu Pila, quæ ad eundem vsum est, sed forma quadrata, & struſtili materia confurgens. Porro à similitudine columnarum & officij communicatione, scapi dicuntur erecti stipites in medio ostiorum, qui valuas vtrinque neſtunt, & colligant; nec non illi, qui ad eorundem Ostiorum latera apponuntur, ad valuas è cardinibus sustinendas; vti sæpè vocat Vitruvius. & hos quidem cardinales à cardinibus, illos autem absolute scapos portarum. Vnde lib. 4. cap. 6. de illis dicit. *Fores ita compingantur, vti scapi cardinales sint ex altitudine luminis totius duodecima parte.* Simili modo lib. 9. cap. 2. Cochlidum scalarum medium fustem, cui angulares graduum termini innituntur, scapum dixit; stilum, & Animam, nos vocamus: & ita locum interpretatur Barbarus. Quamquam Baldus, aliud accepisse Vitruvium censer, scapi nomine, eam vide licet partem, quæ subiecta gradus ipsos sustinet. Sed quznam ea sit, citrà ipsum fustem, & qua ratione scapus dici possit, hætenus non intelligo.

SCENA in Theatri conformatione, teste Cassiodoro, propriè est ea pars, quæ ab vno eius cornu ad alterum, cum coopertura ducitur. Cuius etymon, & originem, sic tradit ac describit in Epist. ad Synmaculum lib. 3. Varior. *Cum agricultores feriatis diebus sacra diuersis numinibus per lucos, vicosque celebrarent, Athenienses primum agreste principium in urbanum spectaculum collegerunt, Theatrum graeco vocabulo visorium nominantes, quod eminùs astantibus, turba conueniens sine aliquo impedimento videatur. Frons autem Theatri siena dicitur ab umbra luci densissima, ubi à pastoribus, inchoante verno, diuersis sonis carmina cantabantur. Hinc ipse locus ad agendam fabulam, vnicè deputatus, Scena communiter dictus est, qui comprehendit totum illud spatium, quod machinis versatilibus datur, aut statarijs*

rijs ædificijs, montibus, sylvis, cauernis, &c. quæ volunt oculis fisti, quæque ad repræsentandum quod ad rem cadit, commodum veniant, argumentumque fabulæ committentur. At Iuris-Consultus in Pandect. lib. 3. Scenam dicit esse partem illam Theatri, ubi ludorum causa, homines actionem inituri, se colligunt, & personas habitusque induunt, & immutant, antequam propalam exeant, fabulamque recitare incipiant. Sed circa hanc rem, vide quæ dicemus in V. *Theatrum*,

- 40 SCENOGRAPHIA membrum est Opticæ, quæ nos communiter Perspectiuam nuncupamus. Ea autem propriè cõsistit in projectione specierum obiecti visibilis ad oculos terminantium, quæ varia semper est, & subinde mutatur pro varietate situs, ac distantia, vel propinquitate; ratione cuius obiectum diuersimodè repræsentatur. Cum *Sciographia* confundunt nonnulli: verùm hæc coarctatur solummodò ad vmbrarum projectiones: vnde Vitruuius lib. 1. cap. 1. earum facultatum censum faciens, quæ ad Architecturam necessariæ sunt, sic eam definit: *Sciographia est frontis, & laterum abscendentium adumbratio, ad circinique centrum omnium linearum responsus*. Scenographia autem latius patet, & comprehendit omne id, quod quoquo modo ad projectionem radiorum visualium facit, qualiter hi retrahantur, aut prolongentur; adeoque in picturis imagines delineandæ, quò obiectum in sua distantia, naturali situ, & habitudine ad verum repræsentetur. Ad hanc etiam spectat considerare, atque perquirere, quonam pacto species omnes obiectorum, circa, & latè existentium, in vnum coadunentur, & intromitti æquè ac distinctissimè queant in obseratum, & obscurum cæteroquæ conclaue, per vnum, & arctum foramen in pariete, vel clausis foribus factum, in quod subintret lumen exterius communicatum, ac projectione radij terminet in aliquod planum in æqua distantia collocatum; ubi miro modo transfundit species omnium obiectorum circa existentium, quæ aliquo obice non impediuntur, idque tam exactè, tam concinnè, tam ad viuum, cum suis proprijs coloribus, vmbris, luminibus, distantijs, retractionibus, quin & ipsis motibus, ac situum variationibus, quas subinde subeunt, ut non pictura, non speculum melius repræsentare posset, aut pictis desuper coloribus fingere. Quæ de re, Theoricè agunt Marius Bettinus in *Apiarijs*. Soottus in *Magia Catoptrica*, Marinus Mersennius in *Perspectiua* ac Kircherus in *Arte Magna Lucis, & Vmbra*, atque in praxi multas adducunt experientias, quibus Lector suam explere poterit curiositatem.

SCHEAT, arabicè dicitur Stelia fixa tertiæ magnitudinis, de natura Saturni & Veneris, fulgens in dextra tibia Aquarij, ab Astronomis maximè obseruata; quæ inter alia cum Mercurio manè exories, inducit ventos cum nebulis; & si tempus consenserit, intendit frigus, vti & omnes aliæ stellæ positæ in hac constellatione. Est nunc in grad. 4. Piscium cum latitud. fere 8. Australi, oritur tamen Romæ cum grad. 22. eiusdem Signi, die 11. Martij, & occidit die 18. Februarij.

SCHEDER item nominatur altera stella benegnissima, de natura Iouis, & Veneris, in sinistra scapula Andromedæ consistens, tertiæ magnitudinis, quæ nunc est in grad. 18. Arietis cum latitud. boreali grad. 24. Oritur autem Romæ cum grad. 20. Aquarij, circa diem 7. Februarij, & occidit Aprili mense, cum grad. 27. Arietis, quo tempore excitatur Faunus, qui tandem vertitur in Austrum, & si Venus affulserit, facit copiosos imbres.

SCHEDIR appellatur etiam alia stella, existens in pectore Cassiopeæ, tertiæ quoque magnitudinis, de natura Saturni, cum participatione Veneris, quæ in nostro hemisphærio nunquam occidit, & aliquando pluribus Italicis viribus sit Verticalis; nunc autem est Oeniponto, Græcio, & Vngariæ, necnon etiam Constantiæ, Monachio in Bauaria, Turonibus & Burdegala in Gallia, & alibi; ubi magnas mutationes edicit. Ea in horoscopo (inquit Firmicus) facit bracteatores, plastes, aurifices, quique gemmis maximè delectentur, ipsque negotiationem suam iniant, magno cum lucro, & emolumento. In occasu verò mortem ex ruina minatur.

SCHISMA, quid sit in Interuallis Musicis, Vide in V. Semitonium.

SCIATHER, (malè ab aliquibus scribitur Sciorther) propriè denotat in Horologijs solaribus, stylum, seu Gnomonem, vmbra directorum, ex græco *σκια*, & *θηρα*, formato vocabulo, quasi vmbra venatione. Hinc Vitruu. lib. 1. cap. 6. ad indagandam lineam meridianam, docet, vt in centro circuli ad hoc delineati, collocetur aeneus gnomon indagator vmbrae, qui græcè *σκιαθηρα* dicitur: Huius antemeridiana, circiter horam quintam, sumenda est extrema gnomonis vmbra, & puncto signanda, itemque obseruanda postmeridiana istius gnomonis crescens vmbra; & cum tetigerit circinationis lineam, & fecerit parem antemeridiana postmeridianam, signanda puncto. Ex his

H h h h h

duo-

duobus signis , circino decussatim describendum, & per decussationem , & medium centrum, linea perducenda ad extremum , ut habeatur meridiana , & septentrionalis regio . Verum tamen est , quod subiinde nomen transijt ad denotanda quævis horologia solaria in pla num delineata , quæ vniuersim Sciathira , & Sciatheria appellantur , vt videre est apud Plutarchum in Marcello , Plinium, aliosque, quos abunde congerit Rhodiginus, lib. 12. cap. 9. Sciother autem propriè , & rigorosè, est instrumentum Agrimenforum , & Architectorum , quo vtuntur ad metiendas ex vmbra proiecta, altitudines ædificiorum , & collium . De quo recurret sermo in V. *Vmbra* .

45 SCINTILLATIO in Astris est emissio illa fulgoris, & reuibratio, illis propria, qua videntur scintillas quasdam emittere, qua intuentium oculi, & oblectantur simul, & quodammodo præstringuntur : ea, vt dixi, propria est Astrorum, seu siderum inerrantium, haud planetis conueniens, vt Philosophus ipse notauit: quorum aliqui licet, cum paululum supra horizontem eleuantur, simile quid ostendunt, & maximè Venus, ac Mercurius (qui propterea dictus est Stilpon) attamen mollior, & longè diuersa est hæc euibratio, quæ assimilatur potiùs motui & circumagitationi flammulæ in lucernis, quæ non ab intrinseco venit, sed ab extrinseco, ab aëre ambiente . Sic etiam in planetis, motus ille & variatio luminis, prouenit ab Atmosphæra, quæ crassior vaporibus obsita est, & ex refractione specierum facit, vt hæc pertingant ad visum subfidentes quodammodo, & inconstantes . At scintillatio in Stellis fixis, viuidiore est, & illis intrinseca, quæ semper eadem est, & constans: benè tamen verum est, quod in aliquibus penè nulla, vt in Arcturo, Spica Virginis, &c. in alijs intensior, & concitator, vt in Palilitio, Aquila, Canè Sirio, Lancibus, & vniuersim, quæ de natura Martis, & Veneris participant .

46 Causa autem huius arcani, Philosophantium intellectus aciem præstringit magis, quam oculos hæc euibratio: vnde in varias sententias abierunt, nec vllus hætenus, meo iudicio, ad verum collimauit. Aristoteles id in maximam fixarum à terra elongationem, refundit, atque ad visus debilitatem: quod cum plausu assumens Pontanus in Vrania, lib. 2. Sic cecinit .

*Prætered cur sola acies immota Deorum  
Cernitur, obtutuque hæret defixa sub ipso?  
Cum tot, & illa quidem fidentia signa micanti  
Scintillent radio, tremulusque internatet ardor?  
Scilicet alta illis regio, sedesque repositæ:*

*Quò postquam aduenit defesso lumine visus .  
Defessus tremuit ipse ; tamen tremere ipsa videntur .  
Astra : micant radij , sed lumina nostra tremiscunt .  
At contrà vicina Deùm statio , ardua quamquam ,  
Prospèctu facilis tamen , atque immota tuenti :  
Quò penetrans stat certa loco , insistitque videndo  
Nostra acies , fixisque oculis immobilis hæret .*

Hucusq; Pontanus. Cuius tamen speculatio non conuincit. Nam Mercurius, & Venus nobis longè viciniore, quàm Saturnus, & Fixæ, semper tamen eodem modo scintillant, & Venus quidem, vel in maxima altitudine, vt notauit etiam Simplicius Philosophus: cùm tamen ille, ac simul Iupiter & Mars, longè à nobis remotiores, etiam circa horizontem, & in Atmosphæra, nil tale vsquam patiantur.

Deinde, vt suprà tetigi, alia est scintillatio quorundam Planetarum, alia fixorum siderum: illa blanda mollis, & tremula, quæ successiue variatur, ac tandem cum in altum assurgunt, disperduntur; hæc semper cadenti constans, viuida, & oculorum præstrietua. Blancanus in *Sphæra Mundi*; causam scintillationis siderum, vnicè refractionibus tribuit: ideòque ait, plus alijs Procyon, & Sirius hoc patiuntur, quia non plus quam grad. 45. suprà terram eleuantur. At quonam pacto Iupiter lumine clarior, corpore maior, situ etiam humilior, non scintillat? quare Arcturus, Pes Orionis, Formahand, &c. quæ minus à terra quam Procyon, & Sirius eleuantur, minus tamen scintillant; & econtrà dexter humerus Orionis, Bellatrix, Palilitium, Lyra, plus cæteris vel in medio cæli, & aliquando verticales, æquè ac circa terram constitutæ, scintillant? Vt proinde neque subsistere queat explicatio Cardani, quam asserti in lib. de *Subtilitate*, Celeritatem nempe motus, quem habent sidera præ Erraticis, causam esse huius scintillationis. Nam, præterquam præuentio ista motus est modica, & ferè insensibilis: si id verum esset, cùm Planetæ sunt retrogradi, deberent fortius scintillare, quàm fixæ, quia motum ipsum raptus præuertunt, & citius motum suum diurnum circa terram absoluunt, ac post se, ipsas fixas relinquunt. Accedit, quod cùm fixæ cum suo orbe omnes æquali, & concitatissimo motu à Primo mobili abripiantur, omnes æquali modo scintillare deberent; quod tamen non accidit, vt vel lippis oculis patet.

Restat igitur, vt dicamus, scintillationem istam in fixis, esse intrinsecam qualitatem, & virtutem prouenientem ex insita earum natura, participantem aliquid de primigenia luce, quæ non sit mutata

à Solè, licet à Sole postea fecundetur, & complementum habeat; eo ferè pacto, ac ignis, & aliqua insecta noctiluca, vt Nitedulæ, quæ suo modo scintillant, & effluxus quosdam lucis euibrant ab intrinseco emanatos, vt præ cæteris aduertit Georgius Reischius in *Margaritha Philosophica*. *Quia*, inquit, *intrinsecum, & connatum lumen habent, unde etiam in nocturnis tenebris videntur, lumenque illud ingentum habent ab igne*. Non sic planetæ, qui ex se, corpora densa & opaca, totum lumen suum acceptum habent à Sole, cuius radijs illustrantur, seu potius eos in se receptos, ac terminantes, cum non ulterius transmittere queant ob sui opacitatem, in se collectos continent, ac reflectunt; atque adeo passiuè tantum se habent, & mortuo, vt ita dicam, modo, coruscant.

- 49 **SCIOMACHIA** græcè dicitur collusio militaris, quasi *umbratilis pugna*, hoc est, quæ non seriò, aut ex odio, & vindictæ furore initur, sed vel ad roboris exercitium, militaremque artem comparandam, vel sanè ad iocositatem, & animi remissionem. Etenim in ea fictè, & amicè pugnatur, armis aut ligneis, aut hebetibus, vt ictus innoxie cadant, atque interim veris prelijs præludatur; & collatores ad scopum collineantes, discant arma tractare, assuecantq; impactos ab aduersario ictus præcauere, ac declinare. Sic enim olim Tyrones exercebantur ad palum; dehinc grauioribus armis induti cum magistris digladiabantur, & nunc insultando, nunc retrocedendo, nunc sese inclinando, nunc exsurgendo, pugnaudi peritiam comparant, & vt ait Seneca lib. 5. Controv. 24. *grauioribus armis pugnare magis discunt, quam pugnant*. Ad hæc instituta fuere Hastiludia, Ludi Circenses, Luctæ, & si quæ sunt eiusmodi ludicræ exercitationes, quæ ad bellicam fortitudinem in tempore ostentandam anticipatè disponerent, & erudirent. Quanti autem valeat ad acuendos spiritus erigendos animos, solidandaque membra nedom pugnantium, sed & equorum, quibus insident, præliaris hæc prælusio; argumento sit celebris illa tandiù repetita Gozonis Equitis Rhodij (Generalis postea totius Ordinis Magistri) cum ficto Dracone exercitatio, quam fusè describit Bosius in *Histor. Ord.* Hic cum videret Insulâ penè desertatam hominibus, factamque impermeabilem ab immani quodam Dracone illic degente, qui aspectu horribili, insatiabili ingluuiæ, alitu pestifero, ac prorsus exitiali, homines & pecora deuorabat, communi calamitate commotus, illum, vel suo quouis discrimine perdere, ac Insulam tali peste deliberare, altè intrâ se constituit. Quapropter, recto consilio, necnisi duobus seruulis, qui eum comitari deberent, communicato (quippe rigoroso edicto vertitum erat,



erat, ne quis ad locum accederet) interpidè rem aggressus, vt erat militaris artis scientissimus, non prius sese facto exposuit, quam præambula exercitatione, se suumque equum, binosque animosos molossos ad assultum instrueret. Ergò paratà ad Monstri similitudinem Machinà, quæ ab homine intus latente agigaretur, omnesque furentis belluæ motus exprimeret; in hanc sæpius in die, ipse equo insidens, canesque subinde incitans, insiliebat: vbi eos frequenti vsu firmatos, timorem omnem excussisse comperiit; ad veram pugnam processit, tanta equi promptitudine, & canum alacritate, vt ex his vnus dentibus fortiter præhensis belluæ genitalibus, alter auri- bus arripens, ac ferociter teuens, illam præ doloris impotentia ad terrain procumbentem, ita immotam stiterunt, vt hæro ansam darent, eam, directà ad gulam lancea, confodiendi: atque ita de perempto monstro, deque communi calamitate, prælusoria arte sapienter vsus, feliciter triumphauit. Nimirum, vt scitè aduertit Theodoricus Rex, apud Cassiodorum lib. 1. cad. 14. *Arts bellandi, si non præluditur; cum necessaria fuerit, non habetur.*

Itaque magno consilio, maiorque Reip. bono, Sciomachia intro-  
ducta est, ad bellicam virtutem comparandam; præluditur ex ioco  
prælium, vt prælium dehinc ferid, & vtiliter iniatur; atque vt hostiles  
ictus arte vibrati, aut excepti, conferant postea ad cruenta vulnera vel  
infigenda, vel declinanda. Neque audiendi sunt qui artem hanc,  
cui noxiam, animique & corporis fortitudinem eneruantem, tetrico  
supercilio repræhendunt, id inuidè opposcentes, apud Naudæum.  
*De studio militari lib. 1. cap. 21. Quasi umbratilis ista pugna metus ac  
periculi secunda, vera officeret; difficilisque transitus esset ex nullo, in proxi-  
mum mortis periculum, maxime in hominibus plerumque timidis, &  
minus animo, quam huic industriæ pugnandi, confisis. Nam, vt bene ipse  
Naudæus subinfert: Quemadmodum imbelles, & ignavos, non arina  
ulla, non peritia in veris, aut rudibus gladijs tractandis: non Pallas  
ipsa, si scuto illos protegeret, audaces unquam redderent: ita prorsus  
indignum esset viro graui & prudente, arbitrari, has exercitationes  
armorum, & studia, quæ à teneris in ludo ponuntur, non multum con-  
ferre ad fortunam. Stet igitur, fortitudinem præliarem (Philoso-  
pho vel ipso teste) vsu, peritiaque acquiri: atque hanc, non nisi per  
frequentatos actus in pace, vbi securitas & emendatio in lapsibus est,  
facilius comparari. Vnde appositè notat Alexand. ab Alexandro  
lib. 2. diæ. genial. cap. 20. Iulium Cæsarem Romanæ gloriæ pri-  
mum auctorem, & militiæ scientissimum, Equites Romanos armo-  
rum peritos dedisse Magistros, sub quibus militiæ nescij erudirentur:  
quorum præceptis imbuti, perstando, & peruigilando, militare rudimen-*

tum deponerent; legesque pugnandi, & praelij normam, ac dictata inter-  
noscerent.

- 51 SCOLA (non schola, vt nonnulli perperam scribunt.) in Archi-  
tectura, ad balneas pertinet: de quarum dispositione agens Vitru-  
uius lib. 5. cap. 10. hæc habet: *Scolas labrorum ita fieri oportet spatiosas, ut cum priores occupauerint loca, circumspicientes reliqui restè stare possint.* Et paulò antè, de balnearum capacitate dixerat: *Sint autem ita compositæ, quanta longitudo fuerit, tertia dempta latitudo sit præter scolam labri & aluei.* Ex quibus liquet, ipsum pro Scola, crepidinem vasis, seu aluei, in quem lauaturi intrabant, intelligere, ab excolatione aquæ à summo labio, ad quod ex commotione ascendit, in illum ipsum alueum, in quem recipitur & congregatur: vnde & nos, hanc partem vernaculè dicimus *lo Scolatoio*. Schola autem cum aspiratione, ædificium denotat, publico literarum ludo paratum, *ἡ δὲ τῆς σχολῆς*, quod est vaco, seu operam do, deriuato vocabulo, cui nihî commune cum balneis. Quod id.ò notat Festus, scholas in plurali dici ipsam Academiam, seu Gymnasium, vbi dispersitæ cellæ in varias scholas, pro diuersis inibi disciplinis tradendis, numerabantur: vti nunc etiam in omnibus ferè, tam publicis quam priuatis, per totam Europam Academijs, visitur, & praticatur: diuersos nempe recessus, ac distincta conclauia, ad singulas scientias docendas, atque addiscendas, per ordinem dispersitæ, in quibus exedra & subsellia per orbem disposita pro professoribus, & audientibus, quæ communiter Scholæ nuncupantur. Nunc autem, quoad Scolas balnearum; quam partem, propriè & specificè pro ijs intellexerit, ac denotare voluerit Vitruuius, non benè inter se concordant Interpretes. Hermolaus Barbarus ex hoc contextu arguit, ipsum indicare voluisse partem labij seu folij, aut aluei fossæ lapideæ in quam lauaturi intrabant, cum occupato à primis loco, ipsi serius aduenientes cogeantur moram trahere, & tandiù hætere, donec iam loti recederent, & locum darent ipsis intrandi; vnde ad labrum fossæ, Scola parata erat ad circumfistentiam ablucendorum. Verùm hic versura labri necessariò angusta erat, nec in se capax continere alios, siue paucos, siue plurimos identidem aduentantes: atque idcirco Scolas huiusmodi ad hunc finem dispositas, vult Vitruuius spatiosas fieri, & satis multitudinis aduentantis capaces. Alij opinantur, Scolas in balneis fuisse spatium apertum ad extrâ, & ponè labrum fossæ: At id liberum erat, nec certis terminis ac limitibus perebat includi, vt locum signatè definire videtur Vitruuius. Quare ipse coniector, pro Scola, Vitruuium accepisse lapidearum scalarum

larum seriem, in plures ac plures ordines dispersitam circa labrum aluei, ut sit in Theatris ad spectatores recipiendos; ita ut aquæ omnes circumspicere possent, ac præstolari finem lauacionis, ut qui propiores sunt, locum occupent, & saltu se proiciant in lauacrum. Fauct Plinius lib. 36. cap. 5. eiusmodi scolarum mentionem ingerens ex occasione celeberrimæ Porticus Octauæ, in cuius aditu positum fuisse ait, Praxitelis Cupidinem. *Scola in balneis*, inquit, *labri sine balnei summa pars; in qua, qui nondum lauissent, sedentes expectabant, donec exirent, qui priores occupauerant.* Sic etiam Tertullianus in *Apologetico* cap. 35. *scolas bestiarum* dixit cauernarum crepidines, in quibus populus ad spectandas bestiarum pugnas considebat. Sed nullum fortius, ac nobilius argumentum, quam quod Sacræ Paginæ suppeditant in Probatice illa Piscina, ubi iacebat multitudo languentium expectantium aquæ motum, ut qui prior in illam descenderet, sanaretur; de qua habetur *Io. 5.* Hanc ex contextu sacri Eloquii, colligitur fuisse constructam magnificè in balnei morem, cum suis quinque porticibus ad confluentium receptum; eamque testatur Iosephus lib. 6. *Antiquit* fuisse positam à Salomone in Aditu Templi, pro lauandis victimis, quæ ibi immolari debebant; unde & Probatice dicta est. Sed in ea id singulare diuinitus concessum erat, ut certis temporibus, è multis languentibus qui circum stabant, qui prior post motionem aquæ ab Angulo factam, in piscinam descenderet, sanaretur à quacumque detinebatur infirmitate. Ergò credendum est, ut ad ægrorum commoditatem, & liberum aquæ prospectum, gradus circa, ad modum Theatri haberet, in quibus possent considerare simul, & prospicere aquam. Propterea (notat Adricomius) locus dicebatur Hebraicè *Bethsaida*, hoc est domus excolationis, seu sedes excolatoria; non tam quod illuc congregabantur, & colabant pluuiæ aquæ, quam quod eiusmodi gradus in decliue erant dispositi, ad remittendam aquam, quæ ex fluctuatione, & motu, suprà labrum ascenderet. Quod ideo, siue ab excolando, siue à scalis, facili vocis flexu, *Scolæ* dictæ sunt quæ in balneis constitutæ, ad labrum terminabant. Quarum dispositionem, & situm, vide apud Caporalem cum reliquis balnei partibus elegantissimè delineata.

SCORPIO dicebatur olîu in re militari, Machina eiacularia frequentissimè vîitata; qua tela & saxa de longè emittebantur, ac tanto impetu ea in hostium opera dirigeant, ut mox cadencia frangeret, ac destrueret. Onagrum, à viris militatibus communiter appellari, perhibet Ammianus: sed Vegetius longè diuersum facit, ut in loco monuimus. Et verò, si finem attendamus, videtur uterque

in idem contendere; si compositionem, & partes, longè differre: Etenim Vitruuius Scorpionem inter Organa computat, lib. 10. cap. 1. Onagrum autem inter Machinas. Et quidem inter Machinas, inquit, & Organa, id videtur esse discrimen, quod Machinæ pluribus operibus, aut vi maiore coguntur effectus habere, uti ballistæ, torcularumque præla; organa autem vnius operæ, prudenti tactu perficiunt, quod propositum est, uti scorpionis, seu anisocyclorum versationes. Isidorus quoque lib. 18. cum de sagittis agit, ad earum speciem scorpionem reducit. Ait enim: Est Scorpio sagitta venenata, arcu vel tormentis excussa; quæ dum ad hominem venerit, virus quæ figit infundit; unde & Scorpio nomen accepit. Id quod ex Vegetio accepisse crediderim, qui lib. 4. cap. 22. hæc de scorpionibus habet: Scorpiones dicebant, quas nunc Manubalistas vocant: ideò sic nuncupati, quod paruis, subtilibusque spiculis inferant mortem. Vt ut sit, certè à Scriptoribus, ut plurimum confunduntur; qui aliquando nomen usurpant ad denotandam machinam, quæ tela impetu vibret; aliquando pro ipso telo emissio; & utrique nomen idem adaptant, eoquod aculeum desuper habeat dolose ad feriendum instructum. Sed & in Ciuilibus locum habent, & nomen retinent Scorpiones, hoc est, nodosæ virgæ pungentibus aculeis vndique armatæ, & circumseptæ, quibus olim utebantur Iudices ad castigandos fontes, exprimendamque his cruciatibus, delictorum confessionem. Horum fit sæpè mentio in actis SS. Martyrum, qui ijs passim cruciabantur ad eiurandam fidem: quorum formam, & artificium videre est apud Gallonium, qui omnia Martyrionum instrumenta in vnum collegit, & ad viuum expressit in libro, quem de SS. Martyrum Cruciatibus nuncupauit.

- 53 SCORPIO item, in Astronomicis appellatum est Signum, & Sibus in Cælo, quod amplitudine sua duo signa complectitur, Libram nimirum, & Scorpionem, in Zodiaco: in quo antiquitus vndecim tantummodò signa numerabantur: vnde etiamnum stellæ in Libra existentes, Chelæ, seu branchiæ Scorpij dicuntur. Sic enim ludit nobiscum Natura, ut quæ stellæ in Cælestibus, ob occultam quandam connexionem & sympathiam quam habent cum Scorpione terrestri, (ex quo nomen hauserunt), ut earum omnium natura internoscat in vnâ imaginem conglomeratæ sunt, ferè omnium maximam, quando is qui nomen dedit, despectibilis est, & inter animantes pusilli nimium corporis. Habet Stellas vnâ supra viginti, secundum Ptolemæi recensionem: At Keplero sunt 28. & Bayero adhuc 29. vltra tres relictas informes, easque omnes amphibias, & non con-
- for-

formis naturæ. Nam Chelæ sunt de natura Iouis, & Mercurij, præter Australiorem tertiz magnitudinis, quæ habet mixtam naturam Martis, & Saturni, vti & tres lucidiores in fronte, in rectam lineam abeuntes. Antares, quæ est potissima in hoc sidere, est primæ magnitudinis; & duæ aliæ, hinc inde in corpore existentes, referunt naturam Iouis, & Martis; Aculeus, Martis & Mercurij: Nebulosa prope aculeum est Martia, participans de Mercurio: reliquæ in flexu caudæ & in pedibus, sunt Saturninæ, & Venereæ: vt mirum non sit, tam varium esse ad bona simul & mala influenda, sidus: vt propterea dicatur fallax, humorum corruptor & venenosus; quippe tot variarum qualitatum, præsertim oppositarum, commixtio in cælis, non potest in terris parere, nisi confusionem & humorum corruptionem: vnde est celebre illud Almanforis in Ahporism. ad Regem Persarum num. 106. *Averte oculos tuos a figura, in qua fuerit Ascendens Scorpio*. Cæterum, si vt signum Zodiaci in Primo mobili accipiamus, est fixum, efformans, cum Cancro, & Piscibus Trigonum Aqueum, Domicilium Martis, semineum & nocturnum. Primæ eius partes frigidæ sunt, & Mars in ijs niues generat: Mediæ temperatæ, vltimæ turbulentæ. Mirum est quod Astrologi referunt de malignitate huius signi, & connexine, quam habet cum terrestribus Scorpionibus; Nam inter cætera, aiunt, quod si domus ædificari cæperit Scorpione in Horoscopo ascendente, domus illa dehinc erit uisus, & receptaculum scorpionum. Certè id ego in amico expertus sum, quod, Lunâ signum hoc permeante, scorpiones aliàs torpentes, & pigri, expurgiscuntur, aguntur in rabiem ac truculentiores fiunt, ictusque acerbiores mortalesque infigunt, ni præstò antidotis potentissimis occurratur. Ex membris humanis, dominatur pudendis, & ex Prouincijs ac Ciuitatibus, præst Mauritaniz, Cappadociæ, Iudææ, Noruegiæ, atque Patauio, Aquileiæ, Messanæ, & alijs, vt videre est in Catalogo, quem communiter apportat Geographi.

SCORPIONES etiã (nescimus qua ratione) dicuntur apud Gramaticos, & Agrimensores maceries lapidum, limitu loco positæ. Vnde Balbus de Agrimens. *Scorpiones* inquit, *idest moles petrarum constructa*. Et Sicul. Flaccus, de cond. Agror. *Congeries lapidum acernatim congestæ, quas Scorpiones appellant*. Alij *Scrophiones* scribunt. Sed, vt obseruauimus, aliquid interest inter vtrumque vocabulum: Siquidem Scorpiones loco generis sunt, scrophiones indicant propriè maceriæ duos terminos, vbi cuneati se iungunt; quemadmodum & qui *Botontini* audiunt; nisi quod hi de terra aggesticia sunt, illi de saxis conceruatis & in augulum desinentibus. Authorem habeo

Hygenum, de cond: Agror. vbi ait *Maeceria finalis Scorpiones*, Botontini. Et clarius qui regundorum finium præcepta dedit. *Palos sacrificales*, & *Scrophiones defiximus*; in quibus locis *constricti mensuris frequenter sibi duo fines cuneati occurrunt propter rigorum, aut linearum cursus*. A scupis, seu scrupulis deriuatum crediderim; tum quod loca hæc aspera & saxosa sint, ac trāsitu multò quam lorica struētilis difficiliora; tum maximè quod apud Alexand. lib. 2. c. 20. scrupus, & scrupulus est quoddam mensuræ terminatiuæ genus, continens pedes quadratos centum. Vide etiam Varronem lib. 1. cap. 10. & Columellam, lib. 5. cap. 1.

- 55 SCOTIA in Opere Architectonico dicitur cauum illud in basibus columnarum, præsertim ordinis Ionici, & Corinthij, medium inter Torum, & plinthum, vel etiam in Corona, interposita regula, quæ illam tegit, & prohibet ne pluuiæ guttæ intrarsus abeant, eamque quoquo modo deturpent. Ab græca notione deductum nomen aliqui arbitrantur, ratione obscuritatis, & vmbræ, quam sua recessione, & cavitare parit. Alij dictam volunt à Scortia, quæ Nostris, arboris corticem siccitate contractum, & in orbem conuolutum, significat; cui profectò, forma, & positu valdè similis est. Porro hæc ad purum ornatum operi adiecta est, quæ media inter duo prominentia membra, & hincinde regulis confirmata, nimirum in modum opus venustat, & oculis adblanditur varietate. Quod ideo in Tuscanico ordine nullibi locum habet, eoquod rudis, & grauis est, & omnem ornatum respuit. In basi Dorica, aut nulla, aut vna simplex: In Ionica semper duplex: In Corinthia, & Composita, vna, aut duplex pro arbitratu, & magnificentia operis. At in Corona, quæ per longum protenditur, semper vna, & simplex; eaque sub mento excisa, ad effectum arcendorum imbrium. Commensurationem eius vult Vitruuius accipi ad rationem totius operis: nam in Dorica basi præcipit, lib. 3. c. 3. vt in ea *dempta plintho, reliquum diuidatur in quatuor partes, fiatque superior torus quarta; reliquæ tres equaliter diuidantur; & vna sit inferior torus, altera pars cum suis quadris Scotia*. In Ionica verò (& idem intellige de Corinthia, de qua nihil in specie loquitur) quoniam duas admittit Scotias, vult, vt data quarta parte, vt supra, plintho; reliquæ tres diuidantur in partes septem: inde trium partium torus, qui est in summo; reliquæ quatuor diuidendæ sunt equaliter, & vna pars fiat cum suis astragalis, & supercilio superior trochilus (sic ex græco placuit nunc vocare Scotiam) altera pars inferiori trochilo relinquatur: sed inferior maior apparebit ideo, quod habebit ad extremam plinthum proiecturam. Vide eius descriptionem.



formationem in vtroque ordine ad mentem Vitruuij, apud Barba-  
rum. Cæterum Recentiores Architecti aliter sentiunt. Quorum  
opiniones accuratè examinat, & cum Vitruuij præceptis confert  
De-Chales in sua *Architettura*.

SCOTOMENIA, teste Valla, idem valet apud Hebræos, ac si 56  
diceret *Lunæ obtenebratio*, quam considerant & signant potissimum  
in Eclipsibus, quando incidit in penumbram terræ, vbi non omninò  
obscura, sed subfusca apparet, & modò sanguineam, modò iuuen-  
tem, modò puniceam &c. se spectabilem præbet, & sollicitudine  
mortales implet: ex qua colorum diuersitate effectuum iudicia su-  
munt: de quibus fusè disputat Plutarchus in Opusc. *De facie in Or-  
be Lunæ*. Et Ptolemæus quidem, lib. 2. cap. 8. de ijs ità definit. Si  
enim nigra apparuerit, aut sublinida, ea quæ de Saturni natura expo-  
suimus, significat: Si candida visa fuerit, Iouis: si ratila, Martis: si  
flaua, Veneris: Si varia, Mercurij natura euentus respondebunt.

SCVLPTVRA vna est ex ijs facultatibus Mathasi subalternis, quæ 57  
manu & ingenio perficiuntur, Picturæ soror, eademque æmula, ac  
de primatu, ac dignitate contendens. Nam etsi pari passu incedant,  
imitari naturam saragant, non vera pro veris supponere, & sensus  
felici mendacio fallere, animisque rerum memoria, adblandiri; non  
tamen habitu, forma, & incessus maiestate concordant. Siquidem  
Pictura mollis, delicatula, compta varijs colorum temperamentis  
in plana superficiei artificiosè dispositis, studet tantum oculis leno-  
cinari, Sculptura aspectu grauis, aspera, sua simplicitate congaudet,  
& reiectis phaleris, atque ornamentorum fucis, nuda, imò & quò  
magis lacera, cicatricibusque obducta, eò ditior, ac venustior, id  
depauperatione assequi gloriatur, quod illa tot monilibus, illini-  
mentis, gemmarumque trituris aucta, magno sanè diuitiarum dis-  
pendio, ac frustratione vix obtinet. Enimuerò id singulare, ac  
propè diuinum habet, præ ceteris, prodigiosa hæc ars, vt quod aliæ  
magno instrumentorum apparatu opimisque petitis aliunde spolijs  
perficiunt; hoc ipsa nullius accessionis indigens, solis detractionibus,  
abiectionibus, (verbo dicam,) negationibus, obtinere contenta sit,  
& in nihilo assurgat, direfcat, & glorietur. Vt proinde falsitatis  
redarguere videatur vulgatum illud Philosophi axioma: *Ex nihilo  
nihil fit*; & Diuinæ æmulatrix Omnipotentis, ex nihilo omnia quæ  
sibi placita fuerint, educere se posse superbiat. Hæc quippe rude, &  
informe saxum præhensans manibus, non lingua, vt visa suos partus,  
conformat, sed ferro (iniuriosè, ne dicam, an officiosè?) contundit

dedolat, castigat, animat, & in viuum propè simulacrum effingit, quin & mortuum refert, si mortuum representare sit animus; languidum, si debile vel infirmum; molle si tenerum; horridum si incultum; & quod magis mirere, in æquè duro, albo, vel nigro lapide, colorum viuuum, ac varietates, diuerforumque mortuum atque affectuum actus exprimit, quos in obiectorum varietate, ac verà exhibitione, vix discernere concessum est. At nolim hic adeò Sculpturæ decora eleuare, vt Picturæ prærogatiuas deprimam. Manet etiam huic sua laus, vt in loco retulimus, & alioqui sorores sunt, ambæ sublimiorum Mathesis disciplinarum, Geometriæ, Optices, & Perspectiuæ, pedissequæ, ambæ iisdem præceptis instructæ, ambæ sibi manus dant, atque vmbis, ac lineamentis vtuntur, vt suum opus perficiant; itaut neutra cum maiestate ac decore, in suo genere excellens sit sine altera comite, & Pictura prototypo opus habeat a Plasticis, & Sculpturæ opere mutuato; & Sculptura quicquam perfecti nequeat, sine Picturæ directione. Porro Sculpturam inter, & Picturam, media est *Scalptura*: quam, nùm picturam dixerim sine coloribus, sed solis lineamentis stylo ferreo obductis, aliquid in plana tabula representantem; an picturatam, & personatam sculpturam eiqdem ambigo. *Scalpturam* voco incisoriæ artem, quæ in æreis, & cupreis laminis, aut scribit, aut pingit, è quibus mille imagines ad picturæ totius rationem, tantum non coloribus varijs attemperatæ, prodeunt. Sculptura est, quæ scalpris vitur in solido corpore, conformando, cum suis cavitatibus, & prominentijs, prout verè in obiecto exprimendo visuntur: idque superflua rescindendo, & inutilia rescendo. Quare malè à Diomade Grammatico hæc cum illa confunditur, qui Sculpturæ peculiare dotes non agnoscens, hanc e medio tollit, seu nomen auersatur, dicens Sculpturam veramque veriùs dicendam, à Scalpro; siue laboret in marmore, siue incidat in tabulis: Enim sunt toto cælo diuersæ. Quinimò, Plinio teste, ipsa Statuaria à Sculptura scernitur, quod hæc tantum simulacra respiciat, quæ in marmore aut alia quauis solida materia, per de truncationem partium effinguntur; illa formas per adiectiones, & canitates efformat, quibus statua è fusili ære, cera, gypso, aut argilla intus injecta, & quidem multiplices, & quot vis, conficiuntur. Quod idè de earum origine, antiquitate, ac professoribus agens lib. 36. cap. 5. Scalpturam omnibus facit antiquiorem, ab eaque illas profectas. Non omittendum, inquit, hanc artem tantò vetustiore fuisse, quam Picturam aut Statuariam, quarum utraque cum Phidia caput, octuagesima tertio Olympiade, post annum circiter trecentos triginta duos; & ipsum Phidiam tradunt scalpsisse marmora; Ven-

nerem-

neremque eius esse Roma, in *Ostia* porticibus, mira pulchritudinis. *Picturam*, intelligens artem quæ pictis coloribus imagines fingit, *Statuariam*, quæ statuas è fusili materia educat; *Sculpturam* verò protoparentem, quæ in marmore, ligno, aliaue solida materia simulacra dedolat, & excudit. Cæterum omnes ex vna velut officina prodeunt; ac *Mathesim*, præsertim verò *Geometriam*, genitricem agnoscunt. Quæ etiam alias minores, subalternas, & ancillares in sui consortium admittunt, *Plasticam*, *Anaglyphicam*, *Diaglyphicam*, *Encausticam*, &c. De quibus suo loco.

SCUTVLA apud diuerfos diuersarum facultatum professores, diuersas significationes sortitur. Primam vocabuli notionem ab scuto vulgari, ac noto militum tegumento, deriuant Grammatici. At eos deridet, & oppidò hallucinari comprobatur seuerus verborum criticator *Salmasius*, in *Plinianis* obseruationibus ad *Solini Polytorem*. Namque, ait, nihil prorsus ad rem, in qua sæpius verbum vsurpat *Plinius*, præsertim lib. 11. cap. 24. in araneorum telis demirans geometricas isoperimétras figuras, tanta arte, ac solerti applicatione, directas: *T exere à medio incipit* (verba sunt *Plinij*) *circinato orbe subtegmina annectens, maculasque paribus semper intervallis, sed subinde crescentibus ex angusto dilatans indissolubili nodo implicet; quanta arte celat pedicas scutulato rete grassantes? quam non ad hoc videtur pertinere cribrata pexitas tela, & quadam politura arte ipsa se tenax ratio trama, quam laxius ad flatum, non ad respuenda qua veniant sinus. Specus ipse qua concameratur architectura, & contra frigora quanto villosior? quam remotus à medio, aliudque agenti similis? &c.* quibus (si vnquam elegantius) bellè describit mirum hoc artis opus, naturæ proditum, atque à vilissimæ insecti officina profectum. Similia obseruat *Varro* in *fauis* apum lib. 3. de *Re Rust.* Ex quo *Vitruu.* lib. 7. cap. 1. *Scutulas* non dubitat appellare in pauimentis è scetili lapide efformatis, diuersas figuras geometricas inibi aptè dispositas, & connexas, vti eadem ratione fauos, figuras exagonas. Ait enim, de pauimentis complanandis agens. Cum ea extructa fuerint, & fastigia extruções habuerint, ita fricantur, vti si scetilia sint, nulli gradus in scutulis, aut trigonis, aut quadratis, seu fauis, extent. Ergo scutulæ nomen non ab scuto, sed potius scutum à scutulæ forma deriuauit, vt mox infra videbimus: & primariò affixum est ad denotanda araneorum opeta reticulata, quibus muscas venantur: inde à Geometris assumptum ad significandas figuras vtrumque isoperimétras. Id quod acutè obseruat *Turnebus* lib. 27. cap. 24. *Scutulas* hoc modo dictas, non esse vsquam figuras orbiculares, sed vel oblongas, ad mo-

modum parallelogrammi, vel quadratas, vel rhombos, vel rhomboides, vel pentagonas, &c. semper tamen angulares, & æquilateras. Quamobrem idem ipse Vitruu. lib. 10. cap. 17. de ballista, agens scutulam efformari vult in medio foraminis: non quod scutulam dixerit ipsum foramen, è quo eijciendum est saxum (vt male aliqui interpretantur) nam, vt bene Philander, si epitriton est foramen, vt vult memorato loco Vitruu. quonam modo ita dicetur scutula, cuius dimensionem ex foraminis ratione sumi tradit? Igitur scutulam, hinc dixit Vitruu. seriem regularum ad eijciendum lapidem vim habentium, circa foramen dispositarum, quam idcirco à foraminis magnitudine dimetitur, quod foramen circulare est, & omnes figuræ isoperimetrix circulo concluduntur. En textus Vitruuij. Cum ergo inquit foraminis magnitudo fuerit instituta, describatur scutula, quæ græce Peritritos appellatur, cuius longitudo foraminum duo; latitudo duo, & sexta partis. Diuidatur dimidium lineæ descriptæ, & cum diuisum erit, contrahantur extrema partes formæ eius, vt obliquam deformationem habeat longitudinis sextam partem, latitudinis, ubi est versura, quartam partem. In qua parte autem est curuatura, in quibus procurrunt cacumina angulorum, & foramina conuertuntur, & contrahuntur latitudinis, redeant intro in sexta parte. Hucusque Vitruu. quò nihil clarius ad rem nostram, vt videre est in V. Epitritos, ubi ex Herone, & Turnebo; Scutulæ locum, & officium asseruimus.

60

SCVTVM in re militari, armorum genus defensiuum est, omnibus notum, ad tegendum bellatorem aduersus hostiles ictus in dimicatione acceptos. Quod eleganter describit Liuius lib. 9. in hunc modum: Forma erat scuti, summum latus, quo pectus atque humeri teguntur, fastigio æquati, ad imum cuneatior, mobilitatis causa: spongia pectori tegumentum, & sinistrum crus ocrea testum. Porro scuta olim fiebant è corio, & asserculis simul iunctis, & recuruis ad scutulæ formam, quò ob leuitatem, & curuitatem, promptè expediteque agitari possent, hinc illucque admoueri, ac simul exceptos in lubrico ictus, fallere ac declinare: Vnde ab eius forma, ac testellis quibus ad modum scutulæ componebatur, nomen hausisse opinatur Varro. Postea scuta, aut ex integro, & oblongo asseri confecta sunt, aut ex chalybe paululum incuruato: quamquam hæc veriùs clypea sint, & rotunda, scuta verò propriè, lignea, leuiora, & oblonga, quibus totum corpus tegitur; vt ex Virgilio & alijs antiquis Scriptoribus notat Stevvechius ad Vegetium. Longitudo autem scutorum, Polybio attestante, erat pedum quatuor, latitudo curæ superficiei pedum duorum, & semis, quò probè miles tegi vsquequaque posset,

ac

ac subinde etiam ad muros suffodiendos accedere, elatis supra capita scutis, iisque ad modum tergi testudinis, conformatis, ne à telis, saxisque desuper immisissis, offenderetur. Qua in re appositè notat Florus, lib. 4. cap. 11, Romanos ex huiusmodi connexis scutis, sapissime Victores euasisse in bello Parthico. *Deleta*, inquit, *reliqua copiae forent, nisi urgentibus telis in modum grandinis, quadam forte, quasi docti procubissent in genua milites; & elatis supra capita scutis casorum speciem praeberent.* Tum Parthus arcus inhibuit. Deinde cum Romani se rursus extulissent; adeo res miraculo fuit, ut unus ex barbaris emisisset vocem: *Ite, & bene valete, Romani; meritò vos vi- flores fama gentium loquitur.* Huic testudinatæ scutorum coitionis egregiam speciem exhibet Lipsius in *Polioreet*. Adeo firmæ, benè conipaginatæ, atque ad resistendum, sustinendumque pondus accommodæ; ut & alios militum ordines, & hi alios supra se admitterent, ac multoties ita eleuarentur ut possent in murum inscendere, & continùs cum hostibus gladijs depugnare, indeque fortiter loco pellerè: uti idem Liuius refert lib. 34. aliquando factum, his verbis, de eiusmodi facta sub scutis aggressione, loquens. *Huic parti muri admotæ, cum armati superstantes subiissent, propugnatoribus muri fastigio altitudinis æquabatur; depulsisque ijs, in urbem duorum signorum milites transcenderunt.* Hæc Liuius. Sed vide quæ infrà dicemus in V. *Testudo*.

SE

SECANS in Geometria dicitur Linea à centro in peripheriam ducta, & partem quadrantis secans, ac dissecans ab alia, quæ profectò quadrantem illum, transiliens, & rectà tendens, peruenit, & iungitur per contactum alteri lineæ perpendiculari, quæ extracirculum cadat, & contingat in eo extremum punctum quadrantis, quæ ideo appellatur Tangens. Sed de hac re, exhibita figura, clariùs in V. *Sinus*.

61

SECRETARIVM olim celebris locus erat propè Tribunal, ad ferendas criminales sententias iudicibus destinatus: à secreto dictus, quod illæ, post agitatam in publico auditorio causam, in abditò, & occultiore loco collectis suffragijs, scripto ferebantur, ac postea foris à Cancellario, edictum quod inde manauit, in publicum enuntiabatur. Quod in summa veneratione ac terrore populis erat expectantibus trepidè Causæ definitionem, aut in mortem, aut in absolutionem: vnde & velis circumobductum erat, & cancellis septum, ne quis illuc obrepere posset, & quæ intus fiebant, aliquatenus obseruare. A secreto igitur dictum est secretarium, uti, & à Cancellis

62

Can-



Cancellarius, qui à secretis erat, & Iudicium nomine, è cancellis sententiam pronunciabat. Aliàs Sacrarium dictum, quod inibi sanctiones, & sacrum Concilium habebatur, vt obseruat Alciatus in C. Theodosiano, & videre est in l. 3. C. de off. diuerfor. Iud. & l. ult. C. vbi Senat. §. ult. & in l. nullum C. de testib. Cuius actionis prosecutionem populo interim circumstanti, & de exitu sollicito, scrijs verbis describit D. Augustin. serm. seu lib. de Quibus, & Symmachus lib. 10. ep. 43. Quare & in publico foro excitatum fuisse credendum est, & iuxta Tribunal, & intus subfellijs circumductum ad Iudices consultantes accipiendos, & foris velis, & cancellis obductum, ad actus qui inibi fiebant, tegendos. Ad quam rem plurima extant testimonia in actis S. Euplij Mart. & SS. Quatuor Coronator. vbi in specie habetur, quod *Lysias introgressus obduxit velum,*  
63 *postea exiens, ex tabella recitauit sententiam.* Et hæc de Secretario iudiciali. Postea Secretarium, ad secretum & sacratius Senatorum Consistorium translatum est, quod ibi de Reip. statu, & summa rerum disceptaretur. Quod frequentius etiam, atque ad distinctionem *Sacrarium* dictum est, ac de eo fit mentio in l. vlt. §. legati. ff. de mun. & hon. ex quo Ausonius in gratiarum actione, quam habuit ad Gratianum Cæsarem, pro collato Consulatu. *Gratias, inquit, ego non in Sacratio modo imperialis Oraculi, qui locus horrore tranquillo, & pauore venerabili, raro eundem animum præstat, vt vulgum.* Hinc faciliè etiam ad Ecclesiasticas Consultationes, & Episcoporum, aliorumque Ecclesiæ Ministrorum cætus transijt, itaut locus ad huiusmodi consultationes habendas, vel etiam ad Sacrosancta Concilia celebranda deputatus, Secretarium diceretur. Sic passim habetur in actis Synodi Chalcedonensis, vt notat Baron. ad ann. 451. Carthaginensis, Arelatensis, Aquisgranensis, quorum testimonia per longum refert Du-Cange in Glossario. Erat autem is in digniore, & sacratiore parte Ecclesiæ, è directo absidis, seu Tribunal, ante cancellos sacri altaris, peramplus & capax, vbi subfelliæ hinc inde dispositæ, in quibus Patres, pro sua quisque dignitate considerent, & consultationes haberent, quæ inde Sessiones sunt dictæ, vti etiam Secretaria, à loco vbi fiebant: vnde Liberatus Diaconus de Synodo Chalcedonensi, Primum, secundum, & tertium Secretarium nominat, ac de aduentu Marciani Imperatoris ad Concilium dum Patres in eo ad consultandum sederent, verba faciens, inquit, *Adueniens Imperator ad Secretarium cum Iudicibus, & sacro Senatu alloquutus.* Et in actis Concilij Rom. celebrati sub Agathone Papa, (vt refert author vitæ S. Vvulfridi cap. 23.) habetur: *Vvulfridus. Deus amabilis Episcopus sanctæ Enoricæ Ecclesiæ, præforibus nostri Secretarij*  
mo-



moratus, ad nostrum secretarium, iuxta suam postulationem cum petitione, quam secum asserre dictus est, admittatur. Porro locus ipse in quo sessiones celebrabantur, etiam expleto iam Concilio, ac terminatis actis (qui aliàs Sacrarium dicebatur) Secretarij nomine postmodum appellari consuevit: unde, & promiscuè secretarium pro sacratio, & sacrarium vocatum inuenies apud Euagrium alioque passim scriptores: quin & ipsum Concilium Laodicenum, quod de eo loco, Canonem edidit in hæc verba: *Non oportet subdiaconos licentiam habere in Secretarium, siue Sacrarium ingredi*. Reuerà tamen Sacrarium dicit aliquid fixum, & pertinens ad Ecclesiam; Secretarium verò denominatiuè ab actibus, qui in eo fiebant in tempore. Is autem erat vel locus in eadem Ecclesia dignior, in quem non nisi Sacerdotibus, ac Diaconis ingredi licebat, ut modò dictum est; vel sanè ponè ipsam Ecclesiam exadificatus ad asseruandum sacram Suppellectilem, & in quo Sacerdotes, & Episcopi sacras vestes inducebant, antequam ad altare procederent, Sacra facerent, & ut etiam nunc practicatur in omnibus ferè Ecclesijs; quem locum vulgò *Sacristiam* nunc appellamus: Olim autem dicebatur Secretarium, & in eo etiam summus Pont. diuinam rem factururus, sacras vestes sumebat, & inde cum Clero processionaliter ad altare accedebat, ut habet Ordo Romanus, *Cum verò*, inquit, *Ecclesiam introierit Pontifex, non continuo ascendit ad altare, sed prius intrat in Secretarium sustentatus à Diaconibus*. Et Innocentius de Myster. Mistæ lib. 2. cap. 5. *Cum autem Stationalis solemnitas celebratur, Romanus Pontifex cum sex præfatis ordinibus processionaliter ad altare progreditur*.

SECTIO communiter appellatur apud Geometras, Opticos, & Architectos, projectio radorum visualium, quam nos vulgò vocamus *Profilo*, estque reuerà incidentia, & Sectio quæ fit, seu radorum, seu corporum solidorum, siue superficialium, in partes; per aliquod planum intermedium à summo ad imum facta, siue orthogonaliter, siue oblique. Quæ proinde maximè attenditur in Conicis, & mirabiles effectiones obtinet, pro diuersa sectionis qualitate, & ratione. De quibus fusè, & ex professo Apollonius Pergæus, & magnam partem in Mathesi sibi vendicat. Quod autem ad Architecturam, pertinet, Orthographiam appellat Vitruu. lib. 1. cap. 2. quam definit, quod sit *Erecta frontis imago*. Verùm Sectio, de qua nos propriè loquimur, nedum frontis imaginem, sed & latera abscedentia, & abscessa, quæ sui imaginem erectam, & per directum transmittunt ad oculum, comprehendit: ita ut id omne, quod sub aspectum cadit per directos radios in quocunque positum; sub nomine sectionis

veniat, seu vt ita dicam, profilationis, quâ res fingitur per medium secta: id quod re magis, quàm verbis exprimi potest, vt notat Barbarus; ac totum dependet ab usu, & industria Architecti. Vulgò *Profilo* dicitur. Vide eius affigurationem in Munimento regulati pag. 75. expositam, subitùs eiusdem Ichnographiam.

65 **SECTIO EQVI** in Astronomicis dicitur sidus in Cælo propè Equum alatum cõstitutum in parte boreali immediatè supra Aequatorem, repræsentans caput equi rescissum; in quod conueniunt, & colligantur quatuor stellæ obicuræ: quod ideo computatur inrer signa mutilata, & infausta. Et quidem stellarum ipsarum constitutio, & lumen obtusum, atque à maleficis participatum, id manifestè indicat; cum priores duæ sint de natura Martis, & Mercurij, reliquæ duæ, de natura Saturni. Omnes sunt quartæ magnitudinis, existentes intra gradus 18. & 21. Aquarij, cum declinatione boreali, primæ gr. 4. & 5. secundæ fere 9. Arabicè *Alpheratz Elmac*, à Græcis appellatur *Hinniculus*, à Latinis *Equiculus*.

66 **SECTOR CIRCULI** dicitur ex Euclide, Angulus in centro Circuli constitutus, qui formetur à duobus rectis lineis ad peripheriam terminantibus, itaut cum eius parte intercepta, figuram trilateram, & æquicruriam efforment, cuius basis sit ipse arcus interceptus, latere autem, ipsæ lineæ rectæ in angulum coeuntes ad centrum. Et hæc figura nominatur *Sector Circuli*, quæ est fundamentum dimensionis quarumcumque partium ipsius circuli, ac totius Trigonometriæ. Sicut

*Segmentum Circuli* est figura, quæ duobus angulis comprehenditur (quod in mixtis solum locum habet) formatis ex duabus lineis, altera recta, altera curua, quæ sit segmentum peripheriæ, & areæ ab illa conclusæ, ab reliqua per dictam rectam lineam segregatæ.

67 **SECYNDI MOBILES** in Astronomicis, appellantur *Fixarum*, necnon singulorum Planetarum Orbes, qui præter motum vniuersalem raptus, ijs à primo mobili, suâ superioritate, & rapiditate impressum, secundò etiam mouentur, contranitentes in consequentia secundum successionem signorum, qui motus dicitur ijs peculiaris & proprius, quo singuli, statis cuique temporibus, suam periodum absolunt, ac totum Zodiacum perlustrant, vt alibi dictum est. An autem in re admittendus eiusmodi motus in Orbibus Cælestibus, qui diuersus sit à motu vniuersali, quo ferantur ab Oriente in Occiden-

cidentem : & quid sit dicendum de ipsis corporibus Planetarum in suis Orbibus, vide quæ diximus in V. *Motus*.

SEDES ARMORVM, seu *Sedes belli*, in re militari appellatur locus, & statio, in quam omnis apparatus bellicus conucnit, omne militiae robur coit, in eoque omne consilium belli adornandi initur. & rerum summa reducitur. Ad quem finem eligitur à supremo Belli moderatore, aliqua munitio intra mœnia, siue etiam Campus apertus, probè tamen suis aggeribus munitus, operibusque defensus, ac tutus ab hostili aggressionè; quique aliàs rebus omnibus sit refertus, & capax tantæ multitudinis, & apparatus. Ad quam rem placet hic exscribere, quæ, non tam belli scientissimus, atque expertissimus Magister, quàm in pacis consilijs, ac publicis administrationibus clarus, habet Bernardinus de Mendoza, in Monitis ad Philippum Hispaniarum Principem, Philippi II. Regis filium, quæ postea typis data, publici iuris facta sunt, atque à militaribus viris summopere commendata. Sic enim loquitur, ex Hispano verso fideliter in Latinum sermone. *Cùm Celsitudo vestra in promptu habeat Equitatum, pedestres copias, tormenta, omnemque bellicum apparatus, Instrationesque sapius repetitas totius exercitus, ne regionem circa, multitudine grauet, imperabit, ut per diuersas vias turmatim incedat, ac sistat ad regni confinia, ubi apta planities sit, in qua castra metanda sint. Tunc eligenda est sedes armorum in ea amplitudine, ut acies mox explicari queat promptissimè cùm classicum canitur, tam de die, quàm noctu; itaut inter vnum agmen, & alterum, tanta intercapedo sit, qua possint liberè remanere cùm opus fuerit, militum globi. Porro ponè hanc sedem locanda quarteria, seu stationes, in eius aditu constitutis vexillis, quod euocati milites sub suis signis, recipiantur. Nonnulli experientia ducti, singulis centurijs decem circiter passuum frontibus attribuunt spatium, ac triginta fundi, secundùm quod maior, aut minor est numerus militum in ijs mercenarium; ac distantia frontis signorum ad situm in quo consistere debent turma, spatium quadraginta, vel triginta passuum; atque à fronte stationum ad munimenta, & aggeres; quindecim, aut viginti. Etenim cùm miles ad pugnandum incedit, & simul nectitur, minus spatium occupat, quam cum sistit in acie tantummodò explicata. Quæ profectò mensura ratio id præstat, ut veluti circino armorum sedes apprimè constituta sit, nec militum numero non respondens. In hac igitur statione, quam liberam, & expeditam ab omni impedimento conuenit esse, locandi sunt vigiles ad custodiam, in distantia octoginta circiter passuum ab signis, adiecto igne, ut nocte luceat ad prospectum: nec minus spatium requiritur ad iustam consistentiam; quoniam reipsa comperi, dum bello præ-*

*ram*, non semel adactum fuisse inibi tentoria figere, quibus huiusmodi vigiles ab aeris inclementia, frigoris asperitate, aut Solis nimio ardore conficerentur. Inter stativa, medium inter signa, & bellatorum quarteria, figi debet Regale Tentorium cum suis custodijs, in quo Celsitudo Vestra cum suo Comitatu, & primis militia ducibus, ut præstò sint ad imperandum quid factò sit opus, consistent. Vbi id aduertendum, quod inter quarteria, & V.C. ac Ducum papilioner, ample itiones, & viæ aperiendæ sunt, quò miles, absque ulla confusione ac tumultu, ad hoc accedere ad excipiendâ mandata possit, & ex his ad illa iterùm remeare. Expedi autem, ut Tentorium V.Celsit. deputatum circumquaque lineo velo infrà staturam hominis obducatur; extraque illud ad pedes parvula fossa excavetur honoris causa, nequè cuius facilis pateat aditus ad Celsit. Vestram: ità tamen, ut hæc vallatio, non munimenti speciem habeat, sed maiestatis. Nam aliàs indicium timoris faceret hosti, à proprijs copijs, quibus non fideret, imputandi. Hucusque expertissimus, & consultissimus hic exercituum ductor, ac zelantissimus, tam in militaribus rebus, quàm in Politicis, Regum Administer. Vbi ad oculum sistitur pulchra, & ordinatissima sedis armorum facies, quæ maiestatem simul, & securæ stationis venustatem præseferat. Pergit postea docere quem locum, tam in acie, quàm in castris occupare debeant belli moderatores, ut in omnium oculis, ac manibus sint; qualiter copiarum contineandæ; quomodo stationes, & quarteria distribuenda; quo demùm pacto ad prælium procedendum, qua promptitudine hostis excipiendus, aut adoriendus; quo tempore insequendus, vel dato signo receptui se conferendum. Cæterùm (ut ad sedem armorum redeam) quotiescumque verideris apud Scriptores militares absolute sedis mentionem fieri, semper intellige de fixa statione in aliquo Oppido opportuno ad hoc electo, ut inibi miles consistat, quoadusque, ad manus cum hoste conferendas educitur. Sic Polybius, Cæsar, Ammianus, & alij passim. Vnde etiam in l. 2. C. de Præfecto Prætor. Africæ, habetur in §. Quantos, hoc præscriptum, quod *Duces*, ac milites, secundum nostram dispositionem, in locis, seu Civitatibus, quibus iussimus, sedeant.

69

SEMIQVADRATVS in Astronomis est aspectus, & mutua irradiatio duorum siderum, in distantia grad. 45. vel sanè quartæ partis senicirculi in mundo considerati: qui etsi ab antiquis etiam agnitus fuit, non tamen plurimi factus, utpotè exilis valde virtutis, & efficaciar ab ipso perfecto quadrato sibi communicar. Verùm multo recentiores plurimis experimentis confirmati sunt, ipsum aliquando, saltem in indicationibus, primas inter radios reportare, atque

esse

esse, veluti cardinem, supra quem reliqui disponuntur, & sibi mutuo conspiciunt. Hali Rodan in *Comment. ad Quadripart.* ipsum amplectitur in Medicinalibus, & in Circulo positionis Cometarum; in reliquis euanidum dicit. Aliqui insuper obseruauerunt, Aphetam constitutum in medietate vndecimæ domus, vnde proijcitur radius semiquadratus ad Horoscopum, esse impotem ad vitam prolongandam, & munus hylegiale subeundum; atque adeo in eo casu alium substituendum. Sed quidquid sit de huiusmodi nouis inuentis, quæ non nisi post longum tempus, & repetitas experientias nunquam fallentes, admitti debent; certè in morbis, & ægtorum decubitu, nemo ibit inficias, semiquadratum, præsertim Lunæ ad suum locum radicalem, esse primum indicatiuum futuræ crisis, ac proinde de toto cursu ægritudinis; vt obseruat Argolus in *lib. de diebus criticis*, & possunt quotidie Medici experiri: estque vnus, & primus è sexdecim angulis peragrationis Lunæ, quos Auctor Centiloquij præcepit obseruandos esse super ægtis: vti fusè nos ostendimus in *v. Decubitus*.

Præterea in Lunationibus hic aspectus magnam vim obtinet ad significandas, ac decernendas aëris mutationes in tota illa periodo subsequituras; nec quidem absque fundamento eruto ex ipsis Philosophiæ principijs, & praxi. Quandoquidem Luna in ea distantia se extricat à Sole, & incipit se spectabilem reddere; vnde consequenter, extensione lucis, hæc sublunaria alterare. Hinc Axioma illud, vel in ore rusticorum frequens *Quarta, Quinta, qualis; erit Lunatilis*. Quod experimento comparatum, Ptolemæus, Aratus, ac Plinius testatum faciunt. Huic valdè affinis est, & respondens in numeris

SESVIQUADRATVS, radius videlicet, qui quadratum simul, & eius semissem concludit, maioris vtique efficaciz, vtpotè à maiori distantia proiectus, atque à Keplero per analogiam ad tonos musicos, detectum, & comprobatum. De quo satis dictum alibi.

SEMITONIVM in musica nil aliud ex etymo indicat, quam dimidiatum tonum: reipsa tamen dimidiatus tonus non est, nec dici potest, sed tonus imperfectus, & ab veri toni ratione deficiens. Vnde bene Boethius lib. 2. cap. 27. *Videntur, inquit, semitonia nuncupata, non quod verè tonorum sint medietates, sed quod sint non integri toni: huiusque spatij, quod nunc quidem semitonium nuncupamus, apud antiquos Limma, vel Diesis vocabatur: hic modus est. Cum enim ex sesquitercia proportionè, quæ Diatesseron est, duæ sesquioctauæ habitudines, quæ toni sunt, auferuntur; relinquitur spatium, quod semitonium nuncupatur.* Etenim in illa particula *semi*, latet æquiuocatio, quandoqui-

doquidem non semper semissem appellat, sed quandoque etiam, qualem qualemque defectum ab integritate. Vt ex.gr. semiuocalis appellatur à Grammaticis, litera l.m.n. &c. non quod dimidium vocalis sit, (quinimò consonans, & à vocali discreta) sed quia in pronunciatione, à vocali incipit, & vocalis naturam referre videtur, ac postea fallit, desciscitque in consonantem. Ità planè sunt semitonia, quæ quidem non vnus in partes tributus, sed verè duo toni sunt, at spurij, & imperfecti, eoquod seorsim singula non assequuntur interuallum vnus toni; & collectim exorbitant. Namque vnum, quod vocatur maius, non complet medietatem integri toni, & alterum, quod dicitur maius, illam exsuperat, quantum est ratio vnus Commatis. Sed inquires: Cur non in duas æquas partes diuiditur tonus, vt fiant duo æqualia semitonia? Aio, in Musicis id neutiquam fieri posse. Cum enim tonus, vt suprà cum Boethio, consistat in proportionē sesquioctaua, quæ sit ex.gr. 9. & 8. profectò inter hæc duo non datur medium. Quocirca ad caput recurrendum, & numeri multiplicandi, vt elucescat proportio. Sic 9. duplicatus exsurgit in 18. octo verò duplicatus abit in 16. Nunc inter 16. & 18. medius est 17. Itaque in seriem dispositi, 16. 17. 18. Sextusdecimus numerus comparatus ad decimuoctauum, habet proportionem sesquioctauam, ideoque est verè ex integro, & rigorosè tonus. At medius 17. non partitur hanc proportionem in æquas partes, eo quod comparatus ad 16. illum continet, & adhuc vnitatem, hoc est, sextanadecimam partem ipsius. Si verò comparetur 18. medius ille 17. habebit idem totum, & insuper suam vnitatem, quæ respectu huius est deficiens, respectu illius excrefcens. Manifestum est igitur, hunc numerum, quem constituimus medium, non secundum æquas partes proportionem habere ad extrema, namque à maiore vincitur, & minorem supergreditur, quas ideo partes dicimus imperfectos tonos, & semitonia, & quibus vnum denominatur maius semitonium, alterum semitonium minus, quod ab illo vno commate distat. Et hoc est, quod ex mente Philolai, datis singulis minorum interuallorum, terminis, ac nominibus, explicat idem Boethius lib. 3. cap. 8. *DIESIS*, inquit, est spatium, quo maior est sesquitercia proportio duobus tonis. *Comma* verò est spatium, quo maior est sesquioctaua proportio duobus diesibus, idest duobus semitonij minoribus. *Schisma* est dimidium Commatis. *Diaschisma* verò dimidium Dieleos, idest semitonij minoris. Ex quibus illud colligitur, quoniam Tonus quidem diuiditur principaliter in semitonium minus, atque Apotomen: diuiditur etiam in duo semitonia, & comma. *Quo fit*, vt diuidatur in quatuor diaschismata, & comma. *Integrum* verò dimi-



dimidium toni, quod est semitonium, constat ex duobus diaschismatibus, quod est unum semitonium minus, & schisma, quod est dimidium commatis; quoniam, cum totus tonus ex duobus semitonijs minoribus, & commate coniunctus est: si quis integrè diuidere velit, faciet unum semitonium minus, commatisque dimidium; sed unum semitonium minus diuiditur in duo diaschismata, dimidium verò commatis unum schisma est. Rectè igitur dictum est, integrè dimidium tonum in duo diaschismata, atque unum schisma posse partiri. Quo fit, ut integrum semitonium à minore semitono vno schisma differre videatur. Apotome verò à minore semitono duobus schismatibus differt: differt enim commate: sed duo diaschismata unum perficiunt Comma. Hucusque Boëthius. Sed audiamus quid super hæc philosophetur Theodatus Osius, acutissimus Boëthianæ mentis interpres, in sua Sylua nouar. opinion. cap. 75. data eius rei demonstratione.

Comma musicum, inquit, est eà pars toni, quæ venit super duo semitonia minora ad implendum tonum; & dicitur ex minima distantia vocis à voce, quæ aure possit percipi. Musici dicebant, cum nonies metiri tonum. Sed Philolaus dixit esse vigesimam septimam partem eius, atque Aristoxenus duodecimam. Ego considerans Diatessaron occupare duos tonos, & semitonium minus, digero ordinem quinque tonorum sub signis A. B. C. D. E. mox ab acutiori eorum digerens Diatessaron in graue, eam claudio sub semitono F. rursusque aliam conuertens à graui in acutum, eam firmo sub alio hemitono, ubi G. sed ex duabus diatessaron implentur quatuor toni, & duo semitonia minora: quare deficit solum spatium commatis ad interuallum quinque tonorum; cuius quantitas, quæ in positio themate est 21459. quia octies, & supra dimidium nona mensura numeratur in interuallo toni, C. ostendit comma non esse partem toni, quem non explicat octies replicatum, & quem nonies replicatum excedit; pars enim est, quæ sæpe interueniens implet totum, & comprobatur tonum non habere partes; indicatque semitonium maius non facere notam musicam, quia est ex semitono minore, & hoc commate.

## En Demonstratio,

A. Tonus 147456	1179648.	}	393216. Diateffar.
	1327104.		
B. Tonus 165888	1492992.	}	79872. Semit. min. F.
	1572864.		
C. Tonus 186624	1594323.	}	21459. Comma.
	1679616.		
D. Tonus 209952	1889561.	}	35293. Semit. min. G.
	2125764.		
E. Tonus 236196		}	531441. Diateffar.

Concludit igitur, Comma musicum non esse partem toni, atque idèò tonum non sumere medietatem harmonicam. Quapropter infert, musicos perperam fecisse, deuidendo Tonum in Semitonium maius, & Semitonium minus. Nam etsi, ait, gratia intervalli ex hoc & in illo impleatur Tonus; nihilominus hæc duo non sunt partes illius; sed immò Semitonium minus, quia facit Notam, stat per se, eo modo quo stat Tonus; & est ultima vox quadrifidi Systematis Antiquorum, sub *Melopeia*. *Diateffaron*. Semitonium verò maius non facit Notam consonam, redditque vocem dissonam, arte inuentam ad distorquendum animos, & inficiendum mores. Sed hæc speculationes sunt, quæ, ni actu practico comprobentur, subsistere nequeunt, tantò minus intelligi. Namque, ut rectè monet *Boethius de Musica lib. 3. cap. 10.* *has omnes consonantias ritè esse animo, atque auribus notas: frustra enim hac ratione, & scientia colliguntur, nisi fuerint usu atque exercitatione notissima.* Quocirca hìc sisto, & amantem veritatis Lectorem, ad practicos Artis Professores amandò.

planetæ ab alterius habita coniunctione : quando videlicet planeta leuior, post congressum partilem cum ponderoso ; discedit ab eo, & tantumdem elongatur, quantum importat aggregatum semidiamentorum vtriusque. Et ea quidem in duplici differentia est: vna simplex, quando ambo sunt directi, sed leuior cursu suo remouetur in pluribus partibus: altera, quæ dicitur mutua; quando nimirum planeta, qui in pluribus partibus est, directe graditur, & is qui in paucioribus, adeoque ponderosior, sit retrogradus.

SEPTENTRIONES absolute dicuntur septem stellæ existentes propè Polum Mundi Arcticum, adunatæ in inagnem, & constellationem Vrsæ minoris. Quamquam communi vsu, sub eo nomine veniunt aliquando aliæ septem stellæ in simili positione constitutæ in Vrsâ maiore, & se solis, vt illæ efformant Plaustrum cum quatuor rois ac temone, altero ad alterum obuerso: vnde ob similitudinem formæ, & quia ad Polum vtræque adstant, & propius circumuoluntur, *Triones septem* vocitatæ sunt, stetitque nomen ijs potissimum, quæ lucidiores sunt, & plaustrum inaius repræsentant, & ideò Virgilius Aeneid. 1. *Geminosque Triones* appellat: Triones autem sunt dictæ, per respondentiam ad Arcturum, qui Plaustrum veluti dirigit, vt bubulcus triones, hoc est, boues arantes, scilicet terram scindentes, quales olim hæ nominabantur, quasi *Teriones*. Hinc, à plaga vbi hæ plaustra consistunt

SEPTENTRIONALE denominatur omne id, quod quodammodo ad septem triones relationem habet, & ad Polum Arcticum vergit; vt septentrionalis plaga Mundi, quæ citrà æquatorem ad polum vsque extenditur, atque ex parte à nobis Europæis inhabitatur, Septentrionalis Zodiaci semicirculus, ab initio Arietis vsque ad finem Virginis per Tropicum Cancri procedens, extensus; Septentrionalis Latitudo, Declinatio, &c.

SEPTIZONIUM antonomasticè denominatum fuit nobile Aedificium, & excelsa moles toto orbe celebratissima, Romæ à Scuero Principe magnificentissimè ædificata iuxta viam Appiam, quod esset sibi mortuo Conditorium, ac Mausoleum Romam intrantibus admirandum, Africanis popularibus suis, terroris incitamentum, & cum Carix Mausoleo ab Regina Artemisia suo coniugi posito, de primatu, & præstantia Operis, inter septem Orbis Miracula, computandum. Septodium, & Septisolum Plinius, Iuliusque Capitolinus appellauere; sed Septizonium communiter, Aelius Spartianus, Suetonius

nus, Ammianus Marcellinus, alijq; vetustiores Scriptores nominant, deriuato vocabulo à septē zonis siue solijs, & ordinibus columnarum sublime assurgentibus. Alij dictum volunt à septem vijs regalibus, quæ in ipsum terminabant. Sed enim duo Septizonia in Vrbe, & Orbicelebria extitisse, omnes ferè Scriptores commemorant: Vnum dictum Antiquum, cuius vix nomen, & locus superest in hominum memoria vbi extructum fuit, de quo perhibetur, quod iuxta illud natus fuerit Titus, in paruo, & obscuro cubiculo: vbi nunc extructa est Basilica SS. Mart. Nerei, & Achillei, titulo Fasciolæ, eoquod ibi excidisse ferunt B. Petro Principi Apostolorum fasciolam, quæ circumligatam tenebat tibiam, ob acceptam plagam à vinculis, quibus constrictus fuit in custodia Mamertini; quod alij fabulam deprædicant. Vt vt sit, qualis illa moles fuerit, & à quo primum posita, in obscuro est. Alterum recentius, ædificatum (vt dixi) à Seuero Imperatore, in valle, quæ interposita est, Palatinum inter, & Cælium Collem: cuius adhuc extabat pars ruinam minitans, tripartio ordine columnarum, altero alteri superimposito, tempore Sixti V. quæ operis amplitudinem, & magnificentiam declarabat; quæque ne de repente cum vicinarum ædium damno rueret, ab eodem Pont. ad terram deiecta est, & materia ad alia vtiliter applicata. Sed audiamus Marlianum testem de visu, qui sic de ea parte, quæ suo tempore superstes erat, discurret lib. 4. cap. 16. *Est Septizonium magna quadam Moles quadrata, quæ septem cingulis, idest Columnarum ordinibus inuicem superimpositis, in modum quatuor porticum, ambitur: itant columnæ, quantò altiores, ed minores, breuiioresque disponantur; in cuius medio quatuor parietes loculos quosdam facientes, surgunt; & in summo, Regum vel Imperatorum condebantur cineres. Hanc sibi, vt memorauimus, Seuerus posuit pro sepulchro, eo potissimum fine, vt qui ex Africa, (quos vtique, etsi comprouinciales suos, summè oderat, & affligerat) Romam aduentitarent; magnitudinem suam in opere admirarentur; vel, vt alij volunt, suis se Africanis hostem infensissimum (subacta provincia deletaque Patria Lepti) memoria refricaret, atque, etiam mortuus terrorem incuteret, hoc illis obiecto ad oculos ac mentem, odiofissimi monumento. Certè Aelius Spartianus, hæc de eo profatus est. Cùm septizonium faceret, nihil aliud cogitauit, quam vt ex Africa venientibus, suum opus occurreret: Cæterum opus hoc, quoad Architecturam, & strcturæ maiestatem, magnificentissimum erat, ad Corinthiam rationem totum è quadrato marmore, septem ordinibus fornicum, & columnarum, in sublime surgentibus; vt non tam mortuorum conditorium, ac funerale spectaculum, quam Triumphatoris trophæum ex ho-*

stibus reportatum, viuorumque incitamentum ad admirationem, & ad captandam ex ascensu, diuersorum aspectuum iucunditatem. Scio equidem nonnullos extitisse, qui crederent **78** Septizonium dictum, non à septem Zonis, seu ordinibus columnarum, sed constitutis in plano, in amplitudine septem fornices cum suis columnationibus complectens: id quod probant ex interioris ædificij è quadrato lapide (cuius vestigia etiamnum visuntur) effossis fundamentis: inter quos Philander in notis ad cap.9. lib. 5. Vitruu. Nam *ultrà quartam columnationem sursum versus, non puto, inquit, antiquos esse progressos. Nec credibilis reliqua altitudo, fastigium ad cacumen asstantibus.* At contrà facit singularitas operis, quod ideo fuit mirandum, & peculiari nomine insignitum; facit communis æstimatio, quâ, vt clariùs indicaretur, Septisolum, quasi septem solarijs erectum dixere: facit non diutina subsistentia, ob nimiam altitudinem, vnde breui corruit, remanente adhuc triplici ordine, quod indicio est, quatuor reliquos ordines suprâ se habuisse: neque enim tanta moles, admirationi, actot laudibus decantata fuisset, si æquè in plano, in latitudinem directâ esset, nec tam citò temporis iniurijs cessisset, vti videntur alia minora, & longè vetustiora ædificia adhuc extantia. Fauet huic coniecturæ Philippus Beroaldus in notis ad Sueton. vbi dicit: *Septizonium dimidiatum adhuc Roma inuisitur: & nos proximo anno curiosis oculis sumus contemplati: supersunt tres operis ambitiosi, veluti zona, columnarum pulchritudine magnificèntia, altitudine, spectabiles:* Et Baptista Egnatius in notis ad Suetonium: *Septizonium, inquit, opus Seueri maximè memorabile, à septem fortassè columnarum ordine. Quamquam, vt verum fatear, non ab ordinibus columnarum, sed verè à septem zonis, hoc est epistilijs, seu trabeationibus suprâ singulos ordines columnarum extantibus, dictum septizonium credo, quæ circumcinctâ, ædificium constringebant: ita tamen vt in metam assurgeret, & quò editior ordo, eò breuior, & contractior. Vt vt sit, certè sepulchrale monumentum erat, adeoque credibile, vt in morem reliquorum eiusmodi Poliandron, atque in speciem eius quod Arthemisia Cariz Regina Mausolo viro suo posuit, factum. Neque hic audiendus Famianus Nardinus, qui in sua Roma antiqua, deridet eos, qui existimant non ad hoc Septimum Seuerum, molem hanc posuisse, vt aliquando sibi pro conditorio foret, sed ad nominis immortalitatem captandam apud suos Africanos, eoquod Spartianus, vt supra, dicat, nullam aliam cogitationem illum in eius ædificatione habuisse, quam vt ex Africa venientibus, non cineres, sed suum Opus occurreret: quandoquidem non negat Aelius, id fuisse sepulchrum: & poterat*

utrumque esse, nempe quod ideò tam magnificum excitasset, ut simul & spectabile Africanis de longe venientibus foret, ab operis magnificentia; & sui memoriam illis ingereret ob conditos inibi eius cineres. Sed adhuc ab ipso Spartiano euincitur Nardinus, Septizonium hoc fuisse Seueri Sepulchrum. Nam in Geta Seueri filio ab Antonino fratre Imperij cohærede occiso, aperte dicit, totius vrbis luctu curatum finus, *illatumque eius corpus Maiorum sepulchro, hoc est Seueri, quod est in Appia via, euntibus ad portam, dextrâ, specie Septizonij extructum; quod sibi ille viuis ornauerat.*

79

SERPENS, Sidus in Cælo ad borealem plagam, constans stellis decem & octo, iuxta Ptolemæi, & Antiquorum recensitionem: At Bayero sunt 37. adunatis nimirum, & reiectis in ipsum alijs 17. (quæ prius erant informes) computatisque in eo aliquibus, quæ potius ad Ophiucum pertinent, quocum est alligatum; interque eas; quæ in manu sinistra fulget, tertiæ magnitudinis, arabicè dicta *Yed*. Est Constellatio satis ampla in latum producta, & completens tria ferè signa, Scorpionem, Sagittarium, & Capricornum, variè discurrens, ut serpens spiritus, & flexuosis nexibus obuolutus. Eius qualitates noxiæ sunt, & humorum corruptrices; quippe omnes ferè stellæ in ea consistentes, participant de natura Veneris, & Saturni, pugnantium porro qualitatum mixtione pollutæ; & ideò in venenatam Serpentis figuram collectæ sunt, quòd humorum intemperiem, & corruptionem adducant. Quamquam Petr. Io: Faber in suo *Panchymico*, lib. 2. cap. 29. Saturni, & Martis naturæ participes facit. *Vnde* (subinfert) *ferocitatem cum crudelitate, labores ingentes, & insanos, pestilentiam, luem, morbos infundunt. Vnde homines, quibus hæc Constellatio præest, feroces sunt & crudeles, infatigabiles, sitim, & famem patientes, bellicosi admodum, sed tardi ingenij, & rudes & agrestes, brutorum potiùs mores imitantes, ac emulantes, quam hominum. Sed contrà sentiunt Maternus, & Pontanus; qui potiùs hominem sub serpente natum faciunt ingeniosum, Naturæ arcanorum perferutorem, quique supra serpentes intelligentiam, & potestatem habeat, autidotisque eorum iñtibus, venenatisque rebus occurrat. En Pontani testimonium in Vrania.*

*Hic Marsos dabit exorrens, qui vulnera cantu*

*Qui sanent morsus, nigro qui sorte veneno*

*Vngue pæonio, & succis medicentur, & herbis;*

*Qui ferro, atque igni, referantque Macheona dextra.*

Oritur autem Serpens Romæ cum extremis partibus Scorpij mense Nouembri, ac signatè *Yed*. Die 6. ubi vti plurimum adducit copio-

pio-



piosos imbres, ac nebulas, & si Mars consenserit, niues.

SERPENTARIVS aliud sidus Serpentem gestaus; Vide *Ophiucus*.

SERRA vulgare instrumentum, Mechanicis, & Fabris omnibus obuium, sed non vulgare Organum, ex peritia Mathematicarum, scientiarum comparatum, atque à Dædalo in ijs versatissimo, vt ferunt, primùm inuentum, ad secanda facillimè, & æquabiliter ligna & lapides, magno cum operæ sènore factum. Est enim denticulis feriatim obductum ad modum Cunei, prominentibus; cuius profectò vim, & operationem participat, & imitatur: de quo satis dictum in loco.

SERRA etiam apud Polemicos, ob quandam similitudinem, & analogiam, vocitari solet in Acie militari, certus equitum ordo non sibi constans, & vno loco consistens, sed ab reliquis copijs seiunctus, ac vagus, hùc illucque discurrens, & inspectans vbi magis periculum incurrat acies sese turbandi, & ab hostibus dissipandi: nam tunc actutum istos adoritur, incerto & inæquali cursu, & modo accedit, modò recedit, modò subsilit, modò in eorum cuneos se immittit, & penetrat, ac tandiù eos quaquauersum impetit, obtunditque, donec socij locum habeant sese colligendi, & prælium aniniosius reparandi. Quare Festus, *Serrà* inquit, *præliari dicitur, cum assidue acceditur, recediturque, neque vllò consistitur tempore*. Id quod tunc fieri norat acutissimus Liplius, *Quando Manipuli primæ aciei, modò inuadebant, modò resiliabant, & reddebatur dentata quasi serra*. Sed aliter rem explicat Vegetius præliandi artis expertissimus, & Magister, lib. 3. cap. 19. *Quæ, ait, à strenuis directæ, ante faciem opponitur hostibus, vt acies turbata reparetur*. Et in hoc eodem sensu accipitur à Sallustio in Iugurth. cum dicit: *Non vti equestri prælio solet sequi, diù cadere, sed aduersus equis concurrere, implicare, ac perturbare aciem &c.* Quanquam ex Liuiio lib. 31. Histor. Roman. colligi potest; hunc morem hostem insectandi, barbararum nationum peculiarem fuisse, ab Romanis verò æquis belli æstimatoribus, nec probatum, nec in quouis discrimine in vsu positum: quin etiam contrà Philippi Macedonis aciem, insidiosè, modo in orbem modò in Serram sese explicantem, vt illos circumuenirent; immotos impressionem sustinuisse: mox de equis descendentes, immanesque se peditibus, animosè, facie ad faciem, fixo pede, scuto tantum protectos, gnauius depugnasse.

- 82 SERRATILE CORPVS appellant Geometræ ( quâ ratione nescimus ) quod vndique, quinque superficiebus disparibus, continetur & clauditur : quas inter, duæ diametraliter oppositæ in longum sunt, triangulares, & æquilateræ; reliquæ tres in latum abeuntes, quadrilateræ, & quadrangulæ: adeo vt, si collocetur iacens supra basim longam, & quadrilateram, referat speciem quandam feretri cinortualis: si verò erigatur, & assurgat supra basim trilateram, gerat vicem pyramidis æqualiter procedentis, & substitui queat in locum columnæ, seu paraftadis, in ædificijs. Id quod in Architectura, cum laude, & commodo receptum est, vbi materia non suppetit, aut situs arctitudo non patitur columnas rotundatas admittere, ac multò minus, amplas, & quadratas paraftadas. Et porro sæpè non tam defectum supplet, quàm operi adijcit decorem, ac venustatem, præsertim in angulis, & in aditis ostiorum, loco Antarum, & paraftatum: quemadmodum non ita pridem factitatum Romæ vidimus in plerisque ædificijs.

SESVIQVADRATVS *Aspectus*. Vide in V. *Semiquadratus*.

- 83 SEXAGENARIA *diuisio* celebris est apud omnes Astronomos. per eam enim diuiduntur partes Signorum, & gradus Aequatoris in sexagenas minutias, & harum singulæ iterum in alias sexagenas vsque (si placet,) in infinitum, quod partibus proportionalibus auspiciandis commodissimum venit. Extat apud omnes ferè Ephemeridum Calculatores, Tabula Sexagenaria protracta per longum, vsque ad grad. seu scrupula 60. & per latum vsque ad 180. & ampliùs si placuerit: vbi facillimè & ad iectum oculi, inuenitur peractus calculus astronomicus, & pars proportionalis quesita, adeoque leuantur tyrones à fastidiosa numerorum multiplicatione, ac diuisione, necessitati per regulam auream facienda; cum accepto in fronte tabule numero multiplicando, vel in minutias diuidendo, atque à latere dextrorsum in prima columna, multiplicatore, vel diuifore; statim in area laterali vtrique communi, habetur numerus quotiens diuisionis, aut productus per multiplicationem. Sed enim res meliùs intelligetur ex præxi, quam per quæcumque nostram descriptionem. Ideò superuacaneum est, in ea explicanda diutius immorari.

- 84 SEXTANS ASTRONOMICVS, seu *Trigonicus Geometricus*, nobile instrumentum est à Tychone subtiliter excogitatum, atque ad vsum feliciter deductum; quo medio, stellarum positus, altitudines, longitudines, ac latitudines vsque ad vltimas minutias excipiuntur.

Et

Et quidem ei acceptam habemus, factam ab eius inuentore stellarum recognitionem, & vniuersam Astronomiæ instaurationem. Cuius partes & vsum fusè explicat ipse Tycho to. 2. de noua Stella Casiopeæ.

SEXTERADA, seu *Sexteriata* apud Agrimensores, est species 85  
quædam mensuræ agrariæ, & modus Campi seminabilis, respondens in capacitate seminis iacti, ad mensuram sextarij: eo modo quo nunc apud nos, appellatur modius terræ, tantum spatij seminabilis, quantum seminis intrat in capacitate modij frumentarij. Quamquam *Sexteradæ* nomen inuenio aliquantò latius vsurpatum pro agris etiam incultis, ac Syluis. Sic in Tabulario S. Ioannis Angeriæ, apud Du-Cange in Glossario, ad ann. 1031. scriptum habetur. *Reddo modium iunctum de prato, & quatuor sexteras terre arabilis.* Et in Epist. Gaufridi de Medunna, quæ extat in Spicilegio Atheriani, to. 2. dicitur. *Dedi ducentos modios terre ad opus rusticorum vestrorum, quos Sextariatas dicitis.* Plura etiam testimonia, secundum diuersas alias acceptiones affert, ipse Du-Cange in hoc Verbo. Hinc *Sextaneus limes*, apud Rigaltium in Glossa ad *Agrimens.*

SEXTILIS RADIVS, græcè *Hexagonus*, est familiaritas à sideribus 86  
adinuicem contracta per sextam Circuli partem, seu in distantia duorum Signorum. Est eiusdem naturæ & conditionis cum Trino, licet imperfectior. Vide quæ fusiùs dicta sunt in V. *Familiaritas*, & alibi sæpè.

SIDVS, siue (vt alij scribunt) *Sydus*; propriè denotat plurimum, 87  
singularium Astrorum, seu stellarum colligantiam in certam quandam Imaginem, quales sunt omnes 48. quas Antiqui affinxerunt in Firmamento, seu Cælo Fixarum, vbi omnes variè dispersitæ sunt, & in formam redactæ, paucis tantummodò relictis informibus, quæ tùm haud concinnè potuerunt in vnam eandemque Imaginè adunari: quod postea à recentioribus Astronomis, magna ex parte factum est. Atque in primis, alias 12. Imagines ad veteres addidere, formatas ex stellis in parte Australi, circà Polum, & Circulum Antarcticum detectis. Differt autem Sidus à Signo, quod licet hoc figuram ac denominationem habuerit olim à sidere, & stellis fixis, quæ sub eo erant, (quandoquidem non erat adhuc compertum, quod Primum Mobile esset orbis distinctus à Cælo stellato) attamen rigorosè acceptum, abstractum est à sideribus, & appellat duodecimam quamque partem Zodiaci in æquas partes dissecti, quarum  
quæ-

qualibet comprehendit 30. gradus, & habent relationem ad quatuor puncta Cardinalia, vnde intenduntur, remittunt, & variantur combinationes primarum qualitatum in anni temporibus, ex prope, & longè fieri Astrorum ad dicta puncta: Sidus autem, vt innui, dicit certum stellarum fixarum numerum, in prædictas imagines collectarum, siue ex in Zodiaco sint, siue extrà Zodiacum, per totum Cæli expansum, quæ neque in magnitudine, neque in stellarum numero pares sunt, sed aliæ alijs maiores, luminibusque locupletiores. Quocirca nullatenus considerantur in Primo Mobili, sed in Firmamento, vt aliàs de singulis, suis in locis dictum est; quæ motu suo, quamuis lentissimo, successiue permutant loca in Zodiaco: vnde, sidus, & Constellatio Arietis, & signatè stella, quæ est in dextro eius cornu, quæ olim tempore Ptolemæi, erat in ipsa sectione verna, & incidebat directè in Aequatorem, nunc recesserit ad 29. fere gradus, declinetque ab Aequatore ad boream, grad. 17. 40. Vt totum ferè sidus abierit in Signum Tauri, subintrantibus in eius locum, stellis quæ sunt in Piscibus, & sic de singulis, vt suo loco dictum. Cæterum vulgò etiam ipsorum Astronomorum, sæpè sidera & signa confunduntur, ac promiscuè vsurpantur. Quinimò apud alios Scriptores non rarò inuenies, siderum nomine, venire nedum singulares stellas fixas, sed & ipsas erraticas, seu planetas. Vti sæpè apud magnos auctores purgatissimi alioqui sermonis, inuenies; Plinium, Cicronem, Quintilianum, & alios.

88 SIDERA DISCVRENTIA abusiue, & per quandam similitudinem, nominantur pseudo-quædam stellæ, seu ignitæ exalationes in aere accensæ, & inordinato quodam motu ac velocissimo, huc illucque sese ferentes, ad modum pyrobolarum, donec accensa materia absumatur. Hæc autem, cum apparent, ventos vt plurimum portendere, docet Aristoteles in Meteor. lib. 1. cap. 7. De quibus fusè alibi dictum est.

89 SIGNA apud Astronomos (vt paulò antè tactum fuit) sunt notæ quædam, & certæ Zodiaci diuisiones in duodenas æquas partes tributæ: quarum singulæ ad 30. gr. in longum extenduntur, itant omnes simul nu. 360. grad. expleant, in quos totus Zodiacus, (vti & omnis Circulus Maximus) dispartitur; atque in latum, sex, aut nouem, hinc inde ad Eclipticam gradibus, concluduntur, quantum videlicet planetæ extrà Eclipticam diuagantur; suntque à sideribus, seu Astris quibus qui directè sub ipsis cadunt, denominata, quæ incipiunt à sectione verna, & pergunt successiue ad solstitium æstiuale, Aequino-

noctium autumnale, Brumam, & solstitium hyemale. Primum ergo est Aries; Secundus, Taurus; Tertius, Gemini; Quartus, Cancer &c. Quæ nihilominus totum Cæli expansum sibi appropriant, ac ductis è polo ad polum circulis maximis per tricenæ Eclipticæ partes transcuntibus, vnumquodque suam sibi partem regendam, assumit, sideraque omnia, etiam extra Zodiacum diuagantia, sed intra dictos circulos, seu semicirculos ( quantum sibi omne signum vendicat, ) comprehensa, sub tali, & tali signo esse dicuntur.

Porro hæc Signorum distinctio, & ordinatio, etsi ad hominum placitum facta, non fuit sine magno consilio, & fundamento in re, introducta: nam habet respectum ad realem Astrorum influxum, per ordinem ad loca, vnde emittunt radios proportionales, quibus intenditur, aut remittitur eorum vis, qua agunt, & alterant isthæc inferiora. Vnde merito aliqua dicuntur mobilia, quia ex ijs fit transitus in aliam primarum qualitatum combinationem; alia fixa, quia in accepta combinatione adhuc permanent; alia communia, quia de vtraque & præcedente, & subsequente combinatione participant. Præterea à singularum initijs acquirunt proportionales gradus talium qualitatum, prout sunt in proportionalibus distantijs à punctis, vnde hæc qualitates incipiunt intendi, aut minui. Quandoquidem initium Tauri est in trino radio ad initium Capricorni, & in sextili ad initium Cancræ, ex quibus incipiunt Planetæ influere qualitates passiuas; & econtrâ initium Geminorum est in Trino ad initium Libræ, & in sextili ad initium Arietis, vnde incipiunt influere qualitates actiuas, & sic discurrendo per reliqua signa. Igitur non ab re fuerunt illis & figuræ, & nomina attributa, quæ eorum naturam, & affectiones exprimerent. Vti etiam & aliæ distinctiones, & agnomina, quibus variè denominantur; Nocturna, Diurna, Masculina, Feminina, Pulchra, Deformia &c. namque omnia sunt per aliquem respectum, & analogiam ad ea, quæ suo nomina, aut figura præferunt. Sic etiam ratione situs singula dicuntur præsidere supra certas regiones, & Ciuitates; vel quia ipsi sint verticalia, vel sanè quod in earum ædificatione fuerint ascendētia. Similiter ex membris humanis habent, singula singulis dominari, quod vel ratione, vel sanè ab exprimentis nunquam fallentibus, comparatum est, ac paucis expressit Manilius in Astronom. lib. 1. his versibus.

*Namque Aries capiti; Taurus cervicibus hæret;  
Brachia sub Geminis; censentur pectora Cancro;  
Te Scapula Nemæe vocant; teque ilia Virgo;  
Libra colit clunes; & Scorpius inguine regnat:*

M m m m

Et

*Et femur Arcitenens ; genua , & Capricornus amavit ,  
Cruuraque defendit Inuenis ; Vestigia Pisces .*

- 90 Sic etiam habent relationem ad plantas, diuersasque animalium species, saxa, gemmas, humores, prout in loco sæpius diximus, & ratione simul, & experientijs comprobauius. Denique in singula, Planatarum dominatus est distributus, itaut Luminaria, quæ Principatum tenent, & validiora in influendo sunt; potiora, & aptiora sibi signa, pro domicilio vendicant; ea minirum, quæ eorum naturæ magis assimilantur, & in quibus existentes, manifestos intensioresque effectus producunt; Sol videlicet in Leone, Luna in Cancro: quibus vnice sunt contenti. At reliqui Planetæ bina pro singulis sibi assumunt, pro duplici habitudine ad ipse Luminaria, necnon ad eorum domus, prout fusè alibi explicatum est. Hinc etiam

- 91 SIGNIFER appellatur ipse Zodiacus in quo prædicta signa æqualiter dispertita sunt, & quem Planetæ per sua, vel aliorum domicilia permeando, suis proprijs cuique motibus, statis temporibus percurrunt, & suam circulationem perficiunt. Sed magis communi acceptione.

- 92 SIGNIFER appellatur in re militari, qui signa militaria ante Copias gestat, & sub ijs milites cogit, dirigit in prælijs, animat ad pugnandum, & colligit ad receptum. Apud quem profectò stat summa belli, atque ab eius dexteritate, fortitudine, aut ignauia, pendet sæpissimè salus totius Exercitus, accepta clades, aut Victoria. Quare strenuissimi olim ad hoc opus assumebantur: qui ex signis quos deferrebant, Aquilani, Draconarij, & vniuersaliter Antesignani audiebant. Et à signis quidem deperditis, aut ab hostibus reportatis, plusquam à bellatorum casu aut iactura, deducebatur apud quem steterisset bellicum robur, prælij alea, & hostilium copiarum fusio. Vnde valde probrosum Signifero erat, & capitale delictum, signum deperdere, vt ex Polybio, Liuiο, & Anniano ostendit Stevvechius, & econtrà gloriosissimum, hostilia reportare: id quod in magnam Cæsaris gloriam vertit Plinius lib. 7. cap. 25. quod *Signis collatis, quinquagies dimicauit*. Hinc *Signa conferre*, idem est, ac manus conferere, præliari, ac de signis, cui cedere debeant, contendere, & fortitudine comprobare. Plura in hanc rem habet idem Stevvechius ad cap. 6. lib. 2. Vegetij.

- 93 SIGNIFEX viceuersà in pace dicitur, (quasi *Signorum Artifex*)  
qui



qui signa, hoc est hominum, animantium, aliorumque rerum figuras, manu cælat, & efformat; quales sunt vniuersim Sculptores, Plæstæ, Figuli, quique demum in marmore, ære, argilla, aut cera, quodlibet opus effingunt. Quo tamen nomine non veniunt Pictores, qui in tabula, tela, aut parietis superficie, coloribus aliquid exprimunt; benè tamen Incisores, qui in laminis cupreis, aut argenteis stylo, perinde ac calamo & penicillis, figuras efformant ad imprimendum. Vnde Sidonius Apollinaris de Artificibus verba faciens lib. 6. ep. 12. Græciam summè commendat, quod sit *Significibus illustris*, hoc est, omnis Signatoris utcumque artis Professoribus, abundans, & præcellens; & Minutius Felix, Statuarios æquè, ac funditores, Significes appellauit lib. 1. de Nupt. *Cum viuos, inquit, etiam vultus æris aut marmoris Signifex animator inspirat.* Hos Signarios nominat Iur. Conf. in l. 1. Cod. de excusat. Artif. & alix leges passim.

SILENOGRAPHIA ad Picturam, & Architecturam pertinet, & 94  
documenta capit ex Optica; quatenus tradit modum contrahendi, aut enormiter ampliandi species obiectorum ad potentiam visiuam transmissas, ratione cuius illa diuersimodè repræsentantur, & plerumque aliter ac reapse sunt. Siue id fiat per artem specillariam, attemperando vitra, per quæ species transeant; siue directè & permèter per adiectiones, vel retractiones factas in opere, ad corrigendas deuiationes radiorum visualium, qua atenus ob distantiam, inæqualitatem situs, alterationem medij, aut aliud quid obistsens, non faciant videre obiectum, quale & quantum in se est. *Venuslatem enim persequitur visus* (inquit Vitruuius lib. 3.) *cuius, si non blandimur voluptati, proportionem, modulorum adiectionibus, uti id in quo fallitur temperatione adaugeatur: vastus, & inuenustus conspicientibus reddetur ad spectus.* Quocirca Silenographiæ ope, deuiationes hæc, siue ex parte medij, siue ex nimia distantia, siue alio quouis accidente promanent, corrigere opus est, per diuersas linearum rectorum ductiones in planum cadentium factas. De qua re fuse Kircherus in *Arte Magna Lucis, & Vmbra; & Scottus in Magia Captotica part. 2. lib. 6.*

SILENS LVNA appellari per metonymiam solet, cum otiosa est, 95  
hoc est, cum lumine & viribus destituitur; toto videlicet tempore, quo est in congressu, aut sub radijs Solis; eoquod tunc torpere, ac silere quodammodò videatur. Vnde Columella lib. 2. de Re Rust. cap. 10. *Silente, inquit, Luna, fabam vellito ante lucem.* Et Plin. lib. 18. cap. 31. docet, quid Luna silente ferendum sit, quidque in-

mittendum : & ideo Fornicæ (vt idem perhibet) eo tempore otiantur in suis cauis, & à colligendis frugibus abstinere. Durat autem in eo statu, ad duos vel tres dies, ante & post coitum, donec sensim se minusculam, & corniculatam ostendit, quæ est prima phasis, & luminis recuperatio, quam Græci *Menoidem* nuncupant.

- 96 SIMA in opere architectonico dicta est aliquando pars illa hebetior, & sinuosa, quæ claudit ac desuper terminat trabeationem, seu coronicem, & æquè in omnibus Architecturæ ordinibus reperitur. Hæc autem, etsi varijs etiam nominibus, compellatur, vti *Gula*, *Vnda*, *Cymatium*, propriè tamen conuenit extremæ, quæ Coronæ superimponitur, quam Gulam rectam alij nominant ad distinctionem inuersæ, quæ subtus statuitur. Vnde benè Græci, singulari, & magis expressiuo vocabulo *ἑνὸς* eam appellant, quod latine sonat *superimpositum*. A Nostreis verò ideo Sima dicitur, quia refert quodammodo simas caprarum nares. Satis de nomine. Quoad rem, ea in duplici differentia est; Vna simplex & plana, quæ semper inalterabiliter in Opere Tuscano, ac Dorico adhibetur, neque tamen excluditur à Ionico, & Corinthio ordine: Altera sculpturis ornata, cum maiestas operis coniuncta cum venustate, ad complementum & symmetriam partium, id postulare videtur. Notat verò Serlius, lib. 4. cap. 6. Si quando eiusmodi sculpturæ in Simis admitti debeant, eas leuissimas debere esse, nec multum prominentes, vt in Astragalis, & Echinis: aliàs offenderent visum, & confusionem, parerent, si perinde atque alia membra procurrerent, quando aliàs Sima ad finimentum ponitur, atque adeo grauitate sua, & libera excursionem, debet visum complere.

- 97 SIMILITUDO in Mathematicis attenditur non in substantia, sed in qualitate, hoc est, respondentia duarum vel plurimum quantitatum in ad inuicem; quæ tunc inesse in eis dicitur, cum seruant eandem habitudinis rationem. Vnde quotiescumque in vna quadam ratione, de qua sermo est, conuenire noscuntur, etiam si aliàs in materia, magnitudine, situ, alijsque affectionibus discrepent, similes appellantur. Id quod, suo modo, in alijs etiam rebus, atque imprimis in moralibus locum habet: vt similia dicantur, quæ eundem ordinem, & habitudinem seruant. Sic Tullius in Offic. lib. 1. *Nihil amabilius, nec copulatius, quam morum similitudo bonorum: in quibus enim eadem studia sunt, eadem voluntates; in ijs fit, vt æquè quisque altero delectetur, ac seipso.* Congruentia igitur, quæ facit inueniri in vno alterius qualitates, ratio est vnica similitudinis. Quare benè potest quis alteri

alteri similis esse in externa figura, & lineamentis corporis, non, item in ingenio, moribus &c. & econtrà. Ita planè in quantitativibus. Aether simile est aëri in perspicuitate, fluiditate, rotunditate, non in grauedine, & corruptibilitate. Terra Cælo similis in descriptionibus circulorum, zonis, & plagis; non in motu, & alijs. Quæ enim in omnibus sibi congruunt, non similia, sed æqualia sunt. Potissimè verò in Geometricis; hæc similitudo consideratur in figuris, & quantitativibus, quæ eandem mensuræ rationem habeant, eandem angulorum, & laterum constitutionem, & positum: ut si duo rectilinea æquales angulos habeant, & latera, numero, & proportionè, sibi respondentia, dicuntur profecto similia; alio nomine *Homologa*, ut suo loco diximus, exhibitio etiam schemate.

SINVS præcisè indicat amplitudinem quandam, intra certos terminos constitutam. Quare diuersimodè à diuersis Scientiarum Professoribus, ad suas res explicandas, usurpant, & coarctari solet. Geographi sinus appellant omnia littora curua, quæ duobus continentis veluti brachijs, in mare excurrentibus includuntur. *Golfi*, à nostris vernaculè nuncupantur. Porro eadem ratione in Geometria lineæ rectæ, quæ alicui arcui subtenduntur, & eius cavitatem definiunt, & claudunt, Sinus vocantur. Et quidem, quæ omnium maxima, toti quadranti subtenditur, estque ipsa semidiameter Circuli, Radius, seu Sinus totus dicitur, lineæ parallelæ, ad hanc, quæ ad singulos quadrantis gradus terminant, alij sinus minores, suis arcubus respondentes. Item perpendiculares cadentes ab vno extremo arcus in, diametrum circuli ab altero extremo eiusdem arcus protensam, dicuntur *Sinus versi*, ab antiquis *Sagittæ*, quia perinde sunt, ac sagittæ chordæ arcus insistentes, atque ad emissionem paratæ: simili ratione chordæ etiam appellantur *Sinus recti*, quibus illi perpendiculariter insistent. Qui proinde si arcus, vel angulus cui subtenditur sinus rectus, minor est quadrante, & gradib. 90. subtrahitur ab integro radio, & residuū dabit sinum versum. Si verò angulus erit obtusus, vel arcus maior quadrante, minor autem semicirculo; tunc accipiendus est sinus supplementi, vel sinus excessus suprâ quadrantem, cui addendus integer radius; & quod resultat, erit sinus versus illius arcus, vel anguli.

Porro Sinus huiusmodi deferuiunt ad venandam quantitatem cuiusvis arcus vel anguli, cui subtenduntur, ad quam rem concurrunt etiam duæ aliæ, lineæ, altera perpendicularis extrâ circulū cadens ad extremitatem radij, seu ipsius quadrantis, quæ ideo dicitur *Tangens*, quia tangit arcum in extremo puncto; altera per medium arcum, pro-

procedens ab angulo ad singulos quadrantis gradus, & vltra progreditur vsque ad congressum cum Tangente, vbi efformat angulum

acutum, & dicitur *Secans*, quia scindit & secat partē arcus ab toto quadrante. Atque his quatuor lineis absoluitur omnis ratio dimensionis triangulorum, quæ ex lateribus cognitis agnoscuntur ignoti anguli, & econtrā vel mixtim, quæ communiter vocatur *Trigonometria*. Id totū expressum vides in adiecta figura.



Habes apud omnes ferē auctores, Tabulas Sinuum, Tangentium, & Secantium, per numeros digestarum ad Radium 100000., & eo ampliùs; ex cuius ratione desumitur proportio angulorum ad latera, è recto basi proximo, ad vltimum & acutissimum,

respondentem ad vltimum gradum totius quadrantis; vti in explicatione ipsarum tabularum videre poteris.

99

SIPARVM, seu SIPARIVM in Nauigatoria, veli species est, sic dictum, quasi *supparum*, eo quod est supranumerarium & adiectitium: nam ceteris omnibus iam explicatis, tunc tantum Nauigio adiungitur, quando vis venti languescit, ac remittitur; ideoque illud admittitur, quando vis venti languescit, ac remittitur; ideoque illud admittitur; & in alto ponitur, ad totum, quantus est, ventum, qui tunc exsufflat, comprehendendum; atque in arcto positum, magis magisque intendendum. Quale autem id sit, & quem signatē locum in Naui occupet, non conueniunt Onomastici. Isidorus lib. 19. per partes, singula vela recensens, de eo sic ait: *Siparum genus veli unum habens pedem, quo iunari nauigia solent in navigatione, quoties vis venit languescit*. At Sextus Pompeius in schedis, Siparum cum Dolone confundit ex aliorum sententia, quem etiam supparum nominat. *Supparum*, inquit, *Dolonem, quod est velum minus in navi; ut Acacium, maius*. Sic etiam minusculum appellat Lipsius, quod in venti fauentia nauta solent extendere. Veruntamen quorsum minusculum dici potest, quod ad supplendum sufficitur, id in quo maiora vela deficiunt? Certè de eius minoritate nè verbum quidem antiqui Scriptores; quin in plurali nominant, & ea altius in summis malis (quod ad rem facit) explicari supponunt. Sic Lucanus de bello Pharsal. lib. 5.

Sum-

Summaque pandens

Suppara velorum, perituras colligit auras.

Sic Papinius, 3. Syluar.

*Vos summis annectite suppara velis;*

*Vos Zephyris aperite sinus.*

Sed nemo clariùs ac luculentiùs Seneca, qui eius inuentionem, & vsum tribuit Alexandrinis; & rem ita explicat in Epist. 77. ad Lucilium. *Solis enim licet, supparum intendere, quod in alto omnes habent naues. Nulla enim res aequè adiuvat cursum, quam summa veli pars: illinc maximè nauis vrgetur. Itaque quoties ventus increbuit, maiorque est quam expedit, antennà submituntur; minùs habet virium status ex humili. Igitur non in humili, & in prora, non minuscule, sed ea conduplicatà sunt, & in summis malis: vt propterea ea non speciale, ac distinctum velum fuisse, coniectari licet; sed illa eadem, quæ priùs expansa erant, verùm altius erecta, & contractiùs explicata. Fauet coniecturæ acutissimus Turnebus, qui de ijs hæc habet lib. 21. cap. 4. *Suppara non tam vela fuisse videntur, quàm velorum quedam supplementa, & summa partes, quæ suprà ipsa vela, & antennam extendebantur. Quocircà id aliud planè non erat, nisi maior, quàm fieri potuisset, eiusdem, siue omnium quæ in naui erant, velorum expansio, ad totum ventum, qui alias latè spatiabatur in se colligendum. Et hinc fortè Siparij vsum, & nomen deriuatum, pro amplo velo, quod adhibetur in Scenis, quod vsquequaque diductum proscenium totum obtegeret, antequam fabula haberetur; ne interim auditores, quæ intus fietent, prospicere possent: quod ità aptatum erat vt momentò obduci, mox retrahi, & complicari posset: vt est illud Apulei lib. 1. *Orote, aulaum tragicum dimoueto, & siparium complicato.* Porro ad hanc rem comprobandam, testatur Philander, Romæ adhuc extare in summo Vespasiani Theatro, vestigia & foramina, per quæ traiciebatur antenna, ad vela ista & Siparia sustinenda, vt inde facili nifu possent expandi, & iterum contrahi: ad quæ erant affixi mutuli, supra quos tota machina voluebatur.**

SIRIVS, non SIRYVS, (vt contentiosè nonnulli volunt esse scribendum, quasi ab Syria, quæ nihil ad rem, denomiuatum; sed veriùs à græca notione *Σείρ* vel *σείρην*, quod est hiare) dictus est Canis maior sidereus, seu stella fixa primæ magnitudinis, in ore canis fulgens, de natura Iouis & Martis, eo quod tellus sub hoc, astro, præ siccitate reddatur arida, & hiulca. Et quidem non est in toto firmamento stella, quæ sit istà grandior, & viribus præpotentior: quandoquidem videmus, ea exoriente, totam penè Naturam concuti,

ti, ac turbari; Canes aguntur in rabiem; fluctuant in dolijs vina; febres ardentes insurgunt, & alia mira, quæ refert Plinius, lib. 2. cap. 4. Sed & illud præclarum, quod lib. 11. cap. 14. scribit de melle sub Sirio elaborato. Ait enim: *Alterum genus est mellis astivi, quod idèd vocatur Horèum à tempestiuitate, ipso Sirio explendescente post solstitium, diebus triginta ferè. Immensa circà hoc subtilitas naturæ, hominibus patefacta est, nisi fraus hominum cuncta pernicie corrumpere. Namque ab exortu Sideris cuiuscumque, sed nobilium maxime, aut celestis arcus, si non sequantur imbres, sed ros tepefeat Solis radijs, medicamenta, non mella gignuntur, oculis, ulceribus, internisque visceribus dona celestia. Quodsi seruetur hoc Sirio exoriente; casuque congruat in eum diem, ut sæpè, Veneris aut Iouis, Mercurijque ortus; non alia suauitas, vsusque mortalium malis à morte vocandis, quam diuini nectaris fiat. Hucusque magnus hic Naturæ arcanorum scrutator ac Secretarius. Ergò (bene hic infert Ricciolus lib. 6. Almagesti noui cap. 5.) Salina Canis, celestis, tunc suavis ac vitalis est, cum terrestrium canum in rabiem versorum salina, venenum est. Ex quo habes, in quo commendare poteris diuinam Numinis prouidentiam, quæ non in terrestribus modò (ut sæpè videmus) sed & in Cælestibus, eadem sidera, vno eodemque influxu, & deleterium exhibent, & antidotum. Plura de hoc sidere in V. Alhabor, & alibi passim.*

**IOI** SISTROIDES in Geometricis nominatur Figura triangularis tribus æqualibus lateribus constans, totidemque angulis, iisdemque eodem modo acutis; ac latera non rectilinea sunt, sed recurua, & introsum conuexa, itaut Sistri formam referat, à quo nomen accepit: eiusdem prorsus conditionis ac paritatis arcuum, ac Cissoïdes, sed non eiusdem positus, & capacitatis: quare in vno similes, & homologæ dici possunt, in alio directè oppositæ ac dissimiles. Namque Cissoïdes (ut in loco diximus) æqualia cum Sistroïde habet latera, seu arcus, sed contrariò ritu posita, intus quidem concaua, foris conuexa. Quò fit, ut ambæ Trianguli rectilinei & æquilateri abortiones, & monstra (ut ita dicam) sint; & quod in vna detrahatur à rectilineo, in altera superabundet; sicque ad concordiam, & communem ab Euclide traditam trianguli æquilateri dimensionem, reuocari queant: nam si in vtrisque, ab angulo in angulum rectæ lineæ ducantur, illicò duo triangula plana & æquilatera, omninò æqualia resultabunt. Nisi quod alterum Cissoïdi inscriptum, in altero erit Sistroïdes circumscripta: & quantum areæ ista à rectilineo detrahit, tantundem eidem Cissoïdes adijcit, & refundit. Quamobrem eadem via, quâ triangula rectilinea dimetiri possunt, per propor-



portionem angulorum ad latera, & e contra. Et quæ de his dicimus, intelligenda sunt vniuersim de omnibus alijs figuris Isoperimetris, non in rectum, sed in arcum ductis. Reponimus hic vtriusque Trianguli specimen in Cissoide iam exhibitum, Quò lector eorum, differentiam, & nihilominus habitudinem eandem ad Triangulum rectilineum, contemplari queat.

*Sistroides:*



*Cissoides.*



SM

SMALTVM, communi iam ab Hispanis, Gallis, & Italis, recepto vocabulo, appellata est species quædam incrustationis in opere architectonico facta, è solidiori & nobiliori materia, siue in ædificijs, siue in vasis æreis: Quæ quidem apud Græcos vsitatissima erat, præsertim in pavimentis, parietibus, ac fornicibus: fiebatque ex contusis lapillis aut marmore, viua calce atque albumine ouorum simul con-temperatis, & admixtis; ex quo, materia tempore exsiccata, abibat in crustam, in duritie, & splendore, cum leuigato marmore comparandam: eo prorsus pacto, quo nunc nostri Plastræ, & Artifices, è macerato, & in liquorem redacto gypso, & diuerforum colorum puluere in oculis quique suis arte paratis, disposito, effingunt picturatas, ac tessellatas tabulas è pretiosis lapillis compactas, quas si non vincunt soliditate, ac speciositate, certè ad viuum imitantur, adeout sensibus sæpè imponant. Sed iam smalti nomine hodiè strictius venit Encaustica picturatio, quæ suprâ metallum fiat, medio igne exsiccante, ac tenaciter simul necente colorum mixturam, quo vtuntur aurifices, & argentarij in vasis splendide exornandis, & illustrandis. Erat quidem hoc picturandi genus encausticè, apud Vete-

102

Nnnn

res

res vſitatum, ſed enim valdè groſſum, ac rude; quod Romæ primùm introduxiſſe Agrippam, reſert Plinius, lib. 35. cap. 11. in quo illud ad finem miratur, quod *pingit dum coquit; & aduſta veſtes firmiores ſunt, quàm ſi non vrentur*. Vnde eſt lepida illa obſervatio Martialis argutiſſimi poëtæ, in tabula, quæ habebat Phaëntem encauſticè figuratum: ex quo ſic artificem interpellat:

*Encauſtus Phaëton tabula depiçtus in hac eſt:*

*Quid tibi vis, Dypiron, qui Phaëntonta facis?*

Ac ſi diceret: Iniquè, ac nimis inclementer porrò facis, ô Pictor, qui Phaëntem igne ſemel aduſtum, iterum igni excruciansdum tradis: Dypiron quippe græcè igni bis traditum ſonat. Tranſijt & ad figuloſ hoc picturandi, & incruſtandi genus, quo vaſa fictilia varijs coloribus, & imaginibus ornant; inde macerato vitro illita ad ignem excoquunt, & obfirmant: quod, figlinum opus appellat Plinius eod. libro cap. 12. Nos *Inuitriata vaſa* vocamus.

## S O

- 103 Sol, quaſi *ſolus*, dictus eſt Planeta omnium Maximus, & nobiliſſimus, vel brutis animantibus ad ſpectandum, & admirandum datus: in Aetherea vaſtiſſima regione medius inter erraticas, tanquam Rex in Solio conſtitutus, & illis ceu ſatellitibus ad officium conſtitutus. Rectè Plinius lib. 2. cap. 6. de errantibus ſideribus loquens, *Eorum medius*, inquit, *Sol fertur ampliffima magnitudine, & poteſtate, nec temporum modò terrarumque, ſed ſiderum etiam ipſorum, Calique reſtor*. *Hunc Mundi eſſe totius animum, ac planiæ mentem: hunc principale Naturæ regimen, ac numen credere decet, opera eius æſtimantes*. Quæ, etſi ſophiſticè, & per hyperbolam dicta eſſe, notet hic Dalechampius; Sapientibus tamen non adeò intolerabile, vt non, quandoque iſſdem ſetè nominibus, etiam ex SS. Patribus, ipſum extollere non abhorreant. Quin & ipſa ſacra Eloquia, *Vas admirabile opus excelſi*, appellare non dedignantur, Eccli. 43. ubi etiam multas eius virtutes enumerant; & in laudem ſui Creatoris exaggerans. Hebraica quoque vox à *הראש*, & *שמש*; *Haror*, & *Schemesh*, à miniſtrando deducta, ſatis omnia comprehendit, & exprimit, quaſi ipſe ſit Dei, & Naturæ, primus miniſter, omnia regens, & ſua luce viuificans.

- 104 Cæterùm vt Solis potentia, claritas, ætuitas & ſœcunditas, omnibus perſpecta eſt; ita & ſubſtantia omnibus occulta, & obſcuriſſima. Ariſtoteles, 2. de Cælo cap. 7. alijque veteres Philoſophi, indignum exiſtimantes, Cæli lumina eandem cum ſublunaribus hiſce, participare naturam, quintam quandam ſubſtantiam conſpicati ſunt, qua Cælos, ſideraque prædita eſſe contendunt: adeoque Sol inquit-

inquiunt, non re, sed virtute calidus est, eoquod lumine suo calorem in inferioribus istis producat, cum ipse cæteroqui (utpote causa equiuoca & vniuersalis) pro diuersitate subiecti, æque frigus, & humores aptus sit procreate. Sed enim cælestibus luminibus haud improprium vel indignum, reputari à Sapien-  
tibus debet, ea parum cum ter-  
restribus conditionem sortita ab initio esse, ut constent ex eadem materia, iisdem qualitatibus polleant (licet sublimioribus) alterationibus immutationibus, & corruptionibus subiecta esse, &c. cum id manifestè probent effectus, qualitatum intensio & remissio, passio à contrarijs, connexio, & sympathia, quæ satis indicant, esse aliquid in corporibus cælestibus, cum terrestribus cõmune, quo mediante influxus immittantur, atque excipiantur; ac rerum generatio, corruptioque fiat. Neque enim absolutè dixerim, Cælestia corpora participare de materia hac sublunari; sed potius inferiora isthæ cælestis substantiæ partus, & effluxus esse, eiusdem substantiæ: cum semper effectus similis esse & participare debeat de sua causa, unde primas qualitates saltem, earumque mixtiones inde hauriunt, & participant.

Haec cum Philosophis. Nunc autem mathematicè, quod 105  
nostrum institutum est, de Sole discutiendum. Copernicus ad saluandas suas hypothesen, & apparentias ipsum statuit immobilem & Mundi Centrum: sed hoc systema utpote Sacris Paginis non concordans, & veræ Philosophiæ, ac Mathesis principijs repugnans, iam Ecclesiæ calculo damnatum est, & à Sapien-  
tioribus Astronomis satis reiectum. Verosimilius, & quod obseruationibus, & apparentijs apprime congruit, est quod statuit, vel potius instaurauit Tycho Brahe, nempe tellurem esse vniuersitatis centrum immobile, ac Solem & Lunam, & fixarum Orbem circa illam rotari, ipsum verò centrum esse reliquarum quinque Erraticarum, quæ circa illum voluantur in suis Orbibus: ex quo passiones illæ promanant, ut modò cursu veloces sint, modò Stationarij, modò retrogradi: idque respectu nostri, & Eclipticæ, iuxta quam, modò pergunt in consequentia signa, modò in antecedentia, ut clarè videre est in schemate, quod exhibuimus in V. *Retrogradus*; in reliquo, nec ipsi minores Planetæ, nec Sol, aut Luna, vnquam morantur, aut desleatunt ab instituto itinere. Et Sol quidem (ut de istis in præsentia sileam) motu suo proprio in consequentia, quem absoluit in anno, seu diebus 365. & sex ferè horis. Id quod manifestè conuincitur ex parallaxi, cum in Apogeo, eleuatio sit & longe à terra distantior, quam in Perigeo: quod in alijs etiam locum habet.

Eius formam orbicularem, ac rotundam, nemo est, qui oculos 106  
habe-

habeat, & in dubium vertat: nihilominus tamen aliquando circa horizontem, tam in ortu, quam in occasu, apparet Ellypticus. Quæ res multam dedit recentioribus Astronomis philosophandi materiam, præsertim Chrisophoro Scheinero, qui peculiarem libellum de hoc argumento edidit, inscriptum, *Sol Ellypticus*; quam visus varietatem, refert ad solarium specierum refractiones causatas à vaporibus crassis horizonti proximis. Sed hoc adhuc multis non plenè satisfacit; nec vacat in ea re examinanda diutius immorari.

107

Denique, quod ad magnitudinem attinet; veram ex asse definire, impossibile est, ob nimium eius fulgorem, & variantes phases; apparentem, difficile. Keplerus suis repetitis obseruationibus collegisse, se ait Solis diametrum in Apogeo constituti, esse minutorum. 30. in Perigeo, 31. sed eum refutat, ac deridet Ricciolus in *Almagesto*, lib. 3. cap. 10. Et verò, id difficile admodum est, exploratum habere, tum ob instrumentorum fallaciam, tum ob penumbræ interpositionem, quæ semper eius apparentem figuram variat, & conturbat. Communiter autem statuitur minutorum. 31. nec quicquam ei, saltem sensibilibiter, adijci in Perigeo, aut adini in Apogeo, vnde cõsequenter deducitur, illum superare terræ magnitudinē 166. vicibus cum duabus tertijs; & ita concludit Clavius, in *Sphæram de Sacroboscho*. Cæterum quoad naturam, Sol, est Planeta masculinus, calidus, & siccus. In fortuna per coniunctionem, Fortuna per aspectum. Significat claritatem ingenij, animi magnitudinem, potentiam, maiestatem, ac liberalitatem. Fræst Regibus, Principibus, alijsque autoritate pollentibus &c. Ex membris humanis, habet infundere vitales spiritus, fouere calorem innatum, & præsidet oculo dextro.

108

**SOLIDVM** ex Euclide definitur esse *Corpus quod longitudinem, latitudinem, & crassitiem habet*, hoc est, quantitas quæ sit capax trius dimensionis, secundum quas Geometria omnes quantitates dimetitur: per quod contradistinguitur à linea, quæ solam dimensionem secundum longitudinem habet, necnon à superficie, quæ habet longitudinem, & latitudinem, sed profunditate caret: at solidum, & longum, & latum, & crassum seu profundum, petit esse. Quare, ut ritè ipsum concipiamus, imaginari oportet, vel lineam quandam tum il latum, tum in altum extendi; vel sanè superficiem sursum, atrolli, seu potius explicari. Et hoc dicitur Corpus quantum, ac solidum. Porro omnia corpora solida, aut sunt angularia, aut sphærica; si angularia, aut sunt prismata, quæ habent latera parallela, & angulos sibi inuicem oppositos æquales; aut Trapezia, quæ sunt figuræ quouis irregulares, quæ, neque angulos, neque latera sibi habent

habent respondentia, & æqualia. Si verò sint curua, seu flexa, aut erunt perfectè Sphærica, æqualiter à centro distensa; aut Ellyptica, vel penè Ellyptica: De quibus singillatim suis in locis. Angulus quoque dicitur solidus, qui pluribus, quàm duobus angulis planis eiusdem generis constituitur, qui non cadant in planum. Egit de solidorum dimensione Euclides totis sex posterioribus libris, quamquam non desunt, qui tres tantum priores illi attribuant, reliquos verò alijs. De qua re videri potest Clavius in *Commentar.* & Vitalis Iordanus in *Euclide Restituito*.

SOLIDVS etiam *numerus*, per analogiam dicitur ab Arithmeticeis, qui ex tribus numeris in se ductis fuerit efformatus: in qua re, numeri ipsi se inuicem multiplicantes, latera appellantur: ut sunt 2.3.4. respectu 24. &c. Quemadmodum inter solidos numeros connumeratur, suo modo Quadrati, & Cubi, necnon & alij, de quibus fusè agit Euclides toto lib.7. Est autem Quadratus, qui æqualiter æqualis est, vel qui sub tribus æqualibus numeris continetur. Cubus autem, qui sub tribus quadratis. Sic num.27. ex.gr. Cubus est, quia ex multiplicatione 9. in 3. consurgit: è contra numerus 25, dicitur quadratus, quia æqualiter æqualis consurgit ex 5. in seipsum ducto. Et sic de alijs. 109

SOLSTITIVM communiter appellatur tempus, quo Sol puncta tropicalia ingressus, maxime ab Aequatore defleat, ac proinde tunc maxime reddit dies noctibus inæquales, quasi *Solis statio*; quòd ultra Aequatorem plus declinare non habeat, sed in Tropice sitet, hæreatque. Porro duo sunt Solstitia; Hyemale, quando initium Capricorni ingressus Sol, efficit noctem longissimam, ac diem breuissimam; & Aestiuale, quando ingressus initium Cancræ, facit diem longissimam, & noctem breuissimam. Hoc autem intelligendum, est de nostris regionibus borealibus, & eò magis, quò maior fuerit eleuatio Poli; nam sub Aequatore nulla fit variatio, & semper dies noctibus sunt æquales. In regionibus autem trans Aequatorem contrarium accidit, ut contemplari licet in Sphæra materiali. Vbi notandum, quod quodocunque apud veteres scriptores nominatur Solstitium absolutè, semper intelligitur hyemale, quod aliàs Bruma dicitur, ut in loco meminimus. Sic Varro, Plinius, Virgilius, Lucretius, Cicero, & alij; non quòd æstiuum reiecerint, & vnicum tantum admiserint (ut contendit Petrus Victorius in *Notis ad Varronem*, qui propterea reprehendit Columellam, & Seruimum duo Solstitia agnoscetes) sed quòd illud principalius est, & ad rem, de 110

de qua illis sermo erat, vnicè considerandum veniebat, altero interrim non negato. Et quidem si res ipsa, & nominis etymon perpendatur, in vtroque Solis statio est in tropicis, & æqualiter inibi terminus fixus est maximæ eius declinationis ab æquatore: nec maior ratio est, cur Solstitium dici debeat punctum accessus Solis ad tropicum Capricorni, in quo bruma viget, & initium sumit; quàm punctum aduentus ad tropicum Cancri, in quo incipit æstas. Vnde ineptum foret, vnum, & alterum eadem vi pollens, licet effectu contrario, æqualiter non admittere. Enimuerò, vti duo similiter Acqui-uocia, alterum Vernum, alterum Autumnale, in quibus Sol æquatorem tenens, efficit noctes diebus æquales, nemo sanæ mentis est, qui non videat, & vtrò confiteatur; nihilominus Vernum est, quod maximè attenditur, quod in omnium ore, & obseruatione est, eo quod ipsum nobilius, & dignum speciali consideratione sit, quod annum aperit, naturam viuificat; cuncta renouat, & mundum hilaritate replet, ex eo felicitatis omen, & anni vbertatem, vel penuriam accipientem; quando autumnale, in quo annus ad senectam vergens sterilefcit, squalore completur: & marcet, in nullo pretio est. Ità planè, è duobus Solstitijs, brumale tantum attenditur, & laudatur, in quo sensim dies augefcunt, annus Iulianus incipit, Sol ad nos reuertitur, natura excusso hyemis torpore, reuiuiscit, & in florente tunc temporis origano, alijsque excisis fruticibus germinans, quodammodò hilarefcit.

- III** SPALTVM, siue SPALDVM, militari vocabulo, dictum est promurale quoddam, & aggestitia moles in genere prætenturarum, in munitionibus, & arcibus vltra fossam erecta, ad instar propugnaculi, ex parte, quæ hostilem campum respicit; quæ tandem sensim in accliuè vergens, in campi planitiem desinit. Ea ad id ponitur, vt protegat, ac tueatur ambulacrum valli, per quod miles liber discurret, obseruatque hostium molimenta, vt destruat, ac subinde in scabellum eidem adiectum insiliens, vt eius altitudinem superet, illos missilibus, & sclopis impetit, & disturbat. Fit vt plurimum è cespite fascibus interiectis, & aggestitia terra, vt possit consistere, nec facîle dissipari. Altitudo eius, qua parte munitionem spectat, & vallum tegit, regulariter præcipitur à militaribus Architectis, ad octo circiter pedes: latitudo extenditur ad quinquaginta, itaut euadat insensibiliter complanata; ex quo nomen Spaldi deriuatum crediderim. Eius mentio sub hoc vocabulo, habetur (quod meminero) in Chronico Rolandini lib. 5. cap. 18. vbi dicitur de quodam Oppido, quod tentorijs, & fossis, & spaldis taliter circumdederunt locum, quod nemo
- in-



ingredi poterat. Cæterum Latini cultiores, uti barbaram aspernantur hanc vocem, & malunt hoc genus munimenti, vniuersalibus verbis describere, ac propterea nominant vel *Loricam valli*, vel *Aggerem viae testæ*, vel aliàs, prout cuique libitum est. Vide eius constitutionem in sectione orthographica munimenti in V. *Arx*.

SPALIONES in re militari sunt species quædam operimenti, ac tegiminis temporarij in genere Vincarum; de quibus ita loquitur Agathias lib. 3. Histor. Roman. *Romani verò Spaliones parauerunt, & magnorum saxorum iacularia tormenta. Spalion autem est quoddam textum ex viminibus ad formam testæ confectum, & densitate solidum, & utrinque testum; utrinque latera deorsum sunt extensa, & repellunt omne telum quod incidit, ac ferit illam machinam: pelles autem & coria supernè iniicientes undique circumtegunt, ut sit firmitus munimentum, & excutiat repellatque tela. Eorum quoque meminit Menander apud Lipsium, atque ad quem usum sint hæc machinamenta, sic explicat. Ea armati milites subeunt, atque ipsis muris appropinquantes, & sabrorum ac lapicidarum instrumenta suffodiendis muris ferentes, ita sub terra specus faciunt, terram ipsam egerunt, & muri partem prosternunt. Cur autem spaliones vocitentur, curiosè inquit ipse eruditissimus Lipsius, & hæret: An quasi, inquit, Papiliones, quia tentorijs assident? Ita essent Italarum aut Gallorum Pauilliones. An ab eorundem spallis, siue humeris? quia nempe subibant & protrudentes ijs, aut & portabant: nisi Orientalis aliqua vox sit, quod eorum lingua periti nos docebunt. Tandem sese ab ijs extricat, subdens: Sed hæc igitur inferioris æui nomina: res, & finis haud nimis diuersa: omnes enim de suffodiendis muris dicunt. Id quod & Lesis & Pluteis conuenire, ex eo aliàs diximus. Ut propterea diuersis temporibus, & pro vario Nationum usu, eædem res diuersis nominibus sint appellata. Neque enim alijs verbis Cedrenus machinas à Sultano aduersus Romanos describit, quas vocat Lesas, ad subruenda mœnia factas. Ipse, ait, tabernacula quedam habens ex vimine texta, & supernè bouillis corijs operta, quibus & rote erant subiectæ basibus columnarum (vocant enim id genus machinas, Lesas) has inquam machinas habens, impleuit eas copia militum, quos iussit bidentes, dolabras, aliq; agrestia instrumenta ferre, existimans scilicet paulatim admouere muris lesas, atque ita suffodere assiduè & scurè ipsa fundamenta. Similia habent Cæsar de Musculo, Hirtius de Vincis, Polybius de Testudine. De quibus suo loco.*

SPARAE apud aliquos sequioris æui scriptores, nominatos inuenio, ligneos obices & repagula, quæ in aggressione hostili solent milites

lites praefidarij opponere, & erigere intermedia, postquam hostes muri, vel propugnaculi partem ceperint, & ibi pedem fixerint, ve saltem ijs, tanquam lorica se protegant, & quâ licet in angustia temporis, vltiores progressus impedian. Sic legitur in Vita S. Ioannis Traguriensis. *Cum Civitas, nec murorum esset freta circuitis, nec munitione vallata turrium, nec bellicis armis fulta, sed solis sparis & quibusdam macerijs circumsepta &c.* Verum, quoad hanc rem, vide quæ diximus in V. *Lorica*

- 114** SPARI, in re etiam militari, sunt minimi generis iacula (inquit Festus) à spargendo dicta, quod passim pugnando iacerentur. Ea ruralia potius instrumenta sunt, quam bellica; ac tantum in tumultuaria pugna adhiberi solita: unde agrestes sparos appellat Virgilius 11. Aeneid. cum de Camillæ ac Rutulorum comitibus ad pugnandum, contrâ aduentantes Troianos, tumultuariè insurgentibus loquitur,

*Agrestisque manus armat sparos.*

Est enim reuerà sparus, telum rusticum breue, ad falcis morem aduncum, quo vtuntur Agricolaë in putandis arboribus: attamen in necessitate, & subita hostis aggressionè, quando alia arma non suppetunt, à collectorio milite ad prælia adportantur. Quod bene notauit Sallustius in Catilinaria, eos à militaribus armis secernens. *Sed ex omni copia, inquit, circiter quarta pars erat militaribus armis instructa: ceteri, ut quemque casus armauerat, sparos, lanceas, alij præacutis sudes portabant.* Hos sparrones vocat Ekeardus apud Du-Cange, forte, ut discernat à rusticis sparis, qui breuiores erant, & recurui putandis tantum vitibus facti; Illi autem, ut prædictus auctor loquitur, acuti, & foci prædurati.

- 115** SPECVLA in opere architectonico, est pars illa in ædibus exurgens extrâ ordinem, cæteris editior, & vndeque spectabilis, à speculando, siue passiuè, siue actiuè dicta: eo quod ex ea, aperto liberoque intuitu speculamur, ac distinctè videmus per gyrum, quæ circum subiecta sunt, quæque aliàs, interiectu vicinarum ædium vel extrâ urbem, arborum & collium obiectu, occultarentur. Ea & venustatem, & magnum commodum affert ædificio cui imponitur, & tam in pace, quam belli tempore, ad magnos vsus seruatur. Propterea, vbi commodè fieri potest, in quouis ædificio non omittendam consulit Leo Albertus, de re ædificatoria lib. 8. cap. 5. vbi inter alia, hæc habet. *Præcipuum ornamentum adferunt Specula, vbi aptis locis posita, & lineamentis commodis educta sint. Quod si erunt etiam non rarissima, illa quidem sese in oculis visendas præstabunt cum dignitate.* In his memoria-

morabilis erat, quam refert Herodotus, Babilone, in medio Templi toti circum regioni prædominantem, excelsam, & adſpectu incundam: cuius baſis (ſi fides authori) occupabat integrum ſtadium: Altitudo verò complebatur octo ordinibus ſtructurarum, ſeu arcuum, alijs ſuper alias inſidentibus, cui propius accedebat Seprizonium Romanum, à Seuero extructum ſiue reſtitutum. Verum in his & ſimilibus ſpeculis extruendis, id cauere maturè debet, ne exiles admodum ſint, neuè continuata parietum excuſſione porrectæ, in quibus ventorum vis præualeat, & ad terram proſternat. Sed huic periculo facile occurrì poſſe, docet idem Albertus; ſi videlicet ordinum continuatio, præſertim in angulis abruptatur; itaut alternis vicibus quadratæ ſtructuræ, rotundæ; rotundæ, quadrata ſuperimponatur; interimque aſurgens fabrica in latitudinem minuatur, & ſenſim gracileſcat. Sic enim & aſpectu gratiſſima accedet, ex varietate; & à turbinum tempeſtate tutiſſima, ſuprà firmam baſim ſtatuta, æternum conſiſtet.

Eſt præterea Specula generaliter quiuis alius locus cæteris eminentior, vnde aliquid à longè proſpicere poſſimus, & ipſe viciniſſim proſpici poſſit, ſiue mons, ſiue turris, ſiue Pyramis, ſiue præcelſa arbor, in cuius ſummitate de noctu ignes accenduntur, vt hoſtis adueniens, aut aliud quid, quod citam prouiſionè requirat, ignis indicio momento temporis pateſcat. Quorum uſum perbellè deſcribit Barclaius in Argenide lib. 1. ex occaſione accenſorum ignium ad conquirendum Poliarchum, à Meleandro proclamatum. Specula etiam dicitur ciſtula in ſummo nauium malo collocata ad eundem finem, in qua ſpeculator conſiſtat ad obſeruandum, ſi qua hoſtium claſſis, aut piratarum biremis adueniat. De qua re alibi.

SPECVLVM notiſſimum inſtrumentum, è Catoptricæ penu depromptum, ſed natura duce comparatum, quæ in animantium oculis non obſcurum eius ſpecimen dedit: ſiquidem humori chryſtallino nigrorem quendam ſuppoſuit, à quo reiectæ ſpecies in nos reſiliunt, & nobis noſtri imaginem ſiſtunt: itaut rectè dici poſſit, quod naturæ ſpeculum ſit oculus, ac ſpeculum ſit artis opus, naturæ opificium, in oculo, imitantis. Sed non in oculo ſolum, verùm in reſidente aqua, & in quouis obſcuro corpore, ſed nitido & probè leuigato, ſpecula efformandi, clariſſima reliquit documenta: in ijs enim quæ ipſa exhibuit, apertè demonſtrat, ad ſpeculi efformationem quò requiri, & diaphaneitatem, quæ ſpecies in ſe recipiat; & opacitatem, quæ obſtet nè ulterius tranſeant, ſed mox reflexas remittat: id quod in aqua conſpicietur, & in nigro maxime niamore nullam ſcabritiem admittente,

Solaribus exposita, concipiunt ignem, & adportant quò directè pèr lineam reflexam obuertuntur, & terminant. Horum inuentio tribuitur Geometrz famigeratissimo Archimedi, qui ijs primum vsus est in obsidione Syracusana, quam Marcellus Romanorum Dux adornauerat cum ingenti classe, quam ipse speculorum istorum obiectu incendit. De quo ita Leo Sanctius in suo Floridum sermo cecinit.

*Tale Syracusius mirus iaculator, in Arce  
Finxit opus, quò fertur aquis aluisse fauillas  
Chrystallo genitas, Classenqu liquasse Latinam;  
Marcello mirante rogos volitare per undas.*

Quamquam alijs eorum Auctorem longo post tempore, faciunt Proclum quendam Bizantinum, qui floruit tempore Anastasij Imperatoris, atque eum, dum Vitalianus Thrax, bello Græcis indidit, Bizantium terrâ marique obsidione cingeret, eiusmodi vltoria specula hostili classi opposuisse, præ cæteris, tradunt Euagrius, Zonaras, & ex Latinis Paulus Diaconus; compositis nempe ex ære magnis speculis concavis Parabolicis, quæ ad solem obuersa, atque librata in ostium classis, exceptos radios parabolicè expansos collegissent atque in naues in debita distantia positas, transmississent, moxque illas concepto igne, illicò conflagrasse. Id quod vt Historicorû commentum exhibeat, ac deridet eruditissimus Naudæus in Syntagmate *do Studio Militari lib. 2. cap. 9.* Nam si vera hæc fuisse aliquando admittimus, ait, aut effectû probata; haud credibile est, artem cum authoribus suis deperisise, & non posterioribus sæculis in tanta bellorum scuitia, & militarium machinamentorum, quæ inuenta postmodum sunt, multitudine ac perfectione, hæc inter alia fuisse excuscatata, atque in praxim adducta, cum longè subtiliora & abstrusiora, quæ prius omninò incognita erant, & in Naturæ maiestate occultabantur, fuerint excogitata, & iam facta communia omni genti. At fides tantæ auctoritatis historicis, qui de facto testantur, deneganda non est. Certe Cardanus *lib. 4. de subtilit.*, nimis asseueranter ait, se modum detexisse huiusmodi machinas fabricandi: & Porta in *Magia naturali lib. 17.* hanc materiam fusè discutit, ac tandem concludit, sibi animum esse, & peritiam, talia specula componendi, quæ valeant in infinitam distantiam incendium importare. Sed aliud est in conceptis, aliud in factis: & scimus authorem istum ventosum, multa in suo opere polliceri, multa iam facta iactare, quæ tamen ab alijs eius documenta sequutis facitata, optatis hand respondent. Non negaerim tamen, quamplurima curiosa, mira, & oculos oblectantia, in dies ab huiusmodi Speculorum ar-

chitectonibus deproni, qualia sunt triangularia prismata, supradicta specula, obiecta in contrarium alterantia; laternas magicas, microscopia, & his similia, vt videre est apud eruditos Scriptores, qui de Magia Catoptica agunt, & ad proximam confessionemque eorum deueniunt; vti Kircherus, Bettinus, Mercennius, Maignanus, & Scottus; sed quæ, præter visus oblectamentum, vlllo commodo & solido emolumento Recip. sint, vsque modò, nullus.

120

SPECVS, *Antra, Spelunca*, Synonima sunt, & appellant montium cauitates, & subterranea loca, quæ olim in Mundi cunabulis hominum habitationes erant, (vt notat Plin. lib. 7. cap. 56. & Ouid. rudis illius sæculi simplicitatem commendans, ait: *Domus, Antra fuerunt.*) nunc autem ferarum latebræ, & cubilia sunt: vtrisque, tamen, magno bono à Natura prouisa, vt & his receptui forent ac tutæ ab insidijs hominum stationi; & illis non tam confugia ab insequentibus, ac temporaria tecta noctis tempore, & ingruentibus imbribus; quàm prima veluti Architecturæ lineamenta, quibus edicerent, domos sibi cultius fabricare, & illis fornices diu durabiles superstruere. Hæc enim non haberemus, nisi Natura suo exemplo eadem arte profecui, nos docuisset. Quemadmodum etiam columnarum formam, & ruderationem, vbique in antris, nulla arte efformatarum, quæ arcus, & cameras sustinerent. De quarum productione hæc habet Plin. lib. 31. cap. 12. *Distillantes quoque gutta in lapides durescunt in Antris Corycijs, nam & Mieræ in Macedonia, etiam pendentes in ipsis cameris, at in Coryco cum decidere. In quibusdam speluncis utroque modo, columnasque faciunt; vt Pbausia Chersonesi Rhodiorum in antro magno etiam discolori aspectu.* Ecce quomodo omnis Architectura, Natura magistra prouecta est, & non tam ad necessitatem, quàm ad luxum, & elegantiam, eam à specubus comparauerit, teretes etiam columnas, & discolori aspectu variegatas, magnificis ædibus addere.

121

Sunt igitur speluncæ, naturales domus & habitacula, quæ hominibus Natura suppeditauit, non solum, vt essent corporum diuersorium & receptus, sed & quidam animi recessus ad studia, & non, tam naturæ, quam Diuinæ gratiæ opera contemplanda; siquidem solitudo, quæ in antris est, & segregatio à tumultibus sæculi, maxime scientijs, & virtutibus comparandis, plurimum sanctitati, ac diuinis illustrationibus obtinendis, conducit: vnde est illud Prophetæ Ose. 2. *Ducam eam in solitudinem, & loquar ad cor eius.* Adco vt Dominus ipse, orandi nobis exemplum præbiturus, in desertum locum abierit, memorant non semel Euangelistæ, & quibus Ioannes de semetipsò

tipsò testatur Apoc. 17. quòd Diuinorum Mysteriorum, vt particeps fieret, ab Angelo abstractus fuerit in spiritu, in desertum. Quòd ideo nil mirum, si sacratiora semper, vel apud Ethnicos habita fuerint antra, & speluncæ: in quibus celebriora fuere Antrum Sybillæ, propè Cumas, & Trophonium in Bœotia, Oraculis illustrata: Si apud fideles, eos quibus dignus non erat mundus, asserat Apost. ad Hebr. scribens, vitam duxisse in solitudinibus errantes, in montibus, speluncis, & in cauernis terra, cap. 11. Si demùm ex cultu iam Orbe, & Urbibus, Oppidisque ad commodè habitandum abundè repleto; nihilominus Nitrix solitudines, ac Thebaidis antra incolere, sat habuerint Sanctissimi Viri, Antonius, Paulus, Hilarion, alijque innumeri Anachoretæ; quòd intelligerent, ea esse vnica Innocentiæ præsidia, veraque Diuinitatis Lycæa; itaut vel in ipsa Roma, Fidei Christianæ cultores, Cælo expositam negligerent Ciuitatem, & aliam, sibi suffoderent subrùs terram, specubus architectonicè dispositis, atque in speciem magnæ Urbis, Sacellis, in quibus sacra facerent; cubiculis in quibus quiescerent; foris, in quibus negotiationes agerent, ac vijs innumeris, per quas absque confusione, quò quis opus haberet, commodè se ferre posset, iuxta Architecturæ præcepta (vt hodieque mirari licet) aptissimè distributis. Tanta erat horum recessus æstimatio, & speluncarum amor, vt vbi Natura negauerit, sibi manu, & arte sufficerent.

Sed, vt ad propositum reuertamur. Non ad domos tantùm edificandas, specuum obiecto exemplo, natura nos manuduxit, atque edocuit, sed & ad sacras ædes Deo, & Cœlitibus erigendas accendit, vt in ijs Sacra peragere, diuinoque cultui locum dare, longè à secularibus negotijs disceremus. Id quod illustri specimine præstitit in Gargani montis spelunca, in Templi cuiusdam similitudinem conformata, vbi celebris illa fuit Archangeli Michaelis apparitio, admonentis, (vt habent acta) in sui tutela esse eum locum, eoque indicio demonstrare, velle ibi cultum Deo, in sui & Angelorum memoriam adhiberi. Antrum, siue mauis dicam, Templum, tot postea miraculis illustratum, vt meritò ex toto terrarum Orbe, peregrinos ad se contemplantum, ad venerandum accersat, ipsumque Othonem Imperatorem (vt refert B. Petrus Damianus) impulerit, vt Roma nudis pedibus proficisceretur ad locum visendum, suaque vota exsoluendum. Oterque quaterque (dicam hic cum Maiolo) commemorandum Antrum, in quo diuinæ gratiæ tanta elucet maiestas. Sed & de alio longè ampliore Specu, licet non æquè prodigijs inclito, in Aethyopia sito, tradit Franciscus Aluarez apud eundem Maiolum, colloq. 25. in quo ingens extat Ecclesia, integrumque Cænobitarum Mona-



Monasterium. Cæterum de miris, & celebribus antris, ac speluncis, tam naturâ educis, quàm manufactis, toto Orbe apertis, seu potius publico hominum cætui occultatis; videndus est Strabo, Plinius, Mela, Olaus magnus, & ex ijs citatus Maiolus. Sed non silentio prætereunda sacrosanctæ Romanæ Catacumbæ ad S. Laurentij extrâ muros; ad S. Pancratij, alizque permultæ, ad multa millia, passuum, infinitis recessibus, ac latebris excauatæ, quæ fuerunt olim SS. Confessorum subterraneæ Vrbes, & domicilia; nunc autem sacratiora, & pretiosiora SS. Martyrum conditoria.

**123** SPHAENISCVS apud Geometras, audit corpus solidum inæqualem habens longitudini latitudinem, atque vtrique haud æqualem, altitudinem, seu profunditatem: cuius figuram passim habes apud ipsos. Sunt qui illum appellent *Cuneolum*, alij *Bomiscum*, vt præ cæteris, Pappus illum examinans, & obrutibus exhibens, de quo nonnihil diximus in hoc verbo.

**124** SPHAERA græcè, latinè *Globus*, qui definitur ex Euclide, quod sit corpus solidum unica superficie contentum; in cuius medio punctum concipitur, ad quod quæcumque lineæ à superficie ductæ, inueniantur æquales. Seu, vt habet Theodosius, *Est transitus circumferentia dimidij circuli, quæ fixa diametro, consque circumducantur, quousque ad locum suum redeat*. Itant totum id, quod ab arcu semicirculi circumducto describitur, Sphæræ nomine veniat. Et per hoc manifestum fit, in quo Sphæra contradistinguatur à Circulo, qui (vt in loco diximus) est figura plana sub vnica simplici lineâ comprehensa: vt proinde terminus circuli sit lineâ circâ centrum æqualiter ducta: terminus verò Sphæræ sit superficies, nullis terminis conclusa.

**125** SPHAERA etiam ab Astronomis, in concreto accipitur pro tota Cælesti machina, sen Aetheræ regionis expanso in sphæricam formam abeunte; maximè verò pro primo mobili, in quo circuli omnes, ac Poli circâ quos voluitur: ac *Sphæra materialis*, quæ ipsam cum suis circulis, & affectionibus ad Cardines Mundi, prout diuersimodè alter polorum suprâ horizontem attollitur, oculis repræsentat. Quæ duplex est; altera dicta *Arathea*, ex globo vndeque solidò, & vnica superficie terminato, in qua per lineas descripi circuli, in gradus distincti, necnon & stellæ fixæ sub suis imaginibus suo ordine, magnitudine, & situ, in loco dispositis: Altera dicta *Armilla*ris, quod ex armillis confecta est, repræsentantibus circulos maiores, & minores, ad iustam distantiam positos, & axem mundi medium

medium, à Polo ad Polū extensum, sub duobus alijs circulis maiori-  
bus Meridiano, & Horizonte, qui repræsentant situm, & Cardines  
Mundi. Quam vltimū describere, profectō inutile, & superfluum  
foret, cum nemo fere sit, qui illam assidue in manibus non habeat,  
& oculis non contempletur.

SPHAERAE etiam nuncupantur discriminatim Cælestes Orbes  
singulorum secundorum Mobilium, seu Planetarum, & Firmamen-  
tum, in quo omnes Stellæ sunt fixæ, & cum eo peculiari motu mo-  
uentur, licet lentissimè, in consequentia. Vnde dicitur communiter  
Sphæra Saturni, Sphæra Iouis &c. De quibus, & earum amplitudi-  
ne, & crassitie, satis dictum in V. Orbis.

126

SPHAERISTERIVM, meritò aliquando dubitatum fuit, quid rei  
proptè esset in Gymnasijs, Balneis, ac Palæstris, & ad quem vsum  
singulariter reservatum. Nam, neque de eo mentionem vllam facit  
Vitruvius, accuratissimus alioqui locorum istorum censor, & archi-  
tectationis descriptor, neque ex Plinio Iuniore, qui eius semel, &  
iterum, cum fastu meminit, in descriptione balnearum suarum, quic-  
quam certi expiscari potest quod mentem adæquet, & textus con-  
nectat. Quandoquidem primò in epist. ad Gallum lib. 2. de eo hæc  
habet: *Non procul Sphæristerium, quod calidissimo Soli, inclinato iam  
die occurrit.* Secundò in epist. ad Apollinarem lib. 5. *Apoditerio in-  
quit, suppositum est Sphæristerium - quod plura genera exercitationis,  
pluresque circulos capit.* Ex quibus nil aliud colligi potest, nisi quod  
esset locus varijs exercitationibus deputatus, & commodè positus.  
In quo autem genere istæ fuerint; vti, & loci ipsius amplitudo, &  
forma, quidquid dicatur, diuinare est. Eius quoque mentio fit in  
Pandeëtis l. si quis, lib. 17. tit. 1. vbi Glossa hæc addit *Locus amarus  
herbis.* Et ad marginem scriptum est, *Locus est in primis, ad exerci-  
tium pila deputatus; est & locus in balneis, in quo veteres frictions suas,  
& varia exercitationum genera faciebant.* Consonat Lampridius in  
Alexandro, de quo memorat, quod post lectionem, operam Palæstræ,  
aut Sphæristerio, aut cursui operam dabat. Sed si locus amarus herbis,  
& ad decursationes idoneus, cur illum suppositum Apoditerio facit  
Plinius? Sed fortassis non ineptè quis dixerit, æquivocum esse vo-  
cabulum, & aliquando vsurpati pro conclavi vndique clauso in bal-  
neis, cui fuerit hypocaustum adiectum, & Apoditerium desuper  
positum pro frictionibus, & sordibus corporis deponendis, de quo  
loquitur Plin. & Vlpian. in l. si quis mihi ff. mandat. vbi Aurelius  
mandat hospiti suo, vt paret sibi Rauennæ in hortis suis Sphæriste-  
rium,

127



rium, & hypocaustum valetudinis gratia, & de quo mentionem facit etiam Suetonius in Vespasiano. Aliquando supponere pro amplissima subdiali area, ubi athleticæ exercitationes haberentur, atque in primis pilæ lusus, ex quo nomen accepit, vel sanè à citulari forma, qua uterque constructus erat, ut explicat Alexand. ab Alex. lib. 3. cap. 15. addès id esse moris summis viris, eiusmodi loca in suis ædibus, aliquando etiam in Theatris extruere. Uterque autem erat circularis, & gradibus ad sedendum in gyrum dispositis, ut propterea utrique Sphæristerij appellatio merito inuenerit. Lege etiam Hieron. Mercurialem in Arte Gynnastr. lib. 1. cap. 9. ubi ad hanc rem multa eruditè congerit.

128

**SPHAEROIDES** in Geometricis dicitur quidquid in sphæræ formam, seu similitudinem incuruatur; siue omnino circulare sit, siue ad ellypsim, siue ad hyperbolam vergat. Accipitur autem præcisè pro linea, aut superficie aream aliquam concludenter. In hoc sensu, Sphæroidis nomine usus est Vitruv. agens de libratione aquæ medijs instrumentis ad hanc rem factis. *Fortasse* (inquit lib. 8. cap. 6.) *qui Archimedis libros legit, dicit non posse fieri veram ex aqua librationem, quod ei placet, aquam non esse libratam, sed sphaeroides habere schema, & ibi habere centrum, quo loci habet Orbis terrarum. Hoc autem, siue plana est aqua, seu sphaeroides, necesse est extrema capita canalis regulæ pariter sustinere aquam. Cæterum de Sphæroidum natura, & passionibus, quas primò agnouit, & consideravit Archimedes, agit subtiliter, & accuratè idem subtilissimus Geometra, in libello de Conoidib. & Sphæroidibus.*

129

**SPHAEROMA** dicit, Aristotelis in Mechanicis, quod alij Græci scriptores communiter *Sà coma* nominant: versatile scilicet pondus, quod in statera adhibetur ad faciendum æquipondium. Romanum nos Itali dicimus, de quo alibi scriptum.

130

**SPHAEROPEIA** facultas est Geometriz subalternæ, quæ peculiariter agit de motibus sphaericorum corporum circa centrum, adeoque de centro gravitatis, ac de naturali singulorum propensione, qua ad ipsum feruntur: de qua re fusè scripsit Goldinus, & Canones habes apud Pappum in Collect. Mathem. lib. 7.

131

**SPINOIDES** in re militari dicta est acies in rhombi figuram instructa: qualem accuratè describit Aelianus, cum loquitur de equis acie ordinanda; refertque, Thesalos illam inuenisse, ac primò

in prælijs incendis, in talem formam ordinem disposuisse. En eius verba. *Aciebus in rhombi similitudinem formatis, Thessalos primos vsos comperimus, qui plurimum equitatu valuerunt, Iasone, ut ferunt, authore generis huius aciei, utpotè ad omnes vsus accommodatioris. Equites enim constituti in hac forma, vertere se in quemvis prospectum possunt, minimèque vel à tergo, vel à latere capientur, quippè cùm præstantiores, rhombi latera teneant, & principes, angulos regant. Stat enim in priore angulo turma ipsius præfectus; in dextro autem & sinistro, quæ custodes vocantur lateris, statuntur. In reliquo verò angulo Ducem, seu duflorem tergi locari solitum est. Verùm id incommodi subire in hanc formam aciem ordinatam, ex praxi compertum est, quòd minus expedita sit, ac difficulter iugare simul, & versare equites queant, id quod aliàs liberum foret, & peditatus summa laus, & præuentio est. Lege Aelianum infrà, ubi inuenies, quid iugare sit, quidue versare, & quomodo aliquando expediat iugare solùm, aliquando, neglecta iugatione, tantum versare; aliquando ubi necessitas urgeat, oporteat iugare simul, & identidem sine intermissione, versare. Quod exemplis comprobatur ex Polybio, & alijs,*

SPICA VIRGINIS, Arabicè *Azimech*: Stella est fulgentissima æquè, ac benignissima, primæ magnitudinis, de natura Veneris, & Mercurij, existens in manu sinistra Constellationis Virginis, atque in Zodiaco nunc temporis in gr. 20: Libræ, cum grad. ferè 2. latitudinis Australis. De hac notauit Argolus in *Pandoso Sphærico*, quòd semper in locis idoneis reperta, siue se sola, siue cuni Luminaribus reperta, adducat bonorum affluentiam, atque felicitatem: præsertim autem habet significare diuitias: vnde in secunda, vel in Cardinibus cum parte Fortunæ, maximè si Luminaria astiterint, aut affulserint: econtrà cum Saturno, bonorum dilapidationem, ac mendicitatem: tribuit etiam in horoscopo morum grauitatem (ut notat idem Argolus de *Diebus Criticis* lib. 1. cap. 6.) prudentiam, profundumque iudicium, ac naturali quodam genio inclinatum ad religionem, ac pietatem: quòd ideò inter stellas regias computatur, ac porrò primatum (me iudice) tenet, quòd non sicut aliz, plùs minùs, participant de natura Maleficarum, & ideò æquè bonis, ac malis asserendis indifferenter dispositæ sunt: At ista tota benigna est, nil violentum, nullum excessum primarum qualitatuum admittit, sed solum fecundare tellurem, fouereque vitam stirpium, & animantium, nata. Vnde de ea non hyperbolicè, nec poetice, ut aliàs as-

*Aduersos mores, & pectora dura per ortum  
Spica dabit: frumenta seret, graue figet aratrum;  
Mella fauis expressa liquet, nihil ultra remittens  
Ad vitæ varios usus. Maria alta secabit  
Piscator; nunc casse cibum, nunc comparat bano.*

A tamen quoad aëris vicissitudines, ac temperiem, non ita propria est, & facile à Planetis, quibuscum congregitur, ad eorum significata concurrat, & complet: vnde cum Saturno adducit imbres, & nebulas; cum Mercurio, tam oriens, quam occidens, facit ventos cum nubilo, & aliquando pluuias, & est infida nauigantibus, perinde ac stellæ Orionis, Delphinus, Hyades, ac Vergiliz. Oritur autem Romæ cum gr. 19. Libræ circa vndecimam diem Octobris; occidit verò paulò antè, cum gr. 14. eiusdem signi, die sexta.

**133** SPICARVM MANIPVLVS dicta est etiam Coma Berenice, sita in Cælo à Ptolemæo in peculiarem Asterismum non colligatum, sed in extremum caudæ Leonis reiectum, aut sanè inter sporades derelictum; constat stellis vndecim infimæ notæ ad Colurum Aequinoctiorum adiacentibus, de natura Veneris, & Lunæ, & ideo non secus ac Nebulosæ, cum Luminaribus solet esse oculis semper insensum. Ptolemæus tres tantum ex ijs considerat in formam trianguli abeuntes, quas tamen, vt dixi, reliquit informes, & appellauit *Triche*. Proclus, & Stephlerinus, septem in eo enumerant, & Cincinnos vocant, & Crines.

**134** SPICATVM OPVS in opere architectonico adhiberi solet passim in pauimentis sternendis: & dicitur illud, quod ex costilibus laterculis ad cultrum (vt dicitur) erectis, & in angulum coeuntibus ad spicarum similitudinem dispositis, contextitur, & constratur, *Spicam testaceam* dixit Vitruv. lib. 7. cap. 1. ad quod Philander: *Spicatorum testaceorum* (inquit) meminit Plinius lib. 36. cap. 25. nec tamen explicat, quomodo facere oporteat. Ex Veterum operibus didici, fieri pauimentum spicatum testaceum lateribus costilibus iunctis, & in latius procliuatis ad spicarum similitudinem. Verum duo sunt modi huiusmodi lateres in spinam disponendi: alter, vt in planum iaceant, & ad latera se contingant, est pauimenti genus vti delicatius, ita debilius multam pressuram non patitur, sed iungi teritione finduntur lateres, & loco dimouentur, vt videmus quotidie; & ideo nonnisi in cubiculis secretioribus adhibentur. Alterum solidius, quo (vt supra tetigi) lateres erecti ad cultrum, vnus alteri inhærens, & calce fortiter conglutinatus atque alternatim in duos ordines, in spinæ piscis formam

om-

omnes cadentes; atque hæc est optima pauimentorum construendorum ratio solidissima, vbi pro altitudine, & spissitudine erectorum laterculorum, non est periculum, nè vlla vnquam pressione rumpantur, aut discompaginentur, & venustam alioqui speciem referunt. Vnde non in tectis solum arcibus, sed & sub dio, in vestibulo domorum, in atrijs, & in vijs, ac plateis, vbi frequens hominum, iumentorum, vehiculorumque est itio, passim ad hunc modum pauimenta constrantur, quæ continua pressione magis, magisque obdurescunt, & solidantur; & ratione cunei in quem bini, & bini lateres abeunt, inuicem sibi obstant, ac dilocari non possunt.

SPICVLVM Grammaticorum vulgus appellat omne telorum genus, siue missile, siue manu adactum, quod ferream cuspidem in extremo habeat, quæ vulnus iussit: quo nomine comprehenduntur hastæ, pila, lanceæ, sagittæ, obeli, venabula; denique omne id quod, siue in prælijs ad hostes eminens feriendos, siue in venatione, ad feras detinendas, mactandasque immittitur, absque vllò discrimine. Et verò multi Scriptores antiquiores, ac præsertim Poëtæ, ea confundunt, in quibus etiam Vegetius lib. 2. cap. 15. refert pilum Romanum, quo milites ad iactum exercebantur, suo tempore spiculum vocitari. At non ita loquebantur æqui rerum æstimatores, qui stantes in rigore, & proprietate verborum, in ipsis iaculis, ac sagittis spicula distinguiebant, & pro his tantum præfixum ferum, seu cuspidem, & aculeum; intelligebant. Sic non semel Curtius de Gestis Alexandri, lib. 7. c. 6. quem sagitta iactum à latronibus refert, aitque eam, in medio crure, infixum reliquisse spiculum. Similiter lib. 8. cap. 10. scribit, quod dum is bellum in Indias adportans, nescio quam Urbem situ, & opere munitissimam obsidione, capere volens, propius accederet, eius munimenta contemplaturus, miles quidam è muro sagitta eum percussit. *Tum fortè (Curtij verba sunt) in sura incidit telum: cuius spiculo euulso, admoneri equum iussit &c.* Ecce quomodo aliud dicitur telum, aliud spiculum, quod telo præfigitur, & auulso telo, nunc illud spiculum sequitur, nunc ferrum; manet nihilominus infixum vulneri. Tullius quoque ad Luceium, lib. 5. ep. 11. scribit, laudans fortitudinem Epaminondæ, qui moriens apud Mantiacam, tum denique sibi auelli iubet spiculum, postea quam ei percontanti dictum est, clypeum esse saluum. Etorat. in L. Pisonem, ei obiectat, quod L. Crassus eius auus, triumphum (quod ipse nullo dato de se fortitudinis exëplo, turpiter ambiebat) iuste poterat, quia ubi hostis nullus erat, spiculis scrutatus est alpes. Atqui non hastis, & sagittis alijsque telis perfodiendæ erant alpes, sed cuneis, quos Per



spicula intellexit. Et mille ad id euincendum exempla passim inuenies apud alios primæ notæ Scriptores. Quare meritò concludit La-Cerda in illud Virgilij Aeneid. 11. *Protendunt hastas, & spicula vibrant. Nescias, inquit, quo malo inductum à pædotribis, ut spicula explicent sagittas: cum spiculum dicatur à spica, & propriè est ferrum, aut hasta, aut sagittæ, aut iaculi, ut hic Virgilius.*

**136** SPINGARDA vulgò dicitur tormenti genus in bombardæ speciem, sed amplissimo aluo & orificio, in se admittens saxa, plumbeas pilas, catenarum fragmenta, & id genus: quòd ideò explosum vastationem & ruinas per circuitum infert. Profectam crediderim, vocem è veteri illa *Springalla*, seu *Biblia Petraria*, de qua Lipsius in Poliorcet. Machina videlicet eiacularia, Ballistæ non multum ab-similis. Vide quæ in *Biblia Petraria* diximus.

**137** SPIRA originariè græca vox est, & appellat generaliter quidquid in orbem voluitur & reuoluitur, numquam tamen in idipsum redit, sed contracto, aut ampliato gyro, aliquantulum à perfectò circulo discedit, ac resilit. Ex quo anguium conuolutiones, quibus se in orbem colligunt, & nautici rudentes, longioresque funes, qui in agendis machinis adhibentur, cum ab opere cessant, & in gyrum complicantur, quasi proprio sibi arrepto nomine, spiræ iam dictæ sunt. Hinc etiam Architectones columnarum torulos, qui immediatè imò scapo in basis partem submittuntur, & foras proflunt; ad horum similitudinem, spiras appellant. Sed spiras frequentius nominant Geometræ, lineas curuas in gyrum actas, & ad se non reuer-tentes; atque Astronomi circularem planetarum motû circà tellurem, quo raptu primi mobilis in dies singulos agitantur, adeoque ratione proprii motus, à puncto, quod pridè, tenuerunt, postero die inueniuntur abscedere, sicut spiralem quandam lineam efformare. Quò sit spiralis hæc linea, ob miras & insignes proprietates, quibus pollet, in magna sit consideratione tum apud eos, tum apud reliquos mathematicos, & mechanicos: ut propterea Archimedes Geometrarum Phænix, totus in ea fuerit contemplan-da, & librum super ea scripserit. Ea etenim coalescit ex infinitis propemodum circularum segmentis, seu circulis circà centrum productis, ab eo initium summentibus, & sensim succrescentibus, itaut vnusquisque, completo gyro, non redeat ad idem punctum vnde disceserat, sed aliquantò altius, & altiùs insurgat in infinitum, geometrica progressionè, qua arithmeticam imitatur. Nam datò primo, & secundo termino, numeroque intervallo-rum, statim inuenitur vltimus terminus, si multipli-

plicetur secundus per tertium, & ex producto prius terminus abscindatur per numerum interuallorum vno minus, assumptum; profecto ex omnium summa habebitur exacta linea spiralis productio. Ex qua, vt dixi, plurima proueniunt commoda, & multa deteguntur arcana in geometricis, & mechanicis. Sed potissimum Astronomis singulare lumen præstat in auspicando motu directionis, qui resultat ex concurrentia duorum illorum motuum raptus, & proprii, quibus ad æquatorem iugi vertigine, sensim accedunt, aut recedunt, per lineam spiralem, quam sua circumuolutione describunt. Quod quomodo fiat, dictum est abundè in V. *Directio*.

SPLENDOR in seipso rigorosè consideratus, lux est secundaria, 138  
seu potius fulgor egrediens e corpore illuminato, & longè lateque diffusus. In quo sane differt à lumine, & à radio; nam illud est effectus lucis, seu luminis primarij in corpore luminoso existentis, & diffunditur in obiectum diaphanum, aut aliàs capax luminis secundarij, seu, maius dicam, participati, atque reflexi: Radius autem, immediatè procedit, ac directè fertur à corpore ex se luminoso in alia obiecta illuminanda, & capacia luminis secundarij. At splendor emanat, vt dixi, à corpore aliunde illuminato, ac terminat ubi ratione obsistentiæ & opacitatis, non potest ultra transmitti: quare, eo modo quo potest, recipit, & mox reflectit, vt accidit in Speculo lapidibus pretiosis, & leuigatis, ac similibus. Hinc est, vt Radius propriè competat Soli, qui est fons, & thesaurus indeficiens lucis, à qua promanat lumen primarium siderum; splendor autem corpori illuminato, atque adeo ipsis sideribus, quæ per reflexionem euibrant medio splendore, lumen acceptum. Vide etiam quæ ad hanc rem diximus in V. V. *Lumen*, & *Lux*.

SPORADES, communi Geographorum notione, vocantur Insulæ 139  
quædam parui circuitus, hæc illucque dispersæ in Mari Carpathio propè Cretani, quæ à Ptolemæo, in descriptione Orbis neglectæ sunt, nec cum alijs comprehensæ. Hinc Astronomi ex similitudine, arrepta occasione, sporades nominarunt in Cælestibus Stellæ, quas Ptolemæus ipse in recensione reliquit informes, cuiusmodi sunt Arcturus existens solitarius inter crura Bootis; quinque quartæ magnitudinis circà Pegasum, & aliæ multæ circà alia Sidera, quarum plurimæ à recentioribus Astronomis in formam redactæ sunt: de quibus sæpius fuit sermo, cum singillatim de ipsis sideribus egimus.

- 140** SPRANGA apud Theutonicos, teste D-Cange in Glossar. communi, & populari vocabulo dicitur, quæ à positionis linguæ Latinis Scriptoribus vocatur *Anteris*: Ligneū videlicet fulcimentum seu, trabs ruinā minantibus ædificijs exterius applicata, quæ parietes continent, ne labantur, & corruant. Sic habetur in lege Bauar. tit. 9. cap. 7. *Trabes verò singulæ cum tribus sol. componantur: exteriores verò, quas sprangas vocamus, eoquod ordinem continent parietum cum tribus, sol. componant.* Ni potius velis, eas significari, quas euerganeas appellat Vitruu. lib. 5. cap. 1. quæ tanquam fibulæ exterius applicantur angulis parietum, ad illos fortiter cōnectendos: de quibus diximus suo loco.

SPRINGALLA machina bellica. Vide *Spingarda*.

- 141** SQVADRA, fabrorum vocabulo, nominatur Libella, seu Norma, qua lapides, & alia quæ in structuris, & operibus fabrilibus componendis admouentur, in planum ad perpendicularum statuunt, ut firmiter hæreant. Constat autem duabus regulis, quæ iunguntur ad angulum rectum, cruribus diuaticatis, quæ ut immota semper permaneant, firmantur alia regula transversa, itaut A figuram efformet, ac triangulum rectangulum, è cuius vertice plumbum è filo pendet; quod, ubi (statuto orthogonaliter super libranda materiam instrumento) perpendiculariter cadit in medium transversæ regulæ, seu lineæ mente conceptæ in æqua distantia, indicabit illam esse librata. Sed de hoc instrumento satis dictum est in vestibulo operis, & in V. V. *Gnomon*, *Libella* & alibi.

- 142** STADIVM antiquitùs certa erat mensura, & definitus cursus ad metam: quod ideò in Palæstris tantummodò signabatur, in quo athletæ exercebantur. Nomen accepit à statione, quod Hercules ludorum Olympicorum inuenit, tantum spatij, vno spiritu cum confecisset, tandem pedem fixit, & stetit, ibique metam locauit, & cursus terminum. Hinc in omni Palæstra, ad eius exemplar stadia constituta sunt, ad athletarum decursum: quæ & subdialia, & tectæ erant, pro varia temporum conditione. Quod ideò de Palæstrarum ædificatione agens Vitruu. lib. 5. cap. 11. monet, ut extrâ disponantur porticus tres, una ex peristylis exentibus, due dextrâ atque sinistrâ stadiatæ: Et subdialia quidem appellat *Hypetras* ambulationes; operta verò sub porticibus, *Xysta*. Quod *Athleta*, ait, per hyberna tempora in tectis stadijs exercentur. Cæterum Stadij nomen non iam ampliùs cursus terminum, & stationem indicat, sed ad ipsam cursitationem signi-

significandam deflexum est; adeo ut denotet, non tam mensuram itineris, quod Hercules suis pedibus metatus est, quam omne simile spatium quod in longitudinem computatur in extensione itinerum viarum, & agrorum, appellans spatium centum vigintiquinque passuum, (quot videlicet vno cursu confecit Hercules) itaut octo stadia compleant vnum millare ex nostris, hoc est mille passus. Hinc à stadio, itinerum mensura exorta est, & à numero, & multiplicitate stadiorum, diuersæ itinerum mensuræ sunt appellatæ: ut *Diaulon* quod duo stadia comprehendit, *Dolichon*, quod sex stadia continebat, &c. quæ à duplicato, vel pluries replicato cursu ad metani, denominata sunt, de qua re videndus est Plinius, & Censorinus. Postea indefinitè ad omnem mensuram itinerum secundum diuersarum nationum usum, ac definitionem traducta. Vnde apud Persas introducta est *Parasangæ*, quæ teste Herodoto est spatium triginta stadiorum, Aegyptij habent *Schenum* quadraginta stadiorum, si fidem Plinio habere volumus, vel sexaginta, si Herodoto. Sed vsitatio & communis omnium erat *Stathmos*, quæ iusta mensura erat itineris vnus diei, quam commodè homo pedibus suis conficere poterat, continebatque stadia 224. hoc est milliar. nostra 28. Quæ mensura potissimum attendebatur in progressu militari, itaut ea perfecta, si-  
✎
steret exercitus, & mansiones ad quietem haberet: qua ratione ipsæ demùm mansiones sub stathmi nomine veniebant; vti habetur in Cod. Iustiniano, & alibi, quo cautum erat, ut vbi semel miles in stathmo pedem fixerit, inde digredi, aut ulterius excurrere crimen erat: atque ex eo transit in prouerbiū *Stathmum transilire*, de omni re, quæ modum, & terminum in rebus agendis definitum, transcendit. Similiter *Excursiones* dictæ militares velitationes, quæ milites in acie militari suos ordines tenentes, Ducum nutu aliquantulum defleunt, hostes prouocant, leuiores pugnas ineunt, & iustam auspicantur, Has nostri vulgò *Scaramuccias* nuncupant, Antiqui excursions, & velitationes. De quibus sæpè Mauritius Imperator, & Ammianus.

STATERA notissimum instrumentum ad pondera examinanda, factum, non multum distans à bilance, & libra, nisi quod hoc operosius, vniuersalius, & mirabilius, quod non æquis ponderibus, & pari à centro brachiorum distantia, operationem suam libratione perficiat, & assequatur. A Statica facultate profectum, atque iude denominatum (de qua mox infra) Habet enim effectum vêtis primi generis, quem refert scapus oblongus, habens ex vna parte dependens pondus; ex altera longiore, atque indefinita, æquipondium  
 vl-

vltrò, citròque excurrent, illud quidem ex se inæqualis ponderositas, & vtplurimum minoris, quàm ipsum pondus examinandum, sed constitutum in æquidistantia ab ansa, quæ gerit vicem hypomochlij, vel in æqualibus momentis sistit, & facit æquilibrium, itaut ex eo noscatur terminus ponderationis, & quanti res pendat, per signa & lineolas in scapi dorso signatas. Tria igitur concurrunt ad constituendam stateram vniuersalem, atque indefinitam quorumcumque ponderum trutinaticem: Scapus, seu vectis teres, aut quadrangularis ex ferro, pendens ex ansa seu trutina, quæ referat centrum, & hypomochlium, ad cuius respectum fit comparatio ponderis cum potentia, & ideo inæqualibus spatijs eius brachia hincinde à centro distantia, definiuntur, Secundò lanx vna, seu vncus, hinc à contractiore brachio dependens, & cui res ponderanda ad examen imponitur, vel affigitur: tertio æquipondium, siue appendiculum certæ ad libitum ponderositatis, quod gerit vicem potentia, quæ quantoplius ab hypomochlio distat, plus acquirit momenti (vt suo loco dicemus) adeoque vbi sistit in æquilibrium, indicat paritatem virium, & quanti res pensitet. Hoc nos *Romanum* dicimus; Græci *Sadoma* Aristoteles autem in *Mechanicis Sphæroma*. Et hæc est constitutio Stateræ vulgaris, qua communiter vtimur in rebus ponderandis, ac tantæ utilitatis est in humanis commercijs. De alijs peregrinis, & mirabilium effectuum productricibus, videndus est Scottus in sua *Magia Statica*. Hoc vnum addo, quod in nostra communi Statera addi possunt, & solent ad maiorem commoditatem, & pro duplici vsu, duæ trutinæ seu ansæ, inter se aliquantum distantes, quæ referant diuersam positionem centri; quarum vna sursum erecta minutiora pendat, vtputa libras, & vncias; altera inuerso scapo, ac data maiori distantia eius ab vnco, variet æquilibrium, & ad grauiora, atque excessiua pondera examinanda deferuiat: vti omnibus notum est. Atque ex hoc dignior atque vniuersalior est, qualibet vel magna bilance, statera; cum illa ad certum tantum terminum se extendat, & per æqualia pondera; hæc autem, indeterminata sit, & per longitudinem scapi procedat in infinitum. Sed vide quæ dicemus in *V Trutina*, & figuram operationis eius in *Velle*.

I 44

STATICA dicta est facultas, quæ ex Geometriæ principijs practicè agit de corporum grauitate, ac tendentia ad suum centrum; atque adeò attendit in ijs grauitatis centrum, lineam directionis: tum ea inter se comparat, singulorum naturam passiones considerans, tum intrinsecè secundum propriam cuiusque conditionem, tum extrinsecè ex accidenti aduenientibus, vtputa, situ, motu, impressione,

ne, obnitentia, & obstantia contrariorum, quæ ipsorum naturalem exigentiam aut retardant, aut omnino impediunt. Quod idèo singulorum momenta perpendens, vnàque conferens, multa assequitur, & opere complet, quæ mira quidem videntur, & supra naturam parata; attamen vnice à natura prodeunt, arte manum subministrante, atque impedimenta, iuxta operis exigentiam, vel submouente, vel sanè interponente. Magna equidem & mira est huius facultatis potentia, & actiuitas; & per vniuersa transcendit, quæ humano vsui sunt accommodata, magnæque arcana per eam in lucem prodeunt: quæ pro sui amplitudine, in varias minores artes dispescitur; ac diuersa accipit nomina, pro diuersitate obiectorum, quæ considerat, & qualitate accidentium quæ concurrunt.

Igitur, vel in corporibus considerat naturam, consistentiam, situm, tendentiam, grauitatem sibi naturaliter inditam; & tunc tota est in attendendo grauitatis centro; vocaturque proinde proprio nomine *Centrobarica*, quæ centrum grauitatis vnice inquirat, & examinat, non in corporibus tantum, sed & in ipsis superficiebus, ac lineis; atque exinde, variationem centri ad variationem situs, formæ, aut superuenientis circumstantiæ, rerum ordinem alterantis. Vel transit ad collationem inter se duorum vel plurium corporum æquæ aut non æquæ grauitantium; & tunc dicitur *Istropopstatica*, quæ ad hoc vtitur Trutina, Statera, Libra, aut alio consimili instrumento ad hoc venandum idoneo; agitque propterea de discretione, & analogia ponderum, & ponderantium, de quiete, motu, aut impetu, quo se libra restituit; de centro librationis, ac de æquiponderantium figurarum transmutatione, retento nihilominus æquilibrio.

Quoad motum etiam corporum, considerari possunt eius causæ, media adiuantia, aut impediencia, &c. Causæ motus, vt dixi, aliæ sunt intrinsecæ à natura ipsa subiecti, de se tendentis ad centrum; aut ex naturali affectione se voluentis ad polos mundi; & de his agit *Stathmica*, quæ tota est in contemplanda linea directionis; qua virtute grauiæ deorsum ferantur, aut leuia sursum ascendant, aut sympathica, ad sui principium aduolent: perpendit etiam circumstantias, & qualitatem figuræ, impetum, quo se grauiæ ad motum perpendicularem determinant; nec præterit affectiones secundarij motus ex impulsu accelerantis, aut ex obnitentia retardantis: vt etiam proportionem adacti ictus ad naturalem impetum, impetus ad tempus; temporis ad momenta; quibus mobilia permeant, sistunt, decurrunt, &c. Vel considerat adhuc pressius causas extrinsecas motus, quæ proueniunt à qualitate impulsus inditi per varia instrumenta, & motiones mechanicas, quæ ad vnâ ex quinque po-



rentijs reducuntur, & sunt Vectis, Trochlea, Ergata, Cuneus, & Cochlea, & suas peculiare denominationes habent, vt *Mochlostatica*, *Trochleostatica*, *Onostatica*, *Sphanostatica*, & *Cochleostatica*.

- 147 Præterea sisti potest in medio, per quod fit motus grauium, aut leuium; & hæc consideratio generali nomine gaudet, quod est *Mesostatica*. Quæ insuper à qualitate medij, subdiuiditur in *Aërostaticam*, quæ agit de libratione corporum in aëre libero, *Hydrostaticam* de motu qui fit per aquam, vtputa in superficie Maris, lacuum aut fluminum; vel in eiusdem crassitudine deorsum, aut sursum; & *Pyrostaticam*, quæ attendit librationem ignitorum per aerem, aquam, locos subterraneos, aliaque impedimenta motui obfistenta: adeoque agit de virtute pulueris tormentarij, pondere & forma missilium, machinæ emittentis, indeque desumit regulas collimandi rectâ ad scopum, per iter rectum aut arcuatum, ad rationem impressæ virtutis, atque ipsius missilis grauitatis, vel leuitatis, vnde etiam ars *Cunicularia*, & *Pyrothecnica*.

- 148 Tandem considerari possunt vnice impedimenta, quæ nata sunt sistere, aut retardare motum: vnde emergit *Loxobaryca*, quæ agit de planis directis, & inclinatis, per quæ contingit transire mobile de sua natura tendens sursum, deorsum, aut lateraliter, vbi illud trahit impulsus; comparatque hæc plana cum orthogonio, & cum vtrisque insitam mobilis grauitatem, aut leuitatem. Tum *Anacamprica*, quæ pertractat de angulo incidentiæ, & reflexionis, de causa & mensura vtriusque motus, de eius variatione ex occurso corporis impacti, ac reflectentis, de resultu globorum parium, & imparium si fortè in se mutuo impingant, de altitudine aquæ subsilientis cum in planum cadit, &c. Denique *Sparthostatica*, quæ singulariter agit de motu circulari, eiusque impedimentis: ex quibus omnibus magna suppellex obuenit Ingenarijs, & machinatoribus, varia opera perficiendi, tam in pace, quam in bello, Reip. profutura: ac de his magna pars mechanicorum, & artificum viciat.

- 149 STATIO in remilitari dicitur locus, vbi miles dum actû non pugnât, pedem figit, ac pro tempore moram trahit, siue vigil ad custodiam, siue propugnator ad loci præsidium, siue mansionarius ad inhabitandum. Et hæc quidem promiscuè appellantur Statia, hyberna autem vel æstiuâ, pro conditione temporum; ac Statarij, seu Stationarij audiunt milites inibi commorantes: illa autem propriè Statio, & Excubiæ, Nostri autem huiusmodi stationes vocant *Corpi di Guardia*. De vtrisque fit mentio in Iure l. 1. §. Quod ait Præter & l. 2. C. de Præf. Prætorij, & in Institut. §. Illis autem De milit. testam.

*testam.* vbi huiusmodi vigiles, & præfidiarij dicuntur Ordinarij, ac Stationarij, quòd in locis limitarijs stationes & vigilias agere debeant ad subitas hostium incursiones, vel insidiosas molitiones; præcepto transeuntibus factò, dari tesseræ signum. Mansiones quoque vocat Iustinianus in Cod. quas transilire, vel deserere militi crimen erat; & in Iustitutis appellantur Sedes, de quibus item cauetur: *Citra expeditionum necessitatem, in suis sedibus degant.*

At in re nauali, Classaria Statio appellat portum in quem Classis 150 se recipit, aut naues vtrumque consistunt, promptæ ad soluendum opportuno tempore, & interim serfesciunt ab iniurijs tempestatum, quas passæ sunt, mare prætermeantes. Ad cuius loci tutam, & fidam mansionem, præcipit Vitruu. lib. 8. cap. 12. *Si erit ex vna parte Statio, tunc ex altera parte, structuris siue aggeribus expédiantur progressus, & ita conformandæ sunt portuum conclusiones.* Vnde vniuersaliter statio dicit tutam ac fidam nauium, aut copiarum militarium permanentium, ad sui, locorumque, aut Castrorum custodiam; atque inde præstò esse possint ad accurrendum, aut fortiter obsistendum, vbi opus est, in casu hostilis inuasionis.

STATIO locum habet etiam, suo modo, inter planetas, nempe 151 quinque Errones, (namque Luminaribus haud competit;) & est, cum sese rotantes circà Solem, quem habent pro centro, feruntur hinc inde, in maxima elongatione ab eo, ad terminos primæ & secundæ Stationis sui cuiusque Epicycli; vbi neutiquam, aut sanè insensibiliter videntur moueri, permutareque loca in Zodiaco: quibus transactis incipiunt fieri, aut directi, descendentes ad Perigeum, aut retrogradi ascendentes ad Apogæum, vt videre est in figura quam exposuimus in V. *Retrogradus.* Vnde & ipsi in eo casu

STATIONARII denominantur: quippe etsi nihilò secius, indefesso, & æquali semper motu rotentur circà Solem in suis Orbitis; attamen, cum rectà meant ascendentes ac descendentes, quoad partes Zodiaci videntur stare immoti: & reuerà aut nullas aut certè pauculas, & insensibiles transeunt.

STATVARIA. Vide in V. *Sculptura.*

STATVMEN in opere architectonico dicitur imum pauimentum, 152 quod pro basi, & fulcimento immediate substernitur nucleo, vel medio corio, quod nostri, Architecti Animam nuncupant. Ad cuius rei intelligentiam, sciendum est ex præceptis Vitruuij lib. 7. cap. 1. Pauimentum, quod iugi pedum calcationi exponitur, estque susten-

taculum rerum plerumque grauitantium, quæ in ædificium promiscuè inferuntur, & sæpè de loco in locum asportantur, ibi continenter mansuræ; ita debere solidari simul, & exæquari, vt nullo vquam tempore, aut cuiusuis rei impositione, ponderi cedat, rimas contrahat, ac subsidat. Quapropter omni studio ac sedulitate sternendum venit, ac probè consolidandum. Ad quod nil aptius, & experientia magis probatum inuenere Architecti, quam illud tribus diuersi generis superimpositis corijs stringere, & coagmentare, quæ sibi mutuò adhæreant, & cuicumque impactæ vi resistent, oblucentur, infractaque permaneant. Quod ideò supra terram vel asseres contignationis benè exæquatos & complanatos, inducitur primum corium, quod idcirco *Statumen* dicitur ex quauis materia, seu lapidea, seu cæmentitia, modò coadunabilis sit, fortis, ad resistendum, sibi quæ adhæreant, & in vnum cuire sit apta: ita tamen aduertit Vitruu., vt fragmenta, & saxa, quæ in ruderationem intrant, non minora sint quàm quod singula possint manum implere. Hac ita statuminatione peracta, quam valdè appositè *Pedamentum* vocat Budæus, superinducitur rudus, seu nouum, seu rediuuium, calce ad eius rationem admixta, & *vellibus ligneis* (verba sunt Vitruuij) *decursijs inductis, crebriter pensatione solidetur.* *Insuper ex testæ nucleis inducatur*, hoc est, secundum corium ex testaceis fragmentis minutionibus, calce admixtis, quod dicitur Nucleus, quia ad nucleis, rationem durefcit, & animam interiorem protegit, atque intaminatam custodit. Tandem (concludit Vitruuius) suprà nucleum, ad regulam & libellam exacta patimenta struantur, siue scætilibus, siue tessellis. Et hæc est tertiæ crusta, quæ pauimentum complet, & firmat, vt iam cuicumque pressioni posset obistere, & æternum durare.

- 153** STEGA in re ædificatoria, ex græca notione tabulatum indicat, seu contignationem diuisam in plures partes, quæ diuersa loculamenta constituent, atque vnum ab altero segreget. Id quod in Lethyridis, aliorumque leguminum folliculis, obseruauit & hac voce expressit Dioscorides lib. 4. cap. 161. vnde, & *Distega*, & *Tristega* deriuarunt, quæ duplicem aut triplicem contignationem denotant. De quibus fusiùs suo loco.

- 154** STELAE, ex græco *στῆλαι*, propriè, signatèquè appellant pilas quadratas, quæ è structili materia sunt, siue solitariè, & per se stantes monumenti loco, vbi ad posterorum memoriam inscribi solet aliquid notatu dignum, vti olim passim fiebat, annotando in

ijs nomina, & tempora magistratuum, quos gerebant: siue duplices, loco anteridum, & antarum, quæ constitui solent in faucibus portuum, ut obsistant fluctibus maris cum impetu intrantibus, ac proinde fidam nantium stationem continua agitatione turbantibus: & de his agit Vitruuius lib. 5. cap. 12. docens ex qua materia & qualiter firmari debeant. Hinc stelare & oppilare portum apud antiquos perinde est, ac portus aditum firmissimis stelis, ac pilis obducere: vnde est illud Lucretij lib. 6. de *Natura rerum*.

*Fluctibus aduersis oppilare ostia contra,*

*Cum Mare permotum ventis ruit intus arenam.*

Has, *Vngulas*, alia ratione vocat Thucydides, ut videbimus in hoc Verbo.

STELLA in Astronomicis audit Corpus sphericum in æthereâ regione consistens lumine præditum, siue sua, siue mutuata luce à Sole, perfulgens, ac mirè intuentium oculos sua claritate oblectans, ac simul præstingens. Ex quo *Astri* nomen, apud Græcos deriuatum, existimat Plato in *Cratilo*. Dicitur autem promiscuè tam de quinque erraticis, quam de Fixis in Firmamento existentibus, quæ in varios Asterismos sunt dispersitæ. Et hæc potissimum Stellarum nomen sibi vendicat, nam illæ ad distinctionem, Planetæ communiter appellantur. Cuius porro substantiæ, tam istæ quam illæ sint, nihil certi definiri potest: Hoc sanè indubitatum, eas neque propriè igneas esse, ut volebat Plotinus; neque aereas ex densiori aëre constipatas, ut Anaximander; neque terreas, puta de gemmarum natura, quarum ramenta, nostras has gemmas esse dicebat Anaxagoras, & non abnuunt plerique Peripatetici; sed purioris, & sublimioris esse substantiæ, fortasse incorruptibilis, ab elementari specie diuersæ.

Sed earum numerum innumerabilem esse, nemo ibit inficias, quas Sacræ Paginæ testantur numerari non posse. Quamquam Ptolemæus, & Antiquiores Astronomi enumerarunt & recensuerunt, quæ clarè essent visibiles, solummodò 1022. easque, nec plures nec pauciores esse contendit Clavius, & si quando hyeme præsertim longè plures apparent, ait in his porro visum hallucinari. At Recentiores ferè omnes perspicaciores fuere, & alias, etiam nudo oculo clarè visibiles, & à se visas astruunt. Keplerus in Catalogo 1395. recenset; Schiecardus, 1692. Bayerus in Vranometria, 1709. Nos in nostro nouo Catalogo ad Tabulas Primi Mobilis adiecto, ex his selegimus, & calculauimus omnes 1570. desumptas vt plurimum, ex Bayero. At si omnes, quæ medio Telescopio detectæ sunt priden

dem à Galilæo, & successiue ab alijs accuratissimis Astronomis, perfectioribus instrumentis, quæ nostra ætate ad summam perfectionem venire, deficiet animus, & semper nouæ ac nouæ suppetent. Sanè in sola Nebulosa Præsepis, distinctè omnino 36. se obseruasse, testatur Galilæus in *Nuncio siderio*; in Pleiadibus plusquam 40. atque in Orione intrâ vnus alterius fere gradus spatiû, numerasse plusquâ 500. adeoq̃ confusus, ac labore fractus, manum subduxerit: ac verò Ant. Maria Reita Capuccinus, lentibus à se fabricatis, prouinciam, recalçasse se dicit, atque in Orione stellas bis mille, distinctissimè numerasse. Quibus omnibus perpensis ità rem concludit Ricciolus in *Almagesto* lib. 6. cap. 6. *Itaque, si quis stellas vltra viciæ centena millia putet, mihi quidem nihil inopinabile finxerit.* De stellarum scintillatione, abundè diximus suo loco: vti de singularum efficientia, & influxibus particularibus, cùm de ijs per ordinem recurrit consideratio.

**157** STELLA IUNIOR apud antiquos Agrimensores (nescimus quâ ratione) appellitari solebat ager, vel campus in decussim conducatum. Vnde penes Caium, ac Theodosium I.C. habes: *Stellam iuniorem super picatos palos consecrauimus*, & alibi: *Et signatim, vt inueniantur pali ipsi, Stellam consecrauimus; & ipsa Stella iunior nomine vocatur.* Fortasse (ita coniectari licet) quod ipsa decussatio conducatum, radiantem quodammodo stellam referat, vti stellas notare, solemus. *Iuniorem* verò, eo sine appellauere, quòd post cælestes vtiq̃ antiquiores, & genuinas stellas, hæc iunior, & efficitia ex Agrimenforum cerebro sit educta.

**158** STENTEROPHONICA Tuba, (quam simpliciore, & expressiore vocabulo, satis appositè *Vocalem* dixeris) est quæ non ità pridem, è principijs Mathematicis inuenta est, quâ vox mirum in modum, intenditur & fit elatior, adeò vt pluribus vocibus in vnum confluentibus æqualeat, & in multam distantiam, ac si propè esset, clarè ac distinctissimè exaudiatur. Huius inuenti speculator, & artifex in praxi, fuisse traditur nobilis quidam Anglus, nomine Morland; cui & placuit Stenterophonicam agnominare, alludendo ad factum, actribuendo ei nomen famosissimi illius Stentonis apud Homerum, de quo refert, quod quinquaginta planè hominum coadunatum clamorem, vocis sua claritate & magnitudine exæquasset. Sed mirum est, hæcenus intentatum exitisse artificium mirabilis huius organi, cuius virtus & efficacia, tùm istius exemplo, tùm ratione philosophica, ac paritate intensionis visus in compositione & vsu  
Tubo-

Tuborum optictorum, à solecti quouis artificè facile detegi poterat, quando eadem ferè in vtrisque procedit ratio, & constructionis similitudo: nisi forte quis diceret, longè disparem esse rationem auditus, & visionis; cum hæc fiat in instanti, per traductas species visualium obiectorum in potentiam visuam aptè dispositam; ille colligat species successiue aduenientes, quæ non priùs ad aures perueniant quàm metiri habeant icinetis intervallum, quod obstat, & interponitur inter sonum edentem, & audientem; vt proinde quò è longinquiore loco editur sonus, cò remissius, ac tardiùs exauditur.

Sed enim non obscura eius rei perficiendi dedit rudimenta, & præcepta conducendæ vocis, iandudum Vitruuius in simili, de Theatri conformatione. Is enim lib. 5. cap. 3. vbi agit de apta vasorum circà Theatrum dispositione, adhoc vt vox edita resonantiùs excipiat, ita Philosophus magis quam Architectus, rem altiùs exorditur. *Hoc vero fieri ita poterit, si locus electus fuerit, vbi non impediatur resonantia. Vox autem est spiritus fluens, & aëris iclu sensibilibus auditui. Ea mouetur circuloꝝ rotundationibus infinitis: uti si in stantem aquam lapide immisso, nascantur innumerabiles vndarum circuli crescentes à centro, & quàm latissimè possint vagantes, nisi angustia loci interpellauerit, aut aliqua offensio, quæ non patiat, designationes earum vndarum ad exitus peruenire. Itaque cum interpellentur offensionibus, primæ redundantes insequentium disturbant designationes, eadem ratione vox ita ad circinum efficit motiones. Quo fundamento iacto, ad rem suam reuertens, concludit. Igitur, vt in aqua vndarum designationibus, ita in voce, cum offensio nulla primam vnam interpellauerit, non distorbat secundam nec insequentes, sed omnes sua resonantia perueniunt ad imorum & summorum aures.*

Porro his principijs innixum, & hac penitiore edoctum philosophia, crediderim Dominum de Morland, haud ægrè peruenisse ad huius arcani detectionem, & felicissimam praxim: quandoquidem vox ipsa ab ore, quasi à centro procedens, in conum circulariter spargitur ac dilatatur: vnde quò arctiùs per instrumentum conicè efformatum colligitur, eò intensior, & vigorosior transmittitur per arctiores circulos diffusa, sese potentiùs, & longinquiùs extrudentes eamque integram, & infractam, foras amandantes. Quare id præstat tuba vocalis, & in eo tota eius virtus consistit, vt in se colligat vocis radios, qui aliàs in amplioꝝ conum per liberum aërem dispersi, protinùs euanescent. Quemadmodum experiri quotidie licet in oblonga, & nulla carie interpolata trabe, quæ ab vna extremitate acceptam vocem, aut leuem iclu, qui vix ab inde percipi potest; mox ab altera extremitate



te integrum reddit, & viuudum, nequicquam obſtante trabis longitudine: quia proinde per trabis arcitudinem tranſiens non habet vnde ab extrinſeco eius impetus infringatur. Sic proſectò vocis articulatz radios per fiſtulam exceproſ, atque in circuloſ procedentes fortiùſ reddit tuba per oriſcium, vtpote collectoſ, & integroſ. Atqui hæc eadem eſt ratio Tubi optici, qui viſibilium ſpecieſ longitùſ protrahit, vt mirum non ſit, ſi poſt huiuſ inuentionem, tubz vocaliſ inuentionio ſubſequuta ſit, cum pari paſſu procedant, vt acutè obſeruauit P. Franciſcuſ Eſchinarduſ è Soc. Ieſu in rebus opticiſ experi-entiſſimuſ, in opuſculo de hoc argumento ſpecialiter edito, cuiuſ argumentationiſ ſummam hic inferere operæ pretiuſ erit. Ait enim.

„ Conueniunt Tubæ, & Tubi in hoc, quod ſtatuſ humanuſ  
 „ inſtar arcuſ compreſſi dum dilatatur acquirit ſemper maiorem  
 „ impetuſ: quod & proportionaliter accidit in Colubrinis reſpe-  
 „ ctu pulueriſ pyrii rarefacti. Sed figura conica dictæ tubæ habet  
 „ hoc ampliuſ, quod ſicut dictuſ ſtatuſ ſucceſſiuè dilatatuſ exigit  
 „ ampliorem locuſ; ita dicta tuba, quaſi conica, etiam ſucceſſiuè  
 „ ſit latior. Quamobrem eò magiſ fauet motui, & dilationi dicti  
 „ ſtatuſ. Eſt quidem verum, quod ſucceſſiuè mouenda eſt maior  
 „ aëriſ moleſ, adeoque ex hoc capite minuſ intenditur impetuſ:  
 „ ſed tamen ſi conſideretur tota collectio partiuſ, obtrinetur ſim-  
 „ pliciter pluſ impetuſ: ſicut videmuſ magnam nauem, etſi ex ſe-  
 „ tardioriſ nauicula; tamen, ſi occurrat cinibulæ, maiorem illi ve-  
 „ locitatem communicare, quam ſi à nauicula, quamquam velo-  
 „ cioriſ communicaretur. Fatenduſ tamen, quod ſicut in colubri-  
 „ niſ officiit nimia longitudo, ita eadem ratione in tubo optico, &  
 „ in vocali tuba. Labrum verò latè expaſuſ in oriſcio tubæ, iu-  
 „ uat vniuerſaliter ad ſuauiorem ſonuſ: per illam enim dilatatio-  
 „ nem oriſcij ſit concurſuſ minuſ vehemenuſ cum aëre libero, & ex-  
 „ terno: adeoque non ſit ſtrepituſ aſper, & inſuauiſ. Eo paſto ac  
 „ in oſtijs fluuiorum ver. gra. Tiberiſ, ſiunt latera diuergentia, vt  
 „ minnatuſ occurſuſ, & pugna cum aquis liberioriſ maris.

„ Adnerto hic, ſimilitudinem magnam, quam habet Tuba hæc  
 „ cum Teleſcopio, in quo veluti ſuperadditur oculo maior quædam  
 „ pupilla, quæ intenſiuſ recipiat obiectoſum ſpecieſ: ita planè in  
 „ caſu noſtro, per dictam tubam additur ori humano aliud quidam-  
 „ modò oſ eo maior, & grandior: tametſi aliqua diſparitas inter-  
 „ ueniat; quod in Teleſcopio admittuntur lineæ viſualeſ, at in Tu-  
 „ ba emittuntur ex ea lineæ ſonoræ. Hinc videtur auditori ſonuſ  
 „ eiùſ excipienti, fieri vox valdè proxima, per dictam tubam tranſi-  
 „ enſ. Sicut etiam accidit oculo in ordine ad obiectuſ viſuſ.

„ Me-

„ medio Telescopio . Hoc autem debetur huic potissimum rationi,  
 „ quod , cū simus assueti audire vocem humanam ē longinquo ,  
 „ quasi , & apparenter valdē debilem , cū fiat , vt per tubam appa-  
 „ reat valdē fortis , imaginamur eam esse viciniorē , quā reuerā  
 „ est . Hæc ingeniosissimē Eschinardus .

Sed aliter , & non minus ingeniosē rem explicat , ab ouo exor-  
 diens , Pater Emmanuel Maignan ē Minimorum familia : qui in ca-  
 ce suæ Philosophiæ integrum tractatum adnectit , de *Tuba vocali* . Vbi  
 duodecim propositionibus , ac duobus exinde deductis scholijs , quæ  
 physicis argumentis , & mathematicis demonstrationibus probare  
 assumit ; ita huius Tubæ naturam , originem , operandi modum ,  
 & procedentes inde experientias discutit , vt nil amplius desiderari  
 possit . Primò enim ostendit , vsum & artificium eius olim non om-  
 ninò ignotum fuisse : quod probat autoritate vetustissimi codicis  
 in Bibliotheca Vaticana asseruati , ferentis in fronte Aristotelis no-  
 men , cum titulo de *Secretis ad Alexandrum* , cuius videndi optio  
 data est Achanasio Kirchero : ex quo hæc ad propositum ei notare  
 licuit , ac publici iuris fecit , in libro *Artis Magnæ lucis , & umbræ*  
 lib. 2. cap. 7. *Alexandrum Magnum habuisse certum cornu tam intensi*  
*soni , vt illo totum exercitum , quantumvis dispersum , conuocatum , ita*  
*presentem suterit , acsi singulis presens loqueretur* . Additque ortum  
 traxisse ex Monochordo , ex ratione resonantis Echo , & experientia  
 fistulæ . Sequitur postea Maignanus propof. 2. & 3. ex fundamen-  
 tis physicis modum exponere , quo sonus accrescat : atque , *sonum*  
*vocis , non sine impetu spargi ab ore loquentis , velut centro quaquaversum*  
*sphæricè* . Quarto ostendit , vocalem vnam , & inipetum articulatæ  
 vocis , intendi vt in Echo , per lineas rectas , non autem per circulariter  
 expansas : bene verò dum vox editur , sphæricam dispersionem affe-  
 ctans , beneficio tubæ reflectentis colligi , & in directum duci . Vt pro-  
 inde vocis augmentum à tuba proueniens , fiat vnice ex collecta copia  
 radiorum , qui alias , seclusa tuba , quaquauersum spargerentur : id  
 quod tribus propositionibus peragit . Octauò demonstrat , & euin-  
 cit , vt quò maior de se futura sit sphæra soni circà os loquentis , eò  
 posse vocem , cæteris paribus , longiùs per tubam ferri . Similiter  
 in nona , & decima propositione aduertit , plurimùm ad id confere  
 longitudinem tubæ , ac teretem eius figuram . In propositione vn-  
 decima edicit , quod etsi Monochordum ( quod nostris *Sordinam*  
 designat ) aditum fortè dedit ad huius tubæ inuentionem ( idemque  
 præstat membrana secundariò ori tubæ obtenta , circà elationem vo-  
 cis , ita aërem suis vibratiunculis verberando , sicut ponticuli in mo-  
 nochordo pes tremulus in puluini tessella suis percussionibus ) ta-

men quoad vim propagandi longius sonum, cum eo non conuenit, Nam monochordum, inquit, motu suo crispulo verberans aërem, (& idem proportionaliter dic de campanis) edit sonum proportionatum, & conuenientem suæ, tam magnitudini, quam figuræ; namque figura definit qualitatem virium, magnitudo earum intensiorem: at in tuba diuerso modo proceditur: quippe non ipsa est quæ edit sonum, sed editum ab organo vitali hominis, colligit in se, atque in directum transmittit. Igitur ex eo colligendum videtur, ipsam, collectam tantum vocem eò longius aptam esse vibrare, quò ad eam colligendam melius est conformata, magisque dispersionem, radorum impediatur, id quod magis assequitur, si longior sit, & in finem terminet in basim conicam. Quæ enim percussione sonant, vibrationes agunt, & his cohibitis, illico conticescunt. Econtrà tuba etsi percussa non transmittat vocem; tamen aliunde acceptam, eò fortius reddit, quò plurimis inundationibus sibi succedentibus adimpletur.

162

Tandem Duodecima, & vltima propositione concludit, quod in hac tuba nil opus est lingula per modum valuulæ introrsus adaper-tilis, vt in tibijs, ad dandum respirandi locum tibiçini: nam vox immissa per tubum, extemplo exit in aërem liberum; quò, fit vt commotiones eius nullatenus minuantur. Quare non est periculum, exinanitionis virium, si lingula excludatur: quinimò, si adderetur, officeret claritudini & liberæ prolationi vocis, vt constat experientia, quippe semper habet aliquatenus alterare liberum, & genuinum exitum vocis, cùm viam obstruat aut inturbet, vnde primum excipitur, & per quam liberè propagatur. Atque ità ex tubi optici ratiocinio, processit Tubæ Stenterophonicæ artificium; & iuste quidem nam non æquum erat, vt nostra ætas auditu aurium priuaretur, adiumento, quod iisdem argumentis, oculis obtigisset.

163

STEREOBATA sonat Græcis Architectonibus quod Latini *Fo-dium*, Nostri autem grossiore, sed valdè expressiuo vocabulo *Basamentum* dicunt. Intelligitur autem, prima quæ è fundamentis exurgit structuræ locatio, & veluti firma basis, cui totum ædificium inniti debeat, & sustentari: & ità Græci Stereobata appellauere, quod apud eos *Στεγίον*, firmum solidumque significat: namque eam ædificij partem præ cæteris, quam solidissimam esse oportet, quæ cæteras in se recipit, & sustentat. Quod ideo de ea bene aduertit Vitruu. lib. 3. cap. 3. *Structura per totum solum quam solidissima fiat: suprâque terram parietes extruantur sub columnis dimidio crassiores quam columnæ sunt futura, vti firmiora sint inferiora superioribus, quæ Stereobata ap-  
pel.*

pellantur, nam excipiunt onera. Porro Interpretes nonnulli ex hoc Vitruuij textu pessimè hallucinantur, & confundunt stereobata cum Stylobatis, ex eo decepti, quod paulò inferius Vitruuius dicat: *Extrusis autem fundamentis, ad libramentum Stylobata sunt collocandi.* Ergò exiinde colligunt; idem Vitruuius est, Stereobata, ac Stylobata. In quibus Barbarus, nihil interesse ait inter vtrumque, nisi quod Stylobata genus est, Stereobata species: quicquid enim (subdit) circa ædes insurgit basis in modum; siue podium, siue firmamentum sit, stylobatæ nomine vocari potest, atqui stereobata idem quoque sonat, ac columnæ pes, quod stylobatæ conuenit. Verùm oppositum rectius dicere debuisset, vt bene notat Baldus: etenim ex etymio nominis, stylobata columnæ pedem seu basim figuratè appellat: at, quæ non, columnæ subternitur, sed puta, parietibus, & parastradis, à columna denominationem sumere non potest, adeoque non stylobata, dicenda, quod nomen genericum est, & à *στυλο*, vt dixi, quod solidum sonat deductum. Itaque tam stylobata, quam ceteræ partes surgentis ædificij, stereobatæ inniuntur, vt bene ex Vitruu. colligit Laurentius, in Anatheia Onomastica. Sic etiam

STEREOMETRIA audit facultas, cuius obiectum est corporum vtrunque solidorum dimensio, per lineatum projectionem. Noster autem Guarinus, Stereographiā nominat, quam dicit specialiter versari circa circularum sphaeræ projectionem, ideòque concursum linearum proiicientium in superficie ipsius sphaeræ, imprimis attendere. Qua de re, talis projectionis naturam, & conditiones subtiliter expendit, multaque vtilissima Theoremata exponit tract. 26. par. 2.

STRATAGEMA militare vocabulum, astum, occultum consilium, solertiamque ducum, in bello gerendo significans: quando rebus in ancipiti positis, & hostibus alioqui, situ conditione & numero, præualentibus, nouo quodam inuento imponunt, eorumque consilia antecuerunt, arte plusquam ostentatione virum dimicantes. *Ἀ τὸ στρατήγιον* deriuatum, quod Græcis exercitus ductorem sonat: quippe solius ductoris, bellique moderatoris, militaris hæc prudentia est, & singularis virtus. Virtus, inquam, etsi dolis, & in sidijs comparata. Namque iure gentium introductum est, quoquo modo hostes circumuenire, & magnorum virorum exemplo firmatum; vt ex historijs liquet, & Sacrarum Paginarum testimonio comprobatur. Quin & matura ipsa, quæ dedit leonibus, vrsis, apris, alijsque feris, arma, & virium præualentiam, quibus in nos insurgerent, dedit & imbellibus animantibus astutiam, dedit homini ingenium,

& discursum, quò se tueretur, eorumque violentiam superaret; dictitans, cum hoste infenso & sine lege nos perdere intentante, non solum armis, & fortitudine, sed etiam solertia, & ratione agendum, & quando vires non suppetunt, ingenio, ac dotibus animi depugnandum. Vnde celebre est illud Xenophontis effatum. *Bono duci operam dandam, ut, cum suis paratis hostem non instructum deprehendat, cum armatis inermem, cum vigilantibus dormientem conspectum ab se, cum is illum non videret: denique ut locorum difficultatibus impeditum ipse in loco commodo adoriatur.* Similiter D. Augustinus quæst. 10. in Iosue, exemplo magni illius bellatoris notat, fidenterque pronunciat: *Cum bellum iustum suscipitur, ut aperte quis pugnet, aut ex insidijs, ad iustitiam nihil interest.* Hinc Vegetius militaris artis magister, virtutisque promotor, *Ars*, inquit, *belli non minùs in aperto consiliu, quam in occultis frandibus, adiuvat eruditos.* Eapropter clarissimi in bello Duces, Agésilas, Cæsar, Annibal, Scipio, Fabius maximus, & nostro ævo, Alexâder Farnesius, Co: Mauritius, Ambrosius Spinula, & alij militiz scientissimi, non tam à fortitudine bellica quam à stratagemmatum usu, & prævalentia, celebres euasere. In quo autem hæc ars sita sit, non est nostri instituti decernere. Sat erit indicare, quod ea plurimum valet ad victoriam de hostibus reportandam, atque à peritia mathematicarum scientiarum accedente experientia, feliciter comparari: practicaturque porissimum in munitionibus; cum respectu ad hostium bellandi morem ponendis, in acie ritè & in tempore explicanda; in loco pugnæ eligendo, ac bellicis machinis expediendis. Qui plura volet, legat Frontinum, & Pollienum, qui ex professo de hac re erudite scripserunt, necnon illustria exempla apud Cæsarem, Polybium, & Curtium ex antiquis, & ex modernis vnice Famianum Stradam.

166

**STRATAGEVM** similiter, ut modo tactum est, à Ductore exercitus denominationem sumpsit. At nescio, qua ratione, à Vitruuio applicatum sit nomen ad opus architectonicum: & (quod magis mirere) ad Theatri partem, & vltimum complementum, quo nil disparatius, nil magis abhorrens à belli prosecutione, & apparatu. Ait enim, cum de porticibus agit, post scenam constituendis, lib. 5. cap. 9. *Rex Ariobarzanes restituit Smirne Stratageum.* Sed neque Philander eius illustrator satisfacit, cum dicit: *Stratageum, siue Stratageum, Armamentarium dici potuit, ubi reponerentur hostium spolia, aut Prætorium, quò conuenirent milites.* Sed quid Theatro cum hostium spolijs? quid militibus ad Prætorium venientibus cum spectaculis? Sequitur, aliorum sententiâ referens, minùs absonam. *Her-*

*molaus, Castigationum Plinij lib. 36. cap. 23. & in eundem locum scribens Stephanus Aquæus longe ad edificiij, quod interpretantur natura 1 uti & Raphaël Volaterranus commentarior. urbanor. lib. 27. Asaraton æcum videntur legisse. Magis placet coniectatio. Alexandri ab Alexandro, qui Stratagei nomen ad Geographiam reducit, ac per illud regiones, & prouincias, in quas Regnum aliquod sit diuisum, intelligit, quæ postea belli ducibus, parta victoria, pro præmio ad moderandum datæ sint. Id quod ex Sexto Rufo & Plinio confirmat Tiraquellus. Sed vtrunque, cum Vitruuio non concordant. Quare Oedipo opus est, vt obscurissimi huius authoris mentem assequaris.*

STRIAE in Architectura dicuntur sculpturæ quædam, & ornamenta columnis adiecta, quæ mira varietate, & alternantibus modulis, magnam operi præsertim Ionio, & Corinthio, venustatem præstant. Concurrunt enim, & alternantur cum strigibus, (de quibus mox infra) itaut efforment quosdam veluti canaliculos & plicaturas in longum protensas, quibus figuratur habitus Matronarum, & Virginiū (ad quarum ideam, & similitudinem diuersi generis columnas primitiis esse architectatas, alibi diximus) quemadmodum earundem capitula, quæ capita referunt, ad eundem finem ornantur folijs, floribus, encarpijs, & volutis, tanquam cincinnis, & vittis hincinde dispositis. Hinc Plinius sæpe striatas vocat conchas, & caulium fustes, ac folia, quæ eiusmodi resultationibus venustantur. Nunc, quod ad Strias columnis applicitas attinet; sunt ex partes prominentiores in longum productæ, quæ canaliculos formant, & claudunt, ac de his rationem reddit Vitruu. ad quem finem in columnis sint introductæ, tradens subinde modum eas ritè dispartiendi, & efformandi. Sic enim ait lib. 4. cap. 4. circa apparentiam columnarum, quæ visus æquationem debent implere. *In conclusio enim aëre, si qua extenuata erunt, non discernentur: sin autem videbuntur graciliores cum exterioribus fuerint striæ vigintiquatuor, in his faciendæ erunt vigintiocto, aut trigintaduo: ita quod detrahatur de corpore scapi, striarum numero adiecto, adaugebitur ratione quo minus videbitur, & ita exæquabitur dispari ratione columnarum crassitudo. Hoc autem efficit ea ratio, quod oculus plura, & crebriora signa tangendo, maiore visus circumsione peruagatur. Hæc igitur est ratio adiectionis plurium, vel pauciorum striarum in columnis, vt complectatur visus in eo quod deficit: id quod clarius ostendit infra, cum subdit. Namque si duæ aequæ crassæ lineis circummetiantur, è quibus una sit non striata, & altera striata; & circa strigium caua & angulos striarum, linea corpora tangat; tamen si columna aequæ crassæ fuerint, lineæ quæ circumdata erunt,*



non erunt aequales quòd striarum, & strigium circuitus maiorem efficiet lineæ longitudinem. Sin autem hoc ita videbitur, non est alienum in angustis locis, & in concluso spatio, graciliores columnarum symmetrias in opere constituere, cum habeamus adiutricem striarum temperaturam. Porro, quomodo conformandæ sint, & quo numero alternandæ eiusmodi striæ cum strigibus in vnoquoque genere; abundè dixerat lib. 3. cap. ult. itaut, quàm magnum erit intervallum strigium, tam magnis striaturæ paribus lateribus, quadratum describi debeat, atque in medio quadrato circini centrum collocetur, & agatur linea rotationis, quæ quadrationis angulos tangat, & efformet adequatam strigium excavationem. Cuius schema videre est apud Philandrum ad finem huius capituli. Nunc autem de Strigibus signatè aliquid adijciendum.

**168** STRIGAE, vel STRIGES, ut modò dictum est, sunt caua, quæ inter strias interponuntur, ut ex præfatis Vitruuij verbis constat. Consonat Hermolaus Barbarus, *Stria*, inquit, *sunt in columnis partes, & ut ita dicam, femora, quæ prominent; sicut ipsa caua, hoc est, canaliculi, strigiles ab eodem Vitruvio dicuntur.* Sed fallitur in hoc sapientissimus vir, strigiles cum strigis confundens, cum toto cælo discrepent. Etenim, ut obseruat Philander, aut mendum in Vitruuij textu obrepfit, aut planè in constructione nominis differentiam non adnertit, & strigiles posuit pro strigis: quemadmodum aliàs scripsit, tetrantorum pro tetrantim, & calefaciebantur pro caleficbant, ut Grammaticæ regulæ statuunt. Constat namque apud omnes emundæ naris Scriptores, Strigiles, instrumenta esse recurua, vel pectinata, quibus, aut equi ab immunditijs repurgantur, aut homines olim viebantur in balneis, ad abstergendas post sudationem, corporis fordes: quarum formam ex duabus in ruinis Thermarum Traiani repperitis, expromptam exhibet Hieron. Mercurialis, in arte Gymnast. lib. 1. cap. 8. Vnde & Persius in Satyra 5. dixit

*I. Puer, & strigiles Crispini ad balnea defer.*

Et quidem, si attenditur vis, & proprietates nominis, Strigile à strigando dicitur: strigare autem, idem est ac fricare, ac fordes abraderè: uti striare econtra est sulcos facere, & strias componere. Quare benè hic quadrat quod acutissimus Turnebus lib. 24. cap. 1. notat in Plinio ubi lib. 18. cap. 19. in communibus exemplaribus habetur: *In arando versum peragi, nec striare in actu sapiens* (loquitur enim ibi, de sulcis ducendis, ad quod improprium est striare) notat inquam aliquorum audaciam, qui omnia, quæ in auctoribus non assequuntur, expungunt, nouasque scripturas, veteribus damnatis institunt: ac

sa-

sanè (subiungit) *strigare vetustæ editiones habebant: postea noua, quæ prodierunt, striare commutarunt.* Id quod faciliè accidere potuit in Vitruuio. Sed quicquid in factò sit; certè (vt dixi) strigiles multum differunt à strigis, seu strigibus, de quibus hic loquimur. Et Festus quidem, in huius nominis interpretatione, sic ait: *Striga est ordo rerum continuatè collatarum, quod unà sint constricta.* Clariùs Sospater, & ad rem nostram. *Striga, inquit, Castrense est vocabulum interuallum turmarũ significans, in quo equi stringuntur.* Id ipsum confirmat Hygenus in libello de Castrametatione, sic iniquens: *Ordo est, & series eorum in castris tendentium.*

Nunc autem optimo iure, verbum translatum est ad significandum in opere architectonico, partes illas in columnis striatis, quæ à strigibus exuberant, promiuentes; vt & in Agricultura elatos sulcos in campis arando dispositos, atque in re militari bellatorum series sibi continuè succedentes, quas *filas* nostri appellant. Vnde est strigatus ager, strigata castra, sæpiùs apud scriptores reperies, & vniuersaliter, quidquid in longum seriatim disponitur, strigæ nomine denotatur. Hinc Polybius in libello de Castrametatione. Rom. vbi de castrorum ampliacione necessariò facienda loquitur, ob militum superuenientium numerum, quorum priora fortè non sint capacia, sic ait. *Quod si aliquando maior sit sociorum multitudo, vel ab initio comitantium, vel postea fortè superuenientium; strigam unam parte altera legionum addat versus vallum.* Ad quæ eruditissimus Lipsius. *Castra scilicet (explicat) in latitudine augent, & ad socios alios socios ponunt forma prorsus, & ordine dicto.* Stat igitur strigam & in ciuili, & in militari Architectura, vel etiam in Agricultura, id ipsum significare; ordinatam nempe illam partium seriem, quæ in longum excurrunt, & interuallis, ab inuicem discernuntur.

STROBILVS in Meteorologicis Ventus est verticosus, violentus, & subito ingruens, turbini non absimilis: de quo Arist. in lib. de Mundo, cap. 3. & nos alibi. Est etiam apud Athenæum, saltationis species, de qua satis dictum in V. *Saltatio.*

STRVCTVRA generaliter dicitur quidquid in altum architectonicè compositum exsurgit, & fundamentis innititur, siue lapidibus in vnum congestis & colligatis, id fiat; siue lignis, ac tabulis compingatur. Circà quam tota versatur Architectura: quinimò omnes ferè mathematicæ disciplinæ defudant, vnaquæque ad eam ritè efformandam, sua præcepta subministrando: & idè Vitruuius initio sui operis, monet Architectum debere, in omnibus aliquam peritiã habere.

habere, & probè esse exercitatum; præsertim verò in Geometria, in Arithmetica, in Astronomia, in Optica, & sic discurrendo de singulis; vè fusè demonstrat lib. 1. c. 1. Porro plurima sunt structurarum genera pro diuersa ædificiorum ratione, & vsu, ad quem deputantur: publicorum, priuatorum, humilium, sublimiorum, vrbano-  
rum, ruralium &c. de quibus singulis agit Vitruu. in decursu operis: communiter autem sunt è quadrato lapide, aut cæmentis sibi inuicem insidentibus, & calce coagulatis: & ex his duo potissimum genera structurarum proponit Vitruu. lib. 2. cap. 8. *Reticulatum*, inquit, quo nunc omnes vtuntur, & antiquum, quod incertum dicitur. Sed hoc illi anteponit, vt potè magis durabile, & propè æternum: & probat Græcorum antiquum struendi morem, ab incerto non discedentem. Non enim, ait vtuntur è molli cemento polita, sed cum discesserunt à quadrato, ponunt de silice, seu lapide duro, ordinariam, & ita, vti lateritia struentes alligant eorum alternis corijs coagmenta, & sic maxime ad æternitatem perficiunt virtutes. Quales autem sint huiusmodi structurae, & quâ ratione conueniant, ac differant inter se, satis dictum est, suis in locis, vbi de ijs occurrit sermo, & peculiari consideratione in V. *Fabrica*, & in V. *Farsura*.

172

STVCCVM vocitatus in Italia, testorij genus ex marmorato, gypso, calce pura, & ouorum alumine compositum, quod molli-  
ter inductum, & faciliè quibusuis formularum impressionibus cedens, varias figuras hominum, pecudum, altitium, encarpiorum, aliarumque rerum visum oblectantium repræsentat, mira cum operis venustate, atque in humili materia splendore, ac magnificentia. De hoc Philander in Notis ad cap. 1. lib. 1. Vitruu. sic loquitur. *Nostre ætatis artifices, quod in antiquorum ruinis reperiunt, Stucchum appellant; illosque imitati, marmoreas nonnulli assulas pilis ferreis confusas, cribris excernunt: subtilissimaque srobe admixtas, purissima calce in lacu macerata vtuntur, effinguntque quodlibet. Mal-  
tham alij dicunt: Communi, & vniuersali vocabulo, Vitruuius, alijq; scriptores Latini, Albarium opus. De quo abundantius dictum est suo loco.*

173

STYLOBATA in opere architectonico, propriè ex græca notione appellat omnis, & solius columnæ basim subiectam, & (vt dicam,) pedem, supra quem erigitur, & fundatur; idem præstans in columnis, quod in reliquo ædificio Podium, seu Stereobata, quod genericum est, & præscindens, à re, cui pro fulcimento supponitur. Stylobata igitur quasi styli, idest columnæ Batis, seu basis, & fundamentum,

tum. Ex quo bene Palladius eum nominat *Pedestillum*, & nos corrupto vocabulo *Pedestallo*. Porro Stylobatarum tot sunt differentiarum, quot columnarum species, Tuscana, Dorica, Ionica, Corinthia, atque Composita: & vnaquæque conuenientem, & proprium stylobatam postulat. Tuscani Stylobatæ mensura est, auctore Philandro in Digressione, *Ut quam lata futura est spiræ plinthus, tam magnum quaquauersum constituatur quadratum: cui postea pro basi, & coronice, addantur tertiæ duæ, superior, & inferior aliquantum proiectæ.* Dorici Stylobata diagonicæ proportionis ordinem seruat, ut quantum est ab angulo plinthe basis (quæ parium est laterum) in aduersum angulum, tantumdem sit altus; latus verò ad perpendicularum, dictæ plinthe. Ionici, ad plinthum proportionem sesquialteram, habere debet, hoc est, quadrati parium laterum, ac diuidiæ eiusdem partis: veruntamen utriusque sextæ partes adiungendæ sunt pro coronice, & basi. Corinthio conuenit proportio superbi-partientis, tertiæ nempe perfecti quadrati, & insuper duarum tertiarum: cui itidem adiicienda est septima pars pro coronice, tantundemque pro basi. Tandem Stylobata Compositus requirit proportionem duplam; atque utrinque addenda venit octaua pars, pro coronice & basi; & hæc quidem sumitur vnicæ à Corinthia, illa verò ad libitum; prout magis exquirere videtur maiestas Operis, vel à Ionica, vel à Corinthia. Quæ omnia ex Philandro desumpta sunt ad mentem Vitruuij, ut ipse profitetur, mensuras dipertiente, licet alij aliter sentiant.

S V

SVBCONFERTA AEDES commodè, & magis intelligibiliter dici potest, ex obseruatione Baptistæ Alberti, quæ apud Græcos, referente Vitruuio, vocatur *Systylos*; hoc est, quæ non ita spissis columnis cingitur, ut *Pycnostylos*, seu quam Confertam alias diximus, sed paulò remissioribus, uti &

174

SVBDISPANSA ex alio capite, quæ latiora admittit intercolumnia, sed non exorbitanter, uti *Dispansa*, quam Vitruuius nuncupauit *Areostylos*, sed moderatam habeat intercapedinem: ita ut hæc duo genera corrigant excessum extremorum, in vno nimium columnarum, atque adeo contractionum intercolumniorum; in altero e contra raritatis columnarum, & vastitatis intercolumniorum; sintque proinde mediæ inter utrumque extremum, ac proximè accedat ad *Eustylos*, quæ est omnium perfectior, & elegantior seruans iustam partium distributionem. De quibus latè diximus in V. *Areostylos*.

SVBCVNEATI POSTES in ædificijs collocandis, dicuntur à Vitruu. lib. 6. cap. 11. qui adpactas habent ad limina, antas in cuneos

175

sssf

abeun-

abeuntes, ad sustinendum fortiter in vacuo pendens desuper inieci fastigij onus, totamque trabearionem. Nam si in pendentibus, inquit, onera fuerint parietum, & columnarum, non poterunt habere perpetuam firmitatem. Præterea inter limina secundum pilas, & antas, si postes supponentur, erunt non vitiosæ: limina enim, & traves structuris cum sint ornata, medio spatio pandantes, frangunt suæ lysi structuras. Cum autem subiecti fuerint, & subcuneati postes, non patiuntur insidere trabes, atque eas ledere. Subcuneatos autem ideò vocat, quia sub cuneorum coitione, cum necessariò arcum efforment, proindeque omnes in centrum respiciant, id efficiunt, ut alter alteri ad cadendum obstitat, simulque pro fulcimento sit, adeoque pendens structura ex se subsistat, ac dissolui minimè possit.

SVBGRVNDÆ. Vide *Suggrundia*.

- 176 SVBLICAE propriè sunt in Architectonica, pali ad terram defixi, & fistucatione adpacti, ad fundationem constabiliendam in locis stagnantibus, & paludosis, ut sit Venetijs in ædicijs ponendis supra lacunas illas interminatas, in quibus non aliter fundamenta iaci possunt, nisi palis istis inhæreant, qui in solido infiguntur. Similiter fit in alueis fluminum, ad constringendas fauces, atque ad pontes desuper imponendos. Hinc datum est nomen celebri illi Ponti *Sublicio* dicto, qui primus Romæ visus est supra Tiberim iactus tanto cum Urbis commodo, & forti propugnatione Coclitis, memorabili. Eiusmodi etiam fuit Pons à Cæsare super Rhenum, Gallias à Germania discriminantem, positus; per quem suum exercitum traduxit, de quo alibi diximus. Nunc autem huiusmodi structurae in aquis, ut hinc sint, & æternæ, præcipit Vitruv. lib. 3. cap. 3. ut locus exinanietur, & palis alneis, aut oleagineis, aut robustis ustulatis, configatur, sublicæque machinis adigantur quam creberrimæ, carbonibusque expleantur intervalla palorum, & tunc structuris solidissimis fundamenta impleantur. Dictæ autem sunt *Sublicæ* lingua vossæ, quæ sic trabes oblongas, & acuminatas nominat: ex quo postea peculiariter his palationibus, in lubrico factis, tale nomen adhæsit.

- 177 SVBLVNARIA nuncupantur vniuersim omnia corpora infra Orbem Lunæ consentia; qualia sunt Elementa, mixta omnia tam perfecta, quam imperfecta; siue sint animata, siue inanimata, quia perfectò (ut habet Scotus in 2. distinct. 14.) omnia subsunt cœlestium corporum, præsertim verò Lunæ impressionibus, ut proinde vel ab eo nomen acceperint. Namque Luna habet prædominium, & actionem

nem in omnes humores, eos identidem alterando; augendo, dum crescit lumine, minuendo dum decrescit. Præterea habent quoque alia sidera actionem in isthæc inferiora, promouendo aliquorum productionem, aliorum corruptionem; vna, simpliciter educendo; alia in alia transmutando, tum ex virtute ipsis innata, tum maxime iuncta cum luminaribus, quæ sunt causæ æquiuocæ, & vniuersales. Habent actionem in mixta perfectæ, vt sunt animantia, plantæ, metalla, quæ in visceribus terræ generantur, necnon in imperfecta, vt sunt fossilia, lapides pretiosi, sales, sulphures, &c. vel quæ in aere, qualia sunt omnia meteora, quæ non vbiq; nec semper, sed in certis regionibus, & statis temporibus educuntur, ex certo, & peculiari congressu syderum fixorum cum Planetis, horumque accessu, & recessu ad puncta cardinalia, tum in Zodiaco, tum in Mundo; vti videmus in anni temporibus, in quibus terra germinat, aut sterilescit: in selenite, quæ ad motus Lunæ mutat speciem: in Heliotropio, quod sequitur motum Solis in Mundo; & in alijs flosculis, qui contrâ, oriente Sole, & ad culmen properante, languescunt, ad occasum vergente, aperiuntur & reuiuiscunt, &c. quæ latè prosequitur Scotus suprâ citatus, & alij Philosophi, & Astro nomi communiter. Vnde ab his alijsque effectibus, qui è syderibus originariè promanant, sed à Luna potissimum (vtpotè communi syderalium influxuum vehiculo) actuantur, perficiuntur, & vltimantur, iure, vniuersali nomine omnia complectente, Sublunaria, dicta sunt.

SVBSCVDES in Mechanicis, in quibus frequentem vsum habent, atque etiam in re ædificatoria, dictæ sunt cuneatæ taleolæ ad angulos sibi innexæ, quibus duo asseres, aut trabes inter se connectuntur, quò longius protrahantur, firmiter hæreant, & operi quod molimur, accommodæ fiant. Quod ideò harum extremitatibus eadem forma, & amplitudine, excauationes fiunt, quæ eas capere satis sint, & in planam continuationem abire queant, quæ non ita facile abrumpatur. Vnde Vitruu. cum de trabibus compactilibus loquitur lib. 4. cap. 7. prudens aduertit: *Vt ita sint compactæ subscudibus, ac sericulis, vt compactura duorum digitorum habeat laxationem.* Nostri hyrundinum caudam nominant, quò duplicis caudæ sibi obuersæ formam referant. Est etiam alia subscus ferrea, simili modo, & forma confecta, nisi quod in angulorum coitione foramen extat, in quod axiculus ferreus intrat infixus in inferiore mola in molendinis ad terenda frumenta adhibitis. Hæc igitur subscus inditur superiori molæ, quæ faciat illam inferiori congruere, & super illam rotari,



medijs machinis versatoriijs, de quibus idem Vitruvius lib. 10. cap. 15.

- 179** SVBSECIVVM, seu SVBCESIVVM, propriè, & ab initio de agris dictum est: de ea videlicet parte, quæ in eorum limitibus non comprehendebatur, vel potius non comprehendere poterat, eo quod à normali linea transliebat: nihilominus in partem eiusdem fundi computabatur ex lege. Dicta pars, inquit Frontinus de limitum constit. *à subsecante linea nomen accepit*. Id quod duplici ex capite evenire poterat: Vel quod in extremis assignatorum finium, integra Centuria ad plenum expleri nequibat; vel quia interiectum à medijs assignationibus aliquod spatium ex integris centurijs reperiebatur, & ideo extra designatum limitem erat, & lineam subsecantem. Porro hæc resecta, & minimè considerata pars, olim tanquam relictia, & sub nullius possessione existens, ipso iure, & quadam facta præscriptione, in Agrimenforum, vel eorum ad quos pertinebat huiusmodi dimensiones per actus, & centurias facere, potestatem cadebat, ut testis est Hygenus, & Siculus Flaccus de re agrar. postea verò ad evitandas fraudes, factum est, ut ea pars illi territorio accedat, cui centuriæ deficientes sunt, aut sanè (si integræ) est propinquior. Cuius facti æquissimam rationem reddit Varro, quia, aliàs inquit, *ab hoc principio mensores nonnunquam dicunt in subsecinum esse viciam agri, aut sextantem*. Et hæc est origo, vera ratio, & etymon Subseciui. Sed rescissa postmodum lege, & consuetudine abrogata, agros per centurias dimetiendi, subcesui nomen translatum est ad momenta illa temporum, quæ suffurantur vel superfluunt alicui, certis & statarijs occupationibus iugiter applicato, & ex vi muneris semper addito. Hinc horas subsecivas dicimus, quas furtim negotijs detrahimus, ut nobis ipsis, ac domesticis curis, à publicis, & grauioribus paululùm respirantes, attendere valeamus. Ad quod respiciens Tullius magnus vacantum temporum æstimator, primo de Legibus, de se protestatur dicens: *Subcesiva quadam tempora incurrunt, quæ ego perire non patior*.

- 180** SVBSIDIA in re militari, communiter vocitantur auxiliares copix, quæ ab socijs & fæderatis populis immittuntur ad roborandum, & augendum exercitum cladibus imminutum, vel ad arcem obsessam, præfidiariò milite, commeatu, & bellicis instrumentis egentem, atque in angustijs positam, reparandam. Id quod duplici modo fieri potest: vel enim fit in ipso actuali conflictu, ubi aperto Marte duo exercitus congrediuntur, agmina quædam, data opera, seponuntur, &

& extrâ reliquas copias feruantur ad ferendam opem, & in tempore aduolandum, cum suorum res viderint periclitari; & hæc propriè, & stricto iure vocantur *subsidia*: vel aliunde aduocantur ad succurrendum, & appellantur *suppetiæ*, de quibus mox infra. De primis frequens erat Romanis id facere, atque ita ordines explicare, & ad pugnam exire. Vnde de Petilio Consule refert Lilius lib. 9. quod *Subsidiarias cohortes, quæ integræ ad longioris pugnae casus reservabantur, in primam aciem exemplò emisit. Quæ in re, aduertit Veget. lib. 3. cap. 17. Optima ratio est, & ad victoriam plurimum confert, ut lectissimos de peditibus, & equitibus cum vicarijs comitibus tribunisque vacantibus, habeat dux post aciem in subsidijs præparatos: alios circa cornua, alios circa medium; ut ubi hostis vehementius insistit, ne rumpatur acies præuolent subito, & suppleant loca, additaque virtute, inimicorum audaciam frangant. Nec nostro æuo, ubi copiarum suppetunt mos iste, ac salutare monitum præteritur, quin tempore, & loco opportunè id practicatur, & sæpè cū fructu, conuersa ad penè victos, & animo consternatos, fortunæ alea: ut videre est in Historijs belgicis Cardinalis Bentiuoli, & Famiani Stradæ. Hanc sepositam turmam, Agmen prouolans vocitant. Nostri *Squadron volante*.*



SVBSTRVCTIO in Architectura (ut ex ipsa compositione nominis indicatur) Structio est & ædificatio, quæ sub terra sit. Etenim quæ in medio surgentis ædificij, appellatur *Instructio*: quæ de foris, *Constructio*: Quæ in supernis, *Superstructio*: Quæ demùm in imo latet, & sub terra, *Substructio*. His differentijs distinguunt, & sæpè nominant Vitruuius, alijque ædificatoriæ artis Scriptores, diuersas struendi, & prosequendi ædificij rationes, quò meliùs intelligantur. Audi, præ cæteris Danielelem Barbarum, qui paucis, ac dilucidè, rem completitur. *Instruimus*, inquit, *medias, construimus extimas, substruimus infimas partes*. Sola igitur Structura genericè dicitur, & appellat totum ædificium, cuiusque collectas partes, aut saltem, quæ actu apparent.

181

SVBTENSA in Geometricis agnominatur chorda arcus, seu linea, quæ in latum protensa, segmentum circuli abscindit ab reliquis partibus: alio nomine dicitur *Sinus*, de quo satis dictum suo loco. Econtrâ in triangulis, non latus angulo oppositus dicitur subtensum, sed ipse angulus; latusque respectu eius denominatur subtendens: quodsi angulus subtensus, fuerint rectus, tunc latus illud, subtendens, speciali nomine appellatur Hypothenusa, de qua suo loco.

182

- 183 SVBVLA notum, & vulgare futorum instrumentum est, sed non vulgaris apparationis eius consideratio, è sacratiore mathematicarum disciplinarum penu petenda. Namque illius agendi vis, reuocatur ad cuncum, qui quò acutior extiterit, eò, experientia teste, agiliior, & potentior inuenitur ad penetrandum, quandoquidem è duobus triangulis inter se collatis, illud acutiore præditum est angulo seu cuspide basi opposita, consequenter longiora petit habere latera, adeoque maiorem potentiam habet ad inuadendum. Atqui eiusmodi est Subula, quæ triquetra, & acutiore cuspide sese insinuans, nulla penè adacta vi, dissilit, perforat, & inuadit omne id, cui centraliter admouetur. Sed de eius actiuitate, & mira operatione dicitur fusè in V. *Terebra*, cui est valdè affinis.


- 184 SVBVLO aliquandò tibicinem denotat, aliquando ipsum instrumentum, quod statu à subulone animatum, personat & audientium animos ad varios affectus mouet. In re militari potissimum adhibetur, non quidem ad plagas inferendas, aut muros labefaciendos, sed ad militum audaciam excitandam, ignauiam & pusillanimitatem abijciendam, & plagas, & vulnera hostibus alacriter infligenda: mirè enim animos releuat suo sonitu, & alternantibus modulis cum buccina & typano in prælijs exauditur, magno cum bellici fructus scœnore: quippe qui cum alia instrumenta vel ad hostes terrificandos, vel ad suorum ordines dirigendos iramque & furorem exacuendum, inseruiant; ipse suo modulamine suboscuro & graui; illorum fruitiani temperat, & auribus insonans generosos spiritus mulcet simul, at proritat. Cum Lituo antiquorum, breuitate exilitate, vocis conuenit & officio, nisi quod ille incuruus erat & signum, primò insonans, pugna dabat, terribile & insuaue, nescio quid edens, ac stridens, vnde Lucanus cecinit: *Stridor lituum, clangorque tubarum*; hic autem teres & rectus, ad modum cylindri, atque ad instar tibiæ cauus, & foraminibus ad latera interstinctus, dulce sonat, & varium atque remissum, blandè aures titillans. Quod ideo nomen à sonitus qualitate apud Etruscos accepisse reor, quasi obuersum sibilo, vti apud nos, ab exsufflando obtusa voce, *Zuffolo* est appellatus.

- 185 SVCCEDENS dicitur in Cælesti Figura, ab Astronomis, Domus, quæ inmediate Angulum quemcunque sequitur, procedendo ad dexteram, secundum successionem signorum, quæ in ijs reperiuntur. Sic succedens appellatur Vndecima, quæ proximè angulum Medij Cæli sequitur. Talis est etiam secunda respectu Ascendentis; Quinta ad Imum Cæli, Octana ad Cardinem Occidentis. Hæ, inquam omnes, succedentes agnominantur, non tam ordine, quam dignitate:

In ijs enim reperti Planetæ, reputantur mediocriter fortes, vires refumere collapsas ex Cadentibus, ex quibus assurgant, procedentes motu Primi Mobilis contrâ successionem Signorum. Porro de præstantia inter eas discrepant Professores, vt nos alibi adnotauimus: sed id dependet à situ, ac maiore dignitate Cardinis ad quem vadunt, & cui in ordine succedunt. Certè generalis regula dari non potest: & alioqui nulli dubium, quin ratione situs, & vicinitatis ad Culmen, dignior & potentior sit Nona domus, quam Octaua, quantumuis hæc succedens Angulo sit, illa Cadens: & sic de reliquis dijudicandum.

SVCVLA in Mechanicis notissimum organum, ac passim vsitatum ad trahenda ponderosa corpora, Ergatæ non absimile; nisi quod hæc erectum orthogonaliter habet cylindrum, circà quem funis ductarius volutatur, illa autem eundem supinum, horizontique parallelum, aliquantum supra terram eleuatum, atque innixum hinc inde duobus stipitibus, circà quorum extrema, veluti polos, axis cylindro infixus voluitur, & illa vertigine impositum funem attrahit, & circumagit, simulque applicitum pondus sursum eleuat, & in præsentia sistit. Frequentissimus eius vsus est in puteis ad hauriendam aquam, necnon fabris, & cæmentarijs, ad fabricandi materiam in altum ferendam. De ea subtiliter philosophatur Aristoteles in Mechanicis quæst. 13. reducitque ad operationem vectis in primo genere, quo fit vt quantò potentia remotior fuerit ab axe, tantò agilius pondus trahat, & eleuet. Ad quem finem ad alterum extremum cylindri, seu tympani, vel vtrinque, applicitur amplior rota radijs, siue scythalis, ac vectibus circumferta, qui manu pressi tympanum agunt, interim onus extremo funis tympano obuoluti ad nexus attrahitur. Hinc ratio elucet, cur vectis attrahens, etsi non semper congruat cum eodem plano, in quo pondus trahendum inuenitur, nihilominus eadem facilitate trahit, ac si existeret in eodem plano; quia profectò semper & vtroque, agitatione rotæ, æqualem circulum describit, atque adeò varietate plani non augefcit, neque minuitur potentia, quæ eadem semper est, idemque momentum obtinet: sicque eius operatio intrat in rationem vectis primi generis, vt quantò remotior ab hypomochlio fuerit potentia, tantò ampliorem circulum vectium agitatione facit, proindeque tantundem virium refundit potentia, vt agilius operetur. Etenim quandoque potentia ita se habet ad pondus, vt motus ponderis ad motum potentia, tunc æquales circulos describunt, ac fit æquilibrium: & potentia valebit quidem pondus sustinere, sed non attol-

attollere : Econtrà si longitudo scytaalæ, aut amplitudo semidiametri rotæ ( quæ sumitur ab extremitate scytaalæ seu puncti , cui applicatur potentia ad centrum axis ) inuenitur superare longitudinem semidiametri ipsius tympani , quò maior erit excessus , eò fortior erit potentia , & vires multiplicabuntur ; adeoque, si potentia, exempli gratia , sistat in æquilibrio cum centum libris ponderis , & ex alia parte, tympani semidiameter decies contineatur in scytaalæ , seu radio rotæ trahentis , tunc rotam impellens poterit quidem pondus mille librarum sustinere , sed non eleuare : si ab hoc numero defecerit , ne sustinere quidem ; sed protinus pondus in præceps tuit : si verò excesserit , & sustinere , & sursum leuare .

 Hinc etiam innotescit , qua ratione in horologijs automatis , quæ non manu , aut applicitis ponderibus agitantur , sed compressis laminis ferreis ; sustis circa quem voluitur chòrda : non sit cylindricus , sed conicus , & spiralis ; quia nimirum elateria sunt magis tensa circa centrum & initium sustis , quàm in fine , ab eo magis , ac magis se elongantia : ac propterea , cæteris paribus , maiorem impetum habent ab initio , quàm in fine ; quia tunc modica distantia est à centro ac breuior semidiameter circuli : in fine verò agunt in maiori distantia ab axe , & accedunt ad basim coni : vnde maior potentia requiritur ad mouendum . Quare , vt æquabilis euadat motus ad momenta temporum æqualiter distinguenda , virtus potentiæ ita debet attemperari , vt maior quæ exseritur in fine correspondeat , & æquiualeat minori , quæ debilis , ac diminuta proditur initio motus à centro . Piura de hoc argumento habes apud P. De-Chales in Cursu Mathem. to. 1. tract. 6. lib. 3. ex quo hæc carptim excerpimus .

187 SVCVLAE etiam latinè , audiunt quas Græci *Hyadas* nominant : Stellæ videlicet septem , in Capite Tauri Sideris consistentes , quarum præcipua est *Palilitium* , primæ magnitudinis , quæ locum tenet Oculi australis , dicta arabicè *Aldebaran* . Sicularum autem nomen idcirco ijs inditum est , quoniam pluuiosæ sunt nimis , quasi fues , qui luto & humoribus delectari , in ijsque volutari congaudeant : vnde Plinius lib. 2. cap. 39. *Sicularum* , ait , nomen *pluuium* & Ouid. *Fastor.* 6.

*Postera lux Hyadas , taurinæ cornua frontis ,*

*Euocat , & multà terra madescit aqua .*

Præcipuè verò cum Saturno , aërem complent nubibus , adducunt copiosos imbres , cum ventis impetuosis ac tonitruis . Idipsum præstant cum Sole exorientes : occidentes autem matutino , mouent Austrum ,

strum, & pluuias. Cum Marte autem faciunt calorem maximum. Incipiunt autem oriri Romæ circa festum S. Eleutherij, cum gr. 6. Geminorum, & perdurant vsque ad diem 2. Iunij in qua oritur Palitium. Occasus verò matutinus accidit die 17. Nouembris, & sequitur vsque ad diem 22. De significatis in Horoscopo, alibi dictum.

188

SVDACTIONES in balneis, ac palæstris, erant loca sudationibus, ac fricationibus deputata, accommodoque ad opus constructa, & reputa Laconicum concameratum, & vndique clausum ex vna parte introitus in balneas, in quo, communicato è subiecto hypocausto calore, sudor siccus eliciebatur, & ex aduerso constituta calida lauatio dista, seu conclave cum piscina aquis calidis iugiter excurrentibus plena: in quam intrabant ad corpora humectanda, qui luctæ, & alijs exercitationibus operam dedissent, vt postea strigilibus sordes ex vnctione, pulueris conspersione, ac sudore accedente contritas probè abstergerent, & deponerent. De huiusmodi locorum locatione, & respondentia, hæc habet Vitruu. lib. 5. cap. 10. *Laconicum Sudationesque sunt coniungendæ tepidario; eaque quàm lata fuerint, tantam altitudinem habeant ad imam curvaturam hemisphærij, mediumque lumen in hæmisphærio relinquatur, ex eoque clypeum aneum catenis pendeat, per cuius reductiones, & demissiones perficietur sudoris temperatura. Tanta cura veteribus erat corpora curandi ad sanitatem tuendam, vt penè in mollietiem, & luxum abiret. Vtriusque sudationis meminit Cornelius Celsus lib. 3. cap. 27. earum bona recensens, ac tempus definiens, quo quisque in eis morari deberet, vt citrà vitium exinanitionem, sudoris emittendi beneficium sumeret: & eam, quæ in Laconico fieret, assam nominat, ad eius differentiam, quæ temperatior haberetur in aqua. Columella etiam earum beneficium recenset dicens: *cruditatem, laconicis excoquimus, & exucto sudore sitim quarimus*. Habes horum locorum ratam distributionem apud Caporalem, & Hieron. Mercurialem lib. 1. cap. 6. Artis Gymnasticæ.*

189

SVGGRVNDÆ, seu SVBGRVNDIA vocantur communiter partes tecti in ædificijs, vltra murorum latitudinem exporrectæ, & procumbentes, ad id prouidenter adiectæ, vt exterior parietum crassa à stillicidijs è tecto cadentibus immunis conseruaretur, neque frons, fenestrarum coronices & ornamenta, eorum conspersione deturparentur. Quoniam autem huiusmodi exporrectiones vt plurimum sunt ex assulis ac tigillis ligneis, quæ sustinere debeant partem

T t t t

pen-



pendulam recti, atque adeò in se ipsis expositæ, & intus, ne, quæ aliàs datæ sunt ad defendendam domum ab inclementia imbrium, in materia facile combustibili, ignis voracitati atque incendijs obnoxie forent, sicque cum illis tota domus conflagraret, ideò sapienter monet Vitruu. non è quocumque ligno compingi debere; sed è larice, aut alio quouis, quod igni resisteret, qualis est larix, aut lapis ansbestinus, qui ignem non concipit, vel si concipit, ab eo non læditur, sed magis durefcit, & purgatur à sordibus. Ita enim loquitur lib. 2. cap. 9. postquam aliorum lignorum naturam expendit: *Larix verò non solum ob succi vehementi amaritate ab carie, aut à tinea non nocetur, sed etiam flammam ex igne non concipit, nec ipse potest per se ardere, nisi uti saxum in fornace ad calcem coquendam, alijs lignis vratur: nec tamen tunc flammam recipit, nec carbonem remittit, sed longo spatio tardè comburitur, quod est minima ignis & aeris è principijs temperatura.* Ideò ad subgrundia veniens, concludit. *Et si non in omnibus, certè tabulæ in subgrandijs circum insulas, si essent ex ea collocatæ, ab traiectionibus incendiorum ædificia periculo liberarentur, quod eæ, nec flammam, nec carbonem possunt recipere, nec facere per se.* Quod tamen tanquam fabulosum derident Matthioli, & alij, ab experientia facta, non obstante quod idipsum testatur Plin. lib. 16. cap. 10. & in eadem sententiam veniat Palladius lib. 11. cap. 15. Sed attigisse iuuat, ut quisque possit eius rei periculum facere. Cæterùm subgrundia suggrundas vocat Budeus in Pandeët. quasi subgrundis, *Grunda* enim græcè, ut placet Interpreti Aristotelis, imbrium decidentiam sonat. Hinc quorundam animantium aures ad modum suggrundarum patulæ, suggrundatas dixit Philosophus, in lib. de Animal. *Quippe quæ (notat idem Interpres) motum emittunt exieipientes ad censoriam vertunt.*

SVPERCILIVM à frontis humanæ extensione vsque ad cilia, sumpta analogia, dicitur vniuersaliter iam recepto vocabulo, de quacumque re, quæ alteri supereminet, & aliquantum foras projicitur. Vnde supercilium montis, vocatur rupes in montis cacumine exportectæ, & veluti abscissa. In Architectura verò sumitur pro superliminari ostij, seu limine superiori, quod antis incumbit, & siue lapideum sit, siue ligneum, ostij aperitionem in pariete factam ad modum iugi militaris definit, & claudit. De quo ita Vitruu. lib. 4. cap. 6. *Supercilij altitudo, quanta antepagmetorum in summa parte erit crassitudo.* Idque iure optimo, eo quod supercilium in structuris aliud non est, quam complementum antepagmetorum, & pagmentum supernum, quod cum reliquis facit quid vnum, & ideo eisdem cras-

crassities in altum considerara, debet conuenire cum crassitie reliqua-  
rum partium in latum proteusa; vti & structuræ species, & reliqua  
ornamenta. Porrò cùm omne ædificium, vltà ostium per quod  
in illud intratur, necessariò habere debeat alias aperitiones ad lu-  
men intus recipiendum, quæ ad similitudinem ostij conformantur  
in longum & latum, quales sunt fenestræ, ad eiusdem ostij rationem  
expendi, & exornari debent, atque adeo habent & ipsæ sua ante-  
pagmenta & supercilium, sed hæc ad libitum, cum in fenestris ne-  
cessarium non sit, vt extrema promineant.

Aliam significationem habet supercilium in Architectura, sed cum  
addito, & in subiecta materia, nempe in basi columnæ Ionicæ:  
estque membrum illud quod Scotia: immediatè imminet, facitque  
eam separari à torulo quod ei superimpositum iacet, & aliquantò  
amplius turget, & prominet. Hanc nostri Architecti communiter  
Listellum vocant: dicitur autem & supercilium, quod supercilij vi-  
cem gerit, protegit enim cauum illud introrsum abiens, ac veluti à  
toruli compressione defendit. De hoc ita habet Vitruu. lib. 3. cap. vlt.  
cùm de basì Ionicæ partibus agit. *Vna pars fiat cum suis Astragalis,  
& supercilio, superior trochilus; altera pars inferiori trochilo relinquatur.*  
Ita quod (subinfert Daniel Barbarus) *trochilus superior clauditur dua-  
bus regulis, quarum superior appellatur supercilium, inferior verò Qua-  
dra.* Vide totius Basì Ionicæ constitutionem ac distinctionem par-  
tium cum suis nominibus apud eundem Barbarum, Philandrum,  
& Serlium.

SVPERFICIES, quasi *superna facies*, dicta est à Geometris, exte-  
ma pars alicuius corporis, quæ oculis excipitur, pedibus calcatur,  
ac manu tangitur; quæque in se (vt eam describit Euclides) *longi-  
tudinem, & latitudinem habet, minime vero profunditatem.* In quo dif-  
fert à puncto, quod nullam prorsus admittit dimensionem: à Soli-  
do quod omnem, hoc est, longitudinem, latitudinem, & profun-  
ditatem obtinet: & à linea, quæ latitudinis, & profunditatis expers,  
sola contenta est longitudine: itaut superficiei extrema sint lineæ,  
quibus ipsa clauditur; & superficies extremum sit corporis solidi,  
quod vnà vel pluribus superficibus circumambitur: vti globus, &  
corpora tùm regularia, tùm irregularia quæcumque, quæ pluribus  
angulis planis, & lateribus constant. De quibus satis diximus in  
V. Corpora Regularia, & alibi sæpe.

SVPERIORES cum videris absolutè prolatos ab Astronomis, in-  
tellige tres Planetas, qui in Mundi Systemate, suprà Solem constituun-  
tur,

tur; nimirum Saturnus, Iupiter, & Mars; eorum enim Orbes magis quam Solis Orbita à terra remoti sunt, & utique ampliores, qui ceteros inferiores, nempe ipsius Solis, Veneris, Mercurij, & Lunæ, circumplectuntur: Quamquam in Systemate Tychonico, (vt mox videbimus, Mars aliquando fiat achronicus, & constituitur infrà Solem, propior terræ. Eadem ratione Venus, Mercurius, & Luna, Inferiores dicuntur, quia sunt infrà Solem. Res ipsa in se clara est, & maiore non indiget explicatione.

193 SUPERLIMINARE, vt modò dictum est, conuenit in opere architectonico cum supercilio: nisi quod illud dicitur vnice de Ostio per quod in ædem intramus, Supercilium autem amplius extenditur ad omnes apertiones, quæ in domo sunt & desuper per aliquod fastigium prominens clauditur. Græci magis determinatè, & singulariter, superliminare Hyperthyron dicunt. Philander superliminare, & hyperthyron discretum à supercilio facit, atque, *Supercilium appellatur quod statim super ostium antepagmenta ponitur, non quidem hyperthyron, sed quod sub ipso est.* Sed quoad hæc, vide quæ diximus in V. *Hyperthyron.*

194 SUPPETIAE, militare vocabulum est, & significat auxiliares subuentiones, quæ ad exercitum cladibus imminutum mittuntur, siue ad urbem obsessam introducuntur à socijs, ad illam reparandam & complendam, in his quæ longo tempore & vsu perdidit, utpote milite præfidiario, armis, re cibaria, puluere pyrio, & vniuersè omni eo quod ad repellendum hostem, & sustinendam diutius obsidionem iuuat. Quare differunt propriè ab Auxilijs, ac Subsidijs militaribus, quæ ad alium finem mittuntur. Nam subsidia ab eodem exercitu ad prælium parato comparantur, dictaque sunt, (inquit Festus) à subsidientibus Triarijs, qui ab alijs cohortibus separati, in ipso ardore confictus superueniebant, ad subueniendum laborantibus, & periclitantibus Socijs; Auxilia verò mittuntur ab exteris confederatis, ad augendas copias & iustum exercitum complendum, & quidem manente re integra, vt plurimum antequàm bellum initietur: Vnde Varro, Auxilia ab auctu deriuasse ait, *Cùm accefferint qui adinmento essent alienigenæ.* Suppetias verò dictas à Suppetendo, quod suppetantur alij milites, & alia arma, & commeatu, in defectum eorum, quæ in decursu belli consumpta sunt vel imminuta. Nam, quæ aliunde veniunt, aut abundant, suppetere non dicuntur, vt acutè notauit Lyricus cum dixit:

*Pauper enim non est, cui rerum suppetit usus.*

Item

Item Suppetiæ adunantur ex nostris; Auxilia aduentant ab alienigenis: Suppetiæ sunt ad reparationem rei deperditæ; Auxilia ad cōformationem rei manentis adhuc integræ. Denique auxiliorum nomine veniunt solæ Copiæ militares, quæ ad pugnandum nobiscum veniunt, vt & Subsidia, quæ de nostris, ac de toto exercitu seliguntur, ac seponuntur ad tempus, mox assuturi cum alijs & prælium redintegraturi. Suppetiæ autem subuenire habent periculo præsentaneo, & supplere in eo quod exercitui, seu vrbi obsessæ penuria laboranti deficit, siue milite, siue annona. Id quod celeriter, & sine delectu fit ex ijs quæ in promptu sunt, & valeant opem vt-cumque ferre, ac damnum reparare: vt ex Liuiο, Cæsare, Polybio, & alijs colligit Alexander ab Alexandro dier.genial.lib. 4. cap. 2. vbi notanter ait. *Milites, si quid subitum ingrueret in re præcipiti, non in isto delectu, sed tumultuaria manu vna expedire, & iussitio indito, nomina dare, saga sumi, & inter se coniurare, legiones conscribi, delectum festinanter haberi, arma apparari oportere &c.* Ex quibus clarè liquet, quid intersit inter Auxilia, Subsidia, & Suppetias. Caterùm non mie latet, à plerisque hæc nomina sæpè confundi, & vnum pro alio adhiberi. Sed in rigore loquendi, & à diuersa rerum proprietate, ab se dissita sunt, ac toto cælo differunt; vt multi emuntæ naris Scriptores obseruant: nihilominus alij etiam primæ notæ auctores subsidia pro suppetijs accipiunt, & econtra: vt Cæsar lib. 2. Commentar. *Nunciabantur auxilia magna equitatus Oppidanis suppetias venire.* Cicero 6. Philipp. C. *Cæsar cum exercitu subsidio profectus est.* Idem de geltis in Italia. *Ad eum mittit, nisi subsidium sibi submittebatur, sese diutiùs sustinere non posse, & alibi passim.* Plautus quoque pro eodem accipit auxilia & suppetias, præsertim, in Epidico scena 13. vbi ait: *Dij mecum militant-Auxilia mihi, & suppetiæ sunt domi.* Quamquam aliqui, vel ex eo colligunt diuersitatem, quod aliàs alterutrum omisisset. Sed hoc Poëtarum est, & ex contextu patet esse synonima.

S Y

SYMMETRIA græcè idem sonat, ac latinè Proportio. Definirur autem à Vitruuio lib. 1. cap. 2. esse partium ad se cohærentiam, & ad totum, conuenientem responsum. Quæ quidem vt notat acurè Philander, potius descriptio est, quam dehñitio, nam verè non omnia, quæ symmetriæ ratio inuoluit, complectitur. Etenim Symmetria inquit, *autore Plinio, non habet latinum nomen, cui expressè cohercat.* Vitruuius autem, eam vt potnit descripsit, quantum ad rem suam faciebat, per proportionalem partium commensurationem. Atqui symmetria propriè dicit talem responsum, qui iurè appellari possit

possit Eurythmia, hoc est, ut ita partes conueniant, & loco sibi conuenienti aptè positæ sint, ut si quid addas, si quid detrahas, si quid immutes, iam non seruent Eurythmiam, quæ appellat simul in opere & cuiusque partis officia, & iustam commensurationem, & venustatem. Quare Geometriæ, genuinus & primus partus est, adopiuius autem Architecturæ, quæ iuxta naturæ ordinem, & Geometriæ leges, in Structuris id præstat, ut partes singulæ conspirent ad perfectionem totius, atque ex totius ædificij concepta idea, statuatur quanta esse debent altitudo, & altitudo operis, quanta amplitudo cubiculorum, numerus apertionum, columnarum &c. uti videmus à Natura præstitum in humani corporis fabrica, & symmetria, quemadmodum non satis miratur, & per partes examinat idem Vitruuius lib. 2. cap. 1. obseruans, quod tanta est latitudo in brachijs extensis ab extremis manuum digitis computanda, quanta longitudo corporis à planta pedis vsque ad summum verticem: & in partibus ipsis, pedem esse sextam partem longitudinis ipsius corporis, cubitus quarta, uti & tota altitudo pectoris; caput à mento ad summum verticem, octaua: os à mento ad frontem, seu ad imas capilorum radices, decima: ipsius autem oris tertiam partem esse, ab imo mento ad imas nates; tantumdem nasum ab imis naribus ad medium superciliorum, atque à supercilijs ad radicem capilorum reliquam tertiam partem, &c. Idque per respondentiam, & analogiam ad vniuersum Orbem, (ratione cuius homo iure dicitur) *Microcosmus*, hoc est, *paruus Mundus*: Namque in Macrocosmo videmus tantumdem distare vnum Polum ab altero, quantum ab inuicem puncta solstitialia, & æquinoctialia; tanta est distantia tropicorum ab æquatore, quanta interest inter Polos mundi, & Polos Zodiaci: Calor innatus in homine in corde sedem suam tenet, quod est totius corporis centrum; ut ignis infernus in terræ mediullio est, atque vniuersi totius centro: neque enim aliam spheram ignis sub concauo Lunæ cum antiquis Philosophis admittit, ratio vlla suadet aut experientia comprobare: cum alias de fide certò sciamus, in inferno verum ignem esse, ibique non violentè, sed in propria, ac perpetua mansione, adeoque ad naturæ exigentiam, à summo Opifice constitutum, omnia in pondere & mensura symmetriarum dimetiens, affirmare, non equidem à fide abhorret, neque ab humana Philosophia. Sed hæc à calamo ad aliud intento, obiter exciderunt. Reuertamur ad institutum. Igitur ex his omnibus perspicuum est, aliam, & aliam symmetriæ rationem postulare quæ in prospectu sunt, ac quæ ab oculis longe remota: aliam excelsa, aliam quæ in imo: aliam obscura, & humilia, alia ad magnificentiam, & ostentatio-

tationem posita, &c. Quapropter ad eam ritè habendam, necessarie sunt Mathematicarum facultatum directiones, maximè verò Geometrix; & Arithmeticz, vt in Architectura luculenter demonstrat Vitruu. lib. 1. & frequenter in toto opere.

SYMPOMA in Mathematicis demonstrationibus dicitur omne id quod præter naturam propositæ rei assumitur in prædicatum, ad texendam constructionem, cum aliàs ex accidenti adueniat, nec per se primariò intendatur. Symptoma id, primis Geometris placuit appellare, ex similitudine ad symptomata, quæ in morbis ex improuiso occurrunt præter morbi naturam, ex ingenito tamen, non ab vlla externa causa originata: vnde nullam per se admittunt curationem, vt habet Galenus de method. meden. lib. 12. cap. 1. Symptoma igitur mathematicum, propositioni soluendæ præter intentum accidit, ac transcendit per omne genus demonstrationis, siue Theorema soluendum sit, siue Problema. Sed præstat Procli verbis id clarius, & per exempla dilucidare. Is enim lib. 2. cap. 8. in Euclidem hæc habet. Omne quidem Problema, aiunt, vnumquodque eorum quæ de eius prædicantur materia, suumque oppositum suscipere. Omne verò Theorema prædicatum suscipere symptoma, non autem oppositum. Ipsorum autem materiam quidem dico genus, symptoma verò prædicatum; id quod per se se accidens vocatur. Vtputa æqualitatem vel sectionum vel positionum, vel aliquid huiusmodi. Cùm igitur quispiam proposuerit: In circulum, intendere triangulum æquilaterum, problema dicit; posses namque in ipsum, & non æquilaterum intendere. Rursumque super datam lineam rectam terminatam, triangulum æquilaterum constituere, fieri enim potest, vt & non æquilaterum constituatur. Cum autem, Angulos ad basim æquicrurium æquales esse quispiam proposuerit, Theorema cum proponere dicendum; fieri enim non potest, vt non æquales sint etiam anguli, qui ad basim sunt æquicrurium. Quibus prædictis, rem tandem sic concludit. In quibus ergò symptoma vniuersale est, totamque materiam comitatur, hæc Theoremata dicenda sunt. In quibus verò non vniuersale, nec subiectum prorsus consequitur, id problema ponendum est. Zenodorus autem sic distinguit problema à Theoremate. Quatenus, inquit, Theorema quidem petit quid sit symptoma quod de ea qua in ipso est, materia prædicatur: problema autem, quo existente sit quod sit. Patet igitur quam aptè hanc constructionis materiam Symptomatis appellatione Mathematici insigniuerint, quàmque apprimè morborum vocatis à Medicis symptomatibus respondeat; siquidem, vt docet Galenus super aphor. 12. lib. 1. Symptoma est quid-



*quidquid animali morbo laboranti incidit, præter morbum ipsum & causam, nihilominus ab intrinseco, non autem extrâ proueniens. Vnde aliquoties vnâ cum morbo inuadunt, aliquando supra ipsum obueniunt; nunquam tamen neque omninò accidunt, neque sunt inseparabilia ab ipso morbo, itaut eius veluti naturam constituent, & participant: sed proprias peculiare obtinent differentias. Quæ omnia mathematicis symptomatibus per analogiam optime congruunt.*

- 197** SYNODVS græcè idem sonat, ac latinè conuentio, & congressus: ideò in sensu valdè appposito vsurpatur ab Astronomis vox absolute prolata, ad significandum congressum duorum, vel plurium planetarum existentium in eodem gradu Ecliptico, vel Circulo positionis in Mundo; vel saltem, quod ibi sint plasticè vnita, intra sphaeram suæ lucis, ubi simul communicent, & vnde radios, & mixtos ex vtriusque natura influxus immittant: nam si extrâ sphaeram suæ lucis sint, quamquam in eodem gradu per longum consistant; nullo modo dicuntur adinuicem copulari, vt dictum est in V. *Platicus*,

- 198** SYSTEMA ex græca notione, nil aliud indicat, quàm harmoniam partium commensurationem, & positum, sibi mutuo respondentium. Hinc non incongruè ab Astronomis vsurpatur ad significandum caelestium corporum constitutionem, & harmoniam, quam seruant inter se, & ergà tellurem. Vnde bene Ricciolus lib. 9. sect. 3. cap. 2. *Systema mundi*, ait, nihil aliud est, quam coordinatio, seu compositio magnarum mundi partium, videlicet Elementorum, ac Calorum; cuius veluti materia est numerus calorum, atque elementorum, tum totalium, tum partialium; forma autem est situs eorum inter se, ac relativiè ad centrum Vniuersi. Et quia Diuina isthæc Architectatio, præ vastitate, Calorum altitudine, perspicuitate, directè ac per se ab humanis sensibus teneri non potest; ideo antiqui Philosophi, & Astronomi, ab effectibus, & apparentijs eam colligere conati sunt, sicque Mundi Systema ex hypothesi constituere. Celeberrimum olim fuit, quod concinnauit Mercurius Trismegistus, probauere postea Timochares, Epimenides, Hipparchus, & Archimedes, ac tandem communi plausu receptum est, atque à Ptolemæo digestum, explicatum, & schemate oculis exhibitum in Almagesto. In eo statuitur globus terraqueus vniuersitatis centrum in medio situm, immobile: tum succederet aër circumambiens, qui utpote Elementum leuius igne, secundum locum teneret, atque à superficie terræ extendere-

tur vsque ad sphæram ignis : inde hic succederet per orbem expansus, cuius sphæra terminus esset ad superficiem concauam Orbis Lunæ, ad quam terminaretur etiam regio elementaris, successuramox ætherea cum suis cuiusque Orbibus Planetarum per ordinem, nempe Lunæ, Mercurij, Veneris, Solis, Martis, Iouis & Saturni, post quos esset Firmamentum, seu Orbis Stellarum, & vltimo loco ac remotissimè omnium, Primum Mobile, quod omnes secum simul raperet ab Oriente in Occidentem spatio 24. horarum, cum interim quisque contraniteretur, peragrans integrum Zodiacum statis cuique temporibus : qui omnes essent homocentrici ad tellurem.

Inueterata hæc Mundialis Machinæ constitutio perdurauit vsque ad Nicolai Copernici, ingeniosissimi alioqui Astronomi, tempora : qui tamen videns, ex nouis obseruationibus, non posse subsistere prædictum Systema Ptolemaicum, aliud excogitauit, seu potius exsusceperat, à paucis olim antiquis Philosophis conceptum, sed cum ipsis emortuum. In quo constituitur Sol immobilis in Vniuersi centro : Post Orbis Mercurij, qui diebus 80. suam integram reuolutione perficeret : Secundo loco succederet Venus, nouem mensium, spatio, suam periodum complens : Tercio loco terræ globus cum Luna, quæ item continuè circa terram voluatur : atque huic triplicem motum assignat ; diurnum, quo ab Occidente in Orientem pergit spatio 24. horarum (quem motum nos raptui primi mobilis damus : ) annum, quem nos Soli : ac tertium, quem vocat librationis, quo inæqualitas æquinoctiorum ostenditur, & Eclipticæ deviatio ab Aequatore. Sequitur postea Mars, reuolutionem suam erga Solem absolvens in duobus annis : inde Iupiter in 12. tandem, Saturnus in annis 30. Fixarum autem Orbis perinde ac Sol, consistit immobilis.

Et hæc est Vniuersi constitutio ex Philolai primum, mox è Copernici placitis stabilita, in quam, mirū quā multi ex Neotericis conspirarint. Et verò si ordinē, ac modum spectemus, optimè congruunt apparentiæ, & calculus Astronomicus apprime respondet. At enim ex alia parte intolerabilem admittit errorem ; terram nimirum moueri, ac Solem stare, quod & communi assertioni, & sensibus, & ( quod magis interest ) Sacræ Scripturæ testimonio aduersatur. Quare iure meritò hoc Systema Coperniceum, tanquam falsum, Sacris Paginis repugnans, atque à veræ Philosophiæ principijs alienum, à pijs ac sapientibus viris exploditur, atque ab Ecclesiâ nigro theta notatum.

Tandem Tycho Brahe nobilis Danus, post longam quadraginta circiter annorum obseruationes habitas, adiutus in hoc ab expertis-

finis totius Orbis Astronomis, primus omnium Cælum liquauit, omnem ætheream regionem fluidam ac permeabilem astruens, perinde ac æreni, sed longè ipso puriorem, & leuiorem: in cuius expanso & crassitie, omnia coelestia corpora collocauit, suo vnumquodque loco & ordine, & motu proprio, vt in systemate Ptolemaico dictum est: verumtamen, in diuerso positu singulos mobiles sistit. Nam orbis Luminarium, & fixarum sunt concentrici, & habent pro centro terram, quinque alij errones sunt eccentrici, & habent pro centro Solem, circà quem in vastissima illa ætheris regione, perpetuò gyran- tur, & æquabili motu. Id quod rationi valdè consonum est, & euincunt apparentiæ, & parallaxes nouissimè obseruatæ. Nam Mars, cum est in perigeo sui Orbis, est sub Sole, & sit terræ proximior, itaut aliquando ipso Tychoni, priusquam hoc systema firmaret, imposuisset, & habitus pro Venere, quam granditate disci, parallaxi, & vmbra quam proiebat, ferè exæquabat: ac tandem, ex motu, & colore igneo quem præferebat, compertus error: cum tamen constitutus in Apogeo vix par stellis quintæ magnitudinis appareret. Sicque nouum hoc Systema, Sacræ Scripturæ consonum, Ecclesiæque constitutis inhærens, magno cum plausu, & vnanimi omnium ferè sequentium Astronomorum consensu, receptum fuit: cum omnes apparentias saluet, omnes difficultates soluat, nouis Phænomenis in Aethere genitis, liberèque & irregulariter discurrentibus, haud ægrè locum, & materiam tribuat, ac demum calculo Astronomico apprime respondeat. Vt melius, aut verius excogitari non possit.

SYSTEMATA MVSICA (neque enim vocabulum magis proprium ijs, qui verè consonantiam, & harmoniam faciunt) dicti sunt varij vocum sonorumque complexus, exurgentes ex varijs diastematibus, hoc est, tonorum interpolationibus, & interuallis, modò depressioribus, modò elatioribus, quibus vox ex acutà fit grauis, atque grauis transit illicò in acutam. Itaque Modulatio latinè, & in propriissima significatione, Syllēma Musicum verti potest. Naniq̃ue, vt acutè discurret Vitruuius lib. 5. cap. 4. *Continuata vox neque in finitionibus consistit, neque in loco vlllo, efficitque terminaciones non apparentes, interualla autem media patentia, vti sermone cum dicimus, Sol, Lux, flos, nox. Sic enim nec vnde incipit, nec vbi desinit, intelligitur. Sed neque ex acuta facta est grauis, nec ex graui acuta apparet auribus; per distantiam autem econtrario. Nam cum flellitur in mutatione vox, statuit se in alicuius sonitus finitionem; deinde in alterius; & id vtrò, citròque faciendo crebrò, inconstans apparet sensibus* viti

vti in cantionibus, cum flelentes voces, varietatem facimus modulationis. Stat igitur, in crebra vocum versatione, atque in vltro citroque, quasi per gradus, ascensu ac descensu, plurimumque in vnum conuenientium collisione, positam esse omnem consonantiarum rationem, ac diuersa Systemata. Porro tria Cantionum genera, seu modulationum varietates, construere Veteres Musicæ inueneres. *Diatonicum, Chromaticum, & Enharmonicum*: quæ in hoc conueniunt, quod omnia vnam, aut plures chordas habent communes, vt in Monochordo; ac præterea in Tetrachordis, primam, secundam, quintam, octauam, uonam, duodecimam, quintamdecimam, quæ idcirco stabiles nuncupantur. Ad hæc Diatonium, & Chromaticum aliquas habent, quæ dicuntur Neutrales; in reliquis ab inuicem discrepant: hæ sunt Tertia, Decima, & Decimatertia; & ideo dicuntur Nobiles. Ex his Exharmonicum procedit per tonum maiorem, diesim maiorem, ac Ditonium, à graui ascendendo ad acutum, & econtrà. Ditonium per duos tonos, & hemitonium; & rursus per tres tonos, & hemitonium: & hoc alternatim, inferens tonum minorem inter duos maiores. Chromaticum tandem incedit per tonum maiorem, hemitonium minus (quæ duo faciunt tonum minorem) ac semiditonium, & sic deinceps. Verum de his abundè dictum suis in locis, & in genere in V. V. *Monochordum*, ac *Tetrachordum*.

SYSTYLOS dictum est in Architectura ædificium moderatè columnationibus exornatum, iraur præseferat intercolumnia, nec nimis lata, nec nimis arcta, vt alibi dictum est. Cuius commensurationis terminus in eo positus est (inquit Vitruu. lib. 3. cap. 3.) vt duarum columnarum crassitudo intercolumnium compleat, & spirarum plinthis æquæ magnæ sint, ac spatium quod fuerit inter duas plinthis. Sic enim (subdit) *habebit & figurationis aspectum venustum, & aditus vsum sine impeditionibus, & circa cellam ambulationis amenitatem*. Quamquam hanc cautionem in Sacris potissimum Aedibus, contemnunt hodie nostri Architecti, ac nihili faciunt: quin potius se accommodant ad rationem Operis, atque ad materiam, quam præ manibus habent. Et quidem, meo iudicio, rectè, nec vltà generalia præcepta Architecturæ. Nam certum est, & rationi consonum, quod in Tuscanico, ac Dorico Ordine, maior intercolumniorum amplitudo seruari debeat, quàm in Ionico, & Corinthio: quippe in ijs, (vt in tota structura) longe crassiores columnæ, & parastades adhibenda sunt ad operis consistentiam, & firmitatem, quàm vnice sibi figunt; adeoque non ijs officit maior intercolumnij laxitudo. Contrà, cum structura Ionica, & Corinthia delicatior sit, & co-

201



lumnis gracilioribus componatur ad elegantiam, requirunt ambe spissitudinem columnarum, ut consistent. Quare in Genere Turcánico bene cadit Areostylos; Dorico, Diastylos; Corinthio, Systylos; Ionico, Picnostylos; Composito Eustylos. Hæc mea Sententia, Romanarum ædium exemplis compluribus comprobata.

- 202** SYZIGIAE græcè appellantur cælestium siderum copulationes, non modò per corporalem coniunctionem, ut aliqui rigorosè nimis intelligunt, sed etiam per aspectum, & quamcumque familiaritatem: quà videlicet fit radiorum commixtio, ac virtutis, in vnum coadunatio. Et ità rem, è radice explicat Valentinus Naiboda in Alchabitum, & fert vsus & praxis omnium Ephemeridum Calculatorum, in tabulis horum aspectum, quas in fronte sub Sygiziarum vniuersali nomine præsignant.



## TA



**T**ABLIVM locus erat antiquitus in magnis ædificijs exitatus ponē Atrium, non tam ad commodum adventantium, ut illic tantisper sisterent, donec admitterentur, quàm ad pompam & ostentationem, uti & alia similia loca, Pinacotheca, Exedra, Porticus, &c. de quibus suo loco. Et quidem Tablinum, ut author est Plin. lib. 35. cap. 2. erat specialiter deputatum ad continendos, & servandos codices, & monumenta rerum in magistratu gestarum. Vnde non omnium promiscuè erat, huiusmodi diuerticula in suis ædibus ponere, sed tantum nobiliorum hominum, aut Domus rationis, & publicæ, in quam negotiationis causa vel ad iudicia, multitudo civium conveniret. Sic etiam non omnibus licebat diutius immorari, sed ijs qui ad negotia venirent, quoadusque aduocarentur. Dicitur est autem latine à Tabulis, ut placet Bulengero, quod tabulis, hoc est publicis monumentis instructum erat, uti & græcè Grammatophilacion, ex Scripturis, & publicis instrumentis, quæ circumquaque in pluteis disposita erant. De eo ad atrij rationem conformari debere, docet Vitruv. lib. 6. cap. 4. Ut, si atrij latitudo, inquit, erit pedum viginti, dempta tertia parte, Tablino reliquum tribuatur. Si erit ab pedibus triginta ad quadraginta; ex atrij latitudine Tablino dimidium tribuatur. Cum autem ab quadraginta ad sexaginta, latitudo dividatur in partes quinquæ, & ex his duæ Tablino tribuantur. Non enim atria minora cum maioribus easdem possunt habere symmetriarum rationes. Alioquin, subdit, si hæc membra maiora fuerint, quam ipsum atrium, immania erunt, & aspectui iniucunda; si verò minora fuerint, neque tablina neque alæ utilitatem poterunt habere: debent itaque suam proportionem habere, ut partes reliquo operi corrépondeant.



2 **TABULA** simplex quidem & vulgatissimum nomen est, ligneum, asserem denotans, amplum oblongum, modicè altum, & aliqua latitudine complanatum. Sed mirum est, quàm variè, quàm frequenter, quàm rebus toto cælo diuersis, sibi que contrarijs identidem significandis aptetur, vt iam penè à sua primaria notione decessisse videatur. De qua re, si quis curiosus est, consulendi sunt Latine lingue illustratores, præsertim Du-Cange in Glossario ad Scriptores medix, & infimæ Latinitatis. Nobis lat erit ea tantummodò explicare, quæ ad Mathesim pertinet, eique subordinatas atque ancillares artes. Ergò Tabula passim pro serie numerorum ad certum, ordinem dispositorum, quo alter ad alterum respondeat, accipitur ab Arithmeticis. Hinc *Tabula Pythagorica* ab vnitate ad nouenarium numerum in longum, & latum procedens; cuius ope additiones, subtractiones, multiplicationes, ac diuisiones numerorum, facillimè eruuntur. Sic etiam *Tabula accepti, & expensi* apud Computistas dicitur Liber, in quo censentur introitus, & exitus prouentuum, & expensarum, quò fieri queat comparatio, & vnus ab altero subductio, & in quo depositarius creditor restet, aut debitor. Est etiam Tabula apud Agrimensores, mensuræ agrariæ species: vnde Vetus Agrimenfor eam definit, quod vna tabula habet quadratas perticas septuagintaduas, sed tamen nostri hortulani diuisiones horti per sulcos in plures areas capaces certæ alicuius seminationis, Tabulas nuncupant. Et sic de reliquis: ita ut Tabulæ nomen genericum sit, & eo vtantur Geometræ, Astronomi, Geographi, Architecti, ad res suas significandas. Nos quoque partium primi mobilis respondentias, quas nuper edidimus, quibus ad istum oculi venari possimus, quis gradus Eclipticæ, Aequatoris partibus competat, quæ huius Ascensio Medio Cæli, aut cuius horizons conueniat, &c. Tabulas indigitauimus.

3 **TACTICA** est facultas in re militari, ordinandi ex Geometriæ principijs militares copias, tam in Castris ad consistendum suo quæque loco, & rara distributione; quàm in acie, ad prælium ineundum, & vtrò citroque cum ordine procedendum. Et prima quidem dicitur Castramentatio; Altera verò Acierum Instructio. De quibus varia præcepta, traduntur, & integros libros Scriptores, ex antiquis Polybius, & Aelianus; ex modernis Lipsius, & Bellaius in Discipl. Militari. Nosque in V.V. *Acies, & Castramentatio* non nihil tetrigimus.

TAENIA, seu *Tenia*, inquit Festus, *proprie dicitur Fascia*, ex græca norione: per translationem tamen, & in plurali accipiuntur 4  
Tæniæ pro victarum extremitatibus, quæ ab insulis pendent: vnde in opere architectonico per quandam similitudinem, vsurpari solent pro duplici, vel triplici illa, ad modum fasciæ, explicata projectione quæ in Epistylis ponitur, plana & procurrente, quæ impositis triglyphis perpetuam quodammodo basin efficit, uti & Zophoro. Fascias absolutè nominare placet Philandro in digressionem, ubi agit de vniuersa trabecatione, quamquam Tæniæ appellat Vitruu. & fascias promiscuè. Has nullas admittit Vitruuius in opere Dorico, & Tuscanico, benè verò, easque omnino tres in Ionico, & Corinthio. At Paladius, & Barocius antiquorum monumenta speculati, atque à ratione architectonica, & venustate neutiquam abhorrentes, etiam in Dorico probant, & duas admittunt, cum quibus Philander à suo magistro desciscens: & alteram quidem supra triglyphos, alteram infra, itaut bellè Zophorum claudant, maiestatemque eius adaugeant. Videsis apud Barbarum, & Palladium, in diuersi ordinis Epistylis eiusmodi tæniæ graphice deformatas. Has nostri Architecti *Currentes* nominant.

TALEAE in Architectura, inquit Baldus, sunt trabeculæ illæ graciliores, quibus parietum compages nectuntur, & obfirmantur. 5  
In his tota ædificij consistentia, & perennitas sita est, quippe in longum proiectæ, lapides, & cæmenta in structuram alligant, & constringunt, neque hiscere patiuntur, etiam si vetustate dissiliant. Eapropter non è quocumque ligno, sed oleagineas, & vsulatas probat Vitruu. lib. 1. cap. 5. in crassitudine parietis quam creberrimè traiectas; uti vtraque muri frontes, inquit, inter se, quemadmodum fibulis, his taleis colligata, æternam habeant firmitatem. Namque ei materia nec tempestas, nec caries, nec vetustas potest nocere. Quod ideo meliores, ac diuturniores reputantur istæ, quam ferreæ, quæ tandem rubigine dissoluntur. Alium autem talarum usum, & formam in munimentorum propugnatione habet Architectura militaris. De qua re consulendus est Stevvech. in notis ad cap. 3. lib. 4. Vegetij.

TANGENS linea in Geometricis, vide iam dicta in V. Sinus.

T E

TECTVM in ædificijs, celsior & præcipua pars à regendo dicta, 6  
quod illud tegat & compleat, atque ab iniurijs tempestatum, imbrium, aut ardoris Solis, mirifice protegat, ac defendat. Tolle telum

*Etum* (inquit Leo Albertus) *putrescet materia, labescet paries, fatiscunt latera, omnis denique structura sensim dissoluetur: Ipsa etiam fundamenta, telorum proiectione, quod vix credas, corroborantur.* Etenim etsi in regionibus meridionalibus, ubi nec rigidus aër, nec glacies pavimenta corrumpens, nec ingruentes pluuiæ sunt, non tecta propriè dicta, sed hypetræ ambulationes pro tecto stentantur, quæ multum commodi præstant, noctu præsertim, ad frigidam auram, caprandam: tamen hic & ubique infirmiores sunt ædes, & facile dilabuntur; ut propterea tectum, idque fastigiatum vniuersaliter in ædificijs præcipuum locum habeat, ut sit bene formatum, ac diuturnum. Quod ideo eorum semper maxima habita fuit ratio ab Architectis, & cura peculiaris intenta ad eadem benè formanda. Et quidem ea prima fuit, ut, & quoad materiam, & quoad formam, ita compingantur, ut & Solis ardori resistant, vel obuersentur, & cadentes imbres non exfugant, aut diù retineant, sed protinus remittant, & expellant. Propterea nusquam aut rarò plana videbis, sed in accliuè posita, ut facile possint exceptam pluuiam reijcere, & aliò deriuare. Tum è regulis, & imbricibus, meliùs quam scandulis ligneis, quibus olim Roma contecta fuit, ac durauit vsque ad bellum Pyrrhicum, conformantur; sic enim & sumptibus parcutur, & operi optimè prouidetur, cum materia vbique suppetat, & humiditati resistat, & si quam contrahunt, statim absumant, quod non facit lignum. Consueuere antiqui in ædificijs quæ erigebant ad æternitatem, tecta laminis æreis operire, uti videmus factum in celebri templo Pantheon: alij, præsertim in Gallia, lapideis laterastris: verùm experientia conpertum est, ea non diuturniora esse quam imbricata: quippe & magnas requirerant impensas, & nimio pondere fatiscabant, nec ita eiusmodi laminæ, aut laterastræ connecti poterant, ut non per rimas, & commiissuras aqua penetraret, & interiora corrumperet. Idcirco ijs sublatis, plumbeas bractæas submisere, quæ exiliores, & flexibiles, magis ad opus idoneæ sunt inuentæ, de quibus agit, & commoda refert Iabolenus I. C. in Pandect. lib. 50. de verbor. signif. Et harum quidem vsum videmus magno cum commodo introductum in Basilicis, ac præsertim in Tholis ac Tribunis, quæ non fastigiata sed orbiculari forma ad maiestatem eriguntur. Cæterum à forma, tecta Testudinata, displuuiata, deliciata, &c. denominationem sumunt, de quorum differentiis diximus suo loco.

- 7 TELAMONES in ædificijs substituuntur, magna cum operis venustate, mutulorum loco, aut columnarum parietibus adhærentium, qui

qui sustinere videantur, (& reapse maximo fulcro sunt) arcus, & fornices superiectos. Referunt enim speciem seu integram, seu dimidiatam quasi hominis, satyri, aut bellux, humeris fastigium excipientis, vel lacertis, & curuis dorsis sustentantis. Quæ quidem opera in Theatris, Laquearibus, Ostiorum antepagamentis maximè adhibentur, quippe locum valde exornant, & columnarum vicem subeunt, magno cum impensarum compendio. Athlantes primum appellauere Græci, apud quos sumpsere initium, sumpta ex fabulis similitudine, quod Athlantem referunt, quem Poëtæ fingunt, supposuisse Cælo humeros, ac sustentasse: sed ab hominibus potissimum nomen hausisse perhibent, quod à capriuiis hominibus originem traxere. At, qua ratione à Latinis Telamones dicantur, obscurum, & nemo hæcenus, quem viderim, inquisiuit. Cæterum rei historiam perbellè describit Vitruu. initio sui operis: vbi à Laconibus Inuentionem profectam tradit, post insignem victoriam, quam de Persis insensu hostibus, retulere. *Quippe pauca manu, inquit, infinitum numerum Persarum exercitus cum superauissent; aclo cum gloria triumpho spoliolum, & prædæ, porticum Persicam ex manubijs, laudis, & virtutis ciuium indicem victoria, posteris pro trophæo constituerunt; ibique captiuorum simulacra barbarico vestis ornatu, superbia meritis contumelijs punita, sustententia telum collocauerunt: Idque ad imitationem, & similitudinem Caryatidum Matronarum, quarum simulacra, post deuictam, ac deletam Caryam earum Patriam, ad facti memoriam, Græcos victores oneri ferendo collocauissè, paulò antè dixerat idem Vitruuius. A Telamonibus postea, & Caryatidis facilis fuit transitus ad Satyros, Leones, tigrides, elefantos, alias que id genus feras & monstra, in opere architectonico præ fulcris substituenda, prout res in commodum veniebat, aut Opifex in idea nouum, peregrinum, aut singulare, quod ad maiestatem simul ac venustatem conduceret, sibi præfigurabat.*

TELESCOPIVM vide infra *Tubus Opticus* :

TELVM genericè dicitur omne missile, quod manu in ordine ad 8 ferendum iactatur: *ex græco (inquit Festus) translato eorum nomine, quoniam illi Τηλυδην missa dicunt, quæ nos eminūs. Quamquam reuerà Telum, hastile ferro armatum appellat, & vti tela propriè dici nequeunt saxa, neque glandes plumbeæ, quæ è tormentis eminūs emittuntur; ità econtra, quæ manu adiguntur, siuè cominūs siuè eminūs plagam inferentia, modò aliquatenūs oblonga sint, & hastile habeant, telæ promiscuè appellantur, quæ alio communi, &*  
X x x x x  
satis

fatis expressiuo nomine, iacula vocitantur. Eorum species, breuiter & accurate recenset Gellius lib. 10. cap. 25. *Hæc sunt*, inquit, *Haſta, pilum, phalarica, ſemiphalarica, ſoliſerrea, geſa, lancea, ſpari, rumices, triſaces, tragula, frameæ, meſangula, cateia, rampia, ſcorpj, ſibynæ, ſiciliçes*. Inter hæc, partim nomine tenus differunt, vt obſeruat Alex. ab Alexandro, quatenus eadem diuerſimodè à diuerſis populis agnominata ſunt; partim rei ipſa diſcrepant, & à forma, uſu, & iaculandi peculiari modo, ſunt appellata. De quibus ſingulis vbi recurrit ſermo nonnihil, dictum eſt.

- 9 **TEMPLVM** in Architectura, non tam ſacræ ædes (ad quas poſtea vocabulum tranſlatum eſt) quàm in propria ſignificatione, appellat tignorum ſeriem, quæ in ſummitate ædificij ſupra canterios ordinatur, & compingitur ad ſuſtinendum tectum, à contuendo cælum, ſiue à contemplando, vt placet Donato, dictum. In quo ſenſu Vitruui. lib. 4. cap. 7. de tecti conformatione dixit: *Suprà faſtigium columen, canterijs templa ita ſunt collocanda, vt ſillicidium tecti abſoluti tertiaro reſpondeat*. Quò poſtea factum, vt omnia ſepta quæ cælum ſpectarent, & eiufmodi tignorum diſpoſitionem haberent, templa ſubinde appellarentur. Hinc Curiam Hoſtiliam in quam Senatus, & populus ad ius dicendum, vel audiendum conueniebant, templum Romani dixere: vnde Tullius in orat. pro domo ſua, *Curia eſt*, inquit, *ſedes, ac templum publici conſilij*. Et quia locus hic cunctis dignior, & ſacratior habebatur, inde ſenſim poſtea factum eſt, vt ſacræ ædes, & Curia, vbi ſiue ad pietatis officia, ſiue ad Senatus conſulta excipienda populus colligebatur, Templa promiſcuè nominarentur. Quare antiquitus omnes ferè inanium Deorum ædes ſubdiales erant, vt de prima, quæ Romæ in Capitolio, Ioui Statori à Romulo conſtituta fuit, reſerunt Liuius, & Valerius Maximus: ac de templo Iouis Olympij, Pauſanias in Atticis, quò ſupplicum preces rectà ad Cælum tenderent, eorumque vota Numen reſpiceret. Quod idè notauit Vitruuius lib. 1. cap. 2. *Statione cum Ioui, fulguri, & Cælo & Soli, & Luna ædificia ſub diuo, hypætraque conſtituuntur: horum enim Deorum & ſpecies, & effectus in aperto mundo, atque lucenti præſentes videmus*. Sic ex ijs, quæ adhuc Romæ aduerſus temporis iniurias videmus extantia, vti Pantheon Ioui vltori, vel vt alij volunt, Matri Deum ab Agrippa dicatum, Fanum Herculis in Monte Cælio, quod nunc à Diuo Stephano, cui poſtea ſacratum fuit, dicimus Templū S. Stephani ad rotundum, & alia ſunt, vel erant ſuperne aperta ad eundem finem, quaſi quæ occulto & ſub tecto fierent, Deus non exaudiret, Obſeruat tamen Gellius ex Varrone, lib. 14. cap.
- 10

cap. 7. olim non omnia loca siue ad Deorum cultum, siue ad Senatusconsulta celebranda pro templis habitasse, sed ea tantum, quæ per augures fuissent solemniter designata: propterea, subdit, & in Curia Hostilia, & in Pompeia, & post in Iulia, quam profana ea loca fuissent, templa esse per augures constituta, ut in ijs Senatusconsulta more Maiorum, iusta fieri possent. Inter quæ, illud scriptum reliquit (Varro) Non omnes sacras ades templa esse, ac ne adem quidem Vestæ templum esse. At hæc missa faciamus. Veniamus ad nostra verè Templa, verè sacra, in quibus Deus noster vèrus Deus, inhabitare, cultumque sibi à fidelibus præstari complacet, eorumque orationes excipere. Equidem tantò ea magnificentius cæteris ædificijs erigi condecens est, quantò dignior hospes est, & quæ inibi tractari debent negotia ad animarum expiationem spectantia, humanis, & corporalibus supereminet. Id quod & Ethnici in suis Deorum templis exædificandis, & identidem conueniendis, intellexerunt: Nimirum, ut obseruat Leo Albertus lib. 7. de re ædicator. cap. 3. Pietatem Veteres tum demum coli assueverant, cum templa Deorum frequentarentur. Atqui (subdit mox de Christianis Templis) his de rebus velim quidem templo sanum esse pulchritudinis, ut nulla species ne cogitari vsquam possit ornatio; & omni ex parte ita esse paratum opto, ut qui ingrediantur stupefacti exhorrescant, rerum dignarum admiratione; vixque se contineant, quin clamore profuscantur, dignum profecto esse locum Deo, quod intueantur. Itaque quoad structuram, & situm, conuenit Deo erectam Domum, omnibus esse conspicuam, per amplam, eminentem, ac saltem, quæ frontem, & aditum spectat; contemplabilem, & venerandam; ut qui de foris eam aspiciunt, religionem concipiant, mentem colligant, & ad ingressum alliciantur. Quoad aspectum, ad Occidentem vergere Gentilium templa consueuisse, narrat Vitruv. lib. 4. cap. 5. Nempè Signum, ait, quod erit in cella collocatum spectet ad vespertinam cali regionem; ut qui adierint ad aram immolantes aut sacrificia facientes, spectent ad partem cali orientis, & simulacrum quod erit in ade, Quem ritum haud improbasse in suis templis ponendis, Sanctam Catholicam Ecclesiam constat ex Iure Canon. Cap. Ecclesiar. distinct. 11. Verum id, uti cum commode fieri potest, prætereundum non est; ita cum situs aut loci qualitas aliter fieri postulat, non multum prouidum Architectum angere debet, ac sanè temporibus nostris in usu non est, ubi videmus amplissimas Basilicas quaquaersum spectare. Id quod magis attenditur, (& quidem non tam ad pietatem, quam maiestatem) est, ut quæ à fundamentis eriguntur, si commodum venit in crucis formam abeant, videlicet, ut in capite constituatur Odeum



seu Ara maxima cum Tribuna; ad latera hinc inde grandiora sacella, quæ suis arcibus totam brachiorum, (sic vocant) amplitudinem occupent, itaut in medio & in ipsa crucis, vt ita dicam, decussatione sistatur ara maxima paulò altior, & recessior, vt æquè omni ex parte conspicua sit, & parens: Reliquum vero templi corpus, (quam Nauem mediam dicimus,) oblongum sit & amplum, ac rectè positum, quò aduentibus tota mox Sacræ ædis dispositio, & architectatio obijciatur; collocatis interim si locus erit, ad latera minoribus sacellis, ad sacra ibidem habenda, atque à populo exaudienda è media naui, vbi maior est consuetudo, & occursum. Atque hæc prorsus est forma, quam seruant hodie nostræ Ecclesiæ, præcipuè Romæ quas splendore, ac magnificentia videmus cæteris anteire: vtpote Vaticana Principis Apostolorum verè Basilicarum omnia Idea, & Princeps, Lateranensis nuper ab Innocentio X. restituta, ac magnificentiissimè exornata; Vallicellana; Iesuitarum duplex, altera Farnesiana, à Iesu, altera Ludouisiana à S. Ignatio nuncupata: nostra S. Andræ de Valle, & aliæ à summis viris, & Religiosissimis S.R.E. Cardinalibus penè ad æmulationem pietatis non minus quam magnificentiæ, excitatæ, quarum Catalogum hic referre, longum, ac tediousum foret. Solum id addere non otiosum erit, Romam, in Sacris ædibus ponendis (vti in alijs) toti fere Orbi, ac præcipuè Italix præluxisse, & calcar quodammodò addidisse, ad similia magnificè extruenda, vt nullum iam penè templum sumptuosius erigatur præsertim in Germania, & in Gallia, quod non Romana studeat imitari, & magnificentia, & maiestate, si non superare, saltem æquare. Restat hic ad operis complementum, vt aliquid breuiter de tecto, ac pavimento, quæ sacras ædes deceant, attingamus. Pavimentum, si sumptus suppetunt, lithostrotos, seu e quadratario, & variato marmore esse conuenit: quod dispositione sui aliquid representeret ad virtutem, ac pietatem accendens, ac simul visum, oblectet & mores informet, qualia sunt sepulchralia monumenta, varijs emblematis, atque inscriptionibus ornata, quæ nos vltimi finis admoneant. Addit Albertus, *Maximè pavimentum refertum velim esse lineis & figuris quæ ad res musicas & geometricas pertineant, vt omni ex parte ad animi cultum excitentur.* Sic Bononiæ in celebri S. Petronij Templo, inter alia, pavimentum est mira varietate constructum, atque in eius medio per longum lineam meridianam signata, quæ quouis tempore, Sole medium Cæli tenente, eius radius per foramen traductus lineam istam tangit; denotatque proinde tempus meridiæ ad horas canonicas missarumque celebrandarum, quoadusque protrahi queant, terminum præsignandum, atque ad æquinoctia, &

solstitia prænoſcenda . Et alia huiusmodi, de quibus late ipſe Albert. cap. 11. Serlius, Vignola, & alij .

TENTORIVM, militare vocabulum ſignificans temporariam militum ſtationem, ſcû receptum ad quietem; in Caſtris, aut vbi dùm aliquam expeditionem adornant, pedem ſigere, & pernoctare contigerit. Tabernacula nuncupavit Caſar, & ex eo alij Scriptores paſſim, eoquod in tabernarum ſimilitudinem ex tabulatis compingerentur. Vnde Iſidor. *Tabernacula*, inquit, *tentoria ſunt militum, quibus in itinere ſolis ardores, tempeſtateque imbrum, frigoriſque iniurias vitant. Diſta autem tabernacula, quod cortina diſtenta ſunibus tabulis interſtantibus appenderentur, quæ tentoria ſuſtinerent: Tentorium dictum, quod tendatur ſunibus & palis.* Ex quibus clare inducitur, Tentoriij nomen latiùs patere quàm Tabernaculum: ſiquidem hoc appellat amplius quoddam, & commodius receptaculum, ad cuiusdam fixæ domus ſimilitudinem architectatum, ſolum belli ducibus poſitum: tentoria verò ſimpliciora, pro gregarijs militibus erecta ad ſolum tegimen, & receptum ab iniurijs tempeſtatum, quæ olim vix ex arborum ramis, & pellibus utcumque ſuper expanſis fiebant: unde frequens eſt illud apud hiſtoricos: *ſub pellibus eſſe, ſub pellibus hybernare*; ad quod reſpexit Ouid. cum dixit Faſtor. 3.

*Pauci Tentoria ponunt*

*Sub quibus è ramis frondea caſa facta eſt.*

Quinimò in Romana militia tantus erat primitiùs diſciplinæ rigor, vt ne id quidem hyemis tempore permitteretur, ſed quavis ſuborta aëris inclementia, humi iacere, & cubare compellebantur ſub dio: unde proceſſit acris ila quærela Tribunorum plebis ad Senatus Conſultum, quam reſert Linius lib. 5. ab vrbe condita. *Militem Romanum in opere & labore, niuius, pruinisque obrutum ſub pellibus durare, ne hyemis quidem ſpatio, quæ omnium bellorum, terra marique ſit quies, arma deponentem.* Ex quo, conuiſcente Senatu, emolita ſenſim hac veterum diſciplina, luxus inualuit ac militaris ille ardor, qui in forti malorum perſeſſione vigeat, tandem deſerbuit, vt iam hyberno tempore, non ſub pellibus, non in tentorijs durare ſuſtinent, ſed in pagis omni commoditate reſertis, ſtatuæ quæ rat, & quarteria ſibi deputari contendat. Vt hic præteream luxum, qui in tentorijs ipſis ponendis, cum vel in caſtris vbi ſigitur alicuius vrbis obſidio, vel in itineribus, ſumptuoſiſſimi operis ex auro gemniſque intextis, nec pro ducibus modò, ſed pro ipſis gregarijs, ad faſtus, & ſuperbiæ ostentationem, vti & Turcarum mos eſt, & aliquando ſeciſſe etiã noſtros, perhibent paſſim hiſtorici, vt de Fran-

cisco

cisco I. Galliarum Rege, refert Iouius lib. 20. Ad eò à primæ illa, seueritate desciiuit hodierna militia, vt cum ad bellum itur, non ad pugnandum, sed ad Theatrales ludos, vel ad nuptias, exercitum, diceres proficisci.

- 14** **TEPIDARIUM** locus erat olim in Balneis ab alijs segregatus, vbi tepidæ lauationes, aut sudationes, prout cuique opus erat, fiebant, eoque vel aqua, vel calor attemperatus aliunde deriuandus ad certam mensuram, pro cuiusque indigentia, apportabatur, atque in distinctis cellis, vnusquisque loci beneficio fruebatur. Quod ideo tria potissimè receptacula ad lauantiū cōmoditatē balneæ continebant, *Frigidarium* dictum, in summo collocatum, recipiens ē fonte proximo frigidam aquam, *Caldarium* in imo immediatè super hypocaustum exstructum, à quo calorem hauriebat aqua, vel aër inclusus, ac *Tepidarium* in medio consistens, de vtroque participans, adeoque immittens calorem temperatum. In his autem locis, vt sibi inuicem communicarent, erecta erant, ac dispersita in proportionali distantia, vasa, quæ aquam, teporemque reciperent singulis appositum, & constitutum. De quibus hæc habet Vitruu. lib. 5. cap. 10. *Athena super hypocaustum tria sunt componenda: Vnum Caldarium, alterum Tepidarium, Tertium Frigidarium; & collocanda, vti ex tepidario in caldarium, quantum aqua calida exierit, insuat. De frigidario in tepidarium ad eundem modum; testudinesque alueolorum ex communi hypocausto calefiant.* Ex his igitur vasis in medio constitutis (namque hinc inde nianfiones erant distinctæ, aliæ pro viris, aliæ pro feminis, ob modestiam, & honestatem, certis repagulis, & interiectis murulis separatæ) vnusquisque congruam sibi, per parata infundibula, parabat aquam, atque in alueolum in quem ipse lauaturus intrabat, infundebat summa cum libertate, parique omnium commodo, citrà aliorum obseruationem, aut impedimentum: vt probè delineatum cum omnibus suis loculis, & partitionibus, exhibet Caporalis in suis ad Vitruuium Commentarijs. Sed vide quæ diximus in sudationibus, & vniuersim, in balneis.

- 15** **TEREBRA** machina erant olim bellica, in genere tormentorum, ad labefaciendos muros vrbis obsessæ, forma non multum distans à testudine arietaria, sed vsu valde diuerso, quippe quæ non impetu mœnia peruadebat, sed propius accedens, ferreo stipite trifulco in capite, muros perfodiebat perpetua circumuolutione, intus in machina quæ illum circumferebat, disposita: cuius imaginem & modum agendi exhibent Hero Mechanicus, & Lipsius in Poliorcet. lib.

lib. 3. Hodie post inuentas bombardas, cessit in bellicis huiusmodi machinamentum, vti, & Aries; sed mansit in operibus pacis, estque non tam vulgare, quod omnium Mechanicorum, ac fabrorum manibus teritur, instrumentum; quàm nobile omnium ferè mathematicarum disciplinarum subiectum, in quod singulæ suas partes conferunt, miroque effectus, conditionesque expendunt. Quas demirans Pappus in Collectan. Mathemat. lib. 8. hæc habet, dum in ea cochleæ simul, & vectis, & cunei, complexas simul operationes considerat. *Terebra*, inquit, *habet nescio quid cochleæ*. Dum enim mouet pondus, scilicet dum perforat, ex sua ferè natura semper ulterius progreditur; habet enim helices tamquam circa conum descriptas. Quoniam autem verticem habet acutum, ad cunei quoque rationem commodè referri potest. Eius inuentionem Dædalo tribuit Plin. lib. 7. cap. 56. vti & ferræ, & ascie, quibus ligna finduntur, aut dedolantur, quæ quidem cognatæ sunt, & ex eodem principio procedunt; verum terebra longè mirabilior & operosior. Verum tamen est, quod eius aëritas vsu magis, quam ratione conperta, est; nam antiqua terebra, quam adhibebant, & solum nouerant veteres agricolæ in scrobibus fodiendis, & surculis insitandis, præuia aduisione adigebatur, vt testis est Columella lib. 4. cap. 29. vt iam eius vis ignis corrosioni tribueretur, ac proinde non magni fieret instrumentum. Ex quo Baldus in Lexico Vitruuiano deridet, & fictitiam proclamat terebram bellicam, quæ vim haberet muros ex se simpliciter perfodiendi. At enim vsu, & ratione postea compertum est, totam vim instrumento inesse, in se vno continente actionem, vectis, & cunei. Cæterum tota virtus in versatione consistit, vt notat Aristoteles in Mechanicis, quæ æquali, & constanti ductu partes quas rangit excindit, ac detrahit: vnde à versatione *ῥοπή* à Græcis dicitur: à quibus nos vocem niutantes *Trapanum* appellamus. Quod signatè est instrumentum illud, quo potissimum vtuntur Chirurgi ad perfodienda ossa & crania perfracta, ad saniem, & corruptum sanguinem excernendum, illas cæteris partibus: nec non tornitores & fabri, ad sua opera polienda. Hæc autem, vt supra dicebam, tereti ligno vel ferro bifidam, vel trifidam cuspidem habet ex chalibe, aliquando acutam, aliquando obtusorem, quæ in perforandum opus immittitur, tum plumbeus orbis ad librandum motum traiectionis in medio constitutus, per traiectam regulam ad cuius extremitates funiculus alligatus est, qui transiit per styli verticem perforatum, qui interum agitatione instrumenti quæ manu fit pressione, & eleuatione, per styli longitudinem circumuoluitur, & illum aptat sua cuspe ad subiectam materiam perforandam.

Alte-

Altera est terebra simplicior & vsualis, solo ferreo vera terminante, in cuspidem contortam ad modum spiræ, & acuminatam; & ligneo manubrio ad commodiorem versationem, ad alterum extremum, constans, qua ligna traieciuntur & erasa ad singulos ductus materia ad iustam eius mensurâ foramina efformantur; hancque nos Terebellam, (Italicè *Triuelino*) vocamus. Vtramque ortum duxisse ab Heronis Terebra bellica murorum expugnatoria, tradit Barocius in scholijs; quamquam verosimilius hæc ab illis processit, cum longè antiquiores, & ad manum promptiores extiterint, cum vel ab ipso mundi exordio vsu tibiarum in tripudijs; & cantionibus habeamus, quæ profectò non nisi per terebram elaborari queunt, ut notat Ouidius. Faistor. 6. ubi facit Minervam tibiz inuentricem.

*Prima terebrato per rara foramina buxo,  
Vt daret effeci tibia longa sonos.*

Et alioqui terebræ, & tibiz mentionem facit Plinius lib. 7. cap. 56. earum vsu antiquissimum astringens, & illius inuentorem perhibet Dedalum, huius autem Midam in Phrygia.

16

TERMINI, seu FINES (sic dicti) *Planetarum*, apud Astronomos, sunt certi quidam, ac limitati gradus, intra quos, vsu probauit Antiquitas, & ratione postmodum euicerunt acurissimi nostri temporis Astronomicarum rerum, è vero Philosophiæ penu indagarores, repertos aliquando, hos & illos planetas, fortiores euadere, ac perinde in loco sui iuris, dignitatem aliquam obtinere, quæ quidem computatur vna ex quinque essentialibus, Domicilio nempe, Exaltatione, Trigono, Terminis, & Facie, seu configuratione ad Luminaria, quarum Tabella apud omnes in Isagogicis prostat. Circumferuntur autem in duplici differentia: alij, quorum distributio Ptolemæo tribuitur, quam ipse Chaldaicam vocat, accommodatam ad triangulorum gubernationem: alij ab Aegyptijs instituti per ordinem & respectum ad Domicilia; & vtriusque distributionis Tabellâ affert ipse Ptolemæus lib. 1. cap. 18. & 19. quas & examinat, & in finem concludit, *Chaldaicam rationem simpliciore esse ac probabilior, Quamquam*, subdit nec hæc quidem concinna est, cum in serie, quem *fuit à triangulorum dominis, cum in numero, ut sine annotatione sua cuique regio attribui possit.* Attamen Aegyptiorum ratio, utpote rationi magis consona, & (quod hac in re maximè attenditur) plurimis, raròque fallentibus experimentis fulta est, communiter recipitur ab Astronomis, in hoc vno à Ptolemæi Canonibus discedere, non dubitantibus. Porro ab hac prærogatiua excluduntur Luminaria, quoniam ipsa sunt potius ratio eius in reliquis erraticis sta-

tuen-

euenda, per respectum quem istæ habent ad eorum domicilia; & illa suis lationibus habent generare primas qualitates, ac sua luce gradus maioris intensiõis constituunt, qui in coloribus, quos Planetis inferioribus communicant, patefunt. Quamquam Campanella lib. 1. cap. 7. aliam rationem assignat, cur Luminaria hanc prærogatiuam assumere dedignentur. Quia profectò inquit, terminari est specificare effectum, Luminaria autem genericè se habent, & generaliter operantur: quod ideo omnia signa à Leone in Capricornum sunt fines vniuersales Solis, quemadmodum à Cancro in Aquarium, Lunæ. Sed non vacat in hac re discutienda (de quâ fusè aliàs pertractauimus) diutius immorari.

TERRA Vniuersi istius Centrum ac basis, suprà quam reliqua elementa insident, & circa quam Cælestes Orbes rotantur: vnde ait Poeta. 17

*Ponderibus librata suis, immobilis hæret.*

Efformat cum Elemento Aquæ vnum corpus sphæricum: cuius rotunditati non plùs officiant montium altitudines, valliumque profunditates, quam in Aurantij pomo, tuberculi. Id quod magno Diuinæ providentiæ consilio factum putandum est; quò homines ibi, & animantia commodè sistere possent, & omnem plagam, regionemque inhabitare: quandoquidem cum primùm creata fuit, ex se vnum globum efficiebat, vndique mari circumdata (quòd aquæ naturaliter suprà terram feruntur) atque adeo non erat, vbi homo, & animantes tigerent pedem: vnde summus Opifex, vt habetur Genes. 1. imperauit, & dixit: *Congregentur aquæ in locum vnum, & appareat arida.* Ex quo, illic plurimæ eius partes auulse sunt, & amplissimos sinus aperuere, in quos aqua diffunderet, ac reflueret; itaut, quantum terræ in montes abiit, & eleuata est, tantumdem cessit in cauitates, quæ aquarum receptaculum, & alueus essent, vti Nautæ, & Geographi, factò sæpius per Hydrometrũ examine, experti sunt. Nec proinde Terram in hoc statu quiescere visã est, ostendens, se quodãmodò in statu violento reperiri, proindeq; semper niti ad suam primigeniã constitutionem redire, non leuiter indicant continuæ montium corrosiones, locorumque humilium repletiones sensim factæ, quibus manifestè euincitur, terram omnimodam complanationem suam affectare. Testantur id Vesuuus, aliique igniuomi montes excisi, nec adeò excelsi quantum erant prius temporibus; & signatè, cum illuc Plinius eius cauitatem exploraturus accessit; cum aquarum è cælo cadentium alluiones, quæ eorum altitudines semper imminuunt, ac torrentes qui saxa, &

Y y y y

arc-



arenam comminutam in valles importat: Tellantur Oceani, & Maris superi repletiones; præsertim, vbi Aquileia, Adria, Patavium, Rauenna &c. olim ad mare erant, quæ tamen vrbes hodie, ob vulcani terræ aggestionem, valdè ab eo distant: & econtrà in mari Balthico, Danico, & Hollandico, vbi terra depressa est, illudque ex repletione sui aluci impotenter assurgere, & quandoque integras videmus prouincias assorbere. Sed ne longius euagemur, probant hic Romæ ædificiorum fundamenta in summis collibus superextantia, ac denudata; atque in eorum radicibus, solum enormiter elatum: vt proinde clarissima ibi ædificia, Colossæum, Arcus Septimij, vetustiora templa, ex illorum attritione penè obruta, ac sepulta. Vt proinde vel ex eo manifestè appareat, terram non semper hunc positum, & figuram, quam nunc temporis obtinet, habuisse, nec olim in fine sæculorum habituram, sed eò tandem reductum iri, vt tota ad pristinum statum complanetur, marique operiatur, fiatque ideo inhabitabilis, vnde vastatio instet, & Mundi finis.

18



Est ergò Mundi centrum Terra, nouissimo loco, & abiectissimo posita, vtpote cæteris partibus crassior, ac despectior; nullo motu, nulla in alias partes actiuitate prædita, sed subiectum prorsus passuum, in se recipiens cæterorum agentium ac potissimum Cælestium luninum operationes, & influentias. Nec ideo quod suprâ, cum Tychone statuimus, Solem esse Planetarum, qui sunt nobiliores, & ampliores Vniuersi partes, fixum centrum, circâ quem omnes rotantur in suis Orbitis; ab hoc situ, & centri conditione, terra deturbanda, est: quandoquidem in diuerso longe ordine & ipsa nihiloseciùs centrum est. Nam, vel ratio Centri sumitur, quod sit partium, quæ circâ sunt, meditullium, fixum immobile, quod nil habeat operari extra se, sed omnium operationes in ipsum confluant, ac dirigantur: vel pars potissima quæ omniū actiones regat, in medio sita, ex quo cunctis præstò sit, & æquè viuificet, motus attemperet, modereturque, Si primum, terra id vtiq; est; & rationabiliter dicitur: si secundum; nulli dubium, quin Soli hæc prærogatiua computat, quando ipse (vt in loco diximus) Mundi, velut Anima est, omnia viuificans, omnia regens. Quod quidem ex analogia Microcosmi ad Macrocosmum colligi potest. Etenim in homine, si centrum sumamus pro nobilissima parte, quæ sit fons vitæ, & initium ac regula omnium motuum; eiusmodi est Cor, totius corporis principatum tenens, atque in situ, non quidem omnino medio, vti centrum ad peripheriam, sed excelsò, & congruo; è quo possit cunctis membris vitam infundere, motusque regere, & moderari: si partem abiectissimam intelligere velis, in meditullio collocatam, in quam omnium

ope-

operationes terminent, & quæ passivè tantùm se habeat, atque in se recipiat aliorum membrorum motus, & ministeria; is est umbilicus, & venter, ex se immobilis, piger, & segnis, cuius est solum ingesta alimenta concoquere, digestaque per sanguinem in alia derivare, ceterà immunditiarum sentina, & parvi istius Mundi Cloaca. Atque adeo Sol vicem Cordis tenet in Mundo, Terra ventris, & Umbilici, vbi Infernus est omnium centrum vilissimum, & abiectissimum, impijs ad luendam malorum vindictam, pœnitentibus ad purganda crimina deputatum. Sed hæc ex occasione obiter dicta sint, non tamen omninò à Mathescos diducto tramite exerrantia.

Credibile est, terrestrem globum illuminari à Sole, non secus ac Cælestia corpora, quæ item in seipsis opaca sunt & densa, sed à Solis radijs ad ea terminantibus, illuminari. Quamobrem, si quis extrà telluris superficiem, aliquantò remotius histeretur, vtpote in Orbe Lunæ, eam perinde ac ipsum Lunæ corpus spectaret, suo lumine plenam, corniculatam, & orbam: vt, præ cæteris astruit Galilæus, qui siderum affectiones, ita rimatus est, vt exinde nil nobis imperitum, nil inopinabile relictum fuerit. Notavit enim inter alia, Lunam in novilunijs non nihil habere luminis, ea parte, quæ Soli obversa est, atque idcò ab eo lumen illud mutuari nullatenus potest, igitur aliunde provenire non potest, quam ex reflexu luminis secundarij, sibi à terra, in Solis oppositione illustris, communicati.

Cæterùm terreni globi magnitudo non æquè ab omnibus traditur, imo quot capita, tot sententiæ; vt videre est apud Ricciolum in Almagesto lib. 2. cap. 7. Causa tantæ diversitatis, tum ex diversitate assumptarum mensurarum provenit, tum à terræ ipsius inconstantia & inæquabilitate. Equidem, vt notat Blancanus in Sphæra lib. 4. tr. 3. cap. 5. cùm terra non semper in eodem statu permanferit, sed successu temporis aquarum alluvione decreuerit, seu magis ad complanationem montium accesserit, hinc factum fortè est, vt eius mensura semper minor, & minor inuenta sit. De qua re videndus est ipse Ricciolus in Scholijs, qui fusè eam examinat, & ad finem concludit, globi terraquei diametrum esse Milliar. Ital. 10348. Circumferentiam, 32512.

TERREA SIGNA appellantur in Astronomicis, quæ terreis qualitatibus pollent, nempe frigiditate, & siccitate, quas proinde promouent in sublunarijs hisce. Talia sunt Taurus, Virgo, & Capricornus, quæ constituunt Trigonum terreum. Ex quo fit, vt dicantur

Yyyyy 2

tur

tur etiam Feminina, quia in ijs præualet siccitas frigiditati. Ob idque Planetis femininis dantur in regimen, Veneri nimirum & Lunæ, huic trigono præsidentibus: & quidem Lunæ de nocte, Veneri verò de die. Obseruat autem Ptolemæus lib. 1. Quadrip. cap. 16. hunc trigonum esse præ cæteris australiorem, ob dominatum Veneris; quæ proinde ex ea parte ciet ventos calidos, & humidos; sed propter Saturnum, & Mercurium, qui habent domicilia in Capricorno, & Virgine, admittit etiam Subsolanum. Quæ verò regiones, prouinciæ, & Cinitatis subsint huic trigono terreo, docet Ptolemæus lib. 2. cap. 2. & earum Catalogum habes apud omnes ferè Cosmographos, & eos qui de Cælestibus agunt.

- 22 TERTIARIVM, obscurum satis vocabulum apud Vitruuium, nec facile ab Expositoribus intellectum, quippe quod, nec facile ab alijs Scriptoribus inuenies vsurpatum, nisi adiectiuè in ponderibus, & mensuris; vbi, teste Budzo, tertiam partem alicuius quantitatis siue continuæ siue discretæ significat. At substantiuè acceptū quid signatè in opere architectonico denotet, non satis constat: de eo enim ita loquitur Vitruu. lib. 4. c. 7. cū de tecti contignatione agit: *Supra fastigium columen, cantherij templa ita sunt collocanda, vt stillicidium tecti absoluti tertiariorum respondeat*. Eruditissimus Turnebus ita rem accipit lib. 11. aduersarior. cap. 4. vt existimet proiecturam stillicidij eousq; deduci debere, vt in eam, tertiam tecti partem infumas. *Vt si, verbi gratia, inquit, latus tecti totius duodecim pedum sit, quatuor stillicidio tribuantur, vt procul à structura, & parietibus imber cadat: Tertiarium enim tertiam partem significat, & Quartarium quartam partem*. Verum non satisfacit, & (vt benè aduertit Bernard. Baldus) contrà symmetriæ leges id fieret, & valde exorbitans, atque aspectu ingratum euaderet stillicidium, siue subgrundium, si totius tecti (maximè in amplissimis ædificijs) tertiam partem sibi assumeret, & profectò inconmoda & valde periculosa foret ista proiectio. Non igitur hoc intellexit Vitruu. sed potius (vt ex contextu colligi potest) vt totius tecti contignatio ita conformetur, vt fastigij columen quod in fronte est, & cantherij qui ad latera, respondeant tertiariorum, hoc est, omnia simul abeant in trigonam figuram, itaut tigna cum transtris, quæ à tecti culmine, vbi à media & culminari columna, scū erecto tigno sustentur, ducta hincinde in vtrumque latus ad frontem ædificij vsque ad cantherios, repræsentent triangulum æquicrurum per mediam columnam in duo scalena diuisum. Et ita locum interpretantur Cæsarianus, Barbarus, & Philander, apud quem postremum, in hunc modum ipsum Tertiarium delineatum videbis.

TESSERA, alia militaris est, alia ciuilis. Ciuilis in Geometricis intelligitur Cubus, hoc est figura omni ex parte quadrata, quales sunt, & specialiter hoc nomine insigniuntur, officuli, vulgò *Dadi*, quibus in alucolo luditur, singulis lateribus per ordinem numeralibus punctis notati, itaut duo aduersa latera vnita, semper septenarium numerum compleant, & in quancumque partem incubuerint, immoti consistent, & numerum fortuito in ijs incidentem profertant: quibus patentibus cum subiectis latentibus collatis, ex plurimorum iactu circulatores plebi imponunt, & numerum ex tota summa collectum, quasi quoddam arcanum diuinant. Sed in Architectura, tesserae & tessellulae audiunt quadrati lapilli, qui in stratis pauimentorum, & in opere musiuo adhibentur versicolores ad gratam, quandam, ceu picturati alicuius operis speciem, oculis exhibendam. De his præcipit Vitruu. lib. 7. cap. 1. *ut ad regulam, & libellam exacta pauimenta struantur, sine scetilibus, seu tesserris*. Duo quippe genera proponit superinducendi in pauimentis, supra nucleum ultimam Crustam: aut ex lato, & complanato lapide, aut ex tesserris, & scetilibus. Et quoad hæc quidem, ait: *Si scetilia sint, nulli gradus in scutulis, aut trigonis, aut quadratis, seu fauis extant, sed coagmentorum compositio planam habeant inter se directionem*. Tum de Tessellatis subdit. *Si tesserris structum erit, ut ea omnes angulos habeant aequales, nullibique a fricatura extantes. Cum enim anguli non fuerint omnes aequalis plani, non erit exacta, ut oportet, fricatura*. Ex quibus clarè deducitur, ipsum Lithostrota pauimenta ab Asarotis, ac tessellatis distinguere. Quod fortè non intellexit Philander, qui in notis, ita rem explicat. *Pauimenta a principio picta fuerunt; postea facta sunt lithostrota, idest tessellatis lapillis strata, quorum fit mentio apud Varro-nem, & Plinium*. Per scetilia, intelligo scetlas paruas marmoreas cru-stas in varios interdum colores, idest opus amussatum, siue musiuum. At contrà, lithostrota ex scetis marmotibus fiunt, siue grandibus, siue minutis, in quancumque formam veniant & operi congruant, cru-stulis. Musiuum verò fit ex quadratis tesserrulis versicoloribus, ut pluri-mum vitreis, & inauratis, ita dispositis, ut aliquam figuram quasi picturatam referant, ut passim videmus in antiquorum pauimentis, quorum reliquiae adhuc extant. Melius, ergò, meo iudicio, Baldus: *Ego contrà, inquit, tesseras puto ad opus musiuum pertinere; scetilia verò marmoris, esse quadrata grandia. Certè Latinis, Tessera est forma cubica, (Dadum dicimus) unde & opus tessellatum dicitur quod eiusmodi formæ lapillis sit compactum, hoc est ex parnis tessellis quadratis in va-rios colores tinctis*. Hæc Baldus. Sed de hac controuerfia aliàs fusè egimus, & vide quæ diximus in V. *Lithostrota*, in V. *Musiuum opus*,

in V. *Quadrataria*, & alibi, cum de pavimentis sermo incidit.

- 25 At verò *Tessera militaris* longè celebrior est, & denotat signum à Duce militibus datum, quo socij, præsertim de nocte, tuto inter se communicare possent, & ab hostibus eorumque exploratoribus discernerentur. Tria quippe sunt signa militaria, ad quorum directionem, & nutum totus mouetur exercitus, & omnia militaria acta complentur; videlicet Vocalia (vt aiunt) & Muta. Muta præcipue sunt Vexilla, quæ etiam publica, & patentia vel ipsis hostibus, velo sericeo, & aliquo symbolo connotata, quæ copias præeunt, & quo pergendum sit, innotescunt: de quibus in loco dicemus. Horum loco, Turcæ modò caudam equinam erigunt, præsertim quando Sul-tanus, aut Magnus Visirus expeditioni præest; modò vela sericea, & cidaris pennata, turcicisque characteribus, sententiam aliquam ad rem appositam referentibus, exarata: in quorum haltis corniculata Luna, Imperij insigne præfixa est. Nostri contrà vexilla, Crucis salutari signo in apice fixo, sacrata, in prælium portant, iisque amplissima vela sericea in aëra expandenda affixa, in quibus Regium stemma, ductorumque simul expressa, cum aliquo symbolo militibus ad fortiter pugnandum erigente, quale erat quod in vexillo regio, Ioannes Austriaeus Supremus Belgij gubernator, cum ad Gemblacum primum prælium cum fæderatis Belgis commissurus erat, expressit in hæc verba, sub Crucis signo descripta. *In hoc Signo vici Turcas; in hoc hæreticos vincam*. Sunt & alia muta signa non ita publica, & patentia, quæ Exercitus moderator, aut Arcis gubernator suis assignat ad aliquid significandum, quod ipsis tantummodò innotescat, aut in armis, aut in vestibus, aut in gestu aliquo, in quibus intelligi vult, & suos dignosci, atque ab hostium exploratoribus intermixtis sæcerni, & insidias patèri. Signa verò Semi vocalia sunt, quæ per buccinam, tubam, aut tympana dantur, quæ item publica sunt, ac vel ad classicum concinunt, vel ad receptum, de quibus alibi similiter dictum. At verò signa vocalia, tesserae propriè sunt, quæ occultæ, & solis socijs dantur in symbolum, & humana voce exprimuntur; idque vt probè & cum totius exercitus, vrbis aut castrorum tuta custodia, munus suum obeant excubitores, & vigiles, sedulo incumbendo, ne hostes quoquo modo irrumpant, aut insidias moliantur, atque ideo non admonitos, & imparatos inuadant. Huiusmodi autem tesserae, data nomina quædam celebria, vt Iesus, Maria, S. Michaël, Victoria, Fortuna, &c. quæ singulis diebus variari debent, ne ex usu, ac frequentia, ad hostes, eorumque exploratores (fortè inter nostros dolosè versantes) penetrent; sicque excubitores decipiant. Olim huiusmodi tesserae dabantur à duce,
- vel

vel eius Vicario, singulis vespertis, & erat tabella in qua is scribebat mandatum, notabatque symbolum nouum, quod sequenti nocte volebat haberi pro tesserâ, vt habetur in l. 2. de orig. iur. ac Tesserarij vocabantur, quibus primo credita erat tabella tali notâ signata, qui debebat illam militibus per singula contubernia nunciare. Et Romani quidem, vt refert Polybius, eligebant vnum ad hoc munus ex decimo quoque manipulo, siue Cohorte, tam peditatus, quam equitatus, qui proinde ab agendis vigilijs & excubijs in stationibus immunis erat. Is igitur, Sole iam ad occasum vergente, adibat Tribunitentorium, ab eoque accipiebat signum ab Imperatore, propositum, ferebatque ad proprium Centurionem, qui subinde illud proximo Centurioni communicabat, hiequo alteri sequenti per ordinem, donec perueniretur ad primum manipulum, vnde Tesserarius excerptus fuit. Tum expleta die, ante Solis occasum illius manipuli Centurio obligatus erat referre tesseram ad Tribunum. Quod si omnes tesseræ distributæ, à Centurionibus ad Tribunum reportatæ fuissent, bene erat Tesserario, Centurionibus, & excubitoribus ad custodiam destinatis; signum quippe erat, iam tesseram, & mandatum ducis ad omnes peruenisse: sin secus, rigorosa fiebat inquisitio penes quem culpa stetitisset; & tunc in eum seuerè animaduertebatur. Hæc omnia ex Polybio, qui loquitur de Romanorum more. Cæterum apud alias nationes, id iuris erat supremo duci referuarum, aut Principi, quando præfens erat: & de ipsis Romanis refert Appianus, quod *Lucius Tribunus misit, vt Tesseram à Casare acciperent*. Quin & ipse Cæsar pluries affirmat, hæc & similia munia immediatè per se obijisse, & lib. 2. de bello Gall. de se ait, quod in subitaria pugna in Neruios suscepta, & Tesserarij munus, & Tubicinis, & Vexilliferi, omnia videlicet militaria signa simul, & semel, vnicò penè actu, & eodem tempore, in se, commilitonibus danda assumpsit. *Casari*, inquit, *omnia & no tempore erant agenda: vexillum proponendum, quod erat insigne; cum ad arma concurrì deberet, signum tuba dandum; acies instruenda, signum dandum*. Ad hæc vide Lipsium de militia Rom. lib. 4. dial. 12.

TESTUDO, communi architectorum vocabulo, dicitur in re ædificatoria, Opus concameratum, quod structis, ac dispositis in orbem lateribus, sese mutuò sustentibus assurgit, ac finit structura in fornicatum tectum, non absimile chelonio, seu regmini Testudinis animantis, vnde hoc ei nomen est inditum. De cuius ratione struendi, fusè agit Vitruv. Eam paucis describit Budæus penè ad oculum. *Testudo*, inquit, *duobus arcibus constat, in centro se secantibus: Quatuor enim*



enim arcuatæ pila inuicem transuerse, & crucem adfigurantes, testudinem absolunt.

Porro ab huius forma, vel à variagati, pluribus quasi scutulis, prædicti animantis integumentum, similitudine, Testudo etiam in re militari appellata est celebris illa scutorum connexio, quæ se milites in vnum conuenientes contegebant, & tutabantur à missilibus, saxis, & oneribus desuper ab obsessis iactis, cum ad murum suffodiendum, vel inscendendum appropinquabant. De qua Isidorus, *Est, inquit, Testudo Scutorum connexio curuata in testudinis morem.* Et quidem tam bene respondebat operi effectus, tantaque scutorum firmitas insurgebat, ut sæpè alios subinde bellatorum cuneos, & ipsos scutis similiter super capita exertis, supra se recipere, & sustinerent, & aliquando muri altitudinem, æquarent, facerentque, (nequicquam prædiiariis obstantibus) exscensionem. Quin & iuuentutis Romanæ mos erat, in Circo maximo ad sese in aggressionibus exercendum, huiusmodi Testudines efformare, tam firmas, ut equites, & currus desuper discurrentes fortiter sustinerent; ut referunt Stevvechius & Liplius, qui utriusque Testudinis formam probè delineatam spectandam oculis exhibent: authorque est Liuius lib. 52. hanc scutorum in Testudinem connexionem, inuentum Romanorum fuisse, & primò ad praxim reductam in ludis Circensibus, ad robur & fortitudinem ostendendam; At, cum postea viderent bene rem cedere, constituerunt in bellicis ac serijs certaminibus esse experiendam: sicque vnâ simpliciorem formam protrulerunt in campis patentibus, ubi circumfusi ab hostium numero, consilium ex necessitate arripere coacti sunt. Quare, receptis in medio impedimentis, & genu humi inhærentes, atque in vnum constipati, sese probè huiusmodi intentis scutis communierunt, quod cum stupori hosti esset ob rei nouitatem, & paululum subsisterent expectantes videre, in quid fabula conuerteretur; illi, cum modicum respirassent, illic surgentes, & animosè arma vibrantes, in attonitos barbaros irruerunt, & astu magis quam fortitudine profligauere. Factum bellè describit Luc. Florus lib. 4. cap. 10. de Romanorum acie loquens. *Deleta, inquit, relique copie forent, nisi urgentibus telis ad modum grandinis, quadam fortè docti procubuissent in genua milites, & elatis super capita scutis, casorum speciem præbuisent: tùm Parthus arcus inhibuit. Deinde Romani, cum se rursus extulissent, aded res miraculo fuit, ut vnus ex Barbaris miserit vocem. Ite, & bene valete Romani: meritò vox victores fama gentium loquitur, qui Parthorum tela ferris. Modum verò constructionis ad ictum oculi factæ, ac duplicem in bellis usum, tradit Dio apud eundem Lipsium. Impedimentis inquit, &*

*leni*

*Leui armatura, & Equite omni in mediam acceptis, Grauis armatura pedes illi, qui oblongis, & in cubi dimidiati modum, factis scutis utuntur; & extremis partibus tanquam in latericio opere, pro muro ponuntur, & reliquos omnes ipsi contra spectantes ambiunt. Cateri qui latiora scuta gerunt, in medio densi locantur, & scuta cum supra se, tum super alios attollunt, ut in tota phalange non aliud sit quam scuta cernere, & à telorum iactu omnes tutos esse, ob densitatem instructionis. Aded enim valide firman, ut & super eam homines aliquot ingredi possint, immò etiam equi, & currus agi, quoties in cauo & angusto aliquo loco constipantur. Hac est forma eius instructionis; & nomen à testudine capit, ob firmitatem, & quia optimè tegit. Vfus autem duplex est: Nam & in oppugnanda munitione aliqua subeunt, & sæpè in ipsum murum quosdam attollunt: Aut circumuenti fortè à sagittarijs, inclinant se omnes simul (nam & equi docti sunt in genua submittere se, & inflectere) & sic opinionem hostibus defutigationis suæ præbentes, ijs appropinquantibus, terrore iniecto, consurgunt, atque incurrunt. Hucusque Dio de Testudine temporaria, per milites scutatos, ad se ab hoste contutandum, momento temporis efformata.*

Aliam Testudinem militarem, dictam Arietariam habebant Antiqui 28 ad oppugnandum faciani, longè à præfata, & forma & vsu diuersam, sed ab incessu, & exteriori figura, quæ tardum illud animal imitabatur, & identidem caput exerebat, & retrahebat, & sub tegmine occultabat, hoc nomine appellatam. Erat enim machina ad currus modum compacta, quatuor subiectis rotis, veluti pedibus incedens, crudis animalium corijs vndique tecta, quæ intus, & militem, & pendentem arietem haberet; quo exserto, muros impeteret, & ubi opus esset, fossores educeret ad suffodiendum paratos, & si hostium telis ingruerentur, illico intus se in tutum reciperent. Videtis multiplicem eius formam apud Heronem, & Stevvechium.

TESTUDO quoque dicta est ab Astronomis, quæ aliàs Lyra, Fidi- 29 cula, Vultur cadens, &c. Sidus in Cælo ad borealem plagam, iuxta Aquilam, & Cygnum, idque proprio vocabulo, & antiquo, quo primitiùs appellata est Lyra, instrumentum musicum ab Apolline inuentum. Ferunt enim, eum aliquando casu incidisse in emortuam testudinem, cuius carne iam consumpta, soli nerui tensti, & exsiccati intra chelonium remanserunt, quare manibus præhensam, cum nerui digitis tacti non indecorum ederent sonum, in usum musicum vertit, & testudinem appellauit; quæ postea in rei memoriam, Cælo affixa est, stellis pro neruis ornata, quarum naturam alibi sub V.V. Lyra, & Fidicula, examinauius.

30 TETRACHORDVM Instrumentum est Musicum, à quatuor chordis quibus constat, agnominatum: vti Pentachordum, & Exachordum, &c. vsque ad Pentatechordum, quod quindecim chordis constituitur, & omnes tonos, & gradus musicos comprehendit, in quos Monochordum Veteres diuiserunt. Tetrachordum igitur prima radix, & fundamentum musicæ rationis olim fuit apud Græcos, qui in quatuor chordis, seu neruis variè tensis, ac remissis, attentæ etiam earum crassitudine, & extensione in longum, omnes consonantiarum differentias se comprehendisse arbitrati sunt. Namque collatis ad inuicem numeris, prima cum quarta, Diapason resonabat: mediæ verò ad extremas hinc inde relatæ, constituebant Diatasseron, & Diapente: Atque ita, ex multiplici, aut superparticulari proportionem, vsque ad quartam inclusiue, secundum grauitatem, & acumen, nunc ascendendo, nunc descendendo, in his per maiora, in illis per minora interualla, varièque collata ac dispersita, omnia modulationum genera sunt comprehensa. Etenim, vt alibi diximus, radices modulationum omnium ad tria genera reducuntur. Diatonicum, Chromaticum, & Enharmonicum. *Diatonicum* est quod per duos tonos, & semitonium procedit in ascensu; in descensu verò contraria ratione. *Chromaticum*, quod incedit per duo semitoniam, & semiditonomum. At *Enharmonicum*, quod per per duo semitoniam, minora, & ditonomum. Itaque, super his Musicæ fundamentis iactis à Græcis, postea Latini, ac moderni Musicæ professores construerunt Scalam musicam quindecim graduum interuallis distinctam, quibus dehinc alios tres phtongos addiderunt; adeoque in quinque Tetrachorda vniuersam modulationum rationem, & varietatem contraxerunt. Primum Tetrachordum dictum Hypaton, à grauitate sonus, continet quatuor grauissimas, & principales chordas. Secundum Meson, hoc est medium, constans ex medijs. Tertium Synnemmenon ex coniunctis (dicuntur autem coniunctæ, quando vnus tonus communis inuenitur ad duo Tetrachorda extensus, atque participatus in simili figura. Quartum Diezeugmenon constatur ex seiunctis, hoc est, cum prima chorda cum vltima terrij non communicat, seu quando inter duo continuata Tetrachorda in figura sinùlia, interponitur tonus, vnam ab altera separans. Quintum denique quod dicitur Hyperboleon, seu excedentium, constans ex chordis acutissimum sonum edentibus. Quare omnes istæ coitiones in coordinatione, quæ est inuariabilis, reducuntur ad grauem, & acutum. Graue reperitur in duobus Tetrachordis Hypaton, & Meson; Acutum in Diezeugmenon, & Hyperboleon, seu Diuisarum, & Excellentium.

31 Quoniam autem inter acutas est Nete, quæ participat de vtroque ideo

ideò naturam mutat, & variat subinde nomen: sicque ad quinde-  
cim antiquos phongos, adiecti sunt alij tres, Trite, Paranete, &  
Nete Diezeugmenon: itaut in Summa, inueniantur decem & octo  
phongi; quandoquidem Proslambanomenos, quod est basis, &  
primum fundamentum grauissimarum, à Tetrachordis communiter  
reij citur.

Hæc igitur est coordinatio, & respondentia quinque Tetrachor-  
dorum quam cum suis terminis, & vniuscuiusque valore dedimus ex-  
pansam in V. Monochordum. Nunc autem præstat eam repetere per  
singula Tetrachorda dispartitam.

I. Hypaton.	II. Meson.	III. Synnemmenon.	IV. Diezeugmenon.	V. Hyperboleon.
Hypate Hypa- ton.	Hypate Meson.	Trite Synneug- menon.	Paramese.	Nete Diezeug- menon.
Parhypate Hy- paton.	Parhypate Me- son.	Paranete Syn- nemmenon.	Trite Diezeug- menon.	Trite Hyper- boleon.
Licanos Hypa- ton.	Licanos Meson.		Paranete Die- zeug.	Paranete Hy- perboleon.
Hypate Meson.	Meson.	Nete Synnem- men.	Nete Diezeug- menon.	Nete Hyperbo- leon.
Coniunctar.   Inconiunctar.   Inconiunctar.   Coniunctar.				

TETRADORON, *Pentadoron*, *Diadoron*, Græcanica sunt voca-  
bula, quibus vititur Vitruu. ad indicandas diuersas species laterum  
coctilium, qui in structuris adhibentur; à palmorum numero quan-  
tùm eorum latitudinis aut altitudinis, definita mensura extenditur,  
denominatas, in ordine ad instam mensuram erigendorum parie-  
tum, & firmamentorum angulorum, in quos illi concurrunt, consti-  
tuendam. Siquidem *Doron* græcè, palmum significat. Adeò exacta,  
diligensque fuit, vel in minimis, Architectura Veterum, ut in ipsa ma-  
teria, quæ in structuram adhiberetur, exteriorem formam attende-  
ret, & numerorum conuenientiam; ne posteaquam operi applicita  
esset, in Villo deficeret, aut excederet! Igitur de his Vitruu. lib. 2.  
cap. 3. *Fiunt autem, inquit, laterum genera tria: vnum, quod græcè*  
*Didoron appellatur, id est, quo nostri vtuntur, longum pede, latum semi-*  
*pede, Cæteris duobus, Græcorum ædificia struuntur.* Verùm obseruat hic  
Philander, se Romæ, & etiam extrà urbem, vidisse in ruderibus, &  
adhuc extantibus veterum monumentis, Romanos non modò non  
solum Didoro fuisse contentos, & duo reliqua Græcorum propria-

Z z z z z 2

vlsur.

vsurpatie; sed etiam pro commoditate, aut gratia; maioribus, minoribusque esse vsos: atque, ne gratis eum quis hæc dicere suspicaretur, addit in indiuiduo, se extra portam Latinam, in quadam vinea inuenisse refoffas tegulas, latas quaquauersum pedes duos, & sexuncem, altas vncias duas, & trientem. Sed redeamus ad Vitruuium, qui ita rem explicat. *Quod est quoqueuersus quinque palmorum, Pentadoron: quod quatuor, Tetradoron dicitur: & quæ sunt publica opera Pentadoro; quæ priuata Tetradoro statuntur.* Didoron verò iam dixerat esse longum pede, latum semis. At Plinius contrà, vult Didorum in longitudine extendi, & ab ea nomen accipere: atque adeo, esse, latum pede, longum autem pede, & semis: siquidem sesquipes duorum palmorum extensionem adæquat. Ab utroque discedit Palladius expetissimus viciniorum temporum Architectus, qui docet, lateres eiusmodi, æquali mensura in formulis debere extendi, itaut in longitudine, duos integros pedes habeant, in latitudine vnum, atque, in crassitie, seu altitudine, ne superent, neque quid deficiant ab vncijs quatuor: sicque defacto videmus nunc in communibus laterculis praticari. Cæterum obseruat Barbarus, extra duo Græcorum genera, quæ iam abolita sunt, cuique liberum fuisse, mensuram longitudinis, & latitudinis alterare, prout materię qualitas, & operis ad quod adhibendi huiusmodi lateres erunt, ratio postulabit: Non enim id officit ordini Architecturæ.

TETRAEDRVM, Vide *Cubus*.

- 33 TETRANS græcè, idem quod Quadrans, quartam videlicet partem rei cuiusvis in quadruplum dispersitæ, significans: vnde communiter in diuisione Assis seu Libræ in duodecim partes æquales, quas dicimus Vncias; ex ijs tres in vnum collectæ, Tetrans, & Quadrans nuncupantur, idest quarta pars totius assis. Verùm Tetrantis Vocabulum pressius accipitur ad Vitruuium, & ceteris Architectis, & coarctatur ad significandum cathetum, seu lineam perpendicularem, quæ in Volutæ deformatione, in capitulis columnarum ordinis Ionici, à summo ad imum demissa, transiensque per centrum, secat diametrum ad angulos rectos, totamque circinationem volutæ in quatuor partes dispescit. Eas igitur lineas sic decussatas, quæ in quatuor angulis totam circinationem in quatuor æquas partes, seu quadrantes circuli diuidunt, ad distinctionem, & maiorem specificationem, Tetrantes appellat Vitruu. Sic enim habet lib. 3. cap. 3. modum tradens, quo per circinationem veniat describenda Voluta. *Ducatur ex centro rotunda circinatio, tam magna in diametro, quam una pars*

pars ex octo partibus, est. Ea erit oculi magnitudine, & in ea catheto respondens diametros agatur. Tum ab summo, sub abaco incipium in singulis tetrantorum actionibus dimidiatum oculi spatium minuat, donec in eundem tetrantem, qui est sub abaco, veniat. Quæ doctrina aliquantò obscuriuscula, & quæ demonstratione, quam alias dare promiserat, destituta est, sic à Philandro dilucidatur. Per centrum perpendiculari lineæ respondens, transversa linea agatur. Eas lineas vocat Tetrantes, quòd efficiant quatuor lineas paribus intervallis distinctas. Collocato igitur pede circini immobili in oculi centro, duc pedem mobilem à tetrante, qui sub abaco est, in proximum tetrantem extrinsecum. Prima linea longa erit partes quatuor, & dimidiam: sequens erit longa quatuor; à qua agetur linea in tertium tetrantem, cuius lineæ non amplius demittitur, quam sunt partes tres, & semis: à qua in quartum tetrantem circumacta linea non longior erit, quam sint partes tres. Rursus agitur linea in primum tetrantem, ubi ab abaco distat partes duas: deinde in secundum tetrantem, ubi à centro oculi distat partes duas: postea in tertium tetrantem, ubi intervallum est partis unius, & semis: inde in quartum tetrantem, ubi distat à centro partem unam. Postremo in primum tetrantem, ubi convenit cum oculi circumcurrente linea. Vides de tetrante in tetrantem minui quantum est medijs oculi spatium? id est quanta est media pars unius earum, in quas divisa est perpendicularis linea. Et hæc est rata, & fidissima Volutæ circinatio à Vitruvio tradita: quæ, quia exemplo caruit, diu torfit Architectorum ingenia in hac tetrantum distributione: quæque reuera nequit intelligi, nisi per praxim. Id quod suo loco præstabimus in Voluta, hanc quadrantum divisionem, & inde circinationem per partes actam, oculis exhibendo.

TEXTURINA, inter artes mechanicas, quæ manu, & ingenio exercentur, primas tenet, omnium ingeniosissima, nobilissima, ac reipublicæ utilissima: quippe quæ sui varietate, commodo, ac venustate, cæteras omnes sub se complectitur, ac veluti vectigales habet, quia & superiores sublimioresque mathematicas facultates, Geometriam, Arithmeticam, Staticam, Musicam, agnoscit magistras ac directrices; inferiores verò, & quæ ad praxim tendunt, Graphicen, Picturam, Architecturam, cæterasque artes his subalternas, in sui adiutorium aduocat, ancillaresque ac ministras habere, non inaniter gloriatur. Ut proinde de eius dignitate, id mihi assumere commodum venit, quod de Architecturæ præstantia pronunciauit eloquentissimus, atque grauiissimus Senator Cassiodorus, lib. 7. Varior. Decorum magisterium! propositum omnino gloriosum! in tam longas atque



tes mittere, unde te debeat posteritas admirata, laudare. Quidquid enim aut instructor parietum, aut sculptor marmorum, aut aris fusor, aut camerarum rotator, aut gypsoplastes, aut musinarij ignorat, te prudenter interrogat; & tam magnus ille fabrilis exercitus, ad tuum recurrit iudicium, ne possit aliquid habere confusum. Quippe hæc suis muneri-  
bus, ac diuitijs gloriosior; si stamina subtegmine vincit, & insilibus subsultantibus arctius premit ac stringit; quasi choreas ducens, aut liciorum aciem instruens, telas artificiose componit, humano vsui tam necessarias. Si peristromata exornandis magnatum aulis (unde & aulea audiunt) varijs imaginibus cõfigurata textit, palmam picturæ proripit, & Geographiæ æquè, atque Historiæ vices sub-  
bintrat, montes, maria, sylvas, locorum situs, distancias, præ-  
liares conficius, ad vitium oculis repræsentat. Si pavimenta cara-  
stomatris, ac tapetis conuestit, nunc viridaria exhibet, varijs flo-  
rum loculamentis distincta; nunc musuariam, & quadratariam, exerceret, fauis, scutulis, tesseleris, geometrica ratione positis, va-  
riegata, vt Asarota vel Lithostrota videantur. Si acu pingit, sculptu-  
ram & incisoriam imitatur, eò nitidius, & innocentius, quò matre-  
riam, quam leui manu punctionibus versat, non lædit, sed ornat. Si demum vestes, & stragula ad miraculum concinnat ac textit, non  
tam regis cultui maiestatem addit, quam Diuino numini litat; Tem-  
plis & Aris, & Sacrorum vsui, sua opera dedicando: vt vel ex eo, so-  
lum regijs manibus digna sit attrahari, vt quæ à Regibus ac Dijs ex-  
cogitata, maneat vsque adhuc Reginarum & principum feminarum  
in gynæceis, nobile exercitium. Mineruam eius inuentricem fabu-  
lantur Poetæ: reuerà tamen humanæ Sapientiæ partus extitit, &  
acumem ingenij, illam ex intimis Naturæ operatricis penetratibus  
educendo: de cuius multiplici ratione, fusè agit Plinius lib. 8. cap. 48.  
ac nedùm primos authores, sed & diuersas nationes, apud quas per  
partes ortum habuit, & maximè excelluit, laudat. Nam pexis,  
ait, aliena vestibus, & quam sola ars scutulato textu commendat, in  
Lusitania. Est & hirta pilo crasso, in tapetis antiquissima gratia: iam cer-  
tè prisca istis vsos, Homerus auctor est: aliter hæc Galli pingunt, aliter  
Parthorum gentes. Vndulata vestis primò è lautissimis fuit (quam Ca-  
iam Cæciliam Romæ inuenisse, suprâ ex Varrone dixerat, & in æde  
Fortunæ in anathema locatam) Togas raras, Phrygianasque D. Au-  
gusti nouissimis temporibus capisse, scribit Feneſtella. Prætextæ apud  
Hetruscos originem inuenere. Trabeis vsos accipio Reges. Acu facere,  
id Phryges, ideoque Phrygiones appellati sunt. Aurum intexere in ca-  
dem Asia inuenit Attalus Rex, unde nomen Attalicis. Colores diuer-  
sos picturæ intexere, Babylon maximè celebrauit, & nomen imposuit.

*Plurimis verò licjjs texere quæ polymita appellant, Alexandria instituit. Sentulis diuidere, Gallia &c. Porro, etsi virorum vt plurimum Textrium opus inuentum fuit; feminarum tamen (nec immeritò) laus, & proprium exercitium est; quod plurimum accuratioris, & studij, minimùm laboris, & operæ, summam autem munditiem, & concinnitatem requireret, vtrò delicatulo sexui amandarunt, sibi laboriosiorum, & grossiorum vsu retento. Id quod eleganter expressit Lucretius lib. 5. de Natura rerum, cum cecinit.*

*Nexilis ante fuit vestis, quam textile tegmen:  
Textile post ferrum est, quia ferro tela paratur,  
Nec ratione alia possunt tam lenia gigni  
Insilia, ac fusi radij, scapique sonantes.  
Et facere ante viros lanam Natura cõgit,  
Quàm muliebre genus: nam longè præstat in arte  
Et Sollertius est mulò genus omne virile.  
Agricolæ, donec vitio vterere seueri:  
Vt muliebribus id manibus concedere vellent,  
Atque ipsi potiùs durum sufferre laborem,  
Atque opere in duro durarunt membra manusque.*

Cæterùm ex hoc Lucretiano testimonio luculenter euincitur, Textrinam, etsi à virum solertia primùm profecta sit, dehinc femineo sexui, vtpote leuioris operæ, mollioribusq; manibus exercenda, fuerit demandata, ipsis ad alias duriores, & laboriosiores tantummodò intentis; non tamen inde vilem, ac despicabilem euasisse, nec minus Reipublicæ necessariam, cunctisque proficuum: quippe vel in eo, quod per otium & sine strepitu exercetur, summam applicationem mentis, diligentiam ac manuum dexteritatem, vt opus concinnum prodeat, & feminea sedulitate dignum, vt propterea non nisi in gynæceis à puellis, principibus feminis, ac matribus familias exerceatur: atque inde patet eius nobilitas, ac præstantia, quæ supra omnes artes, cum seruiles tum liberales, erigitur, & sublimioribus scientijs, dignitate ingenijque acumine æquiparatur. Ea secrete, & solitudine gaudet, quò rectior, tò innocentior ac fructuosior: modestiam venustati copulat, lucrum iucunditati, vestes texendo, & consuendo, pudori æquè consulit, & corporum incolumitati: quippe & nuditatem (tantopere honestis animis odiosam) operit, & ab inclementia frigoris & ardoris, membra contegit, ne lædantur. Sed & pluribus varijsque operibus intenta, omnium nedum necessitatibus, sed & commodis, ac delicijs præsto est, variaque bona suppeditat, quæ iucundam faciunt hominum societatem: nam & vestes pro qualitate locorum, temporum, & conditione tegendorum, com-

ponit,

ponit, tenues, crassas, villosas, lineas, laneas, gossipinas, holosericas, quin & argento, auro, margaritisque intextas, ad speciem variegatas, versicolorisque texturæ staminibus, ita inter se connexis, ut picturatum campum referant, miramque rerum varietatem. Hæc Sacris Altaribus litat, venerationem, & maiestatem conciliat; & purpuram texit, regalis dignitatis insigne, propriumque integumentum. Hæc stragula ad commodè splendideque cubandum parat; sulcis palatia diuitum vestit, ac diuersi generis lintamina operatur, abstergendis sordibus opportuna; Denique (quod maximum Reip. emolumentum est, & humanæ societatis vinculum) ex ijs vela conficiuntur, pro nauibus vtrò citroque ducendis, sine quibus Orbis ignotus esset, imperuius, desertus, incultus, cessante negotiatorum commercio, quo vita ciuilis alitur, populi sociantur, terræ ab vasto Oceano diffusæ vniuntur, & peregrinæ merces hæc illac, ad publicum commodum asportantur. Sed quis valeat huius operosissimæ æquæ, ac nobilissimæ artis vtilitates referre? qua destitutæ reliquæ omnes, torperent & in sua desidia manentes, conficerentur. Quare non immeritò, omnium gentium calculo, tot præconijs extollitur, tot laudibus, vel ab ipsis Sacris Paginis, oneratur. Nil mirum, si eius inuentionem Poetæ, Mineræ Iouis filiæ (verius Diuinæ sapientiæ, quæ ex ore Altissimi primogenita produiit,) attribuant. Si veteres Historici, eam Reginarum pensum faciant, quæ suis manibus, regijs filijs ac maritis, vestes construerent; si nulla tam celebris Natio aut Prouincia quæ non eius exercitio gloriatur, & ab ea nominis claritatem, questum, diuitias non comparauerit. Id quod vitio vertit Verri, & lucri auiditati, eloquentissimus declamator Tullius, quod *Nulla domus in Sicilia locuples fuit, ubi non textinam instituerit*. Et initio Orationis, eius auaritiam carpens, *Nego*, inquit, *in Sicilia tota, tam locuplete, tam vetere prouincia, tot oppidis, tot familijs tam copiosis, ullam picturam, neque in tabulis textilem fuisse, quin quæsierit; quin inquisierit, quod placidum sit, abstulerit*. Adeò in lucto, & æstimatione fuit textile opus, ut ex eo discere, negotiationi incumbere, artē propagare, Romani proceres non erubesceret. Stat igitur, *Artem textinam esse omnium nobilissimam, celeberrimam, fructuosissimam, quam frustrâ eleuare nititur in Eutropio, Claudianus, dum ei Consulatum inuidens, à Reip. administratione ac belli artibus auocat, atque, ut Eunuchum, ad muliebria exercitia, ac pen- sa inter puellas trahenda destinat, & emandat.*

*Quid te, turpissime bellis*

*Ingeris; aut sæuis pertentas Pallada campis?*

*Tu potes alterius studijs hære Minerua;*

*Tu telas, non tela pati ; tu stamina nescire ;  
Tu segnes operam sollers urgere puellas,  
Et niueam Domina pensis inuoluere lanam .*

Nimirum non tam Regium est, in belli instantia militem cogere, & acies ordinare ; quam in pacis otio, subtegmina voluere, & fila torquere : quod perinde est, ac Sciomachix genus, atque administrandæ, cum summa prudentiæ laude, Reipublicæ, adumbratio .

THALAMVS in magnificis ædibus, & amplioribus Magnatum, Palatij, audit secretior illa pars, siue conclaue, in quod Sponsi, post absolutam cœnam, ac relicto Triclinio, vel Gynæceo, recedunt, & cubitum vadunt. Etenim in his, pro maiestate loci, conuenit vt diuersi sint recessus, & cubicula, in quibus, hic publica negotia peragantur ; illic priuata, & semotis arbitris : hæc ampliora sint, ac decentius ornata ad excipiendos externos ; illa familiaria pro domesticis : hæc pro viris, illa pro feminis ; alia pro famulitio, alius locus pro educandis liberis destinatus, vbi liberè suis exercitijs vacare queant. Quod ideo, magna sedulitate Vitruuius singulas partes censet, lib. 6. cap. 10. exponitque quid singulis competat, & in quibus nostræ Italiæ ædificia cum Græcorum cœcis conueniant, in quibus discrepent. Et quidem, quod ad Thalamum attinet, sic loquitur. *Constituuntur Oeci magni, in quibus matres familiarum cum lanificijs habent sessiones. In Prostradis autem, dextrâ ac sinistrâ, cubicula sunt collocata, quorum vnum Thalamus, alterum Amphithalamus dicitur : circum autem in porticibus triclinia quotidiana, cubicula etiam, & celle familiaricæ constituuntur.* Porro Thalamus (vt dicebamus) sponsis, & coniugibus ad cubandum destinatus erat: Amphithalamus non longe positus, ancillis, & famulitio. *Neque enim (addit Philander) longius esse oportet, quàm, vt vocata, extemplò audire possint, & præstò esse, ad iubentis imperia.* Hoc Plinius Iunior, Procætion vocat: nos vulgari, sed satis expressiuo vocabulo, *Anticamera*. Sed de his alijsque Magni ædificij partibus ritè dispositis, vide quæ diximus in V. *Oeci*.

THEATRVM, inter publica, ædificia, ad totius populi concursum, oblectationem & hilaritatem ab spectaculis capiendam, apud omnes ferè Nationes, principem semper locum habuit, & à Græcis primum, mox à Romanis in Capitali Vrbe, atque in Colonijs celeberrimis, magnis sumptibus studiosissimè excitatum. Structura est amplissima, in hemicycli formam abiens, sedilibus circumquaque instructa, facili aditu, aspectu iucunda, commoratione grata, &

commoda ratione architectata; ut quæ inibi ageretur, æquè ad omnium aures, & obtutus peruenire possent, nec facilè vox, loci apertura, atque affluentium confusione, disperderetur. Quocirca non leuis est Architectonum cura & studium, in eo ritè ponendo, ac laus inde insurgens in Opere. Et Vitruuius quidem eorum Princeps, lib. 5. suæ Architecturæ, vbi de locis publicis agit, totum ferè insumit in præceptis tradendis circa Theatri aptum situm eligendum, de vasis in eo, ad vocis resonatiam ex rationibus musicis disponendis, de conformatione, & symmetria partium, de scenis in eo aptandis, de tecto ac porticibus amplis circa constituendis, &c. id quod sex integris capitibus accuratissimè exequitur: ut non tantam diligentiam adhibuerit in Aedibus Sacris, in Balneis, & Palestis; à quibus breuiter se expedijt. Ergò Partes Theatri sunt, Scena, Proscenium, Pulpitum, Orchestra, Podium, Gradationes, & commoda itiones ad cuneum respondentes. Sed antequam ad singula deueniamus, præstat eius originem, nominis etymon, & finem ad quem institutum est, ex aureo Cassiodori calamo, tradere. Is enim in Epist. ad Symmachum, lib. 4. Varior. hæc de Theatro habet. *Cum agricultores feriatis diebus, sacra diuersis Numinibus, per lucos vicofque celebrarent, Athenienses primùm agreste principium in Urbanum spectaculum collegerunt, Theatrum, græco vocabulo, Visorium nominantes; quod eminus astantibus, turba conueniens, sine aliquo impedimento videatur. Frons autem Theatri Scena dicitur, ab umbra luci densissima, ubi à pastoribus inchoante verno, diuersis sonis carmina cantabantur. Ibi ætus musicus, & prudentissimi sæculi dicta floruerunt. Igitur Scena est potior pars Theatri, ad quam auidè contemplandam, illud in hemicycli formam erectum est, itaut eius cornua extremam scenæ frontem contingant, hæcque ab vno ad alterum, antequam fabula ageretur, amplo velo à summo ad imum, quod Siparium dictum est, obtegeretur. Proscenium autem, locus est ante scenam expansum, in quem actores prodibant: Orchestra, adhuc antè proscenium, intrâ Theatri ambitum continebatur, infrâ quidem proscenium, sed à terra elatior, ut locus conspicuus foret, & prospectum scenæ non impediret: In hanc, ex Græcorum institutione, gesticulatores, & nimi consueti erant descendere, saltationibus, & symphonijs populum detinendo, antequam fabulæ daretur initium, vnde & nomen accepit: postea verò in Romanorum Theatris, is locus, qui inter scenam, & cuncos erigebatur, Senatorum subsellijs destinatus fuit, utpote, situ dignior, & ad spectandum aptior; Pulpitum autem suprà positum, in quod actores fabularum, & ipsi demum gesticulatores prodirent. Quod ideo notat Vitruu. cap. 6. quod eo loci, vbi scenæ*

frons

frons terminat, & præcidit Theatri curuaturam circinationis, du-  
cenda est parallela, *quæ disiungat*, inquit, *proscenij pulpitum, & Or-*  
*chestra regionem*: ita latius factum fuerit pulpitum, quàm Græcorum,  
quod omnes artifices in scenam dant operam; in orchestra autem senatorum  
sunt sedibus loca destinata. Sed de his, latius ac distinctius suis in-  
locis actum, & alioqui melius intelliguntur inspectione, quam quo-  
uis verborum apparatu: vnde qui exactam Theatri conformatio-  
nem, & singulas eius partes contemplari curiosus extiterit, voti  
compos fiet in Commentar. Barbari, & Caporalis, vbi elegantissi-  
mas Theatri delineationes inueniet, tam ad Græcorum, quàm ad Ro-  
manorum ritum.

Porro ab Theatro, Amphitheatrum & Circus, ad eiusmodi actio-  
nes, & alia ampliora exhibenda spectacula, diuersimodè emanant.  
Et Circus quidem (inquit Leo Albertus lib. 8. cap. 8.) *nil aliud fere*  
*est, quam Theatrum productis cornibus, in extensum lineis aquè distan-*  
*tibus, sed porticus adiunctas non habet natura sui*. Idque ex eo quod  
apertus erat, & vnicè ad curulia certamina, digladiationes, ac de-  
curSIONES ad metam, factus: vnde Ludi Circenses denominati, cele-  
bres apud Romanos historicos: ad quos, plurimi olim Romæ, facere  
excitati, quorum adhuc vestigia extant, vt Circus Maximus inter  
Montem Palatinum, & Auentinum; Circus Flaminius, & alij, de  
quibus suo loco.

AMPHITHEATRVM autem (sic dictum, quasi *duplex Theatrum*) 38  
erat vndequaque completum, hoc est, quod iunctis gradationum,  
cornibus, in perfectum circulum amplissimè extendebatur; in cuius  
arèa, spectacula edebantur, ab omnibus commodè per sedilia, &  
gradus circum dispositos, inspicienda. Et hoc perinde patens, &  
apertum erat, ac Circus; sed longè magnificentius, ac sublimius,  
quippe quod, vltra gradationes continuas ex marmore, ab imo vsque  
ad summum, in quibus reciperet ad septuaginta, & octoginta  
millia spectatorum; subtùs gradus habebat fornices, & arcus am-  
plissimos, in varios ordines, & receptacula distinctos, ad detinendas  
bestias, statis temporibus in medium ad pugnas, & spectacula pro-  
ducendas. Et extrà ambitum aræ, duplicatas, ac triplicatas porticus,  
aliasque super alias eleuatas, ad exteriorem prospectum, cum suis  
recessibus & itionibus, vt nil amplius ad magnificentiam, commo-  
ditatem & luxum, desiderari posset; prout contemplari licet, (nec  
sine lacrymis) in Amphitheatri Romani, & Capuani corrosis scele-  
tis, ac iucundius in Veronensi, magna ex parte adhuc integro, scilicet  
à ciuibus, vbi ruinam minari posset, identidem reparato, magna



cum ipſorum munificentia commendatione, vrbisque, aliàs ſplendidiſſimæ) nominis celebritate, ac commodo.

- 39 Sed, quoniam de Capuano Amphitheatro mentio facta eſt, nã mihi incuria, inuidia, aut inobſeruantia ergã dulciſſimam Patriam dabitur, ſi illud obiter tetigiffe tantum, & non in eius conſideratione, tantisper immorari, ſatis habuero. Eò maxime, quod diligentiſſimus Lipſius, ſedulꝯ antiquitatum inueltigator, de Amphitheatro integrum Tractatum agens, vbi de Romano, Veronenſi, ac Polano, aliſque inferioris æui ac notæ, latè diſſerit, de Capuano vix ei de famã noto, hæc paucula curſim addit. *Capua, Magnificum & è ſolido marmore*. Enimuerò non indiligentia hic cum arguere animus eſt, ſed temporum calamitatem deplorare, quod ſua maiestate iam deformatum, qualidum ac deiectum, vix in poſteriorum memoria viuat, & in exterorum notitiam vix nomine tenùs peruenerit. Vbi liceat mihi, quæ ſimiliter de Romano Amphitheatro grauiffimus Senator Caſſiodorus, ex mente Theodorici Regis, habet, ingerere, & exclamare. *Quid non ſoluas ò Senectus, quæ tam robuſta quaſſaſti! Montes faciliùs cedere putarentur, quam ſoliditas illa quateretur: quando & moles ipſa, ſic tota de cauitibus fuit, vt præter artem additam, & ipſa quoque naturalis eſſe crederetur. Hæc potuiſſemus fortè negligere, ſi non contigiffet talia non videre. Quare operæ pretium me facturum reor, & Patriæ ſimul dignitati conſulere, & maxime gratificari ſtudioſis antiquitatis, politiciſque Architecturæ; ſi illud è ſuis ruderibus, quantum licuit, erutum, in medium ſiſtam, atque ad priſtinam formam exſuſcitem.*

- 40 Ergò Amphitheatrum Capuanum, celſitudine, circuitu, & inſeſſorum capacitate, paulò minus Romano erat (vt erectæ adhuc eius alæ commonſtrant) ſed eo longè magnificentiꝯ, & ornatius; cum fuerit interiꝯ, & externis pario marmore, columnis exertis, & ſtatuis multiplicibus, ad ſingulas arcuum coitiones appoſitis, incurſatum: quando Romanum, è rudi tantum lapide Tiburtino, Dorico opere videmus aſſurgere. Aliàs vtrumque, vt teſtantur hiftoriæ, & ipſe ambitus, capax erat octoginta ſerè millium ſpectatorum. Porro eius, quod modò deſcribimus exterior facies, erat omnium deitatum (quibus à Tiberio Cæſare ſacratum fuit) efficiebus & ſimulacris ornata: itã videlicet, vt ſuperioris ordinis arcus, vultus tantummodò prominentes in vertice continerent; mediꝯ, atque infimi, ſemibuſta ad vmbilicum: at in Periſtilijs, mediſque ſpatiis inter aſſurgentes arcus, Telamones, & integræ ſtatuz ſubiectæ ordinibus feneftrarum. Quod ideo appellata eſt MAGNA DEVM HABITATIO. Sed & intus extructis cameris, diductiſque deſuper cel-

cellulis, commodum habitationi hominum locum dabat; in ijsque militiæ emeriti, & exantlatis pro rep. laboribus laſſi, de publico alebantur: à quibus acceptum nomen *Virilaſſi*, etiamnum apud vulgus durat. Ponè verò, & circum, erant Catabula beſtiarum, quæ ſubinde ad certamina, in mediam aream amphitheatri educebantur: è quibus adhuc vnum perſtat integrum, ad reliquorum ſpecimen, ad locum, vbi dicitur *Alli Catanoli*. Hæc ex ipſius Ortographia, quæ in magna aula Archiepiſcopalis Palatii Caput nouæ, deſcripta eſt, quamque ære inciſam, nuper publici iuris fecit Io: Petrus Paſchalis è Soc. Ieſu, quondam meus Magiſter, deſumpta ſunt: & planè reſpondent diſiectis, ac ſparſis vndique ruderibus ac monumentis, quorum maior pars exornandis ædificijs, ac Templis nouæ Caputæ applicata eſt. O, ſi noſtris progenitoribus, & conciuibus, qui poſt exciſam Capuam veterem ſucceſſerunt, ea incidiſſet gloriæ cupido, & in Patriam charitas, quæ Veronenſes inceſſit! profeſſo æternum ſtaret nobile Antiquitatis, & Capuanæ ſuperbiæ (quam tantoperè crûnjinatur Tullius,) Monumentum.

THEOREMA græcè idem ſonat, ac latinè Speculatio. Vox, quæ 41  
iam facta eſt Mathematicis omnibus propria, & vſualis; atque apud ipſos audit certa demonſtrationum ineundarum methodus, quæ in ſola ſpeculatione, ac veritatis, è ſuis firmis principijs indagacione conſiſtens. Etenim ipſi, diuerſa ac feliciore via ad ſuas conſclusiones deducendas procedunt, longè quàm Philoſophi, aliarumque ſcientiarum profeſſores, entimematis & ſyllogiſmis, quæ obſcura, nimis, incerta, tantummodo probabilia, & plures argumentandi modos, longæque circuitiones, sæpè ſophiſmatibus obnoxias, requirunt; vt ex Logicis manifeſtum eſt, & quotidiana probat experientia. At Mathematicæ diſciplinæ, via regali, plana, & ſimplici, veſtigioque nunquam fallente incedunt; & duplici veluti firmiſſimo ſcipioni innixæ, gradiuntur ad rerum, quæ propoſitæ fuerint, euidentiam oſtendendam. Altero nimirum, de quo modò ſermo eſt, Theoremate, quod in ſola ſpeculatione verſatur, examinando, & eruyendo ex principijs per ſe notis, quantitatis alicuius paſſiones, & proprietates, quæ ad rem faciant, & aliter eſſe nequeunt; ex quo euidenter deducitur id quod demonſtrandum eſt. Altero, quo proceditur ad ſolutionem alicuius quæſiti, practicè oſtendendo, illud eſſe faciibile & modum exhibendo, quonam pacto id aſſequi poſſit: Et hoc appellant Problema: quòd eius naturæ eſt, vt non tollat, quin eadem propoſitio, aliter atque aliter reſolui, ac demonſtrari queat, quemadmodum diximus in loco, vbi de Problemate incidit ſer-

sermo. Sic Theorema discurrit, & suam constructionem facit super data quadam hypothesi. Ut si dicas: *In quocumque triangulo rectilineo, duo, quicumque assumantur, anguli, duobus rectis semper minores sunt.* Vel si quis ostendere aueat, *quamlibet figuram rectilineam bis continere tot angulos rectos, quota ipsa est inter figuras rectilineas.* Hæc porro, & his similes propositiones, Theoremata sunt; quia fiunt in sola speculatione naturæ angulorum; qua spectata, propositionis resolutio non aliter iniri potest, quam partes simul conferendo, earumque proprietates, ac passiones à radice examinando. Quare benè Pappus utrumque demonstrandi modum, ex antiquorum communi acceptione definit, quod *Theorema sit quod proponitur in alicuius rei demonstrationem; Problema quod assertur in eiusdem propofiti constructionem.* Vide adhuc quæ diximus in V. Symptoma.

42

THERMAE, ex græca notione nil aliud indicant, quàm naturales quasdam aquarum calentium scaturigines, à fodinis per quas transeunt, varijs qualitatibus infectarum, quas Natura optima parens, & sapientissima Architectrix, toto Orbe diuersis in locis aperuit, quæ forent tamquam publica viuientium valetudinaria, ad morbos pellendos, & sanitatem gratis, & leui opera, consequendam: unde & Thermæ, & Xenix dictæ sunt, ut obseruat Tullius pro Cælio, quasi gratuita, & publica infirmantium Xenodochia. Has miræ virtutis plurimas habemus in nostra Italia (ut celeberrimas Spahanas, Mattiacas, Badenas, Burmienses in Germania, Sextias in Gallia; Quintianas, Leas, Calagurritanas, dictas de Molgyus in Hispania, Thermopylas in Græcia, aliasque innumeras toto orbe dispersitas præteream; de quibus fuisse Solinus, Strabo, Plinius, alijque Scriptores:) sed certè Italia eiusmodi Thermarum copia, varietate, atque præstantia, cæteris omnibus regionibus antecellit. Earum indicem nescit Andreas Baccius, in absolutissimo Opere quod scripsit de *Thermis*, atque ante ipsum, pressius, sed non minùs accuratè Bartholomæus Viotti à Cliuolo, Medicus Taurinensis, singularum naturam examinans, tradensque, ad quem morbum curandum quæque sint aptæ. In his liberalior quodammodò, & benignior extitisse videtur (ut & in soli fertilitate, & in reliquis) Natura, ergà nostram Campaniam, idcirco dictam felicem, alias *Terram laboris*, in Regno Neapolitano, vbi & Ager Puteolanus, & Aenaria Insula tota, his calentibus aquis scatet, suntque præterea mira virtute præditæ ad leuandas quascumque pranas corporis affectiones, ut quotidiana probat experientia. Sed his tam largis Naturæ donis

donis, hæc contenta humana ambitio, & luxus cupiditas; has, vel additis sumptuosis operibus ad delicias & voluptates, impiè temeravit; vel alias facitias excogitavit, omnibus illecebris plenas: ut iam non ad corporis salubritatem, atque munditiam, ac necessitatem factæ videantur, sed ad laxandas vires, & animi vitij inquinandum: unde est illud Homeri, Odiss. 7.

*Vt semper cordi nobis, epulaque, chorique,  
Cantusque & variae vestes, & balnea calda,  
Concubitusque &c.*

Enimvero Thermarum occasione, introductæ sunt Crapulæ, comessationes, ioci, lasciviæ, ad quæ loci comoditas, & licentia invitarent; nam & piscinas amplissimas ad natandum, & vnguentarias cellas, ad inungendum corpus post lauationem, & luctam, & xystos, & palæstras, & platanones, & stadia ad cursum aliasque exercitationes, legimus Thermis additas, apud Vitruvium, & Leonem Bapt. Albertum, in lib. de Architect. Quin & alicubi ad gulæ irritamentum, confertissimæ diætæ, & propinaria, & lectisternia ex auro, argento, gemmisque ornata, & ponè ipsa lauacra (si Senecæ fides, in his quæ ad Lucillum scribit) specularia undique disposita, ad pudoris exitium, ut nuda lauantium corpora, conspectantibus iuuenibus & puellis, essent ad libidinem incentiua. Id quod suis quoque temporibus viguisse, testantur, atque impensè deplorant D. Hieronym. & Clemens Alexandrinus, atque ante illos ex Ethnicis, Plutarchus in Symposijs, Macrobius in Saturnalibus, & quæ in luxuriæ complementum ponit Valer. Maximus, in pensilibus balneis à Caio Sergio institutis, lib. 9. commemorat: ut quæ ad corporis incolumitatem & cultum, prius constituta fuere; postmodum ad ingluviem, ebrietates, lascivias, aliorumque vitiorum fomitem, laxationemque abierint: id quod amaro sarcasmate notavit Satyricus, cum dixit,

*Turgidus hic epulis, atque albo ventre laenatur.*

Et Oratius,

*Crudi tumidique lauamur,*

ut profectò distento, nimio cibo potuque, corpore, cruditates curent aquarum calidarum fomento, vel siccis sudationibus excoquere, ut sitini & famem quærerent, indeque ad novas ingurgitationes redirent. Quod etiam in Cæsare capit Cicero, in Epist. ad Atticum: *Ambulavit, inquit in littore; post horam octavam in balneum, unctus est, accubuit, edit, bibitque opipare.*

Porro ab Syris, Medis, ac Persis, mollibus ac deliciarijs populis, transisse ad Romanos hanc Thermarum magnificentiam ac detesta-

stabilem usum, tradunt Thucydides, & Plutarchus: Ac de Persis quidem, addit Athenæus, eos adeò in hoc genere effusos perditosque fuisse, ut lege lata, præmia constituerent ijs qui nouum aliquod illecebrarum genus in Thermis, ad alliciendos populos excogitassent. Sed iam ad Romanarum Thermarum numerum, & magnificentiam redeamus. Eas, tanto luxu, amplitudine ac splendore fuisse à Cæsaribus Romanis exædificatas, testantur Aurelius Victor, & Ammianus, ut non iam magni alicuius ædificij formam, sed potius integræ urbis, quin (& citrà vllum Architecturæ terminum ac mensuram) instar alicuius amplæ prouinciæ speciem exhiberent: & in earum quidem censu, quæ circà Romam, & intrà urbem extarent, duodecim Imperatorias numerat; priuatas autem, quas sibi quisque ad vsu proprium comparasset, aut publicas, & gratuitas ad publicum usum à priuatis extructas, ascendisse ait Victor, ad DCCCIX. inter quas refert, M. Agrippam, ad publicum usum, CLXX. balnea erexisse: magnum Romanæ magnificentiæ, luxus, & procacitatis indicium. Nam, ut non minùs eleganter, quam verè Pontanus,

*Quid Therma, nisi lene, molle, mite?*

Pudet hic, quæ in his factitari consueuissè scribit, exscribere; ne lectione, castæ mentes offendantur: sed præstat adijcere, quod ex ijs tamquam colophonem colligit.

*Hanc legem sibi balnea addidere.*

- 45 Atqui edax tempus cæterà malignus, in his prouidus, ac beneficus, breui omnes solo æquauit, ut vix earum memoria apud Scriptores extet. Solùm de Thermis Diocletiani, quas amplissimo ordine, cum omnibus ad singula exercitia partitionibus, extruxit in Viminali, ad quas extruendas quadraginta Christianorum millia addixisse legimus; non contemnenda pars adhuc visitur, & vel è ruderibus, magnificentiam operis arguimus, & admiramur. Nec sine Diuini numinis prouidentia id factum reor: quandoquidem, & hoc qualecumque, tot martyrum felicissimi agonis, monumentum est, & in sacrum usum translatum, è totius illecebræ, ac deliciarum sede, atque compendio, Carthusianorum Patrum seuerioris vitæ Anachoreticæ professorum, nobile Cænobium factum est; in eoque pars integrior, quæ superstes fuit, in amplissimam ædem ad Dei cultum sub titulo S. Mariæ Angelorum conuersa, & nuper magnificentissimè exornata: ut quæ prius delicijs ac voluptatibus captandis destinata fuerant; postea Dei genitrici, Angelicæ puritatis primipilæ, & exemplari, deteriso pristinæ impuritatis nomine, consecrarentur: ac locus frequentationi, populi ludis, ac delicijs datus; macerationi corporis

poris, ieiunijs, vigilijs ac solitudini, optimæ innocentiz custodiæ deferuiret. Vt iure in eius loci vestibulo hæc inscriptio, ad perpetuam posterorum memoriam, exarata sit:

*Quæ fuerant Therma, nunc Templum est Virginis: Auctor  
Est Pius ipse Pater. Cedite delicia.*

Namque Pius IV. Pontifex is fuit, qui purgandum locum edixit; ac PP. Carthusiensibus ad inhabitandum donauit.

THERMOMETRVM, seu *Thermoscopium* (vtrouque enim nomine appellatur) nobile instrumentum, & organum non ita pridem inuentum, ad auspicandum in æstate, quolibet recurrente die, immo, & horarum momentis æstus, & e contra in hyeme, frigoris prævalentis intensiorem, aut remissionem, per humoris in eo inclusi rarefactionem, vel condensationem, ex cuius excresecientia, aut diminutione, in angusto, & oblongo phialæ collo, per descriptos inibi gradus contemplanda, venamur, ac metimur gradus caloris aut frigoris prædominantis. Pulchrum sanè opus & periucundum, ex abditioris Philosophiæ principijs erutum, ac mathematicis postea obseruationibus consummatum. Cuius inuentionem Sanctoro de Sanctorijs Medico celebri Patauino, tribuit Blancanus; Kucherus autem in Arte Magnetica explicat ac dilaudat, duplicemque methodum tradit illud allaborandi. Sed longe expeditius est quod nuper prodijt ex ingeniosa Florentinorum Academia; consistitque in simplici ampulla vitrea corporis orbicularis, & colli angustissimi teretis, & oblongi, per cuius extensionem extrinsecus signati sunt visibilibus notis, gradus ascendentes intensiorem, aut remissionis. Corpus autem ampullæ repletum est ad duas ferè è tribus partibus spiritus vini, aut puri, aut spectabili aliquo colore infecti, itaut minima eius pars, ac totum collum, omninò vacuum, hocque demùm desuper in orificio probè obturatum, vt nulla via aëri ad subintrandum, aut foras prodeundum relicta sit. Hinc exposita circumambienti externo aëri ampulla, ex retractione, aut exuberantia inclusi humoris ad collum, iudicat gradus intensiorem frigoris vel caloris, temperiemque dici. Porro varias eiusmodi Thermometrorum species in dies succrescentes, & feliciter excogitatas, enumerat P. Franciscus Eschinardus in suo Microcosmo Physio-Mathematico; & alibi hæc addit. *Florentia institutum deinde fuit nouum Thermometrum annis abhinc plusquam triginta, hermeticè clausum, percommodum, & minus fallax. Cum primò veni Florentiam, vidi hoc nouum Thermometrum paulò ante inuentum; suspicatusque id quod verè erat, curavi, vt fierent similia etiam in magna mole (tum ex per-*



feſſiſſimo ſpiritu vini, tùm etiam ex olco ſaxi, quæ duò maximè fluida ſunt, calida, & ſpirituofa) Peruſij, ac deinde etiam Romæ. Ex quo deinde factum eſt, vt ſuccedentibus artiſcibus, uno poſt alium, adhuc perfeuerauerit in præſens hæc ars Romæ. Quod idem curauim de phialis vitreis, pro examinanda granitate liquorum, quas etiam debemus Florentiæ. Interim iuſſu Magni Ducis Ferdinandi II. ſcripſi epiſtolam circularem ad omnes fere Mundi regiones, hoc eſt, ad ſingula primaria Collegia noſtræ Societatis, cum adiuncta capſula continente bina huiuſmodi Thermometra equalia, admonens Patres, vt notarent gradus caloris & frigoris, ſtatim temporibus, &c. Sed nescio qua de cauſa, non ſine damno reip. litterariæ, deperdita ſunt reſponſa circa hanc materiam. Fecerunt aliqui tubum, cuius extremitates hincinde rotundabantur in globos; ſed hoc Thermometrum ſiue ſit rectum, ſiue curuum eſt ineptum, & fallax.

Florentiæ item exhibitum eſt Thermometrum huiuſmodi. Nempe intra phialam hermeticè clauſam includuntur globuli vitrei immerſi intra ſpiritum vini: quorum grauitas ſpecifica ſerè æquatur grauitati ſpecificæ dicti liquoris. Hinc in æſtate liquor rareſcit, globulus aliquis (nam ſiunt inæquales) deſcendet. Contrà fit dum liquor ex frigore denſatur.

Hoc idem fit intra aquam vulgarem: ita tamen, vt globuli admitant per paruum foramen aquæ particulam, ex qua fiant grauiores; vel emittant, & hinc fiant minus graues. Admittitur autem aqua, cum aër ſuperſtans aquæ, rareſcit à calore; remittitur verò, cùm dictus aër à frigore denſatur.

Denique anno 1659. inſtitui pro Alexandro VII. P. M. qui aliquid eiuiſmodi à me expetierat, Machinam, in qua ex vi caloris, & frigoris vertabatur rotula: & inde indicabatur in circulo gradus caloris. Hanc machinam eodem anno typis mandauim, atque iterum nuper in Traſſatu de Impetu, anno 1684.

Hæc prædictus P. Eſchinardus; qui idipſum, & alia quamplura, (pro eâ qua præditus eſt humanitate) è ſua locuplete Mathematicorum experimentorum penu, ad noſtrum Lexicon ditandum, mihi oretenus communicauit.

- 48 THERMOPILAE in Geographia, & ſitu, & fama, & nomine celeberrimæ ſunt: ac propterea dignæ ſunt, quæ hic ſpecialiùs commemorentur: quales illæ ſint, vbi locorum poſitæ, & vnde demùm tantam nominis celebriratem apud Scriptores, nedum Geographos, ſed & Hiſtoricos obtinuerint. Sunt autem immenſæ cautes, & rupes abſciſſæ, montiumque abrupta iuga, anguſtam viam in græciam apertien-

rientia, exterum continuata à Leucade vsque ad Aegæum mare, ad Callidromum: vbi autem discontinuantur, & aditum aperiuunt, maior lartudo est sexaginta pedum, minor coarctatur ad triginta, & que sinuosa, aspera & præaltis saxis interpositis impedita, vt terrorem spectantibus incutiant, ruinasque & præcipitia ea superare tentantibus minitentur. Hæc transmittere in Græciam suum exercitum, constantem equitibus quadringentis millibus, peditibus septingentis item millibus (neque enim alius ei patebat aditus) parabat Xerxes Persarum Rex, sua potentia, & bellatorum numero tumidus, ianique viam securus tenebat; cum ecce tibi Leonidas Spartanorum Dux, cum paucis suorum manu, ad fauces hæsit, transitumque non modò impedit, sed in confertos hostes sese explicare ardua, tractare haud valentes, animosè insurgens; cū trecentis illis Spartanis, immensos hostium cuneos partim cecidit, partim dispersit, & agrè pedem referre valentes fugauit, adeoque Xerxis tumorem, ac superbiam fregit, vt rubore suffusus abscesserit, postliminiò rediturus iam non armis, ac fortitudini fidens, sed in prodicione, ac, dolosis artibus spem reponens, quibus & sui Ephialtis perfidia circumuentus tandem Leonidas, gloriøsè occubuit, nunquam in posterorū memoria moriturus. Rem fuse narrat Herodotus lib. 7. at paucis sed grauissimis verbis claudit, & celebrat Claudianus, in hunc modum.

*Ipsæ, quæ durius olim  
Resisterant Medis, primo certamine ruptæ  
Thermopila.*

Exinde famosissimæ redditæ sunt, nec fuit bellator, qui non eas videndi cupiditate exarserit, non Geographus, qui non accuratè descripserit, & summis laudibus commendarit. In his Strabo, & Ptolemæus, qui postremus de Græcia verba faciens, hæc habet. *Extremos montes ab Oriente ad Occasum extensos Oëtham vocant, quorum montium verticem Callidromum, per cuius vallem, in Malliacum sinum iter angustum est: cætera loca adeo ardua, & perplexa, vt ne expeditis sint pernia. Ideo Pila quasi Porta dicta; & à calidis aquis ibi nascentibus, Thermopila.*

THESMOPHORIA apud Athenienses, (vt testes sunt Herodotus ac Dioscorides) erant solemnia, & sacratiora quædam lectisternia, quæ Virginibus, & Matronis castitatem colentibus, siue adfectantibus, parabantur in ædibus ponè Templi Mineræ, ad hoc specialiter constitutis, vbi Sacra Cæleri fiebant, Palladique litabant, cubabantque propterea in lectis Vitice, seu Agni casti folijs conspersis.

Manet tamen obscurum, an vocabulum ipsis Sacrificiorum legibus datum sit, an locis ad hæc sacrificia deputatis. En Dioscoridis verba, ex occasione id referentis, dum de viticis frutice ageret, eiusque naturam examinaret, lib. 1. cap. 120. in Append. *Agnos autem idest casum, frutex hic à Græcis dictus est, quoniam in Thesmophorijs castitatem custodientes mulieres, folijs eius cubitum sibi sternebat.* Herodotus autem lib. 2. hæc habet. *Apud Saim in Templo Minervæ post totum delubrum, propè Minervæ parietem, atque in Fano, stant ingentes obeli, idest verna lapidea, lacusque contiguus lapidea crepidine adornatus, & circumquaque probè elaboratus, magnitudine (quanta mihi videtur) quanta in Delo, qui dicitur Trochoides. In hoc Lacu imagines suorum quisque affectuum noctu faciunt, quæ vocant Aegyptij, Mysteria. De Cæteris quoque initiatione, quam fieri, Thesmophoria vocant, hoc est legum lationes, absit, ut eloquar, nisi quatenus sanctum est de illa dicere, Danaï filias extitisse, quæ ritum hunc ex Aegypto attulerunt, eo-que Pelasgicas imbuerunt.* Hucusque Herodotus de huiusmodi Thesmophoriorum institutione. Ex quibus profectò liquet, turpia utique, & infanda hæc sacra fuisse, quæque prudens historicus enarrare, piaculum duxit: & iure quidem, nam propudiosa erant: quandoquidem (ut coniectari licet,) sub specioso castitatis velamine, quo, se Palladis Cæterisque sacris addictos de die, & in palam simulabant pietatem sanctius custodire, ad aucupandam populi æstimationem; de nocte, & in occulto, suorum quisque affectuum imaginibus impunè litantes, genio effusissimè indulgebant, quò plebi, prætextu religionis, imponerent, incautasque animas suis impudicijs irretirent. Et ò, non hodieque nostri temporis impudentissimi sicophantæ, nefanda hæc mysteria sub altioris contemplationis nomine, simpliciores animas decipiendo, ultròque habenas ad omnia vitia laxando, in Christianos cætus impiè traduxissent!

- 50 THOLVS in ædificijs est pars illa excelsior, in quam tota recti contignatio terminat, siue in quadrum, siue in rotundum, estque veluti centrum, & umbilicus operis testudinati, aut contignationis, in quem trabes in culmen conveniunt, aut testudo resolvitur in speciem conij, vel metæ. Hanc sacratiorem habebant in templis inanium Deorum, Antiqui; proindeque inibi donaria in anathema appendere consueverunt. Iuxtà quem ritum perbellè introducit Poëta Aeneid. 9. Nisum de Euryali salute sollicitum, ac propterea Dianæ sua vota sic nuncupantem.

*Tu Dea, tu præsens nostro succurre labori.  
Si qua ipse meis venatibus auxi.*

*Suspendine Tholo, aut sacra ad fastigia fixi.*

Nostri Architecti aliquantò latius verbum accipiunt, & eo indicant adiectitum opus & foras exiliens, & assurgens ad modum speculæ suprà concameratum hemisphærium, in cuiusdam cylindri formam, fenestellis per gyrum apertis ad necessarium lumen subiectæ areæ impertiendum. *Laterninum* vulgò nominant, eoquod laternæ vſualis speciem habeat, & fungatur officio: vti ipsam concamerationem, & hemisphærium, *Cuppolam*. Hanc profectò partem, quamquam nonnulli in hemisphærijs improbant, quod, vt aiunt, multum concamerationem debilitet, soluens continuatam cuneorum successionem, & pondere suo subiectum hemisphærium grauians; nihilominus hodie omnes admittunt; quippequæ, vltà necessitatem luminis inde excipiendi, vbi alijs apertionibus non est locus; mirum in modum totam structuram exornat, & interiùs exteriusque addit operi decorem, & maiestatem, vt aliàs de speculis diximus.

THORACIVM in nauibus atque in oppugnatorijs machinis, id commodi, & vtilitatis præstat, quod specula in fixis, & publicis ædificijs; ad speculandum enim factum, & circumspectandum, siue aduentantes è longinquo classes, aliaque nauigia; siue in hostium munitionibus, quæ in nos moliuntur. Propriè tamen Thoracium appellat caueam, seu ligneum vas in cistæ similitudinem, vnus hominis capax, quod in summitate mali affixum est, è quo speculator liberum mare spectare queat, & ligna quæ ipsum enauigant, eorumque conditionem noscere, ac numerum socijs infrà constitutis indicare, vt se (si opus sit) parent, aut ad amicos cum honore, excipiendos, aut si inimici, ad eorum occursum effugiendum, vel sanè fortiter opperendos, cum ijsque pugnandum. In Arietaria quoque machina, Thoracium appellat Hero Mechanicus, partem illam in turriculæ formam sese attollentem, vbi duæ, tresue speculatores probe recti consisterent, sociosque docerent, quo tempore aries propellendus, ad murum, vel terrahendus. Sic enim ait cap. 11. de primis eius machinæ architectonibus. *In suprema autem Arietaria machina parte, Thoracium tanquam sepimentum struebant, vt in eo tutè stare possent spectantes ea, quæ aduersus Arietem ab aduersarijs mittuntur.* Refert Appianus duas eiusmodi machinas vastitate incredibiles fuisse ad moras moriens, in Carthaginis obsidione, quarum altera, speculatorum è thoracio inspectantium monitu, quæ in tempore agenda essent, oppugnatores, agnoscerent; altera à militibus, & remigibus quam expeditissimè ad opus impelleretur. Vtriusque

ima-

imaginem cum Thoracio in summitate constituto, habes apud Barocium in Notis ad Heronem, & Stevvechiū in cap. 14. lib. 4. Vegetij, sed non minus ad vium verbis eloquentissime delineatam, ab eruditissimo Turnebo lib. 23. aduersarior. cap. 21.

- 52 THORACOMACHVS à Thorace (de quo mox infra) originem traxit, & nomen. Est enim quoddam operimenti genus, quo pectus bellatoris protegitur aduersus hostiles ictus, incassum cadentes ob mollitudinem, & artificiosam texturam operis, olim à militibus armorum ferreorum pondus ferre non sustinentibus introductum, & idem fortè quod apud nostros rixatores in vsu est, & communiter *Giacco à maglia* appellatur. Id quod non obscuris verbis indicat Vegetius lib. 1. cap. 20. vbi hæc habet. *Ab urbe enim condita vsque ad tempus D. Gratiani, & Cataphraſti, & Galeis muniebatur pedestris exercitus. Sed cum campestris exercitatio, interueniente negligentia, desidiaque cessaret, grauiora videri arma caperunt, quæ raro milites induebant. Itaque ab Imperatore postulant primò Cataphraſtas, dein Cassides deponere. Quod ideo loco lorice durioris, & ferreæ, nimium ponderantis, aliud integumentum, quod leuius esset, & corpori magis adhæresceret inuenerunt; Thorachomachus, quasi Thoracis abolitio, vel supplementum, dictum est. Quale autem fuerit, Godefscachus Stevvechius summa inquisitione, ac diligentia expiscauit; cui profectò debemus huius armamenti agnitionem, quam eruisse se ait ex quodam libello de rebus bellicis, quem reperit adnexum Libro cui titulus *Notitia vtriusque Imperij*, vbi hæc inter alia, de Thoracomacho, scripta erant. Inter omnia, quæ aduersum bellicum prouida posteritatis, cogitauit Antiquitas, Thoracomachum, mira utilitate ad lenamen corporis, armorum ponderi, & asperitati subiecit. Non enim vestimenti genus, quod de coactili ad mensuram, & tutelam humani pectoris conficitur, de mollibus lanis timoris sollicitudo, solertia magistra composuit: ut hoc induto, primum Lorica, vel Cliuanus, aut his similia, fragilitatem corporis ponderis asperitate non laderent, membra quoque vestientis inter armorum, hyemisque discrimentali solatio adiuta labori sufficiant. Sane, ne idem Thoracomachus pluuijs verberatus ingruescente pondere afficiat vestientem; de Libycis bene confectis pellibus ad instar eiusdem Thoracomachi faciem, conueniet superinduere. Hoc igitur, ut diximus, Thoracomacho induto; cui græca appellatio ex intuitu corporis, nomen assumpsit. Hæc ille. Credibile est, militem Romanum hoc genus integumentum superinduisse, ex quo arma grauiora deposuit, eoque vsu, quoad experimento edocti duces, illum nequicquam sagittarum ictibus oblectari, edicto cauerunt ut loricas*

& galeas ferreas reassumerent, vt loco cit. notat Vegetius. Ex quo factum est, vt sub ijs etiam Thoracomachum retinerent, vt saltem, thoracis asperitatem, ne membra sui obiectu, contunderet, interposita molli tudine mitigaret. Sic itaque concludit Stevvechius. *Quæ primum inuenta vestis sustinendo, aut lenando armorum ponderi, eodem post illa armatura loco fuit.*

THORAX in re militari dicitur Corporis armamentum ex ferro, 53  
aut solidiore materia, quo pectus tegitur, ac munitur aduersus inflicos ab hoste ictus, deriuata ab Thorace nomenclatura, quæ propriè Anathomici significant illam humani corporis partem, quæ à bifurcatura colli vsque ad diaphragma, supra costas extenditur, & veluti indumentum, viscera contegit, ac defendit. Alias *Cataphracta* à Græcis dicta, à nostris *Lorica*, & grauis armatura. Quamuis *Cataphractæ*, & grauis armaturæ nomine, reuerà veniat non, tam pectorale ferreum, quam brachialia, cassis, ocreæ, & quidquid ferreis è laminibus, vniuersaliter, & completè totum militis corpus tegit: vnde & *Cataphracti*, & *Cataphractarij* audiebat ille bellatorum ordo, qui vndique ferro tecti ad prælium incedebant, vt testatur Ammianus, & confirmat Seruius in *Aeneid.* 11. qui ita scribit. *Cataphacti sunt Equites, qui & ipsi muniti ferro sunt, & equos similiter munitos habent.* Hoc autem armaturæ genus inductum est ad resistendum gladiatorum, ac telorum ictibus, quos impunè excipiebant: quia in leuigatam & obduratam ex optimo chalybe planitiem, incidens gladiatorum acies obtundebatur. Quo factum est, vt concertarent exinde, & conniterentur artifices qui meliùs sua arma attemperarent: hi, vt thoracas impenetrabiles conficerent; illi vt gladios ex acuerent, quibus nulla soliditas armorum resisteret. Quæ res, quoniam iucunda est, & ex mathematicarum scientiarum penu deprompta, non equidem vanum, & ab instituto alienum erit, vt ex probatis authoribus in medium afferatur, ac modus tradatur, quo ita arma tum offensiuæ, tum offensiuæ curari possint, vt adarmantiam propè duritiem contrahant. Refert Diodorus Siculus, Hispanos quosdam populos, ferri laminas terrâ operire consueuisse, ad hoc vt humiditate; & calore insito fermentatæ quidquid terreum in eis inest, foras expellerent in rubiginem adunatû: quæ postmodum detersa, omnique sæculenta materia excreta, quod reliquum est igne ac tusionibus solidatur, atque ita bene purgatum, in tantam duritiem coit, vt nulla vi discindi, aut penetrari queat. Id quod ex parte in peruetustis ensibus & cultris videmus, quæ penè rubigine consumpta, cum primum hæc probè discutitur, & ad cotem expoliuntur, mi-



miram in incidendo, ac perfodiendo, vim contrahunt: atque inde edocti nostri fabri ferrarij, ferrum, chalybemque ex quo gladios forces, & alia incisoria instrumenta procudunt, primum fimo equino operire solent, tùm cum facis rubiginis excreuerit, ad ignem incendunt, atque niox in herbarum quarumdam succis extinguunt, ac sic temperant, vt summam duritiem obtineat. Sed Aſiatici, ac præſertim qui Damascum incolunt, aliam viam perpoliendi, atque obdurandi chalybis ineunt: accipiunt enim ferri nucleum bene excoctum (quem *ſtomoma* nuncupant) ac limis, & tuncſionibus in minutiffimum pollinem reducant; deinde puluerem illum farinæ commiſcent, ex eaque maſſa, turundulas atque offas conficiunt, quas aſeribus vorandas tradunt; poſtea ex eorum fimo ſcoriam extrahunt, ac repurgando ſecernunt; hæcque in fornace liqueſcere faciunt, iterumque repurgant, ac ſtomoma inde conficiunt perfeſſimum, ac duriffimum, quo tandem vtuntur ad enſes, & cultros formandos, toto orbe celebres, quos ab loco, Damascenos nominamus, ferrum, ſiliceſque duriffimos, perinde ac fragile lignum ſcindentes, ac perforantes; & econtrà laminas & thoraces cudunt omni ferro impenetrabiles. Author eſt Hieronymus Maggius in Miſcellan. lib. 2. cap. 8.

- 54 **THRONVM**, *Carpentum, Solium*, apud Aſtologos eſt quædam inſignis prærogatiua & fortitudo in Planetis conſiderata, cum reperiuntur in loco, vbi plures obtinent dignitates, præſertim ex quinque eſſentialibus: vnde dicunt, Saturnum habere Thronum in Aquario, quia in eo ſigno obtinet Domicilium & Trigonum, præter terminos in quinque extremis eius ſigni partibus: Iouem in Sagittario ex eadem ratione: Martem in Scorpione; Solem in Leone; Venerem in Tauro; Mercurium in Virgine; Lunam in Cancro. Quod ſi adhuc ſint adiunctæ in ſignis permutatis cum ijs qui amici ſunt, & eiufdem confortes naturæ, vt ſi Sol v. g. reperiatur in domibus Iouis, & viceuerſa Iupiter in Leone; Saturnus in Domibus Mercurij, Venus in Domo Lunæ, aut econtrà: aut in ſitu Mundi occupent locum naturæ ſuæ valdè congruentem, vt foret, ſi Sol in Nona, Iupiter in Vndecima, (nam eo nomine non veniunt Cardines, qui vtrique omnibus æquè vires adaugent) Saturnus in Duodecima, Mars in Sexta, Venus in Quinta, &c. Cuius rei conuenientiffimam rationem reddit Cardanus. Tunc omnibus numeris aucti eſſe dicuntur, & in ſuo Gaudio, quia proſectò nihil ijs deſt, quod ſibi ad fortitudinem, & augmentum virium non concurrat. Et in hoc maxime oculati ſunt Profeſſores, vt quem reppererint cæteris alijs in his dignitatibus an-

anteire; hunc dicant *Almuthen*, & constituent vniuersalem disposi-  
torem totius cælestis figuræ.

THORAX etiam, ex similitudine operis, dicitur in Architectura, 55  
militari murulus, seu lorica & laterculus, siue aggestitia terra ere-  
ctus, velut agger, ante quodcumque munimentum genus, ad altitudinem  
hominis; cuius proprium est milites sub eo versantes, ac discurren-  
tes obtegere, atque ambulacro inferiori tutum incesum parare; quò  
incommodandi hostis ansam arripiant, consensu interim suppedi-  
tando scabello ad imum posito, atque inde sclopiis eum impetere, ac  
rursus sub thorace sese occultere, ac tutari. Quod ideo Nostri *Para-*  
*pettum* dicunt. Solet etiam huiusmodi thorax adijci regalibus, &  
perpetuò mansuris mœnibus, ac propugnaculis, aperto intrinsecus  
ambulacro: & tunc constructur è cocto latere, aut etiam lapide  
quadrato, ad perpendicularum supra murorum accliu itatem, inteiecto  
extrinsecus thoro. Quam profectò adiectionem, *Camisciam*, seu *Inca-*  
*misciam* vocamus.

THYROMATA propriè apud Græcos, ostiorum postes signifi- 56  
cant: Apud Architecturæ verò Scriptores indiscriminatim pro omni  
eo, quod ad ostiorum ornatum & stabilimentum attinet, assumuntur;  
siue è ligno fiat, siue ex lapide, aut quauis apta materia. Vnde Vi-  
truu. lib. 4. cap. 6. de ijs hæc habet. *Genera Thyromatum hæc sunt,*  
*Doricum, Ionicum, Atticurgæ &c.* Vbi Philander obiter aduertit,  
ea antiquos nusquam nisi quadrangula fecisse, vti, & fenestras; por-  
tas verò urbium fuisse semper arcuatas. Spatium verò inter duas ia-  
nuas relictum, vnde est introitus in peristylum, idem Vitruu. lib. 6.  
cap. 10. Thyrorion vocat, pro quo quid intelligat, ignoratur. Bar-  
barus nil aliud fuisse suspicatur, quam breuem ibi excitatam Iani-  
toris cellam, vbi posset consistere, & præstò esse ad aperiendum  
aduentantesque excipiendos, aut repellendos: quod apud Græ-  
cos in vñ erat, eoquod nulla in ædibus atria admittebant. Ego  
ex contextu Vitruuij, existimarem in Græcorum ædibus duo  
fuisse ostia constituta, alterum exterius semper apertum, & obuium;  
alterum interius è regione respondens, semper clausum & ex  
occasione ab ostiario aperiendum, quo modo videmus nunc præ-  
dicari in cænobijs Religiosorum, atque in interiecto spatio morari  
ianitorem ad respondendum pulsantibus.

TI

TIBIA instrumentum musicum satis notum quod vento, aut statu 57  
humano percussum personat, & ad varios symphonix modos apta-  
tur:

Cccccc

eur: à tibijs, seu crurum ossibus cauis, teretibus, & oblongis, qualia potissimum grues habent, aptissima ad id genus sonum edendum, nomine deriuato; etenim è gruum tibijs, canoras tibiae effluxisse, earumque inueniores fuisse Midam, & Marsiam apud Phryges, author est Plin. lib. 7. cap. 56. Porro Tibia diuersis foraminibus obterebrata, quibus inter pulsandum obductis, aut reductis digitis, sonus è graui in acutum attollitur, perinde est ac in Monochordo chorda ad certam mensuræ proportionem tensa, aut laxata, omnia modulationum genera in se complectitur, & virtute continet omnes tonos. Quare de ipsa idipsum dicendum, ac de Monochordo, de quo fusè in loco egimus. Verum

- 58 TIBIALIA, quæ communiter tibarum operimenta sunt, in re militari coarctantur ad significandas ferreas ocreas, quibus milites ca taptaasti armati incedunt, & in genere cataphractarum veniunt, uti & thorax, & humerale: vnde est lex apud Paulum Iure Consult. de huiusmodi minimè alienandis. *Si Tibiale, aut humerale quis alienauit &c.*

- 59 TIBICEN item appellatur, qui tibia canit. At apud Architectos accipitur pro tigno, quod parieti inclinato alioquin ruituro supponitur pur fulcro ad sustinendum, ne cadat; vnde Iuuenalis Satyra 5.

*Nos urbem colimus tenui tibicine fultam*

*Magna parte sui.*

Græci, Anterides, & Erismata huiusmodi futuras nominant: Quamquam propriè hæc firmiora sunt, & appellant structuras, & pilas adiectiones; Tibicen autem solum & vnicum tignum ad tempus appositum. Quinimò Tibicines (addit Io: de lanua) sunt *fulcra bifurca, quibus Domus sustentatur, quæ aliter Destines, dicuntur.* Alij tibicinem dixerunt veterem ligneum, seu ferrum oblongum teretem, cui appenditur velum ante ostium apertum, ut sit in Magnatum Domibus ad contegendum potiùs quam aditum impediendum, quod certis orbiculis per ferrum comitantibus faciliè obducitur, & retrahitur: quo sensu loquutus est Ouid. fastor. 4. cum ait

*Hæc modo versabat stantem tibicine telam.*

- 60 TICHODRIFVS, ex græca notione (inquit Du-Cange) Genus est machinæ bellicæ oppugnatoricæ; inde dictæ, quod per eam facilius in murum paretur ascensus, ideoque ante ballistam semper incedens, quò protecius illa queat suas eiaculationes emittere. Cæterum

terum peregrinum nomen, & adhuc magis ignotum, quid reuera significat, cuius formæ sit, & ad quem vltimæ res per illud significata adhibeatur; cum apud nullum scriptorem rei militaris, ac præcipue eos, qui de machinis bellicis affatim scripserunt, Heronem, & Lipsium, nulla eius mentio fiat.

TIGILLVS, & TIGNVM in re ædificatoria sunt frequentiora vocabula, quibus vtuntur Architecti, & Materiarij ad significandum, omne id quod intrat in tecti conformationem, & sustentaculum; itaut tigna denotent trabes maiores, quæ per longum, aut fastigiatim disponuntur suprà parietes ad recipiendam in se totâ tecti structuram, & materiam superimpositam, vnde & cardiata, & transversalia, & compacta, & euerganea tigna, passim inuenies apud Vitruuium: tigilli verò sunt trabeculæ minores quæ tignis inniuntur, & asseres, & tegulas in se immediate recipiunt, quibus tota contignatio compingitur & completur: vnde bene Philander sub nomine contignationis omnia generaliter comprehendit lib. 4. c. 2. *Reuera, inquit, contignatio speciem tecti habet, vt dici possit non absurdè tectum esse fastigiatam contignationem, rursus contignationem esse subtensum tectum: indicio fuerint quibus constant partes. Tectum habet transtra canterios, templa, asseres, tegulas: contignatio habet trabes tigna, asseres, tegulas. Quæ omnia à tecto sua quæque nomina auspicata sunt, & ad tectum conformandum, & componendum vnice ordinantur. Quamquam apud alios scriptores hæc cautio non attenditur: quod idcirco, & sublicas, & trabes, quibus pons super Rhenum instruebatur, tigna setquipedalia appellat Cæsar: & omnia ligna, quæ ad ædificium construendum quoquo modo adhibentur, sub tigni nomine intellexit Vlpian. lib. 1. de tigno iuncto, & Caius de Verbor. signif.*

TIRANNI quoque peculiari, ac specifico nomine, nuncupantur apud aliquos mediæ ætatis Scriptores, transversariæ trabes, quæ in contignationibus per latum diriguntur à pariete in parietem protensa, vt eos simul nectens, firmet & erectos detineat, altero alteri nutanti opem præbente. A Gallis nomen profectum aliqui autumant, à quibus eiusmodi trabs *Tirans* dicitur. Ego verò potius à nostris Italis crediderim deriuatum, qui vocabulo satis expressiuo eas *Tirantes* nominant, quasi tendentes, & conligantes. Vt vt sit, certè apud Gallos latine scribentes, frequens est huius vocis vsurpatio, vt videre est apud Du-Cange in Glossario. E quo vnum testimonium feligam, desumptum ex Historia Veziliacensi, quod satis clarè explicat nominis etymon, ac tyrannorum vsum. Vbi

Ccccc 2

enim

enim agitur de subita conflagratione insignis templi, quod propè Massiliam, supra sepulchrum D. Mariæ Magdalenaë constructum erat, in quadam crypta repositum, postea magnificentius restitutum, hæc habentur. *In crypta qua supra Beata Dilectricis Magdalena sepulchrum extat, tantus ignis casu erupit, ut etiam Tyrannos (quos Francigena trabes appellant) qui erant in superiori parte, combusserit.*

## TO

63

**TOLLENO**, vel *Tollenon*, Est genus machinae (inquit Sextus) quo trahitur aqua, alterâ partem prægravante pondere: dictus à tollendo. Notissimum machinamentum est, & citò parabile, quo potissimum utuntur agricolæ ad hauriendam è puteis aquam pro irrigandis agris, & hortis. Figitur enim, & benè firmatur ponè locum unde aqua exhaurienda est, magnum & oblongum tignum perpendiculariter erectum; seu etiam ut nostri assolent, lapidea, vel cæmentitia columna, supra quam in fixo axe constituitur librata in media distantia, facile mobilis altera longior trabs ad omnem impressionem inclinabilis: tum ad huius alteram extremitatem, quæ aquæ imminet, alligatur situla in puteum immergenda: ad alteram partem applicatur saxum, non magni ponderis, ac funis, quo medio trabs superimposita agitur, sicque altero capite eleuato, oppositum inclinatur ad accipiendam intra cadum aquam; qua accepta, rursus eleuetur per depressionem alterius, funibus attrahendi, ac facile inclinandi, impositi saxi prægravante pondere, quæ aqua sursum eleuata effundatur tandem in sulcos ad irrigandam totius campi planitiem. *Trabuchum* Ruricolæ appellant; cultiores Etrusci, *Altalenum*, Vtrique satis expressiuo vocabulo, indicante eius effectum, & vetis primi generis operationem, quæ in huiusmodi machinis inuenitur: in quibus aduertit acutè Philosophus in mechanicis, sit ut *minora superent maiora, & quacumque momentum paruum habent, id per motum auget, & valeant magna mouere pondera*. Sed de hac re fusè in Vecte. Nunc autem Tellenonem machinam triualem, in pacis otio inter rusticos ad ciuiles vsus inuentam, Ingeniarij militares summopere nobilitarunt, ac paucis adiectis ad vsum bellicum euexerunt. Eo enim utuntur in obsidionibus, siue ad subleuandum speculatorem, supra obsessæ vrbis mœnia, ad obseruandum quidquid obsessi contrâ moliantur; siue pro ascensoria machina, qua strenua bellatorum manus sursum euecta, muros vrbis transcendat, in hostium mansiones insiliat, imparatosque ac terribis circumueniat. Id quod Antiquis vsitatissimum erat, & pro vario vsu, varijs etiam iisdemque magnificis nominibus insignierunt: nunc *Grui* aut *Ciconia*, nunc *Corni demolitoris*, nunc *Epibatæ*, seu *Ascendentis machine*, &c. prout cuique

cuique appellare placuit, vt ex Linio, Cæfare, Hirtio, & alijs, colligunt Vitruuius, Vegetius, & nouissimè Lipsius. Neque enim multum à Tollenone distasse crediderim, tantopere decantatas Veterum Acrobaticas machinas, de quibus fusè Vitruu. lib. 10. cap. 1. & 19. addens, eas non arte, sed audacia gloriari. Etenim in omnibus eadem vèctis operatio interueniebat, & pro basi, & fundamento erat fixum in terra tignum, cui mobilis machina, tamquam hypomochlio insidebat. Quod totum expressissimis verbis tradit Veget. lib. 4. cap. 21. tantùm non Tollenonem nominans. *Quoties, inquit, una trabs in terram præaltè defigitur, cui in summo vertice alia transversa trabs longior dimensa medietate connectitur, & libramento, vt si vnum caput deprefferis, aliud erigatur. In vno ergò capite cratibus, siue tabulis contextitur machina, in qua pauci collocantur armati; tunc per funes vno depresso attractoque capite, alio eleuati imponuntur in murum. Videsis harum similiumque machinarum, quas antiqui tanti fecerunt, artificium in solo Tellenone consistere? quarum diuersas figuras probè delineatas habes in Stevvechio, & Lipsio. Vt proinde non magni negotij; nec magni sumptus fuerit, eas extemplo parare in operibus bellicis, cum occasio tulerit. Quin etiam prodigiosam illam Manum ferream, acèd Romanis insensam, qua dicitur Archimedes eorum naues propius ad Syracusarum mœnia accedere audentes, fortiter arreptasse, & aliquantisper in aere agitando, ad muri angulos allisisse, existimat eruditissimus Naudæus, arcanam illam vim, ac modum agendi, in vnica Tollenonis actione, ac dexteritate agendissimam fuisse. Etenim Manum illam ferream non aliud fuisse credendum est, quam complexum plurium harpagonum veluti digitorum ad præhendendum, ac fortiter sustinendum quod arreptauerint, accommodatissimum, ideoque manum ferream dictam. Quæ proinde propendens ab altero capite transversariae trabis nostræ machinæ, per vnam, aut duplicem firmissimam catenam, eadem felicitate ac prospero effectû agitari potuerit, qua simplex Tolleno, aut vèctis in subleuando onere quantumuis maximo, aucta numeris, ac momentis potentia. Vide ad hæc quæ eruditè habet Raderus in *Curtij lib. 4. cap. 2.**

TONSILLAE, propriè verbum anatomicum est, & appellant extremas faucium partes, vbi lingua iungitur gutturi, & exeri incipit, quæ sunt glandulæ quadam strumosa à cæteris partibus seiunctæ, coalescentes in globulos concretos ex humore pituitoso, vnde & sapissimè inflammantur, & anginam generant. De quibus passim Medici, & Anatomici. At nescio qua ratione, aut similitudine, vox ad



ad Nauigatoriā, seu nauium detensionem in littore, translata est. *Tonfilla* (inquit Verrius apud Festum) est palus dolatus in acumen, & cuspide præferratus, qui nauis religanda gratia in littore figitur. Vnde cum de portuum constructione agunt Architecti, eas sparsim in littore præfigi monent, lapidesque, & puteolanum puluerem circa eas congeri. Sic Vitruu. lib. 5. cap. 12. eas, alterato nomine, transrillas nuncupans. Sed & Leo Albertus lib. 5. de re ædificator. cap. item 12. clarè eas describit, vsum, & vtilitatem explicat, vocarique ait Tonfillas. Sic enim habet. *Pali præfigantur, lapidum impedimenta iacentur; tum ex tabulis atque viminibus forma, & vacua grauibus completa demergantur. Sin autem loci natura, aut impense magnitudo ista fieri probauerit; puta, si fluida limositas, aut nimium profunda altitudo sit, sic facito. Dolijs substratis ordine, & iunctis, trabes, & tigna directa, atque in transversum alia ex alijs collocata, & compacta coaptato; adijcitoque vt ex rate in hostem emineant vestra ardua præculta, & pali, quos Tonfillas nuncupant, ferrateque cuspide, ne quid lenigata ostium nauis plenis velis audeat opus impetere, aut translabi. Hæc Albertus. Fortè à Tonfis diminuto vocabulo deriuarunt. Sed quid illis commune, aut consimile cum remorum palmulis? Nolim in ignoti nominis etymo hærere, aut quid è proprio cerebro diuinare.*

- 65 TONVS, iuxta varias considerationes atque respectus, quibus vagè nimis hanc vocem vsurpamus, diuersas significationes obtinet: semper tamen reductiue ad musicem, siue moderationem vocis, vnde ex græca ratione originem traxit. Primò igitur vniuersalissimè sumitur pro quacumque vocis tensione, insistentia, ac profodia, vt vocant grammatici, qua longæ syllabæ à breuibus discernuntur. Sic Nigidius apud Gellium lib. 13. cap. 25. dixit, aliqua nomina diuersimodè pronuciari in medio, ac in obliquo casu, vt in græcanicis vocibus, vbi à pronuciatione sola accentus ratio habetur, Antropos, Paralipomenon, Sicomorus, &c. si in recto accipiantur, longam habent antepenultimam, & penultimam breuem, in obliquo è contrà. Et in exemplo, quod affert ipse Nigidius. *Vocalatio, inquit, qui poterit seruari, si non sciemus in nominibus, vt Valeri, virum interrogandi, an vocandi sint. Nam interrogandi, secunda syllaba superiore tono est quam prima; deinde gradatim descendit. Vbi Gellius. Summum autem tonum profodiam acutam dicit, quem & accentum nos dicimus. Secundò. Tonus magis propriè sumitur pro certa specie modulationis, quam in triplici differentia agnoscat Plutarchus Doriam, Phrygiam, & Lydiam. At grauissimus censor Casiodorus, earum naturam accuratè perpendens, vltra præfatos tres, duos*

duos alios tonos intimius conspiciat, & Aeolium, & Ialtium, lib. 2. varior. ep. 40. Et DORIVS quidem, ait, pudicitia largitor, & castitatis effector est. PHRYGIVS pugnas excitat, & votum furoris inflamat. AEOLIVS animi tempestates tranquillat, somnumque iam placatis attribuit. IASTIVS intellectum obtusis acuit, & terreno desiderio grauat, caelestium appetentiam bonorum operator indulget. LYDIVS, contra nimias curas, animaque tadia repertus, remissione reparat, & oblectatione corroborat. Ad quorum normam Ecclesia olim, in psallendo, pro diuersitate temporum, & mysterij, quod celebrabatur, diuersos modos tenuit intonandi, & proseguendi in ita psallendorum, & antiphonarum in cantu Ecclesiastico, qui vsque ad tempora D. Gregorij Magni, fuere quatuor, quorum nomina hæc erant: Protus, Deuterus, Tritus, & Tetrardus. At verò, sicut in Monochordo apparet, in ijs tantus erat descensus, atque ascensus, vt nimium qui caneant in teniplis, defatigarentur. Quare dictus D. Gregorius sic rem temperauit, vt quatuor illos tonos in octo partiti sit, & ita quidem ascensum illum atque descensum veterum, canentibus adeò laboriosum, atque difficilem, moderatus est, vt sustineri potuerit diutius in Choro, cum decore, & grauitate. Quod ideo relictis illis quatuor, qui respondent Primo hodierno, Tertio, Quinto, & Septimo, alios quatuor intermedios adiunxit, qui ascensus, descensusque asperitatem lenirent. Namque vt obseruauit suprâ laudatus Cassiodorus, *Omnis tonus habet summum, & imum; hæc autem dicuntur ad medium. Et quoniam sine se esse non possunt quæ alterna sibi vicissitudine referuntur, vtiliter inuentum est, artificialem musicam modis quindecim contineri.* Hinc Tonus, qui in consonantijs est primus terminus consurgens ex proportionem sesquioctaua, constat necessario ex duobus semitonijs, & commate. Nam si Diapason (arguit acutè Boethius ex Philolao) quinque tonis, ac duobus semitonijs minoribus continetur, superantque sex toni, Diapason consonantiam vno commate; non est dubium, quin tonis quinis ab vtroque spatio sublatis, fiant reliqua ex Diapason quidem duo semitonia minora; de sex verò tonis, tonus. Atque hic tonus hæc duo semitonia, quæ relinquuntur, vincit commate. Quod si duobus eisdem semitonijs omnia reponatur, æquabunt tonum. Hæc Boethius. Vnde emerfit partitio totius Monochordi, ac Tetrachordorum, in Tonos, Ditonos, Trishemitonios, Dieses, & Semitonia, prout videre est suo loco, in eiusdem designatione. Sed vide etiam, quæ eruditè habet ad hanc rem Petrus Aaron lib. 1. de Institut. Harmonica cap. 26. & seqq. atque additiones Ioann. Ant. Flaminij, ad finem adiectas.

66



TOPIARIA, Agricolarum, Hortotumque cultorum ars est. *Habent enim ager, & hortus, & viridaria Architecturam suam, quæ docemur plantas ritè disponere, quæ umbram, quæ Soles amant, apto loco locare, interualla constituere, vias itionesque sternere, easque arbusculis, fruticibusque natura flexibilibus claudere, ramis, & frondibus parietes conuestire, iisdemque tectoria pro fornicibus texere, cæteraque ædificatoriæ, & scenofactoriæ artis opera, ad visus oblectamentum, & captandas æstiuo tempore umbras, leuesque auras, imitari.* Vnde & Stibadia, & recessus, & labyrinthi: quin & arcus, & columnæ, & tholi, & variorum animantium simulacra è buxo, & myrto, & Scenæ pro representandis satyricis fabulis, & alia ad quemcumque usum, videmus in hortis mirabiliter efformari. *Quæ quidem opera & ipsa, communi vocabulo, ex græco Topiaria appellantur, quasi loca diuersimodè contexta, & exornata.* De quibus sæpè mentio fit in Pandectis ab Vlpiano, & Africano; ac de ijs à Vitruu. lib. 7. cap. 5. varia præcepta traduntur, ex Antiquorum usu. De quibus sic discurret. *Postea ingressi sunt, ut etiam adificiorum figuras, columnarumque & fastigiorum eminentes proiecturas imitarentur.* Patentibus autem locis, uti exedris propter amplitudinem parietum, scenarum frontes, tragico more, aut comico, seu satyrico designarent. *Ambulationibus propter spatia longitudinis varietatibus topiorum ornarent, ab certis locorum proprietatibus imagines expri- mentes &c.* Turnebus autem lib. 18. cap. 25. aliunde Topiarij nomen deriuat, sicque rem elegantar describit. *Topiarij opus à topijs, quæ à funiculis nomen obtinuerunt, quibus frutices, & arbusculæ consiles in animalium, aut rerum historias, luculenta varietate assimilata, reli- gate, & multis hincinde distinentur locis, torquentur, flectunturque ad effigianda quæ luduntur, rerum, & animalium argumenta.* Sed & labyrinthi, & stibadia, magis propriè Architecturæ opera sunt, quæ ad eiusdem leges architectari debent: illi ex buxo, aut myrto ad consistenciam, & oculorum oblectamentum; hæc ex molliori herba, & vi- renti, ad luxum simul & commodum; vnde & nomen obtinuerunt. *Sunt enim Stibadia, lectuli, mensæ, ac sedilia ex herbis contexta, ad molliter accumbendum, & conuiuandum in ruralibus prædijs: de quorum artificio, & eloquentia, hæc habet Cæcilius Plinius in epist. 6. lib. 5. Ex Stibadio aqua velut expressa cubantium pondere sy- phunculis effluit.* Cætera opera magis sculpturam, & Geometriæ peritiam sapiunt, quam architecturam; vtpote animalium formæ, & viridarium strata, diuersis distincta loculamentis, pro floribus disponendis. Ea quippè non minorem artem, & geometricam par- tium commensurationem requirunt, quam Quadrataria, & Litostro-

ta pauimenta, quæ diuersas figuras è sectili, & versicolore marmo-  
re aptè disposito, repræsentant. De his fusè agit Ferrarius in sua  
Flora. Vbi varias hortorum dispositiones, & loculamentorum par-  
titiones, ex ære eleganter expressas, oculis spectandas exponit.

67  
TOPOGRAPHIA facultas est Geometriæ filia (Ptolemæo *Cho-  
rographia*, quod in idem recidit, vtrumque enim vocabulum ex græ-  
co, particularium locorum descriptionem significat.) Nam quod il-  
la vniuersaliter præstat, totius terrarum Orbis descriptionem assu-  
mens, partes omnes in vnum complectens, considerans earum coor-  
dinationem, & coherentiam, sub quo Cælo sitæ sint, quibusque  
Zonis, & circulis per vniuersum ductis singula subiaceant; hoc ista  
in partibus exequitur, consideratque peculiaris alicuius regionis,  
aut Ciuitatis situm sub cælo, ambitum, magnitudinem, commen-  
surationem, cæterasque minutissimas proprietates; id quod Geo-  
graphus non attendit. Etenim, vt ait Ptolemæus in primo aditu suæ  
Geographiæ. *Finis Chorographicus, connexione particulari continetur,  
velut si quis autem tantum, aut oculum imitetur: Geographicus autem  
contemplatione totius, proportionaliter ijs, qui integrum caput describunt.*  
Quare Geographiæ munus est, describere totum Orbem, aut saltem  
maximas, & vniuersaliores eius partes, secundum rectam iustanque  
earum positionem, ac symmetriam, tam illas ad se inuicem, quam  
ad totum terrarum ambitum conferendo; Chorographia autem de-  
scribit singulas partes seorsim, magis distinctè eas considerando, &  
suis lineamentis, & coloribus expendendo: & idcò addit Ptolemæus,  
quod Chorographus debet esse picturæ non ignarus, ad hoc vt sin-  
gulorum locorum faciem, & qualitatem adamussim exprimere pos-  
sit: quia in opere contendit qualitatem magis, quam quantitatem:  
Geographia verò hac non indiget, sed potius sublimioribus scien-  
tiarum Mathematicarum præceptis, & adiuuiculis; & solum habet  
loca principalia designare per æquas distantias, circularum interse-  
ctiones, punctationes, & lineas; quod non est necessarium Coro-  
graphiæ, aut Topographiæ: quæ tamen communi acceptione adhuc  
inter se distare videntur; & hæc ad minutiora descendere, assu-  
mendo videlicet descriptionem accuratissimam totius alicuius terri-  
torij, aut Ciuitatis, exprimendo situm, & formam, potiora ædificia,  
aspectus, portas, & vias: Chorographia autem latius se extendit, &  
complectitur omnes Ciuitates, villas, arces, portus, lacus, mon-  
tes, sylvas, flumina, &c. quæ in tota aliqua ditione, Prouincia, aut  
Regno sunt. Vnde dicimus Topographiâ vrbis Romæ, Venetiarum,  
Patistorum &c. Chorographiam autem totius Status Ecclesiastici,

*Domus Veneti, Regni Galliarum, aut alicuius eius determinatæ Prouinciæ, quanquam in verbo, idem reapse sonant.*

68

**TORMENTA** in re bellica, generaliter audiunt machinæ oppugnatorię, quę in hostes saxa, tela, pilas ferreas, & alia eiusmodi violenter acta contorquent. Vnde Catapultas, Ballistas; Angones, & similia, sub hoc vniuersali vocabulo, passim apud Cæsarem, Liuium, Ammianum, aliosque scriptores antiquos, comprehensa reperies. At posteriore æuo, cum iam illa cessere, & adhiberi caput ferale illud Arcium, & Munimentorum fulmen, quo minore opera, sed maiore impetu, ac violentia, missilia quęque explodunt; ænea, nimirum vasa, ac tubi longiores, qui nitrato pulnere, & ferreis pilis longius emittendis farcti, artificiosè stipantur, moxque admoto igne, ex eo accenso puluere, ac dilatarî gestiente, quidquid ad exitum interponitur, magno cum fragore, & impetu extrudunt, & quò collinata fuerint immittunt, obuia quęque impetendo, iactando, ac prosternendo; iam tormenti nomine fulminaria isthac igne grauida, & pestem hanc euomentia, singulariter intelliguntur. De quorum inuentione, initijs, & incremento, varia circumferuntur, quę nos terigimus, & examinauimus in V. *Bombarda*. Non est tamen, quin ab initio, vt eorum effectus exprimeretur, & similitudo operis, Ballistæ nomen aliquandiu ijs steterit, vt ex Maffeo lib. 1. histor. Indicę colligi potest. Is enim primum earum vsum, & notitiam apud Orientales populos habitam, & suo malo expertos, atq; à Vasco Gamma Lusitanæ Classis Præfecto, ad retundendam eorum perfidiam adhibita, elegantissimo stylo describens, non refugit ea ballistæ nomine indicare. Sic enim habet. *Nondum apparuerat gentibus ijs noua subtilitatis, & operis admirandi, Ballistæ, oblongum in tubum, & aqualiter teretem ex ære fusili figuratæ: quæ nec funibus, aut neruis intentæ, singula mittunt spicula; sed inexcogitata prisca ratione, ad applicitos tenni ab tergo foramine igniculos, cum incremento multiplici rapiendos, certo primum nitrati, & sulphurei pulueris modulo temperatæ: iussertos dein ore patente ferreos ex arte globos, catenasque & alia obturamenta, fulminis instar flammis eluctantibus cum horrendo fragore contorquent. Mox descendens ad explicandum effectum, & animorum consternationem in efferatis illis Mazambique accolis, explosa ista tormenta pepererunt, subiungit. Eiusmodi tormenta Lusitanus de more disposita, & collibrata ad nantium fenestellas habebat; sed ab ijs exercendis, ne perterritos metu incolas abalienaret à se, consultò abstinerat. Verum ubi fraudem, ac vim, & suos penè circumuentos animaduertit; indignatione commotus, exemplò exploderent, magistris indixit. Illi*  
*sine*

sine mora exequantur imperium. Ac primò videlicet sumus ater, & fumo intermicantia fulgura, & crebra tonitrua, sereno calo, attonitos defixosque barbaros tenuere. Ast ubi aut pedes Prætoris ipsius, momentò laceri, & exanimis quatuor simul viri conspecti sunt: enimverò, tunc quasi haud dubiè, infenso, infestoque numine correptis, undique ac penè depressis turba nauigijs, limphasi, amentesque, in proximam continentem ex Insula sese cuncti proripiunt. Adeò nouum, terribile, inexpectatum eis accidit infortunium! quandoquidem nil truculentiùs, nil terribiliùs, nihil nocentiùs excogitare potuisse videtur humanum ingenium, (ni fortè ex inferis veriùs ei facta fuerit hæc feralis suggestio) quàm cæli fulmina edocti sumus imitari, componere, & quodammodo superare: namque ista nitiora sunt, vt plurimum innocua, & in incertum cadunt; atque aut montium solummodò cacumina tangunt, aut magno edito strepitu, ac fringore, è nulle vix vnum hominem feriant, contenta cæteros terrore admonere, vt Diuini numinis iustam iram declinent, dantis metuentibus se significationem, vt fugiant à facie arcus, vt liberentur electi; hæc verò cæco furore directæ, certiores stragem important, ad scopum collimant, obuios quosque promiscuè, noxios, & innoxios; amicos pariter, & inimicos, ineluctabili casu dilacerant, & prosterunt. Quò respexisse videtur Iulius Cæsar Scaliger in quadam Oratione funebri, quam habuit Viennæ, super eos, qui in eius Urbis oblidione à Solimano II. intentata, hincinde ex his fulminaribus occubuerunt, oratorio more, in hoc Epiphomena prorupit, teste Naudæo lib. 2. cap. 11. *Pace tua dicam, Iupiter, fulmina nostra sunt terribiora tuis. Age coge nubes, vt tonare queas: nos, etiam te tranquillo, iratum regnum tuum faciemus.* Andax quidem dictum, sed ex parte verum: at ita indefinitè, & contemptim pronunciatum, atheo dignum, & à Christiano ore effluens impium, & blasphemum. Quippè non tam in Iouem falsum numen, delusoriè cadit, quam in ipsum vetum eorum auctorem Deum, quasi in fabricandis fulminibus, aut dirigendis, ab solerti hominum scuitia superetur.

At non hic stetit inexplabilis hamani ingenij crudelitas, noua semper ad sui generis perniciem, ac deletionem excogitantis, quin etiam his non contenta, noua in dies speculatur inuenta, quibus veteribus, & adhuc practicatis, aliquid acuminis superaddens, noua cudit tormenta truculentiora primis, nullo alio operæ pretio aut fructu, quam vt certius, & ingeniosius furat, ac diabolico fastu, de Creatoris imagine deformata, Urbium excidio, & ruina, ac totius Orbis desolatione, per se inita gloriatur. Etenim ad hoc tendunt excogitata ad modum Organi Musici plurimæ fistularum dispositarum



In orbem, speciosa simul & dolosa machinamenta, intra arcam clausa, in idem centrum conuenientium: vbi applicito filice prope cuiusque spiraculum, reſerataque claue, commentitia arca, impingens impetu in ſilicem chalybe, ignem elicit, omnes mox cannas inuadentem, pilarumque grandinem circumquaque explodentem, obuios quoſque maſtando, aut feriendo: propterea non immerito dictum *Organum diaboli*; quale me viſiſſe memini Venetijs, in ſecretiore Senatus Armamentario, nescio vnde huc apportatum. Feralis etiam eſt hoc tempore, bombarum in Carcaſſis, vt vocant, abusus, ad excidium ruina, & incendium integrarum urbium, vt diximus ſuo loco. Sed non hic ſinis: quin etiam, dum hac ſcribo, audio inuentas, & alibi adhibitas peſtilentes bombas, quæ nimirum, vbi ceciderint, & conſiſcrauerint, peſtilenti fumo, & halitu aëre inſiciant, ac peſtilentiam generent, nullo munimine reparabilem. Hæc enim verè tormenta, nec iuſta bellorum arma, quæ non ad capiendâs vrbes dilatandumque dominium facta ſunt, ſed purè ad vaſtationem, vindictam explendam, Orbemque deſertandum.

70 Sed hæc declamatoribus relinquamus: atque ad inſtitutum reuertens id aſtruo, hæc & ſimilia machinamenta, nonniſi ex ſumma diſciplinæ mathematicarum peritiâ poſſe prodire. Quare cum, bellandi neceſſitatem ius gentium, & ſua cuique tuendi ſtudio, alienaque occupandi auiditas induxerit; profeſſo ars militaris, quæ hodie plus ingenio, & arte, quam fortitudine exercetur, tum in prælijs ineundis, tum in arcibus conſtruendis, propugnandis atque oppugnandis, noua indiget Architectura, & ordine inſtruendi acies, fabricandi machinas, aliaque inſtrumenta bellica offenſiua, & deſenſiua, longè ab antiquis diuerſa, & à penitioris Geometriæ, Opticæ, Staticæ, Geodæſiæ, &c. præceptis petita, & experientia comprobata. Et verò antiquorum tam decantatæ machinæ bellicæ, Arietes, Catapultæ, Balliſtæ, Phalaricæ, & ſi quæ bellorum neruus æſtimabantur, nunc vix puerorum terriſculamenta ſunt, & anatum aucupio aptæ. Arces olim creditæ inexpugnabiles, nunc ſoricum nidi ſunt, & belluarum catabula, quas in antiquo ſtatu manentes, dedignatur hoſtis obſidione cingere, ac tormentis impetere: neue impunè occupet ſuis deſenſionibus deſtitutas, eligit propugnator potius demoliri, quam ad mox ſequuturam deditionem ſeruare, fruſtra præſidio commendatas &c. Adcò inuentis fulminariis tormentis, nescio, an à ſua laude, & virtute exciderit Ars militaris, vel perfectior, & inſtructior facta ſit.

71

TORNEAMENTA, ab forma, & ordine quo iniuntur, dicta ſunt  
eque-

requeſtres ludicræ decurſiones, atque armorum innocens contectatio in pacis otio aſſumpta, ad corporis exercitationem, animi remiſſionem, atque ad ſpectaculum ſimul iucundum, ac bellandi peritiam, citrà periculum comparandum. *Sciomachiam* Græci dixerunt, quaſi umbratilem pugnam; Quamvis reiſſa Sciomachia latiùs pateat, & tranſcendat per omne hiſtæ concertationis genus, quod diſponat ad ſeriam, ac ſit veluti artis militaris, diſtincta in diuerſas claſſes ſchola, & rudimentum; Torneamenta verò peculiariter aſſumuntur ad virium oſtentationem, equorumque ad curſum gyrationeſque, aſſuefactionem magis, quam ad militiam directè, & per ſe addiſcendam. Aſſimilatur enim Venationi, in qua fructus operis ſequitur hilaritatem, quæ ex illa capitur; & cùm animus à curis liber, honeſtæ remiſſioni vacat, corpus agitatione ſolidatur, & in optima valetudine conſeruatur. Namque experientia compertum eſt, & acutè obſeruauit Galenus, *Ex omnibus corporis exercitationibus, eam proculdubio vtiliſſimam videri, quæ nedum corpus fatigare, verum etiam animum oblectare valeat.* Cui ſubſcribit Vegetius lib. 2. cap. 2. vbi ait. Plùs armorum exercitia ad ſanitatè militum prodeſſe, quam Medicos: Ea propter laudabiliter, magno Reipublicæ bono, introducta ſunt in bacchanalibus, & publicæ hilaritatis diebus, huiusmodi torneamenta, vt dùm animus à ſerijs tantisper diuertit, bellandi peritiam comparet, & firmam corporis valetudinem. Sed de huius aliarumque ſimilium exercitationum vtilitatibus, vide quæ diximus in V. *Sciomachia*, & alibi paſſim.

**TORQVETVM**, apud Aſtronomos, & Geographos, appellatum 72 eſt Inſtrumentum Mathematicum repræſentans gyrationem Aquatoris ſupra Horizontem, quem refert circulus ſuprà baſim conſiſtens immobilis, circà quem voluitur tabula æquatorem designans; ac proinde ab hac volutatione, quâ in ſe ipſum torquetur, Torqueti nomen accepit. Eius fabricam, & vſum luculenter exponit Abbas Maurolycus, & figuram exhibet Io: Paulus Gallucciſ, cum alijs Inſtrumentis Mathematicis, de quibus ſpeciale opus edidit ſub hoc titulo, lib. 9. cap. 1.

**TORVS** propriè dicitur illa terræ prominentia, quæ molliter aſ- 73 ſurgit, & ſuprà reliq. am eius planitiem ſe ſpectabilem facit. Pulvium appellant Plinius, & Columella, quod ex coadunato inibi pulvere tumet, atque in flexuoſam decliuitatem deſcendit. Hinc lectum iure dixerunt Torum Vetres, eo quia inſtar monticuli eſt pavimento inſurgit, & ad cubandum inuitat. Quamquam idem Plinius aliam

aliam rationem adducit, & confirmat Tacitus lib. 19. cap. 4. quia nimijum veteres Romani summopere delectabantur in agris, atque in horis iucundam ducere vitam, atque adeo humi cubare assueverunt, & ad hoc, ex consertis, & intortis straminibus, mollibusque herbis, sibi cubilia adornare. Ex quo dehinc absolute lectis, & pulvinariibus ad cubandum factis, Tori vocabulum mansit. Similiter Torus, & Torosum per translationem postea dici cepit quicquid in, quacumque re, supra reliquas partes assurgit & molliter turgit: ac signate in Architectura membrum illud in basi columnarum, quod immediate insidet plinthis, & subternitur apophygi, aut etiam scotiz si duplex est, Torus, & Torulus dicitur, alias Spira & rudens, quod etiam in speciem rudentis in spiram convoluti, & foras à regulis ipsarum continentibus abijt. Hic in Opere Tuscanico, & Ionico vnus est, in reliquis verò duplex, hinc inde completus, & custodiens Scotiam cum suis regulis intermediam. De eius commensuratione ad reliquas partes, vide quæ habet Vitruv. lib. 3. cap. ult. formam autem, & seorsim, & collectim cum alijs membris ad integrationem basis, habes apud Philandrum, & Barbarum.

TRABS, & TRABEATIO. Vide in V. *Epistylum*.

- 74 TRABVCVS, seu, vt alij scribunt, *Trabutium*, dicebatur olim (& etiam nùm manet in ore nostrorum olitorum) Machina simplex tractoria, quæ per transversariam trabem in æquilibrio positam, pondus eleuat, altero capite depresso ex prægranante onere. Tolleno communiter apud Latinos dicitur, de quo paulò ante. Quod autem ad Trabuchi vocabulum attinet, inuenitur à Scriptoribus Teutonicis frequentissime vsurpatum pro alius generis machina lithobola, cuius vsus est in bellicis, quæ lapides prægrandes longè feliciùs, & directius iaciebat, quam Antiquorum Onagri, & ballistæ. Eius vsus, & rationem certiùs ad scopum lapides collimandi, adducit Aegydius Columna, in tractatu de Regim. Principum, lib. 3. cap. 18. *Eoquod*, inquit, *contra pondus semper vniformiter trahat; idèd semper eodem modo impellit (cum hac enim machina quasi acus perenti posset) Nam cum aliquod signum percutiendum est per ipsam, si nimis projicit ad dextram, vel ad sinistram, vertenda est ad locum ergà quem iaciendus est lapis. Si verò nimis altè projicit, vel elonganda est machina à signo, vel in funda apponendus est lapis grauior, quem non tantum elcquare poterit. Si verò nimis imè; appropinquanda est machina, vel alleniuandus est lapis. Semper enim ponderandi sunt lapides ipsarum machinarum, si determinatè projiciendum sit ad aliquod certum signum.*

Hæc

Hæc Aegydius . Ex quibus noscitur prævalentia huius machinæ su-  
prâ ballistam, aliâs & forma , & effectû similis, sed longe validiore,  
ictu , & nunquam fallibili . Nam illa operatur ad rationem impres-  
sæ virtutis per potentiam , & contrapondus incertum , & variabile ,  
secundum quod magis , ac magis inipellitur , in quo certus termi-  
nus ac mensura præfiniri nequit . At hæc machina; de qua modò lo-  
quimur , habet contrapondus semper idem stabile & fixum , quod  
consistit in quodam vase vel capsula , extremo virgæ applicita , & ei  
immobiliter inhærente , quæ capsula impletur anticipatè ad certam  
mensuram , lapillis , arena , plumbo , vel alia æquabili materia , quæ  
simul coëat , & pro ratione motus , se accommodet ad faciendum ,  
semper prægrauans pondus . Et ideo non mirum , si habeat virtu-  
tem semper æqualem , & maximam , ad proijciendos in longa distan-  
tia immensos molares lapides , integras columnas , cylindros , & ip-  
sa equorum aliorumque animalium cadavera , vt narrant Historici :  
quam ad vsque suorum auorum tempora vgnisse , & in magna asti-  
matione in bellis extitisse , testatur Hieronymus Maggius lib. 1. *Mi-  
scellaneor.* nempe vsque ad ann. 1450. hoc est, ducentis fere annis post  
inuentas , & vsu introductas curules bombardas ad labefacienda  
mœnia . Additque Mahomedeni II. Imperatorem Turcarum unâ  
cum bombardis adhibuisse in expugnatione Eubæ Insulæ , & mu-  
nitissimæ Arcis in Aegæo mari , nunc *Negroponte* . Namque tor-  
mentis utebatur ad diruenda mœnia ; trabuchis verò ad immittenda  
intra urbem iugentes lapides , & saxa , quæ in altum vibrata , po-  
stea maiore impetu ruentia , decidebant supra domorum tecta , quæ  
sindebant , concutiebant , quassabant , domosque ipsas ad terram pro-  
sternebant . Sed & aliud malum omninò pessimum , & ineuitabile ,  
identidem importabant huiusmodi machinæ , quippe pro saxis inte-  
gra equorum in bello occisorum cadavera substituebantur , quæ in  
urbem in magna copia illata , & sentim putrescentia , aërem infice-  
rent , ciues non oppressione , aut armis , sed pestilenti halitu interfi-  
cerent . Quamobrem à Turcis ob rem bene ipsis cedentem , non  
ideo post vsum tormentorum , ad accelerandam deditionem in ob-  
fessione magnarum Urbium intermissæ fuere : vt refert idem Mag-  
gius ex attestatone oculati testis omni exceptione maioris , Thomæ  
Contareni Venetæ Classis Præfecti , qui in regressu post captam Cy-  
prum , & pacem cum Turca ictam , Alexandriæ Aegypti portum re-  
nuit , ibique per aliquot dies moratus , eas in publico Armamenta-  
rio asseruari , & se vidisse eidem Magio oretenus retulit . His affines  
sunt *Briccola* , *Tripanti* , *Biffa* &c. De quibus suo loco .

TRACTORIAE MACHINAE. V. *Acrobatica*.

75 TRANSITVS in Astronomicis est species quædam familiaritatis, & occurfus, quam acquirunt successiue loca prorogatoria Natalis, aut radicis alicuius inceptionis, per realem aduentum, & positionem in ijs, siderum occurrantium, qui suis lationibus quotidianis in mundo, aut proprijs in Zodiaco, feruntur ad significatores, seu ad loca ubi fuerunt significatores in radice: & ij quidem, si fuerint beneficarum, profunt ad ea, quæ significator nactus est decernere, & moderari; si verò maleficarum, obsunt in ijs quæ indicantur. Sit exemplum in Decubitu, seu initio alicuius ægitudinis: reperiatur v. g. Luna, vel Sol, aut etiam Ascendens (naturales significatores constitutionis corporalis, humorum, ac temperamenti) in grad. 15. Arietis; tunc obseruandum est in progressu illius ægitudinis, quinam ex planetis cursum suum in Zodiaco iniens, feratur & pertranseat per dictum gradum, nam tunc per suam realem præsentiam, suis qualitatibus illum afficiet, atque adeo alterabit in bonum, aut malum significata illius significatoris circa releuationem, aut depressionem ægri, super malo quod patitur, & poterit prudens medicus opportunis medicamentis pro illo tempore exhibendis, bonam siderum constitutionem promouere, aut malam contrarijs anteuertere, & superare. Cum enim locus radicalis moderatorum initio morbi, referat qualitatem mixtionis humorum in corpore, & vniùs supra-bundantiam & excessum super alium; inde fit, vt Astra transeuntia per dicta loca, alterent & afficiant quodammodo temperamentum, in ijs dispositum, ipsumque subiectum, in quo fuit priùs præordi-atum. Quoniam (vt ait Ptolemæus lib. 4. cap. ult.) *Transitus stellarum, vel augent intenduntque, vel relaxant, & minuant accidentia; etenim generaliter prorogatoris locus, & generalium temporum dominus, accidentium qualitatem & durationem significant. Retinent enim singula stella conuenientiam cum illis locis, quorum dominium initio acquisierunt.* Idcirco stellæ transeuntes per dicta loca, qualificant, adiuuant, & proximè disponunt ipsos moderatores, ad eliciendos illos effectus, qui in radice fuerunt in potentia præordinati, si quidem sint in natura conformes; sin minus, eos retardant, aut imminuunt. Quare duplex est transitus siderum occurrantium, per loca radicalia prorogatorum; vnus in Zodiaco, quò, motu suo proprio (vt habetur in Ephemeridibus) ad partes Zodiaci feruntur, in quibus fuerunt in radice Moderatores: alter est quotidianus, quò raptu primi mo-  
bilis

bilis circa mundum feruntur cosmicè ad Cardines, seu Circulos positionum Moderatorum, in quibus erant in radice; & hi quidem transitus, vtpote frequentiores, & citò euanescentes, leuissimum etiam effectum habent, & citò transeuntem, non ita tamen vt non, aliquàlter eluceſcat, præſertim in morbis, in acceſſione, vel declinatione febris &c. At illi, eoquod rariores ſunt & diutiùs morantur; durabilioreſ, & validioreſ effectùſ important, perinde ac ipſæ directioneſ, ſeu realeſ deuolutioneſ ſiderum ad loca radicalia prorogatorum: quæ idèò nunquam fallunt, aut certè rarò effectù vacui abeunt: idque non niſi quando concurrunt aliæ directioneſ, vel tranſitùſ promiſſorum, contraria decernentium, quæ quidem æquè validæ ſint, aut illiſ præponderent. Quemadmodum etiam dantur tranſitùſ actiui, qui ſunt modò explicati: & paſſiui; cùm videlicet moderatores ipſi (qui in hoc caſu ſunt tantummodo Luminaria) motu ſuo feruntur ad loca ſiderum occuſantium, quæ tunc concipiuntur immobilia. Et per hoc differunt *Transitùſ* ab *Ingreſſibuſ*, qui ſunt accèſſuſ eorundem ſiderum, occuſantium ad loca Moderatorum & econtrà, qui ſunt ſinguliſ annis in lociſ figuræ annuæ reuolutioniſ, & eoſdem quidem, aut conſimileſ effectùſ parturiunt; ſed ingreſſuſ reſpiciunt præciſè loca in Zodiaco aſtorum mobilium; tranſitùſ autem loca fixa radicis, per quæ realiter tranſeunt, & ſunt corpore præſentia, ſidera occuſantia. Cæterùm ambo ſunt veluti pediſſequi, & accedenteſ ad motum directioniſ, quem qualiſciant, præueniunt, determinant, aut diſponunt, prout conformeſ fuerint, ac diſformeſ ab qualitate effectuum, qui in potentia fuerint in motu directioniſ præordinati, prout alibi diximus.

76

TRANSLATIO LVMINIS, & conſequenter *Natura*, apud Aſtologos dicitur, cum natura, & lumen vniuſ Planetæ per aliquod accideſ, aut impedimentum ſuperuenienteſ, traſfertur in alium. Ecceſt, cùm ex. gr. treſ Planetæ inueniuntur platice iuncti, aut quouiſ modo configurati, attamen mediuſ ipſorum, qui ſit fortè cæteriſ leuior, in motu ſuo ſeparatur à ponderoſo, cui propriùſ accedebat, & iungitur ei, qui eſt poſterior, ſed illo moroſior: tunc enim ab iſto dicitur tranſferri lumen anterioriſ ad poſteriorẽ, communicarique natura.

77

TRANSTRA, Eſſi communiter audiant in nauigatoria, ſedilia remigum per ordinẽ diſpoſita in triremibuſ, & per tranſuerſum, vt agere remòſ poſſint; originariè tamen & propriè, architectonici

78

Eccccc

cum



cum vocabulum est, & significat transuersa tigna tectorum, super quibus innituntur canterij, & tota tecti contignatio insidet & quiescit; ipsa verò locantur immediatè supra parastatas, & columnas. Ita expressè Vitruu. lib. 4. cap. 2. Sextus verò Pompeius ait simpliciter, ea esse tigna oblonga quæ à pariete in parietem porriguntur, quæ magis latè patent, & ad firmandos potius parietes, quam ad sustinendum tectum facta sunt, vt paulò ante diximus in V. *Tiranni*. Igitur transtra propriè ad tecti conformationem pertinent, cuius coordinatio ad trianguli æquicurijs formam compacta est, in qua transtrum basim refert, crura canterij, cathetus est ipsum arrectarium tignum (sicubi ad maiorem firmitatem, & consistentiam addi necessum sit) quod columen sustinet. In qua re explicanda falsum fuisse Philandrum, aduertit Baldus in Lexico Vitruu. eo quod dixerit, transtra esse trabes sustinentes capreolos. Si enim, inquit, hi transtris insiderent, ea vtique multum defatigaret & ad vltimum frangerent. At non ad hoc facta sunt transtra, vt capreolos immediate recipiant, sed vt eisdem canterijs insistentes sustineant à lateribus: neque enim periculum est, ea quouis graui pondere prægruari, quia tota eorum pressio in extremis tantum habetur, vbi alioqui benè, subiecto pariete, aut parastata sulca sunt, ceterà liberè omni procul pondere per transuersum imposito, excurrunt: nisi quod aliquando in medio, arrectarijs colligantur, quæ tantum abest, vt grauent, quin potius maiorem firmitudinem addunt: vti diximus in V. *Tertiarium*. Hæc transtra Nostrates *Planas* appellant, & quidem satis accommodè, nam & officium explicant, & per hoc nomen à canterijs, atque arrectarijs trabibus contradistinguntur.

79

TRANSVERSA antonomasticè audiunt in Architectura militari, opera transuersaria, quæ siue in munitionibus intra recinsum, siue in finibus regionum excitari solent, & hostibus opponi, vt iter impediant, aut ne, in obsidionibus, capto vno propugnaculo, maiores progressus faciant. Gallis *Trauers*. Hæc, quietis rebus, apponi vtplurimum solent ad viarum angustias, ad pontes, ad Sylvarum aditus, ad paludes, & loca aquis stagnantia, ad fluuiorum ostia, & his similia. At in ardore belli, & hoste iam ad oppugnationem intento, tumultuariè & raptim, vbi res periclitatur excitari debent, vti dicebam, vel in vltimis arcis recessibus, & munitionibus, vt ijs ex parte ab hostibus occupatis, suppetat nouum perfugium, quò se præsidarij recipiant, & contutentur, hostemque distineant, & quæ possint incommodent. Sæpè enim experientia compertum est, rebus iam penè deperditis, hoc secundarios recessus, & scissuras partium  
aniis.

amissarum, multum tùm animorum tùm virium propugnatoribus, ad hostium impetum fortiter sustinendum, vel etiam recundendum, addidisse, quoad auxilium extrinsecus aduentaret, aut aliunde fors tulerit, vt exemplis tùm antiquis, tùm modernis plenè sunt Historiæ. Verum

TRANSVERSARIA vt sic, in opere architectonico dicuntur lapides, & ligna transversa, quæ in structuris, à capite ad caput diriguntur, vt extrema in officio teneant, nec nutent, aut vacillent. Quod idè Vitruu. lib. 10. cap. 11. de cochlea agens, monet, *tignum in planum in ea collocandum esse ad libellam, vique vtriusque capituli lineas, inter se respondeant ad perpendicularum*. Quanquam inferius pro transversarijs intelligere videtur tigilla, & armaimenta, quæ vtrinque prædicta tigna detinere extremis infixæ: ait enim. *Capita tigni ferreis clauis continentur, istque infiguntur styli ferrei: dextra autem ac sinistra cochleam tigna collocantur in capitibus utraque parte habentia transversaria confixa*. Idipsum confirmat, & magis explicat in Choroborate, de quo agit lib. 8. cap. 6. vbi ait: *Chorobates autem est regula longa circiter pedum viginti. Ea habet ancones in capitibus extremis aequali modo perfectos: inque regula capitibus ad normam coagmentatos; & inter regulam, & ancones à cardinibus compacta transversaria, quæ habent lineas ad perpendicularum rectè descriptas*. Verùm id non tollit, quin ipsa tigna in planum à capite ad caput directæ, verè attractaria, & transversaria sint, ac iure dici possint; tametsi & ipsa, vt contineantur, alijs transversarijs in summis capitibus ad perpendicularum positis, opus habeant, sicque omnia simul concurrant colligata, ad parietes connectendos, & continendos.

TRAPANVM. Vide *Terebra*.

TRAPEZIA, generali vocabulo, vocantur à Geometris figuræ omnes irregulares, quæ pluribus constant angulis, & lateribus, sed non sibi paribus, neque adinuicem respondentibus, saltem quoad omnia, sed vagæ, sine ordine, & certa lege vagantur. Quamquam enim Euclides lib. 1. defin. 33. sub hoc nomine comprehendit tantum figuras quadrilateras, vt contradistingant tum à triangularibus (quæ omnes regulares sunt, & ad tres tantum species reducuntur, Aequilateras, Isoscelias, & Scalenas) tum à quadrilateris regularibus, qualia sunt omnia Parallelogramma, nempe Quadratum perfectum, Rectangulum, seu Quadratum altera parte longius, Rhombus, & Rhomboides; attamen, quia adhuc infinitæ dari, &

Ecce e e z con-

conciipi possunt figuræ multilateræ, quæ pluribus, quàm quatuor rectis lineis comprehendantur, prout infinitus est numerum progressus, ex quibus aliæ sunt rationales, vti pentagonus, & vniuersim omnes figuræ Isoperimetrae, aliæ irrationales; idè omnes irrationales, quæ sibi in angulis, & lateribus non respondent, vniuersaliter sub Trapeziorum nomine veniunt. Inter quas dari possunt quæ duo aut tria latera, vel angulos habeant æquales, in cæteris sint inæquales; quæque in omnibus omninò discordent, & nullum latus, nullum angulum habent, qui alteri conformetur: etsi in hoc conuenire possunt, quod omnes angulos habeant obtusos aut acutos, sed non omnes eiusdem commensurationis, & quantitatis, ut cuique experiri liberum est: De quibus, earumque areis commensurandis, non eadem præcepta locum habent, quæ de triangulis, & quadrangulis, & vniuersim de omnibus figuris isoperimetris, tradit Euclides totis libris, primo, secundo, quinto, & sexto; nihilominus aliunde habere possunt suam commensurationem, si dispescantur, & reducantur ad triangula; quemadmodum de figuris regularibus suprà dictum est in V. *Angulus num. 69.* & exemplis demonstrat Serlius lib. 1. ubi agit de *Geometria*. Hinc

- 82 TRAPEZOIDES denominantur trapeziorum species, quæ comprehendunt omnes figuras solidas multilateras, & irregulares, prout contradistinguuntur à Prismaticis, & paralleloipedis; inter quas connumerantur etiam Parallelopeura, quæ sunt paralleloipedum, abortiones, participantia de aliqua regularitate, & correspondentia aliquorum angulorum, & laterum, in reliquis discordantia, vnde sub trapeziorum vniuersali nomine comprehenduntur.

- 83 TRAVACHA barbarum, & valdè obscurum verbum: cuius etymon, & multò magis, quid rei per tale vocabulum significat, fuerit olim, qualisue vsus, ignoratur. Hoc vnum confusè, ex scriptorum modo loquendi, collatione, & contextu elici potest, quod fuerit machina bellica prægrandis, quæ apud Gallos cisalpinos, valdè erat in vsu, in obsidionibus. An autem fuerit ad propugnandum, vel oppugnandum, non satis constat. Nam ex vna parte, à forma, & constructione, videtur colligi, fuisse in genere vinearum, aut pluteorum muris approximantium, ad suffossionem: erat enim compacta ex pluribus lignis in quadrum erectis, & operta desuper aggestitiâ terra: ex altera, Annales Laudensium apud Du-Cange, appetè tradunt fuisse erectam loco propugnaculi, citrà murum labantem. Sic enim habent. *Cremonenses cognoscentes, se non posse defendere murum Castri,*

*stri, quin destrueretur, Trauacham magnam ex lignis, & terra insimul compositam, ibi intus in ea parte in qua ipsum murum destrui videbant, iuxta eum constituerunt. Sed mox eam, tanquam oppugnatoriam statuunt. Ipse Du-Cange in explicatione nutat, ac tandem ad idiotismum Gallicum reducit Trauail, qua notione omne munimentum ad propulsandos hostes factum, venit.*

TRIANGVLVS, siue TRIANGVLVM (in vtroque enim genere vsurpatum inuenio) Figura est Geometrica, vt nomen ipsum indicat, tribus angulis constans; vti etiam necessariò tribus lateribus; vnde etiam iuxta eorum considerationem præcisam, appellatur Trilaterum. Ea inter omnes figuras Geometricas princeps est, cardo, ac terminus, à quo omnes prosuunt, mensurantur, pendent, & in quem vltimò resoluntur. Namque duorum tantum laterum, convenientia, figura nulla est, nec subsistere potest, vt ostendit Euclides: si tria latera in angulos concurrant, figuram constituunt triangularem, de qua nunc sermo est: si plura; in tot figuras abeunt quot ab numero angulorum, quos comprehendunt, specificantur: vt Tetragona, Pentagona, Exagona, Eptagona, &c. & genericè Poligona denominantur. Quæ tandem, vt commensurari queant, earumque affectiones dignosci, in triangula discesci, & commutari necesse est. Id quod fit, ductis lineis ab vno angulo ad angulum, tertium, immediatè post secundum sequentem, illo præterito, ad quem dirigi noua linea nequit, quin cum latere intermedio confundatur, atque coincidat. Igitur ducta præfata linea emergit primum triangulum, conflatum ex prædictis duobus angulis lineam terminantibus, & tertio prætermisso. Rursus ducuntur eodem modo lineæ ad reliquos angulos figuræ, quoad eorum numerus expleatur, & sic ea inuenitur in triangulos resoluta, à quorum omnium simul aggregatorum, natura, & commensuratione totius figuræ polygonæ natura, & quantitas expiscatur. Sed & singulorum triangulorum, seorsim consideratio inita, magnas & insignes eorum aperit proprietates, vt demonstrat, & expendit acutè Clavius in Geometria, practica lib. 6. à propof. 6. & seqq. & nos alibi examinauimus.

Nunc autem ad varias triangulorum species descendamus. Omne Triangulum, aut planum est, aut sphericum, aut mixtum. Planum dicitur, quod tribus rectis lineis continetur. Sphericum, quod in sphaeræ superficie à tribus maximorum circulorum arcubus concluditur & finitur; Mixtum, quod de vtroque participat, habens aut duo latera recta, & vnum curuum; aut duo curua, & vnum rectum; vt videre est in figuris in vestibulo operis positis. Similiter

omne triangulum denominatur aut Rectangulum, aut Obliquangulum. Ad rectangulum sufficit, si vnus tantum angulus sit rectus, etiamsi reliqui duo (quod necessario sequitur) sint obliqui. Obliquangulum est, quod omnes omnino angulos habet obliquos; siue omnes acutos, siue vnum obtusum, & reliquos acutos: itaque ex tribus, vnus tantum obtusus prodire possit, ceteri necessario sint acuti; non enim dari potest triangulum constans ex duobus angulis obtusis.

- 86 Ex his insuper, alia sunt æquilatera (Nouitijs loquor) quæ omnia latera habent æqualia, sicque etiam anguli ipsi erunt necessario æquales, & acuti. Alia, quæ duo tantum latera habent æqualia, tertium vagum, quod dicitur basis, duo verò latera æqualia, crura; ac proinde tota figura denominatur æquicrura: & siue duo, siue omnia latera habeant paria (cuiusvis generis triangula sint) semper vocantur *Isosceles*: at si in omnibus, anguli & latera abinuicem discordauerint, Triangulum appellabitur *Scalenum*. Hoc posito, cuiuscunque trianguli quantitas faciliè indagatur, si è sex terminis, tribus videlicet lateribus, totidemque angulis, tres promiscuè noti sint, nam ex his reliqui colliguntur, & area ipsius ab illis comprehensæ amplitudo, & quantitas internoscitur. Et quidem omnis cuiusque anguli quantitas eadem est, ac arcus circuli, ab angulari puncto ad quoduis interuallum descripti, adeoque inter duo latera comprehensi. Vnde, si arcus angulum subtendens fuerit integrum quadrans, angulus subtensus necessario erit rectus: si fuerit minor quadrante, angulus oppositus erit acutus; si maior quadrante, angulus subtensus erit obtusus. Et in his principijs fundatur Trigonometria, potissima inter Mathematicas disciplinas facultas, quæ peragit vniuersam, triangulorum dimensionem, certam & infallibilem, per comparationem partium cum tribus tenninis notis. Quorum primum fundamentum est, quod omnis trianguli maius latus, similem maiorem angulū subtendit, & econtrā minus minorem. Quò fit vt necessario cuiuscūq; trianguli duo anguli simul sumpti, minores semper inueniantur duobus rectis, & omnes simul sumpti duos rectos nō excedant, sed illis adamusim exæquantur. Cum enim duo anguli recti semicirculo subtendantur, & chorda interiecta diametrum repræsentet; consequenter adiacens exterior angulus supplet, & addit ex integro, quod alteri deest, vt subtendi dicatur toti diametro, adunando simul duos angulos rectos. Et insuper, si ab vno angulo ad basim (si opus est) prolongatā, cadat perpendicularis, semper efficiet duos angulos rectos, vel simul sumptos duobus rectis æquales: & si quidem dicta perpendicularis cadat intrā triangulum, scindet illud in duos
- sca-

scalenos: sin autem extra triangulum ad basim prolongatam, tunc ex angulis quos efformat, vnus erit acutus, alter obrusus; ambo simul duobus rectis æquales, vt demonstrat, per singula discurrens Regiomontanus lib. 4. propos. 9. At in Triangulis sphæricis omnes tres anguli simul sumpti superant duos rectos, & excessus suprà duos rectos, est quadruplum superficiiei trianguli sphærici ad superficiem, sphæræ, in qua creatur ipsum triangulum: quæ est proprietas singularis triangulorum sphæricorum, in qua absconsa sunt mira, & insignia arcana, quæ ex dimensione triangulorum sphæricorum prodeunt, vt acutè obseruauit Theodosius, qui proinde absolutissimum opus edidit de Sphæricorum natura. Sed infinita sunt, quæ ex multiplici triangulorum adinuicem comparatione, ac dimensione emergunt, vt hic breuiter præstringi possint: Siquidem in hoc tota Geometriæ amplitudo versatur. Hosque ex parte, vbi locus exegit, examinauimus.

TRIARII in veteri militia dicebantur, qui in acie postremi erant, 87  
& post alios ordines locabantur, milites expertæ virtutis & veterani, quique ad id reseruati erant, vt malè cedente belli alea, turbatisque hastatorum, ac principum ordinibus, postliminiò insurgerent, & prælium, integris adhuc viribus, repararent. Etenim tunc temporis mos erat, vt Pilani primi omnium concertationem inirent, mox Principes insequerentur; ac tandem Triarii, qui tertio loco erant, in ipso ardore pugnæ, fessis ac declinantibus illis superuenirent; quo fiebat, vt inopinato validoque subsidio, socij animos resumerent, abiectoque metu, alacriores, res planè perditas repararent. Sic disertis verbis, Lilius lib. 8. *Vbi Triarij, inquit, consurrexerant integri, resurgentibus armis, noua ex improviso exorta acies, receptis in intervallo ordinum antepilanis, principia Latinorum perturbant. Quomodo autem loco subsisterent, seque interim suosque protegerent, luculenter exponit Vegetius lib. 1. cap. 20. inhunc modum. Triarij genibus positis solebant intra scuta subsidere, ne stantes vulnerarentur, venientibus telis; & cum necessitas postulasset, tamquam requieti vehementius innaderent hostes; à quibus, constat sæpe factam esse victoriam, cum hastati illi, & qui priores steterant, interuissent.* Hinc factus fuit prouerbio locus: *Res redit ad Triarios*; cum cò infelicitatis adducta erat, vt ad extremos conatus recurrendum foret. Porro eo nomine, Triarios dictos autumat Varro, quod in acie tertio loco & ordine ponerentur, vt subsidio, & reparandis rebus perditis starent. Horum, quandam speciem & vsum habemus in moderna militia; cum instructa acie, antequam ad prælium descendatur, semper selecta quædam equi-



equicum turma seponitur, quæ liberè extra ordinem diuagetur, & ubi suos periclitari conspexerint, præstò sint ad opem ferendam: canique nos *Squadronem volantem* vocitamus.

88

TRIBVCETA, bellica sunt instrumenta apud veteres Scriptores. Alijs *Tribak*, quorum meminit Lipsius in Poliorcet. Quid tamen rei fuerint, & ad quem usum facta, ipse se ignorare fatetur. Aestimauerim, ea ipsissimos esse Trabucos, de quibus paulò antè loquuti sumus. Vide etiam in V. *Angon*.

89

TRIBVLI etiam in re militari, sunt ferrea quædam instrumenta, acuminata, quadrangulari cuspide (Murices alij nominant) quæ per campum sparsa, dum ingruit prælium, equitatu sunt infensa, & hostium ordines turbant, dum equis temerè accedentibus, aculeis suis occurrunt, & ungulis adhærentia, sistunt, ac vitrà progredi vetant: quippe ea arte sunt fabricata, vt in quemcumque situm cadant, semper aliquem stimulum habeant terræ infixum, alios erectos ad feriendum promptos. Eos sic describit Budæus: *Tribuli*, ait, sunt *machinule ferreae dolosa, trigona, aut tetragona forma, quæ in quamcumque partem incubuerint, vnum aut plures aculeos infestos protendunt*. Frequens eorum vsus erat apud antiquos, nec tamen omninò nostro tempore obsoleuit. Sed ijs, tempore & loco vtuntur, maximè Galli, ubi locum aliquem propugnant ab hoste obsessum, solent enim eos spargere per murorum ruinas, vt cum aggressores ascensum parant ipsis sub terra & ruderibus latentibus, præpediantur, vulnerentur, & cadant. *Chause Trappes* appellant. Videtis ipsorum formam, apud Mallet in libro quem inscripsit, *Le Travaux de Mars*. Hos sed ampliori forma adhibuisse Romanos aduersus falcatas Græcorum quadrigas cum impetu discurrentes, refert Veget. lib. 3. cap. 24. *In quos, inquit, currentes quadrigæ cum incidissent delatæ sunt*. Alios minores contrà camelos, per campos aliquando sparisse, restatur Herodianus, his verbis lib. 4. *Postea vero quia ab equitatu & camelorum multitudine premebantur, fugam simulata, tribulos aliaque machinamenta ferrea acuminata proieciabantur, quæ sub arenis latentia, neque cuiquam conspecta, perniciem equitibus, & camelorum sessoribus afferebant: quippe illis calcatis equi, potissimum verò cameli, quoniam huic generi mollissima sunt ungula, succidue claudicabant, excussis tergo insectoribus*. Alium quoque usum habuisse in castris ponendis, ex Leone Græcorum Imperatore, notat Stevvechius in notis ad Vegetium. Nempe, si quando locus saxosus fuerit, vt non facile fodi posset, neque tempus fodiendi suppetere, valli, & fossæ vicem optime

me suppleant eiusmodi tribuli grandiores circum castra infixi, qui pro vallo starent, hostiumque irruptiones impedirent. Verum hi longè à memoratis & forma, & materia discrepant; sunt enim vè plurimum lignei simul conferti, & longiores, quos potius Blindas dixeris, de quibus suo loco.

In alia significatione vsurpatum inuenio Tribuli nomen apud Iacobum de Vitriaco lib. 3. Histor. Oriental. nimirum pro Machina eiacularia, quæ in obsidione vrbium ad concutienda, repetitis ictibus mœnia adhiberetur. Sic enim habet. *Nos verò considerantes, Turrim capi non posse petriarum, vel tribulorum ictibus &c.* Neque verò de ijs, quos modo memorauimus, exponi potest locus. Sed & niox eandem Machinam *Tribuculum* nominat. *Quæ omnes* (subdit, de testudinibus loquens, alijsque machinamentis) *remanferunt integra, præter vnâ, quæ crebris tribuculis, Templariorum ictibus concussa fuit aliquantùm.* Et in expugnatione Damiatæ, paulò post, addit. *Inuenti sunt in Damiatâ Tribuculi quatuor cum petriarijs & manganellis.* Erat igitur hæc machina species Catapultæ, quam alij Trabuchetum, alij Biffam, alij Briccolam appellant, de quibus suo loco dictum.

TRIBUNA, communi, & recepto ab Italis nomine, dicitur extrema Templorum absis, digniorque pars, in hemicycli formam abiens, ac desuper testudinata, vbi vtrplurimum Ara maxima collocata est, & circum Clerus ad occinendas Diuinas laudes solet consistere; fortè à Veterum Tribunali, deriuato vocabulo, quod adhuc apud nos de loco, in quo ius dicitur, vsurpatur: qui proinde augustior, semiotiorque à cæteris ædificij partibus, iuxta Vitruuij, omniumque Architectorum præcepta, esse debet. Is enim de Foro ad publica negotia, & iudicia factus, eiusque dispositione differens, hæc habet, lib. 5. cap. 1. *Tribunal est in ea adæ hemicycli schematis minore curuatura formatum. Eius autem hemicycli in fronte est internallum pedum XLVI. introrsus curuatura pedum XV. vti eos, qui ad magistratus starent, negotiantes in Basilica, ne impedirent.* Porro idipsi procedit, & spectare licet hodie in Sacris Tribunis, vbi Aram, & Sacris inseruientes consistere conuenit, à reliquo populo segregatos; ita tamen, ut locus conspectui sit, & cancellis, aut balaustricis repagulis, circum septus, adhuc ut sacræ actioni assistere quidem populus queat, simul orationes fundere, & de sacrificio participare; minime aurem intus accedere, & quoquo modo intentas Diuino operi mentes inturbare.

91 TRIBUNI audiunt in re militari, Secundarij Copiarum Duces, quorum curæ incumbit milites cogere, in campum ad pugnandum, educere, ordinare, præceptis adigere, atque eorum necessitatibus prouidere. Quod ideo magna erat olim apud Romanos Tribunorum dignitas, & potestas; adeo ut æquipararentur Consulibus, atque etiam inter eos esset, qui, rebus in pace compositis, suprema auctoritate, ius populo diceret, ac *Tribunus* plebis appellaretur. Qui vero militiæ prærant, Tribuni militum absolute dicerentur, apud quos summa belli erat, milites legebant, exercitum comparabant, acies instruebant, expeditiones adornabant, stationes figebant; denique de inducijs, de bello inferendo, aut de pace cum hostibus percutienda, dijudicabant. Magna equidem, & absoluta potestas, cui Senatus populusque Rom. annuebant, & quod ab ipsis fieret, ratum habebant.

Postea verò successu temporis, dignitas Tribunitia imminuta est, seu potius crescente Tribunorum numero, in partes secta, ac per Legiones diuisa: ita ut singulis legionibus seni, & aliquando deni præficerentur Tribuni, & unusquisque sub se, arbitrato Principis, summi Ducis, aut Castrorum præfecti, certas Centurias numeraret. Qui profecto apud diuersas nationes diuersimodè appellantur, & modò ampliorem, modò satis arctatam, ac dependentem à summo duce auctoritatem habent. Apud Gallos, teste Budæo, *Marescalli* titulo insigniuntur. Germani *Colonnellos* nominant, Hispani *Sargentos Maiores*; vniuersi, cum latine scribunt, *Chiliarchas* vocant: quamquam multoties Tribuni nomen retinent, & aliquam in ipsis diuersitatem agnoscunt. Quæ de re unusquisque prout rem apprehendit & iuxta ritum, quem seruat gens sua, vel de qua qui texit historiam loquitur. Certè hic mos regulariter ab omnibus seruari, compertum est, & per hos gradus, militiæ ordines distinguuntur; ut miles gregarius Centurioni pareat, Centuriones sint sub Tribuno, Tribunus præfecto Castrorum subiectus est, præfectus Castrorum Legato, Legatus tandem Principi, aut Supremo militarium Copiarum Moderatori. Apud hunc stat summum imperium armorum, & totius belli dirigendi summa auctoritas; unde & Imperator dictus est: ab hoc mandata exeunt, ab hoc munia dispensantur, ab hoc pœnæ fontes, præmia emeritis decernuntur. Tribunorum est, Imperatoris iussa capeßere, militarem tesseram quotidie nouam accipere, alijs ordinibus significare. Quæ omnia ex Polybio, Cæsare, Liuiio, & alijs scriptoribus collecta, latè persequitur Alexand. ab Alexandro Dier. Genial. lib. 6. cap. 18.

92 Erant etiam apud Romanos in pacis otio Tribuni, quos vocabant, Aera-

Aerarios, (*Aeratos* appellat Cicero) quorum cura erat, alieno ære grauatatos inquirere, infelicesque, impotentefque foluere, auctoritate Principis relaxare, creditoribus fatisfaciendo, vel de fuo, vel de ærario fifci: vel etiam (vt Afconius opinatur) ea munera in Repub. obibant, quæ nunc generales Receptores exequentur, attributam pecuniam ex publico ærario depromptam, Quæftoribus provinciâlibus enumerando. Erant, & Tribuni Plebis, quorum intererat aduerfus Patritios plebem tueri: commoda quærere, illatamque iniuriam propulfare: & horum quideni magna erat authoritas, quamquam, vt author eft Gellius lib. 13. cap. 12. neque vocationem habebant, neque prenfionem. Eo quod, inquit, *Tribuni Plebis antiqutis creati videntur non iuri dicundo, nec caufis querelisque de abfentibus nofcendis, fed interceffionibus faciendis quibus præfentes fuiſſent, vt iniuria quæ coram fieret, arceretur: ac propterea ius abnoſcandi ademptum; quoniam, vt vim fieri vetarent, aſſiduitate eorum, & præſentium oculis opus erat.* Cæterum, vt dixi, neque Patritios aduocabant, neque ad eos referre, vlla de re poterant.

TRICHES nominantur à Ptolemæo in Almageſto, tres ſtellæ, vnâ quartæ, reliquæ duæ quintæ magnitudinis de natura Martis, & Saturni, circâ caudam Leonis exiſtentes, quas tamen reliquit informes: poſteritas autem adunauit in Comam Berenicis cum alijs octo, quas Keplerus detexit, & vocauit Cincinnos. Vide in *Coma Berenicis*. 93

TRICHORVS, ſeu TRICORIVM, & TRICORVM erat apud antiquos ædiſcium; ſiue conclaue vnû tribus contignationibus conformatum, ex græca notione *Tricory*, quæ tres loculos in vna eademque re diſpertitos ſignificat. Vndè variè, & pro ſuo quiſque captu, & uſurpatur à Scriptoribus, & à Gloſſarijs intelligitur; de qua re magnani quæſtionem inſtituunt eruditiffimi viri, Cæl. Rodiginus, Cauſabonus, Domitius, Geuartius, & alij, vt mox videbimus. Alij enim accipiunt pro tribus ordinibus abſidum, ſeu tabulatorum ſibi inuicem inſidentium: alij pro tribus cameris, iuxtà poſitis in eodem plano, ſibi que mutuo correfpondentibus: alij pro loco aperto, tribus accelfibus peruio. Difficultatem faceſſunt diuerſæ ſectiones, quas non ita facile conciliare in vnum, conceſſum eſt. Nam primò Spartianus in Peſcennio, ita loquitur, vt non triplicem concamerationem, aut contignationem, ſiue in altitudinem, ſiue in eandem planitiem diſtinctam, intelligere videatur. Ait enim de eo: *Domus eius hodie viſitur in Campo Iouis, quæ appellatur Peſcenniana,*

in qua simulacrum eius in Trichoro constituit. Atqui simulacrum vnum in tripartito loco, vtcumque sumas, esse non potest, sed in vno simplici, determinato, atque indiuisibili. Econtrà Papinius in Tiburtino Vopisci, inter alia magnifica, quæ describit, sunt splendida tecta trichoris distincta. Sic enim loquitur Syluar. 1.

*Quid nunc ingentia mirer,*

*Aut quid partitis distantia tecta trichoris?*

Domitius hic existimat, Statium intellexisse tecta magnifica tribus pinnis surgentia; sed non satisfacit; etenim & magnificentiam, & partitionem, & tectorum distantiam in eo miratur Papinius. Auger difficultatem Dioscorides, qui de Acacia loquens lib. 1. vitur hac voce, pro explicandis folliculis, in quibus semen enascitur, & continetur. Semen educit, inquit, in folliculis Trichoris, seu Tetrachoris. Quare Trichori nomen generale est, & promiscuum, aptabile, siue ædibus, siue aris, siue quibusuis rebus tribus loculamentis, aut sanè aspectibus peruijs. Etenim, Altaria Trichora dixit etiam D. Paulinus, à tribus locis spectabilia, & Lapidum Trichorum inuenio apud Ordericum Vitalem lib. 6. Et in quadam inscriptione vetustissima Tolentini reperta, quæ affertur à Grutero, hæc habentur: *Septima Seuerina C.E. marito dulcissimo, ac sibi Sarcophagum, & Pantem cum Tricoro disposuit, & perfecit.* Benè Rhodiginus lib. 18. cap. 11. ab distributione triplici, trichorum posse deduci arbitror; Chori in namque disparare indicat. Concordat locus Spartiani vbi suprâ: nam Atrium domus intelligit, in quo simulacrū suum locauit Niger, triplici ex parte spectabile, ita tamen, vt æquè principaliter omnibus partibus responderet. Id quod ita explicat Casaubonus. *Magnatum ades,* inquit, *tribus distinctis partibus constare solent; quarum una ingredienti aduersa occurrit, due sunt ad latera: has tripartitas domos Architecti appellabant Trichora. Architecti nostri hodie vocant papiliones (adificij corpora vulgò dicimus.) Diuersa tecta sic consurgunt, vt in metatura Castrorum, separata totidem papilionum fastigia. Pari ratione procedunt Tristega, & Tetraestega, ex numero tabulatorum; vel & Tricinctum, Triforium, & Triclinium, de quibus mox infra. Hæc tamen clariora sunt, & nulla Scriptorum contrarietate, aut caligine offunduntur.*

95 TRICINCTVM, dicitur ab Architectis militaribus, munimentum triplici murorum ambitu, vel etiam fossæ excavatione vallatum, vt non ita facilè, superato ab hoste vno ordine, perrumpi in illud possit, sed adhuc ei multum sudoris, & sanguinis infundendum sit, vt illo potiatur. Sic inter alios, eius rei meminit Vvillelm. Brito in Philipp. lib. 1.

*Puer*

*Puer impiger illo*

*Tempore Tricinctum Castrum, qui continet in se  
Iugera multa soli, signis obcinxit, & armis.*

Id frequens erat Antiquis ad maiorem locorum securitatem; quoniam cominus vi, & armis inuadenda erant, & alioqui non multum difficile erat murum deijcere ariete, & alijs machinis impetentibus: quo semel obtento, acta res erat, & nullum restabat obsessis effugium, siue recessus, quo se tutarentur. At postquam inuenta sunt in militiam tormenta aenea, quæ de longè obuia quæque quaterent; & multiplicatus murorum recinctus, parum nihilominus obstaret cæcis bombardarum ictibus, qui sæpius repetiti (nec præcaueri possunt) simul & semel interiores recinctus incommodarent, & vnius ruinæ alijs impedimento essent, & damno, fossisque implendis materiam subministrarent; alia ineunda erat munimentorum obfirmandorum ratio, quæ esset expeditior, & ictus euandolos, aut saltem non tam perniciosos redderet. Quapropter vnus sat fuit murus, sed vallo interius ex aggestitia terra, & propugnaculis exterius in angulum positus, & latiore fossa, & prætenturis, incassum ictus excipientibus, probè munitus. At non ideò neglecta fuit nostris temporibus hæc recinctorum multiplicatio, vt non alicubi, præcipuè in amplissimis, & regalibus munimentis necessaria, saltem ad famam, apud hostes, vt omittant aggressiorem incertam, constituram multo sudore, & sanguine, conciliandâ. Quemadmodum non ita pridem vidimus factum in verè regali, & planè inexpugnabili Arce (Citradellam dicunt) in Messanæ portu ab Hispanis, magnis sumptibus, maioribusque animis excitata, ad continendos in officio ciues ad rebellandum pronos, & ad excutiendum durissimum iugum, intentos. Vidimus, & mirati sumus amplissimam Molam in medio excursionis brachio, quod portum claudit, & ipsi portui clauso ex vna parte, & aperto exterius mari, prædominantem, vt nusquam comeatus intercludi possit, neque obsidione arctari, Hæc enim uerò, extructione ad artem, depressâ, reliquarum arcium, (quæ plurimæ in continenti sunt) si quando in ciuium potestatem veniant; ictus eludit, & fallit. Cæterum, ita triplici muro ad modernam formam, totidemque amplissimis, & altissimis fossis aqua oppletis cincta, vt vel vnum recinctum sufficeret ad locum stabiliendum, itaque omnia tam probè sibi respondentia, & ordinata, vt si vnum fortè intercipi contingat, nil detrimenti patiatur Arx, sed suo munimine sit secura: quippe vnum recinctum ab alio sic separatur, vt extrâ scilopet ictum (illos diuidente fossa) nullum incommodum, hinc ab vno ad alterum, possit inferri; & viceversa, ita sibi communicant, vt per arctissimam viam, & pontes declinato-



natorios, solis præfidiarijs, ex vno in alium sit accessus. Egregium sanè opus, & quod fortè plus terroris habet in hostibus, vt animos despondeant, ac desperent, se posse illo aliquando potiri, quam in facto, vtilitatis: sæpè enim magnæ spes fallunt, & magnificæ idæ ad praxim reductæ, multoties à conceptis deficiunt. Et verò de hac instructissima Messanensi Arce, intelligo fuisse nonnullos expertissimos in ponendis propugnandis & obsidendis munitionibus, viros, benè perpendentes, & obseruantes huius tam celebratæ Arcis situm, formam, fossas, ac Trincinctorum ordines, ac dispositionem; improbas consilium, & exclamasse, sparsas in ventos curas, ac tantas opes; ac proinde nullum aliud operæ pretium suos structores relatuuros, si fortè bellum ingruat, quam callidissimi architectoris laudem, & Regiæ profusionis superbani ostentationem.

96 TRICLINIVM (vt nomen ipsum præfert) nil aliud denotat, quam Cænaculum triplici lectorum ordine instructum, ad commodè conuiuandum; vti biclinium à duobus litratibus inibi lectis, est dictum. Etenim veteres ad maiorem luxum, acclines in lectis circa mensam dispositis, conuiuari solebant; vnde, magnificum ad hoc conclaue in ædibus habebant. Et quia solenne illis erat non plures, nec pauciores, quam tres lectos in eo sternere, ac stratos perpetuò detinere, qui numerus excipiendis quibusuis conuinis sat erat, & mysterium in his agnoscebant; inde factum, vt triclinij nomen absolutè huiusmodi discubitorijs staret, etiam postquam vsus discumbendi in mensis ablatus est, & sellarum vsus introductus, quæ absque alia consideratione, tot ponuntur, quot ad recipiendos conuiuantem satis sunt: ex quo Triclinij nomen in Refectorium, vtique generalius, ac magis expressiuum commutatum est: quia præsertim voce vtuntur Religiosi ad designandum locum vbi communiter, & ex instituto, cibum sumunt; ita tamèn, vt locus iste à cultioris linguæ scriptoribus non rarò Triclinij nomine insigniatur. Et quoniam ea loca publica sunt, atque, non tam ad corpus cibis reficiendum, quam ad animos iucunda conuersatione, & grato aspectu exhilarandos, facta sunt; idè monet consultò Vitruui. lib. 5. cap. 5. in ijs amplitudinem, speciositatem, abundantiam luminis, & situs opportunitatem, maxime attendendam; Et cap. 7. vult, tria ad minus triclinia in ædibus poni, pro qualitate temporum, & diuersitate aspectuum: & hybernium vnum, aliud Vernum, tertium Aestiuum. Et hybernium quidem, versum ad occidentem; idè quod, inquit, *vesperino lumine opus est uti*. Verum verò, & autumnalia, quæ eandem induunt rationem, ad Orientem. Cum enim, subdit, *pratenta luminibus aduersus Solis impetus*  
pro-

progrediens ad occidentem, efficit ea temperata ad id tempus, quo opus solitum est uti. De Aestiuus autem, vult ea parati ad Septentrionem. Quod ea regio, ait, eo quod est auersa à Solis cursu, semper refrigerata, & salubritatem, & voluptatem in usu praeſtat. At in cubiculis ad secessum, & nocturnam quietem factis, diuersam expetit rationem; nam quo magis arcta, & minus exposita sunt, eò ad consistendum, & somnum capiendum magis idonea, ut consideranti patet.

TRIFORIVM (non *Triforum*, ut male aliqui confundunt, quod longè aliud sonat.) Est species quædam Porticus breuioris, quæ sacris ædibus adijci solet, immediatè incumbens exteriori ædificij muro, suprà inferiorem ordinem columnarum, totam ædem circumambiens ad modum clauſtri; ad hoc posita, ad liberam deambulationem, pro ijs, qui citrà turbam, & loci sacri incommodationem, illud propiùs perlustrare, & subiectam aream circumſpectare percurrerent. At Triforium nil aliud indicat, quam tres fores in vno eodemque aspectu ad maiorem intrantium commoditatem dispositas. Hæc ex Du-Cante in suo Glossario, qui id comprobât exemplo Ecclesiæ Cathedralis Ambianensis, vbi duplex eiusmodi prospectus circumquaque proiectus inspicitur suprà amplissimam porticum constitutus. Id quod magis explicat, & confirmat autoritate Geruasij Dorobernensis, in Monasterio Anglicano. Vbi inter alia, hæc obseruat in magnifica extruſione Ecclesiæ Cantuariensis. *Hic murus, inquit, Chorum circuiens in circinatione illa piliariorum in capite Ecclesiæ, in vnum conueniebat. Suprà quem murum via erat, quæ Triforium appellatur, ac fenestræ superiores, in quibus appositis clauibus, & fornice facta, à turre maiori vsque ad pilarios prædictos, idest vsque ad Crucem, triforium inferius multis intexuit columnis marmoreis. Mox addit: Super pilarios verò inferius Triforium, & superius cum fenestris, & fornice maiori.* Dictum est autem Triforium, quod eiusmodi strictioris ambulationis aperturæ intra ipsam ædem duabus columnulis distinctæ, triforium quodammodo præferunt. Simile, quid habemus in multis Italiæ nostræ Basilicis, ac præcipuè Romæ in Basilica Sancti Petri, Sanctæ Mariæ de Pace, S. Agnetis in agone, &c. Verumtamen, quia non eandem formam seruant, sed subdiales sunt huiusmodi ambulationes, ac magis apertæ, non ijs absolute Triforij nomen applicari potest, sed absolute itiones sunt, ac communiter audiunt *Loggiette sconeerte*.

TRIGLYPHVS, in opere architectonico notissima pars est, & 98<sup>a</sup>  
no-

nobile ornamentum in Epistylío Dorici ordinis constitutum, respondens ad singula columnarum capitula, in quadrum exurgens, & aliquantulum foras prominens: repræsentat enim tignorū exēta, capita in tres sulcos, seu canali culos erectos, aquam ē tectis redundantem colligens, & foras emittens, in senas sub se pendulas guttulas, quæ & effectum stillicidij inferunt, & mirum in modum ædificij frontem exornant. Porro inter Epistylia, nullum augultius, & propius ad similitudinem veri accedit, quam Doricum, rata partium distributione dispositum, & mira varietate exornatum: quas inter principem locum sibi vendicat triglyphus, cuius additionis rationem, ab origine reuocat Vitruu. lib. 4. cap. 2. *Artifices*, inquit, *quodam in loco ædificantes, cum ita ab anterioribus parietibus ad extremas partes tigna prominentia habuissent collocata, intertignia struxerunt, supraque coronas, & fastigia, venustiore specie fabrilibus operibus ornauerunt. Tum proiecturas tignorū quantum eminebant ad lineam, & perpendiculum parietum, perfecnerunt: quæ species, cum inuenusta ijs visa esset, tabellas ita formatas, uti nunc sunt triglyphi, contra tignorū præcisiones in fronte fixerunt, & eas cera cerulea depinxerunt, ut præcisiones tignorū non offenderent visum. Itā diuisiones tignorū tectā triglyphorū dispositione, intertignum, & opam habere in Doricis operibus capere. Postea alij in alijs operibus ad perpendiculum triglyphorū, canterios prominentes proiecerunt, eorumque proiecturas sinuauerunt. Ex eo, uti ē tignorū dispositionibus, triglyphi; itā ē canteriorum proiecturis, mutulorum sub Coronis ratio est inuenta. Hucusque Vitruuius, omnem triglyphorū in Doricis; canteriorum, mutulorumque in reliquis operibus adiectionem expendens, rationem reddit, cur ea postmodum in opus archiæctonicum inuecta sint.*

Iraque Triglyphi inter Coronam, ac trabeationem inferiorem, in opere Dorico constituti sunt intra Zophorum, liberam eius excursionem interpellantes, quod venustatem operi adderent, ac maiestatem: atque ideo Triglyphi dicti sunt, quasi *tribus glyphis* constantes; nempe duobus integris in medio, inter tres planas regulas (quas ideo femora dicunt) in formam cuiusdam canalis perpendiculariter excauatis; ac tertio mediū scindendo, in angulis constituto. Ad cuius pedes regula latior tanquam basis exporrecta est, subtus quam cadentes ē triglyphis guttulæ sex effinguntur, quæ opus bellissime claudunt. Sed id melius intelligetur inspectione schematis, quod exhibuimus in V. *Epistylum*.

quæ participant de eadem natura, & qualitate, seseque inuicem de trino radio, per tertiam Cæli partem respicientium. Hoc pro diuersa qualitarum commixtione, quatuor constituuntur Trigona: Ignem, calidum, & siccum, complectens Arietem, Leonem, & Sagittarium: Terreum, hoc est frigidum & siccum, constatum ex Tauro, Virgine, & Capricorno: Aëreum, calidum nempe, & humidum, constans ex Geminis, Libra, & Aquario: ac tandem Aquum, frigidum, & humidum, in quod confluunt reliqua tria signa, Cancer videlicet; Scorpius, & Pisces. Horum singulis (quas & Triplacitates nominant) binos, aut ternos planetas præficiunt, inxta naturarum conformitatem: cuius conuenientis distributionis haud aspernabilem affert rationem Ptolemæus in *Quadripart. lib. 1. cap. 16.* estque hæc præsentia vna ex quinque essentialibus dignitatibus quas Planetæ obtinent in signis, & secundum aliquos, potior quam Domicilium. Vocatur etiam Trigonus, radius per tertiam Cæli partem porrectus, qui & Trinus, de quo mox infra. Hinc.

TRIGONOCRATOR communiter appellatur, præsertim ab Arabibus & Chaldeis, Planeta, qui est dispositio vnus ex hisce Trigonis, cui videlicet ob naturæ conformitatem hæc dispositio conuenit, qui & alios in sui consortium ex eadem ratione admittit: vt trigoni ignei dispositores sunt sol, & Iupiter, quia masculi sunt, quia vincunt in caliditate, & quia denum ius domicilij obtinent super duo signa, Leonem, & Sagittarium. Excluditur autem Mars, quamuis alioqui summè calidus, & siccus, quia in eo abundat, & præualet siccitas, qualitas passiva, vnde Planeta nocturnus est, & aliqui eum faciunt remminum. Aliam rationem affert Ptolemæus, quia nimirum aduersatur conditioni Solis, & ideo illum præficit Trigono aqueo cum Venere, & Luna. Sic Aëreo præfunt Saturnus, & Mercurius; ac Terreo Venus, & Luna: vt videre est in Tabella, quæ communiter circumfertur.

TRIGONOMETRIA scientia est Geometriæ subalterna, quæ versatur circa analysin, & naturam triangulorum, traditque modum resoluendi omnia triangula tam plana, quam sphærica; quo videlicet, datis lateribus dignoscuntur anguli, aut e contra, vel datis tribus terminis, vno scilicet angulo, & duobus lateribus, vel vno latere, & duobus angulis, dimetiuntur reliqui. Pro quorum resolutione, apertissima venit Tabula Sinuum, Tangentium, & Secantium, qua ostenditur respondentia chordarum ad circumferentiam,

G g g g g & li-

& lineas tangentes, & secantes, quæ omne genus triangulorum efformant, & in seipsis includunt.

- 102** TRINVS RADIVS est familiaritas, & conuenientia inter duos Planetas, qui in distantia quatuor signorum Zodiaci, seu tertie partis calî, hoc est gr. 120. sese respexerint. Et quoniam huiusmodi radij in Cælestibus correspondent interuallis Musicis, quæ faciunt consonantiam, vt alibi ex Keplero notatum est; hic radius habet proportionem ad quintam, vti chorda in Monochordo in tres partes æquales diuisa, consonat quintæ, ad aliam similem ex toto protensam, vbi facit gratam, & dulcisonam melodiam; ita hic radius de sua natura est felix, & valdè efficax, atque in signifero vti Planetæ apti sunt illum contrahere maximè attenditur, adducitque effectus bonos, & satis patentes in ijs, quæ naturaliter significantur ab illis. Cuius bonitatis, & amicitie causam acceptam fert Ptolemæus ad similitudinem sexus, eo quod, inquit, omnia sunt masculina, vel feminina. Sed hæc ratio iure videtur Magino, in Primo Mobili Can. 39. valdè debilis, & infirma: nam, vt ipse aduertit, oppositio fit in magna distantia, quæ respondet tonis musicis, ad octauam, estque inter duo signa sexu similia, & nihilominus hostilis est, immò & nequior ipso Tetragono, vt proinde vocetur aspectus perfectæ inimicitie, vti trinus perfectæ amicitie. Quapropter benignitas huius radij consistit potius in conformitate naturæ ob similem omnino mixturum qualitarum; quod in alijs aspectibus reperiri non est, nisi in sextili, ob conuenientiam in vna saltem qualitate, quæ in ambobus signis præualet, necnon in conditione temporis, & sexus. Quid ideo dicitur participare de trino, & æstimatur radius amicitie imperfectæ. Vide quæ diximus in V. *Familiaritas*.

- 103** TRIPANTVM Machina bellica est in genere Lithobolarum, quæ maximè erat in vsu, tribus ab hinc sæculis; sed postea sensim succedentibus bombardis, in desuetudinem abiit. Qualis forma, & vsus fuerit, satis diligenter describit Aegidius Romanus par. 3. de Regim. Princip. cap. 18. & nos nonnihil de ea annotauimus in V. *Briccola*, cum quibus aut confunditur, aut valde conuenit.

- 104** TRIPORTICVS, vt nomen ipsum indicat, in genere architectonico audit amplissimum ædificium, seu Porticus ante illud extructa triplici columnarum ordine, seu potius fornice, supra duos in

in medio consistentes columnarum ordines, superstructo, magnificentissime ornata: quæ olim maiestatis, & conciliandæ religionis ergo, ante sacras ædes ædificari solebat ad commodum splendidumque conuentuum receptum. Cuius potissimum mentionem facit Sidonius Apollinaris, ut nos alibi adnotauimus. Sed non in totum exoleuit hic mos apponendi Triporticum ante Sacras Basilicas. Videmus nos, paucis ab hinc annis, pientissime simul, ac magnificentissime renouatum ab Alexandro VII. magnorum spirituum Pontifice, ante Basilicam Vaticanam, amplissima extructa Triportico, quæ totam aream, perinde ac nobile Theatrum, stringit: ut nescias an magnificentia, ac maiestate contendat cum nobili ædificio, cui posita est, an dignior tanto ædificio poni poterat.

TRIQUETRVM, latinè Triangulum: ab Astronomis applicatum est nomen tribus stellis in Australi plaga, non ita pridem detectis prope Circulum Antarcticum, in trianguli ferè æquilateri formam abeuntibus, de natura Veneris, & Saturni. De quibus hæc fatur Petr. Io: Faber lib. 2. cap. 3. *Inter omnes stellas Trianguli nostri, efficacior est illa secundæ magnitud. in cuspide Trianguli collocata, & est Veneris proprietatis, & efficacia: reliquæ sunt omnes Saturni virtutis, quæ Veneream virtutem coarctat, & cohibet. Et harum proprietate, & efficacia, qui Polum antarcticum habitant, tristes admodum sunt, & melancholici; sed Veneris virtute subleuantur ab illa insigni tristitia; & genio indulgent, & rebus Veneris: à qua etiam germinatio, & fertilitas in hac terra polari dependet, quoddam humidum pingue calido naturali permixtum terræ infundat, & impertiat, è quo soli fertilitas, & germinatio ortum habet. Ab hac etiam stella producitur cuprum, Vitriolum, & Marcasitarum genus, quo polus hic antarcticus abundat. Hæc Faber. Sed eius fides apud me nutat, quia sæpè falsus, & facilis ad pronuntiandū de his quæ non nouit, inuentus est. Certè de his stellis, quæ suprâ nos sunt, atque adeo earum naturam, & influxus particulares, non ab ipso edoceri opus habemus, idipsū facit: vnde & cautiùs scribere operæpretium erat: nihilominus, cum de ijs loquitur turpissimè labitur, & mille ineptias nectit, ut alibi notatum est.*

TRISPASTVM in Mechanicis dicta est machina tractoria tribus trochleis ad trahendum instructa. Vti *Polispastum*, ut nomen indicat (de quo suo loco) constat ex pluribus indefinitè, & ad tempus adhibitis. Sed in hac machina, quæ in præsentī occurrit, terni orbiculorum ordines in latitudinem disponuntur, qui communicata inuicem potentia, mirum in modum virtutem impulsuam intendunt,

G g g g g g 2 & au-



& augent; unde fit, ut grauissima alioqui pondera, quæ plures potentia simul vnita loco dimouere haud possent, hac machina, leui opera subleuantur. Eiusmodi fama est, fuisse eam, quæ vsus est Archimedes, quum mille frumenti modios è naui ad terram attraxisset, adhibita tantummodò læua manu, ferunt Plutarchus, & Oribasius. Et Vitruuius quidem lib. 10. cap. 5. & 5. à numero orbiculorum denominatam censet: vti si in ima trochlea (verba ipsius sunt) duo orbiculi; in superiori tres versantur, id Pentspasston dicitur. Verum Oribasius in lib. de Machinam. cap. 24. Vult potiùs, à tribus funibus, qui eam agitant, orbiculosque ducunt, appellationem sumpsisse, qui ad eam agendam necessarij omninò sunt, vnus exterius ambiens, qui motum toti artificio præstat; aliud duo intrinsecùs appliciti ad trochleas. Quorum vsum ita describit Vitruuius loc. cit. Ita tres ductarij funes in summo machinæ religantur: deinde referuntur ad imam trocleam, & traiciuntur ex inferiori parte per eius orbiculos summos: deinde referuntur ad superiorem trochleam, & traiciuntur ab exteriori parte in interiorem per orbiculos imos. Cum descenderint ad imum ex interiori parte, & per secundos orbiculos traducuntur in exteriorem, & referuntur ad summum, ad orbiculos secundos traiectione, redeunt ad imum. Ex imo referuntur ad caput, & traiectione per summos redeunt ad machinam imam. Hæc Vitruu. ex cuius contextu porro deducitur, totam machinæ actionem fundari in triplicato necessario fune per orbiculos ducto, ac circumducto, facilitatem verò agendi haberi à versatilibus rotulis, quæ quò plures sunt, eò expeditiores euadunt. ductarij funes, qui totam machinam agitant, proindeque ex seipsis denominant. Rationem verò maioris agilitatis in machina, absolutè referendâ esse plurimis orbiculorum conduplicationibus, funibus attrahendi vim adaugentibus, disertè tradit Leo Albertus de re ædificator. lib. 6. cap. 7: dicens. Quot erunt istiusmodi conduplicationes, tot erunt ponderis dispartitiones. Ex quo illud sequitur, ut quò plus adhibeantur orbiculi, eò pondus quasi concisum, & in partes disgregatum commodiùs traheatur. Sed vide quæ ad hanc rem, diximus generaliter in V. Polispaston. Hinc

107

TROCHLEA quid sit, & quod munus obtrineat in machinis tractorijs, manifestè deducitur. Est enim notissimum, & simplicissimum organum, quo per innixam axiculo rotulam, ductarij funis in cauam ipsius peripheriam receptus, vtrò citròque fertur ac volutatur, adeoque apprimè conducit ad subleuanda, vel demittenda pondera, quemadmodum vsitatum quotidie videmus in puteis, ad hauriendam aquam. Quod ideo ab vno fune ductario & vna rotula Monof-

*noſpaſſum* appellant Græci, & in proprietate verborum ſiſtentes cultiores è Latinis Machanici. Sed trochlea vox magis recepta, & vulgarior, qua vtuntur paſſim Scriptores Claſſici, & emundæ nariſ, in quibus Budæus, cæteroqui lubenter græcizans, aſſerens, *Trochleam* ſignificare totam illam machinam, quæ continet rotulam, & axiculum per rotulam traiectum, circa quam rotula verſatur; & propterea ductarium funem, qui circa orbiculum currit, quales in puteis videmus. *Rechamum* nonnulli cum Ariſtotele appellant, vt diximus ſuo loco.

**TROCHILVS** in Architeſtura audit cauum illud, ſiue ſimplex, ſiue **108** duplex, quod efformatur in baſi columnæ Doricæ, Ionicæ, & Corinthiæ, inter torum, & aſtragalum. Quam forte appellationem deſumpſit à trochlea modò dicta, ſeu rotula ſtriata in planum poſita & reſupinata, cui ſuperpoſitus ſit torus, vel aſtragalus, vt profeſſo ex ea nil aliud perſpicuum ſit, quam pars extrema in cauum ducta. Hæc enim pars intrâ recedens inter duas exuperantes, cum ſuis regulis diſtinguentibus, mirum in modum auget aſpectus venuſtatem, ſua illa interciſione & varietate, quæ in Dorica baſi vnica eſt, in Ionica, & Corinthia duplex, interiectis regulis. De quarum proportionem hæc habet Vitruu. lib. 3. cap. 3. *Dempta plintho, reliquum* (baſis) diuidatur in partes quatuor: fiatque ſuperior totus quarta: reliquæ tres equaliter diuidantur, & vna ſit inferior torus, altera pars cum ſuis quadris, Scotia, quam Græci Trochilon dicunt. Et hæc in Dorica, quæ vnum trochilum inter duos toros admittit. Pergit poſtea tradere præcepta de ijs, quæ duos trochilos habent. Sin autem Ionica ſint faciendæ, ſymmetriæ earum ſic erunt conſtituendæ, vt latitudo ſpiræ quoque verſus ſit columnæ craſſitudinis, adiecta craſſitudine quarta, & octaua altitudo vti atticurgis: ita eius plinthos, reliquumque præter plinthon, quod erit tertia pars craſſitudinis columnæ, diuidatur in partes ſeptem: inde trium partium torus qui eſt in ſummo, reliquæ quatuor partes diuidendæ ſunt equaliter, & vna pars fiat cum ſuis aſtragalis, & ſupercilio, ſuperior trochilus; altera pars interiori trochilo relinquantur: ſed inferior maior apparebit, idè quod habebit ad extremam plinthum proiecturam. De Corinthia nullam expreſſam mentionem facit, vt aduertit Philander, quia eadem ratio de illa eſt. Quam (ſubdit) Architeſti, vt efficerent Vitruuiana Ionica, inferior emtorum addiderunt. Vtriuſque autem deformationem, & per partes explicationem, vide apud Philandrum in Digreſſione, quam ad hanc rem facit, ad citatum locum Vitruuij. Vide etiam quæ diximus in V. Scotia.

TROIA communiter dicta est, quæ ab Græcis, generali vocabulo, *Sciomachia*, hoc est ludrica concertatio, & umbratilis pugna, ex quo, ab Troiæ extorribus adolescentibus, qui Aeneam in Italiam transinigrantem sequuti sunt, primò instituta est in Sicilia, ipso promotore, in celebrando Anchisæ parenti funere. Quæ postea ab Ascanio Aenææ filio, post Albam conditam, instaurata, & melius ordinata fuit: ac tandem à Romanis ad militiam natis, ac totius Orbis Imperium affectantibus, magno cum plausu recepta, vti militaris virtutis exercitatio, ac documentum, inque Circenses ludos translata. Id quod eleganter expressit Poeta, *Aeneid.* 5. cum dixit.

*Tunc morem cursus, atque hæc certamina, primus  
Ascanius, longam muris cum cingeret Albam,  
Restulit, & priscos docuit celebrare Latinos:  
Quo puer ipse modo secum, quo Troia pubes  
Albani docuere suos. Hinc maxima porro  
Accepit Roma, & patrium seruauit honorem;  
Troiaque nunc pueri, Troianum dicitur Agmen.*

Idque adeò apud omnes Latinos Scriptores inualuit, vt iam non alio nomine quascumque equestres decursiones, hastiludia, torneamenta, aliasque huiusmodi exercitationes, exprimerent, quam Troiæ, vnde originem traxerunt, & omen.

109 TROIA etiam appellata est Machina bellica ad suffodiendos muros facta, cuius meminit Turpinus in Vita Caroli magni, & formam & vsum diligenter examinat Lipsius in Poliorceticis.

910 TROPÆOPHORI, autore Bulengero to. 2. cap. 2. dicti sunt Arcus Triumphales tumultuariò erecti, & ab initio informes, & rudēs, sine vilo ordine Architecturæ &c. qualis speciem videre adhuc licet in ruderibus arcus Romuli in Capitolio excitati, dum de Vientibus triumphum ageret. Qui mos antiquissimus fuit, vt apparet ex sacra Regum Historia, non vno in loco, vbi in ingressu Victoris in urbem, post victoriam reportatam; huiusmodi arcus ex imposito lapide erigebantur, atque in ijs spolia ex hostibus relata in trophæum, & æternam rei memoriam, appendebantur, aut exsculpebantur. Ex quo fortè, vt ipse Bulengerus coniectatur, Tropæophori denominatio ipsis applicita, à Trophæis, facili commutatione deriuata fuit.

III TROPICI in Primo Mobili, & in Sphæra armillari, (quæ illud cum

cum omnibus suis affectionibus, ad viuum representat) dicuntur duo Circuli non maximi, æquè hinc inde ab æquatore distantes per interuallum gr. 32. cum dimidio, alter ad Polum arcticum vergens, alter ad Antarcticum; denominatus ille Tropicus Cancrī, iste Tropicus Capricorni, eoquod ab his terminis, seu punctis, initia habent ea Signa. Dicti sunt autem Tropici à græca notione *ἑρως*, quæ regressum, & conuersionem significat: eoquod Sol ea puncta attingens, ultra non progreditur, sed quodammodo sistit (vnde Solstitia) & ad æquatorem conuertit iter. Porro in his punctis Sol efficit dies noctibus maximè inæquales, itaut in nostris regionibus septentrionalibus citrà æquatorem, faciat dies longissimos, & noctes breuissimas, cum est in Cancrō; contrà cum in Capricorno. At in Australibus trans æquatorem, contrarium accidit: arcus enim diurnus consistentiæ Solis suprà terram, in his amplior est, quam nocturnus suis in regionibus, vt videre est in sphaera materiali. Aliud etiam munus præstant Tropici, nempe discescere Zonas temperatam, à Torrida, quæ completitur totum id spatium, quod est inter Tropicos. Ipsi autem hinc inde definiunt Zonas temperatas, quæ extenduntur vsque ad Circulos minores, Arcticum, & Antarcticum; intra quos constitutæ sunt Zonæ frigida. Vnde in vniuersum, quinque sunt Zonæ intra quatuor circulos minores comprehensæ, quas elegantissimè describunt duo Poëtæ, principatum tenentes inter Latinos, nempe Virgilius in Georgicis, & Ouidius in Metamorphos. Sed de his, & earum qualitate recurret sermo, suo loco.

TRVLLVS in Sacris olim Græcorum ædificijs audiebat amplius, 112 & sublimis Testudo, erecta in sphaeræ similitudinem, vti videre est Constantinopoli in insigni Templo S. Sophiæ, quam magnam templi sphaeram appellat Zonaras, à Iustiniano Imperatore positam, & suo tempore collapsam, sed mox ab eodem magnificentius restitutam; ac postea à Iustino successore, substratis in quatuor angulis, quæ arcus sustinerent, magnis columnis, firmissimè stabilitam. Celebrior factus est locus à Synodo Occumenica sexta inibi celebrata, seu potius in Secretario Sacri Palatij, quod cognominatum est Trullus, inde dicta Trullana. De qua re vide Cu-Cange in descript. Templi S. Sophiæ. Cæterum omne ædificium rotundum concameratum in formam oui, dictum est Trullus, vnde etiam Romæ, Anastas. Bibliothecar. refert in Sergio Papa, quod *Trullum Ecclesiæ fufis chartis plumbeis cooperuit, atque vniuit*. Et alibi sæpè. Nos *Cupulam* vocamus.

TRVNCVS communiter appellatur crassior, & potissima arboris pars, quæ ex radice exurgit, ac postea in ramos spargitur, & dilatatur, ita ut quæ inter ramos, & radices mediat, truncus dicatur. Per translationem verò, sumitur ab Architectis pro illa parte Columnæ, aut Stylobatæ, quæ inter basim, & supremam coronicem, seu veriùs capitulum, intercipitur. Certè Vitruu. ipsum scapum, & sultem columnarum, absolūtè truncum appellat. At Palladius & alij recentiores (nescio quæ ratione) Dadum, & Zocum nominant, resque inter se confundunt. Nam Dadum, vt alias diximus, appellat, & signat pro xiè plinthum, quæ in ima basi spiræ, subternitur aut capitulis superimponitur, quæ alio nomine *Abacus* nuncupatur. Quibus omnibus Trunci nomen haud conuenit, ex quo ab arboribus ortum traxit.

- 113** TRVTINA crassiusculè accipitur pro libratorio quouis organo, & instrumento: cuiusmodi sunt Libra, Statera, Libella &c. vti Trutinæ nomen vsurpasse videtur Vitruu. lib. 10. cap. 8. cum in descriptione Vectis: vbi explicat miram eius vim, ait: *Id autem ex trutinis, quæ Statera dicuntur, licet considerare.* At veriùs, & in germano sensu, Trutina signat ipsum examen, seu locum fixum in Statera, & eiusmodi libratorijs instrumentis, qui refert centrum ad quod dirigitur æquipondium; vbi videlicet innixa est ansa seu spatium, in axiculo, qui stat pro hypomochlio; cui in scapo respondeat lingula hincinde, pro variatione momentorum, in appolitis ponderibus inclinans; quæ proinde verè, & propriè sibi trutinæ nomen, & officium vendicat, ad quam fit examinatio. Quocirca in vno eodemque instrumento, plurimæ, & variatæ subinde considerari possunt Trutinæ, & centra, secundum quod variè constituitur æquilibrium. Id quod acutè obseruauit Philander prædictum Vitruuij locum expendens. *Examen, inquit, cum summo medio ansæ puncto respondet, nec in hanc, aut illam partem inclinatur, fit æquilibrium, siue æquamentum dicas cum Sexto Pompeio.* Et infra: *Scapus fit vectis. Puncta in scapo esse pro hypomochlio, sicut qui dicunt: nos verò axiculum, quo in ansa versatur scapus, intelligimus.* Sed quid opus ad stipulatorem in te conpertissimam? Cùm Aristoteles, in reductione Stateræ ad rationem vectis, id manifestè dicat, & plura centra, quæ hypomochlium referant, vnde trutinatio exurgit, admittat? Is enim in Mechanicis quæst. 20. sic loquitur. *Libram quidem vbi spatiorum quodcumque fit centrum. In altera enim parte lancem, in altera autem pro lance æquipondij appendiculum habet, quod libræ incumbit, cedit si quis alteram apponeret lancem, & illi pondus imponderet.* Manifestum enim, quod tan-
- tum-

tundem trahit ponderis ei quod in altera iacet lance. Quemadmodum autem, si una libra multa sint libræ, sic talia insunt sparta multa in eiusmodi libra; quorum uniuscuiusque quod intrinsecus est ad appendiculum, statera est dimidium, & omnino isthuc libra est: unam quidem habens lancem, in qua pondus appenditur, alteram verò, ubi in statera equipondium. Quamobrem appendiculum ad alteram sui partem est statera. Huiusmodi autem existens, multe sunt libræ, totque, quot fuerint sparta. Ergo Philosopho aliud Trutina, seu examen (quod libræ nomine denotat, quia id vnicè est, quod pondera simul confert, & librat) aliud statera, seu quodlibet aliud ponderatorum instrumentum; itaut hoc, veluti sui partem, eamque potissimam quæ toti instrumento ponderandi virtutem communicet, trutinam libramtem includat: quin & plures in eo concipi possint, & pro varia spartorum collo- catione, & centri variatione aptari ad æquilibrium obtinendum. Hæc pro rei veritate, & propria verborum significatione. Cæterum non me latet, alios Scriptores indiscriminatim, omne instrumen- tum ponderatorum Trutinam vocitasse; sed qui non æqua lance, verba ad rerum significatarum ratione expenderent, serioque truti- narentur. Cornutus autem optimè eius differentiam nouit, scri- bens, Trutinam esse foramen intra quod est lingua bilancis, ad quod est examinatio; quod alij Aequamentum, alij Libramentum, alij Aequili- brium vocant. Quò nihil aptius nihil pressius, nihil expressius ad supraiactam Philoſophi explicationem.

TV

TVBA bellicum instrumentum sonorum ex ære, argenteue incur- uum, vnum præcipuumque è tribus militaribus signis, dans copijs ad præliandum, dispositis agendorum directionem, animumque ad fortiter dimicandum. Differt à Buccina, tum forma, tum munere, nam buccina omninò recurua est, & in circulum abiens, ab initio exilis, & sensim dilatur adusque extremum orificium: Tuba dire- cta, & eodem semper tenore procedens, quoad semel & iterum recuruata, in tres veluti canales dispescitur, per quos transiens vox acuitur, attenuatur, & in varios sonos intenditur, & aptatur: vnde Veget. lib. 3. cap. 5. Tuba, inquit, quæ directæ est, appellatur; buc- cina, quæ in semetipsam æreo circulo flectitur. Differt etiam vsu, & offi- cio; etenim buccina classicum occinebat, & tantummodò prælij incundi signum dabat; Tuba autem in ipso prælij ardore adhibeba- tur vt directrix armorum, quid faciendum, quò progrediendum, ubi maximè insistendum, pluribus alternantibus motibus, veluti articu- latis vocibus exprimens, & alioqui decertantibus alacritatem inge- nerans, mireque equos militumque animos extimulans, accendens.

H h h h h

que



que ad pugnam : id quod acutè expressit Poëta Aeneid. 6.

*Aere ciere viros , Martemque accendere cantu .*

Sed nullibi expressior Tubæ descriptio , atque ab reliquis statu personantibus organis , in affectibus commouendis diuersitas , quam apud Florid. Apulci , lib. 3. *Siquidem , inquit , vox hominis , & tuba rudiore tornior , & tibiæ quasi delectabilior , & fistula susurro iucundior , & buccinæ significatu longinquior . Quandoquidem buccina grandiore sonitu prædita sit necesse est , vt ad totius exercitus aures peruatad ; tuba viuidiore , vario , & terribili , quò bellatorum animos ad conferendas manus accendat . Hinc Cicero ad Herenn. liber. 4. exprobrat . In concione de virtute loqueris ; in pralio tuba sonitum perferre non potes . Ad hæc vide , quæ in Buccina diximus .*

- 115** TVBVS OPTICVS ab eius forma , & officio , expressiuo satis vocabulo , statim ab eius inuentione nominati cæpit instrumentum , visorium tubo constans , ac duobus spicillis ad extrema in certa ab sc distantia collocatis , quò mirum in modum , species obiectorum , per illud transeuntes intenduntur , ac dilatantur , pro diuersa eiusdem positione ; quò sic alteratæ ad oculum terminant , redduntque obiectum in suo naturali statu visibile , ac veluti indistans , & præsens . Præclarum sanè inuentum , & artis miraculum ; quod sibi arrogant Bataui , ex quodam Io: Lipperlain Zelando , conditione humili , opticæ prorsus ignaro , & professione , simplici spicillario ; quem ferunt , casu quodam die , ex fortuito duorum spicillorum concursu , quorum alterum conuexum erat , alterum concauum , haud sine admiratione animaduertisse obiecta mirum in modum augeri , & cæli proxime oculo adnota constitui . Quo viso , vt rei periculum faceret , vtrumque vitrum in tubum seu canaleni vndique tectum , quò species non diuergerent , ita disposuit , tandiùmque oculis admo- uit , retractis , atque approximatis ab inuicem vitris , quoad voti compos , alios in diuersa proportionem compositos obseruauit , ac tubos opticos conficere tandem edoctus est . Qui postea nouis obseruationibus , & ab intimis Opticæ penetrabilibus , petitis rationibus , sapientius concinnati in varias species abiere , pro diuersimoda radiorum visualium proiectione , vti nunc videmus , non sine magno Reipub. bono , ac mathematicarum artium incremento , varijsque nominibus dignitati operis respondentibus insigniti , ex græcæ notatione depromptis , vt mox dicemus . Sed vt ad tubi optici primordia reuertamur , non equidem sua laude defraudandus est Io: Bapt. Porta Neapolitanus , felicissimus eiusmodi Naturæ arcano-  
rum

rum rinator, qui longè ante Zelandum, arcanum hoc penetrauit, & in sua Magia naturali lib. 17. cap. 2. ante annos circiter 50. eius conficiendi artificium docuit, sed mysterio, non nisi doctis viris intelligendo. Quod postea in eiusdem recognitione magis explicuit cap. 10. sed typis vulgò committere superstit, vt testatur Scoetus in Magia Telescopica, cap. 1. qui tamen illam se vidisse refert, & hæc inde ad propositum excerptisse. *Concava lentes quæ longè sunt, clarissimè cernere faciunt; conuexa, propinqua. Vnde ex visus commoditate his suere poteris. Concauo longe parua vides, sed perspicue: conuexo, propinqua maiora, sed turbida. Si utrumque rectè componere noueris, & longinqua, & proxima, maiora, & clara videbis.* En tibi paucis exhibita Theoria, eius quod casu accidit Batauo, si tamen verè ipse arcanum tenuit. Id quod probe intellectum ab ingeniosis viris, qui subsecuti sunt, felicissimè eius diuersimode componendi noticiam compararunt. Ac primò Lincæus ille Astrorum detector, Galilæus Florentinus in Telescopio, quod concinauit ad sidera contemplanda, adeoque tali nomine decorauit, cuius vberriimos fructus, quos retulit, expressit in *Nuncio Sidereo*, nos subinde suo exemplo docens & artem per æthera nauigandi, & oculis assequi, quæ Veteres, summa caligine offusi, ne suspicione quidem attingere valuerunt. Sequuti sunt alij, alia *Telescopia*, multiplicatis lentibus compingentes, non sine magno operæ sænore. Quos inter, Eustachius de Diuinis Romanus, nostris diebus, aliam tubuli optici parandi viam iniit, Telescopio prorsus aduersam, quo nimirum, non distantia obiecta oculis spectanda sistuntur, sed præsentia, tenuitate sua, vix oculo puro discernibilia, ita augentur, vt exigua arenularum granula magnos lapides, eosque gemmeos referant, & minutissima animalcula, tanquam ingentia, & horrenda monstra appareant, suis (nec utique fictis) ricibus, vnguibus, cornibus, cuteque pilis obducta distinctissimè conformata, vt horrorem simul, & iucunditatem aspicientibus incutiant. Quod ideo *Microscopium*, apto ad rem significanti nomine placuit appellare. Dictum est etiam *Engiscopium*, quasi præsentium, & vicinarum rerum introspectio, quod intimas earum fibras, latebras acumine suo penetrat, & attingit. Quæ quidem cum Telescopijs in genere, repræsentandi obiecta, alteratis speciebus conueniunt, sed in modo repræsentandi, toto cælo discrepant: Nec minori deinde laude celebrandus est Ioseph Campana.

Quorum in assignanda ratione conuenientiz, ac disconuenientiz totus est P. De-Cales in Cursu Mathem. tom. 2. tr. 13. lib. 2. Diopter. vbi etiam modum tradit, quo Telescopium in Engiscopium verti possit, sed meo captui satis obscure, & alioqui fusè nimis

usque ad nauseam. Sed quoniam in hoc sumus, præstat rem breuiter, ac dilucide definire ex sententia P. Eschînardi ex eadem Societ. Matheseos olim Professoris in Collegio Romano, qui profundissimam eius doctrinam iamdudum explicuerat in sua Optica, ac nouissimè in Epilogum redactam, prælegit in celebri Academia, Physiomathematica aperta in commune bonum in ædibus Illustrissimi Domini Ciampini Romæ: quam ex integro hic apponere non grauaor. Sic enim discurrit. Primò dico, Microscopium compositum extendi posse ad videnda obiecta in distantia etiam maiore, quam fieri solet, nec dari terminum alium, quam peritiam ipsius Artificis, aut arbitrium: quod valet etiam in Telescopio. Disparitas formalis inter Microscopium ac Telescopium, est in ipso modo, quo eo utimur: nempe ut Microscopium tantumdem distet ab obiecto visibili, quanta est semidiameter sui obiectiui vtrinque conuexi, si conuexitates sunt æquales, prout solet fieri: Telescopij autem distantia ab obiecto est omninò indeterminata.

117

Quod autem vitrum obiectiuum in Microscopio, sit vtplurimum minoris sphaeræ, quam oculare, contrà verò sit in Telescopio; hoc fit per accidens, eoquod obiectiuum minoris sphaeræ, potest ac debet vtiliter magis approximari ad obiectum: & ideò sortitur angulum visorium in vertice incidentiæ maiorem; vnde fit, ut exinde augeatur imago: non est autem adeò vtile oculare minimæ sphaeræ. At contrà in Telescopio, eoquod supponatur non posse approximari ad obiectum; quantò obiectum erit maioris sphaeræ, tantò magis amplificabit apparentiam posita eadem obiecti distantia. Cum igitur oculare debeat esse parvæ sphaeræ, contingit, ut in Telescopio oculare sit semper minoris sphaeræ, quam obiectuum ipsum. Immo, si oculare esset maioris sphaeræ, quam obiectiuum in Telescopio, (hoc est ad obiecta remota multò plùs, quam sit semidiameter obiectiui) minueretur potius apparentia, quam augeretur. Cuius rei experientiam sumes, si vtaris Telescopio inuerso. Atqui in mea Optica demonstrauî, tantumdem minui apparentiam infra visionem naturalem, adhibito Telescopio inuerso, quàm augetur supra naturalem, si vtaris Telescopio rectè, prout solet fieri.

118

Aduerto etiam vniuersaliter procurari, ut tam Telescopium, quam Microscopium sit breue, ut melius ac facilius rem assequamur. Cæterum si non curet quis de breuitate, ac longitudine; poterit, seruata proportionem, idem obtinere in Microscopio composito longiori; quod erit etiam aptius ad videndas minimas partes obiecti, inæqualiter distantes, ad quod obiectiua minora non sunt apta. Idque procedit solum in Microscopio composito, de quo ser-

sermo est, non de simplici. Nam si utaris Microscopio simplici, hoc est, vna tantum lente formato, aliter experieris. Quò enim lens erit minoris sphaerae, eò maior fiet apparentia ob maiorem obiecti approximationem, & inde maiorem etiam angulum visorium. Quae doctrina vniuersaliter attendenda est pro omnibus ocularibus. Hæc Eschinardus.

Haecenus de Tubo optico monoculo, cuius vsus iam frequentissimus, & vsualis est, data proportionem in quacumque distantia. Cæterum eius occasione queri potest, An simili ratione parari queat tubus lator, & binoculus, hoc est, qui minore fastidio, & labore, det conspici posse obiectum longinquum amboque apertis oculis. Quæstionem proponit, & feliciter terminat P. Antonius Maria Reyta Capuccinus, asserens id eadem felicitate perfici posse, circa obiecta tamen non multum distantia. Nec quidem eius compositio valde operosa est, cum eadem via procedat, ac Telescopij monoculi artificium, modò binæ oculares lentes omnino pares adhibeantur, eodemque obiectum; atque in canali ita aptentur, ut sibi ad idem punctum respondentes, radium visuale terminent, ac nihilominus binis oculis probè admoti inseruiant; in quo tota difficultas constructionis consistit. Id autem, quonam pacto obtineri possit, his verbis docet apud eundem Scottum loc. cit. cap. 4.

Fiat, inquit, Canalis figuræ oblongæ, itaut oculis applicatus ambos obtegat, & comprehendat; ex cuius porro orificij superiori margine oculis admoenda, tantus arcus excindatur, ut frontem capiat; infernè verò similiter ex medio marginis particula excauetur pro nasi eminentia immittenda, itaut hoc modo oculi, respectu conuexorum ocularium perpetuò firmum statum, & situm suum retineant, quod omninò fieri necesse est. Muniatur deinde tubi quilibet canalis suo assario oblongo, uti in tubo monoculo fieri assolet. Quibus factis, necesse est, te habere duo conuexa obiectiua ex eadem patina elaborata, omninò eiusdem æqualitatis, latitudinis, & crassitie; & alia duo ocularia prorsus æqualia, atque iisdem scutellis parata: quæ ita in canalem disponantur, ut ocularium vitrorum centra, pupillas vtriusque oculi tui diametraliter semper respiciant; hoc est, ut tantum centra eorum ab inuicem distent, quantum vna pupilla oculi tui ab altera remota est. (quam quidem distantiam beneficio circini & speculi, non ægrè habere poteris.) Vitra verò duo obiectiua paulò sint tibi viciniore, prout obiectum longius, aut propinquius erit à videntis loco. Quò magis enim fuerit remotum, eò oportet ea iam dicta obiectiua conuexa esse in tubo magis ab inuicem diducta, & remota: & viceuersà, quò minus,

nus, tantò magis etiam opus est ea sibi inuicem approximare. Et ità profectum erit artificium.

- 121** Subiungit deinde modum, quo duo vitra obiectiua in dicto tubo binoculo, magis minusve contrahi, aut diduci possint, inuariata, partium ad se respondentia, & artificij textura. Si nimirum rotula aliqua dentata inter vtrumque vittum, assarijs, vt vocant, aut laminis ex autichalco, aut alia solidiore matetia factis inclusum, posita, eadem modò lente, ac leniter astringat, modò relaxet. Tali profectò tubo binoculo hac methodo à se fabricato, & ad experimentum adhibito, testatur idem author, se obiecta triplo maiora, imò & quadruplo, quem nudis oculis ad datam distantiam aspicerentur, eaque clariora, & in partibus distinctiora, sæpius conspexisse. Quod etiam à se in praxim deductum, asserit Scottus, optinè, & feliciter contigisse.

- 122** TURMA, quasi *Terma* (inquit Varro) in re militari dicta est selecta bellatorum collectio ex ternis decurijs constituta, quæ olim auctore Romulo, è triplici Tatientium, Ramnium, & Lucerum Tribu colligebatur. Propriè de Equitibus dicitur, vt notat Vegetius, & singulæ trigintarcs equites numerabant, hoc est tres decurias cum suis Decurionibus, quorum vnus vexillum gerebat, alij duo suis centurijs præerant, & præbant, vtj pedites in Centurias diuisi, quæ à singulis Centurionibus regebantur. Inde nomen hæsit non modo cuicumque equitum collectioni, quæ sub vno vexillo, & ductore adunarentur, nulla certi numeri habita ratione, qui proptet eà Turmarcha vocabatur (apud nos *Capitan de Canalli*) sed etiam ad regiones transijt, è quibus Turmæ colligebantur, vt habetur in Epist. Ioannis Papa VIII. & in quodam fragmento Histor. Longobardor. edito ab eruditissimo conciuic meo, Camillo Peregrino, vbi dicitur. *His diebus Theodorus Turmarcha Beneuento præerat.* Quorum autem erat tyrones ad turmas adlegere; Turmarij audiebant, vt dicitur in l. 7. Cod. Theodos. tit. de Tyron. vbi etiam præscribuntur conditiones eorum, qui adlegendi erant. *Inter optimas leuissimorum militum turmas, neminem è numero seruatorum dandum esse decernimus.* At verò in ipsis Turmarijs seu turmatum conductoibus, quos Tribunos suo tempore nominant Veget. artem probè equitandi, armaque expedite tractandi in primis requirit lib. 2. cap. 14. vt sciat turmales suos tyrones edocere, quomodo in bello se gerere debeant, *Vt sit habili corpore, vt loriceatus, & armis circumdatus omnibus, cum summa admiratione quam possit, ascendere, equitare fortissimè, conto scienter uti, sagittas doctissimè mittere, turmales*

les suos, idest, sub cura sua equites positos erudire ad omnia, quæ equestriis pugna deposuit. De Turmis militaribus est frequens memoria in Veterum Inscriptionibus, quæ videri possunt apud Gruterum, vti de Turmarum ordinibus varias obseruationes reperies lib. 6. cap. 18. Dier. genial. Alexand. ab Alexandro. Cæterum Turnæ nomen indiscriminatum adhibetur etiam in ciuilibus, pro denotando quocumque hominum selecto concursu, vt notat Du-Cange in Glossario, & habetur præsertim in Capitul. Caroli Magni lib. 7. cap. 160. vbi de Episcopis & presbyteris ad Concilium accedentibus, dicitur. *Vt de vniuersis Episcopis, vel duas, vel tres turmas faciant, ac de singulis turmis vicissim quotquot electi fuerint ad diem Concilij occurrant.* Et cap. 163. idem præscribitur de presbyteris parochiarum, ad Ciuitatem, discendi gratia, conuenientibus.

TVRRES olim in mœnibus, ad vrbium, arciumque tuitionem, 123  
ac securitatem, primas partes obtinuisse, nulli dubium est. Etenim ex, & maximum ornametum murorum erant, & firmissimum præsidiorum confugium, & fixa statio, è quibus aliquantulum è cætero murorum circuitu prominentibus, in hostili aggreffione interiecta latera tutabantur, & contis, ballistis, alijsque missilibus hostes ne propius ad impetendos suffodiendosque muros accederent, distinebant. Propterea ambitum muri, inquit Veget. lib. 4. cap. 2. *Directum Veteres duci noluerunt, ne ad illius arietum esset dispositus, sed si nostros anfractibus ipsis fundamentis clausere vrbes, crebrioresque turres in ipsis angulis edidere.* Quo autem ordine ac numero, quibusue ab se constitutis medijs interuallis locari debant, docet fusè architectus Vitruu. lib. 1. cap. 5. *Turres ait, sunt proijcienda in exteriorem partem, vti quum ad murum hostis impetu velit appropinquare, à turribus dextra ac sinistra lateribus apertis, telis vulneretur.* Et post pauca, subdit: *Interualla autem turrium ita facienda, vt ne longius sit alia ab alia, fugita emissione: vti si qua oppugnetur, tùm à turribus, quæ erunt dextra ac sinistra, scorpionibus, reliquisque telorum missionibus, hostes reiciantur.* Verùm nunc temporis huiusmodi turres parum, aut nihil opis munimento præstant, cum de longe & ipsæ, & murus interiectus impunè impeti possint æneis tormentis eminùs, & frequentius pilas ferreas explodentibus, quæ in earum frontes patientes directè librata multò, validius quaterere possunt, & ad terram deijcere. Quare earum loco substituta sunt propugnacula triangulari forma foras amplius exposita, & in hostilem campum conuersa, è quibus hostis liberè impeti possit, & viceuersa hostiles ictus in obliquum cadentes facillimè eludantur, euadantque innoxij.  
Sed



Sed de hac re suo loco . Nunc autem, quod ad turres attinet, ex primitus rotundæ, aut quadratæ erant, postea, cum compertum esset, tali forma nimium arietum percussionibus esse obnoxias, fecere polygonas, atque in summitate pinnis contextuere, ut exinde milites recti possint impunè in hostes, saxa, ignes, tela, aliaque incommodantia ciacularè .

- 124** Sed contra aggressores etiam, turres ambulatorias excogitarunt, quibus muris accedentibus eadem rependere possent, quæ in eos obfessis, è turribus stabilibus . Harum primus inuentor fuisse traditur Polydus quidam origine Thessalus, easque primum adhibuisse Philippum Aminthæ filium in oppugnatione Byzantiæ, magno cum operis fructu . Postea Diades Alexandro militans, earum usum liberiorè fecit, adiectis subter rotis, quibus facilè agerentur, & in quamvis partem, leui opera apportari, & exportari, quò fuisset opus . In his non solum bistega, & tristega ad varios militum ordines recipiendos, compingebantur; sed & pontes pensiles in superiori tabulato adiungebantur, quibus possent hostium muris vniri, & ascensionem facere . Harum specimen habes apud Stevvechium in cap. 17. lib. 4. Vegetij.

- 125** Quin, & turres compactiles postmodum inuenerunt, quas in partes solutas, in exercitu circumuectare solebant, ac cum ad opus adhibendæ erant, ad ictum oculi illico redintegrabant . Has in bello nauali potissimum adhibuisse Romanos, auctor est Cæsar, qui lib. 1. de bello Ciuili, hæc de se habet. *Aliàs deinceps pari magnitudine rates iungebat . Has terra atque aggere contegebat, ne aditus atque cursus ad defendendum impediretur: à fronte, atque ab utroque latere cratibus, ac pluteis protegebat . In quarta quoque earum turres binorum tabulatum excitabat, quò commodius ab impetu nauium incendiisque defenderet . Contra hæc Pompeius naues magnas onerarias, quas in portu Brundisino deprehenderat, adornabat . Ibi turres cum ternis tabulatis erigebat, easque multis tormentis, & omni genere telorum completas, ad opera Cæsaris adpellebat .* Hactenus Cæsar, huiusmodi compactilium, turtium usum, & formam describens . Sed porro futilia, & inania Classium adiumenta hæc modo sunt, quando vno Hispanico Gualone, aut Veneta Triremi, ex maioribus, quas *Galeatias* nominant, non turtis modo portatilis sed integrum Castellum, & Arx suis propugnaculis, & multâ tormentorum vi instructa, per mare palabunda discurrit, vastationem, & ruinam vndique, terreis etiam munimentis adportans, ac terrorem regnis incutiens: de quibus satis suo loco dictum .

- 126** At non prætercundæ hic subitariæ, & animatæ, ut ita dicam, Turres,

res, quas de se formabant in tempore milites in acie ab hostibus circumuienti, quibus & se, & suos ab oppressione tegebant, vt refert Veget. lib. 2. cap. 17. Quod quo modo fieret, sic explicat. *Excipiebat autem prelium grauis Armatura, quæ tanquam murus, ut ita dicam, ferreus stabat, & non solum missilibus, sed & gladius cominus dimicabat. Et si hostes fugasset, non sequebatur, ne aciem suam, ordinemque turbaret.* De qua re, vide Liuium lib. 54. Luc. Flor. lib. 4. cap. 10. & Ammian. lib. 26. Hæc autem ordinatio non absumilis erat Testudini è scutis compactæ, de qua suo loco.

TVSCANVM OPVS. Vide *Antiquum*.

TY

TYLVM, seu TYLVS in Cochlea est quod super helicam vertitur spirali canaliculo excavatum, quò ea ad vsum verti queat, & circumuolui. *Feminam Cochleam communiter appellant, Nostri vernaculè Madriuitem.* De hac parte eiusque vsum, fusè nimis, sed tamen obscuriusculè discurrit Pappus in Collect. Mathem. lib. 8. *Vocetur autem, inquit, semel sumpta helix Monostrophos, vtielicet linea, quæ fit circa singulas partes. In ipsa igitur linea canalem incidentes in profunditatem cylindri, & excidentes, itaut tylus solidus aptetur in canali. Cochleæ sic videntur. Extrema ipsius rotunda facientes aptent in quadam diaplegmata in rotundi foraminibus, itaut faciliè conuertatur. Suprà cochleam verò accommodantes regulam, quæ canalem ipsi parallelum habeat medium in superiori superficie. In hoc canali aptent supradictum tylum, itaut alterum quidem ipsius sibi extremum in canali cochleæ aptetur; alterum verò in dicto canali, qui est regula. Quando igitur volunt per hoc instrumentum onus mouere, sumentes funem vnum, ipsius caput à pondere religitur; alterum verò à prædicto tylo; & cum foramina sint in parte cochleæ, scitalas iniicientes eam versant: atque ita ab helice tylus deductus in canalis funem, & per funem onus atterahit. Hæc Pappus. Sed breuius, ac dilucidius, meo iudicio, quid tylus sit, & quid muneris habeat, exponit Budæus in Pandect. in hæc verba. *Lignum est, inquit, rectum clauiculatim, idest spirulatim, & capreolatim striatum; quod per medium pralum, & ipsum transactum, vertigine sua, tollendo, demittendoque prælo, inuentum est. Est igitur Tylus perforata illa pars cochleæ, quæ intra strias suas recipiendo helicam seu strigatum vectem, alterutrius circumductione fit pralum, & onus aut assurgit, aut deprimitur.**

TYMPANVM diuersas significationes, variosque, prout accipitur, vsus habet in Mathematicis. Primò enim in re militari denotatur, vsus habet in Mathematicis. Primò enim in re militari denotatur, vsus habet in Mathematicis. Primò enim in re militari denotatur, vsus habet in Mathematicis.

Iiiii

tat

erat instrumentum illud cauum, atque rotundum, quod membrana, ex vna, vel vtraque parte obductum, acutissimeque tensum bacillis ad numeros tunditur, suoque graui & obtuso sonitu, militem ad classicum vocat, varijsque alternantibus modulis, modò ad capefendam pugnam incendit, (modo ad receptum sonat, modò victoriam canit, ac militem exhilarando dirigit, quidque in præfenti faciendum iniungit. *Tamburum* Nostrates nominant, à graui sonitu: quod etiam in pacis otio adhiberi solet alternatim, cum cymbalis tubis, & crotalis, ad festiuos ludos, & lætitiæ signum, atque in Musicis organis computatur. Simili ratione, atque ab forma Tympanum dicitur in Mechanicis amplior rota ad modum cylindri, assarijs communica, quæ in Ergata, aut Sucula, scitalis, & vectibus acta, onera trahit, & subleuat per funes ductarios, quibus obducitur. Sic Vitruu. lib. 10. cap. 4. agens de machinis tractorijs, ait: *Quemadmodum sucula chelonys retinetur, ita (in prædictis machinis) axis includatur habens in medio tympanum amplum, quod nonnulli Rotam appellant.* Et paulò post: *Tum autem circa tympanum inuolutus alter funis referatur ad ergatam; & is circumactus tympanum, & axem inuoluendo, funes qui in axe religati sunt, pariter se extendunt, & ita leniter leuant onera sine periculo.* Ad quæ Philander: *Tympanum, quod Græci Τύμπανον appellant, est rota genus ambitus magni, cuius circumacta calcantibus hominibus affixas pro gradibus regulas, axis fune obuoluitur, atque ita onera extolluntur, aut sublata deprimuntur.*

129

TYMPANA etiam dicuntur in Architectura quæcunque plana, quæ introrsum recedunt, atque extrinsecus aliquo ornamento, instar cuiusdam coronicis, & sepis, circumplectuntur: vnde in ostiorum valuis, plana illa superficies, quæ in medio relinquitur inter impages, & regulas quæ foris conpingunt, estque modo duplex, modo quadruplex, pro diuersa constitutione forium, Tympanum appellat Vitruu. lib. 4. cap. 6. *Inter duos scapos, inquit, tympana ex duodecim partibus habeant ternas partes.* Vbi, quid per tympana intelligat, explicat Barbarus in Comment. nempe. *Lignum planum, quod clandeabat ostium, diuidebatur in quadras, quas tympana vocat.* Nostri autem, & Quadras, & Planellos nominant. Similiter in Planisphætijs, & Astrolabijs quæ intra Matrem (vt vocant) constituuntur planæ tabulæ, continentes circulos verticales, & altitudinum, subiiciunturque reti, quod super illas voluitur, ostenduntque ortus, & occasus siderum, cæli mediationes, poli eleuationes, & alia; tympana appellantur, vt videre est apud Stephelinum, & Clauium. Denique in ipsa ædificij structura, ea pars frontis, quæ introrsus in fastigio profun-

fundatur; cæterum plana, & coronice nunc arcuata, nunc triangula-  
ri cingitur, & completur, nolque vulgò *Lo Sfondato del Frontispicio*,  
vocitanti, Tympanum dixit idem Vitruu. lib. 3. cap. 3. & ratio-  
nem reddit Philander, inquiens: *Tympanum hoc loco vocatur, quod*  
*porrecta, & fastigata coronicibus clauditur.* Et vniuersè, *Quæ in tym-*  
*pani bellici supra explicati morem abeunt, æqua planitie certis ter-*  
*minis claua, in quouis genere; tympana nominantur.*

TYRSIS apud Veteres quosdam Scriptores, in genere architec-  
nico, inuenitur aliquando denominatus perpetuus quidam, rudis,  
& sine vilo architecturæ ordine murus, olim ad vicos, & oppi-  
da circumædificari solitus, maceriei potius, & cuiusdam sepiæ spe-  
ciem habens, quam mœnium, & iustæ custodiæ, ex quo postea ad  
hæc, cultiore æuo aditus est apertus, & locus exinde ampliore mu-  
rorum circuitu, mœniumque interpolatione clausus. Rationem  
talis appellationis, à primis eius rei inuentoribus deducit Cæl. Rho-  
diginus lib. 6. cap. 18. Sedulus antiquitatum scrutator. *Nam &*  
*mœnia, inquit, sustruere excogitasse omnium primi feruntur Tyrrheni,*  
*quod scribit Lycophanis interpret. Vnde factum est, ut pro muro dica-*  
*tur Tyrsis. Quin inquit Dionysius, Ab Tyrrhenis densius extru-*  
*cta domus vocantur Tyrses. Quod obseruarunt Græci quoque.*

Sed, & hinc conciliatum Tyrrhenis nomen, produnt  
nonnulli ab *Tyrsium monumentis.* Verùm quod  
ab posterioris ætatis Scriptoribus nus-  
quam hoc vocabulum vsurpatum  
inuenerim, indicium mihi  
fabulæ est, & bar-  
baræ affixio-  
nis.





# V A

**V**ACVVM, quamquam, cetū communem hostem, Philosophi, ac Natura ipsa, ut suorum operum destructivum, summo opere oderunt, & fugiunt, proptereaque, unanimi consensu, extra naturā, atque adco Vniuersi totius ambitum extrudunt, ac vix in spatia imaginaria, ut vocant, extorrem, & ablegatum impunē consistere patiuntur; Nihilominis Mathematici intrā suos fines admittunt, ac fouent, quemadmodum & puncta, & lineas, & indiuisibilia, quorum essentiam, & passiones scrutantur admirabili illa sua abstractione ab omni materia, ad omne quantum commensurandum, benignē amplecti, & à Philosophia explosa, suscipere non dedignantur. Enimuerō tanta est Mathematicarum, disciplinarum dignitas & amplitudo, ut suprà omnes humanas scientias, in concludendo, certitudinis felicitatem, & euidentiæ palmam obtineant, atque æmulando propemodum Diuinæ Sapientiæ munificentiam, vocantis *ea quæ non sunt, tamquam ea quæ sunt* & ex nihilo aliquid faciunt, dum à negationibus, rerum essentias cruunt, atque à falsis, & impossibilibus principijs, quæ supponit; veras, &

2 infallibiles conclusiones educunt, atque demonstrant. Sed de hac re satis ex occasione alibi philosophatum est. Nunc autem quod ad vacuum attinet, illud (sive detur in rerum natura, sive non detur, sive aliquo subtili, penetrabili, & insensibili corpore repleatur, sive, ineram dicat inanitatem) supponit tamen Mathematicus & in abstracto considerat tamquam realem intercapedinem, seu spatium intrā duos terminos constitutum; itaut alterum in mensuram assumat alterius, atque ita per nota principia, à spatio interposito, certa notitia terminorum, & à terminis aliunde notis, quantitas intercapedinis euidentiſſime deducatur. In quo etiam sensu Philosophus 4.

Phy-

Physicor. definit Vacuum esse *locum corpore carentem*, hoc est intercapedinem loco addictam, ac suis terminis circumscriptum. Quod ideo in Geometricis, Vacuum est quod in figuris planis intercipitur inter tria, vel plura latera in angulos coëuntia, aut certe intra peripheriam circuli, & dicitur communiter Area; in corporibus solidis, quod eorum concluditur extrema superficie. Sic ad auspicandam, quantitatem areæ, quæ intrâ circulum comprehenditur, utimur eius semidiametro, & per eam multiplicatur eiusdem semicircumferentia, & quod inde resultat dat noscere quantitatem areæ, seu vacui interpositi. Sic notis lateribus trianguli, quadrati, pentagoni, &c. colligitur extensio superficiei, & quantitas angulorum interiorum: vti etiam ex collatione angulorum, & laterum vnus figuræ iam nota, cognoscitur quantitas tum angulorum, tum laterum, cæterarum, siue similium, siue dissimilium, & quæ æqualem aream habent, facile in alias dissimiles commutantur, vt circulus in quadratum; quadratum in circulum, vel in rectangulum: ac similiter corpora regularia, & irregularia in alia similia, vel similia transformantur. In quo speculando versatur vnice Geometria, ac totus est Euclides in primis quinque potissimum Elementis.

VACVVS *curfu* apud Astronomus dicitur Planeta, qui motu suo ab alterius corpore, vel radio separatus, alteri non applicat vllam configurationem; vnde solitarius manet & aliorum consortio destitutus: quod debilitatis genus, per quandam similitudinem, ab alijs *Feralitas* dicitur. Quæ potissimum in Luna attenditur. 3

VALLVM OBSIDIONALE in re militari dicitur sepes castrorum, qua ipsa castra cinguntur, vel circa urbem obsessam firmatur vti omnis ingressus, & egressus prohibeantur, sicque in arcto positam victor obtineat; A vallis, seu palis & stipitibus solo affixis vocabulo deriuato. Vnde Isidorus lib. 31. originum, *Vallum est*, inquit, *quod mole terra erigitur, vt custodia pratendatur: dictum est autem à vallis; nam valli fustes sunt, super quibus vallum munitur*. Hinc *Circumvallatio* dicta est ipsa sepes obsidionalis ductio, & actualis obsidio; atque *Interualia*, spatia quæ sunt interuallorum capita, quibusque aperitur, & clauditur accessus, & recessus intrâ vel extra ipsam septem obsidionalium operum. Communiter autem appellatur *Agger*, & *Linea circumvallationis* constans alternatim ex planis loriculis, propugnaculis, in angulos prominentibus, atque excitatis in variam formam, prout petit ratio offensionis loci obsessi, aut defensionis, ac munitionis castrorum, sicuti dictum est 4



est in V.V. *Obsidio. Agger, & alibi*. Quod ideo nil aliud planè importat Vallum obsidionale, quam aggregationem vniuersorum operum, quæ ducuntur in perpetuam veluti coronam, & loricam suis defensionibus obfirmatam, in ordine ad tuitionem castrorum, atque ad Urbis validam obsidionem. Vnde est quod plerumque in diuturnis obsidionibus, duplex erigi solet; alterum dictum externum, auxiliariis hostium copijs oppositum, vt illis obtent castrorum inuasionem astantibus, & obsidium soluere adtentibus; alterum interior, respiciens urbem obsessam, positum ad frzandas, & frangendas prædiariorum irruptiones; quod idcirco militari circumlocutione vocatur *Vallum communicationis*. Vtriusque præclarum specimen & memoria dignum, posteris exemplum dedere Bataui in obsidione Silueducenti & Bremensi, postquam ab Hispano Rege suo naturali Principe, rebellarunt, munitissimas vrbes adhuc in fide manentes, ei eripere, omni qua possent via, solliciti attentantes. Cum enim, illas arcta obsidione cinxisset, & per exploratores nunciatum foret exercitum Regium magnis cum copijs aduentare ad obsidium soluendum, vtrumque vallum constituerunt, & obfirmarunt in hunc modum. Primò internum more solito crexerunt altum pedes duodecim, exemplo Cæsaris; ea forma, quam ipse describit lib. 7. de bello Gallico, additis congruis fossis, & suo loco recessibus, & reductis. Secundò ad vallum exteriori auxerunt loricæ basim ad pedes nouem, cui apposuerunt tria scabellum, quorum altitudo collectini sumpta complebat ipsos pedes nonem, itaut supremi insurgeret ad pedes quatuor cum dimidio; medij, atque infimi vnum & semis pro singulis, reliqui duo pedes relinquerentur basi. Decliuitas exterior erat pedes quatuor cum dimidio, interior non excedebat quartam, partem vnius pedis. Fossæ circumiectæ latitudo ped. quindecim; eius decliuitas exterior ped. quinque interior ped. tres, altitudo quinque. Porro lineæ toris interna alla ab se distantia septingentis minimùm, & quinquaginta pedibus, diuersis castellis munierunt, varijsque operibus vtpote forcipulis, propugnaculis dimidiatis, &c. de quibus alibi. Atque ita Hispanorum operam, & consilium frustraere. Describunt elegantissimè hæc memorabiles obsidiones & vtriusque valli ordinatissimam dispositionem, Card. Bentiuolus, & Famianus Strada; atque eorum accuratam orthographiam exhibent Fritachus in sua militari Architectura, & Maillet, Gallo in libro, cui epigraphen apposuit, *les Travaux de Mars*. hoc est, *de Agonibus Martis*, ad quos curiosum Lectorem remitto.

6 VALVÆ in ædificijs, sunt ostiorum fores, seu ianuæ, vt plurimum lignæ

lignæ bipartitæ, à voluendo distæ, vt placet Festo, quòd sese introrsum aperiendo voluantur. In quo differunt à postibus, foribus, ianua, & ipso ostio. Nam Ianua (linquo alias Grammaticorum explicationes, quæ nihil ad rem nostram) Ianua, inquam, vna est; quæ se sola, totum aditum oppleat, & obducatur, in reliquis, à valuarum conformatione, ornamentisque ad libitum, & pro ædificij qualitate adijciendis, in nihilo discrepans. Fores in re, idem quod Valux, nisi quod istæ introrsum, illæ de foris aperiuntur, vt nomen, ipsum indicat. Ostium ipsam apertionem, seu hiatum denotat, per quam patefactis foribus, aut valuis, intramus. Postes denique, (quas Græci Parastadas dicunt) sunt antæ, seu latera bina hincinde disposita, vt plurimum è quadrato lapide, & aliquantulum interius exteriusque prominentia, quæ ostium ornant simul & muniunt, foresque ipsas, & valuas cardinibus innixas sustinent, ac suspensas detinent, ad facilem ductum, & apertionem. Hæc Architectonici ex arte, veri rerum æstimatores; nam cæteri Scriptores hæc vocabula sæpè confundunt, & aut contrahunt, aut ad alias significationes deriuant. Cæterum Valux & fores, suas commensurationes & ornamentorum æquam adiectionem, vt dixi, pro ædificij qualitate, magnificentia, aut simplicitate: in ijsque, cum structuræ dignitas non patitur apponi rudes & simplices, vt pote parti magis spectabili totius ædificij, summus decor & elegantia inesse debet, membrorum distinctio, proportio, & respondentia ad antas, prothyrides, & supercilium ostij: ita ut singulæ valux habeant duo ad minus tympana, vnum supernè, alterum infernè, distincta, & ornata suis replis, inipagibus, & coronicibus, ad rationem suscepti operis, siue Dorici, siue Ionici, siue Corinthij, de quorum ordine, & symmetria, pro singulis ostiorum generibus, latè discurret Vitruu. lib. 4. cap. 6. loquens, & singularia præcepta tradens de Ianuis, quæ vnica habent aperturam, de foribus biforis, & quadriforis ( & idem procedit in valuis ( quæ videlicet sectæ sint in binas vel quatuor partes pliabiles, ne extensæ multum spatij occupent, & liberum aditum, aut prospectum impediunt: in quibus omnibus, in primis id monet, vt ipsa forium ornamenta non fiant cerosivota, neque bifora, sed valvata, & aperturas habeant in exteriores partes, hoc est, vt explicat Philander, ex ramentis, & tessellis pictorum varijs coloribus & vermiculatis ligno insertorum, ea enim ex motu & tactu facile dissoluuntur & discompaginantur; sed quantum fieri potest, integrè, & ex continuata materia. Cæterum quoad membrorum proportionem, ac discretionem, hæc habet. Fores ita compingantur, uti scapi cardinales sint ex altitudine luminis totius, duodecima parte. Inter duos scapos, tympana

*ex duodecim partibus habeant ternas partes. Impagibus distributiones ita fient, ut diuisi altitudinibus in partes quinque; dua superiori, tres inferiori designentur. Super medium medij impages collocantur: ex reliquis, alij in summo, alij in imo compingantur. Latitudo Impagis fiat tympani tertia parte: item replem de impage dimidia & sexta parte. Et sic de reliquis. Verum de singulis valuarum membris ac partibus, satis abunde, ac distinctè dictum est in loco, vbi eorum nomina propria in considerationem venerunt.*

- 8 VALVARVM, seu PORTARVM APERITIONES (sic enim placuit appellare) sunt apud Sideralis scientiæ Professores, patentes quædam, vniuersales, & nunquam fallantes aëris inmutationes, quas iugi experientia compertum est, in certis constitutionibus, & ingressibus Planetarum, aut irradiationibus, manifestos, eisdemque semper effectus sortiri. Sed potissimum id obseruatum est in planetis dominis oppositorum signorum, vt Saturni, & Solis; Saturni, & Lunæ; Iouis, & Mercurij, Martis, & Veneris: Hi enim omnes dominantur signis oppositis. Quandocumque igitur isti planetæ corpore copulantur; aut de Quadrato, vel Opposito se respiciunt; magni quidam, & extemplo consurgentes effectus expectandi sunt circa tempestates, & aëris mutationes: maximè si Luna his se immisceat, & ab vno in alterum defluat. Et Saturni quidem congressus cum Sole, adducit aëris turbulentiam, frigus maximum, si temporis conditio id petat: & vniuersaliter in Signis terreis, nebulas; in aqueis pluuias, & congruenti tempore, niues: præsertim, si Saturnus extiterit dispositor præcedentis Luminarium coitionis, aut oppositionis. Iouis, & Mercurij congressus, aut Quadratus, aut Oppositio excuscat ventos magnos, terræmotus, eradicationes arborum, concussiones ædificiorum, & similia, à ventis impetuosissimis ortum habentia: Tandem Martis, & Veneris coniunctio, aut hostilis radius generat imbres subitos, & impetuosos, grandines, coruscationes, ac tonitrua. Hæc, inquam, tria genera aperitionis valuarum, perinde ac si aperirentur cataraçæ Cæli (vti Sacræ Paginæ loquuntur sunt in diluuio vniuersali) semper, plus minus, huiusmodi effectus adportant, leuem quidem in coniunctionibus, grauiorem in oppositionibus, & maximum, ac manifestissimum, si Venus, Mercurius, ac Luna partes suas admoerint; si videlicet, eorum aliquis, à seui ad ponderosum deflueret: vt esset, si Luna à Sole ad Saturnum applicaret, aut Mercurius à Venere ad Martem; tunc enim magna imbrium copia, vel turbinum vis expectanda erit, præsertim, si eorum aliquis fiet retrogradus; aut si planeta retrogradus alteri, valuas aperienti corpore copuletur.

Ve-

Verum in hoc negotio, non oscitanter, & cæco ductu procedendum est, vt passim faciunt ( si modo faciunt ) hodierni annui Kalendarij compositores, qui nihil in Astronomicis instructi ( è cerebro temporū qualitates pronunciant ) sed diligenti scrutinio, cum siderum inerrantium coorientium concursus, eorumque natura significatis conueniens aut obstans, examinanda est; cum dispositio subiecti passibilis, quod sit capax talis impressionis; Frustrā enim quis & ineptē denunciaret in Aestate niues, & gelu ex aperitione portarum Saturni cum Sole, aut in Aegypto, ac Lybico tractu, pluuias; cum anni quadrans, aut soli ariditas obstat, quæ vapores humidos pluuiarum materiam non emittere paritur. Præterea oportet considerare qualitates Signorum, in quibus hæ valuarum aperitiones sunt, nam in signis aqueis, benè imbres edices; in æreis Iouis, & Mercurij congressus, aut Martis, & Veneris, probabiliter insurgent venti impetuosī, & procellæ; in Igneis venti meridionales, æstus, & maxima siccitas: In Terreis, terræmorus, & ædificiorum ruinæ.

Denique non prætereundæ sunt aliæ configurationes, aut conuenientes, aut disparatæ, aliorum siderum, quæ habeant importare, aut similes, aut contrarios effectus, in quo casu præualentia vnus super aliam est attendenda. Similiter in duratione effectuum: Nam Saturni, & Iouis congressus, quia ponderosi sunt, diūque simul consistunt, indicat effectum in æris mutationibus per portarum aperitionem inductum, ad plures dies duraturum: vti etiam Saturni, & Martis, violentiam, & anticipationem; Saturni, & Lunæ, aut Veneris in signis humidis, semper tempus nubilum, humiditates, & pluuias, etiam in Aestate; sed erunt inconstantes, & breues &c. Quapropter circumstantiæ omnes perpendendæ sunt, indeque, ex concursu plurium causarum, in vnum & eundem effectum, aut si contrariis qualitatibus pugnent, vnus configurationis, super aliam præualentia, dijudicandum quid denum futurum sit: & tunc certè iudicium vniuersale de Valuarum aperitionibus, à vero non aberrabit. Porro particularia significata siderum, præsertim inerrantium circa æris mutationes, tempestates &c. passim habes apud Ephemeridum calculatores, in Isagogicis, præsertim Argolum lib. 2. cap. 4.

VAPOR est halitus quidam, seu aqueus humor, è terra emissus, atque a Sole sursum sua potenti vi, in mediam æris regionem elatus, vbi ex aliorum siderum concurrentia diuersimodè actus, in uaria meteora concrefcit, ex quibus varia humano generi subsidia à natura, prouidè ac benignè suppeditantur. Vnde Quid. Metamorph. 1.

*Vapor humidus omnes*

*Res creat &c.*

Hinc pluuiæ, niues, grandines, & si terræ exhalatiores sunt, in ventos abeunt, aut condensantur in Cometas, faculas, ignitas impressiones, & alia, pro qualitate, & natura siderum, quæ ad ea specialiter concurrunt, prout paulò ante dictum est: quod ideò & omnia, quæ ex vapore exsurgente, aut exhalatione terrea, tanquam materia à sideribus actuantur, & educuntur, meritò *Fructus siderum* Paracelsus appellat.

- 12 Principiò igitur ex vapore isto sursùm elato formatur Ros, à quo omne bonum in vegetabilibus, & terræ fecunditas emanat, quod ideò in his duobus benedictionem suam restrinxit Isaac Patriarcha cùm filiis suis benè precatus est, Jacob quidem amplissimam: *Det tibi Deus de rore cali, & de pinguedine terræ abundantiam*: Esau autem parcè nimis: *In pinguedine terræ, & in rore celi desuper, erit benedictio tua*. Est autem ros primus fructus siderum, cuius efformationem ita describit Philosophus 1. Meteor. cap. 11. *Cùm vapor tam modico igne afficiatur, ut non ascendat ad mediam regionem, sed propè terram consistat in imo; accedente noctis frigore, expulsoque igniculo sustentante, deorsum relabitur*. In hunc autem præcipuè influit Luna, vtpotè humorum altrix, ex quo, *Lunam largam roris, asserit Ambrosius in Hexam. lib. 4. cap. 7.* potissimè verò in plenilunio, maiorem eius copiam facit, & abundantius in Vere, & Autumno, in quibus, nec nimius calor absorbeat, nec nimium frigus in pruinam conuertat.

- 13 Secundò ex rore diuersimodè ab alijs sideribus concocto, & actuatò, formatur Manna, & Mel, suauissimi liquores, & humani generis, non tam alimenta, quam salutaria medicamenta; quæ quidem ex eodem illo vapore tenui, quo ros producit, educuntur; & prout Sol, Venus, & Iupiter ad illum spissandum concurrunt, diuersam formam, & dulcedinem contrahunt. Hæc, dona cælestia appellat Plin. lib. 11. cap. 24. aitque, mel optimum, explendescente post Solstitium Sirio, generari: siluestre autem Autumno, ad exortum Arcturi. Quod si (addit) seruatur hoc, Sirio exoriente, casuque congruat in eandem diem, ut sapè, Veneris, aut Iouis, Mercurijque exoritur; non alia suauitas, visque mortalium malis à morte vocandis, quam diuini nestaris fiat. Ad quæ notat Dalechampius: Sirij, Canicula, Arcturi, quæ magnam in Cælo, & vniuerso rerum statu, mutationem efficiunt. Et horum omnium materia, & veluti basis, est vapor, circa quem (subdit idem Plin.) immensa Naturæ subtilitas mortalibus patefacta est. Vide etiam, quæ in Sirio de mellis formatione retulimus.

VAPORARIUM in Opere architectonico, dicitur locus in balneis, aut in priuatis ædibus sepositus, & adiectus, ad euaporandam vehementiam ignis, vel sanè ad eius calorem attemperandum, quò innoxie contiguè cellulis, & cubiculis, ad certam mensuram valeat impertiri. Ad vtrumque enim factum, ait Vitruuius lib. 5. cap. 10. quod alio nomine *Tepidarium* vocat. Aliqui Interpretes idem cum Laconico esse dicunt, sed falluntur: nam hoc erat vnice ad siccas sudationes; atque adeo non moderatum, sed intensum calorem, ad eliciendum vi sudorem, admittebat; Vaporarium autem ad consistentiam; cui propterea hypocaustum subiectum erat, *vt testudines alueorum* (inquit Vitruu.) *ex communi hypocausti calefierent*, atque inde calor attemperatus per interiectam concamerationem immitteretur. Id quod magis expressit, & id cõfirmat lib. 6. cap. 4. vbi ad corrigendam locorum humiditatem, simili modo præcipit, vt per interpositos canales, attemperatus calor cubiculis inducatur. Sic autem loquitur: *Sin autem aliquis paries perpetuos habuerit humores, paululum ab eo recedatur, & struatur alter tenuis, distans ab eo quantum res patietur, & inter duos parietes canalis ducatur, inferior, quam libramentum conclauis fuerit, habens nares ad locum patentem.* Itaque Vaporarium aliud planè non erat, quam locus vndique concameratus, qui è subiecto hypocausto calorem acciperet, & per canales, ac tubos, eius vehementiam tunderet, atque ita attemperatum, in Conclauce, vel contigua cubacula adportaret. Quò respexisse videtur Papius Syluar. 1. vbi agit de Etrusci Balneo, de quo dicit:

*Vbi languidus ignis inerrat*

*Aedibus, & tenuem voluunt hypocausta vaporem.*

Vt sit, libenter aliorum explicationibus morem geram; Sed vide, quæ diximus in Laconico.

VE

VECTIS Mathematicè consideratus, vt instrumentum leuandis, I 5 locoque dimouendis saxis magnisque oneribus, aptissimum, vna est ex quinque potentijs, quas maximè Philosophus demiratur in Quæst. Mechan. quæque summorum Geometrarum, Archimedis, Posidonij, Cleomedis, Pappi, aliorumque, tam veterum, quam recentiorum Mathematicorum, in miranda earum vi discutienda, diu defatigauerunt ingenia. Quas inter, vectis vsu vilior, aspectu despiciabilior: conditione abiectior, primas tenet, cæteras regit, moderatur, eleuat, eisque robur impertit. Is enim aliud non est, quam simplicissimus sustis oblongus, seu palus, siue ligneus, siue ferreus (ne aliàs ad immodicum onus sustinendum impar sit, ac deficiens,) nulla alia arte paratus, quam quod sit altero extremo acutus, ac



modicè inflexus , vt faciliè possit adigi , demitti , seseque insinuare , tantisper sub onere : quo semel obtento , leuique substatulo erectus , & innixus , illud quantumuis intolerandum , & grauissimum , ex templò loco dimouet , alleuat , & facili nifu , aliò transuehit , & adportat . *Leuam* ex effectu , nos Itali vocitamus , leuando labori operæque complendæ , Architectis Fabris , Mechanicis , vnicè factum .


**E**ius opes , terrarum Orbem loco se dimoturum , non vana iactatione spondebat magnus ille Archimedes , modò daretur extrâ , vbi pedem figeret , ad protrudendum , vt testatur Pappus in Collect. lib. 8. prop. 10. Cuius arcanæ virtutis , primum inuentorem ferunt fuisse Cyniram Agrippæ filium : *Quidam enim* (rem prosequitur idem Pappus) *statuentes magna pondera mouere ; quoniam primum à terra attollere oportet ; ansas autem non habebant , quòd omnes partes basis ipsius ponderis solo incumberent ; paulùm s. sfodientes , & ligni longi extremitatem subiicientes sub onus adducebant ; ex altera extremitate supponentes ligno propè ipsum onus , lapidem , qui hypomochlium appellatur : cumque illis visus esset hic motus valdè facilis , existimauerunt fieri posse , vt hoc pacto magna pondera mouerentur .* Itaque , casu potiùs , quàm vllò Philosophiæ , aut Mathesis priucipio , hanc noticiam compararunt . Sed Aristoteles , vt summus Philolophus erat , & in Mathematicis non mediocriter versatus , rem altiùs à fundo effodit , & scrutinatus est in proæmio ad *Quest. Mechanic. Absurdum enim esse videtur* (inquit) *magnum moueri pondus ab exigua virtute , cum pluri præsertim pondere : quòd enim sine vecte quispiam mouere non potest , id ipsum ponderis citiùs mouet vectis ad illud pondus adiungens . Ac tandem diù iactatus , ad Circuli prodigiosam naturam refert miræ huius motionis ortum , & causam . Omnium autem (subdir) huiusmodi causæ principium habet Circulus : istud verò ratione contingit . Ex admirabili etenim mirandum accidere quidpiam , non est absurdum : maximè autem admirandum est , contraria fieri . Quare demonstrat hic omnia , quæ suprà captum hominum , in vecte complentur , & iure miramur , à Circuli , quem suâ motione efformat , conditione proficisci . Atque in Circulo , duo , eodem tempore , aliàs sibi mutuò repugnantia , conuenire conspiciamus , quietem , inquam , & motum . Id quod paucis expressit idem Philosophus , inquiens : *Ex stante enim , & moto , factus est Circulus .* Namque in Circuli efformatione per circinum , alter eius pes sistit immotus in centro , alter circumducitur ad formandam arcualem lineam . Rursus duo contrarij effectus ex ea motione resultant , alterum quidem extremum , quod in ante mouetur ; alterum , quod obstitit , & retrocedit . Hoc autem fieri in rotæ , seu cuiusuis circuli motione manifestum est . Fac vt in Circulo*

HQLPQ:

HOLPQ: sequentis figuræ præcisè sumpto, & circumuoluto, L. extremum; diametri H. L. moueatur versus P. utriusque alterum extremum H. consequenter agatur in Q. ac simul & semel in eodem actu motionis, centrum I. perstat immotum. En simul in eodem actu, duæ motiones contrariæ, a quæ insuper motus, & quies. Addo, quod lineæ illa, quæ circinat in orbem, & circulum conficit, concaua simul est, & conuexa: concaua quidem per curuitatem, quam habet ad intrâ, conuexa per gibbositatem, quam habet ad extrâ. Nec dicas, id partibus distinctis imputari posse; nam, ut supponitur, lineæ est, omnino in diuisibilis in latum, & tantummodò admittit partes in longitudine, ut proinde semper verum sit, quod ea in se indiuisibilis manens, & concaua sit, & conuexa, quæ sibi inuicem aduersantur. Hinc fit, ut si duæ rotæ contigunt, ex quibus altera alteri, alternantibus denticulis sit inserta, sequitur necessariò, ut dum vna motu suo fertur deorsum, altera feratur sursum, idque vnico actu, & vno motu.

Et hæc est arcana vis vectis dum agitur innixus hypomochlio, seu fulcro subtus posito ad illum aliquantulum è terra releuatum, 17 retinendum: cuius agitatio nil aliud est, quam circularis ratio, & efformatio circuli super hypomochlium, quod stat pro centro, uti clariùs videre est in bilance, ac statera sese mouentibus super axiculum, qui gerit vicem centri, & hypomochlij; & reuera earum operationi eadem est, ac nudi, & simplicis vectis, qui profectò comparatur, & committit simul potentiam motricem, & pondus, utraque in pari virtute librans, & aliquando constituens in æquipondio, non obest ante, quod in statera pondus ipsum affixum sæpè grauius sit, quam faconia potentiam referens. Ea igitur (concludit Arist. suprâ) quæ circa libra sunt, ad circulum referuntur: quæ verò circa vectem, ad ipsam libram. Alia autem forè omnia, quæ circa Mechanicas sunt mutationes, ad vectem. En quomodo omnia, quæ in vecte accidunt, ad libram reducuntur, seu potiùs in libra manifesta sunt, cum libra re ipsa nil aliud sit, quam vectis ad opus applicatus, & vectis in opere exequitur officium libræ: uti videre est in subiecto schemate. Vbi hypomochlium I. coincidit cum centro, & axiculo libræ, cui scapus innititur; ipseque scapus in libra, & in statera, gerit officium vectis. Si quis igitur vecte supra hypomochlium applicato, vnum eius extremum (quod rostrum vocant) ponderi submittat, ac postea manu alterum extremum deprimat, facillè ei erit illud quantumvis graue, dimouere, & viribus quantumvis imparibus, eleuare; tantòque faciliùs quantò ipse motor extremum vectis premsit, ab hypomochlio fiat remotior: ut hic expressum conspicitur in statera, per elongationem magis, ac magis facomatis à centro I, seu axiculo, cui

cui scopus innititur. Cuius rei ratio est efformatio amplioris circuli per motum vectis, & scapi se elongantis à centro. En demonstratio.



A. Hypomochlion.

I. Centrum.

B. C. Vectis erectus.

B. Potentia mouens.

C. Ponderis leuandū.

D. E. Vectis depressus.

E. Ponderis eleuatum.

C. E. Arcus circuli mo-

tionis ponderis.

B. D. Arcus circuli depressionis vectis facti à potentia.

H. I. L. Vectis operatio in Libra.

E. I. F. Vectis operatio in Statera.

G. M. Arcus Circuli in Statera, formati à Saccomate, siue æquipondio.

18

Porro in triplici statu considerari potest vectis ad hypomochlion pro triplici habitu, ad pondus, & ad potentiam; ac proinde pro diuersa habitudine, diuersam induit rationem, variatque momenta; unde & diuersos parit effectus in ordine ad onera subleuanda. Aut enim hypomochlion, seu fulcrum sustentans, sistitur medium inter potentiam, & pondus (ut hic in exemplo expósito) aut pondus constituitur medium inter potentiam, & fulcrum; aut denique potentia mediat inter pondus, & fulcrum: vbicumque enim applicatur potentia in vecte, ibi constitui potest pondus, & viceuersa; quia pondus, & potentia sibi inuicem aduersantur, vni inferunt, & obstant; unde, quò magis vnum ex his distat à fulcro, seu centro, suprà quod fundatur, & vertitur motus; eò momenta variant, & vnum super alterum acquirit plus virium, & præponderat, illiusque contranitentiam frangit, & superat. Id quod in triplici modò explicata dispositio-

sitione vectis suprà hypomochlium, concipi & practicari potest circa concursum, & variationem momentorum ponderis, ac potentia. Et sæpe contingit, omnes simul hos vectis positus conuenire, & ingredi in vnus machinæ tractoriæ constructione, vt à nobis aliàs vbi occasio dedit, ostensum est. Cæterum, vt simul cum rebus, verborum etiam compendia fiant, quibus tota earum ratio exprimitur; Vectis primi generis à Græcis vnico verbo *Antimochlion* appellatur, quasi contrà *Mochlion*, hoc est, subintellige, vectem constitutum in hypomochlio, in contrario nisu ponderis, & potentia. *Simmo-chlion*, hoc est concursus, & conuentio in vnum, ponderis, & potentia, in vecte. Et *Loxomochlion*, seu vectis flexuosus, in quo potentia se tenet, modò ex parte hypomochlij, modò ponderis. De quibus, virisque eorum effectibus, vide Scottum in *Magia Statica*, & in *Cursu Mathem.* lib. 15. cap. 4. Itaque in vecte fundatur omnis motio, quæ arte, & nisu fit: & vecte, ceu Regio, & vniuersali instrumento, vtuntur omnes artes mechanicæ; imò & ipsa omnium parens Architectonica in constructione ædificiorum tam stabilium, quam mobilium, vtputa Nauigiorum, & curruum, quæ arte, & nisu mouentur, aut rotis, ac temone, aut remigio, & velis: hæc enim omnia intrant in rationem vectis primi, secundi, aut tertij generis, vt mox in velis videbimus. Itaque

VELA in Nauigatoria sunt potissima artis instrumenta, ac media ad omnia genera Nauigiorum, præsertim verò oneraria huc illucque pro humanis commercijs in lubrico impellenda, quò in incerto, tutum, & rectum iter instituatur eò loci, quò fuerint destinata, pluribus in id concurrentibus, vtputa, malo, antennis, velis, carina, & potissimè gubernaculo, seu temone, singulis suo modo in aliquam rationem vectis intrantibus. Id quod acutè obseruauit Vitruuius lib. 10. cap. 8. Quemadmodum, ait, etiam *Nauis oneraria gubernator ansam gubernaculi tenens, vna manu momento per centri rationem pressionibus artis agitans, versat eam amplissimis, & immanibus mercis, & penus, ponderibus onerata; eiusque vela, cum sint per altitudinem mediam mali pendentia, non potest habere nauis celerem cursum: cum autem in summo cacumine antennæ subductæ sunt; tunc vehementiore progreditur impetu, quòd non proximè calcem mali, quod est loco centri, sed in summo longius; & ab eo progressa recipiunt in se vela, ventum. Itaque, vt vectis sub onere subiectus, si per medium premitur durior est, neque incumbit; cum autem caput eius summum deducitur, faciliter onus extollit: similiter vela, cum sunt per medium temperata, minorem habent virtutem; quæ autem in capite mali summo collocantur,*  
di-

discedentia longius à centro, non acriore; sed eodem flatu; pressione cacuminis, vehementius cogunt progredi nauem. Quo testimonio nihil expetitius, nihil acutiùs.

20 Porro nauigandi artem, gubernaculi directionem, & velorum ratam expansionem, è sacratione Mathesis penu profectam, & acquisitam, primos ingenio suo excogitasse, & exemplo cæteris præluxisse Tyrios, refert Tibullus lib. 1. eleg. 7.

*Prima ratem ventis credere docta Tyros.*

Sic malum, & antennam inuenisse Dædalum, ac demum vela in ventos explicasse Icarum, author est Plin. & Polid. Virgilius. Quamquam velificationis inuentricem facit Ism Hyginus, fab. 277. *Velificia*, inquit, primum inuenit Isis; nam dum querit Harpocratem filium, rate velificauit: & Cassiodorus lib. 5. varior. ep. 17. ex mente Theodorigi Regis scribens Abundantio Præfecto Prætorij, vt quamprimum profectionem Dromorum adornet, ita eum, Isidis exemplo, proposito, ad id accelerandum inanimat. *Prædictis rebus armamenta procura: vela præcipue alas nauium facientia, linum volatile, prænuncia mercium, auxilia quieta nautarum, quorum beneficio consueunt otiosi, quod à celerrimis auib. vix probatur impleri. Hoc Isis rati prima suspendit, cum per maria Apocren filium suum, audaci femina pietate perquireret. Ita, dum materna charitas suum desiderium festinat explere, Mundo visa est ignota referare. Vt fit, certe, vt inquit ille: Audax facinus, periculisque plenum. Quod impense execratur Plinius in procem. ad lib. 19. suæ naturalis Historiæ, lini sationem detestans, ad conficienda vela: quin, & paucis immutatis addit: Audax vita, scelerumque plena: aliquid seri, vt ventos, procellasque recipiat, & parum esse fluctibus solis vehi. Iam vero, nec vela satis esse maiora nauigijs. Et post pauca, grandi supercilio aduersus velorum inuentorem ita inuehitur. Natura iniuria, ac summa audacia, & quod peruenire nulla execratio sufficit, contra inuentorem dictum suo loco à nobis, cui satis non fuit, hominem in terra mori, nisi periret & insepultus.*

21 At, pace tanti declamatoris, dixim, non esse naturæ iniuriam, qui naturæ muneribus utitur, & arte opera eius promouet, complect, & imitatur. Naturæ opus est ventos producere, ac summa eius beneficentia, eos per aëra dispertiri, ad commune bonum, & viuentium commodum. Namque vt acutè aduertit, & eleganter explicat Seneca Stoicus, non minor humani luxus, & cupiditiæ critica-tor, in QQ. Natural. lib. 5. cap. 18. Inter cætera prouidentia opera, quæ in ventis miratur, illud summopere commendat. *Quod omnibus inter se populis commercium dedit, & gentes dissipatas locis miscuit: ingens naturæ beneficium, si illud in iniuriam suam non vertat hominum furor.*

*furor* . Igitur (excepta hominum malitia, quòd in malum vertunt naturæ dona) si non ad furorem, non ad rapacitatem, non ad inferenda alijs populis bella; sed ad commercia ineunda, communicationemque cum diffitis gentibus aperiendam, nauigationem iustituerint, velaque ad hanc commodè habendam inuenerint; non utique naturæ iniuriam parant, sed subsidia, & Artis, Scientiarumque Mathematicarum additamenta, quæ illam magnificè ornant, & complent. Etenim, vt pulchrè notauit Claudianus lib. 1. de raptu Proserpinæ.

*Qyas Natura negat, præbuit Arte vias.*

Ars, & Mathematicæ facultates docuerunt fabricare nauigia, & velis instruere, quòd possimus facili ductu, hac illàque per mare discurrere, ampliusque quòd tendimus prouenire. Hinc tot velorum genera pro diuersitate ventorum, qui in eis accipiendi sunt, quæ ferè omnia receusent Pollux, & Isid. lib. 19. cap. 3. atque in ijs Artemon, qui dirigendæ potiùs nauis gratia, quam ad colligendum ventù; cui opponitur Acacion, quod est velum maximum in medio nauì captatum ad captandum vinicè ventum, quando secundus fiat: & alia, de quibus, eorumque vsu, diximus suo loco. Solùm hic addere placet pro colophone, & Mathesis commendatione; velorum vsui practitari etiam in rhedis, & curribus, terrestri itinere apud Sinas, minore quidem frequentia, sed meliore consilio, vbi planum est solum, in quo velificare iucundissimum, ac tutissimum est, licet non æquè, ac mare frequens, apertum, ac liberum. Sed præstat hic celebrem illam vsurpare Paræmiam, quâ nos Itali dicimus: *Mare dilauda, tu verò terram teneto.*

VELAMEN in Architectura militari, audit lorice, seu munimentum genus è vimine contextum, & ex arborum ramis erectum, ac firmis stipitibus infixum, quod firmum non est, ac stabile, sed huc illucque manibus asportatur, vbi opus ad tegumentum fuerit aduersus hostes; idque tum ad eorum ictus fallendos, tum ad nostra opera occultanda, ne quis ex aduersarijs curiosus inspiciat. Galli Candelabra nominant, ipsorum lingua *Candeliers*, eo quod speciem quandam referant eorum candelabrorum, quæ in media aula ad illuminandum de nocte locum, oblongo pedi infixæ constituuntur. Horum formam diuersimodè tradunt, pro diuerso nationum vsu; nam aliqui non distinguunt à vineis, sed à Gallis fiunt per modum fascium erectorum ad altitudinem hominis, & vbi ad opus assumuntur singuli milites singulos ex his fasces assumunt, & vnum iuxta alium collocant & disponunt, perinde ac loriceam terream, vel stru-

LIIIIII lem



lem. Vide diuersas eorum formas in *Architectura militari* Adami Fritach, & in sepe citatis *Agonibus Martis*.

- 23 VELITES in ordine militari, apud Romanos olim erant expeditissima quædam peditum cohors, nullis ad tegimen corporis, aut sanè leuibus armis protecti, ita à velocitate hinc illucque accurrendi, agnominati; quasi *volites*, iaculis tantum, ac fundis instructi, ad hostes eminens incommo- dandos, atque ad ineundum prælium lace- sendos: vnde etsi posteriores in acie, primi tamen erant, qui post datum signum, bellum missilibus adorirentur; mox recrudescens pugna, equitibus se iungebant, & insilientes in equos, post eorum terga, ex vna parte tecti, ex altera liberis manibus, tela in hostes vibrabant. Horum introductionem, & primum usum in Acie Quinto Næuio Centurioni tribuit Valerius Maximus, occasione belli Campani à Romanis suscepti: sic enim scribit lib. 4. cap. 3. *Velitum usus eo bello primum repertus est, quo Capuam Fluius Flaccus Imperator obsedit. Nam cum equitatu Campanorum crebris excursio- nibus equites nostri, quia numero pauciores erant, resistere non possent; Q. Nanius Centurio, è peditibus lectos expediti corporis, brenibus, & incuruis, septenis, armatis hastis, paruo tegmine munitos, veloci saltu iungere se equitibus, & rursus celeri motu dilabi instituit; quò fa- cilius equestri prælio subiecti pedites, viros pariter, atque equos hostium telis incesse- rent. Eos tamen inter equites adnumerat Vegetius lib. 3. cap. 24. quorum vnica laus erat præ corporis agilitate, missilia nun- quam fallente ictu, ad scopum iacere. At reipsa pedites erant fundi- bulatores, & sagittarij, qui tamen in ipso ardore prælij, fiebant ad tempus equites, seu potius Anippi, hoc est Equitibus iuncti, id quod dilucidè explicat Liuius lib. 26. sic de equitatu loquens. *Eos singulos in equos suos accipientes equites assuefecerunt, & vehi post se, & desilire perniciter, ubi signum datum esset. Ex quo habes, supinè hallucinari**
- 24 scrip-  
tores aliquos nostri temporis, qui eos cum hodiernis Gallo- rum, & Germanorum Draconarijs confundere, & eiusdem ordi- nis extitisse, contendunt: nam longè diuersa erat ab his, pugnandi ratio, & bellatorum conditio. Illi quippè absolutè pedites erant, & leuibus armis instructi, etsi quandoque ad redintegrandum bel- lum, aliorum equos ascenderent; isti proprijs equis vectantur, gla- dijs, & sclopo maiore armati, quantumvis ex accidenti, cum mi- nus expectat hostis, ex equis desiliunt, & flexo genu, vnusquisque post sui vectoris tergum, quo pro agere, & operimento vitur, sclo- po in illud innixo, aduersarios impetit, vt suo loco diximus. Sed quid-

quidquid olim de illis fuerit, hodie certè Velitum nomine, veniunt levis armaturæ equites, nobilioris conditionis, quos *Caval Legieri* Nostrates appellant, ad distinctionem Cataphractorum: & vt plurimum honorarij, longas hastas in equis gestantes, & galeis ad decorem armati, qui Principem in comitatu præcedunt, & vbi opus est, primi prælium adoriuntur. Hinc

VELITATIO dicta est primum concertationis periculum, seu 25  
levis pugna ab his excursoribus suscitata, antequam collatis signis iustum prælium iniatur. *Scaramucciam* vulgò dicimus, & est veluti futuri mox prælij experimentum, ac dispositio. Hinc prudens consilium suggerit Vegetius lib. 3. c. 9. Copiarum Duci ad præliandum accincto, vt prius eiusmodi velitationibus rem aggrediatur, & ex euentu, omen accipiat. *Et, si multis rebus,* inquit, *superior inuenitur, opportunum sibi ne differat inire conflictum: si verò aduersarium intelligit potiorē, certamen publicum vitet.* Hac arte, & præcautione, vfos fuisse Scipionem & Maximum, refert Appianus, cum videbant res in ancipiti positas, ac deliberandi locus non erat. *Maximus,* ait, *in iustam pugnam progredi intutum ratus, exercendi militibus operam dabat, permittebatque milites velitationibus uti; vt eadem opera & hostium, & suorum militum virtutis periculum faceret.* Quoniam autem hæc pugnae adumbratio, futurae statariæ rudimentum erat, vt si quando malè cessisset, mox pedem retrahere, & ad suos statim in tutum se recipere, & aduolare milites possent, *Velitatio*, quasi *Volitatio* appellata est.

VELOX cursu dicitur ab Astronomis Planeta, qui fuerit imprimis directus, atque in Zodiaco, motu suo proprio incedens, 26  
in dies singulos conficiat tantum itineris, quod superet motum medium, singulis attributum. Cum enim singuli sua spontè, & insita virtute moueantur constanter in suis Orbitis circa centrum. eccentricè respectu telluris; inde fit, vt modò veloces, modò segniore appaereant ferri in partibus Zodiaci, secundum successionem Signorum, modò etiam contraniti, & retrocedere, cum alias in suis orbitis semper æqualiter moueantur. Hinc tardi, aut veloces denominantur respectu medij motus, qui singulis assignatur pro regula. Si enim verus, & realis eorum motus fuerit medio maior, dicuntur veloces; si minor, tardi. Motus autem medij singulorum sunt, in Saturno, minut. 2. In Ioue, 4. secun. 59. in Marte, 31. sec. 27. In Sole 59. sec. 8. qui est etiam Veneris, & Mercurij. In Luna tandem (quæ est omnium velocissima) grad. 13. min. 10. sec. 35. Et hæc

motus velocitas computatur illis ad fortitudinem, & fortunam, quemadmodum tarditas, & retrogradatio in detrimentum.

- 27 Causa autem, cur Planeta cursu velox reputetur fortis, & viribus prævalens, ut tardus, debilis ac imminutus; est, quam supra tetigi in V. *Retrogradus*. Quia nimirum, cum motu suo proprio velociter incedit, contranitur motui Primi Mobilis, à quo simul omnes rapiuntur ab Oriente in Occidentem, atque adeò plus temporis habent ad inferiora hæc suis qualitatibus imbuenda; diutius quippe consistunt supra superius hemispharium, & ideo plus agere possunt: Contrà est, cum fiunt retrogradi, nam tunc, non modò sequuntur adamum ductum primi mobilis, ut faciunt cum sunt Stationarii, sed insuper illum antevertunt, ac citius quam spatio 24. horarum se in inferius hemispharium mergunt. Id quod manifestè, ac sensibilibiter conspicitur in Luna, quæ, ut dixi, velocissima est, & fere ad 25. horas supra terram, singulis diebus consistit: quæ idcirco tam potens est, inferiora hæc alterare, suisque afficere qualitatibus, ut vel inde ab ea, *Sublunarium* nomen sortita sint. Hæc prærogativa ab alijs numerorum accessio dicitur, & Planeta cursu velox, simpliciter *Auctus numero*, nuncupatur.

- 28 VENTER vocabulum frequens in ore Architectorum, ac pluribus subinde rebus applicitum; semper tamen ex aliqua similitudine, & analogia ad animantis ventrem, eo quod in medio corpore constituitur, & supra reliqua membra, molli flexu attollitur: & intumescit. Et primò quidem Vitruvius lib. 3. cap. 2. hoc verbo exprimit adiectionem illam, quæ fieri solet in medio columnarum scapo; quam vult conformari debere ad rationem altitudinis earundem; ut oculus illam de longè, aut ab imo aspiciens, totam teneat, & ex deviante aspectu deceptus, imminutam non credat. *Venusatam*, ait, *persequitur visus*; cuius, si non blandimur voluptati, proportionem, & modulorum adiectionibus, uti id in quo fallimur, temperatione adaugeatur; vastus, & inuenustus conspicientibus reddatur aspectus. Huius adiectionis præcepta, & exempla ad praxim, quomodo mollis, blandè accrescens, & rata ad rationem totius columnæ, aut ædificij, esse debeat; daturum se pollicetur in extremo libro, quod tamen non præstitit; sed posthac id optimè prosequuti sunt Serlius, & Scamozzius, ut aliàs diximus. Secundò, adiectionis huius, & ventris consideratio attendi solet in aquæductis, in quibus vult idem Vitruvius lib. 8. cap. 7. parari laxationem quandam in medijs vallibus, per quas fistulæ transire debeant, ad exequendum cursum aquæ; ne aliàs ex violentia motus, fistulæ abruptantur. En eius verba. *Quum vene-*  
*rit*

vit in aduersum cliuū, quia in longo spatio ventris leniter tumescit, tunc exprimitur in altitudinem summi cliui: quod si non venter in vultibus factus fuerit, nec substruclum ad libram factum, sed geniculus erit, erumpet, & dissoluet fistularum commissuras. Ac, ne in ventre isto aër inclusus præpediat aquæ motum, præcipit insuper, in eo æstuaria aperiri, per quæ (subdit) vis spiritus relaxetur. Quibus adiumentis, & cautionibus obseruatis, concludit tandem. Qui aquam per fistulas plumbeas ducent, bellissimè poterunt efficere, & decursus, & circumductiones, & ventres: Id quod in delineato ad viam rei expressio, nemi schemate, manifestat Barbarus in Commentar. ad hoc caput. Tertiò, gibbositas illa, & curuatura in opere architectonico, quam contrahere solent parietes ex nimio superadiecto pondere, aut vetustate; venter communiter ab Architectis, & cœmentarijs nuncupatur: A nostris vulgò: *Far panza*.

VENTER etiam apud Astronomos dicitur, pari similitudine, 92  
maxima latitudo Planetarum, seu deuiatio ab Ecliptica (per quam Sol solus, in neutram partem inflectens, incedit) & quia mouentur per orbem, atque eorum orbitæ cum Ecliptica in duobus punctis diametraliter oppositis se intersecant, in duobus etiam intermedijs ab eâ maximè recedunt: quo positu videntur speciem quandam Draconis in orbem voluti, caudamque suam ore præhendere, efformare; ideo hisce intersectionibus, in quibus latitudo attenuatur Capitis, & Caudæ Draconis nomen, & vbi maximè dilatatur, vti Dracones in ventre, ventris Draconis appellationem placuit applicare. Porro hic duplex est; alter Boreus, alter Austrinus: Boreus, vbi planetæ obtinent maximam latitudinem borealem: Austrinus, vbi habent australem. Et hi quidem singulis planetis latitudine præditis competunt, quemadmodum Caput, & Cauda Draconis; verumtamen absolutè prolati, de Luna intelliguntur, quòd in ea maximè accidat, & singulis eius lationibus hæc duplex, & maior ab Ecliptica deuiatio; cæteris autem, quam rarissimè, & longè minor: quamquam Tycho aliquando maiorem comperiit in Venere, & in Marte, in illa quidem ad 9.grad. hinc inde; in isto latitudo maxima meridiana obseruata est excedere grad. 6. & semis, borealis extendi ad quatuor cum dimidio. Luna autem grad. 5. min. 17. hinc inde: Mercur. gr. 3. min. 33. Saturn. gr. 2. min. 49. meridian. gr. 2. 43. boreal. ac Iupiter hinc inde gr. 1. min. 40. Id quod Ephemeridum calculatoribus pro regula est. Vocantur etiam isti flexuræ, limites, &c. vt illi Nodi, vt aliàs dictum est.

- 30 VENTVS ex Aristotile 3. Meteor. cap. 5. est *Exhalatio sicca è terra ad superiora transcendens, & aërem vehementer percutiendo impellens*. Consonat Albertus Magnus lib. 3. tract. 1. cap. 3. & omnes ferè Peripatetici. Verùm hac definitione, non tam venti ipsius quidditas traditur, quàm causa eius effectiua, & proxima, in quam non exhalatio sola concurret, sed & Sol, aliaque sidera, sua vi educantia è terra, & æquantia, talem & talem exhalationem. Venti autem, nomine, communi acceptione, venit aër commotus ex se simul refrigerans, & exsiccans; siue id à natura fiat, siue arte, medio aliquo instrumento aërem comprimente, & repellente; vnde ventum facere dicimus, cum flabello aërem ambientem impellimus, & nouum, refrigerantem capramus: aliàs exhalatio ipsa in se calida est, & vt plurimum sicca, nec valet frigiditatem inducere. Et quidem nulli dubium esse potest, ipsam ventorum materiam, seu subiectum, aliud planè non esse, quam aërem, formam proximam eius impulsam, & agitationem, itaut ipsa actualis commotio aëris, ventus sit. Vnde Augustinus in lib. de Quantit. Animæ: *Nil aliud, inquit, quam istum aërem commotum, & agitatam, Ventum esse sentimus; quod in loco tranquillissimo, & ab omnibus ventis quietissimo, vel breui flabello approbari potest; quo etiam muscas abigentes, aërem commouemus, statimque sentimus. Apuleius de Mundo, sic ventum describit: Nec enim aliud est, nisi multum ac vehemens, in vnum coacti aëris flumen.*

- 31 Id quod in artificiosa venti efformatione per Chymicos facta, manifestum sit. parant enim cupream phialam, seu globum aqua plenum (vt auctor est Ionsionus de Admirand. Meteor. cap. 6.) hunc ita obfirmant, & claudunt, vt nulla ex parte, ne minima quidem, aqua guttula effluere possit: tùm ei paruum foramen, vix perceptibile, in eo relinquitur, aut aperitur, in quod fistula item cuprea subtilissima adigitur, & hermeticè sigillatur: mox admouetur igni. Vbi globus incalcescit, aqua attenuatur, & rarefit, itaut tenuiores partes in aërem conuertantur, qui calore dilatatus, foras exire gestiat, & non ei datum sit, nisi per angustissimam fistulam; quod ideo magno impetu foras exire contendit: & ventum illum excitat, producitque; qui durat, quoad vsque vniuersa aqua, quæ in globo est, euaporet, aut certè ignis ab eo remoueatur.

- 32 Stat igitur, Ventum in se aliud planè non esse, quam imperum impulsu aëris, atque ad vnam partem violentè detrusi. At, quoniam pacto naturæ id fiat, & vnde tam violentus exeat status, qui tantam aëris partem commoueat, & impellat, præsertim in aperto; ac dilatatione sui, & in progressu, non modò non languescat, ac dissipetur, sed potius augeat, & vires acquirat eundo; adeò difficile est  
intelle-

intellectu, vt iure ponatur in exemplum admirabilium operum, Dei, in Sacris Paginis, Eccle. 11. *Quomodo ignoras, quæ sit via spiritus, sic nescis opera Dei, qui fabricator est omnium.* in Psalm 134. *Qui educit ventos de Thesauris suis.* ac Io:3. *Spiritus ubi vult spirat, & vocem eius audis, sed nescis vnde veniat, aut quis vadat, &c.* Vbi sapientissimè Augustinus: *Ab occultis, inquit, causis, vnde nescis. Quà enim fiat ventus, sentis; quæ causa fiat, vel de quo thesauro rationis eductus sit, nescis.* Scio, multos Philosophos Anaximandrum sequutos, attingere quidem, sed non assequi veram, & genuinam causam ventorum; asserentes, id fieri à subtilissimis, atque humidioribus particulis aeris à Sole motis, & eleuatis. At quorsum tantus impetus, & violentia? vnde motus ille obliquus, & in aduersum, & non potius sursum directus? cum aliàs videamus vapores è terra, aut aqua emergentes, calore Solis attenuatos, sursum euehi, & eleuari.

Quapropter (id quod verosimilius est) vera ventorum causa, tan- 33  
taque eorum diuersitas, est ab exhalationibus calidis è terra profi-  
lientibus, quæ sensim attenuatæ, atque ad mediam aeris regionem  
perductæ, ex vario siderum concursu, non ex quidem omnes accen-  
duntur, & in ignes, coruscationesque vertuntur, sed modico calo-  
re concepto rarefiunt, ac dilatantur in aerem. Quò fit, vt amplio-  
rem locum occupare gestiant, & aerem contiguum magno nisu pro-  
trudant: qui successiue aliàs partes sibi proximas impellat, ac mo-  
tu ipso, & calore succrescente, magis ac magis semper augeatur  
impulsus, ac violentia, vnde ventus tandem exurgat. Hinc est,  
vt qua parte ventus spirat, ibi multam exhalationum eiusmodi co-  
piam innascei compertum sit, eademque loca, ijsque lateraliter suc-  
cedentia, varijs, & violentis ventorum statibus sint obnoxia. Cau-  
sa autem, cur venti, vt plurimum lateraliter spirent, & excitentur, est  
quia exhalatio illa sursum attracta; ibique attenuata, mox ab fri-  
gida aeris regione deorsum truditur, eaque sua leuitate sursum,  
nihilominus ascendere conante, in ista contrarietate fit, vt tandem  
eius impetus, & aeris agitatio vertatur ad latera, vbi minis ob-  
sistentiæ inuenit, magisque se dilatandi quaquaersum habeat locum.  
Præterquamquod non est à ratione alienum, vt ea sidera, quæ exha-  
lationem istam attrahunt, atque in statum attenuant, eam iam re-  
solutam, siue ad se, siue ad plagas illas terræ, quæ sibi subiectæ sunt  
attrahant, aut impellant; cumque plura, ac diuersimodè in hoc  
concurrant, inde pugna illa, contrarietas, & diuersa ratio vento-  
rum. Et quidem vniuersaliter atque indifferenter, Mercurius credi-  
tur esse primus motor ventorum. Venus autem specialiter Meri-  
diona-



dionalium; vti Iuppiter borealium; Saturnus orientalium; Mars occidentalium. Simili modo concurrunt etiam stellæ fixæ, prout cuiusque planetæ naturam participant.

- 34 Vbi animaduertendum, omnes ventos, ex sui intrinseca natura, esse eiusdem conditionis, & qualitatis; extrinsecus autem habere, quod iste sit calidus, ille frigidus; hic humidus, ille siccus; hic lenis, ille impetuosus; hic tabificus, ille salubris. Etenim cum ventus formaliter aliud non sit, quam aer commotus, consequenter pro qualitate aëris, & regionis vnde spirat, aut per quam transit, illam induit, & aliò transfert. Sic venti Septentrionalis in nostris regionibus cis Aequatorem, quoniam à frigidissimo climate, atque ab altissimis montium iugis perpetua niue contectis, ortum habent, indeque ad nos aduentant; frigidissimi sunt, & sicci. Meridionales contra, qui ab locis trans æquatorem spirant, atque ad nos, vnde zoniā, & mare traicientes, perueniunt, calidi sunt, & humidi magis, aut minus, pro locorum varietate. Vnde Syrocy magis humidus est Genue quam Neapoli, eo quia ibi amplior est sinus maris, & sic maiorem humorum copiam illinc habet attrahere, & secum ferre. In Sicilia verò calidus quidem est, sed perpetuò siccus; quia ad eam Insulam non per mare, sed per continentem, amplissimum Africæ tractum, habet transire, atque adeò Africanum aërem ardore Solis exsuccum, & inflammatum, illuc apportat: & sic de alijs: vnde alia est, & contraria prorsus natura eorundem ventorum à Regionibus Meridionalibus, ac Septentrionalibus spirantium: vti Orientalium, & Occidentalium, pro ratione locorum vnde veniunt, aut per quæ transeunt,

- 35 Porro quatuor sunt venti præcipui, & Cardinales dicti, qui à quatuor Mundi plagis, seu Cardinibus proueniunt, & ortum habent: Septentrio à Septentrione, siue de sub Polo arctico: Auster à Meridie, hoc est, de sub Polo Antarctico: Subsolanus, seu Apeliotes, ab ortu æquinoctiali: Zephyrus, siue Fauonius, ab occasu item æquinoctiali. Quibus totidem intermedios assignant Geographi, qui dici possunt neutrales, aut æque de extremis participantes: Borrholybicum, vulgò Magistrale, inter Occasum, & Arcton: Borrhapeliotem, seu Græcum, inter Septentrionem, & Ortum: Notapeliotem, siue Syroccum, inter Ortum, & Meridiem: ac Notolibicum, seu Garbinum, vulgò Libeccio, inter Meridiem, & Occasum. His addiderunt postea quatuor alios, dictos Laterales, adiacentes Fauonio, & Subsolano, hincinde ad distantiam grad. 23. & semis, qui videlicet spirant à quatuor punctis ortus & occasus, vtriusque Solstitij. Hi sunt, Cæcias, spirans ab ortu æstiuo; Eurus, ab hyemali; Corus,

ab Occasu Aëstiualli; Africus ab Occasu Hyemali. Pari etiam ratione deprehenderunt quatuor alios laterales adiacentes hincinde, in eadem distantia. Septentrioni, & Austro: & Circium, ac Boream dederunt Septentrioni; illum ad occasum, conterminum Bortho-y-bico; istum ad ortum, conterminum Borthapelioti: Phœnicem autem, & Lybanoton adiacentes Austro; illum conterminum Syrocco; istum Garbino. Ac tandem, singulis Lateralibus, hincinde duos minores dederunt: Nempe Coro, YpoCorum, & MesoCorum: Circio, YpoCircium, & MesoCircium: Aquiloni, YpoAquilon, & MesAquilon: Cæciæ, YpoCæciam, & MesoCæciam: Euro, YpEurum, & MesEurum: Phœnici YpoPhœnicem, & MesoPhœnicem: Libanoto, MesoLibanoton, & YpoLibanoton: atque Africo, MesAfricum, & YpAfricum. Qui tamen Venti minores, reipsa venti speciales non sunt, sed Lateralium deuiationes, & ut ita dicam, abortiones, naturam, & qualitates suorum principalium sequentes, atque ex parte de adiacentibus participantes.

Ergo à primo ad vltimum, Venti, qui olim numerabantur, erant octo principales iam dicti; postea accesserunt alij octo ipsis Collaterales; ac tandem singulis lateralibus suæ Quartæ: Qui omnes in vniuersum complent numerum XXXII. Ventorum; vt videre est in subiecto schemate. Quod, etiam apud omnes ferè Geographos, prostat, & in Mappis Mundi, Tabulisque Geographicis, delineatum est; placuit tamen hic oculis exhibere, tum ad complementum Operis, tum ad explicandam eorum omnium, & singulorum naturam, conuenientiam, & discrepantiam inter se; relationem ad Planetas singulis Quadrantibus dominantes: & qui sub singulis quadrantibus comprehendantur: vt vnico intuitu, & ictu oculi, omnes discerni, & prospectari queant, cum suis nomenclaturis, ac sitibus determinatis, unde originantur. Quod non est ab alijs, tam clarè, ac distinctè præstitum.

SCHEMA VENTO: RVMOMNIUM



# VENTORVM SYNTAXIS

Iuxta eorum hem, & locum:  
cum si Græcè,

Septentrionales.	I.	<b>Circulus,</b> <i>Cis</i> Septentrioni versùs Occasum. <i>Meso-Circus</i> que adiacens ad Septentr. ) <i>Quartæ</i> . <i>Hypo-Circus</i> idem.
		<b>APARCTIAS.</b> <i>Edinalis</i> , spirans directè à Polo Ar- ctico
		<b>Aquilo.</b> <i>Gamont.</i> eidem Collateralis, tendens ad Ori <i>Meso-Aquilo</i> <i>Typ-Aquilo</i> 2
Intermed.	5.	<b>Borrhapeliote</b> <i>disiuncta</i> inter Septentr. & Ortum.
		<b>Caurus.</b> <i>Leuco-Leuante.</i> Collateral. Boreæ, spirandiacent. <i>Meso-Caurus</i> <i>Typ-Caurus</i> 4
Orientales.	II.	<b>APELIOTES.</b> <i>Latæ.</i> Vnus ex Cardinalib. spirans ab Ortum <i>validus</i> , & <i>Siccus</i> .
		<b>Eurus.</b> <i>Latitante.</i> Alter Collateral. spirans ab Ortum <i>horticofus</i> . Cui adiacent.

# THE NEW YORK PUBLIC LIBRARY

ASTOR LENOX TILDEN FOUNDATION

1892

1893

1894

1895

1896

1897

1898

1899

1900

1901

1902

1903

1904

1905

1906

1907

1908

1909

1910

1911

1912

VENVS, Stellarum omnium in Cælestibus, tam errantium, quam fixarum pulcherrima, ac fulgentissima, quæ blanda sua, & emissitia luce, intuentium oculos mirè allicit, & exhilarat: à *Veniendo* dicta, vt placet Tullio lib. 2. de *Natura Deor.* non à venustate; quòd ad res omnes venit, & ex ea potius Venustas deriuata est, quam Venus à Venustate: quippe nil propè est in rerum natura ad vitæ iucunditatem, prorogationemque conducent, quod non ex ea, magna ex parte veniat: propterea, & illius nomine decorata est, quæ Dearum omnium pulcherrima, & amabilissima, atque Amoris Mater à Poëtis astruitur: quanquam non ei æquè nobiles, & expressius appellatio- nes desunt; quæ singulares eius prærogatiuas atque officia deno- tant: Lucifer, Hesperus, Solis prænuncia, Stella matutina, Vespè- rugo, &c. de qua ita Plinius, lib. 2. cap. 2. *Infrà Solem ambit in- gens Sidus, appellatum Veneris, alterno meatu vagum, ipsisque cogno- minibus amulum Solis, & Luna: præueniens quippe, & ante matutinum exorients, Luciferi nomen accipit, vt Sol alter diem maturans; contrà ab occasu resurgens, nuncupatur Vesper, vt prorogans lucem, vicemque Lu- nae reddens. Magnitudine, extrà cuncta alia sidera est; claritatis quidem tanta, vt vnius stellæ umbra reddantur: itaque & magno nominum ambitu est.* Porro, quod de magnitudine satur, intellige de apparen- te: nam aliàs omnium planetarum (si modò Mercurium excipias) minima est, quin & ipsa terra minor, quæ eius diametrum continet tricies, & septies: ac quia terræ valde proxima est, vti & Luna, apparet grandior, estque (exceptis Luminaribus) actiuitate potentior. Habet cum Mercurio Solem pro centro, in cuius Orbis crassitiè ver- que immergitur, & volutatur concentricè: quare in magna recessione, cum est in prima, & secunda statione, nō elongatur ab eo, nisi ad gr. 48. ex quo, & ex vario ad eū posito, apparet modò luminibus plena modò corniculata, perinde ac Luna; cum hac tamen differentia, quod quando corniculata est, discus eius conspicitur quadraginta vicibus plenitudinem eius excedens (vt Telescopio plures obseruauere) quod aliunde prouenire non potest quam à dispersione lucis, quæ impedita in corpore, diffundatur ac dilatetur in extrema. Cæterum periodum suam, cum ipso Sole, non tamen æquè incedens, absoluit spatio vnius circiter anni, quemadmodum & Mercurius, qui est al- ter Solis satelles, sed vicinior, & fere semper sub radijs, ita ut in maxima elongatione, vix conspicuus fiat, distans ad eo grad. 28. Porro natura huius planetæ humida est, ac temperate calida: quod ideo rerum præsertim viuientium generationi aptissima, educationem maturans, & conseruationi conducent: sed quia in ea præuuler hu- miditas, qualitas passiuæ, dicitur *Fortuna minor*, & *Planeta femi-*



neus. Præstet femineo sexui, animantibus, & plantis pulchris, atque odoratis, vtpota myrto, rosa, &c. dominaturque vasis seminalibus atque ex sensibus, fouet gustum, odoratum, & tactum: vnde est Aphorismus Ptolemæi in Centiloquio num. 27. *Venus affert voluptatem in membro, cui signum in quo ipsa est, dominatur*: quod potissimum præstat in proprijs domicilijs, atque in Piscibus, vbi obtinet Exaltationem, & Trigonum. Eapropter est naturalis voluptatum, significatrix, luxus, deliciarum, amorum &c. vt ex doctrina Platonis colligit Marfil. Ficinus in *Commentar. ad Timeum cap. 19.*

- 36 De hoc Astro notat D. Augustinus lib. 21. de *Ciuit. Dei cap. 8.* ex Varrone, aliquandò mutasse magnitudinem, figuram, colorem, & situm, quod pro portento habitum fuit (etiã tunc, cum nulla essent Telescopia, neque instrumenta, quæ nunc sunt exactissima ad sidera obseruanda; eius natura, habitus ad Solem, & irregularis motus, probe perspecta non erant.) Verum ex eo id conficit acutissime Augustinus, mirum non esse, nec nouum in Natura, id quod de nouo inuotescit, fieri ab eo quod ab initio notum fuit, aliquando discrepans, ac diuersum. Et sanè ante Tychonem multæ siderum, affectiones prorsus incompertæ erant, & tunc demùm apertæ, quando ipse, post multos labores, ac repetitas obseruationes, liquata cælorum substantia, agnouit in motibus Martis, & Veneris, esse magnam inconstantiam, & varietatem; itaut aliquando Venus ab Ecliptica remoueatur ad grad. 9. hincinde; & Mars circa Solem & ipse se voluens, in Perigeo constitutus, proindeque terræ proximior, videatur infrâ Solem, & in magnitudine talis, vt ferè Veneris apparenti magnitudini æquiparetur: id quod antequam Tychoni paterceret, in causa fuit, vt vel ipse in eo antè deciperetur, ac scripserit Veneris altrum mutasse suas sedes, colorem & magnitudinem, quando pro Venere, Martem accepit, & in eius locum supposuit. Sed tandem verum comperiit, & sua deceptione doctior factus est, & hoc arcanum mundo detexit.

- 37 VERGILIAE latinè dictæ sunt, quæ à Græcis Pleiades nominantur, eoquod orto suo, conditionem temporis ad nauigandum suè prosperum, siue aduersum ostendunt: sunt enim septem stellæ in dorso Tauri sideris consistentes, simul conglomeratæ, adeò vt vnum astrum referant, & ferè semper ventos excitant, præsertim si Mercurio copulentur, vt fusè dictum est in *V. Pleiades*. A Latinis idè Vergiliæ sunt appellatæ quod olim extremo vere oriebantur. Arabicè *Athoraid*. A nostris autem *Le Gallinelle*, quia assimilantur Gallinæ, pullis suis incubanti; in quo conuenimus cum Germanis

& Anglis, idiomate suo idipsum exprimente. Cætera pete ex V. Pleiades.

VERSURA generaliter ex etymo nominis, indicat conuersionem, 38  
& deflexum alicuius rei, quæ cum prius in rectum iret, postea mutato tramite, in transuersum, siue aduersum tendit. Hinc Columella ex quorundam foliorum versura & complicatione, anni tempora colligi posse, ait lib. 1. de Re Rust. cap. 46. Et lib. 2. cap. 2. Versuram nuncupat, terminum directionis aratri. Cum ventum erit, ait, ad versuram, in priorem partem iugum propelle. Simili modo in Architectura, Versuræ appellantur flexus angulorum in parietibus, siue in antis Ostiorum, quæ antèrius patent; vnde Vitruuius lib. 3. cap. 1. de Prostilo agens, Omnia, inquit, habet; (quæ nimirum, aliæ species ædium) columnas autem contrà antas angulares, duas, supraque epistylia; quemadmodum & in antis, ac dextrâ & sinistra in versuris singula. At enim aliter accipit in conformatione Theatri, ubi pro versuris intelligit angulares occurfus porticuum, quæ à Scena ad Theatri cornua expediri solent: sic enim habet lib. 5. cap. 7. Secundum ea loca versuræ sunt procurrentes, quæ efficiunt, una à foro, altera à peregrè aditus in Scenam. & cap. 6. de dirigendis spectaculorum cuneis agens, Qui erunt, inquit, dextrâ ac sinistra, hospitalium designabunt compositionem, extremi duo spectabunt itinera versurarum. Similiter statuit de Palæstris, cap. 11. In duplici autem porticu collocentur hæc membra. . . . sub dextro Coriceum, deinde proximè Connisterium; & à Connisterio in versura porticus, frigida lauatio. Et infra: E regione frigidarij collocetis concamerata sudatio, quæ habeat in versuris, ex una parte Laconicum ad eundem modum compositum. &c. Ex quibus liquet, pro Versura hic accipere absolute porticus aditum, seu finimentum.

VERTEX propriè appellat in homine summam, & extrimam, 39  
capitis partem, in quam eius altitudo terminat, & è qua qualitas statuitur dignoscitur. Hinc in Mathematicis ad diuersa, per analogiam applicatur vocabulum. Ex primò Geometræ in Triangulis, Verticem seu angulum verticalem nominant, qui cæteris eminent, basique subtenditur: similiter in Conicis, apex seu coni, seu manens punctum, è quo educuntur lineæ seu superficies terminantes ad basim, dicitur vertex Coni: & in Sectionibus, (quæcumque ex sint) extremum diametri interceptæ intrâ sectionem, dicitur vertex. At enim in Astronomicis, punctum in Cælo, quod perpendiculariter imminet capiti nostro, dicitur Vertex, arabicè autem Zenith: & sidera, quæ ali-

aliquando punctum istud occupant, dicuntur Verticalia: id quod maxime attenditur; nam ibi plusquam alibi, directis radijs subiecta loca feriendo, sunt potentissima, vt dicitur in V. *Zenith*.

**40** VESPERTINVS dicitur Planeta Occidentalis, cum videlicet Vespere, post Solis occasum, supra horizontem conspicitur, caditque post ipsum Solem. Sicut e contra, Orientalis, qui mane præcedit Solis ortum, & supra horizontem videtur; Matutinus. Quæ autem ratione, ista qualitas accidens Planetæ, illum afficiat, & aut in viribus roboret, aut debilitet, dictum est in V. Occidentalitas.

**41** VESTIBVLVM in Architectura est pars illa aræ ante ædificium strata, quæ immediatè adiacet Ostio, & sub iure venit eius, qui Dominus, aut pro tempore, conductor est domicilij, Quamquam enim id in ædificij partem non venit, nihilominus ipsum consequitur, & ad eius rationem, amplum, aut arctum, magnificum, aut humile constituitur; vnde ab Architectis in magna consideratione habetur. Et aduertit Gellius lib. 2. cap. 5. solum ante magnificas ædes antiquitus sterni solitum. *Qui Domus amplas, inquit, antiquitus faciebant, locum ante ianuam relinquebant, qui inter fores domus & viam, medius esset.* Id quod confirmat Macrobius lib. 6. *Saturnal. cap. 8.* Porro à standi consuetudine dictum existimat Nonnius Marcellus. *Quod in his locis ad salutandos dominos domorum quicumque venissent, stare soleant, cum introeundi daretur copia.* Nunc autem, quod ad rem attinet, ea (vti dicebam) amplitudini, & magnificentiz doniorum, ante quas iacent correspondere ex architecturæ legibus, debent. Nam vt bene Vitruv. lib. 1. cap. 2. *Ad consuetudinem decor exprimitur, cum ædificijs interioribus magnificis, item vestibula convenientia & elegantia erunt facta. Si enim interiora (mox subdit) prospectus habuerint elegantes, aditus autem humiles, & inhonestos, non erunt cum decore.* Quare ad decorem, & maiestatem loco adiiciendam, laudatissimum erit, (subiungit Albertus) ad Basilicas, & sacras ædes, necnon ad magnatum palatia, sternere latas ambulationes, easque aliquando porticibus circumornate ac tegere, vt decor & veneratio loco accrescat: quemadmodum videmus factum vniuersaliter in plerisque Italiæ urbibus, ac nouissimè Romæ, ad Basilicam S. Petri, quæ ob magnificentiam, amplitudinem, & Principatum super omnes Ecclesias, Orbis miraculum, & architectandarum ad proportionem aliarum sacrarum ædium, idea dici & haberi, iure optimo potest. In ea quippe, ultra amplissimam arcem, quæ primùm strata erat ante Basilicam, extructa est ad attrij latera magnificen-

ficentissima Porticus ab Alexandro VII. P. M. quæ benè tantæ molis magnificentiæ responderet, itaut totam aream ad Amphitheatri formâ complecteretur, quadruplici columnarum ordiue interstincta, ac sui maiestate adeuntium oculos præstingeret, attonitosque in sui admiratione teneret: adeò cuncta ad symmetriam cadunt, & tantæ Basilicæ tantum vestibulum sistitur, in Vestibulo, porticus Atrio; & vtrique area apprimè respondet, magnificentia simul cum venustate pugnantis. Vt iam non de Basilicæ Lugdunensis exteriore ornatu ac præstructa porticu, loquutum dixeris Sidonium Apollinarem, ep. 10. lib. 2. quàm de triplici hac Vaticana porticu, quasi diuinans præfigurasset, cum cecinit.

*Huic est Porticus applicata triplex  
Fulmentis Aquitanicis superba,  
Ad cuius speciem remotiora  
Clandunt Atria porticus secunda:  
Et campum medium procul locata  
Vestit Saxeæ Sylva per columnas.*

Accessit ad complementum, & coronam operis vere regij, quod in media area Obeliscus olim à Sixto V. erectus, hincinde duplici vberimo fonte condecoratus visitur, & in summo Theatro ad singula porticus arcuum interstitia, constituta diuersa, & quamplurima Diuorum Simulacra, quæ non tam ad pietatem accedentes excitant, quam locum mirè protegunt, & exornant.

VESTIGIVM. Vide Planta, Icnographia, &c.

VEXILLVM communiter audit militare signum, sub quo bellatrices Copiæ colliguntur, ad prælium incedunt, ductum sequuntur, & 42  
quo mediante, Imperatoris voluntatem intelligunt, atque in symbolo venerantur: etenim eo non erecto in signum professionis, nefas erat militi latum pedem ex suis ordinibus præterire, ante hostilem aciem constituto eam adoriri, manus conferere, & pugnæ initium dare; sed tempus, locus, ac ratio ineundi prælij à Duce, dato per vexillum signo, indicebatur; vt testis est Dio lib. 47. Cæsar in pugna Pharsalica lib. 3. scribit, à se ita factitari solitum: etenim, toti exercitui imperauit (de se loquitur) ne iniussu suo concurrerent: cum id fieri vellet, vexillo se signum daturum. Erat autem Vexillum ab initio, velum hastæ infixum, seu flammeolum in summitate volitans & conspicuum, itaut à toto exercitu probè videri posset: non illud quidem magni ambitus, sed expeditum, & breue; vnde Festus Vexilli crynon deriuat, quasi exile velum; nunc autem apud Euro-  
pæos

paos per amplum est, & oblongum quod à Vexillifero in aera expansum, & variè agitatam, militibus indicit quid faciendum sit, & quo ordine incedendum; quoniam Turcae solent arctius & crassum expandere, auro & gemmis intextum, in quo non Imperatoris insigne, (ut apud nos,) sed aliquod hieroglyphicum, & Turcicas notas videas exaratas. Et primò quidem vnicum erat & vniuersale omnibus copijs prætensum: postmodum vltra præcipuum, singulis cohortibus proprium datum, quò vitaretur confusio, & singula ab alijs secretæ, sua signa attenderent & sequerentur. Id quod expressis verbis tradit Veget. lib. 2. cap. 13. in hunc modum. Primum signum totius Legionis est Aquila, quam Aquilifer portat: Dracones etiam per singulas cohortes à Draconarijs feruntur ad prælium. Sed Antiqui, quia sciebant, in acie commisso bello, celeriter ordinis aciesque turbari, atque confundi; ne hoc posset accidere, cohortes in Centurias diuiserunt, & singulis Centurijs singula vexilla constituerunt: ita ut ex qua cohorte, vel quota esset Centuria, in illo vexillo, litteris esset expressum, *quod intuentes, vel legentes milites in quantonis tumultu, à contubernalibus suis aberrare non possent*. Loquitur autem de antiquo Romanorum ritu, à quo suo tempore recessum erat, & vexillorum numerus ex parte auctus, ex parte moderatus, ac symbola notæque idemtidem variata. Enimvero primi Romani ab initio, utpote pecuarij & inter pastores educati, militiæ rudes erant, quoad indicto eis à Sabinis, atroci summo bello, illis obuiam, nullo ordine, nullo præcedente signo, sub nullo certo Duce, tumultuariè & confertim iuerunt; qui tamen belli scientes, aduersus eos, elato vexillo cum hac tumida inscriptione, S. P. Q. R. (hoc est Sabinis Populi Quis Resister?) in cohortes distincti, & in ordines explicati, in prælium perrexere. Et primò quidem bene eis res cessit: unde Romani & suorum clade, & hostium exemplo edocti, postliminò cautiùs in aleam descendere; & erecto simili vexillo cum eadem epigraphæ, S. P. Q. R. quæ ediceret, Senatui Populumque Romanum, non modò restitutum, sed eos funditus deleturum. Votis stetit euentus, & omen cessit in gloriam, Sabinis sæpè fufis, & ignominiosam pacem exorare coactis. Quare mansit ex tunc, Romanis illud idem insigne, & non tam in prælijs, illud in Labaro præferrebant, quàm in pace, Romanorum tessera fuit S. P. Q. R. eaque vsi sunt ad hanc vsque diem, in signandis publicis monumentis, atque in omni inscriptione. Sed, quod ad militare vexillum attinet, id vnicum, singulare & constans suis Exercitibus fuit in omnibus bellis per vniuersum susceptis, atque hic ritus perdurauit vsque ad Cæsares. Quo tempore, conuersa in Principatum Republica, illi

Impe-

Imperij symbolum Aquilam, militari vexillo ( quod eos in expeditionibus susceptis, cum vniuerso exercitu præcederet, ) præfixere: mox Copijs in Cohortes, & Centurias dispersitis, singulis ad agnitionem sua vexilla data sunt, draconibus, ( vt dictum est ) alijsque notis, ac symbolis contradistincta. Semper tamen primæ Cohorti, honoris, ac dignationis causa, tributum fuit Imperatorium vexillum, quod Labarum vocabatur, eratque Aquilâ præsignatum, quod vniuersus exercitus sequebatur, cui reliqua vexilla subordinata erant, & morem gerebant. Donce sub Constantino Magno, accepto cælitus signo, portari cepit antè omnes Copias Imperatorij signum ac Labarum Cruce, loco Aquilæ, desuper imposita, & in pendente velo, auro geminisque intexto Christi nomine, in primis literis X. P. simul iunctis, mysticè exarato, vt in loco diximus. Cæterum exinde tantus honos vexillis est habitus, tanta cura seruandi, vel in summo discrimine præliorum; idque nedum inter Christianos, sed etiam apud omnes quasumque barbaras nationes, vt eo saluo quod quisque ordo portaret, salua res, & gloria sub eo militantium reputaretur; & contrâ, deperdito, ignominia, & irritus prælij fructus consequeretur. Hinc factum, vt qui vexillum sibi concreditum gestaret in acie, omni studio, omni conatu illud sacrum rectum custodire supra ipsam vitam adniteretur; quique è contrario ab hoste eriperet, summam laudem, ac si omnes hostes fudisset, ipsumque in præmiis, reportaret, vt passim legimus in Historijs. Quo in genere refert Iouius, quod, cum in conspectu apud Atellam inito inter Gallos & Aragonios, cuidâ vexillifcro detruncata esset ab aduersario dextera, sinistraque altè sauciata; ipse, ne vexillum hosti prodigeret, ore mordicis arreptum, tandiù tenuit, quoad vitam prius daret, quam concreditum Signum. De alio, simile quid narrat Fulgosus, quod cū utrâque manum in prælio perdidisset, truncis brachijs vexillum ante pectus strinxit, inlamaratâque interim Olea ( ea erat sociorum tessera ) illos admonuit, vt præstò essent, ac vexillum, deficiente sibi vita, seruarent. Tanta in prælijs vexillorum habetur ratio, & eorum sorte felix aut infelix belli euentus dignoscitur, ac retracto pede, non iâ de castrorum numero, & qualitate, sed de vexillis partis, aut deperditis agitur, ex ijsque clades accepta ab vnâ, victoriæ decus & præstantia penes alios stans, dijudicatur. Vt mirum non sit, si ea plusquam opima spolia, in triumphum gloriose aguntur, atque ad æternam faciæ memoriam, ac trophæum contrâ hostes, in templorum aditus appenduntur.



nomis, totus ille tractus, seu spatium in Zodiaco, quod extenditur in longum ab initio Libræ, vsque ad medietatem Scorpionj: seu vt nunc computant Recentiores ex recessione octauæ Sphæræ à sedibus suis sub Primo mobili, à medietate Libræ ad totum Signum Scorpionj. Fortasse ob stellas fixas constitutas in Lancibus, Chelis, & Fronte Scorpionis fideris, & Antatem, omnes malignantis naturæ, participant de Saturno, & Marte, vel sanè Mercurialibus, quæ cum Mercurio habent esse bonas cum bonis, in alas cum malis; aut quod vniuersim sint adurentis naturæ. Vnde totum hoc spatium pro planetis in eo repertis, reputatur maximè infortunatum, & illic virtutem eorum infringi, maximè si sint benefici, & contrariæ conditionis. Id quod potissimum attenditur in Luna, quæ ibi perinde infortunatur, ac si passâ foret Eclipsim. Et ideo tunc temporis Medici peritiores cauent ab exhibendis potionibus, aut laxanda vena, & causiis, quia malè cedunt infirmo. Quæ de re videndus est Galenus in 3. de dieb. decretor. cap. 6. Argolus de Dieb. Crit. & carptim tangunt Calculatores Ephemeridum in *Isagogicis*.

- 45 VIA LACTEA communiter ab Astronomis & Poëtis, appellatur Circulus magnus & latus ad instar fasciæ, in Cælo clarè visibilis, illud in duas partes inæqualitet dissepescens, ac per transfuersum discurrens, comprehendendo intra se Constellationes Cassiopeæ, Cygni, Aquilæ volantis, Persei, Andromedæ, & partem Ophiuci, ac Geminorum in plaga Boreali: in Australi verò partem Scorpionj, & Sagittarij, Centaurum, Argonauim, & Aram, vt videre est in Mappis. Sed nemo accuratior fuit in ea describendâ, Principe Ptolemæo, quod facit in *Almagesto* lib. 8. toto cap. 2. Hic Circulus, seu Zona, sola non imaginaria, sed realis ac spectabilis est in Cælo, quippe quæ non in Primo mobili concipitur, vt aliæ Zonæ, & Circuli, Sed in Firmamento realiter exhibetur, & fixa semper in loco est, ac noctu clarissimè apparet instar obductæ cuiusdam nubis subalbidæ inter tenebras, & sparsi lactis speciem præferens, vnde traxit & nomen etiam apud Græcos *Galaxiæ*, quod *Orbem lacteum* significat; vti eam appellat etiam Cicero, in *Somnio Scipionis*. De hac multa fabulantur Poëtæ, quæ recensere nostri instituti non est, sed solum de eius substantia, situ, qualitatibus, & fecunditate inquirere, ac Philosophicè simul, & Mathematicè pertractare. Olim inter Philosophos multa fuit de miro hoc (dicam) Ostento fixo & stabili, disceptatio. Aliqui Antiquiores, quos inter fuit Metrodorus, & nonnulli è schola Pythagoræorum, dixerunt, hanc esse semitam, per quam olim incedebat Sol, quæ proinde adhuc retineat impressa suæ lucis vestigia,

gia: quasi verò idipsum non præstiturus modò esset in Zodiaco, per quem iugiter, & constanter incedit. Aristoteles existimauit, esse aggregatum exhalationum accensarum, in suprema aeris regione consistentium, & ibi fixas, & immobiles permanere. Id quod, tanquam puerile dictum, & indignum tanto Philosopho, ab omnibus exploditur, & falsitatis euincitur; quippe si id esset, aut tandem extinguerentur, aut non semper à quacunque Orbis terræ parte conspiceretur, easdem tenere cæli partes, easdemque stellas intra se complexi inuariato positu, atque à Polis & Aequatore distantia. Quanquam non desunt, tùm ex antiquis, tùm ex neotericis Philosophis, qui eum defendere, aut in saniozem sensum explicare conentur, vt præ cæteris, acrius Cremouinus in Apologia pro Aristotele, Ant. Polus in digress. de Circulo lacteo, & Licetus lib. 2. de nouis Astris cap. 56.

Sed iam res extrà controuersiam est, & nostro æuo communi 46  
omnium assertione receptum, Viam lacteam aliud planè non esse, quàm congeriem infinitarum propemodum stellarum simul collucentium, quæ ob multitudinem, exilitatem, & ad inuicem vicinitatem, ac remotionem à nostris oculis, discerni ac spectari distinctè non possunt, sed veluti massa quædam candicantis cuiusdam materiei, velut nubes in obscuro conspecta, sese oculis præbet, quemadmodum lippis oculis apparent Pleiades, & sub circulo antarctico habitantibus, duæ nabeculæ ibi perpetuo visæ, atque in nostro hemispherio stellæ quas vocant Obscuras, & Nebulosas, quæ iam ope Telescopij detectæ sunt, esse plures minuitiores stellas in vnum colligatas, vnde in sola, quæ appellatur Præsepe, testatur Galilæus in Nuncio Sidereo, se obseruasse stellas omninò 36. vt de alijs taceam. Roboratur id ex eo, quod Via lactea sit sæcundus ager nouorum, Phænomenon in Cælo apparentium, quæ semper in ea generantur, aut de nouo conspiciuntur: vt erat illa, quæ in sede Cassiopeæ visa est anno 1572. & durauit in sua claritate ad duos annos: quæ in pectore Cygni; in Genu Serpentarij, & aliæ quæ nostris temporibus fulxerunt, & post longam euagationem irregularem, euauerunt. Neque enim omnes omninò stellas in Firmamento fixas, & loco immoras stare crediderim; neque ætheream substantiam prorsus ingenerabilem & incorruptibilem, aut saltem inalterabilem, cum antiquis Philosophis astruimus, quando Tychone duce, tenuissimam, & fluidissimam agnouimus: vnde verosimiliter credi potest, hanc nouam stellarum emerfionem in Via Lactea, fuisse vel minuscularum stellarum in vnum coitionem, per verum motum localem, loco, & tempore, ex varijs accidentibus occurrentem; vel per veram productionem,

ex materia illa cœlesti, ex planetarum diuersorum congressibus, fermentata: causaque hac deficiente, illis etiam deficientibus, & corruptis.

47 VIGILES in re militari appellantur excubitores, qui de nocte ad castrorum custodiam deputantur, vel ad portas, & mœnia Cinitaris, vt inuigilent, & obseruent sollicitè hostium molitiones, & que inopinè, ac de nouo socijs, & à socijs accidunt, vt res in tuto permaneant: quandoquidem non minus eorum fidei commissæ est reipublicæ salus, quam cæterorum militum armis: vnde olim aut nullis armis protecti ad excubias ibant, (vt Paulum Aemilium constituisse, tradit Liuius lib.44.) aut solis scutis, & hasta, & galea tantum capita tecti, vt fulgentibus armis procul conspici ab hoste possent. *Non enim, inquit, in pugnam vigilem ire, vt armis utatur, sed ad vigilandum, vt cum senserit hostium aduentum recipiat se, excitetque ad arma alios.* Porro ex his, alij sunt stationarij, qui stantes in loco, vigilias habent, & ipsi aliquando *vigilia* à Sallustio nuncupati; alij, qui circumirent, tesseram darent, ac ducum mandata referrent; & hi Circitores dicuntur. Quorum delectum, & ordinem procedendi, sic describit Vegetius lib.3. cap. 8. *A tubicine omnes vigilia committuntur, & finitis horis, à cornicine renocantur. Idoneos tamen Tribuni, & probatissimos eligunt, qui vigilias circumceant, & renuncient, si qua emerferit culpa, quos circitores appellabant: nunc militie factus est gradus, & Circitores vocantur.* Nostri Rondas nuncupant. Illos autem Custodes, & Sentinellas.

48 Ipsa autem Statio in fixo loco, ad excubandum, vigilandum, & sentiendum quid rerum esset; de nocte *Vigilia* dictæ sunt: cum aliàs indifferenter, & quæ de die potissimum agebantur, absolute *Excubie* dicerentur: vnde Isidorus: *Excubie, inquit, diurnæ sunt, Vigilia nocturnæ.* Quæ integram noctem quadrifariam partiebantur, itaut singulis vigilijs, ternæ horæ assignarentur, & ijs exactis, noui vigiles ad stationem venirent, quique iam suam vigiliam excubassent, ad somnum, & quietem se reciperent. Quod ideo totum tempus nocturnum in quatuor vigilias, æquè per quædam aquaria vascula, seu clepsydras, aqua guttatim stillante, ad tres horas singulas mensuratas dispartiebatur, & cuiusque vigilie initium & finis, tuba significabatur apud Romanos, quia impossibile videbatur (subdit Veget.) in speculis per totam noctem vigilantes singulos permanere; ideo in quatuor partes ad clepsydram sunt diuisa vigilia, vt non amplius quam tribus horis nocturnis, necesse sit vigilare. Vnde Lucanus lib. 5.

*Iam castra filebant,*

*Tertia iam vigiles commouerat hora secundos.*

Quarta autem & vltima vigilia, ad Auroram terminabatur. Sed ex his, tertia iniquissima habebatur (ait Lipsius,) quia turbaret totam quietem: reliquis, bonam partem primæ aut sequentis noctis, dormire licebat. Et in his, quatuor vigiles in singulis erant, vt melius ac tutius res ageretur. Multò melior (iubdit Lipsius) hæc ratio, quam nostrorum Sentinellarum, qui prorsus solitarij, & certè à suis abiuncti; Itaque facile intercipiuntur, imò & occiduntur sine aliorum sensu. Sed quò in officio starent, dati sunt eis alij vigiles circitores, vt per stationes discurrerent, & si quos segnes, aut somno oppressos comperissent, ad tribunos deferrent, à quibus debitam pœnam luebant. Id quod luculenter exponit Polybius apud eundem Lipsium. Qui verò, inquit, ordinati ab Tergiduloribus fuerint ex prima Turma quatuor, postquam sortiti fuerint vigiliæ, eunt ad Tribunal, & scriptum accipiunt quotam, & quot debeant obire. Post quæ illi quatuor accubant ad primum manipulum Triariorum, siue primum pilum. Cum verò tempus appeterit, primam vigiliam circuit is, qui eam sortitus est, habens apud se testes aliquos ex amicis. Perlustrat verò dictos locos, non solum circà vallum & portas, sed etiam circà manipulos, & turmas. Quod si reperit qui primam agunt vigilantes, capit ab ijs tesseram, sin aliquem dormientem, aut loci desertorem, testificatus proximos, abijt. Idem fit & ab ijs qui sequentes vigiliæ lustrant. Quisque autem Circitorum una cum luce ad Tribunal desert tesseram: & si omnes redditæ sint, sine culpa abeunt. Quod si quis pauciores fert quàm pro numero Vigiliarum, inquirunt ex charactere quænam Vigilia defecerit. Quo cognito, vocat Centurionem, qui ducit eos quorum vigilia fuerat: ij disceptant cum circitore, & si vigiliæ delictum est, statim ostendit Circitor, adhibitis testibus è proximis, id enim facere tenetur. Si nihil horum; in ipsum cadit culpa. Statimque consilio aduocato, Tribunus iudicat, & si damnatus fuerit, fuisse percutitur. Hucusque Polybius. Optima equidem ratio disciplinæ custodiendæ, & vigiliæ cum totius Exercitus, aut Ciuitatis securitate agendi. Verùm aliter potulat temporum, & locorum conditio, aliter immutata belligerandi ratio, aliter militum probata aut suspecta fides, aliter cum timeatur ab hoste, palam aut insidiosè superueniente; aliter cum à fluxu fidei socijs, mercenarijs proditoribus, lucri gratia facilè in hostium partes, occultis conuentionibus rapiendis. Qua de re vide quæ doctè, prudenterque nimis, tradit Simon Struolcius, in suis militari-  
bus Institutionibus lib. 3. cap. 18.

49 VIGILES etiam, ex quadam analogia ad militares excubias, & Circitores, appellantur ab Astronomis duæ stellæ secundæ magnitudinis, ad polum arcticum in extremo plaustrî minoris constitutæ, quæ polum circumcunt, & veluti custodiunt, semper vigiles, numquam nobis occidua, ac proinde non secus ac milites stipatores, Cynosuræ seu suo Principi adstant, non tam custodes, quàm honorarij comites: unde etiam Choreutas, & Circitores à plerisque dici, alibi adnotauimus.

50 VINDEMIATOR, seu *Vindematrix*, dicta est ab Astronomis stella fixa tertiæ magnitudinis, de natura Saturni & Mercurij, in ala septentrionali Constellationis Virginis constituta, famosa apud Antiquos, eo quia, inquit Plinius lib. 18. cap. 31. exortu suo *Vindemiæ maturitatem indicat*, cuius argumentum erunt acini colore mutati: oriebatur autem tunc temporis circa diem 22. Augusti; nunc autem tum ob præcessionem octauæ spheræ, tum ob correctionem Gregorianam, oritur Romæ die 20. Septembris cum grad. 28. signi Virginis, occidit cum gr. 8. Scorpij die 30. Octob. quo tempore, testatur Ptolemæus, quod suscitare solet Aquilonem. Hanc ipse vocat Progetim, quasi Ante-Vindemiam, ut alibi diximus.

51 VINEAE in bellico apparatu sunt tectoria quædam opera, ad modum cratis, è viminibus lignisque contexta, lorice portatili vicem, subeuntia, quibus milites, ac fossores urbem aliquam obsidentes, se contegunt, cum ad murorum oppugnationem procedunt. Quæ quoniam ad vitium morem & texturam, cum ad palos alligantur accedunt, militari appellatione, Vineæ dictæ sunt. Harum usus frequentissimus fuit apud antiquos, quarum magna vis cogeatur in impedimentis, opportunèque cedebant ad suffossiones peragendas, arietesque, & falces propè, mœnibus admouendos. Sed non idè nostris temporibus, quando alia bellandi ratio initactæ, alius oppugnandi modus, omninò sunt prætermisæ: quin potius experientia, compertum est, multum opis præstare in subita aggerum erectione, in supplendis loricarum defectibus, atque in accessibus aliisque operibus feliciter consummandis, quandoquidem multum valent, non modò ad operarios contutandos, quò strenuè opera exequantur; verum etiam ad hostium obtutus fallendos, quò minis ea quæ aduersus ipsos fiunt, observare queant, & impedire. *Gallerias* Nostri cum Gallis, & Hispanis vocitant. De quibus insignis est contestatio in Cæsare lib. 3. de bello ciuili vel in hoste militarem solertiam, & præcautionem dilaudante. *Pompeius*, ait *noctu, additis magnis*  
muni-

munitionibus, reliquis diebus turres extruxit, & in altitudinem pedum quindecim effecti operibus, vineis eam partem castrorum obtexit. Quod ab se factitatum magno cum fructu tradit circa Nouiodunum, lib. 2. de bello Gallico, celeriter vineis ad oppidum altis, aggere iacto, turribusque constitutis, magnitudine operum, quæ neque viderant ante Galli, neque audierant, & celeritate Romanorum permoti, legatos ad Casarem de deditione mittunt. Earum usum multiplicem latè describit Lipsius in Poliorcet. Sed & constructionem, & probū effectum, Vegetius lib. 4. cap. 15. *E lignis*, inquit, *leuioribus machina colligatur, alta pedibus septem, longa pedibus sexdecim. Huius testum munitione duplici, tabulatis, cratibusque contextitur: latera quoque vimine sepiuntur, ne saxorum, telorumque impetu penetrentur. Extrinsecus autem, ne immisso concrementur incendio, crudis ac recentibus corijs, vel centonibus operitur. Ista cum plures factæ fuerint, iunguntur in ordinem sub quibus subsidentes tuti, ad subruenda murorum penetrant fundamenta. Tantaque erat testorij huius securitas cum operæ pretio, ac felicitate, ut in proverbiū icrit: praliari sub vite. Sub vitem praliari dicebantur milites (notat Festus) cum sub vinea militari pugnabant; quandoquidem sub hoc tegumento, velut in propria domo, milites consistebant, deambulantes, sedentes, cibum sumentes, ad oppugnationem, tanquam ad fructum operis capiendum, alacriter procedebant. Propterea, Vineas dixerunt Veteres (notat consulto Veget.) quas nunc Causias vocant. At Vulpes quoque, eodem plane sensu huiusmodi machinas nominatas inuenio apud authorem Histor. Hierosolym. lib. 2. cap. 30. ubi sic eas describit. *Vulpem quercinis trabibus composuerunt, cuius in gyro tutos contexuerunt parietes, ut gravissimos Turcorum sufferret ictus armorum, omniaque iaculorum genera: ac sic in ea manentes tuti, & illasi urbem fortiter impugnando perforarent.* Vide quæ adhæc habet Stevvech. in Notis ad citatum locum Vegetij.*

VIOLENTA SIGNA apud Astronomos denominari solent, in quibus Planetæ malignantis naturæ, nempe Mars, & Saturnus, insignem aliquam prærogatiuam obtinent, aut Domicilij, aut Exaltationis; qualia sunt Aries, Libra, Scorpius, Capricornus, & Aquarius. Item ea, in quibus stellæ fixæ insigniores de eorum mixta natura incidunt, intra totam Zodiaci latitudinem: cuiusmodi sunt Taurus ob Palilitium; Leo ob Regulum; Scorpio ob Antarem; quare duplici nomine hoc Signum inter violenta computatur: & vniuersim Stellæ, ac Sidera, quæ aliàs ex effectibus compertum est, siue se solis, siue cum Luminaribus ac maleficis, impotenter agre



agere in omnibus, præsertim in æris mutationibus. Sed potissimum, & absolute violentæ sunt: Palilicium de natura Martis, existens nunc temporis in gr. 5. Geminorum; Caput Medusæ de natura Iouis, & Saturni, in gr. 21. Tauri: Hercules, seu Caput Pollucis, alterius Geminorum, in gr. 19. Cancræ: & Cor Scorpion existens in gr. 5. Sagittarii, diametraliter opposita Palilitio, unde maleficam virtutem conduplcant, & violentiores inducunt effectus.

## V M

- 53 VMBILICVS propriè, & principaliter, eam corporis partem signat in animante, quæ ferè in medio constituta, est veluti centrum ad quod cætera membra referuntur, & cuius ope Natura, in sætu adhuc in vero matris degente, transmittit alimentum in ventriculum, ubi digestum, atque concoctum, dispersit postea ac deriuat per aliquot meatus & fibras, in reliquum corpus. Hinc per translationem sumitur generaliter pro eo, quod in vnaquaque re est veluti centrum & meditullium, ad quod reliquæ partes respectum habent. Sed Mathematicis præsertim solemne est, id vmbilicum vocare, quod statuunt suarum operationum centrum; & est punctum illud, ad cuius rationem omnia expendunt, assumentque sibi vnicam, proportionem, & mensuræ Regulam. Sic Cosmographi terræ meditullium, vel alicuius regni, aut prouinciæ medium situm, vmbilicum, dicunt, vt notauit Plinius de agro Reatino, quem *Italia Vmbilicum* uominat: & Cicero de Enna vrbe in Sicilia, adione 6. in Verrem, qui locus, inquit, quoddam in media Insula est situs, *Sicilia vmbilicus nominatur*. Sic in Gnomonicis, paruulus Circulus in plano descriptus; in cuius centro figitur stylus ad colligendas Solis umbras, & per cuius traiectiones lineæ diriguntur ad mundi plagas, regionesque ventorum, vmbilicus appellatur. Sic in Conicis, ipsius conici apex aliquando vmbilicus dicitur: Sed potissimum eo nomine insigniunt in Conicis sectionibus, punctum illud axis, ad quod omnes radij circumquaque proiecti conueniunt, ac terminantur, vt in loco diximus: qui etiam focus ab alijs nuncupatur, eo quod inibi concurrentes solares radij, iutenduntur, & constipati ignem eliciunt. Stat igitur, quod Vmbilicus semper relatiuè dicitur ad partes circumambientes, & quæ ad ipsum, terminant, & reduciuntur: unde, etiam in opere architectonico, centrum Volutæ in Capitulis Ionicis, quod alij oculum appellant, & summius apex tholi, aut testudinatæ cameræ, in quo arcus fornicis decussantur, vmbilicus audit. Quibus positis, magnam nobis facit difficultatem, (adeoque omnibus eruditis, in quorum gratiam negotium hoc dirimendum suscipimus) locus aliqui obscurissimus Q. Cureij, qui lib. 4. de gestis Alexandri cap. 7.

cap. 7. vbi de Iouis Ammonis Fano, ad quod profectum Alexandrum refert eius oraculum expetiturum, verba facit; postquam locum accuratè descripsit, ad numinis tandem effigiem, seu simulacrum veniens, hæc addit. *Id quod pro Deo colitur, non eandem effigiem habet quam vulgò Dii artifices adcommodauerunt: Umbilico maxime similis est habitus, smaragdo, & gemmis coagmentatus.* Atqui quænam signata species umbilici, per se stantis, quæ Iouem refertur, queat, quando umbilicus vagus est, & coarctatur ad medullium cuiusque operis? Scio umbilicos etiam vocitari offcos quoddam orbis, vel etiam ligneos, benè tornatos in similitudinem conii, umbilici nostri formam imitantes, qui olim voluminibus, seu libris in orbem plicatis, ad ornatum ad extrema capita apponebantur tanquam clauiculi concludentes; ac similiter lapillos pellucidos, ac rotundos, qui passim ad lectus maris coadunantur, umbilicos aliquando dictos a Tullio 2. de Oratore, cum ait, *Lentulum, Scipionem, aliosque magnos viros ad animi remissionem, & curarum feriarum leuamen, Conchas, & Umbilicos ad Caietam, & Lucrinum legere consueuisse.* Sed quid reculis istis ad maiestatem Numinum representandam? eò præsertim, quod nedum Curtium, sed & Pausaniam, & Strabonem, & Tacitum habemus, aliorum numinum simulacra in umbilici formam abeuntia, referentes. Locus difficillimus est, & varij variè illum interpretantur; inter quos nonnemo inuentus est, qui, ut se expediret, textum alterare, & duo verba addere ausus est, vt legat; *Umbilico tenus arieti similis.* Sed infelix effugium, & ridicula immutatio, quando nihil euincit, & nouam correctionem ab antiquis codicibus discrepantem obtrudit. Quapropter non recedendum à veteri lectione, & vis sententiæ absolutè in umbilico firmanda. Placet in hac re sentium castigatissimi Interpretis Andreæ Scotti, cui adplaudunt Raderus, & Blancardus in Notis ad Curtium, adferre. Sic itaque habet. *Umbilicum hic interpretor rem aliquam eminentem, metæ instar, velut conum aut quadratum, aut rotundum; quemadmodum voluminibus iam ferè absolutis, teste Porphyrus, ornamento, & vsui apponi solent, atque etiamnum hodie extrinsecus globi dimidiati formâ apponuntur. Priscæ enim gentilitatis homines hac informi forma non rarè Deos suos indicasse potius, quam effigiasse, documenta sunt multa. In Templo Delphico, ut refert Strabo, lib. 6. Umbilicus conseruabatur fascijs velatus, ad demonstrandum, quod hic locus in umbilico, hoc est, medio terrarum esset. Eratque, ut Pausanias, lib. 10. refert, ex candido marmore. Veneris enim Deæ signum apud Cypri Paphum, auctore Tacito, continuus erat orbis, latiore initio tenuem in ambitum, metæ modo, exsurgens. De eadem ferè idem Maximus*

*Tyrinus* orat. 38. nisi quod alba pyramidi similem fuisse dicit. Idem ibidem scribit, Arabes Deum suum tetragono lapide significare. De Solis, siue Heliogabali figura, Herodianus ferè idem quod Curtius, de Ammone. (en eius verba ex versione Politiani) Simulacrum nullum Græco, aut Romano more manufactum ad eius Dei similitudinem, sed lapis est maximus ab imo rotundus, & sensim fastigiatus ad coni formam.

- 56 Ergò non ab re, Prisca gentilitas suarum Deitatum imagines non effingebant humanà aliàue forma spectabiles, sed tantùm per vmbilicum, seu metam orbicularem, & conicam, quæ stabilitatis est nota, ac proprium Diuinitatis symbolum, exprimere eorum præcellentiam supra homines intenderunt, quod ideo benè stat Curtij dictum de Iouis Ammonis Idolo. *Vmbilico maxime similis est habitus, smaragdus, & gemmis coagmentatus*. Simili ratione crediderim herbulam crassiunculam parietibus, ac ruderibus innascentem, cuius folia non in cæterarum morem oblonga, sed rotunda, ac turbinata instar coni, è radice profiliunt, & clauiculis innectuntur, vmbilicum Veneris dictam à Dioscoride, alijsque veteribus herbariæ rei scriptoribus; eoquod præfatæ Veneris apud Paphum signo, congrueret, vmbellatis folijs coni speciem, seu fistilis operculi, quo in culinis vtinur, referentibus; quemadmodùm eam ob rem, talis herba à Græcis *Cotylidon* dicitur, à nostris autem vernaculè, *Coperchiuolo*.

- 57 VMBILICVS ANDROMADAE dicta est in Cælestibus, stella fixa secundæ magnitudinis, de natura Veneris, cuius naturam, & qualitates in effectibus ad quos concurrit, mirè participat, consistens in vmbilico, seu medio cingulo huius imaginis, & sub primo mobili in grad. 26. Arietis cum latit. boreali gr. 26. Arabicè *Mirach*, siue *Mizar*. De hac in Horoscopo reperta aiunt Astrologi, quod facit effeminatum, & mirè inclinât ad luxus, & impudicitias, vnde infamia, & pericula. Hoc certius, & confirmatum iugi experientia, quod cum Sole exoriens, inducit tempus nubilum, & replet aërem obscura caligine; Idipsum, sed impensius præstat cum Saturno: & si Venus, aut Luna affulserit, copiosos imbres iminittit, & nives, pro temporum qualitate. Oritur autem Romæ 7. Februar. cum gr. 19. Aquarij.

- 58 VMBO idem ferè, quod vmbilicus significat, nisi quod vmbilici nomen Vmbonis fortè diminutiuum, ad rerum centrur, atque ad singularia coarctatur: complectitur enim Ambo, & promiscuè denotat quidquid extumidum est, & aliquatenus prominens. Neque

que enim (vt bene obseruat la Cerda in Virgilium) vlla est ratio; cur hæc vox coarctetur ad Clypeum, seu mediam, & exporrectionem clypei partem, vt volunt Calepinus, & alij. Namque indifferenter vsurpant inuenio apud omnes scriptores, per parte aliqua rei, cæteris alijs prominentiore. Sic præ alijs Statius sæpè, ac diuersimodè hoc vocabulo vtitur: nunc pro præfata clypei parte.

*Iam clypeus clypeo, umbone repellitur umbo.*  
nunc pro montis cacumine,

*Stant inga, & obiectus geminis ambonibus ager.*  
& in Hercule Surrentino.

*Quod solidus contra riget umbo maligni.*

*Montis, & immenso non unquam exesus ab axo.*  
Nunc pro lacerto, quod clypeum sustinet, vt in Thebaid. 2. vbi de Tydeo dicit.

*Clypeum non sustinet umbo.*

Nunc pro saxo, quod inter duos agros ponitur pro termino limitario vt ibid. lib. 6.

*. . . . hinc saxens umbo.*

*Arbiter agricolis finem iacet inter utrumque.*

Similiter Plin. lib. 37. cap. 5. Umbonem, & umbilicum dixit in annulo, palam, seu partem illam latiore, & cauam cui gemma infertur. Quin & vellem ipsam, qua parte ad pectus excurrit, & in tumorem surgit, umbonem dixit Persius, Satyra 5. ac Tertullianus de Pallio. Non ergò singulare vocabulum umbo est, sed vagum, & promiscuè applicabile ad onne id, quod in conij formam aliquatenus turget, & eminet. Vide ad hæc, quæ eruditè habet Ianus Laurenbergius in suo Antiquario.

UMBRA quid in se sit, & in quo verè consistat, in reali nè entitate, & aliquo positiuo, an in negatione lucis, seu potius priuatio, perinde ac tenebræ; iure ambigi potest, & nobilissimam controuersiam inter Physiomaticos, eruditissimosque viros, suscitare. Etenim, si quod sub nomine latet, intimè perscruteris, nescis si tenebras aliquantò rariores dicas, an subobscuram lucem. Certè Mathematici, qui quantitatem in abstracto considerant, quique per umbras potissimum omnem dimensionis terminum, ac differentias auspicantur, de ea non secus ac de luce sui diffusua, radijsque solaribus in orbem diffusis, philosophantur. Sic enim habetur in prima parte Perspectiuæ apud Ioannem Episcopum Cantuariensem, conclus. 25. *Umbra* videlicet, nil aliud esse quam *lumen diminutum*. Quod idem profectò est, ac si diceret, Medium quid inter lucem,

O o o o o a

& te-

& tenebras. At hic insurgunt Philosophi, ac iure redarguunt; si medium inter lucem, & tenebras, ergo in seipsa neque lux, neque tenebræ, sed vtriusque negatio, quod stare non potest, nam priuatio formam tollit; negatio priuationis, formam realem inducit. Si verò lux est, sed diminuta; vt diminuta, priuationem potius appellat, quam ipsam lucem, in hoc enim à clara luce distinguitur. Sed si quæ talis, priuatio, quomodo suos effectus reales habet omnino diuersos ab his, quæ lux ex se parit, & id præstat, quod neque lux sola, neque tenebris mixta (quod vtrique contradictionem inuoluit) neque absolutissimæ tenebræ? Non loquor, & prudens prætereo vmbra illam famosam, ac salutarem Principis Apostolorum, quæ, vt in actis Apostolorum habetur, in se continebat virtutem curationum; quia dici posset, & verè dici, id non physicè, & secundum naturam factum esse, sed virtute diuina, miraculosè realiter ad opus concurrente, nil de suo vmbra, seu maius dicam, mixtione illa lucis, ac tenebrarum subministrante. Id quod in vacua corporis inanitate demirans D. Augustinus, transit ad exaggerandam veram, & positiuam virtutem contactus in mirabilibus perpetrandis, hæc inferens. *Si inanis quodam species vacuæ imaginis habere potuit in se vim salutis, quando plùs de corpore meruerunt attrahere salubritatem, ferreo pondere sacris impressa membris, vincula passionis?* Verùm hæc suprà nos sunt: vt Philosophi naturales, de naturali, ac physica vmbra æstiuitate (si vlla est) inquiramus. Quonam pacto, inquit, si vmbra, inanis quædam imago est, & profusæ lucis priuatio, in iuglande noxia est (quod neque lux Solis, neque obscurissimæ noctis tenebræ illi participant, sed vt pura puta vmbra, iuxta satis exitialis est, & hominibus tenerè sub ea dormientibus facit dolere caput, & econtrà vmbra Platani, iucunda, proficua, & salubris, vt author est Plinius lib. 17. cap. 12. & quotidiana probat experientia?

60

Sed enim satis in vmbra lusimus, & plùs fortè, quàm instituti ratio permisisset: dirimamus seriò litem, cum citato Episcopo Cantuariensi, & ad nostra tandem vela tendamus. Ergo Vmbra, quatenus à corpore quouis denso, & opaco projicitur in aliquod spatium vacuitatis, seu terminatum diffusionis lucis, dicit quidem in se priuationem, & impedimentum liberi transitus lucis primariæ immediatè à corpore lucido dimanantis, & circumquaque ad omnia sibi obuia, & aperta se extendentis; quæ verò imago ac minus de illa sibi obliquè communicata, siue per consensum, siue per reflexionem participat, (quæ lux secundaria dicitur, eo quod àer interiectus de se fluidus, tenuis, ac diaphanus, faciliè à contigua illa diffusionè lucis primariæ illustratur) vtrique quid positiuum est, æ-

rem

rem ipsum denotans, & præhendens, ac lucem illam secundariò participatam. *In hoc autem (concludit acutissimè Cantuariensis) differt umbra à tenebra, quia umbra est lux diminuta, ubi est priuatio lucis primaria, & derivatio secundaria. Tenebra verò est, ubi nihil est luminis.*


Itaque definitio illa, & circumscriptio umbræ, quæ separatur ab reliquo ambiente, per lucem primariam defluentem immediatè ab ipso fonte, & scaturigine luminis illustrato, fit à corpore opaco, quod interponitur, & impedit liberam diffusionem lucis primariæ, quod profectò imprimè in suam imaginem formam, magnitudinem, variationem situs, & motum, cuius ritum per omnia sequitur, & imitatur. Vnde, ut sapienter obseruat Theodoretus in Genes. cap. 1. *Tria concurrere oportet in umbra, Lumen, Corpus, & locum minimè lucidum.* Vnum quod desit, umbra emergere, & conformari neutiquam potest: propius tamen proficiscitur, & esse suum aspectum habet à corpore opaco interposito, quod à luminoso minimè illustratur; quò fit, ut eius formam induat, motum sequatur, & ad partem semper aduersam inclinet, ac pro qualitate situs, motu, maiore propinquitate, aut distantia à corpore luminoso, augetur, aut minuat, sit intensior, aut remissior, & quò magis distiterit, eò à diffusa vndique primaria luce in aëre contiguo expatiente circumueniatur, attenuetur, ac tandem in nihilum reducat. Ex quo effluxisse artem picturæ, seu prima picturæ lineamenta in tabula designandi, ex Plinio, notat Clemens Alexandrinus.

Quoniam autem ex comparatione, & obiectu corporis opaci ad luminosum, triplex potest umbra procedere, aut quæ maior sit ipso corpore opaco, diuergens in anpliores basim; aut, quæ minor, sensum decrescens, desinensque tandem in conum; aut omnino æqualis, quæ abeat per lineas parallelas, quoad à superfusa primaria luce dissipetur, & euascescat; ideo tres umbrarum species communiter assignantur à Perspectiuis, in hanc conclusionem, quæ est 13. primæ partis. *Umbræ minoris luminis minorem umbram, sicut æqualis æqualem, & maioris esse maiorem.* Hoc est, quando luminosum immittens lumen, maius est quam ipsum corpus opacum, in quod illud terminat; tunc umbra, quæ ab hoc in aduersam partem projicitur, necessariò minor erit, & ultra procedens sensim attenuatur, & finit in conum, vnde *Conoides* appellatur. Quando corpus obiectum superat magnitudine ipsum luminosum, seu locum vnde lumen immittitur; tunc umbra ab eo procedens, semper amplius, & amplius dilatatur, vsquequò ab ambiente primario lumine disperdatur: & tunc, quia figuram accipit calathi, cuius basis ipsi cor-  
61  
62



pori opaco insister, & reliquum eius in amplitudinem in orbem distendatur; propterea dicta est *Calathoides*, quasi calathio similis. Si demum corpus interiectum fuerit æquale corpori luminoso, aut loco, unde lumen transmittitur, tunc umbra erit æqualis, procedens ad modum Cylindri; unde *Cylindroidis* nomen sortita est; id quod in sequenti figura expressum est.


*Vmbrarum à Corpore opaco procedentium  
diuersa proiectio.*



63 Porro vmbrarum vsus magnus est in omnibus ferè Mathematicis Disciplinis. Earum beneficio habent Astronomi res suas eruere, atque dilucidare: Eclipses, magnitudines, distantias corporum cælestium, tum ab se, tum à terra; generationes, motus, & magnitudines noxorum Phænomenon, & alia huiusmodi, quæ alibi explicuimus. Habent Gnomonici horas distinguere, & sciotheria delineare, lineam meridianam statuere, quantitatem diei artificialis venari, quantumue temporis in nostro hemisphærio Sol immoretur, maiorem eius altitudinem supra terram, atque accessum ad nostrum  
ver-

verticem: ingressus eiusdem ad puncta solstitialia, & rectum ad æquatore, &c. Tandem Perpectiui, & Altimetræ per umbras, locorum distantias, motuum celsitatem, valliumque & puteorum profunditates dimetiuntur: nisi enim eis in solitudinibus, & in subitis casibus, deficientibus alijs instrumentis ad hoc factis, umbra in promptu esset, quicquam in sua professione venari, ac dimetiri haud possent: cum cæteroqui, ipsa solum opitulante, infinita prope modum spacia dimetiamur, & ad Cælum ipsum pugno tenendum, audeamus attolli. Sed operæ pretium est, practicè communem eius usum tradere in indagandis locorum distantijs, altitudinibus, & profunditatibus nobis ignotis, ad rationem umbræ ab se proiectæ. Sic Thales Milesius mensus est Aegypti pyramides: sic nostri Architecti facili iure arbores, turres, montes, valles, fluuiorum latitudines, & alia eiusmodi metiuntur per umbras, siue ab ipsis, siue à locis conterminis emissas, proportionalibus terminis, per vulgatam regulam trium. Quodsi talis conditionis locus sit, qui umbram non faciat, aut ex se emittere, quomodolibet maneat impeditus, tunc tali artificio rem assequuntur. Infigunt baculum communi plano perpendiculariter erectum, & eius vertici adinouent oculum, ut radius opticus per illum, & summitatem rei mensurandæ directè transeat: inde captata longitudine baculi, ac distantia oculi à plano, reliquum perficiunt per regulam auream supradictam.

Sic in subiecta figura, oculus sit in angulo A. Baculus terræ infixus esto B.C. Arbor, seu altitudo turris sit D.E. cuius sublimitas dimetienda est. Ponamus nunc, quod distantia oculi à baculo sit ped. quatuor; distantia baculi à radice turris sit ped. triginta; ipse verò baculus orthogonaliter erectus sit ped. sex. Sic discuro. Si distantia oculi à baculo dat illius altitudinem ped. sex, quam distantiam dabit eius elongatio à radice turris in linea recta, quæ transit per verticem turris, & ad oculum terminat? & prouenient ped. 45. & sic de reliquis.



Umbræ etiam beneficio in Astronomicis, & Geographicis docemur, Lunam esse minorem Sole, ac terrâ; maiorem Venere, & Mercurio; altitudinem eius à terra, eiusque ac solis accessum ad Apogæum, & Perigæum; & alia eiusmodi, quæ videri possunt apud Gem-

Geminam Frisum, Albertum Durerum, Egnatium Dantes, & alios.

VMBRAGO. Vide *Penumbra*.

- 65 VNDAM, & VNDVLAM appellant sæpissimè Architecti, quam Græci Cymation, Latini Simam, nos Itali Gulam vocamus: sed, ut notat Albertus, Vndæ appropriatio magis expressè denotat sinuositatem illam, quæ singularis est huius membri architectonici. Vide quæ alibi diximus.

# V N

- 66 VNGVLA ex animantium quadrupedum calce, ex quadam similitudine, ad opus Architectonicum translata est: significat enim informes, & rudes illas pilas, quæ in portubus, fluminibus, alijsque ædificijs in aqua excitatis, tanquam obices opponuntur ad fluctuum impetum retundendum: de quibus, ac de materia e qua struuntur, & solidandæ sunt, fuscè agit Vitruv. lib. 5. cap. 12. Nunc autem Vngulæ, signatè & magis specificè appellant illas pilas, quæ in ædificijs secus litus maris, ex eadem ferè materia, & informibus saxis congeruntur ante frontes, ad tutelam parietum, & ostiorum, ne fluctuum iactatione, ac fædine, erodantur aut noveruntur vllum incurrant. *Chelas* propriè nominant Græci, quod apud nos idem valet, quod vngulæ, eo quod sui humilitate, forma, & exprorectio-  
ne ante ædificium, vngulæ animalium corneam soliditatem, & speciem quandam referunt. In hunc sensum exponit Io: Ludou. la-  
Cerdà locum illum Virgil. *Acneid.* 9.

*Qualis in Enboicis Baiarum litore quondam  
Saxea pila cadit, magnis, quam molibus ante  
Constructam iaciunt ponto.*

Confirmat autoritate Xenophontis, ac Thucydidis, *Chelas* vocantium, quas interpretes vertunt *Vngulas*, & clariùs Thucydidis Scoliaſtes *Vngula*, inquit, est proiecti lapidis strues ad mare ante murum, propter violentiam fluctuum, ne noveruntur patiatur. Has *Stelas* vocat Homerus lib. 12. *Iliad.*

- 67 Simili ratione, VNGVLAM nominant Geometræ ab vngulæ equinæ similitudine, superficiem secti obliquè Cylindri, cuius figuram exponit noster Guérinus in Euclide adaucto tract. 31. expens. 2. definitque eam, quod sit *Portio cylindri, à plano aliquo abscissa, semicirculo, semiellipsi, & parte superficiei cylindricæ contenta*. Cuius quadrationem ait, inuentam fuisse ab Ambrosio à Sancto Vincentio: ipseque subinde subtiliter, ut aſolet, eius miram naturam, & passio-  
nes

nes examinat integra illa expensione, quam totis octo Theorematibus, ac totidem scholijs complet.

VNGULA TAURI in Astronomicis signat stellam fixam insensissimam in vngula Tauri sideris existentem, eam quidem conditione minimam, & vix obseruabilem, vtpote quintæ (alij dicunt sextæ magnitudinis) de natura solius Saturni, sed malignitate satis claram, & celebrem, itaut tot præclarissimis astris, quæ in eodem sidere enumerantur, si vnum Pallitium excipias, antepnatur; & eius specialis mentio habeatur à Ptolemæo, & alijs siderum obseruatoribus. De qua exoriens, vel occidente, dira enunciat Pontanus in Vrania, hoc vnum aduertens boni, quod facit excellentem, Picctorem.

VO

VOCIFERATOR dictus est ab Astronomis, Plaustrum ductor Bootes, sidus in Cælo ad Boream vergens, ac representans rusticum hominem erectum, atque ad Vrsam maiorem, seu plaustrum maius conuersum, dextrâ venabulum tenentem, ac sinistram extensam ad temonem, illum eleuare, ac dirigere gestientem, qui alijs etiam nominibus nuncupatur; Arctophylax, idest Vrsarum Custos, Bubulcus, arabicè *Alramech*, quasi plorans, & exclamans, Bootes, &c. Habet stellas 23. iuxta Ptolemæi recensitionem: at iuxta Keplerum, 28. & insuper ex Bayero 34. intra quas tamen comprehendunt aliquas à Ptolemæo relictas informes. Inter eas præcipua est, quæ speciali nomine appellatur *Arcturus*, & ipsa informis inter crura constituta, postea ad fimbriam alligata, primæ magnitudinis, de natura Iouis cum participatione Martis: cuius nomen celebre est apud Scriptores, etiam in Sacris Paginis decantatum, quod nimis manifestos, constantes, ac violentos effectus, significationesque, in aëris mutationibus habet, de quo ita Plinius lib. 2. cap. 39. *Arcturi sidus non semel sine procellosa grandine emergit.* Et Plautus in Rudente, ipsum introducit, de se, suæque natura sic gloriantem.

*Arcturus Signum sum omnium quàm acerrimum;  
Vehemens sum exoriens; occidens vehementior.*

Quippe non solum cum Sole mane exoriens decernit imbres, ventos ac tempestates; sed etiam in occasu vespertino, adducit procellas in mari, facitque certa naufragia, & insuper cum Saturno, largas pluias; cum Mercurio ventos; cum Marte verò, ventos vehementiores, coruscationes, grandines, fulmina, & ronitrua. At id habet boni, quod matutino serenè occidens, signum est futuræ nox ad multum temporis durabilis aëris temperiei. In Genethliacis autem me-

P P P P P

lius

lius omen edicit, nisi à maleficis, præsentia aut hostili radio malignetur: vnde de eo canit Pontanus.

*Arcturus mundo exorians idem æquora linquens  
Exoriansque homini, & primis natalibus adstans,  
Ipse fidem reſumque, & honeſtas edocet arteis.*

Mox demirans effectuum diuerſam conditionem, pro diuerſo ad horizontem poſitu, ſic exclamat.

*Cur, ò cur ſuperi tantum ſors leua locorum?  
Cur tantum occaſus cladis vebit? æquus ab ortu  
Arcturus?*

Similia in bonis fortunæ obſeruat Stadius: Nam cum Ioue, magnas diuitias cum dignitate pollicetur: ſicut econtrà cum Saturno earum proſtigationem portendit. Oritur cum Sole Arcturus Romæ, die 29. Septemb. vti & dextrum femur Bootis, altera ſtella ei proximè in dignitate, ac præpollentia accedens, tertiæ magnitudinis; cuiusque decreta adaugens, & firmans: occidit verò die 4. Decembris.

**70** VOLUTA apud Architecturæ ciuiliſ Scriptores, & profefſores, triſtiſſimum vocabulum eſt, & paſſim obuium. Significat enim membrum illud, quod ſue in prothyridibus oſtiorum, ſue in capitulis columnarum, præſertim ordinis Ionici, in ſe conuoluitur, & reuertitur, eo modo, quo chartæ folium in orbem conuoluitur, & complicatur: vnde meritò à noſtris vulgò, *ſcartoccio* nuncupatur. In Capitulis autem, eſt pars illa quæ immediatè plinthe ſubſternitur, ſuprà Echinum extenſa, & illum quodammodo premit, inſtar puluini molliter incumbentis, ac modificantis præſſuram ſuperimpoſitæ plinthe, ſeu Abaci, vnde ab ea puluinatæ columnæ, & capitula denominata ſunt. Et quanquam iuxtà hanc conſiderationem, volutæ nomen prædiſto membro minimè congruit, cum ceterà planum ſit, & oblongum; attamen quia excrescit in longitudine, & cum ad angulos peruenit, ſeſe hincinde contorquet, & in ſpiram inſectitur, at ſubiectum echium, velut inter duo brachia, intrà ſinum ſuum ſtringit, & quodammodo amplexatur, bene ei Volutæ appellatio ſtetit. Alijs, vtriſque partis conuolutiones placuit nuncupare clauiculos, & capreolos, quod ad morem clauicuſorum, ſeu coliculorum palmitum vitis, intorta ſint, & vt iſti ſerpunt, & adhærent ſtipitibus ad vitem ſuſtentandam; ſic & volutæ in opere architectonico factæ eſſe videntur, ad partem aliquam principalem firmandam, & veluti complectendam. Has nedum in opere Ionico, cuius propriæ ſunt, ſed & in Corinthio admittit, & valde commendat

Vitruu. lib. 4. cap. 1. appellans maiores cauliculus. Ait enim: *Clauculi eandem habeant altitudinem*, (quam videlicet præmisit in Capitulo Ionico) *è quibus folia nascuntur proiecta, uti abacum excipiant; quæ ex clauiculorum folijs nata, procurrant ad extremos angulos voluta*. Et addit, post Dorici ordinis inuentionem, Veteres architectos volentes constituere Dianæ Fanum, ad muliebrem gracilitatem Doricas columnas transtulisse: proindeque basim supposuisse, pro calceo; capitulo verò tanquam capiti, pro capillitio, & crispatis cincinnis, addidisse volutas, dextrâ læuæque propendentes, ac tandem eucarpis ceu crinibus, & flosculis spatium dispositis, frontes exornasse.

Cæterum qua lege & methodo, voluta sit circinandæ, ut ad verum pertingat, & venustatem addat operi cum decore; diu latuit, & Architectorum ingenia multum defatigauit. Quandoquidem id Vitruuius hic theoricè tantum tradit, & modum obscurè nini insinuat, pollicitus ad finem operis practicè, efformatæ ritè volutæ exemplar exponere. Sed postea, aut non præstitit, aut temporum iniuria deperditum est. Quod tandem studio, & industria Nicolai Golmandi factum esse dicitur, omnino ad mentem Vitruuij, atque in nouissima Vitruuij codicis Amstelodamensi editione habetur. At quantum satis concinna, & aspectui oppidò grata reddatur delineatio, modus tamen illam ducendi est intricatus, nec facile ad praxim reduci potest. Quapropter plausibilior, certior, & ductu facilius est, quem docet Barbarus, & exhibet in fine operis, tanquam inuentum Iosephi Saluiati, insignis sui temporis Pictoris, & Mathematici: idque bene intelligendo, & ad amussim seruando verba Vitruuij lib. 3. cap. 3. vbi sermonem instituit de constitutione Volutæ, de qua hæc habet. *Tunc in eo loco, qui diuidit quatuor, & dimidium, ac tres, & dimidium partes* (nempe supra, & infra oculum) *centrum oculi signetur; ducaturque ex eo centro rotunda circinatio, tam magno in diametro, quam una pars ex octo partibus est; ea erit oculi magnitudo, & in ea catheto respondens diameter agatur. Tum ab summo sub abaco inceptum in singulis tetrantorum actionibus dimidiatum oculi spatium minuatur, donec in eundem tetrantem, qui est sub abaco veniat*. Et clara satis traditur methodus circinationis peragendæ per singulos tetrantes in exteriori, & ampliori gyro volutæ à linea catheti ad diametrum, & à diametro ad cathetum. Quod ideo tetrantes vocat, hoc est singulas quatuor partes circinationis per cathetum, & diametrum dissectas. Tum id ipsum in secunda circinatione faciendum est, ut spira æquali diminutione procedat, & sensim quasi insensibiliter coarctetur, constitutis circinationum singulis centris in



ipſius oculi angulis, ex æquo factis ab quadrante, ſub lateribus æquæ diſtantibus à centro, & circumferentia oculi. Inde ductis diagonalibus, quæ per centrum tranſeant, & terminent ad angulos oppoſitos; hæc, hinc inde à centro, diuidantur in tres partes æquales, & in duobus ſingularum diuiſionum punctis conſtituantur centra reliquorum tetrantum; & ſic perfectæ erit Volutæ delineatio. Sed ad plenioriẽ intelligentiam demus ipſam circinationem, per partes factam.

72

Sit in ſequenti figura, volutæ diameter B. D. cui orthogonaliter inſiſtat Catherus A. C. in oſto partes tributus ab imo abaco A., unde, incipere debeat circinatio. Tùm fixo in centro altero circini pede, ducatur circulus ambiens totam quintam diuiſionis partem; in eoque conſtituatur quadratum, vt vides, ex lateribus in media diſtancia à centro, & à circumferentia circuli, qui ſit oculus; atque ab vno angulo ad centrum, in diagonali ſiue mente concepta, ſiue viſibiliter exarata, ſiant duo puncta æquæ diſtancia. Quibus perfectis, expedite proceditur ad circinationem volutæ. Nam conſtituto altero circini pede in primo angulo ſuperiore à dextris, altero ducto ad punctum A. ducatur quadrans circuli ab A. vſque ad B. contingens diametrum: deinde fixo circini pede in ſecundo ſuperiore angulo à ſiniſtris notato, diducto altero ad punctum B. deſcribatur circuli quadrans terminandus ad C. Similiter operandum circa tertium angulum quadrati ſubtus diametrum à ſiniſtris, ducendo arcum ab C. in D. ac demum poſito circini pede in quarto, & vltimo angulo prædicti quadrati, ducatur extremus arcus à D. in E. & ſic completa, & perfectæ erit prima, & exterior ſpira volutæ. Id ipſum ſecundum, & tertio fiat, ſumptis eodem ordine in ſingularum tetrantum centris quæ primum ſuccedunt punctis, mox


alijs quæ propiora ſunt oculi centro, & ſic habebis peractam totam circinationem volutæ, vt factum vides

in ſubiecta figura volutæ, & puncta ipſa

ſeorsim diſtincta, & ſibi per ordinem ſuccedentia in oculi

Jo extra figuram

delineato.



Volutæ Ionicę Descriptio

C.D.B. Sculp.

Quæ hucusque demonstrata sunt, pertinent ad primam exterior-73  
rem circinationem, seu directionem totius excursionis spiralis qua se  
ad oculum tandem contrahit, & illic terminat ipsa voluta. Quo-  
niam autem ipsum volutæ corpus latum est, & latitudo illius, seu  
altitudo, qua subternitur abaco, sibi vendicat dimidiam partem  
earum octo, in quas diuisa est linea catheta, hoc est dimidium octa-  
uæ partis; consequens est, vt eadem amplitudo excurrat, & pro-  
portionaliter inueniatur in eadem cum inflectit, atque in spiram  
volutatur, quæ sensim cum contrahitur imminuenda videtur. Bar-  
barus id contemnendum existimat, eoquod voluta debet cum tota  
sua amplitudine, ac maiestate procedere vsque ad finem, & aliàs  
gratior aspectui euadit, si pari semper incessu procedat: ideoque ad  
alteram circinationem docet, eandem prorsus methodum seruandam  
esse, & assumi pro centris eadem puncta, sicque fieri circinationem à  
tetrante in tetrantem, constituto altero circini pede in extremo pun-  
cto vbi singulæ arcuationes terminant. At Ioseph Zaninus Viola-  
Archi-

Architectus Patauinus, rigidus symmetriarum exactor, in sua Architectura, hanc proportionalem imminutionem vult omnino esse seruandam, proindeque docet modum, quo id facile perfici queat. Si videlicet in ipso oculo intra quadratum iam factum, alter circulus minor inscribatur, & in eo rursus aliud quadratum minus, ex quo noua centra secundæ huius circinationis, eodem modo ac in prima, notentur, vt videre est in anpiore oculo seorsim delineato; & in delineatione alterius Volutz, ad Violæ mentem, præstitimus. Eligat sibi quisque eam, quæ sibi magis arridet.

- 74 VRANISCOS, teste Kircheri in Oedipo Aegyptiaco, dicitur à quibusdam Rota Ixionis, seu Corona Australis, hoc est paruum Cælum Stellis irradiatum; sidus nempe ad Australem plagam constitutum, ab genu Centauri, constans stellis tredecim, de quo hæc pronunciat Faber in suo Panchimico lib. 2. cap. 28. *Hoc astrum Corona malorum est, & plus infundit mali, quam boni.*

- 75 VRANISCVS etiam, ex quadam analogia, & simili forma, ac maiestate, dicitur in re militari à quibusdam, Tentorium regium, seu Imperatorium, in Castris erectum ad mansionem supremi Ducis, quod omnibus alijs præeminet, & veluti Cælum minus, in suo genere gemmatis sideribus fulget, estque concuum, & rotundum. Author mihi est huius nouæ appellationis Iul. Cæsar Bulengerus, & Iosephus Laurentius in Amalthea Onomastica. Cæterum præfatum Tentorium ab alijs tum vetustis, tum modernis scriptoribus, communiter nuncupatur Prætorium, quod in Castris ante portam decumanam in medio figi consueuerat & regione Prætorix, quæ hostium Castra, aut inimicam Urbem respiciebat: ex eo quod, inquit Festus, initio Prætores erant, qui nunc Consules, & ij bella administrabant; quorum tabernaculum quoque dicebatur Prætorium. Nostro autem tempore, quo plus præualeat luxur in Castris, quam fortitudo, potiori iure, Tentoria Principum Vranisci dici poterunt, quando forma, amplitudine, micantibus gemmis, auroque intextarum, cortinarum, coruscatione, cælo sunt perquam similia. Eiusmodi erat quæle Attila Hunnorum Rex, Aquileiam biennali obsidione cingens, sibi figi curauit Cæli faciem, luminibus circumquaque ornatam representans; de quo ita Bonfinius lib. 7. decad. 1. *Tentoria habebat varia ex more Regnorum, quæ antea subegerat, mira arte contexta. Id quo ipsemet utebatur, ex serico, auro, gemmis intextum ornatumque erat, pretiosis interiectis lapillis. Nec valde absimilia huic sunt tentoria, seu papiliones, quæ Turcarum Imperatores, eorumque primi*  
Vifi-

Vires, in suis expeditionibus superbè sibi explicare solent ante obfessas vrbes: quæ non tentoria militaria, sed portatiles Vrbes, & Regias verius diceret; tantas diuitias, commoditates, luxus, recessus amplissimos in se continent. Eiusmodi fuit, quod nuper ad subigendam Viennam Austriæ Metropolim, & Germanici Imperij sedem, tetendit in obsidione, Mustafus Carà primus Vîrus, aninio reputans hostem fulgore maiestatis præstrictum terrere, quàm fortitudine debellare. Sed nialè ei cessit consilium, & superbia sua sibi malum, & ignominiam importauit; actus in fugam non tàm celesti virtute, quàm Ioannis III. inuidissimæ Poloniæ Regis in tempore, accurrentis, nominis celebritate, non minùs quàm fortitudine, & armis perculsus; habens in lucro, opima spolia, ipsumque superbissimum papilionem in victoris potestare, in trophæum, & certum specimen suæ ignauit, paniceque terroris, relinquere.

VRNA, Crater, Vas, Patera. His nominibus insignitur ab Astronomis sidus in cælo ad Australem plagam suprâ corpus Hydræ constitutum, ab Arabibus dictum *Pharmaz*, seu etiam *Eluard*, constans stellis septem secundum Ptolemæum, cum quibus alteram, paruulam notauit Tycho in medio vasis sitam, & tres adhuc Bayerus, quæ tamen sunt communes Hydræ; & omnes sunt de natura Veneris, & parum Mercurij, sub signo Virginis. Ex his octo sunt quartæ magnitudinis, quarum præcipua est, quæ in fundo vasis, Arabicè *Alches*, de qua horoscopante ait Firmicus, quod inclinât ad agrorum, & vinearum culturam, dexteritatem dabit ad furculos fecundos arboribus inferendos, ad fontes, & riuulos deducendos:

*Inde meri genialis amor, studiumque bibendi,*

Subdit perbellè Pontanus. Sed & in Meteorologicis, fundus vasis cum Sole exoriens, affert humiditatem; cum Venere autem, aut Luna, copiosas pluuias. Oritur autem nunc temporis Romæ die 19. Septemb. cum gr. 27. Virginis.

VRSA duplex in cælo sidus est, altera dicta minor, *Arctos*, Cynosura, proximè ad Polum boreum adiacens, & circâ eum breuibus se circulis circumuoluens, constans septem tantummodò stellis, quæ etiam currum quatuor rotis, & tenione erecto instructum refert, vnde & Plautum minus dicitur, quarum quæ in extrema caudâ, seu in apice remonis est, dicta Polaris arabicè *Alruhâ* secundæ magnitudinis, satis conspicua, nunc temporis non distat à Polo, nisi gr. 2. & min. 26. & aliquando fortè in ipsum Polum recidet (de qua re fusè aliàs disceptauimus,) aliæ duæ in extremis rotis

cis constitutæ aliquantò plùs diit ant , & *Circitores* vocantur, quia cæteris ampliorem circulum faciunt ; Hyginus *Choreutas* dixit , quasi Choros circà Polum ducentes . Hoc sidus septem tantùm stellas satis conspicuas à Ptolemæo enumeratas complectitur, omnes secundæ magnitudinis, præter eam quæ est in educatione caudæ , fingiturque esse secunda rota in plaustrò , quæ est quartæ , ac de natura Saturni, & Mercurij ; cum alix sex sint de natura Martis, licet Bayerus cæteris oculatior, eas faciat Venereas cum participatione Martis . Qui etiam, uti & Tycho, aliàs tredecim in eo detexit, vltra octauam à Ptolemæo recensitam , sed relictam informem . Porro sidus hoc dictum est etiam *Nautarum director*, eo quod semper de nocte spectabile est, & breui gyro cursum absoluit , nunquam occidens, vnde à Sidonijs, ac Phœnicibus, pro certa suæ nauigationis regula acceptum est , cum Græci ad hoc vterentur *Vrsa* maiore magis conspicua , quæque illis nusquam erat occidua , id quod veribus expressit Germanicus Cæsar ex Arato .

*Dat Graijs Helice cursus maioribus astris ;*

*Phanicas Cynosura regit . . . . .*

*Certior est Cynosura tamen sulcantibus aquor ;*

*Quippè breui giro totam se cardine vertit ,*

*Sidoniamque ratem nunquam spectata fefellit .*

Quandoquidem temporibus illis ignota erat virtus magnetica, nec inuenta acus nautica , quæ magnete illita , naturali impetu ad polum se vertit . Nunc autem

**VRSA MAIOR** dicitur aliud sidus, præfato simile in positione, septem stellarum, quæ plaustrum efformant , sed in aduersum : vnde Manilius de ijs notat , quod

*Nec paribus posita sunt frontibus ; utraque caudam*

*Vergit in alterius rostrum , sequiturque sequentem .*

Hæc item *Arctos* appellata est ob viciniam , sed absolutè id nominis priori conuenit, huic *Helice* , *Callisto* , *Plaustrum maius* , &c. quæ in maiori ampliandine Polum circumambit cum *Cassiopea* in eadem ferè distantia , sed illi directè opposita . Continet sidus hoc stellas 35 hoc est, 27. intra imaginem , & octo à Ptolemæo relictas informes ; quamquam Keplerus in eo enumerat omninò 56. ex quibus septem , ut dixi clariores sunt , quæ abeunt in formam plaustrì . In reliquis quatuor obscuræ sunt , constitutæ inter pedes anteriores *Vrsæ* , & pedes Geminorum , vnaque paruula sextæ magnitudinis vix spectabilis iuxta mediam in cauda , ab Arabibus dicta *Alcor* , quæ apud eos in prouerbiū iuit, ut refert Appianus, *Vidisti, inquit, Alcor sed non Lunam plenam*, de ijs videlicet , qui scrutantur minima, inte-

interim , maiora , & quæ magis ad rem pertinent , negligentes , Aliæ stellæ sunt in diuersa magnitudine ; quinque tertiz , quarum una intrat in plaustrum , & est superior in eductione caudæ ; Quartæ vndeuginti ; Quintæ nouem ; reliquæ sextæ ; vt videre est in nostro Fixarum Catalogo . Omnes sunt vnice de natura Martis , præter Nebulosas , quæ participant de Luna . De hoc sidere horoscopante hæc canit Pōntanus in Vrania .

*Hinc quibus effulsit nascentibus Arcadis Vrsa  
Sidus , & è summo prospexit cardine Virgo .  
His captos domitare vrsos , immania corda ,  
His sæuim genus indomitos frenare Leones  
Cura sit , & socios canibus coniungere Pardos ,  
Per nemus , infrenemque manu tractare Elephantum .*

In Occasu verò , subdit , minari dilacerationem ab Vrsō , vel alijs feris , præsertim si Mars malè astiterit . Verùm hæc ( si non poëtica obseruationes sunt ) de stellis in Vrsa positis , in Italia nequeunt experiētijs comprobari , cūm hic ferè omnes præsertim insigniores , quæ in plaustro sunt , semper suprà superiūs hemisphærium sint , & sola postrema in cauda dicta Equus primus , Arabicè Elkerd Bennenatz habet radere tantummodò horizontem : Nī velis , tunc in ortu esse dici , cum sunt in parte cæli ascendente ; tunc in Occasu , cum sunt in descendente , & vergere ad occasum , adeoque eosdem aut consimiles effectus parere , ac si forent in cardinibus Orientis , & Occidentis . Sed enim cūm sidera ex Ptolemæi sententia non agant in hæc inferiora , nisi per longè , & propè fieri , quo diffunditur , aut enervatur eorum vis , quæ per variam luminis transmissionem exseritur ; coipso , quod semper in loco maneant pari virtute prædita , nil habent , quod saltem notabiliter possit diuersos effectus producere , & influentias variare .

V V

VVLPEs , & VVLPECVLAE apud Scriptores sequioris æui passim inueniuntur denominatæ , machinæ quædam militares in genere Vinearum , ad protegendum , & oppugnandum factæ ; quas etiam suo tempore , Causias , seu Cautias , militari , barbaroque vsu dictas , testatur Veget. lib. 4. cap. 5. illas describens ; nisi quod hæ longè grandiores , firmiores erant , & pluribus bellatoribus instructiores ; quippe quæ longè agilius mouebantur , & sub ijs milites testī , cautē , & subdolē procedebant , seseque illicò retrahebant , cūm hostis impetum ferre non poterant , rursūque inopinatō insiliebant , vnde à similitudine operis accepta à vulpe

Qq q q q

calli-



callido, & expeditissimo animalculo, desumptum nomen crediderim. Ijs potissimum vsos fuisse Germanos, habemus ex Lipsio in Poliorcet. lib. 1. dialog. 7. qui diuersas earum nomenclaturas ex animalibus deriuatas, refert ex Radeuico Continuatore Operis Othonis Frisingensis, de gestis Friderici Oenobardi, quibus Imperatorem vsum fuisse, ait, in expugnatione Cremae. *Casar*, inquit, omnem reliquum apparatus, quem ad oppugnationem Cinitatis fecerat, *Talpas*, *Vulpeculas*, *Ericios*, *Cattos*, (talibus enim censentur nominibus) iussit exuri. Qualis autem formae fuerint, & ad quem vsum destinatae, habemus accuratè descriptum in Historia Hierosolymit. lib. 2. cap. 30. vbi de obsidione Sanctae Urbis à Teutonicis intentata aduersus Turcas eam tenentes, agitur. Sic enim ibi. Nonnulli de Maioribus Alemannis, *Vulpem* ex proprio sumptu quercinis trabibus composuerunt: cuius in gyro ternos intexuerunt parietes, ut grauissimos Turcorum sufferrent ictus armorum, omniumque telorum genera: ac sic in ea manentes tuti, & illasi, Urbem fortiter impugnandam perforarunt. Hoc tandem *Vulpis* instrumentum, dum ad vnguem opera, & ligaturis produceretur, milites praedictorum Principum loricati ad viginti, in eadem vulpis protectione sunt constituti. Sed magna virorum inundatione, & certamine iuxta muros applicata, non aequo subsedit aggere. His etiam in propugnatione suae Urbis vsos fuisse Cremenenses aduersus machinas applicatas à Friderico Imperatore, narrat Rodeuicus lib. 2. cap. 59. Erant, (inquit, ex parte Germanorum) turres ipsae nimia proceritate mirabiles, supra centum pedes in altum erectae, multorum hominum per singula diuersoria capaces. - - - Tunc Cremenenses callidè se intra suas machinas (quas Gattas supra dixerat appellari) primos quidem, ac de subius, & supra graniter accipiunt: posteriores autem tormentorum ictibus deterrent; acies pro muris pugnantium dissipant; & qui scalis, aliisque instrumentis accedere nitebantur, impulsu deuoluebantur è muro. Vides *Vulpium* calliditatem, dexteritatem, latibula, diuertimenta? Ut non incongruè earum, uti & felium, & talparum nomine eiusmodi machinis inditum fuerit à militaribus viris arma tractare, magis, quàm latine loqui scientibus. Vide quae simili ratione diximus in *V. Catti*.

- 80 VVLTVR CADENS dictum est latina appellatione, ab Astro-nomis fidus in Caelo ad Septentrionalem plagam constitutum, medium inter Engonasmum, & Cignum, quod & *Lyra*: namque est duplici imagine figuratum: altera referente alitem (seu Aquila,

ea sit, siue Vultur, ) supinè cadentem, cuius è collo pendet supra pectus Testudo, siue Decachordum decem chordis, in quas deceni stellæ dispertitæ sint, quod ideò à Græcis dicitur *Chelis*; ab Arabibus autem *Albégala*, vel *Alaborre*. Continet, vt dixi ex Ptolemæi, & Antiquorum recensione, decem stellas diuersæ magnitudinis, quibus Keplerus vnâ addidit ad imam alam sinistram, & adhuc duas alias Bayerus in summitate alæ dextræ obseruatas, omnes de natura Veneris, & Mercurij. Inter eas autem splendore, acuitate, ac magnitudine, speciali nomine dicta Fidicula, seu Lucida Lyre in medio alæ dextræ præfulgens, quæ claritate, & pulchritudine, Veneris Astro maximè assumilatur, Arabicè *Vvega*, vel *Vagich*. De hac in horoscopo reperta, ita cecinit Pontanus:

*Ciet ecce nouem cum pefline chordas  
E modulans, mulcetque nouo vaga sidera cantu:  
Quo capta nascentum anima, concordia ducunt  
Pectora, concordisque animos: sunt Cinica curæ  
Iura, placent leges, pacto stant, aqua probantur.*

De eadem in specie obseruatum est, quod si in Secunda partiliter in cuspide fuerit, aut in medio Cæli cum Ioue, Veneri, aut Parte fortunæ reperta fuerit, magnas diuitias, & fortunam in honoribus, administrationibus, aut Opificio pollicetur, & vt plurimum affert. Quoad meteora verò, cum Sole exoriens facit aërem frigidum, & humidum: cum Saturno apportat niues, & pluuias, pro conditione temporum: cum Mercurio autem ciet ventos, & aëris mutationem è calido in frigidum, è serenitate ad nubilum. Oritur Romæ cum grad. 9. Scorpij, circa vltimum diem Octobris. Sed illud valdè notandum est in hac stella, quod est toti ferè Italiæ verticalis, id quod magnam honorum, ac diuitiarum accessionem generaliter indicat.

VULTVR VOLANS similiter appellatum est aliud sidus à prædicto non longè distans, medium inter Delphinum, & Cignum, & ipsum duplici figura characterizatum, representans Aquilam elatis alis volantem, ac sagitta transfixam ad alam superiorem sinistram. Constat se sola stellis nouem secundum Antiquos; quibus Bayerus addidit alias octo, pariter eas, quæ in Antinouum coadunatæ sunt, & insuper alias octo, quæ assignantur telo. Quæ in Aquila sunt, omnes participant naturam

Martis, & parum Iouis, excepta principali dicta *Lucida Aquila*, secundæ magnitudinis, Arabicè *Alkair*, quæ tota est Iouia, & ita quoad speciem & nitidum fulgorem Ioui assimilatur, ut aliquando pro ipso Ioue accepta sit. Quæ in telo verò, sunt de natura Martis, & Veneris. Omnes ferè sitæ sunt sub Capricorno in longitudine, cum magna latitudine boreali plus minus ad 30. grad. De hoc sidere, præsertim *Lucida* horoscopante, ait Pontanus, quod facit Natos animo feros, bellicosos, mortis contemptores, hostium spolijs inhiantes: sic enim de ijs cecinit id Vrania.

*Bella placent, & præda subacta ex hoste petita,  
Et spolijs vitam, & violentâ agitare rapina:  
Nec dubitent etiam armatos incurrere in hostes  
Nudi armis, mortemque velint pro laude pacisci.  
Tantum animi feret Idæus nascentibus Ales,  
Cui si feliciis radios Iouis addidit ignis,  
Hi Patriam decorent armis, & ab hoste tuantur.*

Idipsum confirmat Stadius in Isagog. ad Ephemerides. Sed in Meteoris, & aëris mutationibus, magnam vim habet pro vario cum Planetis congressu. Nam manè exoricens, producit nives; vespere suscitatur tempestates, præsertim si Mars, & Mercurius accesserint. Occidens verò mane generat Austrum, & facit calorem magnum; id quod Romæ accidit circà diem 6. Augusti; cum Sole autem mane oritur die 15. Decembris; & oritur vespere, dum Sol ad occasum delabitur, circà Idus Iunij. Id quod per otium cuique experiri licebit.

82

WACTAE, Germanorum vocabulo ad sequioris ævi Latinos crassiusculè scribentes, deriuato, audiunt Excubias, & Vigiles ad Castrorum, Arcis, aut Regni limitum custodiam deputatæ, qui inibi stationem fixam teneant, & aduigilent, tesseramque petant ab intrare volentibus, aut illac pertransseuntibus, ac nimium appropiantibus, nè fraus vlla ab hostibus se amicos simulantibus, paretur. Nostis vulgò, *Corpi di Guardia*. Ità hoc nomine, Circitores appellatos inuenio, apud quosdam Scriptores Francos, ac præsertim in quodam privilegio Hispanis factò à Ludouico Pio, quod haberetur extensum in Tomo II. Historiæ Gallicanæ pag. 321. vbi dicitur: *Explorationes, & excubias, quod usitato vocabulo wactas dicunt, facere non negligant*. Quamquam in consimili concessione, quam fecit Carolus Barcinonensibus, ferè in eadem verba concepta, non


non *Wallas*, sed *Gaytas* testatur Du-Cange in Glossario, se reperisse scriptum. Qui fusè de his vocibus agit, & plura testimonia, affert in utramque partem. Sed & infra sub verbo *Warda* notat idipsum significare, & voces simul misceri in quodam Capitulari, ubi dicitur: *Si quis Wallam, aat Wardam dimiserit; &c.* Et certè *Wardæ* nomen magis accedit ad rationem custodiæ, quæ apud nos *Guardia* nuncupatur, & à Gallis *Gardè* facili: & apud ipsos frequenti, commutatione litteræ G. in W.

WEGA Arabicè nominatur *Lucida Lyræ*, *Fidicula*, *Stella fixa* primæ magnitudinis, de natura *Veneris*, & *Mercurij*, de qua fusè paulò superius dictum in *V. Vultur Cadens*,





## XI

**I**  **XIPHIAS** dictum est à nostris sidus in Cælo ad australem plagam adiacens Polo Antartico; quod ab Indigenis, propria lingua, appellatur *Dorado*, quoniam ab eius detectione, quæ cum terris polo antartico subiectis facta fuit cum alijs vndecim Constellationibus, illum circumambientibus, à Mercatoribus Hollandis illuc appulsis, affixa est illi imago piscis illis maribus frequentissimi, quem Indi *Dorado* nuncupat, estque idem fortè, cuius in nostro Mediterraneo prope Messanâ quotannis certò tēpore celebris est piscatio, & vulgò *Pesce Spada* dicitur, eo quod rostrum habet prædurum, & oblongum adinstar gladii, vnde ex græco, *Xiphia* nomen ei inditum est, quo Græci gladium nominant. Nunc autem Sidus hoc, *Xiphias*, vel *Dorado* dictum, constat Stellis vndecim (computatis informibus,) de natura Saturni, quarum tres sunt insigniores quartæ magnitudinis, vna in capite ad oculum, altera in dorso, tertia in extrema cauda: duæ item informes eiusdem magnitudinis, positæ inter pinnas, & nubeculam maiorem: duæ etiam quintæ, & quatuor sextæ, quæ omnes in longitudine complectuntur totum fere Zodiacum. In his quæ in medio ventre, vicinissima polo Zodiaci est, quæ verò in oculo, magis accedit ad Polum mundi, vt videre est in nostro nouo Catalogo, ad calem Tabularum Primi Mobilis.

**2** Est etiam *Xiphias* Cometæ species, cuius meminit Plin. lib. 2. cap. 25. adinstar mucronis oblongi, & colore pallenti, qui cum apparuerit, portendere solet impetuosissimos ventos, adeò vt quandoque domos subuertant, & arbores eradicent, post quos sequitur magna terræ sterilitas. Talem fuisse aiunt, quæ apparuit anno 1532.

**3** **XYSTVS** olim apud Græcos, in Palæstris amplissima porticus erat, ambulationibus Athletarumque consuetis exercitationibus corporis  
hy-

hyberno tempore peragendis destinata: ex quo fortè locus nomen accepisse credendus est, nani Xystus ex græca notiohe, inquit Budæus, propriè hastam significat: & hastis quidem, ad ludos, & ludicras concertationes in Palæstris potissimum utebantur: aliàs *Paradromis* communiter dictus à cursu, qui in eo frequens erat, derivato vocabulo. Quamquam reuera aliud indicat *Paradromis*, ut in loco diximus, aliud Xystus. Etenim, Vitruvio authore, Xystus propriè signat porticum amplam, & probè tectam, ubi Athletæ pluio tempore per diem subsistentes, morabantur parcentes ludis, & alijs exercitationibus. *Paradromis* autem erat locus subdiualis cælo libero, expositus, & cursui destinatus, vnde ait, lib. 5. cap. 11. *Facienda autem Xysta sic videntur, ut sint inter duas porticus sylvæ, aut platanes, & in his persiciantur inter arbores ambulationes: ibique ex opere signino stationes. Proxime autem Xystum, & duplicem porticum designentur hypætræ ambulationes, quas Græci Peridromidas, nostri. Xysta appellant. In quas per hyemem (nota) sereno calo Athletæ prodeuntes exercentur. Ergo Vitruvio aliud Xystus, aliud Xystum. Id quod non benè perpensum, pluribus architectis, scriptoribusque imposuit, ut acutè aduertit Philander. Et quidem Xystus, & Xystum, inquit, cum apud Græcos idem significant, apud Latinos nonnihil habent discriminis. Nam Xystos vocant porticus tectas, ubi Athletæ per hyemem exercebantur: Xysta autem subdiales ambulationes, ubi sudo calo, suas exercebant palæstras. Rationem etiam, quam ob rem, facta sit hæc locorum distinctio, comminiscitur ex Celso, Leo Albertus lib. 8. cap. 8. Sub dino, aiebat Celsus Physicus, inquit, commodius exercemur, quam in umbra: sed quò commodius etiam umbra id possent, porticus adiungebantur, quibus aream circumcluderent: areamque ipsam alij marmoribus, & tessellato insternebant; alij viridantia obijciebant aspectui, complebantque myrto, iuniparo, & cyparisso. Huic operi porticus à tribus lateribus erant simplices, & admodum amplæ. Quapropter in utriusque generis Xystis, & firmi consistebant Athletæ, & procedebant ad solitas exercitationes: Hyeme, & pluio tempore sub porticibus tectis: Aestate verò, aut aliàs sereno cælo, sub dio in proximè positis ambulationibus hypætris, quas *Paradromidas* Græci, ad distinctionem appellauere: de quibus loquitur Vitruuius, cum signate dicit, eas debere complanari inter*

duas porticus, arborum hinc inde, platano-  
num, & viridantium foliorum va-  
rietate, iucundas, atque  
conspicuas.





## Y

1



**Y** **POLIPSIS**, græcè, idem sonat, ac cunctatio Lunæ: Sic enim vocant Astronomi interuallum illud, quod intercipitur inter locum Solis, & locum Lunæ in zodiaco, quando Luna, facta integra peragratione totius Zodiaci, reuertitur ad locum suum, in quo cum Sole congregiendi, facit nouilunium; non enim illuc reuersa iterum cum Sole coniungitur, sed aliquantulum moratur, & ferè duos adhuc dies insumit ad illum assequendum: id quod accidit ex præcessione Solis in antecedentia signa: dùm enim celeritate sua Solem præuertit, & singulis mensibus id conficit, quod sol semel in anno; fit, ut Sol interim prætergrediatur; & dum aliàs se-  
gnior est in motu, in Zodiaco tamen facit hæc tarditas, ut post se Lunam relinquat singulis annis, ferè dimidium signi, quod illa excurrere debet, ut cum eo conueniat. Hinc crescentia anni solaris supra lunarem in diebus vndecim singulis annis: vnde inuenta est ratio Epactarum, ad inueniendas nouas Lurationes. & diem congres-  
sus Lunæ cum Sole, Periodus Callippica, & aliæ æquationes, de quibus fusè diximus suo loco.

2

**YPSOMETRIA** facultas est Geometriæ subalterna, quæ habet dimetiri locorum altitudines per optica instrumenta ad hoc facta, qualis est Scala altimetra, Quadrans Geometricus &c. de quibus fusè in loco. Hæc autem si ad dimetiendas profunditates tantummodò coarctatur, speciali nomine gaudet, ex græca notatione desumpto, & dicitur *Batheometria*.



# Z E



**Z**ENITH arabicè dicitur punctum Cæli verticale, I  
 quod perpendiculariter imminet capitibus nostris,  
 vnde, & Verticis nomen per metonymiam, ei à no-  
 stris tributum est: de quo satis in loco dictum.  
 Huic ea aduerso, de sub terra respondet aliud pun-  
 ctum dictum, *Nadir*: quæ duo sunt veluti Poli hori-  
 zontis, qui in medio constituitur, ac distare vnde-  
 quaque ab illis debet grad. 90. Porro huius loci magnam confide-  
 rationem habent Astronomi, quippe qui est omnium sublimissimus,  
 & efficacissimus: vnde stellæ in eo positæ sunt validissimæ, & to-  
 tas suas vires exerunt in subiecta loca, vtexperientia quotidiana  
 videmus. Circa quæ vido quæ diximus in V. *Vertex*.

**ZETA**, vel vt alij scribunt, *Zeita*, seu *Zieta*, celebre erat olim, 2  
 & maximè decantatum in nobiliorum hominum ædificijs diuerticu-  
 lum, ac recessus; quasi auctarium operis, non illud quidem ad spe-  
 ciem, & diurnam moram factum, sed ad solitudinem potius, &  
 recipiendam aliquam animi remissionem, corporisque curationem.  
 Frequens, & varia est apud præcos scriptores huius loci mentio; sed  
 qualis præcisè fuerit, & ad quid potissimum destinatus, non satis  
 constat, neque ex contextu quidquam elici potest, quod mentem  
 adæquet. Nam Lampridius in Heliogabalo, manifestè ait, *Zetam*  
 esse dormitorium cubiculum, quod diem, clamorem, & sonum excludit.  
 Et alio in loco dicit, quod *Odores Indicos*, sine carbonibus ad vapo-  
 randas *Zetas* iussit incendi. Similiter Vlpianus, *Zetas* igne calefieri  
 consueuisse memorat. l. . . ff. 32.

At Plinius Cæcilius lib. 2. epist. 7. *Zetam*, expressè dicit locum  
 angustum propè triclinium, probè illustratum, & omnibus cæli fa-  
 ciebus expositum, quivnius tantum lectuli capax foret, & duplicis

Rrrrr

sel-

fellæ: sic enim loquitur. *Quâ mare contrâ parietem medium; Zeta*  
*perquam eleganter recedit, quæ specularibus; & velis adductis, redu-*  
*ctisue, modo adijcitur cubiculo, modò aufertur: lectum, & duas cathe-*  
 3 *dras capit. E pedibus mare, à tergo villa; capite sylvæ: tot facies lo-*  
*corum totiam fenestris & distinguit, & miscet. Sunt qui vocabula*  
*confundunt, & idem faciunt cum Diata, loco videlicet parvæ cæna-*  
*tiunculæ deputato, vt in loco monuimus, in quibus est etiam do-*  
*ctissimus Turnebus lib. 24. cap. 4. & Salmasius, qui etiam aude*  
*corrige, Zata, existimantes more antiquorum sæpè Z, commutari*  
*in Di, vt in Zabulo, Diabolo, &c. non aduertentes enormem fore*  
*transmutationem; nam efficeret Dietani, diurni itineris mensuram,*  
*quæ vox latina est, non Diatam, quæ ex græca notione procedit, & si-*  
*gnificat locum cænationi deputatum, in quo omnes conueniunt.*  
*Et ipse quidem Plinius diuersam facit à Zeta, quæ ad omnem alium*  
*vsu erat, & amœno recessui, quam proinde delicias, & amores*  
*suos vocat. Diatam verò locum longe ampliorem, quæ in se plura*  
*cubacula capiat, ponè Triclinium posita, pro diuersa ratione captandi*  
*Solis vel umbræ. Ita in Epist. ad Apollinarem, quæ est sexta lib. 5.*  
*Vbi Triclinium desinit, ait, incipit Porticus ante medium diem hyber-*  
*na, inclinata die astina. Hæc aduenit Diata duæ, quarum in altera*  
*cubacula quatuor, altera tria, vt circum Sol, aut Sole vtuntur, aut um-*  
*bra. Similiter Sidonius Apollinaris ep. 2. lib. 2. E Trilinio, inquit,*  
*fit in Diatam seu Cænationem, transitus. Ast in Zeta nullus cænationi*  
*locus, quin potius post actam cænam, opportuna quieti, & animi*  
*remissioni, ex secessu, qui diem, clamorem, & sonum excluderet, ac*  
*silentium custodiret; vt ex Lanipridio supra vidimus. Quare ex his,*  
*alijsque coniecturis, alij, Zetani vaporarium quoddam fuisse dixe-*  
*runt, quod pro temporum varietate, & iuxta diuersam velorum ap-*  
*ertationem, nunc auram lenem, & frigidam, nunc Solis radios, &*  
*calorem reciperet: aut certè esset cubiculum liguem versatile ad*  
*omnem aspectum. Quæ in re, placet admodum interpretatio, & vsus*  
*huiusmodi Vaporarij, quem asserit Ianus Laurembergius in suo Anti-*  
*quario. Zeta, inquit, quæ in vsu nostra tempestate non sunt, Veteres*  
*autem frequentissimas in domibus habebant; loca erant in varijs partibus*  
*domus, ad quæ per meatus quosdam intra parietem relictos, qui Tubuli*  
*dicuntur, ascendentes ex imo spiritus frigide, aut calide aqua in pau-*  
*mento inferiore sparsæ, locum ipsum aut tepescaciebant, aut refrigera-*  
*bant, prout ratio temporum exigere videbatur. Neque enim (subdit)*  
*tunc ignis erat vsus in cubiculis, nec ades spiracula habebant, vnde fu-*  
*mus exiret, quæ nunc vulgus alieno nomine, Caminos vocat: dici autem*  
*latine infundibula possunt. Hæc Laurembergius satis appositè, & ad-*  
*mentem veterum scriptoræ, de Zeta.*

Cæterum zetas, & zetulas inuenio loca fuisse omni ornatu, & gemmarum luxu, & splendore parata in Cœnaculis, ad hilaritatem, & iucundam conuerſationem conducentia. Sic Iulius Africanus in Hiſtor. Apoſtol. lib. 5. ait: *Iam regnum paratum vobis, & ex coruſcantibus gemmis Zetas inſtruſtas, plenas gaudijs, plenas epulis &c.* Et in actis S. Sebaſtiani compilatis à S. Anibroſio, quæ habentur apud Bollandum; inter alia, quibus ipſe ipſe Sâctiſſimus Martyr recenter à ſe baptizatos animare, & confirmare conabatur in fide, ac ſpe regni Cæleſtis, hæc habentur, illis in memoriam reuocata. *Quodſi vos debet pulchritudo inuitare domorum, ubi ſunt triclinia auro puro radiantia, quæ ex gemmis, & margaritis habent zetas inſtruſtas?*

Tandem in re militari, obſeruat DuCange, Zetæ nomine, ſæpè appellari pinnas murorum, & ſpeculas in angulis manſionum poſitas ad earum cuſtodiam. Id quod probat ex Erkemperto in Hiſtor. Longobardor. & Orderico Vitali, qui ſæpè minora eiſmodi propugnacula, ſub zetarum nomine comprehendit. Sic lib. 8. pag. 674. de quodam Caſtello, quod nescio quis, in ſui poteſtatem redegit, ait: *Caſtellum poſtmodum tenuit, muris, & vallis zetisſque munivit, & lib. 10. pag. 770. Copioſos pecuniæ ſumptus erogauit, unde municipia eius vallis, & muris, ac multiplicibus zetis undique clauderentur. Pro pinnis verò expreſſius loquitur pag. 775. ubi ait: Quidam ad illum de ſublimi lapidem proiecit, &c. & pro utriſque pag. 800. Arcem, & regiam, & murum in gyro, zetasſque minores, atque maiores iam munite, ſolliciteſque perſcrutamine, aditusſque ſeruate, ne quis exeat, vel ingrediatuſ ſine veſtra conſideratione. Ex quibus omnibus, tam recentibus, quàm veterum ſcriptorum teſtimonijs, manifeſtum eſt, falli, ac toto cælo errare eos, qui pro eodem Zeras, ac Ditzas accipiunt, cùm diuerſa ſit ſcribendi ratio, & illæ nuſpiam pro Cœnaculis ſupponantur.*

ZETEMA, Algebricorum vocabulum, apud quos ſolos inuenias, ſed in ſuis rebus frequentiffimè uſurpatum. Id enim aſſumunt ad ſignificandum peculiarem ſuum modum procedendi in his, quæ concludere intendunt. Enimuerò, cum ea quæ docet Algebra, argumentis, & nouis demonſtrationibus opus non habeant, vt manifeſta fiant, ſed ipſa operatione actuali ſe prodant, & innotescant, adeò vt vltiore probatione non egeant; propterea, nec Theorematis, nec Problematis commune nomen, nec aliud quid, quod cæteris Mathematicis diſciplinis conueniret, ipſis aptari poterat, ſed aliud excogitandum, quod ipſis eſſet proprium, & quò à communibus demonſtrationum methodis diſcernerentur.

7 ZODIACVS, in Astronomicis intelligitur esse Circulus maximus in Primo Mobili, interfecans Aequatorem in duobus punctis oppositis, illumque, ac proinde totum Cæli ambitum diuidens in duas partes æquales, quarum altera ad Septentrionem vergit, altera ad Austrum: vnde & Circulus obliquus dicitur, & via Solis, ac Planetarum; quia per eum Sol, & Planetæ constant, & continuo discunt, & motus suos perficiunt; Sol quidem exactis per ipsum Circulum, à quo nunquam deflectit, sed per mediam lineam discunt, quæ concipitur in latum indiuisibilis, appellaturque idcirco Ecliptica, quia in eam incidens aliquando Luna in congressu, & oppositione cum Sole fit Eclipsis alterutrius, & deficiens lucis: Planetæ verò reliqui circa eam feruntur, sed per suas particulares orbitas, quæ deflectunt à via Solis, & modò ad Austrum, modò ad Septentrionem inclinant, vsque ad certos limites, vt alibi dictum est: vnde concipiuntur hincinde ad Eclipticam, duo alij circuli minores, qui ambitu suo has omnes Orbitas includant, & claudant, & quandam veluti fasciam constituent, latam hinc inde secundum antiquos ad gr. 6. secundum autem recentiores, gr. 9. eoquod Venus eousque progredi visa est, aliique etiam transilire veteres limites graduum, & ex. Ethic propriè, & magis latè vocatur Zodiacus *Ζῳδιὸς ὅριον*, quod græcè animal sonat; quia in longum diuiditur æqualiter in duodecim signa, quæ, vt plurimum animalium figuris, & nominibus insigniuntur: vnde & Signifer à Latinis dictus est. Alij nomen deriuatum volunt *Ζῳδὸς τῆς ζωῆς*, quod vitam significat: eoquod Sol, & sidera per eum discurrentia, ex accessu, & recessu à punctis cardinalibus, causæ sunt ortus, & interitus rerum, vt notauit Philosophus.

8 Porro duplex Zodiacus concipi potest, & communiter assignatur: alter Rationalis, seu imaginarius, qui mente concipitur, cum nil visibile in se habeat, etsi realis sit, & suis terminis definitus: alter sensibilis, & suis Asterismis, seu stellarum imaginibus insignitus. Primus à secundo signorum nomen, & partitiones desumpsit quamquam nil commune cum eo habet, sed is concipitur in Primo Mobili absolutè, seu in Nona Sphæra: Secundus autem in octaua, seu in Firmamento, & Orbe Fixarum, in quo stellæ in certas imagines sunt complicatæ. Quoniam verò antiquitus ob tarditatem, motus Octauæ Sphæræ, non reputabatur Orbis reipsa à Primo Mobili distinctus, ac diuersus, Primi Cælestium rerum obseruatores, Primi Mobilis signa ab suppositis sideribus, seu Imaginibus, quæ tunc temporis in ea incidebant, denominarunt; quæ tamen nunc ob recessum Octauæ Sphæræ, non sibi congruunt, & reuerà in multis differunt:

runt: nam præter quàmquod latitudinis terminos sidera hæc non seruant, neque in longum æqualiter sunt disposita, vt Signa in primo mobili considerata, neque eandem habitudinem habent, quam prius, ad puncta cardinalia, ad quorum rationem facta est diuisio Zodiaci primi mobilis, in quatuor quadrantes, quorum quodlibet continet tria signa, & gradus 90, à sectione verna ad Tropicum. Canceri, vbi maxima est Solis declinatio ad polum boreum; ab hoc ad Aequinoctium Autumnale, vbi Sol reuertitur ad Aequatorem: ab Aequatore iterum defleat ad Tropicum Capricorni, hoc est ad maximam declinationem Australem; atque ab hinc discedens, redit ad sectionem vernam: qua periodo perficit suum cursum, & reuolutionem annuam, cuius initium est ipsa sectio verna. Proindeque prima stella in cornu Arietis dicta Arabicè *Mesarthim*, quæ tempore Ptolemæi incidebat in ipsam sectionem vernam, nullam obtinens declinationem (adeoque ab ea incipiebat Zodiacus, & primus gradus Arietis; nunc inuenitur distare ab ea in longum grad. fere 28. habereque declinationis borealis grad. propè 18. ex quo compertum est, stellarum Orbem suo motu peculiari, licet tardissimo ferri in consequentia, atque adeò omnia sidera sub primo mobili sedes suas mutasse. Præterea signa Zodiaci primi mobilis, vt dictum est, æqualiter sunt distributa, itaut singula tricenos gradus occupent; sidera verò subiecta non sic, sed inæqualiter tam in longum, quàm in latum, prout amplitudo imaginis, & stellarum numerus, quæ in eam complicatæ sunt, petit extendi. Quinimò antiquitus *Libra*, & *Scorpio* vnus, & idem Asterismus erat, propter quod etiamnum duæ stellæ in Lancibus constitutæ, Chelæ Scorpii ab aliquibus nuncupantur. Cæterum signa Zodiaci primi mobilis, seu signiferi, qui ab ijs sic denominatus est, sunt duodecim *Aries*, *Taurus*, *Gemini*, *Cancer*, *Leo*, *Virgo*, *Libra*, *Scorpio*, *Sagittarius*, *Capricornus*, *Aquarius*, *Pisces*. Quorum imagines, & nomenclatio non ab re ab hominibus, animalibus, alijsque rebus desumpta sunt, quoniam ex forma, officio, qualitatibus, quibus pollent, & analogia, quàm habent ad illas res, quæ per ipsa representantur, in ordine ad particulares influxus, prædominium, & vim ad alterandos, disponendos, & commouendos humores; longa experientia compertum est, ijs valde assimilari. Id quod breuiter insinuare non otiosum, nec superuacaneum erit.

Iraque Primum Signum incipiens à sectione verna est *Aries*, vnde incipit Sol calorem intendere, ac tellus hyberno torpore excussio, reuiuiscere, & germinare, præualereque noctibus dies: & ideò dicitur Signum mobile, calidum, & siccum, domicilium Martis, & exal-

9

10



Exaltatio Solis. Constellatio verò, quæ, vt dixi, iam recessit à situ primi mobilis, & abiit ferè tota sub Tauro, continent stellas 13. secundum Ptolemæum, quas aliæ quinque comitantur informes, omnes ferè de natura Martis, aut Saturni, nempe quæ ad Boream vergunt sunt calidiores; & participant de natura Martis, & Mercurij; quæ verò ad Austrum sunt frigidiores, & sequuntur naturam Saturni.

- I I** Sequitur *Taurus*, signum fixum Terreum, hoc est frigidum, & siccum. domicilium Veneris, & exaltatio Lunæ, in quo, vtpotè principe signo sui trigoni, primum apparet post congressum cum Sole, in Ariete, Solis itidem exaltatione; Arabicè *Ataur*. Constellatio representat Taurum prioribus tantum partibus conspicuum, posterioribus latentem, vel mutilum, ideoque inter mutilata signa computatur. Constat stellis 33. & præterea 11. circa informibus. Quamquam Bayerus in vniuersum enumerat 48. & adhuc Keplerus 52. inter quas celeberrimæ sunt Pleiades, & Hyades, arque inter has, Pailitium, primæ magnitudinis, de qua suo loco dictum. In longitudine incipit Sidus à grad. 17. Tauri primi mobilis, ac protenditur vsque ad gr. 25. Geminorum. Natura eius varia est, ob diuersitatem stellarum, quæ in eo sunt: vnde primæ eius partes sunt frigida, & humida, procellosa, ac violenta; mediæ temperata, & aliquantò humidiores; Postremæ calida, propter oculum Tauri, & alias de natura Martis, & Mercurij: ex quò, excitant ventos impetuosos, fulgura, coruscationes, & similia. Præst ex membris humanis, collo ceruici, & gutturi, (vti Aries Capiti) ideoque Tauri potissimè (præter alias congruentias) figura ei affixa est, quod Taurus in collo robu omne, & fortitudinem habet: præterea signum hoc specialiter boues, & eius generis animantes afficit, & eò signo ab infortunis occupato; mala in pecudibus expectanda esse. Ad quam rem, narrant Pontanus, & Niphus, in Comment. ad Apotelesm. Ptolemæi, congressum Martis, & Saturni, suo tempore in Tauro celebratum, rigidissimam hyemem apportasse, magnanque bobus impressionem, ac stragem induxisse; & quamquam oues, & aliæ pecudes sint bobus delicatiores; nihilominus in boues pestis dissiuit, quia his, occulta quadam vi, Taurus Cælestis præstet. Contrà, si in Ariete coniunctio celebrata fuisset, Ouibus, & Arietibus malum, hoc accidisset. Sed hæc obiter.

- 12** Tertium Signum sunt *Gemini*, signum commune, æreum, calidum, & humidum, licet ob vicinitatem Tropici, eius extremæ partes ad siccitatem vergant: est sub dominatu Mercurij, cuius naturæ maximè assimilatur. Ferunt eos, qui sub hoc signo nascuntur, eua-

euadere calidos, bifrontes, duplices animo, tenaces, rixosos atque auaros. Alterissimus Geminorum nunc temporis incipit à gr. 25. eiusdem signi, & terminat ad gr. 24. Cancrì. Habet stellas secundum Antiquos 18. vltra septem, quæ circa sunt, informes; At Keplerus enumerat in eo 30. & Bayerus, 33. inter quas, tres præcipuæ sunt, duæ secundæ magnitudinis in capitibus Geminorum existentes, altera dicta *Apollo*, seu *Castor* in capite præcedentis, Arab. *Ras Algenze*, altera in sequente subrufa, de natura Martis dicta *Hercules*, Arab. *Abrachaleus*: ac tertia dicta *Propus*, quartæ magnitudinis, de natura Veneris, & Mercurij, de quibus specialiter suo loco.

Quartum signum est *Cancer*, sub dominio Lunæ, in quo exaltatur Iupiter, Signum mobile, aqueum, de natura sua frigidum, & humidum, sic dictum, quod Sol ad eius initium perueniens quasi retrocedit (vt cancer fluuiatilis) & ad Aequatorem conuertit iter. Ex membris humanis præest pectori, pulmōi, hepatis, & costis. Constellatio eius, iam nunc tota est in Leone, & constat Stellis 9. præter quatuor informes; cui tamen Keplerus assignat in totum, 17. & Bayerus 35. Inter quas, tres infensissimæ in pectore consistentes, vna, Nebulosa, dicta *Præsepe*, duæ dictæ *Aselli*, quartæ magnitudinis, de natura Martis, & Lunæ: & quarta, præ omnibus fulgentior tertiæ magnitudinis. in Chelis posita, dicta arabicè *Azubene*. Quas suo loco examinauimus.

Quintum Signum *Leo*, arabicè *Eleced*, igneum, fixum, calidum, & siccum, sic dictum, eoquod Leones specialiter afficit, qui Sole in ipso existente, continuis febribus aduruntur. Ei dominatur Sol; ac præest cordi, stomacho, lateribus, ac diaphragmati: propterea noxium est sumere potiones, vel sanguinem mittere, Sole, vel Luna ipsum occupante. Constellatio eius incipit à grad. 11. signi Leonis, & extenditur vsque ad grad. 21. Virgiius. Habet Stellas 27. vltra quatuor informes, sed ex Keplero, 40. & adhuc Bayero 45. Inter quas primæ magnitudinis duas, alteram in corde, dictam *Regulum*, alteram in Caudæ, arab. *Deneb Eleced*, ac præterea secundæ magnitudinis vnā in collo, dictam *Lucida colli* de natura Saturni, & Martis, & quinque tertiæ, ac 13. quartæ, quare fidus est potentissimum, ac varium pro varia ipsarum natura. De quibus alibi.

Sextum signum *Virgo* claudens mediocritatem Zodiaci borealem; & proximè adiacens æquinoctio autumnali, proindeque commune, alioqui triplicitatis terræ, natura frigidum, & siccum: Domus simul, & exaltatio Mercurij. Præest ventri superiori, intestinis & illis,

ilijs; vnde malè affectum atque à maleficis possessum, ciet Hypocondria, suscitatur mentis ægitudines, & deliria, inducit tormina, disenteriam, aliasque ventris affectiones. Eius Asterismus longissimus est, quippe qui amplectitur totum signum Libræ, ac participat de signo Virginis secundam medietatem, & de Scorpio sex primos gradus in longum: intrâ quam amplitudinem comprehendit stellas omnino 42. iuxta recensionem Bayeri, quamquam Ptolemæus 26. tantum in imaginem colligauit, sex vltâ relictis informibus. Ex illis duæ potissimæ sunt, & ab Astronomis in magna consideratione: Vna primæ magnitudinis de natura Veneris, & Mercurij, existens nunc in grad. 19. Libræ cum grad. 2. latitud. australis, dicta *Spica Virginis*, Arab. *Azimech*, de qua suo loco dictum: altera tertij honoris posita in Ala dextra, de natura Martis, & Mercurij dicta *Vindemiatrix*, eoquod ortu suo indicat maturitatem vindemiz. De qua pariter suo loco dictum. Cæterum primæ partes huius sideris, propter stellas de natura Martis, vel Veneris, sunt calidæ, & humidæ, vnde, & morbosæ; mediæ temperatæ; postremæ, propter naturam Saturni, & Mercurij frigidæ.

16 *Libra*, septimum signum, & primum meridionale, directè oppositum Arieti; sic dictum, quod in ipsum incidit æquinoctium autumnale, & Sol in eius initio manet quasi in æquilibrio; proindeque est signum mobile, triplicitatis æræ; Domus Veneris, & exaltatio Saturni. Præstet ventri inferiori, & renibus, vnde habet significare morbos provenientes ex intemperantia. Eius Constellatio breuissima est, & olim confundebantur cum Scorpio; & nunc initium sumit à grad. 7. huius signi, ac terminat ad grad. 27. intrâ se habet stellas 8. non computatis informibus quas Bayerus in formam collegit, suntque in totum 17. Ex his, duæ sunt illustriores secundæ magnitud. in lancibus constitutæ, vna in boreali de natura Saturni, & Martis; altera in australi, dicta *Lucida Lancis austral.* de natura Iouis, & Martis, siue Mercurij, quæ inter Regias computatur: & ambæ cum Sole vel Mercurio exorientes, inducunt ventos, & pluuias. De reliquo totum Astrum siccitate præualet, nisi quod in extremis aliquantò humidum est, ac morbosum.

17 *Scorpio*, Octauum signum, fixum, triplicitatis aqueæ, manens sub dominatu Martis, qui habet in eo etiam Trigonum cum Luna, & Venere. Nec ab re tributum est ei nomen Scorpij, eoquod turpe est, falsum, morbosum, ac venenosum; vnde bene ei stat Scorpionis nomen, & figura; eò maxime, quod cum Scorpionibus terrestribus miram quandam habet connexionem, & analogiam: namque obseruatum est, Luminaribus in eo positis, Scorpio-

pionibus alijs torpentes excitari, furere, & perniciores euadere: & sunt qui dicant, quod si domus ædificari cæperit ascendente hoc signo, illa posthac erit Scorpionum nidus. Ex membris humanis habet regere vasa seminaria, vesicam, & pudenda, vnde causat morbos in his partibus, & vniuersaliter qui procedunt ex qualitate venefica, & humorum putredine. Eius Asterismus extenditur in longum à grad. 27. eiusdem signi, vsque ad grad. 26. Sagittarij, & comprehendit Stellas 21. cum tribus informibus; quamquam Keplerus ponit in eo 28. & Bayerus 29. omnes ferè de natura Martis, aut Saturni cum participatione Veneris. Quas inter, insignis est quæ in corde, siue medio corpore est, dicta *Antares*, primæ magnitud. de natura Iouis, & Martis, & altera Nebulosa insensissima sequens aculeum, de natura Martis, & Lunæ: quæ cum Sole, Luna, vel Marte, morbos generant, & aërem turbant nebulis, pluuijs, & aliquando generant etiam niues.

*Sagittarius* Nonum Signum, Domus Iouis, Ignæ triplicitatis, commune, bicorporeum, & in prima sui medietate, humanum: Præest coxis, & natibus; & malè à planetis possessum generat morbos duplices, & mixtos, ac difficilis cognitionis, qui modò spem salutis faciant, modò in prius degenerent. Eius Constellatio tota ferè incidit in Galaxiam, incipiens à gr. 26. huius Signi, & pergens vsque ad gr. 28. Capricorni. Habet Stellas omnino 32. ac secundum Keplerum, 35. qui tamen tres additas, decerpfit & auulsit à Corona Australi, ac transtulit in hoc sidus: exque sunt omnes discordis naturæ partim Saturni, & Iouis, partim Martis, & Solis, nonnullæ etiam de natura Veneris, & Saturni, in quibus, quod mirum est, nullum locum habet Mercurius. In his, duæ nebulosæ, vna in oculo Sagittarij, altera præcedens in iaculo: vnde varios effectus gignunt, & parum prosperos, & salubres.

*Capricornus* Decimum Signum Mobile, terræ triplicitatis frigidum, & siccum. Domicilium Saturni, & Exaltatio Martis: ex quo signum violentum dicitur. Præest genibus, & ob frigiditatem, disponit valde ad Hydropem, recidivas, ac morborum diuturnitatem; affert etiã membrorum inferiorum contorsiones, vt podagram, luxationes, claudicationem, &c. Asterismus incipit à gr. 28. eiusdem signi, ac terminat ad Aquarij grad. 21. Comprehendit Stellas 28. quæ sunt de natura Martis, & Mercurij, præter duas splendidiores tertiæ magnitud. in eductione Caudæ existentes, quæ sunt de natura Saturni, & Iouis. Hæ cum Sole exorientes, niues adportant; occidentes frigus intendunt, & generaliter cum Saturno,

SSSSS

Marte,


Marte, & Mercurio, ventos frigidos, nebulas, imbres copiosos, & niues, si temporum ratio id permiserit.

- 20** *Aquarius* vndecimum Signum, fixum, triplicitatis aëreæ, altera Domus Saturni, ideoque frigidissimum, & humidum: Præst tibijs, & generat morbos pituitosos, & frigida qualitatis, sanguinem vt plurimum contaminantes, & in aquam, pusque vertentes. Asterismus incipit à grad. 7. eius signi ac definit ad grad. 15. Piscium. Formatur è 45. Stellis, quas inter, annumerantur tres informes quatuor magnitud. de natura Saturni, & Iouis. In reliquis quinque sunt insigniores, vna fulgentissima primæ magnitudinis, quæ est postrema in effusione aquæ, dicta *Fomahand*. aliæ quatuor tertiæ magnitud. vna in Tibia dextrâ fulgens, nomine *Scheat*: duæ in scapulis dextrâ, & sinistrâ; de natura Saturni, & Mercurij; & quarta in brachio dextrò ad ansam vasis, de natura Saturni, Veneris, & Mercurij. Hæ omnes cum Mercurio, præsertim *Scheat*, faciunt ventos cum nebulis, & intenso frigore; cum Venere pluuias: & Sol potissimum cum *Fomahand* exorïens, inducit tempus turbidum valde, & humidum. At Stella hæc Romæ nec oritur, neque occidit, sed vix horizontem radit.

- 21** *Pisces* duodecimum, & postremum Signum Zodiaci, triplicitatis aqueæ, Commune, & conterminum Arieti, ac sectioni Vernæ: Domus est Iouis, & exaltatio Veneris. Dominatur pedibus, atque à maleficis possessum causat morbos ex humiditate prouenientes. Eademata, podagram frigidam, claudicationem &c. Item significat morbos ex corrupta vt plurimum pituita, & in specie, diarrhæam, & fluxum ventris; & cum sit Signum bicorporeum, sæpè miscet plures morbos in vnum. Porro Asterismus eius totus penè abiit in Arietem, & conflatur ex Stellis 34. infimæ notæ, præter vnâ tertiæ fulgoris satis lucidam, quæ est in flexura lini ambos pisces necitantis, de natura Iouis & Mercurij; quæ cum Sole exorïens, inducit tempus turbidum cum aliqua humiditate: cum Mercurio autem illud exasperat, commouendo ventos impetuosos, & ni obset temporis qualitas, causant magnum frigus.

- 22** Et hæc demum est solēnis partitio Zodiaci in duodecim Signa: quæ magno consilio, in tot præcisè partes, nec plures, nec pauciores ab antiquis illis Astronomis facta est, quoniam referantur nedum ad menses, in quorum singulis Sol vnum percurrit; sed potissimum ad temporum notabiles variationes, quæ in his sunt. Etenim in toto anno quatuor sunt præcipuæ, & satis notæ partes: Ver, Aestas, Autumnus, & Hyems. Quæ in qualitatum complexibus non eodem

dem modo se habent; nam Ver humidum est, & calidum; Aestas calida, & sicca: Autumnus siccus, & frigidus: & Hyems frigida, & humida; vt omnes agnoscunt, & sensu tenent: Cùm igitur motus Solis in Zodiaco, quo efficit quatuor anni tempora, non sit æqualis, sed obliquus, itaut modò nobis immineat, modo longiùs absit; modò medium locum teneat: hinc sit vt in primo quadrante, ab Arie te ad finem Geminorum inducat ver, & calorem supra humiditatem successiua magis ac magis intendat, ac proinde in ipsa qualitatũ cõplexione tres notabiles variationes deprehendantur; principis nempe in quo præuallet humiditas calori; medium in quo penè æquiparantur; & finis, in quo cedit humiditas, ac disponitur tempus ad siccitatem, quæ cum calore subintrat in æstate; & sic discurrendo per singulos anni quadrantes; necessum fuit, vt hæc variatio per signa id efficentia, distingueretur per totidem quadrantes in Zodiaco consideratos, quorum vnumquodque tria signa complecteretur: quorum primum, transitum denotaret ex vna combinatione qualitatum in aliam, appellarenturque signa illa mobilia; secundum signaret æquiparantiam, & stabilitatem illarum duarum qualitatum, & sic signa intermedia vocarentur fixa, seu stabilia; Tertium, cessionem vnius qualitatis, & dispositionem ad aliam mox subintrautem in alio quadrante, & hæc postrema signa dicerentur communia; quæ proinde in quatuor classes distributa, constituerent quatuor Trigona singulis cõbinationibus respondentia, atque ab Elementis, quæ in illis prævalent, denominarentur Aërea, Ignea, Aquea, Terrea. Quare satis appositè facta est dicta diuisio totius Zodiaci in duodecim signa, quæ maximè rationi, & naturæ est consentanea. Linquo alias rationes non minus concludentes, & efficaces, quas alij Astro nomi afferunt, ac præcipuè Clavius in Sphæram Io: de Sacrobosco. Quibus addiderim ego respectus ad Cardines mundi, atque omnium configurationum complexus, & habitus ad inuicem e locis idoneis.

Verùm, vnum hic præterire, haud equidem sine supinitate foret: nempe mirum non esse, si quæ de signis Zodiaci Antiqui scripsere, iam nunc veritati minùs respondeant. Etenim cùm illi Signorum naturam ab stellarum fixarum in ijs comprehensarum qualitacibus, & virtutibus sæpiùs obseruatis auspicati fuerint, existimantes illas esse fixas, & immobiles sub dictis signis, atque adeo vniens significata pura signorum, accepta à longè, & propè fieri ad puncta Cardinalia, cum Stellarum ex se præcisè consideratarum natura; consequenter in recessu octauæ Sphæræ à Primo Mobili, multoties non concordant amborum significationes, nec sibi respondent effec- 



quæ iam variantibus causis, variari necesse est. Quare prudens Astronomus antequam super cælesti quadam constitutione ex Ptolemaei, & Antiquorum datis præceptis, & aphorismis iudicium proferat, attendere debet Stellarum præsentis positus sub talibus, & talibus signis, num in significatis conueniant, aut discrepent; ac facto diligenti scrutinio, de resultantibus inde effectibus pronuntiare.

- 24 ZONAE à Geographis pariter, ac Astronomis, dictæ sunt partitiones quædam & spatia in primo mobili, & in terrestri globo concepta, ac circulis minoribus definita, quæ à Polo ad Polum vniuersum cæli ambitum, proindeque terræ directè illi suppositæ, veluti fasciæ equaliter extensæ complectuntur, & in quinque plagas dispescunt. *Maculas* appellat Cicero in *Somnio Scipionis*: Alij *Oras*, & *Cingulos*, sed communiter, *Zonas*. Hæ autem, vt dixi, formantur, ac distinguuntur à quatuor Circulis minoribus conceptis in Sphæra, parallelis ad Aequatorem, quorum duo maiores formantur à Tropiciis equidistantibus hincinde ab illo, grad. 23. cum dimidio, quanta videlicet est maxima Solis declinatio; duo alij his adhuc minores à polis Zodiaci hincinde, per idem spatium distantes à Polis Mundi, qui Circuli Polares dicti sunt: itaut quælibet Zona sit semper eiusdem latitudinis à Borea ad Austrum, vnde cumque illam concipias, sed non paris longitudinis, seu amplitudinis ab ortu in occasum, cumque intrâ circulos polares comprehenduntur, omnium minimæ sint, & intra spatium prædictorum 23. 30. graduum conclusæ, quæ à tropiciis definiuntur maximæ, & ampliores, utpotè quæ duplum continent, & grad. 47. circulisque maioribus concluduntur: reliquæ verò duæ, quæ intermediant, singulæ continent grad. 43. ac proinde omnes simul hincinde ad Aequatorem compleant totum quadrantem grad. 90. Ex his duæ polares sunt minimæ, & frigidissimæ, ob magnam solis distantiam, & radiorum eius obliquitatem: duæ item maiores, ac temperatæ, quæ interponuntur inter alterum tropicum, & circulum arcticum, vel antarcticum, & quinta amplissima, & exæstians, ob continuam solis præsentiam incendentis à Tropico ad tropicum, ac proinde complectens etiam circulum maximum æquinoctialem, quæ idcirco dicta est *Torrida*, & tractus terræ illi subiectus creditus ab Antiquis inhabitabilis ob nimium æstum. Vnde Virgilius 1. Georgic.

*Quinque tenent Calum Zonæ; quarum una cornusco  
Semper Sole rubens, & torrida semper ab igne:  
Quam circum extrema dextrâ laudæque trahuntur*

*Carulea glacie concreta, atque imbris atris.  
Has inter, mediamque dua Mortalibus agris  
Munere concessa Diuum.*

Verum experientia postmodum patefecit, omnem terræ tractum, 25  
omnemque Zonam esse probè habitabilem, & æquè ab hominibus  
cultam: cum & Zona, quam dicunt torridam, magnam partem am-  
plissimas, & cultissimas Asiæ, Africæ, & Americæ prouincias com-  
plectatur, in quibus frequentissimæ vrbes, & oppida, & infinita,  
propemodum hominum multitudo commoratur, & vitam trahunt  
nedum commodam, sed & iucundam, maximè sub Aequatore. De  
quibus locis mira referunt Mercatores, & Missionarij nostri, qui illuc  
quotidiè vadunt, vel mercimonij causa, vel ad comparandum lu-  
crum Animarum, atque ad nos remeant cum magno fœnore.

Similiter quoad regiones Polis subiectas refert Plinius lib. 4. cap. 26  
12. esse inibi summam aëris temperiem, solique vbertatem. Nam  
*non alibi, inquit, quam in semestri luce constituere eos; severe matutinis,  
meridie metere, occidente Sole satus arborum decerpere, noctibus in spe-  
cus condi tradiderunt.* Quod tamen, siue per iocum (vt existimat  
Dalechampius) siue per hyperbolam, ab homine satis credulo, ac  
dubix vtplurimum fidei, dictum crediderim; cum Bataui ad eas  
oras, transactio sæculo, nauigantes, nonnisi ad vsque 75. grad. eleua-  
tionis Poli peruenire potuerint, & horrenda tetulerint de eorum lo-  
corum frigiditate, quæ concretum gelu mare, vltèriùs progredi non  
permiserit. Attamen, si res benè perpendatur, ratione colligi po-  
test, non esse inibi frigus adeò intolerandum, vt, si non commo-  
dè, saltem vtcumque, homines aliàs climati assuetos, benè morari,  
& longam vitam trahere possint. Etenim, etsi in ijs locis, duorum,  
trium, vel etiam plurium mensium, (quò magis ad Polum acce-  
dunt) spatio, Sol delitescat, nihilominus, totidem, & eò amplius  
in æstate suprà terram consistit, nunquam occidens, sed in gyrum  
se ferens, vnde & Periscij, quasi contra-vmbræ, accolæ audiunt,  
quod ijs vmbra corporis per gyrum voluatur. Quò fit, vt ex diutur-  
na Solis consistentia in superiore hemisphærio, eius radijs etsi obli-  
quis, continuis tamen, & nunquam intermittentibus, fota tellus, &  
aër, non ità intensum toto anno concipiant frigus, cum & in æsta-  
te ob iugem solis moram suprà terram caleat, & in hyeme ob ni-  
miam horizontis obliquitatem, Solem habeat horizonti propin-  
quum, & ferè semper in crepusculis commorantem: vnde nusquam  
obscuram noctem, nusquam intolerabile frigus, quod non iugi so-  
lis consistentia temperetur.

Vbi quidem magnum nobis Diuinæ Sapientiæ ac Prouidentie in 27

vniuersi Orbis architectatione commendandæ, argumentum suppetit, cum nulla sit eius pars, quæ non sit prouidè instituta, & ad commodè inhabitandum facta. Nam in Zona torrida æstus immoderantiam refringunt aquæ, vel è cælo cadentes vbi sol sit verticalis, vel è terra scaturientes, quæ in amplissimos amnes adunantur, vniuersam eius superficiem irrigantes, tum æqua dierum, ac noctium vicissitudo, quæ sit, vt sol non plus suprâ terram stet, quam sub terra; atque adeò non valeat illam diu suis radijs percutere, & inflammare, sed cursim permeet, & quantum caloris immittit in die, tantundem remittat in nocte per frigus insurgens; quod vt superet, & æreni excalefaciat, multum temporis insumi debet, (vt in simili observamus in clibano) nec prius vires acquirat calor, Sole culmen tenente, quin mox languescat, ipso ad occasum vergente: vnde, perhibent, sub Aequatore magnam temperiem esse, & homines inibi nasci albos, cum aliàs sub tropicis, nigros.

In frigidis verò regionibus eadem ratio, sed sub contrarijs considerationibus militat; enimuerò iugis Solis consistentia suprâ terram multum adimit innatæ frigiditatis, & noctu in specubus habitantes teporem experiuntur, ob antiperistasis ab intenso frigore circumambiente, vti nos probamus contraria vice in æstate, in magnis caloribus, in locis subterraneis tantundem frigoris sentientes. Quocirca nulla est prouincia, nullus terræ angulus adeò natura inhospitus, & remotus, quin possint in eo homines commodè habitare; ac Diuina munificentia frui.

- 28 ZOPHORVS in opere Architectonico est pars illa in Trabeatione, seu suprema Coronice alicuius nobilis ædificij, quæ principem in ea locum occupat, & cæteris amplior ac patentior, vniuersi operis maiestatem, auget & complet. Etenim cum tota Trabeatio in sublimi sit, & satis conspicua, finem operi imponat, & tecto immediatè subiaceat; æquum erat, vt omnis Archirecturæ conatus in ea probè constituenda insumeretur; ac propterea non tam firmitudinis, & consistentiæ ratio potissimè haberetur, quam decoris, & venustatis. Idcirco in omni structuræ ordine vel simplici, & Tuscanico admissa est, & in suo genere cæteris partibus cultior, & ornatior. Nunc autem tota coronix, vt perfectâ sit, tribus membris constare debet, Epistylío strictè sumpto, quod signatè illam partem appellat, quæ immediate columnis seu arcubus columnationum insistit, quam nostri Architrabem nominant; Coronâ, quæ opus claudit, ac tectum sustinet, exceptamque pluuiam foris proijcit; & Zophoro his intermedio, qui latius, & liberius excurrent, totius trabeationis

nis est regula, dignior pars, & complementum; vtiue huic is debebatur locus, qui dignitati & officio responderet, eiusque præmientiam ostentaret. Vnde perinde est in ædificij fronte, ac Rex in suo throno magnificè constitutus, habens hinc subtrabem quasi scabellum, duabus vel tribus tenijs foras proflientibus, veluti gradibus interstinctum; inde desuper coronam porrectam quasi umbellam illum ab iniurijs contegentem, ac thronum simul maiestate, complementem, venerationemque (vt ita dicam) conciliantem, vt propterea non immeritò hanc præcipuam Coronicis partem, Leo Albertus Fasciam Regiam appellarit. Nostrates communiter *Fregium* vocant, quod ornamentum sonat. At Græci ampliore vocabulo Zophoron, ex insculptarum imaginum varietate. Sed non inepte Terrestrem Zodiacum, quis diceret, ad Cælestis normam exactum, & sideribus insignitum: quandoquidem reipsa, omnis terrena constructio, vt author est Vitruuius, ad Cælestis machinæ similitudinem consurgere debet, atque Architecturæ prototypum imitari. Ne quæso, me quis nimium in Zophori laudibus dixerit, atque hyperbolicis exaggerationibus velle finem Operis coronare. Audiat quæ grauissimum alioqui Scriptor & ad alia intentus, vt pote sacri Eloquij Cômensor, de Zophori dignitate protulerit, in cum obiter incidens. Is est Io: Bapt. Villalpandus in Ezechielem Prophetam, qui tomo 2. cap. 18. Templi Hierosolymitani à Salomone erecti mirabilem architecturam expendens, vbi ad Zophorum venit, hæc habet: *Ecce nunc aggredimur translationem de mirabili Zophori symmetria: quâ in re cupere quidem Rethorum omnium in dicendo peritiam, orationis vim, verborum efficacitatem, sententiarum copiam, & affluentiam; qua vel aliqua parte studio cuique, tot tantæque operis huius admirabilis ornamenta significarem; ex quibus pateret quam perfectam inieritrationem Salomon architectandi, & quam hæc infinitis penè partibus omne aliud architectandi genus excellat, quod vnum Dei Opt. Max. sapientiam aliqua ex parte significare posset.* Et post pauca, quibus illum, tanquam vnicum, ac singulare architecturæ ornamentum commendare nititur, hæc addit. *Sed frustra conor assequi dicendo, quod exercitissimus quisque non posset. Expedire magis censi ab omni abstinere; vt ipsa veritatis, & artificij pulchritudo ab omni ornamentorum colore destituta, seipsam prodar.* Hæc Villalpandus. Ergò eius exemplo, relictis eloquentiæ phaleris, rem simpliciter, vt in se est, architectonicè prosequamur. Itaque Zophorus est pars illa media trabeationis, quæ illam animat, & vt dixi, in omni architecturæ Ordine reperitur, Tuscanico nempe seu antiquo, Dorico, Ionico, Corinthio, & Composito; sed pro cuiusque ordinis conditio-



ditione, & qualitate magis, aut minus conspicua, & ornata. In Tuscano, utpote solidiore, & rudiore, simplex & plana. In Ionico, molliter tumens, modò simplex, modò lanreis folijs simul colligatis, intexta. In Dorico latius incedens, ac metopis, & triglyphis alternatim positis interstincta; & hi quidem representare, habent tignorum capita prominentia, quæ tectum, & stillicidia sustinent; illæ verò referunt spatia interiecta, quæ tabulis operiebantur, in quibus, ne omninò vacua relinquerentur, ab initio ex Ethnicorum more, depicta vel insculpta erant alternatim taurorum crania, disci, vrceoli, & alia quæ sacrificijs celebrandis inferuire poterant; at in Templo Hierosolymitano, horum loco effungebantur Cherubinatorum capita, vel quatuor Animalium mysticorum, quorum visio Ezechielis facta fuit. In reliquis duobus ordinibus, quoniam in ornatu, & varietate omnis ratio insistebat; omnia sculpturarum genera, quæ aspectui grata forent, absque discrimine ad mittebantur, animalia excurrentia, flores, poma, encarpia, vestes, instrumenta bellica, donique quidquid in mentem architectoris veniret, & operi, quod moliebatur congrueret; ut patet in antiquorum monumentis, quorum pretiosa quæque è toto fere Orbe collecta sunt, & à Constantino Magno pijsimo Imperatore exedificandarum sacrarum Basilicarum studiosissimo, ad celerem earum structuram religiosissimè applicata, quibus potissimùm adornatur Basilica S. Laurentij extrà muros, ubi non ordine quidem, & symmetria, sed magnificentia, singularitate, ac perfectione artis, congestum videas quidquid vnquam Græcorum, Latinorumue vetus Architectura enixa fuerit, & edax tenipus ad imitandum reliquerit: ut proinde in hoc vno Templo instructissimum vetustatis Musæum Pictores, Sculptores, & Architecti, vnde suorum operum lineamenta desumant, & in sua quisque facultate perficiatur. Ex his, regulas partiumque proportionem auspicati sunt, qui Architecturæ vniuersalis præcepta tradidere, Vitruuius, Philander, Barbarus, ac præsertim Vignola: qui modo, quod ad Zophorum attinet, dixere, eius altitudinem debere sibi assumere decem, & octo partes è quadraginta, quinque, quæ totam trabeationem complent: latitudinem posuerunt tantam, quanta est Epistylj substrati crassitudo, quæ in Corinthijs, & Compositis fit aliquantò latior quotiescumque ornatur, ut ampliorem campum habent exspatiando. Benè verò obseruatum est, in operibus maximis, antiquos consueuisse relinquere Zophorum planum, & simplicem absque vlla sculptura, ubi multa simul, & diuersa ornamenta in coronam refuderunt, ut puta mutulos, cymatium lesbium, denticulos, veticillos, &c. ut videre est Romæ in  
par-

parte Architrabis adhuc stantis erecti supra tres columnas ad Forum Boarium iuxta Templum S. Mariæ Liberatricis, quæ sunt reliquæ Templi Iouis Statoris, ex quibus licet conijcere magnificentiam illius operis in quod omnes compositi ordinis lepores, & venustates coadunavit Architectus seu sculptor; at Zophorum ex industria planum, & liberè excurrentem reliquit; idque meo iudicio, ne multitudo ornamentorum ex alto aspectum confunderet, turbaretque quando Zophori interposita simplex excursio partes probè displiceret, & vnâ ab altera segregaret. Id quod videmus etiam in magnis fragmentis Palatii Neroniani in Columnensium hortis Quirinalibus extantibus, quæ iure dixeris artis miracula, licet abiecta, & à paucis tantummodo intellecta. Sed præstat hic singulorum ordinum trabeationis specimen reddere; vbi quæ hætenus, & alibi sparsim de partibus illam componentibus diximus, possit curiosus Lector oculis inspicere, & mente iucundiùs contemplari.


Epistilium Ionicum



Epistilium Doricum



Epistilium Tuscanum



Epistilium Compositum



Epistilium Ionicum cum pulvino



Epistilium Corinthium



Cab se

Atque



Atque hic sistat calamus ; & Zophorus ; qui , ut itorius Trabeationis nobillior pars est , ipsaque Trabeatio ædificij laus , & complementum ; sit etiam susceptæ à nobis operæ terminus , & Coronis . Etenim cuique solemne est , laboris finem attendere , & à Fine , Operis pretium auspicari , iuxta illud : *FINIS CORONAT OPVS* .

Ast mihi auspicarius erit , *CORONA* Operi finem imponere , metanque assequi optato fine conditionem . Ut proinde meritò Zophorus Architectonici Operis summum Decus , & Honor , sit totius *Mathematicæ* illius *Excursionis* .

META  
CORONAMENTVM,  
Et

F I N I S .

## Præmonitio ad Lectorem.

**S**ummà adhibità diligentia, euitari haud potuit, quin aliquot sphalmata irrepperint, quæ oculatissimi alioqui Correctoris aciem effugerunt; sed æquo animo ferendum, quòd pauca admodùm sint, eaque leuissima; quæ sensum non immutant, nec turbant, si vnum, aut alterum excipias. Hæc calamus emendabit: Cætera, præsertim interpunctionum, aut vnius literulæ in aliam consimilem transmutationis, Lectoris discretio excusabit. Neque enim vacat eorum indicem hîc attexere.





